

MISSALE ROMANUM
CUM LECTIONIBUS



MISSALE ROMANUM CUM LECTIONIBUS

EX DECRETO SACROSANCTI ŒCUMENICI
CONCILII VATICANI II INSTAURATUM
AUCTORITATE PAULI PP. VI PROMULGATUM

IV

TEMPUS PER ANNUM :
HEBDOMADÆ XXII-XXXIV



EDITIO IUXTA TYPICAM ALTERAM

LIBRERIA EDITRICE VATICANA
MCMLXXVII

Revisione rite peracta, concordat
cum originali adprobato.

E Vicariatu Civitatis Vaticanæ, die 21 novembris 1975.

✠ Petrus Canisius van Lierde, Vic. Gen.

CALENDARIUM ROMANUM GENERALE

IANUARIUS

A	Cal.	1	In octava Nativitatis. SOLLEMNITAS SANCTÆ DEI GENETRICIS MARIÆ	Sollemnitas
b	IV	2	Ss. Basilii Magni et Gregorii Nazianzeni, episcoporum et Ecclesiæ doctorum	Memoria
c	III	3		
d	Prid.	4		
e	Non.	5		
f	VIII	6	IN EPIPHANIA DOMINI	Sollemnitas
g	VII	7	<i>S. Raimundi de Penyafort, presbyteri *</i>	
A	VI	8		
b	V	9		
c	IV	10		
d	III	11		
e	Prid.	12		
f	Idib.	13	<i>S. Hilarii, episcopi et Ecclesiæ doctoris</i>	
g	XIX	14		
A	XVIII	15		
b	XVII	16		
c	XVI	17	<i>S. Antonii abbatis</i>	Memoria
d	XV	18		
e	XIV	19		
f	XIII	20	<i>S. Fabiani, papæ et martyris</i> <i>S. Sebastiani, martyris</i>	
g	XII	21	<i>S. Agnetis, virginis et martyris</i>	Memoria
A	XI	22	<i>S. Vincentii, diaconi et martyris</i>	
b	X	23		
c	IX	24	<i>S. Francisci de Sales, episcopi et Ecclesiæ doctoris</i>	Memoria
d	VIII	25	IN CONVERSIONE S. PAULI, APOSTOLI	Festum
e	VII	26	Ss. Timothei et Titi, episcoporum	Memoria
f	VI	27	<i>S. Angelæ Merici, virginis</i>	
g	V	28	<i>S. Thomæ de Aquino, presbyteri et Ecclesiæ doctoris</i>	Memoria
A	IV	29		
b	III	30		
c	Prid.	31	<i>S. Ioannis Bosco, presbyteri</i>	Memoria
Dominica post diem 6 ianuarii: IN BAPTISMATE DOMINI				Festum

* Quando non indicatur gradus celebrationis, fit Memoria ad libitum.

FEBRUARIUS

d	Cal.	1		
e	IV	2	IN PRÆSENTATIONE DOMINI	Festum
f	III	3	<i>S. Blasii, episcopi et martyris</i> <i>S. Ansgarii, episcopi</i>	
g	Prid.	4		
A	Non.	5	<i>S. Agathæ, virginis et martyris</i>	Memoria
b	VIII	6	<i>Ss. Pauli Miki et sociorum, martyrum</i>	Memoria
c	VII	7		
d	VI	8	<i>S. Hieronymi Emiliani</i>	
e	V	9		
f	IV	10	<i>S. Scholasticæ, virginis</i>	Memoria
g	III	11	<i>B. Mariæ Virginis de Lourdes</i>	
A	Prid.	12		
b	Idib.	13		
c	XVI	14	<i>Ss. Cyrilli, monachi, et Methodii, episcopi</i>	Memoria
d	XV	15		
e	XIV	16		
f	XIII	17	<i>Ss. Septem Fundatorum Ordinis Servorum</i> <i>B. M. V.</i>	
g	XII	18		
A	XI	19		
b	X	20		
c	IX	21	<i>S. Petri Damiani, episcopi et Ecclesiæ doctoris</i>	
d	VIII	22	CATHEDRÆ S. PETRI, APOSTOLI	Festum
e	VII	23	<i>S. Polycarpi, episcopi et martyris</i>	Memoria
f	VI	24		
g	V	25		
A	IV	26		
b	III	27		
c	Prid.	28		

MARTIUS

d	Cal.	1		
e	VI	2		
f	V	3		
g	IV	4	<i>S. Casimiri</i>	
A	III	5		
b	Prid.	6		
c	Non.	7	Ss. Perpetuæ et Felicitatis, martyrum	Memoria
d	VIII	8	<i>S. Ioannis a Deo, religiosi</i>	
e	VII	9	<i>S. Franciscæ Romanæ, religiosæ</i>	
f	VI	10		
g	V	11		
A	IV	12		
b	III	13		
c	Prid.	14		
d	Idib.	15		
e	XVII	16		
f	XVI	17	<i>S. Patricii, episcopi</i>	
g	XV	18	<i>S. Cyrilli Hierosolymitani, episcopi et Ecclesiæ doctoris</i>	
A	XIV	19	S. IOSEPH, SPONSI B. M. V.	Sollemnitas
b	XIII	20		
c	XII	21		
d	XI	22		
e	X	23	<i>S. Turibii de Mogrovejo, episcopi</i>	
f	IX	24		
g	VIII	25	IN ANNUNTIATIONE DOMINI	Sollemnitas
A	VII	26		
b	VI	27		
c	V	28		
d	IV	29		
e	III	30		
f	Prid.	31		

APRILIS

g	Cal.	1		
A	IV	2	<i>S. Francisci de Paola, eremitæ</i>	
b	III	3		
c	Prid.	4	<i>S. Isidori, episcopi et Ecclesiæ doctoris</i>	
d	Non.	5	<i>S. Vincentii Ferrer, presbyteri</i>	
e	VIII	6		
f	VII	7	<i>S. Ioannis Baptistæ de la Salle, presbyteri</i>	Memoria
g	VI	8		
A	V	9		
b	IV	10		
c	III	11	<i>S. Stanislai, episcopi et martyris</i>	
d	Prid.	12		
e	Idib.	13	<i>S. Martini I, papæ et martyris</i>	
f	XVIII	14		
g	XVII	15		
A	XVI	16		
b	XV	17		
c	XIV	18		
d	XIII	19		
e	XII	20		
f	XI	21	<i>S. Anselmi, episcopi et Ecclesiæ doctoris</i>	
g	X	22		
A	IX	23	<i>S. Georgii, martyris</i>	
b	VIII	24	<i>S. Fidelis de Sigmaringen, presbyteri et martyris</i>	
c	VII	25	<i>S. MARCI, EVANGELISTÆ</i>	Festum
d	VI	26		
e	V	27		
f	IV	28	<i>S. Petri Chanel, presbyteri et martyris</i>	
g	III	29	<i>S. Catharinæ Senensis, virginis et Ecclesiæ doctoris</i>	Memoria
A	Prid.	30	<i>S. Pii V, papæ</i>	

MAIUS

b	Cal.	1	<i>S. Ioseph Opificis</i>	
c	VI	2	<i>S. Athanasii, episcopi et Ecclesiæ doctoris</i>	Memoria
d	V	3	SS. PHILIPPI ET IACOBI, APOSTOLORUM	Festum
e	IV	4		
f	III	5		
g	Prid.	6		
A	Non.	7		
b	VIII	8		
c	VII	9		
d	VI	10		
e	V	11		
f	IV	12	<i>Ss. Nerei et Achillei, martyrum</i> <i>S. Pancratii, martyris</i>	
g	III	13		
A	Prid.	14	<i>S. MATTHIÆ, APOSTOLI</i>	Festum
b	Idib.	15		
c	XVII	16		
d	XVI	17		
e	XV	18	<i>S. Ioannis I, papæ et martyris</i>	
f	XIV	19		
g	XIII	20	<i>S. Bernardini Senensis, presbyteri</i>	
A	XII	21		
b	XI	22		
c	X	23		
d	IX	24		
e	VIII	25	<i>S. Bedæ Venerabilis, presbyteri et Ecclesiæ doctoris</i> <i>S. Gregorii VII, papæ</i> <i>S. Mariæ Magdalenæ de' Pazzi, virginis</i>	
f	VII	26	<i>S. Philippi Neri, presbyteri</i>	Memoria
g	VI	27	<i>S. Augustini Cantuariensis, episcopi</i>	
A	V	28		
b	IV	29		
c	III	30		
d	Prid.	31	IN VISITATIONE B. MARIÆ VIRGINIS	Festum

Dominica prima post Pentecosten:

SS.MÆ TRINITATIS

Sollemnitas

Feria V post Ss.mam Trinitatem:

SS.MI CORPORIS ET SANGUINIS CHRISTI

Sollemnitas

IUNIUS

e	Cal.	1	S. Iustini, martyris	Memoria
f	IV	2	Ss. Marcellini et Petri, martyrum	
g	III	3	Ss. Caroli Lwanga et sociorum, martyrum	Memoria
A	Prid.	4		
b	Non.	5	S. Bonifatii, episcopi et martyris	Memoria
c	VIII	6	S. Norberti, episcopi	
d	VII	7		
e	VI	8		
f	V	9	S. Ephræm, diaconi et Ecclesiæ doctoris	
g	IV	10		
A	III	11	S. Barnabæ, apostoli	Memoria
b	Prid.	12		
c	Idib.	13	S. Antonii de Padova, presbyteri et Ecclesiæ doctoris	Memoria
d	XVIII	14		
e	XVII	15		
f	XVI	16		
g	XV	17		
A	XIV	18		
b	XIII	19	S. Romualdi, abbatis	
c	XII	20		
d	XI	21	S. Aloisii Gonzaga, religiosi	Memoria
e	X	22	S. Paulini Nolani, episcopi Ss. Ioannis Fisher, episcopi, et Thomæ More, martyrum	
f	IX	23		
g	VIII	24	IN NATIVITATE S. IOANNIS BAPTISTÆ	Sollemnitas
A	VII	25		
b	VI	26		
c	V	27	S. Cyrilli Alexandrini, episcopi et Ecclesiæ doctoris	
d	IV	28	S. Irenæi, episcopi et martyris	Memoria
e	III	29	SS. PETRI ET PAULI, APOSTOLORUM	Sollemnitas
f	Prid.	30	Ss. Protomartyrum S. Romanæ Ecclesiæ	

Feria VI post dominicam secundam post Pentecosten:

SACRATISSIMI CORDIS IESU

Sollemnitas

Sabbato post dominicam secundam post Pentecosten:

Immaculati Cordis B. Mariæ Virginis

IULIUS

g	Cal.	1		
A	VI	2		
b	V	3	S. THOMÆ, APOSTOLI	Festum
c	IV	4	S. Elisabeth Lusitaniæ	
d	III	5	S. Antonii Mariæ Zaccaria, presbyteri	
e	Prid.	6	S. Mariæ Goretti, virginis et martyris	
f	Non.	7		
g	VIII	8		
A	VII	9		
b	VI	10		
c	V	11	S. Benedicti, abbatis	Memoria
d	IV	12		
e	III	13	S. Henrici	
f	Prid.	14	S. Camilli de Lellis, presbyteri	
g	Idib.	15	S. Bonaventuræ, episcopi et Ecclesiæ doctoris	Memoria
A	XVII	16	B. Mariæ Virginis de Monte Carmelo	
b	XVI	17		
c	XV	18		
d	XIV	19		
e	XIII	20		
f	XII	21	S. Laurentii de Brindisi, presbyteri et Ecclesiæ doctoris	
g	XI	22	S. Mariæ Magdalenæ	Memoria
A	X	23	S. Birgittæ, religiosæ	
b	IX	24		
c	VIII	25	S. IACOBI, APOSTOLI	Festum
d	VII	26	Ss. Ioachim et Annæ, parentum B. M. V.	Memoria
e	VI	27		
f	V	28		
g	IV	29	S. Marthæ	Memoria
A	III	30	S. Petri Chrysologi, episcopi et Ecclesiæ doctoris	
b	Prid.	31	S. Ignatii de Loyola, presbyteri	Memoria

AUGUSTUS

c	Cal.	1	S. Alfonsi Mariæ de' Liguori, episcopi et Ecclesiæ doctoris	Memoria
d	IV	2	S. Eusebii Vercellensis, episcopi	
e	III	3		
f	Prid.	4	S. Ioannis Mariæ Vianney, presbyteri	Memoria
g	Non.	5	In Dedicatione basilicæ S. Mariæ	
A	VIII	6	IN TRANSFIGURATIONE DOMINI	Festum
b	VII	7	Ss. Xysti II, papæ, et sociorum, martyrum S. Caietani, presbyteri	
c	VI	8	S. Dominici, presbyteri	Memoria
d	V	9		
e	IV	10	S. LAURENTII, DIACONI ET MARTYRIS	Festum
f	III	11	S. Claræ, virginis	Memoria
g	Prid.	12		
A	Idib.	13	Ss. Pontiani, papæ, et Hippolyti, presbyteri, martyrum	
b	XIX	14		
c	XVIII	15	IN ASSUMPTIONE BEATÆ MARIÆ VIR- GINIS	Sollemnitas
d	XVII	16	S. Stephani Hungariæ	
e	XVI	17		
f	XV	18		
g	XIV	19	S. Ioannis Eudes, presbyteri	
A	XIII	20	S. Bernardi, abbatis et Ecclesiæ doctoris	Memoria
b	XII	21	S. Pii X, papæ	Memoria
c	XI	22	B. Mariæ Virginis Reginæ	Memoria
d	X	23	S. Rosæ de Lima, virginis	
e	IX	24	S. BARTHOLOMÆI, APOSTOLI	Festum
f	VIII	25	S. Ludovici S. Ioseph de Calasanz, presbyteri	
g	VII	26		
A	VI	27	S. Monicæ	Memoria
b	V	28	S. Augustini, episcopi et Ecclesiæ doctoris	Memoria
c	IV	29	In Passione S. Ioannis Baptistæ, martyris	Memoria
d	III	30		
e	Prid.	31		

SEPTEMBER

f	Cal.	1			
g	IV	2			
A	III	3	S. Gregorii Magni, papæ et Ecclesiæ doctoris	Memoria	
b	Prid.	4			
c	Non.	5			
d	VIII	6			
e	VII	7			
f	VI	8	IN NATIVITATE B. MARIE VIRGINIS	Festum	
g	V	9			
A	IV	10			
b	III	11			
c	Prid.	12			
d	Idib.	13	S. Ioannis Chrysostomi, episcopi et Ecclesiæ doctoris	Memoria	
e	XVIII	14	IN EXALTATIONE SANCTÆ CRUCIS	Festum	
f	XVII	15	B. Mariæ Virginis Perdolentis	Memoria	
g	XVI	16	Ss. Cornelii, papæ, et Cypriani, episcopi, martyrum	Memoria	
A	XV	17	S. Roberti Bellarmino, episcopi et Ecclesiæ doctoris		
b	XIV	18			
c	XIII	19	S. Ianuarii, episcopi et martyris		
d	XII	20			
e	XI	21	S. MATTHÆI, APOSTOLI ET EVANGELISTÆ	Festum	
f	X	22			
g	IX	23			
A	VIII	24			
b	VII	25			
c	VI	26	Ss. Cosmæ et Damiani, martyrum		
d	V	27	S. Vincentii de Paul, presbyteri	Memoria	
e	IV	28	S. Venceslai, martyris		
f	III	29	Ss. MICHAELIS, GABRIELIS ET RAPHAELIS, ARCHANGELORUM	Festum	
g	Prid.	30	S. Hieronymi, presbyteri et Ecclesiæ doctoris	Memoria	

OCTOBER

A	Cal.	1	S. Teresiæ a Iesu Infante, virginis	Memoria
b	VI	2	Ss. Angelorum Custodum	Memoria
c	V	3		
d	IV	4	S. Francisci Assisiensis	Memoria
e	III	5		
f	Prid.	6	S. Brunonis, presbyteri	
g	Non.	7	B. Mariæ Virginis a Rosario	Memoria
A	VIII	8		
b	VII	9	Ss. Dionysii, episcopi, et sociorum, martyrum S. Ioannis Leonardi, presbyteri	
c	VI	10		
d	V	11		
e	IV	12		
f	III	13		
g	Prid.	14	S. Callisti I, papæ et martyris	
A	Idib.	15	S. Teresiæ de Avila, virginis et Ecclesiæ doctoris	Memoria
b	XVII	16	S. Hedvigis, religiosæ S. Margaritæ Mariæ Alacoque, virginis	
c	XVI	17	S. Ignatii Antiocheni, episcopi et martyris	Memoria
d	XV	18	S. LUCÆ, EVANGELISTÆ	Festum
e	XIV	19	Ss. Ioannis de Brébeuf et Isaac Jogues, pres- byterorum, et sociorum, martyrum S. Pauli a Cruce, presbyteri	
f	XIII	20		
g	XII	21		
A	XI	22		
b	X	23	S. Ioannis de Capestrano, presbyteri	
c	IX	24	S. Antonii Mariæ Claret, episcopi	
d	VIII	25		
e	VII	26		
f	VI	27		
g	V	28	Ss. SIMONIS ET IUDÆ, APOSTOLORUM	Festum
A	IV	29		
b	III	30		
c	Prid.	31		

NOVEMBER

d	Cal.	1	OMNIUM SANCTORUM	Sollemnitas
e	IV	2	IN COMMEMORATIONE OMNIUM FIDELIUM DEFUNCTORUM	
f	III	3	<i>S. Martini de Porres, religiosi</i>	
g	Prid.	4	S. Caroli Borromeo, episcopi	Memoria
A	Non.	5		
b	VIII	6		
c	VII	7		
d	VI	8		
e	V	9	IN DEDICATIONE BASILICÆ LATERANENSIS	Festum
f	IV	10	S. Leonis Magni, papæ et Ecclesiæ doctoris	Memoria
g	III	11	S. Martini Turonensis, episcopi	Memoria
A	Prid.	12	S. Iosaphat, episcopi et martyris	Memoria
b	Idib.	13		
c	XVIII	14		
d	XVII	15	<i>S. Alberti Magni, episcopi et Ecclesiæ doctoris</i>	
e	XVI	16	<i>S. Margaritæ Scotiæ</i> <i>S. Gertrudis, virginis</i>	
f	XV	17	S. Elisabeth Hungariæ, religiosæ	Memoria
g	XIV	18	<i>In Dedicatione basilicarum Ss. Petri et Pauli, apostolorum</i>	
A	XIII	19		
b	XII	20		
c	XI	21	In Præsentatione B. Mariæ Virginis	Memoria
d	X	22	S. Cæciliæ, virginis et martyris	Memoria
e	IX	23	<i>S. Clementis I, papæ et martyris</i> <i>S. Columbani, abbatis</i>	
f	VIII	24		
g	VII	25		
A	VI	26		
b	V	27		
c	IV	28		
d	III	29		
e	Prid.	30	S. ANDRÆ, APOSTOLI	Festum

Dominica ultima « per annum »:

D. N. I. C. UNIVERSORUM REGIS Sollemnitas

DECEMBER

f	Cal.	1		
g	IV	2		
A	III	3	S. Francisci Xavier, presbyteri	Memoria
b	Prid.	4	S. Ioannis Damasceni, presbyteri et Ecclesiæ doctoris	
c	Non.	5		
d	VIII	6	S. Nicolai, episcopi	
e	VII	7	S. Ambrosii, episcopi et Ecclesiæ doctoris	Memoria
f	VI	8	IN CONCEPTIONE IMMACULATA BEA- TÆ MARIE VIRGINIS	Sollemnitas
g	V	9		
A	IV	10		
b	III	11	S. Damasi I, papæ	
c	Prid.	12	S. Ioannæ Franciscæ de Chantal, religiosæ	
d	Idib.	13	S. Lucie, virginis et martyris	Memoria
e	XIX	14	S. Ioannis a Cruce, presbyteri et Ecclesiæ doctoris	Memoria
f	XVIII	15		
g	XVII	16		
A	XVI	17		
b	XV	18		
c	XIV	19		
d	XIII	20		
e	XII	21	S. Petri Canisii, presbyteri et Ecclesiæ doctoris	
f	XI	22		
g	X	23	S. Ioannis de Kety, presbyteri	
A	IX	24		
b	VIII	25	IN NATIVITATE DOMINI	Sollemnitas
c	VII	26	S. STEPHANI, PROTOMARTYRIS	Festum
d	VI	27	S. IOANNIS, APOSTOLI ET EVANGELISTÆ	Festum
e	V	28	Ss. INNOCENTII, MARTYRUM	Festum
f	IV	29	S. Thomæ Becket, episcopi et martyris	
g	III	30		
A	Prid.	31	S. Silvestri I, papæ	

Dominica infra octavam Nativitatis, vel, ea deficiente,
die 30 decembris:

SANCTÆ FAMILIÆ IESU, MARIE ET IOSEPH Festum

TABULA
OMNIUM DOMINICARUM NECNON
SOLLEMNITATUM ET FESTORUM MOBILIIUM
AB ANNO 1975 USQUE AD ANNUM 1997

Tabula omnium dominicarum necnon sollemnitatum et

	1975 1986 1997	1976 (b)	1977	1978 1989	1979 1990	1980 (b)
Dom. 2^a p. Nat.	5 Ia.	4 Ia.	2 Ia.	—	—	—
Baptisma Dom. (c)	12 »	11 »	9 »	8 Ia.	7 Ia.	13 Ia.
Feria 4^a cinerum	12 Fe.	8 Mr.	28 Fe.	8 Fe.	28 Fe.	20 Fe.
Dom. 1^a Quadrag.	16 »	7 »	27 »	12 »	4 Mr.	24 »
» 2 ^a »	23 »	14 »	6 Mr.	19 »	11 »	2 Mr.
» 3 ^a »	2 Mr.	21 »	13 »	26 »	18 »	9 »
» 4 ^a »	9 »	28 »	20 »	5 Mr.	25 »	16 »
» 5 ^a »	16 »	4 Ap.	27 »	12 »	1 Ap.	23 »
Dom. in palmis	23 »	11 »	3 Ap.	19 »	8 »	30 »
DOM. RESURR.	30 »	18 »	10 »	26 »	15 »	6 Ap.
Dom. 2^a Paschæ	6 Ap.	25 »	17 »	2 Ap.	22 »	13 »
» 3 ^a »	13 »	2 M.	24 »	9 »	29 »	20 »
» 4 ^a »	20 »	9 »	1 M.	16 »	6 M.	27 »
» 5 ^a »	27 »	16 »	8 »	23 »	13 »	4 M.
» 6 ^a »	4 M.	23 »	15 »	30 »	20 »	11 »
Ascensio Domini	8 »	27 »	19 »	4 M.	24 »	15 »
Dom. 7^a Paschæ	11 »	30 »	22 »	7 »	27 »	18 »
Dom. Pentecostes	18 »	6 I.	29 »	14 »	3 I.	25 »
SS. Trinitatis	25 »	13 »	5 I.	21 »	10 »	1 I.
SS. Corp. et S. Chr.	29 »	17 »	9 »	25 »	14 »	5 »
SS. Cordis Iesu	6 I.	25 »	17 »	2 I.	22 »	13 »
Dom. 2^a per annum	19 Ia.	18 Ia.	16 Ia.	15 Ia.	14 Ia.	20 Ia.
» 3 ^a »	26 »	25 »	23 »	22 »	21 »	27 »
» 4 ^a »	2 Fe.	1 Fe.	30 »	29 »	28 »	3 Fe.
» 5 ^a »	9 »	8 »	6 Fe.	5 Fe.	4 Fe.	10 »
» 6 ^a »	—	15 »	13 »	14 M.	11 »	17 »
» 7 ^a »	18 M.	22 »	20 »	21 »	18 »	—
» 8 ^a »	25 »	29 »	—	28 »	25 »	25 M.
» 9 ^a »	1 I.	—	29 M.	4 I.	3 I.	1 I.

(a) Dominica litteris italicis impressa eo anno ab alia celebratione liturgica impeditur.

1981 1987	1982 1993	1983 1994	1984 (b)	1985	1988 (b)	1991	1992 (b)	1995	1996 (b)
4 Ia.	3 Ia.	2 Ia.	—	—	3 Ia.	—	5 Ia.	—	—
11 »	10 »	9 »	8 Ia.	13 Ia.	10 »	13 Ia.	12 »	8 Ia.	7 Ia.
4 Mr.	24 Fe.	16 Fe.	7 Mr.	20 Fe.	17 Fe.	13 Fe.	4 Mr.	1 Mr.	21 Fe.
8 »	28 »	20 Fe.	11 »	24 »	21 »	17 »	8 »	5 »	25 »
15 »	7 Mr.	27 »	18 »	3 Mr.	28 »	24 »	15 »	12 »	3 Mr.
22 »	14 »	6 Mr.	25 »	10 »	6 Mr.	3 Mr.	22 »	19 »	10 »
29 »	21 »	13 »	1 Ap.	17 »	13 »	10 »	29 »	26 »	17 »
5 Ap.	28 »	20 »	8 »	24 »	20 »	17 »	5 Ap.	2 Ap.	24 »
12 »	4 Ap.	27 »	15 »	31 »	27 »	24 »	12 »	9 »	31 »
19 »	11 »	3 Ap.	22 »	7 Ap.	3 Ap.	31 »	19 »	16 »	7 Ap.
26 »	18 »	10 »	29 »	14 »	10 »	7 Ap.	26 »	23 »	14 »
3 M.	25 »	17 »	6 M.	21 »	17 »	14 »	3 M.	30 »	21 »
10 »	2 M.	24 »	13 »	28 »	24 »	21 »	10 »	7 M.	28 »
17 »	9 »	1 M.	20 »	5 M.	1 M.	28 »	17 »	14 »	5 M.
24 »	16 »	8 »	27 »	12 »	8 »	5 M.	24 »	21 »	12 »
28 »	20 »	12 »	31 »	16 »	12 »	9 »	28 »	25 »	16 »
31 »	23 »	15 »	3 I.	19 »	15 »	12 »	31 »	28 »	19 »
7 I.	30 »	22 »	10 »	26 »	22 »	19 »	7 I.	4 I.	26 »
14 »	6 I.	29 »	17 »	2 I.	29 »	26 »	14 »	11 »	2 I.
18 »	10 »	2 I.	21 »	6 »	2 I.	30 »	18 »	15 »	6 »
26 »	18 »	10 »	29 »	14 »	10 »	7 I.	26 »	23 »	14 »
18 Ia.	17 Ia.	16 Ia.	15 Ia.	20 Ia.	17 Ia.	20 Ia.	19 Ia.	15 Ia.	14 Ia.
25 »	24 »	23 »	22 »	27 »	24 »	27 »	26 »	22 »	21 »
1 Fe.	31 »	30 »	29 »	3 Fe.	31 »	3 Fe.	2 Fe.	29 »	28 »
8 »	7 Fe.	6 Fe.	5 Fe.	10 »	7 Fe.	10 »	9 »	5 Fe.	4 Fe.
15 »	14 »	13 »	12 »	17 »	14 »	—	16 »	12 »	11 »
22 »	21 »	—	19 »	—	—	19 M.	23 »	19 »	18 »
1 Mr.	—	22 M.	26 »	26 M.	22 M.	26 »	1 Mr.	26 »	26 M.
—	30 M.	29 »	4 Mr.	2 I.	29 »	2 I.	—	4 I.	2 I.

Tabula omnium dominicarum necnon sollempnitatum

	1975 1986 1997	1976 (b)	1977	1978 1989	1979 1990	1980 (b)
Dom. 10^a per annum	8 I.	6 I.	5 I.	11 I.	10 I.	8 I.
» 11 ^a »	15 »	13 »	12 »	18 »	17 »	15 »
» 12 ^a »	22 »	20 »	19 »	25 »	24 »	22 »
» 13 ^a »	29 »	27 »	26 »	2 Iu.	1 Iu.	29 »
» 14 ^a »	6 Iu.	4 Iu.	3 Iu.	9 »	8 »	6 Iu.
» 15 ^a »	13 »	11 »	10 »	16 »	15 »	13 »
» 16 ^a »	20 »	18 »	17 »	23 »	22 »	20 »
» 17 ^a »	27 »	25 »	24 »	30 »	29 »	27 »
» 18 ^a »	3 Ag.	1 Ag.	31 »	6 Ag.	5 Ag.	3 Ag.
» 19 ^a »	10 »	8 »	7 Ag.	13 »	12 »	10 »
» 20 ^a »	17 »	15 »	14 »	20 »	19 »	17 »
» 21 ^a »	24 »	22 »	21 »	27 »	26 »	24 »
» 22 ^a »	31 »	29 »	28 »	3 St.	2 St.	31 »
» 23 ^a »	7 St.	5 St.	4 St.	10 »	9 »	7 St.
» 24 ^a »	14 »	12 »	11 »	17 »	16 »	14 »
» 25 ^a »	21 »	19 »	18 »	24 »	23 »	21 »
» 26 ^a »	28 »	26 »	25 »	1 Ot.	30 »	28 »
» 27 ^a »	5 Ot.	3 Ot.	2 Ot.	8 »	7 Ot.	5 Ot.
» 28 ^a »	12 »	10 »	9 »	15 »	14 »	12 »
» 29 ^a »	19 »	17 »	16 »	22 »	21 »	19 »
» 30 ^a »	26 »	24 »	23 »	29 »	28 »	26 »
» 31 ^a »	2 Nv.	31 »	30 »	5 Nv.	4 Nv.	2 Nv.
» 32 ^a »	9 »	7 Nv.	6 Nv.	12 »	11 »	9 »
» 33 ^a »	16 »	14 »	13 »	19 »	18 »	16 »
D.N.I.C. Regis (c)	23 »	21 »	20 »	26 »	25 »	23 »
Dom. 1^a Adventus	30 »	28 »	27 »	3 Dc.	2 Dc.	30 »
» 2 ^a »	7 Dc.	5 Dc.	4 Dc.	10 »	9 »	7 Dc.
» 3 ^a »	14 »	12 »	11 »	17 »	16 »	14 »
» 4 ^a »	21 »	19 »	18 »	24 »	23 »	21 »
S. Familiæ I.M.I.	28 »	26 »	30 »	31 »	30 »	28 »

(a) Dominica litteris italicis impressa eo anno ab alia celebratione liturgica impedita

istorum mobilium ab anno 1975 usque ad annum 1997 (a)

1981 1987	1982 1993	1983 1994	1984 (b)	1985	1988 (b)	1991	1992 (b)	1995	1996 (b)
7 I.	6 I.	5 I.	10 I.	9 I.	5 I.	9 I.	7 I.	11 I.	9 I.
14 "	13 "	12 "	17 "	16 "	12 "	16 "	14 "	18 "	16 "
21 "	20 "	19 "	24 "	23 "	19 "	23 "	21 "	25 "	23 "
28 "	27 "	26 "	1 Iu.	30 "	26 "	30 "	28 "	2 Iu.	30 "
5 Iu.	4 Iu.	3 Iu.	8 "	7 Iu.	3 Iu.	7 Iu.	5 Iu.	9 "	7 Iu.
12 "	11 "	10 "	15 "	14 "	10 "	14 "	12 "	16 "	14 "
19 "	18 "	17 "	22 "	21 "	17 "	21 "	19 "	23 "	21 "
26 "	25 "	24 "	29 "	28 "	24 "	28 "	26 "	30 "	28 "
2 Ag.	1 Ag.	31 "	5 Ag.	4 Ag.	31 "	4 Ag.	2 Ag.	6 Ag.	4 Ag.
9 "	8 "	7 Ag.	12 "	11 "	7 Ag.	11 "	9 "	13 "	11 "
16 "	15 "	14 "	19 "	18 "	14 "	18 "	16 "	20 "	18 "
23 "	22 "	21 "	26 "	25 "	21 "	25 "	23 "	27 "	25 "
30 "	29 "	28 "	2 St.	1 St.	28 "	1 St.	30 "	3 St.	1 St.
6 St.	5 St.	4 St.	9 "	8 "	4 St.	8 "	6 St.	10 "	8 "
13 "	12 "	11 "	16 "	15 "	11 "	15 "	13 "	17 "	15 "
20 "	19 "	18 "	23 "	22 "	18 "	22 "	20 "	24 "	22 "
27 "	26 "	25 "	30 "	29 "	25 "	29 "	27 "	1 Ot.	29 "
4 Ot.	3 Ot.	2 Ot.	7 Ot.	6 Ot.	2 Ot.	6 Ot.	4 Ot.	8 "	6 Ot.
11 "	10 "	9 "	14 "	13 "	9 "	13 "	11 "	15 "	13 "
18 "	17 "	16 "	21 "	20 "	16 "	20 "	18 "	22 "	20 "
25 "	24 "	23 "	28 "	27 "	23 "	27 "	25 "	29 "	27 "
1 Nv.	31 "	30 "	4 Nv.	3 Nv.	30 "	3 Nv.	1 Nv.	5 Nv.	3 Nv.
8 "	7 Nv.	6 Nv.	11 "	10 "	6 Nv.	10 "	8 "	12 "	10 "
15 "	14 "	13 "	18 "	17 "	13 "	17 "	15 "	19 "	17 "
22 "	21 "	20 "	25 "	24 "	20 "	24 "	22 "	26 "	24 "
29 "	28 "	27 "	2 Dc.	1 Dc.	27 "	1 Dc.	29 "	3 Dc.	1 Dc.
6 Dc.	5 Dc.	4 Dc.	9 "	8 "	4 Dc.	8 "	6 Dc.	10 "	8 "
13 "	12 "	11 "	16 "	15 "	11 "	15 "	13 "	17 "	15 "
20 "	19 "	18 "	23 "	22 "	18 "	22 "	20 "	24 "	22 "
27 "	26 "	30 "	30 "	29 "	30 "	29 "	27 "	31 "	29 "

Ordinatio secundæ lectionis in dominicis « per annum »

Dominica	Anno A	Anno B	Anno C
2	1 Ad Corint., 1-4	1 Ad Corint., 6-11	1 Ad Corint., 12-15
3	»	»	»
4	»	»	»
5	»	»	»
6	»	»	»
7	»	2 Ad Corinthios	»
8	»	»	»
9	Ad Romanos	»	Ad Galatas
10	»	»	»
11	»	»	»
12	»	»	»
13	»	»	»
14	»	»	»
15	»	Ad Ephesios	Ad Coloss.
16	»	»	»
17	»	»	»
18	»	»	»
19	»	»	Ad Hebr., 11-12
20	»	»	»
21	»	»	»
22	»	Iacobi	»
23	»	»	Ad Philem.
24	»	»	1 Ad Tim.
25	Ad Philipp.	»	»
26	»	»	»
27	»	Ad Hebræos, 2-10	2 Ad Tim.
28	»	»	»
29	1 Ad Thess.	»	»
30	»	»	»
31	»	»	2 Ad Thess.
32	»	»	»
33	»	»	»

Ordinatio prioris lectionis in feriis « per annum »

Hebdomada	Anno I	Anno II
1	Ad Hebræos	1 Samuelis
2	»	»
3	»	2 Samuelis
4	»	2 Samuelis; 1 Regum, 1-16
5	Genesis, 1-11	1 Regum, 1-16
6	»	Iacobi
7	Siracides (Ecclesiasticus)	»
8	»	1 Petri; Iudas
9	Tobias	2 Petri; 2 Ad Timotheum
10	2 Ad Corinthios	1 Regum, 17-22
11	»	1 Regum, 17-22; 2 Regum
12	Genesis, 12-50	2 Regum; Lamentationes
13	»	Amos
14	»	Osee; Isaías
15	Exodus	Isaías; Michæas
16	»	Michæas; Ieremias
17	Exodus; Leviticus	Ieremias
18	Numeri; Deuteronomium	Ieremias; Nahum; Habacuc
19	Deuteronomium; Iosue	Ezechiel
20	Iudices; Ruth	»
21	1 Ad Thessalonicenses	2 Ad Thessalon.;
22	1 Ad Thessalon.;	1 Ad Corinthios
	Ad Colossenses	1 Ad Corinthios
23	Ad Colossenses	»
	1 Ad Timotheum	»
24	1 Ad Timotheum	»
25	Esdras; Aggæus; Zacharias	Proverbia;
26	Zacharias; Nehemias; Baruch	Qohelet (Ecclesiastes)
27	Ionas; Malachias; Ioel	Iob
28	Ad Romanos	Ad Galatas
29	»	Ad Galatas; Ad Ephesios
30	»	Ad Ephesios
31	»	»
		Ad Ephesios;
32	Sapientia	Ad Philippenses
		Ad Titum; Ad Phil.;
33	1 et 2 Macchabæorum	2 et 3 Ioannis
34	Daniel	Apocalypsis
		»

INDEX SIGLORUM

Abd	Liber Abdiæ prophetæ
Act	Actus Apostolorum
Ag	Liber Aggæi prophetæ
Am	Liber Amos prophetæ
Ap	Apocalypsis beati Ioannis apostoli
Bar	Liber Baruch prophetæ
Cant	Canticum canticorum
1 et 2 Chr	Libri I et II Chronicorum (= I et II Paralipomenon)
Col	Epistola beati Pauli apostoli ad Colossenses
1 et 2 Cor	Epistolæ I et II beati Pauli apostoli ad Corinthios
Dan	Liber Danielis prophetæ
Deut	Liber Deuteronomii
Eph	Epistola beati Pauli apostoli ad Ephesios
Esd	Liber Esdræ (= I Esdræ)
Est	Liber Esther
Ex	Liber Exodus
Ez	Liber Ezechielis prophetæ
Gal	Epistola beati Pauli apostoli ad Galatas
Gen	Liber Genesis.
Hab	Liber Habacuc prophetæ
Hebr	Epistola ad Hebræos
Iac	Epistola beati Iacobi apostoli
Ier	Liber Ieremiæ prophetæ
Io	Evangelium secundum Ioannem
1, 2 et 3 Io	Epistolæ I, II et III beati Ioannis apostoli
Iob	Liber Iob
Ioel	Liber Ioelis prophetæ
Ion	Liber Ionas prophetæ
Ios	Liber Iosue
Is	Liber Isaïæ prophetæ
Iud	Epistola beati Iudæ apostoli

Iudic	Liber Iudicum
Iudt	Liber Iudith
Lam	Lamentationes (= Threni)
Lc	Evangelium secundum Lucam
Lev	Liber Leviticus
1 et 2 Mac	Libri I et II Macchabæorum
Mal	Liber Malachiæ prophetæ
Mc	Evangelium secundum Marcum
Mic	Liber Michææ prophetæ
Mt	Evangelium secundum Matthæum
Nah	Liber Nahum prophetæ
Neh	Liber Nehemiæ (= II Esdræ)
Num	Liber Numeri
Os	Liber Osee prophetæ
1 et 2 Petr	Epistolæ I et II beati Petri apostoli
Phil	Epistola beati Pauli apostoli ad Philippenses
Phm	Epistola beati Pauli apostoli ad Philemon
Prov	Liber Proverbiorum
Ps	Liber Psalmorum
Qoh	Liber Qohelet (= Ecclesiastes)
1 et 2 Reg	Libri I et II Regum (= III et IV Regum)
Rom	Epistola beati Pauli apostoli ad Romanos
Rut	Liber Ruth
1 et 2 Sam	Libri I et II Samuelis (= I et II Regum)
Sap	Liber Sapientiæ
Sir	Liber Siracidæ (Ben Sira = Ecclesiasticus)
Soph	Liber Sophoniæ prophetæ
1 et 2 Th	Epistolæ I et II beati Pauli apostoli ad Thessa- lonicenses
1 et 2 Tim	Epistolæ I et II beati Pauli apostoli ad Timo- theum
Tit	Epistola beati Pauli apostoli ad Titum
Tob	Liber Tobiae
Zac	Liber Zachariæ prophetæ



PROPRIUM DE TEMPORE



TEMPUS « PER ANNUM »

Tempus « per annum » complectitur 34 vel 33 hebdomadas. Initium sumit feria II, quæ sequitur dominicam post diem 6 ianuarii occurrentem, et pergit usque ad initium Quadragesimæ; iterum incipit feria II post dominicam Pentecostes, et explicit sabbato ante dominicam I Adventus.

In Missali proinde exhibentur 34 Missæ pro dominicis et feriis huius temporis, quæ adhibentur hac ratione:

a) In dominicis sumitur de more Missa, quæ respondet numero dominicæ « per annum », nisi occurrat sollemnitatis vel festum, quæ locum teneant dominicæ.

b) In feriis vero quælibet e 34 Missis dici potest, attenta utilitate pastorali fidelium.

Ratio autem computandi dominicas et hebdomadas « per annum » est sequens:

a) Dominica in qua fit festum Baptismatis Domini locum tenet primæ dominicæ « per annum »; hebdomada tamen quæ sequitur computatur prima « per annum ». Reliquæ dominicæ et hebdomadæ ordine progressivo numerantur usque ad initium Quadragesimæ.

b) Post Pentecosten, si hebdomadæ « per annum » sunt 34, resumitur series ab ea hebdomada, quæ immediate sequitur ultimam ante Quadragesimam celebratam, attendendo tamen quod Missæ dominicæ Pentecostes et sollemnitatis Ss.mæ Trinitatis locum tenent Missarum dominicalium. Si vero hebdomadæ « per annum » sunt 33, omittitur prima hebdomada, quæ sumenda esset post Pentecosten.

In dominicis dicitur Glória in excelsis et Credo; in feriis vero omittitur et hymnus angelicus et symbolum.

Præfatio, in dominicis, dicitur de dominicis per annum, pp. 588-595; in feriis autem dicitur præfatio communis, pp. 609-614.

Ad communionem duplex ponitur antiphona, prior e psalmis, altera plerumque ex Evangelio. Una vel altera seligi potest, iuxta opportunitatem, illam tamen præferendo, quæ cum Evangelio Missæ forte concordet.

HEBDOMADA I « PER ANNUM »

Ant. ad introitum

In excélsio throno vidi sedére virum,
quem adórat multitúdo Angelórum,
psalléntes in unum:
Ecce cuius impérii nomen est in ætérnum.

Collecta

Vota, quæsumus, Dómine,
supplicántis pópuli cælésti pietáte proséquere,
ut et quæ agénda sunt vídeant,
et ad implénda quæ viderint convaléscant.
Per Dóminum.

Super oblata

Grata tibi sit, quæsumus, Dómine, tuæ plebis oblátio,
per quam et sanctificatióem réferat,
et quæ pie precátur obtíneat.
Per Christum.

Ant. ad communionem

Ps 35, 10

Dómine, apud te est fons vitæ,
et in lúmine tuo vidébimus lumen.

Vel:

Io 10, 10

Ego veni ut vitam hábeant,
et abundántius hábeant, dicit Dóminus.

Post communionem

Súpplíces te rogámus, omnípotens Deus,
ut, quos tuis réficis sacraméntis,
tibi étiam plácitis móribus dignánte deservíre concédas.
Per Christum.

DOMINICA II « PER ANNUM »

Ant. ad introitum

Ps 65, 4

Omnis terra adóret te, Deus, et psallat tibi;
psalmum dicat nómini tuo, Altíssime.

Collecta

Omnípotens sempitérne Deus,
qui cæléstia simul et terréna moderáris,
supplicatiónes pópuli tui cleménter exáudi,
et pacem tuam nostris concéde tempóribus.
Per Dóminum.

Super oblata

Concéde nobis, quæsumus, Dómine,
hæc digne frequentáre mystéria,
quia, quóties huius hóstiæ commemorátio celebrátur,
opus nostræ redemptiónis exercétur.
Per Christum.

Ant. ad communionem

Ps 22, 5

Parásti in conspéctu meo mensam,
et calix meus inébrians quam præclárus est!

Vel:

1 Io 4, 16

Nos cognóvimus et credídimus caritáti,
quam Deus habet in nobis.

Post communionem

Spirítum nobis, Dómine, tuæ caritátis infúnde,
ut, quos uno cælésti pane satiásti,
una fácias pietáte concórdes.
Per Christum.

DOMINICA III « PER ANNUM »

Ant. ad introitum

Ps 95, 1. 6

Cantáte Dómino cánticum novum,
cantáte Dómino, omnis terra.
Conféssio et pulchritúdo in conspéctu eius,
sánctitas et magnificéntia in sanctificatióne eius.

Collecta

Omnípotens sempitérne Deus,
dirige actus nostros in beneplácito tuo,
ut in nómine dílecti Fílii tui
mereámur bonis opéribus abundáre.
Per Dóminum.

Super oblata

Múnera nostra, Dómine, súscipe placátus,
quæ sanctificándo nobis, quæsumus,
salutária fore concéde.
Per Christum.

Ant. ad communionem

Ps 33, 6

Accédite ad Dóminum et illuminámini,
et fácies vestræ non confundéntur.

Vel:

Io 8, 12

Ego sum lux mundi, dicit Dóminus;
qui séquitur me, non ámbulat in ténebris,
sed habébit lumen vitæ.

Post communionem

Præsta nobis, quæsumus, omnípotens Deus,
ut, vivificatiónis tuæ grátiam consequéntes,
in tuo semper múnere gloriémur.
Per Christum.

DOMINICA IV « PER ANNUM »

Ant. ad introitum

Ps 105, 47

Salvos nos fac, Dómine Deus noster,
et cóngrega nos de natió nibus,
ut confiteámur nómini sancto tuo,
et gloriémur in laude tua.

Collecta

Concéde nobis, Dómine Deus noster,
ut te tota mente venerémur,
et omnes hómines rationábili diligámus afféctu.
Per Dóminum.

Super oblata

Altáribus tuis, Dómine,
múnera nostræ servitútis inférimus,
quæ, placátus assúmens,
sacraméntum nostræ redemptionis effícias. Per Christum.

Ant. ad communionem

Ps 30, 17-18

Illúmina fáciem tuam super servum tuum,
et salvum me fac in tua misericórdia.
Dómine, non confúndar, quóniam invocávi te.

Vel:

Mt 5, 3-4

Beáti páuperes spíritu,
quóniam ipsórum est Regnum cælórum.
Beáti mites, quóniam ipsi possidébunt terram.

Post communionem

Redemptionis nostræ múnere vegetáti,
quæsumus, Dómine,
ut hoc perpétuæ salútis auxílio
fides semper vera profíciat. Per Christum.

DOMINICA V « PER ANNUM »

Ant. ad introitum

Ps 94, 6-7

Veníte, adorémus Deum,
et procidámus ante Dóminum, qui fecit nos;
quia ipse est Dóminus Deus noster.

Collecta

Famíliam tuam, quæsumus, Dómine,
contínua pietáte custódi,
ut, quæ in sola spe grátiae cæléstis innítitur,
tua semper protectióne muniátur. Per Dóminum.

Super oblata

Dómine Deus noster, qui has pótius creatúras
ad fragilitátis nostræ subsidium condidísti,
tribue, quæsumus,
ut étiam æternitátis nobis fiant sacraméntum.
Per Christum.

Ant. ad communionem

Ps 106, 8-9

Confiteántur Dómino misericórdiae eius,
et mirábilia eius fíliis hóminum,
quia satiávit ánimam inánem,
et ánimam esuriéntem satiávit bonis.

Vel:

Mt 5, 5-6

Beáti qui lugent, quóniam ipsi consolabúntur.
Beáti qui esúriunt et sítiunt iustítiam,
quóniam ipsi saturabúntur.

Post communionem

Deus, qui nos de uno pane et de uno cálice
partícipes esse voluísti, da nobis, quæsumus, ita vívere,
ut, unum in Christo effécti, fructum afferámus
pro mundi salúte gaudéntes. Per Christum.

DOMINICA VI « PER ANNUM »

Ant. ad introitum

Ps 30, 3-4

Esto mihi in Deum protectórem, et in locum refúgii,
ut salvum me fácias.

Quóniam firmaméntum meum et refúgium meum es tu,
et propter nomen tuum dux mihi eris, et enútries me.

Collecta

Deus,
qui te in rectis et sincéris manére pectóribus ásseris,
da nobis tua grátia tales exsístere,
in quibus habitáre dignéris. Per Dóminum.

Super oblata

Hæc nos oblátio, quæsumus, Dómine, mundet et rénovet,
atque tuam exsequéntibus voluntátem
fiat causa remuneratiónis æternæ. Per Christum.

Ant. ad communionem

Ps 77, 29-30

Manducavérunt, et saturáti sunt nimis,
et desidérium eórum áttulit eis Dóminus;
non sunt fraudáti a desidério suo.

Vel:

Io 3, 16

Sic Deus diléxit mundum,
ut Fílium suum unigénitum daret,
ut omnis qui credit in eum non péreat,
sed hábeat vitam æternam.

Post communionem

Cæléstibus, Dómine, pasti delíciis,
quæsumus, ut semper éadem,
per quæ veráciter vívimus, appetámus.
Per Christum.

DOMINICA VII « PER ANNUM »

Ant. ad introitum

Ps 12, 6

Dómine, in tua misericórdia sperávi.
Exsultávit cor meum in salutári tuo,
cantábo Dómino, qui bona tríbuit mihi.

Collecta

Præsta, quæsumus, omnípotens Deus,
ut, semper rationabília meditántes, quæ tibi sunt plácita,
et dictis exsequámur et factis. Per Dóminum.

Super oblata

Mystéria tua, Dómine, débitis servítiis exsequéntes,
súplices te rogámus,
ut, quod ad honórem tuæ maiestátis offérimus,
nobis proficiat ad salutem. Per Christum.

Ant. ad communionem

Ps 9, 2-3

Narrábo ómnia mirabília tua.
Lætábor et exsultábo in te,
psallam nómini tuo, Altíssime.

Vel:

Io 11, 27

Dómine, ego crédidi quia tu es Christus Fílius Dei vivi,
qui in hunc mundum venísti.

Post communionem

Præsta, quæsumus, omnípotens Deus,
ut illíus salutis capiámus efféctum,
cuius per hæc mystéria pignus accépimus.
Per Christum.

DOMINICA VIII « PER ANNUM »

Ant. ad introitum

Ps 17, 19-20

Factus est Dóminus protéctor meus,
et edúxit me in latitúdinem,
salvum me fecit, quóniam vóluit me.

Collecta

Da nobis, quæsumus, Dómine,
ut et mundi cursus
pacífico nobis tuo órđine dirigátur,
et Ecclésia tua tranquilla devotióne lætétur.
Per Dóminum.

Super oblata

Deus, qui offerénda tuo nómini tríbuis,
et obláta devotióni nostræ servitútis ascríbīs,
quæsumus cleméntiam tuam,
ut, quod præstas unde sit méritum,
profícere nobis largiáris ad præmium. Per Christum.

Ant. ad communionem

Ps 12, 6

Cantábo Dómino, qui bona tríbuit mihi,
et psallam nómini Dómini Altíssimi.

Vel:

Mt 28, 20

Ecce ego vobíscum sum ómnibus diébus,
usque ad consummatiónem sæculi, dicit Dóminus.

Post communionem

Satiáti múnere salutári,
tuam, Dómine, misericórdiam deprecámur,
ut, hoc eódem quo nos temporáliter végetas sacraménto,
perpétuæ vitæ partícipes benígnus effícias. Per Christum.

DOMINICA IX « PER ANNUM »

Ant. ad introitum

Ps 24, 16. 18

Réspice in me, et miserére mei, Dómine,
quóniam únicus et pauper sum ego.
Vide humilitátem meam et labórem meum,
et dimítte ómnia peccáta mea, Deus meus.

Collecta

Deus, cuius providéntia
in sui dispositióne non fállitur,
te súpplīces exorámus,
ut nóxia cuncta submóveas,
et ómnia nobis profutúra concédas.
Per Dóminum.

Super oblata

In tua pietáte confidéntes, Dómine,
cum munéribus ad altária veneránda concúrrimus,
ut, tua purificánte nos grátia,
iisdem quibus famulámur mystériis emundémur.
Per Christum.

Ant. ad communionem

Ps 16, 6

Ego clamávi, quóniam exaudísti me, Deus;
inclína aurem tuam, et exáudi verba mea.

Vel:

Mc 11, 23. 24

Amen dico vobis, quidquid orántes pétitis,
crédite quia accipiétis, et fiet vobis, dicit Dóminus.

Post communionem

Rege nos Spíritu tuo, quæsumus, Dómine,
quos pascis Fílii tui Córpo et Sáanguine,
ut te, non solum verbo neque lingua,
sed ópere et veritáte confiténtes,
intráre mereámur in regnum cælórum. Per Christum.

DOMINICA X « PER ANNUM »

Ant. ad introitum

Ps 26, 1-2

Dóminus illuminátio mea, et salus mea, quem timébo?
Dóminus defénsor vitæ meæ, a quo trepidábo?
Qui tríbulant me inimíci mei, ipsi infirmáti sunt.

Collecta

Deus, a quo bona cuncta procedunt,
tuis largíre supplicibus,
ut cogitémus, te inspiránte, quæ recta sunt,
et, te gubernánte, éadem faciámus.
Per Dóminum.

Super oblata

Réspice, Dómine, quæsumus,
nostram propítius servitútem,
ut quod offérimus sit tibi munus accéptum,
et nostræ caritátis augméntum.
Per Christum.

Ant. ad communionem

Ps 17, 3

Dóminus firmaméntum meum, et refúgium meum,
et liberátor meus. Deus meus adiútor meus.

Vel:

1 Io 4, 16

Deus cáritas est, et qui manet in caritáte
in Deo manet et Deus in eo.

Post communionem

Tua nos, Dómine, medicinális operátio,
et a nostris perversitátibus cleménter expédíat,
et ad ea quæ sunt recta perdúcat.
Per Christum.

DOMINICA XI « PER ANNUM »

Ant. ad introitum

Ps 26, 7. 9

Exáudi, Dómine, vocem meam, qua clamávi ad te.
Adiútor meus esto, ne derelínquas me,
neque despicias me, Deus salutáris meus.

Collecta

Deus, in te sperántium fortitúdo,
invocatió nibus nostris adésto propítius,
et, quia sine te nihil potest mortális infírmitas,
grátiae tuæ præsta semper auxílium,
ut, in exsequéndis mandátis tuis,
et voluntáte tibi et actiône placeámus. Per Dóminum.

Super oblata

Deus, qui humáni géneris utrámque substántiam
præséntium múnorum et aliménto végetas
et rénovas sacraménto, tribue, quæsumus,
ut eórum et corpóribus nostris subsidium non desit
et méntibus. Per Christum.

Ant. ad communionem

Ps 26, 4

Unum pétii a Dómino, hoc requíram,
ut inhábitem in domo Dómini ómnibus diébus vitæ meæ.

Vel:

Io 17, 11

Pater sancte, serva eos in nómine tuo, quos dedísti mihi,
ut sint unum sicut et nos, dicit Dóminus.

Post communionem

Hæc tua, Dómine, sumpta sacra commúnio,
sicut fidélium in te unió nem præsígnat,
sic in Ecclésia tua unitátis operétur efféctum.
Per Christum.

DOMINICA XII « PER ANNUM »

Ant. ad introitum

Ps 27, 8-9

Dóminus fortitúdo plebis suæ,
et protéctor salutárium Christi sui est.
Salvum fac pópulum tuum, Dómine,
et bédic hereditáti tuæ, et rege eos usque in sáeculum.

Collecta

Sancti nóminis tui, Dómine,
timórem páriter et amórem fac nos habére perpétuum,
quia numquam tua gubernatióne destítuis,
quos in soliditáte tuæ dilectiόνis instítuis.
Per Dóminum.

Super oblata

Súscipe, Dómine, sacrificium placatiónis et laudis,
et præsta, ut, huius operatióne mundáti,
beneplácitum tibi nostræ mentis offerámus afféctum.
Per Christum.

Ant. ad communionem

Ps 144, 15

Oculi ómnium in te sperant, Dómine,
et tu das illis escam in témpore opportúno.

Vel:

Io 10, 11. 15

Ego sum pastor bonus,
et ánimam meam pono pro óvibus meis, dicit Dóminus.

Post communionem

Sacri Córporis et Sanguinis pretiósí alimónia renováti,
quæsumus, Dómine, cleméntiam tuam,
ut, quod gérimus devotióne frequénti,
certa redemptiόne capiámus. Per Christum.

DOMINICA XIII « PER ANNUM »

Ant. ad introitum

Ps 46, 2

Omnes gentes, pláudite mánibus,
iubiláte Deo in voce exsultatiónis.

Collecta

Deus, qui, per adoptiónem grátia,
lucis nos esse fílios voluísti,
præsta, quæsumus, ut errorum non involvámur ténebris,
sed in splendóre veritátis semper maneámus conspícuí.
Per Dóminum.

Super oblata

Deus, qui mysteriórum tuórum
dignánte operáris efféctus,
præsta, quæsumus,
ut sacris apta munéribus fiant nostra servítia.
Per Christum.

Ant. ad communionem

Ps 102, 1

Bénedic, ánima mea, Dómino,
et ea quæ intra me sunt nómini sancto eius.

Vel:

Io 17, 20-21

Pater, pro eis rogo, ut ipsi in nobis unum sint,
ut credat mundus quia tu me misísti, dicit Dóminus.

Post communionem

Vivíficet nos, quæsumus, Dómine,
divína quam obtúlimus et sumpsimus hóstia,
ut, perpétua tibi caritáte coniúcti,
fructum qui semper máneat afferámus.
Per Christum.

DOMINICA XIV « PER ANNUM »

Ant. ad introitum

Ps 47, 10-11

Suscépinus, Deus,
misericórdiam tuam in médio templi tui.
Secúndum nomen tuum, Deus,
ita et laus tua in fines terræ;
iustítia plena est délixera tua.

Collecta

Deus, qui in Fílii tui humilitáte
iacéntem mundum erexísti,
fidélibus tuis sanctam concéde lætítiam,
ut, quos eripuísti a servitúte peccáti,
gáudiis fácias pérfrui sempitérnis. Per Dóminum.

Super oblata

Oblátio nos, Dómine, tuo nómini dicáta puríficet,
et de dié in diem ad cæléstis vitæ transférát actiόνem.
Per Christum.

Ant. ad communionem

Ps 33, 9

Gustáte et vidéte, quóniam suávis est Dóminus;
beátus vir, qui sperat in eo.

Vel:

Mt 11, 28

Veníte ad me, omnes qui laborátis et oneráti estis,
et ego refíciam vos, dicit Dóminus.

Post communionem

Tantis, Dómine, repléti munéríbus,
præsta, quæsumus, ut et salutária dona capiámus,
et a tua numquam laude cessémus. Per Christum.

DOMINICA XV « PER ANNUM »

Ant. ad introitum

Ps 16, 15

Ego autem cum iustitia apparebo in conspectu tuo;
satiabor dum manifestabitur gloria tua.

Collecta

Deus, qui errantibus, ut in viam possint redire,
veritatis tuæ lumen ostendis,
da cunctis qui christiana professione censentur,
et illa respuere, quæ huic inimica sunt nomini,
et ea quæ sunt apta sectari. Per Dominum.

Super oblata

Réspice, Dómine, múnera supplicantis Ecclesiæ,
et pro credentium sanctificationis incremento
sumenda concède. Per Christum.

Ant. ad communionem

Ps 83, 4-5

Passer invénit sibi domum
et turtur nidum, ubi repónat pullos suos.
Altária tua, Dómine virtútum,
Rex meus, et Deus meus!
Beáti qui hábitant in domo tua,
in sæculum sæculi laudábunt te.

Vel:

Io 6, 57

Qui manducat meam carnem et bibit meum sanguinem,
in me manet et ego in eo, dicit Dóminus.

Post communionem

Sumptis munéribus, quæsumus, Dómine,
ut, cum frequentatione mystérii,
crescat nostræ salutis effectus. Per Christum.

DOMINICA XVI « PER ANNUM »

Ant. ad introitum

Ps 53, 6. 8

Ecce Deus ádiuvat me,
et Dóminus suscéptor est ánimæ meæ.
Voluntárie sacrificábo tibi,
et confitébor nómini tuo, Dómine, quóniam bonum est.

Collecta

Propitiáre, Dómine, fámulis tuis,
et cleménter grátia tuæ super eos dona múltiplica,
ut, spe, fide et caritáte fervéntes,
semper in mandátis tuis vígili custódia perseverént.
Per Dóminum.

Super oblata

Deus, qui legálium differéntiam hostiárum
uníus sacrificií perfectióne sanxísti,
áccipe sacrificium a devótis tibi fámulis,
et pari benedictióne, sicut múnera Abel, sanctífica,
ut, quod sínguli obtulérunt ad maiestátis tuæ honórem,
cunctis proficiat ad salútem. Per Christum.

Ant. ad communionem

Ps 110, 4-5

Memóriam fecit mirábílium suórum
miséricors et miserátor Dóminus;
escam dedit timéntibus se.

Vel:

Ap 3, 20

Ecce sto ad óstium et pulso, dicit Dóminus:
si quis audierit vocem meam, et aperúerit mihi iánuam,
intrábo ad illum, et cenábo cum illo, et ipse mecum.

Post communionem

Pópulo tuo, quæsumus, Dómine, adésto propítius,
et, quem mystériis cæléstibus imbuísti,
fac ad novitátem vitæ de vetustáte transíre. Per Christum.

DOMINICA XVII « PER ANNUM »

Ant. ad introitum

Ps 67, 6-7. 36

Deus in loco sancto suo;
Deus qui inhabitare facit unánimes in domo,
ipse dabit virtutem et fortitudinem plebi suæ.

Collecta

Protector in te sperantium, Deus,
sine quo nihil est válidum, nihil sanctum,
múltiplica super nos misericórdiam tuam,
ut, te rectore, te duce,
sic bonis transeúntibus nunc utámur,
ut iam possimus inhærere mansúris. Per Dóminum.

Super oblata

Súscipe, quæsumus, Dómine, múnera,
quæ tibi de tua largitate deférimus,
ut hæc sacrosáncta mystéria, grátiae tuæ operante virtute,
et præsentis vitæ nos conversatióne sanctificent,
et ad gáudia sempitérna perdúcant. Per Christum.

Ant. ad communionem

Ps 102, 2

Bénedic, ánima mea, Dómino,
et noli oblivisci omnes retributiónes eius.

Vel:

Mt 5, 7-8

Beáti misericórdes,
quóniam ipsi misericórdiam consequéntur.
Beáti mundo corde, quóniam ipsi Deum vidébunt.

Post communionem

Súmpsimus, Dómine, divínus sacraméntum,
passiõis Fílii tui memoriále perpétuum;
tribue, quæsumus,
ut ad nostram salútem hoc munus proficiat,
quod ineffábili nobis caritate ipse donávit. Qui vivit.

DOMINICA XVIII « PER ANNUM »

Ant. ad introitum

Ps 69, 2. 6

Deus, in adiutórium meum inténde;
Dómine, ad adiuvándum me festína.
Adiutor meus et liberátor meus es tu;
Dómine, ne moréris.

Collecta

Adésto, Dómine, fámulis tuis,
et perpétuam benignitátem largíre poscéntibus,
ut his, qui te auctórem et gubernatórem gloriántur habére,
et grata restáures, et restauráta consérves.
Per Dóminum.

Super oblata

Propítius, Dómine, quæsumus, hæc dona sanctífica,
et, hóstiæ spiritalis oblatióne suscepta,
nosmetipsos tibi pérfice munus ætérnum. Per Christum.

Ant. ad communionem

Sap 16, 20

Panem de cælo dedísti nobis, Dómine,
habéntem omne delectaméntum,
et omnem sapórem suavitátis.

Vel:

Io 6, 35

Ego sum panis vitæ, dicit Dóminus.
Qui venit ad me non esúriet,
et qui credit in me non sítiet.

Post communionem

Quos cælésti récreas múnere,
perpétuo, Dómine, comitáre præsidio,
et, quos fovére non désinis,
dignos fieri sempitérna redemptióne concéde.
Per Christum.

DOMINICA XIX « PER ANNUM »

Ant. ad introitum

Ps 73, 20. 19. 22. 23

Réspice, Dómine, in testaméntum tuum,
et ánimas páuperum tuórum ne derelínquas in finem.
Exsúrge, Dómine, et iúdica causam tuam,
et ne obliviscáris voces quæréntium te.

Collecta

Omnípotens sempitérne Deus,
quem patérno nómine invocáre præsumimus,
pérficie in córdibus nostris spíritum adoptiónis filiórum,
ut promíssam hereditátem íngredi mereámur.
Per Dóminum.

Super oblata

Ecclésiæ tuæ, Dómine, múnera placátus assúme,
quæ et miséricors offerénda tribuísti,
et in nostræ salútis poténter éfficis transíre mystérium.
Per Christum.

Ant. ad communionem

Ps 147, 12. 14

Lauda, Ierúsalem, Dóminum,
qui ádipe fruménti sátiat te.

Vel:

Io 6, 52

Panis, quem ego dédero, caro mea est pro sǎculi vita,
dicit Dóminus.

Post communionem

Sacramentórum tuórum, Dómine,
commúnio sumpta nos salvet,
et in tuæ veritátis luce confírmet.
Per Christum.

DOMINICA XX « PER ANNUM »

Ant. ad introitum

Ps 83, 10-11

Protéctor noster, áspice, Deus,
et réspice in fáciem Christi tui,
quia mélior est dies una in átriis tuis super mília.

Collecta

Deus, qui diligéntibus te bona invisibília præparásti,
infúnde córdibus nostris tui amóris afféctum,
ut, te in ómnibus et super ómnia diligéntes,
promissiónes tuas, quæ omne desidérium súperant,
consequámur. Per Dóminum.

Super oblata

Súscipe, Dómine, múnera nostra,
quibus exercéntur commércia gloriósa,
ut, offeréntes quæ dedísti,
teípsum mereámur accípere. Per Christum.

Ant. ad communionem

Ps 129, 7

Apud Dóminum misericórdia,
et copiósa apud eum redéemptio.

Vel:

Io 6, 51-52

Ego sum panis vivus,
qui de cælo descéndi, dicit Dóminus:
si quis manducáverit ex hoc pane, vivet in ætérnum.

Post communionem

Per hæc sacraménta, Dómine, Christi partícipes effécti,
cleméntiam tuam humíliter implorámus,
ut, eius imáginis confórmes in terris,
et eius consórtes in cælis fíeri mereámur. Per Christum.

DOMINICA XXI « PER ANNUM »

Ant. ad introitum**Ps 85, 1-3**

Inclína, Dómine, aurem tuam ad me, et exáudi me.
Salvum fac servum tuum, Deus meus, sperántem in te.
Miserére mihi, Dómine, quóniam ad te clamávi tota die.

Collecta

Deus, qui fidélium mentes uníus éfficis voluntátis,
da pópulis tuis id amáre quod præcipis,
id desideráre quod promíttis,
ut, inter mundánas varietátes,
ibi nostra fixa sint corda, ubi vera sunt gáudia.
Per Dóminum.

Super oblata

Qui una semel hóstia, Dómine,
adoptiónis tibi pópulum acquisísti,
unitátis et pacis in Ecclésia tua
propítius nobis dona concédas.
Per Christum.

Ant. ad communionem**Ps 103, 13-15**

De fructu óperum tuórum, Dómine, satiábitur terra,
ut edúcas panem de terra, et vinum lætíficet cor hómínis.

Vel:**Io 6, 55**

Qui mandúcat meam carnem et bibit meum sánguinem,
habet vitam ætérmam, dicit Dóminus;
et ego resuscitábo eum in novíssimo die.

Post communionem

Plenum, quæsumus, Dómine,
in nobis remédium tuæ miseratiónis operáre,
ac tales nos esse pérfice propítius et sic fovéri,
ut tibi in ómnibus placére valeámus.
Per Christum.

DOMINICA XXII « PER ANNUM »

Ant. ad introitum

Ps 85, 3. 5

Miserére mihi, Dómine, quóniam ad te clamávi tota die;
quia tu, Dómine, suávis ac mitis es,
et copiósus in misericórdia ómnibus invocántibus te.

Dicitur Glória in excélsis.

Collecta

Deus virtútum, cuius est totum quod est óptimum,
insere pectóribus nostris tui nóminis amórem,
et præsta, ut in nobis, religiónis augméto,
quæ sunt bona nútrias,
ac, vigilánti stúdio, quæ sunt nutrita custódias.
Per Dóminum.

Anno A

Lectio prima

Factus est mihi sermo Domini in opprobrium.

Léctio libri Ieremíæ prophétæ

20, 7-9

Seduxísti me, Dómine, et sedúctus sum; fórtior me
fuísti et invaluísti, factus sum in derísus tota die,
omnes subsánnant me.

Quia iam olim loquor vocíferans iniquitátem et va-
stitátem clámato; et factus est mihi sermo Dómini in
oppróbrum et in derísus tota die.

Et dixi: « Non recordábor eius neque loquar ultra
in nómine illíus », et factus est in corde meo quasi
ignis exástuans clausúsque in óssibus meis, et deféci
ferre non sústinens. — Verbum Dómini.

Psalmus responsorius

Ps 62, 2. 3-4. 5-6. 8-9 (R.: 2 b)

R. Sitívit in te ánima mea, Dómine, Deus meus.

2 Deus, Deus meus es tu, ad te de luce vígilo.

Sitívit in te ánima mea,
te desiderávit caro mea. R.3 In terra desérta et árida et inaquósa,
sic in sancto appáruí tibi,
ut vidérem virtútem tuam et glóriam tuam.4 Quóniam mélior est misericórdia tua super vitas,
lábia mea laudábunt te. R.5 Sic benedícam te in vita mea,
et in nómine tuo levábo manus meas.6 Sicut ádipe et pinguédine repleátur ánima mea,
et lábiis exsultatiónis laudábit os meum. R.8 Quia fuísti adiútor meus,
et in velaménto alárum tuárum exsultábo.9 Adhásit ánima mea post te,
me suscepit délixtera tua. R.

Lectio secunda

Exhibete corpora vestra hostiam viventem.

Léctio Epístolæ beáti Pauli apóstoli ad Romános

12, 1-2

Obsecro vos, fratres, per misericórdiam Dei, ut
exhibeátis córpora vestra hóstiam vivéntem sanctam
Deo placéntem, rationábile obséquium vestrum;et nolíte conformári huic sæculo, sed transformá-
mini renovatióne mentis, ut probétis quid sit volúntas
Dei, quid bonum et bene placens et perféctum.

Verbum Dómini.

Alleluia

Cf. Eph 1, 17-18

R. Allelúia. V. Pater Dómini nostri Iesu Christi illúminet óculos cordis nostri,
ut sciámus quæ sit spes vocatiónis nostræ.
R. Allelúia.

Evangelium

*Si quis vult post me venire,
abneget semetipsum.*

✠ Lécio sancti Evangélii secúndum Matthæum

16, 21-27

In illo témpore:

Cœpit Iesus osténdere discíplis suis quia oportéret eum ire Hierosólymam et multa pati a senióribus et princípibus sacerdótum et scribis et occídi et tértia die resúrgere.

Et assúmens eum Petrus cœpit increpáre illum dicens: « Absit a te, Dómine, non erit tibi hoc ».

Qui convérsus dixit Petro: « Vade post me, Sátana! Scándalum es mihi, quia non sapis ea quæ Dei sunt sed ea quæ hóminum ».

Tunc Iesus dixit discíplis suis: « Si quis vult post me veníre, ábneget semetípsum et tollat crucem suam et sequátur me.

Qui enim volúerit ánimam suam salvam fácere, perdet eam; qui autem perdíderit ánimam suam propter me, invéniet eam.

Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua?

Fílius enim hóminis ventúrus est in glória Patris sui cum ángelis suis, et tunc reddet unicuíque secúndum opus eius ». — Verbum Dómini.

Anno B

Lectio prima

*Non addetis ad verbum quod vobis loquor ...
custodite mandata Domini.*

Léctio libri Deuteronomii

4, 1-2. 6-8

Et nunc, Israel, audi præcepta et iudicia, quæ ego doceo te, ut faciens ea vivas et ingrediens possideas terram, quam Dóminus Deus patrum vestrorum daturus est vobis.

Non addétis ad verbum, quod vobis loquor, nec auferétis ex eo: custodíte mandáta Dómini Dei vestri, quæ ego præcipio vobis. Et observábitis et implébitis ópere.

Hæc est enim vestra sapiéntia et intelléctus coram pópulis, ut, audiéntes univérsa præcepta hæc, dicant: « En pópulus sápiens et intéllegens, gens magna ».

Nec est ália nátio tam grandis, quæ hábeat deos appropinquánte sibi sicut Deus noster adest cunctis obsecrátióibus nostris.

Quæ est enim ália gens sic ínclita, ut hábeat cæremónias iústaque iudicia et univérsam legem, quam ego propónam hódie ante óculos vestros?

Verbum Dómini.

Psalmus responsorius

Ps 14, 2-3 ab. 3 cd-4 ab. 5 (R.: 1 a)

R. Dómine, quis habitábit in tabernáculo tuo?

2 Qui ingréditur sine mácula, et operátur iustítiam;
3 qui lóquitur veritátem in corde suo,
qui non egit dolum in lingua sua. R.

Nec fecit próximo suo malum,
et oppróbrium non íntulit próximo suo.

4 Ad níhilum reputátus est in conspéctu eius malignus,
timéntes autem Dóminum gloríficat. *R.*

5 Qui pecúniam suam non dedit ad usúram,
et múnera super innocéntem non accépit.
Qui facit hæc, non movébitur in ætérnum. *R.*

Lectio secunda

Estote factores verbi.

Léctio Epístolæ beáti Iacóbi apóstoli

1, 17-18. 21 b-22. 27

Fratres mei dilectíssimi:

Omne datum óptimum et omne donum perféctum de sursum est, descéndens a Patre lúminum, apud quem non est transmutátio nec vicissitúdinis obumbrátio. Voluntárie génuít nos verbo veritátis, ut simus primitiæ quædam creatúræ eius.

In mansuetúdine suscípíte ínsitum verbum, quod potest salváre ánimas vestras. Estóte autem factóres verbi, et non auditóres tantum falléntes vosmetípsos.

Relígio munda et immaculáta apud Deum et Patrem hæc est, visitáre pupíllos et víduas in tribulatióne eórum, et immaculátum se custodíre ab hoc sáculo.

Verbum Dómini.

Alleluia

Iac 1, 18

R. Allelúia. *γ.* Voluntárie génuít nos Pater verbo veritátis,

ut simus inítium áliquod creatúræ eius.

R. Allelúia.

Evangelium

*Relinquentes mandatum Dei
tenetis traditionem hominum.*

✠ Lécio sancti Evangélíi secúndum Marcum

In illo témpore:

7, 1-8. 14-15. 21-23

Convéniunt ad Iesum Pharisæi et quidam de scribis veniéntes ab Hierosólymis, et cum vidíssent quosdam ex discipulis eius commúnibus mánibus, id est non lotis, manducáre panes

— Pharisæi enim et omnes Iudæi, nisi pugíllo lavent manus non mandúcant, tenéntes traditióem seniórum, et a foro nisi baptizéntur non cómedunt, et ália multa sunt quæ accepérunt servánda: baptísmata cálicum et urceórum et æramentórum et lectórum —

et intérogant eum Pharisæi et scribæ: « Quare discipuli tui non ámbulant iuxta traditióem seniórum, sed commúnibus mánibus mandúcant panem? »

At ille dixit eis: « Bene prophetávit Isaías de vobis hypócritis, sicut scriptum est: “ Pópulus hic lábiis me honórat, cor autem eórum longe est a me; in vanum autem me colunt, docéntes doctrínas præcépta hóminum ”. Relinquéntes mandátum Dei tenétis traditióem hóminum ».

Et advocáta íterum turba dicébat illis: « Audíte me omnes et intellégite: Nihil est extra hóminem intróiens in eum, quod possit eum coínquináre; sed quæ de hómine procédunt, illa sunt quæ coínquinant hóminem.

Ab intus enim de corde hóminum cogitatiónes malæ procédunt, fornicatiónes, furta, homicídia, adultería, avarítiæ, nequítiæ, dolus, impudicítia, óculus malus, blasphémia, supérbia, stultítia: omnia hæc mala ab intus procédunt et coínquinant hóminem ».

Verbum Dómini.

Anno C

Lectio prima

Humilia te, et coram Deo invenies gratiam.

Lectio libri Sirácidæ

3, 19-21. 30-31

Fili, in mansuetúdine ópera tua pérfice, et super hóminum glóriam diligéris. Quanto magnus es, humília te in ómnibus, et coram Deo invénies grátiam, quóniam magna poténtia Dei solius, et ab humílibus honorátur.

Synagógæ superbórum non erit sánitas, frutex enim peccáti radicábitur in illis et non intellegétur. Cor sapiéntis intellégitur in sapiéntia, et auris bona áudiet cum omni concupiscéntia sapiéntiam.

Verbum Dómini.

Psalmus responsorius

Ps 67, 4-5 ac. 6-7 ab. 10-11 (R.: cf. 11 b)

R. Parásti domum in bonitáte tua páuperi, Deus.

4 Et iusti læténtur et exsúltent in conspéctu Dei, et delecténtur in lætítia.

5 Cantáte Deo, psalmum dícite nómini eius; Dóminus nomen illi. R.

6 Pater orphanórum et iudex viduárum, Deus in habitáculo sancto suo.

7 Deus, qui inhabitáre facit desolátos in domo, qui edúcit vinctos in prosperitatém. R.

10 Plúviam voluntáriam effundébas, Deus; hereditatém tuam infirmátam, tu refecísti eam.

11 Animália tua habitábant in ea, parásti in bonitáte tua páuperi, Deus. R.

Lectio secunda

*Accessistis ad Sion Montem
et Civitatem Dei viventis.*

Léctio Epístolæ ad Hebræos

12, 18-19. 22-24 a

Fratres:

Non accessistis ad tractabilem et ardentem ignem et túbinem et caliginem et procëllam et tubæ sonum et vocem verbórum, quam qui audiérunt recusavérunt ne ultra eis fieret verbum.

Sed accessistis ad Sion Montem et Civitatem Dei vivéntis, Ierúsalem cæléstem, et multa mília angelórum, frequéntiam et Ecclésiám primogenitórum qui conscripti sunt in cælis, et iúdicem Deum ómnium, et spíritus iustórum qui consummáti sunt, et Testaménti Novi Mediátorem Iesum. — Verbum Dómini.

Alleluia

Mt 11, 29 ab

℟. Allelúia. ℣. Tóllite iugum meum super vos, dicit Dóminus, et díscite a me, quia mitis sum et húmilis corde. ℟. Allelúia.

Evangelium

*Qui se exaltat humiliabitur,
et qui se humiliat exaltabitur.*

✠ Léctio sancti Evangélíi secúndum Lucam

14, 1. 7-14

In illo témpore:

Factum est, cum intráret Iesus in domum cuiúsdam princípis Pharisæórum sábbato manducáre panem, et ipsi observábant eum.

Dicébat autem ad invitátos parábolam, inténdens quómodo primos accúbitus eligerent, dicens ad illos:

« Cum invitátus fúeris ab áliquo ad núptias, non discumbas in primo loco, ne forte honorátior te sit invitátus ab eo, et véniens is qui te et illum vocávit, dicat tibi: " Da huic locum "; et tunc incípias cum rubóre novíssimum locum tenére.

Sed cum vocátus fúeris, vade, recúmbe in novíssimo loco, ut cum vénerit qui te invitávit, dicat tibi: " Amíce, ascénde supérius ": tunc erit tibi glória coram ómnibus simul discumbéntibus. Quia omnis qui se exáltat humiliábitur; et qui se humiliat exaltábitur ».

Dicébat autem et ei qui se invitáverat: « Cum facis prándium aut cenam noli vocáre amícos tuos neque fratres tuos neque cognátos neque vicínos dívites, ne forte et ipsi te reinvitent, et fiat tibi retribútio.

Sed cum facis convívium voca páuperes, débiles, claudos, cæcos; et beátus eris, quia non habent retribuere tibi, retribuétur enim tibi in resurrectione iustórum ».

Verbum Dómini.

Dicitur Credo.

Super oblata

Benedictiónem nobis, Dómine, cónferat salutárem
sacra semper oblátio,

ut, quod agit mystério, virtúte perfíciat.

Per Christum.

Præfatio de dominicis « per annum », pp. 588-595.

Ant. ad communionem

Ps 30, 20

Quam magna multitúdo dulcédinis tuæ, Dómine,
quam abscondísti timéntibus te.

Vel:**Mt 5, 9-10**

Beáti pacífici, quóniam filii Dei vocabúntur.

Beáti qui persecutióem patiúntur propter iustítiam,
quóniam ipsórum est regnum cælórum.

Post communionem

Pane mensæ cæléstis refécti, te, Dómine, deprecámur,
ut hoc nutríméntum caritátis corda nostra confírmet,
quátenus ad tibi ministrándum in frátribus excitémur.
Per Christum.

Feria secunda**Ant. ad introitum****Ps 85, 3. 5**

Miserére mihi, Dómine, quóniam ad te clamávi tota die;
quia tu, Dómine, suávis ac mitis es,
et copiósus in misericórdia ómnibus invocántibus te.

Collecta

Deus virtútum, cuius est totum quod est óptimum,
ínsere pectóribus nostris tui nóminis amórem,
et præsta, ut in nobis, religiónis augménto,
quæ sunt bona nútrias,
ac, vigilánti stúdio, quæ sunt nutrita custódias.
Per Dóminum.

Anno primo**Lectio prior**

Deus eos qui dormierunt per Iesum adducet cum eo.

Léctio Epístolæ primæ beáti Pauli apóstoli
ad Thessalonicénses

4, 13-17

Nólumus vos ignoráre, fratres, de dormiéntibus, ut
non contristémini sicut et céteri qui spem non habent.

Si enim crédimus quod Iesus mórtuus est et resurréxit, ita et Deus eos qui dormiérunt per Iesum addúcet cum eo.

Hoc enim vobis dícimus in verbo Dómini, quia nos qui vívimus, qui relínquimur in advéntum Dómini, non præveniémus eos qui dormiérunt;

quóniam ipse Dóminus in iussu, in voce archángeli et in tuba Dei, descéndet de cælo, et mórtui qui in Christo sunt resúrgent primi,

deínde nos qui vívimus, qui relínquimur simul rapiémur cum illis in núbibus óbviā Dómino in áera: et sic semper cum Dómino érimus.

Verbum Dómini.

Psalmus responsorius

Ps 95, 1 et 3. 4-5. 11-12. 13 (R.: 13 ab)

R. Venit Dóminus iudicáre terram.

1 Cantáte Dómino cánticum novum,
cantáte Dómino, omnis terra.

2 Annuntiáte inter gentes glóriam eius,
in ómnibus pópulis mirabília eius. R.

3 Quóniam magnus Dóminus et laudábilis nimis,
terribilis est super omnes deos.

4 Quóniam omnes dii géntium inánia,
Dóminus autem cælos fecit. R.

5 Læténtur cæli et exsúltet terra,
sonet mare et plenitúdo eius;

6 gaudébunt campi et ómnia quæ in eis sunt. R.

7 Tunc exsultábunt ómnia ligna silvárum
a fácie Dómini, quia venit,

8 quóniam venit iudicáre terram.
Iudicábit orbem terræ in iustítia
et pópulos in veritáte sua. R.

Anno secundo

Lectio prior

*Annuntiavi vobis mysterium Christi crucifixi.*Lectio Epistolæ primæ beāti Pauli apóstoli
ad Corínthios

2, 1-5

Ego, cum veníssem ad vos, fratres, veni non per sublimitátem sermónis aut sapiéntiæ annúntians vobis mystérium Dei. Non enim iudicávi scire me áliquid inter vos nisi Iesum Christum et hunc crucifíxum.

Et ego in infirmitáte et timóre et tremóre multo fui apud vos, et sermo meus et prædicatio mea non in persuasibílibus sapiéntiæ verbis, sed in ostensióne Spíritus et virtútis, ut fides vestra non sit in sapiéntia hóminum sed in virtúte Dei. — Verbum Dómini.

Psalmus responsorius

Ps 118, 97. 98. 99. 100. 101. 102 (R.: 97 a)

R. Quómodo diléxi legem tuam, Dómine!

97 Quómodo diléxi legem tuam, Dómine;
tota die meditatio mea est. R.98 Super inimícos meos
sapiéntem me fecit præceptum tuum,
quia in ætérnum mihi est. R.99 Super omnes docéntes me prudens factus sum,
quia testimónia tua meditatio mea est. R.100 Super senes intelléxi,
quia mandáta tua servávi. R.101 Ab omni via mala prohibui pedes meos,
ut custódiam verba tua. R.102 A iudíciis tuis non declinávi,
quia tu legem posuísti mihi. R.

Alleluia

Lc 4, 18

℞. Allelúia. ʸ. Spíritus Dómini super me:
evangelizáre paupéribus misit me.

℞. Allelúia.

Evangelium

*Unxit me evangelizare pauperibus ...
Nemo propheta acceptus est in patria sua.*

✠ Lécio sancti Evangélíi secúndum Lucam 4, 16-30

In illo témpore:

Venit Iesus Názaeth, ubi erat nutritus, et intrávit secúndum consuetúdinem suam die sábbati in synagógam, et surréxit légere. Et tráditus est illi liber prophétæ Isaíæ, et, ut revólvit librum, invénit locum, ubi scriptum erat:

« Spíritus Dómini super me, propter quod unxit me evangelizáre paupéribus, misit me prædicáre captívis remissionem et cæcis visum, dimítere confráctos in remissione, prædicáre annum Dómini accéptum ».

Et cum plicuísset librum, réddidit minístro et sedit; et ómnium in synagóga óculi erant intendéntes in eum.

Cœpit autem dícere ad illos: « Hódie impléta est hæc Scriptúra in áuribus vestris ».

Et omnes testimónium illi dabant et mirabántur in verbis grátiae quæ procedébant de ore ipsíus, et dicébant: « Nonne hic fílius est Ioseph? »

Et ait illis: « Utique dicétis mihi hanc similitúdinem: “ Médice, cura te ipsum; quanta audívimus facta in Caphárnaum, fac et hic in pátria tua ” ».

Ait autem: « Amen dico vobis: Nemo prophéta accéptus est in pátria sua.

In veritatē autem dico vobis: Multæ viduæ erant in diēbus Eliæ in Israel, quando clausum est cælum annis tribus et mēsisbus sex, cum facta est fames magna in omni terra; et ad nullam illarum missus est Eliás nisi in Saréptha Sidóniæ ad mulierem viduam.

Et multi leprosi erant in Israel sub Elisæo propheta et nemo eorum mundatus est nisi Náaman Syrus ».

Et replēti sunt omnes in synagoga ira hæc audientes, et surrexerunt et eiecērunt illum extra civitatem, et duxerunt illum usque ad supercīlium montis, supra quem civitas illorum erat ædificata, ut præcipitarent eum.

Ipse autem transiens per médium illorum ibat.
Verbum Dómini.

Super oblata

Benedictionem nobis, Dómine, cónferat salutárem
sacra semper oblátio,
ut, quod agit mystério, virtúte perficiat. Per Christum.

Ant. ad communionem

Ps 30, 20

Quam magna multitúdo dulcédinis tuæ, Dómine,
quam abscondisti timéntibus te.

Vel:

Mt 5, 9-10

Beáti pacífici, quóniam filii Dei vocabúntur.
Beáti qui persecutióne patiúntur propter iustítiam,
quóniam ipsórum est regnum cælórum.

Post communionem

Pane mensæ cælestis refecti, te, Dómine, deprecámur,
ut hoc nutrimentum caritátis corda nostra confirmet,
quatenus ad tibi ministrándum in fratribus excitémur.
Per Christum.

Feria tertia

Ant. ad introitum

Ps 85, 3. 5

Miserére mihi, Dómine, quóniam ad te clamávi tota die;
quia tu, Dómine, suávis ac mitis es,
et copiósus in misericórdia ómnibus invocántibus te.

Collecta

Deus virtútum, cuius est totum quod est óptimum,
ínsere pectoribus nostris tui nóminis amórem,
et præsta, ut in nobis, religiónis augméto,
quæ sunt bona nútrias,
ac, vigilánti stúdio, quæ sunt nutrita custódias.
Per Dóminum.

Anno primo

Lectio prior

*Mortuus est pro nobis ut simul
cum illo vivamus.*

Lectio Epístolæ primæ beáti Pauli apóstoli
ad Thessalonicénses

5, 1-6. 9-11

De tempóribus et moméntis, fratres, non indigétis
ut scribátur vobis, ipsi enim diligénter scitis quia dies
Dómini sicut fur in nocte ita véniet.

Cum enim díxerint: « Pax et secúritas », tunc re-
pentínus eis supervéniet intéritus sicut dolor in útero
habénti, et non effúgient.

Vos autem, fratres, non estis in ténebris, ut vos
dies ille tamquam fur comprehéndat: omnes enim vos
fílii lucis estis et fílii diéi. Non sumus noctis neque te-
nebrárum: ígitur non dormiámus sicut céteri, sed vigi-
lémus et sóbrii simus.

Quóniam non pósuit nos Deus in iram sed in acquisitionem salutis per Dóminum nostrum Iesum Christum, qui mórtuus est pro nobis, ut, sive vigilémus sive dormiámus, simul cum illo vivámus.

Propter quod consolámini invicem et ædificáte alterútrum, sicut et fácitis. — Verbum Dómini.

Psalmus responsorius Ps 26, 1. 4. 13-14 (R.: 13)

R. Credo vidére bona Dómini in terra vivéntium.

¹ Dóminus illuminátio mea et salus mea, quem timébo?
Dóminus protéctor vitæ meæ, a quo trepidábo? R.

⁴ Unum pétii a Dómino, hoc requíram:
ut inhábitem in domo Dómini
ómnibus diébus vitæ meæ,
ut vídeam voluptátem Dómini,
et vísitem templum eius. R.

¹³ Credo vidére bona Dómini in terra vivéntium.

¹⁴ Exspécta Dóminum, viríliter age,
et confortétur cor tuum, et sústine Dóminum. R.

Anno secundo

Lectio prior

*Animalis homo non percipit quæ sunt Spiritus Dei;
spiritualis autem iudicat omnia.*

Léctio Epístolæ primæ beáti Pauli apóstoli
ad Corinthios

2, 10 b-16

Fratres:

Spiritus ómnia scrutátur, étiam profúnda Dei. Quis enim scit hóminum quæ sint hóminis, nisi spíritus hóminis qui in ipso est? Ita et quæ Dei sunt nemo cognóvit nisi Spíritus Dei.

Nos autem non spíritum mundi accépimus sed Spíritum qui ex Deo est, ut sciámus quæ a Deo donáta sunt nobis; quæ et lóquimur non in doctis humanæ sapiéntiæ sed in doctis Spíritus verbis, spiritálibus spiritália comparátes.

Animális autem homo non pécipit quæ sunt Spíritus Dei, stultítia enim sunt illi, et non potest intellégere quia spiritáliter examinántur; spiritális autem iúdicat ómnia, et ipse a némine iudicátur.

Quis enim cognóvit sensum Dómini, qui ínstruat eum? Nos autem sensum Christi habémus.

Verbum Dómini.

Psalmus responsorius

Ps 144, 8-9. 10-11. 12-13 ab. 13 cd-14 (R.: 17a)

R. Iustus est Dóminus in ómnibus viis suis.

- 8 Miserátor et miséricors Dóminus,
longánimis et multæ misericórdiæ.
- 9 Suávis Dóminus univérsis,
et miseratiónes eius super ómnia ópera eius. R.
- 10 Confiteántur tibi, Dómine, ómnia ópera tua;
et sancti tui benedícant tibi.
- 11 Glóriam regni tui dicant,
et poténtiam tuam loquántur. R.
- 12 Ut notas fáciant filiis hóminum poténtias tuas,
et glóriam magnificéntiæ regni tui.
- 13 Regnum tuum regnum ómnium sæculórum,
et dominátio tua
in omnem generatióem et generatióem. R.
- Fidélis Dóminus in ómnibus verbis suis,
et sanctus in ómnibus opéribus suis.
- 14 Allevat Dóminus omnes qui córruunt,
et érigit omnes depréssos. R.

Alleluia

Lc 7, 16

R. Allelúia. V. Prophéta magnus surrexit in nobis,
et Deus visitávit plebem suam.

R. Allelúia.

Evangelium

Scio te qui sis, Sanctus Dei.

✠ Lécio sancti Evangélii secúndum Lucam 4, 31-37

In illo témpore:

Descéndit Iesus in Caphárnaum civitátem Galilææ. Et docébat illos sábbatis, et stupébant in doctrína eius, quia in potestáte erat sermo ipsíus.

Et in synagóga erat homo habens spíritum dæmónii immúndi, et exclamávit voce magna: « Sine, quid nobis et tibi, Iesu Nazaréne? Venísti pérdere nos? Scio te qui sis, Sanctus Dei ».

Et increpávit illi Iesus dicens: « Obmutésce, et exi ab illo ». Et, cum projecísset illum dæmónium in médiúm, éxiit ab illo nihílque illum nócuit.

Et factus est pavor in ómnibus, et colloquebántur ad ínvicem dicétes: « Quod est hoc verbum, quia in potestáte et virtúte ímperat immúndis spíritibus, et éxeunt? »

Et divulgabátur fama de illo in omnem locum regiónis. — Verbum Dómini.

Super oblata

Benedictiónem nobis, Dómine, cónferat salutárem
sacra semper oblátio,
ut, quod agit mystério, virtúte perfíciat.
Per Christum.

Ant. ad communionem**Ps 30, 20**

Quam magna multitúdo dulcédinis tuæ, Dómine,
quam abscondísti timéntibus te.

Vel:**Mt 5, 9-10**

Beáti pacífici, quóniam filii Dei vocabúntur.
Beáti qui persecutiónem patiúntur propter iustítiam,
quóniam ipsórum est regnum cælórum.

Post communionem

Pane mensæ cæléstis refécti,
te, Dómine, deprecámur,
ut hoc nutríméntum caritátis corda nostra confírmet,
quátenus ad tibi ministrándum in frátribus excitémur.
Per Christum.

Feria quarta

Ant. ad introitum**Ps 85, 3. 5**

Miserére mihi, Dómine,
quóniam ad te clamávi tota die;
quia tu, Dómine, suávis ac mitis es,
et copiósus in misericórdia
ómnibus invocántibus te.

Collecta

Deus virtútum, cuius est totum quod est óptimum,
ínsere pectóribus nostris tui nóminis amórem,
et præsta, ut in nobis, religiónis augméto,
quæ sunt bona nútrias,
ac, vigilánti stúdio, quæ sunt nutrita custódias.
Per Dóminum.

Anno primo

Lectio prior

*Pervenit ad vos verbum veritatis
sicut et in universo mundo.*

Initium Epístolæ beāti Pauli apóstoli
ad Colossenses

1, 1-8

Paulus apóstolus Christi Iesu per voluntátem Dei et Timótheus frater, his qui sunt Colóssis sanctis et fidélibus frátribus in Christo: grátia vobis et pax a Deo Patre nostro.

Grátias ágimus Deo Patri Dómini nostri Iesu Christi semper pro vobis orántes, audiéntes fidem vestram in Christo Iesu et dilectiónem quam habétis in sanctos omnes

propter spem quæ repósita est vobis in cælis, quam ante audístis in verbo veritátis Evangélii, quod pervénit ad vos, sicut et in univérso mundo est fructíficans et crescens sicut et in vobis, ex ea die qua audístis et cognovístis grátiam Dei in veritáte;

sicut didicístis ab Epaphra caríssimo consérvo nostro, qui est fidélis pro nobis mínister Christi, qui étiam manifestávit nobis dilectiónem vestram in Spíritu. — Verbum Dómini.

Psalmus responsorius Ps 51, 10. 11 (℟.: cf. 10 b)

℟. Sperávi in misericórdia tua, Dómine, in ætérnum.

¹⁰ Ego autem sicut virens olíva in domo Dei.
Sperávi in misericórdia Dei
in ætérnum et in sáculum sáculi. ℟.

¹¹ Confitébor tibi in sáculum, quia fecísti;
et exspectábo nomen tuum,
quóniam bonum est, in conspéctu sanctorum tuorum. ℟.

Anno secundo

Lectio prior

*Dei sumus adiutores: Dei agricultura,
Dei ædificatio estis.*

Lectio Epistolæ primæ beāti Pauli apóstoli
ad Corínthios

3, 1-9

Ego, fratres, non pótui vobis loqui quasi spiritalibus sed quasi carnalibus, tamquam párvulis in Christo. Lac vobis potum dedi, non escam, nondum enim poterátis. Sed ne nunc quidem potéstis, adhuc enim estis carnáles. Cum enim sit inter vos zelus et conténtio, nonne carnáles estis et secúndum hóminem ambulátis?

Cum enim quis dicit: « Ego quidem sum Pauli », álius autem: « Ego Apóllo », nonne hómines estis? Quid ígitur est Apóllo? Quid vero Paulus? Ministri, per quos credidístis, et unicuique sicut Dóminus dedit.

Ego plantávi, Apóllo rigávit sed Deus incrementum dedit; itaque neque qui plantat est áliquid neque qui rigat, sed qui incrementum dat Deus.

Qui plantat autem et qui rigat unum sunt, unusquisque autem própriam mercédem accípiet secúndum suum labórem.

Dei enim sumus adiutóres: Dei agricultúra estis, Dei ædificatio estis. — Verbum Dómini.

Psalmus responsorius

Ps 32, 12-13. 14-15. 20-21 (R.: 12 b)

R. Beátus pópulus,
quem elégit Deus in hereditátem sibi.

Beáta gens, cui Dóminus est Deus,
pópulus, quem elégit in hereditátem sibi.

De cælo respéxit Dóminus,
vidit omnes fílios hóminum. R.

- 14 De loco habitáculi sui respéxit
super omnes qui hábitant terram,
15 qui finxit singillátim corda eórum,
qui intélligit ómnia ópera eórum. *R.*
20 Anima nostra sústinet Dóminum,
quóniam adiútor et protéctor noster est;
21 quia in eo lætábitur cor nostrum,
et in nómine sancto eius sperávimus. *R.*

Alleluia

Lc 4, 18-19

R. Allelúia. *V.* Evangelizáre paupéribus misit me Dóminus,
prædicáre captívis remissionem.
R. Allelúia.

Evangelium

*Et aliis civitatibus oportet me evangelizare,
quia ideo missus sum.*

✠ Lécio sancti Evangélíi secundum Lucam 4, 38-44

In illo témpore:

Surgens Iesus de synagóga, introívit in domum Simónis. Socrus autem Simónis tenebátur magna feбри, et rogavérunt illum pro ea.

Et stans super illam imperávit feбри, et dimísit illam; et contínuo surgens ministrábat illis.

Cum sol autem occidisset, omnes qui habébant infirmos váriis languóribus ducébant illos ad eum: at ille singulis manus impónens curábat eos.

Exíbant autem dæmónia a multis, clamántia et dicéntia: « Tu es Fílius Dei ». Et increpans non sinébat ea loqui, quia sciébant ipsum esse Christum.

Facta autem die, egréssus ibat in désertum locum;

et turbæ requirébant eum, et venérunt usque ad ipsum, et detinébant illum ne discéderet ab eis.

Quibus ille ait: « Et áliis civitatibus opórtet me evangelizáre Regnum Dei, quia ídeo missus sum ».

Et erat prædicans in synagógis Iudææ.

Verbum Dómini.

Super oblata

Benedictiónem nobis, Dómine, cónferat salutárem
sacra semper oblátio,
ut, quod agit mystério, virtúte perfíciat.
Per Christum.

Ant. ad communionem

Ps 30, 20

Quam magna multitúdo dulcédinis tuæ, Dómine,
quam abscondísti timéntibus te.

Vel:

Mt 5, 9-10

Beáti pacífici, quóniam filii Dei vocabúntur.
Beáti qui persecutióem patiúntur propter iustítiam,
quóniam ipsórum est regnum cælórum.

Post communionem

Pane mensæ cæléstis refécti, te, Dómine, deprecámur,
ut hoc nutrimentum caritátis corda nostra confírmes,
quátenus ad tibi ministrándum in fratribus excitémur.
Per Christum.

Feria quinta

Ant. ad introitum

Ps 85, 3. 5

Miserére mihi, Dómine, quóniam ad te clamávi tota die;
quia tu, Dómine, suávis ac mítis es,
et copiósus in misericórdia ómnibus invocántibus te.

Collecta

Deus virtútum, cuius est totum quod est óptimum,
ínsere pectoríbus nostris tui nóminis amórem,
et præsta, ut in nobis, religiónis augméto,
quæ sunt bona nútrias,
ac, vigilánti stúdio,
quæ sunt nutríta custódias.
Per Dóminum.

Anno primo

Lectio prior

*Eripuit nos de potestate tenebrarum
et transtulit in Regnum Filii dilectionis suæ.*

Léctio Epístolæ beáti Pauli apóstoli
ad Colossénses

1, 9-14

Fratres:

Et nos, ex qua die audívimus de vobis, non cessá-
mus pro vobis orántes et postulántes ut impleámini
agnitióne voluntátis eius in omni sapiéntia et intelléctu
spiritáli,

ut ambulétis digne Deo per ómnia placéntes, in
omni ópere bono fructificántes et crescéntes in sciéntia
Dei, in omni virtúte confortáti secúndum poténtiam glo-
riæ eius in omnem patiéntiam et longanimitátem, cum
gáudio grátias agéntes Patri, qui idóneos vos fecit in
partem sortis sanctórum in lúmine;

qui erípuit nos de potestáte tenebrárum et tránstulit
in Regnum Fílii dilectiόνis suæ, in quo habémus red-
emptiόνem, remissiόνem peccatórum.

Verbum Dómini.

Psalmus responsorius

Ps 97, 2-3 ab. 3 cd-4. 5-6 (R.: 2 a)

R. Notum fecit Dóminus salutáre suum.

2 Notum fecit Dóminus salutáre suum,
in conspéctu géntium revelávit iustítiam suam.3 Recordátus est misericórdiæ suæ
et veritátis suæ dómui Israel. R.Vidérunt omnes términi terræ
salutáre Dei nostri.4 Iubiláte Deo, omnis terra,
erúmpite, exsultáte et psállite. R.5 Psállite Dómino in cíthara,
in cíthara et voce psalmi;
6 in tubis ductílibus et voce tubæ córneæ,
iubiláte in conspéctu regis Dómini. R.

Anno secundo

Lectio prior

*Omnia vestra sunt, vos autem Christi,
Christus autem Dei.*Léctio Epístolæ primæ beáti Pauli apóstoli
ad Corínthios

3, 18-23

Fratres:

Nemo se sedúcat; si quis vidétur sápiens esse inter vos in hoc século, stultus fiat, ut sit sápiens. Sapiéntia enim huius mundi stultítia est apud Deum; scriptum est enim: « Qui apprehéndit sapiéntes in astútia eórum », et íterum: « Dóminus novit cogitatiónes sapiéntium quóniam vanæ sunt ».

Itaque nemo gloriétur in homínibus; omnia enim vestra sunt, sive Paulus, sive Apóllo, sive Cephas, sive

mundus, sive vita sive mors, sive præséntia sive futúra, ómnia enim vestra sunt, vos autem Christi, Christus autem Dei. — Verbum Dómini.

Psalmus responsorius

Ps 23, 1-2. 3-4 ab. 5-6 (R.: 1 a)

R. Dómini est terra et plenitúdo eius.

- 1 Dómini est terra et plenitúdo eius,
orbis terrárum et qui hábitant in eo.
- 2 Quia ipse super mária fundávit eum,
et super flúmina firmávit eum. R.
- 3 Quis ascéndet in montem Dómini,
aut quis stabit in loco sancto eius?
- 4 Innocens mánibus et mundo corde,
qui non accépit in vanum nomen eius. R.
- 5 Hic accípiet benedictiónem a Dómino,
et iustificatióem a Deo salutári suo.
- 6 Hæc est generátio quæréntium eum,
quæréntium fáciem Dei Iacob. R.

Alleluia

Mt 4, 19

R. Allelúia. V. Veníte post me, dicit Dóminus,
et fáciam vos fieri piscatóres hóminum.
R. Allelúia.

Evangelium

Relictis omnibus secuti sunt illum.

✠ Lécio sancti Evangélíi secúndum Lucam 5, 1-11

In illo témpore:

Factum est, cum turba urgéret Iesum et audíret verbum Dei, et ipse stabat secus stagnum Genésareth,

et vidit duas naves stantes secus stagnum; piscatores autem descenderant de illis et lavabant rétia.

Ascendens autem in unam navem, quæ erat Simónis, rogavit eum a terra reducere pusillum, et sedens docebat de navícula turbas.

Ut cessavit loqui, dixit ad Simónem: « Duc in altum et laxate rétia vestra in capturam ».

Et respondens Simon dixit: « Præceptor, per totam noctem laborantes nihil cepimus; in verbo autem tuo laxabo rétia ».

Et cum hoc fecissent, conclusérunt piscium multitudinem copiosam, rumpebantur autem rétia eorum. Et annuerunt sociis qui erant in alia navi, ut venirent et adjuvarent eos, et venerunt, et impleverunt ambas navículas ita ut mergerentur.

Quod cum vidéret Simon Petrus, prócidit ad gēnua Iesu dicens: « Exi a me, quia homo peccator sum, Dómine »: stupor enim circumdederat eum et omnes, qui cum illo erant, in captúra piscium quos céperant, similiter autem et Iacóbum et Ioánnem, filios Zebedæi, qui erant sócii Simónis.

Et ait ad Simónem Iesus: « Noli timére, ex hoc iam hómines eris cápiens ».

Et subductis ad terram návibus, relictis ómnibus secúti sunt illum. — Verbum Dómini.

Super oblata

Benedictiónem nobis, Dómine, cónferat salutárem
sacra semper oblátio,
ut, quod agit mystério, virtúte perfíciat. Per Christum.

Ant. ad communionem

Ps 30, 20

Quam magna multitúdo dulcédinis tuæ, Dómine,
quam abscondísti timéntibus te.

Vel:

Mt 5, 9-10

Beáti pacífici, quóniam filii Dei vocabúntur.

Beáti qui persecutióem patiúntur propter iustítiam,
quóniam ipsórum est regnum cælórum.

Post communionem

Pane mensæ cæléstis refécti, te, Dómine, deprecámur,
ut hoc nutrimentum caritátis corda nostra confírmet,
quátenus ad tibi ministrándum in frátribus excitémur.
Per Christum.

Feria sexta

Ant. ad introitum

Ps 85, 3. 5

Miserére mihi, Dómine, quóniam ad te clamávi tota die;
quia tu, Dómine, suávis ac mitis es,
et copiósus in misericórdia ómnibus invocántibus te.

Collecta

Deus virtútum, cuius est totum quod est óptimum,
ínsere pectoribus nostris tui nóminis amórem,
et præsta, ut in nobis, religiónis augméto,
quæ sunt bona nútrias,
ac, vigilánti stúdio, quæ sunt nutrita custódias.
Per Dóminum.

Anno primo

Lectio prior

Omnia per ipsum et in ipsum creata sunt.

Léctio Epístolæ beáti Pauli apóstoli
ad Colossénses

1, 15-20

Christus Iesus est imágo Dei invisíbilis, primogénitus omnis creatúræ, quia in ipso cóndita sunt univérsa

in cælis et in terra, visibília et invisibília, sive Throni sive Dominationes sive Principatus sive Potestates:

omnia per ipsum et in ipsum creata sunt, et ipse est ante omnia et omnia in ipso constant.

Et ipse est caput corporis Ecclesiæ: qui est principium, primogenitus ex mortuis, ut sit in omnibus ipse primatum tenens,

quia in ipso complacuit omnem plenitudinem habitare, et per eum reconciliare omnia in ipsum, pacificans per sanguinem crucis eius sive quæ in terris sive quæ in cælis sunt.

Verbum Domini.

Psalmus responsorius

Ps 99, 2. 3. 4. 5 (R.: 2 c)

R. Introíte in conspectu Domini
in exultatione.

2 Iubiláte Domino, omnis terra,
servite Domino in lætitia;
introíte in conspectu eius in exultatione. **R.**

3 Scitote quoniam Dominus ipse est Deus;
ipse fecit nos, et ipsius sumus,
populus eius et oves pascuæ eius. **R.**

4 Introíte portas eius in confessione,
atria eius in hymnis,
confitemini illi, benedicite nomini eius. **R.**

5 Quoniam suavis est Dominus;
in æternum misericordia eius,
et usque in generationem et generationem
veritas eius. **R.**

Anno secundo

Lectio prior

Manifestabit Dominus consilia cordium.

Lectio Epistolæ primæ beāti Pauli apóstoli
ad Corínthios

4, 1-5

Fratres:

Sic nos existimet homo ut ministros Christi et dispensatores mysteriorum Dei. Hic iam queritur inter dispensatores ut fidelis quis inveniatur.

Mihi autem pro minimo est ut a vobis iudicer aut ab humano die; sed neque me ipsum iudico: nihil enim mihi conscius sum sed non in hoc iustificatus sum, qui autem iudicat me Dominus est.

Itaque nolite ante tempus quicquam iudicare, quoad usque veniat Dominus, qui et illuminabit abscondita tenebrarum et manifestabit consilia cordium; et tunc laus erit unicuique a Deo. — Verbum Domini.

Psalmus responsorius

Ps 36, 3-4. 5-6. 27-28. 39-40 (R.: 39 a)

R. Salus iustorum a Domino est.

- ³ Spera in Domino et fac bonitatem,
et inhabitabis terram et pasceris in fide.
- ⁴ Delectare in Domino,
et dabit tibi petitiones cordis tui. R.
- ⁵ Committe Domino viam tuam et spera in eo,
et ipse faciet;
- ⁶ et educet quasi lumen iustitiam tuam,
et iudicium tuum tamquam meridiem. R.
- ²⁷ Declina a malo et fac bonum,
et inhabitabis in seculum seculi.

- 28 Quia Dóminus amat iudícium,
et non derelínquet sanctos suos. *R.*
- 39 Salus autem iustórum a Dómino,
et protéctor eórum in témpore tribulatiónis.
- 40 Et adiuvábit eos Dóminus et liberábit eos,
et éruet eos a peccatóribus et salvábit eos,
quia speravérunt in eo. *R.*

Alleluia

Io 8, 12

R. Allelúia. *V.* Ego sum lux mundi, dicit Dóminus;
qui séquitur me habébit lumen vitæ.
R. Allelúia.

Evangelium

*Cum ablatuſ fuerit ab illis sponsus,
tunc ieiunabunt.*

✠ Lécio sancti Evangélii secúndum Lucam 5, 33-39

In illo témpore: Dixérunt ad Iesum Pharisæi et scribæ:

« Discípuli Ioánnis ieiúnant frequénter et obsecra-
tiónes faciunt, simíliter et Pharisæórum, tui autem
edunt et bibunt ».

Quibus Iesus ait: « Numquid potéstis convívas
nuptiárum, dum cum illis est sponsus, fácere ieiunáre?
Vénient autem dies, et cum ablátus fúerit ab illis spon-
sus, tunc ieiunábunt in illis diébus ».

Dicébat autem et similitúdinem ad illos: « Nemo
abscíndit commissúram a vestiménto novo et immíttit
in vestiméntum vetus; alióquin et novum rumpet, et
vétéri non convéniet commissúra a novo.

Et nemo mittit vinum novum in utres vétères; alió-
quin rumpet vinum novum utres, et ipsum effundétur
et utres períbunt; sed vinum novum in utres novos

mittendum est. Et nemo bibens vetus vult novum; dicit enim: "Vetus melius est" ». — Verbum Dómini.

Super oblata

Benedictiónem nobis, Dómine, cónferat salutárem
sacra semper oblátio,
ut, quod agit mystério, virtúte perficiat.
Per Christum.

Ant. ad communionem

Ps 30, 20

Quam magna multitúdo dulcédinis tuæ, Dómine,
quam abscondísti timéntibus te.

Vel:

Mt 5, 9-10

Beáti pacífici, quóniam filii Dei vocabúntur.
Beáti qui persecutióem patiúntur propter iustítiam,
quóniam ipsórum est regnum cælórum.

Post communionem

Pane mensæ cæléstis refécti, te, Dómine, deprecámur,
ut hoc nutríméntum caritátis corda nostra confírmes,
quátenus ad tibi ministrándum in frátribus excitémur.
Per Christum.

Sabbato

Ant. ad introitum

Ps 85, 3. 5

Miserére mihi, Dómine, quóniam ad te clamávi tota die;
quia tu, Dómine, suávis ac mītis es,
et copiósus in misericórdia ómnibus invocántibus te.

Collecta

Deus virtútum, cuius est totum quod est óptimum,
ínsere pectóribus nostris tui nóminis amórem,

et præsta, ut in nobis, religiõnis augmẽto,
 quæ sunt bona nútrias,
 ac, vigilánti stúdio, quæ sunt nutrita custódias.
 Per Dóminum.

Anno primo

Lectio prior

*Reconciliavit Deus, exhibere vos
 sanctos et immaculatos.*

Léctio Epístolæ beáti Pauli apóstoli
 ad Colossénses

1, 21-23

Fratres:

Et vos, cum essétis aliquándo alienáti et inimíci
 sensu in opéribus malis, nunc autem reconciliávit Deus
 in córpore carnis Christi per mortem, exhibére vos
 sanctos et immaculátos et irreprehensíbles coram ipso,
 si tamen permanétis in fide fundáti et stábiles et
 immóbiles a spe Evangélii quod audístis, quod prædi-
 cátum est in univérsa creatúra quæ sub cælo est, cuius
 factus sum ego Paulus miníster. — Verbum Dómini.

Psalmus responsorius Ps 53, 3-4. 6 et 8 (R.: 6 a)

R. Ecce Deus ádiuvat me.

³ Deus, in nómine tuo salvum me fac,
 et in virtúte tua iúdica me.

⁴ Deus, exáudi oratióem meam,
 áuribus pécipe verba oris mei. R.

⁶ Ecce enim Deus ádiuvat me,
 et Dóminus suscéptor est animæ meæ.

⁸ Voluntárie sacriñcábo tibi,
 confitébor nómini tuo, Dómine, quóniam bonum est. R.

Anno secundo

Lectio prior

*Esurimus et sitimus et nudi sumus.*Lectio Epistolæ primæ beāti Pauli apóstoli
ad Corínthios

4, 6-15

Fratres:

In me et Apóllo discátis illud: « Ne supra quæ scripta sunt », ne unus pro álío inflémini advérsus álterum. Quis enim te discérnit? Quid autem habes quod non accepísti? Si autem accepísti, quid gloriáris quasi non accéperis?

Iam saturáti estis, iam dívites facti estis; sine nobis regnástis; et útinam regnarétis, ut et nos vobíscum regnarémus.

Puto enim, Deus nos apóstolos novíssimos osténdit tamquam morti destinátos, quia spectáculum facti sumus mundo et ángelis et homínibus.

Nos stulti propter Christum, vos autem prudéntes in Christo; nos infírmi, vos autem fortes; vos gloriósi, nos autem ignóbiles.

Usque in hanc horam et esurímus et sitímus et nudi sumus et cólaphis cédimur et instábiles sumus et laborámus operántes mánibus nostris;

maledícti benedícimus, persecutióne passí sustinémus, blasphemáti obsecrámus; tamquam purgaménta mundi facti sumus, ómnium peripséma, usque adhuc.

Non ut confúndam vos hæc scribo, sed ut, quasi filios meos caríssimos, móneam; nam si decem mília pædagogórum habeátis in Christo, sed non multos patres, nam in Christo Iesu per Evangélium ego vos génui. — Verbum Dómini.

Psalmus responsorius

Ps 144, 17-18. 19-20. 21 (R.: 18 a)

R. Prope est Dóminus invocántibus eum.

- 17 Iustus Dóminus in ómnibus viis suis,
et sanctus in ómnibus opéribus suis.
- 18 Prope est Dóminus ómnibus invocántibus eum,
ómnibus invocántibus eum in veritáte. R.
- 19 Voluntátem timéntium se fáciat,
et deprecationem eórum exáudiet, et salvos fáciat eos.
- 20 Custódit Dóminus omnes diligéntes se,
et omnes peccatóres dispédat. R.
- 21 Laudatióem Dómini loquétur os meum,
et benedícat omnis caro nómini sancto eius
in sáculum et in sáculum sáculi. R.

Alleluia

Io 14, 6

R. Allelúia. V. Ego sum via, véritas et vita,
dicit Dóminus;
nemo venit ad Patrem, nisi per me.
R. Allelúia.

Evangelium

Quid facitis, quod non licet in sabbatis?

✠ Lécio sancti Evangélii secúndum Lucam 6, 1-5

Factum est in sábbato cum transíret Iesus per sata,
et vellébant discípuli eius spicas et manducábant con-
fricántes mánibus.

Quidam autem Pharisæórum dixerunt: « Quid fá-
citis, quod non licet in sábbatis? »

Et respóndens Iesus ad eos dixit: « Nec hoc le-
gístis quod fecit David cum esurísset ipse et qui cum

eo erant? Quómodo intrávit in domum Dei et panes propositionis sumpsit et manducávit et dedit his qui cum ipso erant, quos non licet manducáre nisi tantum sacerdotibus? »

Et dicébat illis: « Dóminus est sábbati Fílius hóminis ». — Verbum Dómini.

Super oblata

Benedictiónem nobis, Dómine, cónferat salutárem
sacra semper oblátio,
ut, quod agit mystério, virtúte perfíciat.
Per Christum.

Ant. ad communionem

Ps 30, 20

Quam magna multitúdo dulcédinis tuæ, Dómine,
quam abscondísti timéntibus te.

Vel:

Mt 5, 9-10

Beáti pacífici, quóniam filii Dei vocabúntur.
Beáti qui persecutióem patiúntur propter iustítiam,
quóniam ipsórum est regnum cælórum.

Post communionem

Pane mensæ cæléstis refécti, te, Dómine, deprecámur,
ut hoc nutrimentum caritátis corda nostra confírmet,
quátenus ad tibi ministrándum in frátribus excitémur.
Per Christum.

DOMINICA XXIII « PER ANNUM »

Ant. ad introitum

Ps 118, 137. 124

Iustus es, Dómine, et rectum iudícium tuum;
fac cum servo tuo secúndum misericórdiam tuam.

Dicitur Glória in excélsis.

Collecta

Deus, per quem nobis et redéptio venit
et præstátur adóptio,
fílios dilectiónis tuæ benígnus inténde,
ut in Christo credéntibus
et vera tribuátur libértas, et heréditas æténa.
Per Dóminum.

Anno A

Lectio prima

*Si impio non fueris locutus, sanguinem eius
de manu tua requiram.*

Léctio libri Ezechiélis prophétæ

33, 7-9

Hæc dicit Dóminus:

« Et tu, fili hóminis, speculatórem dedi te dómui
Israel; áudiens ergo ex ore meo sermónem, annuntiábis
eis ex me.

Si, me dicénte ad ímpium: “ Impie, morte morié-
ris ”, non fúeris locútus, ut se custódiat ímpius a via
sua, ipse ímpius in iniquitáte sua moriétur, ságuinem
autem eius de manu tua requíram;

si autem, annuntiánte te ad ímpium ut a viis suis
convertátur, non fúerit convérsus a via sua, ipse in ini-

quitáte sua moriétur, porro tu ánimam tuam liberásti ». — Verbum Dómini.

Psalmus responsorius Ps 94, 1-2. 6-7. 8-9 (R.: 8)

R. Utinam hódie vocem Dómini audiátis:

« Nolíte obduráre corda vestra ».

1 Veníte, exsultémus Dómino;
iubilémus Deo salutári nostro.

2 Præoccupémus fáciem eius in confessióne,
et in psalmis iubilémus ei. R.

3 Veníte, adorémus et procidámus,
et gēnua flectámus ante Dóminum qui fecit nos,
7 quia ipse est Deus noster,
et nos pópulus páscae eius et oves manus eius. R.

8 Utinam hódie vocem eius audiátis:
« Nolíte obduráre corda vestra,
9 sicut in Meríba secúndum diem Massa in desérto,
ubi tentavérunt me patres vestri:
probavérunt me, etsi vidérunt ópera mea ». R.

Lectio secunda

Plenitudo Legis est dilectio.

Léctio Epístolæ beáti Pauli apóstoli ad Romános

Fratres:

13, 8-10

Némini quicquam debeátis nisi ut ínvicem diligátis: qui enim diligit próximum Legem implévit. Nam: « Non adulterábis, Non occídes, Non furáberis, Non concupísces » et si quod est áliud mandátum, in hoc verbo recapitulátur: « Díliges próximum tuum tamquam te ipsum ».

Diléctio próximo malum non operátur: plenitúdo ergo Legis est diléctio. — Verbum Dómini.

Alleluia

2 Cor 5, 19

R. Allelúia. V. Deus erat in Christo mundum reconcilians sibi,
et pósuit in nobis verbum reconciliatiónis.
R. Allelúia.

Evangelium

Si te audierit, lucratus es fratrem tuum.

✠ Lécio sancti Evangélii secúndum Mattháeum

18, 15-20

In illo témpore: Dixit Iesus discípulis suis:

« Si peccáverit in te frater tuus, vade, córripe eum inter te et ipsum solum.

Si te audíerit, lucrátus es fratrem tuum; si autem non audíerit, ádhibe tecum adhuc unum vel duos, ut in ore duórum téstium vel trium stet omne verbum; quod si nolúerit audíre eos, dic ecclésiæ; si autem et ecclésiám nolúerit audíre, sit tibi sicut éthnicus et publicánuS.

Amen dico vobis: Quæcúmque alligavéritis super terram erunt ligáta in cælo et quæcúmque solvéritis super terram erunt solúta in cælo.

Iterum dico vobis: Si duo ex vobis consénsierint super terram de omni re quæcúmque petierint, fiet illis a Patre meo qui in cælis est. Ubi enim sunt duo vel tres congregáti in Nómine meo, ibi sum in médio eórum ». — Verbum Dómini.

Anno B

Lectio prima

*Aures surdorum patebunt,
et aperta erit lingua mutorum.*

Lectio libri Isaíæ prophétæ

35, 4-7 a

Dícite pusillánimis: « Confortámini et nolíte timére; ecce Deus vester ultiónem addúcet retributiónis: Deus ipse véniet et salvábit vos ».

Tunc aperiéntur óculi cæcórum, et aures surdórum patébunt; tunc sáliet sicut cervus claudus, et apérta erit lingua mutórum; quia scissæ sunt in desérto aquæ, et torréntes in solitúdine.

Et quæ erat árida erit in stagnum, et sítiens in fontes aquárum. — Verbum Dómini.

Psalmus responsorius

Ps 145, 7. 8-9 a. 9 bc-10 (R.: 2 a)

R. Lauda, ánima mea, Dóminum.

vel Allelúia.

7 Qui custódit veritátem in sáculum,
facit iudícium opprèssis,
dat escam esuriéntibus.

Dóminus solvit compeditos. R.

8 Dóminus illúminat cæcos,
Dóminus érigit depréssos,
Dóminus díligit iustos,

9 Dóminus custódit ádvenas. R.

Pupíllum et víduam susténtat,
et viam peccatórum dispérdit.

10 Regnábit Dóminus in sácula,
Deus tuus, Sion,
in generatióem et generatióem. R.

Lectio secunda

Nonne Deus elegit pauperes heredes Regni?

Lectio Epistolæ beāti Iacobi apóstoli 2, 1-5

Fratres mei, nolite in personarum acceptiōne habere fidem Dómini nostri Iesu Christi glóriæ.

Etenim si introierit in synagógam vestram vir áureum ánulum habens in veste cándida, introierit autem et pauper in sórdido hábitu, et intendátis in eum qui indútus est veste præclára, et dixeritis: « Tu sede hic bene », páuperi autem dicátis: « Tu sta illic aut sede sub scabéllo meo », nonne iudicátis apud vosmetipsos et facti estis iúdice cogitatiónum iniquárum?

Audíte, fratres mei dilectíssimi. Nonne Deus elégit qui páuperes sunt mundo dívites in fide et herédes Regni quod repromísit diligéntibus se?

Verbum Dómini.

Alleluia

Mt 4, 23

℟. Allelúia. ℣. Prædicábat Iesus Evangélium Regni,
et sanábat omnem infirmitátem in pópulo.
℟. Allelúia.

Evangelium

Surdos facit audire et mutos loqui.

✠ Lectio sancti Evangélii secúndum Marcum 7, 31-37

In illo témpore:

Iterum éxiens Iesus de fínibus Tyri venit per Sidónem ad mare Galilææ inter médios fines Decapóleos.

Et addúcunt ei surdum et mutum et deprecántur eum ut impónat illi manum.

Et apprehéndens eum de turba seórsum misit dígitos suos in aurículas eius et éxspuens tétigit linguam eius, et suspíciens in cælum ingémuit et ait illi: « Effetha », quod est: « Adaperíre ».

Et statim apértæ sunt aures eius, et solútum est vínculum linguæ eius, et loquebátur recte.

Et præcépit illis ne cui dicerent: quanto autem eis præcipiébat, tanto magis plus prædicábant.

Et eo ámplius admirabántur dicéntes: « Bene ómnia fecit, et surdos facit audíre et mutos loqui ».

Verbum Dómini.

Anno C

Lectio prima

Quis poterit cogitare quid velit Deus?

Léctio libri Sapiéntiæ

9, 13-19

Quis hóminum póterit scire consílium Dei? aut quis póterit cogitare quid velit Deus?

Cogitatíones enim mortálium tímidx, et incértæ providéntiæ nostræ: corpus enim quod corrúmpitur, ággravat ánimam, et terréna inhabitátio déprimit sensum multa cogitántem.

Et difícilé æstimámus quæ in terra sunt, et quæ in prospéctu sunt invenímus cum labóre; quæ autem in cælis sunt quis investigábit?

Sensum autem tuum quis sciet, nisi tu déderis sapiéntiam, et míseris spíritum sanctum tuum de altísimis, et sic corréctæ sint sémitæ eórum qui sunt in terris, et quæ tibi placent didícerint hómines?

Nam per sapiéntiam sanáti sunt quicúmque placué-
runt tibi, Dómine, a princípio. — Verbum Dómini.

Psalmus responsorius

Ps 89, 3-4. 5-6. 12-13. 14 et 17 (R.: 1)

R. Dómine, refúgium factus es nobis,
a generatióne in generatióne.

3 Redúcis hóminem in púlverem;
et dixísti: « Revertímini, filii hóminum ».

4 Quóniam mille anni ante óculos tuos
tamquam dies hestérna quæ prætériit,
et custódia in nocte. R.

5 Perfúndis eos somno,
6 erunt mane sicut herba succréscens:
mane floret et crescit,
véspere décidit et aréscit. R.

12 Dinumeráre dies nostros sic doce nos,
ut inducámus cor ad sapiéntiam.

13 Convértere, Dómine, úsquequo?
Et deprecábilis esto super servos tuos. R.

14 Reple nos mane misericórdia tua,
et exsultábimus et delectábimur
ómnibus diébus nostris.

17 Et sit splendor Dómini Dei nostri super nos,
et ópera mánuum nostrárum confírma super nos,
et opus mánuum nostrárum confírma. R.

Lectio secunda

*Illum recipe, iam non ut servum,
sed ut carissimum fratrem.*

Léctio Epístolæ beáti Pauli apóstoli ad Philémonem

Caríssime:

9 b-10. 12-17

Cum sim talis ut Paulus senex, nunc autem et vinc-
tus Christi Iesu, óbsecro te de meo filio, quem génui
in vínculis, Onésimo

quem remisí tibi, eum, hoc est víscera mea; quem ego volúeram mecum detinére, ut pro te mihi ministráret in vñculis Evangélii, sine consílio autem tuo nihil volúi fácere, uti ne velut ex necessitatē bonum tuum esset sed voluntárium.

Fórsitan enim ídeo discéssit ad horam ut ætérnum illum recíperes, iam non ut servum sed plus servo, caríssimum fratrem, máxime mihi, quanto autem magis tibi et in carne et in Dómino.

Si ergo habes me sócium, súscipe illum sicut me.
Verbum Dómini.

Alleluia

Ps 118, 135

℞. Allelúia. √. Fáciem tuam illúmina super servum
tuum,
et doce me iustificatiónes tuas.
℞. Allelúia.

Evangelium

*Qui non renuntiat omnibus quæ possidet,
non potest meus esse discipulus.*

✠ Lécio sancti Evangélii secúndum Lucam 14, 25-33

In illo témpore:

Ibant turbæ multæ cum Iesu, et convérsus dixit ad illos: « Si quis venit ad me et non odit patrem suum et matrem et uxórem et fílios et fratres et soróres, adhuc et ánimam suam, non potest esse meus discipulus.

Et qui non báulat crucem suam et venit post me non potest esse meus discipulus.

Quis enim ex vobis volens turrem ædificáre, non prius sedens cóputat sumptus, si habet ad perficiéndum? Ne, posteáquam posúerit fundaméntum, et non

potúerit perfícere, omnes qui vident incípiant illúdere ei dicétes: " Hic homo cœpit ædificáre et non pótuit consummáre ". .

Aut quis rex, itúrus commíttere bellum advérsus álium regem, non sedens prius cógitat si possit cum decem mílibus occúrrere ei, qui cum vigínti mílibus venit ad se? Alióquin, adhuc illo longe agente, legatió-nem mittens rogat ea quæ pacis sunt.

Sic ergo omnis ex vobis, qui non renúntiat ómni-bus quæ póssidet, non potest meus esse discípulus ».

Verbum Dómini.

Dicitur Credo.

Super oblata

Deus, auctor sincéræ devotiónis et pacis,
da, quæsumus,
ut et maiestátem tuam
conveniénter hoc múnere venerémur,
et sacri participatióne mystérii
fidéliter sénsibus uniámur.
Per Christum.

Præfatio de dominicis « per annum », pp. 588-595.

Ant. ad communionem

Ps 41, 2-3

Quemádmódum desíderat cervus ad fontes aquárum,
ita desíderat ánima mea ad te, Deus;
sitívit ánima mea ad Deum fortem vivum.

Vel:

Io 8, 12

Ego sum lux mundi, dicit Dóminus;
qui séquitur me, non ámbulat in ténebris,
sed habébit lumen vitæ.

Post communionem

Da fidélibus tuis, Dómine,
quos et verbi tui et cælésti sacraménti pábulo
nutris et vivíficas,
ita dilécti Filii tui tantis munéribus profícere,
ut eius vitæ semper consórtes éffici mereámur.
Per Christum.

Feria secunda

Ant. ad introitum

Ps 118, 137. 124

Iustus es, Dómine,
et rectum iudícium tuum;
fac cum servo tuo secúndum misericórdiam tuam.

Collecta

Deus, per quem nobis et redémptio venit
et præstátur adóptio,
fílios dilectiónis tuæ benígnus inténde,
ut in Christo credéntibus
et vera tribuátur libértas,
et heréditas æténa.
Per Dóminum.

Anno primo

Lectio prior

*Ecclesiæ factus sum minister
ut impleam mysterium absconditum a sæculis.*

Léctio Epístolæ beáti Pauli apóstoli ad Colossénses

1, 24 — 2, 3

Fratres:

Nunc gáudeo in passiónibus pro vobis, et adímpleo
ea quæ desunt passiónum Christi in carne mea pro

córpore eius, quod est Ecclésia, cuius factus sum ego miníster secúndum dispensatióem Dei quæ data est mihi in vos, ut ímpleam verbum Dei,

mystérium quod absconditum fuit a sáeculis et generatióibus, nunc autem manifestátum est sanctis eius, quibus vóluit Deus notas fácere divítias glóriæ mystérii huius in géntibus, quod est Christus in vobis, spes glóriæ;

quem nos annuntiámus, commonéntes omnem hóminem et docéntes omnem hóminem in omni sapiéntia, ut exhibeámus omnem hóminem perféctum in Christo; ad quod et labóro certádo secúndum operatióem eius quæ operátur in me in virtúte.

Volo enim vos scire qualem sollicitúdinem hábeam pro vobis et pro his qui sunt Laodicíæ et quicúmque non vidérunt fáciem meam in carne, ut consoléntur corda ipsórum, instrúcti in caritáte et in omnes divítias plenitúdinis intelléctus, in agnitióem mystérii Dei, Christi, in quo sunt omnes thesáuri sapiéntiæ et sciéntiæ absconditi.

Verbum Dómini.

Psalmus responsorius

Ps 61, 6-7. 9 (R.: 8 a)

R. In Deo salutáre meum et glória mea.

6 In Deo tantum quíesce, ánima mea;
quóniam ab ipso patiéntia mea.

7 Verúm tamen ipse Deus meus
et salutáre meum,
præsídium meum, non movébor. R.

9 Speráte in eo, omnis congregátio pópuli,
effúndite coram illo corda vestra;
Deus refúgium nobis. R.

Anno secundo

Lectio prior

*Expurgate vetus fermentum;
etenim Pascha nostrum immolatus est Christus.*

Lectio Epistolæ primæ beāti Pauli apóstoli
ad Corínthios

5, 1-8

Fratres:

Omníno audítur inter vos fornicátio, et talis fornicátio qualis nec inter gentes, ita ut uxórem patris áliquis hábeat. Et vos infláti estis, et non magis lucum habuístis, ut tollátur de médio vestrum qui hoc opus fecit?

Ego quidem, absens córpore, præsens autem spíritu, iam iudicávi ut præsens eum qui sic operátus est in Nómine Dómini nostri Iesu, congregátis vobis et meo spíritu cum virtúte Dómini nostri Iesu, trádere huiúsmodi Sátanæ in intéritum carnis, ut spíritus salvus sit in die Dómini.

Non bona gloriátio vestra. Nescítis quia módicum ferméntum totam massam corrúmpit?

Expurgáte vetus ferméntum, ut sitis nova conspársio, sicut estis ázymi. Etenim Pascha nostrum immolátus est Christus: itaque festa celebrémus, non in fermento véteri neque in fermento malítiæ et nequítiæ, sed in ázymis sinceritátis et veritátis.

Verbum Dómini.

Psalmus responsorius

Ps 5, 5-6. 7. 12 (R.: 9 a)

R. Dómine, deduc me in iustítia tua.

Quóniam non Deus volens iniquitátem tu es;
neque habitábit iuxta te malignus,

⁶ neque permanébunt iniústi ante óculos tuos. R.

- 7 Odísti omnes qui operántur iniquitátem,
perdes omnes qui loquúntur mendácium;
virum sánguinem et dolósum abominábitur Dóminus. **R.**
- 12 Et omnes qui sperant in te,
læténtur, in ætérnum exsúltent.
Obumbrábis eis et gloriabúntur in te
qui díligunt nomen tuum. **R.**

Alleluia**Io 10, 27**

R. Allelúia. **V.** Oves meæ vocem meam áudiunt,
dicit Dóminus;
et ego cognósco eas, et sequúntur me.
R. Allelúia.

Evangelium*Observabant, si sabbato curaret.*

✠ Lécio sancti Evangélii secúndum Lucam **6, 6-11**

Factum est in álio sábbato ut intráret Iesus in syn-
agógam et docéret; et erat ibi homo et manus eius
dextra erat árida.

Observábant autem scribæ et Pharisæi, si sábbato
curáret, ut invenírent accusáre illum.

Ipsé vero sciébat cogitatíones eórum et ait hómini,
qui habébat manum áridam: « Surge et sta in médium ».
Et surgens stetit.

Ait autem ad illos Iesus: « Intérrogo vos, si licet
sábbato bene fácere an male, ánimam salvam fácere
an pérdere? »

Et circumspéctis ómnibus illis, dixit illi: « Exténde
manum tuam ». Et fecit, et restitúta est manus eius.

Ipsi autem repléti sunt insipiéntia, et colloquebántur
ad ínvicem quidnam fácerent Iesu.

Verbum Dómini.

Super oblata

Deus, auctor sincéræ devotiónis et pacis,
da, quæsumus,
ut et maiestátem tuam
conveniénter hoc múnere venerémur,
et sacri participatióne mystérii
fidéliter sénsibus uniámur. Per Christum.

Ant. ad communionem**Ps 41, 2-3**

Quemádmódum desíderat cervus ad fontes aquárum,
ita desíderat ánima mea ad te, Deus;
sitívit ánima mea ad Deum fortem vivum.

Vel:**Io 8, 12**

Ego sum lux mundi, dicit Dóminus;
quí séquitur me, non ámbulat in ténebris,
sed habébit lumen vitæ.

Post communionem

Da fidélibus tuis, Dómine,
quos et verbi tui et cælésti sacraménti pábulo
nutris et vivificas,
ita dilécti Fílii tui tantis munéribus profícere,
ut eius vitæ semper consórtes éffici mereámur.
Per Christum.

Feria tertia**Ant. ad introitum****Ps 118, 137. 124**

Iustus es, Dómine, et rectum iudícium tuum;
fac cum servo tuo secúndum misericórdiam tuam.

Collecta

Deus, per quem nobis et redémptio venit
et præstátur adóptio,

fílios dilectiónis tuæ benígnus inténde,
ut in Christo credéntibus
et vera tribuátur libértas, et heréditas æténa.
Per Dóminum.

Anno primo

Lectio prior

*Convivificavit vos Dominus cum illo,
donans nobis omnia delicta.*

Léctio Epístolæ beáti Pauli apóstoli
ad Colossénses

2, 6-15

Fratres:

Sicut accepístis Christum Iesum Dóminum, in ipso ambuláte, radicáti et superædificáti in ipso et confirmáti fide sicut didicístis, abundátes in gratiárum actióne.

Vidéte ne quis vos deprædétur per philosophíam et inánem falláciam secúndum traditióem hóminum, secúndum eleménta mundi et non secúndum Christum; quia in ipso inhábitat omnis plenitúdo divinitátis corporáliter, et estis in illo repléti, qui est caput omnis Principátus et Potestátis,

in quo et circumcisi estis circumcisióne non manufacta in exspoliatióne córporis carnis, in circumcisióne Christi, consepúlti ei in baptísimo, in quo et conresuscitáti estis per fidem operatiónis Dei, qui suscitávit illum a mórtuis;

et vos cum mórtui essétis in delictis et præpútio carnis vestræ, convivificávit cum illo, donans nobis ómnia delicta, delens quod advérsus nos erat chirógraphum decreti quod erat contrárium nobis, et ipsum tulit de médio affígens illud cruci;

expólians Principátus et Potestátes, tradúxit confidénter, triúmphans illos in semetípso.

Verbum Dómini.

Psalmus responsorius

Ps 144, 1-2. 8-9. 10-11 (R.: 9 a)

R. Suávis Dóminus univérsis.

- 1 Exaltábo te, Deus meus rex,
et benedicam nómini tuo
in sáculum et in sáculum sáculi.
- 2 Per singulos dies benedicam tibi,
et laudábo nomen tuum
in sáculum et in sáculum sáculi. R.
- 8 Miserátor et miséricors Dóminus,
longánimis et multæ misericórdiæ.
- 9 Suávis Dóminus univérsis,
et miseratiónes eius super ómnia ópera eius. R.
- 10 Confiteántur tibi, Dómine, ómnia ópera tua;
et sancti tui benedicant tibi.
- 11 Glóriam regni tui dicant,
et poténtiam tuam loquántur. R.

Anno secundo

Lectio prior

*Frater cum fratre iudicio contendit,
et hoc apud infideles?*

Léctio Epístolæ primæ beáti Pauli apóstoli
ad Corínthios

6, 1-11

Fratres:

Audet áliquis vestrum, habens negótium advérsus álterum, iudicári apud iníquos, et non apud sanctos?

An nescitis quóniam sancti de mundo iudicábunt? Et si in vobis iudicábitur mundus, indigni estis mínimis iudíciis?

Nescitis quóniam ángeles iudicábimus, quanto magis sæculária? Sæculária ígitur iudícia si habuéritis, contemptíbles qui sunt in Ecclésia illos constituíte ad iudicándum!

Ad verecúndiam vestram dico. Sic non est inter vos sápiens quisquam qui possit iudicáre inter fratrem suum? Sed frater cum fratre iudício conténdit, et hoc apud infidéles?

Iam quidem omníno deféctio est vobis, quod iudícia habétis inter vosmetípsos; quare non magis iniúriam accípitis, quare non magis fraudem patímini? Sed vos iniúriam fácitis et fraudátis, et hoc frátribus.

An nescitis quia iníqui Regnum Dei non possidébunt? Nolíte erráre: neque fornicárii neque idólis serviéntes neque adúlteri neque molles neque masculórum concubitóres neque fures neque avári, non ebriósi, non malédici, non rapáces Regnum Dei possidébunt.

Et hæc quidam fuístis; sed ablúti estis, sed sanctificáti estis, sed iustificáti estis in Nómine Dómini Iesu Christi et in Spíritu Dei nostri. — Verbum Dómini.

Psalmus responsorius

Ps 149, 1-2. 3-4. 5-6 a et 9 b (ꝛ.: 4 a)

ꝛ. Beneplácitum est Dómino in pópulo suo.

- ¹ Cantáte Dómino cánticum novum;
laus eius in ecclésia sanctórum.
- ² Lætétur Israel in eo qui fecit eum,
et filii Sion exsúltent in rege suo. ꝛ.
- ³ Laudent nomen eius in choro,
in týmpano et cíthara psallant ei.

Quia beneplácitum est Dómino in pópulo suo,
et honorábit mansuétos in salútem. *R.*

Iúbilent sancti in glória,
læténtur in cubílibus suis.

Exaltatiónes Dei in gútture eórum:

glória hæc est ómnibus sanctis eius. *R.*

Alleluia

Io 15, 16

R. Allelúia. *V.* Ego vos elégi de mundo, ut eátis et
fructum afferátis,

et fructus vester máneat, dicit Dóminus.

R. Allelúia.

Evangelium

*Erat pernoctans in oratione. Et elegit Duodecim,
quos apostolos nominavit.*

✠ Lécio sancti Evangélii secúndum Lucam **6, 12-19**

Factum est in illis diébus éxiit Iesus in montem orá-
re, et erat pernoctans in oratióne Dei.

Et cum dies factus esset, vocávit discípulos suos, et
elégit Duódecim ex ipsis, quos et apóstolos nominávit:

Simónem, quem et cognominávit Petrum, et An-
dréam fratrem eius, et Iacóbum et Ioánnem et Philíppum
et Bartholomæum et Matthæum et Thomam et Iacóbum
Alphæi et Simónem qui vocátur Zelótes, et Iudam Ia-
cóbi et Iudam Iscarioth, qui fuit próditor.

Et descéndens cum illis, stetit in loco campéstri, et
turba multa discipulórum eius, et multitúdo copiósa
plebis ab omni Iudæa et Ierúsalem et marítima Tyri et
Sidónis, qui venérunt ut audírent eum et sanaréntur a
languóribus suis: et qui vexabántur a spirítibus im-
múndis curabántur.

Et omnis turba quærébant eum tângere, quia virtus de illo exíbat et sanábat omnes. — Verbum Dómini.

Super oblata

Deus, auctor sincéræ devotiónis et pacis,
da, quæsumus,
ut et maiestátem tuam
conveniénter hoc múnere venerémur,
et sacri participatióne mystérii
fidéliter sénsibus uniámur.
Per Christum.

Ant. ad communionem

Ps 41, 2-3

Quemádmódum desíderat cervus ad fontes aquárum,
ita desíderat ánima mea ad te, Deus;
sitívit ánima mea ad Deum fortem vivum.

Vel:

Io 8, 12

Ego sum lux mundi, dicit Dóminus;
qui séquitur me, non ámbulat in ténebris,
sed habébit lumen vitæ.

Post communionem

Da fidélibus tuis, Dómine,
quos et verbi tui et cælésti sacraménti pábulo
nutris et vivíficas,
ita dilécti Fílii tui tantis munéribus profícere,
ut eius vitæ semper consórtes éffici mereámur.
Per Christum.

Feria quarta

Ant. ad introitum

Ps 118, 137. 124

Iustus es, Dómine, et rectum iudícium tuum;
fac cum servo tuo secúndum misericórdiam tuam.

Collecta

Deus, per quem nobis et redemptio venit
et præstatur adoptio,
filius dilectionis tuæ benignus intende,
ut in Christo credentibus
et vera tribuatur libertas, et hereditas æterna.
Per Dñm.

Anno primo

Lectio prior

*Mortui estis cum Christo;
mortificate ergo membra.*

Lectio Epistolæ beati Pauli apostoli ad Colossenses

3, 1-11

Si consurrexistis cum Christo, quæ sursum sunt
querite, ubi Christus est in dextera Dei sedens; quæ
sursum sunt sapite, non quæ supra terram; mortui
enim estis, et vita vestra abscondita est cum Christo
in Deo.

Cum Christus apparuerit, vita vestra, tunc et vos
apparébitis cum ipso in glória.

Mortificáte ergo membra quæ sunt super terram,
fornicationem, immunditiam, libidinem, concupiscéntiam
malam, et avaritiam quæ est simulacrorum sérvitus,
propter quæ venit ira Dei super filios incredulitátis; in
quibus et vos ambulástis aliquándo cum viverétis in illis.

Nunc autem depónite et vos ómnia, iram, indigna-
tionem, malitiam, blasphemiam, turpem sermónem de
ore vestro;

nolíte mentíri invicem, qui exuístis vos vétorem
hóminem cum áctibus eius, et induístis novum, eum
qui renovátur in agnitionem secúndum imáginem eius

qui creávit eum, ubi non est Græcus et Iudæus, circumcísio et præpútium, bárbarus, Scytha, servus, liber, sed ómnia et in ómnibus Christus. — Verbum Dómini.

Psalmus responsorius

Ps 144, 2-3. 10-11. 12-13 ab (R.: 9 a)

R. Suávis Dóminus univérsis.

- 2 Per singulos dies benedícam tibi,
et laudábo nomen tuum
in sæculum et in sæculum sæculi.
- 3 Magnus Dóminus et laudábilis nimis,
et magnitúdinis eius non est investigatio. R.
- 10 Confiteántur tibi, Dómine, ómnia ópera tua;
et sancti tui benedícant tibi.
- 11 Glóriam regni tui dicant,
et poténtiam tuam loquántur. R.
- 12 Ut notas fáciant fíliis hóminum poténtias tuas,
et glóriam magnificéntiæ regni tui.
- 13 Regnum tuum regnum ómnium sæculórum,
et dominátio tua
in omnem generatióem et generatióem. R.

Anno secundo

Lectio prior

*Alligatus es uxori? Noli quærere solutionem;
solutus es ab uxore? Noli quærere uxorem.*

Léctio Epístolæ primæ beáti Pauli apóstoli
ad Corínthios

7, 25-31

Fratres:

De virgínibus præcéptum Dómini non hábeo, consílium autem do, tamquam misericórdiam consecútus

a Dómino ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse.

Alligátus es uxóri? Noli quærere solutiómem; solútus es ab uxóre? Noli quærere uxórem. Si autem accéperis uxórem, non peccásti; et si núpserit virgo, non peccávit. Tribulatiómem tamen carnis habébunt huiúsmodi, ego autem vobis parco.

Hoc itaque dico, fratres, tempus breviátum est; réliquum est ut et qui habent uxóres tamquam non habéntes sint, et qui flent tamquam non flentes, et qui gaudent tamquam non gaudentes, et qui emunt tamquam non possidéntes, et qui utúntur hoc mundo tamquam non abuténtes; præterit enim figúra huius mundi. — Verbum Dómini.

Psalmus responsorius

Ps 44, 11-12. 14-15. 16-17 (R.: 11 a)

R. Audi, fília, et vide, et inclína aurem tuam.

- 11 Audi, fília, et vide, et inclína aurem tuam,
12 et oblivíscere pópulum tuum et domum patris tui;
et concupíscet rex spéciem tuam.

Quóniam ipse est dóminus tuus et adóra eum. R.

- 14 Gloriósa nimis fília regis intrínsecus,
textúris áureis circumamícta.

- 15 In véstibus variegátis adducétur regi;
vírgines post eam, próximæ eius, afferúntur tibi. R.

- 16 Afferúntur in lætítia et exsultatióne,
adducúntur in domum regis.

- 17 Pro pátribus tuis erunt tibi filii;
constítues eos príncipes super omnem terram. R.

Alleluia

Lc 6, 23 ab

R. Allelúia. V. Gaudéte et exsultáte, dicit Dóminus;
ecce enim merces vestra multa est in cælo,
R. Allelúia.

Evangelium

Beati pauperes. Væ vobis divitibus.

✠ Lécio sancti Evangélíi secúndum Lucam 6, 20-26

In illo témpore:

Elevátis Iesus óculis suis in discípulos suos, dicébat:
« Beáti páuperes, quia vestrum est Regnum Dei.
Beáti qui nunc esurítis, quia saturabímíni.
Beáti qui nunc fletis, quia ridébitis.

Beáti éritis, cum vos óderint hómínes, et cum separáverint vos et exprobráverint et eiécerint nomen vestrum tamquam malum propter Fílium hómínis: gaudéte in illa die et exsultáte, ecce enim merces vestra multa in cælo; secúndum hæc enim faciébant Prophétis patres eórum.

Verúmtamen væ vobis divítibus, quia habétis consolatióem vestram.

Væ vobis, qui saturáti estis nunc, quia esuriétis.

Væ vobis, qui ridétis nunc, quia lugébitis et flébitis.

Væ, cum bene vobis díxerint omnes hómínes, secúndum hæc enim faciébant pseudoprophétis patres eórum ». — Verbum Dómini.

Super oblata

Deus, auctor sincéræ devotiónis et pacis,
da, quæsumus,
ut et maiestátem tuam
conveniénter hoc múnere venerémur,

et sacri participatióne mystérii
fidéliter sénsibus uniámur.
Per Christum.

Ant. ad communionem

Ps 41, 2-3

Quemádmódum desíderat cervus ad fontes aquárum,
ita desíderat ánima mea ad te, Deus;
sitívit ánima mea ad Deum fortem vivum.

Vel:

Io 8, 12

Ego sum lux mundi, dicit Dóminus;
qui séquitur me, non ámbulat in ténebris,
sed habébit lumen vitæ.

Post communionem

Da fidélibus tuis, Dómine,
quos et verbi tui et cælésti sacraménti pábulo
nutris et vivíficas,
ita dilécti Filii tui tantis munéribus profícere,
ut eius vitæ semper consórtes éffici mereámur.
Per Christum.

Feria quinta

Ant. ad introitum

Ps 118, 137. 124

Iustus es, Dómine, et rectum iudícium tuum;
fac cum servo tuo secúndum misericórdiam tuam.

Collecta

Deus, per quem nobis et redémptio venit
et præstátur adóptio,
fílios dilectiόνis tuæ benígnus inténde,
ut in Christo credéntibus
et vera tribuátur libértas, et heréditas æténa.
Per Dóminum.

Anno primo

Lectio prior

*Caritatem habete,
quod est vinculum perfectionis.*

Léctio Epístolæ beáti Pauli apóstoli ad Colossénses

Fratres: 3, 12-17

Indúite vos sicut elécti Dei, sancti et dilécti víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis si quis advérsus áliquem habet querélam; sicut et Dóminus donávit vobis, ita et vos; super ómnia autem hæc caritátem, quod est vínculum perfectiónis.

Et pax Christi dominétur in córdibus vestris, ad quam et vocáti estis in uno corpore; et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetípsos psalmis, hymnis et cánticis spiritalibus, in grátia cantántes in córdibus vestris Deo;

et omne quodcúmque fácitis in verbo aut in ópere, ómnia in Nómine Dómini Iesu, grátias ágéntes Deo Patri per ipsum.

Verbum Dómini.

Psalmus responsorius Ps 150, 1-2. 3-4. 5-6 (R.: 6)

R. Omne quod spirat, laudet Dóminum.

vel Allelúia.

¹ Laudáte Dóminum in sanctuário eius,
laudáte eum in firmaménto virtútis eius.

² Laudáte eum in magnálibus eius,
laudáte eum

secúndum multitudínem magnitúdinis eius. R.

- 3 Laudáte eum in sono tubæ,
laudáte eum in psaltério et cíthara,
4 laudáte eum in týmpano et choro,
laudáte eum in chordis et órgano. *R.*
5 Laudáte eum in cýmbalis benesonántibus,
laudáte eum in cýmbalis iubilationís:
6 omne quod spirat, laudet Dóminum. *R.*

Anno secundo

Lectio prior

*Percutientes conscientiam fratrum infirmam,
in Christum peccatis.*

Léctio Epístolæ primæ beáti Pauli apóstoli
ad Corínthios

8, 1 b-7. 11-13

Fratres:

Sciéntia inflat, caritas vero ædificat. Si quis se existimat scire aliquid, nondum cognóvit quemádmódum opórteat eum scire; si quis autem diligit Deum, hic cónitus est ab eo.

De esu igitur idolothytórum scimus quia nullum idólum est in mundo et quod nullus deus nisi Unus. Nam et si sunt qui dicántur dii sive in cælo sive in terra, síquidem sunt dii multi et dómini multi, nobis tamen unus Deus Pater, ex quo ómnia et nos in illum, et unus Dóminus Iesus Christus, per quem ómnia et nos per ipsum.

Sed non in ómnibus est sciéntia; quidam autem consuetúdine usque nunc idóli quasi idolóthytum mandúcant, et consciéntia ipsórum cum sit infirma pollúitur.

Períbit enim infirmus in tua sciéntia, frater propter quem Christus mórtuus est. Sic autem peccántes in fra-

tres et percutiéntes consciéntiam eórum infírmam, in Christum peccátis.

Quaprópter si esca scandalízat fratrem meum, non manducábo carnem in ætérnum, ne fratrem meum scandalízem.

Verbum Dómini.

Psalmus responsorius

Ps 138, 1-3. 13-14 ab. 23-24 (R.: 24 b)

R. Deduc me, Dómine, in via æténa.

1 Dómine, scrutátus es et cognovísti me,
2 tu cognovísti sessiónem meam
et resurrectionem meam.
Intellexísti cogitatiónes meas de longe,
3 sémitam meam et accúbitum meum investigásti.
Et omnes vias meas perspexísti. R.

13 Quia tu formásti renes meos,
contextuísti me in útero matris meæ.
14 Confitébor tibi,
quia mirabíliter plasmátus sum;
mirabília ópera tua. R.

23 Scrutáre me, Deus, et scito cor meum;
proba me, et cognósce sémitas meas:
24 et vide, si via vanitátis in me est,
et deduc me in via æténa. R.

Alleluia

1 Io 4, 12

R. Allelúia. V. Si diligámus ínvicem, Deus in nobis
manet,
et caritas eius in nobis perfécta est.
R. Allelúia.

Evangelium

*Estote misericordes, sicut et Pater vester
misericors est.*

✠ Lécio sancti Evagélii secúndum Lucam 6, 27-38

In illo témpore: Dixit Iesus discíplis suis:

« Vobis dico, qui audítis: Dilígite inimícos vestros, bene fácite his qui vos odérunt, benedicíte maledicéntibus vobis, oráte pro calumniántibus vos.

Ei qui te pércutit in maxíllam, præbe et álteram, et ab eo qui aufert tibi vestiméntum, étiam túnícam noli prohibére.

Omni peténti te, tríbue, et ab eo qui aufert quæ tua sunt, ne répetas. Et prout vultis ut fáciant vobis hómines, fácite illis simíliter.

Et si dilígitis eos qui vos dilígunt, quæ vobis est grátia? Nam et peccatóres dilígéntes se dilígunt.

Et si bene fecéritis his qui vobis bene fáciunt, quæ vobis est grátia? Siquidem et peccatóres idem fáciunt.

Et si mútuum dedéritis his a quibus sperátis recípere, quæ vobis grátia est? Nam et peccatóres peccatóribus fænerántur ut recípiant æquália.

Verúmtamen dilígite inimícos vestros, bene fácite et mútuum date, nihil desperántes; et erit merces vestra multa, et éritis filíi Altíssimi, quia ipse benígnus est super ingrátos et malos.

Estóte misericórdes, sicut et Pater vester miséricors est.

Et nolíte iudicáre, et non iudicabímíni; et nolíte condemnáre, et non condemnabímíni. Dimíttite, et dimíttémíni; date, et dábitur vobis: mensúram bonam, confértam, coagitátam, supereffluéntem dabunt in sinum vestrum; eádem quippe mensúra qua mensi fuéritis, remetiétur vobis ». — Verbum Dómini.

Super oblata

Deus, auctor sincerae devotionis et pacis,
da, quaesumus,
ut et maiestatem tuam
convenienter hoc munere veneremur,
et sacri participatione mysterii
fideliter sensibus uniamur.
Per Christum.

Ant. ad communionem

Ps 41, 2-3

Quemadmodum desiderat cervus ad fontes aquarum,
ita desiderat anima mea ad te, Deus;
sitivit anima mea ad Deum fortem vivum.

Vel:

Io 8, 12

Ego sum lux mundi, dicit Dominus;
qui sequitur me, non ambulat in tenebris,
sed habebit lumen vitae.

Post communionem

Da fidelibus tuis, Domine,
quos et verbi tui et caelesti sacramenti pabulo
nutris et vivificas,
ita dilecti Filii tui tantis muneribus proficere,
ut eius vitae semper consortes effici mereamur.
Per Christum.

Feria sexta

Ant. ad introitum

Ps 118, 137. 124

Iustus es, Domine, et rectum iudicium tuum;
fac cum servo tuo secundum misericordiam tuam.

Collecta

Deus, per quem nobis et redemptio venit
et praestatur adoptio,

filios dilectiónis tuæ benígnus inténde,
 ut in Christo credéntibus
 et vera tribuátur libértas, et heréditas æténa.
 Per Dóminum.

Anno primo

Lectio prior

*Prius fui blasphemus,
 sed misericordiam consecutus sum.*

Inítium Epístolæ primæ beáti Pauli apóstoli
 ad Timótheum. 1, 1-2. 12-14

Paulus apóstolus Christi Iesu secúndum præcéptum
 Dei Salvatóris nostri et Christi Iesu spei nostræ, Timó-
 theo germáno filio in fide: grátia, misericórdia, pax a
 Deo Patre et Christo Iesu Dómino nostro.

Grátiam hábeo ei qui me confortávit, Christo Iesu
 Dómino nostro, quia fidélem me existimávit ponens in
 ministério, qui prius fui blasphémus et persecútor et
 contumeliósus;

sed misericórdiam consecúsus sum, quia ignórans
 feci in incredulitáte, superabundávit autem grátia Dó-
 mini nostri cum fide et dilectióne quæ sunt in Christo
 Iesu. — Verbum Dómini.

Psalmus responsorius

Ps 15, 1-2 a et 5. 7-8. 11 (R.: cf. 5 a)

R. Tu es, Dómine, pars hereditátis meæ.

¹ Consérva me, Deus, quóniam sperávi in te.

² Dixi Dómino: « Dóminus meus es tu,

⁵ Dóminus pars hereditátis meæ et cálicis mei:
 tu es qui détines sortem meam ». R.

- 7 Benedícam Dóminum,
qui tríbuit mihi intelléctum;
ínsuper et in nóctibus erudiérunt me renes mei.
- 8 Proponébam Dóminum in conspéctu meo semper,
quóniam a dextris est mihi,
non commovébor. *R.*
- 11 Notas mihi fácies vias vitæ,
plenitúdinem lætitiæ cum vultu tuo,
delectatiónes in délixtera tua usque in finem. *R.*

Anno secundo

Lectio prior

*Omnibus omnia factus sum,
ut aliquos utique facerem salvos.*

Léctio Epístolæ primæ beáti Pauli apóstoli
ad Corínthios

9, 16-19. 22 b-27

Fratres:

Si evangelizávero, non est mihi glória; necéssitas enim mihi incúmbit; væ enim mihi est si non evangeli-závero! Si enim volens hoc ago, mercédem hábeo; si autem invítus, dispensátio mihi crédita est.

Quæ est ergo merces mea? Ut Evangélium prædi-cans sine sumptu ponam Evangélium, ut non abútar potestáte mea in Evangélio.

Nam cum liber essem ex ómnibus, ómnium me ser-vum feci, ut plures lucri fácerem; factus sum infírmis infírmus, ut infírmos lucri fácerem; ómnibus ómnia factus sum, ut áliquos útique fácerem salvos.

Omnia autem fácio propter Evangélium, ut com-párticeps eius effíciar.

Nescítis quod hi qui in stádio currunt, omnes qui-dem currunt, sed unus áccipit bravíuni? Sic cúrrite ut

comprehendátis. Omnis autem qui in agóne contendit ab ómnibus se ábstinet, et illi quidem ut corruptíblem corónam accípiant, nos autem incorrúptam.

Ego ígitur sic curro non quasi in incértum, sic pugno non quasi áerem vérberans; sed castígo corpus meum et in servitútem rédigo, ne forte cum áliis prædicáverim ipse réprobus effíciar.

Verbum Dómini.

Psalmus responsorius

Ps 83, 3. 4. 5-6. 12 (R.: 2)

R. Quam dilécta tabernácula tua, Dómine virtútum!

3 Concupíscit et déficit ánima mea in átria Dómini.
Cor meum et caro mea
exsultavérunt in Deum vivum. **R.**

4 Etenim passer invénit sibi domum,
et turtur nidum sibi, ubi ponat pullos suos:
altária tua, Dómine virtútum,
rex meus et Deus meus. **R.**

5 Beáti qui hábitant in domo tua,
in perpétuum laudábunt te.

6 Beátus vir cuius est auxílium abs te,
ascensiónes in corde suo dispósuit. **R.**

12 Quia sol et scutum est Dóminus Deus,
grátiam et glóriam dabit Dóminus;
non privábit bonis eos
qui ámbulant in innocéntia. **R.**

Alleluia

Io 17, 7 b. 17 a

R. Allelúia. **V.** Sermo tuus, Dómine, véritas est;
sanctífica nos in veritáte.

R. Allelúia.

Evangelium

Numquid potest cæcus cæcum ducere?

✠ Lécio sancti Evangélli secúndum Lucam 6, 39-42

In illo témpore:

Dixit Iesus discipulis suis similitúdinem: « Numquid potest cæcus cæcum dúcere? Nonne ambo in fóveam cadent?

Non est discipulus super magístrum, perféctus autem omnis erit sicut magíster eius.

Quid autem vides festúcam in óculo fratris tui, trabem autem quæ in óculo tuo est non consíderas?

Quómodo potes dícere fratri tuo: “ Frater, sine eí-
ciam festúcam quæ est in óculo tuo ”, ipse in óculo tuo
trabem non videns?

Hypócrita, éice primum trabem de óculo tuo, et
tunc perspícies ut edúcas festúcam quæ est in óculo
fratris tui ». — Verbum Dómini.

Super oblata

Deus, auctor sincéræ devotiónis et pacis,
da, quæsumus,
ut et maiestátem tuam
conveniénter hoc múnere venerémur,
et sacri participatióne mystérii
fidéliter sénsibus uniámur.
Per Christum.

Ant. ad communionem

Ps 41, 2-3

Quemádmódum desíderat cervus ad fontes aquárum,
ita desíderat ánima mea ad te, Deus;
sitívit ánima mea ad Deum fortem vivum.

Vel:

Io 8, 12

Ego sum lux mundi, dicit Dóminus;
qui séquitur me, non ámbulat in ténebris,
sed habébit lumen vitæ.

Post communionem

Da fidélibus tuis, Dómine,
quos et verbi tui et cælésti sacraménti pábulo
nutris et vivíficas,
ita dilécti Fílii tui tantis munéribus profícere,
ut eius vitæ semper consórtes éffici mereámur.
Per Christum.

Sabbato

Ant. ad introitum

Ps 118, 137. 124

Iustus es, Dómine, et rectum iudícium tuum;
fac cum servo tuo secúndum misericórdiam tuam.

Collecta

Deus, per quem nobis et redémptio venit
et præstátur adóptio,
fílios dilectiónis tuæ benígnus inténde,
ut in Christo credéntibus
et vera tribuátur libértas, et heréditas æténa.
Per Dóminum.

Anno primo

Lectio prior

Venit in mundum peccatores salvos facere.

Léctio Epístolæ primæ beáti Pauli apóstoli
ad Timótheum

1, 15-17

Caríssime:

Fidélis sermo et omni acceptióne dignus: Christus
Iesus venit in mundum peccatóres salvos fácere; quo-

rum primus ego sum, sed ídeo misericórdiam consecútus sum, ut in me primo osténderet Christus Iesus omnem longanimitátem, ad informatiódinem eórum qui creditúri sunt illi in vitam ætérmam.

Regi autem sæculórum, incorruptíbili, invisíbili, soli Deo, honor et glória in sácula sæculórum: amen!

Verbum Dómini.

Psalmus responsorius

Ps 112, 1-2. 3-4. 5 a et 6-7 (R.: cf. 2)

R. Sit nomen Dómini benedíctum in sácula.

1 Laudáte, púeri Dómini,
laudáte nomen Dómini.

2 Sit nomen Dómini benedíctum
ex hoc nunc et usque in sáculum. R.

3 A solis ortu usque ad occásus
laudábile nomen Dómini.

4 Excélsus super omnes gentes Dóminus,
super cælos glória eius. R.

5 Quis sicut Dóminus Deus noster,
6 qui humília respicit
in cælo et in terra?

7 Súscitans de terra ínopem,
de stércore érigens páuperem. R.

Anno secundo

Lectio prior

*Unum corpus multi sumus, omnes
enim de uno pane participamus.*

Léctio Epístolæ primæ beáti Pauli apóstoli
ad Corínthios

10, 14-22 a

Caríssimi mihi, fúgite ab idolórum cultúra. Ut prudentibus loquor: vos iudicáte quod dico.

Calix benedictiónis cui benedicimus, nonne communicatio sánguinis Christi est? Et panis quem frángimus, nonne communicatio córporis Christi est?

Quóniam unus panis, unum corpus multi sumus, omnes enim de uno pane participámur. Vidéte Israel secúndum carnem: nonne qui edunt hóstias communicántes sunt altári?

Quid ergo dico? Quod idolóthytum sit áliquid? Aut quod idólum sit áliquid? Sed quæ ímmolant, dæmóniis ímmolant et non Deo, nolo autem vos communicántes fieri dæmóniis.

Non potéstis cálicem Dómini bíbere et cálicem dæmoniórum; non potéstis mensæ Dómini partícipes esse et mensæ dæmoniórum. An æmulámur Dóminum? Numquid fortióres illo sumus? — Verbum Dómini.

Psalmus responsorius Ps 115, 12-13. 17-18 (R.: 17 a)

R. Tibi, Dómine, sacrificábo hóstiam laudis.

vel Allelúia.

12 Quid retríbui Dómino
pro ómnibus quæ retríbuit mihi?

13 Cálicem salutáris accípiam,
et nomen Dómini invocábo. **R.**

17 Tibi sacrificábo hóstiam laudis,
et nomen Dómini invocábo.

18 Vota mea Dómino reddam
coram omni pópulo eius. **R.**

Alleluia

Io 14, 23

R. Allelúia. **V.** Si quis díligit me, sermónem meum
servábit, et Pater meus díliget eum,
et ad eum veniémus et mansiónem apud
eum faciémus.

R. Allelúia.

Evangelium

*Quid vocatis me: « Domine, Domine »,
et non facitis quæ dico?*

✠ Lécio sancti Evangélii secúndum Lucam 6, 43-49

In illo témpore: Dicébat Iesus discípulis suis:

« Non est arbor bona fáciens fructum malum, neque íterum arbor mala fáciens fructum bonum. Unaquæque enim arbor de fructu suo cognóscitur, neque enim de spinis cólligunt ficus, neque de rubo vindémiant uvam.

Bonus homo de bono thesaúro cordis profert bonum, et malus homo de malo profert malum: ex abundantia enim cordis os eius lóquitur.

Quid autem vocátis me: “ Dómine, Dómine ”, et non fácitis quæ dico? Omnis qui venit ad me et audit sermónes meos et facit eos, osténdam vobis cui símilis sit: símilis est hómini ædificánti domum, qui fodit in altum et pósuit fundaméntum supra petram; inundatióne autem facta, illísum est flumen dómui illi, et non pótuít eam movére, bene enim ædificáta erat.

Qui autem audívit et non fecit, símilis est hómini ædificánti domum suam supra terram sine fundaménto, in quam illísus est flúvius, et contínuo cécidit, et facta est ruína domus illíus magna ». — Verbum Dómini.

Super oblata

Deus, auctor sincéræ devotiónis et pacis,
da, quæsumus,
ut et maiestátem tuam
conveniénter hoc múnere venerémur,
et sacri participatióne mystérii
fidéliter sénsibus uniámur.
Per Christum.

Ant. ad communionem**Ps 41, 2-3**

Quemádmódum desíderat cervus ad fontes aquárum,
ita desíderat ánima mea ad te, Deus;
sitívit ánima mea ad Deum fortem vivum.

Vel:**Io 8, 12**

Ego sum lux mundi, dicit Dóminus;
qui séquitur me, non ámbulat in ténebris,
sed habébit lumen vitæ.

Post communionem

Da fidélibus tuis, Dómine,
quos et verbi tui et cælésti sacraménti pábulo
nutris et vivíficas,
ita dilécti Fílii tui tantis munéribus profícere,
ut eius vitæ semper consórtes éffici mereámur.
Per Christum.

DOMINICA XXIV « PER ANNUM »

Ant. ad introitum

Cf. Sir 36, 18

Da pacem, Dómine, sustinéntibus te,
ut prophétæ tui fidéles inveniántur;
exáudi preces servi tui, et plebis tuæ Israel.

Dicitur Glória in excélsis.

Collecta

Réspice nos, rerum ómnium Deus creátor et rector,
et, ut tuæ propitiatiónis sentiámus efféctum,
toto nos tríbue tibi corde servíre.
Per Dóminum.

Anno A

Lectio prima

*Relinque proximo tuo nocenti te,
et tunc deprecanti tibi peccata solventur.*

Léctio libri Sirácidæ

27, 33 — 28, 9

Ira et furor útraque exsecrabília sunt, et vir peccá-
tor cóntinens erit illórum.

Qui vindicári vult, a Dómino invéniet vindíctam,
et peccáta illíus servans servábit.

Relínque próximo tuo nocénti te, et tunc deprecánti
tibi peccáta solvéntur.

Homo hómini resérvat iram et a Deo quærit me-
délam; in hóminem símilem sibi non habet misericór-
diam et de peccátis suis deprecátur.

Ipse, cum caro sit, resérvat iram et propitiatiónem
petit a Deo: quis exorábit pro delíctis illíus?

Meménto novissimórum et désine inimicári; tabitúdo enim et mors ímminent in mandátis eius.

Memoráre timórem Dei et non irascáris próximo. Memoráre testaméntum Altíssimi et déspice ignorántiam próximi. — Verbum Dómini.

Psalmus responsorius

Ps 102, 1-2. 3-4. 9-10. 11-12 (R.: 8)

R. Miserátor et miséricors Dóminus,
longánimis et multæ misericórdiæ.

¹ Bénedic, ánima mea, Dómino;
et ómnia quæ intra me sunt, nómini sancto eius.

² Bénedic, ánima mea, Dómino,
et noli oblivísci omnes retributiónes eius. R.

³ Qui propitiátur ómnibus iniquitátibus tuis,
qui sanat omnes infirmitátes tuas;
qui rédimit de intéritu vitam tuam,
qui corónat te in misericórdia et miseratióibus. R.

⁹ Non in perpétuum conténdet,
neque in ætérnum irascétur.

¹⁰ Non secúndum peccáta nostra fecit nobis,
neque secúndum iniquitátes nostras retríbuit nobis. R.

¹¹ Quóniam, quantum exaltátur cælum a terra,
præváluit misericórdia eius super timéntes eum;

¹² quantum distat ortus ab occidénte,
longe fecit a nobis iniquitátes nostras. R.

Lectio secunda

Sive vivimus sive morimur, Domini sumus

Léctio Epístolæ beáti Pauli apóstoli ad Romános

Fratres:

14, 7-9

Nemo nostrum sibi vivit, et nemo sibi móritur;
sive enim vívimus, Dómino vívimus, sive mórimur, Dó-

mino mórimur. Sive ergo vívimus sive mórimur, Dómini sumus.

In hoc enim Christus et mórtuus est et vixit, ut et mortuórum et vivórum dominétur.

Verbum Dómini.

Alleluia

Io 13, 34

R. Allelúia. V. Mandátum novum do vobis,
dicit Dóminus,
ut diligátis ínvicem, sicut diléxi vos.
R. Allelúia.

Evangelium

*Non dico tibi ut dimittas usque septies
sed usque septuagies septies.*

✠ Lécio sancti Evangélíi secúndum Matthæum

18, 21-35

In illo témpore:

Accédens Petrus ad Iesum, dixit ei: « Dómine, quótiens peccábit in me frater meus et dimíttam ei? Usque sépties? » Dicit illi Iesus: « Non dico tibi usque sépties sed usque septuágies sépties.

Ideo assimilátum est Regnum cælórum hómini regi qui vóluit ratiónem pónere cum servis suis. Et cum cœpísset ratiónem pónere, oblátus est ei unus qui debébat ei decem milia talénta.

Cum autem non habéret unde rédderet, iussit eum dóminus venúndari, et uxórem et fílios et ómnia quæ habébat, et reddi.

Prócidens ígitur servus ille adorábat eum, dicens: " Patiéntiam habe in me, et ómnia reddam tibi ". Mísertus autem dóminus servi illíus dimísit eum, et débitum dimísit ei.

Egréssus autem servus ille invénit unum de consérvis suis qui debébat ei centum denários, et tenens suffocábat eum dicens: "Redde quod debes".

Prócidens ígitur consérvus eius rogábat eum dicens: "Patiéntiam habe in me, et reddam tibi". Ille autem nóluit, sed ábiit et misit eum in cárcerem donec rédderet débitum.

Vidéntes autem consérvi eius quæ fiébant, contristáti sunt valde, et venérunt et narravérunt dómino suo ómnia quæ facta erant.

Tunc vocávit illum dóminus suus et ait illi: "Serve nequam, omne débitum illud dimísi tibi, quóniam rogásti me; non opórtuit et te miseréri consérvi tui, sicut et ego tui misértus sum?"

Et irátus dóminus eius trádidit eum tortóribus quoadúsque rédderet univérsum débitum.

Sic et Pater meus cæléstis fáciat vobis si non remisérítis unusquisque fratri suo de córdibus vestris ».

Verbum Dómini.

Anno B

Lectio prima

Corpus meum dedi percutientibus.

Léctio libri Isaíæ prophétæ

50, 5-9 a

Dóminus Deus apéruit mihi aurem, ego autem non contradíco; retrórsum non ábii. Corpus meum dedi percutiéntibus et genas meas velléntibus; fáciem meam non avérti ab increpántibus et conspuéntibus in me.

Dóminus Deus auxiliátor meus, ídeo non sum confúsus, ídeo pósui fáciem meam ut petram duríssimam et scio quóniam non confúndar.

Iuxta est qui iustificat me, quis contradícet mihi? Stemus simul, quis est adversárius meus? accédát ad me.

Ecce Dóminus Deus auxiliátor meus, quis est qui condémnet me? — Verbum Dómini.

Psalmus responsorius

Ps 114, 1-2. 3-4. 5-6. 8-9 (R.: 9)

R. Ambulábo coram Dómino in regiône vivórum.
vel Allelúia.

- 1 Diléxi, quóniam exáudit Dóminus
- vocem deprecationis meæ.
- 2 Quia inclinávit aurem suam mihi,
- cum in diébus meis invocábam. R.
- 3 Circumdedérunt me funes mortis,
- et angústiae inférni invenérunt me.
- Tribulatióem et dolórem invéni,
- 4 et nomen Dómini invocábam:
- « O Dómine, libera ánimam meam ». R.
- 5 Miséricors Dóminus et iustus,
- et Deus noster miserétur.
- 6 Custódiens párvulos Dóminus;
- humiliátus sum, et salvum me faciet. R.
- 7 Quia erípuit ánimam meam de morte,
- óculos meos a lácrimis,
- pedes meos a lapsu.
- 8 Ambulábo coram Dómino in regiône vivórum. R.

Lectio secunda

Fides, si non habeat opera, mortua est.

Léctio Epístolæ beáti Iacóbi apóstoli 2, 14-18

Quid próderit, fratres mei, si fidem quis dicat se habére, ópera autem non hábeat? Numquid póterit fides salváre eum?

Si frater aut soror nudi sunt et indigent victu cotidiáno, dicat autem áliquis de vobis illis: « Ite in pace, calefacímini et saturámini », non dedéritis autem eis quæ necessária sunt córporis, quid próderit?

Sic et fides, si non hábeat ópera, mórtua est in semetípse. Sed dicet quis: « Tu fidem habes, et ego ópera hábeo. Osténde mihi fidem tuam sine opéribus, et ego tibi osténdam ex opéribus meis fidem ».

Verbum Dómini.

Alleluia

Gal 6, 14

℞. Allelúia. ∕. Mihi absit gloriári nisi in cruce Dómini, per quem mihi mundus crucifíxus est, et ego mundo. ℞. Allelúia.

Evangeliium

Tu es Christus ... Oportet Filium hominis multa pati.

✠ Lécio sancti Evangélii secúndum Marcum 8, 27-35

In illo témpore:

Egréssus est Iesus et discipuli eius in castélla Cæsaráe Philíppi; et in via interrogábat discipulos suos dicens eis: « Quem me dicunt esse hómines? »

Qui responderunt illi dicétes: « Ioánnem Baptístam, álii Elíam, álii vero unum de prophétis ».

Et ipse interrogábat eos: « Vos vero quem me dicitis esse? »

Respóndens Petrus ait ei: « Tu es Christus ». Et comminátus est eis ne cui dicerent de illo.

Et cœpit docére illos: « Opórtet Fílium hóminis multa pati et reprobári a senióribus et a summis sacer-

dótribus et scribis, et occídi et post tres dies resúrgere »;
et palam verbum loquebátur.

Et apprehéndens eum Petrus cœpit increpáre eum.
Qui convérsus et videns discípulos suos comminátus
est Petro et dicit: « Vade retro me, Sátana, quóniam non
sapis quæ Dei sunt sed quæ sunt hóminum ».

Et convocáta turba cum discípulis suis dixit eis:
« Si quis vult post me sequi, déneget se ipsum et tollat
crucem suam et sequátur me.

Qui enim volúerit ánimam suam salvam fácere per-
det eam; qui autem perdíderit ánimam suam propter
me et Evangélíum, salvam eam faciet ».

Verbum Dómini.

Anno C

Lectio prima

*Placatus est Dominus ne faceret malum
quod locutus fuerat.*

Léctio libri Exodi

32, 7-11. 13-14

In diébus illis:

Locútus est Dóminus ad Móysen dicens: « Vade,
descénde; peccávit pópulus tuus, quem eduxísti de
terra Ægýpti.

Recessérunt cito de via, quam ostendísti eis, fece-
rúntque sibi vítulum conflátilem et adoravérunt; atque
immolántes ei hóstias dixerunt: “ Isti sunt dii tui,
Israel, qui te eduxérunt de terra Ægýpti ” ».

Rursúmque ait Dóminus ad Móysen: « Cerno quod
pópulus iste duræ cervícis sit; dimítte me, ut irascátur
furor meus contra eos et déleam eos, faciámque te in
gentem magnam ».

Móyses autem orábat Dóminum Deum suum dicens: « Cur, Dómine, iráscitur furor tuus contra pópulum tuum, quem eduxísti de terra Ægýpti in fortitudine magna et in manu robústa?

Recordáre Abraham, Isaac et Israel servórum tuórum, quibus iurásti per temetípsum dicens: “ Multiplícabo semen vestrum sicut stellas cæli, et univérsam terram hanc, de qua locútus sum, dabo sémini vestro, et possidébitis eam semper ” ».

Placátusque est Dóminus ne fáceret malum, quod locútus fúerat advérsus pópulum suum.

Verbum Dómini.

Psalmus responsorius

Ps 50, 3-4. 12-13. 17 et 19 (R.: Lc 15, 18)

R. Surgam et ibo ad patrem meum.

3 Miserére mei, Deus,
secúndum misericórdiam tuam;
et secúndum multitudínem miseratiónum tuárum
dele iniquitátem meam.

4 Amplius lava me ab iniquitaté mea,
et a peccáto meo munda me. R.

12 Cor mundum crea in me, Deus,
et spíritum firmum innova in viscéribus meis.

13 Ne proicias me a fácie tua,
et spíritum sanctum tuum
ne áuferas a me. R.

17 Dómine, lábia mea apéries,
et os meum annuntiábit laudem tuam.

19 Sacrificíum Deo spíritus contribulátus,
cor contrítum et humiliátum,
Deus, non despícies. R.

Lectio secunda

Christus venit peccatores salvos facere.

Lectio Epistolæ primæ beāti Pauli apóstoli
ad Timótheum

1, 12-17

Caríssime:

Grátiam hábeo ei qui me confortávit, Christo Iesu Dómino nostro, quia fidélem me existimávit ponens in ministério, qui prius fui blasphémus et persecútor et contumeliósus;

sed misericórdiam consecútus sum, quia ignórans feci in incredulitáte, superabundávit autem grátia Dómini nostri cum fide et dilectióne quæ sunt in Christo Iesu.

Fidélis sermo et omni acceptióne dignus: Christus Iesus venit in mundum peccatóres salvos fácere;

quorum primus ego sum, sed ídeo misericórdiam consecútus sum, ut in me primo osténderet Christus Iesus omnem longanimitátem, ad informatiónem eórum qui creditúri sunt illi in vitam ætérrnam.

Regi autem sæculórum, incorruptíbili, invisíbili, soli Deo, honor et glória in sæcula sæculórum: amen!

Verbum Dómini.

Alleluia

2 Cor 5, 19 a. c

℞. Allelúia. ℣. Deus erat in Christo mundum reconcilians sibi,
et pósuit in nobis verbum reconciliatiónis.
℞. Allelúia.

Evangelium*

*Gaudium erit in cælo super uno peccatore
pænitentiam agente.*

✠ Lécio sancti Evangélíi secúndum Lucam 15, 1-32

In illo témpore:

Erant appropinquántes Iesu omnes publicáni et peccatóres ut audírent illum. Et murmurábant Pharisæi et scribæ dicétes: « Hic peccatóres récipit et mandúcat cum illis ».

Et ait ad illos parábolam istam dicens: « Quis ex vobis homo qui habet centum oves et si perdíderit unam ex illis, nonne dimíttit nonagintanóvem in desérto et vadit ad illam quæ perierat donec invéníat illam?

Et cum invénerit eam impónit in úmeros suos gaudens, et véniens domum cónvocat amícos et vicínos, dicens illis: “ Congratulámini mihi, quia invéni ovem meam quæ perierat ”.

Dico vobis: Ita gáudium erit in cælo super uno peccatóre pæniténtiam agente quam super nonagintanóvem iustis qui non índigent pæniténtia.

Aut quæ múlíer habens drachmas decem, si perdíderit drachmam unam, nonne accéndit lucérnam et evérrit domum et quærit diligénter donec invéníat?

Et cum invénerit, cónvocat amícas et vicínas dicens: “ Congratulámini mihi, quia invéni drachmam quam perdíderam ”.

Ita dico vobis: Gáudium fit coram ángelis Dei super uno peccatóre pæniténtiam agente ».

Ait autem: « Homo quidam habébat duos fílios. Et dixit adulescéntior ex illis patri: “ Pater, da mihi porciónem substántiæ quæ me contíngit ”. Et divísit illis substántiam.

Et non post multos dies, congregátis ómnibus, adulescéntior fílius péregre proféctus est in regiónem longínquam, et ibi dissipávit substántiam suam vivéndo luxurióse.

Et postquam ómnia consummáset, facta est fames válda in regiónē illa, et ipse cœpit egére.

Et ábiit et adhæsit uni cívium regiónis illíus, et misit illum in villam suam ut pásceret porcos, et cupiébat saturári de síliquis quas porci manducábant, et nemo illi dabat.

In se autem revérsus dixit: " Quanti mercennárii patris mei abúndant pánibus, ego autem hic fame pér-eo. Surgam et ibo ad patrem meum et dicam illi: Pater, peccávi in cælum et coram te, et iam non sum dignus vocári fílius tuus: fac me sicut unum de mercennáriis tuis ".

Et surgens venit ad patrem suum. Cum autem adhuc longe esset, vidit illum pater ipsíus et misericórdia motus est et accúrrens cécidit supra collum eius et osculátus est illum.

Dixítque ei fílius: " Pater, peccávi in cælum et coram te, iam non sum dignus vocári fílius tuus ".

Dixit autem pater ad servos suos: " Cito proférte stolam primam et indúite illum, et date ánulum in manum eius et calceaménta in pedes, et addúcite vítulum saginátum, occídite et manducémus et epulémur, quia hic fílius meus mórtuus erat et revíxit, períerat et invéntus est ". Et cœpérunt epulári.

Erat autem fílius eius sénior in agro, et cum veníret et appropinquáret dómui, audívit symphóniam et choros, et vocávit unum de servis et interrogávit quæ hæc essent.

Isque dixit illi: " Frater tuus venit, et occídit pater tuus vítulum saginátum, quia salvum illum recé-

pit ". Indignátus est autem et nolébat introíre. Pater ergo illíus egréssus cœpit rogáre illum.

At ille respóndens dixit patri suo: " Ecce tot annis sérvio tibi et numquam mandátum tuum prætérii, et numquam dedísti mihi hædum ut cum amícis meis epulárer: sed postquam fílius tuus hic qui devorávit substántiam tuam cum meretrícibus venit, occidísti illi vítulum saginátum ".

At ipse dixit illi: " Fili, tu semper mecum es, et ómnia mea tua sunt; epulári autem et gaudére oportébat, quia frater tuus hic mórtuus erat et revíxit; perierat et invéntus est " ». — Verbum Dómini.

vel brevior

✠ Lécio sancti Evangélii secúndum Lucam 15, 1-10

In illo témpore:

Erant appropinquátes Iesu omnes publicáni et peccatóres ut audírent illum. Et murmurábant Pharisæi et scribæ dicétes: « Hic peccatóres récipit et mandúcat cum illis ».

Et ait ad illos parábolam istam dicens: « Quis ex vobis homo qui habet centum oves et si perdíderit unam ex illis, nonne dimíttit nonagintanóvem in desérto et vadit ad illam quæ perierat donec invéníat illam?

Et cum invénerit eam impónit in úmeros suos gaudens, et véniens domum cónvocat amícos et vicínos, dicens illis: " Congratulámini mihi, quia invéni ovem meam quæ perierat ".

Dico vobis: Ita gáudium erit in cælo super uno peccatóre pæniténtiam agente quam super nonagintanóvem iustis qui non índigent pæniténtia.

Aut quæ múlíer habens drachmas decem, si perdí-

derit drachmam unam, nonne accéndit lucérnam et evérrit domum et quærit diligénter donec invéniat?

Et cum invénerit, cónvocat amícas et vicínas dicens: "Congratulámini mihi, quia invéni drachmam quam perdíderam".

Ita dico vobis: Gáudium fit coram ángelis Dei super uno peccatóre pæniténtiam agénte ».

Verbum Dómini.

Dicitur Credo.

Super oblata

Propitiáre, Dómine, supplicatióibus nostris, et has oblatiões famulórum tuórum benígnus assúme, ut, quod sínguli ad honórem tui nóminis obtulérunt, cunctis proficiat ad salútem.

Per Christum.

Præfatio de dominicis « per annum », pp. 588-595.

Ant. ad communionem

Ps 35, 8

Quam pretiósá est misericórdia tua, Deus!

Fílii hóminum sub umbra alárum tuárum confúgient.

Vel:

Cf. 1 Cor 10, 16

Calix benedictiόνis, cui benedícimus, communicátió Sáanguinis Christi est; et panis, quem frángimus, participátió Córporis Dómini est.

Post communionem

Mentes nostras et cörpera possídeat, quæsumus, Dómine, doni cæléstis operátió, ut non noster sensus in nobis, sed eius prævéniat semper efféctus. Per Christum.

Feria secunda

Ant. ad introitum

Cf. Sir 36, 18

Da pacem, Dómine, sustinéntibus te,
ut prophétæ tui fidéles inveniántur;
exáudi preces servi tui, et plebis tuæ Israel.

Collecta

Réspice nos, rerum ómnium Deus creátor et rector,
et, ut tuæ propitiatiónis sentiámus efféctum,
toto nos tribue tibi corde servíre.
Per Dóminum.

Anno primo

Lectio prior

*Orationes fiant pro omnibus hominibus ad Deum,
qui omnes homines vult salvos fieri.*

Léctio Epístolæ primæ beáti Pauli apóstoli
ad Timótheum

2, 1-8

Caríssime:

Obsecro primo ómnium fíeri obsecratiónes, oratió-
nes, postulatiónes, gratiárum actiόnes pro ómnibus ho-
mínibus, pro régibus et ómnibus qui in sublimitáte sunt,
ut quiétam et tranquíllam vitam agámus in omni pie-
táte et castitáte.

Hoc bonum est et accéptum coram Salvatóre no-
stro Deo, qui omnes hómínes vult salvos fíeri et ad
agnitiónem veritátis veníre.

Unus enim Deus, unus et Mediátor Dei et hómi-
num, Homo Christus Iesus, qui dedit redemptiόnem
semetípsum pro ómnibus, testimónium tempóribus suis;
in quod pósitus sum ego prædicátor et apóstolus — ve-

ritatem dico, non mentior — doctor gentium in fide et veritate.

Volo ergo viros orare in omni loco, levantes puras manus, sine ira et disceptatione. — Verbum Domini.

Psalmus responsorius

Ps 27, 2. 7. 8-9 (R.: 6)

R. Benedictus Dominus,
quoniam exaudivit vocem deprecationis meae.

2 Exaudi vocem deprecationis meae,
dum clamo ad te,
dum extollo manus meas
ad templum sanctum tuum. **R.**

7 Dominus adiutor meus et protector meus,
in ipso speravit cor meum et adiutus sum,
et exultavit cor meum,
et in cantico meo confitebor ei. **R.**

8 Dominus fortitudo plebi suae,
et refugium salvationum christi sui est.

9 Salvum fac populum tuum,
et benedic hereditati tuae,
et pasce eos et extolle illos usque in aeternum. **R.**

Anno secundo

Lectio prior

*Si scissurae sunt inter vos,
non est dominicam cenam manducare.*

**Lectio Epistolae primae beati Pauli apostoli
ad Corinthios**

11, 17-26

Fratres:

Hoc praecipio non laudans, quod non in melius sed
in deterius convenitis.

Primum quidem, conveniéntibus vobis in ecclésia, áudio scissúras inter vos esse, et ex parte credo. Nam opórtet et hèreses inter vos esse, ut et qui probáti sunt manifesti fiant in vobis.

Conveniéntibus ergo vobis in unum, non est domínica cenam manducáre, unusquísque enim suam cenam præsúmit in manducándo, et álius quidem ésurit, álius autem ébrius est.

Numquid domos non habétis ad manducándum et bibéndum? Aut Ecclésiám Dei contémnitis, et confúnditis eos qui non habent? Quid dicam vobis? Laudábo vos? In hoc non laudo.

Ego enim accépi a Dómino quod et trádidi vobis: quóniam Dóminus Iesus in qua nocte tradebátur accépit panem et grátias agens fregit et dixit: « Hoc est corpus meum quod pro vobis est: hoc fácite in meam commemoratióem ».

Simíliter et cálicem postquam cenátum est, dicens: « Hic calix novum Testaméntum est in meo ságuine: hoc fácite, quotiescúmque bibétis, in meam commemoratióem ».

Quotiescúmque enim manducábitis panem hunc et cálicem bibétis, mortem Dómini annuntiátis donec véniat. — Verbum Dómini.

Psalmus responsorius

Ps 39, 7-8 a. 8 b-9. 10. 17 (R.: 1 Cor 11, 26 b)

R. Mortem Dómini annuntiáte, donec véniat.

7 Sacrificium et oblatiόem noluisti,
aures autem fodisti mihi.

8 Holocáustum et pro peccáto non postulásti,
tunc dixi: « Ecce vénio. R.

9 In volúmine libri scriptum est de me
fácere voluntátem tuam.

Deus meus, vólui,
et lex tua in præcórdiis meis ». *R.*

10 Annuntiávi iustítiam tuam in ecclésia magna;
ecce lábia mea non prohibébo, Dómine, tu scisti. *R.*

17 Exsúltent et læténtur in te omnes quæréntes te,
et dicant semper: « Magnificétur Dóminus »
qui díligunt salutáre tuum. *R.*

Alleluia

Io 3, 16

R. Allelúia. *Y.* Sic Deus diléxit mundum,
ut Fílium suum unigénitum daret;
omnis qui credit in eum habet vitam ætér-
nam. *R.* Allelúia.

Evangelium

Nec in Israel tantam fidem inveni.

✠ Lécio sancti Evangélii secúndum Lucam 7, 1-10

In illo témpore:

Cum implésset Iesus ómnia verba sua in aures ple-
bis, intrávit Caphárnaum.

Centuriónis autem cuiúsdam servus male habens
erat moritúrus, qui illi erat pretiósus. Et cum audísset
de Iesu, misit ad eum senióres Iudæórum, rogans eum
ut veníret et salváret servum eius.

At illi cum veníssent ad Iesum, rogábant eum sol-
lícite dicéntes: « Dignus est ut hoc illi præstes, díligit
enim gentem nostram et synagógam ipse ædificávit no-
bis ». Iesus autem ibat cum illis.

At cum iam non longe esset a domo, misit centúrio
amícos dicens ei:

« Dómine, noli vexári; non enim dignus sum ut
sub tectum meum intres, propter quod et me ipsum non

sum dignum arbitrátus ut venírem ad te: sed dic verbo, et sanétur puer meus.

Nam et ego homo sum sub potestáte constitútus, habens sub me mílites; et dico huic: "Vade", et vadit, et álio: "Veni", et venit, et servo meo: "Fac hoc", et facit ».

Quo audíto, Iesus mirátus est eum, et convérsus, sequéntibus se turbis dixit: « Dico vobis, nec in Israel tantam fidem invéni ».

Et revérsi qui missi fúerant domum, invenérunt servum sanum. — Verbum Dómini.

Super oblata

Propitiáre, Dómine, supplicatióibus nostris, et has oblatiões famulórum tuórum benígnus assúme, ut, quod sínguli ad honórem tui nóminis obtulérunt, cunctis proficiat ad salútem.

Per Christum.

Ant. ad communionem

Ps 35, 8

Quam pretiósá est misericórdia tua, Deus!
Fílii hóminum sub umbra alárum tuárum confúgient.

Vel:

Cf. 1 Cor 10, 16

Calix benedictiões, cui benedícimus, communicátió Sánguini Christi est; et panis, quem frángimus, participátió Córporis Dómini est.

Post communionem

Mentes nostras et cörpera possídeat, quæsumus, Dómine, doni cæléstis operátió, ut non noster sensus in nobis, sed eius prævéniat semper efféctus.
Per Christum.

Feria tertia

Ant. ad introitum

Cf. Sir 36, 18

Da pacem, Dómine, sustinéntibus te,
ut prophétæ tui fidéles inveniántur;
exáudi preces servi tui, et plebis tuæ Israel.

Collecta

Réspice nos, rerum ómnium Deus creátor et rector,
et, ut tuæ propitiatiónis sentiámus efféctum,
toto nos tríbue tibi corde servíre.
Per Dóminum.

Anno primo

Lectio prior

*Oportet episcopum irreprehensibilem esse;
diaconos similiter habentes mysterium fidei
in conscientia pura.*

Léctio Epístolæ primæ beáti Pauli apóstoli
ad Timótheum

3, 1-13

Caríssime:

Fidélis sermo: Si quis episcopátum áppetit, bonum opus desíderat.

Opórtet ergo episcopum irreprehensibilem esse, unius uxóris virum, sóbrium, prudéntem, ornátum, hospitálem, doctórem, non vinoléntum, non percussórem, sed modéstum, non litigiósum, non cúpidum, suæ dómui bene præpósitum, filios habéntem in subiectione cum omni castitate

— si quis autem dómui suæ præesse nescit, quómo Ecclésiæ Dei curam habébit? —

non neóphytum, ne in supérbia elátus in iudícium incídat diabóli. Opórtet autem illum et testimónium

habére bonum ab his qui foris sunt, ut non in opprobrium incidat et láqueum diaboli.

Diáconos simíliter pudícos, non bilíngues, non multo vino déditos, non turpe lucrum sectántes, habéntes mystérium fídei in consciéntia pura. Et hi autem probéntur primum, deínde minístrent, nullum crimen habéntes.

Mulíeres simíliter pudícas, non detrahéntes, sóbrias, fidéles in ómnibus.

Diáconi sint uníus uxóris viri, qui fíliis suis bene præsint et suis dómibus; qui enim bene ministráverint, gradum sibi bonum acquírent et multam fidúciam in fide quæ est in Christo Iesu. — Verbum Dómini.

Psalmus responsorius

Ps 100, 1-2 ab. 2 cd-3 ab. 5. 6 (R.: 2 c)

R. Perambulábam in innocéntia cordis mei.

1 Misericórdiam et iudícium cantábo;
tibi, Dómine, psallam.

2 Intéllegam in via immaculáta;
quando vénies ad me? R.

Perambulábam in innocéntia cordis mei,
in médio domus meæ.

3 Non proponébam ante óculos meos rem iniústam,
faciéntem prævaricatiónes odívi. R.

5 Detrahéntem secréto próximo suo,
hunc cessáre faciébam;
supérbum óculo et inflátum corde,
hunc non sustinébam. R.

6 Oculi mei ad fidéles terræ, ut sédeant mecum;
qui ámbulat in via immaculáta,
hic mihi ministrábat. R.

Anno secundo

Lectio prior

Vos estis corpus Christi et membra ex parte.

Lectio Epistolæ primæ beāti Pauli apóstoli
ad Corínthios

12, 12-14. 27-31 a

Fratres:

Sicut corpus unum est et membra habet multa, ómnia autem membra córporis cum sint multa unum corpus sunt, ita et Christus: étenim in uno Spíritu omnes nos in unum corpus baptizáti sumus, sive Iudæi, sive Græci, sive servi, sive líberi, et omnes unum Spíritum potáti sumus. Nam et corpus non est unum membrum sed multa.

Vos autem estis corpus Christi et membra ex parte. Et quosdam quidem pósuit Deus in Ecclesiá primum apóstolos, secúndo prophétas, tértio doctóres, deinde virtútes, exin donatiónes curatiónum, opitulatiónes, gubernatiónes, génera linguárum.

Numquid omnes apóstoli? Numquid omnes prophétæ? Numquid omnes doctóres? Numquid omnes virtútes? Numquid omnes donatiónes habent curatiónum? Numquid omnes linguis loquúntur? Numquid omnes interpretántur?

Æmulámini autem charísmata maióra.

Verbum Dómini.

Psalmus responsorius Ps 99, 2. 3. 4. 5 (R.: 3 c)

R. Nos pópulus eius et oves pásuæ eius.

Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne. R.

- 3 Scitôte quóniam Dóminus ipse est Deus;
ipse fecit nos, et ipsíus sumus,
pópulus eius et oves páscae eius. *R.*
- 4 Introíte portas eius in confessióne,
átria eius in hymnis,
confitémini illi, benedícite nómini eius. *R.*
- 5 Quóniam suávis est Dóminus;
in ætérnum misericórdia eius,
et usque in generatióem et generatióem
véritas eius. *R.*

Alleluia

Lc 7, 16

- R.* Allelúia. *Y.* Prophéta magnus surrexit in nobis,
et Deus visitávit plebem suam.
R. Allelúia.

Evangelium

Adulescens, tibi dico: surge.

✠ Lécio sancti Evangélíi secúndum Lucam 7, 11-17

In illo témpore:

Factum est ábiit Iesus in civitátem quæ vocátur Naim, et ibant cum illo discípoli eius et turba copiósa. Cum autem appropinquáret portæ civitátis, et ecce defúctus efferebátur fílius únicus matris suæ, et hæc vídua erat, et turba civitátis multa cum illa.

Quam cum vidísset Dóminus, misericórdia motus super ea dixit illi: « Noli flere ». Et accéssit et tétigit lóculum, hi autem qui portábant stetérunt, et ait: « Aduléscent, tibi dico: surge ».

Et resédit qui erat mórtuus et cœpit loqui, et dedit illum matri suæ.

Accépit autem omnes timor et magnificábant Deum dicéntes: « Prophéta magnus surrexit in nobis », et: « Deus visitávit plebem suam ».

Et éxiit hic sermo in univérsam Iudéam de eo et omnem circa regiónem. — Verbum Dómini.

Super oblata

Propitiáre, Dómine, supplicatió nibus nostris, et has oblatiões famulórum tuórum benígnus assúme, ut, quod sínguli ad honórem tui nóminis obtulérunt, cunctis proficiat ad salútem.
Per Christum.

Ant. ad communionem

Ps 35, 8

Quam pretiós a est misericórdia tua, Deus!
Fílii hóminum sub umbra alárum tuárum confúgient.

Vel:

Cf. 1 Cor 10, 16

Calix benedictiões, cui benedícimus, communicá tio Sánguini Christi est;
et panis, quem frángimus,
participá tio Córporis Dómini est.

Post communionem

Mentes nostras et cörpera possídeat, quásumus, Dómine, doni cæléstis operá tio, ut non noster sensus in nobis, sed eius præveníat semper efféctus.
Per Christum.

Feria quarta

Ant. ad introitum

Cf. Sir 36, 18

Da pacem, Dómine, sustinéntibus te, ut prophétæ tui fidéles inveniántur;
exáudi preces servi tui, et plebis tuæ Israel.

Collecta

Réspice nos, rerum ómnium Deus creátor et rector,
et, ut tuæ propitiatiónis sentiámus efféctum,
toto nos tríbue tibi corde servíre.
Per Dóminum.

Anno primo

Lectio prior

Magnum est pietatis sacramentum.

Léctio Epístolæ primæ beáti Pauli apóstoli
ad Timótheum

3, 14-16

Caríssime:

Hæc tibi scribo sperans veníre ad te cito; si autem tardávero, ut scias quómodo opórteat te in domo Dei conversári, quæ est Ecclésia Dei vivi, columba et firmaméntum veritátis.

Et, ómnium confessióne, magnum est pietátis sacraméntum: Qui manifestátus est in carne, iustificátus est in Spíritu, appáruit ángelis, prædicátus est in génitibus, créditus est in mundo, assúptus est in glória.

Verbum Dómini.

Psalmus responsorius

Ps 110, 1-2. 3-4. 5-6 (R.: 2 a)

R. Magna sunt ópera Dómini.

vel Allelúia.

- ¹ Confitébor Dómino in toto corde meo,
in consílio iustórum et congregatióne.
- ² Magna ópera Dómini,
exquirénda ómnibus qui cúpiunt ea. R.

- Decor et magnificéntia opus eius,
et iustítia eius manet in sáeculum sáeculi.
- Memóriam fecit mirabílium suórum,
miséricors et miserátor Dóminus. *R.*
- Escam dedit timéntibus se;
memor erit in sáeculum testaménti sui.
- Virtútem óperum suórum annuntiávit pópulo suo,
ut det illis hereditátem géntium. *R.*

Anno secundo**Lectio prior**

*Manet fides, spes, caritas;
maior autem est caritas.*

Léctio Epístolæ primæ beáti Pauli apóstoli
ad Corínthios 12, 31 — 13, 13

Fratres:

Æmulámini charísmata maióra. Et adhuc excellen-
tiórem viam vobis demónstro.

Si linguis hóminum loquar et angelórum, caritátem
autem non hábeam, factus sum velut æs sonans aut cým-
balum tínniens.

Et si habúero prophetíam et nóverim mystéria óm-
nia et omnem sciéntiam, et si habúero omnem fidem
ita ut montes tránsferam, caritátem autem non habúero,
nihil sum.

Et si distribúero in cibos omnes facultátes meas, et
si tradídero corpus meum ut glórier, caritátem autem
non habúero, nihil mihi prodest.

Cáritas pátiens est, benígna est cáritas, non æmu-
látur, non agit supérbe, non inflátur, non est ambitiósá,
non quærit quæ sua sunt, non irritátur, non cógitat
malum, non gaudet super iniquitátem, congáudet autem

veritatí: ómnia suffert, ómnia credit, ómnia sperat, ómnia sústinet.

Cáritas numquam éxcidit. Sive prophetiæ, evacuebuntur; sive linguæ, cessábunt; sive sciéntia, destruétur.

Ex parte enim cognóscimus et ex parte prophetámus; cum autem vénerit quod perféctum est, evacuábitur quod ex parte est.

Cum essem párvulus, loquébar ut párvulus, sapiébam ut párvulus, cogitábam ut párvulus; quando factus sum vir, evacuávi quæ erant párvuli.

Vidémus enim nunc per spéculum in ænigmate, tunc autem fácie ad fáciem; nunc cognóscó ex parte, tunc autem cognóscam sicut et cógnitus sum.

Nunc autem manet fides, spes, cáritas, tria hæc; maior autem ex his est cáritas. — Verbum Dómini.

Psalmus responsorius

Ps 32, 2-3. 4-5. 12 et 22 (R.: 12 b)

R. Beátus pópulus,
quem elégit Dóminus in hereditátem sibi.

2 Confitémini Dómino in cíthara,
in psaltério decem chordárum psállite illi.

3 Cantáte ei cánticum novum,
bene psállite ei in vociferatióne. R.

4 Quia rectum est verbum Dómini,
et ómnia ópera eius in fide.

5 Díligit iustítiam et iudícium,
misericórdia Dómini plena est terra. R.

12 Beáta gens, cui Dóminus est Deus,
pópulus, quem elégit in hereditátem sibi.

22 Fiat misericórdia tua, Dómine, super nos,
quemádmódum sperávimus in te. R.

Alleluia

Io 6, 63 b. 69 b

℞. Allelúia. ⁊. Verba tua, Dómine,
spíritus et vita sunt;
verba vitæ æternæ habes.
℞. Allelúia.

Evangelium

*Cantavimus et non saltastis;
lamentavimus et non plorastis*

✝ Lécio sancti Evangélii secúndum Lucam 7, 31-35

In illo témpore:

Dixit Dóminus: « Cui ergo símiles dicam hómines generatiónis huius, et cui símiles sunt?

Símiles sunt púeris sedéntibus in foro et loquéntibus ad ínvicem quod dicit: “ Cantávimus vobis tíbiis et non saltástis; lamentávimus et non plorástis ”.

Venit enim Ioánnes Baptísta neque mandúcans panem neque bibens vinum, et dicitis: “ Dæmónium habet ”; venit Fílius hóminis mandúcans et bibens, et dicitis: “ Ecce homo devorátor et bibens vinum, amícus publicanórum et peccatórum ”.

Et iustificáta est sapiéntia ab ómnibus fíliis suis ».

Verbum Dómini.

Super oblata

Propitiáre, Dómine, supplicatióibus nostris,
et has oblatiões famulórum tuórum
benígnus assúme,
ut, quod sínguli
ad honórem tui nóminis obtulérunt,
cunctis profíciat ad salútem.
Per Christum.

Ant. ad communionem

Ps 35, 8

Quam pretiósá est misericórdia tua, Deus!
Fílii hóminum sub umbra alárum tuárum confúgient.

Vel:

Cf. 1 Cor 10, 16

Calix benedictiónis, cui benedícimus,
communicátio Sánguini Christi est;
et panis, quem frángimus,
participátio Córporis Dómini est.

Post communionem

Mentes nostras et cörpera possídeat,
quásumus, Dómine,
doni cæléstis operátio,
ut non noster sensus in nobis,
sed eius prævéniat semper efféctus.
Per Christum.

Feria quinta

Ant. ad introitum

Cf. Sir 36, 18

Da pacem, Dómine, sustinéntibus te,
ut prophétæ tui fidéles inveniántur;
exáudi preces servi tui,
et plebis tuæ Israel.

Collecta

Réspice nos,
rerum ómnium Deus creátor et rector,
et, ut tuæ propitiatiónis sentiámus efféctum,
toto nos tríbue tibi corde servíre.
Per Dóminum.

Anno primo

Lectio prior

*Attende tibi et doctrinæ:
sic te ipsum salvum facies et qui te audiunt.*

Lectio Epistolæ primæ beāti Pauli apóstoli
ad Timótheum

4, 12-16

Caríssime:

Nemo adulescéntiam tuam contémnat, sed exé-
plum esto fidélium in verbo, in conversatióne, in cari-
táte, in fide, in castitáte.

Dum vénio atténde lectiáni, exhortatiáni, doctrínæ.
Noli neglégere donatióem quæ in te est, quæ data
est tibi per prophetíam cum impositiáne mánuum pre-
sbytérii.

Hæc meditáre, in his esto, ut proféctus tuus mani-
féstus sit ómnibus.

Atténde tibi et doctrínæ; insta in illis; hoc enim
fáciens et te ipsum salvum fácies et qui te áudiunt.

Verbum Dómini.

Psalmus responsorius Ps 110, 7-8. 9. 10 (R.: 2 a)

R. Magna sunt ópera Dómini.

vel Allelúia.

Opera mánuum eius véritas et iudícium.

Fidélia ómnia mandáta eius,
confirmáta in sæculum sæculi,
facta in veritáte et æquitáte. R.

Redemptiáne misit pópulo suo,
mandávit in ætérnum testaméntum suum.
Sanctum et terríbile nomen eius. R.

10 Inítium sapiéntiæ timor Dómini,
intelléctus bonus ómnibus faciéntibus eum;
laudátio eius manet in sáculum sáculi. *R.*

Anno secundo

Lectio prior

Sic prædicamus et sic credidistis.

Léctio Epístolæ primæ beáti Pauli apóstoli
ad Corínthios

15, 1-11

Notum vobis fácio, fratres, Evangélium quod evangelizávi vobis, quod et accepístis, in quo et statis, per quod et salvámini, qua ratióne evangelizáverim vobis, si tenétis, nisi si frustra credidístis.

Trádidi enim vobis in primis quod et accépi, quóniam Christus mórtuus est pro peccátis nostris secúndum Scriptúras, et quia sepúltus est, et quia suscitátus est tértia die secúndum Scriptúras, et quia visus est Cephæ, et post hæc Duódecim;

deínde visus est plus quam quingéntis frátribus simul, ex quibus plures manent usque adhuc, quidam autem dormiérunt; deínde visus est Iacóbo, deínde apóstolis ómnibus; novíssime autem ómnium, tamquam abortívo, visus est et mihi.

Ego enim sum mínimus apostolorum, qui non sum dignus vocári apóstolus, quóniam persecútus sum Ecclésiam Dei;

grátia autem Dei sum id quod sum, et grátia eius in me vácuá non fuit, sed abundántius illis ómnibus laborávi, non ego autem, sed grátia Dei mecum.

Igitur sive ego sive illi sic prædicamus et sic credidístis. — Verbum Dómini.

Psalmus responsorius

Ps 117, 1-2. 16 ab-17. 28 (R.: 1 a)

R. Confitémini Dómino, quóniam bonus.

vel Allelúia.

1 Confitémini Dómino, quóniam bonus,
quóniam in sǎculum misericórdia eius.2 Dicat nunc Israel, quóniam bonus,
quóniam in sǎculum misericórdia eius. R.15 Dextera Dómini fecit virtútem,
dextera Dómini exaltávit me.17 Non móriar, sed vivam,
et narrábo ópera Dómini. R.23 Deus meus es tu, et confitébor tibi,
Deus meus, et exaltábo te. R.

Alleluia

Mt 11, 28

R. Allelúia. V. Veníte ad me, omnes qui laborátis et
oneráti estis,

et ego refíciam vos, dicit Dóminus.

R. Allelúia.

Evangelium

*Remissa sunt ei peccata multa,
quoniam dilexit multum.*

✠ Lécio sancti Evangélii secúndum Lucam 7, 36-50

In illo témpore:

Rogábat Iesum quidam de Pharisáeis ut manducáret
cum illo; et ingressus domum Pharisái discúbuit.Et ecce múlter quæ erat in civitáte peccátrix, ut
cognóvit quod accúbuit in domo Pharisái, áttulit ala-
bástrum unguénti et stans retro secus pedes eius flens,

lácrimis cœpit rigâre pedes eius et capillis cápitis sui tergébat, et osculabátur pedes eius et unguénto ungébat.

Videns autem Pharisæus qui vocáverat eum, ait intra se dicens: « Hic si esset prophéta sciret útique quæ et qualis mûlier quæ tangit eum, quia peccátrix est ».

Et respóndens Iesus dixit ad illum: « Simon, hábeo tibi áliquíd dícere ».

At ille ait: « Magíster, dic ».

« Duo debitóres erant cuídám fæneratóri: unus debébat denários quingéntos, álius quinquagínta. Non habéntibus illis unde rédderent, donávit utrísque. Quis ergo eórum plus díliget eum? »

Respóndens Simon dixit: « Æstimo quia is cui plus donávit ».

At ille dixit ei: « Recte iudicásti ». Et convérsus ad mulierem, dixit Simóni:

« Vides hanc mulierem? Intrávi in domum tuam, aquam pédibus meis non dedísti: hæc autem lácrimis rigávit pedes meos et capillis suis tersit.

Osculum mihi non dedísti: hæc autem ex quo intrávi non cessávit osculári pedes meos.

Oleo caput meum non unxísti: hæc autem unguénto unxit pedes meos.

Propter quod dico tibi: “ Remíssa sunt peccáta eius multa, quóniam diléxit multum; cui autem minus dimíttitur, minus díligit ” ».

Dixit autem ad illam: « Remíssa sunt peccáta tua ».

Et cœpérunt qui simul accumbébant dícere intra se: « Quis est hic, qui étiam peccáta dimíttit? »

Dixit autem ad mulierem: « Fides tua te salvam fecit; vade in pace ». — Verbum Dómini.

Super oblata

Propitiáre, Dómine, supplicatióibus nostris, et has oblatiões famulórum tuórum benígnus assúme,

ut, quod singuli ad honorem tui nominis obtulerunt,
cunctis proficiat ad salutem.
Per Christum.

Ant. ad communionem

Ps 35, 8

Quam pretiosa est misericordia tua, Deus!
Filii hominum sub umbra alarum tuarum confugient.

Vel:

Cf. 1 Cor 10, 16

Calix benedictionis, cui benedicimus,
communicatio Sanguinis Christi est;
et panis, quem frangimus,
participatio Corporis Domini est.

Post communionem

Mentes nostras et corpora possideat,
quaesumus, Domine, doni caelestis operatio,
ut non noster sensus in nobis,
sed eius praeveniat semper effectus.
Per Christum.

Feria sexta

Ant. ad introitum

Cf. Sir 36, 18

Da pacem, Domine, sustinentibus te,
ut prophetae tui fideles inveniuntur;
exaudi preces servi tui, et plebis tuae Israel.

Collecta

Respice nos, rerum omnium Deus creator et rector,
et, ut tuae propitiationis sentiamus effectum,
toto nos tribue tibi corde servire.
Per Dominum.

Anno primo

Lectio prior

*Tu autem, o homo Dei, sectare iustitiam.*Lectio Epistolæ primæ beāti Pauli apóstoli
ad Timótheum

6, 2 c-12

Caríssime:

Hæc doce et exhortáre. Si quis áliter docet et non accédit sanis sermónibus Dómini nostri Iesu Christi, et ei quæ secúndum pietátem est doctrínæ,

supérbus est, nihil sciens, sed languens circa quæstiónes et pugnas verbórum, ex quibus oriúntur invídiæ, contentiónes, blasphemíæ, suspiciónes malæ, conflictatiónes hóminum mente corruptórum et qui veritáte priváti sunt, existimántium quæstum esse pietátem.

Est autem quæstus magnus píetas cum sufficiéntia; nihil enim intúlumus in mundum, quia nec auférre quid póssumus; habéntes autem aliménta et quibus tegámur, his conténti érimus.

Nam qui volunt dívites fíeri íncidunt in tentatiónem et láqueum et desidéria stulta et nocíva, quæ mergunt hómines in intéritum et perditiónem;

radix enim ómnium malórum est cupiditas, quam quidam appeténtes erravérunt a fide et inseruérunt se dólóribus multis.

Tu autem, o homo Dei, hæc fuge; sectáre vero iustítiam, pietátem, fidem, caritátem, patiéntiam, mansuetúdinem.

Certa bonum certámen fídei, apprehénde vitam ætérnam, ad quam vocátus es et conféssus es bonam confesiónem coram multis téstibus. — Verbum Dómini.

Psalmus responsorius

Ps 48, 6-7. 8-10. 17-18. 19-20 (R.: Mt 5, 3)

R. Beáti páuperes spíritu,
quóniam ipsórum est regnum cælórum.

- 6 Cur timébo in diébus malis,
cum iníquitas supplantántium circúmdabit me?
- 7 Qui confidunt in virtúte sua,
et in multitudíne divitiárum suárum gloriántur. R.
- 8 Etenim seípsum non rédimet homo;
non dabit Deo propitiatióem suam.
- 9 Nímium est prétium redemptiόνis ánimæ eius:
ad últimum defíciet,
- 10 ut vivat usque in finem, nec vídeat intéritum. R.
- 17 Ne timúeris, cum dives factus fúerit homo,
et cum multiplicáta fúerit glória domus eius.
- 18 Quóniam, cum interierit, non sumet ómnia,
neque descéndet cum eo glória eius. R.
- 19 Cum ánimæ suæ in vita ipsíus benedíxerit:
« Laudábunt te, quod benefecísti tibi »;
- 20 tamen introíbit ad progéníem patrum suórum,
qui in ætérnum non vidébunt lumen. R.

Anno secundo

Lectio prior

Si Christus non resurrexit, stulta est fides vestra.

Lectio Epístolæ primæ beáti Pauli apóstoli
ad Corínthios

15, 12-20

Fratres:

Si Christus prædicátur quod suscitátus est a mór-
tuis, quómodo quidam dicunt in vobis quóniam resur-
réctio mortuórum non est?

Si autem resurréctio mortuórum non est, neque Christus suscitátus est; si autem Christus non suscitátus est, inánis est ergo prædicatio nostra, inánis est et fides vestra; invenimur autem et falsi testes Dei, quóniam testimónium díximus advérsus Deum quod suscitáverit Christum, quem non suscitávit si revéra mórtui non resúrgunt.

Nam si mórtui non resúrgunt, neque Christus resurréxit; quod si Christus non resurréxit, stulta est fides vestra, adhuc estis in peccátis vestris. Ergo et qui dormiérunt in Christo periérunt.

Si in hac vita tantum in Christo sperántes sumus, miserabilióres sumus ómnibus homínibus.

Nunc autem Christus resurréxit a mórtuis, primítiæ dormiéntium. — Verbum Dómini.

Psalmus responsorius

Ps 16, 1. 6-7. 8 et 15 (R.: 15 b)

R. Satiabor, cum evigilávero, conspéctu tuo, Dómine.

- 1 Exáudi, Dómine, iustítiam meam,
inténde deprecationem meam.
Auribus pércipe oratióem meam,
non in lábiis dolósis. R.
- 6 Ego ad te clamávi,
quóniam exáudis me, Deus;
inclína aurem tuam mihi,
et exáudi verba mea.
- 7 Mirífica misericórdias tuas,
qui salvos facis sperántes in te ab insurgéntibus,
in dextera tua. R.
- 8 Custódi me ut pupíllam óculi,
sub umbra alárum tuárum prótege me.

15 Ego autem in iustitia vidébo faciē tuam,
satiabor, cum evigilāvero, conspectu tuo. *R.*

Alleluia

Cf. Mt 11, 25

R. Allelúia. *V.* Benedictus es, Pater, Dómine cæli et
terræ,
quia mystéria Regni párvulis revelásti.
R. Allelúia.

Evangelium

*Mulieres erant cum Iesu et Duodecim,
et ministrabant eis de facultatibus suis.*

✠ Lécio sancti Evangélíi secúndum Lucam 8, 1-3

In illo témpore:

Factum est et Iesus iter faciēbat per civitátem et ca-
stéllum prædicans et evangelízans Regnum Dei, et Duó-
decim cum illo, et mulieres áliquæ, quæ erant curátæ
ab spirítibus malignis et infirmitátibus, María quæ vo-
cátur Magdaléne, de qua dæmónia septem exierant, et
Ioánnā uxor Chuza, procuratóris Heródis, et Susánna
et áliæ multæ, quæ ministrábant eis de facultátibus
suis. — Verbum Dómini.

Super oblata

Propitiáre, Dómine, supplicatióibus nostris,
et has oblatiões famulórum tuórum
benígnus assúme,
ut, quod singuli
ad honórem tui nóminis obtulérunt,
cunctis proficiat ad salútem.
Per Christum.

Ant. ad communionem**Ps 35, 8**

Quam pretiosa est misericordia tua, Deus!
Fílii hóminum sub umbra alárum tuárum confúgient.

Vel:**Cf. 1 Cor 10, 16**

Calix benedictiónis, cui benedícimus,
communicátio Sánguini Christi est;
et panis, quem frángimus,
participátio Córporis Dómini est.

Post communionem

Mentes nostras et cörpera possídeat,
quásumus, Dómine,
doni cæléstis operátio,
ut non noster sensus in nobis,
sed eius prævéniat semper efféctus.
Per Christum.

Sabbato

Ant. ad introitum**Cf. Sir 36, 18**

Da pacem, Dómine, sustinéntibus te,
ut prophétæ tui fidéles inveniántur;
exáudi preces servi tui,
et plebis tuæ Israel.

Collecta

Réspice nos,
rerum ómnium Deus creátor et rector,
et, ut tuæ propitiatiónis sentiámus efféctum,
toto nos tribue tibi corde servíre.
Per Dóminum.

Anno primo

Lectio prior

*Serva mandatum sine macula
usque in adventum Domini.*Léctio Epístolæ primæ beāti Pauli apóstoli
ad Timótheum

6, 13-16

Caríssime:

Præcípio tibi coram Deo qui vivificat ómnia et Christo Iesu qui testimoníum réddidit sub Póntio Piláto bonam confessiónem,

ut serves mandátum sine mácula irreprehensíbile usque in advéntum Dómini nostri Iesu Christi, quem suis temporibus osténdet beátus et solus potens, Rex regnántium et Dóminus dominántium,

qui solus habet immortalitátem, lucem hábitans inaccessíbilem, quem vidit nullus hóminum nec vidére potest: cui honor et impérium sempitérnum: amen!

Verbum Dómini.

Psalmus responsorius Ps 99, 2. 3. 4. 5 (R.: 2 c)

R. Introíte in conspéctu Dómini in exsultatióne.

² Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne. R.

³ Scitóte quóniam Dóminus ipse est Deus;
ipse fecit nos, et ipsíus sumus,
pópulus eius et oves páscuæ eius. R.

⁴ Introíte portas eius in confessióne,
átria eius in hymnis,
confitémini illi, benedícite nómini eius. R.

Quóniam suávis est Dóminus;
in ætérnum misericórdia eius,
et usque in generatióem et generatióem
véritas eius. *R.*

Anno secundo

Lectio prior

*Seminatur in corruptione,
resurgit in incorruptione.*

Lectio Epístolæ primæ beáti Pauli apóstoli
ad Corínthios

15, 35-37. 42-49

Fratres:

Dicet áliquis: « Quómodo resúrgunt mórtui? Quali autem corpore véniunt? »

Insípiens, tu quod séminas non vivificátur nisi prius moriátur; et quod séminas, non corpus quod futúrum est séminas, sed nudum granum ut puta trítici aut alicúius ceterórum.

Sic et resurrectio mortuórum. Seminátur in corruptiône, resúrgit in incorruptiône; seminátur in ignobilitáte, resúrgit in glória; seminátur in infirmitáte, resúrgit in virtúte; seminátur corpus animále, resúrgit corpus spiritále.

Sí est corpus animále, est et spiritále. Sic et scriptum est: « Factus est primus homo Adam in ánimam vivéntem »; novíssimus Adam in Spíritum vivificántem.

Sed non prius quod spiritále est, sed quod animále est, deínde quod spiritále.

Primus homo de terra terrénus, secúndus homo de cælo.

Qualis terrénus, tales et terréni, et qualis cæléstis, tales et cæléstes; et sicut portávimus imáginem terréni, portábimus et imáginem cæléstis. — Verbum Dómini.

Psalmus responsorius

Ps 55, 10. 11-12. 13-14 (R.: cf. 14 b)

R. Ambulábo coram Deo in lúmine vivéntium.

10 Tunc converténtur inimíci mei retrórsum,
in quacúmque die invocávero:
ecce cognóvi quóniam Deus meus es. R.

11 In Deo, cuius laudábo sermónem,
in Dómino, cuius laudábo sermónem,
12 in Deo sperávi,
non timébo: quid fáciet mihi homo? R.

13 Super me sunt, Deus, vota tua;
reddam laudatiónes tibi;
14 quóniam eripuísti ánimam meam de morte,
et pedes meos de lapsu,
ut ámbulem coram Deo in lúmine vivéntium. R.

Alleluia

Cf. Lc 8, 15

R. Allelúia. V. Beáti qui in corde bono et óptimo ver-
bum Dei rétinent,
et fructum áfferunt in paciéntia.
R. Allelúia.

Evangelium

*Quod in bonam terram, hi sunt qui verbum retinent
et fructum afferunt in patientia.*

✠ Lécio sancti Evangélii secúndum Lucam 8, 4-15

In illo témpore:

Cum turba plúrima conveníret et de singulis civi-
tátibus properárent ad Iesum, dixit per similitúdinem:

« Exiit qui séminat semináre semen suum. Et dum
séminat ipse, áliud cécidit secus viam et conculcátum

est et vólucres cæli comedérunt illud. Et áliud cécidit super petram et natum áruit quia non habébat humórem.

Et áliud cécidit inter spinas et simul exórtæ spinæ suffocavérunt illud. Et áliud cécidit in terram bonam et ortum fecit fructum céntuplum ».

Hæc dicens clamábat: « Qui habet aures audiéndi, áudiat ».

Interrogábant autem eum discípli eius quæ esset hæc parábola.

Quibus ipse dixit: « Vobis datum est nosse mystéria Regni Dei, céteris autem in parábolis, ut vidéntes non vídeant et audiéntes non intélligant.

Est autem hæc parábola: Semen est verbum Dei.

Qui autem secus viam, sunt qui áudiunt, deínde venit diábolus et tollit verbum de corde eórum, ne credéntes salvi fiant.

Qui autem supra pëtram, qui, cum audierint, cum gáudio suscípiunt verbum, et hi radíces non habent, qui ad tempus credunt, et in témpore tentatiónis recédunt.

Quod autem in spinis cécidit, hi sunt qui audierunt et a sollicitudinibus et divítiis et voluptátibus vitæ eúntes suffocántur et non réferunt fructum.

Quod autem in bonam terram, hi sunt qui in corde bono et óptimo audiéntes verbum rétinent et fructum áfferunt in paciéntia ». — Verbum Dómini.

Super oblata

Propitiáre, Dómine, supplicatióibus nostris, et has oblatiões famulórum tuórum benígnus assúme, ut, quod sínguli ad honórem tui nóminis obtulérunt, cunctis proficiat ad salútem.
Per Christum.

Ant. ad communionem**Ps 35, 8**

Quam pretiósá est misericórdia tua, Deus!
Fílii hóminum sub umbra alárum tuárum confúgient.

Vel:**Cf. 1 Cor 10, 16**

Calix benedictiónis, cui benedícimus,
communicátio Sánguini Christi est;
et panis, quem frángimus,
participátio Córporis Dómini est.

Post communionem

Mentes nostras et cörpera possídeat,
quáesumus, Dómine, doni cæléstis operátio,
ut non noster sensus in nobis,
sed eius prævéniat semper efféctus.
Per Christum.

est et vólucres cæli comedérunt illud. Et áliud cécidit super petram et natum áruit quia non habébat humórem.

Et áliud cécidit inter spinas et simul exórtæ spinæ suffocavérunt illud. Et áliud cécidit in terram bonam et ortum fecit fructum céntuplum ».

Hæc dicens clamábat: « Qui habet aures audiéndi, áudiat ».

Interrogábant autem eum discípuli eius quæ esset hæc parábola.

Quibus ipse dixit: « Vobis datum est nosse mystéria Regni Dei, céteris autem in parábolis, ut vidéntes non vídeant et audiéntes non intéllegant.

Est autem hæc parábola: Semen est verbum Dei.

Qui autem secus viam, sunt qui áudiunt, deínde venit diábolus et tollit verbum de corde eórum, ne credéntes salvi fiant.

Qui autem supra pètram, qui, cum audierint, cum gáudio suscípiunt verbum, et hi radíces non habent, qui ad tempus credunt, et in témpore tentatiónis recédunt.

Quod autem in spinis cécidit, hi sunt qui audiérunt et a sollicitudinibus et divítiis et voluptátibus vitæ eúntes suffocántur et non réferunt fructum.

Quod autem in bonam terram, hi sunt qui in corde bono et óptimo audiéntes verbum rétinent et fructum áfferunt in paciéntia ». — Verbum Dómini.

Super oblata

Propitiáre, Dómine, supplicatióibus nostris, et has oblatiões famulórum tuórum benígnus assúme, ut, quod sínguli ad honórem tui nóminis obtulérunt, cunctis proficiat ad salútem.
Per Christum.

Ant. ad communionem**Ps 35, 8**

Quam pretiósá est misericórdia tua, Deus!
Fílii hóminum sub umbra alárum tuárum confúgient.

Vel:**Cf. 1 Cor 10, 16**

Calix benedictiónis, cui benedícimus,
communicátio Sánguini Christi est;
et panis, quem frángimus,
participátio Córporis Dómini est.

Post communionem

Mentes nostras et cörpera possídeat,
quáesumus, Dómine, doni cæléstis operátio,
ut non noster sensus in nobis,
sed eius prævéniat semper efféctus.
Per Christum.

DOMINICA XXV « PER ANNUM »

Ant. ad introitum

Salus pópuli ego sum, dicit Dóminus.
De quacúmque tribulatióne clamáverint ad me,
exáudiam eos, et ero illórum Dóminus in perpétuum.

Dicitur Glória in excélsis.

Collecta

Deus, qui sacræ legis ómnia constitúta
in tua et próximi dilectiône posuísti,
da nobis, ut, tua præcépta servántes,
ad vitam mereámur perveníre perpétuam.
Per Dóminum.

Anno A

Lectio prima

Non sunt cogitationes meæ cogitationes vestræ.

Léctio libri Isaíæ prophétæ 55, 6-9

Quærite Dóminum dum inveníri potest, invocáte eum dum prope est.

Derelínquat ímpius viam suam, et vir iníquus cogitatiónes suas, et revertátur ad Dóminum, et miserébitur eius, et ad Deum nostrum, quóniam multus est ad ignoscéndum.

Non enim cogitatiónes meæ cogitatiónes vestræ, neque viæ vestræ viæ meæ, dicit Dóminus.

Quia, sicut exaltántur cæli a terra, sic exaltátæ sunt viæ meæ a viis vestris, et cogitatiónes meæ a cogitatióibus vestris. — Verbum Dómini.

Psalmus responsorius

Ps 144, 2-3. 8-9. 17-18 (R.: 18 a)

R. Prope est Dóminus invocántibus eum.

- 2 Per singulos dies benedícam tibi,
et laudábo nomen tuum
in sáeculum et in sáeculum sáeculi.
- 3 Magnus Dóminus et laudábilis nimis,
et magnitúdinis eius non est investigátio. R.
- 8 Miserátor et miséricors Dóminus,
longánimis et multæ misericórdiæ.
- 9 Suávis Dóminus univérssis,
et miseratiónes eius super ómnia ópera eius. R.
- 17 Iustus Dóminus in ómnibus viis suis,
et sanctus in ómnibus opéribus suis.
- 18 Prope est Dóminus ómnibus invocántibus eum,
ómnibus invocántibus eum in veritaté. R.

Lectio secunda

Mihi vivere Christus est.

Lectio Epístolæ beáti Pauli apóstoli ad Philippénes

1, 20 c-24. 27 a

Fratres:

Magnificábitur Christus in córpore meo, sive per vitam sive per mortem. Mihi enim vívere Christus est et mori lucrum. Quod si vívere in carne, hic mihi fructus óperis est; et quid éligam ignóro.

Coártor autem ex his duóbus, desidérium habens dissólvi et cum Christo esse, multo magis mélius; permanére autem in carne magis necessárium est propter vos.

Tantum digne Evangélio Christi conversámini.
Verbum Dómini.

Alleluia

Cf. Act 16, 14 b

R. Allelúia. *℣.* Aperi, Dómine, cor nostrum,
ut intendámus verbis Fílii tui.
R. Allelúia.

Evangelium

An oculus tuus nequam est quia ego bonus sum?

✠ Lécio sancti Evangélíi secúndum Matthæum

20, 1-16 a

In illo témpore. Dixit Iesus discíplis suis parábolam hanc:

« Símile est Regnum cælórum hómini patri famílias, qui éxiit primo mane condúcere operários in víneam suam; conventióne autem facta cum operáriis ex denário diúrno, misit eos in víneam suam.

Et egréssus circa horam tértiam vidit álios stantes in foro otiósos, et illis dixit: " Ite et vos in víneam, et quod iustum fúerit dabo vobis ". Illi autem abiérunt.

Iterum autem éxiit circa sextam et nonam horam et fecit simíliter.

Circa undécimam vero éxiit et invénit álios stantes, et dicit illis: " Quid hic statis tota die otiósi? " Dicunt ei: " Quia nemo nos condúxit ". Dicit illis: " Ite et vos in víneam ".

Cum sero autem factum esset, dicit dóminus víneæ procuratóri suo: " Voca operários et redde illis mercédem incípiens a novíssimis usque ad primos ".

Et cum veníssent qui circa undécimam horam vénerant, accepérunt sínguli denárium. Veniéntes autem primi, arbitrátí sunt quod plus essent acceptúri: accepérunt autem et ipsi sínguli denárium.

Accipiéntes autem murmurábant advérsus patrem famílias dicéntes: " Hi novíssimi una hora fecérunt, et

pares illos nobis fecísti qui portávimus pondus diéi et æstum ”.

At ille respóndens uni eórum dixit: “ Amíce, non fácio tibi iniúriam; nonne ex denário convenísti mecum? Tolle quod tuum est et vade; volo autem et huic novíssimo dare sicut et tibi. Aut non licet mihi quod volo fácere de meis? An óculus tuus nequam est quia ego bonus sum? ”

Sic erunt novíssimi primi et primi novíssimi ».

Verbum Dómini.

Anno B

Lectio prima

Morte turpissima condemnemus eum.

Léctio libri Sapiéntiæ

2, 17-20

Dixerunt ímpii:

« Circumveniámus iustum, videámus ergo si sermónes illíus veri sint, et tentémus quæ ventúra sunt illi, et sciémus quæ erunt novíssima illíus.

Si enim est verus fílius Dei, suscípiet illum, et liberábit eum de mánibus contrariórum.

Contumélia et torménto interrogémus eum, ut sciámus reveréntiam eius et probémus patiéntiam illíus.

Morte turpíssima condemnémus eum; erit enim ei respectus ex sermónibus illíus ».

Verbum Dómini.

Psalmus responsorius Ps 53, 3-4. 5. 6 et 8 (ṙ.: 6 b)

ṙ. Dóminus suscéptor est ánimæ meæ.

Deus, in nómine tuo salvum me fac,
et in virtúte tua iúdica me.

- 4 Deus, exáudi oratióem meam,
áuribus pércipe verba oris mei. *R.*
- Quóniam supérbi insurrexérunt advérsum me,
et fortes quæsiérunt ánimam meam,
et non proposuérunt Deum
ante conspéctum suum. *R.*
- 6 Ecce enim Deus ádiuvat me,
et Dóminus suscéptor est ánimæ meæ.
- 8 Voluntárie sacrificábo tibi,
confitébor nómini tuo, Dómine,
quóniam bonum est. *R.*

Lectio secunda

*Fructus iustitiæ in pace seminatur
facientibus pacem.*

Léctio Epístolæ beáti Iacóbi apóstoli 3, 16 — 4, 3

Caríssimi:

Ubi zelus et conténtio, ibi inconstántia et omne opus pravum.

Quæ autem desúrsum est sapiéntia primum quidem pudíca est, deínde pacífica, modésta, suadíbilis, plena misericórdia et frúctibus bonis, non iúdicans, sine simulatióne; fructus autem iustitiæ in pace seminátur faciéntibus pacem.

Unde bella et unde lites in vobis? Nonne hinc, ex concupiscéntiis vestris quæ militánt in membris vestris?

Concupiscitis et non habétis; occíditis et zelátis, et non potéstis adipísci; litigátis et belligerátis. Non habétis propter quod non postulátis; pétitis et non accípitis, eo quod male pétitis, ut in concupiscéntiis vestris insumátis. — Verbum Dómini.

Alleluia

2 Thess 2, 14

℞. Allelúia. ⁊. Deus vocávit nos per Evangélium,
in acquisitionem glóriæ Dómini nostri Iesu
Christi. ℞. Allelúia.

Evangelium

*Filius hominis traditur ... Qui vult primus esse
erit omnium minister.*

✠ Lécio sancti Evangélii secúndum Marcum 9, 30-36

In illo témpore:

Profécti de monte Iesus et discipuli eius peragrábant Galilæam, nec volébat quemquam scire.

Docébat enim discipulos suos, et dicébat illis: « Fílius hóminis tráditur in manus hóminum, et occident eum, et occísus post tres dies resúrget ». At illi ignorábant verbum, et timébant eum interrogáre.

Et venérunt Caphárnaum. Qui, cum domi esset, interrogábat eos: « Quid in via tractabátis? » At illi tacébant. Siquidem inter se in via disputáverant, quis esset maior.

Et résidens vocávit Duódecim et ait illis: « Si quis vult primus esse, erit ómnium novíssimus et ómnium míníster ».

Et accípiens púerum, státuit eum in médio eórum, quem ut compléxus esset, ait illis: « Quisquis unum ex huiúsmodi púeris recéperit in nómine meo, me récipit; et quicúmque me suscéperit, non me súscipit, sed eum qui me misit ».

Verbum Dómini.

Anno C

Lectio prima

Contra eos qui « possident in argento egenos ».

Lectio libri Amos prophætæ

8, 4-7

Audíte hoc, qui contéritis páuperem et defícere fá-citis egénos terræ, dicéntes:

« Quando transíbit mensis, et venundábimus merces? et sábbatum, et aperiémus fruméntum, ut immi-nuámus mensúram, et augeámus siclum, et supponámus statéras dolósas; ut possideámus in argéto egénos et páuperes pro calceaméntis, et quisquílias fruménti ven-dámus? »

Iurávit Dóminus in supérbiam Iacob: « Si oblítus fuéro usque ad finem ómnia ópera eórum ».

Verbum Dómini.

Psalmus resp. Ps 112, 1-2. 4-6. 7-8 (R.: cf. 1 a et 7 b)

R. Laudáte Dóminum, qui érigit páuperem.

vel Allelúia.

1 Laudáte, púeri Dómini, laudáte nomen Dómini.

2 Sit nomen Dómini benedíctum
ex hoc nunc et usque in sáculum. **R.**

4 Excélsus super omnes gentes Dóminus,
super cælos glória eius.

5 Quis sicut Dóminus Deus noster, qui in altis hábitat,
6 et humília réspicit in cælo et in terra? **R.**

7 Súscitans de terra ínopem,
de stércore érigens páuperem,
8 ut cóllocet eum cum princípibus,
cum princípibus pópuli sui. **R.**

Lectio secunda

*Orationes fiant
pro omnibus hominibus ad Deum,
qui omnes homines vult salvos fieri.*

Léctio Epístolæ primæ beāti Pauli apóstoli
ad Timótheum

2, 1-8

Caríssime:

Obsecro primo ómnium fieri obsecrationes, orationes, postulationes, gratiarum actiones pro ómnibus homínibus, pro régibus et ómnibus qui in sublimitate sunt, ut quiétam et tranquíllam vitam agámus in omni pietáte et castitáte.

Hoc bonum est et accéptum coram Salvatóre nostro Deo, qui omnes hómines vult salvos fieri et ad agnitionem veritátis veníre.

Unus enim Deus, unus et Mediátor Dei et hóminum, Homo Christus Iesus, qui dedit redemptionem semetípsum pro ómnibus, testimónium temporibus suis; in quod pósitus sum ego prædicátor et apóstolus — veritatem dico, non méntior — doctor géntium in fide et veritáte.

Volo ergo viros oráre in omni loco, levántes puras manus sine ira et disceptatióne.

Verbum Dómini.

Alleluia

2 Cor 8, 9

℞. Allelúia. ʒ. Iesus Christus egénus factus est, cum
esset dives,
ut illíus inópia vos dívites essétis.

℞. Allelúia.

Evangelium*

Non potestis Deo servire et mammonæ.

✠ Lécio sancti Evangélii secúndum Lucam 16, 1-13

In illo témpore: Dicébat Iesus ad discípulos suos:

« Homo quidam erat dives qui habébat vilicum, et hic diffamátus est apud illum quasi dissipásset bona ipsíus. Et vocávit illum et ait illi: " Quid hoc áudio de te? Redde ratiónem vilicatiónis tuæ; iam enim non póteris vilicáre ".

Ait autem vilicus intra se: " Quid fáciam, quia dómínus meus aufert a me vilicatiónem? Fódere non váleo, mendicáre erubésco. Scio quid fáciam, ut cum amótus fuéro a vilicatióne recípiant me in domos suas ".

Convocátis itaque síngulis debitóribus dómíni sui, dicébat primo: " Quantum debes dómíno meo? " At ille dixit: " Centum cados ólei ". Dixítque illi: " Accipe cautiónem tuam et sede cito, scribe quinquagínta ".

Deínde álíi dixit: " Tu vero quantum debes? " Qui ait: " Centum coros trítici ". Ait illi: " Accipe líttéras tuas et scribe octogínta ".

Et laudávit dómínus vilicum iniquitátis quia prudénter fecisset: quia filíi huius sáeculi prudentiόres filíis lucis in generatiόne sua sunt.

Et ego vobis dico: " Fácite vobis amícos de mam-móna iniquitátis; ut cum defécerit recípiant vos in ætéRNA tabernácula.

Qui fidélis est in mínimo, et in maióri fidélis est, et qui in módico iníquus est, et in maióri iníquus est.

Si ergo in iníquo mammóna fidéles non fuístis, quod verum est quis credet vobis? Et si in aliéno fidéles non fuístis, quod vestrum est quis dabit vobis?

Nemo servus potest duóbus dóminis servíre: aut enim unum ódiet et álterum díliget, aut uni adhærébit et álterum contémnet. Non potéstis Deo servíre et mam-mónæ ". — Verbum Dómini.

vel brevior

✠ Lécio sancti Evangélíi secúndum Lucam 16, 10-13

In illo témpore: Dicébat Iesus ad discípulos suos:

« Qui fidélis est in mínimo, et in maióri fidélis est, et qui in módico iníquus est, et in maióri iníquus est.

Si ergo in iníquo mammóna fidéles non fuístis, quod verum est quis credet vobis? Et si in aliéno fidéles non fuístis, quod vestrum est quis dabit vobis?

Nemo servus potest duóbus dóminis servíre: aut enim unum ódiet et álterum díliget, aut uni adhærébit et álterum contémnet. Non potéstis Deo servíre et mam-mónæ ». — Verbum Dómini.

Dicitur Credo.

Super oblata

Múnera, quæsumus, Dómine,
tuæ plebis propitiátus assúme,
ut, quæ fídei pietáte profiténtur,
sacraméntis cæléstibus apprehéndant.
Per Christum.

Præfatio de dominicis « per annum », pp. 588-595.

Ant. ad communionem

Ps 118, 4-5

Tu mandásti mandáta tua custodíri nimis;
útinam dirigántur viæ meæ
ad custodiéndo iustificatiónes tuas.

Vel:

Io 10, 14

Ego sum pastor bonus,
dicit Dóminus;
et cognósco oves meas,
et cognóscunt me meæ.

Post communionem

Quos tuis, Dómine, réficis sacraméntis,
contínuis attólle benígnus auxiliis,
ut redemptionis efféctum
et mystériis capiámus et móribus.
Per Christum.

Feria secunda**Ant. ad introitum**

Salus pópuli ego sum,
dicit Dóminus.
De quacúmque tribulatione clamáverint ad me,
exáudiam eos,
et ero illórum Dóminus in perpétuum.

Collecta

Deus, qui sacræ legis ómnia constitúta
in tua et próximi dilectione posuísti,
da nobis,
ut, tua præcépta servántes,
ad vitam mereámur perveníre perpétuam.
Per Dóminum.

Anno primo

Lectio prior

*Qui de populo Domini est,
ascendat in Ierusalem
et ædificet domum Domini.*

Inítium libri Esdræ

1, 1-6

In anno primo Cyri regis Persárum, ut complerétur verbum Dómini ex ore Ieremíæ, suscitávit Dóminus spíritum Cyri regis Persárum, et tradúxit vocem in omni regno suo étiam per scriptúram dicens:

« Hæc dicit Cyrus rex Persárum: " Omnia regna terræ dedit mihi Dóminus Deus cæli, et ipse præcépit mihi ut ædificárem ei domum in Ierúsalem, quæ est in Iudæa.

Quis est in vobis de univérso pópulo eius? Sit Deus illíus cum ipso: ascéndat in Ierúsalem, quæ est in Iudæa, et ædificet domum Dómini Dei Israel: ipse est Deus qui est in Ierúsalem.

Et omnes réliqui, in cunctis locis ubicúmque hábitant, ádiuvent eum viri de loco suo, argénto et auro et substántia et pecóribus, excépto quod voluntárie ófferunt templo Dei, quod est in Ierúsalem » ».

Et surrexérunt príncipes patrum de Iuda et Béniamin, et sacerdótes et levítæ, et omnis cuius Deus suscitávit spíritum, ut ascénderent ad ædificándum templum Dómini, quod erat in Ierúsalem.

Universíque qui erant in circúitu adiuvérunt manus eórum, in vasis argénteis et áureis, in substántia et iuméntis, in supelléctili, excéptis his quæ sponte obtulérant. — Verbum Dómini.

Psalmus responsorius

Ps 125, 1-2 ab. 2 cd-3. 4-5. 6 (R.: 3 a)

R. Magnificávit Dóminus fácere nobíscum.

1 In converténdo Dóminus captivitátem Sion,
facti sumus quasi somniántes.2 Tunc replétum est gáudio os nostrum,
et lingua nostra exsultatióne. R.

Tunc dicébant inter gentes:

« Magnificávit Dóminus fácere cum eis ».

3 Magnificávit Dóminus fácere nobíscum;
facti sumus lætántes. R.4 Convérte, Dómine, captivitátem nostram,
sicut torréntes in austro.5 Qui séminant in lácrimis,
in exsultatióne metent. R.6 Eúntes ibant et flebant,
semen spargéndum portántes;
veníentes autem vénient in exsultatióne
portántes manípulos suos. R.

Anno secundo

Lectio prior

Abominatio Domini est omnis illusor.

Léctio libri Proverbiórum

3, 27-34

Fili mi: Noli prohibére benefácere eum qui potest;
si vales, et ipse benefac; ne dicas amíco tuo: « Vade et
revertere, cras dabo tibi », cum statim possis dare.

Ne moliáris amíco tuo malum, cum ille in te hábeat
fidúciám; ne conténdas advérsus hóminem frustra, cum
ipse tibi nihil mali fécerit; ne æmuléris hóminem iniú-
stum, nec imitéris vias eius.

Quia abominatio Dómini est omnis illúsor, et cum simplicibus sermocinatio eius. Egéstas a Dómino in domo ímpii, habitacula autem iustórum benedicéntur.

Ipse delúdet illusóres, et mansuétis dabit grátiam. Glóriam sapiéntes possidébunt, stultórum exaltatio ignominia.

Verbum Dómini.

Psalmus responsorius

Ps 14, 2-3 a. 3 bc-4 ab. 5 (R.: cf. 1 b)

R. Iustus requiescet in monte sancto tuo, Dómine.

2 Qui ingreditur sine mácula
et operátur iustítiam;
qui lóquitur veritátem in corde suo,
3 qui non egit dolum in lingua sua. R.

Nec fecit próximo suo malum,
et oppróbrium non íntulit próximo suo.
4 Ad níhilum reputátus est
in conspéctu eius malignus,
timéntes autem Dóminum gloríficat. R.

5 Qui pecúniam suam non dedit ad usúram,
et múnera super innocéntem non accépit.
Qui facit hæc, non movébitur in ætérnum. R.

Alleluia

Mt 5, 16

R. Allelúia. V. Sic lúceat lux vestra
coram homínibus,
ut vídeant ópera vestra bona
et gloríficent Patrem vestrum.
R. Allelúia.

Evangelium

*Lucerna supra candelabrum ponitur,
ut intrantes videant lumen.*

✠ Lécio sancti Evangélíi secúndum Lucam 8, 16-18

In illo témpore: Dixit Iesus turbis:

« Nemo lucérnam accéndens óperit eam vaso, aut subtus lectum ponit, sed supra candelábrum ponit, ut intrántes vídeant lumen.

Non enim est occúltum, quod non manifestétur, nec absconditum, quod non cognoscátur et in palam véniat.

Vidéte ergo quómodo audítis: qui enim habet, dábitur illi; et quicúmque non habet, étiam quod putat se habére, auferétur ab illo ». — Verbum Dómini.

Super oblata

Múnera, quæsumus, Dómine,
tuæ plebis propitiátus assúme,
ut, quæ fídei pietáte profiténtur,
sacraméntis cæléstibus apprehéndant.
Per Christum.

Ant. ad communionem

Ps 118, 4-5

Tu mandásti mandáta tua custodíri nimis;
útinam dirigántur viæ meæ
ad custodiéndas iustificatiónes tuas.

Vel:

Io 10, 14

Ego sum pastor bonus, dicit Dóminus;
et cognósco oves meas, et cognóscunt me meæ.

Post communionem

Quos tuis, Dómine, réficis sacraméntis,
contínuis attólle benígnus auxiliis,

ut redemptionis effectum
et mysteriis capiamus et moribus.
Per Christum.

Feria tertia

Ant. ad introitum

Salus populi ego sum,
dicit Dominus.
De quacunque tribulatione clamaverint ad me,
exaudiam eos,
et ero illorum Dominus in perpetuum.

Collecta

Deus, qui sacrae legis omnia constituta
in tua et proximi dilectione posuisti,
da nobis, ut, tua praecepta servantes,
ad vitam mereamur pervenire perpetuam.
Per Dominum.

Anno primo

Lectio prior

Compleverunt domum Dei et fecerunt Pascha.

Lectio libri Esdræ

6, 7-8. 12 b. 14-20

In diebus illis: Scripsit Darius rex ad duces regionis quæ est trans flumen dicens:

«Dimitte fieri templum Dei illud a duce Iudæorum et a senioribus eorum, ut domum Dei illam ædificent in loco suo.

Sed et a me præceptum est quid oporteat fieri a presbyteris Iudæorum illis ut ædificetur domus Dei; scilicet ut de arca regis, id est de tributis quæ dantur

de regione trans flumen, studiose sumptus dentur viris illis, ne impediatur opus.

Ego Darius statui decretum, quod studiose impleri volo ».

Seniores autem Iudæorum ædificabant et prosperabantur, iuxta prophetiam Aggæi prophætæ et Zachariæ filii Addo; et ædificaverunt et construxerunt, iubente Deo Israel et iubente Cyro et Darío et Artaxérxe régibus Persarum, et compleverunt domum Dei istam usque ad diem tertium mensis Adar, qui est annus sextus regni Darii regis.

Fecerunt autem filii Israel, sacerdotes et levitæ et reliqui filiorum transmigratiónis, dedicatióem domus Dei in gaudio; et obtulerunt in dedicatióem domus Dei vitulos centum, arietes ducentos, agnos quadringentos, hircos caprarum pro peccato totius Israel duodecim, iuxta numerum tribuum Israel.

Et statuérunt sacerdotes in ordinibus suis et levitas in vicibus suis super ópera Dei in Ierúsalem, sicut scriptum est in libro Móysi.

Fecerunt autem filii Israel transmigratiónis Pascha quartadécima die mensis primi. Purificati enim fuerant sacerdotes et levitæ quasi unus: omnes mundi ad immolandum Pascha universis filiis transmigratiónis, et fratribus suis sacerdotibus, et sibi. — Verbum Dómini.

Psalmus responsorius Ps 121, 1-2. 4-5. (R.: cf. 1)

R. In domum Dómini lætantes ibimus.

¹ Lætatus sum in eo quod dixerunt mihi:

« In domum Dómini ibimus ».

² Stantes iam sunt pedes nostri
in portis tuis, Ierúsalem. R.

- 4 Illuc enim ascenderunt tribus, tribus Dómini,
testimónium Israel,
ad confiténdum nómini Dómini.
- 5 Quia illic sederunt sedes ad iudícium,
sedes domus David. *R.*

Anno secundo

Lectio prior

Sententiæ diversæ.

Léctio libri Proverbiórum

21, 1-6. 10-13

Sicut divisiónes aquárum ita cor regis in manu Dómini: quocúmque volúerit inclinábit illud. Omnis via viri recta sibi vidétur, appéndit autem corda Dóminus.

Fácere misericórdiam et iudícium magis placet Dómino quam víctimæ.

Exaltátio oculórum est dilatátio cordis; lucérna impiórum peccátum.

Cogitátiones robústi semper in abundántia; omnis autem piger semper in egestáte est.

Qui cóngregat thesauros lingua mendácii vanus et excors est et impingétur ad láqueos mortis.

Anima ímpii desíderat malum, non miserébitur próximo suo. Mulctáto pestilénste sapiéntior erit párvulus et, si sectétur sapiéntem, sumet sciéntiam.

Excógitat iustus de domo ímpii, ut détrahat ímpios a malo. Qui obtúrat aurem suam ad clamórem páuperis, et ipse clamábit, et non exaudiétur.

Verbum Dómini.

Psalmus responsorius

Ps 118, 1. 27. 30. 34. 35. 44 (R.: 35 a)

R. Deduc me, Dómine, in sémitam præceptorum tuorum.

1 Beáti immaculáti in via,
qui ámbulant in lege Dómini. R.27 Viam mandatórum tuórum fac me intellégere,
et exercébor in mirábilibus tuis. R.30 Viam veritátis elégi,
iudícia tua propósui mihi. R.34 Da mihi intelléctum, et servábo legem tuam,
et custódiam illam in toto corde meo. R.35 Deduc me in sémitam præceptorum tuórum,
quia ipsam vólui. R.44 Et custódiam legem tuam semper,
in sáculum et in sáculum sáculi. R.

Alleluia

Lc 11, 28

R. Allelúia. V. Beáti qui áudiunt verbum Dei,
et custódiunt illud.

R. Allelúia.

Evangelium

*Mater mea et fratres mei hi sunt qui verbum Dei
audiunt et faciunt*

✠ Lécio sancti Evangélii secúndum Lucam 8, 19-21

In illo témpore:

Venérunt ad Iesum Mater et fratres eius, et non
póterant adíre ad eum præ turba.Et nuntiátum est illi: « Mater tua et fratres tui stant
foris voléntes te vidére ».

Qui respóndens dixit ad eos: « Mater mea et fratres mei hi sunt qui verbum Dei áudiunt et faciunt ».

Verbum Dómini.

Super oblata

Múnera, quásumus, Dómine,
tuæ plebis propitiátus assúme,
ut, quæ fidei pietáte profiténtur,
sacraméntis cæléstibus apprehéndant.
Per Christum.

Ant. ad communionem

Ps 118, 4-5

Tu mandásti mandáta tua custodíri nimis;
útinam dirigántur viæ meæ
ad custodiéndas iustificatiónes tuas.

Vel:

Io 10, 14

Ego sum pastor bonus, dicit Dóminus;
et cognósco oves meas, et cognóscunt me meæ.

Post communionem

Quos tuis, Dómine, réficis sacraméntis,
contínuis attólle benígnus auxiliis,
ut redemptiόνis efféctum
et mystériis capiámus et móribus.
Per Christum.

Feria quarta

Ant. ad introitum

Salus pópuli ego sum, dicit Dóminus.
De quacúmque tribulatióne clamáverint ad me,
exáudiam eos, et ero illórum Dóminus in perpétuum.

Collecta

Deus, qui sacræ legis ómnia constitúta
in tua et próximi dilectióne posuísti,
da nobis, ut, tua præcépta servátes,
ad vitam mereámur perveníre perpétuam.
Per Dóminum.

Anno primo

Lectio prior

In servitute nostra non dereliquit nos Deus.

Léctio libri Esdræ

9, 5-9

Ego, Esdras, in sacrificio vespertíno surréxi de afflictíone mea et, scisso pállio et túnica, curvávi génua mea et expándi manus meas ad Dóminum Deum meum et dixi:

« Deus meus, confúndor et erubésco leváre fáciem meam ad te, quóniam iniquitátes nostræ multiplicátæ sunt super caput nostrum, et delícta nostra crevérunt usque ad cælum a diébus patrum nostrórum.

Sed et nos ipsi peccávimus gráviter usque ad diem hanc, et in iniquitátibus nostris trádití sumus, ipsi et reges nostri et sacerdótes nostri, in manum regum terrárum et in gládium et in captivitátem et in rapínam et in confusiónem vultus, sicut et die hac.

Et nunc quasi parum et ad moméntum facta est deprecátio nostra apud Dóminum Deum nostrum, ut dimitteréntur nobis reliquiæ, et darétur nobis paxíllus in loco sancto eius, et illumináret óculos nostros Deus noster, et daret nobis vitam módicam in servitúte nostra.

Quia servi sumus, et in servitúte nostra non dereliquit nos Deus noster; sed inclinávit super nos misericórdiam coram rege Persárum, ut daret nobis vitam

et sublimáret domum Dei nostri, et extrúeret solitú-
dines eius, et daret nobis sepem in Iuda et Ierúsá-
lem ». — Verbum Dómini.

Psalmus responsorius Tob 13, 2. 4. 6. 7. 8 (R.: 1 b)

R. Magnus es, Dómine, in ætérnum.

2 Quóniam tu flagéllas et salvas,
dedúcis ad ínferos et redúcis,
et non est qui effúgiat manum tuam. **R.**

4 Quóniam ídeo dispérsit vos inter gentes,
quæ ignórant eum,
ut vos enarrétis mirabília eius, et faciátis scire eos,
quia non est álius Deus omnípotens præter eum. **R.**

6 Aspícite ergo quæ fecit nobíscum,
et cum timóre et tremóre confitémini illi,
Regémque sæculórum exaltáte in opéribus vestris. **R.**

7 Ego autem in terra captivitátis meæ confitébor illi,
quóniam osténdit maiestátem suam
in gentem peccatricem. **R.**

8 Convertímini ítaque, peccatóres,
et fácite iustítiam coram Deo,
credéntes quod fáciat vobíscum misericórdiam suam. **R.**

Anno secundo

Lectio prior

*Mendicitatem et divitias ne dederis mihi,
sed tantum victui meo necessaria.*

Léctio libri Proverbiórum

30, 5-9

Omnis sermo Dei ignítus clipeus est sperántibus in
se; ne addas quidquam verbis illíus, et arguáris inve-
niarísque mendax.

Duo rogávi te, ne déneges mihi, ántequam móriar: vanitátem et verba mendácia longe fac a me; mendicitátem et divítias ne déderis mihi:

tríbue tantum víctui meo necessária; ne forte satiátus illicíar ad negándum et dicam: « Quis est Dóminus? » aut egestáte compúlsus furer et periúrem nomen Dei mei.

Verbum Dómini.

Psalmus responsorius

Ps 118, 29. 72. 89. 101. 104. 163 (R.: 105 a)

R. Lucérna pédibus meis
verbum tuum, Dómine.

29 Viam mendácii avérte a me,
et legem tuam da mihi benígne. R.

72 Bonum mihi lex oris tui,
super mília auri et argénti. R.

89 In ætérnum, Dómine,
verbum tuum constitútum est in cælo. R.

101 Ab omni via mala prohibui pedes meos,
ut custódiam verba tua. R.

104 A mandátis tuis intelléxi;
proptérea odívi omnem viam mendácii. R.

163 Mendácium ódio hábui et abominátus sum;
legem autem tuam diléxi. R.

Alleluia

Mc 1, 15

R. Allelúia. V. Appropinquávit Regnum Dei,
pænitémini et créдите Evangélio.
R. Allelúia.

Evangelium

*Misit illos prædicare Regnum Dei
et sanare infirmos*

✠ Lécio sancti Evangélíi secúndum Lucam 9, 1-6

In illo témpore:

Convocatís Iesus Duódecim, dedit illis virtútem et potestátem super ómnia dæmónia et ut languóres curárent, et misit illos prædicáre Regnum Dei et sanáre infirmos, et ait ad illos:

« Nihil tuléritis in via, neque virgam neque peram neque panem neque pecúniám, neque duas túnicas habeátis.

Et in quacúmque domum intravéritis, ibi manéte et inde exíte. Et quicúmque non recéperint vos, exeúntes de civitáte illa púlverem pedum vestrórum excúтите in testimónium supra illos ».

Egréssi autem circumíbant per castélla evangelizántes et curántes ubíque. — Verbum Dómini.

Super oblata

Múnera, quæsumus, Dómine,
tuæ plebis propitiátus assúme,
ut, quæ fídei pietáte profiténtur,
sacraméntis cæléstibus apprehéndant.
Per Christum.

Ant. ad communionem

Ps 118, 4-5

Tu mandásti mandáta tua custodíri nimis;
útinam dirigántur viæ meæ
ad custodiéndas iustificatiónes tuas.

Vel:

Io 10, 14

Ego sum pastor bonus, dicit Dóminus;
et cognósco oves meas, et cognóscunt me meæ.

Post communionem

Quos tuis, Dómine, réficis sacraméntis,
contínuis attólle benígnus auxiliis,
ut redemptiónis efféctum
et mystériis capiámus et móribus.
Per Christum.

Feria quinta**Ant. ad introitum**

Salus pópuli ego sum,
dicit Dóminus.
De quacúmque tribulatióne clamáverint ad me,
exáudiam eos,
et ero illórum Dóminus in perpétuum.

Collecta

Deus, qui sacræ legis ómnia constitúta
in tua et próximi dilectiône posuísti,
da nobis,
ut, tua præcépta servántes,
ad vitam mereámur perveníre perpétuam.
Per Dóminum.

Anno primo**Lectio prior**

Ædificate domum, et acceptabilis mihi erit.

Inítium libri Aggæi prophétæ

1, 1-8

In anno secúndo Daríi regis, in mense sexto, in die una mensis, factum est verbum Dómini in manu Aggæi prophétæ ad Zoróbabel, filium Saláthiel, ducem Iuda, et ad Iesum, filium Iósedec, sacerdotem magnum, dicens:

« Hæc ait Dóminus exercítuum dicens: Pópulus iste dicit: " Nondum venit tempus domus Dómini ædificándæ " ».

Et factum est verbum Dómini in manu Aggæi prophétæ dicens: « Numquid tempus vobis est ut habitétis in dómibus laqueátis, et domus ista desérta?

Et nunc hæc dicit Dóminus exercítuum: " Pónite corda vestra super vias vestras. Seminástis multum et intulístis parum, comedístis et non estis satiáti, bibístis et non estis inebriáti, operuístis vos et non estis calefacti, et qui mercédes congregávit misit eas in sácculum pertúsum ".

Hæc dicit Dóminus exercítuum: " Pónite corda vestra super vias vestras, ascéndite in montem, portáte ligna et ædificáte domum, et acceptábilis mihi erit, et glorificábor ", dicit Dóminus ». — Verbum Dómini.

Psalmus responsorius

Ps 149, 1-2. 3-4. 5-6 a et 9 b (R.: 4 a)

R. Beneplácitum est Dómino in pópulo suo.

vel Allelúia.

1 Cantáte Dómino cánticum novum;

laus eius in ecclésia sanctórum.

2 Lætétur Israel in eo qui fecit eum,
et filii Sion exsúltent in Rege suo. R.

3 Laudent nomen eius in choro,
in týmpano et cíthara psallant ei.

4 Quia beneplácitum est Dómino in pópulo suo,
et honorábit mansuétos in salútem. R.

5 Iúbilent sancti in glória,
læténtur in cubílibus suis.

- 6 Exaltatiónes Dei in gútture eórum:
9 glória hæc est ómnibus sanctis eius. *R.*

Anno secundo

Lectio prior

Nihil sub sole novum.

Léctio libri Qóhelet

1, 2-11

Vánitas vanitátum, dixit Ecclesiástes; vánitas vanitátum, et ómnia vánitas.

Quid habet ámplius homo de univérso labóre suo, quo labórat sub sole? Generátio præterit, et generátio ádvenit; terra autem in ætérnum stat.

Oritur sol et óccidit et ad locum suum revértitur; ibíque renáscens gyrat per merídiem et fléctitur ad aquilónem. Lustrans univérsa in circúitu pergit spíritus, et in círculos suos revértitur.

Omnia flúmina intrant in mare, et mare non redúndat; ad locum undé éxeunt flúmina revertúntur, ut íterum fluant.

Cunctæ res diffíciles: non potest eas homo explicáre sermóne. Non saturátur óculus visu, nec auris audítu implétur.

Quid est quod fuit? Ipsum quod futúrum est. Quid est quod factum est? Ipsum quod faciéndum est.

Nihil sub sole novum, nec valet quisquam dícere: « Ecce hoc recens est »; iam enim præcéssit in sáeculis quæ fuérunt ante nos.

Non est priórum memória; sed nec eórum quidem, quæ póstea futúra sunt, erit recordátio apud eos qui futúri sunt in novíssimo.

Verbum Dómini.

Psalmus responsorius

Ps 89, 3-4. 5-6. 12-13. 14 et 17 (R.: 1)

R. Dómine, refúgium factus es nobis,
a generatióne in generatióem.

3 Redúcis hóminem in púlverem;
et dixísti:

« Revertímini, filii hóminum ».

4 Quóniam mille anni ante óculos tuos
tamquam dies hestérna quæ prætériit,
et custódia in nocte. R.

5 Perfúndis eos somno,
6 erunt mane sicut herba succréscens:
mane floret et crescit,
véspere décidit et aréscit. R.

12 Dinumeráre dies nostros sic doce nos,
ut inducámus cor ad sapiéntiam.

13 Convértere, Dómine, úsquequo?
Et deprecábilis esto super servos tuos. R.

14 Reple nos mane misericórdia tua,
et exsultábimus et delectábimur
ómnibus diébus nostris.

17 Et sit splendor Dómini Dei nostri super nos,
et ópera mánuum nostrárum
confírma super nos,
et opus mánuum nostrárum confírma. R.

Alleluia

Io 14, 6

R. Allelúia. V. Ego sum via, véritas et vita,
dicit Dóminus;
nemo venit ad Patrem, nisi per me.
R. Allelúia.

Evangelium

*Ioannem ego decollavi. Qui autem est iste
de quo audio ego talia?*

✠ Lécitio sancti Evangélii secúndum Lucam 9, 7-9

In illo témpore:

Audívit Heródes tetrárcha ómnia quæ fiébant a Iesu, et hæsitábat eo quod dicerétur a quibúsdam: « Ioánnes surréxit a mórtuis », a quibúsdam vero: « Elías appáruit », ab áliis autem: « Prophéta unus de antíquis surréxit ».

Et ait Heródes: « Ioánnem ego decollávi. Qui autem est iste de quo áudio ego talia? » Et quærébat vidére eum. — Verbum Dómini.

Super oblata

Múnera, quæsumus, Dómine,
tuæ plebis propitiátus assúme,
ut, quæ fídei pietáte profiténtur,
sacraméntis cæléstibus apprehéndant.
Per Christum.

Ant. ad communionem

Ps 118, 4-5

Tu mandásti mandáta tua custodíri nimis;
útinam dirigántur viæ meæ
ad custodiéndas iustificatiónes tuas.

Vel:

Io 10, 14

Ego sum pastor bonus, dicit Dóminus;
et cognósco oves meas, et cognóscunt me meæ.

Post communionem

Quos tuis, Dómine, réficis sacraméntis,
contínuis attólle benígnus auxiliis,

ut redemptiónis efféctum
et mystériis capiámus et móribus.
Per Christum.

Feria sexta

Ant. ad introitum

Salus pópuli ego sum, dicit Dóminus.
De quacúmque tribulatióne clamáverint ad me,
exáudiam eos, et ero illórum Dóminus in perpétuum.

Collecta

Deus, qui sacrae legis ómnia constitúta
in tua et próximi dilectiône posuísti,
da nobis, ut, tua praecépta servántes,
ad vitam mereámur perveníre perpétuam.
Per Dóminum.

Anno primo

Lectio prior

Adhuc modicum, et implebo domum istam gloria.

Lectio libri Aggái prophétæ 2, 1 b-10

In anno secúndo Daríi regis, in séptimo mense,
vicésima et prima mensis, factum est verbum Dómini in
manu Aggái prophétæ dicens:

« Lóquere ad Zoróbabel, fílium Saláthiel, ducem
Iuda, et ad Iesum, fílium Iósedec, sacerdotem magnum,
et ad reliquos pópuli dicens: " Quis in vobis est dere-
líctus, qui vidit domum istam in glória sua prima? et
quid vos vidétis hanc nunc? Numquid non ita est, quasi
non sit, in óculis vestris?

Et nunc confortáre, Zoróbabel, dicit Dóminus, et

confortáre, Iesu, fili Iósedec, sacérdos magne, et confortáre, omnis pópulus terræ, dicit Dóminus exercítuum; et fácite (quóniam ego vobíscum sum, dicit Dóminus exercítuum) verbum quod pépigi vobíscum, cum egrederémini de terra Ægýpti; et spíritus meus erit in médio vestrum: nolíte timére " ».

Quia hæc dicit Dóminus exercítuum: « Adhuc unum módicum est, et ego commovébo cælum et terram et mare et áridam, et movébo omnes gentes; et véniet Desiderátus cunctis géntibus, et implébo domum istam glória, dicit Dóminus exercítuum.

Meum est argéntum et meum est aurum, dicit Dóminus exercítuum. Magna erit glória domus istíus novíssimæ plus quam primæ, dicit Dóminus exercítuum, et in loco isto dabo pacem, dicit Dóminus exercítuum ».

— Verbum Dómini.

Psalmus responsorius Ps 42, 1. 2. 3. 4 (R.: cf. 5 bc)

R. Spera in Deo; confitébor illi,
salutáre vultus mei et Deus meus.

1 Iúdica me, Deus, et discérne causam meam
de gente non sancta;
ab hómine iníquo et dolóso érue me. **R.**

2 Quia tu es Deus refúgii mei;
quare me reppulísti,
et quare tristis incédo, dum affligit me inimícus? **R.**

3 Emítte lucem tuam et veritátem tuam;
ipsa me dedúcant et addúcant
in montem sanctum tuum et in tabernácula tua. **R.**

4 Et introíbo ad altáre Dei,
ad Deum lætítiæ exsultatiónis meæ.
Confitébor tibi in cíthara, Deus, Deus meus. **R.**

Anno secundo

Lectio prior

Suis spatiis transeunt universa sub cælo.

Lectio libri Qóhelet

3, 1-11

Omnia tempus habent, et suis spátiis tránseunt univérsa sub cælo.

Tempus nascéndi et tempus moriéndi, tempus plantándi et tempus evelléndi quod plantátum est, tempus occidéndi et tempus sanándi, tempus destruéndi et tempus ædificándi,

tempus fléndi et tempus ridéndi, tempus plangéndi et tempus saltándi, tempus spargéndi lápides et tempus colligéndi, tempus amplexándi et tempus longe fieri ab ampléxibus,

tempus acquiréndi et tempus perdéndi, tempus custodiéndi et tempus abiciéndi, tempus scindéndi et tempus consuéndi, tempus tacéndi et tempus loquéndi,

tempus dilectiónis et tempus ódii, tempus belli et tempus pacis.

Quid habet ámplius homo de labóre suo? Vidi afflictiónem, quam dedit Deus fíliis hóminum, ut distendántur in ea.

Cuncta fecit bona in témpore suo et mundum trádidit disputatióni eórum, ut non invéniat homo opus, quod operátus est Deus ab inítio usque ad finem.

Verbum Dómini.

Psalmus responsorius

Ps 143, 1 a et 2 abc. 3-4 (R.: 1 a)

R. Benedíctus Dóminus, præsídium meum.

Benedíctus Dóminus, præsídium meum.

Misericórdia mea et fortitúdo mea,

refúgium meum et liberátor meus;
scutum meum, et in ipso sperávi. *R.*

³ Dómine, quid est homo, quod agnóscis eum,
aut fílius hóminis, quod réputas eum?

⁴ Homo vanitáti símilis factus est,
dies eius sicut umbra prætériens. *R.*

Alleluia

Mc 10, 45

R. Allelúia. *V.* Fílius hóminis venit ut ministráret,
et daret ánimam suam redemptionem pro
multis. *R.* Allelúia.

Evangelium

*Tu es Christus Dei. Oportet Filium hominis
multa pati.*

✠ Lécio sancti Evangélíi secúndum Lucam **9, 18-22**

Factum est cum solus esset Iesus orans, erant cum illo discípuli, et interrogávit illos dicens: « Quem me dicunt esse turbæ? »

At illi respondérunt et dixerunt: « Ioánnem Baptístam; álii autem Elíam; álii vero Prophéta unus de prióribus surréxit ».

Dixit autem illis: « Vos autem quem me esse dicitis? »

Respóndens Petrus dixit: « Christum Dei ».

At ille increpans illos, præcépit ne cui dicerent hoc, dicens: « Opórtet Fílium hóminis multa pati et reprobari a senióribus et princípibus sacerdotum et scribis et occídi et tértia die resúrgere ». — Verbum Dómini.

Super oblata

Múnera, quásumus, Dómine,
tuæ plebis propitiátus assúme,

ut, quæ fidei pietate profitentur,
sacramentis cælestibus apprehendant.
Per Christum.

Ant. ad communionem

Ps 118, 4-5

Tu mandasti mandata tua custodiri nimis;
utinam dirigantur viæ meæ
ad custodiendas iustificationes tuas.

Vel:

Io 10, 14

Ego sum pastor bonus, dicit Dominus;
et cognosco oves meas, et cognoscunt me meæ.

Post communionem

Quos tuis, Domine, reficis sacramentis,
continuis attolle benignus auxiliis,
ut redemptionis effectum
et mysteriis capiamus et moribus.
Per Christum.

Sabbato

Ant. ad introitum

Salus populi ego sum, dicit Dominus.
De quacumque tribulatione clamaverint ad me,
exaudiam eos, et ero illorum Dominus in perpetuum.

Collecta

Deus, qui sacræ legis omnia constituta
in tua et proximi dilectione posuisti,
da nobis, ut, tua præcepta servantes,
ad vitam mereamur pervenire perpetuam.
Per Dominum.

Anno primo

Lectio prior

Ecce ego venio, et habitabo in medio tui.

Lectio libri Zachariæ prophætæ 2, 1-5. 10-11 a

Levávi óculos meos et vidi; et ecce vir, et in manu eius funículus mensórum; et dixi: « Quo tu vadis? » Et dixit ad me: « Ut métiar Ierúsalem et vídeam quanta sit latitúdo eius, et quanta longitúdo eius ».

Et ecce Angelus qui loquebátur in me egrediebátur, et Angelus álius egrediebátur in occúrsum eius, et dixit ad eum:

« Curre, lóquere ad púerum istum dicens: “ Absque muro habitábitur Ierúsalem præ multitudíne hóminum et iumentórum in médio eius ” ». « Et ego ero ei, ait Dóminus, murus ignis in circúitu, et in glória ero in médio eius ».

« Lauda et lætare, filia Sion, quia ecce ego vénio, et habitábo in médio tui, ait Dóminus. Et applicabúntur gentes multæ ad Dóminum in die illa, et erunt mihi in pópulum, et habitábo in médio tui ».

Verbum Dómini.

Psalmus responsorius

Ier 31, 10. 11-12ab. 13 (R.: 10 d)

R. Dóminus custódiét nos sicut pastor gregem suum.

¹⁰ Audíte verbum Dómini, gentes,
et annuntiáte in ínsulis, quæ procúl sunt,
et dícite: « Qui dispérsit Israel congregábit eum,
et custódiét eum sicut pastor gregem suum ». R.

¹¹ Redémit enim Dóminus Iacob,
et liberávit eum de manu potentióris,
¹² et vénient et laudábunt in monte Sion,
et cónfluent ad bona Dómini. R.

13 Tunc lætábitur virgo in choro,
iúvenes et senes simul;
et convértam luctum eórum in gáudium,
et consolábor eos et lætificábo a dolóre suo. *Ry.*

Anno secundo

Lectio prior

*Memento Creatoris in diebus iuventutis,
antequam revertatur pulvis in terram
et spiritus redeat ad Deum.*

Léctio libri Qóhelet

11, 9 — 12, 8

Lætáre, iúvenis, in adulescéntia tua, et in bono sit cor tuum in diébus iuventútis tuæ; et ámbula in viis cordis tui et in intúitu oculórum tuórum, et scito quod pro ómnibus his addúcet te Deus in iudícium. Aufer iram a corde tuo et ámove malítiam a carne tua; adulescéntia enim et volúptas vana sunt.

Meménto Creatóris tui in diébus iuventútis tuæ, ántequam véniat tempus afflictiónis, et appropínquent anni de quibus dicas: « Non mihi placent »;

ántequam tenebréscat sol et lumen et luna et stellæ, et revertántur nubes post plúviam;

quando commovebúntur custódes domus et nutábunt viri fortíssimi, et otíosæ erunt moléntes in minúto número, et tenebréscant vidéntes per forámina, et claudent óstia in platéa in humilitáte vocis moléntis, et consúrgent ad vocem vólucris et obsurdéscant omnes fíliæ cárminis.

Excélsa quoque timébunt et formidábunt in via.

Florébit amýgdalus, impinguábitur locústa, et dissipábitur cápparis, quóniam ibit homo in domum æternitátis suæ, et circuíbunt in platéa plangéntes.

Antequam rumpátur funículus argénteus, et recúr-
rat vitta áurea, et conterátur hýdria super fontem, et
confringátur rota super cistérnam, et revertátur pulvis
in terram suam unde erat, et spíritus rédeat ad Deum,
qui dedit illum.

Vánitas vanitátum, dixit Ecclesiástes, et ómnia vá-
nitas. — Verbum Dómini.

Psalmus responsorius

Ps 89, 3-4. 5-6. 12-13. 14 et 17 (R.: 1)

R. Dómine, refúgium factus es nobis,
a generatióne in generatióem.

- 3 Redúcis hóminem in púlverem;
et dixísti:
« Revertímini, fílii hóminum ».
- 4 Quóniam mille anni ante óculos tuos
tamquam dies hestérna quæ prætéritiit,
et custódia in nocte. R.
- 5 Perfúndis eos somno,
6 erunt mane sicut herba succréscens:
mane floret et crescit,
véspere décidit et aréscit. R.
- 12 Dinumeráre dies nostros sic doce nos,
ut inducámus cor ad sapiéntiam.
- 13 Convértere, Dómine, úsquequo?
Et deprecábilis esto super servos tuos. R.
- 14 Reple nos mane misericórdia tua,
et exsultábimus et delectábimur
ómnibus diébus nostris.
- 17 Et sit splendor Dómini Dei nostri super nos,
et ópera mánuum nostrárum confírma super nos,
et opus mánuum nostrárum confírma. R.

Alleluia

2 Tim 1, 10 b

℞. Allelúia. ⁊. Salvátor noster Iesus Christus destrúxit mortem,
et illuminávit vitam per Evangélium.
℞. Allelúia.

Evangelium

*Filius hominis futurum est ut tradatur.
Timebant interrogare eum de hoc verbo.*

✠ Lécio sancti Evangélii secúndum Lucam 9, 43 b-45

In illo témpore:

Omnibus mirántibus in ómnibus quæ faciébat Iesus, dixit ad discípulos suos: « Pónite vos in áuribus vestris sermónes istos: “ Fílius enim hóminis futúrum est ut tradátur in manus hóminum ” ».

At illi ignorábant verbum istud, et erat velátum ante eos ut non sentírent illud: et timébant interrogáre eum de hoc verbo. — Verbum Dómini.

Super oblata

Múnera, quæsumus, Dómine,
tuæ plebis propitiátus assúme,
ut, quæ fídei pietáte profiténtur,
sacraméntis cæléstibus apprehéndant.
Per Christum.

Ant. ad communionem

Ps 118, 4-5

Tu mandásti mandáta tua custodíri nimis;
útinam dirigántur viæ meæ
ad custodiéndas iustificatiónes tuas.

Vel:**Io 10, 14**

Ego sum pastor bonus, dicit Dóminus;
et cognósco oves meas, et cognóscunt me meæ.

Post communionem

Quos tuis, Dómine, réficis sacraméntis,
contínuis attólle benígnus auxíliis,
ut redemptiónis efféctum
et mystériis capiámus et móribus.
Per Christum.

DOMINICA XXVI « PER ANNUM »

Ant. ad introitum

Dan 3, 31. 29. 30. 43. 42

Omnia, quæ fecisti nobis, Dómine,
in vero iudicio fecisti, quia peccávimus tibi,
et mandátis tuis non obcédívimus;
sed da glóriam nómini tuo, et fac nobíscum
secúndum multitudínem misericórdiæ tuæ.

Dicitur Glória in excélsis.

Collecta

Deus, qui omnipoténtiam tuam
parcéndó máxime et miserándó maniféscas,
grátiam tuam super nos indesinénter infúnde,
ut, ad tua promíssa curréntes,
cæléstium bonórum fácias esse consórtes.
Per Dóminum.

Anno A

Lectio prima

*Cum averterit se impius ab impietate sua,
animam suam vivificabit.*

Léctio libri Ezechiélis prophétæ

18, 25-28

Hæc dicit Dóminus:

« Dixístis: “ Non est æqua via Dómini ”. Audíte ergo, domus Israel: Numquid via mea non est æqua, et non magis viæ vestræ pravæ sunt?

Cum enim avérterit se iustus a iustítia sua et fécerit iniquitátem, moriétur in eis, in iniustítia quam operátus est moriétur.

Et, cum avérterit se ímpius ab impietáte sua, quam

operátus est, et fécerit iudícium et iustítiam, ipse ánimam suam vivificábit; consíderans enim et avértens se ab ómnibus iniquitátibus suis, quas operátus est, vita vivet et non moriétur ». — Verbum Dómini.

Psalmus responsorius

Ps 24, 4 bc-5. 6-7. 8-9 (R.: 6 a)

R. Reminiscere miseratiónum tuárum, Dómine.

- 4 Vias tuas, Dómine, demónstra mihi,
et sémitas tuas édoce me.
- 5 Dirige me in veritáte tua et doce me,
quia tu es Deus salútis meæ,
et te sustínui tota die. R.
- 6 Reminiscere miseratiónum tuárum, Dómine,
et misericordiárum tuárum, quóniam a sáculo sunt.
- 7 Peccáta iuventútis meæ et delícta mea ne memínaris;
secúndum misericórdiam tuam meménto mei tu,
propter bonitátem tuam, Dómine. R.
- 8 Dulcis et rectus Dóminus,
propter hoc peccatóres viam docébit;
- 9 díriget mansuétos in iudício,
docébit mites vias suas. R.

Lectio secunda[✠]

Sentite in vobis quod et in Christo Iesu.

Léctio Epístolæ beáti Pauli apóstoli ad Philippénses

2, 1-11

Fratres:

Si qua consolátio in Christo, si quod solácium caritátis, si qua commúnio spíritus, si quæ víscera et miseratiónes,

impléte gáudium meum ut idem sapiátis, eándem caritátem habéntes, unánimes, idípsum sapiéntes, nihil per contentiónem neque per inánem glóriam, sed in humilitáte superiôres sibi ínvicem arbitrántes, non quæ sua sunt sínguli considerántes, sed et ea quæ aliórum.

Hoc sentíte in vobis quod et in Christo Iesu: qui, cum in forma Dei esset, non rapínam arbitrátus est esse se æquálem Deo, sed semetípsum exinanívit formam servi accípiens, in similitúdinem hóminum factus: et hábitu invéntus ut homo, humiliávit semetípsum factus obœdiens usque ad mortem, mortem autem crucis.

Propter quod et Deus illum exaltávit et donávit illi Nomen quod est super omne nomen, ut in nómine Iesu omne genu flectátur cæléstium et terréstrium et infernórum et omnis lingua confiteátur: « Dóminus Iesus Christus! », in glóriam Dei Patris. — Verbum Dómini.

vel brevior

Léctio Epístolæ beáti Pauli apóstoli ad Philippénses

2, 1-5

Fratres:

Si qua consolátio in Christo, si quod solácium caritátis, si qua commúnio spíritus, si quæ víscera et miseratiónes,

impléte gáudium meum ut idem sapiátis, eándem caritátem habéntes, unánimes, idípsum sapiéntes, nihil per contentiónem neque per inánem glóriam, sed in humilitáte superiôres sibi ínvicem arbitrántes, non quæ sua sunt sínguli considerántes, sed et ea quæ aliórum.

Hoc sentíte in vobis quod et in Christo Iesu.

Verbum Dómini.

Alleluia

Io 10, 27

℞. Allelúia. ʒ. Oves meæ vocem meam áudiunt,
dicit Dóminus;
et ego cognósko eas, et sequúntur me.
℞. Allelúia.

Evangelium

*Pænitentia motus abiit. Publicani et meretrices
præcedunt vos in Regnum Dei.*

✝ Lécio sancti Evangélíi secúndum Matthæum

21, 28-32

In illo témpore: Dixit Iesus princípibus sacerdótum et
senióribus pópuli:

« Quid vobis vidétur? Homo quidam habébat duos
fílios. Et accédens ad primum dixit: “ Fili, vade hódie
operáre in vínea ”. Ille autem respóndens ait: “ Nolo ”.
Póstea autem pæniténtia motus ábiit.

Accédens autem ad álterum, dixit simíliter. At ille
respóndens ait: “ Eo, dómíne ”, et non ivit. Quis ex
duóbús fecit voluntátem patris? »

Dicunt: « Primus ».

Dicit illis Iesus: « Amen dico vobis: Publicáni et
meretríces præcedunt vos in Regnum Dei.

Venit enim ad vos Ioánnes in via iustítiæ, et non
credidístis ei; publicáni autem et meretríces credidé-
runt ei; vos autem vidéntes nec pæniténtiam habuístis
póstea ut crederétis ei ».

Verbum Dómini.

Anno B

Lectio prima

*Quid æmularis pro me?
Quis tribuat ut omnis populus prophetet?*

Lectio libri Númeri

11, 25-29

In diébus illis:

Descéndit Dóminus per nubem et locútus est ad Móysen áuferens de spírítu, qui erat in eo, et dans septuagínta viris. Cumque requievísset in eis spírítus, prophetavérunt nec ultra cessavérunt.

Remánserant autem in castris duo viri, quorum unus vocabátur Eldad et alter Medad, super quos requiévit spírítus; nam et ipsi descrípti fúerant et non exierant ad tabernáculum.

Cumque prophetárent in castris, cucúrrit puer et nuntiávit Móysi dicens: « Eldad et Medad prophétant in castris ».

Statim Iósue, fílius Nun, mínister Móysi et eléctus e plúribus, ait: « Dómine mi Móyses, próhibe eos ». At ille: « Quid, inquit, æmuláris pro me? Quis tríbuat ut omnis pópulus prophétet, et det eis Dóminus spírítum suum? » — Verbum Dómini.

Psalmus responsorius

Ps 18, 8. 10. 12-13. 14 (R.: 9 a)

R. Iustítiæ Dómini rectæ lætificántes corda.

Lex Dómini immaculáta, refíciens ánimam,
testimónium Dómini fidéle,
sapíentiam præstans párvulis. R.

- 10 Timor Dómini mundus, pérmanens in sáeculum sáeculi,
iudícia Dómini vera, iusta ómnia simul. *R.*
- 12 Etenim servus tuus erudítur in eis,
in custodiéndis illis retribútio multa.
- 13 Erróres quis intéllegit?
Ab occúltis munda me. *R.*
- 14 A supérbia custódi servum tuum, ne dominétur mei.
Tunc immaculátus ero,
et emundábor a delícto máximo. *R.*

Lectio secunda

Divitiæ vestræ putrefactæ sunt.

Lectio Epístolæ beáti Iacóbi apóstoli 5, 1-6

Age nunc, dívites, plorate ululánte in misériis
quæ advénient vobis.

Divítiæ vestræ putrefactæ sunt et vestiménta ve-
stra a tíneis comésta sunt, aurum et argéntum vestrum
æuginávit, et ærúgo eórum in testimónium vobis erit
et manducábit carnes vestras sicut ignis: thesaurizástis
in novíssimis diébus.

Ecce, merces operariórum qui messuérunt regiónes
vestras, quæ fraudáta est a vobis, clamat, et clamóres eó-
rum qui messuérunt in aures Dómini Sábaoth introiérunt.

Epuláti estis super terram et in luxúriis fuístis, enu-
trístis corda vestra in die occisiónis. Addixístis, occi-
dístis iustum. Non réstitit vobis. — Verbum Dómini.

Alleluia Io 17, 17 b. a

R. Allelúia. *V.* Sermo tuus, Dómine, véritas est;
sanctífica nos in veritáte.

R. Allelúia.

Evangelium

*Qui non est adversum nos, pro nobis est.
Si scandalizaverit te manus tua, abscide illam.*

✠ Lécio sancti Evangélíi secúndum Marcum

9, 38-42. 44. 46-47

In illo témpore:

Dixit ad Iesum Ioánnes: « Magíster, vídimus quemdam in Nómíne tuo eiciéntem dæmónia, et prohibebámus eum, quia non sequebátur nos ».

Iesus autem ait: « Nolíte prohibére eum. Nemo est enim qui fáciat virtútem in Nómíne meo et possit cito male loqui de me; qui enim non est advérsum nos, pro nobis est.

Quisquis enim potum déderit vobis cálicem aquæ in Nómíne, quia Christi estis, amen dico vobis: Non perdet mercédem suam.

Et quisquis scandalizáverit unum ex his pusíllis credéntibus in me, bonum est ei magis ut circumdétur mola asinária collo eius et in mare mittátur.

Et si scandalizáverit te manus tua, abscíde illam: bonum est tibi débilem introíre in vitam, quam duas manus habéntem ire in gehénnam, in ignem inexstinguíbilem.

Et si pes tuus te scandalízat, ámputa illum: bonum est tibi claudum introíre in vitam, quam duos pedes habéntem mitti in gehénnam.

Et si óculus tuus scandalízat te, éice eum: bonum est tibi luscum introíre in Regnum Dei, quam duos óculos habéntem mitti in gehénnam, ubi vermis eórum non móritur et ignis non exstínguitur ».

Verbum Dómini.

Anno C

Lectio prima

Qui lascivitis et canitis, nunc migrabitis.

Lectio libri Amos prophætæ 6, 1 a. 4-7

Hæc dicit Dóminus omnipotens:

« Væ, qui opulénti estis in Sion et confíditis in monte Samaríæ;

qui dormítis in lectis ebúrneis et lascivítis in stratis vestris, qui coméditis agnum de grege et vítulos de médio arménti, qui cánitis ad vocem psaltérii: sicut David putavérunt se habére vasa cántici, bibéntes vinum in phíalis et óptimo unguénto delibúti, et nihil patiebántur super contritióne Ioseph.

Quaprópter nunc migrábunt in cápite transmigrántium, et auferétur fáctio lasciviéntium ».

Verbum Dómini.

Psalmus responsorius

Ps 145, 7. 8-9 a. 9 bc-10 (R.: 2 a)

R. Lauda, ánima mea, Dóminum.

vel Allelúia.

⁷ Qui custódit veritátem in sæculum,
facit iudícium opprèssis,
dat escam esuriéntibus.
Dóminus solvit compedítos. R.

⁸ Dóminus illúminat cæcos,
Dóminus érigit depréssos,
Dóminus díligit iustos,

⁹ Dóminus custódit ádvenas. R.

Pupillum et viduam sustentat,
et viam peccatorum disperdit.
Regnabit Dominus in sæcula,
Deus tuus, Sion,
in generationem et generationem. *R.*

Lectio secunda

Serva mandatum usque in adventum Domini.

Lectio Epistolæ primæ beati Pauli apostoli
ad Timotheum

6, 11-16

O homo Dei, sectare iustitiam, pietatem, fidem,
caritatem, patientiam, mansuetudinem.

Certa bonum certamen fidei, apprehende vitam
æternam, ad quam vocatus es et confessus es bonam
confessionem coram multis testibus.

Præcipio tibi coram Deo qui vivificat omnia et
Christo Iesu qui testimonium reddidit sub Ponto Pilato
bonam confessionem,

ut serves mandatum sine macula irreprehensibile
usque in adventum Domini nostri Iesu Christi, quem
suis temporibus ostendet beatus et solus potens, Rex
regnantium et Dominus dominantium,

qui solus habet immortalitatem, lucem habitans
inaccessibilem, quem vidit nullus hominum nec videre
potest: cui honor et imperium sempiternum: amen!

Verbum Domini.

Alleluia

2 Cor 8, 9

R. Alleluia. *℣.* Iesus Christus egenus factus est cum
esset dives,
ut illius inopia vos divites essetis.

R. Alleluia.

Evangelium

*Recepisti bona, et Lazarus mala;
nunc hic consolatur, tu vero cruciaris.*

✠ Lécitio sancti Evangélii secúndum Lucam 16, 19-31

In illo témpore: Dixit Iesus pharisæis:

« Homo quidam erat dives, et induebátur púrpura et bysso et epulabátur cotidie spléndice.

Quidam autem pauper nómine Lázarus iacébat ad iánuam eius ulcéribus plenus et cúpiens saturári de his quæ cadébant de mensa dívitis; sed et canes veniébant et lingébant úlcerà eius.

Factum est autem ut morerétur pauper et portarétur ab ángelis in sinum Abrahæ; mórtuus est autem et dives et sepúltus est.

Et in inférno élevans óculos suos cum esset in torméntis, vidébat Abraham a longe et Lázarus in sinu eius. Et ipse clamans dixit: “ Pater Abraham, miserére mei et mitte Lázarus ut intíngat extrémum dígiti sui in aquam ut refrígeret linguam meam, quia crúciór in hac flamma ”.

At dixit Abraham: “ Fili, recordáre quia recepísti bona tua in vita tua, et Lázarus simíliter mala; nunc autem hic consolátur, tu vero cruciáris. Et in his ómnibus inter nos et vos chaos magnum firmátum est, ut hi qui volunt hinc transíre ad vos non possint, neque inde ad nos transmeáre ”.

Et ait: “ Rogo ergo te, Pater, ut mittas eum in domum patris mei — hábeo enim quinque fratres — ut testétur illis, ne et ipsi véniant in locum hunc tormentórum ”.

Ait autem Abraham: “ Habent Móysen et Prophétas: áudiant illos ”. At ille dixit: “ Non, pater

Abraham, sed, si quis ex mórtuis íerit ad eos, pæniténtiam agent ”.

Ait autem illi: “ Si Móysen et Prophétas non áudiunt, neque si quis ex mórtuis resurréxerit credent ” ». Verbum Dómini.

Dicitur Credo.

Super oblata

Concéde nobis, miséricors Deus,
ut hæc nostra tibi oblátio sit accépta,
et per eam nobis fons omnis benedictiónis aperiátur.
Per Christum.

Præfatio de dominicis « per annum », pp. 588-595.

Ant. ad communionem

Ps 118, 49-50

Meménto verbi tui servo tuo, Dómine,
in quo mihi spem dedísti;
hæc me consoláta est in humilitáte mea.

Vel:

1 Io 3, 16

In hoc cognóvimus caritátem Dei:
quóniam ille ánimam suam pro nobis pósuit;
et nos debémus pro frátribus ánimas pónere.

Post communionem

Sit nobis, Dómine, reparátio mentis et córporis
cæléste mystérium,
ut simus eius in glória coherédes,
cui, mortem ipsíus annuntiándo, compátimur.
Qui vivit.

Feria secunda

Ant. ad introitum

Dan 3, 31. 29. 30. 43. 42

Omnia, quæ fecisti nobis, Dómine,
in vero iudicio fecisti, quia peccávimus tibi,
et mandátis tuis non obœdívimus;
sed da glóriam nómini tuo, et fac nobíscum
secúndum multitúdinem misericórdiæ tuæ.

Collecta

Deus, qui omnipoténtiam tuam
parcêdo máxime et miserádo maniféstas,
grátiam tuam super nos indesinéter infúnde,
ut, ad tua promíssa currétes,
cæléstium bonórum fácias esse consórtes.
Per Dóminum.

Anno primo

Lectio prior

*Salvabo populum meum de terra orientis
et occidentis.*

Léctio libri Zachariæ prophétæ

8, 1-8

In diébus illis:

Factum est verbum Dómini exercítuum dicens:
« Hæc dicit Dóminus exercítuum: “ Zelátus sum Sion
zelo magno et indignatióne magna zelátus sum eam ”.

Hæc dicit Dóminus exercítuum: “ Revérsus sum ad
Sion et habitábo in médio Ierúsalem, et vocábitur Ie-
rúsalem cívitas veritátis, et mons Dómini exercítuum
mons sanctificátus ”.

Hæc dicit Dóminus exercítuum: “ Adhuc habitábunt
senes et anus in platéis Ierúsalem, et viri báculus in

manu eius præ multitudíne diérum. Et platéæ civitátis complebúntur infántibus et puéllis ludéntibus in platéis eius ”.

Hæc dicit Dóminus exercítuum: “ Si vidébitur difícilé in óculis reliquíarum pópuli huius in diébus illis, numquid in óculis meis difícilé erit? ” dicit Dóminus exercítuum.

Hæc dicit Dóminus exercítuum: “ Ecce ego salvábo pópulum meum de terra oriéntis et de terra occásus solis, et addúcam eos, et habitábunt in médio Ierúsalem, et erunt mihi in pópulum, et ego ero eis in Deum in veritáte et in iustítia ” ».

Verbum Dómini.

Psalmus responsorius

Ps 101, 16-18. 19-21. 29 et 22-23 (℟.: 17)

℟. Ædificávit Dóminus Sion,
et appáruit in glória sua.

16 Timébunt gentes nomen tuum, Dómine,
17 et omnes reges terræ glóriam tuam;
quia ædificávit Dóminus Sion,
et appáruit in glória sua.

18 Respéxit in oratióem ínopum,
et non sprexit precem eórum. ℟.

19 Scribántur hæc pro generatióne áltera,
et pópulus qui creábitur, laudábit Dóminum.
20 Quia prospéxit de excélso sanctuário suo,
21 Dóminus de cælo in terram aspéxit;
ut audíret gémitus compeditórum,
ut sólveret filios mortis. ℟.

22 Fílii servórum tuórum habitábunt,
et semen eórum in conspéctu tuo firmábitur:

- ²² ut annúntient in Sion nomen Dómini,
et laudem eius in Ierúsalem;
²³ in conveniéndo pópuli in unum,
et regna, ut sérviant Dómino. *R.*

Anno secundo

Lectio prior

*Dominus dedit, Dominus abstulit,
sit nomen Domini benedictum!*

Léctio libri Iob

1, 6-22

Quadam die, cum venissent filii Dei ut assisterent coram Dómino, ádfuit inter eos étiam Satan.

Cui dixit Dóminus: « Unde venis? »

Qui respóndens ait: « Circuívi terram et perambulávi eam ».

Dixítque Dóminus ad eum: « Numquid considerásti servum meum Iob, quod non sit ei símilis in terra, homo simplex et rectus ac timens Deum et recédens a malo? »

Cui respóndens Satan ait: « Numquid Iob frustra timet Deum? Nonne tu vallásti eum ac domum eius, universámque substántiam per circúitum: opéribus mánuum eius benedixísti, et posséssio eius crevit in terra? »

Sed exténde páululum manum tuam, et tange cuncta quæ póssidet, nisi in fáciem benedíxerit tibi ».

Dixit ergo Dóminus ad Satan: « Ecce univérsa, quæ habet, in manu tua sunt; tantum in eum ne exténdas manum tuam ». Egressúsque est Satan a fácie Dómini.

Cum autem quadam die filii et filiæ eius coméderent et bíberent vinum in domo fratris sui primogéniti, núntius venit ad Iob, qui díceret: « Boves arábant et ásinæ pascebántur iuxta eos, et irruérunt Sabæi tule-

rúntque ómnia et púeros percussérunt gládio, et evási ego solus ut nuntiárem tibi ».

Cumque adhuc ille loquerétur, venit alter et dixit: « Ignis Dei cécidit e cælo, et tactas oves puerósque consúmpsit, et effúgi ego solus ut nuntiárem tibi ».

Sed, et illo adhuc loquente, venit álius et dixit: « Chaldæi fecérunt tres turmas et invasérunt camélos et tulérunt eos, necnon et púeros percussérunt gládio, et ego fugi solus ut nuntiárem tibi ».

Adhuc loquebátur ille, et ecce álius intrávit et dixit: « Fíliis tuis et fliábus vescéntibus et bibéntibus vinum in domo fratris sui primogéniti, repénite ventus véhemens irrui a regiône desérti et concússit quáttuor ángulos domus, quæ córruens opprèssit líberos tuos, et mórtui sunt, et effúgi ego solus ut nuntiárem tibi ».

Tunc surréxit Iob et scidit vestiménta sua et, tonso cápite, córruens in terram adorávit et dixit: « Nudus egréssus sum de útero matris meæ, et nudus revértar illuc. Dóminus dedit, Dóminus ábstulit; sicut Dómino plácuít, ita factum est: sit nomen Dómini benedíctum! »

In ómnibus his non peccávit Iob lábiis suis neque stultum quid contra Deum locútus est.

Verbum Dómini.

Psalmus responsorius **Ps 16, 1. 2-3. 6-7 (R.: 6 b)**

R. Inclína aurem tuam mihi et exáudi verba mea.

Exáudi, Dómine, iustítiam meam,
inténde deprecationem meam.

Auribus pércipe oratióem meam,
non in lábiis dolósis. **R.**

De vultu tuo iudícium meum pródeat;
óculi tui vídeant æquitátes.

- 3 Proba cor meum, et vísita nocte;
igne me exámina, et non invénies in me iniquitátem. **R.**
- 6 Ego ad te clamávi, quóniam exáudis me, Deus;
inclína aurem tuam mihi, et exáudi verba mea.
- 7 Mirífica misericórdias tuas,
qui salvos facis sperántes in te ab insurgéntibus,
in délixtera tua. **R.**

Alleluia

Mc 10, 45

R. Allelúia. **V.** Fílius hóminis venit ut ministráret,
et daret ánimam suam redemptiónem pro
multis. **R.** Allelúia.

Evangelium

Qui minor est inter omnes vos, hic maior est

✠ Lécio sancti Evangélíi secúndum Lucam 9, 46-50

In illo témpore:

Intrávit cogitátio in discípulos, quis eórum maior esset.

At Iesus sciens cogitatiónes cordis illórum, apprehéndens púerum, státuit eum secus se, et ait illis:

« Quicúmque suscepérit púerum istum in nómine meo, me récipit, et quicúmque me recéperit, récipit eum qui me misit; nam qui minor est inter omnes vos, hic maior est ».

Respóndens autem Ioánnes dixit: « Præcéptor, vídimus quemdam in nómine tuo eiciéntem dæmónia, et prohibúimus eum quia non séquitur nobíscum ».

Et ait ad illum Iesus: « Nolíte prohibére, qui enim non est advérsus vos, pro vobis est ».

Verbum Dómini.

Super oblata

Concéde nobis, miséricors Deus,
ut hæc nostra tibi oblátio sit accépta,
et per eam
nobis fons omnis benedictiónis aperiátur.
Per Christum.

Ant. ad communionem**Ps 118, 49-50**

Meménto verbi tui servo tuo, Dómine,
in quo mihi spem dedísti;
hæc me consoláta est in humilitáte mea.

Vel:**1 Io 3, 16**

In hoc cognóvimus caritátem Dei:
quóniam ille ánimam suam pro nobis pósuit;
et nos debémus pro fratribus ánimas pónere.

Post communionem

Sit nobis, Dómine, reparátio mentis et córporis
cæléste mystérium,
ut simus eius in glória coherédes,
cui, mortem ipsíus annuntiándo, compátimur.
Qui vivit.

Feria tertia**Ant. ad introitum****Dan 3, 31. 29. 30. 43. 42**

Omnia, quæ fecísti nobis, Dómine,
in vero iudício fecísti, quia peccávimus tibi,
et mandátis tuis non obcédívimus;
sed da glóriam nómini tuo,
et fac nobíscum
secúndum multitudínem misericórdiæ tuæ.

Collecta

Deus, qui omnipoténtiam tuam
 parcéndo máxime et miserándo maniféstas,
 grátiam tuam super nos indesinénter infúnde,
 ut, ad tua promíssa curréntes,
 cæléstium bonórum fácias esse consórtes.
 Per Dóminum.

Anno primo

Lectio prior

*Venient populi multi ad quærendum Dominum
 in Ierusalem.*

Léctio libri Zachariæ prophétæ

8, 20-23

Hæc dicit Dóminus exercítuum:

« Usquequo véniant pópuli et hábitent in civitatibus multis, et vadant habitatóres unus ad álterum dicétes: “Eámus et deprecémur fáciem Dómini et quærámus Dóminum exercítuum; vadam étiam ego”. Et vénient pópuli multi et gentes robústæ ad quæréndum Dóminum exercítuum in Ierúsalem et deprecándam fáciem Dómini ».

Hæc dicit Dóminus exercítuum:

« In diébus illis, in quibus apprehéndent decem hómines ex ómnibus linguis géntium, et apprehéndent fímbriam viri Iudæi dicétes: “Ibimus vobíscum, audívimus enim quóniam Deus vobíscum est ” ».

Verbum Dómini.

Psalmus responsorius

Ps 86, 1-3. 4-5. 6-7 (R.: Zac 8, 23)

R. Deus nobíscum est.

- 1 Fundaménta eius in móntibus sanctis;
2 díligit Dóminus portas Sion
super ómnia tabernácula Iacob.
3 Gloriósa dicta sunt de te, cívitas Dei. *R.*
4 Memor ero Rahab et Babylónis
inter sciéntes me;
ecce Philistháa et Tyrus cum Æthiópia,
hi nati sunt illic.
5 Et de Sion dicétur:
« Hic et ille natus est in ea,
et ipse firmávit eam Altíssimus ». *R.*
6 Dóminus réferet in librum populórum:
« Hi nati sunt illic ».
7 Et cantant sicut choros ducéntes:
« Omnes fontes mei in te ». *R.*

Anno secundo

Lectio prior

Quare misero data est lux?

Léctio libri Iob

3, 1-3. 11-17. 20-23

Apérui Iob os suum et maledíxit diéi suo et locútus est: « Péreat dies in qua natus sum, et nox in qua dictum est: "Concéptus est homo". Quare non in vulva mórtuus sum? Egréssus ex útero non statim périi? Quare excéptus génibus? Cur lactátus ubéribus?

Nunc enim dórmienti silérem et somno meo requiéscerem cum régibus et consúlibus terræ, qui ædíficant sibi solitúdines, aut cum princípibus qui póssident aurum, et replent domos suas argénto; aut sicut abortívum absconditum non subsisterem, vel qui concépti non

vidérunt lucem. Ibi ímpii cessavérunt a tumúltu et ibi requievérunt fessi róbores.

Quare mísero data est lux, et vita his qui in amaritúdine ánimæ sunt? Qui expéctant mortem, et non venit, quasi effodiéntes thesáurum, gaudéntque vehementer cum invénierint sepúlcrum. Viro, cuius abscondita est via, et circúmdedit eum Deus ténebris? »

Verbum Dómini.

Psalmus responsorius Ps 87, 2-3. 4-5. 6. 7-8 (R.: 3 a)

R. Intret in conspéctu tuo orátio mea, Dómine.

2 Dómine, Deus salútis meæ,
in die clamávi et nocte coram te.
3 Intret in conspéctu tuo orátio mea,
inclína aurem tuam ad precem meam. R.

4 Quia repléta est malis ánima mea,
et vita mea inférno appropinquávit.
5 Æstimátus sum cum descendéntibus in lacum,
factus sum sicut homo sine adiutório. R.

6 Inter mórtuos stratum meum,
sicut vulneráti dormiéntes in sepúlcris;
quorum non es memor ámplius,
et ipsi de manu tua abscíssi sunt. R.

7 Posuísti me in lacu inferióri,
in tenebrósis et in umbra mortis.
8 Super me gravátus est furor tuus,
et omnes fluctus tuos induxísti super me. R.

Alleluia

Mc 10, 45

R. Allelúia. γ. Fílius hóminis venit ut ministráret,
et daret ánimam suam redemptiónem pro multis. R. Allelúia.

Evangelium

Faciem suam firmavit ut iret Ierusalem.

✠ Lécio sancti Evangélii secúndum Lucam 9, 51-56

Factum est dum compleréntur dies assumptiónis Iesu, et ipse faciém suam firmávit ut iret Ierúsalem, et misit núnctios ante conspéctum suum. Et eúntes intravérunt in castéllum Samaritanórum, ut parárent illi. Et non recepérunt eum, quia fácies eius erat eúntis Ierúsalem.

Cum vidíssent autem discípuli eius Iacóbus et Ioánes dixerunt: « Dómine, vis dicámus, ut ignis descéndat de cælo et consúmat illos? »

Et convérsus increpávit illos. Et abiérunt in áliud castéllum.

Verbum Dómini.

Super oblata

Concéde nobis, miséricors Deus,
ut hæc nostra tibi oblátio sit accépta,
et per eam
nobis fons omnis benedictiónis aperiátur.
Per Christum.

Ant. ad communionem

Ps 118, 49-50

Meménto verbi tui servo tuo, Dómine,
in quo mihi spem dedísti;
hæc me consoláta est in humilitáte mea.

Vel:

1 Io 3, 16

In hoc cognóvimus caritátem Dei:
quóniam ille ánimam suam pro nobis pósuit;
et nos debémus pro frátribus ánimas pónere.

Post communionem

Sit nobis, Dómine, reparátio mentis et córporis
cæléste mystérium,
ut simus eius in glória coherédes,
cui, mortem ipsíus annuntiádo, compátimur.
Qui vivit.

Feria quarta

Ant. ad introitum **Dan 3, 31. 29. 30. 43. 42**

Omnia, quæ fecísti nobis, Dómine,
in vero iudício fecísti, quia peccávimus tibi,
et mandátis tuis non obcædívimus;
sed da glóriam nómini tuo, et fac nobíscum
secúndum multitúdinem misericórdiæ tuæ.

Collecta

Deus, qui omnipoténtiam tuam
parcêdo máxime et miserádo maniféstras,
grátiam tuam super nos indesinénter infúnde,
ut, ad tua promíssa curréntes,
cæléstium bonórum fácias esse consórtes.
Per Dóminum.

Anno primo

Lectio prior

*Si videtur regi bonum, mittas me ad civitatem
patris mei et ædificabo eam*

Léctio libri Nehemíæ

2, 1-8

Factum est in mense Nisan, anno vigésimo Artaxérxis regis, et vinum erat ante eum, et ego Nehemías

levávi vinum et dedi regi. Et eram quasi lánguidus ante fáciem eius.

Dixítque mihi rex: « Quare vultus tuus tristis est, cum te ægrótum non vídeam? non est hoc frustra; sed malum, néscio quod, in corde tuo est ».

Et tímui valde ac nimis, et dixi regi: « Rex, in ætérnum vive! Quare non máereat vultus meus, quia cívitas domus sepulcrórum patris mei desérta est, et portæ eius combústæ sunt igni? »

Et ait mihi rex: « Pro qua re póstulas? »

Et orávi Deum cæli, et dixi ad regem: « Si vidétur regi bonum, et si placet servus tuus ante fáciem tuam, ut mittas me in Iudéam ad civitátem sepúlcri patris mei, et ædificábo eam ».

Dixítque mihi rex, et regína quæ sedébat iuxta eum: « Usque ad quod tempus erit iter tuum, et quando revertéris? » Et plácuít ante vultum regis et misit me. Et constitúi ei tempus.

Et dixi regi: « Si regi vidétur bonum, epístolas det mihi ad duces regiónis trans flumen, ut tradúcant me donec véniam in Iudéam; et epístolam ad Asaph custódem saltus regis, ut det mihi ligna ut tégere possim portas turris domus, et muros civitátis, et domum quam ingressus fúero ».

Et dedit mihi rex, iuxta manum Dei mei bonam mecum. — Verbum Dómini.

Psalmus responsorius **Ps 136, 1-2. 3. 4-5. 6 (℟.: 6 a)**

℟. Adháreat lingua mea fáucibus meis,
si non memínero tui.

Super flúmina Babylónis,
illic sédimus et flévimus,
cum recordarémur Sion.

- 2 In salícibus in médio eius
suspendimus cítharas nostras. *R.*
- 3 Quia illic rogavérunt nos,
qui captívos duxérunt nos,
verba cantiónum,
et qui affligébant nos, lætítiam:
« Cantáte nobis de cánticis Sion ». *R.*
- 4 Quómodo cantábimus cánticum Dómini
in terra aliéna?
- 5 Si oblítus fúero tui, Ierúsalem,
obliviscátur sui délixtera mea. *R.*
- 6 Adhæreat lingua mea fáucibus meis,
si non memínero tui,
si non præposúero Ierúsalem
in cápite lætítiæ meæ. *R.*

Anno secundo

Lectio prior

Non iustificatur homo compositus Deo.

Lectio libri Iob

9, 1-12. 14-16

Respondens Iob amícis suis ait:

« Vere scio quod ita sit, et quod non iustificétur
homo compósitus Deo. Si volúerit conténdere cum eo,
non póterit ei respondére unum pro mille. Sápiens cor-
de est et fortis róbre. Quis réstitit ei et pacem
hábuit?

Qui tránstulit montes, et nesciérunt hi quos subvér-
tit in furóre suo; qui cómmovet terram de loco suo,
et colúmnae eius concutiúntur;

qui præcipit soli, et non óritur, et stellas claudit

quasi sub signáculo; qui extendit cælos solus et gráditur super fluctus maris;

qui facit Arctúrum et Oríona et Hýadas et interióra austri; qui facit magna et incomprehensibília et mirabília, quorum non est númerus.

Si vénerit ad me, non vidébo eum; si abíerit, non intéllegam. Si repénite intérriget, quis respondébit ei? vel quis dícere potest: "Cur ita facis?" Quantus ergo sum ego, ut respóndeam ei, et loquar verbis meis cum eo?

Qui, étiam si habúero quíppiam iustum, non respondébo, sed meum iúdicem deprecábor. Et, cum invocántem exaudíerit me, non credo quod audíerit vocem meam ». — Verbum Dómini.

Psalmus responsorius

Ps 87, 10bc-11. 12-13. 14-15 (R.: 3 a)

R. Intret in conspéctu tuo orátio mea, Dómine.

10 Clamávi ad te, Dómine, tota die,
expándi ad te manus meas.

11 Numquid mórtuis fácies mirabília,
aut surgent umbræ et confitebúntur tibi. R.

12 Numquid narrábit áliquis in sepúlcro
misericórdiam tuam,
et veritátem tuam in loco perditionis?

13 Numquid cognoscéntur in ténebris mirabília tua,
et iustítia tua in terra obliviónis? R.

14 Et ego ad te, Dómine, clamávi,
et mane orátio mea præveniet te.

15 Ut quid, Dómine, repéllis ánimam meam,
abscóndis faciém tuam a me? R.

Alleluia

Phil 3, 8-9

R. Allelúia. V. Omnia detriméntum feci et árbitor ut
stércora,
ut Christum lucrifáciam et invéniam in illo.
R. Allelúia.

Evangelium

Sequar te quocumque ieris

✠ Lécio sancti Evangélii secúndum Lucam 9, 57-62

In illo témpore:

Ambulántibus Iesu et discíplis suis in via, dixit
quidam ad illum: « Sequar te quocúmque íeris ».

Et ait illi Iesus: « Vulpes fóveas habent et vólucres
cæli nidos, Fílius autem hóminis non habet ubi caput
reclínet ».

Ait autem ad álterum: « Séquere me ». Ille autem
dixit: « Dómine, permítte mihi primum ire et sepelíre
patrem meum ».

Dixítque ei Iesus: « Sine ut mórtui sepéliant mór-
tuos suos, tu autem vade, annúntia Regnum Dei ».

Et ait alter: « Sequar te, Dómine: sed primum
permítte mihi renuntiáre his qui domi sunt ».

Ait ad illum Iesus: « Nemo mittens manum suam
in arátrum et aspiciens retro, aptus est Regno Dei ».

Verbum Dómini.

Super oblata

Concéde nobis, miséricors Deus,
ut hæc nostra tibi oblátio sit accépta,
et per eam
nobis fons omnis benedictiónis aperiátur.
Per Christum.

Ant. ad communionem

Ps 118, 49-50

Meménto verbi tui servo tuo, Dómine,
in quo mihi spem dedísti;
hæc me consoláta est in humilitáte mea.

Vel:

1 Io 3, 16

In hoc cognóvimus caritátem Dei:
quóniam ille ánimam suam pro nobis pósuit;
et nos debémus pro frátribus ánimas pónere.

Post communionem

Sit nobis, Dómine, reparátio mentis et córporis
cæléste mystérium,
ut simus eius in glória coherédes,
cui, mortem ipsíus annuntiádo,
compátimur.
Qui vivit.

Feria quinta

Ant. ad introitum

Dan 3, 31. 29. 30. 43. 42

Omnia, quæ fecísti nobis, Dómine,
in vero iudício fecísti, quia peccávimus tibi,
et mandátis tuis non obædívimus;
sed da glóriam nómini tuo,
et fac nobíscum
secúndum multitúdinem misericórdiæ tuæ.

Collecta

Deus, qui omnipoténtiam tuam
parcéndo máxime et miserádo maniféscas,
grátiam tuam super nos indesinéter infúnde,
ut, ad tua promíssa currétes,
cæléstium bonórum fácias esse consórtes.
Per Dóminum.

Anno primo

Lectio prior

*Aperuit Esdras librum Legis et benedixit Domino,
et respondit omnis populus: Amen, amen*

Lectio libri Nehemiæ

8, 1-4 a. 5-6. 7 b-12

In diébus illis:

Congregátus est omnis pópulus quasi vir unus ad platéam, quæ est ante portam aquárum, et dixerunt Esdræ scribæ ut afférret librum legis Móysi, quam præcéperat Dóminus Israël.

Attulit ergo Esdras sacérdos legem coram multítudine virórum et mulierum, cunctisque qui póterant intellégere, in die prima mensis séptimi; et legit in eo apérte in platéa, quæ erat ante portam aquárum, de mane usque ad médiam diem, in conspéctu virórum et mulierum et sapiéntium, et aures omnis pópuli erant eréctæ ad librum.

Stetit autem Esdras scriba super gradum ligneum, quem fécerat ad loquéndum. Et apéruiť Esdras librum coram omni pópulo (super univérsum quippe pópulum eminébat), et, cum aperuísset eum, stetit omnis pópulus.

Et benedíxit Esdras Dómino Deo magno et respóndit omnis pópulus: « Amen, amen », élevans manus suas. Et incurváti sunt et adoravérunt Deum proni in terram.

Porro levítæ siléntium faciébant in pópulo ad audiéndam legem. Pópulus autem stabat in gradu suo. Et legérunt in libro legis Dei distíncte et apérte ad intellegéndum; et intellexérunt cum legerétur.

Dixit autem Nehemías (ipse est Athersátha), et Esdras sacérdos et scriba, et levítæ interpretántes univérso pópulo: « Dies sanctificátus est Dómino Deo nostro: nolíte lugére et nolíte flere »; flebat enim omnis pópulus, cum audíret verba legis.

Et dixit eis: « Ite, comédite píngrua et bíbite mulsum, et míttite partes his qui non præparavérunt sibi, quia sanctus dies Dómini est; et nolíte contristári, gáudium étenim Dómini est fortitúdo nostra ».

Levítæ autem siléntium faciébant in omni pópulo, dicéntes: « Tacéte quia dies sanctus est, et nolíte dolére ».

Abiit itaque omnis pópulus, ut coméderet et bíberet et mitteret partes et fáceret lætítiam magnam, quia intelléxerant verba quæ docúerat eos.

Verbum Dómini.

Psalmus responsorius Ps 18, 8. 9. 10. 11 (R.: 9 a)

R. Iustítiæ Dómini rectæ, lætificántes corda.

8 Lex Dómini immaculáta, refíciens ánimam, testimónium Dómini fidéle, sapiéntiam præstans párvulis. R.

9 Iustítiæ Dómini rectæ, lætificántes corda, præcéptum Dómini lúcidum, illúminans óculos. R.

10 Timor Dómini mundus, pérmanens in sæculum sæculi, iudícia Dómini vera, iusta ómnia simul. R.

11 Desiderabília super aurum et lápidem pretiósus multum, et dulcióra super mel et favum stillántem. R.

Anno secundo

Lectio prior

Scio quod Redemptor meus vivit.

Léctio libri Iob

19, 21-27

Dixit Iob:

« Miserémini mei, miserémini mei saltem vos, amici mei, quia manus Dómini tétigit me. Quare persequimini me sicut Deus et cárnibus meis saturámini?

Quis mihi tríbuat ut scribántur sermónes mei? Quis mihi det ut exaréntur in libro stilo férreo, et plumbi lámina vel celte sculpántur in sílice?

Scio enim quod Redémptor meus vivit, et in novíssimo die de terra surrectúrus sum. Et rursum circúmdabor pelle mea et in carne mea vidébo Deum meum.

Quem visúrus sum ego ipse, et óculi mei conspectúri sunt, et non álius: repósita est hæc spes mea in sinu meo ». — Verbum Dómini.

Psalmus resp. Ps 26, 7-8 a. 8 b-9 abc. 13-14 (R.: 13)

R. Credo vidére bona Dómini in terra vivéntium.

7 Exáudi, Dómine, vocem meam qua clamávi, miserére mei et exáudi me.

8 De te dixit cor meum: « Exquírite fáciem eius ». **R.**

Faciem tuam, Dómine, requíram.

9 Ne avértas fáciem tuam a me, ne declínes in ira a servo tuo.

Adiútor meus es tu, ne me reícias. **R.**

13 Credo vidére bona Dómini in terra vivéntium.

14 Exspécta Dóminum, viríliter age, et confortétur cor tuum, et sústine Dóminum. **R.**

Alleluia

Mc 1, 15

℞. Allelúia. √. Appropinquávit Regnum Dei,
pænitémini et crédite Evangélio.
℞. Allelúia.

Evangelium

Requiescet super illam pax vestra.

✠ Lécio sancti Evangélii secúndum Lucam 10, 1-12

In illo témpore:

Designávit Dóminus álios septuagínta duos, et misit illos binos ante fáciem suam in omnem civitátem et locum quo erat ipse ventúrus.

Et dicébat illis: « Messis quidem multa, operárii autem pauci; rogáte ergo Dóminum messis ut mittat operários in messem suam.

Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis.

In quamcúmque domum intravéritis, primum dícite: “ Pax huic dómui ”. Et si ibi fúerit fílius pacis, requiescet super illam pax vestra; sin autem ad vos revertétur.

In eádē autem domo manéte, edéntes et bibéntes quæ apud illos sunt: dignus enim est operárius mercéde sua.

Nolíte transíre de domo in domum. Et in quamcúmque civitátem intravéritis et suscepérint vos manducáte quæ apponúntur vobis, et curáte infirmos qui in illa sunt, et dícite illis: “ Appropinquávit in vos Regnum Dei ”.

In quamcúmque civitátem intravéritis et non recépe-

rint vos, exeúntes in platéas eius dícite: “ Etiam púl-
verem qui adhæsit nobis ad pedes de civitatē vestra,
extérgimus in vos; tamen hoc scitóte, quia appropin-
quávit Regnum Dei ”.

Dico vobis quia Sódomis in die illa remíssius erit
quam illi civitatí ».

Verbum Dómini.

Super oblata

Concéde nobis, miséricors Deus,
ut hæc nostra tibi oblátio sit accépta,
et per eam nobis fons omnis benedictiónis aperiátur.
Per Christum.

Ant. ad communionem

Ps 118, 49-50

Meménto verbi tui servo tuo, Dómine,
in quo mihi spem dedísti;
hæc me consoláta est in humilitáte mea.

Vel:

1 Io 3, 16

In hoc cognóvimus caritátem Dei:
quóniam ille ánimam suam pro nobis pósuit;
et nos debémus pro frátribus ánnimas pónere.

Post communionem

Sit nobis, Dómine, reparátio mentis et córporis
cæléste mystérium,
ut simus eius in glória coherédes,
cui, mortem ipsíus annuntiándo, compátimur.
Qui vivit.

Feria sexta**Ant. ad introitum****Dan 3, 31. 29. 30. 43. 42**

Omnia, quæ fecisti nobis, Dómine,
in vero iudício fecisti, quia peccávimus tibi,
et mandátis tuis non obœdívimus;
sed da glóriam nómini tuo, et fac nobíscum
secúndum multitudínem misericórdiæ tuæ.

Collecta

Deus, qui omnipoténtiam tuam
parcêdo máxime et miserádo maniféstas,
grátiam tuam super nos indesinéter infúnde,
ut, ad tua promíssa currétes,
cæléstium bonórum fácias esse consórtes.
Per Dóminum.

Anno primo**Lectio prior**

Peccavimus ante Dominum et non credidimus.

Léctio libri Baruch prophétæ**1, 15-22**

Dómino Deo nostro iustítia, nobis autem confúsió
faciei nostræ, sicut est dies hæc, omni Iuda et habi-
tántibus in Ierúsalem, régibus nostris et princípibus
nostris, et sacerdotíbus nostris et prophétis nostris et
pátribus nostris.

Peccávimus ante Dóminum Deum nostrum, et non
credidimus diffidétes in eum; et non fúimus subiectí-
biles illi et non audívimus vocem Dómini Dei nostri,
ut ambularémus in mandátis eius, quæ dedit nobis.

A die, qua edúxit patres nostros de terra Ægýpti,
usque ad diem hanc, erámus incredíbiles ad Dóminum

Deum nostrum, et dissipáti recéssimus, ne audirémus vocem ipsíus; et adhæsérunt nobis multa mala et maledictiónes, quæ constituit Dóminus Móysi servo suo, qui edúxit patres nostros de terra Ægypti dare nobis terram fluéntem lac et mel, sicut hodiérna die.

Et non audívimus vocem Dómini Dei nostri secúndum ómnia verba prophetárum, quos misit ad nos, et abívimus unusquisque in sensum cordis nostri maligni, operári diis aliénis, faciéntes mala ante óculos Dómini Dei nostri. — Verbum Dómini.

Psalmus responsorius **Ps 78, 1-2. 3-5. 8. 9 (R.: 9 b)**

R. Propter glóriam nóminis tui, Dómine, líbera nos.

- 1** Deus, venérunt gentes in hereditátem tuam,
polluérunt templum sanctum tuum,
posuérunt Ierúsalem in ruínas.
- 2** Dedérunt morticina servórum tuórum
escas volatílibus cæli,
carnes sanctórum tuórum béstiis terræ. **R.**
- 3** Effudérunt sánguinem eórum tamquam aquam
in circúitu Ierúsalem, et non erat qui sepelíret.
- 4** Facti sumus oppróbrium vicínis nostris,
subsannátio et illúsio his qui in circúitu nostro sunt.
- 5** Usquequo, Dómine? Irascéris in finem?
Accendétur velut ignis zelus tuus? **R.**
- 6** Ne memíneris iniquitátum patrum nostrórum,
cito antícipent nos misericórdiæ tuæ,
quia páuperes facti sumus nimis. **R.**
- 9** Adiuva nos, Deus salutáris nostri,
propter glóriam nóminis tui, et líbera nos;
et propítius esto peccátis nostris
propter nomen tuum. **R.**

Anno secundo

Lectio prior

*Numquid præcepisti diluculo et ingressus es
profunda maris?*

Lectio libri Iob

38, 1. 12-21; 39, 33-35

Respóndens autem Dóminus Iob de túrbine dixit:

« Numquid post ortum tuum præcepisti dilúculo et ostendísti auróræ locum suum? Et tenuísti concútiens extrémæ terræ et excussísti ímpios ex ea?

Restituétur ut lutum signáculum, et stabit sicut vestiméntum: auferétur ab ímpiis lux sua, et brácchium excélsu[m] confringétur.

Numquid ingrèssus es profúnda maris et in novíssimis abyssi deambulásti? Numquid apértæ sunt tibi portæ mortis, et óstia tenebrósa vidísti? Numquid considerásti latitúdinem terræ? Indica mihi, si nosti, ómnia.

In qua via lux hábitet, et tenebrárum quis locus sit; ut ducas unumquódque ad téminos suos et intéllegas sémitas domus eius. Sciébas tunc quod nascitúrus esses et númeru[m] diérum tuórum nóveras? »

Respóndens autem Iob Dómino dixit: « Qui léviter locútus sum, respondére quid possum? Manum meam ponam super os meum.

Unum locútus sum, quod útinam non dixíssem! et álterum, quibus ultra non addam ».

Verbum Dómini.

Psalmus responsorius

Ps 138, 1-3. 7-8. 9-10. 13-14 ab (R.: 24 b)

R. Deduc me, Dómine, in via æténa.

- ¹ Dómine, scrutátus es et cognovísti me,
² tu cognovísti sessiónem meam
 et resurrectionem meam.
 Intellexísti cogitationes meas de longe,
³ sémitam meam et accúbitum meum investigásti.
 Et omnes vias meas perspexísti. *R.*
⁷ Quo ibo a spírítu tuo,
 et quo a fácie tua fúgiam?
⁸ Si ascéndero in cælum, tu illic es;
 si descéndero in inférnum, ades. *R.*
⁹ Si sumpsero pennas auróræ
 et habitávero in extrémis maris,
¹⁰ étiam illuc manus tua dedúcet me,
 et tenébit me délixtera tua. *R.*
¹³ Quia tu formásti renes meos,
 contexuísti me in útero matris meæ.
¹⁴ Confitébor tibi,
 quia mirabíliter plasmátus sum;
 mirabília ópera tua. *R.*

Alleluia

Ps 94, 8 ab

R. Allelúia. *V.* Hódie, nolíte obduráre corda vestra,
 sed vocem Dómini audíte.

R. Allelúia.

Evangelium

Qui me spernit, spernit eum qui me misit.

✠ Lécio sancti Evangélíi secúndum Lucam 10, 13-16

In illo témpore: Dixit Iesus:

« Væ tibi, Córazin, væ tibi, Bethsáida, quia si in Tyro
 et Sidóne factæ fuissent virtútes quæ in vobis factæ sunt

olim in cilicio et cinere sedéntes pænitérent. Verúm-
tamen Tyro et Sidóni remíssius erit in iudício quam vobis.

Et tu, Caphárnaum, numquid usque ad cælum exal-
táberis? Usque ad inférnum demergéris.

Qui vos audit, me audit; et qui vos spernit, me
spernit; qui autem me spernit, spernit eum qui me
misit ».

Verbum Dómini.

Super oblata

Concéde nobis, miséricors Deus,
ut hæc nostra tibi oblátio sit accépta,
et per eam nobis fons omnis benedictiónis aperiátur.
Per Christum.

Ant. ad communionem

Ps 118, 49-50

Meménto verbi tui servo tuo, Dómine,
in quo mihi spem dedísti;
hæc me consoláta est in humilitáte mea.

Vel:

1 Io 3, 16

In hoc cognóvimus caritátem Dei:
quóniam ille ánimam suam pro nobis pósuit;
et nos debémus pro frátribus ánimas pónere.

Post communionem

Sit nobis, Dómine, reparátio mentis et córporis
cæléste mystérium,
ut simus eius in glória coherédes,
cui, mortem ipsíus annuntiándo, compátimur.
Qui vivit.

Sabbato**Ant. ad introitum****Dan 3, 31. 29. 30. 43. 42**

Omnia, quæ fecisti nobis, Dómine,
in vero iudício fecisti, quia peccávimus tibi,
et mandátis tuis non obœdívimus;
sed da glóriam nómini tuo,
et fac nobíscum
secúndum multitúdinem misericórdiæ tuæ.

Collecta

Deus, qui omnipoténtiam tuam
parcêdo máxime et miserándo maniféstas,
grátiam tuam super nos indesinéter infúnde,
ut, ad tua promíssa currétes,
cæléstium bonórum fácias esse consórtes.
Per Dóminum.

Anno primo**Lectio prior**

*Qui induxit vobis mala, ipse rursum adducet
vobis iucunditatem.*

Léctio libri Baruch prophétæ**4, 5-12. 27-29**

Animæquior esto, pópulus Dei, memorábilis Israel:
venúndati estis géntibus non in perditiónem; sed, propter
quod in ira ad iracúndiam provocástis Deum, trá-
diti estis adversáriis; exacerbástis enim eum, qui fecit
vos, Deum ætérnum, immolántes dæmóniis et non Deo;
oblíti enim estis Deum, qui nutritivit vos, et contristá-
stis nutrícem vestram Ierúsalem.

Vidit enim iracúndiam a Deo veniéntem vobis et dixit: « Audíte, confínes Sion, addúxit enim mihi Deus luctum magnum; vidi enim captivitátem pópuli mei, filiórum meórum et filiárum, quam superdúxit illis Ætérnus; nutrívi enim illos cum iucunditáte, dimísi autem illos cum fletu.

Nemo gáudeat super me víduam et desolátam; a multis derelícta sum propter peccáta filiórum meórum, quia declinavérunt a lege Dei.

Animæquióres estóte, filii, et proclamáte ad Dóminum; erit enim memória vestra ab eo qui duxit vos.

Sicut enim fuit sensus vester ut errarétis a Deo, décies tantum íterum converténtes requirétis eum; qui enim indúxit vobis mala, ipse rursum addúcet vobis sempitérnam iucunditátem cum salúte vestra ».

Verbum Dómini.

Psalmus responsorius Ps 68, 33-35. 36-37 (℟.: 34 a)

℟. Exaudivit páuperes Dóminus.

33 Vídeant húmiles et læténtur;
quærite Deum, et vivet cor vestrum.
34 Quóniam exaudivit páuperes Dóminus,
et vinctos suos non despéxit.
35 Laudent illum cæli et terra,
mária et ómnia reptília in eis. ℟.

36 Quóniam Deus salvam fáciat Sion,
et ædificábit civitátes Iuda;
et inhabitábunt ibi, et possidébunt eam.
37 Et semen servórum eius
hereditábunt eam,
et qui díligunt nomen eius,
habitábunt in ea. ℞.

Anno secundo

Lectio prior

*Nunc oculus meus videt te.
Idcirco ipse me reprehendo.*

Léctio libri Iob

42, 1-3. 5-6. 12-16

Respóndens Iob Dómino dixit:

« Scio quia ómnia potes, et nulla te latet cogitatio. Quis est iste qui celat consílium absque sciéntia? Ideo insipiénter locútus sum, et quæ ultra modum excéderent sciéntiam meam.

Audítu auris audívi te; nunc autem óculus meus videt te. Idcirco ipse me reprehéndo, et ago pæniténtiam in favílla et cínere ».

Dóminus autem benedíxit novíssimis Iob magis quam princípío eius, et facta sunt ei quattuórdecim mília óvium, et sex mília camelórum, et mille iuga boum, et mille ásinæ.

Et fuérunt ei septem filii et tres fíliæ, et vocávit nomen uníus Diem et nomen secúndæ Cássiam et nomen tértiæ Cornu stíbii.

Non sunt autem invéntæ mulíeres speciósæ sicut fíliæ Iob in univérsa terra; deditque eis pater suus hereditátem inter fratres eárum.

Vixit autem Iob post hæc centum quadragínta annis, et vidit fílios suos et fílios filiórum suórum usque ad quartam generatióem; et mórtuus est senex et plenus diérum. — Verbum Dómini.

Psalmus responsorius

Ps 118, 66. 71. 75. 91. 125. 130 (R.: 135 a)

R. Fáciem tuam, Dómine, illúmina super servum tuum.

- 66 Bonitatem et prudentiam et scientiam doce me,
quia praeceptis tuis credidi. **R.**
- 71 Bonum mihi quia humiliatus sum,
ut discam iustificationes tuas. **R.**
- 75 Cognovi, Domine, quia aequitas iudicia tua,
et in veritate humiliasti me. **R.**
- 91 Secundum iudicia tua permanent hodie,
quoniam omnia serviunt tibi. **R.**
- 125 Servus tuus sum ego;
da mihi intellectum, ut sciam testimonia tua. **R.**
- 130 Declaratio sermonum tuorum illuminat,
et intellectum dat parvulis. **R.**

Alleluia

Cf. Mt 11, 25

R. Alleluia. **V.** Benedictus es, Pater, Domine caeli et
terrae,
quia mysteria Regni parvulis revelasti.
R. Alleluia.

Evangelium

Gaudete quod nomina vestra scripta sunt in caelis.

✠ Lectio sancti Evangelii secundum Lucam 10,17-24
In illo tempore:

Reversi sunt septuaginta duo cum gaudio dicentes:
« Domine, etiam demonia subiciuntur nobis in Nomine tuo ».

Et ait illis: « Videbam Satanam sicut fulgur de caelo cadentem. Ecce dedi vobis potestatem calcandi supra serpentes et scorpiones, et super omnem virtutem inimici, et nihil vobis nocabit.

Verumtamen in hoc nolite gaudere quia spiritus vobis subiciuntur; gaudete autem quod nomina vestra scripta sunt in caelis ».

In ipsa hora exsultávit Spíritu Sancto et dixit: « Confíteor tibi, Pater, Dómine cæli et terræ, quod abscondísti hæc a sapiéntibus et prudéntibus, et revelásti ea párvulis: étiam, Pater, quia sic plácuít ante te.

Omnia mihi trádicta sunt a Patre meo, et nemo scit qui sit Fílius nisi Pater, et qui sit Pater nisi Fílius et cui volúerit Fílius reveláre ».

Et convérsus ad discípulos seórsum dixit: « Beáti óculi qui vident quæ vidétis. Dico enim vobis: Multi prophétæ et reges voluérunt vidére quæ vos vidétis et non vidérunt, et audíre quæ audítis et non audiérunt ».

 — Verbum Dómini.

Super oblata

Concéde nobis, miséricors Deus,
ut hæc nostra tibi oblátio sit accépta,
et per eam nobis fons omnis benedictiónis aperiátur.
Per Christum.

Ant. ad communionem

Ps 118, 49-50

Meménto verbi tui servo tuo, Dómine,
in quo mihi spem dedísti;
hæc me consoláta est in humilitáte mea.

Vel:

1 Io 3, 16

In hoc cognóvimus caritátem Dei:
quóniam ille ánimam suam pro nobis pósuit;
et nos debémus pro frátribus ánimas pónere.

Post communionem

Sit nobis, Dómine, reparátio mentis et córporis
cæléste mystérium, ut simus eius in glória coherédes,
cui, mortem ipsíus annuntiádo, compátimur.
Qui vivit.

DOMINICA XXVII « PER ANNUM »

Ant. ad introitum

Est 13, 9. 10-11

In voluntáte tua, Dómine, unívrsa sunt pósita,
et non est qui possit resístere voluntáti tuæ.
Tu enim fecisti ómnia, cælum et terram,
et unívrsa quæ cæli ámbitu continéntur;
Dóminus universórum tu es.

Dicitur Glória in excélsis.

Collecta

Omnípotens sempitérne Deus,
qui abundántia pietátis tuæ
et mérita súpplícum excédis et vota,
effúnde super nos misericórdiam tuam,
ut dimíttas quæ consciéntia métuit,
et adícias quod orátio non præsumit.
Per Dóminum.

Anno A

Lectio prima

Vinea Domini exercituum domus Israel est.

Léctio libri Isaíæ prophétæ

5, 1-7

Cantábo dilécto meo cánticum patruélis mei véneæ
suæ:

Vínea facta est dilécto meo in cornu filio ólei. Et
sæpívit eam et lápidés elégit ex illa et plantávit eam
eléctam et ædificávit turrím in médio eius et tórcular

extrúxit in ea et exspectávit ut fáceret uvas, et fecit labrúscas.

Nunc ergo, habitatóres Ierúsalem et viri Iuda, iudicáte inter me et víneam meam. Quid est quod débui ultra fácere víneæ meæ et non feci ei? An quod exspectávi ut fáceret uvas, et fecit labrúscas?

Et nunc osténdam vobis quid ego fáciam víneæ meæ: áuferam sápem eius, et erit in direptiónem; díruam macériam eius, et erit in conculcatiόνem, et ponam eam desértam; non putábitur et non fodiétur, et ascéndent vepres et spinæ, et núbibus mandábo ne pluant super eam imbrem.

Vínea enim Dómini exercítuum, domus Israel est, et vir Iuda germen eius delectábile: et exspectávi ut fáceret iudícium, et ecce iníquitas; et iustítiam, et ecce clamor. — Verbum Dómini.

Psalmus responsorius

Ps 79, 9 et 12. 13-14. 15-16. 19-20 (R.: Is 5, 7 a)

R. Vínea Dómini, domus Israel est.

⁹ Víneam de Ægýpto transtulísti,
eiecísti gentes, et plantásti eam;
¹² exténdit pálmities suos usque ad mare,
et usque ad Flumen propágenes suas. R.

¹³ Ut quid destruxísti macériam eius,
et vindémiant eam
omnes qui prætergrediúntur viam?
¹⁴ Exterminávit eam aper de silva,
et singuláris ferus depástus est eam. R.

¹⁵ Deus virtútum, convértere;
réspice de cælo et vide, et vísitá víneam istam.

- 16 Et protége eam quam plantávit d́xtera tua,
et super f́lium hóminis quem confirmásti tibi. *R.*
- 19 Et non discedémus a te, vivificábis nos,
et nomen tuum invocábimus.
- 20 Dómine Deus virtútum, convérte nos,
et illústra fáciem tuam, et salvi érimus. *R.*

Lectio secunda

Hæc agite, et Deus pacis erit vobiscum.

Léctio Epístolæ beáti Pauli apóstoli ad Philippénses

4, 6-9

Fratres:

Nihil sollíciti sitis, sed in ómnibus oratióne et obsecratióne, cum gratiárum actiόne, petitiόnes vestræ innotéscant apud Deum. Et pax Dei quæ exsúperat omnem sensum custódiét corda vestra et intellegéntias vestras in Christo Iesu.

De cétero, fratres, quæcúmque sunt vera, quæcúmque pudíca, quæcúmque iusta, quæcúmque casta, quæcúmque amabília, quæcúmque bonæ famæ, si qua virtus et si qua laus, hæc cogitáte; quæ et didicístis et accepístis et audístis et vidístis in me, hæc ágite; et Deus pacis erit vobíscum.

Verbum Dómini.

Alleluia

Io 15, 16

R. Allelúia. *V.* Ego vos elégi de mundo, ut eátis et fructum afferátis,
et fructus vester máneat, dicit Dóminus.
R. Allelúia.

Evangelium

Vineam locabit aliis agricolis

✠ Lécio sancti Evangélii secúndum Matthæum

21, 33-43

In illo témpore: Dixit Iesus princípibus sacerdotum et senióribus pópuli:

« Aliam parábolam audíte: Homo erat paterfamílias, qui plantávit víneam et sæpem circúmdedit ei et fodit in ea tórcular et ædificávit turrim, et locávit eam agricolis, et péregre proféctus est.

Cum autem tempus frúctuum appropinquásset, misit servos suos ad agrícolas ut accíperent fructus eius. Et agricolæ apprehénsis servis eius álium cecidérunt, álium occidérunt, álium vero lapidavérunt. Iterum misit álios servos plures prióribus, et fecérunt illis simíliter.

Novíssime autem misit ad eos fílium suum, dicens: " Verebúntur fílium meum ".

Agricolæ autem, vidéntes fílium, dixerunt intra se: " Hic est heres: veníte, occidámus eum et habébimus hereditátem eius ". Et apprehénsus eum eiecérunt extra víneam et occidérunt. Cum ergo vénerit dóminus víneæ, quid fáciat agricolis illis? »

Aiunt illi: « Malos male perdet, et víneam locabit áliis agricolis, qui reddant ei fructum tempóribus suis ».

Dicit illis Iesus: « Numquam legístis in Scriptúris: " Lápídem quem reprobavérunt ædificántes, hic factus est in caput ánguli; a Dómino factum est istud, et est mirábile in óculis nostris? " »

Ideo dico vobis, quia auferétur a vobis Regnum Dei, et dábitur genti faciénti fructus eius ».

Verbum Dómini.

Anno B

Lectio prima

Et erunt duo in carne una.

Lectio libri Génesis

2, 18-24

Dixit Dóminus Deus:

« Non est bonum esse hóminem solum; faciámus ei adiutórium símile sibi ».

Formátis ígitur, Dóminus Deus, de humo cunctis animántibus terræ et univérſis volatílibus cæli, addúxit ea ad Adam, ut vidéret quid vocáret ea; omne enim quod vocávit Adam ánimæ vivéntis, ipsum est nomen eius.

Appellavítque Adam nomínibus suis cuncta animántia, et univérſa volatília cæli, et omnes béstias terræ. Adæ vero non inveniebátur adiútor símilis eius.

Immísit ergo Dóminus Deus sopórem in Adam; cumque obdormísset tulit unam de costis eius et replévit carnem pro ea, et ædificávit Dóminus Deus coſtam, quam túlerat de Adam, in mulierem et addúxit eam ad Adam.

Dixítque Adam: « Hoc nunc os ex óssibus meis, et caro de carne mea: hæc vocábitur virágo, quóniam de viro sumpta est. Quamóbrem relínquet homo patrem suum et matrem et adhærébit uxóri suæ, et erunt duo in carne una ». — Verbum Dómini.

Psalmus responsorius

Ps 127, 1-2. 3. 4-5. 6 (R.: cf. 5)

R. Benedícat nobis Dóminus
ómnibus diébus vitæ nostræ.

- 1 Beátus omnis qui timet Dóminum,
qui ámbulat in viis eius.
- 2 Labóres mánuum tuárum manducábis,
beátus es, et bene tibi erit. *R.*
- 3 Uxor tua sicut vitis fructífera
in latéribus domus tuæ;
fílii tui sicut novéllæ olivárum
in circúitu mensæ tuæ. *R.*
- 4 Ecce sic benedicétur homo,
qui timet Dóminum.
- 5 Benedícat tibi Dóminus ex Sion,
et vídeas bona Ierúsalem
ómnibus diébus vitæ tuæ. *R.*
- 6 Et vídeas filios filiórum tuórum.
Pax super Israel! *R.*

*Lectio secunda**Qui sanctificat et qui sanctificantur ex uno omnes.*

Léctio Epístolæ ad Hebræos

2, 9-11

Fratres:

Eum qui paulo minus ab ángelis minorátus est, vidémus Iesum propter passiónem mortis glória et honóre coronátum, ut grátia Dei pro ómnibus gustáverit mortem.

Decébat enim eum, propter quem ómnia et per quem ómnia, qui multos fílios in glóriam addúxit, auctórem salútis eórum per passióes consummare.

Qui enim sanctificat et qui sanctificantur ex uno omnes: propter quam causam non erubéscit fratres eos vocáre. — Verbum Dómini.

Alleluia

1 Io 4, 12

℞. Allelúia. ∞. Si diligámus ínvicem, Deus in nobis
manet,
et caritas eius in nobis perfécta est.
℞. Allelúia.

Evangelium *

Quod Deus coniunxit, homo non separet.

✠ Lécio sancti Evangélíi secúndum Marcum 10, 2-16

In illo témpore:

Accedéntes Pharisæi interrogábant Iesum si licet viro uxórem dimíttere, tentántes eum.

At ille respóndens dixit eis: « Quid vobis præcépit Móyses? »

Qui dixerunt: « Móyses permísit libéllum repúdií scribere et dimíttere ».

Iesus autem ait eis: « Ad durítiam cordis vestri scripsit vobis præcéptum istud.

Ab inítio autem creatúra " másculum et féminam fecit eos. Propter hoc relínquet homo patrem suum et matrem et adhærébit ad uxórem suam, et erunt duo in carne una "; itaque iam non sunt duo, sed una caro. Quod ergo Deus coniúnxit, homo non séparet ».

Et in domo íterum discípuli de hoc interrogábant eum. Et dicit illis: « Quicúmque dimiserit uxórem suam et áliam dúxerit, adultérium commíttit in eam, et si ipsa dimiserit virum suum et álii núpserit, mœchátur ».

Et offerébant illi párvulos ut tángeret illos; discípuli autem comminabántur eis. At videns Iesus, indígne tulit et ait illis:

« Sinite párvulos veníre ad me; ne prohibuéritis eos, tálíum est enim Regnum Dei. Amen dico vobis: Quisquis non recéperit Regnum Dei velut párvulus, non intrábit in illud ».

Et compléxans eos benedicébat impónens manus super illos. — Verbum Dómini.

vel brevior

✠ Lécio sancti Evangélíi secúndum Marcum 10, 2-12

In illo témpore:

Accedéntes Pharisæi interrogábant Iesum si licet viro uxórem dimíttere, tentántes eum.

At ille respóndens dixit eis: « Quid vobis præcépit Móyses? »

Qui dixerunt: « Móyses permísit libéllum repúdií scribere et dimíttere ».

Iesus autem ait eis: « Ad durítiam cordis vestri scripsit vobis præcéptum istud.

Ab inítio autem creatúræ “ másculum et féminam fecit eos. Propter hoc relínquet homo patrem suum et matrem et adhærébit ad uxórem suam, et erunt duo in carne una ”; ítaque iam non sunt duo, sed una caro. Quod ergo Deus coniúnxit, homo non séparet ».

Et in domo íterum discípuli de hoc interrogábant eum. Et dicit illis: « Quicúmque dimíserit uxórem suam et áliam dúxerit, adultérium commíttit in eam, et si ipsa dimíserit virum suum et álii núpserit, mœchátur ». — Verbum Dómini.

Anno C

Lectio prima

Iustus in fide sua vivet.

Lectio libri Hábacuc prophétæ 1, 2-3; 2, 2-4

Usquequo, Dómine, clamábo, et non exáudies? vociferábor ad te vim pátiens, et non salvábis? Quare ostendísti mihi iniquitátem et labórem, vidére prædam et iniustítiam contra me, et factum est iudícium et contradíctio poténtior?

Et respóndit mihi Dóminus et dixit: « Scribe visum, et explána eum super tábulas, ut percúrrat qui légerit eum; quia adhuc visus procul et apparébit in finem et non mentiétur; si moram fécerit, exspécta illum, quia véniens véniet et non tardábit.

Ecce, qui incrédulus est, non erit recta ánima eius in semetípso; iustus autem in fide sua vivet ».

Verbum Dómini.

Psalmus responsorius Ps 94, 1-2. 6-7. 8-9 (R.: 8)

R. Utinam hódie vocem Dómini audiátis:

« Nolíte obduráre corda vestra ».

Veníte, exsultémus Dómino;
iubilémus Deo salutári nostro.

Præoccupémus fáciem eius in confessióne,
et in psalmis iubilémus ei. R.

Veníte, adorémus et procidámus,
et génua flectámus ante Dóminum qui fecit nos,
quia ipse est Deus noster,
et nos pópulus páscuæ eius et oves manus eius. R.

- 8 Utinam hódie vocem eius audiátis:
«Nolíte obduráre corda vestra,
9 sicut in Meríba secúndum diem Massa in desérto,
ubi tentavérunt me patres vestri:
probavérunt me, etsi vidérunt ópera mea ». R.

Lectio secunda

*Noli erubescere
testimonium Domini nostri.*

Léctio Epístolæ secúndæ beáti Pauli apóstoli
ad Timótheum 1, 6-8. 13-14

Caríssime:

Admóneo te ut resúscites donatióem Dei, quæ
est in te per impositiόem mánuum meárum; non enim
dedit nobis Deus Spíritum timóris, sed virtútis et di-
lectiόnis et sobrietátis.

Noli itaque erubescere testimónium Dómini nostri
neque me vinctum eius, sed collabóra Evangélio secún-
dum virtútem Dei.

Formam habe sanórum verbórum quæ a me audísti
in fide et dilectiόe quæ sunt in Christo Iesu; bo-
num depósitum custódi per Spíritum Sanctum qui há-
bitat in nobis.

Verbum Dómini.

Alleluia

1 Petr 1, 25

R. Allelúia. V. Verbum Dómini manet in ætérnum;
hoc est autem verbum quod evangelizátum
est in vos. R. Allelúia.

Evangelium

Si haberetis fidem.

✠ Lécitio sancti Evangélíi secúndum Lucam 17, 5-10

In illo témpore:

Dixerunt Apóstoli Dómino: « Adáuge nobis fidem ».

Dixit autem Dóminus: « Si haberétis fidem sicut granum sinápis, dicerétis huic árbori moro: "Eradicáre et transplantáre in mare", et obœdíret vobis.

Quis autem vestrum habens servum arántem aut pascéntem, qui regréssó de agro dicet illi: "Statim transi, recúmbe"; et non dicet ei: "Para quod cenem, et præcínge te et mínistra mihi donec mandúcem et bibam, et post hæc tu manducábis et bibes?" Numquid grátiam habet servo illi, quia fecit quæ præcépta sunt?

Sic et vos, cum fecérítis ómnia quæ præcépta sunt vobis dícite: "Servi inútiles sumus, quod debúimus fácere, fécimus" ».

Verbum Dómini.

Dicitur Credo.

Super oblata

Súscipe, quásumus, Dómine,
sacrificia tuis institúta præcéptis,
et sacris mystériis,
quæ débitæ servitútis celebrámus officio,
sanctificatióem tuæ nobis redemptiósni
dignánte adímple.
Per Christum.

Præfatío de dominicis « per annum », pp. 588-595.

Ant. ad communionem

Lam 3, 25

Bonus est Dóminus sperántibus in eum,
ánimæ quærénti illum.

Vel:

Cf. 1 Cor 10, 17

Unus panis et unum corpus multi sumus,
omnes qui de uno pane
et de uno cálice participámus.

Post communionem

Concéde nobis, omnípotens Deus,
ut de percéptis sacraméntis
inebriémur atque pascámur,
quátenus in id quod súmimus transeámus.
Per Christum.

Feria secunda

Ant. ad introitum

Est 13, 9. 10-11

In voluntáte tua, Dómine, univérsa sunt pósita,
et non est qui possit résistere voluntáti tuæ.
Tu enim fecísti ómnia, cælum et terram,
et univérsa quæ cæli ámbitu continéntur;
Dóminus univérsorum tu es.

Collecta

Omnípotens sempitérne Deus,
qui abundántia pietátis tuæ
et mérita súpplícum excédis et vota,
effúnde super nos misericórdiam tuam,
ut dimíttas quæ consciéntia métuit,
et adícias quod orátio non præsumit.
Per Dóminum.

Anno primo

Lectio prior

Surrexit Ionas, ut fugeret a facie Domini.

Initium libri Ionæ prophætæ

1, 1 — 2, 1. 11

Factum est verbum Dómini ad Ionam fílium Amáthi dicens: « Surge, et vade in Níniven civitátem grandem et prædica in ea, quia ascéndit malítia eius coram me ».

Et surrexit Ionas, ut fugeret in Tharsis a fácie Dómini, et descéndit in Ioppen, et invénit navem eúntem in Tharsis, et dedit naulum eius, et descéndit in eam, ut iret cum eis in Tharsis a fácie Dómini.

Dóminus autem misit ventum magnum in mare, et facta est tempésta magna in mari, et navis periclitabá-tur cónteri.

Et timuérunt nautæ, et clamavérunt viri ad deum suum et misérunt vasa, quæ erant in navi, in mare, ut alleviaretur ab eis; et Ionas descéndit ad interióra navis et dormiebat sopóre gravi.

Et accessit ad eum gubernátor et dixit ei: « Quid tu sopóre deprímeris? Surge, ínvoca Deum tuum, si forte recógitet Deus de nobis, et non pereámus ».

Et dixit vir ad collégam suum: « Veníte, et mitámus sortes et sciámus quare hoc malum sit nobis ». Et misérunt sortes et cécidit sors super Ionam.

Et dixerunt ad eum: « Indica nobis cuius causa malum istud sit nobis. Quod est opus tuum, quæ terra tua, et quo vadis vel ex quo pópulo es tu? »

Et dixit ad eos: « Hebræus ego sum et Dóminum Deum cæli ego tímeo, qui fecit mare et áridam ».

Et timuérunt viri timóre magno, et dixerunt ad eum: « Quid hoc fecísti? »

Cognovérunt enim viri quod a fácie Dómini fugeret,

quia indicáverat eis; et dixerunt ad eum: « Quid faciémus tibi, et cessábit mare a nobis? », quia mare ibat et intumescébat.

Et dixit ad eos: « Tóllite me et míttite in mare et cessábit mare a vobis; scio enim ego, quóniam propter me tempésta hęc grandis venit super vos ».

Et remigábant viri, ut reverteréntur ad áridam, et non valébant, quia mare ibat et intumescébat super eos.

Et clamavérunt ad Dóminum et dixerunt: « Quæsumus, Dómine, ne pereámus in ánima viri istíus, et ne des super nos sánguinem innocentem; quia tu, Dómine, sicut voluísti, fecísti ».

Et tulérunt Ionam et misérunt in mare, et stetit mare a fervóre suo, et timuérunt viri timóre magno Dómini et immolavérunt hóstias Dómino et vovérunt vota.

Et præparávit Dóminus piscem grandem ut deglutíret Ionam. Et erat Ionas in ventre piscis tribus diébus et tribus nóctibus. Et dixit Dóminus pisci, et evómuit Ionam in áridam. — Verbum Dóminum.

Psalmus responsorius

Ion 2, 3. 4. 5. 8 (R.: 7 c)

R. Sublevábis de corruptióne vitam meam, Dómine.

3 Clamávi de tribulatióne mea ad Dóminum,
et exaudivit me:
de ventre inferi clamávi, et exaudisti vocem meam. R.

4 Et proiecísti me in profúndum, in corde maris,
et flumen circúmdedit me:
omnes gúrgites tui et fluctus tui
super me transiérunt. R.

5 Et ego dixi:
« Abiéctus sum a conspéctu oculórum tuórum,
verúmtamen rursus vidébo templum sanctum tuum. R.

Cum angustiarétur in me ánima mea,
Dómini recordátus sum,
ut véniat ad te orátio mea,
ad templum sanctum tuum ». *R.*

Anno secundo

Lectio prior

*Neque ab homine accepi Evangelium, neque didici,
sed per revelationem Iesu Christi.*

Léctio Epístolæ beáti Pauli apóstoli ad Gálatas

1, 6-12

Fratres:

Miror quod tam cito transferímini ab eo qui vos vocávit in grátia Christi in áliud Evangélium, quod non est áliud; nisi sunt áliqui qui vos contúrbant et volunt convértere Evangélium Christi.

Sed licet nos aut ángelus de cælo evangelízet vobis præterquam quod evangelizávimus vobis, anáthema sit!

Sicut prædíximus, et nunc íterum dico, si quis vobis evangelizáverit præter id quod accepístis, anáthema sit! Modo enim homínibus suádeo aut Deo? Aut quæro homínibus placére? Si adhuc homínibus placérem, Christi servus non essem.

Notum enim vobis fácio, fratres, Evangélium quod evangelizátum est a me quia non est secúndum hóminem; neque enim ego ab hómine accépi illud, neque didici, sed per revelatiónem Iesu Christi.

Verbum Dómini.

Psalmus responsorius

Ps 110, 1-2. 7-8. 9 et 10 c (*R.*: 5 b)

R. Memor erit in sáculum testaménti sui.

vel Allelúia.

- ¹ Confitébor Dómino in toto corde meo,
in consílio iustórum et congregatióne.
- ² Magna ópera Dómini,
exquirénda ómnibus qui cúpiunt ea. *R.*
- ⁷ Opera mánuum eius
véritas et iudícium.
Fidélia ómnia mandáta eius,
⁸ confirmáta in sáeculum sáeculi,
facta in veritáte et æquitáte. *R.*
- ⁹ Redemptiónem misit pópulo suo,
mandávit in ætérnum
testaméntum suum.
Sanctum et terríbile nomen eius;
¹⁰ laudátio eius manet in sáeculum sáeculi. *R.*

Alleluia

Io 13, 34

R. Allelúia. *V.* Mandátum novum do vobis,
dicit Dóminus,
ut diligátis ínicem, sicut diléxi vos.
R. Allelúia.

Evangelium

Quis est meus proximus?

✠ Lécio sancti Evangélíi secúndum Lucam 10, 25-37

In illo témpore:

Ecce quidam Legis perítus surréxit tentans Iesum,
dicens: « Magíster, quid faciéndó vitam ætérnam pos-
sidébo? »

At ille dixit ad eum: « In Lege quid scriptum est?
Quómodo legis? »

Ille autem respóndens dixit: « Díliges Dóminum
Deum tuum ex toto corde tuo et ex tota ánima tua et

ex ómnibus víribus tuis et ex omni mente tua, et próximum tuum sicut te ipsum ».

Dixítque illi: « Recte respondísti: hoc fac et vives ».

Ille autem, volens iustificáre se ipsum, dixit ad Iesum: « Et quis est meus próximus? »

Suscípiens autem Iesus dixit: « Homo quidam descendébat ab Ierúsalem in Iéricho et incidit in latrónes, qui étiam despoliavérunt eum et plagis impóstitis abiérunt semivívo relícto.

Accidit autem ut sacérdos quidam descénderet eádem via, et viso illo præterívit; simíliter et Levíta, cum esset secus locum et vidéret eum, pertránsiit.

Samaritánus autem quidam, iter fáciens, venit secus eum et videns eum misericórdia motus est, et apprópians alligávit vúlnera eius, infúndens óleum et vinum, et impónens illum in iumentum suum, duxit in stábulum et curam eius egit.

Et áltera die protulit duos denários et dedit stabulário et ait: “ Curam illíus habe, et quodcúmque supere rogáveris, ego cum rediero reddam tibi ”.

Quis horum trium vidétur tibi próximus fuisse illi qui incidit in latrónes? »

At ille dixit: « Qui fecit misericórdiam in illum ».

Et ait illi Iesus: « Vade, et tu fac simíliter ».

Verbum Dómini.

Super oblata

Súscipe, quæsumus, Dómine,
sacrificia tuis institúta præcéptis,
et sacris mystériis,
quæ débitæ servitútis celebrámus offício,
sanctificatióem tuæ nobis redemptiόνis
dignánte adímple.
Per Christum.

Ant. ad communionem

Lam 3, 25

Bonus est Dóminus sperántibus in eum,
ánimæ quærénti illum.

Vel:

Cf. 1 Cor 10, 17

Unus panis et unum corpus multi sumus,
omnes qui de uno pane
et de uno cálice participámus.

Post communionem

Concéde nobis, omnípotens Deus,
ut de percéptis sacraméntis
inebriémur atque pascámur,
quátenus in id quod súmimus transeámus.
Per Christum.

Feria tertia

Ant. ad introitum

Est 13, 9. 10-11

In voluntáte tua, Dómine,
univérsa sunt pósita,
et non est qui possit resístere voluntáti tuæ.
Tu enim fecísti ómnia, cælum et terram,
et univérsa quæ cæli ámbitu continéntur;
Dóminus univérsorum tu es.

Collecta

Omnípotens sempitérne Deus,
qui abundántia pietátis tuæ
et mérita súpplícum excédis et vota,
effúnde super nos misericórdiam tuam,
ut dimíttas quæ consciéntia métuit,
et adícias quod orátio non præsumit.
Per Dóminum.

Anno primo

Lectio prior

*Conversi sunt Ninivitæ de via sua mala
et misertus est Deus.*

Lectio libri Ionæ prophætæ

3, 1-10

Factum est verbum Dómini ad Ionam secúndo dicens: « Surge et vade in Níniven civitátem magnam et prædica in ea prædicatióem, quam ego loquor ad te ». Et surréxit Ionas et ábiit in Níniven iuxta verbum Dómini.

Et Nínive erat cívitas magna itínere trium diérum, et cœpit Ionas introíre in civitátem itínere diéi uníus et clamávit et dixit: « Adhuc quadragínta dies, et Nínive subvertétur ».

Et credidérunt viri Ninivítæ in Deum et prædicavérunt ieiúnium et vestíti sunt saccis a maióre usque ad minórem.

Et pervénit verbum ad regem Nínive, et surréxit de sólio suo et abiécit vestiméntum suum a se et indútus est sacco et sedit in cínere. Et clamávit et dixit in Nínive, ex ore regis et princípum eius, dicens:

« Hómines et iuménta et boves et pécora non gustent quidquam nec pascántur et aquam non bibant, et operiántur saccis hómines et iuménta et clament ad Dóminum in fortitúdine, et convertátur vir a via sua mala et ab iniquitáte, quæ est in mánibus eórum.

Quis scít si convertátur et ignóscat Deus et revertátur a furóre iræ suæ, et non períbimus? »

Et vidit Deus ópera eórum, qui convérsi sunt de via sua mala, et misértus est Deus super malítiam, quam locútus fúerat ut fáceret eis, et non fecit.

Verbum Dómini.

Psalmus responsorius Ps 129, 1-2. 3-4 ab. 7-8 (R.: 3)

R. Si iniquitátes observáveris, Dómine, quis sustinébit?

1 De profúndis clamávi ad te, Dómine;

2 Dómine, exáudi vocem meam.

Fiant aures tuæ intendéntes
in vocem deprecationis meæ. R.

3 Si iniquitátes observáveris, Dómine,

Dómine, quis sustinébit?

4 Quia apud te propitiátio est,
et timébimus te. R.

7 Quia apud Dóminum misericórdia,
et copiósa apud eum redemptio.

8 Et ipse rédimet Israel
ex ómnibus iniquitátibus eius. R.

Anno secundo

Lectio prior

*Revelavit Filium suum in me
ut evangelizarem illum in gentibus.*

Lectio Epístolæ beáti Pauli apóstoli ad Gálatas

1, 13-24

Fratres:

Audístis conversatióem meam aliquándo in Iudaísmo, quóniam supra modum persecuébar Ecclésiám Dei et expugnábam illam, et proficiébam in Iudaísmo supra multos coætáneos in génere meo, abundantius æmulátor exsístens paternárum meárum traditiónum.

Cum autem plácuít Deo qui me segregávit ex útero matris meæ et vocávit per grátiam suam, ut reveláret

Fílium suum in me, ut evangelizárem illum in géntibus, contínuo non cóntuli cum carne et ságuine, neque ascénderi Hierosólymam ad antecessóres meos Apóstolos, sed ábii in Arábiā, et íterum revérsus sum Damáscum.

Deínde post annos tres ascénderi Hierosólymam vidére Cepham, et mansi apud eum diébus quíndecim; alium autem Apostolorum non vidi, nisi Iacóbum fratrem Dómini. Quæ autem scribo vobis, ecce coram Deo quia non méntior.

Deínde veni in partes Sýriæ et Cilíciæ. Eram autem ignótus fácie Ecclésiis Iudææ quæ sunt in Christo, tantum autem audítum habébant: « Qui persequébatur nos aliquándo, nunc evangelizat fidem quam aliquándo expugnábat », et in me glorificábant Deum.

Verbum Dómini.

Psalmus responsorius

Ps 138, 1-3. 13-14 ab. 14 c-15 (R.: 24 b)

R. Deduc me, Dómine, in via æténa.

¹ Dómine, scrutátus es et cognovísti me,
² tu cognovísti sessiónem meam et resurrectionem meam.
 Intellexísti cogitatiónes meas de longe,
³ sémitam meam et accúbitum meum investigásti.
 Et omnes vias meas perspexísti. R.

¹³ Quia tu formásti renes meos,
 contextuísti me in útero matris meæ.
¹⁴ Confitébor tibi, quia mirabíliter plasmátus sum;
 mirabília ópera tua. R.

Et ánima mea cognóscit nimis.
¹⁵ Non sunt abscondita ossa mea a te,
 cum factus sum in occúlto,
 et intéxtus in inferiórius terræ. R.

Alleluia

Lc 11, 28

℟. Allelúia. ℣. Beáti qui ádiunt verbum Dei
et custódiunt illud.

℟. Allelúia.

Evangelium

Martha excepit illum.

Maria optimam partem elegit.

✠ Lécio sancti Evangélíi secúndum Lucam 10, 38-42

In illo témpore:

Cum irent Iesus et discipuli eius, ipse intrávit in quoddam castéllum, et múlíer quædam Martha nómine excépit illum. Et huic erat soror nómine María, quæ étiam sedens secus pedes Dómini audiébat verbum illíus.

Martha autem satagébat circa frequens ministérium; quæ stetit et ait: « Dómine, non est tibi curæ quod soror mea relíquit me solam ministráre? Dic ergo illi ut me ádiuvet ».

Et respóndens dixit illi Dóminus: « Martha, Martha, sollicita es et turbáris erga plúrima, porro unum est necessariúm: María enim óptimam partem elégit, quæ non auferétur ab ea ».

Verbum Dómini.

Super oblata

Súscipe, quæsumus, Dómine,
sacrificia tuis institúta præcéptis,
et sacris mystériis,
quæ débitæ servitútis celebrámus officio,
sanctificatióem tuæ nobis redemptiόνis
dignánte adimple.
Per Christum.

Ant. ad communionem

Lam 3, 25

Bonus est Dóminus sperántibus in eum,
ánimæ quærénti illum.

Vel:

Cf. 1 Cor 10, 17

Unus panis et unum corpus multi sumus,
omnes qui de uno pane
et de uno cálice participámus.

Post communionem

Concéde nobis, omnípotens Deus,
ut de percéptis sacraméntis
inebriémur atque pascámur,
quátenus in id quod súmimus transeámus.
Per Christum.

Feria quarta

Ant. ad introitum

Est 13, 9. 10-11

In voluntáte tua, Dómine,
univérſa sunt pósita,
et non est qui possit resístere voluntáti tuæ.
Tu enim fecísti ómnia, cælum et terram,
et univérſa quæ cæli ámbitu continéntur;
Dóminus universórum tu es.

Collecta

Omnípotens sempitérne Deus,
qui abundántia pietátis tuæ
et mérita súpplícum excédis et vota,
effúnde super nos misericórdiam tuam,
ut dimíttas quæ consciéntia métuit,
et adícias quod orátio non præsumit.
Per Dóminum.

Anno primo

Lectio prior

*Tu doles super hederam, et ego non parcam
Ninive civitati magnæ?*

Lectio libri Ionæ prophætæ

4, 1-11

Afflictus est Ionas afflictione magna et iratus est, et oravit ad Dñm et dixit: « Obsecro, Dñe: numquid non hoc est verbum meum, cum adhuc essem in terra mea?

Propter hoc preoccupavi ut fugerem in Tharsis; scio enim quia tu Deus clemens et misericors es, ptiens et multæ miseratiõnis, et ignoscens super malitia.

Et nunc, Dñe, tolle, quæso, animam meam a me, quia melior est mihi mors quam vita ».

Et dixit Dñs: « Putasne bene irasceris tu? »

Et egressus est Ionas de civitate, et sedit contra orientem civitatis, et fecit sibi umbraculum ibi, et sedebat subter illud in umbra, donec videret quid accideret civitati.

Et preparavit Dñs Deus hederam, et ascendit super caput Ionæ, ut esset umbra super caput eius et protegeret eum, laboraverat enim. Et lætatus est Ionas super hederam lætitia magna.

Et paravit Deus vermem ascensu diluculi in crastinum, et percussit hederam, et exaruit.

Et, cum ortus fuisset sol, præcepit Dñs vento calido et urenti, et percussit sol super caput Ionæ, et æstuabat et petivit animæ suæ ut moreretur et dixit: « Melius est mihi mori quam vivere ».

Et dixit Dñs ad Ionam: « Putasne bene irasceris tu super hedera? »

Et dixit: « Bene irascor ego usque ad mortem ».

Et dixit Dóminus: « Tu doles super héderam, in qua non laborásti neque fecísti ut crésceret, quæ sub una nocte nata est et sub una nocte périit;

et ego non parcam Nínive civitatí magnæ, in qua sunt plus quam centum vigínti mília hóminum, qui nésciunt quid sit inter dexteram et sinístram suam, et iuménta multa? » — Verbum Dómini.

Psalmus responsorius

Ps 85, 3-4. 5-6. 9-10 (R.: 15 b)

R. Tu es, Dómine, pátiens et multæ misericórdiæ.

3 Miserére mei, Dómine, quóniam ad te clamávi tota die.

4 Lætífica ánimam servi tui,
quóniam ad te, Dómine, ánimam meam levávi. R.

5 Quóniam tu, Dómine, suávis et mitis,
et multæ misericórdiæ ómnibus invocántibus te.

6 Auribus pércipe, Dómine, oratióem meam,
et inténde voci deprecatióis meæ. R.

9 Omnes gentes quascúmque fecísti vénient,
et adorábunt coram te, Dómine;
et glorificábunt nomen tuum,
10 quóniam magnus es tu, et fáciens mirabília:
tu es Deus solus. R.

Anno secundo

Lectio prior

Cognoverunt gratiam quæ data est mihi.

Lectio Epístolæ beáti Pauli apóstoli ad Gálatas

Fratres:

2, 1-2. 7-14

Post annos quattuórdecim íterum ascéndi Hierosólymam cum Bárnaba, assúmpto et Tito; ascéndi autem se-

cúndum revelatióem; et cóntuli cum illis Evangélium quod prædico in géntibus, seórsum autem his qui observabántur, ne forte in vácuum cúrrerem aut cucuríssem.

Sed e contra cum vidíssent quod créditum est mihi Evangélium præpútii, sicut Petro circumcisióis, qui enim operátus est Petro in apostolátum circumcisióis operátus est et mihi inter gentes,

et cum cognovíssent grátiam quæ data est mihi, Iacóbus et Cephás et Ioánnes, qui videbántur colúmnae esse, dexterás dedérunt mihi et Bárnabæ communióis, ut nos in gentes, ipsi autem in circumcisióem;

tantum ut páuperum mémoressémus, quod étiam sollicitus fui hoc ipsum fácere.

Cum autem venísset Cephás Antiochiám, in fáciem ei réstiti, quia reprehensibilis erat.

Prius enim quam venírent quidam ab Iacóbo, cum géntibus comedébat; cum autem veníssent, subtrahébat et segregábat se, timens eos qui ex circumcisióne erant.

Et simulatióni eius consensérunt céteri Iudæi, ita ut et Bárnabas simul abducerétur illórum simulatióne.

Sed cum vidíssem quod non recte ambulárent ad veritátem Evangélii, dixi Cephæ coram ómnibus: « Si tu, cum Iudæus sis, gentíliter et non iudáice vivis, quómodo gentes cogis iudaizáre? »

Verbum Dómini.

Psalmus responsorius

Ps 116, 1. 2 (R.: Mc 16, 15)

R. Eúntes in mundum univérsum,
prædicáte Evangélium.

vel Allelúia.

¹ Laudáte Dóminum, omnes gentes,
collaudáte eum, omnes pópuli. **R.**

Quóniam confirmáta est
super nos misericórdia eius,
et véritas Dómini manet in ætérnum. *R.*

Alleluia

Rom 8, 15

R. Allelúia. *V.* Accepístis Spíritum adoptiónis filiórum,
in eo clamámus: Abba, Pater.

R. Allelúia.

Evangelium

Domine, doce nos orare.

✠ Lécio sancti Evangélíi secúndum Lucam 11, 1-4

In illo témpore:

Factum est cum esset Iesus in loco quodam orans,
ut cessávit, dixit unus ex discípulis eius ad eum: « Dó-
mine, doce nos oráre, sicut et Ioánnes dócuit discípulos
suos ».

Et ait illis: « Cum orátis dícite: " Pater, sanctificétur
Nomen tuum, advéniat Regnum tuum, panem nostrum
cotidiánum da nobis cotidie, et dimítte nobis peccáta
nostra, síquidem et ipsi dimíttimus omni debénti nobis,
et ne nos indúcas in tentatióem " ».

Verbum Dómini.

Super oblata

Súscipe, quæsumus, Dómine,
sacrificia tuis institúta præcéptis,
et sacris mystériis,
quæ débitæ servitútis celebrámus offício,
sanctificatióem tuæ nobis redemptiónis
dignánte adimple.
Per Christum.

Ant. ad communionem

Lam 3, 25

Bonus est Dóminus sperántibus in eum,
ánimæ quærénti illum.

Vel:

Cf. 1 Cor 10, 17

Unus panis et unum corpus multi sumus,
omnes qui de uno pane
et de uno cálice participámus.

Post communionem

Concéde nobis, omnípotens Deus,
ut de percéptis sacraméntis
inebriémur atque pascámur,
quátenus in id quod súmimus transeámus.
Per Christum.

Feria quinta

Ant. ad introitum

Est 13, 9. 10-11

In voluntáte tua, Dómine,
univérsa sunt pósita,
et non est qui possit resistere voluntáti tuæ.
Tu enim fecísti ómnia, cælum et terram,
et univérsa quæ cæli ámbitu continéntur;
Dóminus universórum tu es.

Collecta

Omnípotens sempitérne Deus,
qui abundántia pietátis tuæ
et mérita súpplícum excédis et vota,
effúnde super nos misericórdiam tuam,
ut dimíttas quæ consciéntia métuit,
et adicias quod orátio non præsumit.
Per Dóminum.

Anno primo

Lectio prior

Ecce dies veniet succensa quasi caminus.

Lectio libri Malachíæ prophétæ 3, 13 — 4, 2 a

« Invaluérunt super me verba vestra, dicit Dóminus; et dixístis: " Quid locúti sumus contra te? " Dixístis: " Vanus est qui servit Deo; et quod emoluméntum quia custodívimus præcépta eius et quia ambulávimus tristes coram Dómino exercítuum? »

Ergo nunc beátos dícimus arrogántes; síquidem ædificáti sunt faciéntes impietátem, et tentavérunt Deum et salvi facti sunt " .

Tunc locúti sunt timéntes Dóminum, unusquísque cum próximo suo, et atténdit Dóminus et audívit, et scriptus est liber monuménti coram eo timéntibus Dóminum et cogitántibus nomen eius.

Et erunt mihi, ait Dóminus exercítuum, in die, qua ego fácio, in pecúlium, et parcam eis, sicut parcit vir fílio suo serviénti sibi. Et convertémini, et vidébitis quid sit inter iustum et ímpium, et inter serviéntem Deo et non serviéntem ei.

Ecce enim dies véniet succénsa quasi caminus, et erunt omnes supérbi et omnes faciéntes impietátem stí-pula, et inflammábit eos dies véniens, dicit Dóminus exercítuum, quæ non derelínquet eis radícem et germen.

Et oriétur vobis timéntibus nomen meum sol iustí-tiæ et sánitas in pennis eius ». — Verbum Dómini.

Psalmus responsorius

Ps 1, 1-2. 3. 4 et 6 (R.: 39, 5 a)

R. Beátus vir, qui pósuit Dóminum spem suam.

1 Beátus vir, qui non ábiit in consílio impiórum,
et in via peccatórum non stetit,
2 et in convéntu derisórum non sedit;
sed in lege Dómini volúntas eius. *R.*

3 Et erit tamquam lignum
plantátum secus decúrsus aquárum,
quod fructum suum dabit in témpore suo;
et fólíum eius non défluet,
et ómnia quæcúmque fáciat
prosperabúntur. *R.*

4 Non sic ímpii, non sic,
sed tamquam pulvis quem próicit ventus.
6 Quóniam novit Dóminus viam iustórum,
et iter impiórum períbit. *R.*

Anno secundo

Lectio prior

*Ex operibus Legis Spiritum accepistis,
an ex auditu fidei?*

Léctio Epístolæ beáti Pauli apóstoli ad Gálatas 3, 1-5

O insensáti Gálataë, quis vos fascinávit, ante quorum
óculos Iesus Christus descríptus est crucifíxus?

Hoc solum volo a vobis díscere: ex opéribus Legis
Spíritum accepístis, an ex audítu fídei? Sic stulti estis?
Cum Spíritu cœpéritis, nunc carne consummámini? Tan-
ta passi estis sine causa? Si tamen et sine causa!

Qui ergo tríbuit vobis Spíritum et operátur virtútes
in vobis, ex opéribus Legis an ex audítu fídei?

Verbum Dómini.

Psalmus responsorius

Lc 1, 69-70. 71-72. 73-75 (R.: 68)

R. Benedíctus Deus Israel,
quia visitávit plebem suam.

- 69 Et eréxit cornu salútis nobis
in domo David púeri sui;
70 sicut locútus est per os sanctórum,
qui a sáculo sunt, prophetárum eius. R.
71 Salútem ex inimícis nostris,
et de manu ómnium qui odérunt nos:
72 ad faciéndam misericórdiam cum pátribus nostris,
et memorári testaménti sui sancti. R.
73 Iusiurándum,
quod iurávit ad Abraham patrem nostrum,
74 datúrum se nobis, ut sine timóre,
de manu inimicórum nostrórum liberáti,
serviámus illi
75 in sanctitáte et iustítia coram ipso
ómnibus diébus nostris. R.

Alleluia

Cf. Act 16, 14 b

R. Allelúia. V. Aperi, Dómine, cor nostrum,
ut intendámus verbis Fílii tui.
R. Allelúia.

Evangelium

Petite et dabitur vobis

✠ Lécio sancti Evangélíi secúndum Lucam 11, 5-13

In illo témpore: Ait Iesus ad discipulos:

« Quis vestrum habébit amícum et ibit ad illum mé-

dia nocte, et dicet illi: " Amíce, cómmoda mihi tres panes, quóniam amícus meus venit de via ad me et non hábeo quod ponam ante illum ";

et ille de intus respóndens dicat: " Noli mihi moléstus esse; iam óstium clausum est, et púeri mei mecum sunt in cubíli; non possum súrgere et dare tibi ".

Dico vobis: Et si non dabit illi surgens, eo quod amícus eius sit, propter improbitátem tamen eius surget et dabit illi quotquot habet necessariós.

Et ego vobis dico: Pétite et dábitur vobis; quárite et inveniétis; pulsáte et aperiétur vobis. Omnis enim qui petit, áccipit, et qui quærit, ínvenit, et pulsánti aperiétur.

Quem autem ex vobis patrem fílius petierit piscem, numquid pro pisce serpéntem dabit illi? Aut si petierit ovum, numquid pórriget illi scoriónem?

Si ergo vos, cum sitis mali, nostis dona bona dare fíliis vestris, quanto magis Pater de cælo dabit Spíritum Sanctum peténtibus se ».

Verbum Dómini.

Super oblata

Súscipe, quásumus, Dómine,
sacrificia tuis institúta præcéptis,
et sacris mystériis,
quæ débitæ servitútis celebrámus officio,
sanctificatióem tuæ nobis redemptiónis
dignánte adimple.
Per Christum.

Ant. ad communionem

Lam 3, 25

Bonus est Dóminus
sperántibus in eum,
ánimæ quærénti illum.

Vel:

Cf. 1 Cor 10, 17

Unus panis et unum corpus multi sumus,
omnes qui de uno pane
et de uno cálice participámus.

Post communionem

Concéde nobis, omnípotens Deus,
ut de percéptis sacraméntis
inebriémur atque pascámur,
quátenus in id quod súmimus transeámus.
Per Christum.

Feria sexta**Ant. ad introitum****Est 13, 9. 10-11**

In voluntáte tua, Dómine,
univérsa sunt pósita,
et non est qui possit resístere voluntáti tuæ.
Tu enim fecísti ómnia,
cælum et terram,
et univérsa quæ cæli ámbitu continéntur;
Dóminus universórum tu es.

Collecta

Omnípotens sempitérne Deus,
qui abundántia pietátis tuæ
et mérita súpplícum excédis et vota,
effúnde super nos misericórdiam tuam,
ut dimíttas quæ consciéntia méruit,
et adícias quod orátio non præsumit.
Per Dóminum.

Anno primo**Lectio prior***Dies Domini, dies tenebrarum et caliginis.***Léctio libri Ioélis prophétæ** **1, 13-15; 2, 1-2**

Accíngite vos et plángite, sacerdótes; ululáte, minístri altáris; ingredímini, cubáte in sacco, minístri Dei mei, quóniam intériit de domo Dei vestri sacrificíum et libátio.

Sanctificáte ieiúnum, vocáte cœtum, congregáte senes, omnes habitatóres terræ in domum Dei vestri, et clamáte ad Dóminum: « A a a diéi », quia prope est dies Dómini et quasi vástitas a potén-te véniet.

Cánite tuba in Sion, ululáte in monte sancto meo, conturbéntur omnes habitatóres terræ, quia venit dies Dómini, quia prope est.

Dies tenebrárum et caliginis, dies nubis et túrbinis; quasi mane expánsus super montes pópulus multus et fortis: símilis ei non fuit a principio, et post eum non erit usque in annos generatiónis et generatiónis.

Verbum Dómini.

Psalmus responsorius **Ps 9, 2-3. 6 et 16. 8-9 (R.: 9 a)**

R. Dóminus iudicábit orbem terræ in iustítia.

² Confitébor tibi, Dómine, in toto corde meo;
narrábo ómnia mirabília tua.

³ Lætábor et exsultábo in te,
psallam nómini tuo, Altíssime. R.

⁶ Increpásti gentes, perdidísti ímpium;
nomen eórum delésti in ætérnum et in sáculum sáculi.

16 Infíxæ sunt gentes in fóvea quam fecérunt;
in láqueo isto quem abscondérunt
comprehénsus est pes eórum. *R.*

8 Dóminus autem in ætérnum sedébit,
parávit in iudícium thronum suum,
9 et ipse iudicábit orbem terræ in iustítia,
iudicábit pópulos in æquitáte. *R.*

Anno secundo

Lectio prior

Qui ex fide sunt benedicuntur cum fideli Abraham.

Léctio Epístolæ beáti Pauli apóstoli ad Gálatas

3, 7-14

Fratres:

Cognóscitis quia qui ex fide sunt, hi sunt filii Abrahæ. Próvidens autem Scriptúra quia ex fide iustificat gentes Deus, prænuntiávit Abrahæ: « Benedicéntur in te omnes gentes ». Igitur qui ex fide sunt benedicúntur cum fidéli Abraham.

Quicúmque enim ex opéribus Legis sunt, sub maledicto sunt; scriptum est enim: « Maledíctus omnis qui non permánserit in ómnibus quæ scripta sunt in libro Legis, ut fáciat ea ».

Quóniam autem in Lege nemo iustificátur apud Deum maniféstum est, quia « Iustus ex fide vivet »; Lex autem non est ex fide, sed « Qui fécerit ea vivet in illis ».

Christus nos redémit de maledicto Legis factus pro nobis maledíctum, quia scriptum est: « Maledíctus omnis qui pendet in ligno », ut in gentes benedíctio Abrahæ fíeret in Christo Iesu, ut promissiónem Spíritus accipiámus per fidem. — Verbum Dómini.

Psalmus responsorius Ps 110, 1-2. 3-4. 5-6 (R.: 5 b)

R. Memor erit Dóminus in sǎculum testaménti sui.
vel Allelúia.

- 1 Confitébor Dómino in toto corde meo,
in consílio iustórum et congregatióne.
- 2 Magna ópera Dómini,
exquirénda ómnibus qui cúpiunt ea. R.
- 3 Decor et magnificéntia opus eius,
et iustítia eius manet in sǎculum sǎculi.
- 4 Memóriam fecit mirábiliu suórum,
miséricors et miserátor Dóminus. R.
- 5 Escam dedit timéntibus se;
memor erit in sǎculum testaménti sui.
- 6 Virtútem óperu suórum annuntiávit pópulo suo,
ut det illis hereditátem géntium. R.

Alleluia

Io 12, 31 b-32

R. Allelúia. V. Nunc princeps huius mundi eiciétur foras,
dicit Dóminus;
et ego, si exaltátus fúero a terra, ómnia
traham ad meípsum. R. Allelúia.

Evangeliu

*Si in digito Dei eicio dæmonia,
pervenit in vos Regnum Dei.*

✠ Lécio sancti Evangélii secúndum Lucam 11, 15-26

In illo témpore:

Cum eiecísset Iesus dæmónium, dixerunt quidam ex turba: « In Beélzebul príncipe dæmoniórú éicit dæ-

mónia ». Et álíi, tentántes, signum de cælo quærébant ab eo.

Ipse autem, sciens cogitatiónes eórum, dixit eis: « Omne regnum in se ipsum divísus desolátur, et domus supra domum cadit.

Si autem et Sátanas in se ipsum divísus est, quómodo stabit regnum ipsíus? Quia dícitis in Beélzebul éicere me dæmónia.

Si autem ego in Beélzebul éicio dæmónia, filii vestri in quo éiciunt? Ideo ipsi iúdices vestri erunt. Porro si in dígitó Dei éicio dæmónia, profécto pervénit in vos Regnum Dei.

Cum fortis armátus custódit átrium suum, in pace sunt ea quæ póssidet; si autem fórtior illo supervéniens vícerit eum, univérsa arma eius áuferet, in quibus confidébat, et spólia eius distríbuet.

Qui non est mecum, advérsus me est, et qui non cólligit mecum, dispérgit.

Cum immúndus spíritus exíerit de hómíne, perámbulat per loca inaquósa quærens réquiem et non invéniens dicit: " Revértar in domum meam unde exívi ".

Et cum vénerit, ínvenit scopis mundátam et exornátam. Et tunc vadit et assúmit septem álíos spíritus nequióres se, et ingrési hábitant ibi, et sunt novíssima hómínis illíus peióra prióríbus ».

Verbum Dómini.

Super oblata

Súscipe, quæsumus, Dómine,
sacríficia tuis institúta præcéptis,
et sacris mystériis,
quæ débitæ servitútis celebrámus offício,
sanctificatióne tuæ nobis redemptiόνis
dignánte adímple. Per Christum.

Ant. ad communionem

Lam 3, 25

Bonus est Dóminus sperántibus in eum,
ánimæ quærénti illum.

Vel:

Cf. 1 Cor 10, 17

Unus panis et unum corpus multi sumus,
omnes qui de uno pane et de uno cálice participámus.

Post communionem

Concéde nobis, omnípotens Deus,
ut de percéptis sacraméntis
inebriémur atque pascámur,
quátenus in id quod súmimus transeámus.
Per Christum.

Sabbato

Ant. ad introitum

Est 13, 9. 10-11

In voluntáte tua, Dómine, univérsa sunt pósita,
et non est qui possit resístere voluntáti tuæ.
Tu enim fecísti ómnia, cælum et terram,
et univérsa quæ cæli ámbitu continéntur;
Dóminus universórum tu es.

Collecta

Omnípotens sempitérne Deus,
qui abundántia pietátis tuæ
et mérita súpplícum excédis et vota,
effúnde super nos misericórdiam tuam,
ut dimíttas quæ consciéntia métuit,
et adícias quod orátio non præsumit.
Per Dóminum.

Anno primo

Lectio prior

Mittite falces, quoniam maturavit messis.

Léctio libri Ioélis prophétæ

3, 12-21

Hæc dicit Dóminus:

« Consúrgant et ascéndant gentes in vallem Iósaphat; quia ibi sedébo ut iúdicem omnes gentes in circúitu. Míttite falces, quóniam maturávit messis; veníte et descéndite, quia plenum est tórcular, exúberant torculária, quia multiplicáta est malítia eórum.

Pópuli, pópuli, in valle concisiónis, quia iuxta est dies Dómini, in valle concisiónis. Sol et luna obtenebráti sunt, et stellæ retraxérunt splendórem suum, et Dóminus de Sion rúgiet, et de Ierúsalem dabit vocem suam, et movebúntur cæli et terra, et Dóminus spes pópuli sui et fortitúdo filiórum Israel.

Et sciétis quia ego Dóminus Deus vester hábitans in Sion monte sancto meo; et erit Ierúsalem sancta, et aliéni non transíbunt per eam ámplius.

Et erit in die illa, stillábunt montes dulcédinem, et colles fluent lacte, et per omnes rivos Iuda ibunt aquæ, et fons de domo Dómini egrediétur et irrigábit torrén-tem spinárum. Ægýptus in desolatióne erit, et Idu-mæa in désertum perditiónis, pro eo quod iníque égerint in filios Iuda, et effúderint ságuinem innocéntem in terra sua.

Et Iudæa in ætérnum habitábitur, et Ierúsalem in generatióne et generatióne, et mundábo ságuinem eórum, quem non mundáveram, et Dóminus commorábitur in Sion ». — Verbum Dómini.

*Psalmus resp. Ps 96, 1-2. 5-6. 11-12 (R.: 12 a)**R. Lætámini, iusti, in Dómino.*

- ¹ Dóminus regnávít, exsúltet terra, læténtur ínsulæ multæ.
² Nubes et caligo in circúitu eius,
iustítia et iudícium firmaméntum sedis eius. *R.*
- ⁵ Montes sicut cera fluxérunt a fácie Dómini,
a fácie Dómini omnis terra.
- ⁶ Annuntiavérunt cæli iustítiam eius,
et vidérunt omnes pópuli glóriam eius. *R.*
- ¹¹ Lux orta est iusto, et rectis corde lætítia.
¹² Lætámini, iusti, in Dómino,
et confitémini memóriæ sanctitátis eius. *R.*

Anno secundo*Lectio prior**Omnes filii Dei estis per fidem.***Léctio Epístolæ beáti Pauli apóstoli ad Gálatas 3, 22-29****Fratres:**

Conclúsit Scriptúra ómnia sub peccáto, ut promís-
sio ex fide Iesu Christi darétur credéntibus.

Prius autem quam veníret fides, sub Lege custodie-
bámur conclúsi in eam fidem quæ revelánda erat.

Itaque Lex pædagógus noster fuit in Christum, ut
ex fide iustificémur; at ubi venit fides, iam non sumus
sub pædagógo. Omnes enim filii Dei estis per fidem in
Christo Iesu.

Quicúmque enim in Christo baptizáti estis, Christum
induístis; non est Iudæus neque Græcus, non est servus
neque liber, non est másculus et fémina: omnes enim
vos unus estis in Christo Iesu.

Si autem vos Christi, ergo Abrahæ semen estis, secundum promissionem heredes. — Verbum Dómini.

Psalmus responsorius Ps 104, 2-3. 4-5. 6-7 (R.: 8 a)

R. Memor fuit Dóminus in sæculum testaménti sui.

vel Allelúia.

- 2 Cantáte ei et psállite ei,
meditámini in ómnibus mirabílibus eius.
- 3 Laudámini in nómine sancto eius,
lætétur cor quæréntium Dóminum. R.
- 4 Quæríte Dóminum et poténtiam eius,
quæríte fáciem eius semper.
- 5 Mementóte mirabílium eius quæ fecit,
prodígia eius et iudícia oris eius. R.
- 6 Semen Abraham, servi eius, filii Iacob, elécti eius.
- 7 Ipse Dóminus Deus noster;
in univérsa terra iudícia eius. R.

Alleluia

Lc 11, 28

R. Allelúia. 7. Beáti qui áucliunt verbum Dei
et custódiunt illud. R. Allelúia.

Evangelium

*Beatus venter qui te portavit.
Quinimmo beati qui audiunt verbum Dei.*

✠ Lécio sancti Evangélii secundum Lucam **11, 27-28**

In illo témpore:

Factum est, cum Iesus loquerétur ad turbas, extóllens vocem quædam múluer de turba dixit illi: « Beátus venter qui te portávit, et úbera quæ suxísti ».

At ille dixit: « Quinímmo beáti qui áudiunt verbum Dei et custódiunt ». — Verbum Dómini.

Super oblata

Súscipe, quæsumus, Dómine,
sacrificia tuis institúta præcéptis,
et sacris mystériis,
quæ débitæ servitútis celebrámus offício,
sanctificatióem tuæ nobis redemptiόνis
dignánte adímple.
Per Christum.

Ant. ad communionem

Lam 3, 25

Bonus est Dóminus sperántibus in eum,
ánimæ quærénti illum.

Vel:

Cf. 1 Cor 10, 17

Unus panis et unum corpus multi sumus,
omnes qui de uno pane et de uno cálice participámus.

Post communionem

Concéde nobis, omnípotens Deus,
ut de percéptis sacraméntis
inebriémur atque pascámur,
quátenus in id quod súmimus transeámus.
Per Christum.

DOMINICA XXVIII « PER ANNUM »

Ant. ad introitum

Ps 129, 3-4

Si iniquitátes observáveris, Dómine,
Dómine, quis sustinébit?
Quia apud te propitiátio est, Deus Israel.

Dicitur Glória in excélsis.

Collecta

Tua nos, quæsumus, Dómine, grátia
semper et prævéniat et sequátur,
ac bonis opéribus iúgiter præstet esse inténtos.
Per Dóminum.

Anno A

Lectio prima

*Faciet Dominus convivium, et auferet lacrimam
ab omni facie.*

Léctio libri Isaíæ prophétæ

25, 6-10 a

Fáciét Dóminus exercítuum ómnibus pópulis in monte hoc convívium píngruum, convívium vindémíæ, píngruum medullatórum, vindémíæ defæcátæ.

Et præcipitábit in monte isto fáciem vínculi colligáti super omnes pópulos, et telam quam ordítus est super omnes natiónes.

Præcipitábit mortem in sempitérnum, et áuferet Dóminus Deus lácrimam ab omni fácie; et oppróbrium pó-

puli sui áuferet de univérsa terra, quia Dóminus locútus est.

Et dicet in die illa: « Ecce Deus noster iste, expectávimus eum, et salvábit nos; iste Dóminus, sustinúimus eum, exsultábimus et lætábimur in salutári eius. Quia requiétet manus Dómini in monte isto ».

Verbum Dómini.

Psalmus responsorius

Ps 22, 1-3 a. 3 b-4. 5. 6 (R.: 6 cd)

R. Inhabitábo in domo Dómini
in longitúdinem diérum.

- 1 Dóminus pascit me, et nihil mihi déerit:
- 2 in páscuis viréntibus me collocávit,
super aquas quiétis edúxit me,
- 3 ánimam meam refécit. R.

Dedúxit me super sémitas iustítiæ
propter nomen suum.

- 4 Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus
ipsa me consoláta sunt. R.

- 5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. R.

- 6 Etenim benígnitas et misericórdia
subsequéntur me
óm nibus diébus vitæ meæ,
et inhabitábo in domo Dómini
in longitúdinem diérum. R.

Lectio secunda

Omnia possum in eo qui me confortat.

Lectio Epistolæ beāti Pauli apóstoli ad Philippenses

4, 12-14. 19-20

Fratres:

Scio et humiliári, scio et abundáre; ubique et in ómnibus institútus sum et satiári et esuríre, et abundáre et penúriam pati. Omnia possum in eo qui me confortat. Verúmtamen bene fecístis comunicántes tribulatióni meæ.

Deus autem meus implébit omne desidérium vestrum secúndum divítias suas in glória in Christo Iesu. Deo autem et Patri nostro glória in sǎcula sæculórum: amen! — Verbum Dómini.

Alleluia

Cf. Eph 1, 17-18

℞. Allelúia. ∇. Pater Dómini nostri Iesu Christi illúminet óculos cordis nostri,
ut sciámus quæ sit spes vocatiónis nostræ.
℞. Allelúia.

Evangelium*

Quoscumque inveneritis vocate ad nuptias.

✠ Lectio sancti Evangélíi secúndum Matthæum

22, 1-14

In illo témpore:

Respóndens Iesus dixit íterum in parábolis princípibus sacerdótum et senióribus pópuli dicens:

« Símile factum est Regnum cælórum hómini regi, qui fecit núptias filio suo. Et misit servos suos vocáre invitátos ad núptias, et nolébant veníre.

Iterum misit álios servos, dicens: " Dícite invitátis: Ecce prándium meum parávi, tauri mei et alília occísa et ómnia paráta; veníte ad núptias ".

Illi autem neglexérunt et abiérunt álius in villam suam, álius vero ad negotiatióem suam; réliqui vero tenuérunt servos eius et contumélia afféctos occidérunt.

Rex autem irátus est, et missis exercítibus suis pérdidit homicidas illos et civitátem illórum succéndit.

Tunc ait servis suis: " Núptiæ quidem parátæ sunt sed qui invitáti erant non fuérunt digni: ite ergo ad éxitus viárum, et quoscúmque invenéritis vocáte ad núptias ".

Et egréssi servi illi in vias, congregavérunt omnes quos invenérunt, malos et bonos; et implétæ sunt núptiæ discumbéntium.

Intrávit autem rex ut vidéret discumbéntes, et vidit ibi hóminem non vestítum veste nuptiáli, et ait illi: " Amíce, quómodo huc intrásti, non habens vestem nuptiálem? " At ille obmútuit.

Tunc dixit rex minístris: " Ligáte pedes eius et manus et míttite eum in ténebras exterióres: ibi erit fletus et stridor déntium ".

Multi enim sunt vocáti, pauci vero elécti ».
Verbum Dómini.

vel brevior

✠ Lécio sancti Evangélii secúndum Mattháum

22, 1-10

In illo témpore:

Respóndens Iesus dixit íterum in parábolis princípibus sacerdótum et senióribus pópuli dicens:

« Símile factum est Regnum cælórum hómini regi,

qui fecit nuptias filio suo. Et misit servos suos vocare invitatos ad nuptias, et nolébant venire.

Iterum misit alios servos, dicens: "Dícite invitátis: Ecce prándium meum parávi, tauri mei et altília occísa et ómnia paráta; veníte ad nuptias".

Illi autem neglexérunt et abiérunt alius in villam suam, alius vero ad negotiatióem suam; reliqui vero tenuérunt servos eius et contumélia afféctos occidérunt.

Rex autem irátus est, et missis exercítibus suis perdidit homicidas illos et civitátem illórum succéndit.

Tunc ait servis suis: "Nuptiæ quidem parátæ sunt sed qui invitáti erant non fuérunt digni: ite ergo ad éxitus viárum, et quoscúmque invenéritis vocáte ad nuptias".

Et egréssi servi illi in vias, congregavérunt omnes quos invenérunt, malos et bonos; et implétæ sunt nuptiæ discumbéntium ». — Verbum Dómini.

Anno B

Lectio prima

*Divitias nihil esse duxi
in comparatione sapientiæ.*

Léctio libri Sapiéntiæ

7, 7-11

Optávi, et datus est mihi sensus; et invocávi, et venit in me spíritus sapiéntiæ; et præpósui illam regnis et sédibus et divítias nihil esse duxi in comparatióne illíus.

Nec comparávi illi lápidem pretiósum; quóniam omne aurum in comparatióne illíus aréna est exígua, et tamquam lutum æstimábitur argéntum in conspectu illíus.

Super salútem et spéciem diléxi illam, et propósui

pro luce habére illam, quóniam inexstinguíbile est lumen illíus.

Venérunt autem mihi ómnia bona páriter cum illa, et innumerábilis honéstas per manus illíus.

Verbum Dómini.

Psalmus responsorius

Ps 89, 12-13. 14-15. 16-17 (R.: 14)

R. Reple nos misericórdia tua, Dómine, et exsultábimus.

¹² Dinumeráre dies nostros sic doce nos, ut inducámus cor ad sapiéntiam.

¹³ Convértere, Dómine, úsquequo? Et deprecábilis esto super servos tuos. R.

¹⁴ Reple nos mane misericórdia tua, et exsultábimus et delectábimur ómnibus diébus nostris.

¹⁵ Lætífica nos pro diébus quibus nos humiliásti, pro annis quibus vídimus mala. R.

¹⁶ Appáreat servis tuis opus tuum, et decor tuus fíliis eórum.

¹⁷ Et sit splendor Dómini Dei nostri super nos, et ópera mánuum nostrárum confírma super nos, et opus mánuum nostrárum confírma. R.

Lectio secunda

*Sermo Dei discretor cogitationum
et intentionum cordis.*

Léctio Epístolæ ad Hebræos

4, 12-13

Vivus est Dei sermo et éfficax et penetrabílior omni gládio ancípiti et pertíngens usque ad divisióem ani-

mæ ac spíritus, compágum quoque et medullárum, et discrétor cogitatiónum et intentiόνum cordis; et non est creatúra invisíbilis in conspéctu eius, ómnia autem nuda et apérta sunt óculis eius, ad quem nobis sermo.

Verbum Dómini.

Alleluia

Mt 5, 3

℟. Allelúia. ℣. Beáti páuperes spíritu,
quóniam ipsórum est Regnum cælórum.

℟. Allelúia.

Evangelium*

Quæcumque habes vende, et sequere me.

✠ Lécio sancti Evangélíi secúndum Marcum 10, 17-30

In illo témpore:

Cum egrederétur Iesus in viam, accúrrens quidam et genu flexo ante eum rogábat eum: « Magíster bone, quid fáciam ut vitam ætérnam percípiam? »

Iesus autem dixit ei: « Quid me dicis bonum? Nemo bonus nisi unus Deus. Præcépta nosti: “ Ne occídas, ne adúlteres, ne furéris, ne falsum testimónium díxeris, ne fraudem féceris, honóra patrem tuum et matrem ” ».

Ille autem dixit ei: « Magíster, hæc ómnia conser-vávi a iuventúte mea ».

Iesus autem intúitus eum diléxit eum, et dixit illi: « Unum tibi deest: vade, quæcúmque habes vende et da paupéribus, et habébis thesáurum in cælo, et veni, séquere me ». Qui contristátus in hoc verbo, ábiit mæ-rens, erat enim habens possessiόνés multas.

Et circumspíciens Iesus ait discíplulis suis: « Quam difícilé qui pecúnias habent in Regnum Dei introíbunt ». Discípuli autem obstupescébant in verbis eius.

At Iesus rursus respóndens ait illis: « Fílii, quam difficile est in Regnum Dei introíre, facilius est camélum per forámen acus transíre quam dívitem intráre in Regnum Dei ».

Qui magis admirabántur dicétes ad semetípsos: « Et quis potest salvus fíeri? »

Intuens illos Iesus ait: « Apud hómines impossíbile est sed non apud Deum, ómnia enim possibília sunt apud Deum ».

Cœpit Petrus ei dícere: « Ecce nos dimísimus ómnia et secúti sumus te ».

Ait Iesus: « Amen dico vobis: Nemo est qui relíquit domum aut fratres aut soróres aut matrem aut patrem aut fílios aut agros propter me et propter Evangelíum, qui non accípiat cénties tantum nunc in témpore hoc domos et fratres et soróres et matres et fílios et agros cum persecutió nibus, et in sáculo futúro vitam ætérnam ». — Verbum Dómini.

vel brevior

✠ Lécio sancti Evangélíi secúndum Marcum 10, 17-27

In illo témpore:

Cum egrederétur Iesus in viam, accúrrens quidam et genu flexo ante eum rogábat eum: « Magíster bone, quid fáciam ut vitam ætérnam percípiam? »

Iesus autem dixit ei: « Quid me dicis bonum? Nemo bonus nisi unus Deus. Præcépta nosti: “ Ne occídas, ne adúlteres, ne furéris, ne falsum testimónium díxeris, ne fraudem féceris, honóra patrem tuum et matrem ” ».

Ille autem dixit ei: « Magíster, hæc ómnia conservávi a iuventúte mea ».

Iesus autem intúitus eum diléxit eum, et dixit illi: « Unum tibi deest: vade, quæcúmque habes vende et

da paupéribus, et habébis thesáurum in cælo, et veni, séquere me ». Qui contristátus in hoc verbo, ábiit mærens, erat enim habens possessiões multas.

Et circumspiciens Iesus ait discipulis suis: « Quam difícilē qui pecúnias habent in Regnum Dei introíbunt ». Discipuli autem obstupescébant in verbis eius.

At Iesus rursus respóndens ait illis: « Fílii, quam difícilē est in Regnum Dei introíre, fácilius est camélum per forámen acus transíre quam dívitem intráre in Regnum Dei ».

Qui magis admirabántur dicétes ad semetípsos: « Et quis potest salvus fíeri? »

Intuens illos Iesus ait: « Apud hómines impossíbile est sed non apud Deum, ómnia enim possibília sunt apud Deum ». — Verbum Dómini.

Anno C

Lectio prima

*Reversus Naaman ad virum Dei,
confessus est Dominum.*

Léctio libri secúndi Regum

5, 14-17

In diébus illis:

Descéndit Náaman Syrus et lavit in Iordáne sépties iuxta sermónem Elisæi viri Dei, et restitúta est caro eius sicut caro púeri párvuli, et mundátus est a lepra sua.

Reversúsque ad virum Dei cum univérso comitátu suo venit et stetit coram eo et ait: « Vere scio quod non sit álius Deus in univérsa terra, nisi tantum in Israel. Obsecro ítaque ut accípias benedictiόνem a servo tuo ».

At ille respóndit: « Vivit Dóminus, ante quem sto, quia non accípiam ». Cumque vim fáceret, pénitus non acquiévit.

Dixítque Náaman; « Ut vis; sed, óbsecro, concéde mihi servo tuo, ut tollam onus duórum burdónum de terra; non enim fáciét ultra servus tuus holocáustum aut víctimam diis aliénis, nisi Dómino ».

Verbum Dómini.

Psalmus responsorius

Ps 97, 1. 2-3 ab. 3 cd-4 (R.: cf. 2 b)

R. In conspéctu géntium
revelávit Dóminus salutáre suum.

1 Cantáte Dómino cánticum novum,
quia mirabília fecit.
Salvávit sibi délixtera eius,
et brácchium sanctum eius. R.

2 Notum fecit Dóminus salutáre suum,
in conspéctu géntium revelávit iustítiam suam.
3 Recordátus est misericórdiæ suæ
et veritátis suæ dómui Israel. R.

Vidérunt omnes términi terræ
salutáre Dei nostri.

4 Iubiláte Deo, omnis terra,
erúmpite, exsultáte et psállite. R.

Lectio secunda

Si sustinemus, et conregnabimus cum Christo.

Léctio Epístolæ secúndæ beáti Pauli apóstoli
ad Timótheum

2, 8-13

Caríssime:

Memor esto Iesum Christum resuscitátum esse a mórtuis, ex sémine David, secúndum Evangélium meum

in quo labóro usque ad víncula quasi male óperans, sed verbum Dei non est alligátum.

Ideo ómnia sustíneo propter eléctos, ut et ipsi salutem consequántur, quæ est in Christo Iesu cum glória æténa.

Fidélis sermo: nam si commórtui sumus, et convivémus; si sustinémus, et conregnábimus; si negábimus, et ille negábit nos; si non crédimus, ille fidélis manet, negáre enim se ipsum non potest. — Verbum Dómini.

Alleluia

1 Th 5, 18

℟. Allelúia. **℣.** In ómnibus grátias ágite:
hæc est enim volúntas Dei in Christo Iesu
in ómnibus vobis. **℟.** Allelúia.

Evangeliu

*Non sunt inventi qui redirent ut darent gloriam Deo
nisi hic alienigena?*

✠ Lécio sancti Evangélii secúndum Lucam 17, 11-19

In illo témpore:

Factum est dum iret Iesus in Ierúsalem, et ipse transibat per médiā Samariām et Galilæam.

Et cum ingrederétur quoddam castéllum, occurrerunt ei decem viri leprosi, qui steterunt a longe, et levaverunt vocem dicéntes: « Iesu præcéptor, miserére nostri ».

Quos ut vidit, dixit: « Ite, osténdite vos sacerdotibus ». Et factum est dum irent mundáti sunt.

Unus autem ex illis, ut vidit quia sanátus est, regressus est cum magna voce magnificans Deum, et cécidit in faciē ante pedes eius grátias agens ei: et hic erat Samaritanus.

Respóndens autem Iesus dixit: « Nonne decem mandati sunt? Et novem ubi sunt? Non sunt invénti qui redirent ut darent glóriam Deo nisi hic alienígena? »

Et ait illi: « Surge, vade: fides tua te salvum fecit »
Verbum Dómini.

Dicitur Credo.

Super oblata

Súscipe, Dómine, fidélium preces
cum oblatiónibus hostiárum,
ut, per hęc piæ devotiónis offícia,
ad cæléstem glóriam transeámus.
Per Christum.

Præfatio de dominicis « per annum », pp. 588-595.

Ant. ad communionem

Ps 33, 11

Dívites eguérunt et esuriérunt;
quæréntes autem Dóminum
non minuéntur omni bono.

Vel:

1 Io 3, 2

Cum apparúerit Dóminus, símiles ei érimus,
quóniam vidébimus eum sicuti est.

Post communionem

Maiestátem tuam, Dómine, suppliciter deprecámur,
ut, sicut nos Córporis et Ságuinis sacrosánci
pascis alimento,
ita divínæ natúræ fácias esse consórtes.
Per Christum.

Feria secunda

Ant. ad introitum

Ps 129, 3-4

Si iniquitátes observáveris, Dómine,
Dómine, quis sustinébit?
Quia apud te propitiátio est, Deus Israel.

Collecta

Tua nos, quæsumus, Dómine, grátia
semper et prævéniat et sequátur,
ac bonis opéribus iúgiter præstet esse inténtos.
Per Dóminum.

Anno primo

Lectio prior

*Christus, per quem accepimus gratiam et apostolatam
ad obæditionem fidei in gentibus.*

Inítium Epístolæ beáti Pauli apóstoli ad Romános

1, 1-7

Paulus servus Christi Iesu, vocátus apóstolus, segregátus in Evangélium Dei, quod ante promiserat per Prophétas suos in Scriptúris sanctis de Filio suo, qui factus est ex sémine David secúndum carnem,

qui constitútus est Filius Dei in virtúte secúndum Spíritum sanctificatiónis ex resurrectione mortuórum, Iesu Christo Dómino nostro, per quem accépimus grátiam et apostolatam ad obæditionem fidei in ómnibus géntibus pro Nómine eius, in quibus estis et vos vocáti Iesu Christi,

ómnibus, qui sunt Romæ diléctis Dei, vocátis sanctis, grátia vobis et pax a Deo Patre nostro et Dómino Iesu Christo. — Verbum Dómini.

Psalmus responsorius

Ps 97, 1. 2-3 ab. 3 cd-4 (R.: 2 a)

R. Notum fecit Dóminus salutáre suum.

- 1 Cantáte Dómino cánticum novum,
quia mirabília fecit.
Salvávit sibi délixtera eius,
et bráccium sanctum eius. R.
- 2 Notum fecit Dóminus salutáre suum,
in conspéctu géntium revelávit iustítiam suam.
- 3 Recordátus est misericórdiæ suæ
et veritátis suæ dómui Israel. R.
- Vidérunt omnes términi terræ
salutáre Dei nostri.
- 4 Iubiláte Deo, omnis terra,
erúmpite, exsultáte et psállite. R.

Anno secundo

Lectio prior

Non sumus ancillæ filii, sed liberæ.

Léctio Epístolæ beáti Pauli apóstoli ad Gálatas

4, 22-24. 26-27. 31 — 5, 1

Fratres:

Scriptum est quóniam Abraham duos filios hábuit, unum de ancilla et unum de libera. Sed qui de ancilla secúndum carnem natus est, qui autem de libera per promissionem.

Quæ sunt per allegoríam dicta; ipsæ enim sunt duo Testaménta, unum quidem a monte Sina, in servitútem génerans, quod est Agar.

Illa autem quæ sursum est Ierúsalem líbera est, quæ est mater nostra; scriptum est enim:

« Lætáre; stérilis, quæ non paris: erúmpe et excláma, quæ non párturis: quia multi filii desértæ magis quam eius quæ habet virum ».

Itaque, fratres, non sumus ancillæ filii sed líberæ. Hac libertáte nos Christus liberávit; state ígitur, et nolíte íterum iugo servitútis detinéri.

Verbum Dómini.

Psalmus responsorius Ps 112, 1-2. 3-4. 5-7 (R.: cf. 2)

R. Sit nomen Dómini benedíctum in sǽcula.

1 Laudáte, púeri Dómini,
2 laudáte nomen Dómini.

3 Sit nomen Dómini benedíctum
4 ex hoc nunc et usque in sǽculum. R.

5 A solis ortu usque ad occásu
6 laudábile nomen Dómini.

7 Excélsus super omnes gentes Dóminus,
super cælos glória eius. R.

8 Quis sicut Dóminus Deus noster,
9 qui in altis hábitat,
10 et humília réspicit
11 in cælo et in terra?

12 Súscitans de terra ínopem,
de stércore érigens páuperem. R.

Alleluia

Ps 94, 8 ab

R. Allelúia. V. Hódie, nolíte obduráre corda vestra,
sed vocem Dómini audíte.

R. Allelúia.

Evangelium

*Signum non dabitur generationi huic
nisi signum Ionæ.*

✠ Lécio sancti Evangélii secúndum Lucam 11, 29-32

In illo témpore:

Turbis concurréntibus cœpit Iesus dícere: « Generátio hæc generátio nequam est; signum quærit, et signum non dábitur illi nisi signum Ionæ. Nam sicut Ionas fuit signum Ninivítis, ita erit et Fílius hóminis generatióni isti.

Regína austri surget in iudício cum viris generatiónis huius et condemnábit illos, quia venit a fínibus terræ audíre sapiéntiam Salomónis, et ecce plus Salomóne hic.

Viri Ninivítæ surgent in iudício cum generatiónem hac et condemnábunt illam, quia pæniténtiam egérunt ad prædicatiónem Ionæ, et ecce plus Iona hic ».

Verbum Dómini.

Super oblata

Súscipe, Dómine,
fidélium preces
cum oblatiónibus hostiárum,
ut, per hæc piæ devotiónis officia,
ad cæléstem glóriam transeámus.
Per Christum.

Ant. ad communionem

Ps 33, 11

Dívites eguérunt et esuriérunt;
quæréntes autem Dóminum
non minuéntur omni bono.

Vel:

1 Io 3, 2

Cum apparúerit Dóminus, símiles ei érimus,
quóniam vidébimus eum sicuti est.

Post communionem

Maiestátem tuam, Dómine, suppliciter deprecámur,
ut, sicut nos Córporis et Sánguinis sacrosánci
pascis aliménto,
ita divínæ natúræ fácias esse consórtes.
Per Christum.

Feria tertia

Ant. ad introitum

Ps 129, 3-4

Si iniquitátes observáveris, Dómine,
Dómine, quis sustinébit?
Quia apud te propitiátio est, Deus Israel.

Collecta

Tua nos, quæsumus, Dómine, grátia
semper et prævéniat et sequátur,
ac bonis opéribus iúgiter præstet esse inténtos.
Per Dóminum.

Anno primo

Lectio prior

*Cum cognovissent homines Deum,
non sicut Deum glorificaverunt.*

Léctio Epístolæ beáti Pauli apóstoli ad Romános

Fratres:

1, 16-25

Non erubésco Evangélium; virtus enim Dei est in
salútem omni credénti, Iudæo primum et Græco. Iustí-

tia enim Dei in eo revelátur ex fide in fidem, sicut scriptum est: « Iustus autem ex fide vivet ».

Revelátur enim ira Dei de cælo super omnem impietatem et iniustitiam hóminum, qui veritatem in iniustitia détinent, quia quod noscibile est Dei, manifestum est in illis: Deus enim illis manifestávit.

Invisibília enim ipsius a creatúra mundi per ea quæ facta sunt intellécta conspiciúntur, sempiterna eius et virtus et divinitas, ut sint inexcusábiles:

quia, cum cognovissent Deum, non sicut Deum glorificavérunt aut grátias egérunt, sed evanuérent in cogitationibus suis et obscurátum est insípiens cor eórum.

Dicéntes se esse sapiéntes stulti facti sunt, et mutavérunt glóriam incorruptibilis Dei in similitúdinem imáginis corruptibilis hóminis et vólucrum et quadrúpedum et serpéntium.

Propter quod trádidit illos Deus in concupiscéntiis cordis eórum in immundítiam, ut ignomínia afficiant corpora sua in semetípsis, qui commutavérunt veritatem Dei in mendácio, et coluérent et serviérunt creatúræ potius quam Creatóri, qui est benedíctus in sácula: amen. — Verbum Dómini.

Psalmus responsorius

Ps 18, 2-3. 4-5 (R.: 2 a)

R. Cæli enarrant glóriam Dei.

2 Cæli enarrant glóriam Dei,
et ópera mánuum eius annúntiat firmaméntum.

3 Dies diéi erúctat verbum,
et nox nocti índicat sciéntiam. R.

4 Non sunt loquélæ neque sermónes,
quorum non intellegántur voces.

5 In omnem terram exívit sonus eórum,
et in fines orbis terræ verba eórum. R.

Anno secundo

Lectio prior

*Circumcisio nihil valet, sed fides
quæ per caritatem operatur.*

Lectio Epistolæ beāti Pauli apóstoli ad Gálatas

5, 1-6

Fratres:

Hac libertáte nos Christus liberávit; state igitur et nolite iterum iugo servitútis detineri. Ecce ego Paulus dico vobis quóniam, si circumcidámini, Christus vobis nihil próderit.

Testificor autem rursum omni hómini circumcidénti se, quóniam débitor est univérsæ Legis faciéndæ. Evacuáti estis a Christo qui in Lege iustificámini, a grátia excidístis.

Nos enim Spíritu, ex fide, spem iustítiæ exspectámus. Nam in Christo Iesu neque circumcisio áliquid valet neque præpútium, sed fides quæ per caritátem operátur.

Verbum Dómini.

Psalmus responsorius

Ps 118, 41. 43. 44. 45. 47. 48 (R.: 41 a)

R. Véniat super me misericórdia tua, Dómine.

⁴¹ Véniat super me misericórdia tua, Dómine,
salutáre tuum secúndum elóquium tuum. R.

⁴³ Et ne áuferas de ore meo verbum veritátis usquequáque,
quia in iudíciis tuis supersperávi. R.

⁴⁴ Et custódiam legem tuam semper,
in sáculum et in sáculum sáculi. R.

- 45 Et ambulábo in latitúdine,
quia mandáta tua exquisívi. *R.*
- 47 Et delectábor in præcéptis tuis,
quæ diléxi. *R.*
- 49 Et levábo manus meas
ad præcépta tua, quæ diléxi,
et exercébor in iustificatióibus tuis. *R.*

Alleluia**Hebr 4, 12 a. e**

R. Allelúia. *Y.* Vivus est sermo Dei, et éfficax,
et discrétor cogitatiónum et intentiόnum
cordis. *R.* Allelúia.

Evangelium

*Date eleemosynam,
et ecce omnia munda sunt vobis.*

✠ Lécio sancti Evangélii secúndum Lucam **11, 37-41**

In illo témpore:

Cum loquerétur Iesus, rogávit illum quidam Pharisæus ut pranderet apud se, et ingressus recúbuit. Pharisæus autem videns mirátus est quod non baptizátus esset ante prándium.

Et ait Dóminus ad illum: « Nunc vos, Pharisæi, quod de foris est cálicis et catíni mundátis, quod autem intus est vestrum plenum est rapína et iniquitáte. Stulti, nonne qui fecit quod de foris est, étiam id quod de intus est fecit?

Verúmtamen quæ insunt date eleemósynam, et ecce ómnia munda sunt vobis ».

Verbum Dómini.

Super oblata

Súscipe, Dómine, fidélium preces
cum oblatiόνibus hostiárum,
ut, per hæc piæ devotiόνis offícia,
ad cæléstem glóriam transeámus. Per Christum.

Ant. ad communionem**Ps 33, 11**

Dívites eguérunt et esuriérunt;
quæréntes autem Dóminum
non minuéntur omni bono.

Vel:**1 Io 3, 2**

Cum apparúerit Dóminus, símiles ei érimus,
quóniam vidébimus eum sicuti est.

Post communionem

Maiestátem tuam, Dómine, suppliciter deprecámur,
ut, sicut nos Córporis et Sánguinis sacrosánci
pascis aliménto,
ita divínæ natúræ fácias esse consórtes.
Per Christum.

Feria quarta**Ant. ad introitum****Ps 129, 3-4**

Si iniquitátes observáveris, Dómine,
Dómine, quis sustinébit?
Quia apud te propitiátio est, Deus Israel.

Collecta

Tua nos, quæsumus, Dómine, grátia
semper et prævéniat et sequátur,
ac bonis opéribus iúgiter præstet esse inténtos.
Per Dóminum.

Anno primo

Lectio prior

*Reddet unicuique secundum opera eius,
Iudæo primum et Græco.*

Lectio Epistolæ beāti Pauli apóstoli ad Romános

2, 1-11

Inexcusábilis es, o homo omnis qui iúdicas: in quo enim iúdicas álterum, te ipsum condémnas, éadem enim agis qui iúdicas. Scimus enim quóniam iudícium Dei est secúndum veritátem in eos qui tália agunt.

Exístimas autem hoc, o homo qui iúdicas eos qui tália agunt et facis ea, quia tu effúgies iudícium Dei? An divítias benignitátis eius et patiéntiæ et longánimitátis contémnis, ignóras quóniam benignitas Dei ad pæniténtiam te addúcit?

Secúndum durítiam autem tuam et impænitens cor thesaurízás tibi iram in die iræ et revelatiónis iusti iudícii Dei, qui reddet unicuíque secúndum ópera eius,

his quidem qui secúndum patiéntiam boni óperis glóriam et honórem et incorruptiόνem quærunt, vitam ætérnam;

his autem qui ex contentiόνem et non obcédiunt veritáti, obcédiunt autem iniquitáti, ira et indignatio;

tribulatio et angústia in omnem ánimam hómínis operántis malum, Iudæi primum et Græci; glória autem et honor et pax omni operánti bonum, Iudæo primum et Græco: non est enim personárum accéptio apud Deum. — Verbum Dómini.

Psalmus responsorius

Ps 61, 2-3. 6-7. 9 (R.: 13 b)

R. Dómine, reddes unicuíque iuxta ópera sua.

- 2 In Deo tantum quiesce, ánima mea;
ab ipso enim salutáre meum.
3 Verúmtamen ipse refúgium meum et salutáre meum,
præsídium meum non movébor ámplius. *R.*
- 4 In Deo tantum quiesce, ánima mea;
quóniam ab ipso patiéntia mea.
5 Verúmtamen ipse Deus meus et salutáre meum,
præsídium meum, non movébor. *R.*
- 6 Speráte in eo, omnis congregátio pópuli,
effúndite coram illo corda vestra; Deus refúgium nobis. *R.*

Anno secundo

Lectio prior

Qui sunt Christi Iesu carnem crucifixerunt cum vitiis.

Léctio Epístolæ beáti Pauli apóstoli ad Gálatas

5, 18-25

Fratres:

Si Spíritu ducímmini, non estis sub Lege.

Manífesta autem sunt ópera carnis, quæ sunt fornicatio, immundítia, luxúria,

idolórum sérvitus, venefícia, inimicitíæ, contentiões, æmulatiões, iræ, rixæ, dissensiões, sectæ,

invidiæ, ebrietates, comessatiões, et his simília, quæ prædico vobis, sicut prædixi, quóniam qui talia agunt Regnum Dei non consequéntur.

Fructus autem Spíritus est caritas, gáudium, pax, longanimitas, benígnitas, bónitas, fides, mansuetúdo, continéntia; advérsus huiúsmodi non est Lex.

Qui autem sunt Christi Iesu carnem crucifixerunt cum vitiis et concupiscéntiis. Si vivimus Spíritu, Spíritu et ambulémus. — Verbum Dómini.

Psalmus responsorius

Ps 1, 1-2. 3. 4 et 6 (R.: Io 8, 12)

R. Qui séquitur te, Dómine, habébit lumen vitæ.

1 Beátus vir qui non ábiit in consílio impiórum,
 et in via peccatórum non stetit,
 2 et in convéntu derisórum non sedit,
 sed in lege Dómini volúntas eius,
 3 et in lege eius meditátur die ac nocte. R.

Et erit tamquam lignum
 plantátum secus decúrsus aquárum,
 quod fructum suum dabit in témpore suo;
 et fólium eius non défluet,
 et ómnia quæcúmque fáciat prosperabúntur. R.

4 Non sic ímpii, non sic,
 sed tamquam pulvis quem próicit ventus.
 6 Quóniam novit Dóminus viam iustórum,
 et iter impiórum períbit. R.

Alleluia

Io 10, 27

R. Allelúia. V. Oves meæ vocem meam áudiunt,
 dicit Dóminus;
 et ego cognósco eas, et sequúntur me.
 R. Allelúia.

Evangelium

Væ vobis Pharisæis! et vobis Legis peritis: væ!

✠ Lécio sancti Evangélii secúndum Lucam 11, 42-46

In illo témpore: Ait Dóminus:

« Væ vobis Pharisæis, quia decimátis mentam et rutam et omne holus, et præterítis iudícium et caritátem Dei: hæc autem opórtuit fácere, et illa non omíttere.

Væ vobis Pharisæis, quia diligitis primam cáthedram in synagógis et salutatiónes in foro.

Væ vobis, quia estis ut monuménta quæ non parent, et hómines ambulántes supra nésciunt ».

Respóndens autem quidam ex Legis perítis ait illi: « Magíster, hæc dicens étiam nobis contuméliam facis ».

At ille ait: « Et vobis Legis perítis: væ, quia onerátis hómines onéribus quæ portári non possunt, et ipsi uno dígito vestro non tángitis sárcinas ».

Verbum Dómini.

Super oblata

Súscipe, Dómine, fidélium preces
cum oblatiόνibus hostiárum,
ut, per hæc piæ devotiónis offícia,
ad cæléstem glóriam transeámus.
Per Christum.

Ant. ad communionem

Ps 33, 11

Dívites eguérunt et esuriérunt;
quæréntes autem Dóminum
non minuéntur omni bono.

Vel:

1 Io 3, 2

Cum apparúerit Dóminus, símiles ei érimus,
quóniam vidébimus eum sicuti est.

Post communionem

Maiestátem tuam, Dómine, supplicíter deprecámur,
ut, sicut nos Córporis et Sanguinis sacrosánci
pascis aliménto,
ita divínæ natúræ fácias esse consórtes.
Per Christum.

Feria quinta

Ant. ad introitum

Ps 129, 3-4

Si iniquitátes observáveris, Dómine,
Dómine, quis sustinébit?
Quia apud te propitiátio est, Deus Israel.

Collecta

Tua nos, quásumus, Dómine, grátia
semper et prævéniat et sequátur,
ac bonis opéribus iúgiter præstet esse inténtos.
Per Dóminum.

Anno primo

Lectio prior

Homo iustificatur per fidem sine operibus Legis.

Lectio Epístolæ beáti Pauli apóstoli ad Romános

Fratres:

3, 21-30

Nunc sine Lege iustítia Dei manifestáta est, testificáta a Lege et Prophétis, iustítia autem Dei per fidem Iesu Christi, in omnes qui credunt; non enim est distinctio; omnes enim peccavérunt et egent glória Dei, iustificáti gratis per grátiam ipsíus per redemptionem quæ est in Christo Iesu;

quem propósuit Deus propitiatórium per fidem in sanguine ipsíus ad ostensiónem iustítiæ suæ, cum prætermisisset præcedéntia delícta in sustentatióne Dei, ad ostensiónem iustítiæ eius in hoc témpore, ut sit ipse iustus et iustificans eum qui ex fide est Iesu.

Ubi est ergo gloriátio? Exclúsa est. Per quam legem? Operum? Non, sed per legem fidei. Arbitrámur enim iustificári hóminem per fidem sine opéribus Legis

An Iudæorum Deus tantum? Nonne et gentium? Immo et gentium, quóniam quidem unus Deus, qui iustificábit circumcisiónem ex fide et præpútium per fidem. Verbum Dómini.

Psalmus responsorius Ps 129, 1-2. 3-4 b. 4 c-5 (R.: 7)

R. Apud Dóminum misericórdia,
et copiósa apud eum redemptio.

1 De profúndis clamávi ad te, Dómine;
2 Dómine, exáudi vocem meam.
Fiant aures tuæ intendéntes
in vocem deprecatiónis meæ. R.

3 Si iniquitátes observáveris, Dómine,
Dómine, quis sustinébit?
4 Quia apud te propitiátio est,
et timébimus te. R.

Sustínui te, Dómine;
sustínuit ánima mea in verbo eius,
5 sperávit ánima mea in Dómino. R.

Anno secundo

Lectio prior

Elegit nos in Christo ante mundi constitutionem.

Inítium Epístolæ beáti Pauli apóstoli ad Ephésios

1, 1-10

Paulus apóstolus Christi Iesu per voluntátem Dei, sanctis qui sunt Ephesi et fidélibus in Christo Iesu: grátia vobis et pax a Deo Patre nostro et Dómino Iesu Christo.

Benedíctus Deus et Pater Dómini nostri Iesu Chri-

sti, qui benedíxit nos in omni benedictióne spiritáli in
cæléstibus in Christo,

sicut elégit nos in ipso ante mundi constitutióne,
ut essémus sancti et immaculáti in conspéctu eius in ca-
ritáte,

qui prædestinávit nos in adoptiόνem filiórum per
Iesum Christum in ipsum, secúndum beneplácitum vo-
luntátis suæ, in laudem glóriæ grátiae suæ, in qua grati-
ficávit nos in Dilécto.

In quo habémus redemptiόνem per ságuinem eius,
remissiόνem peccatórum, secúndum divítias grátiae eius,
qua superabundávit in nobis in omni sapiéntia et pru-
déntia,

notum fáciens nobis mystérium voluntátis suæ, se-
cúndum beneplácitum eius quod propósuit in eo in dis-
pensatióne plenitúdinis témporum, recapituláre ómnia
in Christo, quæ in cælis et quæ in terra: in ipso.

Verbum Dómini.

Psalmus responsorius

Ps 97, 1. 2-3 ab. 3 cd-4. 5-6 (R.: 2 a)

R. Notum fecit Dóminus salutáre suum.

1 Cantáte Dómino cánticum novum,
quia mirábilia fecit.
Salvávit sibi délixtera eius,
et bráccium sanctum eius. R.

2 Notum fecit Dóminus salutáre suum,
in conspéctu géntium revelávit iustítiam suam.

3 Recordátus est misericórdiae suæ
et veritátis suæ dómui Israel. R.

Vidérunt omnes términi terræ
salutáre Dei nostri.

- Iubiláte Deo, omnis terra,
erúmpite, exsultáte et psállite. *R.*
- Psállite Dómino in cíthara,
in cíthara et voce psalmi;
• in tubis ductílibus et voce tubæ córneæ,
jubiláte in conspéctu regis Dómini. *R.*

Alleluia

Io 14, 6

- R.* Allelúia. *V.* Ego sum via, véritas et vita,
dicit Dóminus;
nemo venit ad Patrem nisi per me.
R. Allelúia.

Evangelium

*Requiretur sanguis Prophetarum a sanguine Abel
usque ad sanguinem Zachariæ.*

✠ Lécio sancti Evangélíi secúndum Lucam 11, 47-54

In illo témpore: Ait Dóminus:

« Væ vobis, quia ædificátis monuménta Prophetárum, patres autem vestri occidérunt illos. Profécto testificámini et consentítis opéribus patrum vestrórum, quóniam quidem ipsi eos occidérunt, vos autem ædificátis.

Proptérea et Sapiéntia Dei dixit: " Mittam ad illos prophétas et apóstolos, et ex illis occídent et persequén-
tur, ut requirátur sanguis ómnium Prophetárum qui ef-
fúsus est a constitutióne mundi a generatióne ista, a sán-
guine Abel usque ad sánguinem Zachariæ qui périit in-
ter altáre et ædem ". Ita dico vobis: Requirétur ab hac
generatióne.

Væ vobis Legis perítis, quia tulístis clavem scien-
tiæ: ipsi non introístis et eos qui introíbant prohibuístis ».

Cum autem inde exiisset, cœperunt Scribæ et Pharisæi graviter insistere, et eum allicere in sermone de multis insidiâtes ei ut cåperent åliquid ex ore eius.

Verbum Dómini.

Super oblata

Súscipe, Dómine, fidélium preces
cum oblatiõibus hostiárum,
ut, per hæc piæ devotiõnis offícia,
ad cælestem glóriam transeámus.
Per Christum.

Ant. ad communionem

Ps 33, 11

Dívites eguérunt et esuriérunt;
quæréntes autem Dóminum
non minuéntur omni bono.

Vel:

1 Io 3, 2

Cum apparúerit Dóminus, símiles ei érimus,
quóniam vidébimus eum sicuti est.

Post communionem

Maiestátem tuam, Dómine, suppliciter deprecámur,
ut, sicut nos Córporis et Ságuinis sacrosánci
pascis alimento,
ita divínæ natúræ fácias esse consórtes.
Per Christum.

Feria sexta

Ant. ad introitum

Ps 129, 3-4

Si iniquitátes observáveris, Dómine,
Dómine, quis sustinébit?
Quia apud te propitiatio est, Deus Israel.

Collecta

Tua nos, quæsumus, Dómine, grátia
semper et prævéniat et sequátur,
ac bonis opéribus iúgiter præstet esse inténtos.
Per Dóminum.

Anno primo

Lectio prior

*Credidit Abraham Deo,
et reputatum est illi ad iustitiam.*

Lectio Epístolæ beáti Pauli apóstoli ad Romános

4, 1-8

Fratres:

Quid dicémus invenísse Abraham progenitórem nostrum secúndum carnem? Si enim Abraham ex opéribus iustificátus est, habet glóriam: sed non apud Deum.

Quid enim Scriptúra dicit? « Crédidit autem Abraham Deo, et reputátum est illi ad iustítiam ».

Ei autem qui operátur merces non reputátur secúndum grátiam sed secúndum débitum; ei vero qui non operátur, sed credit in eum qui iustificat ímpium, reputátur fides eius ad iustítiam, sicut et David dicit beatitúdinem hóminis cui Deus réputat iustítiam sine opéribus:

« Beáti quorum remíssæ sunt iniquitátes et quorum tecta sunt peccáta; beátus vir cui non imputábit Dóminus peccátum ». — Verbum Dómini.

Psalmus responsorius

Ps 31, 1-2. 5. 11 (R.: cf. 7)

R. Tu es refúgium mihi, gáudio salútis circúmdas me.

¹ Beátus cui remíssa est iníquitas,
et obtéctum est peccátum.

² Beátus vir cui non imputávit delíctum,
nec est in spíritu eius dolus. R.

⁵ Peccátum meum cógnitum tibi feci,
et delíctum meum non abscóndi.
Dixi: « Confitébor advérsus me
iniquitátem meam Dómino ».
Et tu remisísti impietátem peccáti mei. R.

¹¹ Lætámini in Dómino et exultáte, iusti,
et gloriámini, omnes recti corde. R.

Anno secundo

Lectio prior

*Ante speravimus in Christo, et vos signati estis
Spiritu Sancto.*

Lectio Epístolæ beáti Pauli apóstoli ad Ephésios

1, 11-14

Fratres:

In Christo sorte vocáti sumus prædestináti secúndum propósitum eius, qui ómnia operátur secúndum consílium voluntátis suæ, ut simus in laudem glóriæ eius qui ante sperávimus in Christo;

in quo et vos cum audissétis verbum veritátis, Evangelíum salútis vestræ, in quo et credéntes signáti estis Spírиту promissiónis Sancto, qui est árrabon hereditátis nostræ, in redemptiόνem acquisitiónis, in laudem glóriæ ipsíus. — Verbum Dómini.

Psalmus responsorius

Ps 32, 1-2. 4-5. 12-13 (R.: 12 b)

R. Beátus pópulus, quem elégit Dóminus
in hereditátem sibi.

- 1 Exsultáte, iusti, in Dómino;
rectos decet collaudátio.
- 2 Confitémini Dómino in cíthara,
in psaltério decem chordárum psállite illi. R.
- 4 Quia rectum est verbum Dómini,
et ómnia ópera eius in fide.
- 5 Díligit iustítiam et iudícium,
misericórdia Dómini plena est terra. R.
- 12 Beáta gens, cui Dóminus est Deus,
pópulus, quem elégit in hereditátem sibi.
- 13 De cælo respéxit Dóminus,
vidit omnes fílios hóminum. R.

Alleluia

Ps 32, 22

R. Allelúia. V. Fiat misericórdia tua, Dómine,
super nos,
quemádmódum sperávimus in te.
R. Allelúia.

Evangelium

Capilli capitis vestri omnes numerati sunt.

✠ Lécio sancti Evangélíi secúndum Lucam 12, 1-7

In illo témpore:

Multis turbis circumstántibus, ita ut se ínvicem conculcárent, cœpit Iesus dícere ad discípulos suos primum:

« Atténdite a ferménto Pharisæórum, quod est hypócrisis. Nihil autem opértum est, quod non revelétur, neque abscónditum, quod non sciátur.

Quóniam quæ in ténebris dixístis, in lúmine audiéntur, et quod in aurem locúti estis in cubículis, prædicábitur in tectis.

Dico autem vobis amícis meis: Ne terreámini ab his qui occídunt corpus et post hæc non habent ámplius quod fácient.

Osténdam autem vobis quem timeátis: Timéte eum qui postquam occíderit habet potestátem mittere in gehénnam. Ita dico vobis: Hunc timéte.

Nonne quinque pásseres véneunt dipóndio? Et unus ex illis non est in oblivióne coram Deo. Sed et capílli cápitis vestri omnes numeráti sunt.

Nolíte timére, multis passéribus pluris estis ».

Verbum Dómini.

Super oblata

Súscipe, Dómine, fidélium preces
cum oblatiόνibus hostiárum,
ut, per hæc piæ devotiόνis offícia,
ad cæléstem glóriam transeámus.
Per Christum.

Ant. ad communionem

Ps 33, 11

Dívites eguérunt et esuriérunt;
quæréntes autem Dóminum
non minuéntur ómni bono.

Vel:

1 Io 3, 2

Cum apparúerit Dóminus, símiles ei érimus,
quóniam vidébimus eum sicuti est.

Post communionem

Maiestátem tuam, Dómine, suppliciter deprecámur,
 ut, sicut nos Córporis et Sanguinis sacrosánti
 pascis aliménto,
 ita divínæ natúræ fácias esse consórtes.
 Per Christum.

Sabbato

Ant. ad introitum

Ps 129, 3-4

Si iniquitátes observáveris, Dómine,
 Dómine, quis sustinébit?
 Quia apud te propitiátio est, Deus Israel.

Collecta

Tua nos, quæsumus, Dómine, grátia
 semper et prævéniat et sequátur,
 ac bonis opéribus iúgiter præstet esse inténtos.
 Per Dóminum.

Anno primo

Lectio prior

Contra spem in spe credidit.

Lectio Epístolæ beáti Pauli apóstoli ad Romános

Fratres:

4, 13. 16-18

Non per Legem promissio Abrahæ aut sémini eius,
 ut heres esset mundi, sed per iustítiam fidei.

Ideo ex fide, ut secúndum grátiam, ut firma sit promissio omni sémini, non ei qui ex Lege est solum sed et ei qui ex fide est Abrahæ (qui est pater ómnium nostrum, sicut scriptum est: « Patrem multárum gén-

tium p[ro]posui te »), ante Deum cui cr[edi]dit, qui vivificat m[or]tuos et vocat ea quæ non sunt quasi sint;

qui contra spem in spe cr[edi]dit ut fieret pater multarum gentium, secundum quod dictum est: « Sic erit semen tuum ». — Verbum Domini.

Psalmus resp.

Ps 104, 6-7. 8-9. 42-43 (R.: 8 a)

R. Memor fuit Dominus in sæculum testam[en]ti sui.

vel Allelúia.

- ⁶ Semen Abraham, servi eius,
fílii Iacob, elécti eius.
⁷ Ipse D[omi]nus Deus noster;
in univ[er]sa terra iudícia eius. R.
⁸ Memor fuit in sæculum testam[en]ti sui,
verbi quod mandávit in mille generatiónes,
⁹ quod dispósuit cum Abraham,
et iuram[en]ti sui ad Isaac. R.
⁴² Quóniam memor fuit verbi sancti sui
ad Abraham p[ro]p[ri]um suum.
⁴³ Et edúxit pópulum suum in exsultatióne,
eléctos suos in lætítia. R.

Anno secundo

Lectio prior

*Christum dedit caput supra omnia Ecclesiæ,
quæ est corpus ipsius.*

Lectio Epístolæ beáti Pauli apóstoli ad Ephésios

1, 15-23

Fratres:

Et ego áudiens fidem vestram quæ est in D[omi]no Iesu et dilecti[on]em in omnes sanctos, non cesso grátias agens pro vobis memóriam faci[en]s in orati[on]ibus meis,

ut Deus Dómini nostri Iesu Christi, Pater glóriæ, det vobis Spíritum sapiéntiæ et revelatiónis in agnitióne eius, illuminátos óculos cordis vestri, ut sciátis quæ sit spes vocatiónis eius, quæ divítiæ glóriæ hereditátis eius in sanctis,

et quæ sit superéminens magnitúdo virtútis eius in nos qui crédimus secúndum operatióem poténtiæ virtútis eius,

quam operátus est in Christo súscitans illum a mórtuis et constituens ad dexteram suam in cæléstibus supra omnem Principátum et Potestátem et Virtútem et Dominatióem et omne nomen quod nominátur non solum in hoc sáculo sed et in futúro;

et « ómnia subiécit sub pédibus eius », et ipsum dedit caput supra ómnia Ecclésiæ, quæ est corpus ipsíus, plenitúdo eius qui ómnia in ómnibus adimplétur.

Verbum Dómini.

Psalmus responsorius Ps 8, 2-3 a. 4-5. 6-7 (R.: cf. 7)

R. Constituísti Fílium tuum
super ópera mánuum tuárum.

Dómine, Dóminus noster,
quam admirábile est nomen tuum in univérsa terra;
quóniam eleváta est magnificéntia tua super cælos.
Ex ore infántium et lacténtium perfecísti laudem. **R.**

Quando vídeo cælos tuos, ópera digitórum tuórum,
lunam et stellas quæ tu fundásti:
quid est homo, quod memor es eius?
aut fílius hómínis, quóniam vísitas eum? **R.**

Minuísti eum paulo minus ab ángelis,
glória et honóre coronásti eum;
et constituísti eum super ópera mánuum tuárum. **R.**

Alleluia

Io 15, 26 b. 27 a

℞. Allelúia. ∇. Spíritus veritátis testimónium perhibébit
de me, dicit Dóminus;
et vos testimónium perhibébitis.
℞. Allelúia.

Evangelium

*Spiritus Sanctus docebit vos in ipsa hora
quæ oporteat dicere.*

✠ Lécio sancti Evangélíi secúndum Lucam 12, 8-12

In illo témpore: Loquebátur Iesus discípulis suis:

« Dico vobis: Omnis quicumque conféssus fúerit in
me coram homínibus, et Fílius hóminis confitébitur in
illo coram ángelis Dei: qui autem negáverit me coram
homínibus, denegábitur coram ángelis Dei.

Et omnis qui dicet verbum in Fílium hóminis, remit-
tétur illi: ei autem, qui in Spíritum Sanctum blasphemá-
verit, non remittétur.

Cum autem indúcent vos in synagógas et ad magi-
strátus et potestátes, nolíte solliciti esse quáliter aut quid
respondeátis aut quid dicátis: Spíritus enim Sanctus do-
cébit vos in ipsa hora quæ opórteat dicere ».

Verbum Dómini.

Super oblata

Súscipe, Dómine, fidélium preces
cum oblatiónibus hostiárum,
ut, per hæc piæ devotiónis offícia,
ad cæléstem glóriam transeámus.
Per Christum.

Ant. ad communionem**Ps 33, 11**

Dívites eguérunt et esuriérunt;
quæréntes autem Dóminum
non minuéntur omni bono.

Vel:**1 Io 3, 2**

Cum apparúerit Dóminus, símiles ei érimus,
quóniam vidébimus eum sicuti est.

Post communionem

Maiestátem tuam, Dómine, suppliciter deprecámur,
ut, sicut nos Córporis et Sánguini sacrosánci
pascis aliménto,
ita divínæ natúræ fácias esse consórtes.
Per Christum.

DOMINICA XXIX « PER ANNUM »

Ant. ad introitum

Ps 16, 6. 8

Ego clamávi, quóniam exaudísti me, Deus;
inclína aurem tuam, et exáudi verba mea.
Custódi me, Dómine, ut pupíllam óculi;
sub umbra alárum tuárum prótege me.

Dicitur Glória in excélsis.

Collecta

Omnípotens sempitérne Deus,
fac nos tibi semper et devótam gérere voluntátem,
et maiestáti tuæ sincéro corde servíre. Per Dóminum.

Anno A

Lectio prima

*Apprehendi dexteram Cyri, ut subiciam
ante faciem eius gentes.*

Léctio libri Isaíæ prophétæ

45, 1. 4-6

Hæc dicit Dóminus christo meo Cyro, cuius apprehéndi dexteram, ut subíciam ante fáciem eius gentes, et dorsa regum vertam, et apériam coram eo iánuas, et portæ non claudéntur:

Propter servum meum Iacob et Israel eléctum meum, et vocávi te nómine tuo, assimilávi te, et non cognovísti me.

Ego Dóminus, et non est ámplius; extra me non est Deus; accínxi te, et non cognovísti me; ut sciant hi qui ab ortu solis et qui ab occidénte, quóniam absque me non est: ego Dóminus, et non est alter.

Verbum Dómini.

Psalmus responsorius

Ps 95, 1 et 3. 4-5. 7-8. 9-10 a et c (R.: 7 b)

R. Afférte Dómino glóriam et poténtiam.

- 1 Cantáte Dómino cánticum novum,
cantáte Dómino, omnis terra.
- 3 Annuntiáte inter gentes glóriam eius,
in ómnibus pópulis mirabília eius. R.
- 4 Quóniam magnus Dóminus et laudábilis nimis,
terríbilis est super omnes deos.
- 5 Quóniam omnes díi géntium inánia.
Dóminus autem cælos fecit. R.
- 7 Afférte Dómino, famíliæ populórum,
afférte Dómino glóriam et poténtiam,
8 afférte Dómino glóriam nóminis eius.
Tóllite hóstias et introíte in átria eius. R.
- 9 Adoráte Dóminum in splendóre sancto.
Contremíscite a fácie eius, univérsa terra,
10 dícite in géntibus: « Dóminus regnávít »;
iudicábit pópulos in æquitáte. R.

Lectio secunda

*Memores fidei vestræ et caritatis et spei.*Léctio Epístolæ primæ beáti Pauli apóstoli
ad Thessalonicénses

1, 1-5 b

Paulus et Silvánus et Timótheus Ecclésiæ Thessa-
lonicénsium, in Deo Patre et Dómino Iesu Christo: grá-
tia vobis et pax.

Grátias ágimus Deo semper pro ómnibus vobis,
memóriam faciéntes in oratióibus nostris, sine inter-
missióne mémoreis óperis fidei vestræ et labóris cari-

tátis et sustinéntiæ spei Dómini nostri Iesu Christi ante Deum et Patrem nostrum,

sciéntes, fratres, dilécti a Deo, electiónem vestram, quia Evangélium nostrum non fuit ad vos in sermóne tantum, sed et in virtúte et in Spíritu Sancto et in plenitúdine multa. — Verbum Dómini.

Alleluia

Phil 2, 15 d-16 a

℞. Allelúia. √. Lucétis sicut luminária in mundo, verbum vitæ continéntes. ℞. Allelúia.

Evangeliium

*Reddite quæ sunt Cæsaris Cæsari,
et quæ sunt Dei Deo*

✠ Lécio sancti Evangélii secúndum Matthæum

22, 15-21

In illo témpore:

Abeúntes Phariséi consílium iniérunt ut cáperent Iesum in sermóne.

Et mittunt ei discípulos suos cum Herodiánis dicéntes: « Magíster, scimus quia verax es et viam Dei in veritáte doces, et non est tibi cura de áliquo, non enim réspicis persónam hóminum.

Dic ergo nobis: “ Quid tibi videátur? Licet census dare Cæsari an non? ” »

Cógnita autem Iesus nequítia eórum, ait: « Quid me tentátis, hypócritæ? Osténdite mihi nomísma census ». At illi obtulérunt ei denárium.

Et ait illis: « Cuius est imágo hæc et suprascríptio? ».

Dicunt ei: « Cæsaris ».

Tunc ait illis: « Réddite ergo quæ sunt Cæsaris Cæsari, et quæ sunt Dei Deo ». — Verbum Dómini.

Anno B

Lectio prima

*Si posuerit pro peccato animam suam,
videbit semen longævum.*

Lectio libri Isaíæ prophétæ

53, 10-11

Dóminus vóluit contérere eum in infirmitáte. Si posúerit pro peccáto ánimam suam, vidébit semen longævum, et volúntas Dómini in manu eius dirigétur.

Pro eo quod laborávit ánimá eius, vidébit et saturábitur. In sciéntia sua iustificábit ipse iustus servus meus multos, et iniquitátes eórum ipse portábit.

Verbum Dómini.

Psalmus responsorius

Ps 32, 4-5. 18-19. 20 et 22 (R.: 22)

R. Fiat misericórdia tua, Dómine, super nos,
quemádmódum sperávimus in te.

Quia rectum est verbum Dómini,
et ómnia ópera eius in fide.

Díligit iustítiam et iudícium,
misericórdia Dómini plena est terra. R.

Ecce óculi Dómini super metuéntes eum,
in eos qui sperant super misericórdia eius,
ut éruat a morte ánimas eórum,
et alat eos in fame. R.

Anima nostra sústinet Dóminum,
quóniam adiútor et protéctor noster est.
Fiat misericórdia tua, Dómine, super nos,
quemádmódum sperávimus in te. R.

Lectio secunda

Adeamus cum fiducia ad thronum gratiæ.

Lectio Epistolæ ad Hebræos

4, 14-16

Fratres:

Habéntes Pontíficem magnum, qui penetrávit cælos, Iesum Fílium Dei, teneámus confessiónem: non enim habémus Pontíficem qui non possit cómpati infirmitátibus nostris, tentátum autem per ómnia secúndum similitúdinem absque peccáto.

Adeámus ergo cum fidúcia ad thronum grátia, ut misericórdiam consequámur et grátiam inveniámus in auxiliúm opportunum. — Verbum Dómini.

Alleluia

Mc 10, 45

℞. Allelúia. ℣. Fílius hóminis venit ut ministráret, et daret ánimam suam redemptionem pro multis.

℞. Allelúia.

Evangelium*

*Filius hominis venit ut daret animam suam
redemptionem pro multis.*

✠ Lectio sancti Evangélii secúndum Marcum

10, 35-45

In illo témpore:

Accédunt ad Iesum Iacóbus et Ioánnes fílii Zebedæi dicéntes ei: « Magíster, vólumus ut quodcúmque petiérimus a te fácias nobis ».

At ille dixit eis: « Quid vultis, ut fáciam vobis? »

Illi autem dixerunt ei: « Da nobis, ut unus ad dexteram tuam et álius ad sinístram sedeámus in glória tua ».

Iesus autem ait eis: « Nescitis quid petátis. Potéstis bíbere cálicem quem ego bibo, aut baptísmum quo ego baptízor baptizári? »

At illi dixerunt ei: « Póssumus ».

Iesus autem ait eis: « Cálicem quidem quem ego bibo, bibétis, et baptísmum quo ego baptízor, baptizabímini, sedére autem ad dexteram meam vel ad sinístram non est meum dare, sed quibus parátum est ».

Et audiéntes decem cœpérunt indignári de Iacóbo et Ioánnē. Et vocans eos Iesus ait illis:

« Scitis quia hi qui vidéntur principári géntibus, dominántur eis et príncipes eórum potestátem habent ipsórum.

Non ita est autem in vobis: sed quicúmque volúerit fieri maior inter vos, erit vester mínister, et quicúmque volúerit in vobis primus esse, erit ómnium servus;

nam et Fílius hóminis non venit ut ministrarétur ei sed ut ministráret et daret ánimam suam redemptiónem pro multis ». — Verbum Dómini.

vel brevior

✠ Lécio sancti Evangélii secúndum Marcum

10, 42-45

In illo témpore: Dixit Iesus discíplis suis:

« Scitis quia hi qui vidéntur principári géntibus, dominántur eis et príncipes eórum potestátem habent ipsórum.

Non ita est autem in vobis: sed quicúmque volúerit fieri maior inter vos, erit vester mínister, et quicúmque volúerit in vobis primus esse, erit ómnium servus;

nam et Fílius hóminis non venit ut ministrarétur ei sed ut ministráret et daret ánimam suam redemptiónem pro multis ». — Verbum Dómini.

Anno C

Lectio prima

Cum levaret Moyses manus, vincebat Israel.

Lectio libri Exodi

17, 8-13

In diébus illis:

Venit Amalec, et pugnabat contra Israel in Ráphidim.

Dixitque Móyses ad Iósue: « Elige viros, et egréssus pugna contra Amalec; cras ego stabo in vértice collis, habens virgam Dei in manu mea ». Fecit Iósue ut locútus erat Móyses, et pugnávit contra Amalec; Móyses autem et Aaron et Hur ascendérunt super vérticem collis.

Cumque leváret Móyses manus, vincébat Israel; sin autem páululum remisisset, superábat Amalec.

Manus autem Móysi erant graves; suméntes ígitur lápidem, posuérunť subter eum, in quo sedit; Aaron autem et Hur sustentábant manus eius ex utráque parte.

Et factum est ut manus illíus non lassaréntur usque ad occásum solis. Fugavítque Iósue Amalec et pópulum eius in ore gládii. — Verbum Dómini.

Psalmus responsorius

Ps 120, 1-2. 3-4. 5-6. 7-8 (R.: cf. 2)

R. Adiutórium nostrum in nómine Dómini,
qui fecit cælum et terram.

¹ Levábo óculos meos in montes:
unde véniet auxílium mihi?

² Auxílium meum a Dómino,
qui fecit cælum et terram. R.

Non dabit in commotióne pedem tuum,
neque dormitábit qui custódit te.

- 1 Ecce non dormitábit neque dórmiet,
qui custódit Israel. *R.*
- 3 Dóminus custódit te,
Dóminus umbráculum tuum,
ad manum délixteram tuam.
- 4 Per diem sol non percútiet te,
neque luna per noctem. *R.*
- 7 Dóminus custódiet te ab omni malo;
custódiet ánimam tuam Dóminus.
- 8 Dóminus custódiet intróitum tuum et éxitum tuum,
ex hoc nunc et usque in sáculum. *R.*

Lectio secunda

*Perfectus sit homo Dei, ad omne opus
bonum instructus.*

Léctio Epístolæ secúndæ beáti Pauli apóstoli
ad Timótheum

3, 14 — 4, 2

Caríssime:

Pérmane in his quæ didicísti et crédita sunt tibi, sciens a quibus didiceris, et quia ab infántia Sacras Lítteras nosti, quæ te possunt instrúere ad salútem per fidem quæ est in Christo Iesu.

Omnis Scriptúra divínitus inspiráta est et útilis ad docéndum, ad arguéndum, ad corrigéndum, ad erudiéndum in iustítia, ut perféctus sit homo Dei, ad omne opus bonum instrúctus.

Testíficor coram Deo et Christo Iesu, qui iudicáturus est vivos ac mórtuos, per advéntum ipsíus et Regnum eius: prædica verbum, insta opportúne importúne, árgue, íncrepa, óbsecra, in omni patiéntia et doctrína. — Verbum Dómini.

Alleluia

Hebr 4, 12 a. e

℞. Allelúia. ∇. Vivus est sermo Dei, et éfficax,
et discrétor cogitatónum et intentiónum
cordis. ℞. Allelúia.

Evangelium

*Deus faciet vindictam electorum suorum
clamantium ad se.*

✠ Lécio sancti Evangélii secúndum Lucam 18, 1-8

In illo témpore:

Dicébat Iesus parábolam ad discípulos suos, quóniam opórtet semper oráre et non defícere, dicens:

« Iudex quidam erat in quadam civitáte, qui Deum non timébat et hóminem non reverebátur.

Vídúa autem erat in civitáte illa et veniébat ad eum dicens: " Víndica me de adversário meo ".

Et nolébat per multum tempus, post hæc autem dixit intra se: " Et si Deum non tímeo nec hóminem revéreor, tamen quia molésta est mihi hæc vídua, vindicábo illam, ne in novíssimo véniens suggillet me " ».

Ait autem Dóminus: « Audíte quid iudex iniquitátis dicit; Deus autem non fáciét vindíctam electórum suórum clamántium ad se die ac nocte, et patiéntiam habébit in illis?

Dico vobis: Cito fáciét vindíctam illórum. Verúm-tamen Fílius hóminis véniens, putas, invéniet fidem in terra? » — Verbum Dómini.

Dicitur Credo.

Super oblata

Tribue nos, Dómine, quásumus,
donis tuis líbera mente servíre,

ut, tua purificánte nos grátia,
iisdem quibus famulámur mystériis emundémur.
Per Christum.

Præfatio de dominicis « per annum », pp. 588-595.

Ant. ad communionem

Ps 32, 18-19

Ecce óculi Dómini super timéntes eum,
et in eis qui sperant super misericórdia eius;
ut éruat a morte ánimas eórum, et alat eos in fame.

Vel:

Mc 10, 45

Fílius hóminis venit,
ut daret ánimam suam redemptionem pro multis.

Post communionem

Fac nos, quæsumus, Dómine,
cæléstium rerum frequentatióne profícere,
ut et temporálibus benefíciis adiuvémur,
et erudiámur ætérnis.
Per Christum.

Feria secunda

Ant. ad introitum

Ps 16, 6. 8

Ego clamávi, quóniam exaudísti me, Deus;
inclína aurem tuam, et exáudi verba mea.
Custódi me, Dómine, ut pupíllam óculi;
sub umbra alárum tuárum prótege me.

Collecta

Omnípotens sempitérne Deus,
fac nos tibi semper et devótam gérere voluntátem,
et maiestáti tuæ sincéro corde servíre.
Per Dóminum.

Anno primo

Lectio prior

*Scriptum est et propter nos quibus reputabitur,
credentibus in eum*

Léctio Epístolæ beáti Pauli apóstoli ad Romános

Fratres:

4, 20-25

In repromissióne Dei non hæsítávit Abraham diffi-
déntia sed confortátus est fide, dans glóriam Deo, et
pleníssime sciens quia quod promísit potens est et fá-
cere. Ideo et reputátum est illi ad iustítiam.

Non est autem scriptum tantum propter ipsum: re-
putátum est illi, sed et propter nos quibus reputábitur,
credéntibus in eum qui suscitávit Iesum Dóminum no-
strum a mórtuis, qui tráditus est propter delícta nostra
et suscitátus est propter iustificatióem nostram.

Verbum Dómini.

Psalmus resp. Lc 1, 69-70. 71-72. 73-75 (R.: 68)

R. Benedíctus Dóminus Deus Israel,
quia visitávit plebem suam.

69 Et eréxit cornu salútis nobis in domo David púeri sui,
70 sicut locútus est per os sanctórum,
qui a sáculo sunt, Prophetárum eius. R.

71 Salútem ex inimícis nostris,
et de manu ómnium qui odérunt nos:
72 ad faciéndam misericórdiam cum pátribus nostris,
et memorári testaménti sui sancti. R.

73 Iusiurándum, quod iurávit ad Abraham
patrem nostrum,
74 datúrum se nobis, ut sine timóre,
de manu inimicórum nostrórum liberáti, serviámus illi
75 in sanctitáte et iustítia coram ipso
ómnibus diébus nostris. R.

Anno secundo

Lectio prior

*Convivificavit nos Christo et consedere fecit
in cælestibus.*

Lectio Epistolæ beāti Pauli apóstoli ad Ephésios

Fratres: 2, 1-10

Cum essétis mórtui delictis et peccátis vestris, in quibus aliquándo ambulástis secúndum sáculum mundi huius, secúndum príncipem potestátis áeris, spíritus qui nunc operátur in filios diffidéntiæ;

in quibus et nos omnes aliquándo conversáti sumus in concupiscéntiis carnis nostræ, faciéntes voluntátes carnis et cogitatiónum, et erámus natúra filii iræ sicut et céteri;

Deus autem, qui dives est in misericórdia, propter nímiā caritátem suā qua diléxit nos, et cum essémus mórtui peccátis, convivificávit nos Christo — grátia estis salváti — et conresuscitávit et consedere fecit in cælestibus in Christo Iesu, ut osténderet in sáculis superveniéntibus abundátes divítias grátiae suæ in bonitáte super nos in Christo Iesu.

Grátia enim estis salváti per fidem; et hoc non ex vobis, Dei donum est: non ex opéribus, ut ne quis gloriétur.

Ipsíus enim sumus factúra, creáti in Christo Iesu in ópera bona, quæ præparávit Deus ut in illis ambulémus. — Verbum Dómini.

Psalmus responsorius Ps 99, 2. 3. 4. 5 (R.: 3 b)

R. Dóminus ipse fecit nos, et ipsíus sumus.

Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne. R.

3 Scitóte quóniam Dóminus ipse est Deus;
ipse fecit nos, et ipsíus sumus,
pópulus eius et oves páscuæ eius. *R.*

4 Introíte portas eius in confessióne,
átria eius in hymnis,
confitémini illi, benedícite nómini eius. *R.*

5 Quóniam suávis est Dóminus;
in ætérnum misericórdia eius,
et usque in generatióem et generatióem
véritas eius. *R.*

Alleluia

Mt 5, 3

R. Allelúia. *V.* Beáti páuperes spíritu,
quóniam ipsórum est Regnum cælórum.
R. Allelúia.

Evangeliu

Quæ parasti, cuius erunt?

✠ Lécio sancti Evangélii secúndum Lucam

12, 13-21

In illo témpore:

Ait quidam Iesu de turba: « Magíster, dic fratri meo ut dívidat mecum hereditátem ».

At ille dixit ei: « Homo, quis me constitúit iúdicem aut divisórem super vos? » Dixítque ad illos: « Vidéte et cavéte ab omni avarítia; quia, si cui res abúndant, vita eius non est ex his quæ póssidet ».

Dixit autem similitúdinem ad illos dicens: « Hóminis cuiúsdam dívitis úberes fructus ager áttulit. Et cogitábat intra se dicens:

“ Quid fáciam, quod non hábeo quo cóngregem fructus meos? ” Et dixit: “ Hoc fáciam: déstruam hór-

rea mea et maióra ædificábo, et illuc congregábo omne tríticum et bona mea; et dicam ánimæ meæ: " Anima, habes multa bona pósito in annos plúrimos: requiesce, cómede, bíbe, epuláre ".

Dixit autem illi Deus: " Stulte, hac nocte ánimam tuam répetunt a te; quæ autem parásti, cuius erunt? "

Sic est qui sibi thesaurizat et non fit in Deum dives ». — Verbum Dómini.

Super oblata

Tríbue nos, Dómine, quæsumus,
donis tuis líbera mente servíre,
ut, tua purificánte nos grátia,
íisdem quibus famulámur mystériis emundémur.
Per Christum.

Ant. ad communionem

Ps 32, 18-19

Ecce óculi Dómini super timéntes eum,
et in eis qui sperant super misericórdia eius;
ut éruat a morte ánimas eórum, et alat eos in fame.

Vel:

Mc 10, 45

Fílius hóminis venit,
ut daret ánimam suam redemptionem pro multis.

Post communionem

Fac nos, quæsumus, Dómine,
cæléstium rerum frequentatióne profícere,
ut et temporálibus beneficiis adiuvémur,
et erudiámur ætérnis.
Per Christum.

Feria tertia**Ant. ad introitum****Ps 16, 6. 8**

Ego clamávi, quóniam exaudísti me, Deus;
inclína aurem tuam, et exáudi verba mea.
Custódi me, Dómine, ut pupíllam óculi;
sub umbra alárum tuárum prótege me.

Collecta

Omnípotens sempitérne Deus,
fac nos tibi semper et devótam gérere voluntátem,
et maiestáti tuæ sincéro corde servíre. Per Dóminum.

Anno primo**Lectio prior**

*Si unius delicto mors regnavit,
multo magis in vita regnabunt.*

Léctio Epístolæ beáti Pauli apóstoli ad Romános**Fratres:****5, 12. 15 b. 17-19. 20 b-21**

Sicut per unum hóminem peccátum in hunc mundum intrávit et per peccátum mors, et ita in omnes hómines mors pertránsiit, eo quod omnes peccavérunt.

Si enim unius delícto multi mórtui sunt, multo magis grátia Dei et donum in grátia unius hóminis Iesu Christi in plures abundávit.

Si enim unius delícto mors regnávit per unum, multo magis qui abundántiam grátiae et donatiónis iustítiæ accípiunt, in vita regnábunt per unum Iesum Christum.

Igitur sicut per unius delíctum in omnes hómines in condemnatióem, sic et per unius iustítiam in omnes hómines in iustificatióem vitæ; sicut enim per inobædiéntiam unius hóminis peccatóres constitúti sunt multi, ita et per unius obædictiόem iusti constituéntur multi.

Ubi autem abundávit peccátum, superabundávit grátia, ut sicut regnávit peccátum in morte, ita et grátia regnet per iustítiam in vitam ætérnam per Iesum Christum Dóminum nostrum. — Verbum Dómini.

Psalmus responsorius

Ps 39, 7-8 a. 8 b-9. 10. 17 (R.: cf. 8 a et 9 a)

R. Ecce vénio, Dómine, ut fáciam voluntátem tuam.

Sacrificíum et oblatiónem noluísti,
aures autem fodísti mihi.
Holocáustum et pro peccáto non postulásti,
tunc dixi: « Ecce vénio. R.

In volúmine libri scriptum est de me
fácere voluntátem tuam.
Deus meus, vólui,
et lex tua in præcórdiis meis ». R.

Annuntiávi iustítiam tuam in ecclésia magna;
ecce lábia mea non prohibébo, Dómine, tu scisti. R.

Exsúltent et læténtur in te omnes quæréntes te,
et dicant semper: « Magnificétur Dóminus »
qui díligunt salutáre tuum. R.

Anno secundo

Lectio prior

Ipse est pax nostra, qui fecit utraque unum.

Léctio Epístolæ beáti Pauli apóstoli ad Ephésios

2, 12-22

Erátis illo in témpore sine Christo, alienáti a conversatióne Israel et extránei testamentórum promissiónis, spem non habéntes et sine Deo in mundo. Nunc autem in Christo Iesu vos, qui aliquándo erátis longe, facti estis prope in ságuine Christi.

Ipse est enim pax nostra, qui fecit útraque unum et médium parietem macériæ solvit, inimicitiam, in carne sua, Legem mandatórum in decretis evácuans, ut duos condat in semetípso in unum novum hóminem, faciens pacem, et reconcíliet ambos in uno córpore Deo per crucem, interficiens inimicitiam in semetípso.

Et véniens evangelizávit pacem vobis qui longe fuístis et pacem his qui prope; quóniam per ipsum habémus accéssum ambo in uno Spíritu ad Patrem.

Ergo iam non estis extránei et ádvenæ, sed estis concíves sanctórum et doméstici Dei, superædificáti super fundaméntum Apostolórum et Prophetárum, ipso summo angulári lápide Christo Iesu, in quo omnis ædificátio compácta crescit in templum sanctum in Dómino, in quo et vos coædificámini in habitáculum Dei in Spíritu. — Verbum Dómini.

Psalmus responsorius

Ps 84, 9 ab-10. 11-12. 13-14 (R.: cf. 9)

R. Lóquitur pacem Dóminus ad plebem suam.

- ⁹ Audiam quid loquátur Dóminus Deus,
quóniam loquétur pacem
ad plebem suam et sanctos suos.
- ¹⁰ Verúmtamen prope timéntes eum salutáre ipsíus,
ut inhábitet glória in terra nostra. R.
- ¹¹ Misericórdia et véritas obviavérunt sibi,
iustítia et pax osculátæ sunt.
- ¹² Véritas de terra orta est,
et iustítia de cælo prospéxit. R.
- ¹³ Etenim Dóminus dabit benignitátem,
et terra nostra dabit fructum suum.
- ¹⁴ Iustítia ante eum ambulábit,
et ponet in via gressus suos. R.

Alleluia

Lc 21, 36

℞. Allelúia. ⁊. Vigiláte, omni témpore orántes,
ut digni habeámini stare
ante Fílium hóminis. ℞. Allelúia.

Evangelium

*Beati servi, quos cum venerit dominus
invenerit vigilantes.*

✠ Lécio sancti Evangélíi secúndum Lucam 12, 35-38

In illo témpore: Dixit Iesus discíplis suis:

« Sint lumbi vestri præcíncti, et lucérnæ ardéntes, et vos símiles homínibus exspectántibus dóminum suum, quando revertátur a núptiis, ut, cum vénerit et pulsáverit, conféstim apériant ei.

Beáti servi illi, quos cum vénerit dóminus invénerit vigilántes. Amen dico vobis, quod præcínget se et fáciet illos discúmbere, et tránsiens ministrábit illis. Et si vénerit in secúnda vigília et si in tértia vigília vénerit et ita invénerit, beáti sunt illi ». — Verbum Dómini.

Super oblata

Tríbue nos, Dómine, quæsumus,
donis tuis líbera mente servíre,
ut, tua purificánte nos grátia,
íisdem quibus famulámur mystériis emundémur.
Per Christum.

Ant. ad communionem

Ps 32, 18-19

Ecce óculi Dómini super timéntes eum,
et in eis qui sperant super misericórdia eius;
ut éruat a morte ánimas eórum, et alat eos in fame.

Vel:

Mc 10, 45

Fílius hómínis venit,
ut daret ánimam suam redemptionem pro multis.

Post communionem

Fac nos, quæsumus, Dómine,
cæléstium rerum frequentatióne profícere,
ut et temporálibus beneficiis adiuvémur,
et erudiámur ætérnis.
Per Christum.

Feria quarta**Ant. ad introitum**

Ps 16, 6. 8

Ego clamávi, quóniam exaudísti me, Deus;
inclína aurem tuam, et exáudi verba mea.
Custódi me, Dómine, ut pupíllam óculi;
sub umbra alárum tuárum prótege me.

Collecta

Omnípotens sempitérne Deus,
fac nos tibi semper et devótam gérere voluntátem,
et maiestáti tuæ sincéro corde servíre.
Per Dóminum.

Anno primo**Lectio prior**

Exhibete vos Deo tamquam ex mortuis viventes.

Léctio Epístolæ beáti Pauli apóstoli ad Romános

6, 12-18

Fratres:

Non regnet peccátum in vestro mortáli córpore ut
obœdiátis concupiscéntiis eius, neque exhibeátis mem-
bra vestra arma iniustítiæ peccáto, sed exhibéte vos Deo

tamquam ex mórtuis vivéntes et membra vestra arma iustítiæ Deo; peccátum enim vobis non dominábitur, non enim sub Lege estis, sed sub grátia.

Quid ergo? Peccábimus quóniam non sumus sub Lege sed sub grátia? Absit. Nescítis quóniam cui exhibétis vos servos ad obœdiéntiam, servi estis eius cui obœdítis, sive peccáti ad mortem, sive obœditiónis ad iustítiam?

Grátias autem Deo quod fuístis servi peccáti, obœdístis autem ex corde in eam formam doctrínæ in quam trádicti estis, liberáti autem a peccáto servi facti estis iustítiæ. — Verbum Dómini.

Psalmus responsorius

Ps 123, 1-3. 4-6. 7-8 (R.: 8 a)

R. Adiutórium nostrum in nómine Dómini.

1 Nisi quia Dóminus erat in nobis,
dicat nunc Israel,

2 nisi quia Dóminus erat in nobis,
cum exsúrgerent hómines in nos,
3 forte vivos deglutíssent nos;
cum irascerétur furor eórum in nos. R.

4 Fórsitan aqua absorbuísset nos;
torrens pertransísset ánimam nostram,
5 fórsitan pertransísset ánimam nostram
aquæ intumescéntes.

6 Benedíctus Dóminus,
qui non dedit nos in direptiόνem déntibus eórum. R.

7 Anima nostra sicut passer erépta est
de láqueo venántium:
láqueus contrítus est,
et nos erépti sumus.
8 Adiutórium nostrum in nómine Dómini,
qui fecit cælum et terram. R.

Anno secundo

Lectio prior

*Mysterium Christi nunc revelatum est,
esse gentes coheredes promissionis*

Lectio Epistolæ beāti Pauli apóstoli ad Ephésios

Fratres:

3, 2-12

Si audístis dispensatióem grátiae Dei quæ data est mihi pro vobis, quóniam secúndum revelatióem notum mihi factum est mystérium, sicut supra scripsi in brevi, prout potéstis legéntes intellégere prudéntiam meam in mystério Christi, quod áliis generatióibus non innótuit fíliis hóminum, sicuti nunc revelátum est sanctis Apóstolis eius et Prophétis in Spíritu:

esse gentes coherédes et concorporáles et compartícipes promissionis in Christo Iesu per Evangélium, cuius factus sum mínister secúndum donum grátiae Dei quæ data est mihi secúndum operatióem virtútis eius.

Mihi ómnium sanctórum mínimo data est grátia hæc, géntibus evangelizáre investigábiles divítias Christi, et illumináre omnes quæ sit dispensátio mystérii absconditi a sæculis in Deo, qui ómnia creávit,

ut innotéscat nunc Principátibus et Potestátibus in cæléstibus per Ecclesiám multifórmis sapiéntia Dei, secúndum propósitum sæculórum quod fecit in Christo Iesu: Dómino nostro, in quo habémus fidúciam et accéssum in confidéntia per fidem eius. — Verbum Dómini.

Psalmus responsorius Is 12, 2-3. 4 bcd. 5-6 (R.: 3)

R. Hauriétis aquas in gáudio de fóntibus Salvatóris.

2

Ecce Deus salvátor meus,
fiduciáliter agam et non timébo,
quia fortitúdo mea et laus mea Dóminus,

et factus est mihi in salutem.

Hauriétis aquas in gáudio de fóntibus Salvatóris. **R.**

Confitémini Dómino et invocáte nomen eius,
notas fácite in pópulis adinventiónes eius,
mementóte quóniam excélsus est nomen eius. **R.**

Cantáte Dómino, quóniam magnífice fecit,
annuntiáte hoc in univérſa terra.

Exsúlta et lauda, habitátio Sion,
quia magnus in médio tui Sanctus Israel. **R.**

Alleluia

Mt 24, 42 a. 44

R. Allelúia. **V.** Vigiláte et estóte paráti,
quia qua nescítis hora Fílius hóminis
ventúrus est. **R.** Allelúia.

Evangelium

*Omni cui multum datum est,
multum quæretur ab eo.*

✠ Lécio sancti Evangélíi secúndum Lucam 12, 39-48

In illo témpore:

Dixit Iesus discípulis suis: « Hoc scitóte quia si sciret pater famílias qua hora fur veníret, non síneret perfodíri domum suam. Et vos estóte paráti, quia qua hora non putátis Fílius hóminis venit ».

Ait autem Petrus: « Dómine, ad nos dicis hanc parábolam an et ad omnes? »

Et dixit Dóminus: « Quis, putas, est fidélis dispensátor et prudens, quem constitúet dóminus super famíliam suam ut det illis in témpore trítici mensúram?

Beátus ille servus, quem cum vénerit dóminus eius invénerit ita faciéntem. Vere dico vobis: Supra ómnia quæ póssidet constitúet illum.

Quod si díxerit servus ille in corde suo: " Moram facit dóninus meus veníre ", et cóeperit percútere púeros et ancíllas, et édere et bíbere et inebriári, véniet dóninus servi illíus in die qua non sperat, et hora qua nescit, et dívidet eum, partémque eius cum infidélibus ponet.

Ille autem servus, qui cognóvit voluntátem dónini sui et non præparávit vel non fecit secúndum voluntátem eius, vapulábit multas, qui autem non cognóvit et fecit digna plagis, vapulábit paucis.

Omni autem cui multum datum est, multum quærétur ab eo, et cui commendavérunt multum, plus petent ab eo ». — Verbum Dómini.

Super oblata

Tríbue nos, Dómine, quæsumus,
donis tuis líbera mente servíre,
ut, tua purificánte nos grátia,
iísdem quibus famulámur mystériis emundémur.
Per Christum.

Ant. ad communionem

Ps 32, 18-19

Ecce óculi Dómini super timéntes eum,
et in eis qui sperant super misericórdia eius;
ut éruat a morte ánimas eórum, et alat eos in fame.

Vel:

Mc 10, 45

Fílius hóminis venit,
ut daret ánimam suam redemptionem pro multis.

Post communionem

Fac nos, quæsumus, Dómine,
cæléstium rerum frequentatióne profícere,
ut et temporálibus benefíciis adiuvémur,
et erudiámur ætéris. Per Christum.

Feria quinta

Ant. ad introitum

Ps 16, 6. 8

Ego clamávi, quóniam exaudísti me, Deus;
inclína aurem tuam, et exáudi verba mea.
Custódi me, Dómine, ut pupíllam óculi;
sub umbra alárum tuárum prótege me.

Collecta

Omnípotens sempitérne Deus,
fac nos tibi semper
et devótam gérere voluntátem,
et maiestáti tuæ sincéro corde servíre.
Per Dóminum.

Anno primo

Lectio prior

Nunc, liberati a peccato, servi facti estis Deo.

Léctio Epístolæ beáti Pauli apóstoli ad Romános

6, 19-23

Fratres:

Humánum dico propter infirmitátem carnis vestræ.
Sicut enim exhibuístis membra vestra servíre immundítie et iniquitáti ad iniquitátem, ita nunc exhibéte membra vestra servíre iustítie ad sanctificatióem.

Cum enim servi essétis peccáti, líberi erátis iustítie. Quem ergo fructum habebátis tunc in quibus nunc erubescitis? Nam finis illórum mors.

Nunc vero, liberáti a peccáto, servi autem facti Deo, habétis fructum vestrum in sanctificatióem, finem vero vitam ætéram. Stipéndia enim peccáti mors, donum autem Dei vita ætéra in Christo Iesu Dómino nostro.

Verbum Dómini.

Psalmus responsorius

Ps 1, 1-2. 3. 4 et 6 (R.: Ps 39, 5 a)

R. Beátus vir, qui pósuit Dóminum spem suam.

- 1 Beátus vir, qui non ábiit in consílio impiórum,
et in via peccatórum non stetit,
et in convéntu derisórum non sedit;
2 sed in lege Dómini volúntas eius,
et in lege eius meditátur die ac nocte. R.
3 Et erit tamquam lignum plantátum
secus decúrsus aquárum,
quod fructum suum dabit in témpore suo;
et fólium eius non défluét,
et ómnia quæcúmque fáciét prosperabúntur. R.
4 Non sic ímpii, non sic,
sed tamquam pulvis quem próicit ventus.
6 Quóniam novit Dóminus víam iustórum,
et iter impiórum períbit. R.

Anno secundo

Lectio prior

*In caritate radicati et fundati,
ut impleamini in omnem plenitudinem Dei.*

Léctio Epístolæ beáti Pauli apóstoli ad Ephésios

3, 14-21

Fratres:

Flecto génuá mea ad Patrem, ex quo omnis patér-
nitas in cælis et in terra nominátur,

ut det vobis secúndum divítias glóriæ suæ virtúte
corroborári per Spíritum eius in interiorem hóminem,
habitáre Christum per fidem in córdibus vestris, in cari-
táte radicáti et fundáti,

ut valeátis comprehendere cum ómnibus sanctis quæ sit latitúdo et longitúdo et sublimitas et profúndum, scire étiam supereminéntem sciéntiæ caritátem Christi, ut impleámini in omnem plenitúdinem Dei.

Ei autem qui potens est supra ómnia fácere superabundánter quam pétimus aut intellégimus secúndum virtútem quæ operátur in nobis, ipsi glória in Ecclésia et in Christo Iesu in omnes generatiónes sæculi sæculórum: amen. — Verbum Dómini.

Psalmus resp. Ps 32, 1-2. 4-5. 11-12. 18-19 (R.: 5 b)

R. Misericórdia Dómini plena est terra.

1 Exsultáte, iusti, in Dómino; rectos decet collaudátio.

2 Confitémini Dómino in cíthara,
in psaltério decem chordárum psállite illi. **R.**

4 Quia rectum est verbum Dómini,
et ómnia ópera eius in fide.

7 Díligit iustítiam et iudícium,
misericórdia Dómini plena est terra. **R.**

11 Consílium autem Dómini in ætérnum manet,
cogitatiónes cordis eius in generatióne et generatióne.

12 Beáta gens, cui Dóminus est Deus,
pópulus, quem elégit in hereditátem sibi. **R.**

13 Ecce óculi Dómini super metuéntes eum,
in eos qui sperant super misericórdia eius,

14 ut éruat a morte ánimas eórum,
et alat eos in fame. **R.**

Alleluia

Phil 3, 8 c - 9 a

R. Allelúia. **V.** Omnia detriméntum feci,
et árbitor ut stércora,
ut Christum lucrifáciam et invéniam in illo.
R. Allelúia.

Evangelium

Non veni dare pacem, sed separationem.

✠ Lécitio sancti Evangélíi secúndum Lucam

12, 49-53

In illo témpore: Dixit Iesus discípulis suis:

« Ignem veni mittere in terram, et quid volo? Si iam accénsus esset! Baptísma autem hábeo baptizári, et quómodo coártor usque dum perficiátur!

Putátis quia pacem veni dare in terram? Non, dico vobis, sed separatióem.

Erunt enim ex hoc quinque in domo una divísi, tres in duos et duo in tres, dividéntur pater in fílium et fílius in patrem, mater in fíliam et fília in matrem, socrus in nurum suam et nurus in socrum ».

Verbum Dómini.

Super oblata

Tríbue nos, Dómine, quæsumus,
donis tuis líbera mente servíre,
ut, tua purificánte nos grátia,
iisdem quibus famulámur mystériis emundémur.
Per Christum.

Ant. ad communionem

Ps 32, 18-19

Ecce óculi Dómini super timéntes eum,
et in eis qui sperant super misericórdia eius;
ut éruat a morte ánimas eórum, et alat eos in fame.

Vel:

Mc 10, 45

Fílius hóminis venit,
ut daret ánimam suam redemptiόem pro multis.

Post communionem

Fac nos, quæsumus, Dómine,
cæléstium rerum frequentatiόe profícere,

ut et temporálibus beneficiis adiuvémur,
et erudiámur ætérnis.
Per Christum.

Feria sexta

Ant. ad introitum

Ps 16, 6. 8

Ego clamávi, quóniam exaudísti me, Deus;
inclína aurem tuam, et exáudi verba mea.
Custódi me, Dómine, ut pupíllam óculi;
sub umbra alárum tuárum prótege me.

Collecta

Omnípotens sempitérne Deus,
fac nos tibi semper et devótam gérere voluntátem,
et maiestáti tuæ sincéro corde servíre.
Per Dóminum.

Anno primo

Lectio prior

Quis me liberabit de corpore mortis huius?

Léctio Epístolæ beáti Pauli apóstoli ad Romános

Fratres:

7, 18-25 a

Scio quia non hábitat in me, hoc est in carne mea, bonum; nam velle ádiacet mihi, operári autem bonum, non! Non enim quod volo bonum fácio, sed quod nolo malum hoc ago. Si autem quod nolo illud fácio, iam non ego óperor illud, sed quod hábitat in me peccátum.

Invenio ígitur hanc legem volénti mihi fácere bonum, quóniam mihi malum ádiacet; condeléctor enim legi Dei secúndum interiórem hómínem, vídeo autem áliam legem in membris meis repugnántem legi mentis meæ,

et captivántem me in lege peccáti, quæ est in membris meis.

Infélix ego homo! Quis me liberábit de corpore mortis huius? Grátias autem Deo per Iesum Christum Dóminum nostrum. — Verbum Dómini.

Psalmus responsorius

Ps 118, 66. 68. 76. 77. 93. 94 (R.: 68 b)

R. Doce me, Dómine, iustificatiónes tuas.

66 Bonitátem et prudéntiam et sciéntiam doce me, quia præcéptis tuis crédidi. R.

68 Bonus es tu et benefáciens, doce me iustificatiónes tuas. R.

76 Fiat misericórdia tua ut consolétur me, secúndum elóquium tuum servo tuo. R.

77 Véniant mihi miseratiónes tuæ et vivam, quia lex tua delectátio mea est. R.

93 In ætérnum non oblivíscar mandáta tua, quia in ipsis vivificásti me. R.

94 Tuus sum ego: salvum me fac, quóniam mandáta tua exquisívi. R.

Anno secundo

Lectio prior

*Unum corpus, unus Dominus, una fides,
unum baptisma.*

Léctio Epístolæ beáti Pauli apóstoli ad Ephésios 4, 1-6

Fratres:

Obsecro vos ego, vinctus in Dómino, ut digne ambuletis vocatióne qua vocáti estis, cum omni humilitáte et

mansuetúdine, cum longanimitáte, supportántes ínvicem in caritáte, solliciti serváre unitátem spíritus in vínculo pacis;

unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus.

Verbum Dómini.

Psalmus responsorius

Ps 23, 1-2. 3-4 ab. 5-6 R.: cf. 6)

R. Hæc est generatio
quæréntium fáciem tuam, Dómine.

Dómini est terra et plenitúdo eius,
orbis terrárum et qui hábitant in eo.
Quia ipse super mária fundávit eum,
et super flúmina firmávit eum. R.

Quis ascéndet in montem Dómini,
aut quis stabit in loco sancto eius?
Innocens mánibus et mundo corde,
qui non accépit in vanum nomen eius. R.

Hic accípiet benedictiónem a Dómino,
et iustificatióem a Deo salutári suo.
Hæc est generatio quæréntium eum,
quæréntium fáciem Dei Iacob. R.

Alleluia

Cf. Mt 11, 25

R. Allelúia. V. Benedíctus es, Pater,
Dómine cæli et terræ,
quia mystéria Regni párvulis revelásti.
R. Allelúia.

Evangelium

*Faciem terræ et cæli nostis probare;
hoc autem tempus quomodo nescitis probare?*

✠ Lécio sancti Evangélii secúndum Lucam 12, 54-59

In illo témpore: Dicébat Iesus ad turbas:

« Cum vidéritis nubem oriéntem ab occásu, statim dícitis: “ Nimbus venit ”, et ita fit. Et cum austrum flantem, dícitis: “ Æstus erit ”, et fit. Hypócritæ, faciém terræ et cæli nostis probáre, hoc autem tempus quómodo nescitis probáre? Quid autem et a vobis ipsis non iudicátis quod iustum est?

Cum autem vadis cum adversário tuo ad princípem, in via da óperam liberári ab illo, ne forte trahat te apud iúdicem, et iudex tradat te exactóri, et exáetor mittat te in cárcerem.

Dico tibi, non éxies inde donec étiam novíssimum minútum reddas ». — Verbum Dómini.

Super oblata

Tríbue nos, Dómine, quásumus,
donis tuis líbera mente servíre,
ut, tua purificánte nos grátia,
iisdem quibus famulámur mystériis emundémur.
Per Christum.

Ant. ad communionem

Ps 32, 18-19

Ecce óculi Dómini super timéntes eum,
et in eis qui sperant super misericórdia eius;
ut éruat a morte ánimas eórum, et alat eos in fame.

Vel:

Mc 10, 45

Fílius hóminis venit,
ut daret ánimam suam redemptiónem pro multis.

Post communionem

Fac nos, quæsumus, Dómine,
cæléstium rerum frequentatióne proficere,
ut et temporálibus beneficiis adiuvémur,
et erudiámur ætérnis.
Per Christum.

Sabbato

Ant. ad introitum

Ps 16, 6. 8

Ego clamávi, quóniam exaudísti me, Deus;
inclína aurem tuam, et exáudi verba mea.
Custódi me, Dómine, ut pupíllam óculi;
sub umbra alárum tuárum prótege me.

Collecta

Omnípotens sempitérne Deus,
fac nos tibi semper et devótam gérere voluntátem,
et maiestáti tuæ sincéro corde servíre.
Per Dóminum.

Anno primo

Lectio prior

*Spiritus eius qui suscitavit Iesum a mortuis
habitat in vobis.*

Léctio Epístolæ beáti Pauli apóstoli ad Romános

Fratres:

8, 1-11

Nihil nunc damnatiónis est his qui sunt in Christo Iesu; lex enim Spíritus vitæ in Christo Iesu liberávit te a lege peccáti et mortis.

Nam quod impossíbile erat Legi in quo infirmabátur per carnem, Deus Fílium suum mittens in similitúdi-
ne carnis peccáti et pro peccáto, damnávit peccátum

Psalmus responsorius Ps 121, 1-2. 4-5 (R.: cf. 1)

R. In domum Dómini lætantes íbimus.

1 Lætátus sum in eo quod dixerunt mihi:

« In domum Dómini íbimus ».

2 Stantes iam sunt pedes nostri
in portis tuis, Ierúsalem. R.4 Illuc enim ascenderunt tribus, tribus Dómini,
testimónium Israel, ad confiténdum nómini Dómini.5 Quia illic sederunt sedes ad iudícium,
sedes domus David. R.**Alleluia**

Ez 33, 11

R. Allelúia. V. Nolo mortem ímpii, dicit Dóminus,
sed ut convertátur et vivat. R. Allelúia.**Evangelium***Si non pænitentiam egeritis omnes similiter peribitis.*

✠ Lécio sancti Evangélii secúndum Lucam 13, 1-9

Aderant quidam ipso in témpore nuntiántes Iesu de Galilæis quorum sánguinem Pilátus míscuit cum sacrificiis eórum.

Et respóndens dixit illis: « Putátis quod hi Galilæi præ ómnibus Galilæis peccatóres fuérunt, quia tália passi sunt? Non, dico vobis, sed nisi pæniténtiam egeritis omnes simíliter períbitis.

Vel illi decem et octo, supra quos cécidit turris in Síloam et occídit eos, putátis quia et ipsi debitóres fuérunt præter omnes hómines habitántes in Ierúsalem? Non, dico vobis, sed si non pæniténtiam egeritis omnes simíliter períbitis ».

Dicébat autem hanc similitúdinem: « Arborem fici habébat quidam plantátam in vínea sua, et venit quærens fructum in illa et non invénit.

Dixit autem ad cultórem víneæ: " Ecce anni tres sunt ex quo vénio quærens fructum in ficúlnea hac et non invénio. Succíde ergo illam, ut quid étiam terram evácuat? "

At ille respóndens dicit illi: " Dómine, dimítte illam et hoc anno, usque dum fódiam circa illam et mittam stércora; et si quidem fécerit fructum in futúrum — sin autem succídes eam ". — Verbum Dómini.

Super oblata

Tríbue nos, Dómine, quæsumus,
donis tuis líbera mente servíre,
ut, tua purificánte nos grátia,
iisdem quibus famulámur mystériis emundémur.
Per Christum.

Ant. ad communionem

Ps 32, 18-19

Ecce óculi Dómini super timéntes eum,
et in eis qui sperant super misericórdia eius;
ut éruat a morte ánimas eórum, et alat eos in fame.

Vel:

Mc 10, 45

Fílius hóminis venit,
ut daret ánimam suam redemptionem pro multis.

Post communionem

Fac nos, quæsumus, Dómine,
cæléstium rerum frequentatióne profícere,
ut et temporálibus benefíciis adiuvémur,
et erudiámur ætéris.
Per Christum.

DOMINICA XXX « PER ANNUM »

Ant. ad introitum

Ps 104, 3-4

Lætétur cor quæréntium Dóminum.
Quærite Dóminum, et confirmámini,
quærite fáciem eius semper.

Dicitur Glória in excélsis.

Collecta

Omnípotens sempitérne Deus,
da nobis fidei, spei et caritátis augméntum,
et, ut mereámur ássequi quod promíttis,
fac nos amáre quod præcipis.
Per Dóminum.

Anno A

Lectio prima

*Si læseritis viduam et pupillum,
indignabitur furor meus contra vos.*

Léctio libri Exodi

22, 21-27

Hæc dicit Dóminus:

« Advenam non contristábis neque afflíges eum; ád-
venæ enim et ipsi fuístis in terra Ægýpti.

Víduæ et pupílo non nocébitis. Si læséritis eos,
vociferabúntur ad me, et ego áudiam clamórem eórum,
et indignábitur furor meus, percutiámque vos gládio,
et erunt uxóres vestræ víduæ et filii vestri pupílli.

Si pecúniám mútuam déderis pópulo meo páuperi
qui hábitat tecum, non urgébis eum quasi exáctor nec
usúris ópprimes.

Si pignus a próximo tuo accéperis vestiméntum, ante solis occásum reddes ei, ipsum enim est solum, quo operítur, induméntum carnis eius, nec habet áliud in quo dórmíat; si clamáverit ad me, exáudiam eum, quia miséricors sum ». — Verbum Dómini.

Psalmus responsorius

Ps 17, 2-3 a. 3 bc-4. 47 et 51 ab (R.: 2)

R. Díligam te, Dómine, fortitúdo mea.

2 Díligam te, Dómine, fortitúdo mea.

3 Dómine, firmaméntum meum et refúgium meum et liberátor meus. R.

Deus meus, adiútor meus, et sperábo in eum: protéctor meus, et cornu salútis meæ, et suscéptor meus.

4 Laudábilem invocábo Dóminum, et ab inimícis meis salvus ero. R.

5 Vivat Dóminus, et benedíctus Adiútor meus, et exaltétur Deus salútis meæ, magníficans salútes regis sui, et fáciens misericórdiam christo suo. R.

Lectio secunda

*Conversi estis a simulacris, servire Deo
et exspectare Filium eius.*

Lectio Epístolæ primæ beáti Pauli apóstoli
ad Thessalonicénses

1, 5 c-10

Fratres:

Scitis quales fuérimus vobis propter vos. Et vos imitatóres nostri facti estis et Dómini, excipiéntes verbum in tribulatióne multa cum gáudio Spíritus Sancti, ita ut facti sitis forma ómnibus credéntibus in Macedónia et in Acháia.

A vobis enim diffamátus est sermo Dómini, non solum in Macedónia et in Acháia, sed in omni loco fides vestra quæ est ad Deum profecta est, ita ut non sit nobis necesse quicquam loqui;

ipsi enim de nobis annúntiant qualem intróitum habuerimus ad vos, et quómodo convérsi estis ad Deum a simulácris, servíre Deo vivo et vero, et exspectáre Fílium eius de cælis, quem suscitávit ex mórtuis, Iesum, qui éripit nos ab ira ventúra. — Verbum Dómini.

Alleluia

Io 14, 23

R. Allelúia. V. Si quis díligit me, sermónem meum servábit, dicit Dóminus;
et Pater meus díliget eum,
et ad eum veniémus. R. Allelúia.

Evangeliium

*Diliges Dominum Deum tuum,
et proximum tuum sicut te ipsum.*

✠ Lécio sancti Evangélii secúndum Matthæum

22, 34-40

In illo témpore:

Pharisæi audiéntes quod siléntium imposuisset Iesus Sadducæis, convenérunt in unum. Et interrogávit eum unus ex eis Legis doctor, tentans eum: « Magíster, quod est mandátum magnum in Lege? »

Ait autem illi: « " Díliges Dóminum Deum tuum in toto corde tuo et in tota ánima tua et in tota mente tua ": hoc est magnum et primum mandátum.

Secúndum autem símile est huic: " Díliges próximum tuum sicut te ipsum ". In his duóbus mandátis univérsa Lex pendet et Prophétæ ». — Verbum Dómini.

Anno B

Lectio prima

Cæcum et claudum in misericordia reducam.

Lectio libri Ieremiæ prophætæ

31, 7-9

Hæc dicit Dóminus:

« Exsultáte in lætítia, Iacob, et hinníte contra caput géntium; personáte et cánite et dícite: “ Salva, Dómine, pópulum tuum, reliquias Israel ”.

Ecce ego addúcam eos de terra aquilónis et congregábo eos ab extrémis terræ; inter quos erunt cæcus et claudus, prægnans et páriens simul, cœtus magnus reverténtium huc.

In fletu vénient, et in misericórdia redúcam eos, et addúcam eos per torréntes aquárum in via recta, et non impíngent in ea, quia factus sum Israéli pater, et Ephraim primogénitus meus est ». — Verbum Dómini.

Psalmus responsorius

Ps 125, 1-2 ab. 2 cd-3. 4-5. 6 (R.: 3)

R. Magnificávit Dóminus fácere nobíscum;
facti sumus lætántes.

1 In converténdo Dóminus captivitátem Sion,
facti sumus quasi somniántes.

2 Tunc replétum est gáudio os nostrum,
et lingua nostra exsultatióne. R.

Tunc dicébant inter gentes:

« Magnificávit Dóminus fácere cum eis ».

3 Magnificávit Dóminus fácere nobíscum;
facti sumus lætántes. R.

4 Convérte, Dómine, captivitátem nostram,
sicut torréntes in austro.

- 5 Qui séminant in lácrimis,
in exsultatióne metent *R.*
- 6 Eúntes ibant et flebant,
semen spargéndum portántes;
veníentes autem vénient in exsultatióne
portántes manípulos suos. *R.*

Lectio secunda

*Tu es sacerdos in æternum
secundum ordinem Melchisedech.*

Léctio Epístolæ ad Hebræos

5, 1-6

Omnis pónlífex ex homínibus assúptus pro homínibus constitúitur in his quæ sunt ad Deum, ut ófferat dona et sacrificia pro peccátis, qui æque condolére possit his qui ignórant et errant, quóniam et ipse circúmdatus est infirmitáte, et propter eam debet, quemádmódum et pro pópulo, ita étiam pro semetípso offérre pro peccátis.

Nec quisquam sumit sibi illum honórem sed qui vocátur a Deo, tamquam et Aaron.

Sic et Christus non semetípsum gloriificávit ut Pónlífex fieret, sed qui locútus est ad eum: « Fílius meus es tu, ego hódie genui te »; quemádmódum et in álío dicit: « Tu es sacérdos in ætérnum secúndum órđinem Melchisedech ». — Verbum Dómini.

Alleluia

2 Tim 1, 10 b

R. Allelúia. *V.* Salvátor noster Iesus Christus
destrúxit mortem,
et illuminávit vitam per Evangélíum.
R. Allelúia.

Evangelium

Rabboni, fac ut videam.

✠ Lécitio sancti Evangélii secúndum Marcum

10, 46 b-52

In illo témpore:

Proficiscénte Iesu de Iéricho et discipulis eius et plúrima multítúdine, fílius Timæi Bartimæus cæcus sedébat iuxta viam mendicans. Qui cum audísset quia Iesus Nazarénus est, cœpit clamáre et dícere: « Fili David Iesu, miserére mei ».

Et comminabántur ei multi ut tacéret; at ille multo magis clamábat: « Fili David, miserére mei ».

Et stans Iesus dixit: « Vocáte illum ». Et vocant cæcum dicétes ei: « Animæquior esto, surge, vocat te ». Qui, proiécito vestiménto suo, exsiliens venit ad Iesum. Et respóndens ei Iesus dixit: « Quid vis tibi fáciam? »

Cæcus autem dixit ei: « Rabbóni, ut vídeam ».

Et Iesus ait illi: « Vade, fides tua te salvum fecit ».
Et conféstim vidit, et sequebátur eum in via.
Verbum Dómini.

Anno C

Lectio prima

Oratio humiliantis se nubes penetrabit.

Lécitio libri Sirácidæ

35, 15 b-17. 20-22 a

Dóminus iudex est, et non est apud illum glória persónæ: non accípiet Dóminus persónam in páuperem, et deprecaciónem læsi exáudiet. Non despíciat preces pupílli nec víduam, si effúndat loquélam gémitus.

Qui adórat Deum in oblectatióne suscipiétur, et deprecátio illíus usque ad nubes propinquábit. Orátio humiliántis se nubes penetrábit, et donec propínquet non consolábitur, et non discédet donec Altíssimus aspíciat.

Et Dóminus non elongábit, sed iudicábit iustos et fáciat iudícium. — Verbum Dómini.

Psalmus responsorius

Ps 33, 2-3. 17-18. 19 et 23 (R.: 7 a)

R. Pauper clamávit, et Dóminus exaudivit eum.

2 Benedícam Dóminum in omni témpore,
semper laus eius in ore meo.

3 In Dómino gloriábitur ánima mea,
áudiant mansuétí et læténtur. R.

17 Vultus autem Dómini super faciéntes mala,
ut perdat de terra memóriam eórum.

18 Clamavérunt, et Dóminus exaudivit,
et ex ómnibus tribulatió nibus eórum liberávit eos. R.

19 Iuxta est Dóminus iis qui contríto sunt corde,
et confráctos spírítu salvábit.

23 Rédimet Dóminus ánimas servórum suórum,
et non puniéntur omnes qui sperant in eo. R.

Lectio secunda

In reliquo reposita est mihi iustitiæ corona.

Léctio Epístolæ secúndæ beáti Pauli apóstoli
ad Timótheum

4, 6-9. 16-18

Caríssime:

Ego iam delíbor, et tempus meæ resolutiós in stat. Bonum certámen certávi, cursum consummávi, fidem servávi: in réliquo repósita est mihi iustítiæ coróna, quam

reddet mihi Dóminus in illa die, iustus Iudex, non solum autem mihi sed et ómnibus qui díligunt advéntum eius.

Festína veníre ad me cito. In prima mea defensióne nemo mihi áffuit, sed omnes me dereliquérunt; non illis reputétur; Dóminus autem mihi ástitit et confortávit me, ut per me prædicatio impleátur et áudiant omnes gentes, et liberátus sum de ore leónis.

Liberávit me Dóminus ab omni ópere malo et saluum fáciat in Regnum suum supracæléste: cui glória in sæcula sæculórum: amen.

Verbum Dómini.

Alleluia

2 Cor 5, 19 a. c

℞. Allelúia. ⁊. Deus erat in Christo mundum reconcilians sibi,
et pósuit in nobis verbum reconciliatiónis.
℞. Allelúia.

Evangelium

*Descendit publicanus iustificatus
in domum suam a pharisæo.*

✠ Lécio sancti Evangélíi secúndum Lucam 18, 9-14

In illo témpore:

Dixit Iesus ad quosdam qui in se confidébant tamquam iusti et aspernabántur céteros, parábolam istam: « Duo hómines ascendérunt in templum ut orárent, unus Pharisæus et alter publicánus.

Pharisæus stans hæc apud se orábat: " Deus, grátias ago tibi quia non sum sicut céteri hóminum, raptóres, iniústi, adúlteri, velut étiam hic publicánus; ieiúno bis in sábbato, décimas do ómnium quæ possídeo ".

Et publicánus a longe stans nolébat nec óculos ad cælum leváre, sed percutiébat pectus suum dicens: "Deus, propítius esto mihi peccatóri".

Dico vobis: Descéndit hic iustificátus in domum suam ab illo: quia omnis qui se exáltat humiliábitur, et qui se humiliat exaltábitur ». — Verbum Dómini.

Dicitur Credo.

Super oblata

Réspice, quæsumus, Dómine,
múnera quæ tuæ offérimus maiestáti,
ut, quod nostro servítio géritur,
ad tuam glóriam pótius dirigátur.
Per Christum.

Præfatio de dominicis « per annum », pp. 588-595.

Ant. ad communionem

Ps 19, 6

Lætábimur in salutári tuo,
et in nómine Dómini Dei nostri magnificábimur.

Vel:

Eph 5, 2

Christus diléxit nos, et trádedit semetípsum pro nobis,
oblaciónem Deo in odórem suavitátis.

Post communionem

Perfícient in nobis, Dómine, quæsumus,
tua sacraménta quod cóntinent,
ut, quæ nunc spécie gérimus,
rerum veritáte capiámus.
Per Christum.

Feria secunda

Ant. ad introitum

Ps 104, 3-4

Lætétur cor quæréntium Dóminum.
Quæríte Dóminum, et confirmámini,
quæríte fáciem eius semper.

Collecta

Omnípotens sempitérne Deus,
da nobis fidei, spei et caritátis augméntum,
et, ut mereámur ássequi quod promíttis,
fac nos amáre quod præcipis.
Per Dóminum.

Anno primo

Lectio prior

*Accepistis Spiritum adoptionis filiorum
in quo clamamus: Abba, Pater!*

Léctio Epístolæ beáti Pauli apóstoli ad Romános

8, 12-17

Fratres, debitóres sumus, non carni ut secúndum carnem vivámus; si enim secúndum carnem vixéritis, moriémini, si autem Spíritu ópera córporis mortificátis, vivétiis.

Quicúmque enim Spíritu Dei agúntur, hi filii Dei sunt. Non enim accepístis spíritum servitútis íterum in timórem, sed accepístis Spíritum adoptiónis filiórum, in quo clamámus: « Abba, Pater! »

Ipse Spíritus testimónium reddit una cum spíritu nostro quod sumus filii Dei. Si autem filii, et herédes; herédes quidem Dei, coherédes autem Christi, si tamen compátimur ut et conglorificémur.

Verbum Dómini.

Psalmus responsorius

Ps 67, 2 et 4. 6-7 ab. 20-21 (R.: 21 a)

R. Deus noster, Deus ad salvándum.

2 Exsúrgit Deus, et dissipántur inimíci eius;
et fúgiunt qui odérunt eum a fácie eius.

4 Et iusti læténtur et exsúltent in conspéctu Dei,
et delecténtur in lætítia. R.

6 Pater orphanórum et iudex viduárum,
Deus in habitáculo sancto suo.

7 Deus qui inhabitáre facit desolátos in domo,
qui edúcit vinctos in prosperitátem. R.

20 Benedíctus Dóminus die cotídie;
portábit nos Deus salutárium nostrórum.

21 Deus noster, Deus ad salvándum;
et Dómini, Dómini éxitus mortis. R.

Anno secundo

Lectio prior

Ambulate in dilectione sicut et Christus.

Léctio Epístolæ beáti Pauli apóstoli ad Ephésios

4, 32 — 5, 8

Fratres:

Estóte invicem benígni, misericórdes, donántes invicem sicut et Deus in Christo donávit vobis.

Estóte ergo imitatóres Dei, sicut filii caríssimi, et ambuláte in dilectióne, sicut et Christus diléxit nos et trádidit se ipsum pro nobis oblatiónem et hóstiam Deo in odórem suavitátis.

Fornicátio autem et omnis immundítia aut avarítia nec nominétur in vobis, sicut decet sanctos, et turpítudo et stultilóquium, aut scurrílitas, quæ non decent, sed magis gratiárum áctio.

Hoc enim scitote, intellegentes quod omnis fornicator aut immundus aut avarus, id est idolorum cultor, non habet hereditatem in Regno Christi et Dei.

Nemo vos decipiat inanibus verbis, propter hanc enim venit ira Dei in filios diffidentiae. Nolite ergo effici participes eorum; eratis enim aliquando tenebrae, nunc autem lux in Domino; ut filii lucis ambulatis.

Verbum Domini.

Psalmus responsorius

Ps 1, 1-2. 3. 4 et 6 (R.: cf. Eph 5, 1)

R. Simus imitatores Dei, sicut filii carissimi.

Beatus vir qui non abiit in consilio impiorum,
et in via peccatorum non stetit,
et in conventu derisorum non sedit;
sed in lege Domini voluntas eius,
et in lege eius meditatur die ac nocte. R.

Et erit tamquam lignum
plantatum secus decursus aquarum,
quod fructum suum dabit in tempore suo;
et folium eius non defluet,
et omnia quaecumque faciet prosperabuntur. R.

Non sic impius, non sic,
sed tamquam pulvis quem proicit ventus.
Quoniam novit Dominus viam iustorum,
et iter impiorum peribit. R.

Alleluia

Io 17, 17 b. a

R. Alleluia. V. Sermo tuus, Domine, veritas est;
sanctifica nos in veritate.

R. Alleluia.

Evangelium

*Hanc filiam Abrahæ non oportuit solvi a vinculo
die sabbati?*

✠ Lécio sancti Evangélii secúndum Lucam 13, 10-17

In illo témpore:

Erat Iesus docens in una synagogárum sábbatis. Et ecce múlter quæ habébat spíritum infirmitátis annis decem et octo, et erat inclináta nec omníno póterat sursum respícere.

Quam cum vidísset Iesus vocávit et ait illi: « Múlter, dimíssa es ab infirmitáte tua », et impósuit illi manus: et conféstim erécta est, et gloriificábat Deum.

Respóndens autem archisynagógus, indígnans quia sábbato curásset Iesus, dicébat turbæ: « Sex dies sunt, in quibus opórtet operári; in his ergo veníte et curámini, et non in die sábbati ».

Respóndit autem ad illum Dóminus et dixit: « Hypócritæ, unusquisque vestrum sábbato non solvit bovem suum aut ásinum a præsépio et ducit adaquáre?

Hanc autem fíliam Abrahæ, quam alligávit Sátanas ecce decem et octo annis, non opórtuit solvi a vínculo isto die sábbati? »

Et cum hæc diceret, erubescébant omnes adversárii eius, et omnis pópulus gaudébat in univérsis quæ glorióse fiébant ab eo. — Verbum Dómini.

Super oblata

Réspice, quæsumus, Dómine,
múnera quæ tuæ offérimus maiestáti,
ut, quod nostro servítio géritur,
ad tuam glóriam pótius dirigátur.
Per Christum.

Ant. ad communionem

Ps 19, 6

Lætábimur in salutári tuo,
et in nómine Dómini Dei nostri magnificábimur.

Vel:

Eph 5, 2

Christus diléxit nos, et trádedit semetípsum pro nobis,
oblaciónem Deo in odórem suavitátis.

Post communionem

Perficiant in nobis, Dómine, quæsumus,
tua sacraménta quod cóntinent,
ut, quæ nunc spécie gérimus,
rerum veritáte capiámus. Per Christum.

Feria tertia

Ant. ad introitum

Ps 104, 3-4

Lætétur cor quæréntium Dóminum.
Quærite Dóminum, et confirmámini,
quærite fáciem eius semper.

Collecta

Omnípotens sempitérne Deus,
da nobis fídei, spei et caritátis augméntum,
et, ut mereámur ássequi quod promíttis,
fac nos amáre quod præcipis. Per Dóminum.

Anno primo

Lectio prior

*Expectatio creaturæ
revelationem filiorum Dei expectat.*

Léctio Epístolæ beáti Pauli apóstoli ad Romános

Fratres:

8, 18-25

Exístimo quod non sunt condígnæ passiónes huius
témporis ad futúram glóriam quæ revelánda est in nobis.

Nam expectatio creaturæ revelationem filiorum Dei expectat; vanitati enim creatura subiecta est, non volens sed propter eum qui subiicit, in spe, quia et ipsa creatura liberabitur a servitute corruptionis in libertatem gloriæ filiorum Dei.

Scimus enim quod omnis creatura congemiscit et comparturit usque adhuc; non solum autem, sed et nos ipsi primitias Spiritus habentes, et ipsi intra nos gemimus adoptionem filiorum expectantes, redemptionem corporis nostri.

Spe enim salvi facti sumus; spes autem quæ videtur non est spes; nam quod videt quis sperat? Si autem quod non videmus speramus, per patientiam expectamus. — Verbum Domini.

Psalmus responsorius

Ps 125, 1-2 ab. 2 cd-3. 4-5. 6 (R.: 3 a)

R. Magnificavit Dominus facere nobiscum.

1 In convertendo Dominus captivitatem Sion,
facti sumus quasi somniantes.

2 Tunc repletum est gaudio os nostrum,
et lingua nostra exultatione. R.

Tunc dicebant inter gentes:

« Magnificavit Dominus facere cum eis ».

3 Magnificavit Dominus facere nobiscum;
facti sumus letantes. R.

4 Converte, Domine, captivitatem nostram,
sicut torrentes in austro.

5 Qui seminant in lacrimis, in exultatione metent. R.

6 Eúntes ibant et flebant,
semen spargendum portantes;
venientes autem venient in exultatione
portantes manipulos suos. R.

Anno secundo

Lectio prior

*Sacramentum hoc magnum est,
de Christo et Ecclesia.*

Lectio Epistolæ beāti Pauli apóstoli ad Ephésios

5, 21-33

Fratres:

Subiēcti ínvicem in timóre Christi. Mulíeres viris suis sicut Dómino, quóniam vir caput est mulieris sicut et Christus caput est Ecclésiæ, ipse Salvátor córporis. Sed ut Ecclésiā subiēcta est Christo ita et mulíeres viris in ómnibus.

Viri, diligite uxóres, sicut et Christus diléxit Ecclésiā et se ipsum trádedit pro ea, ut illam sanctificáret mundans lavácro aquæ in verbo, ut exhibéret ipse sibi gloriósam Ecclésiā, non habéntem máculam aut rugam aut áliquid eiúsmodi, sed ut sit sancta et immaculáta.

Ita et viri debent diligere uxóres suas ut córpora sua: qui suam uxórem díligit, se ipsum díligit, nemo enim umquam carnem suam ódio hábuit, sed nutrit et fovet eam, sicut et Christus Ecclésiā, quia membra sumus córporis eius.

« Propter hoc relínquet homo patrem et matrem et adhærébit uxóri suæ, et erunt duo in carne una ».

Sacraméntum hoc magnum est, ego autem dico de Christo et Ecclésiā. Verúmtamen et vos sínguli unusquisque suam uxórem sicut se ipsum díligat, uxor autem timeat virum. — Verbum Dómini.

Psalmus responsorius Ps 127, 1-2. 3. 4-5 (R.: cf. 1 a)

R. Beāti omnes qui timent Dóminum.

- 1 Beátus omnis qui timet Dóminum,
qui ámbulat in viis eius.
- 2 Labóres mánuum tuárum manducábis,
beátus es, et bene tibi erit. *R.*
- 3 Uxor tua sicut vitis fructífera
in latéribus domus tuæ;
fílii tui sicut novéllæ olivárum
in circúitu mensæ tuæ. *R.*
- 4 Ecce sic benedicétur homo,
qui timet Dóminum.
- 5 Benedícat tibi Dóminus ex Sion,
et vídeas bona Ierúsalem
ómnibus diébus vitæ tuæ. *R.*

Alleluia

Cf. Mt 11, 25

R. Allelúia. *V.* Benedíctus es, Pater, Dómine cæli et
terræ,
quia mystéria Regni párvulis revelásti.
R. Allelúia.

Evangelium

Crevit granum et factum est in arborem.

✠ Lécio sancti Evangélii secúndum Lucam 13, 18-21

In illo témpore: Dicébat Iesus:

« Cui símile est Regnum Dei, et cui símile existi-
mábo illud? Símile est grano sinápis, quod accéptum
homo misit in hortum suum, et crevit et factum est in
árbozem, et vólucres cæli requievérunt in ramis eius ».

Et íterum dixit: « Cui símile æstimábo Regnum
Dei? Símile est ferménto, quod accéptum múlter abs-
cóndit in farínæ sata tria donec fermentarétur totum ».

Verbum Dómini.

Super oblata

Réspice, quæsumus, Dómine,
múnera quæ tuæ offérimus maiestáti,
ut, quod nostro servítio géritur,
ad tuam glóriam pótius dirigátur.
Per Christum.

Ant. ad communionem

Ps 19, 6

Lætábimur in salutári tuo,
et in nómine Dómini Dei nostri
magnificábimur.

Vel:

Eph 5, 2

Christus diléxit nos,
et trádidit semetípsum pro nobis,
oblatiónem Deo in odórem suavitátis.

Post communionem

Perficiant in nobis, Dómine, quæsumus,
tua sacraménta quod cóntinent,
ut, quæ nunc spécie gérimus,
rerum veritáte capiámus.
Per Christum.

Feria quarta**Ant. ad introitum**

Ps 104, 3-4

Lætétur cor quæréntium Dóminum.
Quærite Dóminum, et confirmámini,
quærite fáciem eius semper.

Collecta

Omnípotens sempitérne Deus,
da nobis fídei, spei et caritátis augméntum,
et, ut mereámur ássequi quod promíttis,
fac nos amáre quod práecipis. Per Dóminum.

Anno primo

Lectio prior

Diligentibus Deum omnia cooperantur in bonum.

Lectio Epistolæ beāti Pauli apóstoli ad Romános

8, 26-30

Fratres:

Spíritus ádiuvat infirmitátem nostram; nam quid orémus sicut opórtet nescímus, sed ipse Spíritus interpellat gemítibus inenarrábilibus; qui autem scrutátur corda, scit quid desíderet Spíritus, quia secúndum Deum póstulat pro sanctis.

Scimus autem quóniam diligéntibus Deum ómnia cooperántur in bonum, his qui secúndum propósitum vocáti sunt.

Nam quos præscívit, et prædestinávit confórmes fieri imáginis Filii eius, ut sit ipse primogénitus in multis frátribus; quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit. — Verbum Dómini.

Psalmus responsorius

Ps 12, 4-5. 6 (R.: 6 a)

R. Ego in misericórdia tua, Dómine, sperávi.

4 Réspice et exáudi me, Dómine Deus meus.

Illúmina óculos meos,

nequándo obdórmiam in morte,

nequándo dicat inimícus meus:

« Præválui advérsus eum »;

neque exsúltent qui tríbulant me, si motus fúero. R.

6 Ego autem in misericórdia tua sperávi.

Exsultábit cor meum in salutári tuo,

cantábo Dómino, qui bona tríbuit mihi. R.

Anno secundo

Lectio prior

*Non quasi hominibus servientes,
sed ut servi Christi.*

Lectio Epistolæ beāti Pauli apóstoli ad Ephésios

6, 1-9

Fílii, obædíte paréntibus vestris in Dómino, hoc enim est iustum. "Honóra patrem tuum et matrem", quod est mandátum primum cum promissióne, "ut bene sit tibi et sis longævus super terram". Et patres, nolíte ad iracúndiam provocáre fílios vestros, sed educáte illos in disciplína et correptióne Dómini.

Servi, obædíte dómínis carnálibus cum timóre et tremóre, in simplicitáte cordis vestri sicut Christo, non ad óculum serviéntes quasi homínibus placéntes, sed ut servi Christi, faciéntes voluntátem Dei ex ánimo, cum bona voluntáte serviéntes, sicut Dómino et non homínibus,

sciéntes quóniam unusquisque si quid fécerit bonum, hoc percípíet a Dómino, sive servus sive liber.

Et dómíni, éadem fácite illis, remitténtes mínas, sciéntes quia et illórum et vester Dóminus est in cælis, et personárum accéptio non est apud eum.

Verbum Dómini.

Psalmus responsorius

Ps 144, 10-11. 12-13 ab. 13 cd-14 (R.: 13 c)

R. Fidélis Dóminus in ómnibus verbis suis.

Confíteántur tibi, Dómine, ómnia ópera tua;
et sancti tui benedícant tibi.

- 11 Glóriam regni tui dicant,
et poténtiam tuam loquántur. **R.**
- 12 Ut notam fáciant fíliis hóminum poténtias tuas,
et glóriam magnificéntiæ regni tui.
- 13 Regnum tuum regnum ómnium sæculórum,
et dominátio tua
in omnem generatióem et generatióem. **R.**
- Fidélis Dóminus in ómnibus verbis suis,
et sanctus in ómnibus opéribus suis.
- 14 Allevat Dóminus omnes qui córruunt,
et érigit omnes depréssos. **R.**

Alleluia

2 Th 2, 14

R. Allelúia. **V.** Deus vocávit nos per Evangélium,
in acquisitióem glóriæ Dómini nostri Iesu
Christi. **R.** Allelúia.

Evangelium

*Venient ab oriente et occidente,
et accumbent in Regno Dei.*

✠ Lécio sancti Evangélii secúndum Lucam 13, 22-30

In illo témpore:

Ibat Iesus per civitátes et castélla docens, et iter
fáciens in Ierúsalem.

Ait autem illi quidam: « Dómine, pauci sunt qui sal-
vántur? »

Ipsé autem dixit ad illos: « Conténdite intráre per
angústam portam, quia multi, dico vobis, quærent intráre
et non póterunt.

Cum autem surréxerit pater famílias et cláuserit
óstium, et incipiétis foris stare et pulsáre óstium dicén-

tes: “ Dómine, áperi nobis ”, et respóndens dicet vobis: “ Nescio vos unde sitis ”.

Tunc incipiétis dicere: “ Manducávimus coram te et bíbimus, et in platéis nostris docuísti ”; et dicet loquens vobis: “ Nescio vos unde sitis, discédite a me, omnes operárii iniquitátis ”.

Ibi erit fletus et stridor déntium, cum vidéritis Abraham et Isaac et Iacob et omnes prophétas in Regno Dei, vos autem expélli foras.

Et vénient ab oriénte et occidénte et aquilóne et austro, et accúmbent in Regno Dei. Et ecce sunt novíssimi qui erunt primi, et sunt primi qui erunt novíssimi ».

Verbum Dómini.

Super oblata

Réspice, quæsumus, Dómine,
múnera quæ tuæ offérimus maiestáti,
ut, quod nostro servítio géritur,
ad tuam glóriam pótius dirigátur. Per Christum.

Ant. ad communionem

Ps 19, 6

Lætábimur in salutári tuo,
et in nómine Dómini Dei nostri magnificábimur.

Vel:

Eph 5, 2

Christus diléxit nos, et trádedit semetípsum pro nobis,
oblatióem Deo in odórem suavitátis.

Post communionem

Perfícient in nobis, Dómine, quæsumus,
tua sacraménta quod cóntinent,
ut, quæ nunc spécie gérimus,
rerum veritáte capiámus.
Per Christum.

Feria quinta

Ant. ad introitum

Ps 104, 3-4

Lætétur cor quæréntium Dóminum.
Quærite Dóminum, et confirmámini,
quærite fáciem eius semper.

Collecta

Omnípotens sempitérne Deus,
da nobis fídei, spei et caritátis augméntum,
et, ut mereámur ássequi quod promíttis,
fac nos amáre quod præcipis.
Per Dóminum.

Anno primo

Lectio prior

*Nulla creatura poterit nos separare a caritate Dei
quæ est in Christo.*

Lectio Epístolæ beáti Pauli apóstoli ad Romános

8, 31 b-39

Fratres:

Si Deus pro nobis, quis contra nos? Qui Fílio suo non pepércit, sed pro nobis ómnibus trádidit illum, quómodo non étiam cum illo ómnia nobis donábit?

Quis accusábit advérsus eléctos Dei? Deus qui iustificat; quis est qui condémnet? Christus Iesus qui mórtuus est, immo qui suscitátus est, qui et est ad dexteram Dei, qui étiam interpéllat pro nobis.

Quis nos separábit a caritáte Christi? Tribulátio an angústia an persecútio an fames an núditas an periculum

an gladius? Sicut scriptum est: « Propter te mortificámur tota die, æstimáti sumus ut oves occisiónis ». Sed in his ómnibus supervíncimus per eum qui diléxit nos.

Certus sum enim quia neque mors neque vita neque ángeli neque principátus neque instántia neque futúra neque virtútes neque altitúdo neque profúndum neque ália quálibet creatúra póterit nos separáre a caritaté Dei, quæ est in Christo Iesu Dómino nostro.

Verbum Dómini.

Psalmus responsorius

Ps 108, 21-22. 26-27. 30-31 (R.: 26 b)

R. Salvum me fac, Dómine,
secúndum misericórdiam tuam.

11 Tu, Dómine, Dómine,
fac mecum propter nomen tuum,
quia suávis est misericórdia tua;
22 líbera me, quia egénus et pauper ego sum,
et cor meum vulnerátum est intra me. R.

26 Adiuva me, Dómine Deus meus,
salvum me fac
secúndum misericórdiam tuam.

27 Et sciant quia manus tua hæc;
tu, Dómine, hoc fecisti. R.

30 Confitébor Dómino nimis in ore meo,
et in médio multórum laudábo eum,
31 quia ástitit a dextris páuperis,
ut salvam fáceret a iudicántibus
ánimam eius. R.

Anno secundo

Lectio prior

*Accipite armaturam Dei,
ut possitis resistere in die malo.*

Lectio Epistolæ beāti Pauli apóstoli ad Ephésios

6, 10-20

De cétero, fratres, confortámini in Dómino et in poténtia virtútis eius, indúite armatúram Dei ut possitis stare advérsus insídias diáboli;

quia non est nobis colluctátio advérsus sánguinem et carnem, sed advérsus Principátus, advérsus Potestátes, advérsus mundi rectóres tenebrárum harum, contra spirítalia nequitiæ in cæléstibus.

Proptérea accípите armatúram Dei, ut possitis resistere in die malo et, ómnibus perféctis, stare.

State ergo succínti lumbos vestros in veritaté et indúti lorícam iustitiæ, et calceáti pedes in præparatióne Evangélii pacis, in ómnibus suméntes scutum fidei, in quo possitis ómnia tela Maligni ígnea exstinguere;

et gáleam salútis assúmite, et gládium Spíritus, quod est verbum Dei, per omnem oratióem et obsecratióem orántes omni témpore in Spíritu, et in ipso vigilántes in omni instántia et obsecratióne pro ómnibus sanctis,

et pro me ut detur mihi sermo in aperitióne oris mei, cum fidúcia notum fácere mystérium Evangélii, pro quo legatióne fungor in caténa, ut in ipso áudeam prout opórtet me loqui. — Verbum Dómini.

Psalmus responsorius Ps 143, 1. 2. 9-10 (R.: 1 a)

R. Benedíctus Dóminus, præsídiu meum.

1 Benedíctus Dóminus, præsídiu meum,
qui docet manus meas ad præliu,
et dígitos meos ad bellu. R.

2 Misericórdia mea et fortitúdo mea,
refúgium meum et liberátor meus;
scutum meum, et in ipso sperávi,
qui subdit pópulum meum sub me. *R.*

9 Deus, cánticum novum cantábo tibi,
in psaltério decachórdo psallam tibi,
10 qui das salútem régibus,
qui rédímis David servum tuum de gládio maligno. *R.*

Alleluia

Cf. Lc 19, 38; 2, 14

R. Allelúia. *V.* Benedíctus qui venit rex
in nómine Dómini,
pax in cælo et glória in excélsis. *R.* Allelúia.

Evangelium

Non capit prophetam perire extra Ierusalem.

✠ Lécio sancti Evangélíi secúndum Lucam 13, 31-35

In ipsa hora accessérunt quidam Pharisæórum ad Iesum, dicéntes illi: « Exi et vade hinc, quia Heródes vult te occídere ».

Et ait illis: « Ite et dícite vulpi illi: “ Ecce eício dæmónia, et sanitátes perfício hódie et cras, et tértia consúmmor ”. Verúmtamen opórtet me hódie et cras et sequénti ambuláre, quia non capit prophétam períre extra Ierúsalem.

Ierúsalem, Ierúsalem, quæ occídís prophétas et lápidas eos, qui missi sunt ad te, quótiens vólui congregáre fílios tuos quemádmódum avis nidum suum sub pinnis, et noluístis.

Ecce relínquitur vobis domus vestra. Dico autem vobis: Non vidébitis me donec véniat cum dicétis: “ Benedíctus qui venit in Nómine Dómini ” ».

Verbum Dómini.

Super oblata

Réspice, quæsumus, Dómine,
múnera quæ tuæ offérimus maiestáti,
ut, quod nostro servítio géritur,
ad tuam glóriam pótius dirigátur.
Per Christum.

Ant. ad communionem**Ps 19, 6**

Lætábimur in salutári tuo,
et in nómine Dómini Dei nostri magnificábimur.

Vel:**Eph 5, 2**

Christus diléxit nos, et trádedit semetípsum pro nobis,
oblatióem Deo in odórem suavitátis.

Post communionem

Perfícient in nobis, Dómine, quæsumus,
tua sacraménta quod cóntinent,
ut, quæ nunc spécie gérimus,
rerum veritáte capiámus.
Per Christum.

Feria sexta**Ant. ad introitum****Ps 104, 3-4**

Lætétur cor quæréntium Dóminum.
Quærite Dóminum, et confirmámini,
quærite fáciem eius semper.

Collecta

Omnípotens sempitérne Deus,
da nobis fidei, spei et caritátis augméntum,
et, ut mereámur ássequi quod promíttis,
fac nos amáre quod præcipis.
Per Dóminum.

Anno primo

Lectio prior

Optarem anathema esse pro fratribus meis.

Lectio Epistolæ beāti Pauli apóstoli ad Romános

9, 1-5

Fratres:

Veritátem dico in Christo, non méntior, testimónium mihi perhibénste consciéntia mea in Spíritu Sancto, quóniam tristítia est mihi magna et contínuus dolor cordi meo.

Optárem enim ipse ego anáthema esse a Christo pro fratribus meis, cognátis meis secúndum carnem, qui sunt Israelítæ, quorum adóptio est filiórum et glória et testaménta et legislátio et cultus et promissiónes, quorum sunt Patres, et ex quibus Christus secúndum carnem: qui est super ómnia Deus benedíctus in sácula, amen.

Verbum Dómini.

Psalmus responsorius

Ps 147, 12-13. 14-15. 19-20 (R.: 12 a)

R. Lauda, Ierúsalem, Dóminum.

- ¹² **L**auda, Ierúsalem, Dóminum;
colláuda Deum tuum, Sion.
- ¹³ Quóniam confortávit seras portárum tuárum,
benedíxit filiis tuis in te. **R.**
- ¹⁴ Qui ponit fines tuos pacem,
et ádipe fruménti sátiat te.
- ¹⁵ Qui emíttit elóquium suum terræ,
velóciter currit verbum eius. **R.**
- ¹⁹ Qui annúntiat verbum suum Iacob,
iustítias et iudícia sua Israel.
- ²⁰ Non fecit táliter omni natióni
et iudícia sua non manifestávit eis. **R.**

Anno secundo

Lectio prior

*Qui cœpit in vobis opus bonum
perficiet usque in diem Christi.*

Inítium Epístolæ beáti Pauli apóstoli ad Philippenses

1, 1-11

Paulus et Timótheus, servi Christi Iesu, ómnibus sanctis in Christo Iesu qui sunt Philíppis cum epíscopis et diáconis: grátia vobis et pax a Deo Patre nostro et Dómino Iesu Christo.

Grátias ago Deo meo in omni memória vestri, semper in omni oratióne mea pro ómnibus vobis cum gáudio deprecatióne fáciens, super communióne vestra in Evangelío a prima die usque nunc, confídens hoc ipsum, quia qui cœpit in vobis opus bonum perficiet usque in diem Christi Iesu;

sicut est mihi iustum hoc sentíre pro ómnibus vobis eo quod hábeam in corde vos, et in vínculis meis et in defensióne et confirmatióne Evangelíi sócios grátiae meæ omnes vos esse. Testis enim mihi Deus, quómodo cúpiam omnes vos in viscéribus Christi Iesu.

Et hoc oro, ut caritas vestra magis ac magis abúndet in sciéntia et omni sensu, ut probétis potióra, ut sitis sincéri et sine offénsa in diem Christi, repléti fructu iustítiæ, qui est per Iesum Christum, in glóriam et laudem Dei. — Verbum Dómini.

Psalmus responsorius Ps 110, 1-2. 3-4. 5-6 (R.: 2 a)

R. Magna sunt ópera Dómini.

vel Allelúia.

1 Confitébor Dómino in toto corde meo,
in consílio iustórum et congregatióne.

- 2 Magna ópera Dómini,
exquirénda ómnibus qui cúpiunt ea. **R.**
- 3 Decor et magnificéntia opus eius,
et iustítia eius manet in sǽculum sǽculi.
- 4 Memóriam fecit mirabílium suórum,
miséricors et miserátor Dóminus. **R.**
- 5 Escam dedit timéntibus se;
memor erit in sǽculum testaménti sui.
- 6 Virtútem óperum suórum annuntiávit pópulo suo,
ut det illis hereditátem géntium. **R.**

Alleluia**Io 10, 27**

R. Allelúia. **V.** Oves meæ vocem áudiunt, dicit Dóminus,
et ego cognósko eas, et sequúntur me.
R. Allelúia.

Evangelium

*Cuius vestrum filius aut bos in puteum cadet,
et non extrahet illum die sabbati?*

✠ **Léctio sancti Evangélíi secúndum Lucam 14, 1-6**

In illo témpore:

Factum est, cum intráret Iesus in domum cuiúsdam príncipis Phariséorum sábbato manducáre panem, et ipsi observábant eum. Et ecce homo quidam hydrópicus erat ante illum.

Et respóndens Iesus dixit ad Legis perítos et Phariséos dicens: « Licet sábbato curáre an non? » At illi ta-
cuérunt. Ipse vero apprehénsus sanávit eum ac dimísit.

Et ad illos dixit: « Cuius vestrum filius aut bos in púteum cadet, et non contínuo éxtrahet illum die sá-
bbati? » Et non póterant ad hęc respondére illi.

Verbum Dómini.

Super oblata

Réspice, quæsumus, Dómine,
múnera quæ tuæ offérimus maiestáti,
ut, quod nostro servítio géritur,
ad tuam glóriam pótius dirigátur.
Per Christum.

Ant. ad communionem**Ps 19, 6**

Lætábimur in salutári tuo,
et in nómine Dómini Dei nostri magnificábimur.

Vel:**Eph 5, 2**

Christus diléxit nos, et trádedit semetípsum pro nobis,
oblatiónem Deo in odórem suavitátis.

Post communionem

Perfícient in nobis, Dómine, quæsumus,
tua sacraménta quod cóntinent,
ut, quæ nunc spécie gérimus,
rerum veritáte capiámus.
Per Christum.

Sabbato**Ant. ad introitum****Ps 104, 3-4**

Lætétur cor quæréntium Dóminum.
Quæríte Dóminum, et confirmámini,
quæríte fáciem eius semper.

Collecta

Omnípotens sempitérne Deus,
da nobis fídei, spei et caritátis augméntum,
et, ut mereámur ássequi quod promíttis,
fac nos amáre quod præcipis.
Per Dóminum.

Anno primo

Lectio prior

*Si amissio Iudæorum reconciliatio est mundi,
quæ assumptio nisi vita ex mortuis?*

Lectio Epistolæ beāti Pauli apóstoli ad Romános

11, 1-2. 11-12. 25-29

Fratres:

Numquid réppulit Deus pópulum suum? Absit. Nam et ego Israelíta sum, ex sémine Abraham, tribu Béniamin. Non réppulit Deus plebem suam, quam præscívit. An nescítis in Elía quid dicit Scriptúra? Quemádmódum interpéllat Deum advérsus Israel?

Dico ergo: Numquid sic offendérunt ut cáderent? Absit. Sed illórum casu salus géntibus: ut illi ad æmulationem adducántur. Quod si casus illórum divítiæ sunt mundi et deminútio eórum divítiæ géntium, quanto magis plenitúdo eórum.

Nolo enim vos ignoráre, fratres, mystérium hoc, ut non sitis vobis ipsis sapiéntes, quia cáecitas ex parte cóntigit in Israel, donec plenitúdo géntium intráret, et sic omnis Israel salvus fiet; sicut scriptum est:

« Véniet ex Sion qui erípiat, avértet impietátes ab Iacob; et hoc illis a me testaméntum, cum abstúlero peccáta eórum ».

Secúndum Evangélium quidem inimíci propter vos, secúndum electiónem autem caríssimi propter patres: sine pæniténtia enim sunt dona et vocátio Dei.

Verbum Dómini.

Psalmus responsorius

Ps 93, 12-13 a. 14-15. 17-18 (R.: 14 a)

R. Non repéllat Dóminus plebem suam.

- 12 Beátus homo, quem tu erudíeris, Dómine,
et de lege tua docúeris eum,
13 ut mítiges ei a diébus malis. *R.*
14 Quia non repéllet Dóminus plebem suam,
et hereditátem suam non derelínquet.
15 Quia ad iustítiam revertétur iudícium,
et sequéntur illam omnes qui recto sunt corde. *R.*
17 Nisi quia Dóminus adiúvit me,
paulo minus habitásset in loco siléntii ánima mea.
18 Si dicébam: « Motus est pes meus »,
misericórdia tua, Dómine, sustentábat me. *R.*

Anno secundo

Lectio prior

Mihi vivere Christus est et mori lucrum.

Léctio Epístolæ beáti Pauli apóstoli ad Philippéenses

1, 18 b-26

Fratres:

Dum omni modo, sive sub obténtu, sive in veritáte, Christus annuntiátur, et in hoc gáudeo; sed et gaudébo, scio enim quia hoc mihi provéniet in salútem per vestram oratióem et subministratióem Spíritus Iesu Christi, secúndum exspectatióem et spem meam quia in nullo confúndar, sed in omni fidúcia sicut semper et nunc magnificábitur Christus in córpore meo, sive per vitam sive per mortem.

Mihi enim vívere Christus est et mori lucrum. Quod si vívere in carne, hic mihi fructus óperis est; et quid éligam ignóro.

Coártor autem ex his duóbus, desidérium habens dissólvi et cum Christo esse, multo magis mélius; permanére autem in carne magis necessárium est propter vos.

Et hoc confidens, scio quia manébo et permanébo
 ómnibus vobis ad profectum vestrum et gáudium fidei,
 ut gloriatio vestra abúndet in Christo Iesu in me per
 meum advéntum íterum ad vos. — Verbum Dómini.

Psalmus responsorius Ps 41, 2. 3. 5 bcd (R.: 3 a)

R. Sitívit ánima mea ad Deum vivum.

2 Quemádmódum desíderat cervus ad fontes aquárum,
 ita desíderat ánima mea ad te, Deus. R.

3 Sitívit ánima mea ad Deum, Deum vivum:
 quando véniam et apparébo ante fáciem Dei? R.

3 Quóniam transíbam in locum tabernáculi admirábilis
 usque ad domum Dei,
 in voce exsultatiónis et confessiόnis,
 multitudínis festa celebrántis. R.

Alleluia

Mt 11, 29 ab

R. Allelúia. V. Tóllite iugum meum super vos,
 dicit Dóminus,
 et díscite a me, quia mitis sum et húmilis
 corde. R. Allelúia.

Evangelium

*Qui se exaltat humiliabitur;
 et qui se humiliat exaltabitur.*

✠ Lécio sancti Evangélii secúndum Lucam 14, 1. 7-11

In illo témpore:

Factum est, cum intráret Iesus in domum cuiúsdam
 príncipis Pharisæórum sábbato manducáre panem, et
 ipsi observábant eum. Dicébat autem ad invitátos pará-
 bolam, inténdens quómodo primos accúbitus elígerent,
 dicens ad illos:

« Cum invitátus fúeris ab áliquo ad núptias, non discúmbas in primo loco, ne forte honorátior te sit invitátus ab eo, et véniens is qui te et illum vocávit, dicat tibi: “ Da huic locum ”; et tunc incípias cum rubóre novíssimum locum tenére.

Sed cum vocátus fúeris, vade, recúmbe in novíssimo loco, ut cum vénerit qui te invitávit, dicat tibi: “ Amíce, ascénde supérius ”: tunc erit tibi glória coram ómnibus simul discumbéntibus.

Quia omnis qui se exáltat humiliábitur; et qui se humiliat exaltábitur ». — Verbum Dómini.

Super oblata

Réspice, quæsumus, Dómine,
múnera quæ tuæ offérimus maiestáti,
ut, quod nostro servítio géritur,
ad tuam glóriam pótius dirigátur.
Per Christum.

Ant. ad communionem

Ps 19, 6

Lætábimur in salutári tuo,
et in nómine Dómini Dei nostri magnificábimur.

Vel:

Eph 5, 2

Christus diléxit nos, et trádedit semetípsum pro nobis,
oblaciónem Deo in odórem suavitátis.

Post communionem

Perfícient in nobis, Dómine, quæsumus,
tua sacraménta quod cóntinent,
ut, quæ nunc spécie gérimus,
rerum veritáte capiámus.
Per Christum.

DOMINICA XXXI « PER ANNUM »

Ant. ad introitum

Ps 37, 22-23

Ne derelínquas me, Dómine Deus meus,
ne discédas a me;
inténde in adiutórium meum,
Dómine, virtus salútis meæ.

Dicitur Glória in excélsis.

Collecta

Omnípotens et miséricors Deus, de cuius múnere venit,
ut tibi a fidélibus tuis digne et laudabíliter serviátur,
tribue, quæsumus, nobis,
ut ad promissiónes tuas sine offensióne currámus.
Per Dóminum.

Anno A

Lectio prima

*Recessistis de via et scandalizastis
plurimos in lege.*

Léctio libri Malachíæ prophétæ 1, 14 b — 2, 2 a. 8-10

« Rex magnus ego, dicit Dóminus exercítuum, et
nomen meum horribile in géntibus.

Et nunc ad vos mandátum hoc, o sacerdótes. Si
noluéritis audíre et si noluéritis pónere super cor, ut
detis glóriam nómini meo, ait Dóminus exercítuum, mit-
tam in vos egestátem.

Vos autem recessistis de via et scandalizástis plúri-
mos in lege, irritum fecístis pactum Levi, dicit Dómi-
nus exercítuum.

Propter quod et ego dedi vos contemptibiles et humiles ómnibus pópulis, sicut non servástis vias meas et accepístis fáciem in lege.

Numquid non pater unus ómnium nostrum? Numquid non Deus unus creávit nos? Quare ergo déspicit unusquisque nostrum fratrem suum, víolans pactum patrum nostrórum? » — Verbum Dómini.

Psalmus responsorius

Ps 130, 1. 2. 3

℞. Custódi ánimam meam in pace apud te, Dómine.

- 1 Dómine, non est exaltátum cor meum,
neque eláti sunt óculi mei;
neque ambulávi in magnis,
neque in mirábilibus super me. ℞.
- 2 Vere pacátam et quiétam
feci ánimam meam,
sicut ablactátus in sinu matris suæ,
sicut ablactátus, ita in me est ánima mea. ℞.
- 3 Speret Israel in Dómino,
ex hoc nunc et usque in sæculum. ℞.

Lectio secunda

*Volebamus tradere vobis non solum Evangelium Dei,
sed etiam animas nostras.*

Léctio Epístolæ primæ beáti Pauli apóstoli
ad Thessalonicénses

2, 7 b-9. 13

Fratres:

Facti sumus párvuli in médio vestrum, tamquam si nutrix fóveat fílios suos, ita desiderántes vos, cúpide volebámus trádere vobis non solum Evangélium Dei, sed étiam ánimas nostras, quóniam caríssimi nobis facti estis.

Mémores enim estis, fratres, labórem nostrum et fatigatiónem; nocte et die operántes ne quem vestrum graváremus, prædicávimus in vobis Evangélium Dei.

Ideo et nos grátias ágimus Deo sine intermissiône, quóniam cum accepissétis a nobis verbum audítus Dei, accepístis non ut verbum hóminum sed sicut est vere verbum Dei, quod et operátur in vobis qui créditis.

Verbum Dómini.

Alleluia

Mt 23, 9 b. 10 b

℞. Allelúia. ʒ. Unus est Pater vester, qui in cælis est; et Magíster vester unus est, Christus.

℞. Allelúia.

Evangeliium

Dicunt et non faciunt.

✠ Lécio sancti Evangélii secúndum Matthæum

23, 1-12

In illo témpore: Locútus est Iesus ad turbas et ad discípulos suos dicens:

« Super cáthedram Móysis sedérunt scribæ et Pharisæi. Omnia ergo quæcúmque dixerint vobis, fácite et serváte, secúndum ópera vero eórum nolíte fácere: dicunt enim et non faciunt.

Alligant enim ónera grávia et importabília et impónunt in úmeros hóminum, ipsi autem dígitó suo nolunt ea movére.

Omnia vero ópera sua faciunt ut videántur ab homínibus: dilátant enim phylactéria sua et magníficant fímbras, amant autem primum recúbitum in cenis et primas cáthedras in synagógis et salutatiónes in foro et vocári ab homínibus " Rabbi ".

Vos autem nolíte vocári “ Rabbi ”; unus enim est Magíster vester, omnes autem vos fratres estis. Et “ patrem ” nolíte vocáre vobis super terram, unus enim est Pater vester, cæléstis. Nec vocémini “ magístri ”, quia Magíster vester unus est, Christus.

Qui maior est vestrum, erit miníster vester. Qui autem se exaltáverit humiliábitur, et qui se humiliáverit exaltábitur ».

Verbum Dómini.

Anno B

Lectio prima

*Audi, Israel:
Diliges Dominum ex toto corde tuo.*

Léctio libri Deuteronomíi

6, 2-6

In diébus illis:

Locútus est Móyses pópulo dicens: « Time Dóminum Deum tuum et custódi ómnia mandáta et præcépta eius, quæ ego præcípio tibi et fíliis ac nepótibus tuis, cunctis diébus vitæ tuæ, ut prolongéntur dies tui.

Audi, Israel, et obsérva, ut fácias quæ præcépit tibi Dóminus, et bene sit tibi, et multiplicéris ámplius, sicut pollicítus est Dóminus Deus patrum tuórum tibi terram lacte et melle manántem.

Audi, Israel: Dóminus Deus noster Dóminus unus est. Díliges Dóminum Deum tuum ex toto corde tuo et ex tota ánima tua et ex tota fortitúdine tua. Erúntque verba hæc, quæ ego præcípio tibi hódie, in corde tuo ».

Verbum Dómini.

Psalmus responsorius

Ps 17, 2-3 a. 3 bc-4. 47 et 51 ab (R.: 2)

R. Díligam te, Dómine, fortitúdo mea.

2 Díligam te, Dómine, fortitúdo mea.

3 Dómine, firmaméntum meum et refúgium meum
et liberátor meus. R.Deus meus, adiutor meus, et sperábo in eum:
protéctor meus, et cornu salútis meæ, et suscéptor meus.4 Laudábilem invocábo Dóminum,
et ab inimícis meis salvus ero. R.47 Vivat Dóminus, et benedíctus Adiutor meus,
et exaltétur Deus salútis meæ,51 magníficans salútes regis sui,
et fáciens misericórdiam christo suo. R.

Lectio secunda

*Eo quod manet in æternum,
intransgressibile habet sacerdotium.*

Léctio Epístolæ ad Hebræos

7, 23-28

Fratres:

Plures facti sunt sacerdotes prióris Testaménti, id-
circo quod morte prohibebántur permanére; hic autem
eo quod manet in ætérnum, intransgressibile habet sa-
cerdotium; unde et salváre in perpétuum potest acce-
déntes per semetípsum ad Deum, semper vivens ad in-
terpellándum pro eis.

Talis enim et decébat ut nobis esset Póntifex, sanctus,
innocens, impollútus, segregátus a peccatóribus, et excél-
sior cælis factus: qui non habet necessitátem cotidie,
quemádmódum pontífices, prius pro suis delíctis hóstias

offerre, deinde pro populi; hoc enim fecit semel semetipsum offerendo.

Lex enim homines constituit pontífices infirmitatem habentes, sermo autem iurisiurandi, quod post Legem est, Fílium in ætérnum consummátum.

Verbum Dómini.

Alleluia

Io 14, 23

℞. Allelúia. √. Si quis diligit me, sermónem meum servábit, dicit Dóminus;
et Pater meus diliget eum,
et ad eum veniémus. ℞. Allelúia.

Evangelium

Non es longe a Regno Dei.

✠ Lécio sancti Evangélíi secúndum Marcum

In illo témpore:

12, 28 a. c-34

Accéssit unus de scribis ad Iesum et interrogávit eum: « Quod est primum ómnium mandátum? »

Iesus respóndit: « Primum est: “ Audi, Israel: Dóminus Deus noster Dóminus unus est, et diliges Dóminum Deum tuum ex toto corde tuo et ex tota ánima tua ” et ex tota mente tua “ et ex tota virtúte tua ”.

Secúndum est illud: “ Diliges próximum tuum tamquam te ipsum ”. Maius horum áliud mandátum non est ».

Et ait illi scriba: « Bene, Magíster, in veritáte dixísti: “ Unus est, et non est álius præter Eum ”; et “ Diligere Eum ex toto corde et ex toto intelléctu et ex tota fortitúdine ”; et “ Diligere próximum tamquam se ipsum ” maius est ómnibus holocaustomátibus et sacrificiis ».

Et Iesus videns quod sapiénter respondísset, dixit illi: « Non es longe a Regno Dei ». Et nemo iam audébat eum interrogáre. — Verbum Dómini.

Anno C

Lectio prima

Misereris omnium, quia diligis omnia quæ sunt.

Léctio libri Sapiéntiæ

11, 23 — 12, 2

Dómine, tamquam moméntum statéræ, sic est ante te orbis terrárum, et tamquam gutta roris antelucáni, quæ descéndit in terram.

Sed miseréris ómnium, quia ómnia potes, et dissímulas peccáta hóminum propter pæniténtiam.

Diligis enim ómnia quæ sunt, et nihil odísti eórum quæ fecísti, nec enim ódiens áliquíd constituísti aut fecísti.

Quómodo autem posset áliquíd permanére nisi tu voluísset? aut, quod a te vocátum non esset, conservaré-tur? Parcís autem ómnibus, quóniam tua sunt, Dómine, qui amas ánimas.

O quam bonus et suávis est, Dómine, spíritus tuus in ómnibus! Ideóque eos qui exérrant pártibus córripis et, de quibus peccant, ádmones et allóqueris, ut, relícta malítia, credant in te, Dómine. — Verbum Dómini.

Psalmus responsorius

Ps 144, 1-2. 8-9. 10-11. 13 cd-14 (R.: cf. 1)

R. Benedícam nómini tuo in sáculum, Deus meus rex.

¹ Exaltábo te, Deus meus rex,
et benedícam nómini tuo
in sáculum et in sáculum sáculi.

- ² Per singulos dies benedicam tibi,
et laudabo nomen tuum
in sæculum et in sæculum sæculi. *R.*
- ⁸ Miserator et misericors Dominus,
longanimis et multæ misericordiæ.
- ⁹ Suavis Dominus universis,
et miserationes eius
super omnia opera eius. *R.*
- ¹⁰ Confiteantur tibi, Domine, omnia opera tua;
et sancti tui benedicant tibi.
- ¹¹ Gloriam regni tui dicant,
et potentiam tuam loquantur. *R.*
- ¹³ Fidelis Dominus in omnibus verbis suis,
et sanctus in omnibus operibus suis.
- ¹⁴ Allevat Dominus omnes qui corruunt,
et erigit omnes depresso. *R.*

Lectio secunda

*Glorificetur Nomen Christi in vobis,
et vos in illo*

Lectio Epistolæ secundæ beati Pauli apostoli
ad Thessalonicenses 1, 11 — 2, 2

Fratres:

Oramus semper pro vobis, ut dignetur vos vocatione sua Deus noster et impleat omnem voluntatem bonitatis et opus fidei in virtute, ut glorificetur Nomen Domini nostri Iesu Christi in vobis, et vos in illo, secundum gratiam Dei nostri et Domini Iesu Christi.

Rogamus autem vos, fratres, per adventum Domini nostri Iesu Christi et nostram congregationem in ipsum, ut non cito moveamini a sensu neque terreamini, neque

per spíritum, neque per verbum, neque per epístolam tamquam per nos, quasi instet dies Dómini.

Verbum Dómini.

Alleluia

Io 3, 16

℟. Allelúia. ℣. Sic Deus diléxit mundum ut Filium suum unigénitum daret;
omnis qui credit in eum habet vitam ætérnam. ℟. Allelúia.

Evangelium

*Venit Filius hominis quærere
et saluum facere quod perierat.*

✝ Lécio sancti Evangélii secúndum Lucam 19, 1-10

In illo témpore:

Ingréssus Iesus perambulábat Iéricho. Et ecce vir nómine Zacchæus, et hic erat princeps publicanórum et ipse dives.

Et quærébat vidére Iesum quis esset, et non póterat præ turba quia statúra pusíllus erat. Et præcúrrens ascéndit in árborem sycómorum ut vidéret illum, quia inde erat transitúrus.

Et cum venísset ad locum, suspíciens Iesus dixit ad eum: « Zacchæe, festínans descénde, nam hódie in domo tua opórtet me manére ».

Et festínans descéndit, et excépit illum gaudens. Et cum vidérent omnes murmurábant, dicéntes: « Ad hóminem peccatórem devértit ».

Stans autem Zacchæus dixit ad Dóminum: « Ecce dimídium bonórum meórum, Dómine, do paupéribus, et si quid áliquem defraudávi, reddo quádruplum ».

Ait autem Iesus ad eum: « Hódie salus dómui huic

facta est, eo quod et ipse fílius sit Abrahæ: venit enim
Fílius hóminis quærere et salvum fácere quod perierat ».
Verbum Dómini.

Dicitur Credo.

Super oblata

Fiat hoc sacrificium, Dómine, oblátio tibi munda,
et nobis misericórdiæ tuæ sancta largitio. Per Christum.

Præfatio de dominicis « per annum », pp. 588-595.

Ant. ad communionem

Ps 15, 11

Notas mihi fecísti vias vitæ,
adimplébis me lætítia cum vultu tuo, Dómine.

Vel:

Io 6, 58

Sicut misit me vivens Pater,
et ego vivo propter Patrem,
et qui mandúcat me, et ipse vivet propter me,
dicit Dóminus.

Post communionem

Augeátur in nobis, quæsumus, Dómine,
tuæ virtútis operátio,
ut, refécti cæléstibus sacraméntis,
ad eórum promíssa capiéndá tuo múnere præparémur.
Per Christum.

Feria secunda

Ant. ad introitum

Ps 37, 22-23

Ne derelínquas me, Dómine Deus meus,
ne discédas a me;
inténde in adiutórium meum,
Dómine, virtus salútis meæ.

Collecta

Omnípotens et miséricors Deus, de cuius múnere venit,
ut tibi a fidélibus tuis digne et laudabíliter serviátur,
tríbue, quásumus, nobis,
ut ad promissiónes tuas sine offensióne currámus.
Per Dóminum.

Anno primo

Lectio prior

*Conclussit Deus omnes in incredulitatem,
ut omnium misereatur.*

Léctio Epístolæ beáti Pauli apóstoli ad Romános

11, 29-36

Fratres:

Sine pæniténtia sunt dona et vocátio Dei.

Sicut enim aliquándo vos non credidístis Deo, nunc
autem misericórdiam consecúti estis propter illórum in-
credulitátem,

ita et isti nunc non credidérunt propíer vestram mi-
sericórdiam, ut et ipsi nunc misericórdiam consequántur;
conclúsit enim Deus omnes in incredulitátem, ut ómnium
misereátur.

O altitúdo divitiárum et sapiéntiæ et sciéntiæ Dei;
quam incomprehensibília sunt iudícia eius et investi-
gábiles viæ eius.

Quis enim cognóvit sensum Dómini? Aut quis con-
siliárius eius fuit? Aut quis prior dedit illi, et retribuétur ei?

Quóniam ex ipso et per ipsum et in ipsum ómnia:
ipsi glória in sácula. Amen.

Verbum Dómini.

Psalmus responsorius

Ps 68, 30-31. 33-34. 36-37 (R.: 14 cd)

R. In multitudíne misericórdiæ tuæ exáudi me, Dómine.

30 Ego autem sum pauper et dolens;

salus tua, Deus, súscipit me.

31 Laudábo nomen Dei cum cántico,
et magnificábo eum in laude. R.

33 Vídeant húmiles et læténtur;

quærite Deum, et vivet cor vestrum.

34 Quóniam exaudivit páuperes Dóminus,
et vinctos suos non despexit. R.

36 Quóniam Deus salvam fáciat Sion,

et ædificábit civitátes Iuda;

et inhabitábunt ibi, et possidébunt eam.

37 Et semen servórum eius hereditábunt eam,

et qui díligunt nomen eius, habitábunt in ea. R.

Anno secundo

Lectio prior

Implete gaudium meum ut idem sapiatis.

Léctio Epístolæ beáti Pauli apóstoli ad Philippéenses

2, 1-4

Fratres:

Si qua consolátio in Christo, si quod solácium caritátis, si qua commúnio spíritus, si quæ víscera et miseratiónes, impléte gáudium meum ut idem sapiátis, eámdem caritátem habéntes, unánimes, idípsum sapiéntes, nihil per contentiónem neque per inánem glóriam, sed in humilitáte superióres sibi ínvicem arbitrántes, non quæ sua sunt sínguli considerántes, sed et ea quæ aliórum.

Verbum Dómini.

Psalmus responsorius

Ps 130, 1. 2. 3

℞. Custódi ánimam meam in pace apud te, Dómine.

Dómine, non est exaltátum cor meum,
neque eláti sunt óculi mei;
neque ambulávi in magnis,
neque in mirábilibus super me. ℞.

Vere pacátam et quiétam
feci ánimam meam,
sicut ablactátus in sinu matris suæ,
sicut ablactátus, ita in me est ánima mea. ℞.

Speret Israel in Dómino,
ex hoc nunc et usque in sǎculum. ℞.

Alleluia

Io 8, 31 b-32 a

℞. Allelúia. ʒ. Si manséritis in sermóne meo, vere discí-
puli mei éritis,
et cognoscétis veritátem, dicit Dóminus.
℞. Allelúia.

Evangelium

Noli vocare amicos tuos, sed pauperes et debiles.

✠ Lécitio sancti Evangélíi secúndum Lucam 14, 12-14

In illo témpore:

Dicébat Iesus príncipi Pharisæórum qui se invitá-
verat:

« Cum facis prándium aut cenam noli vocáre amícos
tuos neque fratres tuos neque cognátos neque vicínos
dívites, ne forte et ipsi te reinvítent et fiat tibi re-
tribútio.

Sed cum facis convívium voca páuperes, débiles,
claudos, cæcos; et beátus eris, quia non habent retri-

búere tibi, retribuétur enim tibi in resurrectione iustórum ». — Verbum Dómini.

Super oblata

Fiat hoc sacrificium, Dómine,
oblátio tibi munda,
et nobis misericórdiæ tuæ sancta largítio.
Per Christum.

Ant. ad communionem

Ps 15, 11

Notas mihi fecisti vias vitæ,
adimplébis me lætítia cum vultu tuo, Dómine.

Vel:

Io 6, 58

Sicut misit me vivens Pater,
et ego vivo propter Patrem,
et qui mandúcat me, et ipse vivet propter me,
dicit Dóminus.

Post communionem

Augeátur in nobis, quæsumus, Dómine,
tuæ virtútis operátio,
ut, refécti cæléstibus sacraméntis,
ad eórum promíssa capiéndam
tuo múnere præparémur.
Per Christum.

Feria tertia

Ant. ad introitum

Ps 37, 22-23

Ne derelínquas me, Dómine Deus meus,
ne discédas a me;
inténde in adiutórium meum,
Dómine, virtus salútis meæ.

Collecta

Omnípotens et miséricors Deus, de cuius múnere venit,
ut tibi a fidélibus tuis digne et laudabíliter serviátur,
tribue, quæsumus, nobis,
ut ad promissiónes tuas sine offensióne currámus.
Per Dóminum.

Anno primo

Lectio prior

Sumus alter alterius membra.

Léctio Epístolæ beáti Pauli apóstoli ad Romános

12, 5-16 a

Fratres:

Multi unum corpus sumus in Christo, singuli autem alter alteríus membra.

Habéntes autem donatiónes secúndum grátiam quæ data est nobis differentes, sive prophetíam secúndum ratióem fídei, sive ministérium in ministrádo, sive qui docet in doctrína, sive qui exhortátur in exhortádo, qui tribuit in simplicitáte, qui præest in sollicitúdine, qui miserétur in hilaritáte.

Diléctio sine simulatióne. Odiéntes malum, adhæréntes bono; caritáte fraternitátis ínvicem diligéntes, honóre ínvicem præveniéntes, sollicitúdine non pigri, spíritu fervéntes, Dómino serviéntes,

spe gaudéntes, in tribulatióne patiéntes, oratióni instántes, necessitatibus sanctórum comunicántes, hospitalitátem sectántes, benedicite persecuéntibus, benedicite et nolíte maledícere.

Gaudére cum gaudéntibus, flere cum fléntibus. Idípsum ínvicem sentiéntes, non alta sapiéntes, sed humilibus consentiéntes. — Verbum Dómini.

Psalmus responsorius

Ps 130, 1. 2. 3

℞. Custódi ánimam meam in pace apud te, Dómine.

1 Dómine, non est exaltátum cor meum,
neque eláti sunt óculi mei;
neque ambulávi in magnis,
neque in mirabílibus super me. ℞.

2 Vere pacátam et quiétam
feci ánimam meam,
sicut ablactátus in sinu matris suæ,
sicut ablactátus, ita in me est ánima mea. ℞.

3 Speret Israel in Dómino,
ex hoc nunc et usque in sáeculum. ℞.

Anno secundo

Lectio prior

*Humiliavit semetipsum
propter quod Deus illum exaltavit*

Léctio Epístolæ beáti Pauli apóstoli ad Philippénes

2, 5-11

Fratres:

Hoc sentíte in vobis, quod et in Christo Iesu:
qui, cum in forma Dei esset, non rapínam arbitrátus
est esse se æquálem Deo, sed semetípsum exinanívit for-
mam servi accípiens, in similitúdinem hóminum factus:
et hábitu invéntus ut homo, humiliávit semetípsum fac-
tus obédiens usque ad mortem, mortem autem crucis.

Propter quod et Deus illum exaltávit et donávit illi
Nomen quod est super omne nomen, ut in Nómine Iesu
omne genu flectátur cæléstium et terréstrium et internó-
rum et omnis lingua confiteátur: « Dóminus Iesus Chri-
stus! », in glóriam Dei Patris. — Verbum Dómini.

Psalmus responsorius

Ps 21, 26 b-27. 28-30 a. 31-32 (R.: 26 a)

R. Apud te, Dómine, laus mea in ecclésia magna.

Vota mea reddam in conspéctu timéntium eum.

Edent páuperes, et saturabúntur,

et laudábunt Dóminum qui requírun't eum:

« Vivant corda eórum in sáculum sáculi ». R.

Reminiscéntur et converténtur ad Dóminum

univér'si fines terræ,

et adorábunt in conspéctu eius

univér'sæ famíliæ géntium.

Quóniam Dómini est regnum,

et ipse dominábitur géntium.

Ipsum solum adorábunt omnes qui dórmíunt in terra. R.

Et semen meum sérviet ipsi.

Narrábitur de Dómino generatióni ventúræ,

et annuntiábunt iustítiam eius

pópulo qui nascétur: « Hæc fecit Dóminus ». R.

Alleluia

Mt 11, 28

R. Allelúia. V. Veníte ad me, omnes qui laborátis et
oneráti estis,

et ego refíciam vos, dicit Dóminus.

R. Allelúia.

Evangelium

*Exi in vias et sepes et compelle intrare
ut impleatur domus mea.*

✠ Léc'tio sancti Evangélli secúndum Lucam 14, 15-24

In illo témpore:

Dixit ad Iesum quidam de simul discumbéntibus:

« Beátus, qui manducábit panem in Regno Dei ».

At ipse dixit ei: « Homo quidam fecit cenam magnam, et vocávit multos, et misit servum suum hora cenæ dícere invitátis: “ Veníte, quia iam parátum est ”.

Et cœpérunt simul omnes excusáre. Primus dixit ei: “ Villam emi et necesse hábeo exíre et vidére illam: rogo te, habe me excusátum ”. Et alter dixit: “ Iuga boum emi quinque et eo probáre illa: rogo te, habe me excusátum ”. Et álius dixit: “ Uxórem duxi et ídeo non possum veníre ”.

Et revérsus servus nuntiávit hæc dómino suo. Tunc irátus pater famílias dixit servo suo: “ Exi cito in platéas et vicos civitátis, et páuperes ac débiles et cæcos et claudos íntroduc huc ”.

Et ait servus: “ Dómine, factum est ut imperásti, et adhuc locus est ”.

Et ait dóminus servo: “ Exi in vias et sepes et compélle intráre ut impleátur domus mea: dico autem vobis quod nemo virórum illórum, qui vocáti sunt, gustábit cenam meam ” ». — Verbum Dómini.

Super oblata

Fiat hoc sacrificium, Dómine, oblátio tibi munda,
et nobis misericórdiæ tuæ sancta largítio.
Per Christum.

Ant. ad communionem

Ps 15, 11

Notas mihi fecísti vias vitæ,
adimplébis me lætítia cum vultu tuo, Dómine.

Vel:

Io 6, 58

Sicut misit me vivens Pater,
et ego vivo propter Patrem,
et qui mandúcat me, et ipse vivet propter me,
dicit Dóminus.

Post communionem

Augeátur in nobis, quæsumus, Dómine,
tuæ virtútis operatio,
ut, refécti cæléstibus sacraméntis,
ad eórum promissa capiéndá tuo múnere præparémur.
Per Christum.

Feria quarta

Ant. ad introitum

Ps 37, 22-23

Ne derelínquas me, Dómine Deus meus,
ne discédas a me;
inténde in adiutórium meum,
Dómine, virtus salútis meæ.

Collecta

Omnípotens et miséricors Deus, de cuius múnere venit,
ut tibi a fidélibus tuis digne et laudabíliter serviátur,
tribue, quæsumus, nobis,
ut ad promissiónes tuas sine offensióne currámus.
Per Dóminum.

Anno primo

Lectio prior

Plenitudo Legis est dilectio.

Léctio Epístolæ beáti Pauli apóstoli ad Romános

13, 8-10

Fratres:

Némini quicquam debeátis nisi ut ínvicem diligátis:
qui enim díligit próximum Legem implévit.

Nam “Non adulterábis”, “Non occídes”, “Non furáberis”, “Non falsum testimónium dices”, “Non concupísces” et, si quod est áliud mandátum, in hoc

verbo recapitulatur: "Díliges próximum tuum támquam te ipsum".

Diléctio próximo malum non operatur: plenitúdo ergo Legis est diléctio. — Verbum Dómini.

Psalmus responsorius Ps 111, 1-2. 4-5. 9 (R.: 5 a)

R. Iucúndus homo qui miserétur et cómmodat.

vel Allelúia.

- 1 Beátus vir qui timet Dóminum,
in mandátis eius cupit nimis.
- 2 Potens in terra erit semen eius,
generátio rectórum benedicétur. R.
- 4 Exórtum est in ténebris lumen rectis,
miséricors et miserátor et iustus.
- 5 Iucúndus homo qui miserétur et cómmodat,
dispónet res suas in iudício. R.
- 9 Distribuit, dedit paupéribus;
iustítia eius manet in sáculum sáculi,
cornu eius exaltábitur in glória. R.

Anno secundo

Lectio prior

*Vestram salutem operamini;
Deus est enim qui operatur in vobis
et velle et perficere.*

Léctio Epístolæ beáti Pauli apóstoli ad Philippénses

2, 12-18

Caríssimi mei, sicut semper obædistis, non ut in præ-séntia mei tantum sed multo magis nunc in abséntia mea, cum metu et tremóre vestram salútem operámini; Deus est enim qui operatur in vobis et velle et perficere pro suo beneplácito.

Omnia fácite sine murmuratióibus et hæsitatióibus
ut efficiámini sine queréla et simplices, filii Dei sine re-
prehensióne in médio generatióis pravæ et pervérsæ,
inter quos lucétis sicut luminária in mundo,

Verbum vitæ continéntes, ad glóriam meam in die
Christi, quia non in vácuum cucúrri neque in vácuum
laborávi.

Sed et si delíbor supra sacrificium et obséquium fi-
dei vestræ, gáudeo et congáudeo ómnibus vobis; idíp-
sum autem et vos gaudéte et congaudéte mihi.

Verbum Dómini.

Psalmus responsorius Ps 26, 1. 4. 13-14 (R.: 1 a)

R. Dóminus illuminátio mea et salus mea.

1 Dóminus illuminátio mea et salus mea,
quem timébo?
Dóminus protéctor vitæ meæ,
a quo trepidábo? R.

4 Unum pétii a Dómino, hoc requíram:
ut inhábitem in domo Dómini
ómnibus diébus vitæ meæ,
ut vídeam voluptátem Dómini,
et vísitem templum eius. R.

13 Credo vidére bona Dómini in terra vivéntium.
14 Exspécta Dóminum, viríliter age,
et confortétur cor tuum, et sústine Dóminum. R.

Alleluia

1 Petr 4, 14

R. Allelúia. V. Si exprobrámini in nómine Christi, beáti
éritis,
quóniam Spíritus Dei super vos requiéscit.
R. Allelúia.

Evangelium

*Qui non renuntiat omnibus quæ possidet,
non potest meus esse discipulus.*

✠ Lécio sancti Evangélii secúndum Lucam 14, 25-33

In illo témpore:

Ibant turbæ multæ cum Iesu, et convérsus dixit ad illos: « Si quis venit ad me et non odit patrem suum et matrem et uxórem et fílios et fratres et soróres, adhuc et ánimam suam, non potest esse meus discípulus.

Et qui non báíulat crucem suam et venit post me non potest esse meus discípulus.

Quis enim ex vobis volens turrem ædificáre, non prius sedens cóputat sumptus, si habet ad perficiéndum?

Ne, posteáquam posúerit fundaméntum, et non póterit perfícere, omnes qui vident incípiant illúdere ei dicéntes: “ Hic homo cœpit ædificáre et non pótuít con-summáre ”.

Aut quis rex, itúrus commíttere bellum advérsus álium regem, non sedens prius cógitat si possit cum decem mílibus occúrrere ei qui cum vigínti mílibus venit ad se? Alióquin, adhuc illo longe agénte, legatiónem mittens rogat ea quæ pacis sunt.

Sic ergo omnis ex vobis qui non renúntiat ómnibus quæ póssidet, non potest meus esse discípulus ».

Verbum Dómini.

Super oblata

Fiat hoc sacrificium, Dómine, oblátio tibi munda,
et nobis misericórdiæ tuæ sancta largítio.
Per Christum.

Ant. ad communionem

Ps 15, 11

Notas mihi fecisti vias vitæ,
adimplébis me lætítia cum vultu tuo, Dómine.

Vel:

Io 6, 58

Sicut misit me vivens Pater,
et ego vivo propter Patrem,
et qui mandúcat me, et ipse vivet propter me,
dicit Dóminus.

Post communionem

Augeátur in nobis, quæsumus, Dómine,
tuæ virtútis operátio,
ut, refécti cæléstibus sacraméntis,
ad eórum promíssa capiéndam
tuo múnere præparémur.
Per Christum.

Feria quinta

Ant. ad introitum

Ps 37, 22-23

Ne derelínquas me, Dómine Deus meus,
ne discédas a me;
inténde in adiutórium meum,
Dómine, virtus salútis meæ.

Collecta

Omnípotens et miséricors Deus, de cuius múnere venit,
ut tibi a fidélibus tuis digne et laudabíliter serviátur,
tríbue, quæsumus, nobis,
ut ad promissiones tuas sine offensióne currámus.
Per Dóminum.

Anno primo

Lectio prior

Sive vivimus, sive morimur, Domini sumus.

Lectio Epistolæ beāti Pauli apóstoli ad Romános

14, 7-12

Fratres:

Nemo nostrum sibi vivit, et nemo sibi móritur; sive enim vívimus, Dómino vívimus, sive mórimur, Dómino mórimur. Sive ergo vívimus sive mórimur, Dómini sumus.

In hoc enim Christus et mórtuus est et vixit, ut et mortuórum et vivórum dominétur.

Tu autem quid iúdicas fratrem tuum? Aut tu quare spernis fratrem tuum? Omnes enim stábimus ante tribúnal Dei; scriptum est enim: « Vivo ego, dicit Dóminus, mihi flectétur omne genu, et omnis lingua confitébitur Deo ».

Itaque unusquisque nostrum pro se ratióinem reddet Deo. — Verbum Dómini.

Psalmus responsorius Ps 26, 1. 4. 13-14 (R.: 13)

R. Credo vidére bona Dómini in terra vivéntium.

¹ Dóminus illuminátio mea et salus mea, quem timébo? Dóminus protéctor vitæ meæ, a quo trepidábo? R.

⁴ Unum pétii a Dómino, hoc requíram:
ut inhábitem in domo Dómini
ómnibus diébus vitæ meæ,
ut vídeam voluptátem Dómini,
et vísitem templum eius. R.

¹³ Credo vidére bona Dómini in terra vivéntium.

¹⁴ Exspécta Dóminum, viríliter age,
et confortétur cor tuum, et sústine Dóminum. R.

Anno secundo

Lectio prior

*Quæ mihi erant lucra, hæc arbitratus sum
propter Christum detrimentum.*

Lectio Epistolæ beāti Pauli apóstoli ad Philippenses

3, 3-8

Fratres:

Nos sumus circumcisio, qui Spíritu Dei servimus et gloriámur in Christo Iesu et non in carne fidúciā habēntes, quamquam ego hábeam confidéntiā et in carne.

Si quis álius vidétur confídere in carne, ego magis; circumcísus octáva die, ex génere Israel, de tribu Béniamin, Hebræus ex Hebræis, secúndum Legem Pharisæus, secúndum æmulationem pérsequens Ecclésiā, secúndum iustítiam quæ in Lege est conversátus sine queréla.

Sed quæ mihi erant lucra, hæc arbitrátus sum propter Christum detriméntum. Verúmtamen existímo ómnia detriméntum esse propter eminéntiā sciéntiæ Christi Iesu Dómini mei, propter quem ómnia detriméntum feci, et árbitror ut stércora ut Christum lucri fáciā.

Verbum Dómini.

Psalmus responsorius Ps 104, 2-3. 4-5. 6-7 (℟.: 3 b)

℟. Lætétur cor quæréntium Dóminum.

vel Allelúia.

² Cantáte ei et psállite ei,
meditámini in ómnibus mirábilibus eius.

³ Laudámini in nómine sancto eius,
lætétur cor quæréntium Dóminum. ℟.

- 4 Quærite Dóminum et poténtiam eius,
quærite fáciem eius semper.
- 5 Mementóte mirábílium eius quæ fecit,
prodígia eius et iudícia oris eius. *R.*
- 6 Semen Abraham, servi eius,
fílii Iacob, elécti eius.
- 7 Ipse Dóminus Deus noster;
in univérsa terra iudícia eius. *R.*

Alleluia

Mt 11, 28

R. Allelúia. *V.* Veníte ad me, omnes qui laborátis et
oneráti estis,
et ego refíciam vos, dicit Dóminus.
R. Allelúia.

Evangelium

*Gaudium erit in cælo super uno peccatore
pænitentiam agente.*

✠ Lécio sancti Evangélíi secúndum Lucam 15, 1-10

In illo témpore:

Erant appropinquánte Iesu omnes publicáni et pec-
catóres ut audírent illum.

Et murmurábant Pharisæi et scribæ dicénte: « Hic
peccatóres récipit et mandúcat cum illis ».

Et ait ad illos parábolam istam dicens: « Quis ex vo-
bis homo qui habet centum oves et si perdíderit unam
ex illis, nonne dimíttit nonagintanóvem in desérto et
vadit ad illam quæ períerat donec invéníat illam?

Et cum invénerit eam impónit in úmeros suos gau-
dens, et véniens domum cónvocat amícos et vicínos, di-
cens illis: “ Congratulámini mihi, quia invéni ovem meam
quæ períerat ”.

Dico vobis: Ita gáudium erit in cælo super uno peccatóre pæniténtiam agente, quam super nonagintánovem iustus qui non índigent pæniténtia.

Aut quæ mûlier habens drachmas decem, si perdidit drachmam unam, nonne accéndit lucérnam et evér-rit domum et quærit diligénter donec invéniat?

Et cum invénerit, cónvocat amícas et vicínas dicens: " Congratulámini mihi, quia invéni drachmam quam per-dideram ".

Ita dico vobis: Gáudium fit coram ángelis Dei super uno peccatóre pæniténtiam agente ».

Verbum Dómini.

Super oblata

Fiat hoc sacrificium, Dómine, oblátio tibi munda,
et nobis misericórdiæ tuæ sancta largítio.
Per Christum.

Ant. ad communionem

Ps 15, 11

Notas mihi fecísti vias vitæ,
adimplébis me lætítia cum vultu tuo, Dómine.

Vel:

Io 6, 58

Sicut misit me vivens Pater,
et ego vivo propter Patrem,
et qui mandúcat me, et ipse vivet propter me,
dicit Dóminus.

Post communionem

Augeátur in nobis, quæsumus, Dómine,
tuæ virtútis operátio,
ut, refécti cæléstibus sacraméntis,
ad eórum promíssa capiéndam tuo múnere præparémur.
Per Christum.

Feria sexta**Ant. ad introitum****Ps 37, 22-23**

Ne derelínquas me, Dómine Deus meus,
ne discédas a me;
inténde in adiutórium meum,
Dómine, virtus salútis meæ.

Collecta

Omnípotens et miséricors Deus,
de cuius múnere venit,
ut tibi a fidélibus tuis
digne et laudabíliter serviátur;
tríbue, quæsumus, nobis,
ut ad promissiónes tuas
sine offensióne currámus.
Per Dóminum.

Anno primo**Lectio prior**

*Minister Christi Iesu ad gentes, ut fiat
oblatio gentium accepta.*

Léctio Epístolæ beáti Pauli apóstoli ad Romános**15, 14-21**

Certus sum, fratres mei, et ego ipse de vobis, quóniam et ipsi pleni estis bonitáte, repléti omni sciéntia, ita ut possítis et altérutrum monére.

Audácius autem scripsi vobis ex parte, tamquam in memóriam vos redúcens propter grátiam quæ data est mihi a Deo ut sim mínister Christi Iesu ad gentes, cón-

secrans Evangélium Dei, ut fiat oblátio géntium accépta, sanctificáta in Spíritu Sancto.

Hábeo ígitur gloriatiónem in Christo Iesu ad Deum; non enim audébo áliquíd loqui eórum quæ per me non effécit Christus in obœdiéntiam géntium, verbo et factis, in virtúte signórum et prodigiórum, in virtúte Spíritus;

ita ut ab Ierúsalem et per circúitum usque in Illýricum repléverim Evangélium Christi, sic autem conténdens prædicáre Evangélium non ubi nominátus est Christus, ne super aliénium fundaméntum ædificárem, sed sicut scriptum est:

« Quibus non est annuntiátum de eo vidébunt, et qui non audiérunt intéllegent ».

Verbum Dómini.

Psalmus responsorius

Ps 97, 1. 2-3 ab. 3 cd-4 (R.: cf. 2 b)

R. In conspéctu géntium
revelávit Dóminus salutáre suum.

1 Cantáte Dómino cánticum novum,
quia mirabília fecit.

Salvávit sibi délixtera eius,
et brácchium sanctum eius. R.

2 Notum fecit Dóminus salutáre suum,
in conspéctu géntium revelávit iustítiam suam.

3 Recordátus est misericórdiæ suæ
et veritátis suæ dómui Israel. R.

Vidérunt omnes términi terræ
salutáre Dei nostri.

4 Iubiláte Deo, omnis terra,
erúmpite, exsultáte et psállite. R.

Anno secundo

Lectio prior

*Salvatorem exspectamus,
qui transfigurabit corpus humilitatis nostræ
conforme fieri corpori gloriæ suæ.*

Lectio Epistolæ beāti Pauli apóstoli ad Philippenses

3, 17 — 4, 1

Coimitatōres mei estōte, fratres, et observāte eos qui ita āmbulant sicut habētis formam nos.

Multi enim āmbulant quos sæpe dicēbam vobis, nunc autem et flens dico, inimicos crucis Christi, quorum finis intēritus, quorum deus venter et glória in confusiōne ipsōrum, qui terrēna sapiunt.

Noster enim municipātus in cælis est, unde etiā Salvatōrem exspectāmus Dóminum Iesum Christum, qui transfigurābit corpus humilitātis nostræ confórme fieri córpori glóriæ suæ secúndum operatiōnem qua possit etiā subícere sibi ómnia.

Itaque, fratres mei caríssimi et desideratíssimi, gáudium et coróna mea, sic state in Dómino, caríssimi.

Verbum Dómini.

Psalmus responsorius Ps 121, 1-2. 4 b-5 (R.: cf. 1)

R. In domum Dómini lætāntes íbimus.

1 Lætātus sum in eo quod dixerunt mihi:

« In domum Dómini íbimus ».

2 Stantes iam sunt pedes nostri in portis tuis, Ierúsalem. R.

4 Illuc enim ascenderunt tribus, tribus Dómini, testimónium Israel, ad confiténdum nómini Dómini.

5 Quia illic sederunt sedes ad iudícium, sedes domus David. R.

Alleluia

1 Io 2, 5

℟. Allelúia. ℣. Qui servat verbum Christi,
vere in hoc caritas Dei perfecta est.
℟. Allelúia.

Evangelium

*Filii huius sæculi prudentiores filiis lucis
in generatione sua sunt.*

✠ Lécio sancti Evangélii secúndum Lucam 16, 1-8

In illo témpore: Dicébat Iesus ad discípulos suos:

« Homo quidam erat dives qui habébat vilicum, et hic diffamátus est apud illum quasi dissipásset bona ipsíus.

Et vocávit illum et ait illi: " Quid hoc áudio de te? Redde ratió nem vilicatió nis tuæ, iam enim non póteris vilicáre ".

Ait autem vilicus intra se: " Quid fáciam, quia dóminus meus aufert a me vilicatió nem? Fódere non váleo, mendicáre erubéscó. Scio quid fáciam, ut cum amó tus fúero a vilicatió ne recípiant me in domos suas ".

Convocátis itaque síngulis debitóribus dómini sui, dicébat primo: " Quantum debes dómino meo? " At ille dixit: " Centum cados ólei ". Dixitque illi: " Accipe cau tió nem tuam et sede cito, scribe quinquagínta ".

Deínde álíi dixit: " Tu vero quantum debes? " Qui ait: " Centum coros trítici ". Ait illi: " Accipe lítteras tuas et scribe octogínta ".

Et laudávit dóminus vilicum iniquitátis quia pru dénter fecísset: quia filii huius sæculi prudenti ó res filiis lucis in generatió ne sua sunt ».

Verbum Dómini.

Super oblata

Fiat hoc sacrificium, Dómine, oblátio tibi munda,
et nobis misericórdiæ tuæ sancta largitio. Per Christum.

Ant. ad communionem**Ps 15, 11**

Notas mihi fecísti vias vitæ,
adimplébis me lætítia cum vultu tuo, Dómine.

Vel:**Io 6, 58**

Sicut misit me vivens Pater,
et ego vivo propter Patrem,
et qui mandúcat me, et ipse vivet propter me,
dicit Dóminus.

Post communionem

Augeátur in nobis, quæsumus, Dómine,
tuæ virtútis operátio,
ut, refécti cæléstibus sacraméntis,
ad eórum promíssa capiéndá tuo múnere præparémur.
Per Christum.

Sabbato**Ant. ad introitum****Ps 37, 22-23**

Ne derelínquas me, Dómine Deus meus,
ne discédas a me;
inténde in adiutórium meum,
Dómine, virtus salútis meæ.

Collecta

Omnípotens et miséricors Deus, de cuius múnere venit,
ut tibi a fidélibus tuis digne et laudabíliter serviátur,
tribue, quæsumus, nobis,
ut ad promissiónes tuas sine offensióne currámus.
Per Dóminum.

Anno primo

Lectio prior

Salutate invicem in osculo sancto.

Lectio Epistolæ beati Pauli apostoli ad Romanos

16, 3-9. 16. 22-27

Fratres:

Salutate Priscam et Aquilam adiutores meos in Christo Iesu, qui pro anima mea suas cervices supposuerunt, quibus non solus ego gratias ago, sed et cunctæ Ecclesiæ gentium, et domesticam eorum Ecclesiam.

Salutate Epænétum dilectum mihi, primitias Asiæ in Christo. Salutate Mariam, quæ multum laboravit in vobis.

Salutate Andronicum et Iúniam cognatos meos et concaptivos meos, qui sunt nobiles in apostolis, qui et ante me fuerunt in Christo.

Salutate Ampliatum dilectissimum mihi in Domino. Salutate Urbánum adiutorem nostrum in Christo et Stachyn dilectum meum.

Salutate invicem in osculo sancto. Salutant vos omnes Ecclesiæ Christi.

Saluto vos ego Tértius qui scripsi epistolam in Domino. Salutatur vos Gaius hospes meus et universæ Ecclesiæ. Salutatur vos Erástus arcarius civitatis et Quartus frater.

Ei autem qui potens est vos confirmare iuxta Evangelium meum et prædicationem Iesu Christi secundum revelationem mystèrii temporibus æternis tãciti,

manifestati autem nunc, et per Scripturas Prophetarum secundum præceptum æterni Dei ad obœditióem fidei in cunctis gentibus patefacti,

soli sapiénti Deo per Iesum Christum, cui glória in sæcula. Amen. — Verbum Domini.

Psalmus responsorius

Ps 144, 2-3. 4-5. 10-11 (R.: cf. 1)

R. Benedicam nómini tuo in sáculum,
Deus meus rex.

- 2 Per singulos dies benedicam tibi,
et laudábo nomen tuum
in sáculum et in sáculum sáculi.
- 3 Magnus Dóminus et laudábilis nimis,
et magnitúdinis eius non est investigátio. R.
- 4 Generátio generatióni laudábit ópera tua,
et poténtiam tuam pronuntiábunt.
- 5 Magnificéntiam glóriæ maiestátis tuæ loquéntur,
et mirábilia tua enarrábunt. R.
- 10 Confiteántur tibi, Dómine, ómnia ópera tua;
et sancti tui benedicant tibi.
- 11 Glóriam regni tui dicant,
et poténtiam tuam loquántur. R.

Anno secundo

Lectio prior

Omnia possum in eo qui me confortat.

Léctio Epístolæ beáti Pauli apóstoli ad Philippénses

Fratres: 4, 10-19

Gavísus sum in Dómino veheménter quóniam tandem aliquándo reffloruístis pro me sentíre, sicut et sentiebátis, opportunitáte autem carebátis. Non quasi propter penúriam dico, ego enim dídici in quibus sum sufficiens esse.

Scio et humiliári, scio et abundáre; ubíque et in ómnibus institútus sum et satiári et esuríre, et abundáre et penúriam pati. Omnia possum in eo qui me confortat.

Verúmtamen bene fecístis comunicántes tribulatióni meæ.

Scítis autem et vos, Philippénses, quod in princípíio Evangélíi, quando proféctus sum a Macedónia, nulla mihi Ecclésia comunicávit in ratióne dati et accépti nisi vos soli; quia et Thessalonícam et semel et bis in usum mihi misístis.

Non quia quæro datum, sed requíro fructum qui abúndet in ratióne vestram. Accépi autem ómnia et abúndo; replétus sum accéptis ab Epaphrodíto quæ misístis, odórem suavitátis, hóstiam accéptam, placéntem Deo.

Deus autem meus implébit omne desidérium vestrum secúndum divítias suas in glória in Christo Iesu.

Verbum Dómini.

Psalmus responsorius

Ps 111, 1-2. 5-6. 8 a et 9 (R.: 1 a)

R. Beátus vir qui timet Dóminum.

vel Allelúia.

1 Beátus vir qui timet Dóminum,
in mandátis eius cupit nimis.

2 Potens in terra erit semen eius,
generátio rectórum benedicétur. R.

5 Iucúndus homo qui miserétur et cómmodat,
dispónet res suas in iudício,
6 quia in ætérnum non commovébitur.
In memória æténa erit iustus. R.

8 Confirmátum est cor eius, non timébit.
9 Distribuit, dedit paupéribus;
iustítia eius manet in sáeculum sáeculi,
cornu eius exaltábitur in glória. R.

Alleluia

2 Cor 8, 9

℟. Allelúia. ℣. Iesus Christus egénus factus est,
cum esset dives,
ut illius inópia vos dívites essétis.

℟. Allelúia.

Evangelium

*Si in iniquo mammona fideles non fuistis,
quod verum est quis credet vobis?*

✠ Lécio sancti Evangélíi secúndum Lucam 16, 9-15

In illo témpore: Dicébat Iesus discipulis suis:

« Fácite vobis amícos de mammóna iniquitátis, ut cum defécerit recípiant vos in æténa tabernácula.

Qui fidélis est in mínimo, et in maióri fidélis est, et qui in módico iníquus est, et in maióri iníquus est.

Si ergo in iníquo mammóna fidéles non fuístis, quod verum est quis credet vobis? Et si in aliéno fidéles non fuístis, quod vestrum est quis dabit vobis?

Nemo servus potest duóbús dóminis servíre: aut enim unum ódiet et álterum díliget, aut uni adhærébit et álterum contémnet. Non potéstis Deo servíre et mammónæ ».

Audiébant autem ómnia hæc Pharisæi qui erant avári et deridébant illum.

Et ait illis: « Vos estis qui iustificátis vos coram homínibus, Deus autem novit corda vestra; quia quod homínibus altum est, abominátio est ante Deum ».

Verbum Dómini.

Super oblata

Fiat hoc sacrificium, Dómine, oblátio tibi munda,
et nobis misericórdiæ tuæ sancta largítio.
Per Christum.

Ant. ad communionem

Ps 15, 11

Notas mihi fecisti vias vitæ,
adimplébis me lætítia cum vultu tuo, Dómine.

Vel:

Io 6, 58

Sicut misit me vivens Pater,
et ego vivo propter Patrem,
et qui mandúcat me, et ipse vivet propter me,
dicit Dóminus.

Post communionem

Augeátur in nobis, quæsumus, Dómine,
tuæ virtútis operátio,
ut, refécti cæléstibus sacraméntis,
ad eórum promíssa capiéndá tuo múnere præparémur.
Per Christum.

DOMINICA XXXII « PER ANNUM »

Ant. ad introitum

Ps 87, 3

Intret oratio mea in conspectu tuo;
inclina aurem tuam ad precem meam, Dómine.

Dicitur Glória in excélsis.

Collecta

Omnípotens et miséricors Deus,
unívrsa nobis adversántia propitiátus exclúde,
ut, mente et corpore páriter expediti,
quæ tua sunt líberis méntibus exsequámur.
Per Dóminum.

Anno A

Lectio prima

Invenitur sapientia ab his qui quærunt eam

Lectio libri Sapiéntiæ

6, 13-17

Clara est, et quæ numquam marcéscit, sapiéntia; et fáci-
le vidétur ab his qui díligunt eam, et invenítur ab
his qui quærunt illam; præóccupat qui se concupíscunt,
ut illis se prior osténdat.

Qui de luce vigiláverit ad illam non laborábit; as-
sidéntem enim illam fóribus suis invéniet. Cogitáre er-
go de illa sensus est consummátus, et qui vigiláverit
propter illam cito secúrus erit.

Quóniam dignos se ipsa círcuit quærens, et in viis
osténdit se illis hiláriter, et in omni providéntia oc-
cúrrit illis. — Verbum Dómini.

Psalmus responsorius

Ps 62, 2. 3-4. 5-6. 7-8 (R.: 2 b)

R. Sitívit in te ánima mea, Dómine, Deus meus.

2 Deus, Deus meus es tu, ad te de luce vígilo.
 Sitívit in te ánima mea,
 te desiderávit caro mea. R.

3 In terra desérta et árida et inaquósa,
 sic in sancto appáruí tibi,
 ut vidérem virtútem tuam et glóriam tuam.
 4 Quóniam mélior est misericórdia tua super vitas,
 lábia mea laudábunt te. R.

5 Sic benedícam te in vita mea,
 et in nómine tuo levábo manus meas.
 6 Sicut ádipe et pinguédine repleátur ánima mea,
 et lábiis exsultatiónis laudábit os meum. R.

7 Cum memor ero tui super stratum meum,
 in matutínis meditábor de te,
 8 quía fuísti adiútor meus,
 et in velaménto alárum tuárum exsultábo. R.

Lectio secunda

*Deus eos qui dormierunt per Iesum
 adducet cum eo.*

Léctio Epístolæ primæ beáti Pauli apóstoli
 ad Thessalonicénses

4, 13-17

Nólumus vos ignoráre, fratres, de dormiéntibus, ut
 non contristémini sicut et céteri qui spem non ha-
 bent. Si enim crédimus quod Iesus mórtuus est et re-
 surrexít, ita et Deus eos qui dormiérunt per Iesum
 addúcet cum eo.

Hoc enim vobis dicimus in verbo Dómini, quia nos qui vívimus, qui relínquimur in advéntum Dómini, non præveniémus eos qui dormiérunt;

quóniam ipse Dóminus in iussu, in voce archángeli et in tuba Dei, descéndet de cælo, et mórtui qui in Christo sunt resúrgent primi, deínde nos qui vívimus, qui relínquimur simul rapiémur cum illis in núbibus óbviám Dómino in áera: et sic semper cum Dómino érimus. — Verbum Dómini.

Alleluia

Mt 24, 42 a. 44

℞. Allelúia. 7. Vigiláte et estóte paráti,
quia qua nescítis hora Fílius hóminis
ventúrus est. ℞. Allelúia.

Evangelium

Ecce sponsus, exite obviam ei

✠ Lécio sancti Evangélíi secúndum Matthæum

25, 1-13

In illo témpore: Dixit Iesus discípulis suis parábolam hanc:

« Símile erit Regnum cælórum decem virgínibus, quæ accipiéntes lámpades suas exiérunt óbviám sponso.

Quinque autem ex eis erant fátuæ et quinque prudéntes. Fátuæ enim, accéptis lampádibus suis, non sumpserunt óleum secum; prudéntes vero accepérunt óleum in vasis cum lampádibus suis.

Moram autem faciénté sponso, dormitavérunt omnes et dormiérunt.

Média autem nocte clamor factus est: “ Ecce sponsus, exite óbviám ei ”. Tunc surrexérunt omnes vírgines illæ et ornavérunt lámpades suas.

Fátuæ autem sapiéntibus dixérunt: "Date nobis de óleo vestro, quia lámpades nostræ exstinguúntur".

Respondérunt prudéntes dicéntes: "Ne forte non suffíciat nobis et vobis, ite pótius ad vendéntes et émitte vobis".

Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua.

Novíssime autem véniunt et réliquæ vírgines dicéntes: "Dómine, Dómine, áperi nobis". At ille respóndens ait: "Amen dico vobis, néschio vos".

Vigiláte itaque, quia nescítis diem neque horam ». Verbum Dómini.

Anno B

Lectio prima

*Fecit vidua de sua farinula panem parvulum
et attulit Eliæ.*

Léctio libri primi Regum

17, 10-16

In diébus illis:

Surréxit Eliás prophéta et ábiit in Saréphta. Cumque venísset ad portam civitátis, apparuit ei múlIER vídua cólligens ligna; et vocávit eam, dixítque ei: « Da mihi páululum aquæ in vase ut bibam ».

Cumque illa pérgeret ut afférret, clamávit post tergum eius dicens: « Affer mihi, óbsecro, et buccéllam panis in manu tua ».

Quæ respondit: « Vivit Dóminus Deus tuus, quia non hábeo panem, nisi quantum pugíllus cápere potest farínæ in hýdria, et páululum ólei in lécytho. En cólligo duo ligna ut ingrédiar, et fáciam illum mihi et filio meo, ut comedámus et moriámur ».

Ad quam Elías ait: « Noli timére, sed vade et fac sicut dixísti; verúmtamen mihi primum fac de ipsa farínula subcinerícium panem párvulum, et affer ad me; tibi autem et fílio tuo fácies póstea.

Hæc autem dicit Dóminus Deus Israel: “ Hýdria farínæ non defíciet, nec lécythus ólei minuétur, usque ad diem in qua Dóminus datúrus est plúviam super faciém terræ ” ».

Quæ ábiit et fecit iuxta verbum Elíæ, et comédit ipse et illa et domus eius; et ex illa die hýdria farínæ non defécit, et lécythus ólei non est imminútus iuxta verbum Dómini, quod locútus fúerat in manu Elíæ.

Verbum Dómini.

Psalmus responsorius

Ps 145, 7. 8-9 a. 9 bc-10 (R.: 1)

R. Lauda, ánima mea, Dóminum.

vel Allelúia.

7 Qui custódit veritátem in sáeculum,
facit iudícium opprèssis,
dat escam esuriéntibus.
Dóminus solvit compeditos. R.

8 Dóminus illúminat cæcos,
Dóminus érigit depréssos,
Dóminus díligit iustos,
9 Dóminus custódit ádvenas. R.

Pupíllum et víduam susténtat,
et viam peccatórum dispérdit.
10 Regnábít Dóminus in sáecula,
Deus tuus, Sion,
in generatióem et generatióem. R.

Lectio secunda

*Christus semel oblatus
ad multorum auferenda peccata.*

Lectio Epistolæ ad Hebræos

9, 24-28

Non in manufacta Sancta Christus introivit, quæ sunt similitudo verorum, sed in ipsum cælum, ut appareat nunc vultui Dei pro nobis; neque ut sæpe offerat semetipsum, quemadmodum pontifex intrat in Sancta per singulos annos in sanguine alieno. Alioquin oportebat eum frequenter pati ab origine mundi; nunc autem semel in consummatione sæculorum ad destinationem peccati per sacrificium sui manifestatus est.

Et quemadmodum statutum est hominibus semel mori, post hoc autem iudicium, sic et Christus semel oblatus ad multorum auferenda peccata, secundo sine peccato apparebit expectantibus se in salutem.

Verbum Domini.

Alleluia

Mt 5, 3

℞. Alleluia. ⁊. Beati pauperes spiritu,
quoniam ipsorum est Regnum cælorum.

℞. Alleluia.

Evangelium*

Vidua hæc pauper plus omnibus misit.

✠ Lectio sancti Evangelii secundum Marcum

12, 38-44

In illo tempore: Dicebat Iesus turbis in doctrina sua:

« Cavete a scribis qui volunt in stolis ambulare et salutari in foro et in primis cathedris sedere in synagogis et primos discubitus in cenis; qui devorant domos

viduárum et osténtant prolíxas oratiónes, hi accípiunt ámplius iudícium ».

Et sedens contra gazophylácium aspiciébat quómo turba iactáret æs in gazophylácium; et multi dívites iactábant multa; et cum venísset una vídua pauper, misit duo minúta, quod est quadrans.

Et cónvocans discípuulos suos ait illis: « Amen dico vobis: Vídua hæc pauper plus ómnibus misit, qui misérunt in gazophylácium: omnes enim ex eo quod abundábat illis, misérunt, hæc vero de penúria sua ómnia quæ hábuit misit, totum victum suum ».

Verbum Dómini.

vel brevior

✠ Lécio sancti Evangélíi secúndum Marcum

12, 41-44

In illo témpore:

Sedens Iesus contra gazophylácium aspiciébat quómo turba iactáret æs in gazophylácium; et multi dívites iactábant multa; et cum venísset una vídua pauper, misit duo minúta, quod est quadrans.

Et cónvocans discípuulos suos ait illis: « Amen dico vobis: Vídua hæc pauper plus ómnibus misit, qui misérunt in gazophylácium: omnes enim ex eo quod abundábat illis, misérunt, hæc vero de penúria sua ómnia quæ hábuit misit, totum victum suum ».

Verbum Dómini.

Anno C

Lectio prima

*Rex mundi nos in æternæ vitæ resurrectione
suscitabit.*

Léctio libri secúndi Machabæórum 7, 1-2. 9-14

In diébus illis:

Cóntigit septem fratres, una cum matre sua apprehénsos, compélli a rege édere contra fas carnes porcínas, flagris et táureis cruciátos.

Unus autem ex illis, qui erat primus, sic ait: « Quid quæris et quid vis díscere a nobis? Paráti sumus mori, magis quam pátrias Dei leges prævaricári ».

Secúndus autem in último spíritu constitútus, sic ait: « Tu quidem, scelestíssime, in præsénti vita nos perdis, sed Rex mundi defúctos nos pro suis légibus in æternæ vitæ resurrectione suscitábit ».

Post hunc tértius illúditur; et linguam postulátus cito prótulit et manus constánter exténdit, et cum fidúcia ait: « E cælo ista possídeo, sed propter Dei leges nunc hæc ipsa despício, quóniam ab ipso me ea receptúrum spero »; ita ut rex et qui cum ipso erant miraréntur adolescentis ánimus, quod tamquam níhilum dúceret cruciátus.

Et hoc ita defúcto, quartum vexábant simíliter torquéntes; et, cum iam esset ad mortem, sic ait: « Pótius est ab homínibus morti datos spem exspectáre a Deo íterum ab ipso resuscitándos; tibi enim resur-réctio ad vitam non erit ».

Verbum Dómini.

Psalmus responsorius

Ps 16, 1. 5-6. 8 b et 15 (R.: 15 b)

R. Satiabor, cum evigilávero, conspéctu tuo, Dómine.

- 1 Exáudi, Dómine, iustítiam meam,
inténde deprecationem meam.
Auribus pércipe orationem meam,
non in lábiis dolósis. R.
- 5 Rétime gressus meos in sémitis tuis,
ut non moveántur vestígia mea.
- 6 Ego ad te clamávi, quóniam exáudis me, Deus;
inclína aurem tuam mihi, et exáudi verba mea. R.
- 8 Custódi me ut pupíllam óculi,
sub umbra alárum tuárum prótege me.
- 15 Ego autem in iustítia vidébo fáciem tuam,
satiabor, cum evigilávero, conspéctu tuo. R.

Lectio secunda

*Dominus confirmet vos in omni opere
et sermone bono.*

Léctio Epístolæ secúndæ beáti Pauli apóstoli
ad Thessalonicénses

2, 16 — 3, 5

Fratres:

Ipse Dóminus noster Iesus Christus et Deus Pater noster, qui diléxit nos et dedit consolationem ætérnam et spem bonam in grátia, consolétur corda vestra et confírmnet in omni ópere et sermóne bono.

De cétero, fratres, oráte pro nobis, ut sermo Dómini currat et glorificétur sicut et apud vos, et ut liberémur ab importúnis et malis homínibus; non enim ómnium est fides. Fidélis autem Dóminus est, qui confirmábit vos et custódiet a malo.

Confídimus autem de vobis in Dómino, quóniam quæ præcípimus et fácitis et faciétis. Dóminus autem dirígat corda vestra in caritátem Dei et patiéntiam Christi. — Verbum Dómini.

Alleluia

Ap 1, 5 a. 6 b

℞. Allelúia. γ. Iesus Christus est primogénitus mortuórum;
ipsi glória et impérium in sácula sæculórum. ℞. Allelúia.

Evangelium*

Deus non est mortuorum sed vivorum.

✠ Lécio sancti Evangélíi secúndum Lucam 20, 27-38

In illo témpore:

Accessérunt quidam Sadducæórum, qui negant esse resurrectionem, et interrogavérunt Iesum dicéntes: « Magíster, Móyses scripsit nobis, si frater alicúius mórtuus fúerit habens uxórem et hic sine fíliis fúerit, ut accípiat eam frater eius uxórem et súscitet semen fratri suo.

Septem ergo fratres erant, et primus accépit uxórem et mórtuus est sine fíliis; et sequens et tértius accépit illam, simíliter autem et septem non reliquérunt fílios et mórtui sunt. Novíssima mórtua est et múlíer.

Múlíer ergo in resurrectione cuius eórum erit uxor? Síquidem septem habuérunt eam uxórem ».

Et ait illis Iesus: « Fílii sæculi huius nubunt et tradúntur ad núptias; illi autem qui digni habéntur sæculo illo et resurrectione ex mórtuis neque nubunt neque ducunt uxóres; neque enim ultra mori possunt, æquáles enim ángelis sunt, et fílii sunt Dei, cum sint fílii resurrectionis.

Quia vero resúrgant mórtui et Móyses osténdit secus rubum, sicut dicit: " Dóminum Deum Abraham et Deum Isaac et Deum Iacob ": Deus autem non est mortuórum sed vivórum, omnes enim vivunt ei ».

Verbum Dómini.

vel brevior

✠ Lécio sancti Evangélii secúndum Lucam

20, 34-38

In illo témpore:

Ait Iesus Sadducæis, qui negant esse resurrectiόνem:

« Fílii sáculi huius nubunt et tradúntur ad núptias; illi autem qui digni habéntur sáculo illo et resurrectiόνem ex mórtuis neque nubunt, neque ducunt uxóres; neque enim ultra mori possunt, æquáles enim ángelis sunt, et fílii sunt Dei, cum sint fílii resurrectiónis.

Quia vero resúrgant mórtui et Móyses osténdit secus rubum, sicut dicit: " Dóminum Deum Abraham et Deum Isaac et Deum Iacob ": Deus autem non est mortuórum sed vivórum, omnes enim vivunt ei ».

Verbum Dómini.

Dicitur Credo.

Super oblata

Sacrificiis præséntibus, Dómine, quáesumus, inténde placátus, ut, quod passiónis Fílii tui mystério gérimus, pio consequámur afféctu.

Per Christum.

Præfatio de dominicis « per annum », pp. 588-595.

Ant. ad communionem

Ps 22, 1-2

Dóminus regit me, et nihil mihi déerit;
in loco páscuæ ibi me collocávit,
super aquam refectiónis educávit me.

Vel:

Lc 24, 35

Cognovérunt discípuli Dóminum Iesum
in fractióne panis.

Post communionem

Grátias tibi, Dómine,
reférimus sacro múnere vegetáti,
tuam cleméntiam imploránte,
ut, per infusióem Spíritus tui,
in quibus cæléstis virtus introívit,
sinceritátis grátia perseveret.
Per Christum.

Feria secunda

Ant. ad introitum

Ps 87, 3

Intret orátio mea in conspéctu tuo;
inclína aurem tuam ad precem meam, Dómine.

Collecta

Omnípotens et miséricors Deus,
univérsa nobis adversántia propitiátus exclúde,
ut, mente et córpore páriter expediti,
quæ tua sunt
líberis méntibus exsequámur.
Per Dóminum.

Anno primo

Lectio prior

*Benignus est spiritus sapientiæ.
Spiritus Domini replevit orbem terrarum.*

Inítium libri Sapiéntiæ 1, 1-7

Diligite iustítiam, qui iudicátis terram, sentíte de Dómino in bonitáte, et in simplicitáte cordis quéríte illum; quóniam invenítur ab his qui non tentant illum, appáret autem eis qui fidem habent in illum.

Pervérsæ enim cogitatiónes séparant a Deo, probáta autem virtus córripit insipiéntes. Quóniam in malévolam ánimam non introíbit sapiéntia, nec habitábit in córpore súbdito peccátis.

Spíritus enim sanctus disciplínæ effúgiét fictum, et áuferet se a cogitatió nibus quæ sunt sine intelléctu, et corripiétur a superveniénte iniquitáte.

Benígnus est enim spíritus sapiéntiæ, et non liberábit malédicum a lábiis suis; quóniam renum illíus testis est Deus, et cordis illíus scrutátor est verus, et lingüæ eius audítor.

Quóniam spíritus Dómini replévit orbem terrárum, et hoc quod cóntinet ómnia sciéntiam habet vocis.

Verbum Dómini.

Psalmus responsórius

Ps 138, 1-3. 4-6. 7-8. 9-10 (R.: 24 b)

R. Deduc me, Dómine, in via æténa.

- ¹ Dómine, scrutátus es et cognovísti me,
² tu cognovísti sessiόνem meam
et resurrectiόνem meam.

- Intellexísti cogitatiónes meas de longe,
³ sémitam meam et accúbitum meum investigásti. R.

- Et omnes vias meas perspexísti,
4 quia nondum est sermo in lingua mea,
et ecce, Dómine, tu novísti ómnia.
5 A tergo et a fronte coarctásti me,
et posuísti super me manum tuam.
6 Mirábilis nimis facta est sciéntia tua super me;
sublímis, et non attingam eam. *R.*
7 Quo ibo a spíritu tuo,
et quo a fácie tua fugiam?
8 Si ascéndero in cælum, tu illic es;
si descéndero in inférnum, ades. *R.*
9 Si sumpsero pennas auróræ
et habitávero in extrémis maris,
10 étiam illuc manus tua dedúcet me,
et tenébit me délixtera tua. *R.*

Anno secundo

Lectio prior

Constitue presbyteros, sicut tibi disposui.

Inítium Epístolæ beáti Pauli apóstoli ad Titum 1, 1-9

Paulus servus Dei, apóstolus autem Iesu Christi
secúndum fidem electórum Dei et agniiónem veritátis
quæ secúndum pietátem est in spem vitæ æternæ, quam
promísit qui non mentítur Deus ante témpora sæculária,
manifestávit autem tempóribus suis verbum suum
in prædicatióne quæ crédita est mihi secúndum præcép-
tum Salvatóris nostri Dei,

Tito germáno filio secúndum commúnem fidem: grá-
tia et pax a Deo Patre et Christo Iesu Salvátore nostro.

Huius rei grátia relíqui te Cretæ, ut ea quæ de-
sunt córrigas et constítuas per civitátes presbýteros, sic-

ut ego tibi dispósui, si quis sine crimine est, uníus uxóris vir, fílios habens fidéles, non in accusatióne luxúriæ aut non subiéctos.

Opórtet enim episcopum sine crimine esse sicut Dei dispensatórem, non supérbum, non iracúndum, non vinoléntum, non percussórem, non turpis lucri cúpidum, sed hospitálem, benígnum, sóbrium, iustum, sanctum, continéntem,

amplecténtem eum qui secúndum doctrínam est fidélem sermónem, ut potens sit exhortári in doctrína sana et eos qui contradícunt arguere. — Verbum Dómini.

Psalmus responsorius

Ps 23, 1-2. 3-4 ab. 5-6 (R.: cf. 6)

R. Hæc est generátio quæréntium fáciem tuam, Dómine.

- 1 Dómini est terra et plenitúdo eius,
orbis terrárum et qui hábitant in eo.
- 2 Quia ipse super mária fundávit eum,
et super flúmina firmávit eum. R.
- 3 Quis ascéndet in montem Dómini,
aut quis stabit in loco sancto eius?
- 4 Innocens mánibus et mundo corde,
qui non accépit in vanum nomen eius. R.
- 5 Hic accípiet benedictiónem a Dómino,
et iustificatióem a Deo salutári suo.
- 6 Hæc est generátio quæréntium eum,
quæréntium fáciem Dei Iacob. R.

Alleluia

Phil 2, 15 b. 16 a

R. Allelúia. V. Lucétis sicut luminária in mundo,
verbum vitæ continéntes.

R. Allelúia.

Evangelium

*Si septies in die conversus fuerit ad te,
dicens: Pœnitet me, dimittes illi.*

✠ Lécio sancti Evangélii secúndum Lucam 17, 1-6

In illo témpore: Ait Iesus ad discipulos suos:

« Impossíbile est ut non véniant scándala, væ autem illi per quem véniunt: útilius est illi si lapis moláris imponátur circa collum eius et proiciátur in mare, quam ut scandalízet unum de pusíllis istis.

Atténdite vobis. Si peccáverit frater tuus, íncrepa illum, et si pœniténtiam égerit, dimítte illi; et si sépties in die peccáverit in te et sépties convérsus fúerit ad te, dicens: “ Pœnitet me ”, dimíttes illi ».

Et dixerunt Apóstoli Dómino: « Adáuge nobis fidem ».

Dixit autem Dóminus: « Si habuéritis fidem sicut granum sinápis, dicerétis huic árbori moro: “ Eradicáre et transplantáre in mare ”, et obœdíret vobis ».

Verbum Dómini.

Super oblata

Sacrificiis præséntibus, Dómine,
quásumus, inténde placátus,
ut, quod passiónis Fílii tui mystério gérimus,
pio consequámur afféctu.
Per Christum.

Ant. ad communionem

Ps 22, 1-2

Dóminus regit me, et nihil mihi déerit;
in loco páscae ibi me collocávit,
super aquam refectiόνis educávit me.

Vel: Lc 24, 35

Cognovérunt discípuli Dóminum Iesum
in fractióne panis.

Post communionem

Grátias tibi, Dómine, reférimus sacro múnere vegetáti,
tuam cleméntiam imploránte,
ut, per infusióem Spíritus tui,
in quibus cæléstis virtus introívit,
sinceritátis grátia perseveret.
Per Christum.

Feria tertia

Ant. ad introitum Ps 87, 3

Intret orátio mea in conspéctu tuo;
inclína aurem tuam ad precem meam, Dómine.

Collecta

Omnípotens et miséricors Deus,
unívsa nobis adversántia propitiátus exclúde,
ut, mente et córpore páriter expediti,
quæ tua sunt líberis méntibus exsequámur.
Per Dóminum.

Anno primo

Lectio prior

*Visi sunt oculis insipientium mori,
illi autem sunt in pace.*

Lectio libri Sapiéntiæ 2, 23 — 3, 9

Deus creávit hómínem inexterminábilem, et ad imá-
ginem similitúdinis suæ fecit illum. Invídia autem diá-
boli mors introívit in orbem terrárum; imitántur autem
illum qui sunt ex parte illíus.

Iustorum autem animæ in manu Dei sunt, et non tanget illos tormentum mortis.

Visi sunt oculis insipientium mori, et æstimata est afflictio exitus illorum, et, quod a nobis est iter, exterminium; illi autem sunt in pace; et si coram hominibus tormenta passi sunt, spes illorum immortalitate plena est.

In paucis vexati, in multis bene disponuntur, quoniam Deus tentavit eos et invenit illos dignos se. Tamquam aurum in fornace probavit illos, et quasi holocausti hostiam accepit illos, et in tempore erit respectus illorum.

Fulgebunt iusti et tamquam scintillæ in arundinetis discurrent; iudicabunt nationes et dominabuntur populis, et regnabit Dominus illorum in perpetuum.

Qui confidunt in illo intellegent veritatem, et fideles in dilectione acquiescent illi, quoniam donum et pax est electis eius. — Verbum Domini.

Psalmus responsorius

Ps 33, 2-3. 16-17. 18-19 (R.: 2 a)

R. Benedicam Dominum in omni tempore.

² Benedicam Dominum in omni tempore,
semper laus eius in ore meo.

³ In Domino gloriabitur anima mea,
audiant mansueti et lætentur. R.

¹⁶ Oculi Domini super iustos,
et aures eius in clamorem eorum.

¹⁷ Vultus autem Domini super facientes mala,
ut perdat de terra memoriam eorum. R.

¹⁸ Clamaverunt, et Dominus exaudivit,
et ex omnibus tribulationibus eorum liberavit eos.

¹⁹ Iuxta est Dominus iis qui contrito sunt corde,
et confractos spiritu salvabit. R.

Anno secundo

Lectio prior

*Pie vivamus, expectantes beatam spem
et adventum Dei et Salvatoris nostri Iesu Christi.*

Lectio Epistolæ beāti Pauli apóstoli ad Titum

2, 1-8. 11-14

Caríssime:

Tu lóquere quæ decent sanam doctrínam.

Senes ut sóbrii sint, pudíci, prudéntes, sani fide, dilectióne, patiéntia.

Anus simíliter in hábitu sanctæ, non criminatríces, non vino multo déditæ, bene docéntes, ut prudéntiam dóceant adulescéntulas ut viros suos ament, fílios díligant, prudéntes sint, castæ, domus curam habéntes, benígnæ, súbditæ suis viris, ut non blasphemétur verbum Dei.

Iúvenes simíliter hortáre ut sóbrii sint; in ómnibus te ipsum præbens exémplum bonórum óperum, in doctrína integritátem, gravitátem, in verbo sano irreprehensíbilem, ut is qui ex advérso est vereátur, nihil habens malum dícere de nobis.

Appáruit enim grátia Dei salutáris ómnibus homínibus, erúdiens nos ut, abnegántes impietátem et sæculária desidéria, sóbrie et iuste et pie vivámus in hoc sæculo,

expectántes beátam spem et advéntum glóriæ magni Dei et Salvatóris nostri Iesu Christi, qui dedit semetípsum pro nobis ut nos redímeret ab omni iniquitáte et mundáret sibi Pópulum peculiárem, sectatórem bonórum óperum.

Verbum Dómini.

Psalmus responsorius

Ps 36, 3-4. 18 et 23. 27 et 29 (R.: 39 a)

R. Salus iustórum a Dómino est.

3 Spera in Dómino et fac bonitátem,
et inhabitábis terram et pascéris in fide.4 Delectáre in Dómino,
et dabit tibi petitiónes cordis tui. R.18 Novit Dóminus dies immaculatórum,
et heréditas eórum in ætérnum erit.23 A Dómino gressus hóminis confirmántur,
et viam eius volet. R.27 Declína a malo et fac bonum,
et inhabitábis in sáculum sáculi.29 Iusti autem hereditábunt terram,
et inhabitábunt in sáculum sáculi super eam. R.

Alleluia

Io 14, 23

R. Allelúia. V. Si quis díligit me, sermónem meum servábit, et Pater meus díliget eum,
et ad eum veniémus, et mansiónem apud eum faciémus. R. Allelúia.

Evangelium

*Servi inutiles sumus,
quod debuimus facere, fecimus.*

✠ Lécio sancti Evangélíi secúndum Lucam 17, 7-10

In illo témpore: Dixit Dóminus:

« Quis vestrum habens servum arántem aut pascéntem, qui regréssó de agro dicet illi: " Statim transi, recúmbe ", et non dicet ei: " Para quod cenem, et præcínge te et minístra mihi donec mandúcem et bibam, et

post hæc tu manducábis et bibes? ” Numquid grátiam habet servo illi, quia fecit quæ præcépta sunt?

Sic et vos, cum fecéritis ómnia quæ præcépta sunt vobis, dícite: “ Servi inútiles sumus, quod debúimus fácere, fécimus ” ». — Verbum Dómini.

Super oblata

Sacrificiis præsentibus, Dómine,
quæsumus, inténde placátus,
ut, quod passiónis Fílii tui mystério gérimus,
pio consequámur afféctu.
Per Christum.

Ant. ad communionem

Ps 22, 1-2

Dóminus regit me, et nihil mihi déerit;
in loco páscae ibi me collocávit,
super aquam refectionis educávit me.

Vel:

Lc 24, 35

Cognovérunt discípuli Dóminum Iesum
in fractiône panis.

Post communionem

Grátias tibi, Dómine, reférimus sacro múnere vegetáti,
tuam cleméntiam implorántes,
ut, per infusióem Spíritus tui,
in quibus cæléstis virtus introívit,
sinceritátis grátia perseveret.
Per Christum.

Feria quarta

Ant. ad introitum

Ps 87, 3

Intret orátio mea in conspéctu tuo;
inclína aurem tuam ad precem meam, Dómine.

Collecta

Omnípotens et miséricors Deus,
univérſa nobis adversántia propitiátus excludé,
ut, mente et córpore páriter expediti,
quæ tua sunt líberis méntibus exsequámur.
Per Dóminum.

Anno primo

Lectio prior

Audite, reges, ut discatis sapientiam.

Lectio libri Sapientiæ

6, 2-12

Audíte, reges, et intelligite; díscite, iúdiceſ fínium terræ; præbéte aures, vos qui continétis multitudines, et placétis vobis in turbis natiónum.

Quóniam data est a Dómino potéstas vobis, et virtus ab Altíſſimo, qui interrogábit ópera vestra, et cogitatiónes scrutábitur; quóniam, cum essétis minístri regni illíus, non recte iudicástis, nec custodístis legem iustítiæ, neque secúndum voluntátem Dei ambulástis.

Horrénde et cito apparébit vobis, quóniam iudícium duríſſimum his qui præſunt fiet.

Exíguo enim concéditur misericórdia; poténtes autem poténter torménta patiéntur; non enim súbtrahet persónam cuiúſquam Deus, nec verébitur magnitúdinem cuiúſquam; quóniam pusíllum et magnum ipse fecit, et æquáliter cura est illi de ómnibus; fortióribus autem fórtior instat cruciátio.

Ad vos ergo, reges, sunt hi sermónes mei, ut díscátis sapiéntiam et non excidátis. Qui enim custodiérunt iusta iuste, iustificabúntur; et, qui didicerint ista, invénient quid respódeant. Concupíſcite ergo sermónes meos, dilígite illos et habébitis disciplínam.

Verbum Dómini.

Psalmus responsorius

Ps 81, 3-4. 6-7 (R.: 8 a)

R. Surge, Deus, iúdica terram.

- 3 « Iudicáte egéno et pupíllo,
húmilem et páuperem iustificáte.
4 Erípite páuperem,
et egénium de manu peccatóriis liberáte ». R.
6 Ego dixi: « Dii estis,
et filii Excélsi omnes ».
7 Vos autem sicut hómines moriémini,
et sicut unus de princípibus cadétis. R.

Anno secundo

Lectio prior

*Eramus errantes, sed secundum suam misericordiam
salvos nos fecit.*

Léctio Epístolæ beáti Pauli apóstoli ad Titum 3, 1-7

Caríssime:

Admone illos princípibus, potestátibus súbditos esse, dicto obædíre, ad omne opus bonum parátos esse, néminem blasphemáre, non litigiósos esse, modéstos, omnem ostendéntes mansuetúdinem ad omnes hómines.

Erámus enim et nos aliquándo insipiéntes, inobædiéntes, errántes, serviéntes concupiscéntiis et voluptátibus váriis, in malítia et invídia agéntes, odíbiles, odiéntes ínvicem.

Cum autem benignitas et humánitas appáruit Salvatóris nostri Dei, non ex opéribus iustítiæ quæ fécimus nos sed secúndum suam misericórdiam salvos nos fecit, per lavácrum regeneratiónis et renovatiónis Spíritus Sancti,

quem effúdit super nos abúnde per Iesum Christum
Salvatórem nostrum, ut iustificáti grátia ipsíus herédes
simus secúndum spem vitæ æternæ.

Verbum Dómini.

Psalmus responsorius Ps 22, 1-3 a. 3 b-4. 5. 6 (R.: 1)

R. Dóminus pascit me, et nihil mihi déerit.

1 Dóminus pascit me, et nihil mihi déerit:
2 in páscuis viréntibus me collocávit,
3 super aquas quiétis edúxit me,
ánimam meam refécit. R.

Dedúxit me super sémitas iustítiæ
propter nomen suum.

4 Nam et si ambulávero in valle umbræ mortis,
non timébo mala, quóniam tu mecum es.
Virga tua et báculus tuus
ipsa me consoláta sunt. R.

5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. R.

6 Etenim benígnitas et misericórdia
subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. R.

Alleluia

1 Th 5, 18

R. Allelúia. V. In ómnibus grátias ágite;
hæc est enim volúntas Dei in Christo Iesu
in ómnibus vobis. R. Allelúia.

Evangelium

*Non sunt inventi qui redirent ut darent gloriam Deo
nisi hic alienigena?*

✠ Lécio sancti Evangélii secúndum Lucam 17, 11-19

In illo tépore:

Factum est, dum iret Iesus in Ierúsalem, et ipse transibat per médiam Samariam et Galilæam.

Et, cum ingrederétur quoddam castéllum, occurrerunt ei decem viri leprosi, qui steterunt a longe, et levaverunt vocem dicentes: « Iesu præcéptor, miserere nostri ».

Quos ut vidit, dixit: « Ite, osténdite vos sacerdóti-
bus ». Et factum est dum irent mundáti sunt.

Unus autem ex illis, ut vidit quia sanátus est, regressus est cum magna voce magnificans Deum, et cecidit in faciém ante pedes eius grátias agens ei: et hic erat Samaritánus.

Respóndens autem Iesus dixit: « Nonne decem mundáti sunt? Et novem ubi sunt? Non sunt invénti qui redirent ut darent glóriam Deo nisi hic alienígena? »

Et ait illi: « Surge, vade: fides tua te salvum fecit ». Verbum Dómini.

Super oblata

Sacrificiis præsentibus, Dómine,
quæsumus, inténde placátus,
ut, quod passiónis Fílii tui mystério gérimus,
pio consequámur afféctu. Per Christum.

Ant. ad communionem

Ps 22, 1-2

Dóminus regit me, et nihil mihi déerit;
in loco pásuæ ibi me collocávit,
super aquam refectiónis educávit me.

Vel:

Lc 24, 35

Cognovérunt discípuli Dóminum Iesum
in fractióne panis.

Post communionem

Grátias tibi, Dómine, reférimus sacro múnere vegetáti,
tuam cleméntiam imploránte,
ut, per infusiónem Spíritus tui,
in quibus cæléstis virtus introívit,
sinceritátis grátia perseveret.
Per Christum.

Feria quinta

Ant. ad introitum

Ps 87, 3

Intret orátio mea in conspéctu tuo;
inclína aurem tuam ad precem meam, Dómine.

Collecta

Omnípotens et miséricors Deus,
univérsa nobis adversántia propitiátus exclúde,
ut, mente et corpore páriter expediti,
quæ tua sunt líberis méntibus exsequámur.
Per Dóminum.

Anno primo

Lectio prior

*Candor lucis æternæ est sapientia,
et speculum sine macula Dei maiestatis.*

Lectio libri Sapiéntiæ

7, 22 — 8, 1

Est enim in sapiéntia spíritus intellegéntiæ, sanctus,
únicus, múltiplex, subtilis, disértus, móbilis, incoinqui-
nátus, certus, suávis, amans bonum, acútus, quem nihil

vetat, benefáciens, humánuſ, benígnuſ, stábilis, certuſ, ſecúruſ, omneſ habent virtúteſ, ómnia proſpíciendū et qui cāpiat omneſ ſpírítuſ, intellegíbiliſ, munduſ, ſubtiliſ.

Omnibuſ enim móbilibuſ móbilior eſt ſapiéntia; attingit autem ubíque propter ſuam mundítiam.

Vapor eſt enim virtútis Dei, et emanátio quædam eſt claritátis omnipoténtis Dei ſincéra; et ídeo nihil inquinátum in eam incúrrit; candor eſt enim lucis ætérnæ, et ſpéculum ſine mácula Dei maietátis, et imágo bonitátis illíuſ.

Et, cum ſit una, ómnia poteſt, et in ſe pérmanent ómnia innovat, et per nátióneſ in ánimáſ ſanctáſ ſe transfert, amícoſ Dei et prophétáſ conſtituit.

Néminem enim díligit Deuſ, niſi eum qui cum ſapiéntia inhábitat. Eſt enim hæc ſpecióſior ſole, et ſuper omneſ diſpoſitióneſ ſtellárum, luci comparáta, invenítur prior; illi enim ſuccédit nox, ſapiéntiam autem non vincit malítia.

Attingit ergo a fine uſque ad finem fórtiter, et diſpónit ómnia ſuáviter. — Verbuſ Dómini.

Psalmuſ reſponſoriuſ

Ps 118, 89. 90. 91. 130. 135. 175 (R.: 89 a)

R. In ætérnuſ, Dómine, verbuſ tuuſ.

⁸⁹ In ætérnuſ, Dómine,
verbuſ tuuſ conſtitútuſ eſt in cælo. R.

⁹⁰ In generatióneſ et generatióneſ vérítáſ tua;
firmáſti terram, et pérmanet. R.

⁹¹ Secúnduſ iudícia tua pérmanent hódie,
quóniam ómnia ſérviunt tibi. R.

¹³⁰ Declarátio ſermónuſ tuórum illúminat,
et intelléctuſ dat párvuliſ. R.

135 Fáciem tuam illúmina super servum tuum,
et doce me iustificatiónes tuas. *R.*

175 Vivet ánima mea et laudábit te,
et iudícia tua adiuvábunt me. *R.*

Anno secundo

Lectio prior

*Illum recipe, iam non ut servum,
sed carissimum fratrem.*

Léctio Epístolæ beáti Pauli apóstoli ad Philémonem

7-20

Caríssime:

Gáudium magnum hábui et consolatióem in caritáte tua, quia víscera sanctórum requievérunt per te, frater.

Propter quod multam fidúciam habens in Christo imperándi tibi quod ad rem pértinet, propter caritátem magis óbsecro, cum sim talis ut Paulus senex, nunc autem et vinctus Christi Iesu.

Obsecro te de meo filio, quem génui in vínculis, Onésimo, qui tibi aliquándo inútilis fuit, nunc autem et tibi et mihi útilis, quem remisí tibi, eum, hoc est víscera mea;

quem ego volúeram mecum detinére, ut pro te mihi ministráret in vínculis Evangélii, sine consílio autem tuo nihil vólui fácere, uti ne velut ex necessitáte bonum tuum esset sed voluntárium.

Fórsitan enim ídeo discéssit ad horam ut ætérnum illum recíperes, iam non ut servum sed plus servo, caríssimum fratrem, máxime mihi, quanto autem magis tibi et in carne et in Dómino.

Si ergo habes me sócium, súscipe illum sicut me.
Si autem áliquid nócuit tibi aut debet, hoc mihi ímputa;
ego Paulus scripsi mea manu, ego reddam; ut non dicam tibi quod et te ipsum mihi debes.

Ita, frater, ego te fruar in Dómino; réfice víscera mea in Christo. — Verbum Dómini.

Psalmus responsorius

Ps 145, 7. 8-9 a. 9 bc-10 (R.: 5 a)

R. Beátus cuius Deus Iacob est adiutor.

vel Allelúia.

7 Qui custódit veritátem in sáeculum.

Facit iudícium opprémis,

dat escam esuriéntibus.

Dóminus solvit compeditos. R.

8 Dóminus illúminat cæcos,

Dóminus érigit depréssos,

Dóminus díligit iustos,

9 Dóminus custódit ádvenas. R.

Pupíllum et víduam susténtat,

et víam peccatórum dispédit.

10 Regnábit Dóminus in sáecula,

Deus tuus, Sion,

in generatióem et generatióem. R.

Alleluia

Io 15, 5

R. Allelúia. V. Ego sum vitis, vos pálmities,
dicit Dóminus.

Qui manet in me, et égo in eo, hic fert
fructum multum.

R. Allelúia.

Evangelium

Regnum Dei intra vos est.

✠ Lécio sancti Evangélii secúndum Lucam 17, 20-25

In illo témpore:

Interrogátus Iesus a Phariséis, quando venit Regnum Dei, respóndit eis et dixit: « Non venit Regnum Dei cum observatióne, neque dicent: “ Ecce hic ”, aut: “ Illic ”; ecce enim Regnum Dei intra vos est ».

Et ait ad discípulos: « Vénient dies, quando desiderétis vidére unum diem Fílii hóminis et non vidébitis.

Et dicent vobis: “ Ecce hic, ecce illic ”, nolíte ire neque sectémini. Nam sicut fulgur corúscans de sub cælo in ea quæ sub cælo sunt fulget, ita erit Fílius hóminis in die sua.

Primum autem opórtet illum multa pati et reprobári a generatióne hac ». — Verbum Dómini.

Super oblata

Sacrificiis præsentibus, Dómine,
quæsumus, inténde placátus,
ut, quod passiónis Fílii tui mystério gérimus,
pio consequámur afféctu.
Per Christum.

Ant. ad communionem

Ps 22, 1-2

Dóminus regit me, et nihil mihi déerit;
in loco páscae ibi me collocávit,
super aquam refectiόνis educávit me.

Vel:

Lc 24, 35

Cognovérunt discípuli Dóminum Iesum
in fractiόne panis.

Post communionem

Grátias tibi, Dómine,
reférimus sacro múnere vegetáti,
tuam cleméntiam imploránte,
ut, per infusióem Spíritus tui,
in quibus cæléstis virtus introívit,
sinceritátis grátia perseveret.
Per Christum.

Feria sexta

Ant. ad introitum

Ps 87, 3

Intret orátio mea in conspéctu tuo;
inclína aurem tuam ad precem meam, Dómine.

Collecta

Omnípotens et miséricors Deus,
univérsa nobis adversántia propitiátus exclúde,
ut, mente et corpore páriter expéditi,
quæ tua sunt
líberis méntibus exsequámur.
Per Dóminum.

Anno primo

Lectio prior

*Si potuerunt æstimare sæculum,
quomodo huius Dominum non invenerunt?*

Lectio libri Sapientiæ

13, 1-9

Vani sunt omnes hómines, in quibus non subest
sciéntia Dei; et de his, quæ vidéntur bona, non potué-
runt intellégere eum qui est, neque opéribus attendénte
agnovérunt quis esset ártifex.

Sed aut ignem, aut spíritum, aut citátum áerem, aut gyrum stellárum, aut nímiam aquam, aut solem et lunam, rectóres orbis terrárum deos putavérunt.

Quorum si spécie delectáti, deos putavérunt, sciant quanto his dominátor eórum speciósior est; speciíi enim generátor hęc ómnia constitúit.

Aut, si virtútem et ópera eórum miráti sunt, intéllegant ab illis, quóniam qui hęc fecit fórtior est illis; a magnitúdine enim speciíi et creatúræ cognoscibíliter póterit creátor horum vidéri.

Sed tamen adhuc in his minor est queréla et hi enim fortásse errant, Deum quæréntes et voléntes inveníre. Etenim, cum in opéribus illíus converséntur, inquirunt et persuásum habent quóniam bona sunt quæ vidéntur.

Iterum autem nec his debet ignósci. Si enim tantum potuérunt scire, ut possent æstimáre sáculum, quómodo huius Dóminum non facílius invenérunt?

Verbum Dómini.

Psalmus responsorius

Ps 18, 2-3. 4-5 (R.: 2 a)

R. Cæli enárrant glóriam Dei.

Cæli enárrant glóriam Dei,
et ópera mánuum eius
annúntiat firmaméntum.

Dies diéi erúctat verbum,
et nox nocti índicat sciéntiam. R.

Non sunt loquélæ neque sermónes,
quorum non intellegántur voces.
In omnem terram exívit sonus eórum,
et in fines orbis terræ verba eórum. R.

Anno secundo**Lectio prior**

*Qui permanet in doctrina,
hic et Patrem et Filium habet.*

Léctio Epístolæ secúndæ beáti Ioánnis apóstoli 4-9

Elécta dómina, gávisus sum valde quóniam invéni de filiis tuis ambulátes in veritáte, sicut mandátum acépimus a Patre.

Et nunc rogo te, dómina, non tamquam mandátum novum scribens tibi, sed quod habúimus ab inítio, ut diligámus altérutrum.

Et hæc est caritas, ut ambulémus secúndum mandátá eius; hoc mandátum est, quemádmódum audístis ab inítio, ut in eo ambulétis.

Quóniam multi seductóres prodiérunt in mundum, qui non confiténtur Iesum Christum veniéntem in carnem; hic est sedúctor et Antichrístus.

Vidéte vosmetípsos, ne perdátis quæ operáti sumus, sed ut mercédem plenam accipiátis.

Omnis qui ultra procédit et non manet in doctrína Christi, Deum non habet; qui pérmanet in doctrína, hic et Patrem et Fílium habet. — Verbum Dómini.

Psalmus responsorius

Ps 118, 1. 2. 10. 11. 17. 18 (R.: 1 b)

R. Beáti qui ámbulant in lege Dómini.

¹ Beáti immaculáti in via,
qui ámbulant in lege Dómini. **R.**

² Beáti qui servant testimónia eius,
in toto corde exquírunt eum. **R.**

¹⁰ In toto corde meo exquisívi te,
ne erráre me fácias a præcéptis tuis. **R.**

11 In corde meo abscondi elóquia tua,
ut non peccem tibi. *R.*

17 Bénefac servo tuo, et vivam,
et custódiam sermónem tuum. *R.*

18 Revéla óculos meos,
et considerábo mirabília de lege tua. *R.*

Alleluia

Lc 21, 28 b-c

R. Allelúia. *Y.* Respícite et leváte cápita vestra,
quóniam appropínquat redémptio vestra.
R. Allelúia.

Evangelium

Qua die Filius hominis revelabitur.

✠ Lécio sancti Evangélii secúndum Lucam 17, 26-37

In illo témpore: Ait Iesus ad discipulos suos:

« Sicut factum est in diébus Noe, ita erit et in diébus Fílii hóminis: edébant, bibébant, uxóres ducébant, dabántur ad núptias, usque in diem qua intrávit Noe in arcam, et venit dilúvium et pérdidit omnes.

Simíliter sicut factum est in diébus Lot: edébant, bibébant, emébant, vendébant, plantábant, ædificábant; qua die autem éxiit Lot a Sódomis, pluit ignem et sulphur de cælo et omnes pérdidit. Secúndum hæc erit qua die Fílius hóminis revelábitur.

In illa die qui fúerit in tecto et vasa eius in domo, ne descéndat tóllere illa, et qui in agro simíliter non rédeat retro. Mémoires estóte uxóris Lot. Quicúmque quæsierit ánimam suam salvam fácere, perdet illam, et quicúmque perdíderit illam, vivificábit eam.

Dico vobis: Illa nocte erunt duo in lecto uno, unus assumétur et alter relinquétur; duæ erunt moléntes in unum, una assumétur et áltera relinquétur ».

Respondéntes dicunt illi: « Ubi, Dómine? »

Qui dixit eis: « Ubicúmque fúerit corpus, illuc congregabúntur et áquilæ ». — Verbum Dómini.

Super oblata

Sacrificiis præsentibus, Dómine,
quæsumus, inténde placátus,
ut, quod passiónis Fílii tui mystério gérimus,
pio consequámur afféctu.
Per Christum.

Ant. ad communionem

Ps 22, 1-2

Dóminus regit me, et nihil mihi déerit;
in loco páscuæ ibi me collocávit,
super aquam refectiόnis educávit me.

Vel:

Lc 24, 35

Cognovérunt discípuli Dóminum Iesum
in fractiόne panis.

Post communionem

Grátias tibi, Dómine, reférimus sacro múnere vegetáti,
tuam cleméntiam imploránte,
ut, per infusiόnem Spíritus tui,
in quibus cæléstis virtus introívit,
sinceritátis grátia perseveret. Per Christum.

Sabbato

Ant. ad introitum

Ps 87, 3

Intret orátio mea in conspéctu tuo;
inclína aurem tuam ad precem meam, Dómine.

Collecta

Omnípotens et miséricors Deus,
univérſa nobis adversántia propitiátus exclúde,
ut, mente et córpore páriter expediti,
quæ tua sunt
líberis méntibus exsequámur.
Per Dóminum.

Anno primo

Lectio prior

*Apparuit in mari Rubro via sine impedimento,
et tamquam agni exsultaverunt.*

Lectio libri Sapiéntiæ

18, 14-16; 19, 6-9

Cum quiétum siléntium continéret ómnia, et nox in suo cursu médium iter habéret, omnípotens sermo tuus de cælo, a regálibus sédibus, durus debellátor in médiam exterminii terram prosilivit, gládus acútus insimulátum impérium tuum portans; et stans replévit ómnia morte, et usque ad cælum attingébat stans in terra.

Omnis enim creatúra ad suum genus ab initio figurabátur, desérviens tuis præcéptis, ut púeri tui custodiréntur illæsi.

Nam nubes castra eórum obumbrábat, et ex aqua, quæ ante erat, terra árida apparuit, et in mari Rubro via sine impediménto, et campus gérmínans de profundo nímio; per quem omnis nátio transívit, quæ tegebátur tua manu, vidéntes tua mirábilia et monstra.

Tamquam enim equi depavérunt escam, et tamquam agni exsultavérunt magnificántes te, Dómine, qui liberásti illos. — Verbum Dómini.

Psalmus responsorius

Ps 104, 2-3. 36-37. 42-43 (R.: 5 a)

R. Mementóte mirabílium quæ fecit Dóminus.

² Cantáte ei et psállite ei,
meditámini in ómnibus mirabílibus eius.

³ Laudámini in nómine sancto eius,
lætétur cor quæréntium Dóminum. R.

³⁶ Et percússit omne primogénitum in terra eórum,
primitías omnis róboris eórum.

³⁷ Et edúxit eos cum argénto et auro;
et non erat in tríbubus eórum infírmus. R.

⁴² Quóniam memor fuit verbi sancti sui
ad Abraham púerum suum.

⁴³ Et edúxit pópulum suum in exsultatióne,
eléctos suos in lætítia. R.

Anno secundo

Lectio prior

*Debemus sublevare fratres,
ut cooperatores simus veritatis.*

Léctio Epístolæ tértiæ beáti Ioánnis apóstoli 5-8

Caríssime, fidéliter facis quicquid operáris in fratres
et hoc in peregrínos, qui testimónium reddidérunt ca-
ritáti tuæ in conspéctu Ecclésiæ, bene fácies subvéniens
illis in via digne Deo; pro Nómine enim profécti sunt,
nihil accipiéntes a gentílibus.

Nos ergo debémus subleváre huiúsmodi, ut coope-
ratóres simus veritátis.

Verbum Dómini.

Psalmus responsorius **Ps 111, 1-2. 3-4. 5-6 (R.: 1 a)**

R. Beátus vir qui timet Dóminum.

Beátus vir qui timet Dóminum,
in mandátis eius cupit nimis.
Potens in terra erit semen eius,
generátio rectórum benedicétur. **R.**

Glória et divítiæ in domo eius,
et iustítia eius manet in sáculum sáculi.
Exórtum est in ténebris lumen rectis,
miséricors et miserátor et iustus. **R.**

Iucúndus homo qui miserétur et cómmodat,
dispónet res suas in iudício,
quia in ætérnum non commovébitur.
In memória æténa erit iustus. **R.**

Alleluia

2 Th 2, 14

R. Allelúia. **V.** Deus vocávit nos per Evangélium,
in acquisitionem glóriæ Dómini nostri Iesu
Christi. **R.** Allelúia.

Evangelium

*Deus faciet vindictam electorum suorum
clamantium ad se.*

✠ Lécio sancti Evangélii secúndum Lucam **18, 1-8**

In illo témpore:

Dicébat Iesus parábolam ad discípulos suos, quóniam opórtet semper oráre et non defícere, dicens: « Iudex quidam erat in quadam civitáte, qui Deum non timébat et hómínem non reverebátur.

Vídua autem erat in civitáte illa et veniébat ad eum dicens: “ Víndica me de adversário meo ”.

Et nolébat per multum tempus; post hæc autem dixit intra se: " Et si Deum non tíneo nec hóminem revéreor, tamen quia molésta est mihi hæc vídua, vindicábo illam, ne in novíssimo véniens suggílet me " ».

Ait autem Dóminus: « Audíte quid iudex iniquitatis dicit; Deus autem non fáciet vindíctam electórum suórum clamántium ad se die ac nocte, et patiéntiam habébit in illis? »

Dico vobis: Cito fáciet vindíctam illórum. Verúm- tamen Fílius hóminis véniens, putas, invéniet fidem in terra? » — Verbum Dómini.

Super oblata

Sacrificiis præsentibus, Dómine,
quæsumus, inténde placátus,
ut, quod passióis Fílii tui mystério gérimus,
pio consequámur afféctu.
Per Christum.

Ant. ad communionem

Ps 22, 1-2

Dóminus regit me, et nihil mihi déerit;
in loco páscuæ ibi me collocávit,
super aquam refectióis educávit me.

Vel:

Lc 24, 35

Cognovérunt discípuli Dóminum Iesum
in fractióne panis.

Post communionem

Grátias tibi, Dómine, reférimus sacro múnere vegetáti,
tuam cleméntiam implorántes,
ut, per infusiónem Spíritus tui,
in quibus cæléstis virtus introívit,
sinceritátis grátia persevéret.
Per Christum.

DOMINICA XXXIII « PER ANNUM »

Ant. ad introitum

Ier 29, 11. 12. 14

Dicit Dóminus:

Ego cógito cogitatiónes pacis, et non afflictiónis;
invocabitis me, et ego exáudiam vos,
et redúcam captivitátem vestram de cunctis locis.

Dicitur Glória in excélsis.

Collecta

Da nobis, quæsumus, Dómine Deus noster,
in tua semper devotióne gaudére,
quia perpétua est et plena felícitas,
si bonórum ómnium iúgiter serviámus auctóri.
Per Dóminum.

Anno A

Lectio prima

Operata est consilio manuum suarum.

Léctio libri Proverbiórum 31, 10-13. 19-20. 30-31

Mulíerem fortem quis invéniet? Procul et de últimis
finibus prétium eius.

Confídit in ea cor viri sui, et spóliis non indigébit;
reddet ei bonum et non malum ómnibus diébus vitæ
suæ; quæsívit lanam et linum, et operáta est consílio
mánuum suárum.

Manum suam misit ad fórtia, et dígití eius apprehendérunt fusum; manum suam apéruit ínopi, et palmas suas exténdit ad páuperem.

Fallax grátia et vana est pulchritúdo, mulíer timens

Dóminum ipsa laudábitur. Date ei de fructu mánuum suárum, et laudent eam in portis ópera eius.

Verbum Dómini.

Psalmus responsorius Ps 127, 1-2. 3. 4-5 (R.: cf. 1 a)

R. Beáti omnes qui timent Dóminum.

- 1 Beátus omnis qui timet Dóminum,
qui ámbulat in viis eius.
- 2 Labóres mánuum tuárum manducábis,
beátus es, et bene tibi erit. R.
- 3 Uxor tua sicut vitis fructífera
in latéribus domus tuæ;
fílii tui sicut novéllæ olivárum
in circúitu mensæ tuæ. R.
- 4 Ecce sic benedicétur homo, qui timet Dóminum.
- 5 Benedícat tibi Dóminus ex Sion,
et vídeas bona Ierúsalem
óm nibus diébus vitæ tuæ. R.

Lectio secunda

Ne dies Domini tamquam fur vos comprehendat.

Léctio Epístolæ primæ beáti Pauli apóstoli
ad Thessalonicénses

5, 1-6

De tempóribus et moméntis, fratres, non indigétis ut scribátur vobis, ipsi enim diligénter scitis quia dies Dómini sicut fur in nocte ita véniet.

Cum enim díxerint: « Pax et secúritas », tunc repentinus eis supervéniet intéritus sicut dolor in útero habénti, et non effúgient.

Vos autem, fratres, non estis in ténebris, ut vos dies ille tamquam fur comprehéndat: omnes enim vos fílii

lucis estis et filii diéi. Non sumus noctis neque tenebrarum: igitur non dormiámus sicut céteri, sed vigilémus et sóbrii simus. — Verbum Dómini.

Alleluia

Io 15, 4 a. 5 b

℞. Allelúia. ∇. Manéte in me, et ego in vobis,
dicit Dóminus;
qui manet in me fert fructum multum.
℞. Allelúia.

Evangelium*

*Super pauca fuisti fidelis:
intra in gaudium domini tui.*

✠ Lécio sancti Evangélii secúndum Mattháeum

25, 14-30

In illo témpore: Dixit Iesus discipulis suis parábolam hanc:

« Homo pégre proficíscens vocávit servos suos et trádidit illis bona sua et uni dedit quinque talénta, álii autem duo, álii vero unum, unicuique secúndum propriam virtútem, et proféctus est.

Statim ábiit qui quinque talénta accéperat et operátus est in eis et lucrátus est ália quinque; simíliter qui duo accéperat lucrátus est ália duo. Qui autem unum accéperat, ábiens fodit in terra et abscondit pecúniám dómini sui.

Post multum vero témporis venit dóminus servórum illórum et ponit ratióinem cum eis.

Et accédens qui quinque talénta accéperat, óbtulit ália quinque talénta dicens: " Dómine, quinque talénta tradidísti mihi: ecce ália quinque superlucrátus sum ".

Ait illi dóminus eius: " Euge, serve bone et fidélis,

super pauca fuísti fidélis, super multa te constítuam: intra in gáudium dómini tui ”.

Accéssit autem et qui duo talénta accéperat, et ait: “ Dómine, duo talénta tradidísti mihi: ecce ália duo lucrátus sum ”.

Ait illi dóminus eius: “ Euge, serve bone et fidélis, super pauca fuísti fidélis, supra multa te constítuam: intra in gáudium dómini tui ”.

Accédens autem et qui unum taléntum accéperat, ait: “ Dómine, novi te quia homo durus es, metis ubi non seminásti et cóngregas ubi non sparsísti; et timens ábii et abscondi taléntum tuum in terra; ecce habes quod tuum est ”.

Respóndens autem dóminus eius dixit ei: “ Serve male et piger, sciébas quia meto ubi non seminávi et cóngrego ubi non sparsi? Opórtuit ergo te mittere pecúniam meam nummuláriis, et véniens ego recepísssem quod meum est cum usúra.

Tóllite itaque ab eo taléntum et date ei qui habet decem talénta: omni enim habénti dábitur, et abundábit; ei autem qui non habet et quod habet auferétur ab eo.

Et inútilem servum éicite in ténebras exterióres: illic erit fletus et stridor déntium ” ».

Verbum Dómini.

vel brevior

✠ Lécio sancti Evangélii secúndum Matthæum

25, 14-15. 19-20

In illo témpore: Dixit Iesus discíplis suis parábolam hanc:

« Homo pégre proficiscens vocávit servos suos et trádidit illis bona sua et uni dedit quinque talénta, álii

autem duo, alii vero unum, unicuique secundum propriam virtutem, et profectus est.

Post multum vero temporis venit dominus servorum illorum et ponit rationem cum eis.

Et accedens qui quinque talenta acceperat, obtulit alia quinque talenta dicens: " Domine, quinque talenta tradidisti mihi: ecce alia quinque superlucratus sum " ».

Verbum Domini.

Anno B

Lectio prima

In tempore illo salvabitur populus tuus.

Lectio libri Daniélis prophetae

12, 1-3

In tempore illo consurgit Michael princeps magnus, qui stat pro filiis populi tui; et veniet tempus quale non fuit ab eo ex quo gentes esse coeperunt usque ad tempus illud. Et in tempore illo salvabitur populus tuus, omnis qui inventus fuerit scriptus in libro.

Et multi de his qui dormiunt in terrae pulvere evigilabunt: alii in vitam aeternam, et alii in opprobrium ut videant semper.

Qui autem docti fuerint fulgebunt quasi splendor firmamenti, et qui ad iustitiam erudiunt multos, quasi stellae in perpetuas aeternitates. — Verbum Domini.

Psalmus responsorius

Ps 15, 5 et 8. 9-10. 11 (R.: 1)

R. Conserva me, Deus, quoniam speravi in te.

Dominus pars hereditatis meae et calicis mei:
tu es qui detines sortem meam.

Proponebam Dominum in conspectu meo semper,
quoniam a dextris est mihi, non commovebor. R.

- 9 Propter hoc lætatum est cor meum,
et exsultavérunt præcórdia mea;
ínsuper et caro mea requiécet in spe.
- 10 Quóniam non derelínques
ánimam meam in inférno,
nec dabis sanctum' tuum vidére corruptiόνem. *R.*
- 11 Notas mihi fácies vias vitæ,
plenitúdinem lætítiæ cum vultu tuo,
delectatiónes in délixtera tua
usque in finem. *R.*

Lectio secunda

*Una oblatione consummavit in sempiternum
eos qui sanctificantur.*

Léctio Epístolæ ad Hebræos

10, 11-14. 18

Omnis quidem sacerdos stat cotidie ministrans et eásdem sæpe ófferens hóstias, quæ numquam possunt auférre peccáta.

Hic autem, una pro peccátis obláta hóstia, in sempitérnum consédit in délixtera Dei, de cétero expéctans "donec ponántur inimíci eius scabéllum pedum eius"; una enim oblatiône consummávit in sempitérnum eos qui sanctificántur.

Ubi autem horum remíssio, iam non oblátio pro peccáto. — Verbum Dómini.

Alleluia

Lc 21, 36

R. Allelúia. *V.* Vigiláte, omni témpore orántes,
ut digni habeámini stare ante Fílium hó-
minis. *R.* Allelúia.

Evangelium

Congregabit electos suos a quattuor ventis.

✠ Lécio sancti Evangélii secúndum Marcum 13, 24-32

In illo témpore: Dixit Iesus discíplis suis:

« In illis diébus post tribulatióem illam sol contenebrábitur, et luna non dabit splendórem suum, et erunt stellæ de cælo decidéntes, et virtútes quæ sunt in cælis movebúntur.

Et tunc vidébunt Fílium hóminis veniéntem in núbibus cum virtúte multa et glória. Et tunc mittet ángelos et congregábit eléctos suos a quattuor ventis a summo terræ usque ad summum cæli.

A ficu autem discite parábolam: cum iam ramus eius tener fúerit et germináverit fólia, cognóscitis quia in próximo sit æstas. Sic et vos, cum vidéritis hæc fíeri, scitóte quod in próximo sit in óstiis.

Amen dico vobis: Non tránsiet generátio hæc donec ómnia ista fiant. Cælum et terra transíbunt, verba autem mea non transíbunt. De die autem illo vel hora nemo scit, neque ángeli in cælo neque Fílius, nisi Pater ».

Verbum Dómini.

Anno C

Lectio prima

Orietur vobis sol iustitiæ.

Lécio libri Malachíæ prophétæ 4, 1-2 a

« Ecce dies véniet succénsa quasi camínus; et erunt omnes supérbi et omnes faciéntes impietátem stípula, et inflammábit eos dies véniens, dicit Dóminus exercítuum, quæ non derelínquet eis radícem et germen.

Et oriétur vobis timéntibus nomen meum sol iustí-
tiæ, et sánitas in pennis eius ». — Verbum Dómini.

Psalmus resp. Ps 97, 5-6. 7-9 a. 9 bc (R.: cf. 9)

R. Venit Dóminus iudicáre pópulos in æquitáte.

5 Psállite Dómino in cíthara,
in cíthara et voce psalmi;
6 in tubis ductílibus et voce tubæ córneæ,
iubiláte in conspéctu regis Dómini. **R.**

7 Sonet mare et plenitúdo eius,
orbis terrárum, et qui hábitant in eo.
8 Flúmina plaudent manu,
simul montes exsultábunt
9 a conspéctu Dómini, quóniam venit iudicáre terram. **R.**
Iudicábit orbem terrárum in iustítia
et pópulos in æquitáte. **R.**

Lectio secunda

Si quis non vult operari nec manducet.

Léctio Epístolæ secúndæ beáti Pauli apóstoli
ad Thessalonicénses

3, 7-12

Fratres:

Ipsi scitis quemádmódum opórteat imitári nos, quóniam non inordináti fúimus inter vos, neque gratis panem manducávimus ab áliquo, sed in labóre et fatigatióne, nocte et die operántes ne quem vestrum graváremus; non quasi non habuérimus potestátem, sed ut nosmetípsos formam darémus vobis ad imitándum nos.

Nam et cum essémus apud vos hoc præcipiebámus vobis: si quis non vult operári nec mandúcet.

Audímus enim inter vos quosdam ambuláre inordináte, nihil operántes sed curióse ágéntes; his autem qui

eiúsmodi sunt, præcípimus et obsecrámus in Dómino Iesu Christo: ut cum quiéte operántes suum panem mandúcent. — Verbum Dómini.

Alleluia

Lc 21, 28

℞. Allelúia. ⁊. Respícite et leváte cápita vestra,
quóniam appropínquat redémptio vestra.
℞. Allelúia.

Evangeliu[m]

In patientia vestra possidebitis animas vestras.

✠ Lécio sancti Evangélíi secúndum Lucam 21, 5-19

In illo témpore:

Quibúsdam dicéntibus de templo quod lapídibus bonis et donis ornátum esset, dixit Iesus: « Hæc quæ vidétis, vénient dies in quibus non relinquétur lapis super lápidem qui non destruátur ».

Interrogavérunt autem illum dicéntes: « Præcéptor, quando ergo hæc erunt, et quod signum cum fíeri incípient? »

Qui dixit: « Vidéte ne seducámini; multi enim vénient in nómine meo dicéntes: “ Ego sum ”, et “ Tempus appropinquávit ”; nolíte ergo ire post illos.

Cum autem audiéritis prælia et seditiónes, nolíte terréri; opórtet enim primum hæc fíeri, sed non statim finis ».

Tunc dicébat illis: « Surget gens contra gentem et regnum advérsus regnum, et terræ motus magni et per loca fames et pestiléntiæ erunt, terrorésque et de cælo signa magna erunt.

Sed ante hæc ómnia incipient vobis manus suas et persequéntur tradéntes in synagógas et custódias, et

trahémini ad reges et præsides propter Nomen meum; contínget autem vobis in testimónium.

Pónite ergo in córdibus vestris non præmedi-
tári quemádmódum respondeátis, ego enim dabo vobis
os et sapiéntiam, cui non póterunt résistere vel contra-
dicere omnes adversáarii vestri.

Tradémini autem et a paréntibus et frátribus et co-
gnátis et amícis, et morte affíciant ex vobis, et éritis ódio
ómnibus propter Nomen meum. Et capíllus de cápíte
vestro non períbit. In patiéntia vestra possidébitis áni-
mas vestras ». — Verbum Dómini.

Dicitur Credo.

Super oblata

Concéde, quæsumus, Dómine,
ut óculis tuæ maiestátis munus oblátum
et grátiam nobis devotiónis obtíneat,
et efféctum beátæ perennitátis acquírat.
Per Christum.

Præfatio de dominicis « per annum », pp. 588-595.

Ant. ad communionem

Ps 72, 28

Mihi autem adhærere Deo bonum est,
pónere in Dómino Deo spem meam.

Vel:

Mc 11, 23. 24

Amen dico vobis, quidquid orántes pétitis,
crédite quia accipiétis, et fiet vobis, dicit Dóminus.

Post communionem

Súmptimus, Dómine, sacri dona mystérii,
humíliter deprecántes,
ut, quæ in sui commemoratióne

nos Fílius tuus fácere præcépit,
in nostræ profícient caritátis augméntum.
Per Christum.

Feria secunda

Ant. ad introitum

Ier 29, 11. 12. 14

Dicit Dóminus:

Ego cógito cogitatiónes pacis, et non afflictiónis;
invocábitis me, et ego exáudiam vos,
et redúcam captivitátem vestram de cunctis locis.

Collecta

Da nobis, quæsumus, Dómine Deus noster,
in tua semper devotióne gaudére,
quia perpétua est et plena felícitas,
si bonórum ómnium iúgiter serviámus auctóri.
Per Dóminum.

Anno primo

Lectio prior

Facta est ira magna super populum.

Léctio libri primi Machabæórum

1, 11-16. 43-45. 57-60. 65-67

In diébus illis:

Exiit radix peccátrix, Antíochus illústris, fílius Antíochi regis, qui fúerat Romæ obses, et regnávit in anno centésimo trigésimo séptimo regni Græcórum.

In diébus illis exiérunt ex Israel fílii iníqui, et suasérunt multis dicéntes: « Eámus et disponámus testaméntum cum géntibus, quæ circa nos sunt, quia, ex quo recéssimus ab eis, invenérunt nos multa mala ».

Et bonus visus est sermo in óculis eórum. Et destináverunt áliqui de pópulo, et abiérunt ad regem, et dedit illis potestátem ut fácerent iustítiam géntium.

Et ædificáverunt gymnásium in Ierosólymis secúndum leges natiónum; et fecérunt sibi præpútia, et recesérunt a testaménto sancto, et iuncti sunt natióibus, et venúndati sunt ut fácerent malum.

Et scripsit rex Antíochus omni regno suo, ut esset omnis pópulus unus, et relínqueret unusquisque legem suam. Et consensérunt omnes gentes secúndum verbum regis Antíochi, et multi ex Israel consensérunt servitúti eius et sacrificáverunt idólis et coinquináverunt sábbatum.

Die quintadécima mensis Cásleu, quinto et quadragésimo et centésimo anno, ædificávit rex Antíochus abominándum idólum desolatiónis super altáre Dei; et per univérsas civitátes Iuda in circúitu ædificáverunt aras.

Et ante iánuas domórum et in platéis incendébant thura et sacrificábant, et libros legis Dei combussérunt igni, scindéntes eos; et apud quemcúmque inveniebántur libri testaménti Dómini, et quicúmque observábat legem Dómini, secúndum edíctum regis trucidábant eum.

Et multi de pópulo Israel definiérunt apud se, ut non manducárent immúnda, et elegérunt magis mori quam cibus coinquinári immúndis, et noluérunt infringere legem Dei sanctam, et trucidáti sunt: et facta est ira magna super pópulum valde. — Verbum Dómini.

Psalmus responsorius

Ps 118, 53. 61. 134. 150. 155. 158 (℞.: cf. 88)

℞. Vivífica me, Dómine, et custódiam mandáta tua.

⁵³ Indignátio ténuít me
propter peccatóres derelinquéntes legem tuam. ℞.

⁶¹ Funes peccatórum circumpléxi sunt me,
et legem tuam non sum oblítus. ℞.

- 134 Rédime me a calúnniis hóminum,
ut custódiam mandáta tua. *R.*
- 135 Appropinquavérunt persecúentes me in malítia,
a lege autem tua longe facti sunt. *R.*
- 136 Longe a peccatóribus salus,
quia iustificatiónes tuas non exquisiérunt. *R.*
- 137 Vidi prævaricántes, et tæduit me,
quia elóquia tua non custodiérunt. *R.*

Anno secundo

Lectio prior

Memor esto unde excideris et age pænitentiam.

Inítium libri Apocalýpsis beáti Ioánnis apóstoli

1, 1-4; 2, 1-5 a

Apocalýpsis Iesu Christi, quam dedit illi Deus palam fácere servis suis quæ opórtet fieri cito, et significávit mittens per ángelum suum servo suo Ioánni, qui testificátus est verbum Dei et testimónium Iesu Christi, quacúmque vidit.

Beátus qui legit, et qui áudiunt verba prophetiæ et servant ea quæ in ea scripta sunt: tempus enim prope est.

Ioánnes septem Ecclésiis quæ sunt in Asia: Grátia vobis et pax ab Eo qui est et qui erat et qui ventúrus est, et a septem Spirítibus qui in conspéctu throni eius sunt.

Audívi Dóminum dicéntem mihi: « Angelo Ecclésiæ quæ est Ephesi scribe: Hæc dicit qui tenet septem Stellas in dextera sua, qui ámbulat in médio septem Candelabrórum aureórum: " Scio ópera tua et labórem et patiéntiam tuam, et quia non potes sustinére malos,

et tentásti eos qui se dicunt apóstolos et non sunt, et invenísti eos mendáces; et patiéntiam habes, et sustinuísti propter nomen meum, et non defecísti.

Sed hábeo advérsus te quod caritátem tuam primam reliquísti. Memor esto itaque unde excíderis et age pæniténtiam et prima ópera fac" ».

Verbum Dómini.

Psalmus responsorius

Ps 1, 1-2. 3. 4 et 6 (R.: Ap 2, 7 b)

R. Vincénti dabo édere de ligno vitæ.

1 Beátus vir qui non ábiit
in consílio impiórum,
et in via peccatórum non stetit,
et in convéntu derisórum non sedit;
2 sed in lege Dómini volúntas eius,
et in lege eius meditátur die ac nocte. R.

3 Et erit tamquam lignum
plantátum secus decúrsus aquárum,
quod fructum suum dabit in témpore suo;
et fólium eius non défluet,
et ómnia quæcúmque fáciet
prosperabúntur. R.

4 Non sic ípii, non sic,
sed tamquam pulvis quem próicit ventus.
6 Quóniam novit Dóminus viam iustórum,
et iter impiórum períbit. R.

Alleluia

Io 8, 12

R. Allelúia. V. Ego sum lux mundi, dicit Dóminus;
qui séquitur me habébit lumen vitæ.

R. Allelúia.

Evangelium

Quid tibi vis faciam? — Domine, ut videam.

✠ Lécio sancti Evangélii secúndum Lucam 18, 35-43

In illo témpore:

Factum est cum appropinquáret Iesus Iéricho, cæcus quidam sedébat secus viam mendicans. Et cum audíret turbam prætereíntem, interrogábat quid hoc esset. Dixérunt autem ei: « Iesus Nazarénus transit ».

Et clamávit dicens: « Iesu, fili David, miserére mei ». Et qui præibant increpábant eum ut tacéret, ipse vero multo magis clamábat: « Fili David, miserére mei ».

Stans autem Iesus iussit illum addúci ad se.

Et cum appropinquásset, interrogávit illum: « Quid tibi vis fáciam? »

At ille dixit: « Dómine, ut videam ».

Et Iesus dixit illi: « Réspice, fides tua te salvum fecit ».

Et conféstim vidit, et sequebátur illum magníficans Deum. Et omnis plebs, ut vidit, dedit laudem Deo.

Verbum Dómini.

Super oblata

Concéde, quæsumus, Dómine,
ut óculis tuæ maiestátis munus oblátum
et grátiam nobis devotiónis obtíneat,
et efféctum beátæ perennitátis acquirat.
Per Christum.

Ant. ad communionem

Ps 72, 28

Mihi autem adhærére Deo bonum est,
pónere in Dómino Deo spem meam.

Vel:

Mc 11, 23. 24

Amen dico vobis, quidquid orántes pétitis,
crédite quia accipiétis, et fiet vobis, dicit Dóminus.

Post communionem

Súmpsimus, Dómine, sacri dona mystérii,
humíliter deprecántes,
ut, quæ in sui commemoratióne
nos Fílius tuus fácere præcépit,
in nostræ proficiant caritátis augméntum.
Per Christum.

Feria tertia

Ant. ad introitum

Ier 29, 11. 12. 14

Dicit Dóminus:

Ego cógito cogitatiónes pacis, et non afflictiónis;
invocabitis me, et ego exáudiam vos,
et redúcam captivitátem vestram de cunctis locis.

Collecta

Da nobis, quæsumus, Dómine Deus noster,
in tua semper devotióne gaudére,
quia perpétua est et plena felicitas,
si bonórum ómnium iúgiter serviámus auctóri.
Per Dóminum.

Anno primo

Lectio prior

*Exemplum forte relinquam, si fortiter pro legibus
honestam mortem perfungar.*

Léctio libri secúndi Machabéorum

6, 18-33

In diébus illis:

Eleázarus, unus de primóribus scribárum, vir ætáte

provectus et vultu decórus, apérto ore hians compellebátur carnem porcínam manducáre; at ille, gloriosíssimam mortem magis quam odíblem vitam compléctens, voluntárie præibat ad supplícium.

Intuens autem quemádmódum oportéret accédere, patiénter sústinens, destinávit non admíttere ilícita propter vitæ amórem.

Hi autem qui astábant, iníqua miseratióne commóti propter antiquam viri amicítiam, tolléntes eum secréto rogábant afférri carnes, quibus vesci ei licébat, ut simularetúr manducásse, sicut rex imperáverat, de sacrificií cárnibus; ut hoc facto a morte liberaretúr, et propter véterem viri amicítiam hanc in eo faciébant humanitátem.

At ille cogitáre cœpit ætátis ac senectútis suæ emínentiam dignam, et ingénitæ nobilitátis canítiem, atque a púero óptimæ conversatiónis actus; et secúndum sanctæ et a Deo cónditæ legis constitúta respóndit cito, dicens præmítteri se velle in inférnum:

« Non enim ætáti nostræ dignum est, inquit, fíngere; ut multi adulescéntium, arbitrántes Eleázarum nonagínta annórum transísse ad vitam alienigenárum, et ipsi propter meam simulatiónem et propter módicum corruptíbilis vitæ tempus decipiántur, et per hoc máculam atque exsecratiónem meæ senectúti conquíram.

Nam, etsi in præsénti témpore supplíciis hóminum erípiar, sed manum Omnipoténtis nec vívus nec defúctus effúgiam.

Quam ob rem fórtiter vita excedéndo senectúte quídem dignus apparébo, adulescéntibus autem exémplum forte relínquam, si prompto ánimo ac fórtiter pro gravíssimis ac sanctíssimis légibus honésta morte perfúngar ».

His dictis, conféstim ad supplícium trahebátur. Hi autem, qui eum ducébant et paulo ante fúerant mitiόres,

in iram convérsi sunt propter sermónes ab eo dictos, quos illi per arrogántiam prolátos arbitrabántur.

Sed, cum plagis perimerétur, ingémuit et dixit: « Dómine, qui habes sanctam sciéntiam, manifeste tu scis quia, cum a morte possem liberári, duros córporis sustíneo dolóres; secúndum ánimam vero propter timórem tuum libénter hæc pátiior ».

Et iste quidem hoc modo vita decéssit, non solum iuvénibus, sed et univérsæ genti memóriam mortis suæ ad exémpulum virtútis et fortitúdinis derelínquens.

Verbum Dómini.

Psalmus responsorius Ps 3, 2-3. 4-5. 6-7 (R.: 6 b)

R. Dóminus suscepit me.

2 Dómine, quid multiplicáti sunt
qui tríbulant me?

3 Multi insúrgunt advérsus me,
multi dicunt ánimæ meæ:

« Non est salus ipsi in Deo ». R.

4 Tu autem, Dómine, protéctor meus es,
glória mea et exáltans caput meum.

5 Voce mea ad Dóminum clamávi,
et exaúdivit me de monte sancto suo. R.

6 Ego obdormívi et soporátus sum,
exsurrexi, quia Dóminus suscepit me.
Non timébo mília pópuli circumdántis me.
Exsúrge, Dómine,
salvum me fac, Deus meus. R.

Anno secundo

Lectio prior

*Si quis aperuerit ianuam, intrabo ad illum
et cenabo cum illo.*

Léctio libri Apocalýpsis beáti Ioánnis apóstoli

3, 1-6. 14-22

Ego, Ioánnes, audívi Dóminum dicéntem mihi:

« Angelo Ecclésiæ quæ est Sardis scribe: Hæc dicit qui habet septem Spíritus Dei et septem Stellas: " Scio ópera tua, quia nomen habes quod vivas, et mórtuus es.

Esto vígilans, et confírma cétera quæ moritúra erant, non enim invénio ópera tua plena coram Deo meo: in mente ergo habe quáliter accéperis et audieris, et ser-
va, et pæniténtiam age.

Si ergo non vigiláveris, véniam tamquam fur, et néscies qua hora véniam ad te.

Sed habes pauca nómina in Sardis qui non inquináverunt vestiménta sua, et ambulábunt mecum in albis, quia digni sunt.

Qui vícerit sic vestiétur vestiméntis albis, et non delébo nomen eius de libro vitæ et confitébor nomen eius coram Patre meo et coram ángelis eius ".

Qui habet aurem áudiat quid Spíritus dicat Ecclésiis.

Et Angelo Ecclésiæ quæ est Laodicæ scribe: Hæc dicit Amen, Testis fidélis et verus, Príncípium creatúræ Dei: " Scio ópera tua, quia neque frígídis es neque cálídis. Utinam frígídis esses aut cálídis. Sic quia tépidus es et nec cálídis nec frígídis, incípíam te evómere ex ore meo.

Quia dicis: ' Dives sum et locupletátus et nullíus égeo ', et nescis quia tu es miser et miserábilis et pauper

et cæcus et nudus, suádeo tibi émere a me aurum igne probátum ut lócuples fias et vestiméntis albis induáris et non appáreat confúsio nuditátis tuæ, et collýrium ad inunguéndum óculos tuos ut vídeas.

Ego quos amo árguo et castígo: æmuláre ergo et pæniténtiam age.

Ecce sto ad óstium et pulso: si quis audíerit vocem meam et aperúerit iánuam, introíbo ad illum et cenábo cum illo et ipse mecum. Qui vícerit, dabo ei sedére mecum in throno meo, sicut et ego vici et sedi cum Patre meo in throno eius ”.

Qui habet aurem áudiat quid Spíritus dicat Ecclésiis ». — Verbum Dómini.

Psalmus responsorius

Ps 14, 2-3 ab. 3 cd-4 ab. 5 (R.: Ap 3, 21)

R. Qui vícerit, dabo ei sedére mecum in throno meo.

2 Qui ingréditur sine mácula, et operátur iustítiam;
3 qui lóquitur veritátem in corde suo,
qui non egit dolum in lingua sua. R.

Nec fecit próximo suo malum,
et oppróbrium non íntulit próximo suo.

4 Ad níhilum reputátus est in conspéctu eius malígnus,
timéntes autem Dóminum gloríficat. R.

5 Qui pecúniam suam non dedit ad usúram,
et múnera super innocéntem non accépit.
Qui facit hæc, non movébitur in ætérnum. R.

Alleluia

1 Io 4, 10 b

R. Allelúia. V. Deus prior diléxit nos,
et misit Fílium suum propitiatióem
pro peccátis nostris.

R. Allelúia.

Evangelium

*Venit Filius hominis quærere et salvum facere
quod perierat.*

✠ Lécio sancti Evangélii secúndum Lucam 19, 1-10

In illo témpore:

Ingréssus Iesus perambulábat Iéricho.

Et ecce vir nómine Zacchæus, et hic erat princeps publicanórum et ipse dives. Et quærébat vidére Iesum quis esset, et non póterat præ turba quia statúra pusíllus erat.

Et præcúrrens ascéndit in árborem sycómorum ut vidéret illum, quia inde erat transitúrus.

Et cum venísset ad locum, suspiciens Iesus dixit ad eum: « Zacchæe, festínans descénde, nam hódie in domo tua opórtet me manére ».

Et festínans descéndit, et excépit illum gaudens. Et cum vidérent omnes murmurábant, dicéntes: « Ad hóminem peccatórem devértit ».

Stans autem Zacchæus dixit ad Dóminum: « Ecce dimídium bonórum meórum, Dómine, do paupéribus et si quid áliquem defraudávi, reddo quádruplum ».

Ait autem Iesus ad eum: « Hódie salus dómui huic facta est, eo quod et ipse fílius sit Abrahæ: venit enim Fílius hóminis quærere et salvum fácere quod períerat ».

Verbum Dómini.

Super oblata

Concéde, quæsumus, Dómine,
ut óculis tuæ maiestátis munus oblátum
et grátiam nobis devotiónis obtíneat,
et efféctum beátæ perennitátis acquírat.
Per Christum.

Ant. ad communionem**Ps 72, 28**

Mihi autem adhærere Deo bonum est,
pónere in Dómino Deo spem meam.

Vel:**Mc 11, 23. 24**

Amen dico vobis, quidquid orántes pétitis,
crédite quia accipiétis, et fiet vobis,
dicit Dóminus.

Post communionem

Súmptimus, Dómine, sacri dona mystérii,
humíliter deprecántes,
ut, quæ in sui commemoratióne
nos Fílius tuus fácere præcépit,
in nostræ proficiant caritátis augméntum.
Per Christum.

Ferla quarta

Ant. ad introitum**Ier 29, 11. 12. 14**

Dicit Dóminus:
Ego cógito cogitatiónes pacis,
et non afflictiónis;
invocabitis me, et ego exáudiam vos,
et redúcam captivitátem vestram de cunctis locis.

Collecta

Da nobis, quæsumus, Dómine Deus noster,
in tua semper devotióne gaudere,
quia perpétua est et plena felicitas,
si bonórum ómnium iúgiter serviámus auctóri.
Per Dóminum.

Anno primo

Lectio prior

Mundi Creator spiritum vobis reddet et vitam.

Lectio libri secúndi Machabæórum

7, 1. 20-31

In diébus illis:

Cóntigit septem fratres, una cum matre sua apprehénsos, compélli a rege édere contra fas carnes porcínas, flagris et táureis cruciátos.

Supra modum autem mater mirábilis et bonórum memória digna, quæ, pereúntes septem fílios sub uníus diéi témpore conspiciens, bono ánimo ferébat propter spem quam in Deum habébat; singulos illórum hortabátur voce pátria fórtiter, repléta sapiéntia, et femíneæ cogitatióni masculínium ánimum ínserens dixit ad eos:

« Nésco quáliter in útero meo apparuístis, neque enim ego spíritum et ánimam donávi vobis et vitam, et singulórum membra non ego ipsa compégi; sed enim mundi Créátor, qui formávit hóminis nativitatém, qui-que ómnium invénit originem, et spíritum vobis íterum cum misericórdia reddet et vitam, sicut nunc vosmetípsos despícitis propter leges eius ».

Antíochus autem contémni se arbitrátus simul et exprobrántis voce despécta, cum adhuc adulescéntior superésset, non solum verbis hortabátur, sed et cum iuramento affirmábat se dívitem et beátum factúrum, et translátum a pátriis légibus amícum habitúrum, et res necessárias ei præbitúrum.

Sed, ad hæc cum aduléscens nequáquam inclinarétur, vocávit rex matrem et suadébat ei ut adulescénti fieret in salútem.

Cum autem multis eam verbis esset hortátus, promí-

sit suasúram se fílio suo; ítaque inclináta ad illum, irídens crudélem tyránnum ait pátria voce:

« Fili mi, miserére mei, quæ te in útero novem ménsibus portávi et lac triénio dedi et álui, et in ætátem istam perdúxi.

Peto, nate, ut aspicias ad cælum et terram et ad ómnia, quæ in eis sunt, et intéllegas quia ex níhilo fecit illa Deus et hóminum genus.

Ita fiet, ut non tíneas carníficem istum, sed dignus frátribus tuis efféctus párticeps súscipe mortem, ut in illa miseratióne cum frátribus tuis te recípiam ».

Cum hæc illa adhuc diceret, ait aduléscens: « Quem sustinétis? non obóedio præcépto regis, sed præcépto legis, quæ data est nobis per Móysen. Tu vero, qui invéntor omnis malítiæ factus es in Hebræos, non effúgies manum Dei ». — Verbum Dómini.

Psalmus responsorius

Ps 16, 1. 5-6. 8 bc et 15 (R.: 15 b)

R. Satiabor, cum evigilávero,
conspéctu tuo, Dómine.

¹ Exáudi, Dómine, iustítiam meam,
inténde deprecatióem meam.

Auribus pércepe oratióem meam,
non in lábiis dolósis. R.

⁵ Rétine gressus meos in sémitis tuis,
ut non moveántur vestígia mea.

⁶ Ego ad te clamávi, quóniam exáudis me, Deus;
inclína aurem tuam mihi, et exáudi verba mea. R.

⁸ Custódi me ut pupíllam óculi,
sub umbra alárum tuárum prótege me.

¹⁵ Ego autem in iustítia vidébo fáciem tuam,
satiabor, cum evigilávero, conspéctu tuo. R.

Anno secundo

Lectio prior

*Sanctus Dominus Deus omnipotens,
qui erat et qui est et qui venturus est.*

Lectio libri Apocalýpsis beáti Ioánnis apóstoli 4, 1-11

Ego, Ioánnes, vidi, et ecce óstium apértum in cælo, et vox prima quam audívi tamquam tubæ loquéntis mecum dicens: « Ascénde huc, et osténdam tibi quæ opórtet fieri post hæc ».

Statim fui in spíritu: et ecce thronus pósitus erat in cælo, et supra thronum Sedens, et qui sedébat símilis erat aspéctu lápidi iáspidi et sárdino, et iris erat in circúitu throni, aspéctu símilis smarágdo.

Et in circúitu throni, vigínti quáttuor thronos et super thronos vigínti quáttuor Senióres sedéntes circumamíctos vestiméntis albis, et super cápita eórum corónas áureas. Et de throno procédunt fúlgura et voces et tonítrua: et septem lámpades ignis ardéntes ante thronum, quæ sunt septem Spíritus Dei, et in conspéctu throni tamquam mare vítreum símile crýstallo.

Et in médio throni et in circúitu throni quáttuor Animália plena óculis ante et retro: et Animal primum símile leóni, et secúndum Animal símile vítulo, et tértium Animal habens fáciem quasi hóminis, et quartum Animal símile áquilæ volánti.

Et quáttuor Animália síngula eórum habébant alas senas, in circúitu et intus plenæ sunt óculis: et réquiem non habent die et nocte dicéntia:

« Sanctus Sanctus Sanctus Dóminus Deus omnípotens, qui erat et qui est et qui ventúrus est ».

Et cum darent illa Animália glóriam et honórem et gratiárum actiónem Sedénti super thronum Vivénti in

sæcula sæculórum, procidébant vigínti quáttuor Senióres ante Sedéntem in throno et adorábant Vivéntem in sæcula sæculórum et mittébant corónas suas ante Thronum dicéntes:

« Dignus es, Dómine et Deus noster, accípere glóriam et honórem et virtútem, quia tu creásti ómnia, et propter voluntátem tuam erant et creáta sunt ».

Verbum Dómini.

Psalmus responsorius

Ps 150, 1-2. 3-4. 5-6 (R.: Ap 4, 8 b)

R. Sanctus Sanctus Sanctus Dóminus
Deus omnípotens.

- 1 Laudáte Dóminum in sanctuário eius,
laudáte eum in firmaménto virtútis eius.
- 2 Laudáte eum in magnálibus eius,
laudáte eum
secúndum multitudínem magnitúdinis eius. R.
- 3 Laudáte eum in sono tubæ,
laudáte eum in psaltério et cíthara,
- 4 laudáte eum in týmpano et choro,
laudáte eum in chordis et órgano. R.
- 5 Laudáte eum in cýmbalis benesonántibus,
laudáte eum in cýmbalis iubilatiónis:
- 6 omne quod spirat,
laudet Dóminum. R.

Alleluia

Io 15, 16

R. Allelúia. V. Ego vos elégi de mundo, ut eátis et fructum afferátis,
et fructus vester máneat, dicit Dóminus.
R. Allelúia.

Evangelium

Quare non dedisti pecuniam meam ad mensam?

✠ Lécitio sancti Evangélíi secúndum Lucam 19, 11-28

In illo témpore:

Dixit Iesus discípulis suis parábolam, eo quod esset prope Ierúsalem et illi existimárent quod conféstim Regnum Dei manifestarétur.

Dixit ergo: « Homo quidam nóbilis ábiit in regiónem longínquam accípere sibi regnum et revértil.

Vocátis autem decem servis suis, dedit illis decem minas, et ait ad illos: “ Negotiámini dum vénio ”.

Cives autem eius óderant illum, et misérunt legatió-nem post illum dicéntes: “ Nólumus hunc regnáre super nos ”.

Et factum est ut redíret, accépto regno, et iussit ad se vocári servos illos quibus dedit pecúniám, ut sciret quantum negotiáti essent.

Venit autem primus dicens: “ Dómine, mina tua decem minas acquisívit ”. Et ait illi: “ Euge, bone serve quia in módico fidélis fuisti, esto potestátem habens supra decem civitátes ”.

Et alter venit dicens: “ Mina tua, dómine, fecit quinque minas ”. Et huic ait: “ Et tu esto supra quinque civitátes ”.

Et alter venit dicens: “ Dómine, ecce mina tua quam hábui repósitam in sudário; tímui enim te, quia homo austérus es: tollis quod non posuísti et metis quod non seminásti ”.

Dicit ei: “ De ore tuo te iúdico, serve nequam. Sciébas quod ego austérus homo sum, tollens quod non pósui et metens quod non seminávi? Et quare non dedísti pecúniám meam ad mensam? Et ego véniens cum usúris útique exegíssem illud ”.

Et adstántibus dixit: "Auférte ab illo minam et date illi qui decem minas habet".

Et dixerunt ei: "Dómine, habet decem minas".

Dico vobis: "Omni habénti dábitur; ab eo autem qui non habet, et quod habet auferétur. Verúmtamen inimícos meos illos qui noluérunt me regnáre super se addúcite huc et interfícite ante me" ».

Et his dictis, præcedébat ascéndens Hierosólymam. Verbum Dómini.

Super oblata

Concéde, quæsumus, Dómine,
ut óculis tuæ maiestátis munus oblátum
et grátiam nobis devotiónis obtíneat,
et efféctum beátæ perennitátis acquirat.
Per Christum.

Ant. ad communionem

Ps 72, 28

Mihi autem adhærere Deo bonum est,
pónere in Dómino Deo spem meam.

Vel:

Mc 11, 23. 24

Amen dico vobis, quidquid orántes pétitis,
crédite quia accipiétis, et fiet vobis, dicit Dóminus.

Post communionem

Súmpsimus, Dómine, sacri dona mystérii,
humíliter deprecántes,
ut, quæ in sui commemoratióne
nos Fílius tuus fácere præcépit,
in nostræ profíciant caritátis augméntum.
Per Christum.

Feria quinta

Ant. ad introitum

Ier 29, 11. 12. 14

Dicit Dóminus:

Ego cógito cogitatiónes pacis, et non afflictiónis;
invocabitis me, et ego exáudiam vos,
et redúcam captivitátem vestram de cunctis locis.

Collecta

Da nobis, quæsumus, Dómine Deus noster,
in tua semper devotióne gaudére,
quia perpétua est et plena felicitas,
si bonórum ómnium iúgiter serviámus auctóri.
Per Dóminum.

Anno primo

Lectio prior

Obædiemus legi patrum nostrorum.

Léctio libri primi Machabæórum

2, 15-29

In diébus illis:

Venérunt qui missi erant a rege Antíocho, ut cógerent eos, qui confúgerant in civitátem Modin, immoláre et accéndere thura, et a lege Dei discédere; et multi de pópulo Israel consentiéntes accessérunt ad eos, sed Mathathías et fílii eius constánter stetérunt.

Et respondéntes qui missi erant ab Antíocho dixerunt Mathathíæ: « Princeps et claríssimus et magnus es in hac civitáte, et ornátus fíliis et frátribus, ergo accéde prior et fac iussum regis, sicut fecérunt omnes gentes et viri Iuda, et qui remansérunt in Ierúsalem, et eris tu et fílii tui inter amícos regis, et amplificátus auro et argénto et munéribus multis ».

Et respóndit Mathathías et dixit magna voce: « Etsi omnes gentes regi Antíocho obœdiunt, ut discédant unusquisque a servitúte legis patrum suórum, et conséntiat mandátis eius, ego et filii mei et fratres mei obœdiemus legi patrum nostrórum.

Propítius sit nobis Deus, non est nobis útile relinquare legem et iustítias Dei: non audiémus verba regis Antíochi, nec sacrificábimus, transgrediéntes legis nostræ mandáta, ut eámus áltera via' ».

Et, ut cessávit loqui verba hæc, accéssit quidam Iudæus in ómnium óculis sacrificáre idólis super aram in civitaté Modin, secúndum iussum regis.

Et vidit Mathathías et dóluit, et contremuérunt renes eius, et accénsus est furor eius secúndum iudícium legis, et insíliens trucidávit eum super aram.

Sed et virum, quem rex Antíochus míserat, qui cogébat immoláre, occídit in ipso témpore et aram destrúxit et zelátus est legem, sicut fecit Phínees Zamri, filio Salómi.

Et exclamávit Mathathías voce magna in civitaté dicens: « Omnis qui zelum habet legis, státuens testaméntum, éxeat post me ». Et fugit ipse et filii eius in montes, et reliquérunt quæcúmque habébant in civitaté.

Tunc descendérunt multi, quæréntes iudícium et iustítiam, in desértum. — Verbum Dómini.

Psalmus responsorius

Ps 49, 1-2. 5-6. 14-15 (R.: 23 b)

R. Qui immaculátus est in via,
osténdam illi salutáre Dei.

¹ Deus deórum Dóminus locútus est,
et vocávit terram a solis ortu usque ad occásu.

² Ex Sion speciósa decóre Deus illúxit. R.

- « Congregáte mihi sanctos meos,
qui disposuérunt testaméntum meum in sacrificio ».
Et annuntiábunt cæli iustítiam eius,
quóniam Deus iudex est. *R.*
- « Immola Deo sacrificium laudis,
et redde Altíssimo vota tua;
et ínvoça me in die tribulatiónis:
éruam te, et honorificábis me ». *R.*

Anno secundo**Lectio prior**

*Occisus est Agnus et redemit eos in sanguine suo
ex omni natione.*

Léctio libri Apocalýpsis beáti Ioánnis apóstoli 5, 1-10

Ego, Ioánnes, vidi in délixtera Sedéntis super thronum librum scriptum intus et foris, signátum sigíllis septem.

Et vidi ángelum fortem prædicántem voce magna: « Quis est dignus aperíre librum et sólvete signácula eius? » Et nemo póterat neque in cælo neque in terra neque subtus terram aperíre librum neque respícere illum.

Et ego flebam multum quóniam nemo dignus invén-tus est aperíre librum nec respícere eum.

Et unus de Senióribus dicit mihi: « Ne fléveris: ecce vicit Leo de tribu Iuda, Radix David, aperíre librum et septem signácula eius ».

Et vidi in médio throni et quáttuor Animálium et in médio Seniórum Agnum stantem tamquam occísus, habéntem córnua septem et óculos septem, qui sunt septem Spíritus Dei missi in omnem terram.

Et venit et accépit de délixtera Sedéntis in throno. Et cum accepisset librum, quáttuor Animália et vigínti

quáttuor Senióres cecidérunt coram Agno, habéntes singuli cítharas et phíalas áureas plenas incensórum, quæ sunt oratiónes sanctórum.

Et cantant novum cánticum dicéntes: « Dignus es accípere librum et aperíre signácula eius quóniam occísus es et redemísti Deo in ságuine tuo ex omni tribu et lingua et pópulo et natióne, et fecísti eos Deo nostro Regnum et sacerdótes, et regnábunt super terram ».

Verbum Dómini.

Psalmus responsorius

Ps 149, 1-2. 3-4. 5-6 a et 9 b (R.: Ap 5, 10)

R. Fecísti nos Deo nostro Regnum et sacerdótes.

vel Allelúia.

- 1 Cantáte Dómino cánticum novum;
laus eius in ecclésia sanctórum.
- 2 Lætétur Israel in eo qui fecit eum,
et filii Sion exsúltent in Rege suo. R.
- 3 Laudent nomen eius in choro,
in týmpano et cíthara psallant ei.
- 4 Quia beneplácitum est Dómino in pópulo suo,
et honorábit mansuétos in salútem. R.
- 5 Iúbilent sancti in glória,
læténtur in cubílibus suis.
- 6 Exaltatiónes Dei in gútture eórum:
- 7 glória hæc est ómnibus sanctis eius. R.

Alleluia

Ps 94, 8 ab

R. Allelúia. V. Hódie, nolíte obduráre corda vestra,
sed vocem Dómini audíte.

R. Allelúia.

Evangelium

Si cognovisses quæ ad pacem tibi.

✠ Lécio sancti Evangélíi secúndum Lucam 19, 41-44

In illo témpore:

Ut appropinquávit Iesus Ierúsalem, videns civitátem flevit super illam, dicens: « Si cognovisses et tu in hac die quæ ad pacem tibi — nunc autem abscondita sunt ab óculis tuis.

Quia vénient dies in te, et circúmdabunt te inimíci tui vallo et obsidébunt te et coangustábunt te úndique, et ad terram prostérnent te et filios tuos qui in te sunt, et non relínquent in te lápidem super lápidem, eo quod non cognóveris tempus visitatiónis tuæ ».

Verbum Dómini.

Super oblata

Concéde, quæsumus, Dómine,
ut óculis tuæ maiestátis munus oblátum
et grátiam nobis devotiónis obtíneat,
et efféctum beátæ perennitátis acquirat.
Per Christum.

Ant. ad communionem

Ps 72, 28

Mihi autem adhærere Deo bonum est,
pónere in Dómino Deo spem meam.

Vel:

Mc 11, 23. 24

Amen dico vobis, quidquid orántes pétitis,
crédite quia accipiétis, et fiet vobis, dicit Dóminus.

Post communionem

Súmpsimus, Dómine, sacri dona mystérii,
humíliter deprecántes,

ut, quæ in sui commemoratióne
nos Fílius tuus fácere præcépit,
in nostræ profíciant caritátis augméntum.
Per Christum.

Feria sexta

Ant. ad introitum

Ier 29, 11. 12. 14

Dicit Dóminus:

Ego cógito cogitatiónes pacis, et non afflictiónis;
invocabitis me, et ego exáudiam vos,
et redúcam captivitátem vestram de cunctis locis.

Collecta

Da nobis, quæsumus, Dómine Deus noster,
in tua semper devotióne gaudére,
quia perpétua est et plena felícitas,
si bonórum ómnium iúgiter serviámus auctóri.
Per Dóminum.

Anno primo

Lectio prior

*Fecerunt dedicationem altaris
et obtulerunt holocausta cum lætitia.*

Léctio libri primi Machabæórum

4, 36-37. 52-59

In diébus illis:

Dixit Iudas et fratres eius: « Ecce contríti sunt inimíci nostri; ascendámus nunc mundáre sancta et renováre ». Et congregátus est omnis exércitus, et ascendérunt in montem Sion.

Et ante matutínium surrexérunt quinta et vigésima die mensis noni (hic est mensis Cásleu) centésimi qua-

dragésimi octávi anni; et obtulérunt sacrificium secundum legem super altáre holocaustórum novum, quod fecerunt.

Secúndum tempus et secúndum diem, in qua contamináverunt illud gentes, in ipsa renovátum est in cánticis et cítharis et cínyris et in cýmbalis.

Et cécidit omnis pópulus in fáciem, et adoráverunt et benedixérunt in cælum eum, qui prosperávit eis, et fecerunt dedicatióem altáris diébus octo, et obtulérunt holocáusta cum lætítia, et sacrificium salutáris et laudis: et ornavérunt fáciem templi corónis áureis et scútulis, et dedicáverunt portas et pastophória, et imposuerunt eis iánuas.

Et facta est lætítia in pópulo magna valde, et aversum est oppróbrium géntium.

Et státuit Iudas et fratres eius et univérsa ecclésia Israel, ut agátur dies dedicatióis altáris in temporibus suis ab anno in annum per dies octo, a quinta et vigésima die mensis Cásleu, cum lætítia et gáudio.

Verbum Dómini.

Psalmus responsorius

1 Chr 29, 10. 11 abc. 11 d-12 a. 12 bcd (R.: 13 b)

R. Laudámus nomen tuum ínclitum, Dómine.

Benedíctus es, Dómine Deus Israel, patris nostri, ab ætérno in ætérnum. R.

Tua est, Dómine, magnificéntia, et poténtia, et glória, atque victória, et tibi laus; cuncta enim, quæ in cælo sunt et in terra, tua sunt. R.

Tuum, Dómine, regnum, et tu es super omnes príncipes.

Tuæ divítiæ et tua est glória. R.

Tu domináris ómnium, in manu tua virtus et poténtia, in manu tua magnitúdo et impérium ómnium. R.

Anno secundo

Lectio prior

Accepi libellum et devoravi eum

Lectio libri Apocalýpsis beáti Ioánnis apóstoli 10, 8-11

Ego, Ioánnes, audívi vocem de cælo, íterum loquéntem mecum et dicéntem: « Vade, áccipe librum apértum de manu Angeli stantis supra mare et supra terram ».

Et ábii ad Angelum dicens ei ut daret mihi libéllum. Et dicit mihi: « Accipe et dévora illum, et fáciét amaricáre ventrem tuum, sed in ore tuo erit dulcis tamquam mel ».

Et accépi libéllum de manu Angeli et devorávi eum, et erat in ore meo tamquam mel dulcis: et cum devorássem eum, amaricátus est venter meus.

Et dicunt mihi: « Opórtet te íterum prophetáre super pópulis et géntibus et linguis et régibus multis ». Verbum Dómini.

Psalmus responsorius

Ps 118, 14. 24. 72. 103. 111. 131 (R.: 103 a)

R. Quam dúlcia fáucibus meis elóquia tua!

¹⁴ In via testimoniórum tuórum delectátus sum, sicut in ómnibus divítiis. R.

²⁴ Nam et testimónia tua delectátio mea, et consílium meum iustificatiónes tuæ. R.

⁷² Bonum mihi lex oris tui, super mília auri et argénti. R.

¹⁰³ Quam dúlcia fáucibus meis elóquia tua, super mel ori meo! R.

¹¹¹ Heréditas mea testimónia tua in ætérnum, quia exsultátio cordis mei sunt. R.

Os meum aperui et attráxi spíritum,
quia præcepta tua desiderábam. *R.*

Alleluia

Io 10, 27

R. Allelúia. *℣.* Oves meæ vocem meam áudiunt,
dicit Dóminus;
et ego cognósco eas, et sequúntur me.
R. Allelúia.

Evangeliium

Fecistis domum Dei speluncam latronum.

✠ Lécio sancti Evangélíi secúndum Lucam 19, 45-48

In illo témpore:

Ingréssus Iesus in templum, cœpit eícere vendéntes,
dicens illis: « Scriptum est: “ Et erit domus mea domus oratiónis ”, vos autem fecistis illam “ spelúncam latrónum ” ».

Et erat docens cotidie in templo. Príncipes autem sacerdótum et scribæ et príncipes plebis quærébant illum pérdere, et non inveniébant quid fácerent; omnis enim pópulus suspénsus erat áudiens illum.

Verbum Dómini.

Super oblata

Concéde, quæsumus, Dómine,
ut óculis tuæ maiestátis munus oblátum
et grátiam nobis devotiónis obtíneat,
et efféctum beátæ perennitátis acquírat.
Per Christum.

Ant. ad communionem

Ps 72, 28

Mihi autem adhærére Deo bonum est,
pónere in Dómino Deo spem meam.

Vel: Mc 11, 23. 24

Amen dico vobis, quidquid orántes pétitis,
crédite quia accipiétis, et fiet vobis, dicit Dóminus.

Post communionem

Súmptimus, Dómine, sacri dona mystérii,
humíliter deprecántes,
ut, quæ in sui commemoratióne
nos Fílius tuus fácere præcépit,
in nostræ proficiant caritátis augméntum. Per Christum.

Sabbato

Ant. ad introitum Ier 29, 11. 12. 14

Dicit Dóminus:
Ego cógito cogitatiónes pacis, et non afflictiónis;
invocábitis me, et ego exáudiam vos,
et reducam captivitátem vestram de cunctis locis.

Collecta

Da nobis, quæsumus, Dómine Deus noster,
in tua semper devotióne gaudére,
quia perpétua est et plena felicitas,
si bonórum ómnium iúgiter serviámus auctóri.
Per Dóminum.

Anno primo

Lectio prior

*Propter mala, quæ feci in Ierusalem,
pereō tristitia magna.*

Léctio libri primi Machabæórum 6, 1-13
In diébus illis:

Perambulábat rex Antíochus superiôres regiônes; et
audivit esse civitátem Elymáidem in Pérside nobilíssi-

mam et copiósam in argénto et auro, templúmque in ea lócuples valde, et illic velámina áurea et lorícæ et scuta, quæ relíquit Alexánder Philíppi, rex Mácedo, qui regnávit primus in Grácia.

Et venit, et quærébat cápere civitátem et deprædári eam, et non pótuit, quóniam innótuit sermo his qui erant in civitáte, et insurrexérunt in prœlium, et fugit inde et ábiit cum tristítia magna, et revérsus est in Babilóniam.

Et venit qui nuntiáret ei in Pérside quia fugáta sunt castra, quæ erant in terra Iuda,

et quia ábiit Lýsias cum virtúte forti in primis et fugátus est a fácie Iudæórum, et invaluable armis et víribus et spóliis multis, quæ cepérunt de castris quæ excidérunt,

et quia diruérunt abominatióem, quam ædificáverat super altáre, quod erat in Ierúsalem, et sanctificatióem sicut prius circumdedérunt muris excélsis, sed et Bethsúram civitátem suam.

Et factum est, ut audívit rex sermónes istos, expávit et commótus est valde, et décidit in lectum et incidit in languórem præ tristítia, quia non factum est ei sicut cogitábat.

Et erat illic per dies multos, quia renováta est in eo tristítia magna, et arbitrátus est se mori et vocávit omnes amícos suos et dixit illis:

« Recéssit somnus ab óculis meis, et cóncidi et córrui corde præ sollicitúdine, et dixi in corde meo: " In quantam tribulatióem devéni et in quos fluctus tristitiæ, in qua nunc sum, qui iucúndus eram et diléctus in potestáte mea!

Nunc vero reminíscor malórum, quæ feci in Ierúsalem, unde et ábstuli ómnia spólia áurea et argénteá, quæ erant in ea, et misi auférre habitántes Iudæam sine causa.

Cognóvi ergo quia proptérea invenérunt me mala ista, et ecce péreo tristítia magna in terra aliéna " ».
Verbum Dómini.

Psalmus responsorius

Ps 9, 2-3. 4 et 6. 16 bc et 19 (R.: cf. 16 a)

R. Exsultábo in salutári tuo, Dómine.

- ² Confitébor tibi, Dómine, in toto corde meo;
narrábo ómnia mirabília tua.
- ³ Lætábor et exsultábo in te,
psallam nómini tuo, Altíssime. R.
- ⁴ Cum convertúntur inimíci mei retrórsum,
infirmántur et péreunt a fácie tua.
- ⁶ Increpásti gentes, perdidísti ímpium;
nomen eórum delésti in ætérnum
et in sáculum sáculi. R.
- ¹⁶ Infíxæ sunt gentes in fóvea quam fecérunt;
in láqueo isto quem abscondérunt
comprehénsus est pes eórum.
- ¹⁹ Quóniam non in finem oblívio erit páuperis;
exspectátio páuperum non períbit in ætérnum. R.

Anno secundo

Lectio prior

*Hi duo Prophetæ cruciaverunt eos
qui inhabitant super terram.*

Léctio libri Apocalýpsis beáti Ioánnis apóstoli 11, 4-12

Dictum est mihi, Ioánni: « Ecce duo testes mei; hi sunt duæ olivæ et duo candelábra in conspéctu Dómini terræ stantes. Et si quis eos vult nocére, ignis exit de

ore illórum et dévorat inimícos eórum: et si quis volúerit eos lædere, sic opórtet eum occídi.

Hi habent potestátem claudéndi cælum, ne pluat plúvia diébus prophetiæ ipsórum, et potestátem habent super aquas converténdi eas in sánguinem et percútere terram omni plaga quotienscúmque volúerint.

Et cum finierint testimónium suum, Béstia quæ ascéndit de Abýsso fáciat advérsus illos bellum et vincet eos et occídet illos.

Et corpus eórum in platéas civitátis magnæ quæ vocátur spirituáliter Sódoma et Ægýptus, ubi et Dóminus eórum crucifíxus est, et vident de pópulis et tríbubus et linguis et géntibus corpus eórum per tres dies et dimídium, et córpora eórum non sinunt poni in monuménto.

Et inhabitántes terram gaudent super illis et iucundántur, et múnera mittent ínvicem, quóniam hi duo Prophétæ cruciavérunt eos qui inhábitant super terram.

Et post dies tres et dimídium Spíritus vitæ a Deo intrávit in eos, et stetérunt super pedes suos et timor magnus cécidit super eos qui vidébant eos.

Et audiérunt vocem magnam de cælo dicéntem illis: " Ascéndite huc ", et ascendérunt in cælum in nube et vidérunt illos inimíci eórum ». — Verbum Dómini.

Psalmus responsorius **Ps 143, 1. 2. 9-10 (R.: 1 a)**

R. Benedíctus Dóminus, præsídiu meum.

¹ Benedíctus Dóminus, præsídiu meum,
qui docet manus meas ad præliu,
et dígitos meos ad bellu. **R.**

² Misericórdia mea et fortitúdo mea,
refúgium meum et liberátor meus;
scutum meum, et in ipso sperávi,
qui subdit pópulu meum sub me. **R.**

- ⁹ Deus, cánticum novum cantábo tibi,
 in psaltério decachódo psallam tibi,
¹⁰ qui das salútem régibus,
 qui rédimis David servum tuum de gládio maligno. **R.**

Alleluia

2 Tim 1, 10 b

R. Allelúia. **Y.** Salvátor noster Iesus Christus destrúxit
 mortem,
 et illuminávit vitam per Evangélium.
R. Allelúia.

Evangeliium

Deus non est mortuorum sed vivorum.

✠ Lécio sancti Evangélii secúndum Lucam **20, 27-40**

In illo témpore:

Accessérunt quidam Sadducæórum, qui negant esse resurrectionem, et interrogavérunt Iesum dicéntes: « Magíster, Móyses scripsit nobis, si frater alicúius mórtuus fúerit habens uxórem et hic sine fíliis fúerit, ut accípiat eam frater eius uxórem et súscitet semen fratri suo.

Septem ergo fratres erant, et primus accépit uxórem et mórtuus est sine fíliis; et sequens et tértius accépit illam, simíliter autem et septem non reliquérent fílios et mórtui sunt.

Novíssima mórtua est et múlter. Múlter ergo in resurrectione cuius eórum erit uxor? Síquidem septem habuérunt eam uxórem ».

Et ait illis Iesus: « Fílii sáculi huius nubunt et tradúntur ad núptias; illi autem qui digni habéntur sáculo illo et resurrectione ex mórtuis neque nubunt neque ducunt uxóres; neque enim ultra mori possunt, æquáles enim ángelis sunt, et fílii sunt Dei, cum sint fílii resurrectionis.

Quia vero resúrgant mórtui et Móyses osténdit secus rubum, sicut dicit: " Dóminum Deum Abraham et Deum Isaac et Deum Iacob ": Deus autem non est mortuórum sed vivórum, omnes enim vivunt ei ».

Respondéntes autem quidam scribárum dixerunt: « Magíster, bene dixisti ». Et ámplius non audébant eum quicquam interrogáre. — Verbum Dómini.

Super oblata

Concéde, quæsumus, Dómine,
ut óculis tuæ maiestátis munus oblátum
et grátiam nobis devotiónis obtíneat,
et efféctum beátæ perennitátis acquírat.
Per Christum.

Ant. ad communionem

Ps 72, 28

Mihi autem adhærére Deo bonum est,
pónere in Dómino Deo spem meam.

Vel:

Mc 11, 23. 24

Amen dico vobis, quidquid orántes pétitis,
crédite quia accipiétis, et fiet vobis, dicit Dóminus.

Post communionem

Súmptimus, Dómine, sacri dona mystérii,
humíliter deprecántes,
ut, quæ in sui commemoratióne
nos Fílius tuus fácere præcépit,
in nostræ proficiant caritátis augméntum.
Per Christum.

Dominica trigesima quarta, ultima « per annum »

**DOMINI NOSTRI IESU CHRISTI
UNIVERSORUM REGIS**

Sollemnitas

Ant. ad introitum

Ap 5, 12; 1, 6

Dignus est Agnus, qui occísus est,
accípere virtútem et divinitátem et sapiéntiam
et fortitúdinem et honórem.

Ipsi glória et impérium in sǎcula sǎculórum.

Dicitur Glória in excélsis.

Collecta

Omnípotens sempitérne Deus,
qui in dilécto Fílio tuo, universórum Rege,
ómnia instauráre voluísti,
concéde propítius,
ut tota creatúra, a servitúte liberáta,
tuæ maiestáti desérviat ac te sine fine colláudet.
Per Dóminum.

Anno A

Lectio prima

Vos, greges mei; ego iudico inter pecus et pecus.

Léctio libri Ezechiélis prophétæ

34, 11-12. 15-17

Hæc dicit Dóminus Deus:

« Ecce ego ipse requíram oves meas, et visitábo eas:
sicut vísitat pastor gregem suum in die quando fúerit in

médio óvium suárum dissipatárum, sic visitábo oves meas, et liberábo eas de ómnibus locis, in quibus dispérsæ fúerant in die nubis et caliginis.

Ego pascam oves meas et ego eas accubáre fáciam, dicit Dóminus Deus.

Quod perierat requíram, et quod abiéctum erat redúcám, et quod confráctum fúerat alligábo, et quod infirmum fúerat consolidábo, et quod pingue et forte custódiam, et pascam illas in iudício.

Vos autem, greges mei, hæc dicit Dóminus Deus: Ecce ego iúdico inter pecus et pecus, aríetum et hircórum ».

Verbum Dómini.

Psalmus responsorius Ps 22, 1-2 a. 2 b-3. 5. 6 (R.: 1)

R. Dóminus pascit me, et nihil mihi déerit.

Dóminus pascit me, et nihil mihi déerit:
in páscuis viréntibus me collocávit. **R.**

Super aquas quiétis edúxit me,
ánimam meam refécit.

Dedúxit me super sémitas iustítiæ
propter nomen suum. **R.**

Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. **R.**

Etenim benígnitas et misericórdia
subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. **R.**

Lectio secunda

*Tradet Regnum Deo et Patri,
ut sit Deus omnia in omnibus.*

Lectio Epistolæ primæ beāti Pauli apóstoli
ad Corínthios

15, 20-26 a. 28

Fratres:

Christus resurrexit a mórtuis, primitiæ dormiéntium. Quóniam enim per hóminem mors, et per hóminem resurrectio mortuórum: sicut enim in Adam omnes moriúntur, ita et in Christo omnes vivificabúntur.

Unusquisque autem in suo órdine: primitiæ Christus, deínde hi qui sunt Christi in advéntu eius; deínde finis, cum tradíderit Regnum Deo et Patri, cum evacuáverit omnem Principátum et omnem Potestátem et Virtútem.

Opórtet autem illum regnáre donec ponat omnes inimícos sub pédibus eius. Novíssima autem inimíca destruétur Mors.

Cum autem subiécta fúerint illi ómnia, tunc ipse Fílius subiéctus erit illi qui sibi subiécit ómnia, ut sit Deus ómnia in ómnibus.

Verbum Dómini.

Alleluia

Mc 11, 9 b-10 a

R. Allelúia. V. Benedíctus qui venit
in nómine Dómini!

Benedíctum quod venit Regnum
patris nostri David!

R. Allelúia.

Evangelium

*Sedebit super thronum gloriæ suæ,
et separabit eos ab invicem.*

✠ Lécio sancti Evangélii secúndum Matthæum 25, 31-46

In illo témpore: Dixit Iesus discíplis suis:

« Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis, et státuet oves quidem a dextris suis, hædos autem a sinístris.

Tunc dicet Rex his qui a dextris eius erunt: “ Veníte, benedícti Patris mei, possidéte parátum vobis Regnum a constitutióne mundi: esurívi enim et dedístis mihi manducáre, sitívi et dedístis mihi bíbere, hospes eram et collegístis me, nudus et operuístis me, infírmus et visitástis me, in cárcere eram et venístis ad me ”.

Tunc respondébunt ei iusti dicéntes: “ Dómine, quando te vídimus esuriéntem et pávimus, aut sitiéntem et dédimus tibi potum? Quando autem te vídimus hóspitem et collégimus, aut nudum et cooperúimus? Quando autem te vídimus infírmum aut in cárcere et vénimus ad te? ”.

Et respóndens Rex dicet illis: “ Amen dico vobis: Quámdu fecístis uni de his frátribus meis mínimis, mihi fecístis ”.

Tunc dicet et his qui a sinístris erunt: “ Discédite a me, maledícti, in ignem ætérnum, qui præparátus est diábolo et ángelis eius. Esurívi enim et non dedístis mihi manducáre, sitívi et non dedístis mihi potum, hospes eram et non collegístis me, nudus et non operuístis me, infírmus et in cárcere et non visitástis me ”.

Tunc respondébunt et ipsi dicéntes: “Dómine, quando te vídimus esuriéntem aut sitiéntem aut hóspitem aut nudum aut infírmum vel in cárcere et non ministrávimus tibi?”

Tunc respondébit illis dicens: “Amen dico vobis: Quámdu non fecístis uni de mínimis his, nec mihi fecístis”.

Et ibunt hi in supplicium ætérnum, iusti autem in vitam ætérnam ». — Verbum Dómini.

Anno B

Lectio prima

Potestas eius, potestas æterna.

Léctio libri Daniélis prophétæ

7, 13-14

Aspiciébam in visióne noctis, et ecce cum núbibus cæli quasi fílius hóminis veniébát, et usque ad antíquum diérum pervénit.

Et in conspéctu eius obtulérunt eum, et dedit ei potestátem et honórem et regnum, et omnes pópuli, tribus et linguæ ipsi sérvient; potéstas eius, potéstas ætérna, quæ non auferétur, et regnum eius, quod non corrupétur. — Verbum Dómini.

Psalmus responsorius Ps 92, 1 ab. 1 c-2. 5 (R.: 1 a)

R. Dóminus regnávit, decórem indútus est.

1 Dóminus regnávit, decórem indútus est;
indútus est Dóminus, fortitúdine præcínxit se. R.

Etenim firmávit orbem terræ qui non commovébitur.
2 Firmáta sedes tua ex tunc, a sæculo tu es. R.

5 Testimónia tua credibília facta sunt nimis;
domum tuam decet sanctitúdo, Dómine,
in longitúdinem diérum. R.

Lectio secunda

*Princeps regum terræ ... fecit nos Regnum,
sacerdotes Deo.*

Léctio libri Apocalýpsis beáti Ioánnis apóstoli 1, 5-8

Iesus Christus est testis fidélis, Primogénitus mortuórum et Princeps regum terræ.

Ei qui díligit nos et solvit nos a peccátis nostris in ságuine suo et fecit nos Regnum, sacerdótes Deo et Patri suo: ipsi glória et impérium in sǽcula sǽculórum: amen.

Ecce venit cum núbibus et vidébit eum omnis óculus et qui eum pupugérunt et plangent se super eum omnes tribus terræ. Etiam, amen.

Ego sum Alpha et Oméga, dicit Dóminus Deus, qui est et qui erat et qui ventúrus est, Omnípotens.

Verbum Dómini.

Alleluia

Mc 11, 9 b-10 a

℞. Allelúia. ℣. Benedíctus qui venit in nómine Dómini!
Benedíctum quod venit Regnum
patris nostri David! ℞. Allelúia.

Evangelium

Tu dicis quia rex sum.

✠ Léctio sancti Evangélíi secúndum Ioánnem

18, 33 b-37

In illo témpore:

Dixit Pilátus ad Iesum: « Tu es rex Iudæórum? »

Respóndit Iesus: « A temetípso tu hoc dicis, an álíi tibi dixérunt de me? »

Respóndit Pilátus: « Numquid ego Iudæus sum? Gens tua et pontífices tradidérunt te mihi: quid fecísti? »

Respóndit Iesus: « Regnum meum non est de mundo hoc; si ex hoc mundo esset Regnum meum, minístri mei decertárent, ut non tráderer Iudáeis; nunc autem meum Regnum non est hinc ».

Dixit itaque ei Pilátus: « Ergo rex es tu? »

Respóndit Iesus: « Tu dicis quia rex sum. Ego in hoc natus sum et ad hoc veni in mundum, ut testimónium perhíbeam veritáti; omnis qui est ex veritáte audit vocem meam ». — Verbum Dómini.

Anno C

Lectio prima

Unxerunt David in regem super Israel

Léctio libri secúndi Samuélis

5, 1-3

In diébus illis:

Venérunt univérsæ tribus Israel ad David in Hebron, dicéntes: « Ecce nos os tuum et caro tua sumus. Sed et heri et nudiustértius, cum esset Saul rex super nos, tu eras edúcens et redúcens Israel; dixit autem Dóminus ad te: " Tu pasces pópulum meum Israel et tu eris dux super Israel " ».

Venérunt quoque et senióres Israel ad regem in Hebron, et percússit cum eis rex David fœdus in Hebron coram Dómino, unxerúntque David in regem super Israel. — Verbum Dómini.

Psalmus responsorius

Ps 121, 1-2. 4-5 (R.: cf. 1)

R. In domum Dómini lætántes íbimus.

¹ Lætátus sum in eo quod dixérunt mihi:

« In domum Dómini íbimus ».

² Stantes iam sunt pedes nostri
in portis tuis, Ierúsalem. R.

Illuc enim ascenderunt tribus, tribus Dómini,
testimónium Israel, ad confiténdum nómini Dómini.
Quia illic sederunt sedes ad iudícium,
sedes domus David. *R.*

Lectio secunda

Transtulit nos in Regnum Filii dilectionis suæ.

Léctio Epístolæ beáti Pauli apóstoli ad Colossénses

1, 12-20

Fratres:

Grátias ágimus Patri, qui idóneos vos fecit in partem sortis sanctórum in lúmine;

qui erípuit nos de potestáte tenebrárum et transtulit in Regnum Fílii dilectiónis suæ, in quo habémus redemptionem, remissionem peccatórum:

qui est imágo Dei invisibilis, primogénitus omnis creatúræ, quia in ipso cóndita sunt univérsa in cælis et in terra, visibília et invisibília, sive Throni sive Dominationes sive Principátus sive Potestátes:

ómnia per ipsum et in ipsum creáta sunt, et ipse est ante ómnia et ómnia in ipso constant.

Et ipse est caput córporis Ecclésiæ: qui est principium, primogénitus ex mórtuis, ut sit in ómnibus ipse primátum tenens,

quia in ipso complácuit omnem plenitúdinem habitáre, et per eum reconciliáre ómnia in ipsum, pacíficans per ságuinem crucis eius sive quæ in terris sive quæ in cælis sunt. — Verbum Dómini.

Alleluia

Mc 11, 9 b-10 a

R. Allelúia. *Y.* Benedíctus qui venit in nómine Dómini!
Benedíctum quod venit Regnum
patris nostri David! *R.* Allelúia.

Evangelium

*Domine, memento mei
cum veneris in Regnum tuum.*

✠ Lécio sancti Evangélii secúndum Lucam

23, 35 b-43

In illo témpore:

Deridébant Iesum et príncipes dicétes: « Alios salvos fecit, se salvum fáciat, si hic est Christus Dei eléctus ».

Illudébant autem ei et mílites accedétes, acétum offerétes illi et dicétes: « Si tu es rex Iudæórum, salvum te fac ». Erat autem et superscriptio super illum: « Hic est rex Iudæórum ».

Unus autem de his qui pendébant latrónibus blasphemábat eum dicens: « Nonne tu es Christus? Salvum fac temetípsum et nos ».

Respóndens autem alter increpábat illum dicens: « Neque tu times Deum, quod in eádem damnatióne es? Et nos quidem iuste, nam digna factis recípiamus: hic vero nihil mali gessit ».

Et dicébat: « Iesu, meménto mei cum véneris in Regnum tuum ».

Et dixit illi: « Amen dico tibi: Hódie mecum eris in paradíso ». — Verbum Dómini.

Dicitur Credo.

Super oblata

Hóstiam tibi, Dómine,
humánæ reconciliatiónis offerétes,
suppliciter deprecámur, ut ipse Fílius tuus
cunctis géntibus unitátis et pacis dona concédát.
Qui vivit.

Præfatio: De Christo universorum Rege.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre
nos tibi semper et ubíque grátias ágere:

Dómine, sancte Pater, omnípotens ætérne Deus:

Qui unigénitum Fílium tuum,
Dóminum nostrum Iesum Christum,
Sacerdótem ætérnum et universórum Regem,
óleo exsultatiónis unxísti:

ut, seípsum in ara crucis
hóstiam immaculátam et pacíficam ófferens,
redemptiónis humánæ sacraménta perágeret:
et, suo subiéctis império ómnibus creatúris,
ætérnum et universále regnum
imménsæ tuæ tráderet maiestáti:
regnum veritátis et vitæ;
regnum sanctitátis et grátiae;
regnum iustítiæ, amóris et pacis.

Et ídeo cum Angelis et Archángelis,
cum Thronis et Dominationíbus,
cumque omni milítia cæléstis exércitus,
hymnum glóriæ tuæ cánimus, sine fine dicétes:

Sanctus, Sanctus, Sanctus Dóminus Deus Sábaoth ...

Ant. ad communionem

Ps 28, 10-11

Sedébit Dóminus Rex in ætérnum;
Dóminus benedícet pópulo suo in pace.

Post communionem

Immortalitátis alimóniam consecúti,
quæsumus, Dómine,
ut, qui Christi Regis universórum
gloriámur obœdíre mandátis,
cum ipso in cælésti regno sine fine vívere valeámus.
Per Christum.

HEBDOMADA XXXIV « PER ANNUM »

Locum doniinicæ ultimæ « per annum » tenet sollemnitas
D. N. Iesu Christi Universorum Regis, p. 520.

Feria secunda

Ant. ad introitum

Ps 84, 9

Loquétur Dóminus pacem in plebem suam,
et super sanctos suos,
et in eos qui convertúntur ad ipsum.

Collecta

Excita, quæsumus, Dómine, tuórum fidélium voluntátes,
ut, divíni óperis fructum propénsius exsequéntes,
pietátis tuæ remédia maióra percípiant. Per Dóminum.

Anno primo

Lectio prior

*Non sunt inventi tales
ut Daniel, Ananias, Misael et Azarias.*

Inítium libri Daniélis prophétæ

1, 1-6. 8-20

Anno tértio regni Ióakim, regis Iuda, venit Nabuchodónosor, rex Babylónis, in Ierúsalem, et obsédit eam; et trádedit Dóminus in manu eius Ióakim, regem Iuda, et partem vasórum domus Dei, et asportávit ea in terram Sénnaar in domum dei sui, et vasa íntulit in domum thesáuri dei sui.

Et ait rex Asphenez præpósito eunuchórum, ut intródúceret de fíliis Israel et de sémíne régio et tyrannórum púeros in quibus nulla esset mácula, decóros forma et erudítos omni sapiéntia, cautos sciéntia et doctos disciplína, et qui possent stare in palátio regis, ut docéret eos lítteras et linguam Chaldæórum.

Et constituit eis rex annónam per singulos dies de cibis suis et de vino unde bibébat ipse, ut enutríti tribus annis póstea starent in conspéctu regis.

Fuérunt ergo inter eos de filiis Iuda Dániel, Ananías, Mísael et Azarías. Propósuit autem Dániel in corde suo, ne polluerétur de mensa regis neque de vino potus eius, et rogávit eunuchórum præpósitum ne contaminarétur.

Dedit autem Deus Daniéli grátiam et misericórdiam in conspéctu princípis eunuchórum, et ait princeps eunuchórum ad Daniélem:

« Tímeo ego dóminum meum regem, qui constituit vobis cibum et potum; qui, si víderit vultus vestros macilentióres præ céteris adulescéntibus coævís vestris, condemnábitis caput meum regi ».

Et dixit Dániel ad Málasar, quem constitúerat princeps eunuchórum super Daniélem, Ananíam, Misaélem et Azaríam:

« Tenta nos, óbsecro, servos tuos diébus decem, et dentur nobis legúmina ad vescéndum et aqua ad bibéndum, et contempláre vultus nostros et vultus puerórum, qui vescúntur cibo régio, et, sicut víderis, fácies cum servis tuis ».

Qui, audíto sermóne huiuscémodi, tentávit eos diébus decem. Post dies autem decem, apparuérunt vultus eórum melióres et corpulentióres præ ómnibus púeris qui vescebántur cibo régio; porro Málasar tollébat cibária et vinum potus eórum, dabátque eis legúmina.

Púeris autem his dedit Deus sciéntiam et disciplínam in omni libro et sapiéntia; Daniéli autem intellegéntiam ómnium visiónum et somniórum.

Complétis itaque diébus, post quos díxerat rex ut introduceréntur, introduxit eos præpósitus eunuchórum in conspéctu Nabuchodónosor.

Cumque eis locútus fuísset rex, non sunt invénti

tales de univérſis ut Dániel, Ananías, Míſael et Azarías, et ſtetérunt in conſpéctu regis.

Et omne verbum ſapiéntiæ et intelléctus, quod ſciſcitátus eſt ab eis rex, invénit in eis décuplum ſuper cunctos haríolos et magos, qui erant in univérſo regno eius. — Verbum Dómini.

Psalmus reſponſorius

Dan 3, 52. 53. 54. 55. 56

32 Benedíctus eſ, Dómine Deus patrum noſtrórum,

33 *R.* Et laudábilis et glorióſus
et ſuperexaltátus in ſæcula.

Et benedíctum nomen glóriæ tuæ ſanctum,

34 *R.* Et laudábile et ſuperexaltátum in ómnibus ſæculis.

35 Benedíctus eſ in templo ſancto glóriæ tuæ,

36 *R.* Et ſuperlaudábilis et ſupergloriόſus in ſæcula.

37 Benedíctus eſ in throno regni tui,

38 *R.* Et ſuperlaudábilis et ſuperexaltátus in ſæcula.

39 Benedíctus eſ, qui intuéris abyſſos

et ſedes ſuper chérubim,

40 *R.* Et laudábilis et ſuperexaltátus in ſæcula.

41 Benedíctus eſ in firmaménto cæli,

42 *R.* Et laudábilis et gloriόſus in ſæcula.

Anno ſecundo

Lectio prior

*Nomen Chriſti et Patris eius
ſcriptum in frontibus eorum.*

Léctio libri Apocalýpsis beáti Ioánnis apóſtoli

14, 1-3. 4 b-5

Ego, Ioánnes, vidi, et ecce Agnus ſtans ſupra Montem Sion, et cum illo centum quadragínta quáttuor mí-

lia habéntes Nomen eius et Nomen Patris eius scriptum in fróntibus suis.

Et audívi vocem de cælo tamquam vocem aquárum multárum et tamquam vocem tonítrui magni, et vox quam audívi sicut citharædórum citharizántium in cítharis suis.

Et cantant quasi cánticum novum ante thronum et ante quáttuor Animália et Senióres: et nemo póterat díscere cánticum nisi illa centum quadragínta quáttuor mília, qui empti sunt de terra.

Hi qui sequúntur Agnum quocúmque abíerit. Hi empti sunt ex homínibus primitiæ Deo et Agno, et in ore ipsórum non est invéntum mendácium: sine mácula sunt.

Verbum Dómini.

Psalmus responsorius Ps 23, 1-2. 3-4 ab. 5-6 (R.: cf. 6)

R. Hæc est generátio quæréntium fáciem tuam, Dómine.

- 1 Dómini est terra et plenitúdo eius,
orbis terrárum et qui hábitant in eo.
- 2 Quia ipse super mária fundávit eum,
et super flúmina firmávit eum. R.
- 3 Quis ascéndet in montem Dómini,
aut quis stabit in loco sancto eius?
- 4 Innocens mánibus et mundo corde,
qui non accépit in vanum nomen eius. R.
- 5 Hic accípiet benedictiónem a Dómino,
et iustificatióem a Deo salutári suo.
- 6 Hæc est generátio quæréntium eum,
quæréntium fáciem Dei Iacob. R.

Alleluia

Mt 24, 42 a. 44

R. Allelúia. V. Vigiláte et estóte paráti,
quia qua nescítis hora Fílius hóminis ven-
túrus est. R. Allelúia.

Evangelium

*Vidit viduam pauperulam
mittentem illuc minuta duo.*

✠ Lécio sancti Evangélii secúndum Lucam 21, 1-4

In illo témpore:

Respíciens Iesus vidit eos qui mittébant múnera sua in gazophylácium dívites. Vidit autem quamdam víduam paupérculam mitténtem illuc minúta duo, et dixit:

« Vere dico vobis: Vidua hæc pauper plus quam omnes misit. Nam omnes hi ex abundántia sua misérunt in múnera, hæc autem ex inópia sua omnem victum suum quem habébat misit ». — Verbum Dómini.

Super oblata

Súscipe, Dómine, sacra múnera,
quæ tuo nómini iussísti dicánda,
et, ut per ea tuæ pietáti reddámur accépti,
fac nos tuis semper obœdíre mandátis.
Per Christum.

Ant. ad communionem

Ps 116, 1-2

Laudáte Dóminum, omnes gentes,
quóniam confirmáta est super nos misericórdia eius.

Vel:

Mt 28, 20

Ecce ego vobíscum sum ómnibus diébus,
usque ad consummationem sæculi, dicit Dóminus.

Post communionem

Quæsumus, omnípotens Deus,
ut, quos divína tríbuis participatióne gaudére,
a te numquam separári permíttas.
Per Christum.

Feria tertia**Ant. ad introitum**

Ps 84, 9

Loquétur Dóminus pacem in plebem suam,
et super sanctos suos,
et in eos qui convertúntur ad ipsum.

Collecta

Excita, quæsumus, Dómine, tuórum fidélium voluntátes,
ut, divíni óperis fructum propénsius exsequéntes,
pietátis tuæ remédia maióra percípiant.
Per Dóminum.

Anno primo**Lectio prior**

*Suscitabit Deus regnum,
quod in æternum non dissipabitur,
et consumet universa regna.*

Léctio libri Daniélis prophétæ

2, 31-45

In diébus illis: Dixit Dániel ad Nabuchodónosor:

« Tu, rex, vidébas, et ecce quasi státua una grandis;
státua illa magna et statúra sublímis stabat contra te, et
intúitus eius erat terríbilis.

Huius státuæ caput ex auro óptimo erat, pectus
autem et brácchia de argénto, porro venter et fémora ex
ære, tibiæ autem férreæ, pedum quædam pars erat fér-
rea, quædam autem fíctilis.

Vidébas ita, donec abscíssus est lapis de monte sine
mánibus, et percússit státuam in pédibus eius férreis
et fíctilibus, et commínuit eos.

Tunc contríta sunt páriter ferrum, testa, æs, argén-
tum et aurum, et redácta quasi in favíllam æstívæ áreæ,
quæ rapta sunt vento, nullúsque locus invéntus est eis;

lapis autem, qui percússerat státuam, factus est mons magnus, et implévit univérsam terram.

Hoc est sómnum. Interpretatióem quoque eius dicémus coram te, rex.

Tu rex regum es, et Deus cæli regnum et fortitudinem et impérium et glóriam dedit tibi, et ómnia in quibus hábitant filii hóminum et béstiae agri, vólucres quoque cæli dedit in manu tua, et sub diciónē tua univérſa constituit; tu es ergo caput áureum.

Et post te consúrget regnum áliud minus te, argenteum; et regnum tértium áliud áereum, quod imperábit univérſæ terræ; et regnum quartum erit velut ferrum. Quómodo ferrum commínuit et domat ómnia, sic commínuet et cónteret ómnia hæc.

Porro, quia vidísti pedum et digitórum partem testæ fíguli et partem férream, regnum divisum erit; quod tamen de plantário ferri oriétur, secúndum quod vidísti ferrum mixtum testæ ex luto.

Et dígitos pedum ex parte férreos et ex parte fíctiles, ex parte regnum erit sólídum, et ex parte contrítum.

Quod autem vidísti ferrum mixtum testæ ex luto, commiscebúntur quidem humáno sémīne; sed non adhærébunt sibi, sicuti ferrum miscéri non potest testæ.

In diébus autem regnórum illórum suscitábit Deus cæli regnum, quod in ætérnum non dissipábitur, et regnum eius álteri pópulo non tradétur, commínuet autem et consúmet univérſa regna hæc, et ipsum stabit in ætérnum.

Secúndum quod vidísti, quod de monte abscíssus est lapis sine mánibus, et commínuit testam et ferrum et æs et argéntum et aurum, Deus magnus osténdit regi quæ ventúra sunt póstea; et verum est sómnum et fídelis interpretátio eius ».

Verbum Dómini.

Psalmus responsorius

Dan 3, 57. 58. 59. 60. 61

- 57 Benedícite, ómnia ópera Dómini, Dómino.
 R. Laudáte et superexaltáte eum in sǎcula.
- 58 Benedícite, Angeli Dómini, Dómino.
 R. Laudáte et superexaltáte eum in sǎcula.
- 59 Benedícite, cæli, Dómino.
 R. Laudáte et superexaltáte eum in sǎcula.
- 60 Benedícite, aquæ omnes quæ super cælos sunt, Dómino.
 R. Laudáte et superexaltáte eum in sǎcula.
- 61 Benedícite, omnes virtútes Dómini, Dómino.
 R. Laudáte et superexaltáte eum in sǎcula.

Anno secundo

Lectio prior

Venit hora ut metatur, quoniam aruit messis terræ.

Léctio libri Apocalýpsis beáti Ioánnis apóstoli 14, 14-19

Ego, Ioánnes, vidi: et ecce nubem cándidam, et supra nubem Sedéntem quasi Fílium hóminis, habéntem super caput suum corónam áuream et in manu sua falcem acútam.

Et álius Angelus exívit de Templo, clamans voce magna ad Sedéntem super nubem: « Mitte falcem tuam et mete, quia venit hora ut metátur, quóniam áruit messis terræ ».

Et misit qui sedébat super nubem falcem suam in terram et messa est terra. Et álius Angelus exívit de Templo quod est in cælo, habens et ipse falcem acútam.

Et álius Angelus de Altári, habens potestátem supra ignem, et clamávit voce magna ad eum qui habébat falcem acútam dicens: « Mitte falcem tuam acútam et vindémia botros víneæ terræ, quóniam matúræ sunt uvæ eius ».

Et misit Angelus falcem suam in terram, et vindemiávit vineam terræ et misit in lacum iræ Dei magnum. Et calcátus est lacus extra civitátem, et exívit sanguis de lacu usque ad frenos equórum per stádia mille sescénta. — Verbum Dómini.

Psalmus responsorius Ps 95, 10. 11-12. 13 (R.: 13 b)

R. Venit Dóminus iudicáre terram.

Dícite in géntibus: « Dóminus regnávit ».

Etenim corréxit orbem terræ qui non commovébitur; iudicábit pópulos in æquitáte. R.

Læténtur cæli et exsúltet terra,
sonet mare et plenitúdo eius;
gaudébunt campi et ómnia quæ in eis sunt.
Tunc exsultábunt ómnia ligna silvárum R.

a fácie Dómini, quia venit,
quóniam venit iudicáre terram.
Iudicábit orbem terræ in iustítia,
et pópulos in veritáte sua. R.

Alleluia

Ap 2, 10 d-e

R. Allelúia. V. Esto fidélis usque ad mortem,
dicit Dóminus,
et dabo tibi corónam vitæ.
R. Allelúia.

Evangelium

Non relinquetur lapis super lapidem.

✠ Lécio sancti Evangélíi secúndum Lucam 21, 5-11

In illo témpore:

Quibúsdam dicéntibus de templo quod lapídibus bonis et donis ornátum esset, dixit Iesus: « Hæc quæ vi-

détis, vénient dies in quibus non relinquétur lapis super lápidem qui non destruátur ».

Interrogavérunt autem illum dicétes: « Præcéptor, quando ergo hæc erunt, et quod signum cum fieri incípient? »

Qui dixit: « Vidéte ne seducámini; multi enim vénient in nómine meo dicétes: “ Ego sum ”; et “ Tempus appropinquávit ”; nolíte ergo ire post illos.

Cum autem audiéritis próelia et seditiões, nolíte terréri; opórtet enim primum hæc fieri, sed non statim finis ».

Tunc dicébat illis: « Surget gens contra gentem et regnum advérsus regnum, et terræ motus magni et per loca fames et pestiléntiæ erunt, terrorésque et de cælo signa magna erunt ». — Verbum Dómini.

Super oblata

Súscipe, Dómine, sacra múnera,
quæ tuo nómini iussísti dicánda,
et, ut per ea tuæ pietáti reddámur accépti,
fac nos tuis semper obœdíre mandátis.
Per Christum.

Ant. ad communionem

Ps 116, 1-2

Laudáte Dóminum, omnes gentes,
quóniam confirmáta est super nos misericórdia eius.

Vel:

Mt 28, 20

Ecce ego vobíscum sum ómnibus diébus,
usque ad consummationem sæculi, dicit Dóminus.

Post communionem

Quæsumus, omnípotens Deus,
ut, quos divína tríbuis participatióne gaudére,
a te numquam separári permíttas.
Per Christum.

Feria quarta

Ant. ad introitum

Ps 84, 9

Loquétur Dóniinus pacem in plebem suam,
et super sanctos suos,
et in eos qui convertúntur ad ipsum.

Collecta

Excita, quásumus, Dómine, tuórum fidélium voluntátes,
ut, divíni óperis fructum propénsius exsequéntes,
pietátis tuæ remédia maióra percípiant.
Per Dóminum.

Anno primo

Lectio prior

Apparuerunt digiti, quasi manus hominis scribentis.

Lectio libri Daniélis prophétæ

5, 1-6. 13-14. 16-17. 23-28

In diébus illis:

Baltássar rex fecit grande convívium optimátibus suis mille, et unusquisque secúndum suam bibébat ætátem.

Præcépit ergo iam temuléntus, ut afferréntur vasa áurea et argétea, quæ asportáverat Nabuchodónosor pater eius de templo, quod fuit in Ierúsalem, ut bíberent in eis rex et optimátes eius, uxorésque eius et concubínæ.

Tunc alláta sunt vasa áurea et argétea, quæ asportáverat de templo, quod fúerat in Ierúsalem, et bibérunt in eis rex et optimátes eius, uxóres et concubínæ illius.

Bibébant vinum et laudábant deos suos áureos et argéteos, æreos, férreos ligneósque et lapídeos.

In eádem hora apparuerunt dígití, quasi manus hóminis scribéntis contra candelábrum in superfície pa-

riētis aulæ régiæ, et rex aspiciébat artículos manus scribētis.

Tunc fácies regis commutáta est, et cogitatiónes eius conturbábant eum, et compáges renum eius solvebántur, et gēnuā eius ad se ínvicem collidebántur.

Et introductus est Dániel coram rege, ad quem præfátus rex ait: « Tu es Dániel de fíliis captivitátis Iudæ, quem addúxit pater meus rex de Iudæa?

Audívi de te, quóniam spíritum deórum hábeas, et sciéntia intellegentiáque ac sapiéntia amplióres invéntæ sunt in te.

Porro ego audívi de te, quod possis obscura interpretári et ligáta dissolvere; si ergo vales scriptúram légere et interpretatiónem eius indicáre mihi, púrpura vestiérís et torquem áuream circa collum tuum habébis et tértius in regno meo princeps eris ».

Ad quæ respóndens Dániel ait coram rege: « Múnera tua sint tibi et dona domus tuæ álteri da; scripturam autem legam tibi, rex, et interpretatiónem eius osténdam tibi.

Advérsus Dominatórem cæli elevátus es, et vasa domus eius alláta sunt coram te, et tu et optimátes tui et uxóres tuæ et concubínæ tuæ vinum bibístis in eis;

deos quoque argénteos et áureos et áreos, férreos ligneósque et lapídeos, qui non vident neque áudiunt neque séntiunt, laudásti;

porro Deum, qui habet flatum tuum in manu sua et omnes vias tuas, non glorificásti;

idcirco ab eo missus est artículo manus, quæ scripsit hoc quod exarátum est.

Hæc est autem scriptúra quæ digésta est: Mane, Thecel, Phares, et hæc est interpretátio sermónis:

Mane, numerávit Deus regnum tuum et complévit illud;

Thecel, appénsus es in statéra et invéntus es minus habens;

Phares, divísus est regnum tuum et datum est Medis et Persis ». — Verbum Dómini.

Psalmus responsorius Dan 3, 62. 63. 64. 65. 66. 67

- ✠ Benedícite, sol et luna, Dómino.
✠. Laudáte et superexaltáte eum in sǎcula.
- ✠ Benedícite, stellæ cæli, Dómino.
✠. Laudáte et superexaltáte eum in sǎcula.
- ✠ Benedícite, omnis imber et ros, Dómino.
✠. Laudáte et superexaltáte eum in sǎcula.
- ✠ Benedícite, omnes spíritus Dei, Dómino.
✠. Laudáte et superexaltáte eum in sǎcula.
- ✠ Benedícite, ignis et æstus, Dómino.
✠. Laudáte et superexaltáte eum in sǎcula.
- ✠ Benedícite, frigus et æstus, Dómino.
✠. Laudáte et superexaltáte eum in sǎcula.

Anno secundo

Lectio prior

Cantant Canticum Moysis et Canticum Agni.

Léctio libri Apocalýpsis beáti Ioánnis apóstoli 15, 1-4

Ego, Ioánnes, vidi áliud signum in cælo magnum et mirábile: Angelos septem habéntes plagas septem novíssimas, quóniam in illis consummáta est ira Dei.

Et vidi tamquam mare vítreum mixtum igne, et eos qui vicérunt Béstiam et imáginem illíus et númerum nóminis eius stantes supra mare vítreum, habéntes cítharas Dei. Et cantant Cánticum Móysis servi Dei et Cánticum Agni dicéntes:

« Magna et mirabilia ópera tua, Dómine Deus Omnípotens: iustæ et veræ viæ tuæ, Rex géntium.

Quis non timébit, Dómine, et glorificábit Nomen tuum? Quia solus Sanctus, quóniam omnes gentes vénient et adorábunt in conspéctu tuo, quóniam iudícia tua manifestáta sunt ». — Verbum Dómini.

Psalmus responsorius

Ps 97, 1. 2-3 ab. 7-8. 9 (R.: Ap. 15, 3 b)

R. Magna et mirabilia sunt ópera tua,
Dómine Deus omnípotens.

1 Cantáte Dómino cánticum novum,
quia mirabilia fecit.
Salvavit sibi dextera eius,
et bráccium sanctum eius. R.

2 Notum fecit Dóminus salutáre suum,
in conspéctu géntium revelávit iustítiam suam.
3 Recordátus est misericórdiæ suæ
et veritátis suæ dómui Israel. R.

7 Sonet mare et plenitúdo eius,
orbis terrárum, et qui hábitant in eo.

8 Flúmina plaudent manu,
simul montes exsultábunt. R.

9 A conspéctu Dómini, quóniam venit iudicáre terram.
Iudicábit orbem terrárum in iustítia,
et pópulos in æquitáte. R.

Alleluia

Ap 2, 10 c

R. Allelúia. V. Esto fidélis usque ad mortem,
dicit Dóminus,
et dabo tibi corónam vitæ.
R. Allelúia.

Evangelium

*Eritis odio omnibus propter Nomen meum.
Et capillus de capite vestro non peribit.*

✠ Lécio sancti Evangélíi secúndum Lucam 21, 12-19

In illo témpore: Dixit Iesus discípulis suis:

« Inícient vobis manus suas et persequéntur tradéntes in synagógas et custódias, et trahémini ad reges et præsides propter Nomen meum; contínget autem vobis in testimónium.

Pónite ergo in córdibus vestris non præmeditári quemádmódum respondeátis, ego enim dabo vobis os et sapiéntiam, cui non póterunt resistere vel contradícere omnes adversáarii vestri.

Tradémini autem et a paréntibus et frátribus et cognátis et amícis, et morte affícient ex vobis, et éritis ódio ómnibus propter Nomen meum. Et capíllus de cápite vestro non períbit. In patiéntia vestra possidébitis ánimas vestras ». — Verbum Dómini.

Super oblata

Súscipe, Dómine, sacra múnera,
quæ tuo nómini iussísti dicánda,
et, ut per ea tuæ pietáti reddámur accépti,
fac nos tuis semper obœdíre mandátis.
Per Christum.

Ant. ad communionem

Ps 116, 1-2

Laudáte Dóminum, omnes gentes,
quóniam confirmáta est super nos misericórdia eius.

Vel:

Mt 28, 20

Ecce ego vobíscum sum ómnibus diébus,
usque ad consummationem sáeculi, dicit Dóminus.

Post communionem

Quæsumus, omnípotens Deus,
ut, quos divína tríbuis participatióne gaudére,
a te numquam separári permíttas.
Per Christum.

Feria quinta

Ant. ad introitum

Ps 84, 9

Loquétur Dóminus pacem in plebem suam,
et super sanctos suos,
et in eos qui convertúntur ad ipsum.

Collecta

Excita, quæsumus, Dómine,
tuórum fidélium voluntátes,
ut, divíni óperis fructum
propénsius exsequéntes,
pietátis tuæ remédia maióra percípiant.
Per Dóminum.

Anno primo

Lectio prior

*Deus misit angelum suum
et conclusit ora leonum.*

Léctio libri Danjélis prophétæ

6, 11-27

In diébus illis:

Viri, curiosius inquirentes, invenérunt Daniélem orántem et obsecrántem Deum suum.

Et accedéntes locúti sunt regi super edicto: « Rex, numquid non constituísti, ut omnis homo qui rogáret quemquam de diis et homínibus usque ad dies trigínta, nisi te, rex, mitterétur in lacum leónum? »

Ad quos respóndens rex ait: « Verus est sermo iuxta decretum Medórum atque Persárum, quod prævaricári non licet ».

Tunc respondéntes dixerunt coram rege: « Dániel de fíliis captivitátis Iuda non curávit de lege tua et de edicto quod constituísti, sed tribus tempóribus per diem orat obsecrátióne sua ».

Quod verbum cum audísset rex, satis contristátus est; et pro Daniéle pósuit cor ut liberáret eum, et usque ad occásum solis laborábat ut erúeret illum.

Viri autem illi intellegéntes regem dixerunt ei: « Scito, rex, quia lex Medórum atque Persárum est, ut omne decretum, quod constitúerit rex, non líceat immutári ».

Tunc rex præcépit, et adduxérunt Daniélem et misérunt eum in lacum leónum.

Dixitque rex Daniéli: « Deus tuus, quem colis semper, ipse liberábit te ». Allatúsque est lapis unus et pósitus est super os laci, quem obsignávit rex ánulo suo et ánulo optimátum suórum, ne quid fieret contra Daniélem.

Et ábiit rex in domum suam et dormívit incenátus, cibíque non sunt alláti coram eo, însuper et somnus recéssit ab eo.

Tunc rex primo dilúculo consúrgens, festínus ad lacum leónum perréxit; appropinquánsque láculi Daniélem voce lacrimábili inclamávit et affátus est eum: « Dániel, serve Dei vivéntis, Deus tuus, cui tu servis semper, putásne váluit te liberáre a leónibus? »

Et Dániel regi respóndens ait: « Rex, in ætérnum vive! Deus meus misit ángelum suum et conclúsit ora leónum; et non nocuérunt mihi, quia coram eo iustítia invénta est in me; sed et coram te, rex, delíctum non feci ».

Tunc veheménter rex gávisus est super eo, et Daniélem præcépit edúci de lacu; eductúsque est Dániel de lacu, et nulla lésio invénta est in eo, quia crédidit Deo suo.

Iubén-te autem rege, addúcti sunt viri illi qui accusáverant Daniélem, et in lacum leónum missi sunt ipsi et filii et uxóres eórum, et non pervenérunt usque ad paviméntum laci, donec arríperent eos leónes, et ómnia ossa eórum comminuérunt.

Tunc Daríus rex scripsit univér-sis pópulis, tribubus et linguis habitántibus in univér-sa terra:

« Pax vobis multiplicétur. A me constitútum est decretum, ut in univér-so império et regno meo tremís-cant et páveant Deum Daniélis; ipse est enim Deus vivens et ætér-nus in sácula, et regnum eius non dissipábitur, et potéstas eius usque in ætér-num.

Ipse liberátor atque salvátor, fáciens signa et mirabília in cælo et in terra, qui liberávit Daniélem de lacu leónum ». — Verbum Dómini.

Psalmus responsorius

Dan 3, 68. 69. 70. 71. 72. 73. 74

- ⁶⁸ Benedícite, rores et pruína, Dómino.
R. Laudáte et superexaltáte eum in sácula.
- ⁶⁹ Benedícite, gelu et frigus, Dómino.
R. Laudáte et superexaltáte eum in sácula.
- ⁷⁰ Benedícite, glácies et nives, Dómino.
R. Laudáte et superexaltáte eum in sácula.
- ⁷¹ Benedícite, noctes et dies, Dómino.
R. Laudáte et superexaltáte eum in sácula.
- ⁷² Benedícite, lux et ténebræ, Dómino.
R. Laudáte et superexaltáte eum in sácula.

73 Benedícite, fúlgura et nubes, Dómino.
 R. Laudáte et superexaltáte eum in sæcula.

74 Benedícat terra Dóminum.
 R. Laudáte et superexaltáte eum in sæcula.

Anno secundo

Lectio prior

Cecidit Babylon magna.

Léctio libri Apocalýpsis beáti Ioánnis apóstoli

18, 1-2. 21-23; 19, 1-3. 9 a

Ego, Ioánnes, vidi Angelum descendéntem de cælo, habéntem potestátem magnam, et terra illumináta est a glória eius.

Et clamávit in forti voce dicens: « Cécidit, cécidit Bábylon magna et facta est habitátio dæmoniórum et custódia omnis spíritus immúndi et custódia omnis béstiæ immúndæ et odíbilis ».

Et sústulit unus Angelus fortis lápidem quasi molárem magnum et misit in mare dicens: « Impetu sic mittétur Bábylon magna illa cívitas et ultra iam non inveniétur.

Et vox citharædórum et musicórum et tibia canéntium et tuba non audiétur in te ámplius, et omnis ártifex omnis artis non inveniétur in te ámplius, et vox molæ non audiétur in te ámplius,

et lux lucérnæ non lucébit tibi ámplius, et vox sponsi et sponsæ non audiétur in te ámplius: quia mercatóres tui erant magnátes terræ, quia in venefíciis tuis erravérunt omnes gentes ».

Post hæc audívi quasi vocem magnam turbæ multæ in cælo dicéntium:

« Allelúia. Salus et glória et virtus Deo nostro, quia vera et iusta iudícia eius; quia iudicávit de meretríce magna quæ corrúpit terram in prostitutíone sua, et vindicávit sánguinem servórum suórum de mánibus eius ».

Et íterum dixerunt: « Allelúia. Et fumus eius ascéndit in sácula sæculórum ».

Et dicit mihi: « Scribe: " Beáti qui ad cenam nuptiárum Agni vocáti sunt " ».

Verbum Dómini.

Psalmus responsorius

Ps 99, 2. 3. 4. 5 (R.: Ap 19, 9 a)

R. Beáti qui ad cenam nuptiárum Agni vocáti sunt.

2 Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne. R.

3 Scitóte quóniam Dóminus ipse est Deus;
ipse fecit nos, et ipsíus sumus,
pópulus eius et oves páscluæ eius. R.

4 Introíte portas eius in confessióne,
átria eius in hymnis,
confitémini illi, benedicite nómini eius. R.

5 Quóniam suávis est Dóminus;
in ætérnum misericórdia eius,
et usque in generatióem et generatióem
véritas eius. R.

Alleluia

Lc 21, 28

R. Allelúia. V. Respícite et leváte cápita vestra,
quóniam appropínquat redéptio vestra.
R. Allelúia.

Evangelium

*Ierusalem calcabitur a gentibus,
donec impleantur tempora nationum.*

✠ Lécio sancti Evangélíi secúndum Lucam 21, 20-28

In illo témpore: Dixit Iesus discípulis suis:

« Cum vidéritis circúmdari ab exércitu Ierúsalem, tunc scitóte quia appropinquávit desolátio eius. Tunc qui in Iudæa sunt, fúgiant in montes, et qui in médio eius, discédant, et qui in regiónibus, non intrent in eam, quia dies ulciónis hi sunt ut impleántur ómnia quæ scripta sunt.

Væ autem prægnántibus et nutriéntibus in illis diébus. Erit enim pressúra magna super terram et ira pópulo huic, et cadent in ore gládii et captívi ducéntur in omnes gentes, et Ierúsalem calcábitur a géntibus, donec impleántur témpora natiónum.

Et erunt signa in sole et luna et stellis, et super terram pressúra géntium præ confusióne sónitus maris et flúctuum, arescéntibus homínibus præ timóre et expectatióne eórum quæ supervénient orbi, nam virtútes cælórum movebúntur.

Et tunc vidébunt Fílium hóminis veniéntem in nube cum potestáte et glória magna. His autem fíeri incipiéntibus, respícite et leváte cápita vestra, quóniam appropinquat redémptio vestra ». — Verbum Dómini.

Super oblata

Súscipe, Dómine, sacra múnera,
quæ tuo nómini iussísti dicánda,
et, ut per ea tuæ pietáti reddámur accépti,
fac nos tuis semper obœdíre mandátis.
Per Christum.

Ant. ad communionem **Ps 116, 1-2**

Laudáte Dóminum, omnes gentes,
quóniam confirmáta est super nos misericórdia eius.

Vel: **Mt 28, 20**

Ecce ego vobíscum sum ómnibus diébus,
usque ad consummationem sǎculi, dicit Dóminus.

Post communionem

Quæsumus, omnípotens Deus,
ut, quos divína tríbuis participatióne gaudére,
a te numquam separári permíttas.
Per Christum.

Feria sexta

Ant. ad introitum **Ps 84, 9**

Loquétur Dóminus pacem in plebem suam,
et super sanctos suos,
et in eos qui convertúntur ad ipsum.

Collecta

Excita, quæsumus, Dómine, tuórum fidélium voluntátes,
ut, divíni óperis fructum propénsius exsequéntes,
pietátis tuæ remédia maióra percípiant.
Per Dóminum.

Anno primo

Lectio prior

Ecce cum nubibus cæli quasi filius hominis veniebat.

Léctio libri Daniélis prophétæ **7, 2-14**

Vidébam in visióne mea nocte, et ecce quáttuor
venti cæli pugnábant in mari magno, et quáttuor béstiæ
grandes ascendébant de mari diversæ inter se.

Prima quasi leæna et alas habébat áquilæ; aspiciébam donec evúlſæ sunt alæ eius; et subláta est de terra, et super pedes quasi homo stetit, et cor hóminis datum est ei.

Et ecce béstia ália símilis urso in parte stetit, et tres órdenes erant in ore eius et in déntibus eius, et sic dicébant ei: « Surge, cómede carnes plúrimas ».

Post hæc aspiciébam, et ecce ália quasi pardus et alas habébat quasi avis quáttuor super se, et quáttuor cápita erant in béstia, et potéstas data est ei.

Post hæc aspiciébam in visióne noctis, et ecce béstia quarta terríbilis atque mirábilis et fortis nimis, dentes férreos habébat magnos, cómedens atque commínuens, et réliqua pédibus suis concúlans; dissímilis autem erat céteris béstiis, quas víderam ante eam, et habébat córnua decem.

Considerábam córnua, et ecce cornu áliud párvulum ortum est de médio eórum, et tria de córnibus primis evúlſa sunt a fácie eius; et ecce óculi quasi óculi hóminis erant in cornu isto, et os loquens ingéntia.

Aspiciébam donec throni pósito sunt, et antíquus diérum sedit. Vestiméntum eius cándidum quasi nix, et capílli cápitis eius quasi lana munda, thronus eius flam-mæ ignis, rotæ eius ignis accénsus.

Flúvius ígneus rapidúsque egrediebátur a fácie eius, mília mílium ministrábant ei, et décies mílies centéna mília assistébant ei. Iudícium sedit, et libri apérti sunt.

Aspiciébam propter vocem sermónum grándium, quos cornu illud loquebátur, et vidi quóniam interfécta esset béstia, et perísset corpus eius et tráditum esset ad comburéndum igni; aliárum quoque bestiárum abláta esset potéstas, et témpora vitæ constitúta essent eis usque ad tempus et tempus.

Aspiciébam ergo in visióne noctis, et ecce cum núbi-

bus cæli quasi filius hóminis veniébat, et usque ad antiquum diérum pervénit.

Et in conspéctu eius obtulérunt eum, et dedit ei potestátem et honórem et regnum, et omnes pópuli, tribus et linguæ ipsi sérvient; potéstas eius, potéstas æténa, quæ non auferétur, et regnum eius, quod non corrumpétur. — Verbum Dómini.

Psalmus responsorius

Dan 3, 75. 76. 77. 78. 79. 80. 81

- 75 Benedícite, montes et colles, Dómino.
R. Laudáte et superexaltáte eum in sácula.
- 76 Benedícite, univérsa germinántia in terra, Dómino.
R. Laudáte et superexaltáte eum in sácula.
- 77 Benedícite, fontes, Dómino.
R. Laudáte et superexaltáte eum in sácula.
- 78 Benedícite, mária et flúmina, Dómino.
R. Laudáte et superexaltáte eum in sácula.
- 79 Benedícite, cete et ómnia quæ movéntur in aquis, Dómino.
R. Laudáte et superexaltáte eum in sácula.
- 80 Benedícite, omnes vólucres cæli, Dómino.
R. Laudáte et superexaltáte eum in sácula.
- 81 Benedícite, omnes béstia et pécora, Dómino.
R. Laudáte et superexaltáte eum in sácula.

Anno secundo

Lectio prior

*Iudicati sunt mortui secundum opera eorum.
Vidi Ierusalem novam descendentem de cælo.*

Léctio libri Apocalýpsis beáti Ioánnis apóstoli

20, 1-4. 11 — 21, 2

Ego, Ioánnes, vidi Angelum descendéntem de cælo habéntem clavem Abýssi et caténam magnam in manu sua.

Et apprehéndit Dracónem, Serpéntem antíquum, qui est Diábolus et Sátanas, et ligávit eum per annos mille, et misit eum in Abýssum et clausit et signávit super illum ut non sedúcat ámplius gentes donec consummén-tur mille anni: post hæc opórtet illum solvi módico témpore.

Et vidi thronos, et sedérunt super eos et iudícium datum est illis, et ánimas decollatórum propter testimó-nium Iesu et propter verbum Dei, et qui non adoravérunt Béstiam neque imáginem eius nec accepérunt cha-ractérem eius in fróntibus et in mánibus suis: et víxérunt et regnavérunt cum Christo mille annis.

Et vidi thronum magnum cándidum et Sedéntem super eum, a cuius aspéctu fugit terra et cælum, et lo-cus non est invéntus eis.

Et vidi mórtuos, magnos et pusillos, stantes in conspéctu throni, et libri apérti sunt: et álius liber apértus est, qui est vitæ: et iudicáti sunt mórtui ex his quæ scripta erant in libris secúndum ópera ipsórum.

Et dedit Mare mórtuos qui in eo erant, et Mors et Inférnus dedérunt mórtuos qui in ipsis erant, et iudi-cáti sunt sínguli secúndum ópera ipsórum.

Et Mors et Inférnus proiēcti sunt in stagnum ignis. Hæc Mors secūnda est, stagnum ignis. Et si quis non est invēntus in libro vitæ scriptus, missus est in stagnum ignis.

Et vidi Cælum novum et Terram novam: primum enim cælum et prima terra abiérunt, et mare iam non est.

Et Civitatem sanctam Ierúsalem novam vidi descendētem de cælo a Deo, paratam sicut sponsam ornátam viro suo.

Verbum Dómini.

Psalmus responsorius

Ps 83, 3. 4. 5-6 a et 8 a (R.: Ap 21, 38)

R. Ecce tabernáculum Dei cum homínibus.

3 Concupiscit et déficit ánima mea
in átria Dómini.

Cor meum et caro mea
exsultavérunt in Deum vivum. R.

4 Etenim passer invénit sibi domum,
et turtur nidum sibi,
ubi ponat pullos suos:
altária tua, Dómine virtútum,
rex meus et Deus meus. R.

5 Beáti qui hábitant in domo tua,
in perpétuum laudábunt te.

6 Beátus vir cuius est auxílium abs te;
8 ibunt de virtúte in virtútem. R.

Alleluia

Lc 21, 28

R. Allelúia. V. Respícite et leváte cápita vestra,
quóniam appropinquávit redemptio vestra.
R. Allelúia.

Evangelium

*Cum videritis hæc fieri,
scitote quoniam prope est Regnum Dei.*

✠ Lécio sancti Evangélii secúndum Lucam 21, 29-33

In illo témpore: Dixit Iesus discipulis suis similitúdinem:

« Vidéte ficúlneam et omnes árbores: cum iam germináverint vidéntes vosmetípsi scitis quia iam prope est æstas. Ita et vos, cum vidéritis hæc fieri, scitóte quóniam prope est Regnum Dei.

Amen dico vobis: Non præteríbit generátio hæc donec ómnia fiant.

Cælum et terra transíbunt, verba autem mea non transíbunt ». — Verbum Dómini.

Super oblata

Súscipe, Dómine, sacra múnera,
quæ tuo nómini iussísti dicánda,
et, ut per ea tuæ pietáti reddámur accépti,
fac nos tuis semper obcédire mandátis.
Per Christum.

Ant. ad communionem

Ps 116, 1-2

Laudáte Dóminum, omnes gentes,
quóniam confirmáta est super nos misericórdia eius.

Vel:

Mt 28, 20

Ecce ego vobíscum sum ómnibus diébus,
usque ad consummatiónem sæculi, dicit Dóminus.

Post communionem

Quæsumus, omnípotens Deus,
ut, quos divína tribuis participatióne gaudére,
a te numquam separári permíttas.
Per Christum.

Sabbato

Ant. ad introitum

Ps 84, 9

Loquétur Dóminus pacem in plebem suam,
et super sanctos suos,
et in eos qui convertúntur ad ipsum.

Collecta

Excita, quæsumus, Dómine,
tuórum fidélium voluntátes,
ut, divíni óperis fructum
propénsius exsequéntes,
pietátis tuæ remédia maióra percípiant.
Per Dóminum.

Anno primo

Lectio prior

*Regnum et potestas
dabitur populo sanctorum Altissimi.*

Lectio libri Daniélis prophétæ

7, 15-27

Hórruit spíritus meus: ego, Dániel, térritus sum in his, et visiões cápitis mei conturbavérunt me. Accéssi ad unum de assisténtibus, et veritátem quærébam ab eo de ómnibus his.

Qui dixit mihi interpretatióem sermónum et dócuit me: « Hæ quáttuor béstiæ magnæ, quáttuor sunt regna quæ consúrgent de terra. Suscipient autem regnum sancti Dei Altissimi, et obtinébunt regnum usque in sæculum et sæculum sæculórum ».

Post hoc vólui diligénter dís cere de béstia quarta, quæ erat dissímilis valde ab ómnibus et terríbilis nimis: dentes et ungues eius férrei, comedébat et comminué-

bat, et réliqua pédibus suis conculcábat, et de córnibus decem, quæ habébat in cápite, et de álio, quod ortum fúerat, ante quod ceciderant tria córnua, et de cornu illo, quod habébat óculos et os loquens grándia et maius erat céteris.

Aspiciébam, et ecce cornu illud faciébat bellum advérsus sanctos et prævalébat eis, donec venit antíquus díerum et iudícium dedit sanctis Excélsi, et tempus advénit, et regnum obtinuérunt sancti.

Et sic ait: « Béstia quarta, regnum quartum erit in terra, quod maius erit ómnibus regnis et devorábit univérsam terram, et conculcábit et commínuet eam.

Porro córnua decem ipsíus regni decem reges erunt, et álius consúrget post eos, et ipse poténtior erit prióribus, et tres reges humiliábit, et sermónes contra Excélsum loquétur, et sanctos Altíssimi cónteret, et putábit quod possit mutáre témpora et leges, et tradéntur in manu eius usque ad tempus et témpora et dimídium témporis.

Et iudícium sedébit, ut auferátur poténtia, et conterátur et dispéreat usque in finem; regnum autem et potéstas et magnitúdo regni, quæ est subter omne cælum, detur pópulo sanctórum Altíssimi: cuius regnum, regnum sempitérnum est, et omnes reges sérvient ei et obédient ». — Verbum Dómini.

Psalmus responsorius Dan 3, 82. 83. 84. 85. 86. 87

Benedícite, filii hóminum, Dómino.

℟. Laudáte et superexaltáte eum in sácula.

Benedícat Israel Dóminum.

℟. Laudáte et superexaltáte eum in sácula.

Benedícite, sacerdótes Dómini, Dómino.

℟. Laudáte et superexaltáte eum in sácula.

- 85 Benedícite, servi Dómini, Dómino.
R. Laudáte et superexaltáte eum in sǎcula.
- 86 Benedícite, spíritus et ánimæ iustórum, Dómino.
R. Laudáte et superexaltáte eum in sǎcula.
- 87 Benedícite, sancti et húmiles corde, Dómino.
R. Laudáte et superexaltáte eum in sǎcula.

Anno secundo

Lectio prior

*Nox ultra non erit,
quoniam Dominus illuminabit super illos*

Léctio libri Apocalýpsis beáti Ioánnis apóstoli 22, 1-7

Osténdit mihi, Ioánni, Angelus Dómini flúvium Aquæ Vitæ spléndidum tamquam crystállum, procedén-tem de throno Dei et Agni.

In médio platéæ eius et flúminis ex utrâque parte lignum vitæ áfferens fructus duódecim, per menses singulos reddens fructum suum, et fólia ligni ad sanitátem géntium.

Et omne maledíctum non erit ámplius. Et thronus Dei et Agni in illa erit, et servi eius sérvient illi, et vidébunt fáciem eius, et Nomen eius in fróntibus eórum.

Et nox ultra non erit, et non egent lúmine lucérnæ neque lúmine solis, quóniam Dóminus Deus illuminábit super illos et regnábunt in sǎcula sæculórum.

Et dixit mihi: « Hæc verba fidelíssima et vera sunt, et Dóminus, Deus spírituum Prophetárum, misit Angelum suum osténdere servis suis quæ opórtet fieri cito. Et ecce vénio velóciter. Beátus qui servat verba prophetiæ libri huius ». — Verbum Dómini.

Psalmus responsorius

Ps 94, 1-2. 3-5. 6-7 (R.: 1 Cor 16, 22 b et Ap 22, 20 b)

R. Marána tha! Veni, Dómine Iesu!

1 Veníte, exsultémus Dómino;
iubilémus Deo salutári nostro.2 Præoccupémus fáciem eius in confessióne,
et in psalmis iubilémus ei. R.3 Quóniam Deus magnus Dóminus,
et rex magnus super omnes deos.4 Quia in manu eius sunt profúnda terræ,
et altitúdines móntium ipsíus sunt.5 Quóniam ipsíus est mare, et ipse fecit illud,
et siccam manus eius formavérunt. R.6 Veníte, adorémus et procidámus,
et génua flectámus ante Dóminum qui fecit nos,
7 quia ipse est Deus noster,
et nos pópulus páscuæ eius et oves manus eius R.

Alleluia

Lc 21, 36

R. Allelúia. V. Vigiláte, omni témpore orántes,
ut digni habeámini stare ante Fílium hóminis.
R. Allelúia.

Evangelium

*Vigilate ut possitis fugere ista omnia
quæ futura sunt.*

✠ Lécio sancti Evangélíi secúndum Lucam 21, 34-36

In illo témpore: Dixit Iesus discípulis suis:

« Atténdite vobis ne forte gravéntur corda vestra
in crápula et ebrietáte et curis huius vitæ, et supervé-
niat in vos repentiná dies illa; tamquam láqueus enim

supervéniet in omnes qui sedent super fáciem omnis terræ.

Vigiláte itaque omni témpore orántes, ut possítis fúgere ista ómnia quæ futúra sunt, et stare ante Fílium hóminis ». — Verbum Dómini.

Super oblata

Súscipe, Dómine, sacra múnera,
quæ tuo nómini iussísti dicánda,
et, ut per ea tuæ pietáti reddámur accépti,
fac nos tuis semper obœdíre mandátis.
Per Christum.

Ant. ad communionem

Ps 116, 1-2

Laudáte Dóminum, omnes gentes,
quóniam confirmáta est super nos misericórdia eius.

Vel:

Mt 28, 20

Ecce ego vobíscum sum ómnibus diébus,
usque ad consummationem sáculi, dicit Dóminus.

Post communionem

Quáesumus, omnípotens Deus,
ut, quos divína tríbuis participatióne gaudére,
a te numquam separári permíttas.
Per Christum.

ALLELUIA CUM VERSU ANTE EVANGELIUM

quæ adhiberi possunt loco textuum
qui singulis Missis proponuntur

Dominicis et feriis per annum

1. 1 Sam 3, 9; Io 6, 69 b
R. Allelúia. V. Lóquere, Dómine, quia audit servus tuus;
verba vitæ æternæ habes. R. Allelúia.
2. Ps 18, 9
R. Allelúia. V. Verba tua, Dómine, lætificántes corda,
sermo tuus illúminans óculos. R. Allelúia.
3. Ps 24, 4 c. 5
R. Allelúia. V. Sémitas tuas, Deus meus, édoce me,
dírige me in veritáte tua. R. Allelúia.
4. Ps 26, 11
R. Allelúia. V. Legem pone mihi, Dómine, in via tua,
et dírige me in sémitam rectam. R. Allelúia.
5. Ps 94, 8 ab
R. Allelúia. V. Hódie nolíte obduráre corda vestra,
sed vocem Dómini audíte. R. Allelúia.
6. Ps 110, 8 ab
R. Allelúia. V. Fidélia ómnia mandáta tua, Dómine,
confirmáta in sáculum sáculi. R. Allelúia.
7. Ps 118, 18
R. Allelúia. V. Revéla óculos meos, Dómine,
et considerábo mirabília de lege tua.
R. Allelúia.
8. Ps 118, 27
R. Allelúia. V. Viam iustificatiónum tuárum ínstrue me,
et exercébor in mirabílibus tuis.
R. Allelúia.

9. Ps 118, 34
R. Allelúia. **V.** Da mihi intelléctum et scrutábor legem tuam, Dómine, et custódiám illam in toto corde meo. **R.** Allelúia.
10. Ps 118, 36 a. 29 b
R. Allelúia. **V.** Inclína cor meum, Deus, in testimónia tua; et legem tuam da mihi benígne. **R.** Allelúia.
11. Ps 118, 88
R. Allelúia. **V.** Secúndum misericórdiam tuam vivífica me, et custódiám testimónia oris tui. **R.** Allelúia.
12. Ps 118, 105
R. Allelúia. **V.** Lucérna pédibus meis verbum tuum, et lumen sémitis meis. **R.** Allelúia.
13. Ps 118, 135
R. Allelúia. **V.** Fáciem tuam illúmina super servum tuum, et doce me iustificatiónes tuas. **R.** Allelúia.
14. Ps 129, 5
R. Allelúia. **V.** Spero in Dóminum, spero in verbum eius. **R.** Allelúia.
15. Ps 144, 13 cd
R. Allelúia. **V.** Fidélis Dóminus in verbis suis, et sanctus in ómnibus opéribus suis. **R.** Allelúia.
16. Ps 147, 12 a. 15 a
R. Allelúia. **V.** Lauda, Ierúsalem, Dóminum, qui emíttit elóquium suum in terra. **R.** Allelúia.
17. Mt 4, 4 b
R. Allelúia. **V.** Non in solo pane vivit homo, sed in omni verbo quod procédit de ore Dei. **R.** Allelúia.

18. Cf. Mt 11, 25

℞. Allelúia. ⁊. Benedíctus es, Pater, Dómine cæli et terræ,
quia mystéria Regni párvulis revelásti.
℞. Allelúia.

19. Cf. Lc 8, 15

℞. Allelúia. ⁊. Beáti qui in corde bono et óptimo verbum Dei rétinent,
et fructum áfferunt in patiéntia. ℞. Allelúia.

20. Io 6, 64 b. 69 b

℞. Allelúia. ⁊. Verba tua, Dómine, spíritus et vita;
verba vitæ ætérnæ habes. ℞. Allelúia.

21. Io 8, 12

℞. Allelúia. ⁊. Ego sum lux mundi, dicit Dóminus;
qui séquitur me habébit lumen vitæ.
℞. Allelúia.

22. Io 10, 27

℞. Allelúia. ⁊. Oves meæ vocem meam áudiunt, dicit Dóminus;
et ego cognósco eas, et sequúntur me.
℞. Allelúia.

23. Io 14, 6

℞. Allelúia. ⁊. Ego sum via, véritas et vita, dicit Dóminus;
nemo venit ad Patrem, nisi per me.
℞. Allelúia.

24. Io 14, 23

℞. Allelúia. ⁊. Si quis díligit me, sermónem meum servábit, dicit Dóminus;
et Pater meus díliget eum et ad eum veniémus. ℞. Allelúia.

25.

Io 15, 15 b

℞. Allelúia. V. Vos dixi amícos, dicit Dóminus,
quia ómnia quaecúmque audívi a Patre meo,
nota feci vobis. ℞. Allelúia.

26.

Io 17, 17 b. a

℞. Allelúia. V. Sermo tuus, Dómine, véritas est;
sanctífica nos in veritáte. ℞. Allelúia.

27.

Cf. Act 16, 14 b

℞. Allelúia. V. Aperi, Dómine, cor nostrum,
ut intendámus verbis Filii tui. ℞. Allelúia.

28.

2 Cor 5, 19

℞. Allelúia. V. Deus erat in Christo mundum reconcílians
sibi,
et pósuit in nobis verbum reconciliatiónis.
℞. Allelúia.

29.

Cf. Eph 1, 17-18

℞. Allelúia. V. Pater Dómini nostri Iesu Christi
illúminet óculos cordis nostri,
ut sciámus quæ sit spes vocatiónis nostræ.
℞. Allelúia.

30.

Phil 2, 15-16

℞. Allelúia. V. Lucétis sicut luminária in mundo,
verbum vitæ continéntes. ℞. Allelúia.

31.

Col 3, 16 a. 17 c

℞. Allelúia. V. Verbum Christi hábitet in vobis
abundánter;
grátias ágite Deo et Patri per Christum.
℞. Allelúia.

32.

1 Th 2, 13

℞. Allelúia. V. Accípite verbum Dei, non ut verbum hó-
minum,
sed, sicut est vere, verbum Dei. ℞. Allelúia.

33. 2 Th 2, 14

℞. Allelúia. ∿. Deus vocávit nos per Evangélium,
in acquisitionem glóriæ Dómini nostri Iesu
Christi. ℞. Allelúia.

34. 2 Tim 1, 10 b

℞. Allelúia. ∿. Salvátor noster Iesus Christus destrúxit
mortem,
et illuminávit vitam per Evangélium.
℞. Allelúia.

35. Hebr 4, 12

℞. Allelúia. ∿. Vivus est sermo Dei et éfficax,
et discrétor cogitationum et intentionum
cordis. ℞. Allelúia.

36. Iac 1, 18

℞. Allelúia. ∿. Voluntárie genuit nos Pater verbo
veritátis,
ut simus inítium áliquod creatúræ eius.
℞. Allelúia.

37. Iac 1, 21

℞. Allelúia. ∿. In mansuetúdine suscípите ínsitum
verbum,
quod potest salváre ánimas vestras.
℞. Allelúia.

38. 1 Petr 1, 25

℞. Allelúia. ∿. Verbum Dómini manet in ætérnum;
hoc est autem verbum quod evangelizátum
est in vos. ℞. Allelúia.

39. 1 Io 2, 5

℞. Allelúia. ∿. Qui servat verbum Christi,
vere in hoc caritas Dei perfécta est.
℞. Allelúia.

TEXTUS COMMUNES

pro cantu psalmi responsorii

« Psalmus de more sumitur e Lectionario, eo quod singuli textus directo conectuntur cum singulis lectionibus: electio igitur psalmi e lectionibus pendet.

Attamen, ut populus responsum psalmodicum facilius proferre valeat, textus aliqui responsorum et psalmorum pro diversis temporibus anni aut pro diversis ordinibus Sanctorum selecti sunt, qui adhiberi valent, loco textus lectioni respondentis, quoties psalmus cantu profertur » (Institutio generalis Missalis Romani, n. 36).

Responsa

Per annum

a) cum psalmo laudativo:

Confitémini Dómino, quóniam bonus.

vel

Confitébimur tibi, Dómine,
quia mirabilia sunt ópera tua.

vel

Cantáte Dómino cánticum novum.

b) cum psalmo deprecativo:

Prope est Dóminus invocántibus eum.

vel

Exáudi nos, Dómine, et salva nos.

vel

Miserátor et miséricors Dóminus.

Psalmi

Tempus per annum

Ps 18, 8. 9. 10. 15 (R.: Io 6, 64 b)

R. Verba tua, Dómine, spíritus et vita sunt.

8 Lex Dómini immaculáta, refíciens ánimam,
testimónium Dómini fidéle,
sapiéntiam præstans párvulis. R.

9 Iustítiæ Dómini rectæ, lætificántes corda,
præcéptum Dómini lúcidum, illúminans óculos. R.

10 Timor Dómini mundus, pérmanens in sæculum sæculi,
iudícia Dómini vera, iusta ómnia simul. R.

15 Sint, ut compláceant elóquia oris mei,
et meditatio cordis mei in conspéctu tuo,
Dómine, adiútor meus et redemptor meus. R.

vel

Ps 26, 1. 4. 13-14 (R.: 1 a)

R. Dóminus illuminátio mea et salus mea.

1 Dóminus illuminátio mea et salus mea, quem timébo?
Dóminus protéctor vitæ meæ, a quo trepidábo? R.

4 Unum pétii a Dómino, hoc requíram:
ut inhábitem in domo Dómini
ómnibus diébus vitæ meæ,
ut vídeam voluptátem Dómini,
et vísitem templum eius. R.

13 Credo vidére bona Dómini in terra vivéntium.

14 Exspécta Dóminum, viríliter age,
et confortétur cor tuum et sústine Dóminum. R.

vel

Ps 33, 2-3. 4-5. 6-7. 8-9 (R.: 9 a)

R. Gustáte et vidéte quóniam suávis est Dóminus.

2 Benedícam Dóminum in omni témpore,
semper laus eius in ore meo.

- 3 In Dómino gloriábitur ánima mea,
áudiant mansuétí et læténtur. **R.**
- 4 Magnificáte Dóminum mecum,
et exaltémus nomen eius in idípsum.
- 5 Exquisívi Dóminum, et exaudívit me,
et ex ómnibus terróribus meis erípuit me. **R.**
- 6 Respícite ad eum, et illuminámini,
et fácies vestræ non confundéntur.
- 7 Iste pauper clamávit, et Dóminus exaudívit eum,
et de ómnibus tribulatió nibus eius salvávit eum. **R.**
- 8 Vallábit Angelus Dómini in circúitu timéntes eum,
et erípiet eos.
- 9 Gustáte et vidéte quóniam suávis est Dóminus;
beátus vir qui sperat in eo. **R.**

vel

Ps 62, 2. 3-4. 5-6. 8-9 (R.: 2 b)

- R.** Sitívit in te ánima mea, Dómine, Deus meus.
- 2 Deus, Deus meus es tu, ad te de luce vígilo.
Sitívit in te ánima mea,
te desiderávit caro mea.
In terra desérta et árida et inaquósa. **R.**
- 3 Sic in sancto appáruí tibi,
ut vidérem virtútem tuam et glóriam tuam.
- 4 Quóniam mélior est misericórdia tua super vitas,
lábía mea laudábunt te. **R.**
- 5 Sic benedícám te in vita mea,
et in nómine tuo levábo manus meas.
- 6 Sicut ádipe et pinguédine repleátur ánima mea,
et lábiis exsultatió nis laudábit os meum. **R.**

Quia fuísti adiutor meus,
et in velaménto alárum tuárum exsultábo.
Adhæsit ánima mea post te,
me suscepit délixtera tua. **R.**

vel

Ps 94, 1-2. 6-7. 8-9 (R.: 8)

R. Utinam hódie vocem Dómini audiátis:
« Nolíte obduráre corda vestra ».

Veníte, exsultémus Dómino;
iubilémus Deo salutári nostro.
Præoccupémus fáciem eius in confessióne,
et in psalmis iubilémus ei. **R.**

Veníte, adorémus et procidámus,
et génua flectámus ante Dóminum qui fecit nos,
quía ipse est Deus noster,
et nos pópulus páscuæ eius et oves manus eius. **R.**

Utinam hódie vocem eius audiátis:
« Nolíte obduráre corda vestra,
sicut in Meríba secúndum diem Massa in déserto,
ubi tentavérunt me patres vestri:
probavérunt me, etsi vidérunt ópera mea ». **R.**

vel

Ps 99, 2. 3. 5 (R.: 3 c)

R. Nos pópulus eius et oves páscuæ eius.

Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne. **R.**

Scitóte quóniam Dóminus ipse est Deus;
ipse fecit nos, et ipsíus sumus,
pópulus eius et oves páscuæ eius. **R.**

- 5** Quóniam suávis est Dóminus;
in ætérnum misericórdia eius,
et usque in generatióem et generatióem véritas eius. **R.**

vel

Ps 102, 1-2. 3-4. 8 et 10. 12-13 (R.: 8 a)

R. Miserátor et miséricors Dóminus.

- 1** Bénedic, ánima mea, Dómino;
et ómnia quæ intra me sunt, nómini sancto eius.
2 Bénedic, ánima mea, Dómino,
et noli oblivísci omnes retributióes eius. **R.**
3 Qui propitiátur ómnibus iniquitatibus tuis,
qui sanat omnes infirmitátes tuas;
4 qui rédimít de intéritu vitam tuam,
qui coronat te in misericórdia et miseratióibus. **R.**
8 Miserátor et miséricors Dóminus,
longánimis et multæ misericórdiæ.
10 Non secúndum peccáta nostra fecit nobis,
neque secúndum iniquitátes nostras retríbuit nobis. **R.**
12 Quantum distat ortus ab occidénte,
longe fecit a nobis iniquitátes nostras.
13 Quómodo miserétur pater filiórum,
misértus est Dóminus timéntibus se. **R.**

vel

Ps 144, 1-2. 8-9. 10-11. 13 cd-14 (R.: cf. 1)

R. Benedícam nómini tuo in sáculum, Deus meus rex.

vel Allelúia.

- 1** Exaltábo te, Deus meus rex,
et benedícam nómini tuo
in sáculum et in sáculum sáculi.

Per singulos dies benedicam tibi,
et laudabo nomen tuum
in sæculum et in sæculum sæculi. **R.**

Miserátor et miséricors Dóminus,
longánimis et multæ misericórdiæ.
Suávis Dóminus univérsis,
et miseratiónes eius super ómnia ópera eius. **R.**

Confiteántur tibi, Dómine, ómnia ópera tua;
et sancti tui benedicant tibi.
Glóriam regni tui dicant,
et poténtiam tuam loquántur. **R.**


Fidélis Dóminus in ómnibus verbis suis,
et sanctus in ómnibus opéribus suis.
Allevat Dóminus omnes qui córruunt,
et érigit omnes depréssos. **R.**



ORDO MISSÆ CUM POPULO



ORDO MISSÆ CUM POPULO



ORDO MISSÆ CUM POPULO

Ritus initiales

1. Populo congregato, sacerdos cum ministris ad altare accedit, dum cantus ad introitum peragitur.

2. Cum ad altare pervenerit, facta cum ministris debita reverentia, osculo altare veneratur et, pro opportunitate, illud incensat. Postea cum ministris sedem petit.

Cantu ad introitum absoluto, sacerdos et fideles, stantes, signant se, dum sacerdos, ad populum conversus, dicit:

In nómine Patris, et Fílii, et Spíritus Sancti.

Populus respondet:

Amen.

Deinde sacerdos, manus extendens, populum salutat, dicens:

Grátia Dómini nostri Iesu Christi, et caritas Dei,
et comunicatio Sancti Spíritus sit cum ómnibus vobis.

vel:

Dóminus vobíscum.

Populus respondet:

Et cum spíritu tuo.

Episcopus, loco Dóminus vobíscum, in hac prima salutatione dicit: Pax vobis.

Vel:

¶. Grátia vobis et pax a Deo Patre nostro et Dómino Iesu Christo.

¶. Benedíctus Deus et Pater Dómini nostri Iesu Christi.

Vel:

¶. Et cum spíritu tuo.

3. Sacerdos, vel diaconus vel alius minister idoneus, potest brevissimis verbis introducere fideles in Missam illius diei.

Deinde sequitur actus pænitentialis. Sacerdos fideles invitat ad pænitentiam:

Fratres, agnoscámus peccáta nostra,
ut apti simus ad sacra mystéria celebránda.

Fit brevis pausa silentii. Postea omnes simul faciunt confessionem:

Confíteor Deo omnipoténti et vobis, fratres,
quia peccávi nimis
cogitatióne, verbo, ópere et omissióne:

et, percutientes sibi pectus, dicunt:

mea culpa, mea culpa, mea máxima culpa.

Deinde proseguuntur:

Ideo precor beátam Mariám semper Vírginem,
omnes Angelos et Sanctos,
et vos, fratres, oráre pro me
ad Dóminum Deum nostrum.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perdúcat nos ad vitam ætérnam.

Populus respondet:

Amen.

Loco præcedentis actus pænitentialis unus e sequentibus adhiberi potest:

I. Sacerdos fideles invitat ad pænitentiam:

Fratres, agnoscámus peccáta nostra,
ut apti simus ad sacra mystéria celebránda.

Fit brevis pausa silentii.

Postea sacerdos dicit:

Miserére nostri, Dómine.

Populus respondet:

Quia peccávimus tibi.

Sacerdos:

Osténde nobis, Dómine, misericórdiam tuam.

Populus:

Et salutáre tuum da nobis.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perdúcat nos ad vitam ætérrnam.

Populus respondet:

Amen.

II. Sacerdos fideles invitat ad pænitentiam:

Fratres, agnoscámus peccáta nostra,
ut apti simus ad sacra mystéria celebránda.

Fit brevis pausa silentii.

Deinde sacerdos, vel alius minister idoneus, sequentes, vel
alias, invocationes cum Kýrie, eléison profert:

Qui missus es sanáre contrítos corde: Kýrie, eléison.

Populus respondet:

Kýrie, eléison.

Sacerdos:

Qui peccatóres vocáre venísti: Christe, eléison.

Populus:

Christe, eléison.

Sacerdos:

Qui ad dexteram Patris sedes, ad interpellándum pro
nobis: Kýrie, eléison.

Populus:

Kýrie, eléison.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perdúcat nos ad vitam ætérrnam.

Populus respondet:

Amen.

4. *Sequuntur invocationes* Kýrie, eléison, nisi iam præces-
serint in aliqua formula actus pænientialis.

✠. Kýrie, eléison.

℞. Kýrie, eléison.

✠. Christe, eléison.

℞. Christe, eléison.

✠. Kýrie, eléison.

℞. Kýrie, eléison.

5. *Deinde, quando præscribitur, cantatur vel dicitur hymnus:*

Glória in excélsis Deo

et in terra pax homínibus bonæ voluntátis.

Laudámus te,

benedícimus te,

adorámus te,

glorificámus te,

grátias ágimus tibi propter magnam glóriam tuam,

Dómine Deus, Rex cæléstis,

Deus Pater omnípotens.

Dómine Fili unigénite, Iesu Christe,

Dómine Deus, Agnus Dei, Fílius Patris,

qui tollis peccáta mundi, miserére nobis;

qui tollis peccáta mundi, súscipe deprecationem nostram.

Qui sedes ad dexteram Patris, miserére nobis.

Quóniam tu solus Sanctus, tu solus Dóminus,

tu solus Altíssimus,

Iesu Christe, cum Sancto Spíritu: in glória Dei Patris.

Amen.

6. *Quo hymno finito, sacerdos, manibus iunctis, dicit:*

Orémus.

Et omnes una cum sacerdote per aliquod temporis spatium in silentio orant.

Tunc sacerdos, manibus extensis, dicit orationem; qua finita, populus acclamat:

Amen.

Liturgia verbi

7. Deinde lector ad ambonem pergit, et legit primam lectionem, quam omnes sedentes auscultant.

Ad finem lectionis significandam, lector subdit:

Verbum Dómini.

Omnes acclamant:

Deo grátias.

8. Psalmista, seu cantor, psalmum dicit, populo responsum proferente.

9. Postea, si habenda sit secunda lectio, lector eam in ambone legit, ut supra.

Ad finem lectionis significandam, lector subdit:

Verbum Dómini.

Omnes acclamant:

Deo grátias.

10. Sequitur Allelúia, vel alter cantus.

11. Interim sacerdos incensum, si adhibetur, imponit. Postea diaconus, Evangelium prolaturus, ante sacerdotem inclinatus, benedictionem petit, submissa voce dicens:

Iube, domne, benedícere.

Sacerdos submissa voce dicit:

Dóminus sit in corde tuo et in lábiis tuis:
ut digne et competénter annúnties Evangélium suum:
in nómine Patris, et Fílii, ✠ et Spíritus Sancti.

Diaconus respondet:

Amen.

Si vero non adest diaconus, sacerdos ante altare inclinatus secreto dicit:

Munda cor meum ac lábia mea, omnípotens Deus,
ut sanctum Evangélium tuum digne váleam nuntiáre.

12. Postea diaconus, vel sacerdos, ad ambonem pergit, ministris pro opportunitate cum incenso et cereis eum comitantibus, et dicit:

Dóminus vobíscum.

Populus respondet:

Et cum spíritu tuo.

Diaconus, vel sacerdos:

Léctio sancti Evangélíi secúndum N.,

et interim signat librum et seipsum in fronte, ore et pectore.

Populus acclamat:

Glória tibi, Dómine.

Deinde diaconus, vel sacerdos, librum, si incensum adhibetur, turificat, et Evangelium proclamat.

13. Finito Evangelio, diaconus vel sacerdos dicit:

Verbum Dómini,

omnibus acclamantibus:

Laus tibi, Christe.

Deinde librum osculatur dicens secreto:

Per evangélica dicta deleántur nostra delícta.

14. Deinde fit homilia, quæ habenda est omnibus diebus dominicis et festis de præcepto; aliis diebus commendatur.

15. Homilia expleta, fit, quando præscribitur, professio fidei:

Credo in unum Deum,

Patrem omnipoténtem, factórem cæli et terræ,
visibílium ómnium et invisibílium.

Et in unum Dóminum Iesum Christum,

Fílium Dei unigénitum,

et ex Patre natum ante ómnia sácula.

Deum de Deo, lumen de lúmine,

Deum verum de Deo vero,

génitum, non factum, consubstantiálem Patri:

per quem ómnia facta sunt.

Qui propter nos hómines et propter nostram salútem
descéndit de cælis.

Ad verba quæ sequuntur, usque ad factus est, omnes se inclinant.

Et incarnátus est de Spíritu Sancto
ex María Vírgine, et homo factus est.
Crucifíxus étiam pro nobis sub Póntio Piláto;
passus et sepúltus est,
et resurréxit tértia die, secúndum Scriptúras,
et ascéndit in cælum, sedet ad dexteram Patris.
Et íterum ventúrus est cum glória,
iudicáre vivos et mórtuos,
cuius regni non erit finis.
Et in Spíritum Sanctum, Dóminum et vivificántem:
qui ex Patre Filióque procédit.
Qui cum Patre et Fílio simul adorátur et conglorificátur:
qui locútus est per prophétas.
Et unam, sanctam, cathólicam et apostólicam Ecclesiám.
Confíteor unum baptísma in remissiónem peccatórum.
Et exspécto resurrectionem mortuórum,
et vitam ventúri sáculi. Amen.

16. *Deinde fit oratio universalis, seu oratio fidelium.*

Liturgia eucharistica

17. *His absolutis, incipit cantus ad offertorium. Interim ministri corporale, purificatorium, calicem et missale in altari collocant.*

18. *Expediit ut fideles participationem suam oblatione manifestent, afferendo sive panem et vinum ad Eucharistiæ celebrationem, sive alia dona, quibus necessitatibus Ecclesiæ et pauperum subveniatur.*

19. *Sacerdos, stans ad altare, accipit patenam cum pane, eamque aliquantulum elevatam super altare tenet, secreto dicens:*

Benedíctus es, Dómine, Deus univérsi,
quia de tua largitáte accépimus panem,
quem tibi offérimus,
fructum terræ et óperis mánuum hóminum:
ex quo nobis fiet panis vitæ.

Deinde deponit patenam cum pane super corporale.

Si vero cantus ad offertorium non peragitur, sacerdoti licet hæc verba elata voce proferre; in fine populus acclamare potest:

Benedíctus Deus in sǎcula.

20. Diaconus, vel sacerdos, infundit vinum et parum aquæ in calicem, dicens secreto:

Per huius aquæ et vini mystérium
eius efficiámur divinitátis consórtes,
qui humanitátis nostræ fíeri dignátus est párticeps.

21. Postea sacerdos accipit calicem, eumque aliquantulum elevatum super altare tenet, secreto dicens:

Benedíctus es, Dómine, Deus univérsi,
quia de tua largitáte accépimus vinum,
quod tibi offérimus,
fructum vitis et óperis mánuum hóminum,
ex quo nobis fiet potus spiritalís.

Deinde calicem super corporale deponit.

Si vero cantus ad offertorium non peragitur, sacerdoti licet hæc verba elata voce proferre; in fine populus acclamare potest:

Benedíctus Deus in sǎcula.

22. Postea sacerdos, inclinatus, dicit secreto:

In spíritu humilitátis et in ánimo contríto
suscipiámur a te, Dómine;
et sic fiat sacrificium nostrum in conspéctu tuo hódie,
ut pláceat tibi, Dómine Deus.

23. Et, pro opportunitate, incensat oblata et altare. Postea vero diaconus vel minister incensat sacerdotem et populum.

24. Deinde sacerdos, stans ad latus altaris, lavat manus, dicens secreto:

Lava me, Dómine, ab iniquitáte mea,
et a peccáto meo munda me.

25. Stans postea in medio altaris, versus ad populum, extendens et iungens manus, dicit:

Oráte, fratres:

ut meum ac vestrum sacrificium
acceptábile fiat apud Deum Patrem omnipoténtem.

Populus respondet:

Suscípiat Dóminus sacrificium de mánibus tuis
ad laudem et glóriam nóminis sui,
ad utilitátem quoque nostram
totiúsque Ecclésiæ suæ sanctæ.

26. Deinde, manibus extensis, sacerdos dicit orationem super
oblata; qua finita, populus acclamat: Amen.

PREX EUCHARISTICA

27. Tunc sacerdos incipit Precem eucharisticam.

Manus extendens, dicit:

Dóminus vobíscum.

Populus respondet:

Et cum spírítu tuo.

Sacerdos, manus elevans, prosequitur:

Sursum corda.

Populus:

Habémus ad Dóminum.

Sacerdos, manibus extensis, subdit:

Grátias agámus Dómino Deo nostro.

Populus:

Dignum et iustum est.

Sacerdos prosequitur præfationem manibus extensis.

In fine autem præfationis iungit manus et, una cum populo, ipsam præfationem concludit, cantans vel clara voce dicens:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

28. In omnibus Missis licet sacerdoti celebranti illas partes Precis eucharisticæ cantare, quæ in Missis concelebratis cantari possunt, prout in fine Missalis notatur.

In Prece eucharistica prima, seu Canone Romano, ea quæ inter parentheses includuntur omitti possunt.

PRÆFATIO I DE PASSIONE DOMINI

De virtute Crucis

39. Sequens præfatio dicitur in Missis de mysteriis Crucis et Passionis Domini.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,

nos tibi semper et ubíque grátias ágere:

Dómine, sancte Pater, omnípotens ætérne Deus:

Quia per Fílii tui salutíferam passiónem

totus mundus sensum confiténdæ tuæ maiestátis accépit,

dum ineffábili crucis poténtia

iudícium mundi et potéstas émicat Crucifíxi.

Unde et nos, Dómine, cum Angelis et Sanctis univérsis,

tibi confitémur, in exsultatióne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO I DE DOMINICIS « PER ANNUM »
De mysterio paschali et de populo Dei

48. Sequens præfatio dicitur in dominicis « per annum ».

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Cuius hoc miríficum fuit opus per paschále mystérium,
ut de peccáto et mortis iugo ad hanc glóriam vocarémur,
qua nunc genus eléctum, regále sacerdotium,
gens sancta et acquisitionis pópulus dicerémur,
et tuas annuntiarémus ubíque virtútes,
qui nos de ténebris ad tuum admirábile lumen vocásti.

Et ideo cum Angelis et Archángelis,
cum Thronis et Dominationibus,
cumque omni milítia cæléstis exércitus,
hymnum glóriæ tuæ cánimus,
sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO II DE DOMINICIS « PER ANNUM » De mysterio salutis

49. Sequens præfatio dicitur in dominicis « per annum ».

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Qui, humánis miserátus erróribus,
de Vírgine nasci dignátus est.

Qui, crucem passus, a perpétua morte nos liberávit
et, a mórtuis resúrgens, vitam nobis donávit ætérnam.

Et ídeo cum Angelis et Archángelis,
cum Thronis et Dominationíbus,
cumque omni milítia cæléstis exércitus,
hymnum glóriæ tuæ cánimus,
sine fine dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO III DE DOMINICIS « PER ANNUM »

De salvatione hominis per hominem

50. Sequens præfatio dicitur in dominicis « per annum ».

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
Ad cuius imménsam glóriam pertinére cognóscimus
ut mortálibus tua deitáte succúrreres;
sed et nobis providéres
de ipsa mortalitáte nostra remédium,
et pérditos quosque unde perierant, inde salváres,
per Christum Dóminum nostrum.

Per quem maiestátem tuam adórat exércitus Angelórum,
ante conspéctum tuum in æternitáte lætántium.

Cum quibus et nostras voces ut admítteri iúbeas,
deprecámur, sócia exsultatíone dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO IV DE DOMINICIS « PER ANNUM »
De historia salutis

51. Sequens præfatio dicitur in dominicis « per annum ».

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:
per Christum Dóminum nostrum.

Ipse enim nascéndo vetustátem hóminum renovávit,
patiéndó delévit nostra peccáta,
ætérnæ vitæ áditum præstitit a mórtuis resurgéndo,
ad te Patrem ascendéndo cæléstes iánuas reserávit.

Et ideo, cum Angelórum atque Sanctórum turba,
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO V DE DOMINICIS « PER ANNUM »
De creatione

52. Sequens præfatio dicitur in dominicis « per annum ».

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnipotens ætérne Deus:
Qui ómnia mundi eleménta fecísti,
et vices disposuísti témporum variári;
hóminem vero formásti ad imáginem tuam,
et rerum ei subiecísti univérsa mirácula,
ut vicáριο múnere dominarétur ómnibus quæ creásti,
et in óperum tuórum magnálibus iúgiter te laudáret,
per Christum Dóminum nostrum.

Unde et nos cum ómnibus Angelis te laudámus,
iucúnda celebratióne clamántes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO VI DE DOMINICIS « PER ANNUM »
De pignore æterni Paschatis

53. Sequens præfatio dicitur in dominicis « per annum ».

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

In quo vívimus, movémur et sumus,
atque in hoc córpore constitúti
non solum pietátis tuæ cotidiános experímur efféctus,
sed æternitátis étiam pínora iam tenémus.

Primítias enim Spíritus habéntes,
per quem suscitásti Iesum a mórtuis,
paschále mystérium sperámus nobis esse perpétuum.
Unde et nos cum ómnibus Angelis te laudámus,
iucúnda celebratióne clamántes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO VII DE DOMINICIS « PER ANNUM »
De salute per obœdientiam Christi

54. Sequens præfatio dicitur in dominicis « per annum ».

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnipotens ætérne Deus:

Quia sic mundum misericórditer dilexísti,

ut ipsum nobis mitteres Redemptórem,

quem absque peccáto

in nostra voluísti similitúdine conversári,

ut amáres in nobis quod diligébas in Fílio,

cuius obœdiéntia sumus ad tua dona reparáti,

quæ per inobœdiéntiam amiserámus peccádo.

Unde et nos, Dómine, cum Angelis et Sanctis univérsis
tibi confitémur, in exsultatióne dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRAEFATIO VIII DE DOMINICIS « PER ANNUM »
De Ecclesia adunata ex unitate Trinitatis

55. Sequens præfatio dicitur in dominicis « per annum ».

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
Quia fílios, quos longe peccáti crimen abstúlerat,
per sánguinem Fílii tui Spíritúsque virtúte,
in unum ad te dénuo congregáre voluísti:
ut plebs, de unitáte Trinitátis adunáta,
in tuæ laudem sapiéntiæ multifórmis
Christi corpus templúmque Spíritus noscerétur Ecclésia.
Et ídeo, choris angélicis sociáti,
te laudámus in gáudio confiténtes:
Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO I DE SS.MA EUCHARISTIA

De sacrificio et de sacramento Christi

56. Sequens præfatio dici potest in Missis votivis de Ss.ma Eucharistia.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Qui, verus æternúsque Sacérdos,
formam sacrificíi perénis instítuens,
hóstiam tibi se primus óbtulit salutárem,
et nos, in sui memóriam, præcépit offérre.
Cuius carnem pro nobis immolátam
dum súimus, roborámur,
et fusum pro nobis sánguinem dum potámus, ablúimur.
Et ídeo cum Angelis et Archángelis,
cum Thronis et Dominationíbus,
cumque omni milítia cæléstis exércitus,
hymnum glóriæ tuæ cánimus,
sine fine dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO II DE SS.MA EUCHARISTIA

De fructibus sanctissimæ Eucharistiæ

57. Sequens præfatio dicitur in Missis votivis de Ss.ma Eucharistia.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:
per Christum Dóminum nostrum.

Qui cum Apóstolis suis in novíssima cena convéscens,
salutíferam crucis memóriam prosecutúrus in sæcula,
Agnum sine mácula se tibi óbtulit,
perféctæ laudis munus accéptum.

Quo venerábili mystério fidéles tuos aléndo sanctíficas,
ut humánum genus, quod cóntinet unus orbis,
una fides illúminet, cáritas una coniúngat.

Ad mensam ígitur accédimus tam mirábilis sacraménti,
ut, grátia tuæ suavitate perfúsi,
ad cæléstis formæ imáginem transeámus.

Propter quod cæléstia tibi atque terréstria
cánticum novum cóncinunt adorándo,
et nos cum omni exércitu Angelórum
proclamámus, sine fine dicéntes:

Sanctus, Sanctus, Sanctus Dóminus Deus Sábaoth ...

PRÆFATIO I DE BEATA MARIA VIRGINE

De maternitate B. Mariæ V.

58. Sequens præfatio dicitur in Missis de B. Maria V., addita suo loco mentione celebrationis diei, prout in singulis Missis indicatur.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubique grátias ágere:

Dómine, sancte Pater, omnípotens ætérne Deus:

Et te in . . . beátæ Mariæ semper Vírginis collaudáre,
benedícere et prædicáre.

Quæ et Unigénitum tuum

Sancti Spíritus obumbratióne concépit,

et, virginitátis glória permanénite,

lumen ætérnum mundo effúdit,

Iesum Christum Dóminum nostrum.

Per quem maiestátem tuam laudant Angeli,

adórant Dominatiónes, tremunt Potestátes.

Cæli cælorúmque Virtútes, ac beáta Séraphim,
sócia exsultatióne concélebrant.

Cum quibus et nostras voces ut admítte iúbeas,
deprecámur, súpplíci confessiόne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terrá glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO II DE BEATA MARIA VIRGINE

Ecclesia, verbis Mariæ, laudes Deo persolvit

59. *Sequens præfatio dicitur in Missis de B. Maria V.*

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
in ómnium Sanctórum provéctu te mirábilem confitéri,
et potíssimum,

beátæ Vírginis Mariæ memóriam recoléntes,
cleméntiam tuam ipsíus grato magnificáre præcónio.

Vere namque in omnes terræ fines magna fecísti,
ac tuam in sácula prorogásti misericórdiæ largitátem,
cum, ancíllæ tuæ humilitátem aspiciens,
per eam dedísti humánæ salútis auctórem,
Fílium tuum, Iesum Christum, Dóminum nostrum.

Per quem maiestátem tuam adórat exércitus Angelórum,
ante conspéctum tuum in æternitáte lætántium.

Cum quíbus et nostras voces ut admítti iúbeas,
deprecámur, sócia exsultatióne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE ANGELIS

De gloria Dei per Angelos

60. Sequens præfatio dicitur in Missis de Ss. Angelis.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:

Et in Archángelis Angelísque tuis

tua præcónia non tacére,

quia ad excelléntiam tuam recúrrit et glóriam

quod angélica creatúra tibi probábilis honorétur:

et, cum illa sit amplo decóre digníssima,

tu quam sis imménsus

et super ómnia præferéndus osténderis,

per Christum Dóminum nostrum.

Per quem multitúdo Angelórum

tuam célebrat maiestátem,

quibus adorántes in exsultatióne coniúngimur,

una cum eis laudis voce clamántes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE S. IOSEPH, SPONSO B. M. V.

De missione S. Ioseph

61. Sequens præfatio dicitur in Missis de S. Ioseph, addita suo loco mentione celebrationis diei, prout in singulis Missis indicatur.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Et te in . . . beáti Ioseph
débitis magnificáre præcóniis, benedícere et prædicáre.
Qui et vir iustus, a te Deíparæ Vírgini Sponsus est datus,
et fidélis servus ac prudens,
super Famíliam tuam est constitútus,
ut Unigénitum tuum,
Sancti Spíritus obumbratióne concéptum,
patérna vice custodíret,
Iesum Christum Dóminum nostrum.

Per quem maiestátem tuam laudant Angeli,
adórant Dominatiónes, tremunt Potestátes.
Cæli cælorúmque Virtútes, ac beáta Séraphim,
sócia exsultatióne concélebrant.

Cum quibus et nostras voces ut admítteri iúbeas,
deprecámur, súpplíci confessióne dicéntes:

Sanctus, Sanctus, Sanctus Dóminus Deus Sábaoth ...

PRÆFATIO I DE APOSTOLIS
De Apostolis pastoribus populi Dei

62. Sequens præfatio dicitur in Missis Apostolorum, præsertim sanctorum Petri et Pauli.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
Qui gregem tuum, Pastor ætérne, non déseris,
sed per beátos Apóstolos continúa protectióne custódis,
ut íisdem rectóribus gubernétur,
quos Fílii tui vicários eídem contulísti præesse pastóres.
Et ídeo cum Angelis et Archángelis,
cum Thronis et Domínationibus,
cumque omni milítia cæléstis exércitus,
hymnum glóriæ tuæ cánimus,
sine fine dicétes:
Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO II DE APOSTOLIS

De apostolico fundamento et testimonio

63. Sequens præfatio dicitur in Missis Apostolorum et Evangelistarum.

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnipotens ætérne Deus:
per Christum Dóminum nostrum.

Quóniam Ecclésiám tuam
in apostólicis tribuísti consístere fundaméntis,
ut signum sanctitátis tuæ
in terris manéret ipsa perpétuum,
et cæléstia præbéret cunctis homínibus documénta.

Quaprópter nunc et usque in sáeculum
cum omni milítia Angelórum
devóta tibi mente concínimus,
clamántes atque dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO I DE SANCTIS

De gloria Sanctorum

64. Sequens præfatio dicitur in Missis « de Omnibus Sanctis », de Sanctis Patronis et Titularibus ecclesiæ, et in sollemnitatibus et festis Sanctorum, nisi præfatio magis propria sit dicenda. Dici potest in memoriis Sanctorum.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubique grátias ágere:
Dómine, sancte Pater, omnípotens ætérne Deus:

Qui in Sanctórum concílio celebráris,
et, eórum coronádo mérita, tua dona coronas.
Qui nobis eórum conversatióne largíris exémplum,
et communióne consórtium, et intercessióne subsídium;
ut, tantis téstibus confirmáti,
ad propósitum certámen currámus invícti
et immarcescibilem cum eis coronam glóriæ consequámur,
per Christum Dóminum nostrum.

Et ídeo cum Angelis et Archángelis,
cumque múltiplici congregatióne Sanctórum,
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO II DE SANCTIS

De actione Sanctorum

65. Sequens præfatio dicitur in Missis « de Omnibus Sanctis », de Sanctis Patronis et Titularibus ecclesiæ, et in sollemnitatibus et festis Sanctorum, nisi præfatio magis propria sit dicenda. Dici potest in memoriis Sanctorum.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:
per Christum Dóminum nostrum.

Tu enim Sanctórum tuórum confessióne mirábili
Ecclésiám tuám nova semper virtúte fecúndas,
nobisque certíssima præbes tuæ dilectiónis indícia.

Sed étiam, ad mystéria salútis implénda,
et ipsórum insígni incitámur exémplo
et pia intercessióne perpétuo commendámur.

Unde et nos, Dómine, cum Angelis et Sanctis univérsis
tibi confitémur, in exsultatióne dicétes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SANCTIS MARTYRIBUS

De signo et exemplo martyrii

66. Sequens præfatio dicitur in sollemnitatibus et festis
Ss. Martyrum. Dicitur potest in memoriis ipsorum.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
Quóniam beáti mártýris **N.** pro confessióne nóminis tui,
ad imitatióem Christi,
sanguis effúsus tua mirábília maniféstet,
quibus pérficis in fragilitáte virtútem,
et vires infírmis ad testimónium róboras,
per Christum Dóminum nostrum.
Et ídeo, cum cælórum Virtútibus,
in terris te iúgiter celebrámus,
maiestáti tuæ sine fine clamánte:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DE SANCTIS PASTORIBUS
De præsentia sanctorum Pastorum in Ecclesia

67. Sequens præfatio dicitur in sollemnitatibus et festis
Ss. Pastorum. Dicitur potest in memoriis ipsorum.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Quia sic tríbuis Ecclésiám tuam
sancti **N.** festivitáte gaudére,
ut eam exémplo piæ conversatiónis corróbores,
verbo prædicatiónis erúdias,
gratáque tibi supplicatióne tueáris.

Et ídeo, cum Angelórum atque Sanctórum turba,
hymnum laudis tibi cánimus, sine fine dicéntes:
Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SANCTIS VIRGINIBUS
ET RELIGIOSIS

De signo vitæ Deo consecratæ

68. Sequens præfatio dicitur in sollemnitatibus et festis
Ss. Virginum et Ss. Religiosorum. Dici potest in memoriis ipsorum.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnipotens ætérne Deus:

In Sanctis enim, qui Christo se dedicavérunt
propter regnum cælórum,
tuam decet providéntiam celebráre mirábilem,
qua humánam substántiam
et ad primæ oríginiis révocas sanctitátem,
et ad experiénda dona,
quæ in novo sáeculo sunt habénda, perdúcis.

Et ideo, cum Sanctis et Angelis univérsis,
te collaudámus, sine fine dicétes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO COMMUNIS I

De universali restauratione in Christo

69. Sequens præfatio dicitur in Missis, quæ præfatione propria carent, nec sumere debent præfationem de tempore.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnipotens ætérne Deus:
per Christum Dóminum nostrum.

In quo ómnia instauráre tibi complácuít,
et de plenitúdine eius nos omnes accípere tribuísti.
Cum enim in forma Dei esset, exinanívit semetípsum,
ac per sánguinem crucis suæ pacificávit univérsa;
unde exaltátus est super ómnia
et ómnibus obtemperántibus sibi
factus est causa salútis ætérnæ.

Et ídeo cum Angelis et Archángelis,
cum Thronis et Dominatió nibus,
cumque omni milítia cæléstis exércitus,
hymnum glóriæ tuæ cánimus,
sine fine dicétes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO COMMUNIS II

De salute per Christum

70. Sequens præfatio dicitur in Missis, quæ præfatione propria carent, nec sumere debent præfationem de tempore.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
Qui bonitáte hómínem condidísti,
ac iustítia damnátum misericórdia redemísti:
per Christum Dóminum nostrum.

Per quem maiestátem tuam laudant Angeli,
adórant Dominatiónes, tremunt Potestátes.
Cæli cælorúmque Virtútes, ac beáta Séraphim,
sócia exsultatióne concélebrant.
Cum quibus et nostras voces ut admítteri iúbeas,
deprecámur, súpplíci confessióne dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO COMMUNIS III

Laudes Deo pro creatione et reformatione hominis

71. Sequens præfatio dicitur in Missis, quæ præfatione propria carent, nec sumere debent præfationem de tempore.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:

Qui per Fílium dilectiónis tuæ,
sicut cónditor géneris es humáni,
ita benigníssimus reformátor.

Unde mérito tibi cunctæ sérvíunt creatúræ,
te redépti rite colláudant univérsi,
et uno Sancti tui te corde benedícunt.

Quaprópter et nos cum ómnibus te Angelis celebrámus,
iucúnda semper confessióne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO COMMUNIS IV

De laude, dono Dei

72. Sequens præfatio dicitur in Missis, quæ præfatione propria carent, nec sumere debent præfationem de tempore.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubique grátias ágere:

Dómine, sancte Pater, omnípotens ætérne Deus:

Quia, cum nostra laude non égeas,
tuum tamen est donum quod tibi grates rependámus,
nam te non augent nostra præcónia,
sed nobis proficiunt ad salútem,
per Christum Dóminum nostrum.

Et ídeo, choris angélicis sociáti,
te laudámus in gáudio confiténtes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO COMMUNIS V

Proclamatio mysterii Christi

73. Sequens præfatio dicitur in Missis, quæ præfatione propria carent, nec sumere debent præfationem de tempore.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnipotens ætérne Deus:
per Christum Dóminum nostrum.

Cuius mortem in caritáte celebrámus,
resurrectiónem fide vívida confitémur,
advéntum in glória spe firmíssima præstolámur.

Et ideo, cum Sanctis et Angelis univérsis,
te collaudámus, sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO COMMUNIS VI
De mysterio salutis in Christo

74. Sequens præfatio, e Prece eucharistica II (p. 631) deprompta, dicitur in Missis, quæ præfatione propria carent, nec sumere debent præfationem de tempore.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi, sancte Pater, semper et ubíque grátias ágere
per Fílium dilectiónis tuæ Iesum Christum,
Verbum tuum per quod cuncta fecísti:
quem misísti nobis Salvatórem et Redemptórem,
incarnátum de Spíritu Sancto et ex Vírgine natum.
Qui voluntátem tuam adímplens
et pópulum tibi sanctum acquírens
exténdit manus cum paterétur,
ut mortem sólveret et resurrectionem manifestáret.
Et ídeo cum Angelis et ómnibus Sanctis
glóriam tuam prædicámus, una voce dicéntes:
Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO I DE DEFUNCTIS

De spe resurrectionis in Christo

75. Sequens præfatio dicitur in Missis defunctorum.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

In quo nobis spes beátæ resurrectiónis effúlsit,
ut, quos contrístat certa moriéndi condício,
eósdem consolétur futúrá immortalitátis promíssio.
Tuis enim fidélibus, Dómine, vita mutátur, non tóllitur,
et, dissolúta terréstris huius incolátus domo,
ætérna in cælis habitátio comparátur.

Et ídeo cum Angelis et Archángelis,
cum Thronis et Dominationíbus,
cumque omni milítia cæléstis exércitus,
hymnum glóriæ tuæ cánimus,
sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO II DE DEFUNCTIS
Christus mortuus est pro vita nostra

76. *Sequens præfatio dicitur in Missis defunctorum.*

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Ipse enim mortem unus accépit,
ne omnes nos morerémur;
immo unus mori dignátus est,
ut omnes tibi perpétuo viverémus.

Et ídeo, choris angélicis sociáti,
te laudámus in gáudio confiténtes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO III DE DEFUNCTIS

Christus, salus et vita

77. Sequens præfatio dicitur in Missis defunctorum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:
per Christum Dóminum nostrum:

Qui est salus mundi, vita hóminum,
resurréctio mortuórum.

Per quem maiestátem tuam adórat exércitus Angelórum,
ante conspéctum tuum in æternitáte lætántium.

Cum quibus et nostras voces ut admítte iúbeas,
deprecámur, sócia exsultatióne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO IV DE DEFUNCTIS
De vita terrena ad gloriam cælestem

78. Sequens præfatio dicitur in Missis defunctorum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:

Cuius império náscimur, cuius arbítrio régimur,
cuius præcépto in terra, de qua sumpti sumus,
peccáti lege absólvimur.

Et, qui per mortem Fílii tui redémpti sumus,
ad ipsíus resurrectionis glóriam
tuo nutu excitámur.

Et ídeo, cum Angelórum atque Sanctórum turba,
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO V DE DEFUNCTIS

De resurrectione nostra per victoriam Christi

79. Sequens præfatio dicitur in Missis defunctorum.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Quia, etsi nostri est mériti quod perímos,
tuæ tamen est pietátis et grátiae
quod, pro peccáto morte consúpti,
per Christi victóriam redémti,
cum ipso revocámur ad vitam.

Et ídeo, cum cælórum Virtútibus,
in terris te iúgiter celebrámus,
maiestáti tuæ sine fine clamántes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Aliæ formulæ breviores introductionis et conclusionis pro
præfationibus, quæ ad libitum adhiberi possunt, præsertim a
Conferentiis Episcopalibus in apparandis popularibus interpre-
tationibus, inveniuntur in Appendice (pp. 665-667).



PRECES EUCHARISTICÆ



PREX EUCHARISTICA I SEU CANON ROMANUS

80. *Sacerdos, manibus extensis, dicit:*

Te igitur, clementissime Pater,
per Iesum Christum, Filium tuum,
Dóminum nostrum,

súpplices rogámus ac pétimus,

iungit manus et dicit:

uti accépta hábeas

signat semel super panem et calicem simul, dicens:

et benedícas ✠ hęc dona, hęc múnera,

hęc sancta sacrificia illibáta,

extensis manibus prosequitur:

in primis, quæ tibi offérimus

pro Ecclésia tua sancta cathólica:

quam pacificáre, custodíre, adunáre

et régere dignéris toto orbe terrárum:

una cum fámulo tuo Papa nostro **N.**

et Antístite nostro **N.** *

et ómnibus orthodoxis

atque cathólicæ et apostólicæ fídei cultóribus.

81. *Commemoratio pro vivis.*

Meménto, Dómine, famulórum
famularúmque tuárum **N.** et **N.**

Iungit manus et orat aliquantulum pro quibus orare intendit.

Deinde, manibus extensis, prosequitur:

* Hic fieri potest mentio de Episcopis Coadiutoribus vel Auxiliariis, ut in « Institutione generali Missalis Romani », n. 109, notatur.

et ómnium circumstántium,
quorum tibi fides cógnita est et nota devótio,
pro quibus tibi offérimus:
vel qui tibi ófferunt hoc sacrificium laudis,
pro se suísque ómnibus:
pro redemptione animárum suárum,
pro spe salútis et incolumitátis suæ:
tibíque reddunt vota sua
ætérno Deo, vivo et vero.

82. *Infra Actionem.*

Communicántes,
et memóriam venerántes,
in primis gloriósæ semper Vírginis Mariæ,
Genetrícis Dei et Dómini nostri Iesu Christi:
† sed et beáti Ioseph, eiúsdem Vírginis Sponsi,
et beatórum Apostolórum ac Mártýrum tuórum,
Petri et Pauli, Andréæ,
(Iacóbi, Ioánnis,
Thomæ, Iacóbi, Philíppi,
Bartholomæi, Matthæi,
Simónis et Thaddæi:
Lini, Cleti, Cleméntis, Xysti,
Cornélii, Cypriáni,
Lauréntii, Chrysógoni,
Ioánnis et Pauli, Cosmæ et Damiáni)
et ómnium Sanctórum tuórum;
quorum méritis precibúsque concédas,
ut in ómnibus protectionis tuæ muniámur auxílio.
(Per Christum Dóminum nostrum. Amen.)

88. *Manibus extensis, prosequitur:*

Hanc igitur oblationem servitutis nostræ,
sed et cunctæ familiæ tuæ,
quæsumus, Dómine, ut placátus accípias:
diésque nostros in tua pace dispónas,
atque ab ætéRNA damnatióne nos éripi
et in electórum tuórum iúbeas grege numerári.

Iungit manus.

(Per Christum Dóminum nostrum. Amen.)

90. *Tenens manus expansas super oblata, dicit:*

Quam oblationem tu, Deus, in ómnibus, quæsumus,
benedíctam, adscríptam, ratam,
rationábilem, acceptabilémque fácere dignéris:
ut nobis Corpus et Sanguis fiat dilectíssimi Fílii tui,
Dómini nostri Iesu Christi.

Iungit manus.

91. *In formulis quæ sequuntur, verba Domini proferantur
distincte et aperte, prouti natura eorundem verborum requirit.*

Qui, pridie quam pateretur,
accipit panem,
eumque parum elevatum super altare tenens,
prosequitur:
accépit panem in sanctas ac venerábiles manus suas,
elevat oculos,
et elevátis óculis in cælum
ad te Deum Patrem suum omnipoténtem,
tibi grátias agens benedíxit, fregit,
dedítque discípuulis suis, dicens:
parum se inclinát

Accípite et manducáte ex hoc omnes:
hoc est enim Corpus meum,
quod pro vobis tradétur.

Hostiam consecratam ostendit populo, reponit super patenam, et genuflexus adorat.

92. Postea prosequitur:

Símili modo, postquam cenátum est,
accipit calicem,
eumque parum elevatum super altare tenens,
prosequitur:

accípiens et hunc præclárum cálicem
in sanctas ac venerábiles manus suas,
item tibi grátias agens benedíxit,
dedítque discíplis suis, dicens:
parum se inclínat

Accípite et bíbite ex eo omnes:
hic est enim calix Sánguinis mei
novi et ætéрни testaménti,
qui pro vobis et pro multis effundétur
in remissiónem peccatórum.
Hoc fácite in meam commemoratiónem.

Calicem ostendit populo, deponit super corporale, et genuflexus adorat.

93. Deinde dicit:

Mystérium fídei.

Et populus prosequitur, acclamans:

Mortem tuam annuntiámus, Dómine,
et tuam resurrectiόnem confitémur, donec vénias.

Vel:

Quotiescúmque manducámus panem hunc
et cálicem bíbimus,
mortem tuam annuntiámus, Dómine,
donec vénias.

Vel:

Salvátor mundi, salva nos,
qui per crucem et resurrectionem tuam
liberásti nos.

94. *Postea, extensis manibus, sacerdos dicit:*

Unde et mémoires, Dómine,
nos servi tui,
sed et plebs tua sancta,
eiusdem Christi, Fílii tui, Dómini nostri,
tam beátæ passiónis,
necnon et ab ínferis resurrectionis,
sed et in cælos gloriósæ ascensionis:
offérimus præcláræ maiestáti tuæ
de tuis donis ac datis
hóstiam puram,
hóstiam sanctam,
hóstiam immaculátam,
Panem sanctum vitæ æternæ
et Cálicem salútis perpétuæ.

95. Supra quæ propítio ac seréno vultu
respícere dignéris:
et accépta habére,
sicuti accépta habére dignátus es
múnera púeri tui iusti Abel,

et sacrificium Patriarchæ nostri Abrahæ,
et quod tibi obtulit
summus sacerdos tuus Melchisedech,
sanctum sacrificium,
immaculatam hostiam.

96. *Inclinatus, iunctis manibus, prosequitur:*

Supplices te rogâmus, omnipotens Deus:
iube hæc perfèrri per manus sancti Angeli tui
in sublimè altàre tuum,
in conspèctu divínæ maiestátis tuæ;
ut, quotquot ex hac altàris participatióne
sacrosâctum Fílii tui Corpus et Sâguinem
sumpsérimus,
erigit se atque seipsum signat, dicens:
omni benedictiône cælésti et grátia repleámur.

Iungit manus.

(Per Christum Dóminum nostrum. Amen.)

97. *Commemoratio pro defunctis.*

Manibus extensis, dicit:

Meménto étiam, Dómine, famulórum
famularúmque tuárum *N.* et *N.*,
qui nos præcessérunt cum signo fidei,
et dórmiunt in somno pacis.

Iungit manus et orat aliquantulum pro iis defunctis, pro quibus orare intendit.

Deinde, extensis manibus, prosequitur:

Ipsis, Dómine,
et ómnibus in Christo quiescéntibus,

locum refrigerii, lucis et pacis,
ut indulgeas, deprecámur.

Iungit manus.

(Per Christum Dóminum nostrum. Amen.)

98. **Manu dextera percutit sibi pectus, dicens:**

Nobis quoque peccatóribus fámulis tuis,
et extensis manibus prosequitur:
de multitudíne miseratiónum tuárum sperántibus,
partem áliquam et societátem donáre dignéris
cum tuis sanctis Apóstolis et Martýribus:
cum Ioánnē, Stéphano,
Matthía, Bárnaba,
(Ignátio, Alexándro,
Marcellíno, Petro,
Felicítate, Perpétua,
Agatha, Lúcia,
Agnéte, Cæcília, Anastásia)
et ómnibus Sanctis tuis:
intra quorum nos consórtium,
non æstimátor mériti, sed véniaē,
quæsumus, largítor admítte.

Iungit manus.

Per Christum Dóminum nostrum.

99. **Et prosequitur:**

Per quem hæc ómnia, Dómine,
semper bona creas, sanctíficas, vivíficas, benedícis,
et præstas nobis.

100. **Accipit patenam cum hostia et calicem, et, utrumque elevans, dicit:**

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sácula sæculórum.

Populus acclamat: Amen.

Deinde sequitur ritus communionis, p. 647.

PREX EUCHARISTICA II

101. *℣.* Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi, sancte Pater,
semper et ubíque grátias ágere
per Fílium dilectiónis tuæ Iesum Christum,
Verbum tuum per quod cuncta fecísti:
quem misísti nobis Salvatórem et Redemptórem,
incarnátum de Spírítu Sancto et ex Vírgine natum.
Qui voluntátem tuam adímplens
et pópulum tibi sanctum acquírens
exténdit manus cum paterétur,
ut mortem sólveret
et resurrectiónem manifestáret.
Et ídeo cum Angelis et ómnibus Sanctis
glóriam tuam prædicámus, una voce dicétes:
Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

102. *Sacerdos, manibus extensis, dicit:*

Vere Sanctus es, Dómine, fons omnis sanctitátis.

103. *Iungit manus, easque expansas super oblata tenens, dicit:*

Hæc ergo dona, quæsumus,

Spíritus tui rore sanctífica,

iungit manus

et signat semel super panem et calicem simul, dicens:

ut nobis Corpus et ✠ Sanguis fiant

Dómini nostri Iesu Christi.

Iungit manus.

104. *In formulis quæ sequuntur, verba Domini proferantur distincte et aperte, prouti natura eorundem verborum requirit.*

Qui cum Passióni voluntárie traderétur,

accipit panem,

eumque parum elevatum super altare tenens,

prosequitur:

accépit panem et grátias agens fregit,

dedítque discíplis suis, dicens:

parum se inclinat

Accípite et manducáte ex hoc omnes:

hoc est enim Corpus meum,

quod pro vobis tradétur.

Hostiam consecratam ostendit populo, reponit super patenam, et genuflexus adorat.

105. *Postea prosequitur:*

Símili modo, postquam cenátum est,

accipit calicem,

eumque parum elevatum super altare tenens,

prosequitur:

accípiens et cálicem,
íterum grátias agens dedit discíplis suis, dicens:
parum se inclinat

Accípите et bíbite ex eo omnes:
hic est enim calix Sánguini mei
novi et ætéрни testaménti,
qui pro vobis et pro multis effundétur
in remissiónem peccatórum.
Hoc fácite in meam commemoratiónem.

Calicem ostendit populo, deponit super corporale, et genuflexus adorat.

106. **Deinde dicit:**

Mystérium fidei:

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur,
donec vénias.

Vel:

Quotiescúmque manducámus panem hunc
et cálicem bíbimus,
mortem tuam annuntiámus, Dómine,
donec vénias.

Vel:

Salvátor mundi, salva nos,
qui per crucem et resurrectionem tuam
liberásti nos.

107. **Deinde sacerdos, extensis manibus, dicit:**

Mémores ígitur mortis et resurrectionis eius,
tibi, Dómine, panem vitæ
et cálicem salutis offérimus,
grátias ágéntes quia nos dignos habuísti
astáre coram te et tibi ministráre.

Et súpplíces deprecámur
ut Córporis et Sánguínis Christi partícipes
a Spírítu Sancto congregémur in unum.

Recordáre, Dómine,
Ecclésiæ tuæ toto orbe diffúsæ,
ut eam in caritaté perfícias
una cum Papa nostro **N.**
et Epíscopo nostro **N.** *
et univérso clero.

In Missis pro defunctis addi potest:

Meménto fámuli tui (fámulæ tuæ) **N.**,
quem (quam) (hódie)
ad te ex hoc mundo vocásti.
Concéde, ut, qui (quæ) complantátus
(complantáta) fuit similitúdini mortis Fílii tui,
simul fiat et resurrectionis ipsíus.

Meménto étiam fratrum nostrórum,
qui in spe resurrectionis dormiérunt,
omniúmque in tua miseratióne defunctórum,
et eos in lumen vultus tui admítte.

* Hic fieri potest mentio de Episcopis Coadiutoribus vel Auxiliariis, ut in « Institutione generali Missalis Romani », n. 109, notatur.

Omniū nostrū, quæsumus, miserere,
 ut cum beāta Dei Genetrice Virgine Mariā,
 beātis Apóstolis et ómnibus Sanctis,
 qui tibi a sǎculo placuerunt,
 æternæ vitæ mereámur esse consórtes,
 et te laudémus et glorificémus
 iungit manus
 per Fílium tuum Iesum Christum.

108. Accipit patenam cum hostia et calicem, et utrumque
 elevans, dicit:

Per ipsum, et cum ipso, et in ipso,
 est tibi Deo Patri omnipoténti,
 in unitáte Spíritus Sancti,
 omnis honor et glória
 per ómnia sǎcula sæculórum.

Populus acclamat: Amen.

Deinde sequitur ritus communionis, p. 647.

PREX EUCHARISTICA III

109. **Sacerdos, manibus extensis, dicit:**

Vere Sanctus es, Dómine,
et mérito te laudat omnis a te cóndita creatúra,
quia per Fílium tuum,
Dóminum nostrum Iesum Christum,
Spíritus Sancti operánte virtúte,
vivíficas et sanctíficas univérsa,
et pópulum tibi congregáre non désinis,
ut a solis ortu usque ad occásum
oblátio munda offerátur nómini tuo.

110. **Iungit manus, easque expansas super oblata tenens, dicit:**

Súpplices ergo te, Dómine, deprecámur,
ut hæc múnera, quæ tibi sacránda detúlimus,
eódem Spíritu sanctificáre dignéris,

iungit manus

et signat semel super panem et calicem simul, dicens:

ut Corpus et ✠ Sanguis fiant

Fílii tui, Dómini nostri Iesu Christi,

iungit manus

cuius mandáto hæc mystéria celebrámus.

111. **In formulis quæ sequuntur, verba Domini proferantur distincte et aperte, prouti natura eorundem verborum requirit:**

Ipse enim in qua nocte tradebátur

accipit panem

**eumque parum elevatum super altare tenens,
prosequitur:**

accépit panem
et tibi grátias agens benedíxit,
fregit, dedítque discíplis suis, dicens:
parum se inclinát

Accípite et manducáte ex hoc omnes:
hoc est enim Corpus meum,
quod pro vobis tradétur.

Hostiam consecratam ostendit populo, deponit super patenam, et genuflexus adorat.

112. Postea prosequitur:

Símili modo, postquam cenátum est,
accipit calicem,
eumque parum elevatum super altare tenens,
prosequitur:
accípiens cálicem,
et tibi grátias agens benedíxit,
dedítque discíplis suis, dicens:
parum se inclinát

Accípite et bíbite ex eo omnes:
hic est enim calix Ságuinis mei
novi et ætéрни testaménti,
qui pro vobis et pro multis effundétur
in remissionem peccatórum.
Hoc fácite in meam commemoratiónem.

Calicem ostendit populo, deponit super corporale, et genuflexus adorat.

113. Deinde dicit:

Mystérium fidei:

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur,
donec vénias.

Vel:

Quotiescúmque manducámus panem hunc
et cálicem bíbimus,
mortem tuam annuntiámus, Domine,
donec vénias.

Vel:

Salvátor mundi, salva nos,
qui per crucem et resurrectionem tuam
liberásti nos.

114. Deinde sacerdos, extensis manibus, dicit:

Mémoires ígitur, Dómine,
eiusdem Fílii tui salutíferæ passiónis
necnon mirábilis resurrectionis
et ascensionis in cælum,
sed et præstolántes álterum eius advéntum,
offérimus tibi, grátias referéntes,
hoc sacrificium vivum et sanctum.

Réspice, quæsumus, in oblationem Ecclésiæ tuæ
et, agnóscens Hóstiam,
cuius voluísti immolatione placári, concéde,
ut qui Córpo et Ságuine Fílii tui refícimur,
Spíritu eius Sancto repléti,
unum corpus et unus spíritus inveniámur in Christo.

Ipse nos tibi perfíciat munus ætérnum,
ut cum eléctis tuis hereditátem cónsequi valeámus,

in primis cum beatíssima Vírgine,
 Dei Genetríce, María,
 cum beáteis Apóstolis tuis et gloriósis Martýribus
 (cum Sancto N.: **Sancto diei vel patrono**)
 et ómnibus Sanctis, quorum intercessióne
 perpétuo apud te confídimus adiuvárí.

Hæc Hóstia nostræ reconciliatiónis profíciat,
 quæsumus, Dómine,
 ad totíus mundi pacem atque salútem.
 Ecclésiám tuam, peregrinántem in terra,
 in fide et caritáte firmáre dignéris
 cum fámulo tuo Papa nostro N.
 et Epíscopo nostro N. *,
 cum episcopáli órđine et unívěro clero
 et omni pópulo acquisitiónis tuæ.
 Votis huius famíliæ, quam tibi astáre voluísti,
 adésto propítius.

Omnes filios tuos ubíque dispérsos
 tibi, clemens Pater, miserátus coniúnge.

† Fratres nostros defúntcos
 et omnes qui, tibi placéntes,
 ex hoc sæculo transiérunt,
 in regnum tuum benígnus admítte,
 ubi fore sperámus,
 ut simul glória tua perénniter satiémur,
iungit manus
 per Christum Dóminum nostrum,
 per quem mundo bona cuncta largírís. †

* Hic fieri potest mentio de Episcopis Coadiutoribus vel Auxiliariis, ut in « Institutione generali Missalis Romani », n. 109, notatur.

115. Accipit patenam cum hostia et calicem, et, utrumque elevans, dicit:

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sǽcula sǽculórum.

Populus acclamat: Amen.

Deinde sequitur ritus communionis, p. 647.

116. Quando hæc prex eucharistica in Missis pro defunctis adhibetur, dici potest:

† Meménto fámuli tui (fámulæ tuæ) N.,
quem (quam) (hódie) ad te ex hoc mundo vocásti.
Concéde, ut, qui (quæ) complantátus
(complantáta) fuit similitúdini mortis Fílii tui,
simul fiat et resurrectionis ipsíus,
quando mórtuos suscitábit in carne de terra
et corpus humilitátis nostræ
configurábit córpori claritátis suæ.
Sed et fratres nostros defúntos,
et omnes qui, tibi placéntes,
ex hoc sǽculo transiérunt,
in regnum tuum benígnus admítte, ubi fore sperámus,
ut simul glória tua perénriter satiémur,
quando omnem lácrimam abstérges ab óculis nostris,
quia te, sicuti es, Deum nostrum vidéntes,
tibi símiles érimus cuncta per sǽcula,
et te sine fine laudábimus,

iungit manus

per Christum Dóminum nostrum,
per quem mundo bona cuncta largíris. †

PREX EUCHARISTICA IV

117. **℣.** Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum est tibi grátias ágere,
vere iustum est te glorificáre, Pater sancte,
quia unus es Deus vivus et verus,
qui es ante sácula et pérmanes in ætérnum,
inaccessíblem lucem inhábítans;
sed et qui unus bonus atque fons vitæ cuncta fecísti,
ut creatúras tuas benedictiónibus adimpléres
multásque lætificáres tui lúminis claritáte.
Et ídeo coram te innúmeræ astant turbæ angelórum,
qui die ac nocte sérvíunt tibi
et, vultus tui glóriam contemplántes,
te incessánte glorífícant.
Cum quibus et nos et, per nostram vocem,
omnis quæ sub cælo est creatúra
nomen tuum in exsultatióne confitémur, canéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

118. *Sacerdos, manibus extensis, dicit:*

Confitémur tibi, Pater sancte,
quia magnus es et ómnia ópera tua
in sapiéntia et caritáte fecísti.
Hóminem ad tuam imáginem condidísti,
eíque commisísti mundi curam univérsi,
ut, tibi soli Creatóri sérvians,
creatúris ómnibus imperáret.
Et cum amicitíam tuam, non obcédiens, amisísset,
non eum dereliquísti in mortis império.
Omnibus enim misericórditer subvenísti,
ut te quæréntes invenírent.
Sed et fœdera plúries homínibus obtulísti
eósque per prophétas erudísti
in expectatióne salútis.
Et sic, Pater sancte, mundum dilexísti,
ut, compléta plenitúdine témporum,
Unigénitum tuum nobis mítte: Ihs Salvatórem.
Qui, incarnátus de Spíritu Sancto
et natus ex María Vírgine,
in nostra condiciónis forma est conversátus
per ómnia absque peccáto;
salútem evangelizávit paupéribus,
redemptiónem captívis, mæstis corde lætítiam.
Ut tuam vero dispensatiónem impléret,
in mortem trádedit semetípsum
ac, resúrgens a mórtuis,
mortem destrúxit vitámque renovávit.
Et, ut non ámplius nobismetípsis viverémus,
sed sibi qui pro nobis mórtuus est atque surréxit,
a te, Pater, misit Spíritum Sanctum

primítias credéntibus,
qui, opus suum in mundo perfíciens,
omnem sanctificatióem compléret.

119. *Iungit manus, easque expansas super oblata tenens, dicit:*

Quæsumus ígitur, Dómine,
ut idem Spíritus Sanctus
hæc múnera sanctificáre dignétur,
iungit manus
et signat semel super panem et calicem simul, dicens:
ut Corpus et ✠ Sanguis fiant
Dómini nostri Iesu Christi
iungit manus
ad hoc magnum mystérium celebrándum,
quod ipse nobis relíquit in fœdus ætérnum.

120. *In formulis quæ sequuntur, verba Domini proferantur distincte et aperte, prouti natura eorundem verborum requirit.*

Ipse enim, cum hora venísset
ut glorificarétur a te, Pater sancte,
ac dilexísset suos qui erant in mundo,
in finem diléxit eos:
et cenántibus illis
accipit panem,
eumque parum elevatum super altare tenens,
prosequitur:
accépit panem, benedíxit ac fregit,
dedítque discípulis suis, dicens:
parum se inclinât
Accípíte et manducáte ex hoc omnes:
hoc est enim Corpus meum,
quod pro vobis tradétur.

Hostiam consecratam ostendit populo, deponit super patenam, et genuflexus adorat.

121. Postea prosequitur:

Símili modo
accipit calicem,
eumque parum elevatum super altare tenens,
prosequitur:
accípiens cálicem, ex genímine vitis replétum,
grátias egit, deditque discípulis suis, dicens:
parum se inclinat

Accípite et bíbite ex eo omnes:
hic est enim calix Sánguini mei
novi et ætéрни testaménti,
qui pro vobis et pro multis effundétur
in remissiónem peccatórum.
Hoc fácite in meam commemoratiónem.

Calicem ostendit populo, deponit super corporale, et genuflexus adorat.

122. Deinde dicit:

Mystérium fídei:

Et populus prosequitur, acclamans:

Mortem tuam annuntiámus, Dómine,
et tuam resurrectiόnem confitémur, donec vénias.

Vel:

Quotiescúmque manducámus panem hunc
et cálicem bíbimus,
mortem tuam annuntiámus, Dómine, donec vénias.

Vel:

Salvátor mundi, salva nos,
qui per crucem et resurrectionem tuam
liberásti nos.

123. Deinde sacerdos, extensis manibus, dicit:

Unde et nos, Dómine,
redemptionis nostræ memoriále nunc celebrántes,
mortem Christi
eiusque descensum ad íferos recólimus,
eius resurrectionem
et ascensionem ad tuam dexteram profitémur,
et, exspectántes ipsíus advéntum in glória,
offérimus tibi eius Corpus et Sánguinem,
sacrificíum tibi acceptábile
et toti mundo salutáre.

Réspice, Dómine, in Hóstiam,
quam Ecclesiæ tuæ ipse parásti,
et concéde benígnus ómnibus
qui ex hoc uno pane participábunt et cálice,
ut, in unum corpus a Sancto Spíritu congregáti,
in Christo hóstia viva perficiántur,
ad laudem glóriæ tuæ.

Nunc ergo, Dómine, ómnium recordáre,
pro quibus tibi hanc oblationem offérimus:
in primis fámuli tui, Papæ nostri N.,
Epíscopi nostri N. *,
et Episcopórum órdinis univérsi,

* Hic fieri potest mentio de Episcopis Coadiutoribus vel Auxiliariis, ut in « Institutione generali Missalis Romani », n. 109, notatur.

sed et totius cleri, et offeréntium,
et circumstántium,
et cuncti pópuli tui,
et ómnium, qui te quærunt corde sincéro.

Meménto étiam illórum,
qui obiérunt in pace Christi tui,
et ómnium defunctórum,
quorum fidem tu solus cognovísti.

Nobis ómnibus, fíliis tuis, clemens Pater, concéde,
ut cæléstem hereditátem cónsequi valeámus
cum beáta Vírgine, Dei Genetríce, María,
cum Apóstolis et Sanctis tuis
in regno tuo, ubi cum univérsa creatúra,
a corruptióne peccáti et mortis liberáta,
te glorificémus per Christum Dóminum nostrum,
iungit manus,
per quem mundo bona cuncta largíris.

124. **Accipit patenam cum hostia et calicem, et utrumque elevans, dicit:**

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Populus acclamat: Amen.

RITUS COMMUNIONIS

125. Calice et patena depositis, sacerdos, iunctis manibus, dicit:

Præcéptis salutáribus móniti,
et divína institutióne formáti,
audémus dícere:

Extendit manus et, una cum populo, pergit:

Pater noster, qui es in cælis:
sanctificétur nomen tuum;
advéniat regnum tuum;
fiat volúntas tua, sicut in cælo, et in terra.
Panem nostrum cotidiánum da nobis hódie;
et dimítte nobis débíta nostra,
sicut et nos dimíttimus debitóribus nostris;
et ne nos indúcas in tentatiónem;
sed líbera nos a malo.

126. Manibus extensis, sacerdos solus prosequitur, dicens:

Líbera nos, quæsumus, Dómine, ab ómnibus malis,
da propítius pacem in diébus nostris,
ut, ope misericórdiæ tuæ adiúti,
et a peccáto simus semper líberi
et ab omni perturbatióne secúri:
exspectántes beátam spem
et advéntum Salvatóris nostri Iesu Christi.

Iungit manus.

Populus orationem concludit, acclamans:

Quia tuum est regnum,
et potéstas, et glória
in sæcula.

127. Deinde sacerdos, manibus extensis, clara voce dicit:

Dómine Iesu Christe, qui dixísti Apóstolis tuis:
Pacem relínquo vobis, pacem meam do vobis:
ne respícias peccáta nostra,
sed fidem Ecclésiæ tuæ;
eámque secúndum voluntátem tuam
pacificáre et coadunáre dignéris.

Iungit manus.

Qui vivis et regnas in sácula sæculórum.

Populus respondet: Amen.

128. Sacerdos, ad populum conversus, extendens et iungens manus, subdit:

Pax Dómini sit semper vobíscum.

Populus respondet:

Et cum spíritu tuo.

129. Deinde, pro opportunitate, diaconus vel sacerdos subiungit:

Offérte vobis pacem.

Et omnes, iuxta locorum consuetudines, pacem et caritatem sibi invicem significant; sacerdos pacem dat diacono vel ministro.

130. Deinde accipit hostiam eamque super patenam frangit, et particulam immittit in calicem, dicens secreto:

Hæc commíxtio Córporis et Sanguinis Dómini nostri Iesu Christi fiat accipiéntibus nobis in vitam ætérnam.

131. Interim cantatur vel dicitur:

Agnus Dei, qui tollis peccáta mundi: miserére nobis.
Agnus Dei, qui tollis peccáta mundi: miserére nobis.
Agnus Dei, qui tollis peccáta mundi: dona nobis pacem.

Quod etiam pluries repeti potest, si fractio panis protrahitur. Ultima tamen vice dicitur: dona nobis pacem.

132. Sacerdos deinde, manibus iunctis, dicit secreto:

Dómine Iesu Christe, Fili Dei vivi,
qui ex voluntáte Patris,
cooperánte Spíritu Sancto,
per mortem tuam mundum vivificásti:
libera me
per hoc sacrosáctum Corpus et Ságuinem tuum
ab ómnibus iniquitatibus meis et univérsis malis:
et fac me tuis semper inhærere mandátis,
et a te numquam separári permíttas.

Vel:

Percéptio Córporis et Ságuinis tui,
Dómine Iesu Christe,
non mihi provéniat in iudícium et condemnatióem:
sed pro tua pietáte
prosit mihi ad tutaméntum mentis et córporis,
et ad medélam percipiéndam.

133. Sacerdos genuflectit, accipit hostiam, eamque aliquantulum elevatam super patenam tenens, ad populum versus, clara voce dicit:

Ecce Agnus Dei, ecce qui tollit peccáta mundi.
Beáti qui ad cenam Agni vocáti sunt.

Et una cum populo semel subdit:

Dómine, non sum dignus ut intres sub tectum meum:
sed tantum dic verbo, et sanábitur ánima mea.

134. Et sacerdos, ad altare versus, secreto dicit:

Corpus Christi custódiat me in vitam ætérrnam.

Et reverenter sumit Corpus Christi.

Deinde accipit calicem et secreto dicit:

Sanguis Christi custódiat me in vitam ætérrnam.

Et reverenter sumit Sanguinem Christi.

135. Postea accipit patenam vel pyxidem, accedit ad communicandos, et hostiam parum elevatam unicuique eorum ostendit, dicens:

Corpus Christi.

Communicandus respondet:

Amen.

Et communicatur.

Eo modo agit et diaconus, si sacram Communionem distribuit.

136. Si adsint sub utraque specie communicandi, servetur ritus suo loco descriptus.

137. Dum sacerdos sumit Corpus Christi, incipit cantus ad Communionem.

138. Distributione Communionis expleta, sacerdos vel diaconus vel acolythus purificat patenam super calicem et ipsum calicem.

Dum purificationem peragit, sacerdos dicit secreto:

Quod ore sumpsimus, Dómine, pura mente capiámus, et de múnere temporáli fiat nobis remédium sempitérnum.

139. Tunc sacerdos ad sedem redire potest. Pro opportunitate sacrum silentium, per aliquod temporis spatium, servari, vel psalmus aut canticum laudis proferri potest.

140. Deinde, stans ad sedem vel ad altare, sacerdos dicit: Orémus.

Et omnes una cum sacerdote per aliquod temporis spatium in silentio orant, nisi silentium iam præcesserit. Deinde sacerdos, manibus extensis, dicit orationem post Communionem. Populus in fine acclamat:

Amen.

Ritus conclusionis

141. Sequuntur, si habendæ sint, breves annuntiationes ad populum.

142. Deinde fit dimissio. Sacerdos, versus ad populum, extendens manus, dicit:

Dóminus vobíscum.

Populus respondet:

Et cum spírítu tuo.

Sacerdos benedicit populum, dicens:

Benedícat vos omnípotens Deus,
Pater, et Fílius, ✠ et Spírítus Sanctus.

Populus respondet:

Amen.

Quibusdam diebus vel occasionebus, huic formulæ benedictionis præmittitur, iuxta rubricas, alia formula benedictionis sollemnior, vel oratio super populum (cf. pp. 668-678).

143. Deinde diaconus, vel ipse sacerdos, manibus iunctis, ad populum versus dicit:

Ite, missa est.

Populus respondet:


Deo grátias.

144. Deinde sacerdos altare osculo de more veneratur, ut initio. Facta denique debita reverentia cum ministris, recedit.

145. Si qua actio liturgica immediate sequatur, ritus dimissionis omittuntur.



ORDO MISSÆ SINE POPULO



ORDO MISSÆ SINE POPULO

Ritus initiales

1. Sacerdos, facta cum ministro debita reverentia, signat se, dicens:

In nómine Patris, et Fílii, et Spíritus Sancti.

Minister respondet:

Amen.

2. Tunc sacerdos, ad ministrum conversus et manus extendens, eum salutat, dicens:

Dóminus vobíscum.

Minister respondet:

Et cum spíritu tuo.

Adhiberi possunt etiam sequentes formulæ salutationis:

✠. Grátia Dómini nostri Iesu Christi, et caritas Dei, et communicatio Sancti Spíritus sit cum ómnibus vobis.

✠. Et cum spíritu tuo.

Vel:

✠. Grátia vobis et pax a Deo Patre nostro et Dómino Iesu Christo.

✠. Benedíctus Deus et Pater Dómini nostri Iesu Christi.

Vel:

✠. Et cum spíritu tuo.

3. Postea sacerdos et minister faciunt confessionem:

Confíteor Deo omnipoténti et tibi, frater,
quia peccávi nimis
cogitatióne, verbo, ópere et omissiόne:

et, percutientes sibi pectus, dicunt:

mea culpa, mea culpa, mea máxima culpa.

Deinde prosequuntur:

Ideo precor beátam Mariám semper Víginem,
omnes Angelos et Sanctos,
et te, frater, oráre pro me
ad Dóminum Deum nostrum.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perdúcat nos ad vitam ætéram.

Minister respondet:

Amen.

4. Tunc sacerdos ascendit ad altare, illud veneratur osculo,
et accedit ad missale in sinistro latere altaris collocato, et legit
antiphonam ad introitum.

5. Sequuntur invocationes Kýrie, eléison, quas sacerdos dicit
alternatim cum ministro.

Sac.: Kýrie, eléison.

Min.: Kýrie, eléison.

Sac.: Christe, eléison.

Min.: Christe, eléison.

Sac.: Kýrie, eléison.

Min.: Kýrie, eléison.

6. Deinde, quando præscribitur, sacerdos et minister simul
dicunt hymnum Glória in excélsis Deo.

7. Quo finito, sacerdos, manibus iunctis, dicit:

Orémus.

Et, facta aliqua pausa silentii, extendit manus et dicit ora-
tionem; qua expleta, minister acclamat:

Amen.

Liturgia verbi

8. Tunc minister vel ipse sacerdos legit primam lectionem, psalmum et, si habenda est, secundam lectionem necnon alterum cantum.

9. Deinde sacerdos, inclinatus, secreto dicit:

Munda cor meum ac lābia mea, omnípotens Deus,
ut sanctum Evangélium tuum digne váleam nuntiāre.

10. Postea, iunctis manibus, dicit:

Dóminus vobíscum.

Minister respondet:

Et cum spírítu tuo.

Sacerdos:

Léctio sancti Evangélii secúndum N.,

et interim signat librum et seipsum in fronte, ore et pectore.

Minister acclamat:

Glória tibi, Dómine.

Deinde sacerdos Evangelium legit. Quo finito, librum osculatur, dicens secreto: Per evangélica dicta deleántur nostra delícta.

Minister autem acclamat:

Laus tibi, Christe.

11. Quando dicendum est, sacerdos et minister simul dicunt symbolum.

12. Postea fieri potest oratio universalis seu oratio fidelium, in qua ipse sacerdos etiam intentiones profert, ministro respondente.

Liturgia eucharistica

13. Minister corporale, purificatorium et calicem super altare deponit, nisi iam initio Missæ ibidem sint posita. Sacerdos ad medium altaris accedit.

14. Tunc minister affert patenam cum pane, quam sacerdos accipit et aliquantulum elevatam super altare tenet, dicens:

Benedíctus es, Dómine, Deus univérsi,
quia de tua largitáte accépimus panem,
quem tibi offérimus,
fructum terræ et óperis mánuum hóminum,
ex quo nobis fiet panis vitæ.

Deponit deinde patenam cum pane super corporale.

15. Postea sacerdos infundit vinum et parum aquæ in calicem, dicens secreto:

Per huius aquæ et vini mystérium
eius efficiámur divinitátis consórtes,
qui humanitátis nostræ fieri dignátus est párticeps.

16. Postea accipit calicem, eumque aliquantulum elevatum super altare tenet, dicens:

Benedíctus es, Dómine, Deus univérsi,
quia de tua largitáte accépimus vinum,
quod tibi offérimus,
fructum vitis et óperis mánuum hóminum,
ex quo nobis fiet potus spiritális.

Deinde calicem super corporale deponit.

17. Postea, inclinatus, dicit secreto:

In spíritu humilitátis et in ánimo contríto
suscipiámur a te, Dómine,
et sic fiat sacrificium nostrum in conspéctu tuo hódie,
ut pláceat tibi, Dómine Deus.

18. Deinde, stans ad latus altaris, lavat manus, dicens secreto:

Lava me, Dómine, ab iniquitáte mea,
et a peccáto meo munda me.

19. Stans postea in medio altaris, versus ad ministrum, extendens et iungens manus, dicit:

Oráte, fratres,
ut meum ac vestrum sacrificium
acceptábile fiat apud Deum Patrem omnipoténtem.

Minister respondet:

Suscípiat Dóminus sacrificium de mánibus tuis
ad laudem et glóriam nóminis sui,
ad utilitátem quoque nostram
totiúsque Ecclésiæ suæ sanctæ.

Deinde, manibus extensis, sacerdos dicit orationem super oblata; qua finita, minister acclamat: Amen.

20. Tunc sacerdos dicit Precem eucharisticam, iuxta normas, quæ in singulis Precibus eucharisticis (pp. 623-646) indicantur.

21. Post doxologiam in fine Precis eucharisticæ, iunctis manibus, sacerdos dicit:

Præcéptis salutáribus móniti,
et divína institutióne formáti,
audémus dícere:

Extendit manus et, una cum ministro, pergit:

Pater noster, qui es in cælis:
sanctificétur nomen tuum;
advéniat regnum tuum;
fiat volúntas tua, sicut in cælo, et in terra.
Panem nostrum cotidiánum da nobis hódie;
et dimítte nobis débita nostra,
sicut et nos dimíttimus debitóribus nostris;
et ne nos indúcas in tentatiónem;
sed líbera nos a malo.

22. Manibus extensis, sacerdos solus prosequitur, dicens:

Líbera nos, quæsumus, Dómine, ab ómnibus malis,
da propítius pacem in diébus nostris,

ut, ope misericordiæ tuæ adiúti,
et a peccáto simus semper líberi
et ab omni perturbatióne secúri:
exspectántes beátam spem
et advéntum Salvatóris nostri Iesu Christi.

Iungit manus. Minister orationem concludit, acclamans:

Quia tuum est regnum,
et potéstas, et glória
in sæcula.

23. Tunc sacerdos, manibus extensis, clara voce dicit:

Dómine Iesu Christe, qui dixísti Apóstolis tuis:
Pacem relínquo vobis, pacem meam do vobis:
ne respicias peccáta nostra,
sed fidem Ecclésiæ tuæ;
eamque secúndum voluntátem tuam
pacificáre et coadunáre dignéris.

Iungit manus.

Qui vivis et regnas in sæcula sæculórum.

Minister respondet: Amen.

24. Sacerdos, ad ministrum conversus, extendens et iungens manus, subdit:

Pax Dómini sit semper vobíscum.

Minister respondet:

Et cum spíritu tuo.

Et sacerdos, pro opportunitate, pacem dat ministro.

25. Postea accipit hostiam, eamque super patenam frangit, interim cum ministro dicens:

Agnus Dei, qui tollis peccáta mundi: miserére nobis.
Agnus Dei, qui tollis peccáta mundi: miserére nobis.
Agnus Dei, qui tollis peccáta mundi: dona nobis pacem.

His dictis, particulam immittit in calicem, dicens secreto:

Hæc commíxtio Córporis et Ságuinis Dómini nostri Iesu Christi fiat accipiéntibus nobis in vitam ætérnam.

26. Sacerdos deinde, manibus iunctis, dicit secreto:

Dómine Iesu Christe, Fili Dei vivi,
qui ex voluntáte Patris,
cooperánte Spíritu Sancto,
per mortem tuam mundum vivificásti:
líbera me
per hoc sacrosáctum Corpus et Ságuinem tuum
ab ómnibus iniquitátibus meis et univérsis malis:
et fac me tuis semper inhærére mandátis,
et a te numquam separári permíttas.

Vel:

Percéptio Córporis et Ságuinis tui,
Dómine Iesu Christe,
non mihi provéniat in iudícium et condemnatióem:
sed pro tua pietáte
prosit mihi ad tutaméntum mentis et córporis,
et ad medélam percipiéndam.

27. Sacerdos genuflectit, accipit hostiam, eamque aliquantulum elevatam super patenam tenens, ad ministrum versus, clara voce dicit:

Ecce Agnus Dei, ecce qui tollit peccáta mundi.
Beáti qui ad cenam Agni vocáti sunt.

Et una cum ministro semel subdit:

Dómine, non sum dignus, ut intres sub tectum meum:
sed tantum dic verbo, et sanábitur ánima mea.

Si minister non est communicandus, sacerdos, accepta hostia, et stans ad altare conversus, statim dicit: Dómine, non sum dignus, etc.

28. Et deinde, ad altare versus, secreto dicit:

Corpus Christi custódiat me in vitam ætérnam.

Et reverenter sumit Corpus Christi.

Deinde accipit calicem et secreto dicit:

Sanguis Christi custódiat me in vitam ætérnam.

Et reverenter sumit Sanguinem Christi.

29. Quo facto, sacerdos dicit antiphonam ad Communionem.

30. Postea accipit patenam, accedit ad ministrum, si communicandus est, et hostiam parum elevatam ei ostendit, dicens:

Corpus Christi.

Minister respondet:

Amen.

Et communicatur.

31. Deinde sacerdos purificat patenam super calicem et ipsum calicem. Calix, patena, corporale et purificatorium a ministro ad abacum deferuntur, vel super altare relinquuntur.

Dum purificationem peragit, sacerdos dicit secreto:

Quod ore sumpsimus, Dómine, pura mente capiámus,
et de múnere temporáli fiat nobis remédium sempitérnum.

32. Sacrum silentium per aliquod temporis spatium servari potest.

33. Postea sacerdos, manibus iunctis, dicit:

Orémus.

Et facta aliqua pausa silentii, nisi iam præcesserit, extendit manus et dicit orationem post Communionem. Minister in fine acclamat:

Amen.

Ritus conclusionis

34. Deinde sacerdos, versus ad ministrum, extendens manus, dicit:

Dóminus vobíscum.

Minister respondet:

Et cum spírítu tuo.

Sacerdos benedicit ministrum, dicens:

Benedícat vos omnípotens Deus,
Pater, et Fílius, ✠ et Spírítus Sanctus.

Minister respondet:

Amen.

35. Denique sacerdos altare osculo veneratur et, facta cum ministro debita reverentia, recedit.



APPENDIX

INTRODUCTIONES ET CONCLUSIONES BREVES PRO PRÆFATIONIBUS

Quæ ad libitum, pro opportunitate, adhiberi possunt, præsertim a Conferentiis Episcopalibus in apparandis popularibus interpretationibus.

I

1. Vere dignum et iustum est, æquum et salutäre, nos tibi, sancte Pater, semper et ubique grátias ágere:
(per Iesum Christum Dóminum nostrum:)
2. Vere dignum est tibi grátias ágere, vere iustum est te glorificáre, Pater sancte:
(per Iesum Christum Dóminum nostrum:)
3. Vere dignum et iustum est nos tibi grátias ágere, et semper benedícere, teque laudáre, omnípotens ætérne Deus:
(per Iesum Christum Dóminum nostrum:)
4. Vere dignum et iustum est, omnípotens ætérne Deus, tibi in ómnibus et pro ómnibus semper grátias ágere, tuásque prædicáre virtútes:
(per Iesum Christum Dóminum nostrum:)
5. Vere dignum et iustum est nos tibi semper, Pater omnípotens, offérre hymnum et laudatiónis prómere cánticum:
(per Iesum Christum Dóminum nostrum:)
6. Vere dignum et iustum est, vere salutäre nobis atque convéniens, tibi grátias ágere atque laudes impéndere, Dómine, Pater cæléstis, omnípotens et miséricors Deus:
(per Iesum Christum Dóminum nostrum:)

7. Vere dignum et iustum est, ut te, Deus,
et cæléstia et terréna colláudent:
(per Iesum Christum Dóminum nostrum:)
8. Vere dignum et iustum est, æquum et salutáre,
nos tuæ pietáti semper grátias ágere, miséricors Pater,
omnípotens Deus, Rex ætérnæ glóriæ:
(per Iesum Christum Dóminum nostrum:)
9. Vere dignum et iustum est, æquum et salutáre,
te, ætérrnum et omnípoténtem Deum,
incessánte prædicáre,
tibi in ómnibus grátias ágere:
(per Iesum Christum Dóminum nostrum:)

II

1. Unde et nos cum ómnibus Angelis te laudámus,
iucúnda celebratióne clamánte:
2. Unde et nos tibi grátias ágimus,
et tuas virtútes cum Angelis prædicámus, dicénte:
3. Unde et nos, Dómine,
cum Angelis et Sanctis univérsis
tibi confitémur, in exsultatióne dicénte:
4. Et ídeo, choris angélicis sociáti,
te laudámus in gáudio confiténte:
5. Et ídeo, cum innúmeris Angelis,
una te magnificámus laudis voce, dicénte:
6. Et ídeo, cum Angelórum atque Sanctórum turba,
hymnum laudis tibi cánimus, sine fine dicénte:
7. Et ídeo, cum Sanctis et Angelis univérsis,
te collaudámus, sine fine dicénte:
8. Et ídeo, cum cælórum Virtútibus,
in terris te iúgiter celebrámus,
maiestáti tuæ sine fine clamánte:

9. Propter quod cælestia tibi atque terrèstria canticum novum concinunt adorando, et nos cum omni exercitu Angelorum proclamamus, sine fine dicentes:
10. Quapropter nunc et usque in sæculum, cum omni militia Angelorum, devota tibi mente concinimus, clamantes atque dicentes:
11. Sed et angèlici chori atque ágmina beatórum hymnum glóriæ tuæ concinunt, sine fine dicentes:
12. Per quem maiestatem tuam adorat exercitus Angelorum, ante conspèctum tuum in æternitate lætántium. Cum quibus et nostras voces ut admitti iúbeas, deprecámur, sócia exsultatióne dicentes:

BENEDICTIONES SOLLEMNES

Benedictiones sequentes adhiberi possunt, ad libitum sacerdotis, in fine celebrationis Missæ, aut liturgiæ verbi, aut Officii, aut Sacramentorum.

Diaconus vel, eo deficiente, ipse sacerdos dicere potest invitatorium: Inclinate vos ad benedictionem, vel aliis verbis expressum. Deinde sacerdos, manibus super populum extensis, dicit benedictionem, omnibus respondentibus: Amen.

I. In celebrationibus de tempore

10. Per annum, I

(Benedictio aaronitica: Num 6, 24-26)

Benedicat vobis Dóminus, et custódiat vos.

R. Amen.

Illúminet fáciem suam super vos, et misereátur vestri.

R. Amen.

Convértat vultum suum ad vos,
et donet vobis suam pacem.

R. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

R. Amen.

11. Per annum, II (Phil 4, 7)

Pax Dei, quæ exsúperat omnem sensum,
custódiat corda vestra et intellegéntias vestras
in sciéntia et caritáte Dei, et Filii sui,
Dómini nostri Iesu Christi.

R. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

R. Amen.

12. Per annum, III

Omnípotens Deus sua vos cleméntia benedícat,
et sensum in vobis sapiéntiæ salutáris infúndat.

℞. Amen.

Fídei documéntis vos semper enútriat,
et in sanctis opéribus, ut perseverétis, effíciat.

℞. Amen.

Gressus vestros ad se convértat,
et viam vobis pacis et caritátis osténdat.

℞. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

℞. Amen.

13. Per annum, IV

Deus totíus consolatiónis
dies vestros in sua pace dispónat,
et suæ vobis benedictiόnis dona concédant.

℞. Amen.

Ab omni semper perturbatióne vos líberet,
et corda vestra in suo amóre confírmet.

℞. Amen.

Quátenus donis spei, fidei et caritátis dívites,
et præséntem vitam transigátis in ópere effícaces,
et possítis ad ætérrnam perveníre felices.

℞. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

℞. Amen.

14. **Per annum, V**

Omnípotens Deus

univérſa a vobis advérſa ſemper exclúdat,
et ſuæ ſuper vos benedictiónis dona propitiátus infúndat.

℞. Amen.

Corſa veſtra effíciat divínis inténta elóquiis,
ut repléri poſſint gáudiis ſempitérnis.

℞. Amen.

Quátenuſ, quæ bona et recta intellegéntes,
viam mandatórum Dei inveniámini ſemper curréntes,
et cívium ſupernórum efficiámini coherédes.

℞. Amen.

Benedícat vos omnípotens Deus,
Pater, et Fílius, ✝ et Spíritus Sanctus.

℞. Amen.

II. In celebrationibus de Sanctis

15. **De beata Maria Virgine**

Deus, qui per beátæ Mariæ Vírginis partum
genus humánum ſua vóluit benignitáte redímere,
ſua vos dignétur benedictióne ditáre.

℞. Amen.

Eíuſque ſemper et ubíque patrocínia ſentiátis,
per quam auctórem vitæ ſuſcípere meruíſtis.

℞. Amen.

Et qui ad eiſ celebrándam ſollemnitátem
hodiérna die devótis méntibus conveníſtis,
ſpiritálium gaudiórum cæleſtiúmque præmiórum
vobiſcum múnera reportétis.

℞. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

℞. Amen.

16. De sanctis Petro et Paulo

Benedícat vos omnípotens Deus,
qui in beáti Petri confessióne vos salubérrima stabilívit,
et per eam in Ecclesiæ soliditáte fídei fundávit.

℞. Amen.

Et quos beáti Pauli instrúxit indeféssa prædicatióne,
suo semper exémplo dóceat Christo fratres lucrifácere.

℞. Amen.

Ut Petrus clave, Paulus verbo,
ope intercessiónis utérque
in illam pátriam nos certent indúcere,
ad quam meruérunt illi, alter cruce, alter gládio,
feliciter perveníre.

℞. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

℞. Amen.

17. De Apostolis

Deus, qui vos
in apostólicis tríbuit consístere fundaméntis,
benedícere vobis dignétur,
beatórum Apostolórum N. et N. (beáti Apóstoli N.)
méritis intercedéntibus gloriósis.

℞. Amen.

Et apostólicis præsídiis
vos pro cunctis fáciat testes veritátis,
qui vos eórum munerári documéntis vóluit et exémplicis.

℞. Amen.

Ut eórum intercessióne ad æternæ pátriæ hereditátem
perveníre possítis,
per quorum doctrínam fídei firmitátem possidétis.

R. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

R. Amen.

18. De omnibus Sanctis

Deus, glória et exsultátio Sanctórum,
benedícat vos benedictióne perpétua,
qui vobis hodiérna tríbuit celebráre sollémnia.

R. Amen.

Eórum intercessióne a præséntibus malis liberáti,
et exémplic sanctæ conversatiónis instrúcti,
in servítio Dei fratrumque inveniámini semper inténti.

R. Amen.

Quátenus cum iis ómnibus
valeátis illíus pátriæ possidére vos gáudia,
in qua fílios suos supérnis coniúngi cívibus
in pace perpétua sancta lætátur Ecclésia.

R. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

R. Amen.

III. Aliæ benedictiones

19. In Dedicatione ecclesiæ

Deus, Dóminus cæli et terræ,
qui vos hódie ad huius domus dedicatiónem

(dedicatiónis memóriam) adunávit,
ipse vos cælésti benedictióne fáciat abundáre.

R. Amen.

Concedátque vobis fieri templum suum
et habitáculum Spíritus Sancti,
qui omnes filios dispérsos vóluit in Fílio suo congregári.

R. Amen.

Quátenus, felíciter emundáti,
habitatórem Deum in vobismetípsis possítis habére,
et æternæ beatitúdinis hereditátem
cum ómnibus Sanctis possidére.

R. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

R. Amen.

20. In celebrationibus pro defunctis

Benedícat vos Deus totíus consolatiónis,
qui hóminem ineffábili bonitáte creávit,
et in resurrectione Unigéniti sui
spem credéntibus resurgéndi concéssit.

R. Amen.

Nobis, qui vívimus, véniam tríbuat pro peccátis,
et ómnibus defúntis locum concédatur lucis et pacis.

R. Amen.

Ut omnes cum Christo sine fine felíciter vivámus,
quem resurrexísse a mórtuis veráciter crédimus.

R. Amen.


Benedícat vos omnípotens Deus,
Pater, et Fílius, ✠ et Spíritus Sanctus.

R. Amen.

ORATIONES SUPER POPULUM

Orationes sequentes adhiberi possunt, ad libitum sacerdotis, in fine celebrationis Missæ, aut liturgiæ verbi, aut Officii, aut Sacramentorum.

Diaconus vel, eo deficiente, ipse sacerdos dicere potest invitatorium: Inclínate vos ad benedictiónem, vel aliis verbis expressum. Deinde sacerdos, manibus super populum extensis, dicit orationem, omnibus respondentibus: Amen.

Post orationem, sacerdos semper subdit: Benedicat vos omnípotens Deus, Pater, et Filius,  et Spíritus Sanctus.  Amen.

1. Esto, Dómine, propítius plebi tuæ,
et temporáli consolatiónem non déseras,
quam vis ad ætéRNA conténdere.
Per Christum.
2. Præsta fámulis tuis, Dómine,
abundántiam protectionis et grátia;
da salútem mentis et córporis;
da plenitúdinem fratérnæ caritátis,
et eos tibi semper fac esse devótos.
Per Christum.
3. Da, quæsumus, Dómine, pópulis christiánis,
et quæ profiténtur agnóscere,
et cæléste munus diligere, quod frequéntant.
Per Christum.
4. Plebs tua, Dómine, quæsumus,
benedictiónis sanctæ munus accípiat,
per quod et nóxia quæque declínet,
et optáta repériat.
Per Christum.

5. Fidèles tuos, Dómine,
benedíctio desideráta confírmet,
quæ eos et a tua voluntáte
numquam fáciat discrepáre,
et tuis semper indúlgeat benefíciis gratulári.
Per Christum.
6. Pópulum tuum, Dómine, quæsumus,
ad te toto corde convérte,
quia, quos deféndis étiam delinquéntes,
maióre pietáte tuéris sincéra mente devótos.
Per Christum.
7. Famíliam tuam, quæsumus, Dómine,
propitiátus illústra,
ut, beneplácitis inhæréndo,
cuncta quæ bona sunt mereátur exercére.
Per Christum.
8. Adésto, Dómine, fámulis tuis,
et opem tuam largíre poscéntibus,
ut iis, qui te auctóre et gubernatóre
felíciter gloriántur,
et creáta restáures, et restauráta consérves.
Per Christum.
9. Implorántes, Dómine, misericórdiam tuam,
fidèles pópulos propítius intuére,
ut, qui de tua pietáte confídunt,
tuæ caritátis dona ubíque diffúndere váleant.
Per Christum.
10. Bénedic, Dómine, plebem tuam,
quæ munus tuæ miseratiónis expéctat,
et concéde, ut, quod, te inspiránte, désíderat,
te largiénte percípiat.
Per Christum.

11. Subiēctum tibi pópulum,
quæsumus, Dómine,
propitiatio cæléstis amplíficet,
et tuis semper fáciat servíre mandátis.
Per Christum.
12. Propitiáre pópulo tuo, Deus,
ut, ab omni malo liberátus,
et toto tibi corde desérviat,
et sub tua semper protectióne consístat.
Per Christum.
13. Prætēnde, Dómine, fidélibus tuis
déteram cæléstis auxílii,
ut te toto corde perquírant,
et quæ digne póstulant cónsequi mereántur.
Per Christum.
14. Família tua, Deus,
et de celebrátis mystériis suæ redemptiónis
iúgiter collætétur,
et eius dona perseveránter acquirat.
Per Christum.
15. Esto, quæsumus, Dómine, propítius plebi tuæ,
ut, de die in diem quæ tibi displicent respuéntes,
tuórum pótius repleántur
delectatióibus mandatórum.
Per Christum.
16. Tueátur, quæsumus, Dómine,
déterta tua pópulum deprecántem,
et purificátum dignánter erúdiat,
ut consolatióne præsénti
ad futúra bona profíciat.
Per Christum.

17. Réspice, quæsumus, Dómine,
super hanc famíliam tuam,
pro qua Dóminus noster Iesus Christus
non dubitávit mánibus tradi nocéntium,
et crucis subíre torméntum.
Qui vivit.
18. Da, quæsumus, Dómine, fidélibus tuis
et sine cessatióne cápere paschália sacraménta,
et desideránte exspectáre dona ventúra,
ut, mystériis quibus renáti sunt permanéntes,
ad novam vitam his opéribus perducántur.
Per Christum.
19. Dómine Deus,
de abundántia misericordiárum tuárum
fámulos præsta locuplétes, præsta secúros,
ut, confirmáti benedictiónibus tuis,
in omni gratiárum actióne semper abúndent,
teque perpétua exsultatióne benedícant.
Per Christum.
20. Benedícat vos Deus omni benedictióne cælésti,
sanctósque vos et puros
in conspéctu suo semper effíciat;
divítias glóriæ suæ in vos abundánte effúndat,
verbis veritátis ínstruat, evangélio salútis erúdiat,
et caritaté fratérna semper locuplétet.
Per Christum.
21. Fidèles tuos, quæsumus, Dómine,
córpore páriter et mente purífica,
ut, tua inspiratióne compúnci,
nóxias delectatiónes vitáre præváleant,
atque tua semper suavitate pascántur.
Per Christum.


22. Adsit, Dómine, fidélibus tuis
sacræ benedictiónis efféctus,
qui mentes ómnium spiritáli vegetatióne dispónat,
ut ad ópera sua exercénda
virtúte caritátis tuæ roboréntur.
Per Christum.
23. Confírma, Dómine, quæsumus,
tuórum corda fidélium,
et grátiae tuæ virtúte corróbora,
ut et in tua sint supplicatióne devóti,
et mútua dilectiόne sincéri.
Per Christum.
24. Protéctor in te sperántium, Deus,
bénedic pópulum tuum,
salva, tuére, dispóne,
ut, a peccátis liber, ab hoste secúrus,
in tuo semper amóre persevéret.
Per Christum.

In festis Sanctorum

25. Exsúltet, Dómine, pópulus cristiánus
de magnórum Fílii tui glorificatióne membrórum,
et in quorum est celebritáte tibi devótus,
partem acquírat in eórum sorte perpétua,
atque de tua glória semper congáudeat.
Per Christum.
26. Plebis tuæ, quæsumus, Dómine,
ad te semper corda convérte,
et quam tantis facis patrocíniis adiuvári,
perpétuis non désinas gubernáre præsídiis.
Per Christum.

PROPRIUM DE SANCTIS

Elenchus lectionum, quæ magis conveniunt aliquibus Missis sanctorum (pro papa, pro missionariis, pro religiosis, pro educatoribus, pro iis qui opera misericordiæ exercuerunt, pro viduis) in Indicibus exstat.



1. Gradus celebrationum, nempe sollemnitas, festum aut memoria singulis diebus indicatur. Quando nulla adest indicatio, agitur de memoria ad libitum.

2. Pro singulis sollemnitatibus et festis integra Missa propria ponitur, quæ proinde dicitur prouti iacet.

3. Ad memorias quod attinet, hæc servantur:

a) Textus proprii, qui nonnullis diebus apponuntur, semper adhibeantur.

b) Quoties remittitur ad aliquod Commune definitum, textus aptiores seligantur, iuxta principia, quæ initio Communium exponuntur. Pagina, quæ singulis vicibus indicatur, innuit tantum initium Communis ad quod remittitur.

c) Si vero ad plura Communia remittitur, unum vel aliud adhiberi potest, attenta utilitate pastorali, et facta semper facultate textus e pluribus Missis eiusdem Communis inter se commutandi.

Ex. gr., si quis Sanctus simul est martyr et episcopus, adhiberi poterit aut Commune martyrum aut Commune pastorum (pro episcopis).

d) Insuper, præter Communia, quæ peculiarem notam sanctitatis illustrant (ex. gr. martyrum, virginum, pastorum, etc.) semper adhiberi possunt etiam Communia Sanctorum et Sanctarum, quæ de sanctitate in genere avertunt.

Ex. gr., pro Sancta virgine et martyre, præter Commune martyrum aut Commune virginum, adhiberi possunt etiam textus e Communi Sanctorum et Sanctarum.

e) Orationes super oblata et post communionem, nisi sint propriæ, sumuntur aut e Communi aut e currenti tempore liturgico.

4. Missæ quæ in hoc Proprio habentur, exceptis tamen Missis de mysteriis vitæ Domini et B. Mariæ Virginis necnon de quibusdam Sanctis, pro quibus peculiaris prævidetur Missa votiva, dicuntur etiam ut votivæ. In orationibus, hoc in casu, omittuntur verba quæ annuntiant diem natalem, vel sollemnitatem vel festum, et eis substituitur verbum *memória* vel *commemoratio*. Item, sicubi occurrat antiphona ad introitum *Gaudeamus*, huic substituitur alia antiphona e respectivo Communi.

5. De lectionibus hæc insuper attendenda sunt:

a) In sollemnitatibus et festis semper adhibendæ sunt lectiones quæ in Proprio vel Communi ponuntur; celebrationibus calendarii generalis semper lectiones propriæ assignantur.

b) In memoriis vero lectiones feriales de more adhibeantur. Attamen aliquando lectiones « propriæ » assignantur, id est quæ de ipsa persona Sancti agunt vel de mysterio de quo Missa celebratur; hæ lectiones dicendæ sunt loco lectionum ferialium occurrentium, ut expresse suo loco indicatur.

Pro ceteris autem casibus, lectiones de memoria adhibeantur tantum si peculiare rationes, præsertim indolis pastoralis, id suadeant. Nonnunquam ponuntur lectiones « appropriatæ », quæ, scilicet peculiarem aspectum vitæ spiritalis vel actuositatis Sancti in lucem produnt. Plerumque vero indicantur lectiones in Communibus exstantes, ut electio facilius evadat. Agitur tamen de suggestionibus: loco enim lectionis appropriatæ vel simpliciter propositæ, quævis alia lectio seligi potest e Communibus indicatis.

c) Cum in calendariis particularibus gradus celebrationis mutatur, attendatur sollemnitates tres lectiones habere, quarum prima ex Vetere Testamento (tempore autem paschali ex Actibus Apostolorum vel Apocalypsi) cum psalmo responsorio, secunda vero ex Novo Testamento, tertia denique ex Evangelio.

AUGUSTUS

Die 29 augusti

In Passione S. Ioannis Baptistæ

Memoria

¶ Evangelium huius memoriæ est proprium.

Ant. ad introitum

Ps 118, 46-47

Loquébar, Dómine, de testimóniis tuis
in conspéctu regum, et non confundébar,
et meditábar in mandátis tuis, quæ diléxi nimis.

Collecta

Deus, qui beátum Ioánnem Baptistam
et nascéntis et moriéntis Fílii tui Præcursórem
esse voluísti, concéde,
ut, sicut ille veritátis et iustítiæ martyr occúbuit,
ita et nos pro tuæ confessióne doctrínæ
strénue certémus.
Per Dóminum.

Lectio prior

*Loquere ad eos omnia quæ ego præcipio tibi.
Ne formides a facie eorum.*

Léctio libri Ieremíæ prophétæ

1, 17-19

In diébus illis: Factum est verbum Dómini ad me,
dicens:

« Accínge lumbos tuos, et surge, et lóquere ad eos
ómnia quæ ego præcipio tibi. Ne formídes a fácie eó-
rum, nec enim timére te fáciam vultum eórum.

Ego quippe dedi te hódie in civitátem munitam et in coluḿnam férream et in murum áereum, super omnem terram, régibus Iuda, princípibus eius et sacerdotibus et pópulo terræ.

Et bellábunt advérsum te et non prævalébunt, quia ego tecum sum, ait Dóminus, ut líberem te ».

Verbum Dómini.

Psalmus responsorius

Ps 70, 1-2. 3-4 a. 5-6. 15 ab-17 (R.: 15 a)

R. Os meum annuntiábit iustítiam tuam.

- ¹ In te, Dómine, sperávi,
non confúndar in ætérnum.
- ² In iustítia tua líbera me, et éripe me;
inclína ad me aurem tuam, et salva me. R.
- ³ Esto mihi in rupem præsídi et in domum munitam,
ut salvum me fácias,
quóniam fortitúdo mea et refúgium meum es tu.
- ⁴ Deus meus, éripe me de manu peccatóris. R.
- ⁵ Quóniam tu es exspectátio mea, Dómine;
Dómine, spes mea a iuventúte mea.
- ⁶ Super te inníxus sum ex útero,
de ventre matris meæ tu es suscéptor meus;
in te laus mea semper. R.
- ¹⁵ Os meum annuntiábit iustítiam tuam,
tota die salutáre tuum.
- ¹⁶ Véniam ad poténtias Dómini:
Dómine, memorábor iustítiae tuæ solíus.
- ¹⁷ Deus, docuísti me a iuventúte mea;
et usque nunc annuntiábo mirábilia tua. R.

Alleluia

Mt 5, 10

℞. Allelúia. ʒ. Beáti qui persecutióem patiúntur
propter iustítiam,
quóniam ipsórum est Regnum cælórum.
℞. Allelúia.

Evangelium

*Volo ut protinus des mihi in disco
caput Ioannis Baptistæ.*

✠ Lécio sancti Evangélii secúndum Marcum

6, 17-29

In illo témpore:

Heródes misit ac ténuít Ioánnem, et vinxit eum in cárcere propter Herodiádem uxórem Philíppi fratris sui, quia dúxerat eam.

Dicébat enim Ioánnes Heródi: « Non licet tibi habére uxórem fratris tui ». Heródias autem insidiabá-tur illi, et volébat occídere eum, nec póterat.

Heródes enim metuébat Ioánnem, sciens eum virum iustum et sanctum, et custodiébat eum, et audíto eo multum hæsitábat, et libénter eum audiébat.

Et cum dies oportúnus accidísset quo Heródes natáli suo cenam fecit princípibus suis et tribúnis et primis Galiléæ, cumque introísset fília ipsíus Hero-diadis et saltásset, plácuít Heródi simúlque recum-béntibus.

Rex ait puéllæ: « Pete a me quod vis, et dabo tibi ». Et iurávit illi multum: « Quidquid petíeris a me, dabo tibi, usque ad dimídium regni mei ».

Quæ, cum exísset, dixit matri suæ: « Quid petam? »

At illa dixit: « Caput Ioánnis Baptistæ ».

Cumque introísset statim cum festinatóne ad re-

gem, petívit dicens: « Volo ut prótinus des mihi in disco caput Ioánnis Baptístæ ».

Et contristátus rex propter iusiurándum et propter recumbéntes nóluit eam decípere et statim, misso spiculatóre, rex præcépit afférri caput eius. Et ábiens decollávit eum in cárcere, et áttulit caput eius in disco, et dedit illud puéllæ, et puélla dedit illud matri suæ.

Quo audíto, discípuli eius venérunt, et tulérunt corpus eius, et posuérunt illud in monuménto.

Verbum Dómini.

Super oblata

Da nobis, Dómine, per hæc múnera quæ tibi offérimus, illam tuárum rectitúdinem semitárum, quam beátus Ioánnes, vox in desérto clamántis, edócuit, et, fuso sángine, magna virtúte signávit.
Per Christum.

Præfatio: De missione Præcursoris.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

In cuius Præcursóre beáto Ioánnes
tuam magnificéntiam collaudámus,
quem inter natos mulierum
honóre præcípue consecrásti.

Qui cum nascéndo multa gáudia præstitisset,
et nondum éditus exsultásset
ad humánæ salútis advéntum,
ipse solus ómnium prophetárum
Agnum redemptiόνis osténdit.

Sed et sanctificándis étiam aquæ fluéntis
ipsum baptísmatis lavit auctórem,
et méruit fuso ságuine
suprémum illi testimónium exhibére.

Et ídeo, cum cælórum Virtútibus,
in terris te iúgiter prædicámus,
maiestáti tuæ sine fine clamántes:

Sanctus, Sanctus, Sanctus Dóminus Deus Sábaoth ...

Ant. ad communionem

Io 3, 27. 30

Respóndit Ioánnes:

Illum opórtet créscere, me autem mínui.

Post communionem

Concéde nobis, Dómine,
sancti Ioánnis Baptístæ natále recenséntibus,
ut et salutária sacraménta quæ súmpsimus
significáta venerémur,
et in nobis pótius édita gaudeámus. Per Christum.

SEPTEMBER

Die 3 septembris

S. Gregorii Magni, papæ et Ecclesiæ doctoris

Memoria

De Communi pastorum (pro papa), p. 865.

Vel de Communi doctorum Ecclesiæ, p. 910.

Collecta

Deus, qui pópulis tuis indulgéntia cónsulis
et amóre domináris,
da spíritum sapiéntiæ,
intercedénte beáto Gregório papa,
quibus dedísti régimen disciplínæ,
ut de proféctu sanctárum óvium
fiant gáudia æténa pastórum.
Per Dóminum.

Lectio prior, p. 893, n. 6.

Psalmus responsorius, p. 887.

Evangelium, p. 906, n. 8.

Super oblata

Annue nobis, quæsumus, Dómine,
ut, in celebratióne beáti Gregórii,
hæc nobis prosit oblátio,
quam immolándo totíus mundi tribuísti relaxári delícta.
Per Christum.

Post communionem

Quos Christo réficis pane vivo,
eósdem édoce, Dómine, Christo magístro,

ut in commemoratióne beáti Gregórii
tuam discant veritátem, et eam in caritaté operéntur.
Per Christum.

Die 8 septembris

IN NATIVITATE BEATÆ MARIÆ VIRGINIS

Festum

Ant. ad introitum

Cum iucunditaté
Nativitátem beátæ Mariæ Vírginis celebrémus,
ex qua ortus est sol iustítiæ, Christus Deus noster.

Dicitur Glória in excélsis.

Collecta

Fámulis tuis, quæsumus, Dómine,
cæléstis grátiae munus impertíre,
ut, quibus beátæ Vírginis partus
éxstitit salútis exórdium,
Nativitátis eius festívitás
pacis tríbuat increméntum.
Per Dóminum.

Lectio prior*

Tempus in quo parturiens pariet.

Léctio libri Michææ prophétæ

5, 2-5 a

Hæc dicit Dóminus:

« Et tu, Béthlehem Ephrata, párvulus es in mílibus
Iuda: ex te mihi egrediétur qui sit dominátor in Israel,
et egréssus eius ab inítio, a diébus æternitátis. Propter

hoc dabit eos usque ad tempus, in quo partúriens páriet, et reliquiæ fratrum eius converténtur ad filios Israel.

Et stabit et pascet in fortitúdine Dómini, in sublimitáte nóminis Dómini Dei sui; et converténtur, quia nunc magnificábitur usque ad términos terræ. Et erit iste pax ». — Verbum Dómini.

Vel

Quos Deus præscivit, et prædestinavit.

Léctio Epístolæ beáti Pauli apóstoli ad Romános

Fratres:

8, 28-30

Scimus quóniam diligéntibus Deum ómnia coope-rántur in bonum, his qui secúndum propósitum vocáti sunt.

Nam quos præscivit, et prædestinávit confórmes fieri imáginis Fílii eius, ut sit ipse primogénitus in multis frátribus. Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit.

Verbum Dómini.

Psalmus responsorius

Ps 12, 6 ab. 6 cd (R.: Is 61, 10)

R. Gaudens gaudébo in Dómino.

6

Ego autem in misericórdia tua sperávi.
Exsultábit cor meum in salutári tuo. R.

Cantábo Dómino, qui bona tríbuit mihi,
et psallam nómini Dómini altíssimi. R.

Alleluia

℞. Allelúia. ⁊. Felix es, sacra Virgo María,
et omni laude digníssima,
quia ex te ortus est sol iustitiæ,
Christus Deus noster. ℞. Allelúia.

Evangeliū*

Quod in ea natum est, de Spiritu Sancto est.

✠ Lécio sancti Evangélíi secúndum Matthæum
1, 1-16. 18-23

Liber generatiónis Iesu Christi, filíi David, filíi Abraham.

Abraham genuit Isaac, Isaac autem genuit Iacob, Iacob autem genuit Iudam et fratres eius. Iudas autem genuit Phares et Zara de Thamar, Phares autem genuit Esrom, Esrom autem genuit Aram, Aram autem genuit Amínadab, Amínadab autem genuit Naásson, Naásson autem genuit Salmon, Salmon autem genuit Booz de Rahab, Booz autem genuit Iobed ex Ruth, Iobed autem genuit Iesse, Iesse autem genuit David regem.

David autem genuit Salomónem ex ea quæ fuit Uríæ, Sálomon autem genuit Róboam, Róboam autem genuit Abíam, Abía autem genuit Asa, Asa autem genuit Iósaphat, Iósaphat autem genuit Ioram, Ioram autem genuit Ozíam, Ozías autem genuit Ióatham, Ióatham autem genuit Achaz, Achaz autem genuit Ezechíam, Ezechías autem genuit Manássen, Manásses autem genuit Amon, Amon autem genuit Iosíam, Iosías autem genuit Iechoníam et fratres eius in transmigratióne Babylónis.

Et post transmigratiónem Babylónis, Iechonías genuit Saláthiel, Saláthiel autem genuit Zoróbabel, Zoróbabel autem genuit Abiud, Abiud autem genuit Elíacim, Elíacim autem genuit Azor, Azor autem genuit Sa-

doc, Sadoc autem genuit Achim, Achim autem genuit Eliud, Eliud autem genuit Eleázar, Eleázar autem genuit Matthan, Matthan autem genuit Iacob, Iacob autem genuit Ioseph, virum Mariæ, de qua natus est Iesus, qui vocatur Christus.

Iesu Christi autem generatio sic erat. Cum esset desponsata mater eius Maria Ioseph, antequam convenirent, inventa est in utero habens de Spiritu Sancto. Ioseph autem vir eius, cum esset iustus et nollet eam traducere, voluit occulte dimittere eam.

Hæc autem eo cogitante, ecce angelus Domini in somnis apparuit ei dicens: « Ioseph, fili David, noli timere accipere Mariam coniugem tuam: quod enim in ea natum est, de Spiritu Sancto est. Pariet autem filium, et vocabis nomen eius Iesum; ipse enim salvum faciet populum suum a peccatis eorum ».

Hoc autem totum factum est, ut adimpleretur id quod dictum est a Domino per Prophetam dicentem: « Ecce virgo in utero habebit et pariet filium, et vocabunt nomen eius Emmmanuel », quod est interpretatum « Nobiscum-Deus ». — Verbum Domini.

vel brevior

✠ LECTIO sancti Evangelii secundum Matthæum

1, 18-23

Iesu Christi generatio sic erat. Cum esset desponsata mater eius Maria Ioseph, antequam convenirent, inventa est in utero habens de Spiritu Sancto. Ioseph autem vir eius, cum esset iustus et nollet eam traducere, voluit occulte dimittere eam.

Hæc autem eo cogitante, ecce angelus Domini in somnis apparuit ei dicens: « Ioseph, fili David, noli timere accipere Mariam coniugem tuam: quod enim in ea

natum est, de Spíritu Sancto est. Páriet autem fílium, et vocábis nomen eius Iesum; ipse enim salvum fáciet pópulum suum a peccátis eórum ».

Hoc autem totum factum est, ut adimplerétur id quod dictum est a Dómino per Prophétam dicéntem: « Ecce virgo in útero habébit et páriet fílium, et vocábunt nomen eius Emmánuel », quod est interpretátum « Nobíscum-Deus ». — Verbum Dómini.

Super oblata

Unigéniti tui, Dómine, nobis succúrrat humánitas,
ut, qui natus de Vírgine
Matris integritátem non mínuit, sed sacrávit,
a nostris nos piáculis éxuens,
oblatiónem nostram tibi reddat accéptam.
Qui vivit.

Præfatio I de B. Maria Virgine (Et te in Nativitáte), p. 598,
vel II, p. 599.

Ant. ad communionem

Is 7, 14; Mt 1, 21

Ecce Virgo páriet Fílium,
qui salvum fáciet pópulum suum a peccátis eórum.

Post communionem

Exsúltet Ecclésia tua, Dómine,
quam sacris mystériis refecísti,
de beátæ Mariæ Vírginis Nativitáte congáudens,
quæ univérso mundo spes fuit et auróra salútis.
Per Christum.

Die 13 septembris
S. Ioannis Chrysostomi,
episcopi et Ecclesiæ doctoris

Memoria

De Communi pastorum (pro episcopo), p. 867.
Vel de Communi doctorum Ecclesiæ, p. 910.

Collecta

Deus, in te sperantium fortitúdo,
qui beátum Ioánnem Chrysóstomum episcopum
mira eloquéntia et tribulatiónis experiménto
claréscere voluísti,
da nobis, quæsumus, ut, eius doctrínis erudíti,
invíctæ patiéntiæ roborémur exémplo.
Per Dóminum.

Lectio prior, p. 895, n. 8.

Psalmus responsorius, p. 884.

Evangelium, p. 925, n. 3.

Super oblata

Sacrificium tibi pláceat, Deus,
in commemoratióne beáti Ioánnis Chrysóstomi
libénter exhibítum, quo monénte,
nos étiam totos tibi réddimus collaudántes.
Per Christum.

Post communionem

Concéde, miséricors Deus, ut mystéria,
quæ pro beáti Ioánnis Chrysóstomi commemoratióne
súmpsimus, nos in tua caritáte confirment,
et tuæ fídeles confessóres veritátis effícient.
Per Christum.

Die 14 septembris
IN EXALTATIONE SANCTÆ CRUCIS
Festum

Ant. ad introitum

Cf. Gal 6, 14

Nos autem gloriári oportet
in cruce Dómini nostri Iesu Christi,
in quo est salus, vita et resurrectio nostra,
per quem salváti et liberáti sumus.

Dicitur Glória in excélsis.

Collecta

Deus, qui Unigénitum tuum
crucem subíre voluísti,
ut salvum fáceret genus humánum,
præsta, quæsumus,
ut, cuius mystérium in terra cognóvimus,
eius redemptionis præmia
in cælo cónsequi mereámur.
Per Dóminum.

Quando hoc festum extra dominicam occurrit, ante Evangelium una tantum ex sequentibus lectionibus eligitur.

Lectio prima

Quem cum percussi aspicerent, sanabantur.

Léctio libri Númeri

21, 4-9

In diébus illis:

Tædere cœpit pópulum itíneris ac labóris.

Locutúsque contra Deum et Móysen, ait: « Cur eduxísti nos de Ægýpto, ut morerémur in solitúdine? Deest

panis, non sunt aquæ, ánima nostra iam náuseat super cibo isto levíssimo ».

Quámobrem misit Dóminus in pópulum ignítos serpéntes; ad quorum plagas et mortes plurimórum venérunt ad Móysen, atque dixerunt: « Peccávimus, quia locúti sumus contra Dóminum et te: ora ut tollat a nobis serpéntes ». Oravítque Móyses pro pópulo.

Et locútus est Dóminus ad eum: « Fac serpéntem áneum et pone eum pro signo: qui percússus aspéxerit eum, vivet ». Fecit ergo Móyses serpéntem áneum et pósuit eum pro signo; quem cum percússi aspícerent, sanabántur. — Verbum Dómini.

Psalmus responsorius

Ps 77, 1-2. 34-35. 36-37. 38 (R.: cf. 7 b)

R. Ne obliviscámini óperum Dómini.

- 1 Atténdite, pópule meus, doctrínam meam;
inclináte aurem vestram in verba oris mei.
- 2 Apériam in parábolis os meum,
éloquar arcána ætátis antíquæ. R.
- 34 Cum occíderet eos, quærébant eum,
et convérsi veniébant dilúculo ad eum;
- 35 et rememoráti sunt quia Deus adiutor est eórum,
et Deus excélsus redémptor eórum est. R.
- 36 Et suasérunt ei in ore suo,
et lingua sua mentíti sunt ei;
- 37 cor autem eórum non erat rectum cum eo,
nec fidéles erant in testaménto eius. R.
- 38 Ipse autem est miséricors,
et propitiátur iniquitáti, et non dispérdit.
Sæpe avértit iram suam,
et non accéndit omnem furórem suum. R.

Lectio secunda

*Humiliavit semetipsum:
propter quod et Deus illum exaltavit.*

Léctio Epístolæ beáti Pauli apóstoli ad Philippénes

2, 6-11

Christus Iesus, cum in forma Dei esset, non rapínam arbitrátus est esse se æquálem Deo, sed semetípsum exinanívit formam servi accípiens, in similitúdinem hóminum factus: et hábitu invéntus ut homo, humiliávit semetípsum factus obcédiens usque ad mortem, mortem autem crucis.

Propter quod et Deus illum exaltávit et donávit illi Nomen, quod est super omne nomen, ut in Nómine Iesu omne genu flectátur cæléstium et terréstrium et infernórum, et omnis lingua confiteátur « Dóminus Iesus Christus! », in glóriam Dei Patris.

Verbum Dómini.

Alleluia

℟. Allelúia. ℣. Adorámus te, Christe, et benedícimus tibi,
quia per crucem tuam redemísti mundum.

℟. Allelúia.

Evangelium

Exaltari oportet Filium hominis.

✝ Léctio sancti Evangélíi secúndum Ioánnem 3, 13-17

In illo témpore: Dixit Iesus Nicodémo:

« Nemo ascéndit in cælum, nisi qui descéndit de cælo, Fílius hóminis. Et, sicut Móyses exaltávit serpéntem in desérto, ita exaltári opórtet Fílium hóminis, ut omnis qui credit in ipso hábeat vitam ætéram ».

Sic enim diléxit Deus mundum, ut Fílium suum Unigénitum daret, ut omnis qui credit in eum non pér-eat, sed hábeat vitam ætérmam. Non enim misit Deus Fílium in mundum ut iúdicet mundum, sed ut salvétur mundus per ipsum. — Verbum Dómini.

Quando hoc festum celebratur die dominica, dicitur Credo.

Super oblata

Hæc oblátio, Dómine, quæsumus,
ab ómnibus nos purget offénsis,
quæ in ara crucis totíus mundi tulit offénsam.
Per Christum.

Præfatio: De victoria crucis gloriosæ.

℣. Dóminus vobíscum. ℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:

Qui salútem humáni géneris in ligno crucis constituísti,
ut, unde mors oriebátur, inde vita resúrgeret;
et, qui in ligno vincébat, in ligno quoque vincerétur:
per Christum Dóminum nostrum.

Per quem maiestátem tuam laudant Angeli,
adórant Dominatiónes, tremunt Potestátes.
Cæli cælórúmque Virtútes, ac beáta Séraphim,
sócia exsultatióne concélebrant.

Cum quibus et nostras voces ut admítteri iúbeas,
deprecámur, súpplíci confessióne dicéntes:

Sanctus, Sanctus, Sanctus Dóminus Deus Sábaoth ...

Dici potest etiam præfatio I de Passione Domini, p. 587.

Ant. ad communionem

Io 12, 32

Ego si exaltátus fúero a terra,
omnes traham ad meípsum, dicit Dóminus.

Post communionem

Refectióne tua sancta enutríti,
Dómine Iesu Christe, súpplices deprecámur,
ut, quos per lignum crucis vivíficæ redemísti,
ad resurrectiόνis glóriam perdúcas.
Qui vivis.

Die 15 septembris
Beatæ Mariæ Virginis Perdolentis
Memoria

¶ Evangelium huius memoriæ est proprium.

Ant. ad introitum

Lc 2, 34-35

Dixit Símeon ad Mariám:
Ecce, pósitus est hic in ruínam
et in resurrectiόνem multórum in Israel,
et in signum cui contradicétur;
et tuam ipsíus ánimam pertransíbit gládius.

Collecta

Deus, qui Fílio tuo in cruce exaltáto
compatiéntem Matrem astáre voluísti,
da Ecclésiæ tuæ,
ut, Christi passiónis cum ipsa consors effécta,
eiusdem resurrectiόνis párticeps esse mereátur.
Per Dóminum.

Lectio prior

*Didicit obœdientiam,
et factus est auctor salutis æternæ.*

Léctio Epístolæ ad Hebræos

5, 7-9

Christus, in diébus carnis suæ, preces supplicatio-
nésque ad eum qui possit salvum illum a morte fá-
cere, cum clamóre válido et lácrimis ófferens, et exau-
dítus pro sua reveréntia, et quidem cum esset Fílius,
dídicit ex his quæ passus est obœdiéntiam; et, consum-
mátus, factus est ómnibus obœdiéntibus sibi auctor sa-
lútis æternæ. — Verbum Dómini.

Psalmus responsorius

Ps 30, 2-3 b. 3 c-4. 5-6. 15-16. 20 (R.: 17 b)

R. Salvum me fac, Dómine, in misericórdia tua.

2 In te, Dómine, sperávi, non confúndar in ætérnum;
in iustítia tua líbera me.

3 Inclína ad me aurem tuam,
accélera, ut éruas me. R.

Esto mihi in rupem præsídi et in domum munitam,
ut salvum me fácias.

4 Quóniam fortitúdo mea et refúgium meum es tu,
et propter nomen tuum dedúces me et pasces me. R.

5 Edúces me de láqueo quem abscondérunt mihi,
quóniam tu es fortitúdo mea.

6 In manus tuas comméndo spíritum meum;
redemísti me, Dómine, Deus veritátis. R.

13 Ego autem in te sperávi, Dómine;
dixi: « Deus meus es tu,

16 in mánibus tuis sortes meæ ».

Eripe me de manu inimicórum meórum
et a persecúentibus me. R.

20 Quam magna multitúdo dulcédinis tuæ, Dómine,
quam abscondísti timéntibus te!
Perfecísti eis qui sperant in te,
in conspéctu filiórum hóminum. *R.*

Sequentia

Hæc sequentia ad libitum dicitur vel integra vel forma brevior,
inde a verbis: * Sancta mater.

Stabat mater dolorósa
iuxta crucem lacrimósa,
dum pendébat Fílius.

Cuius ánimam geméntem,
contristátam et doléntem
pertransívit gládius.

O quam tristis et afflícta
fuit illa benedícta
mater Unigéniti!

Quæ mærébat et dolébat
pia mater cum vidébat
Nati pœnas íncliti.

Quis est homo qui non fleret,
matrem Christi si vidéret
in tanto supplicio?

Quis non posset contristári,
píam matrem contemplári
doléntem cum Fílio?

Pro peccátis suæ gentis
vidit Iesum in torméntis
et flagéllis súbditum.

Vidit suum dulcem Natum
moriéntem, desolátum,
cum emísit spíritum.

Eia, Mater, fons amóris,
me sentíre vim dolóris
fac ut tecum lúgeam.

Fac ut árdeat cor meum
in amándo Christum Deum,
ut sibi compláceam.

* Sancta mater, istud agas,
Crucifíxi fige plagas
cordi meo válide.

Tui Nati vulneráti,
tam dignáti pro me pati
pœnas mecum dívide.

Fac me vere tecum flere,
Crucifíxo condolére,
donec ego víxero.

Iuxta crucem tecum stare,
ac me tibi sociáre
in planctu desidéro.

Virgo víginum præclára,
mihi iam non sis amára,
fac me tecum plángere.

Fac ut portem Christi mortem,
passiónis fac me sortem
et plagas recólere.

Fac me plagis vulnerári,
cruce hac inebriári
et cruóre Fílii.

Flammis urar ne succénsus,
per te, Virgo, sim defénsus
in die iudícii.

Fac me cruce custodiri,
morte Christi præmuniri,
confoveri grátia.

Quando corpus moriétur,
fac ut ánimæ donétur
paradisi glória. Amen.

Alleluia

℟. Allelúia. ℣. Felix est beáta María Virgo,
quæ sine morte méruit martýrii palmam
sub cruce Dómini. ℟. Allelúia.

Evangelium*

*Quæ mærebat et dolebat
pia mater cum videbat
Nati pœnas incliti.*

✝ Lécio sancti Evagélíi secúndum Ioánnem 19, 25-27

In illo témpore:

Stabant iuxta crucem Iesu mater eius, et soror matris eius, María Cléopæ et María Magdaléne.

Cum vidísset ergo Iesus matrem et discipulum stantem quem diligébat, dicit matri: « Múlier, ecce fílius tuus »; deínde dicit discipulo: « Ecce mater tua ». Et ex illa hora accépit eam discipulus in sua.

Verbum Dómini.

Vel

Tuam ipsius animam pertransiet gladius.

✝ Lécio sancti Evagélíi secúndum Lucam 2, 33-35

In illo témpore:

Erat pater Iesu et mater mirántes super his, quæ dicebántur de illo.

Et benedixit illis Sýmeon et dixit ad Mariám matrem eius: « Ecce pòsitus est hic in ruínam et resurrectionem multórum in Israel, et in signum cui contradicétur (et tuam ipsíus ánimam pertránsiet gládius), ut reveléntur ex multis córdibus cogitatiónes ».

Verbum Dómini.

Super oblata

Súscipe, miséricors Deus, ad tui nóminis laudem
preces hostiásque
in veneratióne beátæ Mariæ Vírginis exhibitas,
quam, stantem iuxta crucem Iesu,
cleménter nobis Matrem piússimam providísti.
Per Christum.

Præfatio I de B. Maria Virgine (Et te in festivitáte), p. 598,
vel II, p. 599.

Ant. ad communionem

1 Petr 4, 13

Communicántes Christi passióibus, gaudéte,
ut et in revelatióne glóriæ eius gaudeátis exsultántes.

Post communionem

Sumptis, Dómine, sacraméntis redemptionis æternæ,
súpplices deprecámur,
ut, compassióem beátæ Mariæ Vírginis recoléntes,
ea in nobis pro Ecclésia adimpleámus,
quæ desunt Christi passiónum.
Per Christum.

Die 16 septembris
Ss. Cornelii, papæ,
et Cypriani, episcopi, martyrum

Memoria

De Communi martyrum, p. 834.

Vel de Communi pastorum (pro episcopis), p. 867.

Collecta

Deus, qui pópulo tuo beátos Cornélium et Cypriánum
sédulos pastóres et invictos mártýres præstitísti,
concéde ut, eórum intercessióne,
fide et constántia roborémur,
et pro Ecclesiæ unitáte óperam tribuámus impénse.
Per Dóminum.

Lectio prior, p. 854, n. 3.

Psalmus responsorius, p. 851.

Evangelium, p. 863, n. 7.

Super oblata

Súscipe, quæsumus, Dómine, múnera pópuli tui
pro mártýrum tuórum passiónibus dicáta sanctórum,
et quæ beátis Cornélio et Cypriáno
in persecutióne fortitúdinem ministrárunť,
nobis quoque præbeant inter advérſa constántiam.
Per Christum.

Post communionem

Per hæc mystéria quæ súmpsimus, Dómine,
súplices exorámus,
ut, sanctórum mártýrum Cornélii et Cypriáni exémplo,
Spíritus tui fortitúdine confirmáti,
evangélicæ veritáti possimus testimónium perhibére.
Per Christum.

Die 17 septembris

S. Roberti Bellarmino, episcopi et Ecclesiæ doctoris

De Communi pastorum (pro episcopo), p. 867.

Vel de Communi doctorum Ecclesiæ, p. 910.

Collecta

Deus, qui, ad tuæ fidem Ecclesiæ vindicandam,
beátum Robértum episcopum
mira eruditíone et virtúte decorásti,
eius intercessióne concéde,
ut pópulus tuus
eiusdem fidei semper integritáte lætétur.
Per Dóminum.

Lectio prior, p. 913, n. 2.

Psalmus responsorius, p. 914.

Evangelium, p. 922, n. 1 a.

Die 19 septembris

S. Ianuarii, episcopi et martyris

De Communi martyrum, p. 839.

Vel de Communi pastorum (pro episcopo), p. 867.

Collecta

Deus, qui nos concédís
beáti Ianuárii mártiris memóriam venerári,
da nobis in æténa beatitúdine
de eius societáte gaudére.
Per Dóminum.

Lectio prior, p. 856, n. 6.

Psalmus responsorius, p. 851.

Evangelium, p. 862, n. 5.

Die 21 septembris

S. MATTHÆI, APOSTOLI ET EVANGELISTÆ

Festum

Ant. ad introitum

Mt 28, 19-20

Eúntes, docéte omnes gentes,
báptizántes eos, et docéntes eos serváre ómnia
quæcúmque mandávi vobis, dicit Dóminus.

Dicitur Glória in excélsis.

Collecta

Deus, qui ineffábili misericórdia beátum Matthæum
ex publicáno Apóstolum es dignátus eligere,
da nobis, eius exémplo et intercessióne suffúltis,
ut, te sequéntes, tibi fírmiter adhærére mereámur.
Per Dóminum.

Lectio prior

*Ipse dedit quosdam Apostolos,
alios vero Evangelistas.*

Léctio Epístolæ beáti Pauli apóstoli ad Ephésios

4, 1-7. 11-13

Fratres:

Obsecro vos ego, vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte, supportántes ínvicem in caritáte, sollíciti serváre unitátem spíritus in vínculo pacis;

unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus.

Unicuique autem nostrum data est grátia secúndum mensúram donatiónis Christi.

Et ipse dedit quosdam quidem Apóstolos, quosdam autem Prophétas, álios vero Evangelístas, álios autem pastóres et doctóres, ad instructiónem sanctórum in opus ministérii, in ædificatiónem córporis Christi,

donec occurrámus omnes in unitátem fidei et agnitiónis Filii Dei, in virum perféctum, in mensúram ætátis plenitúdinis Christi. — Verbum Dómini.

Psalmus responsorius

Ps 18, 2-3. 4-5 (R.: 5 a)

R. In omnem terram exívit sonus eórum.

2 Cæli enárrant glóriam Dei,
et ópera mánuum eius annúntiat firmaméntum.

3 Dies diéi erúctat verbum,
et nox nocti índicat sciéntiam. R.

4 Non sunt loquélæ neque sermónes,
quorum non intellegántur voces.

5 In omnem terram exívit sonus eórum,
et in fines orbis terræ verba eórum. R.

Alleluia

R. Allelúia. V. Te Deum laudámus,
te Dóminum confitémur;
te gloriósus Apostolórum chorus laudat,
Dómine. R. Allelúia.

Evangelium

Sequere me. Et surgens secutus est eum.

✠ Lécio sancti Evangélíi secúndum Matthæum

In illo témpore:

9, 9-13

Cum transíret Iesus, vidit hóminem sedéntem in te-

lónio, Matthæum nómine, et ait illi: « Séquere me ». Et surgens secútus est eum.

Et factum est, discumbénte eo in domo, ecce multi publicáni et peccatóres veniéntes simul discumbébant cum Iesu et discipulis eius.

Et vidéntes Phariséi dicébant discipulis eius: « Quare cum publicánis et peccatóribus mandúcat Magíster vester? »

At ille áudiens ait: « Non est opus valéntibus mé dico, sed male habéntibus. Eúntes autem díscite quid est: “ Misericórdiam volo et non sacrificium ”; non enim veni vocáre iustos, sed peccatóres ».

Verbum Dómini.

Super oblata

Memóriam beáti Matthæi recenséntes,
preces et hóstias tibi, Dómine, deférimus,
supplíciter exorántes,
ut Ecclésiám tuam benígnus aspícias,
cuius fidem Apostolórum prædicatiónibus nutrití.
Per Christum.

Præfatio de Apostolis, pp. 602-603.

Ant. ad communionem

Mt 9, 13

Non veni vocáre iustos, sed peccatóres, dicit Dóminus.

Post communionem

Salutáris gáudii partícipes, Dómine,
quo lætus Salvatórem in domo sua convívam
sanctus Matthæus excépit,
da, ut cibo semper reficiámur illíus,
qui non iustos sed peccatóres
vocáre venit ad salútem.
Qui vivit.

Die 26 septembris

Ss. Cosmæ et Damiani, martyrum

De Communi martyrum, p. 834.

Collecta

Magnificet te, Dómine,
sanctorum tuorum Cosmæ et Damiáni
veneranda memória,
quia et illis glóriam sempitérnā,
et opem nobis ineffábili providéntia contulísti.
Per Dóminum.

Lectio prior, p. 850, n. 5.

Psalmus responsorius, p. 851.

Evangelium, p. 860, n. 2.

Super oblata

In tuorum, Dómine, pretiósa morte iustorum,
sacrificium illud offérimus,
de quo martyrium sumpsit omne principium.
Per Christum.

Post communionem

Consérva in nobis, Dómine, munus tuum,
et quod, te donánte, pro commemoratióne
beatorum mártyrum Cosmæ et Damiáni percépimus,
salútem nobis præstet et pacem.
Per Christum.

Die 27 septembris

S. Vincentii de Paul, presbyteri

Memoria

De Communi pastorum (pro missionariis), p. 875.

Vel de Communi sancto um (pro iis qui opera misericordiae exercuerunt), p. 947.

Ant. ad introitum

Lc 4, 18

Spíritus Dómini super me: propter quod unxit me,
evangelizáre paupéribus misit me,
sanáre contritos corde.

Collecta

Deus, qui ad salútem páuperum et cleri institutióem
beátum Vincéntium presbýterum
virtútibus apostólicis imbuísti,
præsta, quæsumus, ut, eódem spíritu fervéntes,
et amémus quod amávit, et quod dócuit operémur.
Per Dóminum.

Lectio prior

Infirma mundi elegit Deus.

Léctio Epístolæ primæ beáti Pauli apóstoli
ad Corínthios

1, 26-31

Vidéte vocatióem vestram, fratres; quia non multi
sapiéntes secúndum carnem, non multi poténtes, non
multi nóbiles.

Sed quæ stulta sunt mundi elégit Deus, ut confún-
dat sapiéntes; et infírma mundi elégit Deus, ut con-
fúndat fórtia; et ignobília mundi et contemptibília elé-

git Deus, quæ non sunt, ut ea quæ sunt destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est Sapiéntia nobis a Deo et iustítia et sanctificátio et redémptio; ut, quemádmódum scriptum est, « qui gloriáitur, in Dómino gloriétur ». — Verbum Dómini.

Psalmus responsorius

Ps 111, 1-2. 3-4. 5-7 a. 7 b-8. 9 (R.: 1 a)

R. Beátus vir qui timet Dóminum.

vel Allelúia.

- 1 Beátus vir qui timet Dóminum,
in mandátis eius cupit nimis.
- 2 Potens in terra erit semen eius,
generátio rectórum benedicétur. R.
- 3 Glória et divítiæ in domo eius,
et iustítia eius manet in sáculum sáculi.
- 4 Exórtum est in ténebris lumen rectis,
miséricors et miserátor et iustus. R.
- 5 Iucúndus homo qui miserétur et cómodat,
dispónet res suas in iudício,
- 6 quia in ætérnum non commovébitur.
In memória ætérna erit iustus,
- 7 ab auditióne mala non timébit. R.
- 8 Parátum cor eius, sperans in Dómino,
confirmátum est cor eius, non timébit,
donec despíciat inimícos suos. R.
- 9 Distribuit, dedit paupéribus;
iustítia eius manet in sáculum sáculi,
cornu eius exaltábitur in glória. R.

Super oblata

Deus, qui beáto Vincéntio
divína celebránti mystéria
tribuísti quod tractábat imitári,
concéde, ut, huius sacrificii virtúte,
ipsi quoque in oblatiónem tibi acceptábilem
transeámus.

Per Christum.

Ant. ad communionem**Ps 106, 8-9**

Confiteántur Dómino misericórdiæ eius,
et mirabília eius fíliis hóinúm:
quia satiávit ánimam inánem,
et ánimam esuriéntem satiávit bonis.

Post communionem

Cæléstibus, Dómine, refécti sacraméntis,
súplices deprecámur,
ut ad imitándum Fílium tuum
paupéribus evangelizántem,
sicut exémplic beáti Vincéntii provocámur,
ita et patrocíniis adiuvémur.
Per Christum.

Die 28 septembris
S. Venceslai, martyris

De Communi martyrum, p. 839.

Collecta

Deus, qui beátum mártýrem Vencesláum
cælésti regno terrénúm postpónere docuísti,

eius précibus concéde, ut, nosmetípsos abnegántes,
tibi toto corde adhærére valeámus.
Per Dóminum.

Lectio prior, p. 857, n. 8.

Psalmus responsorius, p. 851.

Evangelium, p. 860, n. 3.

Die 29 septembris

SS. MICHAELIS, GABRIELIS ET RAPHAELIS,
ARCHANGELORUM

Festum

Ant. ad introitum

Ps 102, 20

Benedícite Dóminum, omnes Angeli eius,
poténtes virtúte, qui fácitis verbum eius,
ad audiéndam vocem sermónum eius.

Dicitur Glória in excélsis.

Collecta

Deus, qui miro órđine
Angelórum ministéria hominúmque dispénsas,
concéde propítius,
ut, a quibus tibi ministrántibus
in cælo semper assístitur,
ab his in terra vita nostra muniátur.
Per Dóminum.

Lectio prior*

Milia milium ministrabant ei.

Léctio libri Daniélis prophétæ

7, 9-10. 13-14

Aspiciébam donec throni pósiti sunt, et antíquus
diérum sedit. Vestiméntum eius cándidum quasi nix, et

capilli cápitis eius quasi lana munda, thronus eius flammæ ignis, rotæ eius ignis accénsus.

Flúvius ígneus rapidúsque egrediebátur a fácie eius, mília mílium ministrábant ei, et decies mílies centéna mília assistébant ei. Iudícium sedit, et libri apérti sunt.

Aspiciébam ergo in visióne noctis, et ecce cum núbibus cæli quasi fílius hómínis veniébát, et usque ad antíquum diérum pervénit.

Et in conspéctu eius obtulérunt eum, et dedit ei potestátem et honórem et regnum, et omnes pópuli, tribus et linguæ ipsi sérvient; potéstas eius, potéstas æténa, quæ non auferétur, et regnum eius, quod non corrum-pétur. — Verbum Dómini.

Vel

Michael et angeli eius præliabantur cum Dracone.

Léctio libri Apocalýpsis beáti Ioánnis apóstoli

12, 7-12 a

Factum est próelium in cælo: Míchael et ángeli eius ut præliaréntur cum Dracóne. Et Draco pugnávit et ángeli eius; et non váluit, neque locus invéntus est eórum ámplius in cælo.

Et proiétus est Draco ille magnus, Serpens antíquus, qui vocátur Diábolus et Sátanas, qui sedúcit univérsum orbem, proiétus est in terram, et ángeli eius cum illo proiécti sunt.

Et audívi vocem magnam in cælo dicéntem: « Nunc facta est salus et virtus et Regnum Dei nostri et potéstas Christi eius, quia proiétus est accusátor fratrum nostrórum, qui accusábat illos ante conspéctum Dei nostri die ac nocte.

Et ipsi vicérunt illum propter sánguinem Agni et propter verbum testimónii sui; et non dilexérunt ánimam suam usque ad mortem. Proptérea lætámini, cæli et qui habitátis in eis ». — Verbum Dómini.

Psalmus responsorius

Ps 137, 1-2 a. 2 b-3. 4-5 (R.: 1 c)

R. In conspéctu angelórum
psallam tibi, Dómine.

1 Confitébor tibi, Dómine,
in toto corde meo,
quóniam audísti verba oris mei.
2 In conspéctu angelórum psallam tibi,
adorábo ad templum sanctum tuum. R.

Et confitébor nómini tuo
propter misericórdiam tuam et veritátem tuam,
quóniam magnificásti super omne nomen
elóquium tuum.

3 In quacúmque die invocávero te, exáudi me;
multiplicábis in ánima mea virtútem. R.

4 Confitebúntur tibi, Dómine,
omnes reges terræ,
quia audiérunt elóquia oris tui.
Et cantábunt vias Dómini,
quóniam magna est glória Dómini. R.

Alleluia

Ps 102, 21

R. Allelúia. V. Benedícite Dómino,
omnes virtútes eius,
minístri eius, qui fácitís voluntátem eius.
R. Allelúia.

Evangelium

*Videbitis angelos Dei ascendentes et descendentes
supra Filium hominis.*

✠ Lécio sancti Evangélii secúndum Ioánnem 1, 47-51

In illo témpore:

Vidit Iesus Nathánael veniéntem ad se, et dicit de eo: « Ecce vere Israelíta, in quo dolus non est ».

Dicit ei Nathánael: « Unde me nosti? »

Respóndit Iesus et dixit ei: « Priúsqvam te Philípus vocáret, cum esses sub ficu, vidi te ».

Respóndit ei Nathánael: « Rabbi, tu es Fílius Dei, tu rex es Israel ».

Respóndit Iesus et dixit ei: « Quia dixi tibi: “ Vidi te sub ficu ”, credis? maióra his vidébis ».

Et dicit ei: « Amen, amen dico vobis: vidébitis cælum apértum, et ángelos Dei ascendéntes et descendéntes supra Fílium hóminis ». — Verbum Dómini.

Super oblata

Hóstias tibi, Dómine, laudis offérimus,
suppliciter deprecántes, ut eásdem,
angélico ministério
in conspéctum tuæ maiestátis delátas,
et placátus accípias,
et ad salútem nostram proveníre concédas.
Per Christum.

Præfatio de Angelis, p. 600.

Ant. ad communionem

Ps 137, 1

Confitébor tibi, Dómine, in toto corde meo,
in conspéctu Angelórum psallam tibi.

Post communionem

Pane cælesti refecti, súpplīces te, Dómine, deprecámur,
ut, eius fortitúdine roboráti,
sub Angelórum tuórum fidéli custódia,
fortes, salútis progrediámur in via. Per Christum.

Die 30 septembris

S. Hieronymi, presbyteri et Ecclesiæ doctoris

Memoria

De Communi doctorum Ecclesiæ, p. 910.

Ant. ad introitum

Iosue 1, 8

Non recédāt volúmen legis ab ore tuo;
sed meditáberis in eo diébus ac nóctibus,
ut custódias et fácias ómnia, quæ scripta sunt in eo:
tunc díriges viam tuam, et intélleges eam.

Collecta

Deus, qui beáto Hierónymo presbýtero
suávem et vivum Scriptúræ Sacræ afféctum tribuísti,
da, ut pópulus tuus verbo tuo ubérius alátur,
et in eo fontem vitæ invéniat. Per Dóminum.

Lectio prior

*Omnis Scriptura divinitus inspirata est
et utilis ad docendum.*

**Léctio Epístolæ secúndæ beáti Pauli apóstoli
ad Timótheum**

3, 14-17

Caríssime:

Pérmane in his quæ didicísti et crédita sunt tibi,
sciens a quibus didiceris, et quia ab infántia Sacras Lítte-

ras nosti, quæ te possunt instrûere ad salutem, per fidem quæ est in Christo Iesu.

Omnis Scriptûra divinitus inspirata est et utilis ad docendum, ad arguendum, ad corrigendum, ad erudiendum in iustitia, ut perfectus sit homo Dei ad omne opus bonum instructus. — Verbum Dómini.

Psalmus responsorius

Ps 118, 9. 10. 11. 12. 13. 14 (R.: 12 b)

R. Doce me, Dómine, iustificatiónes tuas.

- 9 In quo mundabit adulescéntior viam suam?
In custodiéndo sermónes tuos. R.
- 10 In toto corde meo exquisívi te,
ne errare me fácias a præcéptis tuis. R.
- 11 In corde meo abscondi elóquia tua,
ut non peccem tibi. R.
- 12 Benedíctus es, Dómine;
doce me iustificatiónes tuas. R.
- 13 In lábiis meis
numerávi ómnia iudícia oris tui. R.
- 14 In via testimoniórum tuórum delectátus sum
sicut in ómnibus divítiis. R.

Evangelium, p. 923, n. 1 b.

Super oblata

Tríbe, nobis, Dómine,
ut, exémplo beáti Hierónymi,
verbum tuum meditáti,
ad salutárem hóstiam maiestáti tuæ offeréndam
próptius accedámus.
Per Christum.

Ant. ad communionem**Ier 15, 16**

Invénti sunt sermónes tui, et comédi eos,
et factum est mihi verbum tuum in gáudium,
et in lætítiam cordis mei:
quóniam invocátum est nomen tuum super me,
Dómine Deus.

Post communionem

Sancta tua quæ sumpsimus, Dómine,
de beáti Hierónymi celebritáte lætántes,
tuórum éxcitent corda fidélium,
ut, sacris inténta doctrínis,
intéllegant quod sequántur,
et sequéndo vitam obtíneant sempitérnam.
Per Christum.

OCTOBER

Die 1 octobris

S. Teresiæ a Iesu Infante, virginis

Memoria

De Communi virginum, p. 928.

Vel de Communi sanctarum (pro religiosis), p. 945.

Ant. ad introitum

Cf. Deut 32, 10-12

Circumdúxit eam Dóminus et dócuit;
et custodívit quasi pupíllam óculi sui.
Sicut áquila expándit alas suas,
et assúmpsit eam, atque portávit in húmeris suis.
Dóminus solus dux eius fuit.

Collecta

Deus, qui regnum tuum
humílibus parvulísque dispónis,
fac nos beátæ Teresiæ trámitem prósequi confidénter,
ut, eius intercessióne,
glória tua nobis revelétur æténa.
Per Dóminum.

Lectio prior

*Ecce ego declinabo super eam
quasi fluvium pacis.*

Léctio libri Isaíæ prophétæ

66, 10-14 c

Lætámini cum Ierúsalem et exsultáte in ea, omnes
qui dilígitis eam; gaudéte cum ea gáudio, univérsi qui

lugétis super eam, ut sugátis et repleámini ab úbere consolatiónis eius, ut mulgeátis et delíciis affluátis ab omnímoda glória eius.

Quia hæc dicit Dóminus: « Ecce ego declinábo super eam quasi flúvium pacis et quasi torréntem inundántem glóriam géntium, quam sugétis; ad úbera portabímini, et super génua blandiéntur vobis. Quómodo, si cui mater blandiátur, ita ego consolábor vos, et in Ierúsalem consolabímini ».

Vidébitis, et gaudébit cor vestrum, et ossa vestra quasi herba germinábunt, et cognoscétur manus Dómini servis eius. — Verbum Dómini.

Psalmus responsorius

Ps 130, 1. 2. 3.

℟. Custódi ánimam meam in pace apud te, Dómine.

1 Dómine, non est exaltátum cor meum,
neque eláti sunt óculi mei;
neque ambulávi in magnis,
neque in mirábilibus super me. ℞.

2 Vere pacátam et quiétam
feci ánimam meam;
sicut ablactátus in sinu matris suæ,
sicut ablactátus, ita in me est ánima mea. ℞.

3 Speret Israel in Dómino,
ex hoc nunc et usque in sǎculum. ℞.

Alleluia

Cf. Mt 11, 25

℟. Allelúia. √. Benedíctus es, Pater,
Dómine cæli et terræ,
quia mystéria Regni párvulis revelásti.
℞. Allelúia.

Evangelium

*Nisi efficiamini sicut parvuli,
non intrabitis in Regnum cælorum.*

✠ Lécio sancti Evangélii secúndum Matthæum
18, 1-4

In illa hora accessérunt discípuli ad Iesum dicétes:
« Quis, putas, maior est in Regno cælórum? »

Et ádvocans párvulum, státuit eum in médio eórum
et dixit: « Amen dico vobis: Nisi convérsi fuéritis et ef-
ficiámini sicut párvuli, non intrábitis in Regnum cælórum.

Quicúmque ergo humiliáverit se sicut párvulus iste,
hic est maior in Regno cælórum » — Verbum Dómini.

Super oblata

In beáta Terésia te, Dómine, mirábilem prædicátes,
maiestátem tuam suppliciter exorámus,
ut, sicut eius tibi grata sunt mérita,
sic nostræ servitútis accépta reddántur offícia.
Per Christum.

Ant. ad communionem

Mt 18, 3

Dicit Dóminus: Nisi convérsi fuéritis,
et efficiámini sicut párvuli,
non intrábitis in regnum cælórum.

Post communionem

Sacraménta quæ súmpsimus, Dómine,
illíus in nobis vim amóris accéndant,
quo beáta Terésia se tibi addíxit,
tuámque cúpiit miseratióem pro ómnibus impetráre.
Per Christum.

Die 2 octobris
Ss. Angelorum Custodum
Memoria

¶ Evangelium huius memoriae est proprium.

Ant. ad introitum

Dan 3, 58

Benedícite, omnes Angeli Dómini, Dóminum,
hymnum dícite, et superexaltáte eum in sæcula.

Collecta

Deus, qui ineffábili providéntia
sanctos Angelos tuos
ad nostram custódiam mittere dignáris,
largíre supplícibus tuis,
et eórum semper protectione deféndi,
et ætéRNA societáte gaudére.
Per Dóminum.

Lectio prior

Præcedet te angelus meus.

Léctio libri Exodi

23, 20-23 a

Hæc dicit Dóminus:

« Ecce ego mittam ángelum meum, qui præcedat te, et custódiat in via, et introdúcat in locum quem parávi.

Obsérva eum et audi vocem eius, nec contemnéndum putes, quia non dimíttet cum peccáveris, et est nomen meum in illo.

Quod si audieris vocem eius et féceris ómnia quæ lo-

quor, inimicus ero inimicis tuis, et affligam affligentes te.
Præcedétque te ángelus meus ». — Verbum Dómini.

Psalmus responsorius

Ps 90, 1-2. 3-4. 5-6. 10-11 (R.: 11)

R. Angelis suis mandábit de te,
ut custódiant te in ómnibus viis tuis.

1 Qui hábitat in protectióne Altíssimi,
sub umbra Omnipoténtis commorábitur.

2 Dicet Dómino: « Refúgium meum
et fortitúdo mea, Deus meus, sperábo in eum ». **R.**

3 Quóniam ipse liberábit te
de láqueo venántium
et a verbo maligno.

4 Alis suis obumbrábit tibi,
et sub pennas eius confúgies. **R.**

5 Scutum et lorica véritas eius;
non timébis a timóre noctúrno,
6 a sagítta volánte in die,
a peste perambulánte in ténebris,
ab exterminio vastánte in merídie. **R.**

10 Non accédet ad te malum,
et flagéllum non appropinquábit
tabernáculo tuo.

11 Quóniam ángelis suis mandábit de te,
ut custódiant te in ómnibus viis tuis. **R.**

Alleluia

Ps 102, 21

R. Allelúia. **V.** Benedícite Dómino,
omnes virtútes eius,
minístri eius, qui fácitis voluntátem eius.

R. Allelúia.

Evangelium

*Angeli eorum semper vident faciem Patris mei
qui in cælis est.*

✠ Lécio sancti Evangélíi secúndum Matthæum

18, 1-5. 10

In illa hora accessérunt discípuli ad Iesum dicéntes:
« Quis, putas, maior est in Regno cælórum? »

Et ádvocans párvulum, státuit eum in médio eórum
et dixit:

« Amen dico vobis: Nisi convérsi fuéritis et efficiámini
sicut párvuli, non intrábitis in Regnum cælórum. Qui-
cúmque ergo humiliáverit se sicut párvulus iste, hic est
maior in Regno cælórum. Et qui suscepérit unum párvu-
lum talem in Nómine meo, me súscipit.

Vidéte ne contemnátis unum ex his pusíllis; dico
enim vobis, quia ángeli eórum in cælis semper vident
fáciem Patris mei qui in cælis est ».

Verbum Dómini.

Super oblata

Súscipe, Dómine, múnera,
quæ pro sanctórum Angelórum tuórum veneratióne
deférimus, et concéde propítius,
ut, perpétuis eórum præsídiis,
a præséntibus perículis liberémur,
et ad vitam felíciter perveniámus ætérnam.
Per Christum.

Præfatio de Angelis, p. 600.

Ant. ad communionem

Ps 137, 1

In conspéctu Angelórum psallam tibi, Deus meus.

Post communionem

Quos tantis, Dómine, in vitam ætérnam
dignáris páscere sacraméntis,
angélico ministério dirige in viam salútis et pacis.
Per Christum.

Die 4 octobris

S. Francisci Assisiensis

Memoria

De Communi sanctorum (pro religiosis), p. 945.

Ant. ad introitum

Vir Dei Franciscus reliquit domum suam,
dimisit hereditatem suam, inops et pauper factus est;
Dóminus autem assumpsit eum.

Collecta

Deus, qui beáto Francíscó
paupertáte et humilitáte Christo configurári tribuísti,
concéde, ut, per illíus sémitas gradiétes,
Fílium tuum sequi et tibi coniúngi
læta valeámus caritáte.
Per Dóminum.

Lectio prior

Mihi mundus crucifixus est, et ego mundo.

Léctio Epístolæ beáti Pauli apóstoli ad Gálatas **6, 14-18**
Fratres:

Mihi absit gloriári, nisi in cruce Dómini nostri Iesu
Christi, per quem mihi mundus crucifixus est, et ego
mundo.

Neque enim circumcísio áliquid est, neque præpútium, sed nova creatúra. Et quicúmque hanc régulam secúti fúerint, pax super illos et misericórdia, et super Israel Dei.

De cétero nemo mihi moléstus sit; ego enim stigmata Iesu in córpore meo porto.

Grátia Dómini nostri Iesu Christi cum spíritu vestro, fratres. Amen. — Verbum Dómini.

Psalmus responsorius

Ps 15, 1-2 a et 5. 7-8. 11 (R.: 5 a)

R. Tu es, Dómine, pars hereditátis meæ.

- 1 Consérva me, Deus, quóniam sperávi in te.
- 2 Dixi Dómino: « Dóminus meus es tu.
- 5 Dóminus pars hereditátis meæ et cálicis mei: tu es qui détines sortem meam ». R.
- 7 Benedícam Dóminum qui tríbuit mihi intelléctum; ínsuper et in nóctibus erudiérunt me renes mei.
- 8 Proponébam Dóminum in conspéctu meo semper, quóniam a dextris est mihi, non commovébor. R.
- 11 Notas mihi fácies vias vitæ, plenitúdinem lætítiæ cum vultu tuo, delectatiónes in dextera tua usque in finem. R.

Alleluia

Cf. Mt 11, 25

R. Allelúia. V. Benedíctus es, Pater,
Dómine cæli et terræ,
quia mystéria Regni párvulis revelásti.
R. Allelúia.

Evangelium

*Abscondisti hæc a sapientibus
et revelasti ea parvulis.*

✠ Lécio sancti Evangélii secúndum Matthæum

11, 25-30

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater, quóniam sic fuit plácitum ante te.

Omnia mihi trádicta sunt a Patre meo, et nemo novit Fílium, nisi Pater; neque Patrem quis novit, nisi Fílius et cui volúerit Fílius reveláre.

Veníte ad me, omnes qui laborátis et oneráti estis, et ego refíciam vos.

Tóllite iugum meum super vos et díscite a me, quia mitis sum et húmilis corde; et inveniétis réquiem animábus vestris; iugum enim meum suáve et onus meum leve est ». — Verbum Dómini.

Super oblata

Múnera tibi, Dómine, offeréntes, quæsumus,
ut ad mystérium crucis celebrándum
conveniénter aptémur,
cui beátus Francíscus tam ardénter adhæsit.
Per Christum.

Ant. ad communionem

Mt 5, 3

Beáti páuperes spíritu,
quóniam ipsórum est regnum cælórum.

Post communionem

Da nobis, quæsumus, Dómine,
per hæc sancta quæ súmpsimus,

ut, beáti Francísci caritátem
zelúmque apostólicum imitántes,
tuæ dilectiónis efféctus percipiámus
et in salútem ómnium effundámus.
Per Christum.

Die 6 octobris
S. Brunonis, presbyteri

De Communi pastorum, p. 869.
Vel de Communi sanctorum (pro religiosis), p. 945.

Collecta

Deus, qui sanctum Brunónem
ad serviéndum tibi in solitúdine vocásti,
eius nobis intercessióne concéde,
ut, per huius mundi varietátes, tibi iúgiter vacémus.
Per Dóminum.

Lectio prior, p. 979, n. 9.
Psalmus responsorius, p. 972.
Evangelium, p. 1005, n. 15.

Die 7 octobris
Beatæ Mariæ Virginis a Rosario
Memoria

De Communi beatæ Mariæ Virginis, p. 800.

Ant. ad introitum **Lc 1, 28. 42**

Ave, María, grátia plena, Dóminus tecum:
benedícta tu in muliéribus,
et benedíctus fructus ventris tui.

Collecta

Grátiam tuam, quæsumus, Dómine,
 méntibus nostris infúnde,
 ut qui, Angelo nuntiánte,
 Christi Filii tui incarnatióem cognóvimus,
 beáta María Vírgine intercedénte,
 per passióem eius et crucem
 ad resurrectiós glóriam perducámur.
 Per Dóminum.

Lectio prior, p. 818, n. 11.

Psalmus responsorius, p. 819.

Alleluia

Lc 1, 28

℟. Allelúia. ℣. Ave, María, grátia plena;
 Dóminus tecum;
 benedícta tu in muliéribus. ℟. Allelúia.

Evangelium

Ecce concipies in utero et paries filium.

✠ Lécio sancti Evangélíi secúndum Lucam 1, 26-38

In illo témpore:

Missus est ángelus Gábriel a Deo in civitátem Galilææ, cui nomen Názareth, ad vírginem desponsátam viro, cui nomen erat Ioseph, de domo David, et nomen vírginis María.

Et ingréssus ad eam dixit: « Ave, grátia plena, Dóminus tecum ». Ipsa autem turbáta est in sermóne eius, et cogitábat qualis esset ista salutatio.

Et ait Angelus ei: « Ne tíneas, María; invenísti enim grátiam apud Deum: et ecce concípies in útero et páries fílium et vocábis nomen eius Iesum.

Hic erit magnus et Fílius Altíssimi vocábitur, et dabit illi Dóminus Deus sedem David patris eius, et regnabit super domum Iacob in ætérnum, et Regni eius non erit finis ».

Dixit autem María ad Angelum: « Quómodo fiet istud, quóniam virum non cognosco? »

Et respóndens Angelus dixit ei: « Spíritus Sanctus supervéniet in te, et virtus Altíssimi obumbrábit tibi. Ideoque et quod nascétur Sanctum vocábitur, Fílius Dei.

Et ecce Elísabeth cognáta tua, et ipsa concépit fílium in senécta sua; et hic mensis est sextus illi, quæ vocátur stérilis; quia non erit impossíbile apud Deum omne verbum ».

Dixit autem María: « Ecce ancílla Dómini; fiat mihi secúndum verbum tuum ». Et discéssit ab illa Angelus.

Verbum Dómini.

Super oblata

Fac nos, quæsumus, Dómine,
his munéribus oblátis conveniénter aptári,
et Unigéniti tui mystéria ita recólere,
ut eius digni promissionibus éffici mereámur.
Per Christum.

Præfatio I de B. Maria Virgine (Et te in festivitáte), p. 598,
vel II, p. 599.

Ant. ad communionem

Lc 1, 31

Ecce concípies in útero, et páries fílium,
et vocábis nomen eius Iesum.

Post communionem

Quæsumus, Dómine Deus noster,
ut, qui in hoc sacraménto
Fílii tui mortem et resurrectionem annuntiámus,
eius sócii passiónum effecti,

consolatiónis étiam ac glóriæ
mereámur esse partícipes.
Per Christum.

Die 9 octobris

Ss. Dionysii, episcopi, et sociorum, martyrum

De Communi martyrum, p. 834.

Collecta

Deus, qui beátum Dionýsium eiúsque sócios
ad prædicándam géntibus glóriam tuam misísti,
eósque virtúte constántiæ in passióne roborásti,
tribue nobis, quæsumus,
ex eórum imitatióne próspéra mundi despícere,
et nulla eius advérsa formidáre.
Per Dóminum.

Lectio prior, p. 855, n. 4.

Psalmus responsorius, p. 851.

Evangelium, p. 987, n. 2.

Eodem die 9 octobris

S. Ioannis Leonardi, presbyteri

De Communi pastorum (pro missionariis), p. 875.

**Vel de Communi sanctorum (pro iis qui opera miseri-
cordiæ exercuerunt), p. 947.**

Collecta

Bonórum ómnium largítor, Deus,
qui per beátum Ioánnem presbýterum

pópulis Evangélium nuntiári fecísti,
eius intercessióne concéde,
ut fides vera semper et ubíque profíciat.
Per Dóminum.

Lectio prior, p. 893, n. 6.

Psalmus responsorius, p. 887.

Evangelium, p. 904, n. 6.

Die 14 octobris

S. Callisti I, papæ et martyris

De Communi martyrum, p. 839.

Vel de Communi pastorum (pro papa), p. 865.

Collecta

Preces pópuli tui, quæsumus, Dómine,
cleménter exáudi,
ut beáti Callísti papæ méritis adiuvémur,
cuius passióne lætámur.
Per Dóminum.

Lectio prior, p. 898, n. 13.

Psalmus responsorius, p. 884.

Evangelium, p. 906, n. 8.

Die 15 octobris

S. Teresiæ de Avila,
virginis et Ecclesiæ doctoris

Memoria

De Communi virginum, p. 928.

Vel de Communi doctorum Ecclesiæ, p. 910.

Ant. ad introitum

Ps 41, 2-3

Quemádmódum desíderat cervus ad fontes aquárum,
ita desíderat ánima mea ad te, Deus.
Sitívit ánima mea ad Deum fortem vivum.

Collecta

Deus, qui per Spíritum tuum
beátam Terésiam suscitásti,
ut requiréndæ perfectiónis sémitam
Ecclésiæ manifestáret, da nobis
et cæléstis eius doctrínæ pábulo semper nutriri,
et veræ sanctitátis desidério accénderi.
Per Dóminum.

Lectio prior

Spiritus interpellat gemitibus inenarrabilibus.

Léctio Epístolæ beáti Pauli apóstoli ad Romános

Fratres:

8, 22-27

Scimus quod omnis creatúra congémiscit et compáritur usque adhuc; non solum autem, sed et nos ipsi primítias Spíritus habéntes, et ipsi intra nos gémimus, adoptionem filiórum exspectántes, redemptionem córporis nostri.

Spe enim salvi facti sumus; spes autem quæ vidétur non est spes; nam quod videt quis sperat? Si autem quod non vidémus sperámus, per patiéntiam exspectámus.

Simíliter autem et Spíritus ádiuvat infirmitátem nostram; nam quid orémus sicut opórtet nescímus, sed ipse Spíritus interpéllat gemitibus inenarrabilibus; qui autem scrutátur corda, scit quid desíderet Spíritus, quia secúndum Deum póstulat pro sanctis.

Verbum Dómini.

Psalmus responsorius

Ps 18, 8. 9. 10. 11 (R.: Io 6, 64 b)

R. Verba tua, Dómine, spíritus et vita sunt.

- 8 Lex Dómini immaculáta, reficiens ánimam,
testimónium Dómini fidéle,
sapiéntiam præstans párvulis. R.
- 9 Iustitiæ Dómini rectæ, lætificántes corda,
præcéptum Dómini lúcidum, illúminans óculos. R.
- 10 Timor Dómini mundus,
pérmanens in sæculum sæculi,
iudícia Dómini vera, iusta ómnia simul. R.
- 11 Desiderabilia super aurum
et lápidem pretiósus multum
et dulcióra super mel et favum stillántem. R.

Evangelium, p. 1009, n. 20.

Super oblata

Múnera nostra, Dómine, tuæ sint accépta maiestáti,
cui beátæ Teresiæ tantópere plácuít
devotiónis obséquiúm.
Per Christum.

Ant. ad communionem

Ps 88, 2

Misericórdias Dómini in ætérnum cantábo;
in generatióem et generatióem
annuntiábo veritátem tuam in ore meo.

Post communionem

Súbdita tibi família, Dómine Deus noster,
quam cælésti pane satiásti,
fac ut, exémplo beátæ Teresiæ,
misericórdias tuas in ætérnum cantáre lætétur.
Per Christum.

Die 16 octobris
S. Hedvigis, religiosæ

De Communi sanctarum (pro religiosis), p. 945.

Collecta

Concéde, quæsumus, omnipotens Deus,
ut veneránda nobis beátæ Hedvigis intercèssio
tribuat cæléste subsidium,
cuius vita mirábilis
ómnibus humilitátis præstat exéplum.
Per Dóminum.

Lectio prior, p. 968, n. 14.

Psalmus responsorius, p. 968.

Evangelium, p. 999, n. 11.

Eodem die 16 octobris
S. Margaritæ Mariæ Alacoque, virginis

De Communi virginum, p. 928.

Vel de Communi sanctarum (pro religiosis), p. 945.

Collecta

Effúnde super nos,
quæsumus, Dómine, Spíritum
quo beátam Margarítam Mariám
singuláriter ditásti,
ut scire valeámus
supereminéntem sciéntiæ caritátem Christi,
et impleámur in omnem plenitúdinem Dei.
Per Dóminum.

Lectio prior

Scire supereminentem scientiæ caritatem Christi.

Léctio Epístolæ beāti Pauli apóstoli ad Ephésios

Fratres:

3, 14-19

Flecto gēnua mea ad Patrem, ex quo omnis patérnitas in cælis et in terra nominátur, ut det vobis secúndum divítias glóriæ suæ virtúte corroborári per Spíritum eius in interiorem hóminem,

habitáre Christum per fidem in córdibus vestris, in caritatē radicáti et fundáti, ut valeátis comprehendere cum ómnibus sanctis quæ sit latitúdo et longitúdo et sublimitas et profúndum,

scire étiam supereminéntem sciéntiæ caritatē Christi, ut impleámini in omnem plenitúdinem Dei.

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

1 Dóminus pascit me, et nihil mihi déerit:
 2 in páscuis viréntibus me collocávit,
 super aquas quiétis edúxit me,
 3 ánimam meam refécit.
 Dedúxit me super sémitas iustítiæ
 propter nomen suum. R.

4 Nam et si ambulávero
 in valle umbræ mortis,
 non timébo mala, quóniam tu mecum es.
 Virga tua et báculo tuus
 ipsa me consoláta sunt. R.

5 Parásti in conspéctu meo mensam
 advérsus eos qui tríbulant me;

impinguásti in óleo caput meum,
et calix meus redúndat. **R.**

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitudínem diérum. **R.**

Evangelium, p. 988, n. 3.

Die 17 octobris

S. Ignatii Antiocheni, episcopi et martyris

Memoria

De Communi martyrum, p. 839.

Vel de Communi pastorum (pro episcopo), p. 867.

Ant. ad introitum

Gal 2, 19-20

Christo confíxus sum cruci;
vivo autem, iam non ego:
vivit vero in me Christus;
in fide vivo Fílii Dei, qui diléxit me,
et trádidit semetípsum pro me.

Collecta

Omnípotens sempitérne Deus,
qui sanctórum mártýrum confessiónibus
Ecclésiæ tuæ sacrum corpus exórnas,
concéde, quáesumus, ut hodiérna glória passiónis,
sicut beáto Ignátio
magnificéntiam tríbuit sempitérnam,
ita nobis perpétuum munímen operétur.
Per Dóminum.

Lectio prior

Noster municipatus in cælis est.

Léctio Epístolæ beāti Pauli apóstoli ad Philippenses

3, 17 — 4, 1

Coimitatóres mei estóte, fratres, et observáte eos qui ita ámbulant, sicut habétis formam nos.

Multi enim ámbulant, quos sæpe dicébam vobis, nunc autem et flens dico, inimícos crucis Christi, quorum finis intéritus, quorum deus venter, et glória in confusióne ipsórum, qui terréna sápiunt.

Noster enim municipátus in cælis est, unde étiam Salvatórem exspectámus Dóminum Iesum Christum, qui transfigurábit corpus humilitátis nostræ confórme fieri córpori glóriæ suæ secúndum operatiónem, qua possit étiam subícere sibi ómnia.

Itaque, fratres mei caríssimi et desideratíssimi, gáudium et coróna mea, sic state in Dómino, caríssimi.

Verbum Dómini.

Psalmus responsorius

Ps 33, 2-3. 4-5. 6-7. 8-9 (R.: 5 b)

R. Ex ómnibus terróribus meis erípuit me Dóminus.

² Benedícam Dóminum in omni témpore,
semper laus eius in ore meo.

³ In Dómino gloriábitur ánima mea,
áudiant mansuétí et læténtur. R.

⁴ Magnificáte Dóminum mecum,
et exaltémus nomen eius in idípsum.

⁵ Exquisívi Dóminum, et exaudivit me,
et ex ómnibus terróribus meis erípuit me. R.

⁶ Respícite ad eum, et illuminámini,
et fácies vestræ non confundéntur.

- 7 Iste pauper clamávit, et Dóminus exaudivit eum,
et de ómnibus tribulatióibus eius salvávit eum. **R.**
- 8 Vallábit ángelus Dómini in circúitu tímentes eum,
et erípiet eos.
- 9 Gustáte et vidéte quóniam suávis est Dóminus;
beátus vir qui sperat in eo. **R.**

Alleluia**Iac 1, 12**

R. Allelúia. **V.** Beátus vir qui suffert tentatióem,
quóniam, cum probátus fúerit,
accípiet corónam vitæ. **R.** Allelúia.

Evangelium

*Si granum frumenti mortuum fuerit,
multum fructum affert.*

✠ Lécio sancti Evangélii secúndum Ioánnem **12, 24-26**

In illo témpore:

Dixit Iesus discipulis suis: « Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam, perdit eam, et qui odit ánimam suam in hoc mundo, in vitam ætérnam custódiat eam.

Si quis mihi minístrat, me sequátur; et, ubi sum ego, illic et miníster meus erit. Si quis mihi ministráverit, honorificábit eum Pater ». — Verbum Dómini.

Super oblata

Grata tibi sit, Dómine, nostræ devotióis oblátio,
qui beátum Ignátium, fruméntum Christi,
per martýrii passióem panem mundum suscepísti.
Per Christum.

Ant. ad communionem

Fruméntum Christi sum:
déntibus bestiárum molar,
ut panis mundus invéniar.

Post communionem

Refíciat nos, Dómine, panis cæléstis,
quem in beáti Ignátii natáli suscepimus,
ac tríbuat nos nómine et ópere esse christiános.
Per Christum.

Die 18 octobris

S. LUCÆ, EVANGELISTÆ

Festum

Ant. ad introitum

Is 52, 7

Quam pulchri super montes
pedes annuntiántis et prædicántis pacem,
annuntiántis bonum, prædicántis salútem!

Dicitur Glória in excélsis.

Collecta

Dómine Deus, qui beátum Lucam elegísti,
ut prædicatióne et scriptis
mystérium tuæ in páuperes dilectiόνis reveláret,
concéde, ut, qui tuo iam nómine gloriántur,
cor unum et ánima una esse perseverént,
et omnes gentes
tuam mereántur vidére salútem.
Per Dóminum.

Lectio prior

Lucas est mecum solus.

Léctio Epístolæ secúndæ beáti Pauli apóstoli

ad Timótheum

4, 10-17 a

Caríssime:

Demas me dereliquit, díligens hoc sáculum, et ábiit Thessalonícam; Crescens in Galátiam, Titus in Dalmátiam. Lucas est mecum solus. Marcum assúmens adduc tecum; est enim mihi útilis in ministérium. Týchicum autem misi Ephesum. Pænulam, quam reliqui Tróade apud Carpum, véniens affer, et libros, máxime autem membránas.

Alexánder ærárius multa mala mihi osténdit; red-det ei Dóminus secúndum ópera eius; quem et tu devíta, valde enim réstitit verbis nostris.

In prima mea defensióne nemo mihi áffuit, sed omnes me dereliquerunt; non illis reputétur. Dóminus autem mihi ástitit et confortávit me, ut per me prædicá-tio impleátur, et áudiant omnes gentes.

Verbum Dómini.

Psalmus responsorius

Ps 144, 10-11. 12-13 ab. 17-18 (R.: cf. 12)

R. Sancti tui, Dómine, notam fáciant glóriam regni tui.

¹⁰ Confiteántur tibi, Dómine, ómnia ópera tua,
et sancti tui benedícant tibi.

¹¹ Glóriam regni tui dicant,
et poténtiam tuam loquántur. R.

¹² Ut notas fáciant filiis hóminum poténtias tuas,
et glóriam magnificéntiæ regni tui.

¹³ Regnum tuum regnum ómnium sæculórum,
et dominátio tua in omnem generatióem
et generatióem. R.

- ¹⁷ Iustus Dóminus in ómnibus viis suis,
et sanctus in ómnibus opéribus suis.
- ¹⁸ Prope est Dóminus ómnibus invocántibus eum,
ómnibus invocántibus eum in veritate. *R.*

*Alleluia**Io 15, 16*

R. Allelúia. *V.* Ego vos elégi de mundo,
ut eátis et fructum afferátis,
et fructus vester máneat, dicit Dóminus.
R. Allelúia.

*Evangelium**Messis quidem multa, operarii autem pauci.*

✠ Lécio sancti Evangélii secúndum Lucam *10, 1-9*

In illo témpore:

Designávit Dóminus álios septuagínta duos, et misit illos binos ante fáciem suam in omnem civitátem et locum, quo erat ipse ventúrus.

Et dicébat illis: « Messis quidem multa, operárii autem pauci. Rogáte ergo Dóminum messis, ut mittat operários in messem suam.

Ite: ecce ego mitto vos sicut agnos inter lupos. Nolíte portáre sácculum neque peram neque calceaménta, et néminem per viam salutavéritis.

In quamcúmque domum intravéritis primum dícite: “ Pax huic dómui ”; et, si ibi fúerit filius pacis, requiescet super illam pax vestra; sin autem, ad vos revertétur.

In eádem autem domo manéte, edéntes et bibéntes quæ apud illos sunt; dignus enim est operárius mercé-de sua.

Nolíte transíre de domo in domum; et, in quamcúm-que civitátem intravéritis et suscepérint vos, manducáte quæ apponúntur vobis, et curáte infirmos, qui in illa sunt, et dícite illis: “ Appropinquávit in vos Regnum Dei ” ». — Verbum Dómini.

Super oblata

Donis cæléstibus, da nobis, quæsumus, Dómine, líbera tibi mente servíre,
ut múnera, quæ in festivitáte beáti Lucæ deférimus,
et medélam nobis operéntur et glóriam. Per Christum.

Præfatio II de Apostolis, p. 603.

Ant. ad communionem

Cf. Lc 10, 1. 9

Misit Dóminus discípulos, qui nuntiárent civitatibus:
Appropinquávit in vos regnum Dei.

Post communionem

Præsta, quæsumus, omnípotens Deus,
ut, quod de sancto altári tuo accépimus, nos sanctíficet,
et in fide Evangélii, quod sanctus Lucas prædicávit,
fortes effíciat. Per Christum.

Die 19 octobris

Ss. Ioannis de Brébeuf et Isaac Jogues,
presbyterorum, et sociorum, martyrum

De Communi martyrum, p. 834.

Vel de Communi pastorum (pro missionariis), p. 875.

Collecta

Deus, qui primítias fidei
in boreálibus Américæ regiónibus

sanctorum Ioannis et Isaac eorumque sociorum
 prædicatione et sanguine consecrasti,
 concede propitius, ut, eorum intercessione,
 florida christianorum seges ubique in dies augeatur.
 Per Dominum.

Lectio prior, p. 854, n. 3.

Psalmus responsorius, p. 851.

Evangelium, p. 901, n. 3.

Eodem die 19 octobris
S. Pauli a Cruce, presbyteri

De Communi pastorum, p. 869.

Vel de Communi sanctorum (pro religiosis), p. 945.

Ant. ad introitum

1 Cor 2, 2

Non iudicavi me scire aliquid inter vos,
 nisi Iesum Christum, et hunc crucifixum.

Collecta

Impetret nobis, Domine, gratiam tuam
 sanctus presbyter Paulus, qui unico crucem amore dilexit,
 ut, eius exemplo vividius incitati,
 crucem nostram fortiter amplectamur. Per Dominum.

Lectio prior

*Placuit Deo per stultitiam prædicationis
 salvos facere credentes.*

Lectio Epistolæ primæ beati Pauli apostoli
 ad Corinthios

1, 18-25

Fratres:

Verbum crucis pereuntibus quidem stultitia est; his
 autem qui salvi fiunt, id est nobis, virtus Dei est.

Scriptum est enim: « Perdam sapiéntiam sapiéntium, et prudéntiam prudéntium reprobábo ». Ubi sápiens? ubi scriba? ubi conquisitor huius sáculi? Nonne stultam fecit Deus sapiéntiam huius mundi?

Nam, quia in Dei sapiéntia non cognóvit mundus per sapiéntiam Deum, plácuit Deo per stultítiam prædicationis salvos fácere credéntes.

Quóniam et Iudæi signa petunt et Græci sapiéntiam quærun; nos autem prædicámus Christum crucifíxum, Iudæis quidem scándalum, Géntibus autem stultítiam; ipsis autem vocátis, Iudæis atque Græcis, Christum Dei virtútem et Dei sapiéntiam.

Quia quod stultum est Dei, sapiéntius est homínibus, et quod infirmum est Dei, fórtius est homínibus.

Verbum Dómini.

Psalmus responsorius Ps 116, 1. 2 (R.: Mc 16, 15)

R. Eúntes in mundum univérsum, prædicáte Evangélíum.
vel Allelúia.

1 Laudáte Dóminum, omnes gentes,
collaudáte eum, omnes pópuli. R.

2 Quóniam confirmáta est super nos misericórdia eius,
et véritas Dómini manet in ætérnum. R.

Evangélium, p. 990, n. 5.

Super oblata

Réspice quas offérimus hóstias, omnípotens Deus,
in commemoratióne beáti Pauli, et præsta,
ut, qui domínicæ passióis mystéria celebrámus,
imitémur quod ágimus. Per Christum.

Ant. ad communionem

1 Cor 1, 23-24

Nos prædicámus Christum crucifíxum,
Christum, Dei virtútem et Dei sapiéntiam.

Post communionem

Deus, qui crucis mystérium
in beáto Paulo mirabíliter illustrásti,
concéde propítius, ut, ex hoc sacrificio roboráti,
Christo fidéles hæreámus,
et in Ecclésia ad salútem ómnium operémur.
Per Christum.

Die 23 octobris

S. Ioannis de Capestrano, presbyteri**De Communi pastorum (pro missionariis), p. 875.****Collecta**

Deus, qui, ad pópulum fidélem
in angústiiis confortándum,
beátum Ioánnem suscitásti,
præsta, quæsumus,
ut nos in tuæ protectiónis securitáte constítuas,
et Ecclésiám tuam perpétua pace custódias.
Per Dóminum.

Lectio prior, p. 894, n. 7.**Psalmus responsorius, p. 953.****Evangelium, p. 1005, n. 15.**

Die 24 octobris

S. Antonii Mariæ Claret, episcopi**De Communi pastorum (pro episcopo vel pro missionariis), p. 867 vel p. 875.****Vel de Communi sanctorum (pro religiosis), p. 945.**

Collecta

Deus, qui in evangelizándis pópulis
beátum Antónium Mariám episcopum
mira caritáte et patiéntia roborásti,
eius nobis intercessióne concéde,
ut, quæ tua sunt quæréntes,
enixe in Christo lucrándis frátribus
incumbámus.

Per Dóminum.

Lectio prior, p. 884, n. 5.

Psalmus responsorius, p. 885.

Evangelium, p. 902, n. 4.

Die 28 octobris

SS. SIMONIS ET IUDÆ, APOSTOLORUM

Festum

Ant. ad introitum

Isti sunt viri sancti,
quos elégit Dóminus in caritáte non ficta,
et dedit illis glóriam sempitérnam.

Dicitur Glória in excélsis.

Collecta

Deus, qui nos per beátos Apóstolos
ad agnitiónem tui nóminis veníre tribuísti,
intercedéntibus sanctis Simóne et Iuda,
concéde propítius,
ut semper augeátur Ecclésia
incrementis in te credéntium populórum.
Per Dóminum.

Lectio prior

Superædificati super fundamentum Apostolorum.

Léctio Epístolæ beāti Pauli apóstoli ad Ephésios

2, 19-22

Fratres:

Iam non estis extráni et ádvenæ, sed estis concíves sanctórum et doméstici Dei, superædificáti super fundaméntum Apostolórum et Prophetárum, ipso summo angulári lápide Christo Iesu;

in quo omnis ædificátió compácta crescit in templum sanctum in Dómino; in quo et vos coædificámini in habitáculum Dei in Spíritu. — Verbuní Dómini.

Psalmus responsorius

Ps 18, 2-3. 4-5 (R.: 5 a)

R. In omnem terram exívit sonus eórum.

Cæli enárrant glóriam Dei,
et ópera mánuum eius
annúntiat firmaméntum.

Dies diéi erúctat verbum,
et nox nocti índicat sciéntiam. R.

Non sunt loquélæ neque sermónes,
quorum non intellegántur voces.

In omnem terram exívit sonus eórum,
et in fines orbis terræ verba eórum. R.

Alleluia

R. Allelúia. V. Te Deum laudámus,
te Dóminum confitémur;
te gloriósus Apostolórum chorus laudat,
Dómine. R. Allelúia.

Evangelium

*Elegit duodecim ex ipsis,
quos et Apostolos nominavit.*

✠ Lécio sancti Evangélii secúndum Lucam 6, 12-19

Factum est in illis diébus éxiit Iesus in montem oráre, et erat pernóctans in oratióne Dei.

Et cum dies factus esset, vocávit discipulos suos, et elégit duódecim ex ipsis, quos et Apóstolos nominávit:

Simónem, quem et cognominávit Petrum, et Andréam fratrem eius, et Iacóbum et Ioánnem, et Philíppum et Bartholomæum, et Matthæum et Thomam, et Iacóbum Alphæi et Simónem, qui vocátur Zelótes, et Iudam Iacóbi et Iudam Iscarioth, qui fuit próditor.

Et descéndens cum illis, stetit in loco campéstri, et turba multa discipulórum eius, et multitúdo copiósa plebis ab omni Iudæa et Ierúsalem et marítima Tyri et Sidónis, qui venérunt ut audírent eum et sanaréntur a languóribus suis. Et qui vexabántur a spirítibus imúndis curabántur.

Et omnis turba quærébant eum tángere, quia virtus de illo exíbat et sanábat omnes.

Verbum Dómini.

Super oblata

Glóriam, Dómine,
sanctorum apostolorum Simónis et Iudæ
perpétuam venerántes,
quæsumus, ut vota nostra suscípias
et ad sacra mystéria celebránda nos digne perdúcas.
Per Christum.

Præfatio de Apostolis, pp. 602-603.

Ant. ad communionem**Io 14, 23**

Si quis diligit me, sermónem meum servábit,
dicit Dóminus;
et Pater meus diliget eum, et ad eum veniémus,
et mansiónem apud eum faciémus.

Post communionem

Percéptis, Dómine, sacraméntis,
súplices in Spíritu Sancto deprecámur,
ut, quæ pro apostolorum Simónis et Iudæ
veneránda gérimus passióne,
nos in tua dilectióne consérvent.
Per Christum.

Pro Missa votiva de omnibus sanctis Apostolis, dicuntur lectiones ut supra.

NOVEMBER

Die 1 novembris

OMNIUM SANCTORUM

Sollemnitas

Ant. ad introitum

Gaudeámus omnes in Dómino,
diem festum celebrántes
sub honóre Sanctórum ómnium,
de quorum sollemnitate gaudent Angeli,
et colláudant Fílium Dei.

Dicitur Glória in excélsis.

Collecta

Omnípotens sempitérne Deus,
qui nos ómnium Sanctórum tuórum mérita
sub una tribuísti celebritáte venerári, quæsumus,
ut desiderátam nobis tuæ propitiatiónis abundántiam,
multiplicátis intercessóribus, largiáris. Per Dóminum.

Lectio prima

*Vidi turbam magnam,
quam dinumerare nemo poterat,
ex omnibus gentibus et tribubus et populis et linguis.*

Léctio libri Apocalýpsis beáti Ioánnis apóstoli

7, 2-4. 9-14

Ego Ioánnes vidi álterum ángelum ascendéntem ab
ortu solis, habéntem sigillum Dei vivi; et clamávit
voce magna quáttuor ángelis, quibus datum est nocére
terræ et mari, dicens: « Nolíte nocére terræ et mari ne-

que arbóribus, quoadúsque signémus servos Dei nostri in fróntibus eórum ».

Et audívi númerum signatórum: centum quadragínta quáttuor mília signáti, ex omni tribu filiórum Israel.

Post hęc vidi: et ecce turba magna, quam dinumeráre nemo póterat, ex ómnibus géntibus et tríbubus et pópulis et linguis, stantes ante thronum et in conspéctu Agni, amícti stolas albas et palmæ in mánibus eórum, et clamant voce magna dicétes: « Salus Deo nostro, qui sedet super thronum, et Agno ».

Et omnes ángeli stabant in circúitu throni et Seniórum et quáttuor Animálium; et cecidérunt in conspéctu throni in fácies suas, et adoravérunt Deum dicétes: « Amen. Benedíctio et glória et sapiéntia et gratiárum áctio, honor et virtus et fortitúdo Deo nostro in sǎcula sǎculórum. Amen ».

Et respóndit unus de Senióribus dicens mihi: « Hi, qui amícti sunt stolis albis, qui sunt et unde venérunt? »

Et dixi illi: « Dómine mi, tu scis ».

Et dixit mihi: « Hi sunt qui véniunt de tribulatióne magna, et lavérunt stolas suas et dealbavérunt eas in sǎngvine Agni ».— Verbum Dómini.

Psalmus responsorius Ps 23, 1-2. 3-4 ab. 5-6 (R.: 6)

R. Hęc est generátio quæréntium fáciem tuam, Dómine.

- 1 Dómini est terra et plenitúdo eius,
orbis terrárum et qui hábitant in eo.
- 2 Quia ipse super mária fundávit eum,
et super flúmina firmávit eum. R.
- 3 Quis ascéndet in montem Dómini,
aut quis stabit in loco sancto eius?
- 4 Innocens mánibus et mundo corde,
qui non accépit in vanum nomen eius. R.

5 Hic accípiet benedictiónem a Dómino,
et iustificatióem a Deo salutári suo.

6 Hæc est generatió quæréntium eum,
quæréntium fáciem Dei Iacob. *R.*

Lectio secunda

Videbimus Deum sicuti est.

Léctio Epístolæ primæ beáti Ioánnis apóstoli **3, 1-3**
Caríssimi:

Vidéte qualem caritátem dedit nobis Pater, ut filii Dei nominémur: et sumus! Propter hoc mundus non cognóscit nos, quia non cognóvit eum.

Caríssimi, nunc filii Dei sumus, et nondum manifestátum est quid érimus. Scimus quóniam, cum ipse apparúerit, símiles ei érimus; quóniam vidébimus eum sicuti est.

Et omnis qui habet spem hanc in eo, castíficat se, sicut ille castus est. — Verbum Dómini.

Alleluia **Mt 11, 28**

R. Allelúia. *V.* Veníte ad me, omnes qui laborátis
et oneráti estis,
et ego refíciam vos, dicit Dóminus.
R. Allelúia.

Evangelium

*Gaudete et exsultate, quoniam merces vestra
copiosa est in cælis.*

✠ Léctio sancti Evangélíi secúndum Matthæum

In illo témpore: **5, 1-12 a**

Videns Iesus turbas, ascéndit in montem; et cum sedísset, accessérunt ad eum discípuli eius. Et apériens os suum, docébat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutióem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ».

Verbum Dómini.

Dicitur Credo.

Super oblata

Grata tibi sint, Dómine, múnera,
quæ pro cunctórum offérimus honóre Sanctórum,
et concéde,
ut, quos iam crédimus de sua immortalitáte secúros,
sentiámus de nostra salúte sollicitos.
Per Christum.

Præfatio: De gloria matris nostræ Ierusalem.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutäre,
nos tibi semper et ubique grátias ágere:
Dómine, sancte Pater, omnipotens ætérne Deus:
Nobis enim hódie civitátem tuam tríbuis celebráre,
quæ mater nostra est, cælestisque Ierúsalem,
ubi fratrum nostrórum
iam te in ætérnum coróna colláudat.
Ad quam peregríni, per fidem accedéntes,
alácritér festinámus, congaudéntes
de Ecclésiæ sublímiúm glorificatióne membrórum,
qua simul fragilitáti nostræ
adiuménta et exéempla concédís.
Et ídeo, cum ipsórum Angelorúmque frequéntia,
una te magnificámus, laudis voce clamántes:
Sanctus, Sanctus, Sanctus Dóminus Deus Sábaoth ...

Ant. ad communionem**Mt 5, 8-10**

Beáti mundo corde, quóniam ipsi Deum vidébunt;
beáti pacífici, quóniam filii Dei vocabúntur;
beáti qui persecutiónem patiúntur propter iustítiam,
quóniam ipsórum est regnum cælórum.

Post communionem

Mirábilem te, Deus,
et unum Sanctum in ómnibus Sanctis tuis adorántes,
tuam grátiam implorámus, qua,
sanctificatióne in tui amóris plenitúdine consummántes,
ex hac mensa peregrinántium
ad cælestis pátriæ convívium transeámus.
Per Christum.

Pro Missa votiva de omnibus Sanctis, cf. infra, p. 1648.

Die 2 novembris
**IN COMMEMORATIONE
OMNIUM FIDELIUM DEFUNCTORUM**

Missæ quæ sequuntur ad libitum celebrantis selegi possunt.
Quando dies 2 novembris incidit in dominicam, Missa fit
de Commemoratione omnium fidelium defunctorum.

Lectiones sumuntur ex iis quæ pro defunctis proponuntur,
pp. 1684-1722.

1

Ant. ad introitum

1 Th 4, 14; 1 Cor 15, 22

Sicut Iesus mórtuus est et resurrexit,
ita et Deus eos qui dormiérunt per Iesum
addúcet cum eo.

Et sicut in Adam omnes moriúntur,
ita et in Christo omnes vivificabúntur.

Collecta

Preces nostras, quæsumus, Dómine, benígnus exáudi,
ut, dum attóllitur nostra fides in Fílio tuo
a mórtuis suscitáto,
in famulórum tuórum præstolánda resurrectione
spes quoque nostra firmétur. Per Dóminum.

Super oblata

Nostris, Dómine, propitiáre munéribus,
ut fámuli tui defúcti
assumántur in glóriam cum Fílio tuo,
cuius magno pietátis iúngimur sacraménto.
Per Christum.

Præfatio de defunctis, pp. 615-619.

Ant. ad communionem**Io 11, 25-26**

Ego sum resurréctio et vita, dicit Dóminus.
Qui credit in me, étiam si mórtuus fúerit, vivet;
et omnis, qui vivit et credit in me,
non moriétur in ætérnum.

Post communionem

Præsta, quæsumus, Dómine,
ut fámuli tui defúnti
in mansiónem lucis tránseant et pacis,
pro quibus paschále celebrávimus sacraméntum.
Per Christum.

2**Ant. ad introitum****Cf. 4 Esd 2, 34. 35**

Réquiem ætérnam dona eis, Dómine,
et lux perpétua lúceat eis.

Collecta

Deus, glória fidélium et vita iustórum,
cuius Filii morte et resurrectione redémpti sumus,
propitiáre fámulis tuis defúntis,
ut, qui resurrectionis nostræ mystérium agnovérunt,
æternæ beatitúdinis gáudia percípere mereántur.
Per Dóminum.

Super oblata

Omnípotens et miséricors Deus,
his sacrificiis áblue, quæsumus,
fámulos tuos defúntos
a peccátis eórum in ságuine Christi,
ut, quos mundásti aqua baptísmatis,
indesinénter purífices indulgéntia pietátis. Per Christum.

Præfatio de defunctis, pp. 615-619.

Ant. ad communionem**Cf. 4 Esd 2, 35. 34**

Lux æténa lúceat eis, Dómine,
cum Sanctis tuis in ætérnum, quia pius es.
Réquiem æténam dona eis, Dómine,
et lux perpétua lúceat eis,
cum Sanctis tuis in ætérnum, quia pius es.

Post communionem

Sumpto sacraménto Unigéniti tui,
qui pro nobis immolátus resurréxit in glória,
te, Dómine, suppliciter exorámus
pro fámulis tuis defúntis,
ut, paschálibus mystériis mundáti,
futúræ resurrectionis múnere gloriéntur.
Per Christum.

3**Ant. ad introitum****Cf. Rom 8, 11**

Deus, qui suscitávit Iesum a mórtuis,
vivificábit et mortália córpora nostra,
propter inhabitántem Spíritum eius in nobis.

Collecta

Deus, qui Unigénitum tuum, devícta morte,
ad cæléstia transíre fecísti,
concéde fámulis tuis defúntis,
ut, huius vitæ mortalitáte devícta,
te conditórem et redemptórem
possint perpétuo contemplári.
Per Dóminum.

Super oblata

Pro ómnibus fámulis tuis in Christo dormiéntibus
hóstiam, Dómine, súscipe benígnus oblátam,

ut, per hoc sacrificium singuläre vñculis mortis exúti,
vitam mereántur ætérnam.

Per Christum.

Præfatio de defunctis, pp. 615-619.

Ant. ad communionem

Phil 3, 20-21

Salvatórem exspectámus

Dóminum nostrum Iesum Christum,
qui reformábit corpus humilitátis nostræ
configurátum córpori claritátis suæ.

Post communionem

Múltiplica, Dómine, his sacrificiis suscéptis,
super fámulos tuos defúntos misericórdiam tuam,
et, quibus donásti baptísmi grátiam,
da eis æternórum plenitúdinem gaudiórum.
Per Christum.

Die 3 novembris

S. Martini de Porres, religiosi

De Communi sanctorum (pro religiosis), p. 945.

Collecta

Deus, qui beátum Martínium per humilitátis iter
ad cæléstem glóriam perduxísti,
tribue nobis eius ita nunc pérsequi exémpa præclára,
ut exaltári cum ipso mereámur in cælis.
Per Dóminum.

Lectio prior, p. 981, n. 10 a.

Psalmus responsorius, p. 962.

Evangelium, p. 993, n. 7 b.

Die 4 novembris

S. Caroli Borromeo, episcopi

Memoria

De Communi pastorum (pro episcopo), p. 867.

Collecta

Custódi, quæsumus, Dómine, in pópulo tuo spíritum,
quo beátum Cárolum episcopum implevísti,
ut Ecclésia indesinénter renovétur,
et, Christi se imágini confórmans,
ipsíus vultum mundo váleat osténdere.
Per Dóminum.

Lectio prior, p. 890, n. 1.

Psalmus responsorius, p. 886.

Evangelium, p. 907, n. 9.

Super oblata

Inténde múnera, Dómine, altáribus tuis
pro beáti Cároli commemoratióne propósita,
et huius sacrificii virtúte concéde,
ut sicut illum pastorális officii vigilántia
et præcláris virtútum méritis sublimásti,
ita nos fácias sincéris óperum frúctibus abundáre.
Per Christum.

Post communionem

Præstent nobis, quæsumus, Dómine,
sacra mystéria quæ sumpsimus
eam ánimi fortitúdinem,
quæ beátum Cárolum réddidit in ministério fidélem
et in caritaté fervéntem.
Per Christum.

Die 9 novembris

IN DEDICATIONE BASILICÆ LATERANENSIS

Festum

De Communi Dedicationis ecclesiæ (p. 785 vel p. 787).

Dicitur Glória in excelsis.

Quando hoc festum extra dominicam occurrit, ante Evangelium una tantum ex sequentibus lectionibus eligitur.

Lectio prima

*Vidi aquam egredientem de templo,
et omnes ad quos pervenit aqua ista salvi facti sunt.*

Lectio libri Ezechiélis prophætæ 47, 1-2. 8-9. 12

In diébus illis:

Convértit me ángelus ad portam domus Dómini, et ecce aquæ egrediebántur subter limen domus ad oriéntem; fácies enim domus respiciébat ad oriéntem, aquæ autem descendébant in latus templi dextrum ad merídiem altáris.

Et edúxit me per viam portæ aquilónis, et convértit me ad viam foras portam exteriórem, viam quæ respiciébat ad oriéntem; et ecce aquæ redundántes a látere dextro.

Et ait ad me: « Aquæ istæ, quæ egrediúntur ad túmulos sábuli orientális, et descéndunt ad plana desérti, intrábunt mare; et exíbunt, et sanabúntur aquæ: et omnis ánima vivens quæ serpit, quocúmque vénerit torrens, vivet, et erunt pisces multi satis, postquam vénerint illuc aquæ istæ, et sanabúntur et vivent ómnia ad quæ vénerit torrens.

Et super torréntem oriétur in ripis eius ex utrâque parte omne lignum pomíferum; non défluét fólíum ex eo, et non defíciet fructus eius; per síngulos menses

afferet primitiva, quia aquæ eius de sanctuário egrediéntur, et erunt fructus eius in cibum, et fólia eius ad medicínam ». — Verbum Dómini.

Psalmus responsorius Ps 45, 2-3. 5-6. 8-9 (R.: 5)

R. Flúminis rivi lætíficant civitátem Dei,
sancta tabernácula Altíssimi.

2 Deus est nobis refúgium et virtus,
adiutórium in tribulatióibus invéntus est nimis.
3 Proptérea non timébimus, dum turbábitur terra,
et transferéntur montes in cor maris. R.

5 Flúminis rivi lætíficant civitátem Dei,
sancta tabernácula Altíssimi.

6 Deus in médio eius, non commovébitur;
adiuvábit eam Deus mane dilúculo. R.

8 Dóminus virtútum nobíscum,
refúgium nobis Deus Iacob.

9 Veníte, et vidéte ópera Dómini,
quæ pósuit prodígia super terram. R.

Lectio secunda

Templum Dei estis.

Léctio Epístolæ primæ beáti Pauli apóstoli
ad Corínthios

3, 9 b-11. 16-17

Fratres:

Dei ædificatio estis. Secúndum grátiam Dei, quæ data est mihi, ut sápiens architétus fundaméntum pósuí; álius autem superædificat. Unusquisque autem vídeat quómodo superædificet.

Fundaméntum enim áliud nemo potest pónere, præter id quod pósitum est, qui est Iesus Christus.

Nescitis quia templum Dei estis et Spíritus Dei hábitat in vobis? Si quis autem templum Dei evérterit, evértet illum Deus. Templum enim Dei sanctum est, quod estis vos. — Verbum Dómini.

Alleluia

2 Chr 7, 16

℞. Allelúia. ʸ. Elégi et sanctificávi locum istum,
dicit Dóminus,
ut sit nomen meum ibi in sempitérnum.
℞. Allelúia.

Evangelium

Dicebat de templo corporis sui.

✠ Lécio sancti Evangélíi secúndum Ioánnem 2, 13-22

Prope erat Pascha Iudæórum, et ascéndit Hierosólymam Iesus; et invénit in templo vendéntes boves et oves et colúmbas, et nummulários sedéntes.

Et, cum fecísset flagéllum de funiculis, omnes eiécit de templo, oves quoque et boves, et nummulariórum efúdit æs, et mensas subvértit.

Et his qui colúmbas vendébant dixit: « Auférte ista hinc; nolíte fácere domum Patris mei domum negotiatiónis ». Recordáti sunt discípuli eius quia scriptum est: « Zelus domus tuæ cómedet me ».

Respondérunt ergo Iudæi et dixerunt ei: « Quod signum osténdis nobis, quia hæc facis? »

Respóndit Iesus et dixit eis: « Sólвите templum hoc, et in tribus diébus excitábo illud ».

Dixerunt ergo Iudæi: « Quadragínta et sex annis ædificátum est templum hoc, et tu tribus diébus excitábis illud? » Ille autem dicébat de templo córporis sui.

Cum ergo resurrexisset a mórtuis, recordáti sunt discípuli eius quia hoc dicébat, et credidérunt Scriptúrae et sermóni quem dixit Iesus. — Verbum Dómini.

Quando hoc festum celebratur die dominica, dicitur Credo.

Die 10 novembris

S. Leonis Magni, papæ et Ecclesiæ doctoris

Memoria

De Communi pastorum (pro papa), p. 865.

Vel de Communi doctorum Ecclesiæ, p. 910.

Collecta

Deus, qui advérsus Ecclésiám tuam,
in apostólicæ petræ soliditáte fundátam,
portas ínferi numquam prævalére permíttis,
da ei, quæsumus, ut, intercedénte beáto Leóne papa,
in tua veritaté consístens, pace contínua muniátur.
Per Dóminum.

Lectio prior, p. 915, n. 4.

Psalmus responsorius, p. 916.

Evangelium, p. 899, n. 1 a.

Super oblata

Oblátis munéribus, quæsumus, Dómine,
Ecclésiám tuam benígnus illúmina,
ut et gregis tui proficiat ubíque succéssus,
et grati fiant nómini tuo, te gubernánte, pastóres.
Per Christum.

Post communionem

Refectióne sancta enutritam
gubérna, quæsumus, Dómine, tuam placátus Ecclésiám,

ut, poténti moderatióne dirécta,
et increménta libertátis accípiat,
et in religiónis integritáte persístat.
Per Christum.

Die 11 novembris
S. Martini, episcopi
Memoria

De Communi pastorum (pro episcopo), p. 867.
Vel de Communi sanctorum (pro religiosis), p. 945.

Ant. ad introitum 1 Sam 2, 35

Suscitábo mihi sacerdotem fidélem,
qui iuxta cor meum et ánimam meam fáciet,
dicit Dóminus.

Collecta

Deus, qui in beáto Martíno epíscopo
sive per vitam sive per mortem magnificátus es,
ínnova grátiae tuæ mirabília in córdibus nostris,
ut neque mors neque vita
separáre nos possit a caritate tua.
Per Dóminum.

Lectio prior, p. 885, n. 6.
Psalmus responsorius, p. 886.

Alleluia Io 13, 34

R. Allelúia. V. Mandátum novum do vobis,
dicit Dóminus,
ut diligátis ínvicem sicut diléxi vos.
R. Allelúia.

Evangelium

*Quamdiu fecistis fratribus meis minimis,
mihi fecistis.*

Forma longior, p. 997.

Forma brevior:

✠ Lécio sancti Evangélíi secúndum Matthæum

25, 31-40

In illo témpore:

Dixit Iesus discípulis suis: « Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis: et státuet oves quidem a dextris suis, hædos autem a sinístris.

Tunc dicet Rex his qui a dextris eius erunt: " Veníte, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegistis me; nudus, et operuístis me; infirmus, et visitástis me; in cárcere eram, et venístis ad me " .

Tunc respondébunt ei iusti dicéntes: " Dómine, quando te vídimus esuriéntem et pávimus, aut sitiéntem et dédimus tibi potum? quando autem te vídimus hóspitem et collégimus, aut nudum et cooperuimus? quando autem te vídimus infirmum aut in cárcere et vénimus ad te? "

Et respóndens Rex dicet illis: " Amen dico vobis: Quámdu fecístis uni de his frátribus meis mínimis, mihi fecístis " ». — Verbum Dómini.

Super oblata

Sanctífica, quæsumus, Dómine Deus, hæc múnera, quæ in honórem sancti Martíni lætánter offérimus,

ut per ea vita nostra
inter advérsa et próspera semper dirigátur.
Per Christum.

Ant. ad communionem**Mt 25, 40**

Amen dico vobis,
quámdiu fecístis uni ex his frátribus meis mínimis,
mihi fecístis, dicit Dóminus.

Post communionem

Da nobis, Dómine, unitátis sacraménto reféctis,
perféctam in ómnibus cum tua voluntáte concórdiam,
ut, sicut beátus Martínus totum se tibi subiécit,
ita et nos esse tui veráciter gloriémur.
Per Christum.

Die 12 novembris

S. Iosaphat, episcopi et martyris**Memoria****De Communi martyrum, p. 839.****Vel de Communi pastorum (pro episcopo), p. 867.****Collecta**

Excita, quáesumus, Dómine,
in Ecclésia tua Spíritum, quo replétus
beátus Iósaphat ánimam suam pro óvibus pósuit,
ut, eo intercedénte,
nos quoque eódem Spíritu roboráti,
ánimam nostram pro frátribus
pónere non vereámur.
Per Dóminum.

Lectio prior, p. 895, n. 8.**Psalmus responsorius, p. 972.****Evangelium, p. 1011, n. 22.**

Super oblata

Clementíssime Deus,
múnera hæc tua benedictióne perfúnde,
et nos in tua fide confírma,
quam sanctus Iósaphat effúso ságuine asséruiť.
Per Christum.

Post communionem

Spíritum, Dómine, fortitúdinis et pacis
hæc nobis tríbuat mensa cæléstis,
ut, sancti Iósaphat exémplo,
vitam nostram ad honórem et unitátem Ecclesiæ
libénter impendámus.
Per Christum.

Die 15 novembris

S. Alberti Magni, episcopi et Ecclesiæ doctoris

De Communi pastorum (pro episcopo), p. 867.
Vel de Communi doctorum Ecclesiæ, p. 910.

Collecta

Deus, qui beátum Albértum episcopum
in humána sapiéntia cum divína fide componénda
magnum effecísti,
da nobis, quæsumus,
ita eius magistérii inhærére doctrínis,
ut per scientiárum progréssus
ad profundiórem tui cognitióem et amórem
perveniámus.
Per Dóminum.

Lectio prior, p. 914, n. 3.

Psalmus responsorius, p. 915.

Evangelium, p. 923, n. 1 b.

Die 16 novembris
S. Margaritæ Scotiæ

De Communi sanctarum (pro iis quæ opera misericordiæ exercuerunt), p. 947.

Collecta

Deus, qui beátam Margarítam
exímia in páuperes caritaté mirábilem effecísti,
da ut, eius intercessióne et exémplo,
imáginem bonitátis tuæ
inter hómines referámus.
Per Dóminum.

Lectio prior, p. 969, n. 15.

Psalmus responsorius, p. 970.

Evangelium, p. 1010, n. 21.

Eodem die 16 novembris
S. Gertrudis, virginis

De Communi virginum, p. 928.

Vel de Communi sanctarum (pro religiosis), p. 945.

Collecta

Deus, qui iucúndam tibi mansiónem
in corde beátæ Gertrúdis vírginis præparásti,
ipsíus intercessióne,
cordis nostri ténebras cleménter illústra,
ut te in nobis præséntem et operántem
lætánter experiámur.
Per Dóminum.

Lectio prior

Scire supereminentem scientiæ caritatem Christi.

Lectio Epistolæ beāti Pauli apóstoli ad Ephésios

3, 14-19

Fratres:

Flecto gēnua mea ad Patrem, ex quo omnis patérnitas in cælis et in terra nominátur, ut det vobis, secúndum divítias glóriæ suæ, virtúte corroborári per Spíritum eius in interiorem hóminem;

habitáre Christum per fidem in córdibus vestris, in caritatē radicáti et fundáti, ut valeátis comprehendere cum ómnibus sanctis quæ sit latitúdo et longitúdo et sublímities et profúndum;

scire étiam supereminéntem sciéntiæ caritatē Christi, ut impleámini in omnem plenitúdinem Dei.

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

1 Dóminus pascit me, et nihil mihi déerit:
2 in páscuis viréntibus me collocávit,
3 super aquas quiétis edúxit me,
ánimam meam refécit.

Dedúxit me super sémitas iustítiæ
propter nomen suum. R.

4 Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus,
ipsa me consoláta sunt. R.

5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. R.

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. **R.**

Evangelium, p. 1009, n. 20.

Die 17 novembris

S. Elisabeth Hungariæ, religiosæ

Memoria

De Communi sanctarum (pro iis quæ opera misericordiæ exercuerunt, vel pro religiosis), p. 947 vel p. 945.

Collecta

Deus, qui beátæ Elisabeth tribuísti
in paupéribus Christum cognóscere ac venerári,
da nobis, eius intercessióne,
egénis et tribulátis iugi caritáte servíre.
Per Dóminum.

Lectio prior, p. 984, n. 15.

Psalmus responsorius, p. 964.

Evangelium, p. 1004, n. 14 a.

Die 18 novembris

In Dedicatione

basilicarum Ss. Petri et Pauli, apostolorum

† **Lectiones huius memoriæ sunt propriæ.**

Ant. ad introitum

Ps 44, 17-18

Constitues eos príncipes super omnem terram;
mémores erunt nóminis tui

in omni generatióne et generatiónem:
proptérea pópuli confitebúntur tibi in ætérnum
et in sǎculum sǎculi.

Collecta

Ecclésiám tuam, Dómine,
apostólicis defénde præsídiis,
ut, per quos inítium divínæ cognitiónis accépit,
per eos usque in finem sǎculi
cápiat grátia cǎlestis augméntum.
Per Dóminum.

Lectio prior

Sic venimus Romam.

Lectio Actuum Apostolorum

28, 11-16. 30-31

Post menses tres, navigávimus in nave alexandrína, quæ in ínsula Mélita hiemáverat, cui erat insígne Cástorum. Et, cum venissémus Syracúsam, mánsimus ibi tríduo.

Inde solvéntes devénimus Rhégium, et post unum diem, superveniénte austro, secúnda die vénimus Putéolos; ubi, invéntis frátribus, rogáti sumus manére apud eos dies septem, et sic vénimus Romam.

Et inde, cum audissent de nobis fratres, occurrérunt nobis usque ad Appii Forum et Tres Tabérnas; quos cum vidisset Paulus, grátias agens Deo, accépit fidúciám.

Cum pervenissémus autem Romam, permíssum est Paulo manére síbimet cum custodiénte se mílite.

Mansit autem biénnio toto in suo condúcto; et suscipiébat omnes qui ingrediebántur ad eum, prædicans Regnum Dei et docens quæ sunt de Dómino Iesu Christo cum omni fidúcia, sine prohibitióne.

Verbum Dómini.

Psalmus responsorius

Ps 97, 1. 2-3 ab. 3 c-4. 5-6 (R.: 2 b)

R. In conspéctu géntium revelávit Dóminus
iustítiam suam.

1 Cantáte Dómino cánticum novum,
quia mirabília fecit.
Salvávit sibi délixtera eius,
et bráccium sanctum eius. R.

2 Notum fecit Dóminus salutáre suum,
in conspéctu géntium revelávit iustítiam suam.

3 Recordátus est misericórdiæ suæ
et veritátis suæ dómui Israel. R.

Vidérunt omnes términi terræ
salutáre Dei nostri.

4 Iubiláte Deo, omnis terra,
erúmpite, exsultáte et psállite. R.

5 Psállite Dómino in cíthara,
in cíthara et voce psalmi;
6 in tubis ductílibus et voce tubæ córneæ,
iubiláte in conspéctu regis Dómini. R.

Alleluia

R. Allelúia. V. Te Deum laudámus,
te Dóminum confitemur;
te gloriósus Apostolórum chorus laudat,
Dómine. R. Allelúia.

Evangelium

Iube me venire ad te super aquas.

✠ Lécio sancti Evangélii secúndum Mattháeum

14, 22-33

Postquam saturáta est turba, statim iussit Iesus discípulos ascéndere in navículam, et præcédere eum trans

fretum, donec dimitteret turbas. Et, dimissis turbis, ascendit in montem solus orare. Vespere autem facto, solus erat ibi.

Navícula autem iam multis stádiis a terra distábat, flúctibus iactáta; erat enim contrárius ventus.

Quarta autem vigília noctis, venit ad eos ámbulans supra mare.

Discípuli autem, vidéntes eum supra mare ainbulátem, turbáti sunt dicéntes: « Phantásma est »; et præ timóre clamavérunt.

Statímque Iesus locútus est eis, dicens: « Habéte fidúciam: ego sum, nolíte timére ».

Respóndens autem ei Petrus, dixit: « Dómine, si tu es, iube me veníre ad te super aquas ».

At ipse ait: « Veni ». Et descéndens Petrus de navícula, ambulávit super aquas et venit ad Iesum.

Videns vero ventum válidum tímuit, et cum cœpisset mergi, clamávit dicens: « Dómine, salvum me fac ».

Contínuo autem Iesus, exténdens manum, apprehéndit eum, et ait illi: « Módicæ fidei, quare dubitásti? » Et, cum ascendissent in navículam, cessávit ventus.

Qui autem in navícula erant, adoravérunt eum, dicéntes: « Vere Fílius Dei es ».

Verbum Dómini.

Super oblata

Servitútis nostræ tibi, Dómine, munus offeréntes,
tuam deprecámur cleméntiam,
ut trádita nobis
apostolórum Petri et Pauli ministério véritas
in córdibus nostris illibáta perseveret.
Per Christum.

Præfatio de Apostolis, p. 602.

Ant. ad communionem

Io 6, 69-70

Dómine, verba vitæ æternæ habes,
et nos credidimus
quia tu es Christus Fílius Dei.

Post communionem

Pópulus tuus, quæsumus, Dómine,
cælésti pane refectus,
apostolorum Petri et Pauli commemoratióne lætetur,
quem eorum donásti patrocínio gubernári.
Per Christum.

Die 21 novembris

In Præsentatione beatæ Mariæ Virginis

Memoria

De Communi beatæ Mariæ Virginis, p. 800.

Collecta

Sanctíssimæ venerántibus Vírginis Mariæ
memóriam gloriósam,
ipsius nobis, quæsumus, Dómine,
intercessióne concéde,
ut de plenitúdine grátiae tuæ
nos quoque mereámur accípere.
Per Dóminum.

Lectio prior, p. 818, n. 11.

Psalmus responsorius, p. 819.

Evangelium, p. 825, n. 2 a.

Die 22 novembris

S. Cæciliæ, virginis et martyris**Memoria****De Communi martyrum, p. 839.****Vel de Communi virginum, p. 928.****Collecta**

Supplicatió nibus nostris, Dómine, adésto propítius,
et, beátæ Cæciliæ intercessió ne,
preces nostras digná nter exá udi. Per Dóminum.

Lectio prior, p. 953, n. 2.**Psalmus responsorius, p. 954.****Evangelium, p. 987, n. 2 a.**

Die 23 novembris

S. Clementis I, papæ et martyris**De Communi martyrum, p. 839.****Vel de Communi pastorum (pro papa), p. 865.****Collecta**

Omní potens sempitérne Deus,
qui in ómnium sanctórum tuórum es virtúte mirábilis,
da nobis in beáti Cleméntis
ánnua commemoratió ne lætári,
qui, Fílii tui sacérdos et martyr,
quod mystério gessit, testimonio comprobávit,
et quod prædicávit ore, confirmávit exémplo.
Per Dóminum.

Lectio prior, p. 898, n. 13.**Psalmus responsorius, p. 886.****Evangelium, p. 899, n. 1 a.**

Eodem die 23 novembris

S. Columbani, abbatis

De Communi pastorum (pro missionariis), p. 875.

Vel de Communi sanctorum (pro religiosis), p. 945.

Collecta

Deus, qui in beáto Columbáno
evangelizándi munus et monásticæ vitæ stúdiū
mirábiliter coniunxísti,
præsta, quæsumus, ut, eius intercessióne et exémplo,
te super ómnia quærerere
et credéntium pópulum augére studeámus.
Per Dóminum.

Lectio prior, p. 884, n. 5.

Psalmus responsorius, p. 885.

Evangelium, p. 1005, n. 15.

Die 30 novembris

S. ANDREÆ, APOSTOLI

Festum

Ant. ad introitum

Cf. Mt 4, 18-19

Dóminus secus mare Galilææ vidit duos fratres,
Petrum et Andréam, et vocávit eos:
Veníte post me, fáciā vos fieri piscatóres hóminum.

Dicitur Glória in excélsis.

Collecta

Maiestátem tuam, Dómine, suppliciter exorámus,
ut, sicut Ecclésiæ tuæ beátus Andréas apóstolus
éxstitit prædicátor et rector,
ita apud te sit pro nobis perpétuus intercëssor.
Per Dóminum.

Lectio prior

Fides ex auditu, auditus autem per verbum Christi.

Lectio Epistolæ beati Pauli apostoli ad Romanos

10, 9-18

Si confiteáris in ore tuo « Dóminum Iesum » et in corde tuo credideris quod Deus illum excitávit ex mórtuis, salvus eris. Corde enim créditur ad iustítiam, ore autem conféssio fit in salútem.

Dicit enim Scriptúra: « Omnis qui credit in illo, non confundétur ».

Non enim est distíctio Iudæi et Græci, nam idem Dóminus ómnium, dives in omnes qui ínvocant illum. « Omnis enim quicúmque invocáverit Nomen Dómini, salvus erit ».

Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine prædicánte? Quómodo vero prædicábunt, nisi mittántur? Sicut scriptum est: « Quam speciósi pedes evangelizántium bona! »

Sed non omnes obædiérunt Evangélio; Isaías enim dicit: « Dómine, quis crédidit auditui nostro? » Ergo fides ex auditu, auditus autem per verbum Christi.

Sed dico « Numquid non audiérunt? » Quin immo: « In omnem terram éxiit sonus eórum, et in fines orbis terræ verba eórum ». — Verbum Dómini.

Psalmus responsorius

Ps 18, 2-3. 4-5. (R.: 5 a)

R. In omnem terram exívit sonus eórum.

Cæli enárrant glóriam Dei,
et ópera mánuum eius annúnciat firmaméntum.
Dies diéi erúctat verbum,
et nox nocti índicat sciéntiam. R.

4 Non sunt loquélæ neque sermónes,
 quorum non intellegántur voces.
 5 In omnem terram exívit sonus eórum,
 et in fines orbis terræ verba eórum. *R.*

Alleluia

Mt 4, 19

R. Allelúia. *V.* Veníte post me, dicit Dóminus,
 et fáciam vos fíeri piscatóres hóminum.
R. Allelúia.

Evangelium

Illi continuo, relictis retibus, secuti sunt eum.

✠ Lécio sancti Evangélíi secúndum Mattháeum

4, 18-22

In illo témpore:

Ambulans Iesus iuxta mare Galilææ, vidit duos fratres, Simónem, qui vocátur Petrus, et Andréam, fratrem eius, mitténtes rete in mare; erant enim piscatóres.

Et ait illis: « Veníte post me, et fáciam vos piscatóres hóminum ».

At illi contínuo, relíctis rétibus, secúti sunt eum. Et procédens inde vidit álios duos fratres, Iacóbum Zebedæi et Ioánnem fratrem eius, in navi cum Zebedæo patre eórum reficiéntes rétia sua, et vocávit eos.

Illi autem statim, relícta navi et patre suo, secúti sunt eum. — Verbum Dómini.

Super oblata

Concéde nobis, omnípotens Deus,
 ut his munéribus,
 quæ in beáti Andréæ festivitáte deférimus,
 et tibi placeámus exhibitis, et vivificémur accéptis.
 Per Christum.

Præfatio de Apostolis, pp. 602-603.

Ant. ad communionem**Io 1, 41-42**

Dixit Andréas Simóni fratri suo:
Invénimus Messíam, qui dicitur Christus.
Et addúxit eum ad Iesum.

Post communionem

Róboret nos, Dómine, sacraménti tui commúnio,
ut, exémplo beáti Andréæ apóstoli,
Christi mortificatióem feréntes,
cum ipso vívere mereámur in glória.
Per Christum.

COMMUNIA

1. Commoditatis causa, in singulis Communibus, plures ponuntur Missæ cum omnibus elementis, nempe antiphonis, orationibus et lectionibus.

Attamen sacerdoti licet, pro opportunitate, antiphonas et orationes ex eodem Communi inter se commutare, eligendo ex ipsis textus, qui, sub respectu pastoralis, aptiores videntur.

Insuper, in Missis de memoriis, orationes super oblata et post communionem, præter quam ex ipsis Communibus, sumi possunt etiam e feriis respectivi temporis liturgici.

2. In Communi martyrum et in Communi sanctorum et sanctorum, omnes orationes, quæ ponuntur pro viris, adhiberi possunt etiam pro mulieribus, mutato genere.

3. In singulis Communibus, textus forma singulari expressi semper adhiberi possunt pro pluribus, mutato numero. Item, textus forma plurali positi pro uno assumi possunt, mutato numero.

4. Quædam Missæ pro determinatis temporibus et circumstantiis positæ, pro iisdem temporibus et circumstantiis adhibeantur.

5. In sollemnitatibus et festis, dici potest una ex antiphonis ad libitum quæ infra, p. 1012, indicantur.

6. In omnibus Communibus, primæ lectioni psalmus responsorius assignatur, Evangelio autem Alleluia et versus, qui aptiores videntur. Pro iis tamen etiam alii sumi possunt ex eadem serie.

Post secundam lectionem nihil habetur. Attamen quando ante Evangelium una tantum lectio profertur, e serie secundæ lectionis deprompta, aptus psalmus responsorius seligatur, inter eos qui ponuntur post unamquamque primam lectionem.

Elenchus lectionum, quæ magis conveniunt aliquibus Missis sanctorum (pro papa, pro missionariis, pro religiosis, pro educatoribus, pro iis qui opera misericordiæ exercuerunt, pro viduis) in Indicibus exstat.

COMMUNE DEDICATIONIS ECCLESIAE

IN DIE DEDICATIONIS

Textus Missarum « in dedicatione ecclesiae » necnon « in dedicatione altaris » inveniuntur inter Missas rituales, pp. 1231 et 1237.

IN ANNIVERSARIO DEDICATIONIS

A. In ipsa ecclesia dedicata

Ant. ad introitum

Ps 67, 36

Mirabilis, Deus, de sanctuário tuo;
Deus Israel ipse tribuet
virtutem et fortitudinem plebi suæ; benedictus Deus.

Collecta

Deus, qui nobis per singulos annos
huius sancti templi tui consecrationis réparas diem,
exáudi preces pópuli tui, et præsta,
ut fiat hic tibi semper purum servítium
et nobis plena redemptio. Per Dóminum.

Lectiones ut infra, pp. 789-799.

Super oblata

Mémores diéi quo domum tuam, Dómine,
glória dignátus es ac sanctitáte replére,
nosmetipsos, quæsumus, fac hóstias tibi semper accéptas.
Per Christum.

Præfatio: De mysterio templi Dei, quod est Ecclesia.

✠. Dóminus vobíscum.

✠. Et cum spíritu tuo.

✠. Sursum corda.

✠. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Quia in domo visíbili, quam nobis exstrúere concessísti,
ubi famíliæ in hoc loco
ad te peregrinánti favére non désinis,
mystérium tuæ nobíscum communiónis
mire figúras et operáris:

hic enim tibi templum illud quod nos sumus ædíficas,
et Ecclesiám per orbem diffúsam
in domínici compágem córporis facis augéri,
in pacis visióne compléndam, cælésti civitaté Ierúsalem.

Et ideo, cum multitúdine órдинum beatórum,
in templo glóriæ tuæ, te collaudámus,
benedícimus et magnificámus, dicéntes: Sanctus ...

Ant. ad communionem

1 Cor 3, 16-17

Templum Dei estis, et Spíritus Dei hábitat in vobis.
Templum Dei sanctum est, quod estis vos.

Post communionem

Benedictiόnis tuæ, quæsumus, Dómine,
plebs tibi sacra fructus repórtet et gáudium,
ut, quod in huius festivitátis die
corporáli servítio exhibuit,
spiritaliter se retulísse cognóscat. Per Christum.

Benedictio in fine Missæ.

Dici potest textus benedictionis sollemnis n. 19, p. 672, cum
verbis ad huius domus dedicatiόnis memóriam.

B. Extra ipsam ecclesiam dedicatam

Ant. ad introitum

Ap 21, 2

Vidi civitatem sanctam, Ierusalem novam,
descendentem de cælo a Deo,
paratam sicut sponsam ornatam viro suo.

Collecta

Deus, qui de vivis et electis lapidibus
æternum habitaculum tuæ præparas maiestati,
multiplica in Ecclesia tua spiritum gratiæ quem dedisti,
ut fidelis tibi populus
in cælestis ædificationem Ierusalem semper accrescat.
Per Dominum.

Vel:

Deus, qui populum tuum Ecclesiam vocare dignatus es,
da, ut plebs in nomine tuo congregata
te timeat, te diligat, te sequatur,
et ad cælestia promissa, te ducente, perveniat.
Per Dominum.

Lectiones ut infra, pp. 789-799.

Super oblata

Suscipe, quæsumus, Domine, munus oblatum,
et poscentibus concede, ut hic sacramentorum virtus
et votorum obtineatur effectus. Per Christum.

Præfatio: De mysterio Ecclesiæ,
quæ est sponsa Christi templumque Spiritus.

℣. Dominus vobiscum.

℟. Et cum spiritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubique grátias ágere:
Dómine, sancte Pater, omnípotens ætérne Deus:

Qui domum oratiónis muníficus inhabitáre dignáris,
ut, grátia tua perpétuis fovénte subsidiis,
templum Spíritus Sancti ipse nos perfícias,
acceptábilis vitæ splendóre corúscans.
Sed et visibílibus ædifíciis adumbrátam,
Christi sponsam Ecclésiám perénni operatióne sanctíficas,
ut, innumerábili prole mater exsúltans,
in glóriam tuam collocétur in cælis.

Et ideo, cum Sanctis et Angelis univérsis,
te collaudámus, sine fine dicéntes: Sanctus ...

Ant. ad communionem

1 Petr 2, 5

Tamquam lápides vivi superædificámini,
domus spiritális, sacerdotium sanctum.

Post communionem

Deus, qui nobis supérnam Ierúsalem
per temporále Ecclésiæ tuæ signum adumbráre voluísti,
da, quæsumus, ut, huius participatióne sacraménti,
nos tuæ grátiae templum effícias,
et habitatiónem glóriæ tuæ ingredi concédas.
Per Christum.

Lectio prima

1

Sint oculi tui aperti super domum hanc.

Lectio libri primi Regum

8, 22-23. 27-30

In diébus illis:

Stetit Sálomon ante altáre Dómini in conspéctu ecclésiæ Israel, et expándit manus suas in cælum et ait: « Dómine, Deus Israel, non est símilis tui Deus in cælo désuper et super terram deórsum, qui custódis pactum et misericórdiam servis tuis qui ámbulant coram te in toto corde suo.

Ergóne putándum est quod vere Deus hábitet super terram? Si enim cælum et cæli cælórum te cápere non possunt, quanto magis domus hæc quam ædificávi.

Sed réspice ad oratióem servi tui et ad preces eius, Dómine Deus meus; audi hymnum et oratióem, quam servus tuus orat coram te hódie, ut sint óculi tui apérti super domum hanc nocte ac die, super domum de qua dixísti: " Erit nomen meum ibi "; ut exáudias oratióem quam orat in loco isto ad te servus tuus; ut exáudias deprecatióem servi tui et pópuli tui Israel, quodcúmque oráverint in loco isto; et exáudies in loco habitáculi tui in cælo et, cum exaudíeris, propítius eris ».

Verbum Dómini.

Psalmus responsorius Ps 83, 3. 4. 5 et 10. 11 (R.: 2)

R. Quam dilécta tabernácula tua, Dómine virtútum.

³ Concupíscit et déficit ánima mea in átria Dómini.
Cor meum et caro mea exsultavérunt in Deum vivum. R.

⁴ Etenim passer invénit sibi domum,
et turtur nidum sibi, ubi ponat pullos suos:
altária tua, Dómine virtútum, rex meus et Deus meus. R.

- ⁵ Beáti qui hábitant in domo tua,
in perpétuum laudábunt te.
- ¹⁰ Protéctor noster, áspice, Deus,
et réspice in fáciem Christi tui. *R.*
- ¹¹ Quia mélior est dies una in átriis tuis super mília,
elégi ad limen esse in domo Dei mei,
magis quam habitáre in tabernáculis peccatórum. *R.*

2

*Ædificavi domum nomini eius, ut habitaret ibi
in perpetuum.*

Léctio libri secúndi Chronicórum

5, 6-8. 9 b. 13 — 6, 2

In diébus illis:

Rex Sálomon et univérsum cœtus Israel, et omnes qui fuérunt congregáti ante arcam, immolábant arietes et boves absque ullo número: tanta enim erat multitúdo victimárum.

Et intulérunt sacerdótes arcam fœderis Dómini in locum suum, id est ad oráculum templi, in sancta sanctorum subter alas chérubim, ita ut chérubim expánderent alas suas super locum, in quo pósita erat arca, et ipsam arcam tégerent cum véctibus suis. Fuit itaque arca ibi usque in præséntem diem. Nihilque erat áliud in arca, nisi duæ tábulæ, quas posúerat Móyses in Horeb, quando legem dedit Dóminus filiis Israel egrediéntibus ex Ægýpto.

Igitur, cunctis páriter et tubis et voce et cýmbalis et órganis et divérsi géneris musicórum concinéntibus et vocem in sublíme tolléntibus, longe sónitus audiebátur; ita ut, cum Dóminum laudáre cœpíssent et dícere: « Confitémini Dómino quóniam bonus, quóniam in ætérnum misericórdia eius », implerétur domus Dei nube, nec pos-

sent sacerdotes stare et ministrare propter caliginem; compléverat enim glória Dómini domum Dei.

Tunc Sálomon ait: « Dóminus pollicitus est ut habitáret in caligine; ego autem ædificávi domum nómini eius, ut habitáret ibi in perpétuum ».

Verbum Dómini.

Psalmus responsorius 1 Chr 29, 10. 11. 12 (R.: 13 b)

R. Laudámus nomen tuum ínclitum, Dómine.

¹⁰ Benedíctus es, Dómine Deus Israel patris nostri, ab ætérno in ætérnum. R.

¹¹ Tua est, Dómine, magnificéntia et poténtia et glória atque victória, et tibi laus; cuncta enim, quæ in cælo sunt et in terra, tua sunt. Tuum, Dómine, regnum, et tu es super omnes príncipes. R.

¹² Tuæ divítia et tua est glória; tu domináris ómnium, in manu tua virtus et poténtia, in manu tua magnitúdo et impérium ómnium. R.

3

Domus mea domus orationis vocabitur cunctis populis.

Léctio libri Isaíæ prophétæ 56, 1. 6-7

Hæc dicit Dóminus:

« Custodíte iudícium et fácite iustítiam, quia iuxta est salus mea ut véniat, et iustítia mea ut revelétur.

Et filios ádvenæ, qui adhærent Dómino, ut colant eum et diligant nomen eius, ut sint ei in servos; omnem custodiéntem sábbatum ne pólluat illud et tenéntem fœdus meum, addúcam eos in montem sanctum meum,

et lætificábo eos in domo oratiónis meæ; holocáusta eórum et víctimæ eórum placébunt mihi super altári meo, quia domus mea domus oratiónis vocábitur cunctis pópulis ». — Verbum Dómini.

Psalmus responsorius

Ps 83, 3. 4. 5 et 10. 11 (R.: Ap 21, 3 b)

R. Ecce tabernáculum Dei cum homínibus.

3 Concupiscit et déficit ánima mea in átria Dómini.
Cor meum et caro mea exsultavérunt in Deum vivum. R.

4 Etenim passer invénit sibi domum,
et turtur nidum sibi, ubi ponat pullos suos:
altária tua, Dómine virtútum, rex meus et Deus meus. R.

5 Beáti qui hábitant in domo tua,
in perpétuum laudábunt te.

10 Protéctor noster, áspice, Deus,
et réspice in fáciem Christi tui. R.

11 Quia mélior est dies una in átriis tuis super mília,
elégi ad limen esse in domo Dei mei,
magis quam habitáre in tabernáculis peccatórum. R.

4

Repleta est gloria Domini domus.

Léctio libri Ezechiélis prophétæ 43, 1-2. 4-7 a

In diébus illis:

Duxit me ángelus ad portam, quæ respiciébat ad viam orientálem, et ecce glória Dei Israel ingrediebátur per viam orientálem, et vox erat ei quasi vox aquárum multárum, et terra splendébat a maiestáte eius.

Et maiestas Dómini ingrèssa est templum per viam portæ, quæ respiciébat ad oriéntem; et elevávit me spí-

ritus et introduxit me in átrium intérius, et ecce repléta erat glória Dómini domus.

Et audívi loquéntem ad me de domo, et vir qui stabat iuxta me dixit ad me: « Fili hóminis, locus sólii mei et locus vestigiórum pedum meórum, ubi hábito in médio filiórum Israel in ætérnum ». — Verbum Dómini.

Psalmus responsorius 1 Chr 29, 10. 11. 12 (R.: 13 b)

R. Laudámus nomen tuum ínclitum, Dómine.

¹⁰ Benedictus es, Dómine, Deus Israel patris nostri, ab ætérno in ætérnum. **R.**

¹¹ Tua est, Dómine, magnificéntia et poténtia et glória atque victória, et tibi laus; cuncta enim, quæ in cælo sunt et in terra, tua sunt. Tuum, Dómine, regnum, et tu es super omnes príncipes. **R.**

¹² Tuæ divítiæ et tua est glória; tu domináris ómnium, in manu tua virtus et poténtia. in manu tua magnitúdo et impérium ómnium. **R.**

Lectio secunda

1

Templum Dei estis.

Léctio Epístolæ primæ beáti Pauli apóstoli
ad Corínthios

3, 9 b-11. 16-17

Fratres:

Dei ædificatio estis. Secundum grátiam Dei, quæ data est mihi, ut sápiens architétus fundaméntum pósui; álius autem superædificat. Unusquisque autem vídeat

quómodo superædificet. Fundaméntum enim áliud nemo potest pónere, præter id quod pósitum est, qui est Iesus Christus.

Nescítis quia templum Dei estis et Spíritus Dei hábitat in vobis? Si quis autem templum Dei evérterit, evértet illum Deus. Templum enim Dei sanctum est, quod estis vos. — Verbum Dómini.

2

*Omnis ædificatio crescit in templum sanctum
in Domino.*

Léctio Epístolæ beáti Pauli apóstoli
ad Ephésios

2, 19-22

Fratres:

Iam non estis extránei et ádvenæ, sed estis concíves sanctórum et doméstici Dei, superædificáti super fundaméntum Apostolorum et Prophetárum, ipso summo angulári lápide Christo Iesu; in quo omnis ædificátio compácta crescit in templum sanctum in Dómino; in quo et vos coædificámini in habitáculum Dei in Spíritu.

Verbum Dómini.

3

*Accessistis ad Sion montem et civitatem
Dei viventis.*

Léctio Epístolæ ad Hebræos

12, 18-19. 22-24

Fratres:

Non accessístis ad tractábilem et ardéntem ignem, et túbinem et caliginem et procéllam, et tubæ sonum

et vocem verbórum, quam qui audiérunt recusáverunt ne ultra eis fieret verbum.

Sed accessístis ad Sion montem et Civitátem Dei vivéntis, Ierúsalem cæléstem, et multa mília angelórum frequentiam, et Ecclésiám primogenitórum qui conscripti sunt in cælis, et iúdicem Deum ómnium, et spíritus iustórum qui consummáti sunt, et Testaménti novi mediatórem Iesum, et ságuinem aspersionis mélius loquéntem quam Abel. — Verbum Dómini.

4

Tamquam lapides vivi ædificamini, domus spiritalis.

Léctio Epístolæ primæ beáti Petri apóstoli

2, 4-9

Caríssimi:

Ad Dóminum accedéntes lápidem vivum, ab homínibus quidem reprobátum, coram Deo autem eléctum, pretiósum, et ipsi tamquam lápidés vivi ædificámini, domus spiritalis in sacerdotium sanctum, offérre spiritáles hóstias, acceptábiles Deo per Iesum Christum.

Propter quod cóntinet in Scriptúra: « Ecce pono in Sion lápidem angulárem, eléctum, pretiósum; et qui credit in eo non confundétur ». Vobis ígitur honor credéntibus; non credéntibus autem, « Lapis quem reprobavérunt ædificántes: hic factus est in caput ánguli », et « Lapis offensiónis et petra scándali »; qui offéndunt verbo non credéntes in quod et pósito sunt.

Vos autem genus eléctum, regále sacerdotium, gens sancta, pópulus in acquisitionem, ut virtútes annuntiétis eius, qui de ténebris vos vocávit in admirábile lumen suum. — Verbum Dómini.

Evangelium

1

Alleluia

Mt 16, 18

℞. Allelúia. √. Tu es Petrus, et super hanc petram
 ædificábo Ecclésiám meam,
 et portæ inferi non prævalébunt advérsus
 eam. ℞. Allelúia.

Tu es Petrus, et tibi dabo claves regni cælorum.

✝ Lécio sancti Evangélíi secúndum Matthæum

16, 13-19

In illo témpore:

Venit Iesus in partes Cæsaréæ Philíppi, et interrogábat discípulos suos, dicens: « Quem dicunt hómines esse Fílium hóminis? »

At illi dixerunt: « Alii Ioánnem Baptístam, álii autem Elíam, álii vero Ieremíam, aut unum ex prophétis ».

Dicit illis: « Vos autem quem me esse dicitis? »

Respóndens Simon Petrus dixit: « Tu es Christus, Fílius Dei vivi ».

Respóndens autem Iesus dixit ei: « Beátus es, Simon Bar Iona, quia caro et sanguis non revelávit tibi, sed Pater meus qui in cælis est. Et ego dico tibi: Tu es Petrus, et super hanc petram ædificábo Ecclésiám meam, et portæ inferi non prævalébunt advérsum eam. Tibi dabo claves Regni cælórum, et quodcúmque ligáveris super terram, erit ligátum in cælis; et quodcúmque sólveris super terram, erit solútum in cælis ».

Verbum Dómini.

2

Alleluia

Cf. Mt 7, 8

℞. Allelúia. ⁜. In domo mea omnis qui petit áccipit,
dicit Dóminus;
qui quærit ínvenit, et pulsánti aperiétur.
℞. Allelúia.

Hodie salus domui huic facta est.

✠ Lécio sancti Evangélii secúndum Lucam 19, 1-10

In illo témpore:

Ingréssus Iesus perambulábat Iéricho. Et ecce vir nómine Zacchæus, et hic erat princeps publicanórum et ipse dives, et quærébat vidére Iesum quis esset, et non póterat præ turba, quia statúra pusíllus erat. Et præcúrrens ascéndit in árborem sycómorum, ut vidéret illum, quia inde erat transitúrus.

Et, cum venísset ad locum, suspíciens Iesus dixit ad eum: « Zacchæe, festínans descénde, nam hódie in domo tua opórtet me manére ».

Et festínans descéndit et excépit illum gaudens. Et, cum vidérent omnes, murmurábant dicéntes: « Ad hóminem peccatórem devértit ».

Stans autem Zacchæus dixit ad Dóminum: « Ecce dimídiū bonórum meórum, Dómine, do paupéribus et, si quid áliquem defraudávi, reddo quádruplum ».

Ait autem Iesus ad eum: « Hódie salus dómui huic facta est, eo quod et ipse fílius sit Abrahæ. Venit enim Fílius hóminis quærerere et salvum fácere quod perierat ». — Verbum Dómini.

3

Alleluia

2 Chr 7, 16

℞. Allelúia. √. Elégi et sanctificávi locum istum,
 dicit Dóminus,
 ut sit nomen meum ibi in sempitérnum.
 ℞. Allelúia.

Dicebat de templo corporis sui.

✠ Lécio sancti Evangélíi secúndum Ioánnem

2, 13-22

Prope erat Pascha Iudæórum, et ascéndit Hierosólymam Iesus; et invénit in templo vendéntes boves et oves et colúmbas, et nummulários sedéntes.

Et, cum fecísset flagéllum de funiculis, omnes eiécit de templo, oves quoque et boves, et nummulariórum effúdit æs, et mensas subvértit.

Et his qui colúmbas vendébant dixit: « Auférte ista hinc, nolíte fácere domum Patris mei domum negotiatiónis ». Recordáti sunt discípuli eius quia scriptum est: « Zelus domus tuæ cómedet me ».

Respondérunt ergo Iudæi et dixerunt ei: « Quod signum osténdis nobis quia hæc facis? »

Respóndit Iesus et dixit eis: « Sóluite templum hoc, et in tribus diébus excitábo illud ».

Dixerunt ergo Iudæi: « Quadragínta et sex annis ædificátum est templum hoc, et tu tribus diébus excitábis illud? » Ille autem dicébat de templo córporis sui.

Cum ergo resurrexísset a mórtuis, recordáti sunt discípuli eius quia hoc dicébat, et credidérunt Scriptúræ et sermóni quem dixit Iesus. — Verbum Dómini.

Alleluia

Ap 21, 3

℞. Allelúia. ℣. Ecce tabernáculum Dei cum homínibus,
et habitábit cum eis. ℞. Allelúia.

Ego vitam æternam do ovibus meis.

✠ Lécio sancti Evangélii secúndum Ioánnem

10, 22-30

Facta sunt Encáenia in Hierosólymis, hiems erat, et ambulábat Iesus in templo, in pórticu Salomónis. Circumdédérunt ergo eum Iudæi et dicébant ei: « Quoúsque ánimam nostram tollis? Si tu es Christus, dic nobis palam ».

Respóndit eis Iesus: « Dixi vobis, et non créditis. Opera, quæ ego fácio in nómine Patris mei, hæc testimoniúm pérhibent de me. Sed vos non créditis, quia non estis ex óvibus meis.

Oves meæ vocem meam áudiunt, et ego cognósko eas, et sequúntur me; et ego vitam ætérnam do eis, et non períbunt in ætérnum et non rápiet eas quisquam de manu mea.

Pater meus quod dedit mihi, maius ómnibus est; et nemo potest rápere de manu Patris. Ego et Pater unum sumus ». — Verbum Dómini.

COMMUNE BEATÆ MARIÆ VIRGINIS

Hæ Missæ adhibentur etiam pro celebranda memoria sanctæ Mariæ in sabbato, et in Missis votivis de beata Maria Virgine.

1

Ant. ad introitum

Sedulus

Salve, sancta parens, eníxa puérpera Regem,
qui cælum terrámque regit in sæcula sæculórum.

Collecta

Concéde nos fámulos tuos, quæsumus, Dómine Deus,
perpétua mentis et córporis sanitáte gaudére,
et, gloriósa beatæ Mariæ semper Vírginis intercessióne,
a præsénti liberári tristítia, et ætérna pérfrui lætítia.
Per Dóminum.

Vel:

Famulórum tuórum, quæsumus, Dómine, delíctis ignósce,
ut, qui tibi placére de áctibus nostris non valémus,
Genetrícis Fílii tui Dómini nostri intercessióne salvémur.
Per Dóminum.

Lectiones ut infra, pp. 805-833.

Super oblata

Unigéniti tui, Dómine, nobis succúrrat humánitas,
ut, qui natus de Vírgine
Matris integritátem non mínuit sed sacrávit,
a nostris nos piáculis éxuens,
oblatióem nostram tibi reddat accéptam.
Per Christum.

Præfatio I de B. Maria Virgine (in Missis votivis: Et te in veneratióne), p. 598, vel II, p. 599.

Ant. ad communionem**Cf. Lc 11, 27**

Beáta víscera Mariæ Vírginis,
quæ portavérunt ætéрни Patris Fílium.

Post communionem

Suméntes, Dómine, cæléstia sacraménta,
quæsumus cleméntiam tuam,
ut, qui de beátæ Vírginis Mariæ festivitáte lætámur,
eíusdem Vírginis imitatióne,
redemptiónis nostræ mystério
digne valeámus famulári.
Per Christum.

2**Ant. ad introitum**

Beáta es, Virgo María,
quæ ómnium portásti Creatórem;
genuísti qui te fecit, et in ætéرنum pérmanes Virgo.

Collecta

Concéde, miséricors Deus, fragilitáti nostræ præsídium,
ut, qui sanctæ Dei Genetrícis memóriam ágimus,
intercessiónis eius auxílio
a nostris iniquitatibus resurgámus.
Per Dóminum.

Vel:

Adiuvet nos, quæsumus, Dómine,
beátæ Mariæ semper Vírginis intercésio veneránda,
et a cunctis perículis absolútos
in tua fáciat pace gaudére.
Per Dóminum.

Lectiones ut infra, pp. 805-833.

Super oblata

Genetrícis Fílii tui memóriam venerántes,
quæsumus, Dómine,
ut sacrificií huius oblátio
nosmetípsos, grátia tua largiénte,
tibi perfíciat munus ætérnum. Per Christum.

Præfatio I de B. Maria Virgine (in Missis votivis: Et te in
veneratióne), p. 598, vel II, p. 599.

Ant. ad communionem

Lc 1, 49

Fecit mihi magna qui potens est, et sanctum nomen eius.

Post communionem

Redemptiónis ætérnæ partícipes effécti,
quæsumus, Dómine,
ut, qui Genetrícis Fílii tui memóriam ágimus,
et de grátiae tuæ plenitúdine gloriémur,
et salvatiónis contínuum sentiámus augméntum.
Per Christum.

3

Ant. ad introitum

Cf. Iudith 13, 23. 25

Benedícta es tu, Virgo María, a Dómino Deo excélso
præ ómnibus muliéribus super terram;
quia nomen tuum ita magnificávit,
ut non recédât laus tua de ore hóminum.

Collecta

Sanctíssimæ venerántibus Vírginis Mariæ
memóriam gloriósam,
ipsíus nobis, quæsumus, Dómine, intercessióne concéde,
ut de plenitúdine grátiae tuæ
nos quoque mereámur accípere. Per Dóminum.

Vel:

Dómine Iesu, qui virginálem aulam beátæ Mariæ,
in qua habitáres, eligere dignátus es,
da, quæsumus, ut, sua nos defensióne munitos,
iucúndos fácias suæ interésse festivitáti.
Qui vivis.

Lectiones ut infra, pp. 805-833.

Super oblata

Laudis tibi, Dómine, hóstias offérimus,
de Genetrícis Fílii tui festivitáte lætántes;
præsta, quæsumus,
ut per hæc sacrosáncta commércia
ad redemptiόνis ætérnæ proficiámus augméntum.
Per Christum.

Præfatio I de B. Maria Virgine (in Missis votivis: Et te in
veneratióne), p. 598, vel II, p. 599.

Ant. ad communionem

Cf. Lc 1, 48

Beátam me dicent omnes generatiónes,
quia ancíllam húmílem respéxit Deus.

Post communionem

Sumptis, Dómine, sacraméntis cæléstibus,
te súpplíces deprecámur,
ut, qui beátæ Mariæ Vírginis memóriam
venerándo recólimus,
ætérni convívii mereámur esse partícipes.
Per Christum.

**Aliæ orationes
in Missis de B. Maria Virgine**

Collecta

Concéde, quæsumus, omnipotens Deus,
ut fidèles tui,
qui sub sanctissimæ Virginis Mariæ
patrocínio lætântur,
eius pia intercessióne
a cunctis malis liberéntur in terris,
et ad gáudia æténa
perveníre mereántur in cælis.
Per Dóminum.

Super oblata

Preces, Dómine,
tuórum respice oblationésque fidélium,
in beátæ Mariæ Dei Genetrícis
commemoratióne delátas,
ut tibi gratæ sint,
et nobis cónferant tuæ propitiatiónis auxílium.
Per Christum.

Post communionem

Salutáribus refécti sacraméntis,
súpplices te, Dómine, deprecámur,
ut, qui festivitátem beátæ Virginis Dei Genetrícis Mariæ
venerádo égimus,
redemptiόνis tuæ fructum
perpétuo experíri mereámur.
Per Christum.

Lectio prima

1

*Inimicitias ponam inter semen tuum
et semen mulieris.*

Léctio libri Génesis

3, 9-15. 20

Postquam comédit Adam de ligno, vocávit Dóminus Deus eum et dixit ei: « Ubi es? »

Qui ait: « Vocem tuam audívi in paradíso, et tímui eo quod nudus essem, et abscondi me ».

Cui dixit: « Quis enim indicávit tibi quod nudus esses, nisi quod ex ligno, de quo præcéperam tibi ne coméderes, comedísti? »

Dixítque Adam: « Múlier, quam dedísti mihi sóciam, dedit mihi de ligno, et comédi ».

Et dixit Dóminus Deus ad mulierem: « Quare hoc fecísti? »

Quæ respóndit: « Serpens decépit me, et comédi ».

Et ait Dóminus Deus ad serpéntem: « Quia fecísti hoc, maledíctus es inter ómnia animántia et béstias terræ: super pectus tuum gradiéris et terram cómedes cunctis diébus vitæ tuæ. Inimicítias ponam inter te et mulierem, et semen tuum et semen illíus; ipsa cónteret caput tuum, et tu insidiáberis calcáneo eius ».

Et vocávit Adam nomen uxóris suæ Heva, eo quod mater esset cunctórum vivéntium.

Verbum Dómini.

Psalmus responsorius

Iudt 13, 23 bc-24 a. 25 abc (R.: 15, 10 d)

R. Tu honorificéntia pópuli nostri.

- 23 Benedícta es tu, fília,
a Dómino Deo excélso,
præ ómnibus muliéribus super terram.
- 24 Benedíctus Dóminus
qui creávit cælum et terram. *R.*
- 25 Quia hódie nomen tuum ita magnificávit,
ut non recédât laus tua de ore hóminum,
qui mémoires fúerint
virtútis Dómini in ætérnum. *R.*

2

*Sicut locutus est ad patres nostros, Abraham
et semini eius in sæcula.*

Léctio libri Génesis

12, 1-7

In diébus illis:

Dixit Dóminus ad Abram: « Egrédere de terra tua, et de cognatióne tua, et de domo patris tui, et veni in terram quam monstrábo tibi. Faciámque te in gentem magnam, et benedicám tibi, et magnificábo nomen tuum, erisque benedíctus. Benedicám benedicéntibus tibi et maledicám maledicéntibus tibi, atque in te benedicéntur univérsæ cognatiónes terræ ».

Egréssus est itaque Abram, sicut præcéperat ei Dóminus, et ivit cum eo Lot. Septuagínta quinque annórum erat Abram cum egrederétur de Haran. Tulítque Sárai uxórem suam, et Lot fílium fratris sui, universámque substántiam quam posséderant, et ánimas quas fécerant in Haran; et egréssi sunt ut irent in terram Chánaan.

Cumque veníssent in eam, pertransívit Abram terram

usque ad locum Sichem, usque ad convállem Illústrem.
Chananæus autem tunc erat in terra.

Appáruit autem Dóminus Abram et dixit ei: « Sémini tuo dabo terram hanc ». Qui ædificávit ibi altáre Dómino, qui apparúerat ei.

Verbum Dómini.

Psalmus responsorius

Lc 1, 46-47. 48-49. 50-51. 52-53. 54-55 (R.: 49)

R. Fecit mihi magna qui potens est,
et sanctum Nomen eius.

46 Magnificat ánima mea Dóminum,
47 et exultávit spíritus meus
in Deo Salvatóri meo, R.

48 quia respéxit humilitátem ancíllæ suæ.
Ecce ením ex hoc beátam me dicent
omnes generatiónes:

49 quia fecit mihi magna qui potens est,
et sanctum Nomen eius, R.

50 et misericórdia eius in progénies et progénies
timéntibus eum.

51 Fecit poténtiam in bráccchio suo,
dispérsit supérbos mente cordis sui; R.

52 depósuit poténtes de sede
et exaltávit húmiles,

53 esuriéntes implévit bonis
et dívites dimísit inánes. R.

54 Suscépit Israel púerum suum,
memorári misericórdiæ,

55 sicut locútus est ad patres nostros,
Abraham et sémini eius in sácula. R.

3

Dabit illi Deus sedem David patris eius.

Lectio libri secúndi Samuélis

7, 1-5. 8 b-11. 16

Factum est cum sedisset David rex in domo sua, et Dóminus dedisset ei réquiem úndique ab univérsis inimícis suis, dixit ad Nathan prophétam: « Vidésne quod ego hábitem in domo cédrina, et arca Dei pósita sit in médio péllium? »

Dixítque Nathan ad regem: « Omne, quod est in corde tuo, vade, fac, quia Dóminus tecum est ».

Factum est autem in illa nocte, et ecce sermo Dómini ad Nathan dicens: « Vade et lóquere ad servum meum David: " Hæc dicit Dóminus: Numquid tu ædificábis mihi domum ad habitándum? Ego tuli te de páscuis sequéntem greges, ut esses dux super pópulum meum Israel, et fui tecum in ómnibus ubicúmque ambulásti, et interféci univérsos inimícos tuos a fácie tua; fecítque tibi nomen grande iuxta nomen magnórum qui sunt in terra.

Et ponam locum pópulo meo Israel et plantábo eum, et habitábit sub eo et non turbábitur ámplius; nec addent filii iniquitátis ut afflígent eum sicut prius, ex die qua constitui iúdice super pópulum meum Israel. Et réquiem dabo tibi ab ómnibus inimícis tuis, prædicítque tibi Dóminus quod domum fáciat tibi Dóminus.

Et fidélis erit domus tua et regnum tuum usque in ætérnum ante fáciem tuam, et thronus tuus erit firmus iúgiter " ».

Verbum Dómini.

Psalmus responsorius

1 Sam 2, 1. 4-5. 6-7. 8 abcd (R.: 1 a)

R. Exsultávit cor meum in Dómino salvatóre meo.

1 Exsultávit cor meum in Dómino,
et exaltátum est cornu meum in Deo meo;
dilatátum est os meum super inimícos meos,
quia lætáta sum in salutári tuo. R.

4 Arcus fórtium superátus est,
et infirmi accíncti sunt róbre;
5 repléti prius pro pánibus se locavérunt,
et famélici saturáti sunt;
donec stérilis péperit plúrimos,
et quæ multos habébat fílios,
infirmáta est. R.

6 Dóminus mortíficat et vivíficat,
dedúcit ad inferos et redúcit;
7 Dóminus páuperem facit et ditat,
humíliat et súblevat. R.

8 Súscitat de púlvere egénium,
et de stércore élevat páuperem,
ut sédeat cum princípibus,
et sólium glóriæ téneat. R.

4

*Attulerunt arcam Dei et constituerunt eam in medio
tabernaculi, quod tetenderat ei David.*

Lectio libri primi Chronicórum 15, 3-4. 15-16; 16, 12

In diébus illis:

Congregávit David univérsum Israel in Ierúsalem, ut
afferrétur arca Dei in locum suum, quem præpará-
verat ei; necnon et fílios Aaron et levítas.

Tulérunt autem filii Levi arcam Dei, sicut præcéperat Móyses iuxta verbum Dómini, húmeris suis in véctibus. Dixítque David princípibus levitárum ut constítuerent de frátribus suis cantóres in órganis musicórum, nablís vidélicet et lyris et cýmbalis, ut resonáret in excélsis sónitus lætítiæ.

Attulérunt ígitur arcam Dei, et constituérunt eam in médio tabernáculi, quod teténderat ei David, et obtulérunt holocáusta et pacífica coram Deo.

Cumque compléset David ófferens holocáusta et pacífica, benedíxit pópulo in nómine Dómini.

Verbum Dómini.

Psalmus responsorius Ps 112, 1-2. 3-4. 5-6. 7-8 (R.: 2)

R. Sit nomen Dómini benedíctum in sácula.

vel Allelúia.

- 1 Laudáte, púeri Dómini,
laudáte nomen Dómini.
- 2 Sit nomen Dómini benedíctum
ex hoc nunc et usque in sáculum. R.
- 3 A solis ortu usque ad occásum
laudábile nomen Dómini.
- 4 Excélsus super omnes gentes Dóminus,
super cælos glória eius. R.
- 5 Quis sicut Dóminus Deus noster,
qui in altis hábitat,
- 6 et humília réspicit
in cælo et in terra? R.
- 7 Súscitans de terra ínopem,
de stércore érigens páuperem,
- 8 ut cóllocet eum cum princípibus,
cum princípibus pópuli sui. R.

Maria, sedes Sapientiæ.

Léctio libri Proverbiórum

8, 22-31

Hæc lóquitur Sapiéntia Dei:

« Dóminus possédit me in inítio viárum suárum, ántequam quidquam fáceret a princípío. Ab ætéрно ordináta sum et ex antíquis, ántequam terra fíeret.

Nondum erant abyssi, et ego iam concépta eram, necdum fontes aquárum erúperant, necdum montes gravi mole constíterant, ante colles ego parturiébar: adhuc terram non fécerat et flúmina et cárdines orbis terræ.

Quando præparábat cælos áderam, quando certa lege et gyro vallábat abyssos, quando æthera firmábat sursum, et librábat fontes aquárum, quando circúmdabat mari términum suum, et legem ponébat aquis ne transírent fines suos, quando appendébat fundaménta terræ, cum eo eram cuncta compónens. Et delectábar per síngulos dies, ludens coram eo omni témpore, ludens in orbe terrárum, et delíciæ meæ esse cum filiis hóminum ». — Verbum Dómini.

Psalmus responsorius

Ps 44, 11-12. 14-15. 16-17 (R.: 11 a)

R. Audi, fília, et vide, et inclína aurem tuam.

- 11 Audi, fília, et vide, et inclína aurem tuam,
et oblivíscere pópulum tuum et domum patris tui;
12 et concupíscet rex spéciem tuam.

Quóniam ipse est dóminus tuus, et adóra eum. R.

- 14 Gloriósa nimis fília regis intrínsecus;
textúris áureis circumamícta.

- 15 In véstibus variegátis adducétur regi;
vírgines post eam, próximæ eius, afferúntur tibi. R.

- ¹⁶ Afferúntur in lætítia et exsultatióne,
adducúntur in domum regis.
- ¹⁷ Pro pátribus tuis erunt tibi filii;
constítues eos príncipes super omnem terram. *R.*

6

Maria, sedes Sapientiæ.

Léctio libri Sirácidæ

24, 1-2. 5-7. 12-16. 26-30

Sapiéntia laudábit ánimam suam, et in Deo honorábitur, et in médio pópuli sui gloriábitur; et in ecclésiis Altíssimi apériet os suum, et in conspéctu virtútis illíus gloriábitur.

Ego ex ore Altíssimi prodívi, primogénita ante omnem creatúram; ego feci in cælis ut orirétur lumen indeficiens, et sicut nébula texi omnem terram. Ego in altíssimis habitávi, et thronus meus in coluḿna nubis.

Præcépit et dixit mihi Créator ómnium, et qui creávit me requiévít in tabernáculo meo, et dixit mihi: « In Iacob inhábita, et in Israel hereditáre, et in eléctis meis mitte radíces ».

Ab inítio et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

Et sic in Sion firmáta sum, et in civitáte sanctificáta simíliter requiévi, et in Ierúsalem potéstas mea.

Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Transíte ad me, omnes qui concupíscitis me, et a generatióibus meis implémini; spíritus enim meus super mel dulcis, et heréditas mea super mel et favum.

Memória mea in generatióes sæculórum.

Qui edunt me adhuc esúrient, et qui bibunt me adhuc sítient. Qui audit me non confundétur, et qui operántur in me non peccábunt. — Verbum Dómini.

Psalmus responsorius

Ps 44, 11-12. 14-15. 16-17 (R.: 11 a)

R. Audi, fília, et vide, et inclína aurem tuam.

- 11 Audi, fília, et vide, et inclína aurem tuam,
et oblivíscere pópulum tuum et domum patris tui;
12 et concupíscet rex spéciem tuam.

Quóniam ipse est dóminus tuus, et adóra eum. R.

- 14 Gloriósa nimis fília regis intrínsecus,
textúris áureis circumamícta.
15 In véstibus variegátis adducétur regi;
vírgines post eam, próximæ eius,
afferúntur tibi. R.

- 16 Afferúntur in lætítia et exsultatióne,
adducúntur in domum regis.
17 Pro pátribus tuis erunt tibi filii;
constítues eos príncipes super omnem terram. R.

7

Ecce virgo concipiet.

Léctio libri Isaíæ prophétæ

7, 10-14; 8, 10

In diébus illis:

Locútus est Dóminus ad Achaz dicens: « Pete tibi signum a Dómino Deo tuo in profúndum inférni sive in excélsu supra ».

Et dixit Achaz: « Non petam et non tentábo Dóminum ».

Et dixit: « Audíte ergo, domus David: numquid parum vobis est moléstos esse homínibus, quia molésti estis et Deo meo?

Propter hoc dabit Dóminus ipse vobis signum. Ecce virgo concípiet et páriet fílium, et vocábitur nomen eius Emmánuel, quia nobíscum Deus ».

Verbum Dómini.

Psalmus responsorius

1 Sam 2, 1. 4-5. 6-7. 8 abcd (R.: 1 a)

R. Exsultávit cor meum in Dómino salvatóre meo.

1 Exsultávit cor meum in Dómino,
et exaltátum est cornu meum in Deo meo;
dilatátum est os meum super inimícos meos,
quia lætáta sum in salutári tuo. R.

4 Arcus fórtium superátus est,
et infirmi accíncti sunt róbre;
5 repléti prius pro pánibus se locavérunt,
et famélici saturáti sunt;
donec stérilis péperit plúrimos,
et quæ multos habébat fílios, infirmáta est. R.

6 Dóminus mortíficat et vivíficat,
dedúcit ad íferos et redúcit;
7 Dóminus páuperem facit et ditat,
humíliat et súblevat. R.

8 Súscitat de púlvere egénum,
et de stércore élevat páuperem,
ut sédeat cum princípibus,
et sólium glóriæ téneat. R.

8

Filius datus est nobis.

Lectio libri Isaíæ prophætæ

9, 2-4. 6-7

Pópulus, qui ambulábat in ténebris, vidit lucem magnam, habitántibus in regiône umbræ mortis lux orta est eis. Multiplicásti gentem et non magnificásti lætítiam. Lætabúntur coram te, sicut qui lætántur in messe, sicut exsúltant victóres, capta præda, quando dividunt spólia. Iugum óneris eius, et virgam húmeri eius, et sceptrum exactóris eius superásti, sicut in die Má dian.

Párvulus enim natus est nobis, et fílius datus est nobis, et factus est principátus super húmerum eius: et vocábitur nomen eius « Admirábilis, Consiliárius, Deus fortis, Pater futúri sæculi, Princeps pacis ».

Multiplicábitur eius impérium, et pacis non erit finis; super sólum David et super regnum eius sedébit, ut confírmet illud et corróboret in iudício et iustítia ámodo et usque in sempitérnum. Zelus Dómini exercítuum fáciat hoc. — Verbum Dómini.

Psalmus responsorius

Ps 112, 1-2. 3-4. 5-6. 7-8 (R.: 2)

R. Sit nomen Dómini benedíctum in sæcula.

vel Allelúia.

Laudáte, púeri Dómini,
laudáte nomen Dómini.

Sit nomen Dómini benedíctum
ex hoc nunc et usque in sæculum. R.

A solis ortu usque ad occásum
laudábile nomen Dómini.

4 Excelsus super omnes gentes Dóminus,
super cælos glória eius. *R.*

5 Quis sicut Dóminus Deus noster,
qui in altis hábitat,
6 et humília réspicit
in cælo et in terra? *R.*

7 Súscitans de terra ínopem,
de stércore érigens páuperem,
8 ut cóllocet eum cum princípibus,
cum princípibus pópuli sui. *R.*

9

Gaudens gaudebo in Domino.

Léctio libri Isaíæ prophétæ

61, 9-11

Scient in géntibus semen pópuli mei, et germen
eórum in médio populórum. Omnes qui víderint eos
cognóscent illos, quia isti sunt semen, cui benedíxit Dó-
minus.

Gaudens gaudébo in Dómino, et exsultábit ánima mea
in Deo meo, quia índuit me vestiméntis salútis, et in-
duménto iustítiæ circúmdedit me, quasi sponsum deco-
rátum coróna, et quasi sponsam ornátam monílibus suis.
Sicut enim terra profert germen suum, et sicut hortus
semen suum gérminat, sic Dóminus Deus germinábit
iustítiam et laudem coram univérsis géntibus.

Verbum Dómini.

Psalmus responsorius

1 Sam 2, 1. 4-5. 6-7. 8 abcd (*R.*: 1 a)

R. Exsultávit cor meum in Dómino salvatóre meo.

1 Exsultávit cor meum in Dómino,
et exaltátum est cornu meum in Deo meo;

dilatátum est os meum super inimícos meos,
quia lætáta sum in salutári tuo. *R.*

4 Arcus fórtium superátus est,
et infírmi accíncti sunt róbores;
5 repléti prius pro pánibus se locavérunt,
et famélici saturáti sunt;
donec stérilis péperit plúrimos,
et quæ multos habébat fílios,
infirmáta est. *R.*

6 Dóminus mortíficat et vivíficat,
dedúcit ad ínferos et redúcit;
7 Dóminus páuperem facit et ditat,
humíliat et súblevat. *R.*

8 Súscitat de púlvere egénium,
et de stércore élevat páuperem,
ut sédeat cum princípibus,
et sólium glóriæ téneat. *R.*

10

Tempus, in quo parturiens pariet.

Léctio libri Michææ prophætæ

5, 2-5 a

Hæc dicit Dóminus:

« Et tu, Béthlehem Ephrata, párvulus es in mílibus Iuda: ex te mihi egrediétur qui sit dominátor in Israel, et egréssus eius ab inítio, a diébus æternitátis. Propter hoc dabit eos usque ad tempus, in quo partúriens páriet, et reliquiae fratrum eius converténtur ad fílios Israel.

Et stabit et pascet in fortitúdine Dómini, in sublimitáte nóminis Dómini Dei sui; et converténtur, quia nunc

magnificabitur usque ad términos terræ. Et erit iste pax ». — Verbum Dómini.

Psalmus responsorius Ps 112, 1-2. 3-4. 5-6. 7-8 (R.: 2)

R. Sit nomen Dómini benedíctum in sǽcula.

vel Allelúia.

- 1 Laudáte, púeri Dómini,
laudáte nomen Dómini.
- 2 Sit nomen Dómini benedíctum
ex hoc nunc et usque in sǽculum. R.
- 3 A solis ortu usque ad occásu
laudábile nomen Dómini.
- 4 Excélsus super omnes gentes Dóminus,
super cælos glória eius. R.
- 5 Quis sicut Dóminus Deus noster,
qui in altis hábitat,
- 6 et humília réspicit
in cælo et in terra? R.
- 7 Súscitans de terra ínopem,
de stércore érigens páuperem,
- 8 ut cóllocet eum cum princípibus,
cum princípibus pópuli sui. R.

11

Lætare, filia Sion, ecce ego venio.

Léctio libri Zachariæ prophétæ 2, 10-13

Lauda et lætáre, filia Sion, quia ecce ego vénio, et habitábo in médio tui, ait Dóminus. Et applicabúntur gentes multæ ad Dóminum in die illa, et erunt mihi in

pópulum, et habitábo in médio tui, et scies quia Dóminus exercítuum misit me ad te.

Et possidébit Dóminus Iudam partem suam in terra sanctificáta, et éliget adhuc Ierúsalem. Síleat omnis caro a fácie Dómini, quia consurrexit de habitáculo sancto suo. — Verbum Dómini.

Psalmus responsorius

Lc 1, 46-47. 48-49. 50-51. 52-53. 54-55

℟. Beáta, Virgo María,
quæ portásti ætérni Patris Fílium.

46 Magníficat ánima mea Dóminum,
47 et exultávit spíritus meus in Deo Salvatóri meo, ℞.

48 quia respéxit humilitátem ancíllæ suæ.
Ecce enim ex hoc beátam me dicent
omnes generatióes:

49 quia fecit mihi magna qui potens est,
et sanctum Nomen eius, ℞.

50 et misericórdia eius in progénies et progénies
timéntibus eum.

51 Fecit poténtiam in brácchio suo,
dispérsit supérbos mente cordis sui; ℞.

52 depósuit poténtes de sede
et exaltávit húmiles,
53 esuriéntes implévit bonis
et dívites dimísit inánes. ℞.

54 Suscépit Israel púerum suum,
memorári misericórdiæ,
55 sicut locútus est ad patres nostros,
Abraham et sémini eius in sácula. ℞.

Lectio secunda

1

Ubi abundavit delictum, superabundavit gratia.

Lectio Epistolæ beāti Pauli apóstoli
ad Romános

5, 12. 17-19

Fratres:

Sicut per unum hóminem peccátum in hunc mundum intrávit, et per peccátum mors; et ita in omnes hómines mors pertránsiit, eo quod omnes peccavérunt.

Si enim unius delicto mors regnávit per unum, multo magis qui abundántiam grátiae et donatiónis iustítiæ accípiunt, in vita regnábunt per unum Iesum Christum.

Igitur, sicut per unius delíctum in omnes hómines in condemnatióem, sic et per unius iustítiam in omnes hómines in iustificatióem vitæ.

Sicut enim per inobædiéntiam unius hóminis peccatóres constitúti sunt multi, ita et per unius obæditióem iusti constituéntur multi. — Verbum Dómini.

2

Quos Deus præscivit et prædestinavit.

Lectio Epistolæ beāti Pauli apóstoli
ad Romános

8, 28-30

Fratres:

Scimus quóniam diligentibus Deum ómnia cooperántur in bonum, his qui secúndum propósitum vocátí sunt. Nam quos præscívit, et prædestinávit confórmes fieri imáginis Fílii eius, ut sit ipse primogénitus in multis frátribus. Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et gloriificávit. — Verbum Dómini.

3

Misit Deus Filium suum, factum ex muliere.

Léctio Epístolæ beáti Pauli apóstoli ad Gálatas 4, 4-7

Fratres:

Ubi venit plenitúdo témporis, misit Deus Fílium suum, factum ex muliere, factum sub Lege, ut eos qui sub Lege erant redímeret, ut adoptiónem filiórum recipérémus.

Quóniam autem estis fílii, misit Deus Spíritum Fílii sui in corda nostra clamántem: « Abba, Pater! ». Itaque iam non es servus, sed fílius. Quod si fílius, et heres per Deum. — Verbum Dómini.

4

Elegit nos Deus in Christo ante mundi constitutionem.

Léctio Epístolæ beáti Pauli apóstoli
ad Ephésios

1, 3-6. 11-12

Benedíctus Deus et Pater Dómini nostri Iesu Christi, qui benedíxit nos in omni benedictióne spiritáli in cæléstibus in Christo; sicut elégit nos in ipso ante mundi constitutióem, ut essémus sancti et immaculáti in conspéctu eius in caritáte, qui prædestinávit nos in adoptiόνem filiórum per Iesum Christum in ipsum, secúndum beneplácitum voluntátis suæ, in laudem glóriæ grátiae suæ, in qua gratificávit nos in Dilécto.

In quo sorte vocáti sumus, prædestináti secúndum propósitum eius, qui ómnia operátur secúndum consílium voluntátis suæ, ut simus in laudem glóriæ eius, qui ante sperávimus in Christo. — Verbum Dómini.

Evangelium

1

Alleluia

R. Allelúia. V. Felix es, sacra Virgo Mariá,
et omni laude digníssima,
quia ex te ortus est sol iustitiæ,
Christus Deus noster.

R. Allelúia.

* *Quod in ea natum est, de Spiritu Sancto est.*

✠ Lécio sancti Evangélii secúndum Matthæum

1, 1-16. 18-23

Liber generatiónis Iesu Christi, filii David, filii Abraham. Abraham genuit Isaac, Isaac autem genuit Iacob, Iacob autem genuit Iudam et fratres eius, Iudas autem genuit Phares et Zara de Thamar, Phares autem genuit Esrom, Esrom autem genuit Aram, Aram autem genuit Amínadab, Amínadab autem genuit Naásson, Naásson autem genuit Salmon, Salmon autem genuit Booz de Rahab, Booz autem genuit Iobed ex Ruth, Iobed autem genuit Iesse, Iesse autem genuit David regem.

David autem genuit Salomónem ex ea quæ fuit Uriæ, Sálomon autem genuit Róboam, Róboam autem genuit Abíam, Abía autem genuit Asa, Asa autem genuit Iósaphat, Iósaphat autem genuit Ioram, Ioram autem genuit Ozíam, Ozías autem genuit Ióatham, Ióatham autem genuit Achaz, Achaz autem genuit Ezechíam, Ezechías autem genuit Manássen, Manásses autem genuit Amon, Amon autem genuit Iosíam, Iosías autem genuit Iechoníam et fratres eius in transmigratióne Babylónis.

Et post transmigratiónem Babylónis Iechonías genuit Saláthiel. Saláthiel autem genuit Zoróbabel, Zoróbabel

autem genuit Abiud, Abiud autem genuit Eliácim, Eliácim autem genuit Azor, Azor autem genuit Sadoc, Sadoc autem genuit Achim, Achim autem genuit Eliud, Eliud autem genuit Eleázar, Eleázar autem genuit Matthan, Matthan autem genuit Iacob, Iacob autem genuit Ioseph virum Mariæ, de qua natus est Iesus qui vocátur Christus.

Iesu Christi autem generátio sic erat: Cum esset desponsáta mater eius María Ioseph, ántequam convenírent, invénta est in útero habens de Spíritu Sancto; Ioseph autem vir eius, cum esset iustus et nollet eam tradúcere, vóluit occúlte dimíttre eam.

Hæc autem eo cogitánte, ecce ángelus Dómini in somnis appáruit ei dicens: « Ioseph, fili David, noli timére accípere Mariám cóniugem tuam; quod enim in ea natum est de Spíritu Sancto est. Páriet autem fílium, et vocábis nomen eius Iesum; ipse enim salvum fáciat pópulum suum a peccátis eórum ».

Hoc autem totum factum est ut adimplerétur id quod dictum est a Dómino per Prophétam dicéntem: « Ecce virgo in útero habébit et páriet fílium, et vocábunt nomen eius Emmánuel », quod est interpretátum « Nobíscum-Deus ». — Verbum Dómini.

vel brevior

✠ Lécio sancti Evangélíi secúndum Matthæum

1, 18-23

Generátio Iesu Christi sic erat: Cum esset desponsáta mater eius María Ioseph, ántequam convenírent, invénta est in útero habens de Spíritu Sancto; Ioseph autem vir eius, cum esset iustus et nollet eam tradúcere, vóluit occúlte dimíttre eam.

Hæc autem eo cogitánte, ecce ángelus Dómini in somnis appáruit ei dicens: « Ioseph, fili David, noli timére accípere Mariám cóniugem tuam; quod enim in

ea natum est de Spíritu Sancto est. Páriet autem fílium, et vocábis nomen eius Iesum; ipse enim salvum fáciat pópulum suum a peccátis eórum ».

Hoc autem totum factum est ut adimplerétur id quod dictum est a Dómino per Prophétam dicéntem: « Ecce virgo in útero habébit et páriet fílium, et vocábunt nomen eius Emmánuel », quod est interpretátum « Nobíscum-Deus ». — Verbum Dómini.

2

Alleluia

Lc 1, 45

℞. Allelúia. ⁊. Beáta es, Virgo María, quæ credidísti, quóniam perficiéntur ea quæ dicta sunt tibi a Dómino. ℞. Allelúia.

*Accipe puerum et matrem eius,
et fuge in Ægyptum.*

✠ Lécio sancti Evangélíi secúndum Matthæum

2, 13-15. 19-23

Cum recessissent Magi, ecce ángelus Dómini appáret in somnis Ioseph dicens: « Surge et áccipe púerum et matrem eius, et fuge in Ægýptum, et esto ibi usque dum dicam tibi; futúrum est enim ut Heródes quærat púerum ad perdéndum eum ».

Qui consúrgens accépit púerum et matrem eius nocte, et recessit in Ægýptum. Et erat ibi usque ad óbítum Heródis, ut adimplerétur quod dictum est a Dómino per Prophétam dicéntem: « Ex Ægýpto vocávi fílium meum ».

Defúnto autem Heróde, ecce appáret ángelus Dómini in somnis Ioseph in Ægýpto, dicens: « Surge et áccipe púerum et matrem eius, et vade in terram israhel, quia mortuus est qui erat inimicus tuus, et nunc tu et mater tua et puerus tuus potestis vivere in terra israhel ».

cipe puerum et matrem eius, et vade in terram Israel; defuncti sunt enim qui quærebant animam pueri ».

Qui surgens accépit puerum et matrem eius, et venit in terram Israel. Audiens autem quod Archeláus regnaret in Iudæa pro Heróde patre suo, tímuit illuc ire; et admónitus in somnis, secéssit in partes Galiléæ. Et véniens habitávit in civitaté, quæ vocátur Náza-reth, ut adimplerétur quod dictum est per Prophétas: « Nazaræus vocábitur ». — Verbum Dómini.

2a

Alleluia

Lc 11, 28

℞. Allelúia. γ. Beáti qui áudiunt verbum Dei
et custódiunt illud. ℞. Allelúia.

*Extendens manum in discipulos, dixit:
Ecce mater mea et fratres mei.*

✠ Léc-tio sancti Evangé-lii se-cún-dum Mat-thæum

12, 46-50

In illo témpore:

Loquente Iesu ad turbas, ecce mater et fratres eius stabant foris, quæréntes loqui ei. Dixit autem ei quidam: « Ecce mater tua et fratres tui foris stant, quæréntes loqui tecum ».

At ille respóndens dicénti sibi ait: « Quæ est mater mea, et qui sunt fratres mei? »

Et exténdens manum suam in discipulos suos, dixit: « Ecce mater mea et fratres mei. Quicúmque enim fécerit voluntátem Patris mei qui in cælis est, ipse meus frater et soror et mater est ». — Verbum Dómini.

Alleluia

Lc 1, 28

R. Allelúia. **V.** Ave, Mariá, grátia plena; Dóminus tecum; benedícta tu in muliéribus. **R.** Allelúia.

Ecce concipies in utero et paries filium.

✠ Lécio sancti Evangélii secúndum Lucam 1, 26-38

In illo témpore:

Missus est ángelus Gábriel a Deo in civitátem Galilææ, cui nomen Názareth, ad vírginem desponsátam viro, cui nomen erat Ioseph, de domo David, et nomen vírginis Mariá.

Et ingrèssus ad eam dixit: « Ave, grátia plena, Dóminus tecum ».

Ipsa autem turbáta est in sermóne eius et cogitábat qualis esset ista salutátio.

Et ait Angelus ei: « Ne tíneas, Mariá; invenísti enim grátiam apud Deum: et ecce concípies in útero et páries fílium, et vocábis nomen eius Iesum. Hic erit magnus et Fílius Altíssimi vocábitur, et dabit illi Dóminus Deus sedem David patris eius, et regnábit super domum Iacob in ætérnum, et Regni eius non erit finis ».

Dixit autem Mariá ad Angelum: « Quómodo fiet istud, quóniam virum non cognósko? »

Et respóndens Angelus dixit ei: « Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur Sanctum vocábitur, Fílius Dei. Et ecce Elísabeth, cognáta tua, et ipsa concépit fílium in senectúte sua; et hic mensis est sextus illi, quæ vocátur stérilis; quia non erit impossíbile apud Deum omne verbum ».

Dixit autem Mariá: « Ecce ancílla Dómini, fiat mihi secúndum verbum tuum ». Et discéssit ab illa Angelus. — Verbum Dómini.

4

Alleluia

Lc 1, 45

℞. Allelúia. ✠. Beáta es, Virgo María, quæ credidisti,
quóniam perficiéntur ea quæ dicta sunt tibi
a Dómino. ℞. Allelúia.

Beata quæ credidit.

✠ Léctio sancti Evangélíi secúndum Lucam 1, 39-47

Exsúrgens María in diébus illis ábiit in montána cum festinatióne, in civitátem Iudæ. Et intrávit in domum Zachariæ et salutávit Elísabeth.

Et factum est, ut audívit salutatiónem Mariæ Elísabeth, exsultávit infans in útero eius, et repléta est Spíritu Sancto Elísabeth, et exclamávit voce magna et dixit: « Benedícta tu inter mulieres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo.

Et beáta quæ crédidit, quóniam perficiéntur ea quæ dicta sunt ei a Dómino ».

Et ait María: « Magníficat ánima mea Dóminum. Et exsultávit spíritus meus in Deo Salvatóri meo ».

Verbum Dómini.

5

Alleluia

℞. Allelúia. ✠. Felix es, sacra Virgo María,
et omni laude digníssima,
quia ex te ortus est sol iustítiæ,
Christus Deus noster.
℞. Allelúia.

Peperit filium suum primogenitum.

✠ Lécio sancti Evangélii secúndum Lucam 2, 1-14

Factum est in diébus illis, éxiit edíctum a Césare Augústo, ut describerétur univérsum orbis. Hæc descriptio prima facta est præside Sýriæ Quiríno. Et ibant omnes, ut profiteréntur sínguli in suam civitátem.

Ascéndit autem et Ioseph a Galiléa, de civitáte Náza-reth, in Iudéam, in civitátem David, quæ vocátur Béthleem; eo quod esset de domo et família David, ut profiterétur cum Mariá desponsáta sibi uxóre prægnánte.

Factum est autem, cum essent ibi, impléti sunt dies ut páreret, et péperit fílium suum primogénitum, et pannis eum invólvit et reclinávit eum in præsépio, quia non erat eis locus in diversório.

Et pastóres erant in regióne eádem, vigilántes et custodiéntes vigílias noctis supra gregem suum. Et ángelus Dómini stetit iuxta illos, et glória Dómini circumfúlsit illos, et timuérunť timóre magno.

Et dixit illis ángelus: « Nolíte timére; ecce enim evangelízo vobis gáudium magnum, quod erit omni pópulo: quia natus est vobis hódie Salvátor, qui est Christus Dóminus, in civitáte David. Et hoc vobis signum: inveniétis infántem pannis involútum et pósitum in præsépio ».

Et súbito facta est cum ángelo multitúdo militiæ cæléstis, laudántium Deum et dicéntium: « Glória in altíssimis Deo, et super terram pax in homínibus bonæ voluntátis ».

Verbum Dómini.

6

Alleluia

Cf. Lc 2, 19

R. Allelúia. **V.** Beáta Virgo María,
quæ conservábat verbum Dei,
cónferens in corde suo. **R.** Allelúia.

*Conservabat omnia verba hæc
conferens in corde suo.*

✠ Lécio sancti Evangélii secúndum Lucam

2, 15 b-19

In illo témpore:

Pastóres loquebántur ad ínvicem: «Transeámus usque Béthleem et videámus hoc verbum, quod factum est, quod Dóminus osténdit nobis».

Et venérunt festinántes; et invenérunt Mariám et Ioseph et infántem pósito in præsépio. Vidéntes autem notum fecérunt verbum, quod dictum erat illis de púero hoc. Et omnes qui audiérunt miráti sunt de his quæ dicta erant a pastóribus ad ipsos.

María autem conservábat ómnia verba hæc cónferens in corde suo. — Verbum Dómini.

7

Alleluia

R. Allelúia. **V.** Felix es, sacra Virgo María,
et omni laude digníssima,
quia ex te ortus est sol iustítiæ,
Christus Deus noster. **R.** Allelúia.

Tuam ipsius animam pertransiet gladius.

✠ Lécio sancti Evangélii secúndum Lucam 2, 27-35

In illo témpore:

Venit Sýmeon in Spíritu in templum; et cum indúcerent púerum Iesum paréntes eius, ut fácerent secún-

dum consuetúdinem Legis pro eo, et ipse accépit eum in ulnas suas, et benedíxit Deum et dixit:

« Nunc dimíttis servum tuum, Dómine, secúndum verbum tuum in pace; quia vidérunt óculi mei salutáre tuum, quod parásti ante fáciem ómnium populórum: lumen ad revelatiónem géntium et glóriam plebis tuæ Israel ».

Et erat pater eius et mater mirántes super his quæ dicebántur de illo.

Et benedíxit illis Sýmeon; et dixit ad Mariám matrem eius: « Ecce pósitus est hic in ruínam et resurrectiόnem multórum in Israel et in signum cui contradicétur (et tuam ipsíus ánimam pertránsiet gládius), ut reveléntur ex multis córdibus cogitatiόnes ». — Verbum Dómini.

8

Alleluia

Cf. Lc 2, 19

℞. Allelúia. √. Beáta Virgo María,
quæ conservábat verbum Dei,
cónferens in corde suo. ℞. Allelúia.

Pater tuus et ego dolentes quærebamus te.

✠ Lécio sancti Evangélíi secúndum Lucam 2, 41-52

Ibant paréntes Iesu per omnes annos in Ierúsalem in die festo Paschæ. Et, cum factus esset annórum duódecim, ascendéntibus illis secúndum consuetúdinem diéi festi, consummátisque diébus, cum redírent, remánsit puer Iesus in Ierúsalem, et non cognovérent paréntes eius.

Existimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes regréssi sunt in Ierúsalem requiréntes eum.

Et factum est, post trídium invenérunt illum in templo sedéntem in médio doctórum, audiéntem illos et interrogántem eos. Stupébant autem omnes qui eum audiébant super prudéntia et respónsis eius. Et vidéntes eum admiráti sunt.

Et dixit mater eius ad illum: « Fili, quid fecísti nobis sic? ecce pater tuus et ego doléntes quærebámus te ».

Et ait ad illos: « Quid est quod me quærebátis? nesciebátis quia in his quæ Patris mei sunt opórtet me esse? » Et ipsi non intellexérunt verbum, quod locútus est ad illos.

Et descendit cum eis, et venir Názareth, et erat súditus illis.

Et mater eius conservábat ómnia verba in corde suo. Et Iesus proficiébat sapiéntia et ætáte et grátia apud Deum et hómines. — Verbum Dómini.

9

Alleluia

Lc 11, 28

℟. Allelúia. ℣. Beáti qui áudiunt verbum Dei
et custódiunt illud. ℟. Allelúia.

Beatus venter qui te portavit.

✠ Lécio sancti Evangélíi secúndum Lucam 11, 27-28

In illo témpore:

Loquénste Iesu ad turbas, extóllens vocem quædam múlíer de turba dixit illi: « Beátus venter qui te portávit, et úbera quæ suxísti ».

At ille dixit: « Quinímmo beáti qui áudiunt verbum Dei et custódiunt ». — Verbum Dómini.

Alleluia

Lc 1, 45

℞. Allelúia. ⁊. Beáta es, Virgo María, quæ credidísti,
quóniam perficiéntur ea quæ dicta sunt tibi
a Dómino. ℞. Allelúia.

Et erat mater Iesu ibi.

✠ Lécio sancti Evangélii secúndum Ioánnem 2, 1-11

In illo témpore:

Núptiæ factæ sunt in Cana Galilææ, et erat mater Iesu ibi: vocátus est autem et Iesus et discípuli eius ad núptias. Et, deficién-te vino, dicit mater Iesu ad eum: « Vinum non habent ».

Et dicit ei Iesus: « Quid mihi et tibi, múl-lier? non-dum venit hora mea ».

Dicit mater eius minístris: « Quodcúm-que díxerit vobis, fácite ».

Erant autem ibi lapídeæ hýdriæ sex, pósi-tæ secún-dum purificatió-nem Iudæórum, capiéntes síngulæ me-trétas binas vel ternas.

Dicit eis Iesus: « Impléte hýdrias aqua ». Et im-plevé-runt eas usque ad summum.

Et dicit eis: « Hauríte nunc et ferte architriclín-o ». Illi autem tulérunt.

Ut autem gustávit architriclínus aquam vinum factam, et non sciébat unde esset, minístri autem sciébant qui haurierant aquam, vocat sponsum architriclínus, et dicit ei: « Omnis homo primum bonum vinum ponit, et cum inebriáti fúerint, id quod detérius est; tu servásti bonum vinum usque adhuc ».

Hoc fecit inítium signórum Iesus in Cana Galilææ; et manifestávit glóriam suam, et credidérunt in eum discípuli eius. — Verbum Dómini.

11

Alleluia

Cf. Lc 2, 19

℞. Allelúia. ⁊. Beáta est María Virgo,
quæ sine morte méruit martýrii palmam
sub cruce Dómini. ℞. Allelúia.

Ecce filius tuus. Ecce mater tua.

✠ Lécio sancti Evangélii secúndum Ioánnem

19, 25-27

In illo témpore:

Stabant iuxta crucem Iesu mater eius et soror matris
eius María Cléopæ et María Magdaléne.

Cum vidisset ergo Iesus matrem et discipulum stan-
tem quem diligébat, dicit matri: « Múlier, ecce fílius
tuus »; deínde dicit discípulo: « Ecce mater tua ».

Et ex illa hora accépit eam discípulus in sua.
Verbum Dómini.

COMMUNE MARTYRUM

1. Pro pluribus martyribus

Ant. ad introitum

Gaudent in cælis ánimæ Sanctórum,
quí Christi vestígia sunt secúti;
et quia pro eius amóre ságuinem suum fuderunt,
ídeo cum Christo exsúltant sine fine.

Collecta

Præsta, Dómine,
précibus nostris cum exsultatióne provéntum,
ut sanctórum mártýrum **N.** et **N.**
quorum diem passióis ánnua devotióne recólimus;
étiam fídei constántiam subsequámur.
Per Dóminum.

Lectiones ut infra, pp. 844-864.

Super oblata

Súscipe, sancte Pater, múnera
quæ in sanctórum mártýrum commemoratióne deférimus,
et nobis fámulis tuis concéde,
ut in confessiόne tui nóminis inveníri stábiles mereámur.
Per Christum.

Ant. ad communionem

Lc 22, 28-30

Vos estis qui permansístis mecum in tentatióibus meis,
et ego dispóno vobis Regnum, dicit Dóminus,
ut edátis et bibátis super mensam meam in Regno meo.

Post communionem

Deus, qui crucis mystérium
in sanctis martýribus tuis mirábiliter illustrásti,

concède propítius, ut, ex hoc sacrificio roboráti,
Christo fidéliter hæreámus,
et in Ecclésia ad salútem ómnium operémur.
Per Christum.

2. Pro pluribus martyribus

Ant. ad introitum

Ps 33, 20-21

Multæ tribulatiónes iustórum,
et de his ómnibus liberávit eos Dóminus.
Dóminus custódit ómnia ossa eórum,
unum ex his non conterétur.

Collecta

Omnípotens sempitérne Deus,
qui sanctis **N.** et **N.** pro Christo pati donásti,
nostræ quoque fragilitáti divínium præténde subsidium,
ut, sicut illi pro te mori non dubitárunť,
ita nos fortes in tua confessióne vívere valeámus.
Per Dóminum.

Lectiones ut infra, pp. 844-864.

Super oblata

Fiat tibi, quæsumus, Dómine,
hóstia sacránda placábilis pretiósi celebritáte martýrii,
quæ et peccáta nostra puríficet,
et tuórum tibi vota concíliet famulórum.
Per Christum.

Ant. ad communionem

Io 15, 13

Maiórem dilectiónem nemo habet,
ut ánimam suam ponat quis pro amícis suis,
dicit Dóminus.

Post communionem

Pane cælésti nutritos et in Christo unum corpus effectos,
da nos, quæsumus, Dómine,
ab eius caritate numquam separari
et, sanctorum martyrum tuorum **N.** et **N.** exemplo,
propter eum qui dilexit nos omnia fortiter superare.
Per Christum.

3. Pro pluribus martyribus**Ant. ad introitum****Ps 36, 39**

Salus iustorum a Dómino,
et protector eorum est in tempore tribulationis.

Collecta

Fraterna nos, Dómine, martyrum tuorum corona lætificet,
quæ et fidei nostræ præbeat incrementa virtutum,
et multiplici nos suffragio consoletur.
Per Dóminum.

Vel:

Beatorum martyrum **N.** et **N.**, quæsumus, Dómine,
tibi nos oratio grata commendet,
et in tuæ veritatis professione confirmet.
Per Dóminum.

Lectiones ut infra, pp. 844-864.

Super oblata

Súscipe, quæsumus, Dómine, múnera pópuli tui
pro martyrum tuorum passionibus dicata sanctorum,
et, quæ beátis **N.** et **N.**
in persecutióne fortitudinem ministrarunt,
nobis quoque præbeant inter adversa constantiam.
Per Christum.

Ant. ad communionem**Mc 8, 35**

Qui perdiderit ánimam suam propter me et Evangélium,
salvam fáciat eam, dicit Dóminus.

Post communionem

Consérva in nobis, Dómine, munus tuum,
et quod, te donánte,
pro festivitáte beatórum mártýrum **N.** et **N.** percépimus,
et salútem nobis præstet et pacem.
Per Christum.

4. Pro pluribus martyribus**Ant. ad introitum****Ps 33, 18**

Clamavérunt iusti, et Dóminus exaudivit eos,
et ex ómnibus tribulatióibus eórum liberávit eos.

Collecta

Deus, qui nos ánnua sanctórum **N.** et **N.**
festivitáte lætifícas,
concéde propítius, ut, quorum natalícia cólimus,
virtútem quoque passiónis imitémur.
Per Dóminum.

Vel:

Deus, qui sanctis **N.** et **N.**
ad hanc glóriam veniéndi copiósam
munus grátiae contulísti,
da fámulis tuis, mártýrum intercedéntibus méritis,
véniám peccatórum,
et concéde, ut ab ómnibus adversitatibus liberéntur.
Per Dóminum.

Lectiones ut infra, pp. 844-864.

Super oblata

Hóstias tibi, Dómine,
pro commemoratióne beatórum **N.** et **N.** offérimus,
suppliciter deprecántes,
ut, sicut illis præbuísti sacræ fídei claritátem,
sic nobis indulgéntiam largiáris et pacem.
Per Christum.

Ant. ad communionem**2 Cor 4, 11**

In mortem trádimur propter Iesum,
ut et vita Iesu manifestétur in carne nostra mortáli.

Post communionem

Concéde nobis, Dómine, per hæc sacraménta cæléstia,
grátiam in beatórum mártýrum **N.** et **N.**
celebritáte múltiplicem,
ut de tanti agóne certáminis discámus
et firma solidári patiéntia,
et pia exsultáre victória.
Per Christum.

5. Pro pluribus martyribus**Ant. ad introitum**

Sanguis sanctórum mártýrum
pro Christo effúsus est in terris;
ideo adépti sunt præmia sempitérna.

Collecta

Da nobis, quæsumus, Dómine,
fídei miserátus augméntum,
ut, quos sanctos mártýres tuos **N.** et **N.**
usque ad sánguinem reténta gloríficat,
nos étiam iustíficet, veráciter hanc sequéntes.
Per Dóminum.

Lectiones ut infra, pp. 844-864.

Super oblata

Sacrificiis præséntibus, Dómine, quæsumus,
inténde placátus,
ut, quod passiónis Fílii tui mystério gérimus,
beatórum **N.** et **N.** exémplic, pio consequámur afféctu.
Per Christum.

Vel:

Hæc hóstia, Dómine,
quam in beatórum **N.** et **N.** triúmphi deférimus,
corda nostra tui amóris igne iúgiter inflámmet,
et ad promíssa perseverántibus præmia dispónat.
Per Christum.

Ant. ad communionem

Cf. Rom 8, 38-39

Neque mors, neque vita, neque creatúra áliqua
póterit nos separáre a caritaté Christi.

Post communionem

Pasti, Dómine,
pretiósó Córpore et Sáanguine unigéniti Fílii tui,
da, quæsumus,
in commemoratióne beatórum mártýrum tuórum **N.** et **N.**
perseveránti caritaté in te manére,
de te vívere, et ad te movéri.
Per Christum.

6. Pro uno martyre

Ant. ad introitum

Iste Sanctus pro lege Dei sui certávit usque ad mortem,
et a verbis impiórum non tímuit;
fundátus enim erat supra firmam petram.

Collecta

Omnípotens et miséricors Deus,
qui mártirem tuum **N.**
passiónis suæ torménta superáre fecísti,
concéde, ut, qui eius triúmphi diem celebrámus,
insuperábiles tua protectióne
ab hostis insidiis maneámus.
Per Dóminum.

Lectiones ut infra, pp. 844-864.

Super oblata

Obláta múnera, quæsumus, Dómine,
tua benedictióne sanctífica,
quæ, te donánte,
nos illa flamma tuæ dilectiónis accéndat,
per quam sanctus **N.**
torménta sui córporis univérsa devícit.
Per Christum.

Vel:

Accépta tibi sint, quæsumus, Dómine, múnera,
quæ in commemoratióne beáti mártiris tui **N.** deférimus,
ut eo maiestáti tuæ sint plácita,
sicut illíus effúsió ságuinis apud te éxstitit pretiósá.
Per Christum.

Ant. ad communionem

Mt 16, 24

Qui vult veníre post me, ábneget semetípsum,
et tollat crucem suam, et sequátur me, dicit Dóminus.

Post communionem

Præstent nobis, quæsumus, Dómine,
sacra mystéria quæ sumpsimus
eam ánimi fortitúdinem,

quæ beátum **N.** mártýrem tuum
réddidit in tuo servítio fidélem et in passióne victórem.
Per Christum.

7. Pro uno martyre

Ant. ad introitum

Hic est vere martyr,
qui pro Christi nómine ságuinem suum fudit,
qui minas iúdicum non tímuit,
sed ad cæléstia regna pervénit.

Collecta

Omnípotens sempitérne Deus,
qui beáto **N.**
usque ad mortem pro iustítia certáre tribuísti,
fac nos, eius intercessióne,
pro amóre tuo ómnia advérsa toleráre
et ad te, qui solus es vita, tota virtúte properáre.
Per Dóminum.

Lectiones ut infra, pp. 844-864.

Super oblata

Clementíssime Deus,
múnera hæc tua benedictióne perfúnde
et nos in fide confírma,
quam beátus **N.** effúso ságuine asséruiť.
Per Christum.

Vel:

Hóstias tibi, Dómine,
pro commemoratióne beáti mártýris tui **N.** offérimus,
quem a tui córporis unitáte nulla tentátio separávit.
Per Christum.

Ant. ad communionem

Io 15, 5

Ego sum vitis vera et vos pálmities, dicit Dóminus;
qui manet in me et ego in eo, hic fert fructum multum.

Post communionem

Sacris, Dómine, recreáti mystériis, quásumus,
ut, miram beáti N. constántiam æmulánte,
patiéntiæ præmium cónsequi mereámur ætérnum.
Per Christum.

Aliæ orationes pro martyribus

Pro missionariis martyribus

Collecta

Maiestátis tuæ cleméntiam suppliciter deprecámur,
omnipotens et miséricors Deus,
ut, sicut Unigéniti tui agnitióem
per beatórum mártýrum N. et N. prædicatióem
populórum córdibus infudísti,
ita, eórum intercessióne, fidei stabilitáte firméntur.
Per Dóminum.

Super oblata

Mártýrum tuórum N. et N. passióem veneránte,
fac nos, Dómine, hoc sacrificio
mortem Unigéniti tui digne annuntiáre,
cui parum fuit hortári mártýres verbo,
nisi firmáret exémplo. Per Christum.

Post communionem

Cæléstibus, Dómine, pasti delíciis, súplices te rogámus,
ut, exémplo beatórum N. et N.,
caritátis et passióis Fílii tui
in méntibus nostris signa ferámus,
et perpétuæ pacis fructu iúgiter perfruámur.
Per Christum.

Pro virgine martyre

Collecta

Deus, qui nōs hōdie
beātæ **N.** ānnua commemoratiōne lætīficas,
concēde propītiū, ut eius adiuvémur méritis,
cuius castitátis et fortitúdinis irradiámur exémpis.
Per Dóminum.

Super oblata

Múnera, quæsumus, Dómine,
quæ in celebritáte beātæ **N.** deférimus,
ita grátiae tuæ efficiántur accépta,
sicut eius tibi plácitum éxstitit passiōnis certámen.
Per Christum.

Post communionem

Deus, qui beátam **N.**
pro gémina virginitátis et martýrii victória
inter Sanctos coronásti,
da, quæsumus, per huius virtútem sacraménti,
ut, omne malum fórtiter superánte,
cæléstem glóriam consequámur.
Per Christum.

Pro sancta muliere martyre

Collecta

Deus, cuius múnere virtus in infirmitáte perfícitur,
da ómnibus beātæ **N.** glóriam recoléntibus,
ut, quæ abs te sumpsit robur ut vínceret,
abs te quoque vincéndi nobis grátiam semper obtíneat.
Per Dóminum.

Super oblata

Hodiérnum, Dómine, sacrificium lætánte offerimus,
quo, beātæ **N.** cæléstem victóriam recensénte,

et tua magnália prædicámus,
et nos acquisísse gaudémus suffrágia gloriósa.
Per Christum.

Post communionem

Suméntes, Dómine, gáudia sempitérna
de participatióne sacraménti, et de memória beátæ N.,
suppliciter deprecámur,
ut, quæ sédula servitúte, donánte te, gérimus,
dignis sénsibus tuo múnere capiámus.
Per Christum.

Lectio prima

1

Zacharias, quem occidistis inter templum et altare.

Léctio libri secúndi Chronicórum

24, 18-22

In diébus illis:

Dereliquérunt templum Dómini Dei patrum suórum,
servierúntque lucis et sculptílibus, et facta est ira contra Iudam et Ierúsalem propter hoc peccátum. Mittebátque eis prophétas ut reverteréntur ad Dóminum, quos protestántes illi audíre nolébant.

Spíritus itaque Dei índuit Zachariám filium Ióiadæ sacerdotem, et stetit in conspéctu pópuli et dixit eis: « Hæc dicit Dóminus Deus: Quare transgredímmini præcéptum Dómini, quod vobis non próderit, et dereliquístis Dóminum, ut derelínqueret vos? »

Qui congregáti advérsus eum, misérunt lápides iuxta regis impérium in átrio domus Dómini. Et non est recordátus Ioas rex misericórdiæ quam fécerat Ióiada pater illíus secum, sed interfécit filium eius.

Qui, cum moreretur, ait, « Videat Dóminus et requírat ». — Verbum Dómini.

Psalmus responsorius

Ps 30, 3 cd-4. 6 et 8 ab. 16 bc-17 (R.: 6 a)

- R. In manus tuas, Dómine, comméndo spíritum meum.
- 3 Esto mihi in rupem præsidii et in domum munitam, ut salvum me fácias.
- 4 Quóniam fortitúdo mea et refúgium meum es tu, et propter nomen tuum dedúces me et pasces me. R.
- 6 In manus tuas comméndo spíritum meum; redemísti me, Dómine, Deus veritátis.
- 8 Exsultábo et lætábor in misericórdia tua, quóniam respexisti humilitátem meam. R.
- 16 Eripe me de manu inimicórum meórum et a persecuéntibus me;
- 17 illústra fáciem tuam super servum tuum, salvum me fac in misericórdia tua. R.

2

Propter timorem tuum libenter hæc patior.

Léctio libri secúndi Machabéorum 6, 18. 21. 24-31

In diébus illis:

Eleázarus unus de primóribus scribárum, vir ætáte provéctus et vultu decórus, apérto ore hians compellebátur carnem porcínam manducáre.

Hi autem qui astábant, iníqua miseratióne commóti propter antíquam viri amicítiam, tolléntes eum secréto rogábant afférri carnes, quibus vesci ei licébat, ut simularétur manducásse, sicut rex imperáverat, de sacrificií cárnibus.

« Non ætati nostræ dignum est », inquit, « fingere, ut multi adulescéntium, arbitrántes Eleázarum nonagínta annórum transísse ad vitam alienigenárum, et ipsi propter meam simulatióem et propter módicum corruptíbilis vitæ tempus decipiántur, et per hoc máculam atque exsecratióem meæ senectúti conquíram. Nam, etsi in præsénti témpore supplicíis hóminum erípiar, sed manum Omnipoténtis nec vivus nec defúctus effúgiam.

Quam ob rem fórtiter vita excedéndo, senectúte quidem dignus apparébo, adulescéntibus autem exéplum forte relínquam, si prompto ánimo ac fórtiter pro gravíssimis ac sanctíssimis légibus honésta morte perfúngar ». His dictis, conféstim ad supplicium trahebátur.

Hi autem, qui eum ducébant et paulo ante fúerant mitióre, in iram convérsi sunt propter sermónes ab eo dictos, quos illi per arrogántiam prolátos arbitrabántur.

Sed, cum plagis perimerétur, ingémuit et dixit: « Dómine, qui habes sanctam sciéntiam, manifeste tu scis quia, cum a morte possem liberári, duos córporis sustíneo dolóres; secúndum ánimam vero propter timórem tuum libénter hæc pátiór ».

Et iste quidem hoc modo vita decéssit, non solum iuvénibus, sed et univérsæ genti memóriam mortis suæ ad exéplum virtútis et fortitúdinis derelínquens.

Verbum Dómini.

Psalmus responsorius

Ps 33, 2-3. 4-5. 6-7. 8-9 (R.: 5 b)

R. Ex ómnibus terróribus meis erípuit me Dóminus.

2 Benedícam Dóminum in omni témpore,
semper laus eius in ore meo.

3 In Dómino gloriábitur ánimá mea,
áudiant mansuétí et læténtur. R.

- 4 Magnificáte Dóminum mecum,
et exaltémus nomen eius in idípsum.
- 5 Exquisívi Dóminum, et exaudívit me,
et ex ómnibus terróribus meis erípuit me. *R.*
- 6 Respícite ad eum, et illuminámini,
et fácies vestræ non confundéntur.
- 7 Iste pauper clamávit, et Dóminus exaudívit eum,
et de ómnibus tribulatió nibus eius salvávit eum. *R.*
- 8 Vallábit ángelus Dómini in circúitu timéntes eum,
et erípiet eos.
- 9 Gustáte et vidéte quóniam suávis est Dóminus;
beátus vir qui sperat in eo. *R.*

3

*Parati sumus mori, magis quam patrias Dei leges
prævaricari.*

Léctio libri secúndi Machabæórum

7, 1-2. 9-14

In diébus illis:

Cóntigit septem fratres, una cum matre sua apprehén-
sos, compélli a rege édere, contra fas, carnes porcínas,
flagris et táureis cruciátos.

Unus autem ex illis, qui erat primus, sic ait: « Quid
quæris et quid vis díscere a nobis? Paráti sumus mori,
magis quam pátrias Dei leges prævaricári ».

Secúndus autem in último spírítu constitútus sic ait:
« Tu quidem, scelestíssime, in præsénti vita nos perdis,
sed rex mundi defúntos nos pro suis légibus in æterná
vitæ resurrectione suscitábit ».

Post hunc tértius illúditur, et linguam postulátus
cito prótulit et manus constánter exténdit, et cum fidúcia
ait: « E cælo ista possídeo, sed propter Dei leges nunc
hæc ipsa despício, quóniam ab ipso me ea receptúrum
spero »; ita ut rex et qui cum ipso erant miraréntur adu-

lescéntis ánimum, quod tamquam níhilum dúceret cruciátus.

Et hoc ita defúncto, quartum vexábant simíliter torquéntes; et, cum iam esset ad mortem, sic ait: « Pótius est ab homínibus morti datos spem exspectáre a Deo, íterum ab ipso resuscitándos; tibi enim resurréctio ad vitam non erit ». — Verbum Dómini.

Psalmus responsorius Ps 123, 2-3. 4-5. 7 b-8 (R.: 7 a)

R. Anima nostra sicut passer erepta est
de láqueo venántium.

2 Nisi quia Dóminus erat in nobis,
cum exsúrgerent hómines in nos.

3 Forte vivos deglutíssent nos,
cum irascerétur furor eórum in nos. R.

4 Fórsitan aqua absorbuísset nos,
torrens pertransísset ánimam nostram,
5 fórsitan pertransísset ánimam nostram
aquæ intumescéntes. R.

7 Láqueus contrítus est,
et nos erepti sumus.

8 Adiutórium nostrum in nómine Dómini,
qui fecit cælum et terram. R.

4

*Mater mirabilis, quæ bono animo ferebat
propter spem quam in Deum habebat.*

Léctio libri secúndi Machabæórum

In diébus illis:

7, 1. 20-23. 27 b-29

Cóntigit septem fratres, una cum matre sua apprehénsos, compélli a rege édere, contra fas, carnes porcínas, flagris et táureis cruciátos.

Supra modum autem mater mirabilis et bonorum memoria digna, quæ pereúntes septem filios sub unius diéi témpore conspiciens, bono ánimo ferébat propter spem quam in Deum habébat; singulos illórum hortabátur voce pátria fórtiter repléta sapiéntia, et, femíneæ cogitatióni masculínium ánimum ínserens, dixit ad eos:

« Nésco quáliter in útero meo apparuístis, neque enim ego spíritum et ánimam donávi vobis et vitam, et singulórum membra non ego ipsa compégi; sed enim mundi créator, qui formávit hóminis nativitátem, quique ómnium invénit oríginem, et spíritum vobis íterum cum misericórdia reddet et vitam, sicut nunc vosmetípsos despícitis propter leges eius ».

Adulescentióri autem dixit:

« Fili mi, miserére mei, quæ te in útero novem mén-sibus portávi et lac triénio dedi et álui, et in ætátem istam perdúxi. Peto, nate, ut aspicias ad cælum et terram et ad ómnia, quæ in eis sunt, et intéllegas quia ex níhilo fecit illa Deus et hóminum genus. Ita fiet, ut non tíneas carníficem istum, sed dignus frátribus tuis efféctus párticeps, súscipe mortem, ut in illa miseratióne cum frátribus tuis te recípiam ».

Verbum Dómini.

Psalmus responsorius

Ps 30, 3 cd-4. 6 et 8 ab. 16 bc-17 (R.: 6 a)

R. In manus tuas, Dómine,
comméndo spíritum meum.

³ Esto mihi in rupem præsidii et in domum munitam,
ut salvum me fácias.

⁴ Quóniam fortitúdo mea et refúgium meum es tu,
et propter nomen tuum dedúces me et pasces me. **R.**

- ⁶ In manus tuas comméndo spíritum meum;
redemísti me, Dómine, Deus veritátis.
- ⁸ Exsultábo et lætabor in misericórdia tua,
quóniam respexisti humilitátem meam. *R.*
- ¹⁶ Eripe me de manu inimicórum meórum
et a persecuéntibus me;
- ¹⁷ illústra fáciem tuam super servum tuum,
salvum me fac in misericórdia tua. *R.*

5

Quasi holocausti hostiam accepit illos.

Léctio libri Sapiéntiæ

3, 1-9

Iustórum ánimæ in manu Dei sunt, et non tanget illos torméntum mortis. Visi sunt óculis insipiéntium mori, et æstimáta est afflictió éxitus illórum, et, quod a nobis est iter, exterminium; illi autem sunt in pace; et si coram homínibus torménta passi sunt, spes illórum immortalité plena est.

In paucis vexáti, in multis bene disponéntur, quóniam Deus tentávit eos et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum.

Fulgébunt iusti, et tamquam scintíllæ in arundinéto discúrrunt; iudicábunt nátiónes et dominabúntur pópulis, et regnábit Dóminus illórum in perpétuum.

Qui confidunt in illo intéllegent veritátem, et fidéles in dilectióne acquiescent illi, quóniam donum et pax est eléctis eius.

Verbum Dómini.

Psalmus responsorius

Ps 125, 1-2 ab. 2 cd-3. 4-5. 6 (R.: 5)

R. Qui sémant in lácrimis, in exsultatióne metent.

1 In converténdo Dóminus captivitátem Sion,
facti sumus quasi somniántes.2 Tunc replétum est gáudio os nostrum,
et lingua nostra exsultatióne. R.

Tunc dicébant inter gentes:

« Magnificávit Dóminus fácere cum eis ».

3 Magnificávit Dóminus fácere nobíscum;
facti sumus lætántes. R.4 Convérte, Dómine, captivitátem nostram,
sicut torréntes in austro.5 Qui sémant in lácrimis,
in exsultatióne metent. R.6 Eúntes ibant et flebant,
semen spargéndum portántes;
veníentes autem vénient in exsultatióne,
portántes manípulos suos. R.

6

*Liberasti me secundum multitudinem misericordiæ
nominis tui.*

Léctio libri Sirácidæ

51, 1-12

Confitébor tibi, Dómine rex, et collaudábo te Deum
salvatórem meum. Confitébor nómini tuo, quóniam adiú-
tor et protéctor factus es mihi et liberásti corpus meum
a perditiónē, a láqueo linguæ iníquæ, et a lábiis operán-
tium mendácium, et in conspéctu astántium factus es
mihi adiutor.

Et liberásti me, secúndum multitudínem misericórdiæ nóminis tui, a rugiéntibus præparátis ad escam, de máni-bus quæréntium ánimam meam, et de portis tribulatió-num, quæ circumdedérunt me, a pressúra flammæ, quæ circumdedit me, et in médio ignis non sum æstuátus; de altitúdine ventris ínferi, et a lingua coinquináta et a verbo mendácii, a rege iníquo et a lingua iniústa.

Laudábit usque ad mortem ánima mea Dóminum, et vita mea appropínquans erat in inférno deórsum.

Circumdedérunt me úndique, et non erat qui adiu-váret; respiciens eram ad adiutórium hóminum, et non erat. Memorátus sum misericórdiæ tuæ, Dómine, et ope-ratiónis tuæ quæ a sáculo sunt, quóniam éruis susti-néntes te, Dómine, et líberas eos de mánibus géntium.

Verbum Dómini.

Psalmus responsorius **Ps 123, 2-3. 4-5. 7 b-8 (R. 7 a)**

R. Anima nostra sicut passer erépta est
de láqueo venántium.

Nisi quia Dóminus erat in nobis,
cum exsúrgerent hómines in nos.
Forte vivos deglutísset nos,
cum irascerétur furor eórum in nos. **R.**

Fórsitan aqua absorbuísset nos,
torrens pertransísset ánimam nostram,
fórsitan pertransísset ánimam nostram
aquæ intumescéntes. **R.**

Láqueus contrítus est,
et nos erépti sumus.
Adiutórium nostrum in nómine Dómini,
qui fecit cælum et terram. **R.**

Lectio secunda

1

Gloriamur in tribulationibus.

Léctio Epístolæ beāti Pauli apóstoli ad Romános

5, 1-5

Fratres:

Iustificáti ex fide, pacem habémus ad Deum per Dóminum nostrum Iesum Christum, per quem et accés-sum habémus fide in grátiam istam, in qua stamus et gloriámur in spe glóriæ Dei.

Non solum autem, sed et gloriámur in tribulatió-nibus, sciéntes quod tribulátio patiéntiam operátur, pa-tiéntia autem probatióem, probatio vero spem; spes autem non confúndit, quia caritas Dei diffúsa est in córdibus nostris per Spíritum Sanctum, qui datus est nobis. — Verbum Dómini.

2

*Neque mors neque vita poterit nos separare
a caritate Dei.*

Léctio Epístolæ beāti Pauli apóstoli ad Romános

8, 31 b-39

Fratres:

Si Deus pro nobis, quis contra nos? Qui Fílio suo non pepércit, sed pro nobis ómnibus trádedit illum, quómodo non étiam cum illo ómnia nobis donábit? Quis accusá-bit advérsus eléctos Dei? Deus qui iustificat. Quis est qui condémnet? Christus Iesus, qui mórtuus est, immo qui suscitátus est, qui et est ad dexteram Dei, qui étiam interpéllat pro nobis.

Quis nos separábit a caritatē Christi? tribulatio, an angústia, an persecutio, an fames, an nuditās, an periculum, an gladius? sicut scriptum est: « Propter te mortificámur tota die, æstimáti sumus ut oves occisiónis ».

Sed in his ómnibus supervíncimus per eum qui diléxit nos. Certus sum enim quia neque mors neque vita, neque ángeli neque principátus neque instántia neque futúra, neque virtútes neque altitúdo neque profúndum, neque ália quælibet creatúra póterit nos separáre a caritatē Dei, quæ est in Christo Iesu Dómino nostro.

Verbum Dómini.

3

Mortificationem Iesu in corpore ferentes.

Lectio Epístolæ secúndæ beáti Pauli apóstoli
ad Corínthios

4, 7-15

Fratres:

Habémus thesáurum grátiae in vasis fictílibus, ut sublímitas sit virtútis Dei et non ex nobis. In ómnibus tribulatióem pátimur, sed non angustíamur; aporiámur, sed non destitúimur; persecutióem pátimur, sed non derelínquimur; deícimur, sed non perímus; semper mortificatióem Iesu in córpore circumferétes, ut et vita Iesu in córpore nostro manifestétur.

Semper enim nos, qui vívimus, in mortem trádímur propter Iesum, ut et vita Iesu manifestétur in carne nostra mortáli. Ergo mors in nobis operátur, vita autem in vobis.

Habétes autem eúndem spíritum fidei, sicut scriptum est: « Crédidi, propter quod locútus sum »; et nos crédimus, propter quod et lóquimur, sciétes quóniam qui suscitávit Dóminum Iesum, et nos cum Iesu suscitábit, et constituet vobíscum.

Omnia enim propter vos, ut grátia abúndans per multos gratiárum actiõem abundáre fáciat in glóriam Dei. Verbum Dómini.

4

Quasi morientes, et ecce vivimus.

Léctio Epístolæ secúndæ beáti Pauli apóstoli
ad Corínthios

6, 4-10

Fratres:

In ómnibus exhibeámus nosmetípsos sicut Dei minístros in multa patiéntia, in tribulatióibus, in necessitatibus, in angústiiis, in plagis, in carcéribus, in seditióibus, in labóribus, in vigíliis, in ieiúniis, in castitate, in sciéntia, in longanimitate, in suavitate, in Spíritu Sancto, in caritate non ficta, in verbo veritátis, in virtúte Dei; per arma iustítiæ a dextris et sinístris, per glóriam et ignobilitátem, per infámiam et bonam famam; ut seductóres, et veráces; sicut qui ignóti, et cógnoti; quasi moriéntes, et ecce vívimus; ut castigáti, et non mortificáti; quasi tristes, semper autem gaudéntes; sicut egéntes, multos autem locupletántes; tamquam nihil habéntes, et ómnia possidéntes. — Verbum Dómini.

5

*Omnes qui volunt pie vivere in Christo Iesu
persecutionem patientur.*

Léctio Epístolæ secúndæ beáti Pauli apóstoli
ad Timótheum

2, 8-13; 3, 10-12

Caríssime:

Memor esto Iesum Christum resuscitátum esse a mórtuis ex sémine David secúndum Evangélium meum,

in quo labóro usque ad víncula quasi male óperans; sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória æténa.

Fidélis sermo: nam, si commórtui sumus, et convívemus; si sustinémus, et conregnábimus; si negábimus, et ille negábit nos; si non crédimus, ille fidélis manet: negáre enim seípsum non potest.

Tu autem assecútus es meam doctrínam, institutió-nem, propósitum, fidem, longanimitátem, dilectiódinem, paciéntiam, persecutiónes, passiónes, quália mihi facta sunt Antiochiæ, Iconii, Lystris, quales persecutiónes sustínui; et ex ómnibus me erípuit Dóminus. Et omnes qui volunt pie vívere in Christo Iesu persecutió-nem patiéntur. — Verbum Dómini.

6

Magnum certamen sustinuistis passionum.

Léctio Epístolæ ad Hebræos

10, 32-36

Fratres:

Rememorámini prístinos dies, in quibus illumináti magnum certámen sustinuístis passiónum; et in áltero quidem oppróbriis et tribulatió-nibus spectáculum facti, in áltero autem sócii táliter conversántium effécti.

Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliódrem substántiam et manéntem. Nolíte itaque abícere confidéntiam vestram, quæ magnam habet remuneratió-nem. Paciéntia enim vobis necessária est, ut voluntátem Dei faciéntes reportétis promissió-nem.

Verbum Dómini.

7

Beatus vir qui suffert tentationem.

Léctio Epístolæ beáti Iacóbi apóstoli 1, 2-4. 12

Omne gáudium existimáte, fratres mei, cum in tentatióibus váriis incidéritis, sciéntes quod probátio fidei vestræ patiéntiam operátur.

Patiéntia autem opus perféctum hábeat, ut sitis perfécti et íntegri, in nullo deficientes.

Beátus vir qui suffert tentatióem, quia, cum probátus fúerit, accípiet corónam vitæ, quam repromísit Deus diligéntibus se. — Verbum Dómini.

8

Timorem eorum ne timueritis et non conturbemini.

Léctio Epístolæ primæ beáti Petri apóstoli 3, 14-17

Caríssimi:

Si patímini propter iustítiam, beáti. « Timórem autem eórum ne timuéritis et non conturbémini »

Dóminum autem Christum sanctificáte in córdibus vestris, paráti semper ad defensióem omni poscénti vos ratióem de ea, quæ in vobis est, spe; sed cum mansuetú-dine et timóre, consciéntiam habéntes bonam, ut in quo de vobis detrectátur confundántur qui calumniántur vestram bonam in Christo conversatióem.

Mélius est enim benefaciéntes, si velit volúntas Dei, pati quam malefaciéntes. — Verbum Dómini.

9

Communicatis Christi passionibus gaudete.

Léctio Epístolæ primæ beāti Petri apóstoli 4, 12-19

Caríssimi, nolíte mirári in fervóre, qui ad tentatió-
nem vobis fit, quasi novi áliquid vobis contíngat; sed
quemádmódum communicátis Christi passióibus gau-
déte, ut et in revelatióne glóriæ eius gaudeátis exsul-
tántes.

Si exprobrámini in nómine Christi, beāti; quóniam
Spíritus glóriæ et Dei super vos requiéscit. Nemo enim
vestrum patiátur quasi homicída aut fur aut maléficus
aut alienórum speculátor. Si autem ut christiánus, non
erubéscat, gloríficet autem Deum in isto nómine.

Quóniam tempus est, ut incípiat iudícium a domo
Dei. Si autem primum a nobis, quis finis eórum qui
non credunt Dei Evangélio? Et, si iustus vix salvátur,
ímpius et peccátor ubi parébit? Itaque et hi qui patiún-
tur secúndum voluntátem Dei, fidéli Creatóri commén-
dent ánimas suas in benefácto. — Verbum Dómini.

10

*Hæc est victoria, quæ vicit mundum,
fides nostra.*

Léctio Epístolæ primæ beāti Ioánnis apóstoli 5, 1-5

Caríssimi:

Omnis qui credit quóniam Iesus est Christus, ex
Deo natus est; et omnis, qui diligit Deum qui génuít,
diligit et eum qui natus est ex eo.

In hoc cognóscimus quóniam diligimus natos Dei,
cum Deum diligámus et mandáta eius faciámus. Hæc est
enim cáritas Dei, ut mandáta eius servémus; et mandáta
eius grávia non sunt.

Quóniam omne quod natum est ex Deo vincit mundum, et hæc est victória, quæ vicit mundum, fides nostra. Quis est qui vincit mundum, nisi qui credit quóniam Iesus est Fílius Dei? — Verbum Dómini.

Evangelium

1

Alleluia

Mt 5, 10

℞. Allelúia. ⁊. Beáti qui persecutiónem patiúntur
propter iustítiam,
quóniam ipsórum est Regnum cælórum.
℞. Allelúia.

*Ad præsides et ad reges ducemini propter me,
in testimonium illis et gentibus.*

✠ Lécio sancti Evangélii secúndum Matthæum

10, 17-22

In illo témpore:

Dixit Iesus Apóstolis suis: « Cavéte ab homínibus; tradent enim vos in concíliis, et in synagógis suis flagellábunt vos, et ad præsides et ad reges ducémini propter me, in testimónium illis et géntibus.

Cum autem tradent vos, nolíte cogitare quómodo aut quid loquámini; dábitur enim vobis in illa hora quid loquámini.

Non enim vos estis qui loquámini, sed Spíritus Patris vestri qui lóquitur in vobis; tradet autem frater fratrem in mortem, et pater fílium, et insúrgent filii in paréntes et morte eos affícient, et éritis ódio ómnibus propter nomen meum; qui autem perseveráverit in finem, hic salvus erit ». — Verbum Dómini.

2

Alleluia

Iac 1, 12

℟. Allelúia. ∿. Beátus vir qui suffert tentatióem,
quóniam, cum probátus fúerit,
accípiet corónam vitæ. ℟. Allelúia.

Nolite timere eos qui occidunt corpus.

✠ Lécio sancti Evangélíi secúndum Mattháeum

10, 28-33

In illo témpore:

Dixit Iesus Apóstolis suis: « Nolíte timére eos qui occídunt corpus, ánimam autem non possunt occídere; sed pótius eum timéte qui potest et ánimam et corpus pérdere in gehénna.

Nonne duo pásseres asse véneunt? Et unus ex illis non cadet super terram sine Patre vestro. Vestri autem et capílli cápitis omnes numeráti sunt. Nolíte ergo timére: multis passéribus melióres estis vos.

Omnis ergo qui confitébitur me coram homínibus, confitébor et ego eum coram Patre meo, qui est in cælis. Qui autem negáverit me coram homínibus, negábo et ego eum coram Patre meo, qui est in cælis ».

Verbum Dómini.

3

Alleluia

Mt 5, 10

℟. Allelúia. ∿. Beáti qui persecutióem patiúntur
propter iustítiam,
quóniam ipsórum est Regnum cælórum,
℟. Allelúia.

Non veni pacem mittere, sed gladium.

✠ Lécio sancti Evangélii secúndum Matthæum

10, 34-39

In illo témpore:

Dixit Iesus Apóstolis suis: « Nolíte arbitrári quia vénerim mittere pacem in terram: non veni pacem mittere, sed gládium; veni enim “ separáre hóminem advérsus patrem suum, et fíliam advérsus matrem suam, et nurum advérsus socrum suam; et inimíci hóminis doméstici eius ”.

Qui amat patrem aut matrem plus quam me, non est me dignus, et qui amat fílium aut fíliam super me, non est me dignus; et qui non áccipit crucem suam et séquitur me, non est me dignus.

Qui invénerit ánimam suam perdet illam, et qui perdiderit ánimam suam propter me, invéniet eam ».

Verbum Dómini.

4

Alleluia

1 Petr 4, 14

℞. Allelúia. ♿. Si exprobrámini in nómine Christi,
beáti éritis,
quóniam Spíritus Dei super vos requiéscit.
℞. Allelúia.

*Qui perdiderit animam suam propter me,
hic salvam faciet illam*

✠ Lécio sancti Evangélii secúndum Lucam 9, 23-26

In illo témpore:

Dicébat Iesus ad omnes: « Si quis vult post me veníre, ábneget se ipsum et tollat crucem suam cotídie, et sequátur me.

Qui enim volúerit ánimam suam salvam fácere, perdet illam: qui autem perdíderit ánimam suam propter me, hic salvam fáciet illam.

Quid enim próficit homo, si lucrétur univérsum mundum, se autem ipsum perdat et detriméntum sui fáciat?

Nam qui me erubúerit et meos sermónes, hunc Fílius hóminis erubéscet, cum vénerit in glória sua, et Patris et sanctórum angelórum ».

Verbum Dómini.

5

Alleluia

Iac 1, 12

℞. Allelúia. ʒ. Beátus vir qui suffert tentatióem, quóniam, cum probátus fúerit, accípiet corónam vitæ. ℞. Allelúia.

*Si granum frumenti mortuum fuerit,
multum fructum affert.*

✠ Lécio sancti Evangélii secúndum Ioánnem 12, 24-26

In illo témpore:

Dixit Iesus discípulis suis: « Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam perdit eam, et qui odit ánimam suam in hoc mundo in vitam ætérnam custódiét eam.

Si quis mihi minístrat, me sequátur; et ubi sum ego, illic et miníster meus erit. Si quis mihi ministráverit, honorificábit eum Pater ». — Verbum Dómini.

6

Alleluia

℞. Allelúia. ∿. Te Deum laudámus, te Dóminum confitémur;
te mártýrum candidátus laudat exércitus.
℞. Allelúia.

Si me persecuti sunt, et vos persequentur.

✠ Lécio sancti Evangélii secúndum Ioánnem 15, 18-21

In illo témpore:

Dixit Iesus discíulis suis: « Si mundus vos odit, scitóte quia me priórem vobis ódio hábuit. Si de mundo essétis, mundus quod suum est dilígeret; quia vero de mundo non estis, sed ego elégi vos de mundo, proptérea odit vos mundus.

Mementóte sermónis quem ego dixi vobis: “ Non est servus maior dómīno suo ”.

Si me persecúti sunt, et vos persequéntur; si sermónem meum servavérunt, et vestrum servábunt. Sed hęc ómnia fácient vobis propter Nomen meum, quia nésciunt eum qui misit me ».

Verbum Dómini.

7

Alleluia

2 Cor 1, 3 b-4 a

℞. Allelúia. ∿. Pro eis sanctífico meípsum,
dicit Dóminus,
ut sint et ipsi sanctificáti in veritáte.
℞. Allelúia.

Mundus odio eos habuit.

✠ Lécio sancti Evangélii secúndum Ioánnem

17, 11 b-19

In illo témpore:

Sublevátis Iesus óculis in cælum, orávit dicens: « Pater sancte, serva eos in Nómine tuo, quod dedísti mihi, ut sint unum sicut nos. Cum essem cum eis, ego servábam eos in Nómine tuo. Quos dedísti mihi et custodívi, et nemo ex his périit, nisi filius perditionis, ut Scriptúra impleátur. Nunc autem ad te vénio et hæc loquor in mundo, ut hábeant gáudium meum implétum in semet-ípsis.

Ego dedi eis sermónem tuum, et mundus ódio eos hábuit, quia non sunt de mundo, sicut ego non sum de mundo.

Non rogo ut tollas eos de mundo, sed ut serves eos ex Malo. De mundo non sunt, sicut ego non sum de mundo.

Sanctífica eos in veritáte. Sermo tuus véritas est.

Sicut me misísti in mundum, et ego misi eos in mundum. Et pro eis ego sanctífico me ipsum, ut sint et ipsi sanctificáti in veritáte ». — Verbum Dómini.

COMMUNE PASTORUM

1. Pro papis, vel pro episcopis

Ant. ad introitum

Elégit eum Dóminus sibi
in sacerdotem magnum,
et apériens thesáurum suum
abundáre eum fecit ómnibus bonis.

Collecta (pro papis)

Omnípotens sempitérne Deus,
qui beátum **N.** cuncto pópulo tuo præesse,
ac verbo et exémplo prodésse voluísti,
eódem intercedénte,
pastóres Ecclésiæ tuæ
cum grégibus sibi commíssis custódi
et dírige in viam salútis æternæ.
Per Dóminum.

Vel (pro episcopis):

Deus, qui Ecclésiæ tuæ in beáto **N.**
boni pastóris exémplum providére dignátus es,
concéde propítius,
ut, eius intercessióne,
in loco páscuæ tuæ perpétuo collocári mereámur.
Per Dóminum.

Lectiones ut infra, pp. 879-909.

Super oblata

Laudis tibi, Dómine, hóstias offérimus
in tuórum commemoratióne Sanctórum,
quibus nos et præsentibus éxui malis confídimus,
et futúris. Per Christum.

Ant. ad communionem

Cf. Io 10, 11

Pastor bonus ánimam suam pósuit pro óvibus suis.

Post communionem

Sacraménta quæ sumpsimus, Dómine Deus noster,
in nobis foveant caritátis ardórem,
quo beátus N. vehementer accénsus
pro Ecclesiá tua se iúgiter impendébat. Per Christum.

2. Pro papis, vel pro episcopis

Ant. ad introitum

Cf. Sir 45, 30

Státuit ei Dóminus testaméntum pacis,
et princípem fecit eum,
ut sit illi sacerdótii dígnitas in ætérnum.

Collecta (pro papis)

Deus, qui beátum N.,
quem totíus Ecclesiæ præstitísti esse pastórem,
miro virtútis et doctrínæ splendóre coruscáre fecísti,
da nobis talis epíscopi mérita venerántibus,
ut per bona ópera lucére coram homínibus
et per amórem ardére coram te valeámus.
Per Dóminum.

Vel (pro episcopis):

Da nobis, quæsumus, omnípotens Deus,
beáti N. epíscopi digne memóriam venerári,
et, sicut illum quibus præerat,
verbo et exémplo prodésse voluísti,
ita ipsíus apud te
semper intercessiónis suffrágia sentiámus.
Per Dóminum.

Lectiones ut infra, pp. 879-909.

Super oblata

Annue nobis, quæsumus, Dómine,
ut, in hac festivitáte beáti **N.**,
hæc nobis prosit oblátio,
quam immolándo
totíus mundi tribuísti relaxári delicta.
Per Christum.

Ant. ad communionem**Io 21, 17**

Dómine, tu ómnia nosti; tu scis quia amo te.

Post communionem

Acceptórum múnere virtus, Dómine Deus,
in hac festivitáte beáti **N.** nobis efféctus ímpleat,
ut simul et mortális vitæ subsidium cónferat,
et gáudium perpétuæ felicitátis obtíneat.
Per Christum.

3. Pro episcopis**Ant. ad introitum****Ez 34, 11. 23-24**

Visitábo oves meas, dicit Dóminus,
et suscitábo pastórem qui pascat eas:
ego autem Dóminus ero eis in Deum.

Collecta

Omnípotens sempitérne Deus,
qui beátum **N.** episcopum
plebi tuæ sanctæ præesse voluísti,
quæsumus, ut, eius suffragántibus méritis,
pietátis tuæ grátiam largiáris.
Per Dóminum.

Lectiones ut infra, pp. 879-909.

Super oblata

Hóstias, quæsumus, Dómine, quas in festivitáte beáti **N.** sacris altáribus exhibémus, propítius réspice, ut, nobis indulgéntiam largiéndò, tuo nómini dent honórem.
Per Christum.

Ant. ad communionem**Io 15, 16**

Non vos me elegístis, dicit Dóminus;
sed ego elégi vos, et pósui vos ut eátis,
et fructum afferátis, et fructus vester máneat.

Post communionem

Refécti sacris mystériis, Dómine, humíliter deprecámur, ut, beáti **N.** exémplo, studeámus confitéri quod crédidit, et ópere exercére quod dócuit.
Per Christum.

4. Pro episcopis**Ant. ad introitum****1 Sam 2, 35**

Suscitábo mihi sacerdotem fidélem,
qui iuxta cor meum et ánimam meam fáciat,
dicit Dóminus.

Collecta

Deus, qui beátum **N.** divína caritáte flagrántem, fidéque, quæ vincit mundum, insígnem, sanctis Pastóribus mirabíliter aggregásti, præsta, quæsumus, ut, ipso intercedénte, nos quoque, in fide et caritáte perseverántes, eius glóriæ consórtes fieri mereámur.
Per Dóminum.

Lectioes ut infra, pp. 879-909.

Super oblata

Súscipe, Dómine, hæc múnera pópuli tui,
quæ tibi in beáti **N.** festivitáte offérimus,
ut per éadem, sicut confidimus,
tuæ pietátis sentiámus auxílium.
Per Christum.

Ant. ad communionem**Io 10, 10**

Ego veni ut vitam hábeant,
et abundántius hábeant, dicit Dóminus.

Post communionem

Córpore sacri et pretiósi Sánguini alimónia repléti,
quæsumus, Dómine Deus noster,
ut, quod pia devotióne gérimus,
certa redemptione capiámus.
Per Christum.

5. Pro pastoribus**Ant. ad introitum****Lc 4, 18**

Spíritus Dómini super me: propter quod unxit me,
evangelizáre paupéribus misit me,
sanáre contrítos corde.

Collecta

Deus, fidélium lumen et pastor animárum,
qui beátum **N.** (episcopum) in Ecclésia posuísti,
ut oves tuas verbo pásceret et informáret exémplo,
da nobis, eius intercessióne,
et fidem serváre, quam verbo dócuit,
et viam sequi, quam exémplo monstrávit.
Per Dóminum.

Lectiones ut infra, pp. 879-909.

Super oblata

Maiestatem tuam suppliciter imploramus,
omnipotens Deus, ut, sicut gloriam divinae potentiae
munera pro Sanctis oblata testantur,
sic nobis effectum tuae salvationis impendant.
Per Christum.

Ant. ad communionem**Mt 28, 20**

Ecce ego vobiscum sum omnibus diebus,
usque ad consummationem saeculi, dicit Dominus.

Post communionem

Sumpta mysteria, quaesumus, Domine,
aeternis nos praeparent gaudiis,
quae beatus N. fidei dispensatione promeruit.
Per Christum.

Vel:

Refectione sacra enutritos,
fac nos, omnipotens Deus,
exempla beati N. iugiter sequentes,
te perpeti devotione colere,
et indefessa omnibus caritate proficere.
Per Christum.

6. Pro pastoribus**Ant. ad introitum****Ier 3, 15**

Dabo vobis pastores iuxta cor meum,
et pascent vos scientia et doctrina.

Vel:**Dan 3, 84. 87**

Sacerdotes Dei, benedicite Dominum;
sancti et humiles corde, laudate Deum.

Collecta

Deus, qui beátos (epíscopos) **N.** et **N.**
ad pascéndum pópulum tuum
spíritu veritátis et dilectiónis implevísti,
præsta, ut, quorum festivitátem venerádo ágimus,
eórum imitatióne proficiámus,
et intercessióne sublevémur. Per Dóminum.

Lectiones ut infra, pp. 879-909.

Super oblata

Súscipe, quæsumus, Dómine, hoc sacrificium pópuli tui,
ut, quod tibi in honóre beatórum **N.** et **N.**
offértur ad glóriam, nobis tríbuas ad salútem perpétuam.
Per Christum.

Ant. ad communionem

Mt 20, 28

Fílius hóminis non venit ministrári, sed ministráre,
et dare ánimam suam redemptiόνem pro multis.

Post communionem

Súmpsimus, Dómine, sanctórum tuórum **N.** et **N.**
memóriam celebrátes, sacraménta cæléstia;
præsta, quæsumus, ut, quod temporáliter gérimus,
ætérnis gáudiis consequámur. Per Christum.

7. Pro pastoribus

Ant. ad introitum

Ps 131, 9

Sacerdótes tui, Dómine, induant iustítiam,
et sancti tui exsúltent.

Collecta

Súpplīces te rogámus, omnípotens Deus,
ut, intercedéntibus sanctis tuis **N.** et **N.**,
et tua in nobis dona múltīplices,
et témpora nostra in pace dispónas. Per Dóminum.

Lectiones ut infra, pp. 879-909.

Super oblata

Præténde múnera, quæsumus, Dómine,
altáribus tuis pro beatórum tuórum **N.** et **N.**
commemoratíone propósita,
ut, sicut per hæc beáta mystéria illis glóriam contulísti,
ita nobis indulgéntiam largiáris.
Per Christum.

Ant. ad communionem

Mt 24, 46-47

Beátus servus, quem, cum vénerit Dóminus,
invénerit vigilántem; amen dico vobis,
super ómnia bona sua constituet eum.

Vel:

Lc 12, 42

Fidélis servus et prudens,
quem constituit Dóminus super familiam suam,
ut det illis in témpore trítici mensúram.

Post communionem

Mensa cæléstis, omnípotens Deus,
in ómnibus festivitátem beatórum **N.** et **N.** celebrántibus
supérnas vires firmet et áugeat,
ut et fidei donum íntegrum custodiámus,
et per osténsus salutis tráitem ambulémus.
Per Christum.

8. Pro fundatoribus Ecclesiarum

Ant. ad introitum

Is 59, 21; 56, 7

Dicit Dóminus: Sermónes mei, quos dedi in os tuum,
non defícient de ore tuo,
et múnera tua accépta erunt super altáre meum.

Collecta

Omnípotens et miséricors Deus,
qui beáti **N.** prædicatióne
patres nostros illumináre dignátus es,
concéde nobis, quæsumus,
ut, qui christiáno gloriámur nómine,
fidem quam profitémur iúgiter opéribus ostendámus.
Per Dóminum.

Vel:

Réspice, Dómine, famíliam tuam,
quam beátus **N.** (epíscopus) génuit verbo veritátis,
et vitæ áluit sacraménto,
ut, quos grátia tua fecit illíus ministério fidéles,
fáciat eiúsdem précibus in caritáte fervéntes.
Per Dóminum.

Lectiones ut infra, pp. 879-909.

Super oblata

Annue, quæsumus, omnípotens Deus,
ut hæc sacrificia pópuli tui,
quæ tibi in commemoratióne beáti **N.** offérimus,
donis cæléstibus propitiátus immisceas.
Per Christum.

Ant. ad communionem**Mc 10, 45**

Fílius hóminis venit, ut daret ánimam suam
redemptiόνem pro multis.

Post communionem

Súmpsimus, Dómine, pignus redemptiόνis ætérynæ,
beáti **N.** festivitáte lætántes,
quod sit nobis, quæsumus,
vitæ præsentis auxílium páriter et futúræ.
Per Christum.

9. Pro fundatoribus Ecclesiarum

Ant. ad introitum

Isti sunt viri sancti,
quos elégit Dóminus in caritaté non ficta;
et dedit illis glóriam sempitérnám,
quorum doctrína fulget Ecclésia.

Collecta

Réspice, quásumus, Dómine,
ad tuam benígnus Ecclésiam **N.**
et, cui per apostólicam sanctórum **N.** et **N.** sollicitúdinem
religiónis exórdium donásti,
per eórum intercessiόnem,
tribue contínuum christiánæ pietátis afféctum.
Per Dóminum.

Vel:

Deus, qui beáti **N.** (epíscopi) prædicatiόne
patres nostros vocásti in admirábile Evangélii lumen,
fac, ut, eius intercessiόne,
crescámus in grátia
et cognitiόne Dómini nostri Iesu Christi, Fílii tui.
Qui tecum vivit.

Lectiones ut infra, pp. 879-909.

Super oblata

Súscipe, quásumus, Dómine, múnera pópuli tui,
pro sanctórum tuórum **N.** et **N.** festivitáte deláta,
et sincéro nos corde pérfice benígnus accéptos.
Per Christum.

Ant. ad communionem

Io 15, 15

Iam non dicam vos servos,
quia servus nescit quid fáciat dóminus eius,

dicit Dóminus. Vos autem dixi amícos,
quia ómnia quaecúmque audívi a Patre meo,
nota feci vobis.

Post communionem

Lætíficet nos accéptum de altári salutáre tuum, Dómine,
in sanctórum **N.** et **N.** festivitáte,
qua, de tuis benefíciis solliciti,
pretiósá fidei nostræ inítia venerámur,
et te in Sanctis tuis mirábilem prædicámus.
Per Christum.

10. Pro missionariis

Ant. ad introitum

Isti sunt viri sancti facti amíci Dei,
divinæ veritátis præcónio gloriósi.

Collecta

Deus, qui per beátum **N.** (episcopum)
infidèles pópulos
de ténebris ad lucem veritátis veníre tribuísti,
da nobis, eius intercessióne,
in fidei stabilitáte consístere,
et in spe Evangélii, quod prædicávit,
constántes permanére. Per Dóminum.

Vel:

Omnípotens sempitérne Deus,
qui huius diéi lætítiam
in beáti **N.** glorificatióne consecrásti,
concéde propítius,
ut fidem illam, quam inexplébili stúdio semper assérui,
iúgiter retinére et ópere complére studeámus.
Per Dóminum.

Lectiones ut infra, pp. 879-909.

Super oblata

Réspice quas offérimus hóstias,
omnípotens Deus,
in beáti **N.** festivitáte, et præsta,
ut, qui domínicæ passiónis mystéria celebrámus,
imitémur quod ágimus.
Per Christum.

Ant. ad communionem

Ez 34, 15

Ego pascam oves meas,
et ego eas accubáre faciám, dicit Dóminus.

Post communionem

Huius mystérii virtúte,
confirma, Dómine,
fámulos tuos in fide veritátis,
ut eam ubique ore et ópere confiteántur,
pro qua beátus **N.** laboráre non déstitit
et vitam suam impéndit.
Per Christum.

11. Pro missionariis

Ant. ad introitum

Is 52, 7

Quam pulchri super montes
pedes annuntiántis et prædicántis pacem,
annuntiántis bonum, prædicántis salútem!

Collecta

Deus, qui Ecclésiám tuam
beáti **N.** religiónis zelo
et apostólicis curis amplificásti,
eius intercessióne concéde,

ut fidei et sanctitátis nova semper incrementa suscípiat.
Per Dóminum.

Lectiones ut infra, pp. 879-909.

Super oblata

Propitiáre, Dómine, supplicatióibus nostris,
et ab omni culpa líberos esse concéde,
ut, purificánte nos grátia tua,
iisdem quibus famulámur mystériis emundémur.
Per Christum.

Ant. ad communionem Mc 16, 15; Mt 28, 20

Eúntes in mundum univérsum, prædicáte Evangélium:
ego vobiscum sum ómnibus diébus, dicit Dóminus.

Vel: Io 15, 4-5

Manéte in me, et ego in vobis, dicit Dóminus.
Qui manet in me et ego in eo, hic fert fructum multum.

Post communionem

Sacraménta quæ sumpsimus, Dómine Deus noster,
illam nobis fidem innútriant,
quam et apostólica dócuit prædicatio,
et beáti N. sollicitúdo custodívit.
Per Christum.

12. Pro missionariis

Ant. ad introitum Ps 95, 3-4

Annuntiáte inter gentes glóriam eius,
in ómnibus pópulis mirabília eius,
quóniam magnus Dóminus et laudábilis nimis.

Collecta

Deus, cuius ineffábili misericórdia
beátus **N.** evangelizávit investigábiles divítias Christi,
da nos, eius intercessióne, créscere in sciéntia tua,
et, in omni ópere bono fructificánte,
secúndum Evangélii veritátem
coram te fidéliter ambuláre.

Per Dóminum.

Vel, pro martyribus:

Præsta, quæsumus, omnipotens Deus,
ut beatórum **N.** et **N.** fidem cógrua devotióne sectémur,
qui pro eiúsdem dilatatióne
corónam martýrii meruérunt.

Per Dóminum.

Lectiones ut infra, pp. 879-909.

Super oblata

Beáti **N.** memóriam recenséntes, quæsumus, Dómine,
ut his munéribus tibi oblátis
benedictiόnem effúndas de cælis,
quo, ex eis suméntes, et ómnibus careámus culpis
et cæléstibus repleámur edúliis.

Per Christum.

Ant. ad communionem

Cf. Lc 10, 1. 9

Misit Dóminus discípulos, qui nuntiárent civitatibus:
Appropinquávit in vos regnum Dei.

Post communionem

Sancta tua nos, Dómine, sumpta vivíficent,
ut, qui beáti **N.** commemoratióne gaudémus,
eius quoque apostólicæ virtútis proficiámus exémplo.
Per Christum.

Lectio prima

1

Cogitabat disperdere eos, nisi Moyses, electus eius, intercessisset apud eum, ut averteret iram eius.

Lectio libri Exodi

32, 7-14

In diébus illis:

Locútus est Dóminus ad Móysen dicens: « Vade, descénde; peccávit pópulus tuus, quem eduxísti de terra Ægýpti. Recessérunt cito de via, quam ostendísti eis, fecerúntque sibi vítulum conflátilem et adoravérunt; atque immolánteſ ei hóstias dixerunt: “ Isti sunt dii tui, Israel, qui te eduxérunt de terra Ægýpti ” ».

Rursúmque ait Dóminus ad Móysen: « Cerno quod pópulus iste duræ cervícis sit; dimítte me, ut irascátur furor meus contra eos et déleam eos, faciámque te in gentem magnam ».

Móyses autem orábat Dóminum Deum suum dicens: « Cur, Dómine, iráscitur furor tuus contra pópulum tuum, quem eduxísti de terra Ægýpti in fortitúdine magna et in manu robústa? Ne, quæso, dicant Ægýptii: “ Cállide edúxit eos, ut interfíceret in móntibus et deléret e terra ”: quiéſcat ira tua et esto placábilis super nequítia pópuli tui.

Recordáre Abraham, Isaac et Israel servórum tuórum, quíbus iurásti per temetípsum dicens: “ Multiplícabó semen vestrum sicut stellas cæli, et univérſam terram hanc, de qua locútus sum, dabo sémini vestro, et possidébitis eam semper ” ».

Placátusque est Dóminus ne fáceret malum, quod locútus fúerat advérsus pópulum suum.

Verbum Dómini.

Psalmus responsorius

Ps 105, 19-20. 21-22. 23 (R.: 4 a)

R. Meménto nostri, Dómine,
in beneplácito pópuli tui.

19 Fecérunt vítulum in Horeb,
et adoravérunt scúlptile;
20 et mutavérunt glóriam suam
in similitúdinem tauri comedéntis fenum. R.

21 Oblíti sunt Deum qui salvávit eos,
qui fecit magnália in Ægýpto,
22 mirábília in terra Cham,
terribília in mari Rubro. R.

23 Et dixit quia dispérderet eos,
nisi affuísset Móyses eléctus eius.
Stetit in confractióne in conspéctu eius,
ut avérteret iram eius ne destrúeret eos. R.

2

Dominus possessio eius est.

Léctio libri Deuteronomii

10, 8-9

In diébus illis:

Locútus est Móyses pópulo dicens: « Separávit Dóminus tribum Levi, ut portáret arcam fœderis Dómini, et staret coram eo in ministério, ac benedíceret in nomine illíus usque in præséntem diem. Quam ob rem non hábuit Levi partem neque possessioném cum frátribus suis, quia ipse Dóminus posséssio eius est, sicut promísit ei Dóminus Deus tuus ».

Verbum Dómini.

Psalmus responsorius

Ps 15, 1-2 a et 5. 7-8. 11 (R.: cf. 5 a)

R. Tu es, Dómine, pars hereditátis meæ.

- 1 Consérva me, Deus, quóniam sperávi in te.
 2 Dixi Dómino: « Dóminus meus es tu.
 5 Dóminus pars hereditátis meæ et cálicis mei:
 tu es qui détines sortem meam ». R.
 7 Benedícam Dóminum qui tríbuit mihi intelléctum;
 insuper et in nóctibus erudiérunt me renes mei.
 8 Proponébam Dóminum in conspéctu meo semper,
 quóniam a dextris est mihi, non commovébor. R.
 11 Notas mihi fácies vías vitæ,
 plenitúdinem lætítiæ cum vultu tuo,
 delectatiónes in déxtera tua usque in finem. R.

3

Surge, unge parvulum; ipse est enim.

Léctio libri primi Samuélis

16, 1 b. 6-13 a

In diébus illis:

Dixit Dóminus ad Samuélem: « Imple cornu tuum óleo et veni, ut mittam te ad Isai Bethlehemítem; providi enim in filiis eius mihi regem ».

Cumque ingréssus esset, vidit Eliab et ait: « Num coram Dómino est christus eius? »

Et dixit Dóminus ad Samuélem: « Ne respicias vultum eius neque altitúdinem statúræ eius, quóniam abiéci eum, nec iuxta intúitum hóminis ego iúdo; homo enim videt ea quæ parent, Dóminus autem intuétur cor ». Et vocávit Isai Abínadab et addúxit eum coram Samuéle.

Qui dixit: « Nec hunc elégit Dóminus ».

Addúxit autem Isai Samma, de quo ait: « Etiam hunc non elégit Dóminus ».

Addúxit itaque Isai septem filios suos coram Samuéle, et ait Sámuel ad Isai: « Non elégit Dóminus ex istis ».

Dixítque Sámuel ad Isai: « Numquid iam compléti sunt filii? »

Qui respóndit: « Adhuc réliquus est párvulus et pascit oves ».

Et ait Sámuel ad Isai: « Mitte et adduc eum; nec enim discumbémus priúsqvam huc ille véniat ». Misit ergo et addúxit eum. Erat autem rufus et pulcher aspéctu decoráque fácie.

Et ait Dóminus: « Surge, unge eum; ipse est enim ».

Tulit ergo Sámuel cornu ólei, et unxit eum in médio fratrum eius, et diréctus est spíritus Dómini a die illa in David et deinceps. Surgénsque Sámuel ábiit in Ráamatha. — Verbum Dómini.

Psalmus responsorius

Ps 88, 2-3. 4-5. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.

2 Misericórdias Dómini in ætérnum cantábo,
in generatióem et generatióem
annuntiábo veritátem tuam in ore meo.

3 Quóniam dixísti:

« In ætérnum misericórdia ædificábitur »,
in cælis firmábitur véritas tua. R.

4 « Dispósui testaméntum elécto meo,
iurávi David servo meo:

5 Usque in ætérnum confirmábo semen tuum,
et ædificábo in generatióem et generatióem
sedem tuam ». R.

- 21 « Invéni David servum meum;
óleo sancto meo unxi eum.
- 22 Manus enim mea firma erit cum eo,
et bráccium meum confortábit eum. *R.*
- 25 Et véritas mea et misericórdia mea cum ipso
et in nómine meo exaltábitur cornu eius.
- 27 Ipse invocábit me: Pater meus es tu,
Deus meus et refúgium salútis meæ ». *R.*

4

Quem mittam? et quis ibit nobis?

Léctio libri Isaíæ prophétæ

6, 1-8

In anno quo mórtuus est rex Ozías, vidi Dóminum sedéntem super sólum excélsum et elevátum, et ea, quæ sub ipso erant, replébant templum.

Séraphim stabant super illud: sex alæ uni et sex alæ álteri: duábus velábant fáciem eius, et duábus velábant pedes eius, et duábus volábant; et clamábant alter ad álterum et dicébant: « Sanctus, sanctus, sanctus Dóminus Deus exercítuum: plena est omnis terra glória eius ». Et commóta sunt superliminária cárdinum a voce clamántis, et domus repléta est fumo.

Et dixi: « Væ mihi, quia tácuí, quia vir pollútus lábiis ego sum, et in médio pópuli pollúta lábia habéntis ego hábito, et regem Dóminum exercítuum vidi óculis meis ».

Et volávit ad me unus de séraphim et in manu eius cálculus, quem fórcipe túlerat de altári, et tétigit os meum et dixit: « Ecce tétigit hoc lábia tua, et auferétur iníquitas tua, et peccátum tuum mundábitur ».

Et audívi vocem Dómini dicéntis: « Quem mittam? et quis ibit nobis? »

Et dixi: « Ecce ego, mitte me ». — Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10 (R.: 8 a et 9 a)

R. Ecce vénio, Dómine, ut fáciam voluntátem tuam.

2 Exspéctans exspectávi Dóminum,
et inténdit mihi.4 Et immísit in os meum cánticum novum,
carmen Deo nostro. R.7 Sacrificium et oblatiónem noluísti,
aures autem fodísti mihi.
Holocáustum et pro peccáto non postulásti,
8 tunc dixi: « Ecce vénio. R.9 In volúmine libri scriptum est de me
fácere voluntátem tuam.Deus meus, vólui,
et lex tua in præcórdiis meis ». R.10 Annuntiávit iustítiam tuam in ecclésia magna;
ecce lábia mea non prohibébo, Dómine, tu scísti. R.

5

Pro missionariis

Videbunt omnes fines terræ salutare Dei nostri.

Léctio libri Isaíæ prophétæ

52, 7-10

Quam pulchri super montes pedes annuntiántis et
prædicántis pacem, annuntiántis bonum, prædicántis sa-
lútem, dicéntis Sion: « Regnábit Deus tuus! »Vox speculatórum tuórum: levavérunt vocem, si-
mul laudábunt, quia óculo ad óculum vidébunt cum con-
vérterit Dóminus Sion. Gaudéte et laudáte simul, desérta
Ierúsalem, quia consolátus est Dóminus pópulum suum,
redémit Ierúsalem.

Parávit Dóminus bráccium sanctum suum in óculis ómnium géntium, et vidébunt omnes fines terræ salutáre Dei nostri. — Verbum Dómini.

Psalmus responsorius

Ps 95, 1-2 a. 2 b-3. 7-8 a. 10 (R.: 3)

R. Annuntiáte in ómnibus pópulis mirabília Dómini.

1 Cantáte Dómino cánticum novum,
cantáte Dómino, omnis terra.

2 Cantáte Dómino, benedícite nómini eius. R.

Annuntiáte de die in diem salutáre eius.

3 Annuntiáte inter gentes glóriam eius,
in ómnibus pópulis mirabília eius. R.

7 Afférte Dómino, famíliæ populórum,
afférte Dómino glóriam et poténtiam,
8 afférte Dómino glóriam nóminis eius. R.

10 Dícite in géntibus: « Dóminus regnávit ».

Etenim corréxit orbem terræ qui non commovébitur;
iudicábit pópulos in æquitáte. R.

6

*Unxit me Dominus et evangelizare pauperibus
misit me.*

Léctio libri Isaíæ prophétæ

61, 1-3 a

Spíritus Dómini super me, eo quod únxerit Dóminus me; ad annuntiándum mansuétis misit me, ut medérer contrítis corde et prædicárem captívis indulgéntiam et clausis apertiónem; ut prædicárem annum placábilem et diem ulitiónis Deo nostro. Ut consolárer omnes lugéntes, ut pónerem lugéntibus Sion, et darem eis corónam pro cínere, óleum gáudii pro luctu, pállium laudis pro spíritu mæróris: et vocabúntur in ea fortes iustítiæ plantatio Dómini ad glorificándum. — Verbum Dómini.

Psalmus responsorius

Ps 88, 2-3. 4-5. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.

2 Misericórdias Dómini in ætérnum cantábo,
in generatióem et generatióem
annuntiábo veritátem tuam in ore meo.

3 Quóniam dixisti:
« In ætérnum misericórdia ædificábitur »,
in cælis firmábitur véritas tua. R.

4 « Dispósui testaméntum elécto meo,
iurávi David servo meo:

5 Usque in ætérnum confirmábo semen tuum,
et ædificábo in generatióem et generatióem
sedem tuam ». R.

21 « Invéni David servum meum;
óleo sancto meo unxi eum.

22 Manus enim mea firma erit cum eo,
et brácchium meum confortábit eum. R.

25 Et véritas mea et misericórdia mea cum ipso
et in nómine meo exaltábitur cornu eius.

27 Ipse invocábit me: Pater meus es tu,
Deus meus et refúgium salútis meæ ». R.

7

Ad omnia quæ mittam te ibis.

Léctio libri Ieremíæ prophétæ

1, 4-9

Factum est verbum Dómini ad me dicens: « Priús-
quam te formárem in útero, novi te; et ántequam exíres
de vulva, sanctificávi te, et prophétam in géntibus dedi
te ».

Et dixi: « A a a, Dómine Deus! ecce nescio loqui, quia puer ego sum ».

Et dixit Dóminus ad me: « Noli dicere: " Puer sum ", quóniam ad ómnia quæ mittam te ibis, et univérsa quæcúmque mandávero tibi loqueris. Ne tíneas a fácie eórum, quia tecum ego sum ut éruam te », dicit Dóminus.

Et misit Dóminus manum suam, et tétigit os meum, et dixit Dóminus ad me: « Ecce dedi verba mea in ore tuo ». — Verbum Dómini.

Psalmus responsorius

Ps 95, 1-2 a. 2 b-3. 7-8 a. 10 (R.: 3)

R. Annuntiáte in ómnibus pópulis mirabília Dómini.

¹ Cantáte Dómino cánticum novum,
cantáte Dómino, omnis terra.

² Cantáte Dómino, benedicite nómini eius. R.
Annuntiáte de die in diem salutáre eius.

³ Annuntiáte inter gentes glóriam eius,
in ómnibus pópulis mirabília eius. R.

⁷ Afférte Dómino, familiæ populórum,
afférte Dómino glóriam et poténtiam,
⁸ afférte Dómino glóriam nóminis eius. R.

¹⁰ Dícite in géntibus: « Dóminus regnávít ».
Etenim corréxit orbem terræ qui non commovébitur;
iudicábit pópulos in æquitáte. R.

8

Speculatorem dedi te domui Israel

Léctio libri Ezechiélis prophétæ 3, 16-21

Factum est verbum Dómini ad me dicens: « Fili hóminis, speculatorem dedi te dómui Israel, et áudies de ore meo verbum et annuntiábis eis ex me.

Si, dicente me ad impium: "Morte morieris", non annuntiaveris ei neque locutus fueris, ut avertatur a via sua impia et vivat, ipse impius in iniquitate sua morietur, sanguinem autem eius de manu tua requiram.

Si autem tu annuntiaveris impio, et ille non fuerit conversus ab impietate sua et a via sua impia, ipse quidem in iniquitate sua morietur, tu autem animam tuam liberasti.

Sed, et si conversus iustus a iustitia sua fuerit et fecerit iniquitatem, ponam offendiculum coram eo; ipse morietur, quia non annuntiasti ei; in peccato suo morietur, et non erunt in memoria iustitiae eius, quas fecit, sanguinem vero eius de manu tua requiram.

Si autem tu annuntiaveris iusto, ut non peccet iustus et ille non peccaverit, vivens vivet, quia annuntiasti ei, et tu animam tuam liberasti ». — Verbum Domini.

Psalmus responsorius **Ps 116, 1. 2 (R.: Mc 16, 15)**

R. Eúntes in mundum univérsum, prædicáte Evangélium.
vel Allelúia.

1 Laudáte Dóminum, omnes gentes,
collaudáte eum, omnes pópuli. **R.**

2 Quóniam confirmáta est super nos misericórdia eius,
et véritas Dómini manet in ætérnum. **R.**

9

*Sicut visitat pastor gregem suum,
sic visitabo oves meas.*

Lectio libri Ezechiélis prophétæ

34, 11-16

Hæc dicit Dóminus: « Ecce ego ipse requiram oves meas et visitabo eas: sicut visitat pastor gregem suum in die quando fuerit in médio óvium suárum dissipátarum,

sic visitábo oves meas et liberábo eas de ómnibus locis, in quibus dispérsæ fúerant in die nubis et caliginis.

Et edúcam eas de pópulis, et congregábo eas de terris, et indúcam eas in terram suam, et pascam eas in móntibus Israel, in rivis et in cunctis sédibus terræ; in páscuis ubérrimis pascam eas, et in móntibus excélsis Israel erunt páscua eárum: ibi requiéscent in herbis viréntibus, et in páscuis pínguibus pascéntur super montes Israel.

Ego pascam oves meas et ego eas accubáre fáciam, dicit Dóminus Deus.

Quod perierat requíram, et quod abiéctum erat redúcam, et quod confráctum fúerat alligábo, et quod infirmum fúerat consolidábo, et quod pingue et forte custódiam, et pascam illas in iudício ».

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

1 Dóminus pascit me, et nihil mihi déerit:
2 in páscuis viréntibus me collocávit,
super aquas quiétis edúxit me,
3 ánimam meam refécit.

Dedúxit me super sémitas iustítiæ
propter nomen suum. R.

4 Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus
ipsa me consoláta sunt. R.

5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. R.

6 Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitudínem diérum. *R.*

Lectio secunda

1

*Habentes donationes
secundum gratiam differentes.*

Léctio Epístolæ beáti Pauli apóstoli ad Romános

12, 3-13

Fratres:

Dico per grátiam quæ data est mihi, ómnibus qui sunt inter vos: non áltius sápere quam opórtet sápere, sed sápere ad sobrietátem, unicuíque sicut Deus divísit mensúram fídei.

Sicut enim in uno córpore multa membra habémus, ómnia autem membra non eúndem actum habent; ita multi unum corpus sumus in Christo, sínguli autem alter alteríus membra.

Habéntes autem donatiónes secúndum grátiam, quæ data est nobis, differentes: sive prophetíam secúndum ratióem fídei, sive ministérium in ministrándo, sive qui docet in doctrína, sive qui exhortátur in exhortándo, qui tríbuit in simplicitáte, qui præest in sollicitúdi-
ne, qui miserétur in hilaritáte.

Diléctio sine simulatióne, odiéntes malum, adhæréntes bono, caritáte fraternitátis ínvicem diligéntes, honóre ínvicem præveniéntes, sollicitúdi-
ne non pigri, spírítu fervéntes, Dómino serviéntes, spe gaudéntes, in tribulatióne

patiéntes, oratióni instántes, necessitatibus sanctorum comunicántes, hospitalitatem sectántes.

Verbum Dómini.

2

Pro missionariis

*Placuit Deo
per stultitiam prædicationis salvos facere credentes.*

Lectio Epístolæ primæ beáti Pauli apóstoli
ad Corínthios

1, 18-25

Fratres:

Verbum crucis pereúntibus quidem stultítia est; his autem qui salvi fiunt, id est nobis, virtus Dei est.

Scriptum est enim: « Perdam sapiéntiam sapiéntium, et prudéntiam prudéntium reprobábo ». Ubi sapiens? ubi scriba? ubi conquisitor huius sæculi? Nonne stultam fecit Deus sapiéntiam huius mundi?

Nam, quia in Dei sapiéntia non cognóvit mundus per sapiéntiam Deum, plácuit Deo per stultítiam prædicatiónis salvos fácere credéntes.

Quóniam et Iudæi signa petunt, et Græci sapiéntiam quærunt; nos autem prædicámus Christum crucifíxum, Iudæis quidem scándalum, Géntibus autem stultítiam; ipsis autem vocátis, Iudæis atque Græcis, Christum Dei virtútem et Dei sapiéntiam.

Quia quod stultum est Dei sapiéntius est homínibus, et quod infirmum est Dei fórtius est homínibus.

Verbum Dómini.

3

*Ut ministri Christi
et dispensatores mysteryum Dei.*

Lectio Epistolæ primæ beati Pauli apostoli
ad Corinthios

4, 1-5

Fratres:

Sic nos existimet homo ut ministros Christi et dispensatores mysteryum Dei. Hic iam quaeritur inter dispensatores, ut fidelis quis inveniatur.

Mihi autem pro minimo est ut a vobis iudicer aut ab humano die; sed neque me ipsum iudico: nihil enim mihi conscius sum, sed non in hoc iustificatus sum; qui autem iudicat me Dominus est.

Itaque nolite ante tempus quicquam iudicare, quoad usque veniat Dominus, qui et illuminabit abscondita tenebrarum et manifestabit consilia cordium; et tunc laus erit unicuique a Deo. — Verbum Domini.

4

Væ mihi, si non evangelizavero!

Lectio Epistolæ primæ beati Pauli apostoli
ad Corinthios

9, 16-19. 22-23

Fratres:

Si evangelizavero, non est mihi gloria, necessitas enim mihi incumbit; væ enim mihi est, si non evangelizavero! Si enim volens hoc ago, mercedem habeo; si autem invitus, dispensatio mihi credita est.

Quæ est ergo merces mea? Ut Evangelium prædicans sine sumptu ponam Evangelium, ut non abutar potestate mea in Evangelio.

Nam, cum liber essem ex omnibus, omnium me servum feci, ut plures lucri facerem.

Factus sum infirmis infirmus, ut infirmos lucrí fácerem; ómnibus ómnia factus sum, ut áliquos útique fácerem salvos. Omnia autem fácio propter Evangélium, ut compárticeps eius effíciar. — Verbum Dómini.

5

Idoneos nos fecit ministros novi testamenti.

Léctio Epístolæ secúndæ beáti Pauli apóstoli
ad Corínthios

3, 1-6 a

Fratres:

Incípimus íterum nosmetípsos commendáre? aut numquid egémus, sicut quidam, commendatíciis epístolis ad vos aut ex vobis?

Epístola nostra vos estis, scripta in córdibus nostris, quæ scitur et légitur ab ómnibus homínibus; manifestáti quóniam epístola estis Christi ministráta a nobis et scripta non atraménto, sed Spíritu Dei vivi; non in tábulis lapídeis, sed in tábulis cordis carnálibus.

Fidúciam autem talem habémus per Christum ad Deum; non quod sufficiéntes simus cogitáre áliquíd a nobis quasi ex nobis, sed sufficiéntia nostra ex Deo est; qui et idóneos nos fecit mínistros Novi Testaménti.

Verbum Dómini.

6

*Prædicamus Iesum Christum; nos autem
servos vestros per Iesum.*

Léctio Epístolæ secúndæ beáti Pauli apóstoli
ad Corínthios

4, 1-2. 5-7

Fratres:

Habéntes hanc ministratiónem, iuxta quod miseriórdiam consecúti sumus, non defícimus, sed abdicávimus

occúlta dedécoris non ambulántes in astútia, neque adulterántes verbum Dei, sed in manifestatióne veritátis comendántes nosmetípsos ad omnem consciéntiam hóminum coram Deo.

Non enim nosmetípsos prædicámus, sed Iesum Christum Dóminum, nos autem servos vestros per Iesum; quóniam Deus, qui dixit: « De ténebris lux splendéscat », ipse illúxit in córdibus nostris, ad illuminatiónem sciéntiæ glóriæ Dei in fácie Iesu Christi.

Habémus autem thesáurum istum in vasis fictílibus, ut sublímitas sit virtútis Dei et non ex nobis.

Verbum Dómini.

7

Dedit nobis ministerium reconciliationis.

Léctio Epístolæ secúndæ beáti Pauli apóstoli
ad Corínthios

5, 14-20

Fratres:

Cáritas Christi urget nos; æstimántes hoc, quóniam, si unus pro ómnibus mórtuus est, ergo omnes mórtui sunt; et pro ómnibus mórtuus est, ut et qui vivunt iam non sibi vivant, sed ei qui pro ipsis mórtuus est et resurrexit.

Itaque nos ex hoc néminem nóvimus secúndum carnem; et si cognóvimus secúndum carnem Christum, sed nunc iam non nóvimus.

Si quis ergo in Christo nova creatúra; vétera transiérunt: ecce facta sunt nova; ómnia autem ex Deo, qui reconciliávit nos sibi per Christum et dedit nobis ministerium reconciliatiónis.

Quóniam quidem Deus erat in Christo mundum reconcilians sibi, non reputans illis delicta ipsórum, et pónit in nobis verbum reconciliatiónis.

Pro Christo ergo legatióne fungimur, tamquam Deo exhortánte per nos. Obsecrámus pro Christo: Reconciliámini Deo. — Verbum Dómini.

8

*In opus ministerii,
in ædificationem corporis Christi.*

Lectio Epístolæ beáti Pauli apóstoli
ad Ephésios

4, 1-7. 11-13

Fratres:

Obsecro vos ego, vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes ínicem in caritáte; solliciti serváre unitátem spíritus in vínculo pacis.

Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus.

Unicuique autem nostrum data est grátia secúndum mensúram donatiónis Christi. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres et doctóres: ad instructiódinem sanctórum in opus ministérii, in ædificatióem córporis Christi, donec occurrámus omnes in unitátem fidei et agnitiónis Filii Dei, in virum perféctum, in mensúram ætátis plenitúdinis Christi.

Verbum Dómini.

9

*Factus sum minister Ecclesiæ
secundum dispensationem Dei.*

Léctio Epístolæ beáti Pauli apóstoli
ad Colossénses

1, 24-29

Fratres:

Nunc gáudeo in passiõibus pro vobis et adimpleo ea quæ desunt passiõnum Christi in carne mea, pro corpore eius, quod est Ecclesiá; cuius factus sum ego minister secúndum dispensatiõnem Dei, quæ data est mihi in vos, ut ímpleam verbum Dei.

Mystérium, quod absconditum fuit a sæculis et generatiõibus, nunc autem manifestátum est sanctis eius, quibus vóluit Deus notas fácere divítias glóriæ mystérii huius in géntibus, quod est Christus in vobis, spes glóriæ.

Quem nos annuntiámus commonétes omnem hóminem et docétes omnem hóminem in omni sapiéntia, ut exhibeámus omnem hóminem perféctum in Christo: ad quod et labóro certádo secúndum operatiõnem eius, quæ operátur in me in virtúte. — Verbum Dómini.

10

*Volebamus tradere non solum Evangelium,
sed etiam animas nostras.*

Léctio Epístolæ primæ beáti Pauli apóstoli
ad Thessalonicénses

2, 2 b-8

Fratres:

Fidúciam habúimus in Deo nostro loqui ad vos Evangélium Dei in multa sollicitúdine. Exhortátio enim nostra non ex erróre, neque ex immundítia, neque in

dolo; sed, sicut probáti sumus a Deo ut crederétur nobis Evangélíum, ita lóquimur; non quasi homínibus placéntes, sed Deo qui probat corda nostra.

Neque enim aliquándo fúimus in sermóne adulatiónis, sicut scitis, neque sub prætéxtu avaritiæ, Deus testis; nec quæréntes ab homínibus glóriam, neque a vobis, neque ab áliis.

Cum possímus óneri esse ut Christi apóstoli, sed facti sumus párvuli in médio vestrum, tamquam si nutritrix fóveat fílios suos.

Ita desiderántes vos, cúpide volebámus trádere vobis non solum Evangélíum Dei, sed étiam ánimas nostras, quóniam caríssimi nobis facti estis.

Verbum Dómini.

11

Bonum depositum custodi per Spiritum Sanctum.

Léctio Epístolæ secúndæ beáti Pauli apóstoli
ad Timótheum

1, 13-14; 2, 1-3

Caríssime:

Formam habe sanórum verbórum, quæ a me audísti, in fide et in dilectióne quæ sunt in Christo Iesu. Bonum depósitum custódi per Spíritum Sanctum, qui hábitat in nobis.

Tu ergo, fili mi, confortáre in grátia, quæ est in Christo Iesu; et quæ audísti a me per multos testes, hæc comménda fidélibus homínibus, qui idónei erunt et álios docére.

Collabóra sicut bonus miles Christi Iesu.

Verbum Dómini.

12

Opus fac evangelistæ, ministerium tuum imple.

Léctio Epístolæ secúndæ beáti Pauli apóstoli
ad Timótheum

4, 1-5

Caríssime:

Testíficor coram Deo et Christo Iesu, qui iudicatúrus est vivos et mórtuos, per advéntum ipsíus et Regnum eius; prædica verbum, insta opportúne, importúne, árgue, increpa, óbseca, in omni patiéntia et doctrína.

Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritaté quidem audítum avértent, ad fábulas autem converténtur.

Tu vero vígila in ómnibus, labóra, opus fac evangelistæ, ministérium tuum imple. — Verbum Dómini.

13

Pascite qui est in vobis gregem Dei.

Léctio Epístolæ primæ beáti Petri apóstoli

5, 1-4

Caríssimi:

Senióres, qui in vobis sunt, óbseco, consénior et testis Christi passiónum, qui et eius, quæ in futúro revelánda est, glóriæ communicátor: páscite qui est in vobis gregem Dei, providéntes, non coácto, sed spontáneee secúndum Deum, neque turpis lucrí grátia, sed voluntárie; neque ut dominántes in cleris, sed formæ facti gregis.

Et, cum apparúerit princeps pastórum, percipiétis immarcescibilem glóriæ corónam. — Verbum Dómini.

Evangelium

1

Alleluia

Io 10, 14

℞. Allelúia. ∿ Ego sum pastor bonus,
dicit Dóminus;
et cognóscō oves meas, et cognóscunt me
meæ. ℞. Allelúia.

Messis quidem multa, operarii autem pauci.

✠ Lécio sancti Evangélíi secúndum Matthæum

9, 35-38

In illo témpore:

Circumíbat Iesus civitátes omnes et castélla, docens in synagógis eórum, et prædicans Evangélium Regni, et curans omnem languórem et omnem infirmitátem. Videns autem turbas, misértus est eis quia erant vexáti et iacéntes sicut oves non habéntes pastórem.

Tunc dicit discíplis suis: « Messis quidem multa, operárii autem pauci; rogáte ergo Dóminum messis, ut mittat operários in messem suam ».

Verbum Dómini.

1 a

Pro papa

Alleluia

Mc 1, 17

℞. Allelúia. ∿ Veníte post me, dicit Dóminus,
et fáciam vos fíeri piscatóres hóminum.
℞. Allelúia.

*Tu es Petrus,
et super hanc petram ædificabo Ecclesiam meam.*

✠ Lécio sancti Evangélii secúndum Matthæum

16, 13-19

In illo témpore:

Venit Iesus in partes Cæsaréæ Philíppi et interrogábat discípulos suos dicens: « Quem dicunt hómines esse Fílium hóminis? »

At illi dixerunt: « Alii Ioánnem Baptístam, álii autem Elíam, álii vero Ieremíam aut unum ex prophétis ».

Dicit illis: « Vos autem, quem me esse dicitis? »

Respóndens Simon Petrus dixit: « Tu es Christus, Fílius Dei vivi ».

Respóndens autem Iesus dixit ei: « Beátus es, Simon Bar Iona, quia caro et sanguis non revelávit tibi, sed Pater meus qui in cælis est.

Et ego dico tibi: Tu es Petrus, et super hanc petram ædificábo Ecclésiám meam, et portæ ínferi non prævalébunt advérsum eam. Tibi dabo claves Regni cælórum; et quodcúmque ligáveris super terram, erit ligátum in cælis, et quodcúmque sólveris super terram, erit solútum in cælis ».

Verbum Dómini.

2

Alleluia

Mt 23, 9 a. 10 b

℟. Allelúia. ℣. Unus est Pater vester, qui in cælis est; et magíster vester unus est, Christus.

℟. Allelúia.

Qui maior est vestrum erit minister vester.

✠ Lécio sancti Evangélii secúndum Mattháeum

23, 8-12

In illo témpore:

Dixit Iesus ad discipulos suos: « Vos nolíte vocári Rabbi; unus enim est magíster vester, omnes autem vos fratres estis.

Et patrem nolíte vocáre vobis super terram; unus enim est Pater vester, cæléstis.

Nec vocémini magístri; quia magíster vester unus est, Christus.

Qui maior est vestrum erit miníster vester.

Qui autem se exaltáverit humiliábitur, et qui se humiliáverit exaltábitur ». — Verbum Dómini.

3

Pro missionariis

Alleluia

Mt 28, 19 a. 20 b

℞. Allelúia. ʒ. Eúntes docéte omnes gentes, dicit Dóminus;

ego vobíscum sum ómnibus diébus
usque ad consummationem sáculi.

℞. Allelúia.

Euntes docete omnes gentes.

✠ Lécio sancti Evangélii secúndum Mattháeum

28, 16-20

In illo témpore:

Undecim discipuli abiérunt in Galiláam, in montem ubi constitúerat illis Iesus; et vidéntes eum adoravérunt, quidam autem dubitavérunt.

Et accédens Iesus locútus est eis dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris et Filii et Spíritus Sancti, docétes eos serváre ómnia quæcúmque mandávi vobis.

Et ecce ego vobiscum sum ómnibus diébus, usque ad consummatiónem sáculi ».

Verbum Dómini.

4

Alleluia

Mc 1, 17

℟. Allelúia. ℣. Veníte post me, dicit Dóminus,
et fáciam vos fieri piscatóres hóminum.
℟. Allelúia.

Faciam vos fieri piscatores hominum.

✠ Lécio sancti Evangélii secúndum Marcum

1, 14-20

Postquam tráditus est Ioánnes, venit Iesus in Galilæam prædicans Evangélium Dei, et dicens: « Implétum est tempus, et appropinquávit Regnum Dei; pænitémini et créдите Evangélio ».

Et prætériens secus mare Galilææ, vidit Simónem et Andréam fratrem Simónis mitténtes in mare; erant enim piscatóres. Et dixit eis Iesus: « Veníte post me, et fáciam vos fíeri piscatóres hóminum ». Et prótinus, relíctis rétibz, secúti sunt eum.

Et progréssus pusillum vidit Iacóbum Zebedæi et Ioánnem fratrem eius, et ipsos in navi componéntes rétía, et statim vocávit illos. Et, relícto patre suo Zebedæo in navi cum mercenáriis, abiérunt post eum.

Verbum Dómini.

5

Pro missionariis

Alleluia

Mt 28, 19 a. 20 b

℞. Allelúia. ⁊. Eúntes docéte omnes gentes, dicit Dóminus;
ego vobíscum sum ómnibus diébus
usque ad consummationem sáculi.
℞. Allelúia.

*Euntes in mundum universum,
prædicate Evangelium.*

✠ Lécio sancti Evangélii secúndum Marcum 16, 15-20

In illo témpore:

Appárens Iesus Undecim dixit eis: « Eúntes in mundum univérsum, prædicáte Evangélium omni creatúræ. Qui credíderit et baptizátus fúerit salvus erit; qui vero non credíderit condemnábitur.

Signa autem eos qui credíderint hæc sequéntur: in nómine meo dæmónia eícient, linguis loquéntur novis, serpéntes tollent, et, si mortíferum quid bíberint, non eos nocébit, super ægrótos manus impónent, et bene habébunt ».

Et Dóminus quidem Iesus, postquam locútus est eis, assúptus est in cælum, et sedit a dextris Dei. Illi autem profécti prædicavérunt ubíque, Dómino coope-ránte et sermónem confirmánte, sequéntibus signis.

Verbum Dómini.

Pro missionariis

Alleluia

Mc 1, 17

℞. Alleluia. ∞. Veníte post me, dicit Dóminus,
et fáciam vos fieri piscatóres hóminum.
℞. Alleluia.

In verbo tuo laxabo retia

✠ Lécio sancti Evangélíi secúndum Lucam 5, 1-11

In illo témpore:

Cum turba urgéret Iesum et audíret verbum Dei, et ipse stabat secus stagnum Genésareth. Et vidit duas naves stantes secus stagnum; piscatóres autem descéndant de illis et lavábant rétia.

Ascéndens autem in unam navem, quæ erat Simónis, rogávit eum a terra redúcere pusillum. Et sedens docébat de navícula turbas.

Ut cessávit autem loqui, dixit ad Simónem: « Duc in altum, et laxáte rétia vestra in captúram ».

Et respóndens Simon dixit: « Præcéptor, per totam noctem laborántes nihil cépimus; in verbo autem tuo laxábo rétia ».

Et, cum hoc fecissent, conclusérunt piscium multitudinem copiósam; rumpebántur autem rétia eórum. Et annuérunt sóciis, qui erant in ália navi, ut venírent et adiuvárent eos. Et venérunt et implevérunt ambas navículas, ita ut mergeréntur.

Quod cum vidéret Simon Petrus, prócidit ad génua Iesu dicens: « Exi a me, quia homo peccátor sum, Dómine ». Stupor enim circumdéderat eum, et omnes qui cum illo erant in captúra piscium, quos céperant; simíli-

ter autem et Iacóbum et Ioánnem, filios Zebedæi, qui erant sócii Simónis.

Et ait ad Simónem Iesus: « Noli timére, ex hoc iam hómines eris cápiens ». Et, subdúctis ad terram návibus, relíctis ómnibus, secúti sunt illum.

Verbum Dómini.

7

Alleluia

Lc 4, 18-19

℟. Allelúia. ʸ. Evangelizáre paupéribus misit me Dóminus,
prædicáre captívís remissionem.
℟. Allelúia.

Mensis quidem multa, operarii autem pauci.

✠ Lécio sancti Evangélíi secúndum Lucam 10, 1-9

In illo témpore:

Designávit Dóminus álios septuagínta duos, et misit illos binos ante fáciem suam in omnem civitátem et locum, quo erat ipse ventúrus.

Et dicébat illis: « Mensis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolite portáre sácculum neque peram neque calceaménta et néminem per viam salutavéritis.

In quamcúmque domum intravéritis primum dicite: “ Pax huic dómui ”; et, si ibi fúerit filius pacis, requiécet super illam pax vestra; sin autem, ad vos revertétur.

In eádem autem domo manéte, edéntes et bibéntes quæ apud illos sunt; dignus est enim operárius mercede sua.

Nolíte transíre de domo in domum, et, in quamcúmque civitátem intravéritis et suscepérint vos, manducáte quæ apponúntur vobis, et curáte infirmos, qui in illa sunt, et dícite illis: " Appropinquávit in vos Regnum Dei " ». — Verbum Dómini.

8

Alleluia

Io 15, 15 b

℞. Allelúia. ℣. Vos dixi amícos, dicit Dóminus,
quia ómnia quæcúmque audívi a Patre meo
nota feci vobis. ℞. Allelúia.

*Dispono vobis,
sicut disposuit mihi Pater meus, Regnum.*

✠ Lécio sancti Evangélii secúndum Lucam 22, 24-30

In illo témpore:

Facta est conténtio inter Apóstolos, quis eórum vide-rétur esse maior.

Dixit autem eis Iesus: « Reges géntium dominántur eórum, et qui potestátem habent super eos benéfici vo-cántur. Vos autem non sic; sed qui maior est in vobis fiat sicut iúnior, et qui præcéssor est sicut ministrátor. Nam quis maior est, qui recúmbit an qui mínistrat? nonne qui recúmbit? Ego autem in médio vestrum sum sicut qui mínistrat.

Vos autem estis qui permansístis mecum in tenta-tiónibus meis; et ego dispóno vobis, sicut dispósuit mihi Pater meus, Regnum, ut edátis et bibátis super mensam meam in Regno meo, et sedeátis super thronos, iudi-cántes duódecim tribus Israel ».

Verbum Dómini.

9

Alleluia

Io 10, 14

℞. Allelúia. V. Ego sum pastor bonus, dicit Dóminus;
et cognóscō oves meas, et cognóscunt me
meæ. ℞. Allelúia.

Bonus pastor animam suam ponit pro ovibus.

✠ Lécio sancti Evangélíi secúndum Ioánnem

10, 11-16

In illo témpore:

Dixit Iesus: « Ego sum pastor bonus. Bonus pastor ánimam suam ponit pro óvibus. Mercenárius et qui non est pastor, cuius non sunt oves própriae, videt lupum veniéntem et dimíttit oves et fugit (et lupus rapit eas et dispérgit), quia mercenárius est et non pértinet ad eum de óvibus.

Ego sum pastor bonus, et cognóscō meas, et cognóscunt me meæ. Sicut novit me Pater, et ego agnóscō Patrem; et ánimam meam pono pro óvibus.

Et álias oves hábeo, quæ non sunt ex hoc ovíli, et illas opórtet me addúcere, et vocem meam áudient, et fient unus grex et unus pastor ». — Verbum Dómini.

10

Alleluia

Io 15, 15 b

℞. Allelúia. V. Vos dixi amícos, dicit Dóminus,
quia ómnia quæcúmque audívi a Patre meo
nota feci vobis.
℞. Allelúia.

Posui vos ut vos eatis et fructum afferatis.

✠ Lécio sancti Evangélii secúndum Ioánnem 15, 9-17

In illo témpore:

Dixit Iesus discípulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam ponat quis pro amícis suis. Vos amíci mei estis, si faciétis quæ ego præcípio vobis.

Iam non dicam vos servos, quia servus nescit quid fáciat dóminus eius: vos autem dixi amícos, quia ómnia, quæ audívi a Patre meo, nota feci vobis.

Non vos me elegístis; sed ego elégi vos et pósui vos ut vos eátis et fructum afferátis, et fructus vester máneat, ut quodcúmque petiéritis Patrem in Nómine meo det vobis.

Hæc mando vobis, ut diligátis ínvicem ».

Verbum Dómini.

11

Pro papa

Alleluia

Io 10, 14

℞. Allelúia. ʒ. Ego sum pastor bonus,
dicit Dóminus;

et cognóscó oves meas, et cognóscunt me
meæ. ℞. Allelúia.

Pasce agnos meos, pasce oves meas.

✠ Lécio sancti Evangélii secúndum Ioánnem

21, 15-17

Cum manifestásset se Iesus discíplis suis et prandísset cum eis, dicit Simóni Petro Iesus: « Simon Ioánnis, díligis me plus his? »

Dicit ei: « Etiam, Dómine, tu scis quia amo te ».

Dicit ei: « Pasce agnos meos ».

Dicit ei íterum secúndo: « Simon Ioánnis, díligis me? »

Ait illi: « Etiam, Dómine, tu scis quia amo te ».

Dicit ei: « Pasce oves meas ».

Dicit ei tértio: « Simon Ioánnis, amas me? »

Contristátus est Petrus, quia dixit ei tértio: « Amas me? », et dicit ei: « Dómine, tu ómnia scis, tu scis quia amo te ».

Dicit ei: « Pasce oves meas ». — Verbum Dómini.

COMMUNE DOCTORUM ECCLESIAE

1

Ant. ad introitum

Sir 15, 5

In médio Ecclesiæ aperuit os eius,
et implévit eum Dóminus spíritu sapiéntiæ et intelléctus;
stolam glóriæ induit eum.

Vel:

Ps 36, 30-31

Os iusti meditábitur sapiéntiam,
et lingua eius loquétur iudícium;
lex Dei eius in corde ipsíus.

Collecta

Omnípotens ætérne Deus,
qui beátum **N.** (episcopum)
Ecclesiæ tuæ doctórem dedísti,
præsta, ut, quod ille divíno affátus Spíritu dócuit,
nostris iúgiter stabiliátur in córdibus,
et quem patrónum, te donánte, ampléctimur,
eum apud tuam misericórdiam defensórem habeámus.
Per Dóminum.

Lectiones ut infra, pp. 912-927.

Super oblata

Sacrificíum tibi pláceat, Deus,
in festivitáte beáti **N.** libénter exhíbitum,
quo monén-te,
nos étiam totos tibi réddimus collaudántes.
Per Christum.

Ant. ad communionem

Lc 12, 42

Fidélis servus et prudens,
quem constituit Dóminus super familiam suam,
ut det illis in témpore trítici mensúram.

Post communionem

Quos Christo réficis pane vivo,
eósdem édoce, Dómine, Christo magistro,
ut in festivitáte beáti **N.** tuam discant veritátem,
et eam in caritáte operéntur.
Per Christum.

2

Ant. ad introitum

Dan 12, 3

Qui docti fúerint, fulgébunt quasi splendor firmaménti,
et, qui ad iustítiam erúdiunt multos,
quasi stellæ in perpétuas æternitátes.

Vel:

Cf. Sir 44, 15. 14

Sapiéntiam Sanctórum narrent pópuli,
et laudes eórum núntiet Ecclésia;
nómina autem eórum vivent in sáculum sáculi.

Collecta

Dómine Deus, qui beátum **N.**
cælésti doctrína imbúere dignátus es,
da nobis, ipsíus intervéntu,
eándem doctrínam fidéliter custodíre,
et móribus profitéri.
Per Dóminum.

Lectiones ut infra, pp. 912-927.

Super oblata

Illa nos, quæsumus, Dómine, divína tractántes,
Spíritus Sanctus fidei luce perfúndat,
qua beátum **N.** ad glóriæ tuæ propagatióem
iúgiter collustrávit.
Per Christum.

Ant. ad communionem**1 Cor 1, 23-24**

Nos prædicámus Christum crucifíxum,
Christum, Dei virtútem et Dei sapiéntiam.

Post communionem

Cælésti alimónia refécti,
súplices te, Dómine, deprecámur,
ut, beáti **N.** mónitis,
de accéptis donis
semper in gratiárum actiône maneámus.
Per Christum.

Lectio prima

1

*Dedi tibi cor sapiens et intellegens.***Léctio libri primi Regum****3, 11-14****In diébus illis:**

Dixit Dóminus Salomóni: « Quia postulásti verbum hoc, et non petísti tibi dies multos, nec divítias aut ánimas inimicórum tuórum, sed postulásti tibi sapiéntiam ad discernéndum iudícium: ecce feci tibi secúndum sermónes tuos, et dedi tibi cor sápiens et intéllegens, in tantum ut nullus ante te símilis tui fúerit nec post te surrectúrus sit.

Sed et hæc, quæ non postulasti, dedi tibi, divitias scilicet et glóriam, ut nemo fúerit símilis tui in régibus cunctis retro diébus. Si autem ambuláveris in viis meis et custodieris præcépta mea et mandáta mea, sicut ambulávit pater tuus, longos fáciam dies tuos ».

Verbum Dómini.

Psalmus responsorius Ps 36, 3-4. 5-6. 30-31 (R.: 30 a)

R. Os iusti meditábitur sapiéntiam.

3 Spera in Dómino et fac bonitátem,
et inhabitábis terram et pascéris in fide.

4 Delectáre in Dómino,
et dabit tibi petitiónes cordis tui. **R.**

5 Commítte Dómino viam tuam et spera in eo,
et ipse fáciet;

6 et edúcet quasi lumen iustítiam tuam,
et iudícium tuum tamquam merídiem. **R.**

30 Os iusti meditábitur sapiéntiam,
et lingua eius loquétur iudícium;

31 lex Dei eius in corde ipsíus,
et non vacillábunt gressus eius. **R.**

2

Super salutem et speciem dilexi sapientiam.

Léctio libri Sapiéntiæ

7, 7-10. 15-16

Optávi, et datus est mihi sensus; et invocávi, et venit in me spíritus sapiéntiæ; et præpósui illam regnis et sédibus, et divitias nihil esse duxi in comparatióne illíus. Nec comparávi illi lápidem pretiósus, quóniam omne aurum in comparatióne illíus aréna est exígua, et tamquam lutum æstimábitur argéntum in conspéctu illíus.

Super salutem et speciem dilexi illam, et proposui pro luce habere illam, quoniam inextinguibile est lumen illius.

Mihi autem dedit Deus dicere ex sententia, et presumere digna horum quæ mihi dantur, quoniam ipse sapientiæ dux est et sapientium emendator. In manu enim illius et nos et sermones nostri, et omnis sapientiæ et operum scientia et disciplina. — Verbum Domini.

Psalmus responsorius Ps 18, 8. 9. 10. 11 (R.: 10 b)

R. Iudicia Domini vera, iusta omnia simul.

8 Lex Domini immaculata, reficiens animam, testimonium Domini fidele, sapientiam prestans parvulis. **R.**

9 Iustitiæ Domini rectæ, lætificantes corda, præceptum Domini lucidum, illuminans oculos. **R.**

10 Timor Domini mundus, permanens in sæculum sæculi, iudicia Domini vera, iusta omnia simul. **R.**

11 Desiderabilia super aurum et lapidem pretiosum multum, et dulciora super mel et favum stillantem. **R.**

3

Adimplebit illum spiritu sapientiæ et intellectus.

Lectio libri Siracidæ

15, 1-6

Qui timet Deum faciet bona, et qui continens est iustitiæ apprehendet illam; et obviabit illi quasi mater honorificata, et quasi mulier a virginitate suscipiet illum.

Cibabit illum pane vitæ et intellectus, et aqua sapientiæ salutaris potabit illum; et firmabitur in illo et non flectetur, et continebit illum et non confundetur; et exaltabit illum apud próximos suos.

Et in médio ecclésiæ apériet os eius, et adimplébit illum spíritu sapiéntiæ et intelléctus, et stola glóriæ véstiet illum; iucunditatem et exsultationem thesaurizábit super illum, et nómine ætérno hereditábit illum.

Verbum Dómini.

Psalmus responsorius

Ps 118, 9. 10. 11. 12. 13. 14 (R.: 12 b)

R. Doce me, Dómine, iustificatiónes tuas.

9 In quo mundábit adulescéntior viam suam?

In custodiéndo sermónes tuos. **R.**

10 In toto corde meo exquisívi te,
ne erráre me fácias a præcéptis tuis. **R.**

11 In corde meo abscondí elóquia tua,
ut non peccem tibi. **R.**

12 Benedíctus es, Dómine;
doce me iustificatiónes tuas. **R.**

13 In lábiis meis numerávi ómnia iudícia oris tui. **R.**

14 In via testimoniórum tuórum delectátus sum
sicut in ómnibus divítiis. **R.**

4

Spiritu intellegentiæ replebit illum.

Léctio libri Sirácidæ

39, 8-14

Si Dóminus magnus volúerit, spíritu intellegentiæ replébit illum. Et ipse tamquam imbres mittet elóquia sapiéntiæ suæ, et in oratióne confitébitur Dómino, et ipse díriget consílium eius et disciplínam, et in absconditis suis consiliábitur.

Ipse palam fáciet disciplínam doctrínæ suæ, et in lege testaménti Dómini gloriábitur; collaudábunt multi

sapiéntiam eius, et usque in sáculum non delébitur; non recédet memória eius, et nomen eius requirétur a generatióne in generatióem.

Sapiéntiam eius enarrábunt gentes, et laudem eius enuntiábit ecclésia. — Verbum Dómini.

Psalmus responsorius

Ps 36, 3-4. 5-6. 30-31 (R.: 30 a)

R. Os iusti meditábitur sapiéntiam.

3 Spera in Dómino et fac bonitátem,
et inhabitábis terram et pascéris in fide.

4 Delectáre in Dómino,
et dabit tibi petitiónes cordis tui. R.

5 Commítte Dómino viam tuam et spera in eo,
et ipse fáciat;

6 et edúcet quasi lumen iustítiam tuam,
et iudícium tuum tamquam merídiem. R.

30 Os iusti meditábitur sapiéntiam,
et lingua eius loquétur iudícium;

31 lex Dei eius in corde ipsíus,
et non vacillábunt gressus eius. R.

Lectio secunda

1

*Placuit Deo per stultitiam prædicationis
salvos facere credentes.*

Léctio Epístolæ primæ beáti Pauli apóstoli
ad Corínthios

1, 18-25

Fratres:

Verbum crucis pereúntibus quidem stultítia est; his autem qui salvi fiunt, id est nobis, virtus Dei est.

Scriptum est enim: « Perdam sapiéntiam sapiéntium, et prudéntiam prudéntium reprobábo ». Ubi sapiens? ubi scriba? ubi conquisitor huius sáculi? Nonne stultam fecit Deus sapiéntiam huius mundi?

Nam, quia in Dei sapiéntia non cognóvit mundus per sapiéntiam Deum, plácuít Deo per stultítiam prædicatiónis salvos fácere credéntes.

Quóniam et Iudæi signa petunt, et Græci sapiéntiam quærunt; nos autem prædicámus Christum crucifíxum, Iudæis quidem scándalum, Géntibus autem stultítiam, ipsis autem vocátis, Iudæis atque Græcis, Christum Dei virtútem et Dei sapiéntiam.

Quia quod stultum est Dei, sapiéntius est homínibus, et quod infirmum est Dei, fórtius est homínibus. Verbum Dómini.

2

Loquimur Dei sapientiam in mysterio.

Léctio Epístolæ primæ beáti Pauli apóstoli
ad Corínthios

2, 1-10 a

Ego, cum veníssem ad vos, fratres, veni non per sublimitátem sermónis aut sapiéntiæ, annúntians vobis mystérium Dei.

Non enim iudicávi scire me áliquid inter vos, nisi Iesum Christum et hunc crucifíxum. Et ego in infirmitáte et timóre et tremóre multo fui apud vos; et sermo meus et prædicatio mea non in persuasibílibus sapiéntiæ verbis, sed in ostensióne Spíritus et virtútis, ut fides vestra non sit in sapiéntia hóminum, sed in virtúte Dei.

Sapiéntiam autem lóquimur inter perféctos, sapiéntiam vero non huius sáculi neque princípum huius

sæculi, qui destruúntur; sed lóquimur Dei sapiéntiam in mystério, quæ abscondita est, quam prædestinávit Deus ante sæcula in glóriam nostram, quam nemo princípum huius sæculi cognóvit; si enim cognovissent, numquam Dóminum glóriæ crucifixissent; sed, sicut scriptum est: « Quod óculus non vidit nec auris audívit, nec in cor hóminis ascéndit, quæ præparávit Deus his qui díligunt illum »; nobis autem revelávit Deus per Spíritum. — Verbum Dómini.

3

Nos autem sensum Christi habemus.

Léctio Epístolæ primæ beáti Pauli apóstoli
ad Corínthios

2, 10 b-16

Fratres:

Spíritus ómnia scrutátur, étiam profúnda Dei. Quis enim scit hóminum quæ sint hóminis, nisi spíritus hóminis, qui in ipso est? Ita et quæ Dei sunt nemo cognóvit, nisi Spíritus Dei.

Nos autem non spíritum mundi accépimus, sed Spíritum qui ex Deo est, ut sciámus quæ a Deo donáta sunt nobis: quæ et lóquimur, non in doctis humanæ sapiéntiæ, sed in doctis Spíritus verbis, spiritálibus spiritália comparátes.

Animális autem homo non pécipit quæ sunt Spíritus Dei; stultítia enim sunt illi, et non potest intellégere, quia spiritáliter examinántur. Spiritális autem iúdicat ómnia, et ipse a némine iudicátur. Quis enim cognóvit sensum Dómini, qui ínstruat eum?

Nos autem sensum Christi habémus.

Verbum Dómini.

4

*Gentibus evangelizare investigabiles
divitias Christi.*

Lectio Epistolæ beāti Pauli apóstoli
ad Ephésios

3, 8-12

Fratres:

Mihi ómnium sanctórum mínimo data est grátia hæc, géntibus evangelizáre investigábiles divítias Christi, et illumináre omnes quæ sit dispensátio mystérii abscondíti a sæculis in Deo, qui ómnia creávit; ut innotéscat nunc principátibus et potestátibus in cæléstibus per Ecclesiám multifórmis sapiéntia Dei; secúndum propósitum sæculórum quod fecit in Christo Iesu Dómino nostro, in quo habémus fidúciam et accéssum in confidéntia per fidem eius.

Verbum Dómini.

5

*In opus ministerii,
in ædificationem corporis Christi.*

Lectio Epistolæ beāti Pauli apóstoli
ad Ephésios

4, 1-7. 11-13

Fratres:

Obsecro vos ego, vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritaté; solíciti serváre unitátem spíritus in vínculo pacis.

Unum corpus et unus Spíritus, sicut et vocáti estis

in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus.

Unicuique autem nostrum data est grátia secúndum mensúram donatiónis Christi. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres et doctóres: ad instructiódinem sanctórum in opus ministérii, in ædificatió-nem córporis Christi, donec occurrámus omnes in unitátem fidei et agnitiónis Filii Dei, in virum perféctum, in mensúram ætátis plenitúdinis Christi.

Verbum Dómini.

6

Bonum depositum custodi per Spiritum Sanctum.

Léctio Epístolæ secúndæ beáti Pauli apóstoli
ad Timótheum

1, 13-14; 2, 1-3

Caríssime:

Formam habe sanórum verbórum, quæ a me audísti, in fide et dilectiódine quæ sunt in Christo Iesu. Bonum depósitum custódi per Spíritum Sanctum, qui hábitat in nobis.

Tu ergo, fili mi, confortáre in grátia, quæ est in Christo Iesu; et quæ audísti a me per multos testes, hæc comménda fidélibus homínibus, qui idónei erunt et álios docére.

Collabóra sicut bonus miles Christi Iesu.

Verbum Dómini.

7

Opus fac evangelistæ, ministerium tuum imple.

Léctio Epístolæ secúndæ beáti Pauli apóstoli
ad Timótheum

4, 1-5

Caríssime:

Testíficor coram Deo et Christo Iesu, qui iudicáturus est vivos ac mórtuos, per advéntum ipsíus et Regnum eius; prædica verbum, insta opportúne, importúne, árgue, increpa, óbsecra, in omni patiéntia et doctrína.

Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritaté quidem audítum avértent, ad fábulas autem converténtur.

Tu vero vígila in ómnibus, labóra, opus fac evangelístæ, ministérium tuum imple. — Verbum Dómini.

Evangelium

1

Alleluia

Mt 5, 16

℟. Allelúia. ℣. Sic lúceat lux vestra coram homínibus,
ut vídeant ópera vestra bona
et gloríficent Patrem vestrum.

℟. Allelúia.

Vos estis lux mundi.

✠ Léctio sancti Evangélíi secúndum Matthæum

5, 13-19

In illo témpore:

Dixit Iesus discíplis suis: « Vos estis sal terræ; quod si sal evanúerit, in quo salietur? Ad níhilum va-

let ultra, nisi ut mittátur foras et conculcétur ab homínibus.

Vos estis lux mundi. Non potest cívitas abscondi supra montem pósita. Neque accéndunt lucérnam et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant vestra bona ópera et glorificent Patrem vestrum, qui in cælis est.

Nolíte putáre quóniam veni sólvere Legem aut prophétas: non veni sólvere, sed adimplére. Amen quippe dico vobis: Donec tránseat cælum et terra, iota unum aut unus apex non præteríbit a Lege donec ómnia fiant. Qui ergo sólverit unum de mandátis istis mínimis et docúerit sic hómines, mínimus vocábitur in Regno cælórum; qui autem fécerit et docúerit, hic magnus vocábitur in Regno cælórum ».

Verbum Dómini.

1 a

Alleluia

Io 6, 64 b et 69 b

℞. Allelúia. ʒ. Verba tua, Dómine, spíritus et vita; verba vitæ ætérnæ habes. ℞. Allelúia.

Erat Iesus docens eos, sicut potestatem habens.

✠ Lécio sancti Evangélii secúndum Matthæum

7, 21-29

In illo témpore: Dixit Iesus Apóstolis suis:

« Non omnis qui dicit mihi: “ Dómine, Dómine ”, intrábit in Regnum cælórum; sed qui facit voluntátem Patris mei, qui in cælis est. Multi dicent mihi in illa die: “ Dómine, Dómine, nonne in tuo nómine propheetávimus et in tuo nómine dæmónia eiécimus et in tuo

nómine virtútes multas fécimur? ” Et tunc confitébor illis: “ Numquam novi vos: discédite a me qui operámini iniquitátem ”.

Omnis ergo qui audit verba mea hæc et facit ea assimilábitur viro sapiénti, qui ædificávit domum suam supra petram; et descéndit plúvia et venérunt flúmina et flavérunt venti et irruérunt in domum illam, et non cécidit; fundáta enim erat super petram.

Et omnis qui audit verba mea hæc et non facit ea, símilis erit viro stulto, qui ædificávit domum suam supra arénam; et descéndit plúvia et venérunt flúmina et flavérunt venti et irruérunt in domum illam, et cécidit, et fuit ruína eius magna ».

Et factum est, cum consummáset Iesus verba hæc, admirábantur turbæ super doctrínam eius; erat enim docens eos, sicut potestátem habens, et non sicut scribæ eórum. — Verbum Dómini.

1 b

Alleluia

Cf. Act 16, 14 b

℟. Allelúia. ℣. Aperi, Dómine, cor nostrum,
ut intendámus verbis Filii tui. ℟. Allelúia.

Nova et vetera.

✠ Lécio sancti Evangélíi secúndum Matthæum

13, 47-52

In illo témpore: Dixit Iesus turbis:

« Símile est Regnum cælórum sagénæ missæ in mare, et ex omni genere congregánti. Quam, cum impléta esset, educéntes secus litus et sedéntes collegérunt bonos in vasa, malos autem foras misérunt. Sic erit in

consummatione sæculi: exibunt angeli, et separabunt malos de medio iustorum, et mittent eos in caminum ignis: ibi erit fletus et stridor dentium.

Intellexistis hæc omnia? »

Dicunt ei: « Etiam ».

Ait autem illis: « Ideo omnis scriba doctus in Regno cælorum similis est homini patri familias, qui profert de thesauro suo nova et vetera ».

Verbum Domini.

2

Alleluia

Mt 23, 9 a. 10 b

℞. Alleluia. ⁊. Unus est Pater vester, qui in cælis est; et magister vester unus est, Christus.

℞. Alleluia.

Nec vocemini magistri, quia magister vester unus est, Christus.

✠ Lectio sancti Evangelii secundum Matthæum

23, 8-12

In illo tempore:

Dixit Iesus ad discipulos suos: « Vos nolite vocari Rabbi; unus enim est magister vester, omnes autem vos fratres estis.

Et patrem nolite vocare vobis super terram; unus enim est Pater vester, cælestis.

Nec vocemini magistri; quia magister vester unus est, Christus.

Qui maior est vestrum erit minister vester.

Qui autem se exaltaverit humiliabitur, et qui se humiliaverit exaltabitur ». — Verbum Domini.

3

Alleluia

℞. Allelúia. ∞. Semen est verbum Dei, sator autem
Christus;
omnis qui invenit eum,
manébit in ætérnum. ℞. Allelúia.

*

Exiit seminans ad seminandum.

✝ Lécio sancti Evangélíi secúndum Marcum

4, 1-10. 13-20

In illo témpore:

Iterum cœpit Iesus docére ad mare; et congregá-
tur ad eum turba plúrima, ita ut in navem ascéndens
sedéret in mari, et omnis turba circa mare super ter-
ram erant. Et docébat eos in parábolis multa, et dicé-
bat illis in doctrína sua:

« Audíte: ecce éxiit séminans ad seminándum. Et
factum est, dum séminat, áliud cécidit circa viam, et
venérunt vólucres et comedérunt illud; áliud cécidit
super petrósa, ubi non habébat terram multam, et sta-
tim exórtum est, quóniam non habébat altitúdinem
terræ; et, quando exórtus est sol, exæstuávit, et eo
quod non habéret radícem, exáruit; et áliud cécidit in
spinās, et ascendérunt spinæ et suffocavérunt illud, et
fructum non dedit; et ália cecidérunt in terram bonam
et dabant fructum: ascendébant et crescébant et affe-
rébant unum trigínta et unum sexagínta et unum cen-
tum ».

Et dicébat: « Qui habet aures audiéndi áudiat ».

Et, cum esset singuláris, interrogavérunt eum hi
qui circa eum erant cum Duódecim parábulas.

Et ait illis: « Nescítis parábolam hanc, et quómo-

omnes paráblas cognoscétis? Qui séminat, verbum séminat.

Hi autem sunt qui circa viam, ubi seminátur verbum: et, cum audierint, conféstim venit Sátanas et auferit verbum quod seminátum est in eos.

Et hi sunt qui super petrósa seminántur: qui, cum audierint verbum, statim cum gáudio accípiunt illud et non habent radicem in se, sed temporáles sunt; deínde, orta tribulatióne vel persecutióne propter verbum, conféstim scandalizántur.

Et álíi sunt qui in spinis seminántur: hi sunt qui verbum audierunt, et ærúmnæ sáculi et decéptio divitiárum et circa réliqua concupiscéntiæ introeúntes suffócant verbum, et sine fructu effícitur.

Et hi sunt, qui super terram bonam semináti sunt: qui áudiunt verbum et suscípiunt et fructíficant unum trigínta et unum sexagínta et unum centum ».

Verbum Dómini.

vel brevior

✠ Lécio sancti Evangélii secúndum Marcum 4, 1-9

In illo témpore:

Iterum cœpit Iesus docére ad mare; et congregátur ad eum turba plúrima, ita ut in navem ascéndens sedéret in mari, et omnis turba circa mare super terram erant. Et docébat eos in parábolis multa, et dicébat illis in doctrína sua:

« Audíte: ecce éxiit séminans ad seminándum. Et factum est, dum séminat, álíud cécidit circa viam, et venérunt vólucres et comedérunt illud; álíud cécidit super petrósa, ubi non habébat terram multam, et statim exórtum est, quóniam non habébat altitúdinem terræ; et, quando exórtus est sol, exæstuávit, et eo

quod non habéret radicem, exáruit; et áliud cécidit in spinas, et ascendérunt spinæ et suffocavérunt illud, et fructum non dedit; et ália cecidérunt in terram bonam et dabant fructum: ascendébant et crescébant et affe-rébant unum trigínta et unum sexagínta et unum centum ». — Verbum Dómini.

3 a

Alleluia

Io 15, 5

℞. Allelúia. ʒ. Ego sum vitis, vos pálmities, dicit Dóminus;
qui manet in me et ego in eo,
hic fert fructum multum. ℞. Allelúia.

Ex abundantia cordis os loquitur.

✠ Lécio sancti Evangélii secúndum Lucam 6, 43-45

In illo témpore: Dicébat Iesus discípulis suis:

« Non est arbor bona, fáciens fructum malum, neque íterum arbor mala fáciens fructum bonum. Unaquæque enim arbor de fructu suo cognóscitur. Neque enim de spinis cólligunt ficus, neque de rubo vindémiant uvam.

Bonus homo de bono thesáuro cordis profert bonum, et malus homo de malo profert malum; ex abundantia enim cordis os eius lóquitur ».

Verbum Dómini.

COMMUNE VIRGINUM

1

Ant. ad introitum

Hæc est virgo sápiens, et una de número prudéntum,
quæ óbviám Christo cum lámpade accénsa éxiit.

Collecta

Exáudi nos, Deus, salutáris noster,
ut, sicut de beátæ **N.** vírginis commemoratióne gaudémus,
ita piæ devotiónis erudiámur afféctu.
Per Dóminum.

Lectiones ut infra, pp. 932-938.

Super oblata

In beáta vírgine **N.** te, Dómine, mirábilem prædicántes,
maiestátem tuam suppliciter exorámus,
ut, sicut eius tibi grata sunt mérita,
sic nostræ servitútis accépta reddántur offícia.
Per Christum.

Ant. ad communionem

Mt 25, 6

Ecce Sponsus venit: exíte óbviám Christo Dómino.

Post communionem

Divíni múnérís participatióne refécti,
quæsumus, Dómine Deus noster,
ut, exémplo beátæ **N.**,
mortificatiónem Iesu in córpore nostro circumferéntes,
tibi soli adhærére studeámus.
Per Christum.

2

Ant. ad introitum

Gaudeámus et exsultémus,
quia Dóminus ómnium
diléxit vírginem sanctam atque gloriósam.

Collecta

Dómine Deus, qui beátam **N.** vírginem
cæléstibus donis cumulásti,
tribue, quæsumus, ut, eius virtútes æmulánte in terris,
gáudiis cum ipsa perfruámur ætérnis.
Per Dóminum.

Vel, pro virgine fundatrice:

Fac, Dómine Deus noster, ut beáta virgo **N.**,
sponsa tibi fidélis,
divínæ caritátis flammam éxcitet in córdibus nostris,
quam, ad perénnem Ecclésiæ tuæ glóriam,
áliis virgínibus insérui. Per Dóminum.

Lectiones ut infra, pp. 932-938.

Super oblata

Dicátæ, quæsumus, Dómine,
capiámus oblatiónis efféctum,
ut, beátæ **N.** exémplo,
terrénæ vetustátis conversatióne mundáti,
cæléstis vitæ proféctibus innovémur.
Per Christum.

Ant. ad communionem**Mt 25, 4. 6**

Quinque prudéntes vírgines accepérunt óleum
in vasis suis cum lampádibus.
Média autem nocte clamor factus est:
Ecce Sponsus venit: exíte óbviám Christo Dómino.

Post communionem

Córpore et Sánguine Unigéniti tui sacra percéptio,
Dómine, ab ómnibus nos cadúcis rebus avértat,
ut exémplo beátæ **N.** valeámus
tui et sincéra in terris caritáte profícere,
et perpétua in cælis visióne gaudére. Per Christum.

3

Ant. ad introitum

Veni, sponsa Christi, áccipe corónam,
quam tibi Dóminus præparávit in ætérnum.

Collecta

Deus, qui te in puris manére córdibus ásseris,
da nobis, beátæ **N.** vírginis intercessióne,
per grátiam tuam tales exsístere,
in quibus habitáre dignéris. Per Dóminum.

Vel:

Exáudi, quæsumus, Dómine, preces nostras,
ut, qui beátæ **N.** vírginis virtútem devóte recólimus,
in tui amóre permanére
et usque in finem semper créscere mereámur.
Per Dóminum.

Lectiones ut infra, pp. 932-938.

Super oblata

Súscipe, Dómine, obséquium humilitátis nostræ,
quod tibi in commemoratióne beátæ **N.** vírginis
exhibémus,
et nos, per immaculátam hóstiam,
da iúgiter in tuo conspéctu pio sanctóque amóre flagráre.
Per Christum.

Ant. ad communionem

Cf. Lc 10, 42

Optimam partem elégit sibi virgo prudens,
quæ non auferétur ab ea.

Post communionem

Cælésti pane refécti,
humíliter deprecámur cleméntiam tuam, Dómine,
ut, qui de beátæ **N.** commemoratióne gaudémus,
véniám delictórum, sospitátem córporum,
gratiámque et glóriám ætérmam consequámur animárum.
Per Christum.

4

Ant. ad introitum

Ps 148, 12-14

Vírgines laudent nomen Dómini,
quia exaltátum est nomen eius solíus;
conféssio eius super cælum et terram.

Collecta

Múltiplica super nos,
quæsumus, Dómine, misericórdiam tuam,
ut, sicut in beatárum vírginum **N.** et **N.** festivitáte
pia devotióne lætámur,
in eárum perpétua societáte, te largiénte, fruámur.
Per Dóminum.

Lectiones ut infra, pp. 932-938.

Super oblata

In sanctárum vírginum **N.** et **N.** commemoratióne
te, Dómine, mirábilem prædicántes,
múnera votíva deférimus;
præsta, quæsumus, ut, sicut eárum tibi grata sunt mérita,
sic nostræ servitútis accépta reddántur offícia.
Per Christum.

Ant. ad communionem**Mt 25, 10**

Venit Sponsus,
et vírgines, quæ parátæ erant,
intravérunt cum eo ad núptias.

Vel:**Io 14, 21 et 23**

Qui díligit me,
díligétur a Patre meo,
et ad eum veniémus,
et mansiónem apud eum faciémus.

Post communionem

Sumpta mystéria, quæsumus, Dómine,
in hac festivitáte beatárum vírginum **N.** et **N.**
íncitent nos iúgiter et illústrent,
ut dígne advéntum Fílii tui præstolémur,
et ad supérnas eius núptias admittámur.
Per Christum.

Lectio prima**1***Fortis est ut mors dilectio.***Léctio Cántici canticórum****8, 6-7**

Pone me ut signáculum super cor tuum, ut signáculum super bráccium tuum, quia fortis est ut mors dílectio, dura sicut inférnus æmulátio, lámpades eius lámpades ignis atque flammárum.

Aquæ multæ non potuérunt exstinguere caritátem, nec flúmina óbruent illam. Si déderit homo omnem

substántiam domus suæ pro dilectiône, quasi nihil despíciat eam. — Verbum Dómini.

Psalmus responsorius

Ps 148, 1-2. 11-13 a. 13 c-14 (R.: 12 a. 13 a)

R. Iúvenes et vírgines,
laudáte nomen Dómini.

vel Allelúia.

- 1 Laudáte Dóminum de cælis,
laudáte eum, in excélsis.
 - 2 Laudáte eum, omnes ángeli eius,
laudáte eum, omnes virtútes eius. R.
 - 11 Reges terræ et omnes pópuli,
príncipes et omnes iúdicez terræ,
 - 12 iúvenes et vírgines,
senes cum iunióribus
 - 13 laudent nomen Dómini. R.
- Conféssio eius super cælum et terram,
14 et exaltávit cornu pópuli sui.
Hymnus ómnibus sanctis eius,
fíliis Israel, pópulo qui propínquus est ei. R.

2

Sponsabo te mihi in sempiternum.

Léctio libri Osée prophétæ 2, 14 b. 15 b. 19-20

Hæc dicit Dóminus:

Ecce ego ducam eam in solitúdinem, et loquar ad cor eius; et canet ibi iuxta dies iuventútis suæ, et iuxta dies ascensiónis suæ de terra Ægýpti.

Et sponsábo te mihi in sempitérnum; et sponsábo te mihi in iustítia et iudício, et in misericórdia et in

miseratió nibus, et sponsábo te mihi in fide, et scies quia ego Dóminus. — Verbum Dómini.

Psalmus responsorius

Ps 44, 11-12. 14-15. 16-17 (R.: cf. Mt 25, 6)

R. Ecce Sponsus venit: exíte óbviám Christo Dómino.

- 11** Audi, fília, et vide, et inclína aurem tuam,
12 et obliviscere pópulum tuum et domum patris tui;
 et concupíscet rex spéciem tuam.

Quóniam ipse est dóminus tuus, et adóra eum. **R.**

- 14** Gloriósa nimis fília regis intrínsecus,
 textúris áureis circumamícta.

- 15** In véstibus variegátis adducétur regi;
 vírgines post eam, próxímæ eius, afferúntur tibi. **R.**

- 16** Afferúntur in lætítia et exsultatióne,
 adducúntur in domum regis.

- 17** Pro pátribus tuis erunt tibi fílii;
 constítues eos príncipes super omnem terram. **R.**

Lectio secunda

1

Virgo cogitat quæ Domini sunt.

Léctio Epístolæ primæ beáti Pauli apóstoli
 ad Corínthios

7, 25-35

Fratres:

De virgínibus præcéptum Dómini non hábeo; consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse.

Alligátus es uxóri? noli quærere solutiónem. Solútus es ab uxóre? noli quærere uxórem. Si autem acceperis uxórem, non peccásti; et si núpserit virgo, non peccávit. Tribulatiónem tamen carnis habébunt huiúsmodi; ego autem vobis parco.

Hoc itaque dico, fratres: Tempus breviátum est; réliquum est, ut et qui habent uxóres tamquam non habéntes sint, et qui flent tamquam non flentes, et qui gaudent tamquam non gaudéntes, et qui emunt tamquam non possidéntes, et qui utúntur hoc mundo tamquam non abuténtes; præterit enim figúra huius mundi.

Volo autem vos sine sollicitúdi-ne esse.

Qui sine uxóre est, sollicitus est quæ Dómini sunt, quómodo pláceat Dómino. Qui autem cum uxóre est, sollicitus est quæ sunt mundi, quómodo pláceat uxóri, et divísus est.

Et múl-ier innúpta et virgo cógitat quæ Dómini sunt, ut sit sancta et córpore et spírítu; quæ autem nupta est cógitat quæ sunt mundi, quómodo pláceat viro.

Porro hoc ad utilitátem vestram dico, non ut láqueum vobis iníciam, sed ad honéstum et ad adhæréndum Dómino sine distracti-one. — Verbum Dómini.

2

*Despondi vos uni viro, virginem castam
exhibere Christo.*

Léctio Epístolæ secúndæ beáti Pauli apóstoli
ad Corínthios

10, 17 — 11, 2

Fratres:

Qui gloriátur, in Dómino gloriétur. Non enim qui seípsum comméndat, ille probátus est; sed quem Dóminus comméndat.

Utinam sustinerétis módicum quid insipiéntiæ meæ, sed et supportáte me. Æmulor enim vos Dei æmulatióne; despóndi enim vos uni viro, vírginem castam exhibére Christo. — Verbum Dómini.

Evangelium

1

Alleluia

℞. Allelúia. ℣. Veni, sponsa Christi, áccipe corónam, quam tibi Dóminus præparávit in ætérnum.
℞. Allelúia.

Propter Regnum cælorum.

✠ Lécio sancti Evangélii secúndum Matthæum

19, 3-12

In illo témpore:

Accessérunt ad Iesum pharisæi tentántes eum, et dicéntes: « Licet hómini dimíttre uxórem suam, quacúmque ex causa? »

Qui respóndens ait: « Non legístis quia qui creávit ab inítio, “ másculum et féminam fecit eos ”, et dixit: “ Propter hoc dimíttet homo patrem et matrem, et adhærébit uxóri suæ, et erunt duo in carne una ”? »

Itaque iam non sunt duo, sed una caro.

Quod ergo Deus coniúnxit, homo non séparet ».

Dicunt illi: « Quid ergo Móyses mandávit dari libéllum repúdii et dimíttre? »

Ait illis: « Móyses ad durítiam cordis vestri permísit vobis dimíttre uxóres vestras; ab inítio autem non sic fuit. Dico autem vobis, quia quicúmque dimíserit uxórem suam, nisi ob fornicatióem, et áliam dúxerit, mœchátur ».

Dicunt ei discipuli eius: « Si ita est causa hóminis cum uxóre, non éxpedit núbere ».

Qui dixit eis: « Non omnes cápiunt verbum istud, sed quibus datum est. Sunt enim eunúchi qui de matris útero sic nati sunt, et sunt eunúchi qui facti sunt ab homínibus, et sunt eunúchi qui se ipsos castravérunt propter Regnum cælórum. Qui potest cápere cápiat ».

Verbum Dómini.

2

Alleluia

R. Allelúia. V. Hæc est virgo sápiens,
quam Dóminus vigilántem invénit;
veniénte Dómino, intrávit cum eo ad núptias.

R. Allelúia.

Ecce Sponsus, exite obviam ei.

✠ Lécio sancti Evangélíi secúndum Matthæum

25, 1-13

In illo témpore:

Dixit Iesus discipulis suis parábolam hanc: « Sí-mile erit Regnum cælórum decem virgínibus, quæ accipiéntes lámpades suas exiérunt óbviám sponso. Quinque autem ex eis erant fátuæ et quinque prudéntes; fátuæ enim, accéptis lampádibus suis, non sumpsérunt óleum secum; prudéntes vero accepérunt óleum in vasis cum lampádibus suis. Moram autem faciénte sponso, dormitavérunt omnes et dormiérunt.

Média autem nocte, clamor factus est: “ Ecce sponsus, exite óbviám ei ”. Tunc surrexérunt omnes vírgines illæ, et ornavérunt lámpades suas.

Fátuæ autem sapiéntibus dixérunt: “ Date nobis de óleo vestro, quia lámpades nostræ exstinguúntur ”.

Respondérunt prudéntes dicéntes: " Ne forte non suffíciat nobis et vobis, ite pótius ad vendéntes et émite vobis ". Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua.

Novíssime autem véniunt et réliquæ vírgines dicéntes: " Dómine, Dómine, áperi nobis ".

At ille respóndens ait: " Amen dico vobis, néschio vos ". Vigiláte itaque, quia nescítis diem neque horam ». — Verbum Dómini.

3

Alleluia

Io 14, 23

℞. Allelúia. √. Si quis díligit me, sermónem meum servábit,
et Pater meus díliget eum,
et ad eum veniémus. ℞. Allelúia.

Martha excepit illum.

Maria optimam partem elegit.

✠ Lécio sancti Evangélíi secúndum Lucam 10, 38-42

In illo témpore:

Intrávit Iesus in quoddam castéllum; et múlíer quædam, Martha nómine, excépit illum. Et huic erat soror nómine María, quæ étiam sedens secus pedes Dómini audiébat verbum illíus.

Martha autem satagébat circa frequens ministérium; quæ stetit et ait: « Dómine, non est tibi curæ, quod soror mea relíquit me solam ministráre? dic ergo illi ut me ádiuvet ».

Et respóndens dixit illi Dóminus: « Martha, Martha, sollicita es et turbáris erga plúrima. Porro unum est necessárium: María enim óptimam partem elégit, quæ non auferétur ab ea ». — Verbum Dómini.

COMMUNE SANCTORUM ET SANCTARUM

Missæ quæ sequuntur, si pro determinato Sanctorum ordine inscribuntur, pro eius ordinis Sanctis adhibentur; quæ vero nulla inscriptione signantur, pro omnibus Sanctorum ordinibus adhiberi possunt.

1

Ant. ad introitum

Ps 144, 10-11

Confiteántur tibi, Dómine, ómnia ópera tua,
et Sancti tui benedicant tibi:
glóriam regni tui dicent, et poténtiam tuam loquéntur.

Collecta

Omnípotens ætérne Deus,
qui per glorificatiónem Sanctórum
novíssima dilectiόνis tuæ nobis arguménta largíris,
concéde propítius,
ut, ad Unigénitum tuum fidéliter imitándum,
et ipsórum intercessióne commendémur,
et incitémur exémplo.
Per Dóminum.

Lectiones ut infra, pp. 952-1011.

Super oblata

Preces nostras, Dómine, quæsumus, propitiátus admítte,
et, ut digne tuis famulémur altáribus,
Sanctórum tuórum nos intercessióne custódi.
Per Christum.

Ant. ad communionem

Ps 67, 4

Iusti epuléntur, et exsúltent in conspéctu Dei,
et delecténtur in lætítia.

Vel:

Lc 12, 37

Beāti servi illi, quos, cum vénerit Dóminus,
invénerit vigilántes; amen dico vobis, quod præíngnet se,
et fáciat illos discúmbere, et tránsiens ministrábit illis.

Post communionem

Omnípotens sempitérne Deus,
Pater totíus consolatiónis et pacis,
præsta famíliæ tuæ in celebritáte Sanctórum
ad laudem tui nóminis congregátæ,
ut, per Unigéniti tui sumpta mystéria,
pignus accípiat redemptiόνis æternæ.
Per Christum.

2

Ant. ad introitum

Ps 63, 11

Lætábitur iustus in Dómino, et sperábit in eo;
et laudabúntur omnes recti corde.

Collecta

Deus, qui solus es sanctus, et sine quo nullus est bonus,
intercessióne beāti **N.** iube nos tales fieri,
qui non debeámus tua glória privári.
Per Dóminum.

Lectiones ut infra, pp. 952-1011.

Super oblata

Præsta nobis, quæsumus, omnípotens Deus,
ut nostræ humilitátis oblátio
et pro tuórum tibi grata sit honóre Sanctórum,
et nos córpore páriter et mente puríficet.
Per Christum.

Ant. ad communionem**Io 12, 26**

Qui mihi ministrat, me sequatur, dicit Dominus:
et ubi ego sum, illic et minister meus erit.

Post communionem

In nataliciis Sanctorum quæsumus, Domine,
ut, sacramenti múnere vegetati,
bonis, quibus per tuam grátiam nunc fovémur,
perfruámur æternis.
Per Christum.

3**Ant. ad introitum****Ps 20, 2-3**

In virtute tua, Domine, lætabitur iustus,
et super salutare tuum exsultabit vehementer;
desiderium animæ eius tribuisti ei.

Collecta

Deus, qui infirmitati nostræ, ad terendam salutis viam,
in Sanctis tuis exemplum et præsidium collocasti,
concède propitius, ut, qui beati **N.** natalicia cólimus,
per eius ad te exempla gradiámur.
Per Dóminum.

Lectiones ut infra, pp. 952-1011.

Super oblata

Præsenti oblatione, Domine,
in beati **N.** commemoratione delata,
fidelibus tuis, quæsumus, pacis et unitatis dona largíre.
Per Christum.

Ant. ad communionem**Mt 16, 24**

Qui vult venire post me, abneget semetipsum,
et tollat crucem suam, et sequatur me, dicit Dominus.

Post communionem

Sacraménta quæ sumpsimus, Dómine,
in commemoratióne beáti **N.**
mentes et corda nostra sanctíficent,
ut divínæ consórtes natúrae éffici mereámur.
Per Christum.

4

Ant. ad introitum

Mal 2, 6

Lex veritátis fuit in ore eius,
et iníquitas non est invénta in lábiis eius;
in pace et in æquitáte ambulávit mecum,
et multos avértit ab iniquitáte.

Collecta

Deus, qui nos cóspicis ex nostra infirmitáte defícere,
ad amórem tuum nos misericórditer
per Sanctórum tuórum exémpa restáura.
Per Dóminum.

Lectiones ut infra, pp. 952-1011.

Super oblata

Sacrificia, Dómine,
quæ in hac festivitate sancti **N.** tuæ offérimus maiestáti,
nobis sint ad salutem efficácia, et tuæ plácita pietáti.
Per Christum.

Ant. ad communionem

Mt 5, 8-9

Beáti mundo corde, quóniam ipsi Deum vidébunt:
beáti pacífici, quóniam filii Dei vocabúntur:
beáti qui persecutióne patiúntur propter iustítiam,
quóniam ipsórum est regnum cælórum.

Post communionem

Sacro múnere satiáti, súpplīces te, Dómine, deprecámur,
ut, quod débitæ servitútis celebrámus offício,
salvatiónis tuæ sentiámus augméntum.
Per Christum.

5**Ant. ad introitum****Ps 91, 13-14**

Iustus ut palma florébit,
sicut cedrus Líbani multiplicábitur;
plantátus in domo Dómini, in átriis domus Dei nostri.

Collecta

Impetret, quásumus, Dómine, fidélibus tuis auxílium
orátio iusta Sanctórum,
et, in quorum sunt celebritáte devóti,
fiant in eórum perpétua sorte partícipes.
Per Dóminum.

Lectiones ut infra, pp. 952-1011.

Super oblata

Hóstias ad altáre tuum offeréntibus, Dómine,
da nobis illum pietátis afféctum, quem beáto **N.** infudísti,
ut pura mente ac férvido corde rei sacræ attendámus,
et sacrificium tibi plácitum
nobisque profícuum celebrémus.
Per Christum.

Ant. ad communionem**Mt 11, 28**

Veníte ad me, omnes qui laborátis et oneráti estis,
et ego refíciam vos, dicit Dóminus.

Post communionem

Sacramentórum tuórum, Dómine,
commúnio sumpta nos salvet,
et in tuæ veritátis luce confírmēt.
Per Christum.

6

Ant. ad introitum

Ier 17, 7-8

Benedíctus vir, qui confídít in Dómino,
et erit Dóminus fidúcia eius;
et erit quasi lignum, quod transplantátur super aquas,
quod ad humórem mittit radíces suas;
et non timébit cum vénerit æstus.

Collecta

Concéde, quæsumus, omnípotens Deus,
ut ad meliorem vitam
Sanctorum tuorum exémpa nos próvocent,
quátenus beáti **N.**, cuius memóriam celebrámus,
étiam actus incessánte imitémur.
Per Dóminum.

Lectiones ut infra, pp. 952-1011.

Super oblata

Múnera nostra, Dómine, sacris altáribus offeréntes,
in hac festivitáte Sanctorum tuorum,
quæsumus cleméntiam tuam,
ut éadem et suprémam tibi glóriam operéntur,
et ubérrimam nobis grátiam assequántur.
Per Christum.

Ant. ad communionem

Io 15, 9

Sicut diléxit me Pater, et ego diléxi vos, dicit Dóminus;
manéte in dilectióne mea.

Post communionem

Quæsumus, Dómine Deus noster,
ut divína mystéria,
quæ in tuórum commemoratióne Sanctórum
frequentámus,
salútem et pacem in nobis operéntur ætéram.
Per Christum.

7. Pro religiosis

Ant. ad introitum

Ps 15, 5-6

Dóminus pars hereditátis meæ et cálicis mei;
tu es qui restítues hereditátem meam mihi.
Funes cecidérunt mihi in præcláris;
étenim heréditas mea præclára est mihi.

Collecta

Deus, cuius múnere beátus **N.**
Christum páuperem et húmilem perseverávit imitári,
concéde nobis, ipso intercedénte,
ut, in vocatióne nostra fidéliter ambulátes,
ad eam perfectiόνem,
quam nobis in Fílio tuo proposuísti,
perveníre valeámus.
Per Dóminum.

Vel, pro abbate:

Da nobis, quæsumus, Dómine,
inter mundi huius varietátes
toto corde rebus cæléstibus adhærére,
qui per beátum **N.** abbátem
evangélicæ nobis perfectiόνis documénta donásti.
Per Dóminum.

Lectiones ut infra, pp. 952-1011.

Super oblata

Clementíssime Deus, qui, vétére hómine consúmpo,
novum secúndum te in beáto **N.** creáre dignátus es,
concéde propítius, ut nos páriter renováti
hanc placatiónis hóstiam tibi acceptábilem offerámus.
Per Christum.

Ant. ad communionem**Cf. Mt 19, 27-29**

Amen dico vobis quod vos qui reliquistis ómnia,
et secúti estis me, céntuplum accipiétis,
et vitam ætérrnam possidébitis.

Post communionem

Quásumus, omnípotens Deus,
ut, qui huius sacraménti munímur virtúte,
exémpló beáti **N.**
discámus te super ómnia semper inquirere,
et novi hómínis formam in hoc sáculo portáre.
Per Christum.

8. Pro religiosis**Ant. ad introitum****Cf. Ps 23, 5-6**

Isti sunt sancti, qui accepérunt benedictiónem a Dómino
et misericórdiam a Deo salutári suo,
quia hæc est generátio quæréntium Dóminum.

Collecta

Deus, qui beátum **N.**
ad tuum regnum in hoc sáculo perquiréndum
per caritátis perféctæ prosecutióem vocásti,
concéde, ut, eius intercessióne roboráti,
in dilectiúnis via spírítu gaudéntes progrediámur.
Per Dóminum.

Lectiones ut infra, pp. 952-1011.

Super oblata

Accépta tibi sint, quæsumus, Dómine,
múnera nostræ servitútis
pro beáti **N.** commemoratióne altári tuo propósita,
et concéde, ut, a terrénis impediméntis absoluti,
te solo dívites efficiámur. Per Christum.

Ant. ad communionem**Ps 33, 9**

Gustáte et vidéte quóniam suávis est Dóminus:
beátus vir, qui sperat in eo.

Post communionem

Per huius virtútem sacraménti, quæsumus, Dómine,
beáti **N.** exémplo, deduc nos iúgiter in tua dilectiône,
et opus bonum quod cœpísti in nobis
pérfice usque in diem Christi Iesu. Qui vivit.

9. Pro iis qui opera misericordiæ exercuerunt**Ant. ad introitum****Mt 25, 34. 36. 40**

Veníte, benedícti Patris mei, dicit Dóminus:
infirmus eram, et visitástis me.
Amen dico vobis,
quámdiu fecístis uni ex his frátribus meis mínimis,
mihi fecístis.

Collecta

Deus, qui Ecclésiam tuam
in dilectiône tuæ divinitátis et próximi
cuncta serváre cæléstia mandáta docuísti,
da nobis, ut, beáti **N.** exémplo caritátis ópera exercéntes,
inter benedíctos regni tui connumerári mereámur.
Per Dóminum.

Lectiones ut infra, pp. 952-1011.

Super oblata

Súscipe, Dómine, múnera pópuli tui, et præsta,
ut, qui Fílii tui imménsæ caritátis opus recólimus,
in tui et próximi dilectióne,
Sanctórum tuórum exémplo, confirmémur.
Per Christum.

Ant. ad communionem

Io 15, 13

Maiórem hac dilectiónem nemo habet,
ut ánimam suam ponat quis pro amícis suis.

Vel:

Io 13, 35

In hoc cognóscent omnes
quia discípuli mei estis,
si dilectiónem habuéritis ad ínvicem,
dicit Dóminus.

Post communionem

Sacris mystériis reféctos,
da nos, quæsumus, Dómine,
beáti **N.** exémpa sectári,
qui te indeféssa pietáte cóluit,
et pópulo tuo imménsa prófuit caritáte.
Per Christum.

Vel:

Sacraménti salutáris, Dómine, pasti delíciis,
tuam súplices deprecámur pietátem,
ut, sancti **N.** caritátis imitatóres effécti,
consórtes simus et glóriæ.
Per Christum.

10. Pro educatoribus

Ant. ad introitum

Mc 10, 14

Sinite párvulos veníre ad me, et ne prohibuéritis eos:
tálium est enim regnum Dei, dicit Dóminus.

Vel:

Mt 5, 19

Qui fécerit et docúerit,
hic magnus vocábitur in regno cælórum, dicit Dóminus.

Collecta

Deus, qui in Ecclésia tua beátum **N.** suscitásti,
ut próximis viam salútis monstráret,
da nobis, eius exémplo, Christum magístrum ita sequi,
ut ad te cum frátribus nostris perveníre valeámus.
Per Dóminum.

Lectiones ut infra, pp. 952-1011.

Super oblata

Accépta tibi sit, quáesumus, Dómine,
sacrátæ plebis oblátio
pro tuórum commemoratióne Sanctórum,
et præsta, ut, ex huius participatióne mystérii,
exémpa tuæ caritátis referámus.
Per Christum.

Ant. ad communionem

Mt 18, 3

Nisi convérsi fuéritis et efficiámini sicut párvuli,
non intrábitis in regnum cælórum, dicit Dóminus.

Vel:

Io 8, 12

Qui séquitur me, non ámbulat in ténebris,
sed habébit lumen vitæ, dicit Dóminus.

Post communionem

Tríbuat nobis, omnípotens Deus,
refectio sancta subsidium,
ut, exémplo Sanctórum tuórum,
et fraternitátis caritátem et lumen veritátis
in corde exhibeámus et ópere. Per Christum.

11. Pro sanctis mulieribus**Ant. ad introitum****Cf. Prov 31, 30. 28**

Múlter timens Dóminum ipsa laudábitur.
Fílii eius beatíssimam prædicavérunt,
vir eius laudávit eam.

Collecta

Deus, qui nos ánnua beátæ **N.** festivitáte lætíficas,
da, quæsumus, ut, quam venerámur officio,
étiam piæ conversatiónis sequámur exémplo.
Per Dóminum.

Vel (pro pluribus):

Concéde, quæsumus, omnípotens Deus,
ut veneránda nobis beatárum **N.** et **N.** intercésio
tribuat cæléste subsidium,
quarum vita mirábilis
ómibus salutáre præstat exémpulum. Per Dóminum.

Lectiones ut infra, pp. 952-1011.**Super oblata**

Hóstias tibi, Dómine,
pro sanctæ **N.** commemoratióne deférimus,
supplíciter deprecántes,
ut indulgéntiam nobis páriter cónferant et salútem.
Per Christum.

Ant. ad communionem

Mt 13, 45-46

Símile est regnum cælórum hómīni negotiátōri,
quærénti bonas margarítas;
invénta autem una pretiósā margaríta,
dedit ómnia sua, et comparávit eam.

Post communionem

Divíni operátio sacraménti, omnípotens Deus,
in hac festivitáte beátæ **N.**
illúminet nos páriter et inflámmet,
ut et sanctis iúgiter desidériis ferveámus,
et bonis opéribus abundémus. Per Christum.

12. Pro sanctis mulieribus

Ant. ad introitum

Cf. Prov 14, 1-2

Ecce múlīer sápiens, quæ ædificávit domum suam,
et timens Dóminum ambulávit recto itínere.

Collecta

Deus, humílium celsitúdo,
qui beátam **N.** caritátis et patiéntiæ decóre
excellere disposuísti,
eius méritis et intercessióne concéde,
ut, crucem nostram iúgiter feréntes,
te semper diligere valeámus. Per Dóminum.

Vel:

Effúnde super nos, Dómine,
spíritum agnitiónis et dilectiόnis tuæ,
quo ancíllam tuam **N.** implevísti,
ut, sédula eius imitatiόne tibi sincére obsequéntes,
fide et ópere placeámus. Per Dóminum.

Lectiones ut infra, pp. 952-1011.

Super oblata

Hóstias, Dómine, tuæ plebis inténde,
et, quas in honóre Sanctórum tuórum
devóta mente célebrat,
profícere sibi séntiat ad salútem. Per Christum.

Ant. ad communionem

Mt 12, 50

Quicúmque fécerit voluntátem Patris mei, qui in cælis est,
ipse meus frater et soror et mater est, dicit Dóminus.

Post communionem

Repléti sumus, Dómine, munéribus tuis,
quæ in celebritáte beátæ **N.** percépimus;
tribue, quæsumus, ut eórum et mundémur efféctu,
et muniámur auxílio. Per Christum.

Lectio prima

1

*Egredere de terra tua
et de cognatione tua, et veni.*

Léctio libri Génesis

12, 1-4 a

In diébus illis:

Dixit Dóminus ad Abram: « Egrédere de terra tua
et de cognatióne tua et de domo patris tui; et veni
in terram quam monstrábo tibi. Faciámque te in gentem
magnum, et benedícam tibi, et magnificábo nomen tuum,
erisque benedíctus.

Benedícam benedicéntibus tibi et maledícam male-
dicéntibus tibi, atque in te benedicéntur univérsæ co-
gnatiónes terræ ».

Egréssus est itaque Abram, sicut præcéperat ei
Dóminus. — Verbum Dómini.

Psalmus responsorius

Ps 15, 1-2 a et 5. 7-8. 11 (R.: 5 a)

R. Tu es, Dómine, pars hereditátis meæ.

1 Consérva me, Deus, quóniam sperávi in te.

2 Dixi Dómino: « Dóminus meus es tu.

5 Dóminus pars hereditátis meæ et cálicis mei:
tu es qui délines sortem meam ». R.7 Benedícam Dóminum
qui tríbuit mihi intelléctum;
ínsuper et in nóctibus erudiérunt me renes mei.8 Proponébam Dóminum in conspéctu meo semper,
quóniam a dextris est mihi, non commovébor. R.11 Notas mihi fácies vias vitæ,
plenitúdinem lætítiæ cum vultu tuo,
delectatiónes in dextera tua usque in finem. R.

2

Diliges amicum tuum sicut teipsum.

Léctio libri Levítici

19, 1-2. 17-18

In diébus illis:

Locútus est Dóminus ad Móysen dicens: « Lóquere ad omnem cœtum filiórum Israel, et dices ad eos: Sancti estóte, quia ego sanctus sum, Dóminus Deus vester.

Non óderis fratrem tuum in corde tuo, sed públice árgue eum, ne hábeas super illo peccátum. Non quæras ultiónem nec memor eris iniúriæ cívium tuórum. Díliges amicum tuum sicut teipsum. Ego Dóminus. Leges meas custodíte ». — Verbum Dómini.

Psalmus resp. Ps 14, 2-3 ab. 3 cd-4 ab. 5 (R.: 1 b)

R. Iustus requiescet in monte sancto tuo, Dómine.

2 Qui ingréditur sine mácula, et operátur iustítiam;
3 qui lóquitur veritátem in corde suo,
qui non egit dolum in lingua sua. R.

Nec fecit próximo suo malum,
et oppróbrium non íntulit próximo suo.

4 Ad níhilum reputátus est in conspéctu eius malignus,
timéntes autem Dóminum glórficat. R.

5 Qui pecúniam suam non dedit ad usúram,
et múnera super innocéntem non accépit.
Qui facit hæc, non movébitur in ætérnum. R.

3

Diliges Dominum Deum tuum ex toto corde tuo.

Léctio libri Deuteronomii

6, 3-9

In diébus illis:

Locútus est Móyses pópulo dicens: « Audi, Israel, et obsérva, ut fácias quæ præcépit tibi Dóminus, et bene sit tibi, et multiplicéris ámplius, sicut pollicítus est Dóminus Deus patrum tuórum tibi terram lacte et melle manántem.

Audi, Israel: Dóminus Deus noster Dóminus unus est. Díliges Dóminum Deum tuum ex toto corde tuo et ex tota ánima tua et ex tota fortitúdine tua.

Erúntque verba hæc, quæ ego præcípio tibi hódie, in corde tuo, et narrábis ea fíliis tuis, et meditáberis in eis sedens in domo tua et ámbulans in itinere, dórmiens atque consúrgens, et ligábis ea quasi signum in manu tua, erúntque et movebúntur inter óculos tuos, sribésque ea in límine et óstiis domus tuæ ».

Verbum Dómini.

Psalmus responsorius

Ps 111, 1-2. 3-4. 5-7 a. 7 b-8. 9 (R.: 1 a)

R. Beátus vir qui timet Dóminum.

vel Allelúia.

- 1 Beátus vir qui timet Dóminum,
in mandátis eius cupit nimis.
- 2 Potens in terra erit semen eius,
generátio rectórum benedicétur. R.
- 3 Glória et divítiæ in domo eius,
et iustítia eius manet in sáculum sáculi.
- 4 Exórtum est in ténebris lumen rectis,
miséricors et miserátor et iustus. R.
- 5 Iucúndus homo qui miserétur et cómmodat,
dispónet res suas in iudício,
- 6 quia in ætérnum non commovébitur.
In memória æténa erit iustus,
- 7 ab auditióne mala non timébit. R.
- 8 Parátum cor eius, sperans in Dómino,
confirmátum est cor eius, non timébit,
donec despíciat inimícos suos. R.
- 9 Distribuit, dedit paupéribus;
iustítia eius manet in sáculum sáculi,
cornu eius exaltábitur in glória. R.

4

Pro religiosis

Dominus possessio eius est.

Léctio libri Deuteronomii

10, 8-9

In diébus illis:

Locútus est Móyses pópulo dicens: « Separávit Dóminus tribum Levi, ut portáret arcam fóederis Dómini,

et staret coram eo in ministério, ac benediceret in nómine illius usque in præsentem diem. Quam ob rem non hábuit Levi partem neque possessionem cum fratribus suis, quia ipse Dóminus posséssio eius est, sicut promísit ei Dóminus Deus tuus ». — Verbum Dómini.

Psalmus responsorius

Ps 15, 1-2 a et 5. 7-8. 11 (R.: 5 a)

R. Tu es, Dómine, pars hereditátis meæ.

- 1 Consérva me, Deus, quóniam sperávi in te.
- 2 Dixi Dómino: « Dóminus meus es tu.
- 5 Dóminus pars hereditátis meæ et cálicis mei: tu es qui détines sortem meam ». R.
- 7 Benedícam Dóminum qui tríbuit mihi intelléctum; ínsuper et in nóctibus erudiérunt me renes mei.
- 8 Proponébam Dóminum in conspéctu meo semper, quóniam a dextris est mihi, non commovébor. R.
- 11 Notas mihi fácies vías vitæ, plenitúdinem lætítiæ cum vultu tuo, delectatiónes in dextera tua usque in finem. R.

5

Pro religiosus

Sta in monte coram Domino.

Léctio libri primí Regum

19, 4-9 a. 11-15 a

In diébus illis:

Perréxit Elías in désertum viam unius diéi. Cumque venísset et sedéret subter unam iuníperum, petívit ánimæ suæ ut morerétur et ait: « Súfficit mihi, Dómine: tolle ánimam meam, neque enim mélior sum quam patres mei ». Proiecitque se et obdormívit in umbra iuníperi.

Et ecce ángelus Dómini tétigit eum, et dixit illi: « Surge et cómede ». Respéxit, et ecce ad caput suum subcinerícus panis et vas aquæ; comédit ergo et bibit et rursum obdormívit.

Reversúsque est ángelus Dómini secúndo, et tétigit eum dixítque illi: « Surge, cómede, grandis enim tibi restat via ». Qui, cum surrexísset, comédit et bibit et ambulávit in fortitúdine cibi illíus quadragínta diébus et quadragínta nóctibus usque ad montem Dei Horeb. Cumque venísset illuc mansit in spelúnca.

Et ait Dóminus ei: « Egrédere, et sta in monte coram Dómino ». Et ecce Dóminus transit. Et spíritus grandis et fortis subvértens montes et cónterens petras ante Dóminum; non in spíritu Dóminus. Et post spíritum commótio; non in commotióne Dóminus. Et post commotiónem ignis; non in igne Dóminus. Et post ignem síbilus auræ ténuis.

Quod cum audísset Elías, opéruiť vultum suum pállio et egréssus stetit in óstio spelúncæ; et ecce vox ad eum dicens: « Quid hic agis, Elía? »

Et ille respóndit: « Zelo zelátus sum pro Dómino Deo exercítuum, quia dereliquérunt pactum tuum filii Israel, altária tua destruxérunt, prophétas tuos occidérunt gládio: derelíctus sum ego solus, et quærunt ánimam meam ut áuferant eam ».

Et ait Dóminus ad eum: « Vade, et revértere in viam tuam per desértum in Damáscum ». — Verbum Dómini.

Psalmus responsorius

Ps 14, 2-3 ab. 3 cd-4 ab. 5 (R.: 1 b)

R. Iustus requiescet in monte sancto tuo, Dómine.

Qui ingréditur sine mácula, et operátur iustítiam;
qui lóquitur veritátem in corde suo,
qui non egit dolum in lingua sua. R.

Nec fecit próximo suo malum,
et oppróbrium non íntulit próximo suo.

4 Ad níhilum reputátus est
in conspéctu eius malignus,
timéntes autem Dóminum gloríficat. *R.*

5 Qui pecúniam suam non dedit ad usúram,
et múnera super innocéntem non accépit.
Qui facit hæc, non movébitur in ætérnum. *R.*

6

Pro religiosis

Consurgens Eliseus abiit et secutus est Eliam.

Léctio libri primi Regum

19, 16 b. 19-21

In diébus illis:

Dixit Dóminus ad Eliám: « Eliséum, filium Saphat, qui est de Abelméhula, unges prophétam pro te ».

Proféctus inde Eliás répperit Eliséum, filium Saphat, arántem in duódecim iugis boum; et ipse in duódecim iugis boum arántibus unus erat; cumque venisset Eliás ad eum, misit pállium suum super illum.

Qui statim, relictis bobus, cucúrrit post Eliám et ait: « Osculer, oro, patrem meum et matrem meam, et sic sequar te ».

Dixítque ei: « Vade et revértere, quod enim meum erat feci tibi ».

Revérsus autem ab eo tulit par boum et mactávit illud, et in arátro boum coxit carnes et dedit pópulo, et comedérunt; consurgénsque ábiit et secútus est Eliám et ministrábat ei. — Verbum Dómini.

Psalmus responsorius

Ps 15, 1-2 a et 5. 7-8. 11 (R.: 5 a)

R. Tu es, Dómine, pars hereditátis meæ.

- 1 Consérva me, Deus, quóniam sperávi in te.
 2 Dixi Dómino: « Dóminus meus es tu.
 5 Dóminus pars hereditátis meæ et cálicis mei:
 tu es qui détines sortem meam ». R.
 7 Benedícam Dóminum qui tríbuit mihi intelléctum;
 ínsuper et in nóctibus erudiérunt me renes mei.
 8 Proponébam Dóminum in conspéctu meo semper,
 quóniam a dextris est mihi, non commovébor. R.
 11 Notas mihi fácies vías vitæ,
 plenitúdinem lætítiæ cum vultu tuo,
 delectatiónes in délixtera tua usque in finem. R.

7

Consenescamus ambo pariter sani.

Léctio libri Tobíæ

8, 5-10

Sero nuptiárum, Tobías dixit Saræ: « Fílii sanctórum sumus, et non póssumus ita coniúngi sicut gentes quæ ignórant Deum ». Surgéntes autem páriter, instánter orábant ambo simul, ut sánitas darétur eis.

Dixítque Tobías: « Dómine Deus patrum nostrórum, benedícant te cæli et terræ maréque et fontes et flúmina et omnes creatúra tuæ, quæ in eis sunt. Tu fecísti Adam de limo terræ dedístique ei adiutórium Evam.

Et nunc, Dómine, tu scis quia non luxúriæ causa accípio sorórem meam cóniugem, sed sola posteritátis dilectiône, in qua benedicátur nomen tuum in sæcula sæculórum ».

Dixit quoque Sara: « Miserere nobis, Dómine, misereere nobis, et consenescámus ambo páriter sani ».
Verbum Dómini.

Psalmus responsorius Ps 127, 1-2. 3. 4-5 (R.: 1 a)

R. Beátus omnis qui timet Dóminum.

- 1 Beátus omnis qui timet Dóminum,
qui ámbulat in viis eius.
- 2 Labóres mánuum tuárum manducábis,
beátus es, et bene tibi erit. R.
- 3 Uxor tua sicut vitis fructífera
in latéribus domus tuæ;
fílii tui sicut novéllæ olivárum
in circúitu mensæ tuæ. R.
- 4 Ecce sic benedicétur homo,
qui timet Dóminum.
- 5 Benedícat tibi Dóminus ex Sion,
et vídeas bona Ierúsalem
óm nibus diébus vitæ tuæ. R.

8

Pro iis qui opera misericordiæ exercuerunt

Bona est oratio cum ieiunio et eleemosyna.

Léctio libri Tobíæ

12, 6-13

In diébus illis:

Dixit Angelus Tobíæ et filio eius: « Benedícite Deum cæli, et coram ómnibus vivéntibus confitémini ei, quia fecit vobíscum misericórdiam suam. Etenim sacraméntum regis abscondere bonum est, ópera autem Dei reveláre et confitéri honoríficum est.

Bona est orátio cum ieiúnio, et eleemósyna magis quam thesáuros auri recóndere; quóniam eleemósyna a morte liberat, et ipsa est quæ purgat peccáta, et facit inveníre misericórdiam et vitam ætérnam; qui autem faciunt peccátum et iniquitátem hostes sunt ánimæ suæ.

Manifésto ergo vobis veritátem, et non abscondam a vobis occúltum sermónem. Quando orábas cum lácrimis et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratiónem tuam Dómino.

Et quia accéptus eras Deo, necesse fuit ut tentátio probáret te ». — Verbum Dómini.

Psalmus responsorius

Ps 102, 1-2. 3-4. 8-9. 13-14. 17-18 a (R.: 1 a)

R. Bénedic, ánima mea, Dómino.

1 Bénedic, ánima mea, Dómino;
et ómnia quæ intra me sunt, nómini sancto eius.

2 Bénedic, ánima mea, Dómino,
et noli oblivísci omnes retributiónes eius. R.

3 Qui propitiátur ómnibus iniquitatibus tuis,
qui sanat omnes infirmitátes tuas;
4 qui rédimít de intéritu vitam tuam,
qui corónat te in misericórdia et miseratióne. R.

5 Miserátor et miséricors Dóminus,
longánimis et multæ misericórdiæ.

6 Non in perpétuum conténdet,
neque in ætérnum irascétur. R.

13 Quómodo miserétur pater filiórum,
misértus est Dóminus timéntibus se.

14 Quóniam ipse cognóvit figméntum nostrum,
recordátus est quóniam pulvis sumus. R.

- 17 Misericórdia autem Dómini ab ætérno
et usque in ætérnum super tíméntes eum,
et iustítia illíus in filios filiórū;
18 in eos qui servant testaméntum eius. *R.*

9

Pro viduis

Timebat Dominum valde.

Léctio libri Iudith

8, 2-8

Vir Iudith fuit Manásses, qui mórtuus est in diébus messis hordeáceæ; instábat enim super alligántes manípulos in campo, et venit æstus super caput eius, et mórtuus est in Bethúlia civitáte sua, et sepúltus est illic cum pátribus suis.

Erat autem Iudith relícta eius vídua iam annis tribus et ménsibus sex. Et in superiórius domus suæ fecit sibi secrétum cubículum, in quo cum puéllis suis clausa morabátur.

Et habens super lumbos suos cilícium, ieiunábat ómnibus diébus vitæ suæ, præter sábbata et neoméncias et festa domus Israel. Erat autem elegánti aspéctu nimis; cui vir suus relíquerat divítias multas et famíliam copíosam, ac possessiões arméntis boum et grégibus óvium plenas.

Et erat hæc in ómnibus famosíssima, quóniam tímébat Dóminum valde, nec erat qui loquerétur de illa verbum malum. — Verbum Dómini.

Psalmus responsorius

Ps 130, 1. 2. 3

R. Custódi ánimam meam in pace apud te, Dómine.

- 1 Dómine, non est exaltátum cor meum,
neque eláti sunt óculi mei;
neque ambulávi in magnis;
neque in mirábilibus super me. *R.*

- 2 Vere pacátam et quiétam
feci ánimam meam;
sicut ablactátus in sinu matris suæ,
sicut ablactátus, ita in me est ánima mea. *R.*
- 3 Speret Israel in Dómino,
ex hoc nunc et usque in sáculum. *R.*

10

*Timui ne honorem Dei mei transferrem
ad hominem.*

Léctio libri Esther

13, 8-14. 17

In diébus illis:

Mardochéus deprecátus est Dóminum, memor ómnium óperum eius, et dixit: « Dómine, Dómine rex omnípotens, in dicióne enim tua cuncta sunt pósita, et non est qui possit tuæ resistere voluntáti, si decreveris salváre Israel.

Tu fecísti cælum et terram, et quidquid cæli ámbitu continétur. Dóminus ómnium es, nec est qui resístat maiestáti tuæ.

Cuncta nosti, et scis quia non pro supérbia et contumélia et áliqua glóriæ cupiditate fécerim hoc, ut non adorárem Aman superbíssimum (libénter enim pro salute Israel étiam vestigia pedum eius deosculári parátus essem); sed tímui ne honórem Dei mei transférrem ad hóminem, et ne quemquam adorárem, excépto Deo meo.

Exáudi deprecationem meam, et propítius esto sorti et funículo tuo; et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium ». — Verbum Dómini.

Psalmus responsorius

Ps 33, 2-3. 4-5. 6-7. 8-9. 10-11 (R.: 2 a)

R. Benedícam Dóminum in omni témpore.

2 Benedícam Dóminum in omni témpore,
semper laus eius in ore meo.3 In Dómino gloriábitur ánima mea,
áudiant mansuétí et læténtur. R.4 Magnificáte Dóminum mecum,
et exaltémus nomen eius in idípsum.5 Exquisívi Dóminum, et exaudivit me,
et ex ómnibus terróribus meis erípuit me. R.6 Respícite ad eum, et illuminámini,
et fácies vestræ non confundéntur.7 Iste pauper clamávit, et Dóminus exaudivit eum,
et de ómnibus tribulatió nibus eius salvávit eum. R.8 Vallábit ángelus Dómini in circúitu timéntes eum,
et erípiet eos.9 Gustáte et vidéte quóniam suávis est Dóminus;
beátus vir qui sperat in eo. R.10 Timéte Dóminum, sancti eius,
quóniam non est inópia timéntibus eum.11 Dívites eguérunt et esuriérunt,
inquiréntes autem Dóminum
non deficiunt omni bono. R.

11

Mulier timens Dominum ipsa laudabitur.

Léctio libri Proverbiórum 31, 10-13. 19-20. 30-31

Mulierem fortem quis invéniet? Procul et de últimis fínibus prétium eius.

Confídit in ea cor viri sui, et spóliis non indigébít;
reddet ei bonum et non malum ómnibus diébus vitæ

suæ; quæsiuit lanam et linum et operata est consilio manuum suarum.

Manum suam misit ad fortia, et digiti eius apprehenderunt fusum; manum suam aperuit inopi, et palmas suas extendit ad pauperem.

Fallax gratia et vana est pulchritudo, mulier timens Dominum ipsa laudabitur. Date ei de fructu manuum suarum, et laudent eam in portis opera eius.

Verbum Domini.

Psalmus responsorius

Ps 130, 1. 2. 3

℞. Custodi animam meam in pace apud te, Domine.

1 Domine, non est exaltatum cor meum,
neque elati sunt oculi mei;
neque ambulavi in magnis,
neque in mirabilibus super me. ℞.

2 Vere pacatam et quietam
feci animam meam;
sicut ablactatus in sinu matris suæ,
sicut ablactatus, ita in me est anima mea. ℞.

3 Speret Israel in Domino,
ex hoc nunc et usque in sæculum. ℞.

12

Qui timetis Dominum, credite, sperate, diligite.

Lectio libri Siracidæ

2, 7-13

Metuentes Dominum, sustinete misericordiam eius, et non deflectatis ab illo, ne cadatis. Qui timetis Dominum credite illi, et non evacuabitur merces vestra. Qui timetis Dominum sperate in illum, et in oblectatio-

nem véniet vobis misericórdia. Qui timétis Dóminum diligite illum, et illuminabúntur corda vestra.

Respícite, fílii, natiónes hóminum et scitóte quia nullus sperávit in Dómino et confúsus est. Quis enim permánsit in mandátis eius et derelíctus est? aut quis invocávit eum, et despéxit illum?

Quóniam pius et miséricors est Deus, et remíttet in die tribulatiónis peccáta; et protéctor est ómnibus exquiréntibus se in veritaté. — Verbum Dómini.

Psalmus responsorius

Ps 111, 1-2. 3-4. 5-7 a. 7 b-8. 9 (R.: 1 a)

R. Beátus vir qui timet Dóminum.

vel Allelúia.

- 1** Beátus vir qui timet Dóminum,
in mandátis eius cupit nimis.
- 2** Potens in terra erit semen eius,
generátio rectórum benedicétur. **R.**
- 3** Glória et divítiæ in domo eius,
et iustítia eius manet in sáculum sáculi.
- 4** Exórtum est in ténebris lumen rectis,
miséricors et miserátor et iustus. **R.**
- 5** Iucúndus homo qui miserétur et cómmodat,
dispónet res suas in iudício,
- 6** quía in ætérnum non commovébitur.
In memória ætérna erit iustus,
- 7** ab auditióne mala non timébit. **R.**
- 8** Parátum cor eius, sperans in Dómino,
confirmátum est cor eius, non timébit,
donec despíciat inimícos suos. **R.**
- 9** Distribuit, dedit paupéribus;
iustítia eius manet in sáculum sáculi,
cornu eius exaltábitur in glória. **R.**

13

Humilia te, et coram Deo invenies gratiam.

Léctio libri Sirácidæ

3, 19-26

Fili, in mansuetúdine ópera tua pérfice, et super hóminum glóriam diligéris. Quanto magnus es, humília te in ómnibus, et coram Deo invénies grátiam, quóniam magna poténtia Dei solius, et ab humílibus honorátur.

Altióra te ne quæsieris et fortióra te ne scrutátus fúeris; sed, quæ præcépit tibi Deus, illa cógita semper et in plúribus opéribus eius ne fúeris curiosus; non est enim tibi necessárium ea quæ abscondita sunt vidére óculis tuis.

In supervácuís rebus noli scrutári multipliciter, et in plúribus opéribus eius non eris curiosus; plúrima enim super sensum hóminum osténsa sunt tibi; multos quoque supplantávit suspício illórum et in vanitáte detínuit sensus illórum. — Verbum Dómini.

Psalmus responsorius

Ps 130, 1. 2. 3

℞. Custódi ánimam meam in pace apud te, Dómine.

Dómine, non est exaltátum cor meum,
neque eláti sunt óculi mei;
neque ambulávi in magnis,
neque in mirabílibus super me. ℞.

Vere pacátam et quiétam
feci ánimam meam;
sicut ablactátus in sinu matris suæ,
sicut ablactátus, ita in me est ánima mea. ℞.

Speret Israel in Dómino,
ex hoc nunc et usque in sáeculum. ℞.

14

*Sicut sol oriens, sic mulieris bonæ species
in ornamentum domus eius.*

Lectio libri Sirácidæ

26, 1-4. 16-21

Mulieris bonæ beátus vir; númerus enim annórum illíus duplex. Múlier fortis obléctat virum suum et an-nos vitæ illíus in pace implébit.

Pars bona múlier bona, in parte timéntium Deum dábitur viro pro factis bonis; dívitis autem et páuperis cor bonum, in omni témpore vultus illórum hílaris.

Grátia mulieris sédulæ delectábit virum suum, et ossa illíus impinguábit disciplína illíus. Datum Dei est múlier sensáta et tácita, non est immutátio eruditæ ánimæ.

Grátia super grátiam múlier sancta et pudoráta. Om-nis autem ponderátio non est digna continéntis ánimæ.

Sicut sol óriens mundo in altíssimis Dei, sic mulié-ris bonæ spécies in ornáméntum domus eius.

Verbum Dómini.

Psalmus responsorius Ps 127, 1-2. 3. 4-5. (R.: 1 a)

R. Beátus omnis qui timet Dóminum.

- ¹ Beátus omnis qui timet Dóminum,
qui ámbulat in viis eius.
- ² Labóres mánuum tuárum manducábis,
beátus es, et bene tibi erit. R.
- ³ Uxor tua sicut vitis fructífera
in latéribus domus tuæ;
fílii tui sicut novéllæ olivárum
in circúitu mensæ tuæ. R.

- 4 Ecce sic benedicétur homo,
qui timet Dóminum.
5 Benedícat tibi Dóminus ex Sion,
et vídeas bona Ierúsalem
ómnibus diébus vitæ tuæ. **R.**

15

Pro iis qui opera misericordiæ exercuerunt.

Frangere esurienti panem tuum.

Léctio libri Isaíæ prophétæ

58, 6-11

Hæc dicit Dóminus:

« Dissólve colligatiónes impietátis, solve fascículos depríméntes, dimítte eos qui confrácti sunt líberos, et omne onus dirúmpe. Frange esuriénti panem tuum, et egénos vagósque induc in domum tuam; cum víderis nudum, óperi eum, et carnem tuam ne despéxeris.

Tunc erúmpet quasi mane lumen tuum, et sánitas tua cítiús oriétur, et anteíbit fáciem tuam iustítia tua, et glória Dómini cólliget te. Tunc invocábis, et Dóminus exáudiet; clamábis, et dicet: “ Ecce adsum ”.

Si abstúleris de médio tui caténam, et desíeris ex-téndere dígitum, et loqui quod non prodest; cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídies.

Et réquiem tibi dabit Dóminus semper; et implébit splendóribus ánimam tuam, et ossa tua liberábit; et eris quasi hortus irríguus et sicut fons aquárum, cuius non defíciant aquæ ». — Verbum Dómini.

Psalmus responsorius

Ps 111, 1-2. 3-4. 5-7 a. 7 b-8. 9 (R.: 1 a)

R. Beátus vir qui timet Dóminum.

vel Allelúia.

- 1 Beátus vir qui timet Dóminum,
in mandátis eius cupit nimis.
- 2 Potens in terra erit semen eius,
generátio rectórum benedicétur. R.
- 3 Glória et divítiæ in domo eius,
et iustítia eius manet in sáculum sáculi.
- 4 Exórtum est in ténebris lumen rectis,
miséricors et miserátor et iustus. R.
- 5 Iucúndus homo qui miserétur et cómmodat,
dispónet res suas in iudício,
- 6 quia in ætérnum non commovébitur.
In memória ætérna erit iustus,
- 7 ab auditióne mala non timébit. R.
- Parátum cor eius, sperans in Dómino,
confirmátum est cor eius, non timébit,
donec despíciat inimícos suos. R.
- 9 Distribuit, dedit paupéribus;
iustítia eius manet in sáculum sáculi,
cornu eius exaltábitur in glória. R.

16

*Factus est in corde meo quasi ignis
exæstuans.*

Léctio libri Ieremíæ prophétæ

20, 7-9

Seduxísti me, Dómine, et sedúctus sum; fórtior me
fuísti et invaluísti, factus sum in derisum tota die, om-
nes subsánnant me. Quia iam olim loquor vocíferans,

iniquitatem et vastitatem clamito; et factus est mihi sermo Domini in opprobrium et in derisum tota die.

Et dixi: « Non recordabor eius neque loquar ultra in nomine illius »; et factus est in corde meo quasi ignis exestuans claususque in ossibus meis, et defeci ferre non sustinens. — Verbum Domini.

Psalmus resp. Ps 15, 1-2 a et 5, 7-8. 11 (R.: 5 a)

R. Tu es, Domine, pars hereditatis meae.

1 Conserva me, Deus, quoniam speravi in te.

2 Dixi Domino: « Dominus meus es tu.

5 Dominus pars hereditatis meae et calicis mei: tu es qui detines sortem meam ». **R.**

7 Benedicam Dominum qui tribuit mihi intellectum; insuper et in noctibus erudierunt me renes mei.

8 Proponeram Dominum in conspectu meo semper, quoniam a dextris est mihi, non commovebor. **R.**

11 Notas mihi facies vias vitae, plenitudinem laetitiae cum vultu tuo, delectationes in dextera tua usque in finem. **R.**

17

*Indicabo tibi, o homo, quid Dominus
requirat a te.*

Lectio libri Michaeae prophetae

6, 6-8

Quid dignum offeram Domino? Curvabo genu Deo excelsi? numquid offeram ei holocausta et vitulos anniculos?

Numquid placari potest Dominus in milibus arietum, aut in multis milibus hircorum pinguium? numquid dabo primogenitum meum pro scelere meo, fructum ventris mei pro peccato animae meae?

Indicábo tibi, o homo, quid sit bonum, et quid Dóminus requírat a te: Utique fácere iudícium, et diligere misericórdiam, et sollícitum ambuláre cum Deo tuo.

Verbum Dómini.

Psalmus responsorius Ps 1, 1-2. 3. 4 et 6 (R.: 2 a)

R. In lege Dómini fuit volúntas eius.

1 Beátus vir qui non ábiit in consílio impiórum,
et in via peccatórum non stetit,
2 et in convéntu derisórum non sedit;
sed in lege Dómini volúntas eius,
et in lege eius meditátur die ac nocte. R.

3 Et erit tamquam lignum
plantátum secus decúrsus aquárum,
quod fructum suum dabit in témpore suo;
et fólium eius non défluét,
et ómnia quaecúmque fáciet prosperabúntur. R.

4 Non sic ímpii, non sic,
sed tamquam pulvis quem próicit ventus.
6 Quóniam novit Dóminus viam iustórum,
et iter impiórum períbit. R.

18

*Derelinquam in medio tui populum pauperem
et egenum.*

Léctio libri Sophoníæ prophétæ 2, 3; 3, 12-13

Quérite Dóminum, omnes mansuétí terræ, qui iudícium eius estis operátí; quérite iustum, quérite mansuétum, si quómodo abscondámini in die furóris Dómini.

Et derelinquam in médio tui pópulum páuperem et egénium, et sperábunt in nómine Dómini. Relíquiæ Israel non fácient iniquitátem nec loquéntur mendá-cium, et non inveniétur in ore eórum lingua dolósa, quóniam ipsi pascéntur et accubábunt, et non erit qui extérreat. — Verbum Dómini.

Psalmus responsorius

Ps 33, 2-3. 4-5. 6-7. 8-9. 10-11 (R.: 9 a)

R. Gustáte et vidéte quóniam suávis est Dóminus.

2 Benedícám Dóminum in omni témpore,
semper laus eius in ore meo.

3 In Dómino gloriábitur ánima mea,
áudiant mansuétí et læténtur. R.

4 Magnificáte Dóminum mecum,
et exaltémus nomen eius in idípsum.

5 Exquisívi Dóminum, et exaudivit me,
et ex ómnibus terróribus meis erípuit me. R.

6 Respícite ad eum, et illuminámini,
et fácies vestræ non confundéntur.

7 Iste pauper clamávit, et Dóminus exaudivit eum,
et de ómnibus tribulatió nibus eius salvávit eum. R.

8 Vallábit ángelus Dómini in circúitu timéntes eum,
et erípiet eos.

9 Gustáte et vidéte quóniam suávis est Dóminus;
beátus vir qui sperat in eo. R.

10 Timéte Dóminum sancti eius,
quóniam non est inópia timéntibus eum.

11 Dívites eguérunt et esuriérunt,
inquiréntes autem Dóminum
non deficiént omni bono. R.

Lectio secunda

1

Quos iustificavit, illos et glorificavit.

Lectio Epistolæ beāti Pauli apóstoli
ad Romános

8, 26-30

Fratres:

Spíritus ádiuvat infirmitátem nostram: nam quid orémus sicut opórtet, nescimus; sed ipse Spíritus interpéllat gemítibus inenarrabílibus. Quí autem scrutátur corda scit quid desíderet Spíritus, quia secúndum Deum póstulat pro sanctis.

Scimus autem quóniam diligéntibus Deum ómnia cooperántur in bonum, his qui secúndum propósitum vocáti sunt.

Nam quos præscívit et prædestinávit confórmes fieri imáginis Fílii eius, ut sit ipse primogénitus in multis frátribus. Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit. — Verbum Dómini.

2

Infirma mundi elegit Deus.

Lectio Epistolæ primæ beāti Pauli apóstoli
ad Corínthios

1, 26-31

Fratres:

Vidéte vocatióem vestram, fratres; quia non multi sapiéntes secúndum carnem, non multi poténtes, non multi nóbiles.

Sed quæ stulta sunt mundi elégit Deus, ut confúndat sapiéntes; et infírma mundi elégit Deus, ut confúndat fórtia; et ignobília mundi et contemptibília elégit Deus, quæ non sunt, ut ea quæ sunt destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est Sapiéntia nobis a Deo et iustítia et sanctificátio et redéemptio; ut, quemádmódum scriptum est: « Qui gloriátur, in Dómino gloriétur ». — Verbum Dómini.

3

*

Caritas numquam excidit.

Léctio Epístolæ primæ beáti Pauli apóstoli

ad Corínthios

12, 31 — 13, 13

Fratres:

Æmulámini charísmata maióra. Et adhuc excellentiorem viam vobis demónstro.

Si linguis hóminum loquar et angelórum, caritátem autem non hábeam, factus sum velut æs sonans aut cýmbalum tinniens.

Et si habúero prophetíam et nóverim mystéria ómnia et omnem sciéntiam, et si habúero omnem fidem, ita ut montes tránsferam, caritátem autem non habúero, nihil sum.

Et si distribúero in cibos omnes facultátes meas, et si tradídero corpus meum, ut glórier, caritátem autem non habúero, nihil mihi prodest.

Cáritas pátiens est, benígna est cáritas, non æmulá-tur, non agit superbe, non inflátur, non est ambitiósa, non quærit quæ sua sunt, non irritátur, non cógitat malum, non gaudet super iniquitátem, congáudet autem veritáti; ómnia suffert, ómnia credit, ómnia sperat, ómnia sústinet.

Cáritas numquam éxcidit. Sive prophetiá, evacua-
búntur; sive linguæ, cessábunt; sive sciéntia, destruétur.
Ex parte enim cognóscimus et ex parte prophetámus;
cum autem vénerit quod perféctum est, evacuábitur
quod ex parte est.

Cum essem párvulus, loquébar ut párvulus, sapié-
bam ut párvulus, cogitábam ut párvulus; quando factus
sum vir, evacuávi quæ erant párvuli.

Vidémus enim nunc per spéculum in ænigmate, tunc
autem fácie ad fáciem; nunc cognóscó ex parte, tunc
autem cognóscam sicut et cógnitus sum.

Nunc autem manet fides, spes, cáritas, tria hæc;
maior autem ex his est cáritas.

Verbum Dómini.

vel brevior

Léctio Epístolæ primæ beáti Pauli apóstoli
ad Corínthios

13, 4-13

Fratres:

Cáritas pátiens est, benígna est cáritas; non æmulá-
tur, non agit supérbe, non inflátur, non est ambitiósá,
non quærit quæ sua sunt, non irritátur, non cógitat ma-
lum, non gaudet super iniquitátem, congáudet autem
veritáti; ómnia suffert, ómnia credit, ómnia sperat, óm-
nia sústinet.

Cáritas numquam éxcidit. Sive prophetiá, evacua-
búntur; sive linguæ, cessábunt; sive sciéntia, destruétur.
Ex parte enim cognóscimus et ex parte prophetámus;
cum autem vénerit quod perféctum est, evacuábitur
quod ex parte est.

Cum essem párvulus, loquébar ut párvulus, sa-
piébam ut párvulus, cogitábam ut párvulus; quando
factus sum vir, evacuávi quæ erant párvuli.

Vidémus enim nunc per spéculum in ænigmate, tunc autem fácie ad fáciem; nunc cognósco ex parte, tunc autem cognóscam sicut et cógnitus sum.

Nunc autem manet fides, spes, cáritas, tria hæc; maior autem ex his est cáritas. — Verbum Dómini.

4

*Despondi vos uni viro, virginem castam
exhibere Christo.*

Léctio Epístolæ secúndæ beáti Pauli apóstoli
ad Corínthios 10, 17 — 11, 2

Fratres:

Qui gloriátur, in Dómino gloriétur. Non enim qui se ipsum comméndat, ille probátus est; sed quem Dóminus comméndat.

Utinam sustinerétis módicum quid insipiéntiæ meæ, sed et supportáte me. Æmulator enim vos Dei æmulatione; despóndi enim vos uni viro, vírginem castam exhibére Christo. — Verbum Dómini.

5

*Vivo autem, iam non ego; vivit vero
in me Christus.*

Léctio Epístolæ beáti Pauli apóstoli ad Gálatas
2, 19-20

Fratres:

Ego per Legem Legi mórtuus sum, ut Deo vivam; Christo confíxus sum cruci.

Vivo autem, iam non ego; vivit vero in me Christus.

Quod autem nunc vivo in carne, in fide vivo Fílii Dei, qui diléxit me et trádedit se ipsum pro me.
Verbum Dómini.

6

*Per quem mihi mundus crucifixus est,
et ego mundo.*

Léctio Epístolæ beáti Pauli apóstoli ad Gálatas

6, 14-16

Fratres:

Mihi absit gloriári, nisi in cruce Dómini nostri Iesu Christi, per quem mihi mundus crucifíxus est, et ego mundo. Neque enim circumcísio áliquid est, neque præpútium, sed nova creatúra.

Et quicúmque hanc régulam secúti fúerint, pax super illos et misericórdia, et super Israel Dei.

Verbum Dómini.

7

Scire supereminentem scientiæ caritatem Christi.

Léctio Epístolæ beáti Pauli apóstoli
ad Ephésios

3, 14-19

Fratres:

Flecto génua mea ad Patrem, ex quo omnis patérnitas in cælis et in terra nominátur; ut det vobis secúndum divítias glóriæ suæ virtúte corroborári per Spíritum eius in interiorem hóminem; habitáre Christum per fidem in córdibus vestris; in caritáte radicáti et fundáti, ut valeátis comprehéndere cum ómnibus sanctis quæ sit latitúdo et longitúdo et sublímitas et profúndum; scire étiam supereminéntem sciéntiæ caritá-

tem Christi, ut impleámini in omnem plenitúdinem Dei. — Verbum Dómini.

8

Accipite armaturam Dei.

Léctio Epístolæ beáti Pauli apóstoli
ad Ephésios

6, 10-13. 18

Fratres:

Confortámini in Dómino et in poténtia virtútis eius.

Indúite armatúram Dei, ut possitis stare advérsus insídias diáboli. Quia non est nobis colluctátio advérsus sánguinem et carnem, sed advérsus principátus, advérsus potestátes, advérsus mundi rectóres tenebrárum harum, contra spiritalia nequitiæ in cæléstibus.

Proptérea accípите armatúram Dei, ut possitis resistere in die malo et, ómnibus perféctis, stare. Per omnem oratióem et obsecratióem orántes omni témpore in Spíritu, et in ipso vigilántes in omni instántia et obsecratióne pro ómnibus sanctis. — Verbum Dómini.

9

*Ad destinatum persequor,
ad bravium supernæ vocationis Dei in Christo Iesu.*

Léctio Epístolæ beáti Pauli apóstoli
ad Philippéenses

3, 8-14

Fratres:

Exístimo ómnia detriméntum esse propter eminéntiam sciéntiæ Christi Iesu Dómini mei, propter quem ómnia detriméntum feci et árbitror ut stércora, ut Christum lucrí fáciam, et invéniam in illo, non habens meam iustítiam, quæ ex Lege est; sed illam, quæ per fidem est

Christi, quæ ex Deo est iustitia in fide; ad cognoscendum illum et virtutem resurrectionis eius et communionem passionum illius, conformans me morti eius, si quo modo occurram ad resurrectionem quæ est ex mortuis.

Non quod iam acceperim aut iam perfectus sim; persequor autem, si umquam comprehendam, sicut et comprehensus sum a Christo Iesu.

Fratres, ego me non arbitror comprehendisse. Unum autem: quæ quidem retro sunt obliviscens, ad ea vero quæ ante sunt extendens me, ad destinatum persequor, ad bravium supernæ vocationis Dei in Christo Iesu.

Verbum Domini.

10

Quæcumque sancta, hæc cogitate.

Lectio Epistolæ beati Pauli apostoli
ad Philippenses

4, 4-9

Fratres:

Gaudete in Domino semper. Iterum dico: Gaudete. Modestia vestra nota sit omnibus hominibus; Dominus prope.

Nihil solliciti sitis; sed in omnibus oratione et obsecratione, cum gratiarum actione, petitiones vestre innotescant apud Deum. Et pax Dei, quæ exsuperat omnem sensum, custodiat corda vestra et intellegentias vestras in Christo Iesu.

De cetero, fratres, quæcúmque sunt vera, quæcúmque pudica, quæcúmque iusta, quæcúmque casta, quæcúmque amabilia, quæcúmque bonæ famæ, si qua virtus et si qua laus, hæc cogitate.

Quæ et didicistis et accepistis et audistis et vidistis in me, hæc agite, et Deus pacis erit vobiscum.

Verbum Domini.

10a

*Super omnia hæc caritatem,
quod est vinculum perfectionis.*

Léctio Epístolæ beāti Pauli apóstoli
ad Colossenses

3, 12-17

Fratres:

Indúite vos, sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est vinculum perfectiónis. Et pax Christi dominétur in córdibus vestris, ad quam et vocáti estis in uno córpore; et grati estóte. Verbum Christi hábitet in vobis abundánter, in omni sapiéntia docéntes et commonéntes vosmetípsos psalmis, hymnis, cánticis spiritalibus, in grátia cantántes in córdibus vestris Deo.

Et omne quodcúmque fácitis in verbo aut in ópere, ómnia in Nómine Dómini Iesu, grátias ágéntes Deo Patri per ipsum. — Verbum Dómini.

11

Pro viduis

Quæ vere vidua est et desolata, speravit in Deum.

Léctio Epístolæ primæ beāti Pauli apóstoli
ad Timótheum

5, 3-10

Caríssime:

Víduas honóra, quæ vere víduæ sunt. Si qua autem vídua filios aut nepótes habet, discant primum domum suam pie régere et mútuam vicem réddere paréntibus; hoc enim accéptum est coram Deo.

Quæ autem vere vídua est et desoláta, sperávit in Deum, et instat obsecrationibus et orationibus nocte ac die; nam quæ in delíciis est vivens, mórtua est. Et hæc præcipe, ut irreprehensibiles sint.

Si quis autem suórum et máxime domesticórum curam non habet, fidem negávit et est infidéli detérior.

Vídva adscribátur non minus sexagínta annórum, quæ fúerit uníus viri uxor, in opéribus bonis testimónium habens: si filios educávit, si hospítio recépit, si sanctórum pedes lavit, si tribulatiónem patiéntibus subministrávit, si omne opus bonum subsecúta est.

Verbum Dómini.

12

Si fides non habeat opera, mortua est in semetipsa.

Léctio Epístolæ beáti Iacóbi apóstoli 2, 14-17

Quid próderit, fratres mei, si fidem quis dicat se habére, ópera autem non hábeat? Numquid póterit fides salváre eum?

Si frater aut soror nudi sunt et índigent victu cotidiáno, dicat autem áliquis de vobis illis: « Ite in pace, calefacímini et saturámini »; non dedéritis autem eis quæ necessária sunt córporis, quid próderit?

Sic et fides, si non hábeat ópera, mórtua est in semetípsa. — Verbum Dómini.

13

Sanctæ mulieres sperantes in Deo.

Léctio Epístolæ primæ beáti Petri apóstoli 3, 1-9

Caríssimi:

Mulíeres súbditæ sint suis viris, ut et si qui non credunt verbo, per mulierum conversatiónem sine verbo

lucrifiant, considerantes castam in timore conversationem vestram. Quarum sit non extrinsecus capillatura aut circumdationis auri aut indumenti vestimentorum cultus; sed qui absconditus cordis est homo, in incorruptibilitate mitis et quieti spiritus, qui est in conspectu Dei locuples.

Sic enim aliquando et sanctae mulieres sperantes in Deo ornabant se, subiectae propriis viris, sicut Sara obediēbat Abrahāe, dominum eum vocans; cuius estis filiae benefaciētes et non timētes ullam perturbationem.

Viri similiter cohabitantes secundum scientiam, quasi infirmiori vaso muliebri impertiētes honorem, tamquam et coheredibus gratiae vitae, uti ne impediāntur orationes vestrae.

In fine autem omnes unānimes, compatiētes, fraternitatis amatōres, misericordes, hūmiles; non reddētes malum pro malo, vel maledictum pro maledicto, sed e contrario benedicētes, quia in hoc vocati estis, ut benedictionem hereditate accipiātis. — Verbum Domini.

14

*Unusquisque, sicut accepit donationem,
in alterutrum illam administrantes.*

Lectio Epistolae primae beati Petri apostoli 4, 7 b-11

Carissimi:

Estote prudentes et vigilate in orationibus.

Ante omnia mutuam in vosmetipsos caritatem continuam habentes, quia « caritas operit multitudinem peccatorum ». Hospitalēs invicem sine murmuratione; unusquisque, sicut accepit donationem, in alterutrum illam administrantes, sicut boni dispensatores multiformis gratiae Dei.

Si quis loquitur, quasi sermónes Dei; si quis ministrat, tamquam ex virtúte quam largítur Deus, ut in ómnibus glorificétur Deus per Iesum Christum, cui est glória et impérium in sácula sæculórum. Amen.

Verbum Dómini.

15

Pro iis qui opera misericordiæ exercuerunt

Et nos debemus pro fratribus animas ponere.

Léctio Epístolæ primæ beáti Ioánnis apóstoli 3, 14-18

Caríssimi:

Nos scimus quóniam transívimus de morte in vitam, quóniam diligimus fratres.

Qui non diligit manet in morte. Omnis qui odit fratrem suum homicída est, et scitis quóniam omnis homicída non habet vitam ætérnam in se manéntem.

In hoc nóvimus caritátem: quóniam ille pro nobis ánimam suam pósuit, et nos debémus pro fratribus ánimas pónere. Qui habúerit substántiam mundi, et viderit fratrem suum necesse habére, et cláuserit víscera sua ab eo, quómodo cáritas Dei manet in eo?

Filíoli mei, non diligámus verbo nec lingua, sed in ópere et veritáte. — Verbum Dómini.

16

Si diligamus invicem, Deus in nobis manet.

Léctio Epístolæ primæ beáti Ioánnis apóstoli 4, 7-16

Caríssimi, diligámus ínvicem, quóniam cáritas ex Deo est; et omnis qui diligit, ex Deo natus est et cognóscit Deum. Qui non diligit, non cognóvit Deum, quóniam Deus cáritas est.

In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum.

In hoc est caritas, non quasi nos dilexérimus Deum, sed quóniam ipse diléxit nos, et misit Fílium suum propitiatióem pro peccátis nostris.

Caríssimi, si sic Deus diléxit nos, et nos debémus altérutrum diligere. Deum nemo vidit umquam. Si diligámus ínvicem, Deus in nobis manet, et caritas eius in nobis consummáta est.

In hoc cognóscimus quóniam in ipso manémus, et ipse in nobis, quóniam de Spíritu suo dedit nobis. Et nos vídimus et testificámur quóniam Pater misit Fílium salvatórem mundi.

Quisque conféssus fúerit: « Iesus est Fílius Dei », Deus in ipso manet, et ipse in Deo. Et nos cognóvimus et credídimus caritatí, quam habet Deus in nobis.

Deus caritas est, et qui manet in caritaté in Deo manet, et Deus in eo manet. — Verbum Dómini.

17

*Hæc est victoria, quæ vicit mundum,
fides nostra.*

Léctio Epístolæ primæ beáti Ioánnis apóstoli 5, 1-5

Caríssimi:

Omnis qui credit quóniam Iesus est Christus, ex Deo natus est; et omnis qui diligit Deum qui génuit, diligit et eum qui natus est ex eo.

In hoc cognóscimus quóniam diligimus natos Dei, cum Deum diligámus et mandáta eius faciámus. Hæc est enim caritas Dei, ut mandáta eius servémus; et mandáta eius grávia non sunt.

Quóniam omne quod natum est ex Deo vincit mundum, et hæc est victória, quæ vicit mundum, fides nostra. Quis est qui vincit mundum, nisi qui credit quóniam Iesus est Fílius Dei? — Verbum Dómini.

Evangelium

1

Alleluia

Mt 5, 3

℞. Allelúia. ⁊. Beáti páuperes spíritu,
quóniam ipsórum est Regnum cælórum.

℞. Allelúia.

*Gaudete et exsultate, quoniam merces vestra
copiosa est in cælis.*

✠ Lécio sancti Evangélíi secúndum Matthæum

5, 1-12 a

In illo témpore:

Videns Iesus turbas ascéndit in montem, et cum sedisset, accessérunt ad eum discípuli eius, et apériens os suum docébat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ». — Verbum Dómini.

2

Alleluia

Io 8, 12 b

℞. Allelúia. ⁊. Ego sum lux mundi, dicit Dóminus;
qui séquitur me, habébit lumen vitæ.

℞. Allelúia.

Vos estis lux mundi.

✠ Léctio sancti Evangélíi secúndum Matthæum

5, 13-16

In illo témpore:

Dixit Iesus discípulis suis: « Vos estis sal terræ; quod si sal evanúerit, in quo saliétur? Ad níhilum valet ultra, nisi ut mittátur foras et conculcétur ab homínibus.

Vos estis lux mundi. Non potest cívitas abscóndi supra montem pósita. Neque accéndunt lucérnam et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant vestra bona ópera et gloríficent Patrem vestrum, qui in cælis est ».

Verbum Dómini.

2a

Alleluia

Io 14, 23

℞. Allelúia. ⁊. Si quis díligit me, sermónem meum servábit,
et Pater meus díliget eum,
et ad eum veniémus. ℞. Allelúia.

*Domus supra petram
et domus supra arenam ædificata.*

✠ Lécio sancti Evangélii secúndum Matthæum

7, 21-27

In illo témpore: Dixit Iesus discípulis suis:

« Non omnis qui dicit mihi: “ Dómine, Dómine ”, intrábit in Regnum cælórum; sed qui facit voluntátem Patris mei, qui in cælis est. Multi dicent mihi in illa die: “ Dómine, Dómine, nonne in tuo nómine propheetávimus et in tuo nómine dæmónia eiécimus et in tuo nómine virtútes multas fécimus? ” Et tunc confitébor illis: “ Numquam novi vos: discédite a me qui operámini iniquitátem ”.

Omnis ergo qui audit verba mea hæc et facit ea, assimilábitur viro sapiénti, qui ædificávit domum suam supra petram. Et descéndit plúvia et venérunt flúmina et flavérunt venti et irruérunt in domum illam, et non cécidit; fundáta enim erat supra petram.

Et omnis qui audit verba mea hæc et non facit ea símilis erit viro stulto, qui ædificávit domum suam supra arénam. Et descéndit plúvia et venérunt flúmina et flavérunt venti et irruérunt in domum illam, et cécidit, et fuit ruína eius magna ».

Verbum Dómini.

3

Alleluia

Cf. Mt 11, 25

℟. Allelúia. ✎. Benedíctus es, Pater, Dómine cæli et terræ,

quia mystéria Regni párvulis revelásti.

℟. Allelúia.

*Abscondisti hæc a sapientibus, et revelasti
ea parvulis.*

✠ Lécio sancti Evangélii secúndum Matthæum

11, 25-30

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater, quóniam sic fuit plácitum ante te.

Omnia mihi trádicta sunt a Patre meo, et nemo novit Fílium, nisi Pater; neque Patrem quis novit, nisi Fílius et cui volúerit Fílius reveláre.

Veníte ad me, omnes qui laborátis et oneráti estis, et ego reficiam vos.

Tóllite iugum meum super vos, et discite a me quia mitis sum et húmilis corde; et " inveniétis réquiem animábus vestris "; iugum enim meum suáve, et onus meum leve est ». — Verbum Dómini.

4

Alleluia

Io 15, 9 b. 5 b

℞. Allelúia. ⁊. Manéte in dilectióne mea, dicit Dóminus; qui manet in me et ego in eo, hic fert fructum multum. ℞. Allelúia.

*Vendit universa quæ habet, et emit
agrum illum.*

✠ Lécio sancti Evangélii secúndum Matthæum

13, 44-46

In illo témpore:

Dixit Iesus turbis: « Símile est Regnum cælórum thesaúro abscondito in agro; quem qui invénit homo, abscondit, et præ gáudio illíus vadit, et vendit univérsa quæ habet, et emit agrum illum.

Iterum símile est Regnum cælórum hómini negotiátóri quærénti bonas margarítas; invénta autem una pretiósa margaríta, abiit, et véndidit ómnia quæ hábuit, et emit eam ». — Verbum Dómini.

5

Alleluia

Mt 5, 6

℟. Allelúia. ℣. Beáti qui esúriunt et sítiunt iustítiam, quóniam ipsi saturabúntur. ℟. Allelúia.

*Qui perdiderit animam suam propter me,
inveniet eam.*

✠ Lécio sancti Evangélíi secúndum Matthæum

16, 24-27

In illo témpore:

Dixit Iesus discípulis suis. « Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam; qui autem perdíderit ánimam suam propter me, invéniet eam.

Quid enim prodest hómini, si mundum univérsum lucrétur, ánimæ vero suæ detriméntum patiátur? aut quam dabit homo commutatióem pro ánima sua?

Fílius enim hóminis ventúrus est in glória Patris sui cum ángelis suis, et tunc “ reddet unicuique secúndum opus eius ” ». — Verbum Dómini.

6

Pro educatoribus

Alleluia

Mt 23, 11. 12 b

℟. Allelúia. ℣. Qui maior est vestrum, erit mínister vester, dicit Dóminus;
qui autem se humiliáverit, exaltábitur.
℟. Allelúia.

*Qui suscepit parvulum in Nomine meo,
me suscipit.*

✠ Lécio sancti Evangélii secúndum Mattháeum
18, 1-5

In illa hora accessérunt discipuli ad Iesum dicéntes:
« Quis, putas, maior est in Regno cælórum? » Et ádvocans párvulum, státuit eum in médio eórum, et dixit:

« Amen dico vobis, nisi convérsi fuéritis et efficiámini sicut párvuli, non intrábitis in Regnum cælórum. Quicúmque ergo humiliáverit se sicut párvulus iste, hic est maior in Regno cælórum. Et qui suscepit unum párvulum talem in Nómine meo, me súscipit ».

Verbum Dómini.

7

Pro religiosiis

Alleluia Io 8, 31 b-32

℟. Allelúia. ℣. Si manséritis in sermóne meo,
vere discípuli mei éritis
et cognoscétis veritátem, dicit Dóminus.
℟. Allelúia.

Propter Regnum cælorum.

✠ Lécio sancti Evangélii secúndum Mattháeum
19, 3-12

In illo témpore:

Accessérunt ad Iesum pharisæi tentántes eum, et dicéntes: « Licet hómini dimíttre uxórem suam quacúmque ex causa? »

Qui respóndens ait: « Non legístis quia qui creávit ab inítio, “ másculum et féminam fecit eos », et dixit: “ Propter hoc dimíttet homo patrem et matrem, et

adhærébit uxóri suæ, et erunt duo in carne una ”? Itaque iam non sunt duo, sed una caro.

Quod ergo Deus coniúnxit, homo non séparet ».

Dicunt illi: « Quid ergo Móyses mandávit dari libéllum repúdii et dimíttre? »

Ait illis: « Móyses ad durítiam cordis vestri permísit vobis dimíttre uxóres vestras; ab inítio autem non sic fuit. Dico autem vobis, quia quicúmque dimíserit uxórem suam, nisi ob fornicatióem, et áliam dúxerit, mœchátur ».

Dicunt ei discípuli eius: « Si ita est causa hóminis cum uxóre, non expedit núbere ».

Qui dixit eis: « Non omnes cápiunt verbum istud, sed quibus datum est. Sunt enim eunúchi qui de matris útero sic nati sunt, et sunt eunúchi qui facti sunt ab homínibus, et sunt eunúchi qui se ipsos castravérunt propter Regnum cælórum. Qui potest cápere cápiat ».

Verbum Dómini.

7a

Pro religiosís

Alleluia

Mt 5, 3

℟. Allelúia. ℣. Beáti páuperes spíritu,
quóniam ipsórum est Regnum cælórum.

℟. Allelúia.

*Vos qui reliquistis omnia et secuti estis me,
centuplum accipietis.*

✠ Lécio sancti Evangélii secundum Matthæum

19, 27-29

In illo témpore:

Dixit Petrus ad Iesum: « Ecce nos reliquimus ómnia, et secúti sumus te: quid ergo erit nobis? »

Iesus autem dixit illis: « Amen dico vobis quod vos, qui secúti estis me, in regeneratióne, cum séderit Fílius hóminis in throno glóriæ suæ, sedébitis et vos super thronos duódecim, iudicántes duódecim tribus Israel. Et omnis, qui reliquit domos vel fratres aut soróres aut patrem aut matrem aut fílios aut agros propter nomen meum, céntuplum accípiet et vitam ætérnam possidébit ». — Verbum Dómini.

7b

Alleluia

Io 13, 34

℞. Allelúia. √. Mandátum novum do vobis, dicit Dóminus,
ut diligátis invicem sicut diléxi vos.

℞. Allelúia.

*Diliges Dominum Deum tuum,
et proximum tuum sicut te ipsum.*

✠ Lécio sancti Evangélii secúndum Mattháeum

22, 34-40

In illo témpore:

Audiéntes pharisæi quod siléntium imposuísset Iesus sadducæis, convenérunt in unum. Et interrogávit unus ex eis Legis doctor, tentans eum: « Magíster, quod est mandátum magnum in Lege? »

Ait autem illi: « “ Díliges Dóminum Deum tuum in toto corde tuo et in tota ánima tua et in tota mente tua ”. Hoc est magnum et primum mandátum. Secúndum autem símile est huic: “ Díliges próximum tuum sicut te ipsum ”. In his duóbus mandátis univérsa Lex pendet et prophétæ ».

Verbum Dómini.

Alleluia

Mt 5, 8

℞. Allelúia. ⁊. Beáti mundo corde,
quóniam ipsi Deum vidébunt. ℞. Allelúia.

Ecce Sponsus, exite obviam ei.

✠ Lécio sancti Evangélii secúndum Matthæum

25, 1-13

In illo témpore:

Dixit Iesus discípulis suis parábolam hanc: « Símile erit Regnum cælórum decem virgínibus, quæ accipiéntes lámpades suas exiérunt óbviám sponso. Quinque autem ex eis erant fátuæ et quinque prudéntes; fátuæ enim, accéptis lámpádibus suis, non sumpsérunt óleum secum; prudéntes vero accepérunt óleum in vasis cum lámpádibus suis. Moram autem faciénte sponso, dormitavérunt omnes et dormiérunt.

Média autem nocte clamor factus est: “ Ecce sponsus, exíte óbviám ei ”. Tunc surrexérunt omnes vírgines illæ, et ornavérunt lámpades suas.

Fátuæ autem sapiéntibus dixérunt: “ Date nobis de óleo vestro, quia lámpades nostræ exstinguúntur ”.

Respondérunt prudéntes dicéntes: “ Ne forte non suffíciat nobis et vobis, ite pótius ad vendéntes et émite vobis ”. Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua.

Novíssime autem véniunt et réliquæ vírgines dicéntes: “ Dómine, Dómine, áperi nobis ”.

At ille respóndens ait: “ Amen dico vobis, nescio vos ”. Vigiláte itaque, quia nescítis diem neque horam ». — Verbum Dómini.

9

Alleluia

Io 14, 23

℞. Allelúia. ⁊. Si quis diligit me, sermónem meum servábit,
et Pater meus diliget eum,
et ad eum veniémus. ℞. Allelúia.

*

*Super pauca fuisti fidelis,
intra in gaudium domini tui.*

✠ Lécio sancti Evangélíi secúndum Matthæum
25, 14-30

In illo témpore:

Dixit Iesus discipulis suis parábolam hanc: « Homo péregre proficíscens vocávit servos suos, et trádídít illis bona sua. Et uni dedit quinque talénta, álii autem duo, álii vero unum, unicuíque secúndum própíam virtútem, et proféctus est.

Statim ábiit qui quinque talénta accéperat, et operátus est in eis, et lucrátus est ália quinque; simíliter qui duo accéperat, lucrátus est ália duo; qui autem unum accéperat, ábiens fodit in terra, et abscondit pecúniám dómini sui.

Post multum vero témporis venit dóminus servórum illórum, et ponit ratióem cum eis.

Et accédens qui quinque talénta accéperat, óbtulit ália quinque talénta dicens: " Dómine, quinque talénta tradidísti mihi: ecce ália quinque superlucrátus sum ".

Ait illi dóminus eius: " Euge, serve bone et fidélis, super pauca fuísti fidélis, supra multa te constituam: intra in gáudium dómini tui ".

Accéssit autem et qui duo talénta accéperat et ait: " Dómine, duo talénta tradidísti mihi: ecce ália duo lucrátus sum ".

Ait illi dñinus eius: " Euge, serve bone et fidēlis, super pauca fuisti fidēlis, supra multa te constituam: intra in gāudium dñini tui ".

Accēdens autem et qui unum talēntum accēperat ait: " Dñine, novi te quia homo durus es: metis ubi non seminasti et cōngregas ubi non sparsisti; et timens ábii et abscondi talēntum tuum in terra: ecce habes quod tuum est ".

Respōndens autem dñinus eius dixit ei: " Serve male et piger, sciēbas quia meto ubi non seminavi et cōngrego ubi non sparsi; opórtuit ergo te mittere pecūniam meam nummuláriis, et véniens ego recepíssem quod meum est cum usúra.

Tóllite itaque ab eo talēntum, et date ei qui habet decem talēnta; omni enim habēnti dábitur, et abundábit; ei autem qui non habet, et quod habet auferétur ab eo. Et inútilem servum eícite in ténebras exterióres: illic erit fletus et stridor dēntium " ».

Verbum Dñini.

vel brevior

✠ Lēctio sancti Evangēlii secūndum Mattháeum

25, 14-23

In illo témpore:

Dixit Iesus discipulis suis parábolam hanc: « Homo péregre proficiscens vocávit servos suos, et trádidit illis bona sua. Et uni dedit quinque talēnta, álii autem duo, álii vero unum, unicuíque secūndum propriam virtútem et proféctus est.

Statim ábiit qui quinque talēnta accēperat, et operátus est in eis, et lucrátus est ália quinque; simíliter qui duo accēperat, lucrátus est ália duo; qui autem unum accēperat, ábiens fodit in terra, et abscondit pecūniam dñini sui.

Post multum vero témporis venit dóminus servórum illórum, et ponit ratióem cum eis.

Et accédens qui quinque talénta accéperat, obtulit ália quinque talénta dicens: " Dómine, quinque talénta tradidísti mihi: ecce ália quinque superlucrátus sum ".

Ait illi dóminus eius: " Euge, serve bone et fidélis, super pauca fuísti fidélis, supra multa te constítuam: intra in gáudium dómini tui ".

Accéssit autem et qui duo talénta accéperat et ait: " Dómine, duo talénta tradidísti mihi: ecce ália duo lucrátus sum ".

Ait illi dóminus eius: " Euge, serve bone et fidélis, super pauca fuísti fidélis, supra multa te constítuam: intra in gáudium dómini tui " ». — Verbum Dómini.

10

Pro iis qui opera misericordiæ exercuerunt

Alleluia

Io 13, 34

℞. Allelúia. √. Mandátum novum do vobis, dicit Dóminus,
ut diligátis ínvicem sicut diléxi vos.
℞. Allelúia.

*

*Quamdiu fecistis fratribus meis minimis
mihi fecistis.*

✠ Lécio sancti Evangélíi secúndum Matthæum

25, 31-46

In illo témpore:

Dixit Iesus discíplis suis: « Cum vénerit Fílius hóminis in glória sua, et omnes ángeli cum eo, tunc se-

débit super thronum glóriæ suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis: et státuet oves quidem a dextris suis, hædos autem a sinístris.

Tunc dicet Rex his qui a dextris eius erunt: " Veníte, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi et dedístis mihi bíbere; hospes eram, et collegístis me; nudus, et operuístis me; infirmus et visitástis me; in cárcere eram et venístis ad me ".

Tunc respondébunt ei iusti dicétes: " Dómine, quando te vídimus esuriéntem et pávimus, aut sitiéntem et dédimus tibi potum? quando autem te vídimus hóspitem et collégimus, aut nudum et cooperuimus? quando autem te vídimus infirmum aut in cárcere et vénimus ad te? "

Et respóndens Rex dicet illis: " Amen dico vobis, quámdiu fecístis uni de his frátribus meis mínimis, mihi fecístis ".

Tunc dicet et his qui a sinístris erunt: " Discédite a me, maledícti, in ignem ætérnum, qui præparátus est diábolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infirmus et in cárcere, et non visitástis me ".

Tunc respondébunt et ipsi dicétes: " Dómine, quando te vídimus esuriéntem aut sitiéntem aut hóspitem aut nudum aut infirmum vel in cárcere, et non ministrávimus tibi? "

Tunc respondébit illis dicens: " Amen dico vobis, quámdiu non fecístis uni de mínimis his, nec mihi fecístis ". Et ibunt hi in supplicium ætérnum, iusti autem in vitam ætérnam ». — Verbum Dómini.

vel brevior

✠ Lécio sancti Evangélii secúndum Mattháeum

25, 31-40

In illo témpore:

Dixit Iesus discípulis suis: « Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis: et státuet oves quidem a dextris suis, hædos autem a sinístris.

Tunc dicet Rex his qui a dextris eius erunt: “ Veníte, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infírmus, et visitástis me; in cárcere eram, et venístis ad me ”.

Tunc respondébunt ei iusti dicéntes: “ Dómine, quando te vídimus esuriéntem et pávimus, aut sitiéntem et dédimus tibi potum? quando autem te vídimus hóspitem et collégimus, aut nudum et cooperúimus? quando autem te vídimus infírmum aut in cárcere et vénimus ad te? ”

Et respóndens Rex dicet illis: “ Amen dico vobis, quámdiu fecístis uni de his frátribus meis mínimis, mihi fecístis ” ». — Verbum Dómini.

11

Alleluia

℟. Allelúia. ⅴ. Si manséritis in sermóne meo,
vere discípuli mei éritis
et cognoscétis veritátem, dicit Dóminus.
℟. Allelúia.

*Qui fecerit voluntatem Dei, hic frater meus
et soror mea et mater est.*

✠ Lécio sancti Evangélii secúndum Marcum 3, 31-35

In illo témpore:

Venit mater Iesu et fratres eius, et foris stantes misérunt ad eum vocántes eum.

Et sedébat circa eum turba, et dicunt ei: « Ecce mater tua et fratres tui et soróres tuæ foris quærunt te ».

Et respóndens eis ait: « Quæ est mater mea et fratres mei? »

Et circumpíciens eos, qui in circúitu eius sedébant, ait: « Ecce mater mea et fratres mei. Qui enim fécerit voluntátem Dei, hic frater meus et soror mea et mater est ». — Verbum Dómini.

12

Pro educatoribus

Alleluia

Cf. Mt 11, 25

℞. Allelúia. ℣. Benedíctus es, Pater, Dómine cæli et terræ,
quia mystéria Regni párvulis revelásti.

℞. Allelúia.

Quisquis unum ex pueris recipit, me recipit.

✠ Lécio sancti Evangélii secúndum Marcum 9, 34-36

Discípuli Iesu in via inter se disputáverant quis eórum maior esset.

Et résidens vocávit Duódecim et ait illis: « Si quis vult primus esse, erit ómnium novíssimus et ómnium míníster ».

Et accípiens púerum státuit eum in médio eórum; quem ut compléxus esset, ait illis: « Quisquis unum ex huiúsmodi púeris recéperit in Nómine meo, me récipit; et quicúmque me suscéperit, non me súscipit, sed eum qui me misit ». — Verbum Dómini.

13

Pro educatoribus

Alleluia

Cf. Mt 11, 25

℞. Allelúia. ⁊. Benedíctus es, Pater, Dómine cæli et terræ,
quia mystéria Regni párvulis revelásti.
℞. Allelúia.

Sinite parvulos venire ad me.

✠ Lécio sancti Evangélíi secúndum Marcum 10, 13-16

In illo témpore:

Offerébant Iesu párvulos, ut tängeret illos; discipuli autem comminabántur offeréntibus. At videns Iesus, indígne tulit et ait illis: « Sinite párvulos veníre ad me, ne prohibuéritis eos; tálium est enim Regnum Dei. Amen dico vobis, quisquis non recéperit Regnum Dei velut párvulus, non intrábit in illud ».

Et compléxans eos, benedicébat impónens manus super illos. — Verbum Dómini.

14

Pro religiosís

Alleluia

Mt 5, 3

℞. Allelúia. ⁊. Beáti páuperes spíritu,
quóniam ipsórum est Regnum cælórum.
℞. Allelúia.

*

*Quaecumque habes vende, et sequere me.***✠ Lécio sancti Evangélii secúndum Marcum 10, 17-30****In illo témpore:**

Cum egrederétur Iesus in viam, accúrrens quidam et genu flexo ante eum, rogábat eum: « Magíster bone, quid fáciam ut vitam ætérnam percípiam? »

Iesus autem dixit ei: « Quid me dicis bonum? Nemo bonus, nisi unus Deus.

Præcépta nosti: “ Ne occídas, ne adúlteres, ne furéris, ne falsum testimónium díxeris, ne fraudem féceris, honóra patrem tuum et matrem ” ».

Ille autem dixit ei: « Magíster, hæc ómnia conservávi a iuventúte mea ».

Iesus autem intúitus eum diléxit eum, et dixit illi: « Unum tibi deest: vade, quæcúmque habes vende et da paupéribus, et habébis thesáurum in cælo; et veni, séquere me ».

Qui contristátus in hoc verbo, ábiit mærens; erat enim habens possessiões multas.

Et circumspíciens Iesus ait discípulis suis: « Quam difficile qui pecúnias habent in Regnum Dei introíbunt! »

Discípuli autem obstupescébant in verbis eius.

At Iesus rursus respóndens ait illis: « Fílii, quam difficile est in Regnum Dei introíre! Facílius est camélum per forámen acus transíre, quam dívitem intráre in Regnum Dei ».

Qui magis admirábantur dicéntes ad semetípso: « Et quis potest salvus fieri? »

Intuens illos Iesus ait: « Apud hómines impossíbile est, sed non apud Deum; ómnia enim possibília sunt apud Deum ».

Cœpit Petrus ei dícere: « Ecce nos dimísimus ómnia, et secúti sumus te ».

Ait Iesus: « Amen dico vobis, nemo est, qui reliquerit domum aut fratres aut soróres aut matrem aut patrem aut fílios aut agros propter me et propter Evangelium, qui non accípiat cénties tantum nunc in témpore hoc, domos et fratres et soróres et matres et fílios et agros cum persecutió nibus, et in sáeculo futúro vitam æté rnam ». — Verbum Dómini.

vel brevior

✠ Léc tio sancti Evangelíi secúndum Marcum 10, 17-27

In illo témpore:

Cum egrederétur Iesus in viam, accúrrens quidam et genu flexo ante eum, rogábat eum: « Magíster bone, quid fáciám ut vitam æté rnam percípíam? »

Iesus autem dixit ei: « Quid me dicis bonum? Nemo bonus, nisi unus Deus.

Præcépta nosti: “ Ne occídas, ne adúlteres, ne furéris, ne falsum testimónium díxeris, ne fraudem féceris, honóra patrem tuum et matrem ” ».

Ille autem dixit ei: « Magíster, hæc ómnia conservávi a iuventúte mea ».

Iesus autem intúitus eum diléxit eum, et dixit illi: « Unum tibi deest: vade, quécúmque habes vende et da paupéribus, et habébis thesáurum in cælo; et veni, séquere me ».

Qui contristátus in hoc verbo, ábiit mærens; erat enim habens possessiónes multas.

Et circumspíciens Iesus ait discípulis suis: « Quam difícilé qui pecúnias habent in Regnum Dei introíbunt! »

Discípuli autem obstupescébant in verbis eius.

At Iesus rursus respóndens ait illis: « Fílii, quam difícilé est in Regnum Dei introíre! Facílius est camé-

lum per forámen acus transíre, quam dívitem intráre in Regnum Dei ».

Qui magis admirabántur dicétes ad semetípsos: « Et quis potest salvus fieri? »

Intuens illos Iesus ait: « Apud hómines impossibile est, sed non apud Deum; ómnia enim possibília sunt apud Deum ». — Verbum Dómini.

14a

Alleluia

Io 13, 34

℞. Allelúia. √. Mandátum novum do vobis, dicit Dóminus,
ut diligátis ínvicem sicut diléxi vos.
℞. Allelúia.

*Estote misericordes,
sicut et Pater vester misericors est.*

✠ Lécio sancti Evangélíi secúndum Lucam 6, 27-38

In illo témpore: Dixit Iesus discípulis suis:

« Vobis dico, qui audítis: Dilígite inimícos vestros, bene fácite his qui vos odérunt; benedícite maledicéntibus vobis, oráte pro calumniántibus vos. Ei qui te pércutit in maxíllam, præbe et álteram. Et ab eo qui aufert tibi vestiméntum, étiam tunicam noli prohibére. Omni peténti te, tríbue; et ab eo qui aufert quæ tua sunt, ne répetas. Et, prout vultis ut fáciant vobis hómines, fácite illis simíliter.

Et si dilígitis eos qui vos dilígunt, quæ vobis est grátia? Nam et peccatóres dilígéntes se dilígunt. Et si bene fecéritis his qui vobis bene faciunt, quæ vobis est grátia? Siquidem et peccatóres idem faciunt. Et si mútuum dedéritis his a quibus sperátis recípere, quæ

vobis grátia est? Nam et peccatóres peccatóribus fœnerántur, ut recípiant æquália.

Verúmtamen dilígite inimícos vestros, bene fácite et mútuum date, nihil desperántes; et erit merces vestra multa, et éritis filii Altíssimi, quia ipse benígnus est super ingrátos et malos. Estóte misericórdes, sicut et Pater vester miséricors est.

Et nolíte iudicáre et non iudicabímini; et nolíte condemnáre et non condemnabímini; dimíttite et dimittémini; date et dábitur vobis: mensúram bonam, confértam, coagitátam, supereffluéntem dabunt in sinum vestrum. Eádem quippe mensúra, qua mensi fuéritis, remetiétur vobis ». — Verbum Dómini.

15

Pro religiosis

Alleluia

Io 8, 12 b

℞. Allelúia. ⁊. Ego sum lux mundi, dicit Dóminus;
qui séquitur me, habébit lumen vitæ.

℞. Allelúia.

Sequar te quocumque ieris.

✠ Lécio sancti Evangélii secúndum Lucam 9, 57-62

In illo témpore:

Ambulántibus Iesu et discíplis suis in via, dixit quidam ad illum: « Sequar te quocúmque ieris ».

Et ait illi Iesus: « Vulpes fóveas habent et vólucres cæli nidos; Fílius autem hóminis non habet ubi caput reclínet ».

Ait autem ad álterum: « Séquere me ».

Ille autem dixit: « Dómine, permítte mihi primum ire, et sepelíre patrem meum ».

Dixitque ei Iesus: « Sine ut mórtui sepéliant mórtuos suos; tu autem vade, annúntia Regnum Dei ».

Et ait alter: « Sequar te, Dómine, sed primum permítte mihi renuntiáre his qui domi sunt ».

Ait ad illum Iesus: « Nemo mittens manum suam in arátrum et aspiciens retro, aptus est Regno Dei ».

Verbum Dómini.

16

Alleluia

Io 14, 23

✠ Allelúia. ⁊. Si quis díligit me, sermónem meum servábit,
et Pater meus díliget eum,
et ad eum veniémus. ✠ Allelúia.

*Martha excepit illum.
Maria optimam partem elegit.*

✠ Lécio sancti Evangélii secúndum Lucam 10, 38-42

In illo témpore:

Intrávit Iesus in quoddam castéllum; et múlter quædam, Martha nómine, excépit illum. Et huic erat soror nómine María, quæ étiam sedens secus pedes Dómini audiébat verbum illíus.

Martha autem satagébat circa frequens ministérium; quæ stetit et ait: « Dómine, non est tibi curæ, quod soror mea relíquit me solam ministráre? dic ergo illi ut me ádiuvet ».

Et respóndens dixit illi Dóminus: « Martha, Martha, sollícita es et turbáris erga plúrima. Porro unum est necessárium: María enim óptimam partem elégit, quæ non auferétur ab ea ». — Verbum Dómini.

17

Pro religiosís

Alleluia

Mt 5, 3

℞. Allelúia. 𐌹. Beáti páuperes spíritu,
quóniam ipsórum est Regnum cælórum.

℞. Allelúia.

Complacuit Patri vestro dare vobis Regnum.

✝ Lécio sancti Evangélíi secúndum Lucam 12, 32-34

In illo témpore:

Dixit Iesus discípulis suis: « Noli timére, pusíllus grex, quia complácuit Patri vestro dare vobis Regnum.

Véndite quæ possidéti et date eleemósynam. Fácite vobis sácculos qui non veteráscunt, thesáurum non deficiéntem in cælis, quo fur non apprópiat, neque tínea corrúmpit.

Ubi enim thesáurus vester est, ibi et cor vestrum erit ». — Verbum Dómini.

18

Alleluia

Lc 21, 36

℞. Allelúia. 𐌹. Vigiláte, omni témpore orántes,
ut digni habeámini stare ante Fílium hó-
minis. ℞. Allelúia.

Et vos estote parati.

✝ Lécio sancti Evangélíi secúndum Lucam 12, 35-40

In illo témpore:

Dixit Iesus discípulis suis: « Sint lumbi vestri præ-
cínti, et lucérnæ ardéntes, et vos símiles homínibus ex-

spectántibus dómīnum suum, quando revertátur a núp-
tiis; ut, cum vénerit et pulsáverit, conféstim apériant ei.

Beáti servi illi, quos, cum vénerit dómīnus, invé-
nerit vigilántes; amen dico vobis, quod præcinget se, et
fáciat illos discumbere et tránsiens ministrábit illis.

Et si vénerit in secúnda vigília et si in tértia vigília
vénerit et ita invénerit, beáti sunt illi.

Hoc autem scitóte, quia si sciret pater famílias
qua hora fur veníret, non síneret perfodíri domum suam.

Et vos estóte paráti, quia, qua hora non putátis,
Fílius hómīnis véniet ». — Verbum Dómini.

19

Pro religiosiis

Alleluia

Mt 5, 3

℞. Allelúia. ✠. Beáti páuperes spíritu,
quóniam ipsórum est Regnum cælórum.

℞. Allelúia.

*Qui non renuntiat omnibus quæ possidet,
non potest meus esse discipulus.*

✠ Lécio sancti Evangélīi secúndum Lucam 14, 25-33

In illo témpore:

Ibant turbæ multæ cum Iesu, et convérsus dixit ad
illos: « Si quis venit ad me, et non odit patrem suum
et matrem et uxórem, et fílios et fratres et soróres,
adhuc et ánimam suam, non potest esse meus discipu-
lus. Et qui non báiulat crucem suam et venit post me,
non potest esse meus discipulus.

Quis enim ex vobis, volens turrem ædificáre, non
prius sedens cómputat sumptus, si habet ad perficién-
dum? ne, posteáquam posúerit fundaméntum et non

potúerit perfícere, omnes qui vident incípiant illúdere ei, dicétes: " Hic homo cœpit ædificáre et non pótuit consummáre? "

Aut quis rex, itúrus committere bellum advérsus álium regem, non sedens prius cógitat, si possit cum decem mílibus occurrere ei, qui cum vigínti mílibus venit ad se? Alióquin, adhuc illo longe agénte, legatiónem mittens rogat ea quæ pacis sunt.

Sic ergo omnis ex vobis, qui non renúnciat ómnibus quæ pössidet, non potest meus esse discípulus ».

Verbum Dómini.

20

Alleluia

Io 15, 9 b. 5 b

℞. Allelúia. ⁊. Manéte in dilectiône mea, dicit Dóminus; qui manet in me et ego in eo.

hic fert fructum multum. ℞. Allelúia.

*Qui manet in me, et ego in eo,
hic fert fructum multum.*

✠ Lécio sancti Evangélíi secúndum Ioánnem 15, 1-8

In illo témpore:

Dixit Iesus discíplis suis: « Ego sum vitis vera, et Pater meus agrícola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat. Iam vos mundi estis propter sermónem, quem locútus sum vobis.

Manéte in me, et ego in vobis. Sicut palmes non potest ferre fructum a semetípso, nisi mánserit in vite, sic nec vos, nisi in me manséritis.

Ego sum vitis, vos pálmities; qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, missus est

foras sicut palmes et áruit, et cólligunt eos et in ignem mittunt, et ardent.

Si manséritis in me, et verba mea in vobis mánserint, quodcúmque voluéritis pétite, et fiet vobis.

In hoc glorificátus est Pater meus, ut fructum multum afferátis, et efficiámini mei discípuli ».

Verbum Dómini.

21

Alleluia

Io 13, 34

℞. Allelúia. ⁊. Mandátum novum do vobis, dicit Dóminus,
ut diligátis ínvicem sicut diléxi vos.
℞. Allelúia.

*Vos amici mei estis, si facietis
quæ ego præcipio vobis.*

✠ Lécio sancti Evangélíi secúndum Ioánnem 15, 9-17

In illo témpore:

Dixit Iesus discipulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcipio vobis. Iam non dico vos servos, quia servus nescit quid facit dóminus eius: vos autem dixi amícos, quia ómnia, quæ audívi a Patre meo, nota feci vobis.

Non vos me elegístis; sed ego elégi vos et pósui vos, ut vos eátis et fructum afferátis, et fructus vester má-

neat, ut, quodcúmque petiéritis Patrem in Nómine meo, det vobis.

Hæc mândo vobis, ut diligátis ínvicem ».
Verbum Dómini.

22

Alleluia

Io 15, 9 b. 5 b

℟. Allelúia. ℣. Manéte in dilectióne mea, dicit Dóminus;
qui manet in me et ego in eo,
hic fert fructum multum. ℟. Allelúia.

*Volo ut ubi ego sum,
et illi sint mecum.*

✠ Lécio sancti Evangélii secúndum Ioánnem

17, 20-26

In illo témpore:

Sublevátis Iesus óculis in cælum, orávit dicens:
« Pater sancte, non pro his rogo tantum, sed et pro eis
qui creditúri sunt per verbum eórum in me; ut omnes
unum sint, sicut tu, Pater, in me, et ego in te, ut et
ipsi in nobis sint, ut mundus credat quia tu me misísti.

Et ego glóriam, quam dedísti mihi, dedi illis, ut
sint unum sicut et nos unum sumus.

Ego in eis, et tu in me, ut sint consummáti in unum,
ut cognóscat mundus quia tu me misísti et dilexísti eos,
sicut me dilexísti.

Pater, quod dedísti mihi, volo ut, ubi ego sum,
et illi sint mecum, ut vídeant glóriam meam, quam de-
dísti mihi; quia dilexísti me ante constitutiónem mundi.

Pater iuste, et mundus te non cognóvit; ego autem
te cognóvi, et hi cognovérunt quia tu me misísti. Et
notum feci eis Nomen tuum, et notum fáciam, ut di-
lécio, qua dilexísti me, in ipsis sit, et ego in ipsis ».

Verbum Dómini.

ANTIPHONÆ AD INTROITUM AD LIBITUM

in sollemnitatibus et festis

1. Gaudeámus omnes in Dómino, diem festum celebrán-tes sub honóre beáti (beátæ) **N.** (mártyris, pastóris, etc.): de cuius sollemnitáte (festivitáte, passióne) gau-ident Angeli, et colláudant Fílium Dei.
2. Lætémur omnes in Dómino in sollemnitáte sancti **N.**, protectóris nostri, qui hódie ex hoc mundo, fide triúmphans, ad cælum migrávit, in ætérnum cum Chri-sto regnatúrus.
3. Certámen gloriósum Patróni nostri cum gáudio ce-lebrémus, qui, Christum conféssus coram homínibus, honorári a Christo méruit coram Patre qui est in cælis.
4. Sollemnitátem beáti **N.** mártyris cum gáudio cele-brémus, quia pro lege Dei sui certávit usque ad mortem, et hódie in cælis a Christo méruit glorióse coronári.
5. Laudem dícite Deo nostro, omnes Sancti eius et qui timétis Deum, pusílli et magni; quóniam regnábit Dó-minus Deus noster omnípotens. Gaudeámus, et exsul-témus, et demus glóriam ei.
6. Hódie beátus **N.** labóris sui præmium recépit; hódie in cælésti convívio cum Sanctis ómnibus gloriósus con-sédit.

MISSÆ RITUALES

**NB. - Textus liturgici, qui pro viro ponuntur, aptari possunt
pro muliere, mutato genere, vel pro pluribus, mutato numero.**

I. IN CONFERENDIS SACRAMENTIS INITIATIONIS CHRISTIANÆ

1. PRO ELECTIONE SEU INSCRIPTIONE NOMINIS

Ant. ad introitum

Ps 104, 3-4

Lætétur cor quæréntium Dóminum.
Quárite Dóminum et confirmámini,
quárite fáciem eius semper.

Collecta

Deus, qui, licet salútem hóminum semper operáris,
nunc tamen pópulum tuum
grátia abundantióre lætíficas,
réspice propítius ad electiónem tuam,
ut piæ protectionis auxiliú
et regenerándos múniat et renátos.
Per Dóminum.

Lectiones, ut indicantur p. 1030.

Super oblata

Omnípotens sempitérne Deus,
quí nos ad ætérrnam vitam
in confessióne tui nóminis
baptísmatis réparas sacraménto,
súscipe tuórum múnera et vota famulórum,
ut in te sperántium et desidéria iúbeas pérfici
et peccáta deléri. Per Christum.

Dicitur præfatio de Tempore.

Ant. ad communionem

Eph 1, 7

In Christo habémus redemptiónem per ságuinem eius,
remissiónem peccatórum, secúndum divítias grátiae eius.

Post communionem

Puríficent nos, quæsumus, Dómine,
sacraménta quæ sumpsimus,
et fámulos tuos
ab omni culpa líberos esse concéde,
ut, qui consciéntiæ reátu constringúntur,
cæléstis remédii plenitúdine gloriéntur.
Per Christum.

Sumi potest etiam Missa feriæ sextæ hebdomadæ IV in Quadra-
gesima (cf. volumen II).

2. IN SCRUTINIIS PERAGENDIS

Hæc Missa adhibetur quando scrutinia celebrantur, sive
tempore ipsis proprio, idest in dominicis III, IV et V in Qua-
dragesima, sive aliis temporibus.

Ant. ad introitum

Ez 36, 23-26

Cum sanctificátus fúero in vobis,
congregábo vos de univérsis terris;
et effúndam super vos aquam mundam,
et mundabímmini ab ómnibus inquinaméntis vestris.
Et dabo vobis spíritum novum,
dicit Dóminus.

Collecta

In primo scrutinio:

Da, quæsumus, Dómine, eléctis nostris
digne atque sapiénter
ad confessiónem tuæ laudis accédere,
ut dignitáte prístina,
quam origináli transgressióne perdidérunt,
per tuam glóriam reforméntur.
Per Dóminum.

In secundo scrutinio:

Omnípotens sempitérne Deus,
Ecclésiám tuam spiritali iucunditate múltiplica,
ut, qui sunt generatióne terréni,
fiant regeneratióne cæléstes. Per Dóminum.

In tertio scrutinio:

Concéde, Dómine, eléctis nostris,
ut, sanctis edócti mystériis,
et renovéntur fonte baptísmatis
et inter Ecclésiæ tuæ membra numeréntur.
Per Dóminum.

Lectiones, ut indicantur p. 1030.

Super oblata

In primo scrutinio:

Miserátio tua, Deus,
ad hæc percipiéndá mystéria fámulos tuos, quæsumus,
et prævéniat competénter
et devóta conversatióne perdúcat. Per Christum.

In secundo scrutinio:

Remédii sempitérni múnera, Dómine,
lætántes offérimus, suppliciter exorántes,
ut éadem nos et digne venerári
et pro salvándis congruénter exhibére perficias.
Per Christum.

In tertio scrutinio:

Exáudi nos, omnípotens Deus,
et fámulos tuos, quos fidei christiánæ primítiis imbuísti,
huius sacrificii tríbuas operatióne mundári.
Per Christum.

Dicitur præfatio propria de singulis dominicis Quadragesimæ vel,
aliis diebus, de Tempore.

Quando adhibetur Canon Romanus, in Meménto vivorum fit memoria patrinatorum, et dicitur Hanc igitur proprium.

Meménto, Dómine, famulórum famularúmque tuárum,
qui eléctos tuos susceptúri sunt
ad sanctam grátiam baptísmi tui,
et recitantur nomina patrinatorum et matrinarum,
et ómnium circumstantium,
quorum tibi fides cógnita est ...

Hanc igitur oblatiónem, Dómine,
ut propítius suscípias, deprecámur,
quam tibi offérimus pro fámulis et famulábus tuis,
quos ad ætéram vitam
et beátum grátiae tuæ donum numeráre,
elégere atque vocáre dignátus es.
(Per Christum Dóminum nostrum. Amen.)

Ant. ad communionem

Quando legitur Evangelium de Samaritana: Io 4, 13-14

Qui bíberit aquam, quam ego dabo ei, dicit Dóminus,
fiet in eo fons aquæ saliéntis in vitam ætéram.

Quando legitur Evangelium de cæco nato: Cf. Io 9, 11

Dóminus linívit óculos meos:
et ábii, et lavi, et vidi, et crédidi Deo.

Quando legitur Evangelium de Lazaro: Io 11, 26

Omnis qui vivit et credit in me,
non moriétur in ætérum, dicit Dóminus

Post communionem

In primo scrutinio:

Adésto, Dómine, quæsumus, redemptionis efféctibus,
ut, quos sacraméntis æternitátis instítues,
eósdem prótegas dignánte aptándo.
Per Christum.

In secundo scrutinio:

Tu semper, quæsumus, Dómine,
tuam attólle benígnus famíliam,
tu dispóne corréctam, tu propítius tuére subiéctam,
tu gubérna perpétua bonitáte salvándam.
Per Christum.

In tertio scrutinio:

Concúrrat, Dómine, quæsumus, pópulus tuus
et toto tibi corde subiéctus obtíneat,
ut, ab omni perturbatióne secúrus,
et salvatiónis suæ gáudia promptus exérceat
et pro regenerándis benígnus exóret.
Per Christum.

3. IN CONFERENDO BAPTISMATE

Hæc Missa dicitur, cum colore albo, in collatione Baptismi adultorum, præsertim si in eadem actione liturgica etiam Confirmatio datur.

Dici potest, pro opportunitate, etiam in collatione Baptismi parvulorum.

Adhiberi autem potest omnibus diebus, exceptis dominicis Adventus, Quadragesimæ et Paschæ, sollemnitatibus, atque feriis IV Cinerum et totius Hebdomadæ sanctæ.

A**Ant. ad introitum****Eph 4, 24**

Indúite novum hóminem,
qui secúndum Deum creátus est
in iustítia et sanctitáte veritátis.

Collecta

Deus, qui nos facis passiónis et resurrectionis Fílii tui
participáre mystérium,
præsta, quæsumus,

ut, adoptiōnis filiōrum Spīritu roborāti,
in novitāte vitæ iūgiter ambulēmus.
Per Dóminum.

Lectiones ut infra, pp. 1040-1068 vel, pro parvulis, pp. 1069-1085.

Super oblata

Quos Fílio tuo conformátos
(et chrísmatis signáculo perféctos)
pópulo sacerdotáli propítius aggregásti,
rogámus, Dómine,
ut in acceptábiles hóstias computáre dignéris,
et una cum oblatiōnibus Ecclésiæ tuæ benígnus accípias.
Per Christum.

Quando adhibetur Canon Romanus, in Meménto vivorum fit memoria patrinorum:

Meménto, Dómine, famulórum famularúmque tuárum,
qui eléctos tuos suscepérunt
ad sanctam grátiam baptísmi tui,
et recitantur nomina patrinorum et matrinarum,
et ómnium circumstántium,
quorum tibi fides cógnita est ...

In Precibus eucharisticis, neophytorum memoria secundum has formulas inseritur:

a) in Prece eucharistica I dicitur Hanc ígitur proprium:

Hanc ígitur oblatiōnem servitútis nostræ,
sed et cunctæ famíliæ tuæ,
quam tibi offérimus pro his quoque,
quos regeneráre dignátus es ex aqua et Spīritu Sancto,
tribuens eis remissiōnem ómnium peccatórum,
ut inveníres eos in Christo Iesu Dómino nostro,
quæsumus, Dómine, ut placátus accípias,
et nómina eórum ascríbi iúbeas in libro vivéntium.
(Per Christum Dóminum nostrum. Amen.)

b) in intercessionibus Precis eucharisticæ II, post verba et univérso clero, additur:

Recordáre quoque, Dómine, neophytórum,
qui hódie per Baptísmum (et Confirmatióem)
famíliae tuæ adiúnci sunt,
ut Christum, Fílium tuum,
corde magno et ánimo volénti sequántur.
Meménto étiam ...

c) in intercessionibus Precis eucharisticæ III, post verba adésto propítius, additur:

Confórta, quæsumus, in sancto propósito fámulos tuos,
qui hódie per lavácrum regeneratiónis
(et donatióem Sancti Spíritus)
plebi tuæ aggregáti sunt,
et concéde, ut in novitáte vitæ semper procédant.
Omnes fílios tuos ubíque dispérsos ...

d) in intercessionibus Precis eucharisticæ IV, mentio neophytorum inseritur hoc modo:

... sed et totíus cleri, et offeréntium,
et circumstántium, et neophytórum,
quos hódie ex aqua et Spíritu Sancto regenerásti,
et cuncti pópuli tui ...

Ant. ad communionem

1 Io 3, 1

Vidéte qualem caritátem dedit nobis Pater,
ut fílii Dei nominémur et simus.

Post communionem

Præsta, quæsumus, Dómine,
ut, carnis et ságuinis Fílii tui præditi sacraménto,
in communióne Spíritus eius
fratrúmque dilectiόne ita crescámus,
quátenus ad plenam córporis Christi mensúram
caritáte vívida dilatémur.
Per Christum.

B**Ant. ad introitum**

Tit 3, 5. 7

Salvos nos fecit Deus
per lavácrum regeneratiónis
et renovatiónis Spíritus Sancti,
ut, iustificáti grátia ipsíus,
herédes simus secúndum spem vitæ æternæ.

Collecta

Deus, qui nos regéneras verbo vitæ,
da, ut, corde sincéro illud accipiéntes,
veritátem álacres faciámus,
et fratérnæ afferámus fructus plúrimos caritátis.
Per Dóminum.

Lectiones ut infra, pp. 1040-1068, vel, pro parvulis, pp. 1069-1085.

Super oblata

Ad parátum panem accedéntibus vinúmque commíxtum
iánuam, Dómine, résera cenæ tuæ,
ut, cæléste cum gáudiis convívium celebrántes,
inter sanctórum cives tuósque domésticos censeámur.
Per Christum.

Intercessionες propriæ, pp. 1020-1021.

Ant. ad communionem

1 Io 3, 2

Caríssimi, nunc fílii Dei sumus,
et nondum appáruit quid érimus.

Post communionem

Præclárum, Dómine,
mortis et resurrectionis Fílii tui mystérium,
quod annuntiávimus, celebrádo,
fac, ut, per huius sacraménti virtútem,
étiam vivéndo fateámur.
Per Christum.

4. IN CONFERENDA CONFIRMATIONE

Hæc Missa dicitur, cum colore rubro vel albo, quando in ipsa Missa aut immediate ante vel post ipsam Missam confertur Confirmatio.

Adhiberi autem potest omnibus diebus, exceptis dominicis Adventus, Quadragesimæ et Paschæ, sollemnitatibus, atque feriis IV Cinerum et totius Hebdomadæ sanctæ.

A

Ant. ad introitum

Ez 36, 25-26

Dicit Dóminus: Effúndam super vos aquam mundam, et dabo vobis cor novum, et spíritum novum ponam in médio vestri.

Collecta

Præsta, quæsumus, omnípotens et miséricors Deus, ut Spíritus Sanctus advéniens templum nos glóriæ suæ dignánter inhabitándo perfíciat. Per Dóminum.

Vel:

Promissiónem tuam, quæsumus, Dómine, super nos propitiátus adímple, ut Spíritus Sanctus advéniens nos coram mundo testes effíciat Evangélii Dómini nostri Iesu Christi. Qui tecum vivit.

Aliæ orationes ad libitum, pp. 1026-1027.
Lectiones ut infra, pp. 1084-1105.

Super oblata

Famulórum tuórum, quæsumus, Dómine, súscipe vota cleménter, et præsta, ut, Fílio tuo perféctius configuráti,

in testimónium eius indesinenter accréscant,
 memoriále participántes redemptionis eius,
 qua Spíritum tuum nobis ipse proméruiť.
 Qui tecum.

Quando adhibetur Canon Romanus, dicitur Hanc igitur proprium:

Hanc igitur oblationem servitútis nostræ,
 sed et cunctæ famíliæ tuæ,
 quam tibi offérimus pro iis quoque,
 quos, Baptísmate regenerátos,
 confirmáre dignátus es donatióne Spíritus Sancti,
 quæsumus, Dómine, ut placátus accípias,
 et propitiátus in eis tuam grátiam custódias.
 (Per Christum Dóminum nostrum. Amen.)

Ant. ad communionem

Cf. Hebr 6, 4

Quicúmque illumináti estis,
 qui gustavístis donum cæléste,
 et participes facti estis Spíritus Sancti,
 gaudéte omnes in Dómino.

Post communionem

Spíritu Sancto, Dómine, perúntos
 tuíque Fílii sacraménto nutritos
 tua in pósterum benedictióne proséquare,
 ut, ómnibus adversitatibus superátis,
 Ecclesiám tuam sanctitaté lætíficent,
 eiúsque in mundo increménta
 suis opéribus et caritaté promóveant.
 Per Christum.

Benedictio in fine Missæ

Loco benedictionis consueta, in fine Missæ adhibetur benedictio
 quæ sequitur, vel oratio super populum, p. 1025.

Benedícat vos Deus Pater omnípotens,
qui vos, ex aqua et Spíritu Sancto renátos,
fílios suæ adoptiónis effécit,
et dignos sua patérna dilectióne custódiat.

℞. Amen.

Benedícat vos Fílius eius unigénitus,
qui Spíritum veritátis
in Ecclésia mansúrum esse promísit,
et vos in confessióne veræ fidei
sua virtúte confírmnet.

℞. Amen.

Benedícat vos Spíritus Sanctus,
qui ignem caritátis in córdibus discipulórum accéndit,
et vos, in unum congregátos,
ad gáudium regni Dei sine offensióne perdúcat.

℞. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

℞. Amen.

Oratio super populum

Loco formulæ benedictionis prædictæ, adhiberi potest oratio super populum.

Diaconus vel minister dicere potest invitatorium: Inclínate vos ad benedictiónem, vel aliud.

Deinde Episcopus, manibus super populum extensis, dicit:

Confírma hoc, Deus, quod operátus es in nobis,
et Spíritus Sancti dona
in córdibus tuórum custódi fidélium,
ut et Christum crucifíxum
coram mundo confitéri non erubéscant,
et mandáta eius devóta caritáte perfícient.
Per Christum Dóminum nostrum.

℞. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

℞. Amen.

B

Ant. ad introitum

Cf. Rom 5, 5; 8, 11

Cáritas Dei diffúsa est in córdibus nostris
per inhabitántem Spíritum eius in nobis.

Collecta

Spíritum Sanctum tuum, quæsumus, Dómine,
super nos dignánter effúnde,
ut omnes, in unitáte fídei ambulánte,
et caritátis eius fortitúdine roboráti,
ad mensúram ætátis plenitúdinis Christi occurrámus.
Per Dóminum.

Aliæ orationes ad libitum, pp. 1023 et 1027.

Lectiones ut infra, pp. 1086-1105.

Super oblata

Hos fámulos tuos, Dómine,
una cum Unigénito tuo benígnus admítte,
ut, qui eius cruce spiritalíque sunt unctióne signáti,
se tibi cum ipso iúgiter offeréntes,
largiórem in dies effusióem tui Spíritus mereántur.
Per Christum.

Quando adhibetur Canon Romanus, dicitur Hanc ígitur proprium,
ut in Missa præcedente, p. 1024.

Ant. ad communionem

Ps 33, 6. 9

Accédite ad Dóminum et illuminámini:
gustáte et vidéte quóniam suávis est.

Post communionem

Quos tui Spíritus, Dómine, cumulásti munéribus,
tuíque auxísti Unigéniti nutríménto,
fac étiam in plenitúdine legis instrúctos,
ut coram mundo tuæ libertátem adoptiόνis
iúgiter maniféstent,
et prophéticum tui pópuli munus
sua váleant sanctitáte præbére.
Per Christum.

Benedictio sollemnis vel oratio super populum, pp. 1024-1025.

C

Aliæ orationes, pro opportunitate adhibendæ

Collecta

Mentes nostras, quæsumus, Dómine,
Paráclitus qui a te procedit illúminet,
et indúcat in omnem, sicut tuus promísit Fílius, veritátem.
Qui tecum.

Super oblata

Súscipe, quæsumus, Dómine, oblatiόνem famíliæ tuæ,
ut, qui donum Spíritus Sancti suscepérunt,
et colláta custódiant, et ad ætérna præmia pervéniant.
Per Christum.

Post communionem

Spíritum nobis, Dómine, tuæ caritátis infúnde,
ut, quos uno pane cælésti satiásti,
una fácias pietáte concórdes.
Per Christum.

A

AD CATECHUMENOS FACIENDOS

Lectio prior

*Egredere de terra tua, et veni in terram,
quam monstrabo tibi.*

Lectio libri Génesis

12, 1-4 a

In diébus illis:

Dixit Dóminus ad Abram: « Egrédere de terra tua, et de cognatióne tua, et de domo patris tui, et veni in terram, quam monstrábo tibi. Faciámque te in gentem magnam, et benedicám tibi; et magnificábo nomen tuum, erisque benedíctus.

Benedicám benedicéntibus tibi et maledicám maledicéntibus tibi; atque in te benedicéntur univérsæ cognatiónes terræ ».

Egréssus est itaque Abram, sicut præcéperat ei Dóminus. — Verbum Dómini.

Psalmus responsorius

Ps 32, 4-5. 12-13. 18-19. 20 et 22 (R.: 12 b vel 22)

R. Beátus pópulus, quem elégit Dóminus
in hereditátem sibi.

vel: Fiat misericórdia tua, Dómine, super nos,
quemádmódum sperávimus in te.

⁴ Quia rectum est verbum Dómini,
et ómnia ópera eius in fide.

⁵ Díligit iustítiam et iudícium,
misericórdia Dómini plena est terra. R.

- 12 Beáta gens, cui Dóminus est Deus,
pópulus, quem elégit in hereditátem sibi.
- 13 De cælo respéxit Dóminus,
vidit omnes fílios hóminum. *R.*
- 18 Ecce óculi Dómini
super metuéntes eum,
in eos qui sperant super misericórdia eius,
19 ut éruat a morte ánimas eórum,
et alat eos in fame. *R.*
- 20 Anima nostra sústinet Dóminum,
quóniam adiútor et protéctor noster est.
- 22 Fiat misericórdia tua, Dómine, super nos,
quemádmódum sperávimus in te. *R.*

Alleluia

Io 1, 41 et 17 b

R. Allelúia. *Y.* Invénimus Messíam,
qui est Christus;
grátia et véritas per eum facta est.
R. Allelúia.

Evangelium

Ecce Agnus Dei. Invenimus Messiam.

✠ Lécio sancti Evangélii secúndum Ioánnem 1, 35-42

In illo témpore:

Stabat Ioánnes et ex discípulis eius duo. Et respíciens Iesum ambulántem, dicit: « Ecce Agnus Dei ». Et audiérunt eum duo discípuli loquéntem, et secúti sunt Iesum.

Convérsus autem Iesus, et videns eos sequéntes se, dicit eis: « Quid quæritis? »

Qui dixérunt ei: « Rabbi (quod dicitur interpre-tátum: Magíster), ubi hábitas? »

Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo; hora erat quasi décima.

Erat Andréas, frater Simónis Petri, unus ex duóbus qui audíerant ab Ioánnē et secúti fúerant eum.

Invénit hic primum fratrem suum Simónem, et dicit ei: « Invénimus Messíam (quod est interpretátum Christus) ». Addúxit eum ad Iesum.

Intúitus eum Iesus dixit: « Tu es Simon fílius Ioánnis: tu vocáberis Cephas (quod interpretátur Petrus) ».

Verbum Dómini.

B

IN DIE ELECTIONIS BAPTIZANDORUM

Si electio fit dominica I in Quadragesima, sumi possunt lectiones cuiuslibet seriei huius dominicæ.

Si fit extra dominicam et lectiones diei non conveniunt, similiter seligantur lectiones inter eas quæ assignantur dominicæ I in Quadragesima (Cf. volumen II), vel aliæ aptæ.

C

IN SCRUTINIIS PERAGENDIS

Ad I Scrutinium

Sumuntur semper lectiones dominicæ III in Quadragesima, seriei A, cum suis cantibus (Cf. volumen II).

Ad II Scrutinium

Sumuntur semper lectiones dominicæ IV in Quadragesima, seriei A, cum suis cantibus (Cf. volumen II).

Ad III Scrutinium

Sumuntur semper lectiones dominicæ V in Quadragesima, seriei A, cum suis cantibus (Cf. volumen II).

D**IN TRADITIONE SYMBOLI****Lectio prima**

Audi, Israel: Diliges Dominum ex toto corde tuo.

Léctio libri Deuteronomii**6, 1-7**

Locútus est Móyses pópulo dicens: « Hæc sunt præcépta et cæremóniæ atque iudícia, quæ mandávit Dóminus Deus vester, ut docérem vos, et faciátis ea in terra ad quam transgredímini possidéndam; ut tíneas Dóminum Deum tuum et custódias ómnia mandáta et præcépta eius, quæ ego præcípio tibi et filiis ac nepóti-bus tuis, cunctis diébus vitæ tuæ, ut prolongéntur dies tui.

Audi, Israel, et obsérva, ut fácias quæ præcépit tibi Dóminus, et bene sit tibi, et multiplicéris ámplius, sicut pollicítus est Dóminus Deus patrum tuórum tibi terram lacte et melle manántem.

Audi, Israel: Dóminus Deus noster Dóminus unus est. Díliges Dóminum Deum tuum ex toto corde tuo et ex tota ánima tua et ex tota fortitúdine tua. Erúnt-que verba hæc, quæ ego præcípio tibi hódie, in corde tuo, et narrábis ea filiis tuis, et meditáberis in eis se-dens in domo tua et ámbulans in itínere, dórmienti at-que consúrgens ». — Verbum Dómini.

Psalmus responsorius

Ps 18, 8. 9. 10. 11 (R.: Io 6, 69)

R. Dómine, verba vitæ æternæ habes.

8 Lex Dómini immaculáta, refíciens ánimam,
testimónium Dómini fidéle,
sapientiám præstans párvulis. R.9 Iustítiæ Dómini rectæ, lætificántes corda,
præcéptum Dómini lúcidum, illúminans óculos. R.10 Timor Dómini mundus, pérmanens in sáculum sáculi,
iudícia Dómini vera, iusta ómnia simul. R.11 Desiderábília super aurum
et lápidem pretiósus multum,
et dulcióra super mel et favum stillántem. R.

Lectio secunda

1

*Fidei confessio credentis in Deum.*Lectio Epístolæ beáti Pauli apóstoli
ad Romános

10, 8-13

Fratres:

Quid dicit Scriptúra? « Prope te est verbum in ore tuo et in corde tuo »; hoc est verbum fidei, quod prædicámus. Quia, si confiteáris in ore tuo « Dóminus Iesum » et in corde tuo credideris quod Deus illum excitávit ex mórtuis, salvus eris. Corde enim créditur ad iustitiam, ore autem conféssio fit in salútem.

Dicit enim Scriptúra: « Omnis qui credit in illo non confundétur ». Non enim est distíctio Iudæi et Græci, nam idem Dóminus ómnium, dives in omnes qui invocant illum: « Omnis enim quicúmque invocáverit Nomen Dómini, salvus erit ». — Verbum Dómini.

2

* *Per Evangelium salvamini, qua ratione evangelizaverim vobis, si tenetis.*

Léctio Epístolæ primæ beāti Pauli apóstoli
ad Corínthios

15, 1-8

Notum vobis fácio, fratres, Evangélium, quod evangelizávi vobis, quod et accepístis, in quo et statis, per quod et salvámini: qua ratióne evangelizáverim vobis, si tenétis, nisi si frustra credidístis.

Trádidi enim vobis in primis quod et accépi; quóniam Christus mórtuus est pro peccátis nostris, secúndum Scriptúras, et quia sepúltus est et quia suscitátus est tértia die, secúndum Scriptúras, et quia visus est Cephæ, et post hæc Duódecim; deínde visus est plus quam quingéntis frátribus simul, ex quibus plures manent usque adhuc, quidam autem dormiérunt. Deínde visus est Iacóbo, deínde Apóstolis ómnibus; novíssime autem ómnium, tamquam abortívo, visus est et mihi.

Verbum Dómini.

vel brevior

Léctio Epístolæ primæ beāti Pauli apóstoli
ad Corínthios

15, 1-4

Notum vobis fácio, fratres, Evangélium, quod evangelizávi vobis, quod et accepístis, in quo et statis, per quod et salvámini: qua ratióne evangelizáverim vobis, si tenétis, nisi si frustra credidístis.

Trádidi enim vobis in primis quod et accépi; quóniam Christus mórtuus est pro peccátis nostris secúndum Scriptúras, et quia sepúltus est et quia suscitátus est tértia die, secúndum Scriptúras. — Verbum Dómini.

Evangelium

1

Versus ante Evangelium

Io 3, 16

γ. Sic Deus diléxit mundum,
ut Fílium suum Unigénitum daret;
omnis qui credit in eum habet vitam ætérnam.

Super hanc petram ædificabo Ecclesiam meam.

✠ Léctio sancti Evangélíi secúndum Matthæum

16, 13-18

In illo témpore:

Venit Iesus in partes Cæsaréæ Philíppi, et interrogábat discípulos suos dicens: « Quem dicunt hómines esse Fílium hóminis? »

At illi dixerunt: « Alii Ioánnem Baptístam, álii autem Elíam, álii vero Ieremíam aut unum ex prophétis ».

Dicit illis: « Vos autem quem me esse dicitis? »

Respóndens Simon Petrus dixit: « Tu es Christus, Fílius Dei vivi ».

Respóndens autem Iesus dixit ei: « Beátus es, Simon Bar Iona, quia caro et sanguis non revelávit tibi, sed Pater meus qui in cælis est.

Et ego dico tibi: Tu es Petrus, et super hanc petram ædificábo Ecclésiám meam, et portæ ínferi non prævalébunt advérsum eam ». — Verbum Dómini.

2

Versus ante Evangelium

Io 8, 12 b

γ. Ego sum lux mundi, dicit Dóminus;
quí séquitur me, habébit lumen vitæ.

*Ego lux in mundum veni, ut omnis qui credit in me
in tenebris non maneat.*

✠ Lécitio sancti Evangélii secúndum Ioánnem

12, 44-50

In illo témpore:

Clamávit Iesus et dixit: « Qui credit in me, non credit in me sed in eum qui misit me. Et qui videt me, videt eum qui misit me.

Ego lux in mundum veni, ut omnis qui credit in me, in ténebris non máneat. Et si quis audierit verba mea et non custodierit, ego non iú dico eum; non enim veni ut iúdicem mundum, sed ut salvíficem mundum.

Qui spernit me et non áccipit verba mea, habet qui iúdicet eum. Sermo quem locútus sum, ille iudicábit eum in novíssimo die.

Quia ego ex me ipso non sum locútus; sed qui misit me Pater, ipse mihi mandátum dedit quid dicam et quid loquar.

Et scio quia mandátum eius vita ætérna est. Quæ ergo ego loquor, sicut dixit mihi Pater, sic loquor ».

Verbum Dómini.

E

IN TRADITIONE ORATIONIS DOMINICÆ

Lectio prima

Traham vos in vinculis caritatis.

Lécitio libri Osée prophétæ

11, 1 b. 3-4. 8 c-9

Hæc dicit Dóminus:

« Puer Israel, et diléxi eum, et ex Ægýpto vocávi
fílium meum.

Et ego, quasi nutrícius Ephraim, portábam eos in bráccíis meis, et nesciérunt quod curárem eos. In funículis Adam traham eos, in vínculis caritátis; et ero eis quasi exáltans iugum super maxíllas eórum, et declinávi ad eum ut vescerétur.

Convérsum est in me cor meum, páriter conturbáta est pænítúdo mea. Non fáciám furórem iræ meæ, non convértať ut dispérdam Ephraim, quóniam Deus ego et non homo; in médio tui sanctus, et non ingrédíar civitátem ». — Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

1 Dóminus pascit me, et nihil mihi déerit:

2 in páscuis viréntibus me collocávit,
3 super aquas quiétis edúxit me,
ánimam meam refécit.

Dedúxit me super sémitas iustítiae
propter nomen suum. **R.**

4 Nam et si ambulávero in valle umbræ mortis,
non timébo mala, quóniam tu mecum es.

Virga tua et báculo tuus
ipsa me consoláta sunt. **R.**

5 Parásti in conspéctu meo mensam
advérsus eos qui tribulant me;
impinguásti in óleo caput meum,
et calix meus redúndat. **R.**

6 Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. **R.**

vel

Ps 102, 1-2. 8 et 10. 11-12. 13 et 18 (R.: 13)

R. Quómodo miserétur pater filiórum,
misértus est Dóminus timéntibus se.

1 Bénedic, ánima mea, Dómino;
et ómnia quæ intra me sunt, nómini sancto eius.

2 Bénedic, ánima mea, Dómino,
et noli oblivísci omnes retributiónes eius. R.

3 Miserátor et miséricors Dóminus,
longánimis et multæ misericórdiæ.

10 Non secúndum peccáta nostra fecit nobis,
neque secúndum iniquitátes nostras retribuit nobis. R.

11 Quóniam, quantum exaltátur cælum a terra,
præváluit misericórdia eius super timéntes eum;

12 quantum distat ortus ab occidénte,
longe fecit a nobis iniquitátes nostras. R.

13 Quómodo miserétur pater filiórum,
misértus est Dóminus timéntibus se,

18 in eos qui servant testaméntum eius,
et mémore sunt mandatórum ipsíus ad faciéndum ea. R.

Lectio secunda

1

*Accepistis Spiritum adoptionis filiorum,
in quo clamamus: Abba, Pater.*

Lectio Epístolæ beáti Pauli apóstoli
ad Romános

8, 14-17. 26-27

Fratres:

Quicúmque Spíritu Dei agúntur, hi fílii Dei sunt.
Non enim accepístis spíritum servitútis íterum in

timórem, sed accepístis Spíritum adoptiónis filiórum, in quo clamámus: « Abba, Pater ».

Ipse Spíritus testimónium reddit una cum spíritu nostro, quod sumus filii Dei. Si autem filii, et herédes: herédes quidem Dei, coherédes autem Christi; si tamen compátimur, ut et conglorificémur.

Simíliter autem et Spíritus ádiuvat infirmitátem nostram: nam quid orémus sicut opórtet, nescímus; sed ipse Spíritus interpéllat gemítibus inenarrábilibus. Qui autem scrutátur corda, scit quid desíderet Spíritus, quia secúndum Deum póstulat pro sanctis.

Verbum Dómini.

2

*Misit Deus Spiritum Filii sui in corda nostra,
clamantem: Abba, Pater.*

Léctio Epístolæ beáti Pauli apóstoli ad Gálatas 4, 4-7

Fratres:

Ubi venit plenitúdo témporis, misit Deus Fílium suum, factum ex muliere, factum sub Lege, ut eos qui sub Lege erant redímeret, ut adoptiónem filiórum reciperémus.

Quóniam autem estis filii, misit Deus Spíritum Fílii sui in corda nostra, clamántem: « Abba, Pater ». Itaque iam non es servus, sed fílius. Quod si fílius, et heres per Deum. — Verbum Dómini.

Versus ante Evangelium

Rom 8, 15

¶. Non accepístis spíritum servitútis íterum in timóre, sed accepístis Spíritum adoptiónis filiórum, in quo clamámus: « Abba, Pater ».

Evangelium

Domine, doce nos orare.

✠ Lécitio sancti Evangélíi secúndum Matthæum

6, 9-13

In illo témpore:

Dixit Iesus discípulis suis: « Sic vos orábitis:

Pater noster, qui es in cælis, sanctificétur Nomen tuum, advéniat Regnum tuum, fiat volúntas tua sicut in cælo et in terra. Panem nostrum supersubstantiálem da nobis hódie, et dimítte nobis débíta nostra, sicut et nos dimíttimus debitóribus nostris, et ne indúcas nos in tentatiónem, sed libera nos a Malo ».

Verbum Dómini.

F

AD RITUM « EFFETHA »

Evangelium

Effetha, quod est Adaperire.

✠ Lécitio sancti Evangélíi secúndum Marcum 7, 31-37

In illo témpore:

Exiens Iesus de fínibus Tyri, venit per Sidónem ad mare Galilææ inter médios fines Decapóleos. Et addú-cunt ei surdum et mutum, et deprecántur eum ut impónat illi manum.

Et apprehéndens eum de turba seórsum, misit dígitos suos in aurículas eius, et éxspuens tétigit linguam eius, et suspíciens in cælum ingémuit et ait illi: « Effe-tha », quod est: « Adaperíre ». Et statim apértæ sunt

aures eius, et solútum est vínculum linguæ eius, et loquebátur recte.

Et præcépit illis ne cui dicerent. Quanto autem eis præcipiébat, tanto magis plus prædicábant.

Et eo ámplius admirabántur dicétes: « Bene ómnia fecit, et surdos facit audíre et mutos loqui ».

Verbum Dómini.

G

IN CONFERENDO BAPTISMATE ADULTORUM

Lectio prima

1

*Sic erit semen tuum. Semini tuo
dabo terram hanc.*

Léctio libri Génesis

15, 1-6. 18 a

In diébus illis:

Factus est sermo Dómini ad Abram per visiónem dicens: « Noli timére, Abram, ego protéctor tuus sum, et merces tua magna nimis ».

Dixítque Abram: « Dómine Deus, quid dabis mihi? Ego vadam absque líberis, et filius procuratóris domus meæ iste damáscus Eliézer ». Addidítque Abram: « Mihi autem non dedísti semen; et ecce vernáculus meus heres meus erit ».

Statímque sermo Dómini factus est ad eum dicens: « Non erit hic heres tuus, sed qui egrediétur de útero tuo, ipsum habébis herédem ».

Eduxítque eum foras et ait illi: « Súspice cælum et númera stellas, si potes ». Et dixit ei: « Sic erit semen tuum ». Crédidit Abram Deo, et reputátum est illi ad iustítiam.

In illo die pépigit Dóminus fœdus cum Abram dicens: « Sémini tuo dabo terram hanc, a flúvio Ægýpti usque ad flúvium magnum Euphráten ».

Verbum Dómini.

Psalmus responsorius

Ps 88, 3-4. 16-17. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.

3 Quóniam dixísti:

« In ætérnum misericórdia ædificábitur »,
in cælis firmábitur véritas tua.

4 « Dispósui testaméntum elécto meo,
iurávi David servo meo ». R.

16 Beátus pópulus qui scit iubilatióem;
Dómine, in lúmine vultus tui ambulábunt,
17 et in nómine tuo exsultábunt tota die,
et in iustítia tua exaltabúntur. R.

21 « Invéni David servum meum;
óleo sancto meo unxi eum.

22 Manus enim mea firma erit cum eo,
et brácchium meum confortábit eum. R.

25 Et véritas mea et misericórdia mea cum ipso,
et in nómine meo exaltábitur cornu eius.

27 Ipse invocábit me: Pater meus es tu,
Deus meus et refúgium salútis meæ ». R.

2

*Statuam pactum meum inter me et te,
et inter semen tuum
post te in generationibus suis, fœdere sempiterno.*

Léctio libri Génesis

17, 1-8

Postquam Abram nonagínta et novem annórum esse cóeperat, apparuit ei Dóminus dixítque ad eum: « Ego

Deus omnipotens: ámbula coram me, et esto perfectus. Ponámque fœdus meum inter me et te, et multiplicábo te vehementer nimis ». Cécidit Abram pronus in faciém.

Dixítque ei Deus: « Ego sum, et pactum meum tecum. Erisque pater multárum géntium, nec ultra vocábitur nomen tuum Abram, sed appelláberis Abraham, quia patrem multárum géntium constítui te. Faciámque te crêscere vehementíssime et ponam te in géntibus, regésque ex te egrediéntur.

Et státuam pactum meum inter me et te, et inter semen tuum post te in generatióibus suis, fœdere sempitérno, ut sim Deus tuus et séminis tui post te. Dabóque tibi et sémini tuo terram peregrinatióis tuæ, omnem terram Chánaan in possessiõem ætérnam, eróque Deus eórum ». — Verbum Dómini.

Psalmus responsorius Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

1 Dóminus pascit me, et nihil mihi déerit:

2 in páscuis viréntibus me collocávit,
super aquas quiétis edúxit me,

3 ánimam meam refécit.

Dedúxit me super sémitas iustítiæ
propter nomen suum. R.

4 Nam et si ambulávero in valle umbræ mortis,
non timébo mala, quóniam tu mecum es.

Virga tua et báculo tuus
ipsa me consoláta sunt. R.

5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. R.

Etenim benígnitas et misericórdia subsequéntur me
 ómnibus diébus vitæ meæ,
 et inhabitábo in domo Dómini
 in longitúdinem diérum. *R.*

3

Abicite deos alienos, qui in medio vestri sunt.

Léctio libri Génesis

35, 1-4. 6-7 a

In diébus illis:

Locútus est Deus ad Iacob: « Surge, et ascénde Bethel, et hábita ibi, facque altáre Deo, qui apparuit tibi quando fugiébas Esau fratrem tuum ».

Iacob vero, convocáta omni domo sua, ait: « Abícite deos aliénos, qui in médio vestri sunt, et mundámini ac mutáte vestiménta vestra. Súrgite, et ascendámus in Bethel, ut faciámus ibi altáre Deo, qui exaudivit me in die tribulatiónis meæ, et sócius fuit itínemis mei ». Dedérunt ergo ei omnes deos aliénos, quos habébant, et ináures, quæ erant in áuribus eórum; at ille infódit ea subter terebínthum, quæ est post urbem Sichem.

Venit ígitur Iacob Luzam, quæ est in terra Chánaan, cognoménto Bethel, ipse et omnis pópulus cum eo. Ædificávitque ibi altáre, et appellávit nomen loci illíus: Domus Dei. — Verbum Dómini.

Psalmus responsorius Ps 65, 1-3 a. 8-9. 16-17 (R.: 1)

R. Iubiláte Deo, omnis terra.

- ¹ Iubiláte Deo, omnis terra,
- ² psalmum dícite glóriæ nóminis eius,
glorificáte laudem eius.

³ Dícite Deo: « Quam terribília sunt ópera tua ». *R.*

- 8 Benedícite, gentes, Deum nostrum,
et audítam fácite vocem laudis eius;
9 qui pósuit ánimam nostram ad vitam,
et non dedit in commotióem pedes nostros. *R.*
16 Veníte, audíte, et narrábo, omnes qui timétis Deum,
quanta fecit ánimæ meæ.
17 Ad ipsum ore meo clamávi,
et exaltávi in lingua mea. *R.*

4

Elige vitam, ut et tu vivas et semen tuum.

Léctio libri Deuteronomii

30, 15-20

Locútus est Móyses pópulo dicens: « Consídera quod hódie proposúerim in conspéctu tuo vitam et bonum, et e contrário mortem et malum, ut díligas Dóminum Deum tuum, et ámbules in viis eius, et custódias mandáta illíus ac cæremónias atque iudícia, et vivas; atque múltiplicet te benedicátque tibi in terra, ad quam ingrediéris possidéndam.

Si autem avérsum fúerit cor tuum et audíre nolúeris, atque erróre decéptus adoráveris deos aliénos et servíeris eis, prædíco tibi hódie quod péreas et parvo témpore moriéris in terra, ad quam, Iordáne transmísso, ingrediéris possidéndam.

Testes ínvoco hódie cælum et terram, quod proposúerim vobis vitam et mortem, benedictiόnem et maledictiόnem. Elige ergo vitam, ut et tu vivas et semen tuum; et díligas Dóminum Deum tuum, atque obcédias voci eius et illi adhæreas (ipse est enim vita tua et longitúdo diérum tuórum), ut hábites in terra, pro qua iurávit Dóminus pátribus tuis, Abraham, Isaac et Iacob, ut daret eam illis ». — Verbum Dómini.

Psalmus responsorius

Ps 8, 4-5. 6-7. 8-9 (R.: 2 ab vel Eph 5, 14)

R. Dómine, Dóminus noster,
quam admirábile est nomen tuum in univérſa terra!

vel: Surge, qui dormis, et exsúrge a mórtuis,
et illuminábit te Christus.

4 Quando vídeo cælos tuos, ópera digitórum tuórum,
lunam et stellas quæ tu fundásti:
5 quid est homo, quod memor es eius?
aut fílius hóminis, quóniam vísitas eum? R.

6 Minuísti eum paulo minus ab ángelis,
glória et honóre coronásti eum;
7 et constituísti eum super ópera mánuum tuárum.
Omnia subiecísti sub pédibus eius: R.

8 Oves et boves univérſas,
ínsuper et pécora campi,
9 vólucres cæli et pisces maris,
quæcúmque perámbulant sémitas maris. R.

5

Serviemus Domino, quia ipse est Deus noster.

Léctio libri Iósue 24, 1-2 a. 15-17. 18 b-25 a

In diébus illis:

Congregávit Iósue omnes tribus Israel in Sichem, et vocávit maióres natu ac príncipes et iúdiceſ et magíſtros, steterúntque in conspéctu Dómini, et ad pópulum sic locútus est: « Si malum vobis vidétur ut Dómino serviátis, óptio vobis datur: elígite hódie quod placet, cui servíre potíſſimum debeátis, utrum díis, quibus serviérunt patres vestri in Mesopotámia, an díis

Amorrhæórum, in quorum terra habitátis; ego autem et domus mea serviémus Dómino ».

Respondítque pópulus et ait: « Absit a nobis ut relinquámus Dóminum et serviámus diis aliénis. Dóminus Deus noster ipse edúxit nos et patres nostrós de terra Ægýpti, de domo servitútis, fecítque vidéntibus nobis signa ingéntia, et custodívit nos in omni via, per quam ambulávimus, et in cunctis pópulis, per quos transívimus. Serviémus ígitur Dómino, quia ipse est Deus noster ».

Dixítque Iósue ad pópulum: « Non potéritis servíre Dómino. Deus enim sanctus et fortis æmulátor est, nec ignóscet sceléribus vestris atque peccátis. Si dimiseritis Dóminum et serviéritis diis aliénis, convértet se et afflíget vos atque subvértet, postquam vobis præstíterit bona ».

Dixítque pópulus ad Iósue: « Nequáquam ita, ut lóqueris, erit, sed Dómino serviémus ».

Et Iósue ad pópulum: « Testes, inquit, vos estis, quia ipsi elegéritis vobis Dóminum, ut serviátis ei ».

Responderúntque: « Testes ».

« Nunc ergo, ait, auférte deos aliénos de médio vestri, et inclináte corda vestra ad Dóminum Deum Israel ».

Dixítque pópulus ad Iósue: « Dómino Deo nostro serviémus, et obœdiéntes érimus præcéptis eius ».

Percússit ergo Iósue in die illo fœdus.

Verbum Dómini.

Psalmus responsorius

Ps 41, 2-3; 42, 3. 4 (R.: 41, 3 a)

R. Sitívit ánima mea ad Deum vivum.

Quemádmódum desíderat cervus ad fontes aquárum, ita desíderat ánima mea ad te, Deus.

- 3 Sitívit ánima mea ad Deum, Deum vivum:
quando véniam et apparébo ante fáciem Dei? *R.*
- 3 Emítte lucem tuam et veritátem tuam;
ipsa me dedúcant et addúcant
in montem sanctum tuum et in tabernácula tua. *R.*
- 4 Et introíbo ad altáre Dei,
ad Deum lætítiæ exsultatiónis meæ.
Confitébor tibi in cíthara, Deus, Deus meus. *R.*

6

*Descendit Naaman et lavit in Iordane septies,
et mundatus est.*

Léctio libri secúndi Regum

5, 9-15 a

In diébus illis:

Venit Náaman princeps milítiæ regis Sýriæ cum equis et cúrribus, et stetit ad óstium domus Eliséi.

Misítque ad eum Eliséus núntium dicens: « Vade et laváre sépties in Iordáne, et recípiet sanitátem caro tua, atque mundáberis ».

Irátus Náaman recedébat dicens: « Putábam quod egrederétur ad me, et stans invocáret nomen Dómini Dei sui, et tángeret manu sua locum lepræ et curáret me. Numquid non melióres sunt Abana et Pharphar, flúvii Damásci, ómnibus aquis Israel, ut laver in eis et munder? »

Cum ergo vertísset se et abíret indignans, accessérunt ad eum servi sui et locúti sunt ei: « Pater, et si rem grandem dixísset tibi prophéta, certe fácere debúeras; quanto magis quia nunc dixit tibi: " Laváre et mundáberis " ».

Descéndit et lavit in Iordáne sépties iuxta sermónem viri Dei, et restitúta est caro eius sicut caro púeri párvuli, et mundátus est.

Reversúsque ad virum Dei cum univérso comitátu suo, venit et stetit coram eo. — Verbum Dómini.

Psalmus responsorius

Ps 50, 3-4. 8-9. 12-13. 14 et 17 (R.: 12 a)

R. Cor mundum crea in me, Deus.

3 Miserére mei, Deus, secúndum misericórdiam tuam;
et secúndum multitudínem miseratiónum tuárum
dele iniquitátem meam.

4 Amplius lava me ab iniquitáte mea,
et a peccáto meo munda me. R.

8 Ecce enim veritátem in corde dilexísti,
et in occúlto sapiéntiam manifestásti mihi.

9 Aspérges me hyssópo, et mundábor;
lavábis me, et super nivem dealbábor. R.

12 Cor mundum crea in me, Deus,
et spíritum firmum ínnoval in viscéribus meis.

13 Ne proícias me a fácie tua,
et spíritum sanctum tuum ne áuferas a me. R.

14 Redde mihi lætítiam salutáris tui,
et spíritu promptíssimo confírma me.

17 Dómine, lábia mea apéries,
et os meum annuntiábit laudem tuam. R.

7

Effundam spiritum meum super semen tuum.

Léctio libri Isaíæ prophétæ

44, 1-3

« Audi, Iacob, serve meus, et Israel, quem elégi.
Hæc dicit Dóminus fáciens et formans te, ab útero auxiliátor tuus:

“ Noli timére, serve meus Iacob et rectíssime, quem elégi. Effúdam enim aquas super sitiéntem, et fluénta

super áridam; effúndam spíritum meum super semen
tuum, et benedictiónem meam super stirpem tuam " ».
Verbum Dómini.

Psalmus responsorius

Ps 62, 2. 3-4. 5-6. 8-9 a (R.: 2 b)

R. Sitívit in te ánima mea, Deus meus.

Deus, Deus meus es tu, ad te luce vígilo.

Sitívit in te ánima mea, te desiderávit caro mea. R.

In terra desérta et árida et inaquósa,
sic in sancto appáruí tibi,
ut vidérem virtútem tuam et glóriam tuam.

Quóniam mélior est misericórdia tua super vitas,
lábia mea laudábunt te. R.

Sic benedícam te in vita mea,
et in nómine tuo levábo manus meas.

Sicut ádipe et pinguédine repleátur ánima mea,
et lábiis exsultatiónis laudábit os meum. R.

Quia fuísti adiútor meus,
et in velaménto alárum tuárum exsultábo.

Adhæsit ánima mea post te. R.

8

In corde eorum scribam legem meam.

Léctio libri Ieremíæ prophétæ

31, 31-34

« Ecce dies vénient, dicit Dóminus, et fériam dómui
Israel et dómui Iuda fœdus novum, non secúndum pac-
tum, quod pépigi cum pátribus eórum in die qua appre-
héndi manum eórum, ut edúcerem eos de terra Ægýpti,
pactum quod írritum fecérunt, et ego dominátus sum
eórum, dicit Dóminus.

Sed hoc erit pactum, quod fériam cum domo Israel
post dies illos, dicit Dóminus: Dabo legem meam in

viscéribus eórum, et in corde eórum scribam eam; et ero eis in Deum, et ipsi erunt mihi in pópulum.

Et non docébit ultra vir próximum suum, et vir fratrem suum, dicens: "Cognósce Dóminum"; omnes enim cognóscent me, a mínimo eórum usque ad máximum, ait Dóminus; quia propitiábor iniquitatí eórum, et peccáti eórum non memorábor ámplius ».

Verbum Dómini.

Psalmus responsorius

Ps 31, 1-2. 5. 11 (R.: 1 a vel 11 a)

R. Beátus cui remíssa est iníquitas.

vel: Lætámini in Dómino et exsultáte, iusti.

¹ Beátus cui remíssa est iníquitas,
et obtéctum est peccátum.

² Beátus vir cui non imputávit Dóminus delíctum,
nec est in spíritu eius dolus. R.

⁵ Peccátum meum cógnitum tibi feci,
et delíctum meum non abscondi.

Dixi: « Confitébor advérsus me
iniquitátem meam Dómino ».

Et tu remisísti impietátem peccáti mei. R.

¹¹ Lætámini in Dómino et exsultáte, iusti,
et gloriámini, omnes recti corde. R.

9

*Effundam super vos aquam mundam,
et mundabimini
ab omnibus inquinamentis vestris.*

Léctio libri Ezechiélis prophétæ

36, 24-28

Hæc dicit Dóminus:

« Tollam vos de géntibus, et congregábo vos de univérsis terris, et addúcam vos in terram vestram; et ef-

fúndam super vos aquam mundam, et mundabímini ab ómnibus inquinaméntis vestris, et ab univérsis idólis vestris mundábo vos.

Et dabo vobis cor novum, et spíritum novum ponam in médio vestri, et áuferam cor lapídeum de carne vestra, et dabo vobis cor cárneum; et spíritum meum ponam in médio vestri, et fáciam ut in præcéptis meis ambulétis, et iudícia mea custodiátis et operémini.

Et habitábitis in terra, quam dedi pátribus vestris, et éritis mihi in pópulum, et ego ero vobis in Deum ».

Verbum Dómini.

Psalmus responsorius

Ps 50, 3-4. 8-9. 12-13. 14 et 17 (R.: Ez 36, 26)

R. Dabo vobis cor novum et spíritum novum
in médio vestri.

3 Miserére mei, Deus, secúndum misericórdiam tuam;
et secúndum multitudínem miseratiónum tuárum
dele iniquitátem meam.

4 Amplius lava me ab iniquitáte mea,
et a peccáto meo munda me. R.

8 Ecce enim veritátem in corde dilexísti,
et in occúlto sapiéntiam manifestásti mihi.

9 Aspérges me hyssópo, et mundábor;
lavábis me, et super nivem dealbábor. R.

12 Cor mundum crea in me, Deus,
et spíritum firmum innova in viscéribus meis.

13 Ne proícias me a fácie tua,
et spíritum sanctum tuum ne áuferas a me. R.

14 Redde mihi lætítiam salutáris tui,
et spírítu promptíssimo confírma me.

17 Dómine, lábia mea apéries,
et os meum annuntiábit laudem tuam. R.

Lectio secunda

1

*

*Consepulti cum illo per baptismum,
in novitate vitæ ambulemus.*

Léctio Epístolæ beáti Pauli apóstoli
ad Romános

6, 3-11

Fratres:

Quicúmque baptizáti sumus in Christo Iesu, in morte ipsíus baptizáti sumus.

Consepúlti ergo sumus cum illo per baptísmum in mortem, ut quemádmódum suscitátus est Christus a mórtuis per glóriam Patris, ita et nos in novitáte vitæ ambulémus. Si enim complantáti facti sumus similitúdini mortis eius, sed et resurrectionis érimus.

Hoc sciéntes quia vetus homo noster simul crucifíxus est, ut destruátur corpus peccáti, ut ultra non serviámus peccáto. Qui enim mórtuus est, iustificátus est a peccáto.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominábitur. Quod enim mórtuus est, peccáto mórtuus est semel; quod autem vivit, vivit Deo.

Ita et vos, existimáte vos mórtuos quidem esse peccáto, vivéntes autem Deo in Christo Iesu.

Verbum Dómini.

vel brevior

Léctio Epístolæ beáti Pauli apóstoli
ad Romános

6, 3-4. 8-11

Fratres:

Quicúmque baptizáti sumus in Christo Iesu, in morte ipsíus baptizáti sumus.

Consepúlti ergo sumus cum illo per baptísmum in mortem, ut quemádmódum suscitátus est Christus a mórtuis per glóriam Patris, ita et nos in novitáte vitæ ambulémus.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominábitur. Quod enim mórtuus est, peccáto mórtuus est semel; quod autem vivit, vivit Deo.

Ita et vos, existimáte vos mórtuos quidem esse peccáto, vivéntes autem Deo in Christo Iesu.

Verbum Dómini.

2

Quis nos separabit a caritate Christi?

Léctio Epístolæ beáti Pauli apóstoli
ad Romános

8, 28-32. 35. 37-39

Fratres:

Scimus quóniam diligéntibus Deum ómnia coope-rántur in bonum, his qui secúndum propósitum vocáti sunt. Nam quos præscívit, et prædestinávit confórmes

fieri imáginis Fílii eius, ut sit ipse primogénitus in multis frátribus. Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit.

Quid ergo dicémus ad hæc? Si Deus pro nobis, quis contra nos? Qui Fílio suo non pepércit, sed pro nobis ómnibus trádedit illum, quómodo non étiam cum illo ómnia nobis donábit?

Quis nos separábit a caritatē Christi? tribulatio, an angústia, an persecútio, an fames, an núditas, an periculum, an gládius? Sed in his ómnibus supervíncimus per eum qui diléxit nos.

Certus sum enim quia neque mors neque vita, neque ángeli neque principátus, neque instántia neque futúra, neque virtútes, neque altitúdo, neque profúndum, neque ália quælibet creatúra póterit nos separáre a caritatē Dei, quæ est in Christo Iesu Dómino nostro.

Verbum Dómini.

3

*In uno Spiritu omnes nos in unum corpus
baptizati sumus.*

Léctio Epístolæ primæ beáti Pauli apóstoli
ad Corínthios

12, 12-13

Fratres:

Sicut corpus unum est et membra habet multa; ómnia autem membra córporis, cum sint multa, unum corpus sunt; ita et Christus. Etenim in uno Spíritu omnes nos in unum corpus baptizáti sumus, sive Iudæi, sive Græci, sive servi, sive líberi, et omnes unum Spíritum potáti sumus. — Verbum Dómini.

4

Quicumque baptizati estis, Christum induistis.

Léctio Epístolæ beāti Pauli apóstoli
ad Gálatas

3, 26-28

Omnes filii Dei estis per fidem in Christo Iesu. Quicumque enim in Christo baptizati estis, Christum induistis; non est Iudæus neque Græcus, non est servus neque liber, non est másculus et fémina; omnes enim vos unus estis in Christo Iesu. — Verbum Dómini.

5

*Prædestinavit nos
in adoptionem filiorum per Iesum.*

Léctio Epístolæ beāti Pauli apóstoli
ad Ephésios

1, 3-10. 13-14

Benedíctus Deus et Pater Dómini nostri Iesu Christi, qui benedíxit nos in omni benedictióne spiritáli in cæléstibus in Christo; sicut elégit nos in ipso ante mundi constitutióem, ut essémus sancti et immaculáti in conspéctu eius in caritaté; qui prædestinávit nos in adoptiόem filiόrum per Iesum Christum in ipsum, secúndum beneplácitum voluntátis suæ, in laudem glóriæ grátiae suæ, in qua gratificávit nos in Dilécto.

In quo habémus redemptiόem per sánguinem eius, remissiόem peccatórum secúndum divítias grátiae eius, qua superabundávit in nobis in omni sapiéntia et prudéntia, notum fáciens nobis mystérium voluntátis suæ secúndum beneplácitum eius, quod propósuit in eo, in dispensatiόem plenitúdinis témporum, recapituláre ómnia in Christo, quæ in cælis et quæ in terra, in ipso.

In quo et vos, cum audissétis verbum veritátis, Evangélium salutis vestræ, in quo et credéntes signáti estis Spíritu promissionis Sancto, qui est árrabon hereditátis nostræ, in redemptionem acquisitionis, in laudem glóriæ ipsíus. — Verbum Dómini.

6

Unus Dominus, una fides, unum baptisma.

Léctio Epístolæ beáti Pauli apóstoli
ad Ephésios

4, 1-6

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritáte; sollíciti serváre unitátem spíritus in vínculo pacis. Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus. Verbum Dómini.

7

Induentes novum hominem, sicut dilecti Dei.

Léctio Epístolæ beáti Pauli apóstoli
ad Colossénses

3, 9 b-17

Fratres:

Exúite vos vétorem hóminem cum áctibus eius, et indúite novum, eum qui renovátur in agnitióem secúndum imáginem eius qui creávit eum; ubi non est

Græcus et Iudæus, circumcisio et præputium, bárbarus, Scythia, servus, liber, sed ómnia et in ómnibus Christus.

Indúite vos ergo, sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est vínculo perfectiónis, et pax Christi dominétur in córdibus vestris, ad quam et vocáti estis in uno córpore; et grati estóte.

Verbum Christi hábitet in vobis abundánter, in omni sapiéntia docétes et commonétes vosmetípsos psalmis, hymnis, cánticis spiritalibus, in grátia cantántes in córdibus vestris Deo. Et omne quodcúmque fáctis in verbo aut in ópere, ómnia in Nómine Dómini Iesu, grátias ágéntes Deo Patri per ipsum.

Verbum Dómini.

8

*Salvos nos fecit per lavacrum regenerationis
et renovationis Spiritus Sancti.*

Léctio Epístolæ beáti Pauli apóstoli
ad Titum

3, 4-7

Caríssime:

Cum benígnitas et humánitas appáruit Salvatóris nostri Dei, non ex opéribus iustítiæ, quæ fécimur nos, sed secúndum suam misericórdiam salvos nos fecit per lavácrum regeneratiónis et renovatiónis Spíritus Sancti, quem effúdit super nos abúnde per Iesum Christum Salvátorem nostrum; ut, iustificáti grátia ipsíus, herédes simus secúndum spem vitæ æternæ.

Verbum Dómini.

9

*Aspersi corda a conscientia mala et abluti corpus
aqua munda.*

Lectio Epistolæ ad Hebræos

10, 22-25

Fratres:

Accedamus cum vero corde in plenitudine fidei, aspersi corda a conscientia mala et abluti corpus aqua munda; teneamus spei confessionem indeclinabilem (fidélis enim est qui repromisit); et consideremus invicem in provocationem caritatis et bonorum operum, non deserentes congregationem nostram, sicut est consuetudinis quibusdam, sed exhortantes et tanto magis quanto vidétis appropinquantem diem.

Verbum Dómini.

10

Vos genus electum, regale sacerdotium.

Lectio Epistolæ primæ beati Petri apóstoli

2, 4-5. 9-10

Caríssimi:

Ad Dóminum accedentes, lapidem vivum, ab hominibus quidem reprobátum, coram Deo autem electum, pretiosum, et ipsi tamquam lapides vivi edificámini domus spiritalis in sacerdotium sanctum, offerre spirítales hóstias, acceptábiles Deo per Iesum Christum.

Vos autem genus electum, regale sacerdotium, gens sancta, pópulus in acquisitionem, ut virtútes annuntiétis eius, qui de ténebris vos vocávit in admirábile lumen suum; qui aliquándo non pópulus, nunc autem pópulus Dei; qui non consecúti misericórdiam, nunc autem misericórdiam consecúti. — Verbum Dómini.

Evangelium

1

Alleluia

Col 3, 1

℟. Allelúia. ℣. Si consurrexístis cum Christo,
quæ sursum sunt quærite,
ubi Christus est in dèxtera Dei sedens.
℟. Allelúia.

*Si quis vult post me venire,
abneget semetipsum.*

✠ Lécio sancti Evangélíi secúndum Matthæum

16, 24-27

In illo témpore:

Dixit Iesus discípulis suis: « Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam; qui autem perdíderit ánimam suam propter me, invéniet eam.

Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua?

Fílius enim hóminis ventúrus est in glória Patris sui cum ángelis suis, et tunc reddet unicuíque secúndum opus eius ». — Verbum Dómini.

2

Alleluia

Eph 4, 5-6

℟. Allelúia. ℣. Unus Dóminus, una fides, unum baptísma;
unus Deus et Pater. ℟. Allelúia.

*Docete omnes gentes,
baptizantes eos in Nomine Patris,
et Filii, et Spiritus Sancti.*

✠ Lécio sancti Evangélii secúndum Matthæum 28, 18-20

In illo témpore:

Accédens Iesus locútus est úndecim discíplis dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris, et Fílii, et Spíritus Sancti, docéntes eos serváre ómnia quæcúmque mandávi vobis.

Et ecce ego vobíscum sum ómnibus diébus, usque ad consummatiónem sæculi ». — Verbum Dómini.

3

Alleluia Io 3, 16

℞. Allelúia. √. Sic Deus diléxit mundum,
ut Fílium suum unigénitum daret;
omnis qui credit in eum,
habet vitam ætérrnam. ℞. Allelúia.

Baptizatus est in Iordane ab Ioanne.

✠ Lécio sancti Evangélii secúndum Marcum 1, 9-11

In diébus illis venit Iesus a Názareth Galiléæ, et baptizátus est in Iordáne ab Ioánnē.

Et statim ascéndens de aqua vidit apértos cælos, et Spíritum tamquam colúmbam descendéntem in ipsum; et vox facta est de cælis: « Tu es Fílius meus dilectus, in te complácuī ». — Verbum Dómini.

4

Alleluia

Io 14, 6

℟. Allelúia. ℣. Ego sum via, véritas et vita,
dicit Dóminus;
nemo venit ad Patrem, nisi per me.
℟. Allelúia.

*Quisquis non receperit Regnum Dei velut parvulus,
non intrabit in illud.*

✠ Lécio sancti Evangélíi secúndum Marcum

10, 13-16

In illo témpore:

Offerébant Iesu párvulos, ut tángeret illos; discí-
puli autem comminabántur eis.

At videns Iesus, indígne tulit, et ait illis: « Sínite
párvulos veníre ad me, ne prohibuéritis eos; tálíum est
enim Regnum Dei. Amen dico vobis, quisquis non re-
céperit Regnum Dei velut párvulus, non intrábit in
illud ». Et compléxans eos, benedicébat impónens ma-
nus super illos. — Verbum Dómini.

5

Alleluia

Mc 16, 15

℟. Allelúia. ℣. Eúntes in mundum unívérsum,
prædicáte Evangélíum omni creatúræ.
℟. Allelúia.

Qui crediderit et baptizatus fuerit, salvus erit.

✠ Lécio sancti Evangélíi secúndum Marcum

16, 15-16. 19-20

In illo témpore:

Appárens Iesus Undecim dixit eis: « Eúntes in
mundum unívérsum, prædicáte Evangélíum omni crea-

túræ. Qui crediderit et baptizátus fúerit, salvus erit; qui vero non crediderit, condemnábitur ».

Et Dóminus quidem Iesus, postquam locútus est eis, assúptus est in cælum, et sedit a dextris Dei.

Illi autem profécti prædicavérunt ubique, Dómino cooperánte et sermónem confirmánte sequéntibus signis. — Verbum Dómini.

6

Alleluia

2 Tim 1, 10 b

R. Allelúia. V. Salvátor noster Iesus Christus
destrúxit mortem,
et illuminávit vitam per Evangélium.
R. Allelúia.

*Scriptum est prædicari in nomine Christi pænitentiam
in remissionem peccatorum in omnes gentes.*

✠ Lécio sancti Evangélii secúndum Lucam

24, 44-53

In illo témpore:

Dixit Iesus ad discípulos suos: « Hæc sunt verba quæ locútus sum ad vos, cum adhuc essem vobíscum, quóniam necesse est impléri ómnia quæ scripta sunt in lege Móysis et prophétis et psalmis de me ».

Tunc apéruit illis sensum, ut intellégerent Scriptúras.

Et dixit eis: « Sic scriptum est, Christum pati, et resúrgere a mórtuis die tértia, et prædicári in nómine eius pæniténtiam in remissionem peccatórum in omnes gentes, incipiéntibus ab Ierúsalem. Vos estis testes horum.

Et ecce ego mitto promíssum Patris mei in vos; vos autem sedéte in civitaté, quoad usque induámini virtútem ex alto ».

Edúxit autem eos foras usque in Bethániam, et elevátis mánibus suis benedíxit eis.

Et factum est, dum benedíceret illis, recéssit ab eis, et ferebátur in cælum. Et ipsi adoravérunt eum et regréssi sunt in Ierúsalem cum gáudio magno; et erant semper in templo benedicéntes Deum.

Verbum Dómini.

7

Alleluia

Io 3, 16

℞. Allelúia. ̑. Sic Deus diléxit mundum,
ut Fílium suum unigénitum daret;
omnis qui credit in eum,
habet vitam ætérrnam. ℞. Allelúia.

*Dedit potestatem filios Dei fieri, his qui credunt
in nomine eius.*

✠ Inítium sancti Evangélíi
secúndum Ioánnem

1, 1-5. 9-14. 16-18

In princípíio erat Verbum, et Verbum erat apud Deum, et Deus erat Verbum. Hoc erat in princípíio apud Deum. Omnia per ipsum facta sunt, et sine ipso factum est nihil, quod factum est.

In ipso vita erat, et vita erat lux hóminum; et lux in ténebris lucet, et ténebræ eam non comprehendérunt.

Erat lux vera, quæ illúminat omnem hóminem, véniens in mundum.

In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt; quotquot autem recepérunt eum, dedit eis potestátem filios Dei fíeri, his qui credunt in

nómine eius, qui non ex sanguínibus neque ex voluntáte carnis neque ex voluntáte viri, sed ex Deo nati sunt.

Et Verbum caro factum est, et habitávit in nobis; et vídimus glóriam eius, glóriam quasi Unigéniti a Patre, plenum grátia et veritátis.

Et de plenitúdine eius nos omnes accépimus, et grátiam pro grátia. Quia Lex per Móysen data est, grátia et véritas per Iesum Christum facta est.

Deum nemo vidit umquam; Unigénitus Deus, qui est in sinu Patris, ipse enarrávit. — Verbum Dómini.

8

Alleluia

2 Tim 1, 10 b

℞. Allelúia. ✠. Salvátor noster Iesus Christus
destrúxit mortem,
et illuminávit vitam per Evangélium.
℞. Allelúia.

Ecce Agnus Dei, qui tollit peccatūm mundi.

✠ Lécio sancti Evangélii secúndum Ioánnem 1, 29-34

In illo témpore:

Videt Ioánnes Iesum veniéntem ad se, et ait: « Ecce Agnus Dei, ecce qui tollit peccátum mundi.

Hic est de quo dixi: “ Post me venit vir, qui ante me factus est, quia prior me erat ”. Et ego nesciébam eum; sed ut manifestétur Israel, proptérea veni ego in aqua baptízans ».

Et testimónium perhíbuit Ioánnes dicens: « Vidi Spíritum descendéntem quasi colúmbam de cælo, et mansit super eum.

Et ego nesciébam eum; sed qui misit me baptizáre in aqua, ille mihi dixit: " Super quem videris Spíritum descendéntem et manéntem super eum, hic est qui baptízat in Spíritu Sancto ".

Et ego vidi et testimónium perhíbui, quia hic est Fílius Dei ». — Verbum Dómini.

9

Alleluia

1 Petr 2, 9

℞. Allelúia. √. Vos genus eléctum, regále sacerdótium,
gens sancta;
virtútes annuntiáte eius,
qui de ténebris vos vocávit
in admirábile lumen suum.

℞. Allelúia.

*Nisi quis natus fuerit denuo,
non potest videre Regnum Dei.*

✠ Lécitio sancti Evangélii secúndum Ioánnem 3, 1-6

Erat homo ex pharisæis, Nicodémus nómine, princeps Iudæórum.

Hic venit ad Iesum nocte, et dixit ei: « Rabbi, sci-
mus quia a Deo venísti magíster; nemo enim potest
hæc signa fácere quæ tu facis, nisi fúerit Deus cum eo ».

Respóndit Iesus et dixit ei: « Amen, amen dico ti-
bi, nisi quis natus fúerit dénuo, non potest vidére Re-
gnum Dei ».

Dicit ad eum Nicodémus: « Quómodo potest homo
nasci, cum senex sit? numquid potest in ventrem ma-
tris suæ iteráto introíre et nasci? »

Respóndit Iesus: « Amen, amen dico tibi, nisi quis natus fúerit ex aqua et Spíritu, non potest introíre in Regnum Dei.

Quod natum est ex carne, caro est, et quod natum est ex Spíritu, spíritus est ». — Verbum Dómini.

10

Alleluia

Io 3, 16

℞. Allelúia. ∿. Sic Deus diléxit mundum,
ut Fílium suum unigénitum daret;
omnis qui credit in eum,
habet vitam ætérnam. ℞. Allelúia.

*Ut omnis qui credit in eum
habeat vitam æternam.*

✠ Lécio sancti Evangélii secúndum Ioánnem 3, 16-21

In illo témpore:

Dixit Iesus Nicodémo: « Sic Deus diléxit mundum, ut Fílium suum Unigénitum daret, ut omnis qui credit in eum non péreat, sed hábeat vitam ætérnam. Non enim misit Deus Fílium suum in mundum ut iúdicet mundum, sed ut salvétur mundus per ipsum.

Qui credit in eum non iudicátur, qui autem non credit iam iudicátus est, quia non crédidit in Nómine Unigéniti Fílii Dei.

Hoc est autem iudícium: Lux venit in mundum, et dilexérunt hómínes magis ténebras quam lucem; erant enim eórum mala ópera. Omnis enim qui mala agit, odit lucem et non venit ad lucem, ut non arguántur ópera eius.

Qui autem facit veritátem, venit ad lucem, ut manifesténtur eius ópera, quia in Deo sunt facta ».

Verbum Dómini.

11

Alleluia

Io 8, 12 b

R. Allelúia. V. Ego sum lux mundi, dicit Dóminus;
qui séquitur me, habébit lumen vitæ.

R. Allelúia.

Ego lux in mundum veni.

✠ Lécio sancti Evangélii secúndum Ioánnem

12, 44-50

In illo témpore:

Clamávit Iesus et dixit: « Qui credit in me, non credit in me sed in eum qui misit me. Et qui videt me, videt eum qui misit me.

Ego lux in mundum veni, ut omnis qui credit in me, in ténebris non máneat. Et si quis audierit verba mea et non custodierit, ego non iú dico eum; non enim veni ut iúdicem mundum, sed ut salvíficem mundum.

Qui spernit me et non áccipit verba mea, habet qui iúdicet eum. Sermo, quem locútus sum, ille iudicábit eum in novíssimo die.

Quia ego ex meípso non sum locútus; sed qui misit me Pater, ipse mihi mandátum dedit quid dicam et quid loquar.

Et scio quia mandátum eius vita æténa est. Quæ ergo ego loquor, sicut dixit mihi Pater, sic loquor ».

Verbum Dómini.

12

Alleluia

Io 14, 6

R. Allelúia. V. Ego sum via, véritas et vita,
dicit Dóminus;
nemo venit ad Patrem, nisi per me.

R. Allelúia.

*Qui manet in me, et ego in eo,
hic fert fructum multum.*

✠ Lécio sancti Evangélii secúndum Ioánnem

15, 1-11

In illo témpore:

Dixit Iesus discípulis suis: « Ego sum vitis vera, et Pater meus agrícola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat.

Iam vos mundi estis propter sermónem quem locú-
tus sum vobis: manéte in me, et ego in vobis. Sicut
palmes non potest ferre fructum a semetípso, nisi
mánserit in vite, sic nec vos, nisi in me manséritis.

Ego sum vitis, vos pálmities; qui manet in me, et
ego in eo, hic fert fructum multum, quia sine me nihil
potéstis fácere. Si quis in me non mánserit, missus est
foras sicut palmes et áruit, et cólligunt eos et in ignem
mittunt, et ardent.

Si manséritis in me, et verba mea in vobis mán-
serint, quodcúmque voluéritis pétite, et fiet vobis.

In hoc glorificátus est Pater meus, ut fructum mul-
tum afferátis, et efficiámini mei discípuli. Sicut diléxit
me Pater, et ego diléxi vos. Manéte in dilectióne mea.

Si præcépta mea servavéritis, manébitis in dilectióne
mea; sicut et ego Patris mei præcépta servávi, et má-
neo in eius dilectióne.

Hæc locútus sum vobis, ut gáudium meum in vo-
bis sit, et gáudium vestrum impleátur ».

Verbum Dómini.

H

IN CONFERENDO BAPTISMATE PARVULORUM

Lectio prima

1

Da nobis aquam, ut bibamus.

Lectio libri Exodi

17, 3-7

In diébus illis:

Sitívit pópulus præ aquæ penúria, et murmurávit contra Móysen dicens: « Cur fecisti nos exíre de Ægýpto, ut occíderes nos, et líberos nostros ac iuménta, siti? »

Clamávit autem Móyses ad Dóminum dicens: « Quid fáciam pópulo huic? adhuc páululum et lapidábit me ».

Et ait Dóminus ad Móysen: « Antecéde pópulum, et sume tecum de senióribus Israel, et virgam, qua percussísti flúvium, tolle in manu tua et vade. En ego stabo ibi coram te, supra petram Horeb; percutiésque petram, et exíbit ex ea aqua, ut bibat pópulus ».

Fecit Móyses ita coram senióribus Israel; et vocávit nomen loci illíus « Tentátio », propter iúrgium filiórum Israel, et quia tentavérunt Dóminum dicéntes: « Estne Dóminus in nobis an non? »

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

Dóminus pascit me, et nihil mihi déerit:
in páscuis viréntibus me collocávit,
super aquas quiétis edúxit me, ánimam meam refécit.
Dedúxit me super sémitas iustítiæ
propter nomen suum. R.

- 4 Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus
ipsa me consoláta sunt. *R.*
- 5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. *R.*
- 6 Etenim benignitas et misericórdia subsequéntur me
óm nibus diébus vitæ meæ,
et inhabitábo in domo Dómini
in longitudínem diérum. *R.*

2

*Effundam super vos aquam mundam,
et mundabimini
ab omnibus inquinamentis vestris.*

Léctio libri Ezechiélis prophétæ

36, 24-28

Hæc dicit Dóminus:

« Tollam vos de géntibus, et congregábo vos de univérsis terris, et addúcam vos in terram vestram; et effúdam super vos aquam mundam, et mundabímmini ab ómnibus inquinaméntis vestris, et ab univérsis idólis vestris mundábo vos.

Et dabo vobis cor novum, et spíritum novum ponam in médio vestri, et áuferam cor lapídeum de carne vestra, et dabo vobis cor cárneum; et spíritum meum ponam in médio vestri, et fáciam ut in præcéptis meis ambulétis, et iudícia mea custodiátis et operémmini.

Et habitábitis in terra, quam dedi pátribus vestris, et éritis mihi in pópulum, et ego vobis in Deum ».

Verbum Dómini.

Psalmus responsorius

Ps 33, 2-3. 6-7. 8-9. 14-15. 16-17 (R.: 9 a)

R. Gustáte et vidéte quóniam suávis est Dóminus.

2 Benedícam Dóminum in omni témpore,
semper laus eius in ore meo.

3 In Dómino gloriábitur ánima mea,
áudiant mansuétí et læténtur. R.

6 Respícite ad eum, et illuminámini,
et fácies vestræ non confundéntur.

7 Iste pàuper clamávit, et Dóminus exaudívit eum,
et de ómnibus tribulatió nibus eius salvávit eum. R.

8 Vallábit ángelus Dómini in circúitu tíméntes eum,
et erípiet eos.

9 Gustáte et vidéte quóniam suávis est Dóminus;
beátus vir qui sperat in eo. R.

14 Próhibe linguam tuam a malo,
et lábia tua ne loquántur dolum.

15 Divérte a malo et fac bonum,
inquire pacem et perséquare eam. R.

16 Oculi Dómini super iustos,
et aures eius in clamórem eórum.

17 Vultus autem Dómini super faciéntes mala,
ut perdat de terra memóriam eórum. R.

3

*Vidi aquam egredientem de templo,
et omnes, ad quos
pervenit aqua ista, salvi facti sunt.*

Léctio libri Ezechiélis prophétæ 47, 1-9. 12

In diébus illis:

Convértit me ángelus ad portam domus Dómini, et
ecce aquæ egrediebántur subter limen domus ad orién-

tem; fácies enim domus respiciébat ad oriéntem, aquæ descendébant in latus templi dextrum ad merídiem altáris. Et edúxit me per viam portæ aquilónis, et convértit me ad viam foras portam exteriórem, viam quæ respiciébat ad oriéntem, et ecce aquæ redundántes a látere dextro.

Cum egrederétur vir ad oriéntem, qui habébat funículum in manu sua, et mensus est mille cúbitos, et tradúxit me per aquam usque ad talos; rursúmque mensus est mille, et tradúxit me per aquam usque ad génuas; et mensus est mille, et tradúxit me per aquam usque ad renes; et mensus est mille, torréntem quem non pótui pertransíre, quóniam intumúerant aquæ profúndi torréntis, qui non potest transvadári.

Et dixit ad me: « Certe vidísti, fili hóminis ». Et edúxit me et convértit ad ripam torréntis. Cumque me convertíssem, ecce in ripa torréntis ligna multa nimis ex utráque parte.

Et ait ad me: « Aquæ istæ, quæ egrediúntur ad túmulos sábuli orientális et descéndunt ad plana desérti, intrábunt mare et exíbunt, et sanabúntur aquæ; et omnis ánima vivens quæ serpit, quocúmque vénerit torrens, vivet, et erunt pisces multi satis, postquam vénerint illuc aquæ istæ, et sanabúntur et vivent ómnia ad quæ vénerit torrens ».

Et super torréntem oriétur in ripis eius ex utráque parte omne lignum pomíferum; non défluet fólíum ex eo, et non defíciet fructus eius; per síngulos menses áfferet primitíva, quia aquæ eius de sanctuário egrediéntur, et erunt fructus eius in cibum, et fólíia eius ad medicínam.

Verbum Dómini.

Psalmus resp. Ps 26, 1. 4. 8 b-9 abc. 13-14 (R.: 1 a)

R. Dóminus illuminátio mea et salus mea.

1 Dóminus illuminátio mea et salus mea, quem timébo?
Dóminus protéctor vitæ meæ, a quo trepidábo? R.

4 Unum pétii a Dómino, hoc requíram:
ut inhábitem in domo Dómini
ómnibus diébus vitæ meæ,
ut vídeam voluptátem Dómini,
et vísitem templum eius. R.

8 Fáciem tuam, Dómine, requíram.

9 Ne avértas fáciem tuam a me,
ne declínes in ira a servo tuo.
Adiútor meus es tu, ne me reícias. R.

13 Credo vidére bona Dómini in terra vivéntium.

14 Exspécta Dóminum, viríliter age,
et confortétur cor tuum, et sústine Dóminum. R.

Lectio secunda

1

*Consepulti cum illo per baptismum,
in novitate vitæ ambulemus.*

Léctio Epístolæ beáti Pauli apóstoli
ad Romános

6, 3-5

Fratres:

Quicúmque baptizáti sumus in Christo Iesu, in
morte ipsíus baptizáti sumus.

Consepúlti ergo sumus cum illo per baptísmum in
mortem, ut, quemádmódum suscitátus est Christus
a mórtuis per glóriam Patris, ita et nos in novitáte
vitæ ambulémus.

Si enim complantáti facti sumus similitúdini mortis eius, sed et resurrectionis érimus. — Verbum Dómini.

2

Conformes fieri imaginis Filii eius.

Léctio Epístolæ beáti Pauli apóstoli
ad Romános

8, 28-32

Fratres:

Scimus quóniam diligentibus Deum ómnia coope-
rántur in bonum, his qui secúndum propósitum vocáti
sunt. Nam quos præscívit, et prædestinávit confórmes
fieri imáginis Fílii eius, ut sit ipse primogénitus in
multis frátribus. Quos autem prædestinávit, hos et vo-
cávit; et quos vocávit, hos et iustificávit; quos autem
iustificávit, illos et glorificávit.

Quid ergo dicémus ad hæc? Si Deus pro nobis, quis
contra nos?

Qui Fílio suo non pepércit, sed pro nobis ómnibus
trádidit illum, quómodo non étiam cum illo ómnia no-
bis donábit? — Verbum Dómini.

3

*In uno Spiritu omnes nos in unum corpus
baptizati sumus.*

Léctio Epístolæ primæ beáti Pauli apóstoli
ad Corínthios

12, 12-13

Fratres:

Sicut corpus unum est et membra habet multa;
ómnia autem membra córporis, cum sint multa, unum
corpus sunt; ita et Christus.

Etenim in uno Spíritu omnes nos in unum corpus baptizáti sumus, sive Iudæi sive Græci, sive servi sive líberi; et omnes unum Spíritum potáti sumus.

Verbum Dómini.

4

Quicumque baptizati estis, Christum induistis.

Léctio Epístolæ beáti Pauli apóstoli
ad Gálatas

3, 26-28

Fratres:

Omnes filii Dei estis per fidem in Christo Iesu. Quicumque enim in Christo baptizáti estis, Christum induistis.

Non est Iudæus neque Græcus, non est servus neque liber, non est másculus et fémina; omnes enim vos unus estis in Christo Iesu. — Verbum Dómini.

5

Unus Dominus, una fides, unum baptisma.

Léctio Epístolæ beáti Pauli apóstoli
ad Ephésios

4, 1-6

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritáte; solliciti serváre unitátem spíritus in vínculo pacis. Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.

Verbum Dómini.

6

Vos genus electum, regale sacerdotium.

Lectio Epistolæ primæ beāti Petri apóstoli

2, 4-5. 9-10

Caríssimi:

Ad Christum accedentes, lapidem vivum, ab hominibus quidem reprobátum, coram Deo autem eléctum, pretiósus, et ipsi tamquam lapides vivi ædificámini, domus spiritalis in sacerdotium sanctum, offerre spiritales hóstias, acceptábiles Deo per Iesum Christum.

Vos autem genus eléctum, regále sacerdotium, gens sancta, pópulus in acquisitionem ut virtútes annuntiétis eius, qui de ténebris vos vocávit in admirábile lumen suum: qui aliquándo non pópulus, nunc autem pópulus Dei; qui non consecúti misericórdiam, nunc autem misericórdiam consecúti. — Verbum Dómini.

Evangeliu

1

*Alleluia**Io 14, 6*

R. Allelúia. *V.* Ego sum via, véritas et vita,
dicit Dóminus;
nemo venit ad Patrem, nisi per me.
R. Allelúia.

Hoc est magnum et primum mandatum.

✠ Lectio sancti Evangélíi secúndum Matthæum

22, 35-40

In illo témpore:

Interrogávit Iesum unus ex pharisæis Legis doctor tentans eum: « Magíster, quod est mandátum magnum in Lege? »

Ait illi Iesus: « “ DÍliges Dóminum Deum tuum in toto corde tuo, et in tota ánima tua, et in tota mente tua ”. Hoc est magnum et primum mandátum. Secúndum autem símile est huic: “ DÍliges próximum tuum sicut te ipsum ”. In his duóbus mandátis univérsa Lex pendet et prophétæ ». — Verbum Dómini.

2

Alleluia

Eph 4, 5-6

℞. Allelúia. ∿. Unus Dóminus, una fides,
unum baptísma;
unus Deus et Pater. ℞. Allelúia.

*Docete omnes gentes,
baptizantes eos in Nomine Patris,
et Filii, et Spiritus Sancti.*

✠ Lécio sancti Evangélíi secúndum Mattháeum

28, 18-20

In illo témpore:

Accédens Iesus locútus est úndecim discípulis, dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris, et Fílii, et Spíritus Sancti, docéntes eos serváre ómnia quæcúmque mandávi vobis.

Et ecce ego vobíscum sum ómnibus diébus, usque ad consummatiónem sáeculi ». — Verbum Dómini.

3

Alleluia

2 Tim 1, 10 b

℞. Allelúia. ∿. Salvátor noster Iesus Christus
destrúxit mortem,
et illuminávit vitam per Evangélium.
℞. Allelúia.

Baptizatus est in Iordane ab Ioanne.

✠ Lécio sancti Evangélii secúndum Marcum 1, 9-11

In diébus illis venit Iesus a Názareth Galilææ, et baptizátus est in Iordáne ab Ioánnē.

Et statim ascéndens de aqua vidit apértos cælos et Spíritum tamquam colúmbam descendéntem in ipsum; et vox facta est de cælis: « Tu es Fílius meus diléctus, in te complácuī ». — Verbum Dómini.

4

Alleluia

Cf. Mt 11, 25

℟. Allelúia. ʒ. Benedíctus es, Pater,
Dómine cæli et terræ,
quia mystéria Regni párvulis revelásti.
℟. Allelúia.

Sinite parvulos venire ad me.

✠ Lécio sancti Evangélii secúndum Marcum 10, 13-16

In illo témpore:

Offerébant Iesu párvulos, ut tángeret illos; discí-puli autem comminabántur eis.

At videns Iesus, indígne tulit, et ait illis: « Sinite párvulos veníre ad me, ne prohibuéritis eos; tálium est enim Regnum Dei. Amen dico vobis, quisquis non re-céperit Regnum Dei velut párvulus, non intrábit in illud ».

Et compléxans eos benedicébat impónens manus super illos. — Verbum Dómini.

Alleluia

Io 8, 12 b

℞. Allelúia. *℣.* Ego sum lux mundi, dicit Dóminus;
qui séquitur me, habébit lumen vitæ.
℞. Allelúia.

* *Audi, Israel: Diliges Dominum Deum tuum
ex toto corde tuo.*

✠ Lécio sancti Evangélii secúndum Marcum

12, 28 b-34

In illo témpore:

Accéssit unus de scribis ad Iesum, et interrogávit eum: « Quod est primum ómnium mandátum? »

Iesus respóndit: « Primum est: “ Audi, Israel: Dóminus Deus noster Dóminus unus est; et díliges Dóminum Deum tuum ex toto corde tuo, et ex tota ánima tua, et ex tota mente tua, et ex tota virtúte tua ”.

Secúndum est illud: “ Díliges próximum tuum tamquam te ipsum ”. Maius horum áliud mandátum non est ».

Et ait illi scriba: « Bene, magíster, in veritáte dixísti: “ Unus est, et non est álius præter eum; et díligere eum ex toto corde, et ex toto intelléctu, et ex tota fortitúdine; et díligere próximum tamquam seípsum ” maius est ómnibus holocaustomátibus et sacrificiis ».

Et Iesus videns quod sapiénter respondísset, dixit illi: « Non es longe a Regno Dei ». Et nemo iam audébat eum interrogáre.

Verbum Dómini.

vel brevior

✠ Lécio sancti Evangélii secúndum Marcum

12, 28 b-31

In illo témpore:

Accéssit unus de scribis ad Iesum, et interrogávit eum: « Quod est primum ómnium mandátum? »

Iesus respóndit: « Primum est: “ Audi, Israel: Dóminus Deus noster Dóminus unus est; et díliges Dóminum Deum tuum ex toto corde tuo, et ex tota ánima tua, et ex tota mente tua, et ex tota virtúte tua ”.

Secúndum est illud: “ Díliges próximum tuum tamquam te ipsum ”. Maius horum áliud mandátum non est ». — Verbum Dómini.

6

Alleluia

Io 3, 16

℞. Allelúia. ℣. Sic Deus diléxit mundum,
ut Fílium suum unigénitum daret;
omnis qui credit in eum,
habet vitam ætérrnam. ℞. Allelúia.

*Nisi quis natus fuerit denuo, non potest videre
Regnum Dei.*

✠ Lécio sancti Evangélii secúndum Ioánnem 3, 1-6

Erat homo ex pharisæis, Nicodémus nómine, princeps Iudæórum.

Hic venit ad Iesum nocte, et dixit ei: « Rabbi, sci-
mus quia a Deo venísti magíster; nemo enim potest
hæc signa fácere quæ tu facis, nisi fúerit Deus cum eo ».

Respóndit Iesus et dixit ei: « Amen, amen dico
tibi: nisi quis natus fúerit dénuo, non potest vidére
Regnum Dei ».

Dicit ad eum Nicodémus: « Quómodo potest homo nasci, cum senex sit? numquid potest in ventrem matris suæ iteráto introíre et nasci? »

Respóndit Iesus: « Amen, amen dico tibi: nisi quis natus fúerit ex aqua et Spíritu, non potest introíre in Regnum Dei.

Quod natum est ex carne, caro est, et quod natum est ex Spíritu, spíritus est ». — Verbum Dómini.

7

Alleluia

Io 8, 12 b

℞. Allelúia. ⁊. Ego sum lux mundi, dicit Dóminus;
qui séquitur me, habébit lumen vitæ.

℞. Allelúia.

Fons aquæ salientis in vitam æternam.

✠ Léctio sancti Evangélii secúndum Ioánnem 4, 5-14

In illo témpore:

Venit Iesus in civitátem Samaríæ, quæ dicitur Si-char, iuxta prædium quod dedit Iacob Ioseph, filio suo. Erat autem ibi fons Iacob: Iesus ergo, fatigátus ex itinere, sedébat sic super fontem.

Hora erat quasi sexta. Venit múlter de Samaría hauríre aquam.

Dicit ei Iesus: « Da mihi bíbere ». Discípuli enim eius abierant in civitátem, ut cibos émerent.

Dicit ergo ei múlter illa samaritána: « Quómodo tu, Iudæus cum sis, bíbere a me poscis, quæ sum múlter samaritána? » Non enim coutúntur Iudæi Samaritánis.

Respóndit Iesus, et dixit ei: « Si scires donum Dei, et quis est qui dicit tibi: " Da mihi bíbere ", tu fórstan petísses ab eo, et dedísset tibi aquam vivam ».

Dicit ei mûlier: « Dómine, neque in quo háurias habes, et púteus altus est; unde ergo habes aquam vivam? Numquid tu maior es patre nostro Iacob, qui dedit nobis púteum, et ipse ex eo bibit et filii eius et pécora eius? »

Respóndit Iesus et dixit ei: « Omnis qui bibit ex aqua hac sítiet íterum, qui autem bíberit ex aqua, quam ego dabo ei, non sítiet in ætérnum; sed aqua, quam dabo ei, fiet in eo fons aquæ saliéntis in vitam ætérnam ». — Verbum Dómini.

8

Alleluia

Io 3, 16

℟. Allelúia. ℣. Sic Deus diléxit mundum,
ut Fílium suum unigénitum daret;
omnis qui credit in eum,
habet vitam ætérnam. ℟. Allelúia.

Qui credit habet vitam æternam.

✠ Lécio sancti Evangélii secúndum Ioánnem 6, 44-47

In illo témpore:

Dixit Iesus turbis: « Nemo potest veníre ad me, nisi Pater qui misit me, tráxerit eum; et ego resuscitábo eum in novíssimo die.

Est scriptum in prophétis: “ Et erunt omnes docí-biles Dei ”. Omnis, qui audívit a Patre et dídicit, venit ad me. Non quia Patrem vidit quisquam: nisi is qui est a Deo, hic vidit Patrem.

Amen, amen, dico vobis: qui credit habet vitam ætérnam ».

Verbum Dómini.

9

Alleluia

Io 8, 12 b

℞. Allelúia. ʒ. Ego sum lux mundi, dicit Dóminus;
qui séquitur me, habébit lumen vitæ.
℞. Allelúia.

Flumina fluent aquæ vivæ.

✠ Lécitio sancti Evangélii secúndum Ioánnem

7, 37 b-39 a

In illo témpore:

Clamávit Iesus dicens: « Si quis sitit véniat ad me
et bibat qui credit in me. Sicut dixit Scriptúra, flúmina
de ventre eius fluent aquæ vivæ ».

Hoc autem dixit de Spíritu, quem acceptúri erant
credéntes in eum. — Verbum Dómini.

10

Alleluia

Io 8, 12 b

℞. Allelúia. ʒ. Ego sum lux mundi, dicit Dóminus;
qui séquitur me, habébit lumen vitæ.
℞. Allelúia.

Abiit et lavit et venit videns.

✠ Lécitio sancti Evangélii secúndum Ioánnem 9, 1-7

In illo témpore:

Prætériens Iesus vidit hóminem cæcum a nativité.

Et interrogavérunt eum discipuli sui dicéntes: « Rab-
bi, quis peccávit, hic aut paréntes eius, ut cæcus nasceré-
tur? »

Respóndit Iesus: « Neque hic peccávit, neque parén-
tes eius; sed ut manifesténtur ópera Dei in illo. Nos

opórtet operári ópera eius qui misit me, donec dies est; venit nox, quando nemo potest operári: quámdiu in mundo sum, lux sum mundi ».

Hæc cum dixisset, éxpuit in terram, et fecit lutum ex sputo, et linívit lutum super óculos eius, et dixit ei: « Vade, lava in natatória Síloæ (quod interpretátur: Misus) ». Abiit ergo et lavit et venit videns.

Verbum Dómini.

11

Alleluia

Io 15, 9 b. 5 b

℞. Allelúia. ⁊. Manéte in dilectióne mea,
dicit Dóminus;
qui manet in me et ego in eo,
hic fert fructum multum. ℞. Allelúia.

Manete in me et ego in vobis.

✠ Lécio sancti Evangélii secúndum Ioánnem 15, 1-11

In illo témpore:

Dixit Iesus discípulis suis: « Ego sum vitis vera, et Pater meus agrícola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat.

Iam vos mundi estis propter sermónem quem locútus sum vobis: manéte in me, et ego in vobis. Sicut palmes non potest ferre fructum a semetípso, nisi mánserit in vite, sic nec vos, nisi in me manséritis.

Ego sum vitis, vos pálmities; qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, missus est foras sicut palmes et áruit, et cólligunt eos et in ignem mittunt, et ardent.

Si manséritis in me, et verba mea in vobis mánse-
rint, quodcúmque voluéritis pétite, et fiet vobis.

In hoc glorificátus est Pater meus, ut fructum mul-
tum afferátis, et efficiámini mei discípuli. Sicut diléxit
me Pater, et ego diléxi vos. Manéte in dilectióne mea.

Si præcépta mea servavéritis, manébitis in dilectióne
mea, sicut et ego Patris mei præcépta servávi, et máneo
in eius dilectióne.

Hæc locútus sum vobis, ut gáudium meum in vobis
sit, et gáudium vestrum impleátur ». — Verbum Dómini.

12

Alleluia

2 Tim 1, 10 b

℞. Allelúia. ∿. Salvátor noster Iesus Christus
destrúxit mortem,
et illuminávit vitam per Evangélium.

℞. Allelúia.

Latus eius aperuit, et exivit sanguis et aqua.

✠ Lécio sancti Evangélii secúndum Ioánnem

19, 31-35

Iudæi, quóniam Parascève erat, ut non remanér-
ent in cruce córpora sábbato (erat enim magnus dies illíus
sábbati), rogavérunt Pilátum ut frangeréntur eórum
crura et tolleréntur.

Venérunt ergo mílites, et primi quidem fregérunt
crura et alteríus qui crucifíxus est cum eo.

Ad Iesum autem cum veníssent, ut vidérunt eum
iam mórtuum, non fregérunt eius crura, sed unus míli-
tum láncea latus eius apérui, et contínuo exívit san-
guis et aqua.

Et qui vidit testimónium perhíbuit, et verum est
eius testimónium. Et ille scit quia vera dicit, ut et vos
credátis. — Verbum Dómini.

I

IN CONFERENDA CONFIRMATIONE

Lectio prima

1

Requiescet super eum Spiritus Domini.

Léctio libri Isaíæ prophétæ

11, 1-4 a

In die illa: Egrediétur virga de radíce Iesse, et flos de radíce eius ascéndet, et requiészet super eum Spíritus Dómini: Spíritus sapiéntiæ et intelléctus, Spíritus consílii et fortitúdinis, Spíritus sciéntiæ et pietátis, et replébit eum Spíritus timóris Dómini.

Non secúndum visiónem oculórum iudicábit, neque secúndum audítum áurium árguet, sed iudicábit in iustítia páuperes et árguet in æquitáte pro mansuétis terræ. — Verbum Dómini.

Psalmus responsorius

Ps 103, 1 ab et 24. 27-28. 30-31. 33-34 (R.: cf. 30)

R. Emítte Spíritum tuum, Dómine,
et rénova fáciem terræ.

¹ Bénedic, ánima mea, Dómino:
Dómine Deus meus,
magnificátus es veheménter.

²⁴ Quam multiplicáta sunt ópera tua, Dómine:
ómnia in sapiéntia fecísti,
impléta est terra creatúra tua. R.

²⁷ Omnia a te expéctant
ut des illis escam in témpore suo.

- 28 Dante te illis, cólligent,
aperiénte te manum tuam,
implebúntur bonis. *R.*
- 30 Emíttēs spíritum tuum, et creabúntur,
et renovábis fáciem terræ.
- 31 Sit glória Dómini in sáculum;
lætétur Dóminus in opéribus suis. *R.*
- 33 Cantábo Dómino in vita mea,
psallam Deo meo quámdiu sum.
- 34 Iucúndum sit ei elóquium meum,
ego vero delectábor in Dómino. *R.*

2

Dedi Spiritum meum super servum meum.

Léctio libri Isaíæ prophétæ

42, 1-3

Hæc dicit Dóminus:

« Ecce servus meus, suscípíam eum; eléctus meus, complácuít sibi in illo ánima mea: dedi spíritum meum super eum, iudícium géntibus próferet.

Non clamábit neque accípiet persónam, nec audiétur vox eius foris. Cálamum quassátum non cónteret, et linum fúmigans non exstínguet; in veritáte edúcet iudícium ». — Verbum Dómini.

Psalmus responsorius

Ps 144, 2-3. 4-5. 8-9. 10-11. 15-16 (*R.*: 1 b)

R. Benedícam nómini tuo, Dómine, in ætérnum.

2 Per síngulos dies benedícam tibi,
et laudábo nomen tuum
in sáculum et in sáculum sáculi.

- 3 Magnus Dóminus et laudábilis nimis,
et magnitúdinis eius non est investigátio. *R.*
- 4 Generátio generatióni laudábit ópera tua,
et poténtiam tuam pronuntiábunt.
- 5 Magnificéntiam glóriæ maiestátis tuæ loquéntur,
et mirabília tua enarrábunt. *R.*
- 8 Miserátor et miséricors Dóminus,
longánimis et multæ misericórdiæ.
- 9 Suávis Dóminus univérsis,
et miseratiónes eius super ómnia ópera eius. *R.*
- 10 Confiteántur tibi, Dómine, ómnia ópera tua;
et sancti tui benedícant tibi.
- 11 Glóriam regni tui dicant,
et poténtiam tuam loquántur. *R.*
- 15 Oculi ómnium in te sperant,
et tu das illis escam in témpore opportúno.
- 16 Aperis tu manum tuam,
et imples omne ánimam in beneplácito. *R.*

3

*Unxit me Dominus
et evangelizare pauperibus misit me,
et dare eis oleum gaudii.*

Léctio libri Isaíæ prophétæ

61, 1-3 a. 6 a. 8 b-9

Spiritus Dómini super me, eo quod únxit Dóminus me; ad annuntiándum mansuétis misit me, ut mēderer contritis corde, et prædicárem captivis indulgéntiam et clausis apertiónem; ut prædicárem annum placábilem Dómino et diem ultiónis Deo nostro, ut con-

solárer omnes lugéntes, ut pónerem lugéntibus Sion, et darem eis corónam pro cínere, óleum gáudii pro luctu, pállium laudis pro spíritu mæroris.

Vos autem sacerdótes Dómini vocabímmini, minístri Dei nostri dicétur vobis.

Dabo opus eórum in veritáte, et fœdus perpétuum fériam eis. Et scient in géntibus semen eórum; et germen eórum in médio populórum. Omnes qui viderint eos cognóscant illos, quia isti sunt semen, cui benedíxit Dóminus. — Verbum Dómini.

Psalmus responsorius

Ps 21, 23-24. 26-27. 28 et 31-32 (R.: 23)

R. Narrábo nomen tuum frátribus meis.

23 Narrábo nomen tuum frátribus meis,
in médio ecclésiæ laudábo te.

24 Qui timétis Dóminum, laudáte eum,
univérsum semen Iacob, glorificáte eum.
Métuat eum omne semen Israel. R.

26 Apud te laus mea in ecclésia magna;
vota mea reddam in conspéctu timéntium eum.

27 Edent páuperes, et saturabúntur,
et laudábunt Dóminum qui requírunť eum:
« Vivant corda eórum in sáculum sáculi ». R.

28 Reminiscéntur et converténtur ad Dóminum
univérsi fines terræ,
et adorábunt in conspéctu eius
univérsæ familiæ géntium.

31 Et semen meum sérviet ipsi.

32 Narrábitur de Dómino generatióni ventúrá,
et annuntiábunt iustítiam eius
pópulo qui nascétur: « Hæc fecit Dóminus ». R.

Spiritum novum ponam in medio vestri.

Lectio libri Ezechiélis prophétæ

36, 24-28

Hæc dicit Dóminus:

« Tollam vos de géntibus, et congregábo vos de univérſis terris, et addúcam vos in terram vestram; et effúndam super vos aquam mundam, et mundabímini ab ómnibus inquinaméntis vestris, et ab univérſis idólis vestris mundábo vos.

Et dabo vobis cor novum, et spíritum novum ponam in médio vestri, et áuferam cor lapídeum de carne vestra, et dabo vobis cor cárneum; et spíritum meum ponam in médio vestri, et fáciam ut in præcéptis meis ambulétis, et iudícia mea custodiátis et operémini.

Et habitábitis in terra, quam dedi pátribus vestris, et éritis mihi in pópulum, et ego ero vobis in Deum ».

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

¹ Dóminus pascit me, et nihil mihi déerit:

² in páscuis viréntibus me collocávit,

super aquas quiétis edúxit me,

³ ánimam meam refécit.

Dedúxit me super sémitas iustítiæ
propter nomen suum. R.

⁴ Nam et si ambulávero in valle umbræ mortis,
non timébo mala, quóniam tu mecum es.

Virga tua et báculoſ tuus
ipsa me consoláta sunt. R.

⁵ Parásti in conspéctu meo mensam
advérsus eos qui tríbulant me;

impinguásti in óleo caput meum,
et calix meus redúndat. *R.*

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitudínem diérum. *R.*

5

*Super servos meos et ancillas
effundam Spiritum meum.*

Léctio libri Ioélis prophétæ

2, 23 a. 26-30 a

Hæc dicit Dóminus:

« Filii Sion, exsultáte et lætámini in Dómino Deo vestro. Comedétis vescéntes et saturabímini; et laudábítis nomen Dómini Dei vestri, qui fecit mirabília vobíscum, et non confundétur pópulus meus in sempitérnum. Et sciétis quia in médio Israel ego sum, et ego Dóminus Deus vester, et non est ámplius; et non confundétur pópulus meus in ætérnum.

Et erit post hæc, effúndam spíritum meum super omnem carnem, et prophetábunt filii vestri et filiaestræ, senes vestri sómnia somniábunt, et iúvenes vestri visiones vidébunt; sed et super servos meos et ancillas in diébus illis effúndam spíritum meum. Et dabo prodigia in cælo et in terra ». — Verbum Dómini.

Psalmus responsorius

Ps 103, 1 ab et 24. 27-28. 30-31. 33-34 (*R.*: cf. 30)

R. Emítte Spíritum tuum, Dómine,
et rénova fáciem terræ.

Bénedic, ánima mea, Dómino:

Dómine Deus meus, magnificátus es veheménter.

- 24 Quam multiplicata sunt opera tua, Dómine:
 ómnia in sapiéntia fecísti,
 impléta est terra creatúra tua. *R.*
- 27 Omnia a te expéctant
 ut des illis escam in témpore suo.
- 28 Dante te illis, cólligent,
 aperiénte te manum tuam, implebúntur bonis. *R.*
- 30 Emíttes spíritum tuum, et creabúntur,
 et renovábis fáciem terræ.
- 31 Sit glória Dómini in sæculum;
 lætétur Dóminus in opéribus suis. *R.*
- 33 Cantábo Dómino in vita mea,
 psallam Deo meo quámdiu sum.
- 34 Iucúndum sit ei elóquium meum,
 ego vero delectábor in Dómino. *R.*

Lectio secunda

1

*Caritas Dei diffusa est in cordibus nostris
 per Spiritum Sanctum, qui datus est nobis.*

Léctio Epístolæ beáti Pauli apóstoli
 ad Romános

5, 1-2. 5-9 a

Fratres:

Iustificáti ex fide, pacem habémus ad Deum per
 Dóminum nostrum Iesum Christum, per quem et ac-
 céssum habémus fide in grátiam istam, in qua stamus
 et gloriámur in spe glóriæ Dei.

Spes autem non confúndit, quia cáritas Dei diffúsa
 est in córdibus nostris per Spíritum Sanctum, qui da-
 tus est nobis. Adhuc enim Christus, cum adhuc infírmi
 essémus, secúndum tempus pro ímpiis mórtuus est.

Vix enim pro iusto quis móritur; nam pro bono fórstan quis et áudeat mori.

Comméndat autem suam caritátem Deus in nos, quóniam, cum adhuc peccatóres essémus, Christus pro nobis mórtuus est. — Verbum Dómini.

2

*Spiritus testimonium reddit una cum spiritu nostro,
quod sumus filii Dei.*

Léctio Epístolæ beáti Pauli apóstoli
ad Romános

8, 14-17

Fratres:

Quicúmque Spíritu Dei agúntur, hi filii Dei sunt.

Non enim accepístis spíritum servitútis íterum in timóre, sed accepístis Spíritum adoptiónis filiórum, in quo clamámus: « Abba, Pater ».

Ipse Spíritus testimónium reddit una cum spíritu nostro, quod sumus filii Dei. Si autem filii, et herédes: herédes quidem Dei, coherédes autem Christi; si tamen compátimur, ut et conglorificémur. — Verbum Dómini.

3

Spiritus interpellat gemitibus inenarrabilibus.

Léctio Epístolæ beáti Pauli apóstoli
ad Romános

8, 26-27

Fratres:

Spíritus ádiuvat infirmitátem nostram: nam quid orémus sicut opórtet, nescímus; sed ipse Spíritus interpellat gemitibus inenarrabilibus. Qui autem scrutátur corda, scit quid desíderet Spíritus, quia secúndum Deum póstulat pro sanctis. — Verbum Dómini.

4

Unus et idem Spiritus, dividens singulis prout vult.

Léctio Epístolæ primæ beāti Pauli apóstoli
ad Corínthios

12, 4-13

Fratres:

Divisiónes gratiárum sunt, idem autem Spíritus. Et divisiónes ministratiónum sunt, idem autem Dóminus. Et divisiónes operatiónum sunt, idem vero Deus, qui operátur ómnia in ómnibus. Unicuique autem datur manifestátio Spíritus ad utilitátem.

Alii quidem per Spíritum datur sermo sapiéntiæ, álii autem sermo sciéntiæ secúndum eúndem Spíritum, áliteri fides in eódem Spíritu, álii donatiónes sanitátum in uno Spíritu, álii operatiónes virtútum, álii prophetátio, álii discrétio spirítuum, álii génera linguárum, álii interpretátio linguárum. Hæc autem ómnia operátur unus et idem Spíritus, dividens singulis prout vult.

Sicut enim corpus unum est et membra habet multa; ómnia autem membra córporis, cum sint multa, unum corpus sunt; ita et Christus. Etenim in uno Spíritu omnes nos in unum corpus baptizáti sumus, sive Iudæi sive Græci, sive servi sive líberi, et omnes unum Spíritum potáti sumus. — Verbum Dómini.

5

Si vivimus Spiritu, Spiritu et ambulemus

Léctio Epístolæ beāti Pauli apóstoli
ad Gálatas

5, 16-17. 22-23 a. 24-25

Fratres:

Spíritu ambuláte, et concupiscéntiam carnis non per-

fecéritis. Caro enim concupíscit advérsus spíritum, spíritus autem advérsus carnem: hæc enim ínvicem adver-sántur, ut non quæcúmque vultis illa faciátis.

Fructus autem Spíritus est caritas, gáudium, pax, longanimitas, benígnitas, bónitas, fides, mansuetúdo, continéntia. Qui autem sunt Christi Iesu, carnem cruci-fixérunt cum vítiis et concupiscéntiis.

Si vívimus Spíritu, Spíritu et ambulémus.

Verbum Dómini.

6

Signati estis Spiritu promissionis Sancto.

Léctio Epístolæ beáti Pauli apóstoli
ad Ephésios

1, 3 a. 4 a. 13-19 a

Benedíctus Deus et Pater Dómini nostri Iesu Chri-sti: elégit nos in ipso ante mundi constitutióem. In quo et vos, cum audissétis verbum veritátis, Evangé-lium salútis vestræ, in quo et credéntes signáti estis Spíritu promissiόνis Sancto, qui est árrabon hereditátis nostræ, in redemptiόνem acquisitióis, in laudem gló-riæ ipsíus.

Proptérea et ego áudiens fidem vestram, quæ est in Dómino Iesu, et dilectiόνem in omnes sanctos, non cesso grátias agens pro vobis, memóriam fáciens in ora-tiόνibus meis; ut Deus Dómini nostri Iesu Christi, Pater glóriæ, det vobis Spíritum sapiéntiæ et revelatió-nis in agnitióne eius; illuminátos óculos cordis vestri, ut sciátis quæ sit spes vocatióis eius, quæ divítiae gló-riæ hereditátis eius in sanctis, et quæ sit superéminens magnitúdo virtútis eius in nos qui crédimus.

Verbum Dómini.

Unum corpus et unus Spiritus, unum baptisma.

Lectio Epistolæ beāti Pauli apóstoli ad Ephésios 4, 1-6

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúidine, cum longanimitáte supportántes invicem in caritaté; solliciti serváre unitátem spíritus in vínculo pacis.

Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.

Verbum Dómini.

Evangelium

1

Alleluia

R. Allelúia. V. Veni, Sancte Spíritus,
reple tuórum corda fidélium,
et tui amóris in eis ignem accénde.

R. Allelúia.

Ipsorum est Regnum cælorum.

✠ Lectio sancti Evangélíi secúndum Matthæum

5, 1-12 a

In illo témpore:

Videns Iesus turbas ascéndit in montem, et cum sedísset, accessérunt ad eum discípuli eius. Et apériens os suum docébat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ». — Verbum Dómini.

2

Alleluia

R. Allelúia. **V.** Veni, Sancte Spíritus,
et emítte cælitus lucis tuæ rádium.

R. Allelúia.

*Si quis vult post me venire,
abneget semetipsum.*

✠ Lécio sancti Evangélii secúndum Matthæum

16, 24-27

In illo témpore:

Dixit Iesus discípulis suis: « Si quis vult post me venire, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam, qui autem perdíderit ánimam suam propter me, invéniet eam.

Quid enim prodest hómini, si mundum univérsum lucrétur, ánimæ vero suæ detriméntum patiátur? aut quam dabit homo commutatiónem pro ánima sua?

Fílius enim hóminis ventúrus est in glória Patris sui cum ángelis suis, et tunc reddet unicuíque secúndum opus eius ». — Verbum Dómini.

3

Alleluia

R. Allelúia. V. Veni, Sancte Spíritus,
reple tuórum corda fidélium,
et tui amóris in eis ignem accénde.

R. Allelúia.

*Super pauca fuisti fidelis,
intra in gaudium domini tui.*

✠ Lécio sancti Evangélii secúndum Matthæum

25, 14-30

In illo témpore:

Dixit Iesus discíplis suis parábolam hanc: « Homo péregre proficiscens vocávit servos suos, et trádedit illis bona sua. Et uni dedit quinque talénta, álii autem duo, álii vero unum, unicuíque secúndum própriam virtútem, et proféctus est. Statim abiit qui quinque talénta accéperat, et operátus est in eis, et lucrátus est ália quinque; simíliter qui duo accéperat, lucrátus est ália duo; qui autem unum accéperat, ábiens fodit in terra, et abscondit pecúniam dómini sui.

Post multum vero témporis venit dóminus servórum illórum et ponit ratiónem cum eis.

Et accédens qui quinque talénta accéperat, obtulit ália quinque talénta, dicens: “ Dómine, quinque talénta

tradidisti mihi, ecce alia quinque superlucratus sum ”.

Ait illi dominus eius: “ Euge, serve bone et fidelis, super pauca fuisti fidelis, supra multa te constituam; intra in gaudium domini tui ”.

Accessit autem et qui duo talenta acceperat et ait: “ Domine, duo talenta tradidisti mihi, ecce alia duo lucratus sum ”.

Ait illi dominus eius: “ Euge, serve bone et fidelis, super pauca fuisti fidelis, supra multa te constituam; intra in gaudium domini tui ”.

Accedens autem et qui unum talentum acceperat ait: “ Domine, novi te quia homo durus es: metis ubi non seminasti et congregas ubi non sparsisti; et timens abii, et abscondi talentum tuum in terra: ecce habes quod tuum est ”.

Respondens autem dominus eius dixit ei: “ Serve male et piger, sciabas quia meto ubi non seminavi, et congrego ubi non sparsi; oportuit ergo te mittere pecuniam meam nummulariis, et veniens ego recepissem quod meum est cum usura ”.

Tollite itaque ab eo talentum, et date ei qui habet decem talenta; omni enim habenti dabitur, et abundabit; ei autem qui non habet, et quod habet auferetur ab eo.

Et inutilem servum eicite in tenebras exteriores: illic erit fletus et stridor dentium ». — Verbum Domini.

4

Alleluia

Ap 1, 5 a. 6

℟. Allelúia. ✕. Iesu Christe, testis fidelis,
primogénite mortuorum,
fecisti nos regnum et sacerdotes
Deo et Patri nostro. ℟. Allelúia.

Vidit Spiritum descendentem in ipsum.

✠ Lécio sancti Evangélii secúndum Marcum 1, 9-11

In diébus illis, venit Iesus a Náza-reth Galilææ et baptizátus est in Iordáne ab Ioá-nne.

Et statim ascéndens de aqua vidit apértos cælos, et Spíritum tamquam colúmbam descendéntem in ipsum; et vox facta est de cælis: « Tu es Fílius meus diléctus, in te complá-cui ». — Verbum Dómini.

5

Alleluia Io 16, 13 a; 14, 26 b

℞. Allelúia. ⁊. Cum vénerit Spíritus veritátis,
docébit vos omnem veritátem;
et súggeret vobis ómnia
quæcúmque díxero vobis. ℞. Allelúia.

Spiritus Domini super me.

✠ Lécio sancti Evangélii secúndum Lucam 4, 16-22 a

In illo témpore:

Venit Iesus Náza-reth, ubi erat nutritus; et intrávit secúndum consuetúdinem suam die sábbati in synagógam, et surréxit légere. Et tráditus est illi liber prophétæ Isaíæ.

Et, ut revólvit librum, invénit locum, ubi scriptum erat: « Spíritus Dómini super me; propter quod unxit me evangelizáre paupéribus, misit me prædicáre annum Dómini accéptum ».

Et, cum plicuísset librum, réddidit minístro et sedit. Et ómnium in synagóga óculi erant intendéntes in eum.

Cœpit autem dicere ad illos: « Hódie impléta est hæc Scriptúra in áuribus vestris ». Et omnes testimónium illi dabant; et mirabántur in verbis grátiae, quæ procedébant de ore ipsíus. — Verbum Dómini.

6

Alleluia

℞. Allelúia. ℣. Veni, Sancte Spíritus,
et emítte cælitus lucis tuæ rádium.
℞. Allelúia.

*Qui in bonam terram, hi sunt qui verbum retinent
et fructum afferunt in patientia.*

✠ Lécitio sancti Evangélíi
secúndum Lucam

8, 4-10 a. 11 b-15

In illo témpore:

Cum turba plúrima conveníret, et de síngulis civitatibus properárent ad Iesum, dixit per similitúdinem: « Exiit qui séminat semináre semen suum. Et, dum séminat ipse, áliud cécidit secus viam et conculcátum est, et vólucres cæli comedérunt illud. Et áliud cécidit super petram et natum áruit, quia non habébat humórem. Et áliud cécidit inter spinas, et simul exórtæ spinæ suffocavérunt illud. Et áliud cécidit in terram bonam, et ortum fecit fructum céntuplum ».

Hæc dicens clamábat: « Qui habet aures audiéndo áudiat ».

Interrogábant autem eum discípuli eius, quæ esset hæc parábola.

Quibus ipse dixit: « Semen est verbum Dei. Qui autem secus viam, sunt qui áudiunt, deínde venit diábolus et tollit verbum de corde eórum, ne credéntes salvi fiant. Qui autem supra petram, qui cum audie-

rint, cum gáudio suscípíunt verbum, et hi radíces non habent, qui ad tempus credunt et in témpore tentatiónis recédunt.

Quod autem in spinis cécidit, hi sunt qui audiérunt, et a sollicitudinibus et divítiis et voluptátibus vitæ eúntes suffocántur, et non réferunt fructum.

Quod autem in bonam terram, hi sunt qui in corde bono et óptimo audiéntes verbum rétinent et fructum áfferunt in patiéntia ». — Verbum Dómini.

7

Alleluia

Io 14, 16

℞. Allelúia. ∞. Pater álium Paráclitum dabit vobis,
dicit Dóminus,
ut máneat vobíscum in ætérnum.
℞. Allelúia.

Confiteor tibi, Pater, quod revelasti ea parvulis.

✠ Lécitio sancti Evangélíi secúndum Lucam 10, 21-24

In illo témpore:

Exsultávit Iesus Spíritu Sancto et dixit: « Confíteor tibi, Pater, Dómine cæli et terræ, quod abscondísti hæc a sapiéntibus et prudéntibus, et revelásti ea párvulis. Etiam, Pater, quia sic plácuít ante te.

Omnia mihi trádita sunt a Patre meo. Et nemo scit qui sit Fílius, nisi Pater; et qui sit Pater, nisi Fílius, et cui volúerit Fílius reveláre ».

Et convérsus ad discípulos seórsum dixit: « Beátí oculi qui vident quæ vidétis; dico enim vobis: Multi prophétæ et reges voluérunť vidére quæ vos vidétis, et non vidérunt, et audíre quæ audítis, et non audiérunt ». — Verbum Dómini.

8

Alleluia

Io 16, 13 a; 14, 26 b

℞. Allelúia. √. Cum vénerit Spíritus veritátis,
docébit vos omnem veritátem;
et súggeret vobis ómnia
quæcúmque díxero vobis. ℞. Allelúia.

Flumina fluent aquæ vivæ.

✠ Lécio sancti Evangélii secúndum Ioánnem

7, 37 b-39

In illo témpore:

Clamábat Iesus, dicens: « Si quis sitit véniat ad me
et bibat qui credit in me. Sicut dixit Scriptúra, flúmina
de ventre eius fluent aquæ vivæ ».

Hoc autem dixit de Spíritu, quem acceptúri erant
credéntes in eum; nondum enim erat Spíritus, quia Ie-
sus nondum fúerat glori ficátus. — Verbum Dómini.

9

Alleluia

Io 14, 16

℞. Allelúia. √. Pater álium Paráclitum dabit vobis,
dicit Dóminus,
ut máneat vobíscum in ætérnum.
℞. Allelúia.

Spiritus veritatis apud vos manet.

✠ Lécio sancti Evangélii secúndum Ioánnem

14, 15-17

In illo témpore:

Dixit Iesus discípulis suis: « Si dilígitis me, mandáta
mea servábitis.

Et ego rogábo Patrem, et álium Paráclitum dabit vobis, ut máneat vobiscum in ætérnum, Spíritum veritátis, quem mundus non potest accíperere, quia non videt eum nec scit: vos cognoscétis eum, quia apud vos manet et in vobis erit ». — Verbum Dómini.

10

Alleluia

Io 15, 26 b. 27 a

℞. Allelúia. √. Spíritus veritátis testimónium perhibébit de me, dicit Dóminus,
et vos testimónium perhibébitis.
℞. Allelúia.

Spiritus Sanctus docebit vos omnia.

✠ Lécio sancti Evangélíi secúndum Ioánnem

14, 23-26

In illo témpore:

Dixit Iesus discípulis suis: « Si quis díligit me, sermónem meum servábit, et Pater meus díliget eum, et ad eum veniémus et mansiónem apud eum faciémus. Qui non díligit me, sermónes meos non servat. Et sermo quem audítis non est meus, sed eius, qui misit me, Patris.

Hæc locútus sum vobis apud vos manens. Paráclitus autem Spíritus Sanctus, quem mittet Pater in Nómine meo, ille vos docébit ómnia, et súgget vobis ómnia quæ dixi vobis ». — Verbum Dómini.

11

Alleluia

Io 15, 26 b. 27 a

℞. Allelúia. √. Spíritus veritátis testimónium perhibébit de me, dicit Dóminus,
et vos testimónium perhibébitis.
℞. Allelúia.

*Spiritus veritatis, qui a Patre procedit,
testimonium perhibebit de me.*

✠ Lécio sancti Evangélii secúndum Ioánnem
15, 18-21. 26-27

In illo témpore:

Dixit Iesus discípulis suis: « Si mundus vos odit, scitôte quia me priórem vobis ódio hábuit. Si de mundo essétis, mundus quod suum est dilígeret; quia vero de mundo non estis, sed ego elégi vos de mundo, proptér-ea odit vos mundus.

Mementóte sermónis, quem ego dixi vobis: “ Non est servus maior dómno suo. Si me persecúti sunt, et vos persecúntur; si sermónem meum servavérunt, et vestrum servábunt ”. Sed hæc ómnia fácient vobis propter Nomen meum, quia nésciunt eum qui misit me.

Cum autem vénerit Paráclitus, quem ego mittam vobis a Patre, Spíritum veritátis qui a Patre procedit, ille testimoníum perhibébit de me. Sed et vos testimoníum perhibétis, quia ab inítio mecum estis ».

Verbum Dómini.

12

Alleluia Io 16, 13 a; 14, 26 b

℟. Allelúia. ℣. Cum vénerit Spíritus veritátis,
docébit vos omnem veritátem;
et súggeret vobis ómnia
quæcúmque díxero vobis. ℟. Allelúia.

Spiritus veritatis ducet vos in omni veritate.

✠ Lécio sancti Evangélii secúndum Ioánnem
16, 5 b-7. 12-13 a

In illo témpore:

Dixit Iesus discípulis suis: « Nunc vado ad eum qui me misit, et nemo ex vobis intérogat me: “ Quo

vadis? " Sed, quia hæc locutus sum vobis, tristitia implevit cor vestrum.

Sed ego veritatem dico vobis: Expedit vobis ut ego vadam; si enim non abiero, Paracletus non veniet ad vos; si autem abiero, mittam eum ad vos.

Adhuc multa habeo vobis dicere, sed non potestis portare modo. Cum autem venerit ille Spiritus veritatis, ducet vos in omni veritate ». — Verbum Domini.

IN PRIMA COMMUNIONE PARVULORUM

Lectiones sumi possunt sive ex toto sive ex parte vel e Missa diei, vel e Missa In Initiatione christiana (supra pp. 1069-1085), vel e Missa votiva de sanctissima Eucharistia (infra pp. 1539-1557).

II. IN CONFERENDIS SACRIS ORDINIBUS

Extra dominicas Adventus, Quadragesimæ et Paschæ, et extra sollemnitates, et festa Apostolorum, Missa in qua sacri Ordines conferuntur hoc modo ordinari potest:

a) ad introitum et ad communionem dicuntur antiphonæ, quæ infra ponuntur;

b) orationes seligantur quæ sunt magis aptæ ex iis quæ infra proponuntur pro Episcopo (p. 1262 vel 1263), pro sacerdotibus (p. 1275), pro ministris Ecclesiæ (p. 1280);

c) lectones sumantur ex iis quæ pro his celebrationibus indicantur (pp. 1109-1130), cum facultate eas adhibendi, saltem ex parte, etiam diebus, quibus Missa ritualis prohibetur;

d) nisi dicenda sit præfatio magis propria, quando fit Ordinatio sacerdotum sumi potest præfatio quæ habetur in Missa chrismatis, ut infra.

Ant. ad introitum

Io 12, 26

Qui mihi ministrat me sequatur, dicit Dominus;
et ubi sum ego, illic et minister meus erit.

Vel (quando fit Ordinatio sacerdotum): Lc 4, 18

Spíritus Dómini super me, propter quod unxit me,
evangelizáre paupéribus misit me, sanáre contrítos corde.

Præfatio: De sacerdotio Christi et de ministerio sacerdotum.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubique grátias ágere:

Dómine, sancte Pater, omnípotens ætérne Deus:

Qui Unigénitum tuum Sancti Spíritus unctióne
novi et ætérni testaménti constituísti Pontíficem,
et ineffábili dignátus es dispositióne sancíre,
ut únicum eius sacerdótium in Ecclésia servarétur.

Ipse enim non solum regáli sacerdótio
pópulum acquisitionis exórnat,
sed étiam fratérna hómines éligit bonitáte,
ut sacri sui ministérii
fiant mánuum impositione partícipes.

Qui sacrificium rénovent, eius nómine,
redemptionis humánæ,
tuis apparántes fíliis paschále convívium,
et plebem tuam sanctam caritáte præveniant,
verbo nútriant, refíciant sacraméntis.

Qui, vitam pro te fratrúmque salúte tradéntes,
ad ipsíus Christi nitántur imáginem conformári,
et constántes tibi fidem amorémque testéntur.

Unde et nos, Dómine, cum Angelis et Sanctis univérsis
tibi confitémur, in exsultatióne dicéntes:

Sanctus, Sanctus, Sanctus Dóminus Deus Sabaoth ...

Quando adhibetur Canon Romanus, dicitur Hanc igitur proprium.

Hanc igitur oblatiónem servitútis nostræ,
sed et cunctæ familiæ tuæ,
quam tibi offérimus étiam pro fámulis tuis,
quos ad Diaconátus, **vel** Presbyterátus, **vel** Episcopátus
órdinem promovére dignátus es,
quæsumus, Dómine, ut placátus accípias,
et propítius in eis tua dona custódias,
ut, quod divíno múnere consecúti sunt,
divínis efféctibus exsequántur.

(Per Christum Dóminum nostrum. Amen.)

Ant. ad communionem

Io 17, 17-18

Pater sancte, sanctífica eos in veritate.
Sicut tu me misisti in mundum,
et ego misi eos in mundum, dicit Dóminus.

Lectio prima

1

Pro diaconis

Applica tribum Levi, ut ministrent Aaron sacerdoti.

Lectio libri Númeri

3, 5-10 a

In diébus illis:

Locútus est Dóminus ad Móysen dicens: « Applica tribum Levi et fac stare in conspéctu Aaron sacerdotis, ut ministrent ei et éxcubent, et obsérvent quidquid ad cultum pértinet multitudínis coram tabernáculo testimoni, et custódiant vasa tabernáculi serviéntes in ministério eius. Dabísque dono levítas Aaron et filiis eius, quibus trádicti sunt a filiis Israel ».

Verbum Dómini.

Psalmus responsorius

Ps 83, 3-4. 5 et 11 (R.: 5 a)

R. Beáti qui hábitant in domo tua, Dómine.

Concupíscit et déficit ánima mea in átria Dómini.
Cor meum et caro mea exsultavérunt in Deum vivum.
Etenim passer invénit sibi domum,
et turtur nidum sibi, ubi ponat pullos suos:
altária tua, Dómine virtútum, rex meus et Deus meus. R.

- 5 Beáti qui hábitant in domo tua,
in perpétuum laudábunt te.
- 11 Quia mélior est dies una in átriis tuis super mília,
elégi ad limen esse in domo Dei mei,
magis quam habitáre in tabernáculis peccatórum. *R.*

2

Pro presbyteris

*Tradam spiritum tuum ut sustentent tecum
onus populi.*

Léctio libri Númeri

11, 11 b-12. 14-17. 24-25 a

In diébus illis:

Ait Móyses ad Dóminum: « Cur imposuísti pondus univérsi pópuli huius super me? Numquid ego concépi omnem hanc multitudínem vel genui eam, ut dicas mihi: " Porta eos in sinu tuo, sicut portáre solet nutrix infántulum, et defer in terram, pro qua iurásti pátribus eórum? »

Non possum solus sustinére omnem hunc pópulum, quia gravis est mihi. Sin áliter tibi vidétur, óbsecro ut interficias me, et invéniam grátiam in óculis tuis, ne tantis afficiar malis ».

Et dixit Dóminus ad Móysen: « Cóngrega mihi septuagínta viros de sénibus Israel, quos tu nosti quod senes pópuli sint ac magístri, et duces eos ad óstium tabernáculi fóederis, faciésque ibi stare tecum, ut descéndam et loquar tibi, et áuferam de spíritu tuo tradámque eis, ut sustentent tecum onus pópuli, et non tu solus gravéris ».

Venit igitur Móyses et narrávit pópulo verba Dómini, cóngregans septuagínta viros de sénibus Israel, quos stare fecit circa tabernáculum.

Descendítque Dóminus per nubem et locútus est ad eum, áuferens de spíritu qui erat in Móyse, et dans septuagínta viris. Cumque requievísset in eis spíritus, prophetavérunt. — Verbum Dómini.

Psalmus responsorius

Ps 99, 2. 3. 4. 5 (R.: Io 15, 14)

R. Vos amíci mei estis, si fecéritis quæ præcípíio vobis, dicit Dóminus.

3 Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne. **R.**

3 Scitóte quóniam Dóminus ipse est Deus;
ipse fecit nos, et ipsíus sumus,
pópulus eius et oves páscuæ eius. **R.**

4 Introíte portas eius in confessióne,
átria eius in hymnis,
confitémini illi, benedicite nómini eius. **R.**

5 Quóniam suávis est Dóminus;
in ætérnum misericórdia eius,
et usque in generatióem et generatióem véritas eius. **R.**

3

Pro episcopis et presbyteris

*Unxit me Dominus
et evangelizare pauperibus misit me,
et dare eis oleum gaudii.*

Léctio libri Isaíæ prophétæ

61, 1-3 a

Spíritus Dómini super me, eo quod únxerit Dóminus me; ad annuntiándum mansuétis misit me, ut medérer contrítis corde, et prædicárem captívís indulgéntiam et

clausis apertiónem; ut prædicárem annum placábilem Dómino et diem ultiónis Deo nostro; ut consolárer omnes lugéntes, ut pónerem lugéntibus Sion, et darem eis corónam pro cínere, óleum gáudii pro luctu, pállium laudis pro spírítu mæróris. — Verbum Dómini.

Psalmus responsorius

Ps 88, 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.

- 21 « Invéni David servum meum;
óleo sancto meo unxi eum.
22 Manus enim mea firma erit cum eo,
et bráccium meum confortábit eum. R.
25 Et véritas mea et misericórdia mea cum ipso,
et in nómine meo exaltábitur cornu eius.
27 Ipse invocábit me: " Pater meus es tu,
Deus meus et refúgium salútis meæ " ». R.

4

Ad omnia quæ mittam te ibis.

Léctio libri Ieremíæ prophétæ

1, 4-9

Factum est verbum Dómini ad me, dicens: « Priúsquam te formárem in útero, novi te; et ántequam exíres de vulva, sanctificávi te, et prophétam in géntibus dedi te ».

Et dixi: « A a a, Dómine Deus! ecce nésco loqui, quia puer ego sum ».

Et dixit Dóminus ad me: « Noli dícere: " Puer sum "; quóniam ad ómnia quæ mittam te ibis, et univérsa quæcúmque mandávero tibi loquéris. Ne tíneas a fácie eórum, quia tecum ego sum ut éruam te, dicit Dóminus ».

Et misit Dóminus manum suam, et tétigit os meum, et dixit Dóminus ad me: « Ecce dedi verba mea in ore tuo ». — Verbum Dómini.

Psalmus responsorius

Ps 95, 1-2 a. 2 b-3. 10 (R.: Mt 28, 19)

R. Eúntes in mundum, docéte omnes gentes.

1 Cantáte Dómino cánticum novum,
cantáte Dómino, omnis terra.

2 Cantáte Dómino, benedícite nómini eius. **R.**

Annuntiáte de die in diem salutáre eius.

3 Annuntiáte inter gentes glóriam eius,
in ómnibus pópulis mirabilia eius. **R.**

10 Dícite in géntibus: « Dóminus regnávít ».

Etenim corréxit orbem terræ qui non commovébitur;
iudicábit pópulos in æquitáte. **R.**

Lectio secunda

1

*Habemus donationes secundum gratiam,
quæ data est nobis, differentes.*

Léctio Epístolæ beáti Pauli apóstoli ad Romános

12, 4-8

Fratres:

Sicut in uno córpore multa membra habémus, ómnia autem membra non eúndem actum habent; ita multi unum corpus sumus in Christo, sínguli autem alter alteríus membra; habéntes autem donatiónes secúndum grátiam, quæ data est nobis, differentes: sive propheetíam secúndum ratióne[m] fídei, sive ministérium in ministrándo, sive qui docet in doctrína; sive qui exhortá-

tur in exhortándo, qui tríbuit in simplicitáte, qui præest in sollicitúdine, qui miserétur in hilaritáte.

Verbum Dómini.

2

*Prædicamus Iesum Christum; nos autem
servos vestros per Iesum.*

Léctio Epístolæ secúndæ beáti Pauli apóstoli
ad Corínthios

4, 1-2. 5-7

Fratres:

Habéntes administratióem, iuxta quod misericórdiam consecúti sumus, non defícimus, sed abdicávimus occúlta dedécoris, non ambulátes in astútia, neque adulterátes verbum Dei, sed in manifestatióne veritátis commendátes nosmetípsos ad omnem consciéntiam hóminum coram Deo.

Non enim nosmetípsos prædicámus, sed Iesum Christum Dóminum, nos autem servos vestros per Iesum; quóniam Deus, qui dixit: « De ténebris lux splendescat », ipse illúxit in córdibus nostris, ad illuminatióem sciéntiæ glóriæ Dei in fácie Iesu Christi.

Habémus autem thesáurum istum in vasis fictílibus, ut sublímitas sit virtútis Dei, et non ex nobis.

Verbum Dómini.

3

Dedit nobis ministerium reconciliationis.

Léctio Epístolæ secúndæ beáti Pauli apóstoli
ad Corínthios

5, 14-20

Fratres:

Cáritas Christi urget nos; æstimátes hoc, quóniam, si unus pro ómnibus mórtuus est, ergo omnes mórtui

sunt; et pro ómnibus mórtuus est Christus, ut et qui vivunt iam non sibi vivant, sed ei qui pro ipsis mórtuus est et resurréxit. Itaque nos ex hoc néminem nóvimus secúndum carnem; et si cognóvimus secúndum carnem Christum, sed nunc iam non nóvimus.

Si quis ergo in Christo nova creatúra, vétera transiérunt: ecce facta sunt nova; ómnia autem ex Deo, qui reconciliávit nos sibi per Christum et dedit nobis ministérium reconciliatiónis. Quóniam quidem Deus erat in Christo mundum reconcilians sibi, non réputans illis delicta ipsórum, et pósuit in nobis verbum reconciliatiónis. Pro Christo ergo legatióne fúngimur, tamquam Deo exhortánte per nos. Obsecrámus pro Christo: Reconciliámini Deo. — Verbum Dómini.

4

*In opus ministerii,
in ædificationem corporis Christi.*

Léctio Epístolæ beáti Pauli apóstoli ad Ephésios

4, 1-7. 11-13

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes ínvicem in caritaté; solíciti serváre unitátem spíritus in vínculo pacis.

Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus.

Unicuique autem nostrum data est grátia secúndum mensúram donatiónis Christi. Et ipse dedit quosdam quidem apóstolos, quosdam autem prophétas, álios vero

evangelístas, álios autem pastóres et doctóres: ad instructiōnem sanctórum in opus ministérii, in ædificatiōnem córporis Christi, donec occurrámus omnes in unitátem fidei et agnitiónis Fílii Dei, in virum perféctum, in mensúram ætátis plenitúdinis Christi. — Verbum Dómini.

5

Pro diaconis

Habentes mysterium fidei in conscientia pura.

Léctio Epístolæ primæ beáti Pauli apóstoli
ad Timótheum

3, 8-10. 12-13

Opórtet diáconos esse pudícos, non bilíngues, non multo vino déditos, non turpe lucrum sectántes, habéntes mystérium fidei in consciéntia pura. Et hi autem probéntur primum et deínde minístrent, nullum crimen habéntes.

Diáconi sint uníus uxóris viri, qui fíliis suis bene præsent et suis dómibus. Qui enim bene ministráverint, gradum sibi bonum acquirént, et multam fidúciam in fide, quæ est in Christo Iesu. — Verbum Dómini.

6

Pro episcopis

* *Noli negligere donationem quæ data est tibi
impositione manuum presbyterii.*

Léctio Epístolæ primæ beáti Pauli apóstoli
ad Timótheum

4, 12-16

Caríssime:

Nemo adulescéntiam tuam contémnat; sed exémpulum esto fidélium in verbo, in conversatiōne, in caritáte, in fide, in castitáte. Dum vénio, atténde lectiōni, exhortatiōni, doctrínæ.

Noli negligere donatióem quæ in te est, quæ data est tibi per prophetiám cum impositione mánuum presbytérii. Hæc meditáre, in his esto, ut profectus tuus manifestus sit ómnibus. Atténde tibi et doctrínæ, insta in illis: hoc enim faciens, et teípsum salvum facies, et qui te áudiunt. — Verbum Dómini.

vel

4, 12 b-16

Caríssime:

Exémplum esto fidélium in verbo, in conversatióne, in caritaté, in fide, in castitaté. Dum vénio, atténde lectioni, exhortatióni, doctrínæ.

Noli negligere donatióem quæ in te est, quæ data est tibi per prophetiám cum impositione mánuum presbytérii. Hæc meditáre, in his esto, ut profectus tuus manifestus sit ómnibus. Atténde tibi et doctrínæ, insta in illis; hoc enim faciens, et teípsum salvum facies, et qui te áudiunt. — Verbum Dómini.

7

Pro episcopis

*Ut resuscites donationem Dei, quæ est in te
per impositionem manuum mearum.*

Léctio Epístolæ secúndæ beáti Pauli apóstoli
ad Timótheum

1, 6-14

Caríssime:

Admóneo te, ut resúscites donatióem Dei, quæ est in te per impositionem mánuum meárum. Non enim dedit nobis Deus spíritum timóris, sed virtútis et dilectiónis et sobrietátis. Noli itaque erubescere testimó-

nium Dómini nostri, neque me vinctum eius; sed col-
labóra Evangélio secúndum virtútem Dei, qui nos sal-
vos fecit et vocávit vocatióne sancta, non secúndum
ópera nostra, sed secúndum propósitum suum et grá-
tiam, quæ data est nobis in Christo Iesu ante témpora
sæculária.

Manifestáta autem nunc per illustratióem Salva-
tórís nostri Iesu Christi, qui destrúxit quidem mortem,
illuminávit autem vitam et incorruptiόem per Evan-
gélíum: in quo pósitus sum ego prædicátor et apósto-
lus et doctor. Ob quam causam étiam hæc pátiór, sed
non confúndor. Scio enim cui crédidi, et certus sum
quia potens est depósitum meum serváre in illum diem.

Formam habe sanórum verbórum, quæ a me audí-
sti, in fide et dilectiόe quæ sunt in Christo Iesu. Bo-
num depósitum custódi per Spíritum Sanctum, qui há-
bitat in nobis. — Verbum Dómini.

8

*Christus appellatus est a Deo pontifex
iuxta ordinem Melchisedech.*

Léctio Epístolæ ad Hebræos

5, 1-10

Omnis pón-tifex, ex homínibus assúptus, pro ho-
mínibus constitúitur in his, quæ sunt ad Deum, ut
ófferat dona et sacrificia pro peccátis; qui æque con-do-
lère possit his qui ignórant et errant, quóniam et ipse
circúmdatus est infirmitáte; et propter eam debet, quem-
ádmodum et pro pópulo, ita étiam pro semetípso of-
féreré pro peccátis. Nec quisquam sumit sibi illum ho-
nórem, sed qui vocátur a Deo tamquam et Aaron.

Sic et Christus non semetípsum glorificávit ut pón-
tifex fieret, sed qui locútus est ad eum: « Fílius meus

es tu, ego hódie génui te »; quemádmódum et in álio dicit: « Tu es sacérdos in ætérnum secúndum órđinem Melchisedech ».

Qui, in díebus carnis suæ, preces supplicationésque ad eum, qui possit salvum illum a morte fácere, cum clamóre válido et lácrimis ófferens, et exaudítus pro sua reveréntia.

Et quidem, cum esset Fílius, dídicit ex his quæ passus est obœdiéntiam, et consummátus factus est ómnibus obœdiéntibus sibi auctor salútis ætérnæ, appellátus a Deo póntifex iuxta órđinem Melchisedech.

Verbum Dómini.

9

Sicut boni dispensatores multiformis gratiæ Dei.

Léctio Epístolæ primæ beáti Petri apóstoli 4, 7 b-11

Caríssimi:

Estóte prudéntes et vigiláte in oratió nibus. Ante ómnia autem mútuam in vosmetípsos caritátem contínuam habéntes, quia « cáritas óperit multitudínem peccatórum ».

Hospitáles ínvicem sine murmuratióne; unusquísque, sicut accépit donatió nem, in altérutrum illam administrátes, sicut boni dispensatóres multifórmis grátiæ Dei.

Si quis lóquitur, quasi sermó nes Dei; si quis mínistrat, tamquam ex virtúte quam largítur Deus, ut in ómnibus glorificétur Deus per Iesum Christum, cui est glória et impérium in sácula sæculórum. Amen.

Verbum Dómini.

10

Pascite qui est in vobis gregem Dei.

Lectio Epistolæ primæ beāti Petri apóstoli 5, 1-4

Caríssimi:

Seniôres, qui in vobis sunt, óbsecro consénior et testis Christi passiônum, qui et eius, quæ in futúro revelánda est, glóriæ comunicátor: páscite qui est in vobis gregem Dei, providéntes non coácto, sed spontáneæ secúndum Deum, neque turpis lucri grátia, sed voluntárie; neque ut dominántes in cleris, sed formæ facti gregis.

Et, cum apparúerit Princeps pastórum, percipiétis immarcescibilem glóriæ corónam. — Verbum Dómini.

Evangelium

1

Alleluia

Io 15, 15 b

℟. Allelúia. ✠. Vos dixi amícos, dicit Dóminus,
quia ómnia quæcúmque audívi a Patre meo
nota feci vobis. ℟. Allelúia.

Vos estis lux mundi.

✠ LECTIO sancti Evangélíi secúndum Matthæum

5, 13-16

In illo témpore:

Dixit Iesus discípulis suis: « Vos estis sal terræ; quod si sal evanúerit, in quo salietur? Ad níhilum valet ultra, nisi ut mittátur foras et conculcétur ab homínibus.

Vos estis lux mundi. Non potest civitas abscondi supra montem pósita; neque accéndunt lucérnam et po-

nunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant vestra bona ópera, et gloríficent Patrem vestrum, qui in cælis est ». — Verbum Dómini.

2

Alleluia

Mt 28, 19 a. 20 b

℞. Allelúia. ✠. Eúntes docéte omnes gentes;
ego vobíscum sum ómnibus diébus
usque ad consummationem sǎculi.
℞. Allelúia.

*Rogate Dominum messis, ut mittat operarios
in messem suam.*

✠ Lécio sancti Evangélíi secúndum Matthæum

9, 35-38

In illo témpore:

Circumíbat Iesus civitátes omnes et castélla, docens in synagógis eórum, et prædicans Evangélium Regni, et curans omnem languórem et omnem infirmitátem. Videns autem turbas, misértus est eis, quia erant vexáti et iacéntes sicut oves non habéntes pastórem.

Tunc dicit discíplis suis: « Messis quidem multa, operárii autem pauci; rogáte ergo Dóminum messis, ut mittat operários in messem suam ». — Verbum Dómini.

3

Alleluia

Lc 4, 18 b-19 a

℞. Allelúia. ✠. Evangelizáre paupéríbus
misit me Dóminus,
prædicáre captívís remissionem. ℞. Allelúia.

Elegit Iesus duodecim Apostolos et misit eos.

✠ Lécio sancti Evangélii secúndum Matthæum

10, 1-5 a

In illo témpore:

Convocatís Iesus duódecim discipulis suis, dedit illis potestátem spírituum immundórum, ut eícerent eos et curárent omnem languórem et omnem infirmitátem.

Duódecim autem Apostolórum nómina sunt hæc: primus Simon, qui dícitur Petrus, et Andréas frater eius, et Iacóbus Zebedæi et Ioánnes frater eius, Philíppus et Bartholomæus, Thomas et Matthæus publicánu, Iacóbus Alphæi et Taddæus, Simon Cananáus et Iudas Iscariótes, qui et trádidit eum.

Hos duódecim misit Iesus. — Verbum Dómini.

4

Alleluia

Io 10, 14

℞. Allelúia. γ. Ego sum pastor bonus, dicit Dóminus;
et cognóscó oves meas,
et cognóscunt me meæ. ℞. Allelúia.

Qui voluerit inter vos primus esse erit vester servus.

✠ Lécio sancti Evangélii secúndum Matthæum

20, 25-28

In illo témpore:

Ait Iesus discipulis suis: « Scitis quia príncipes gén-tium dominántur eórum, et qui magni sunt potestátem exércent in eos.

Non ita erit inter vos: sed quicúmque volúerit inter vos magnus fíeri, erit vester mínister; et quicúmque volúerit inter vos primus esse, erit vester servus.

Sicut Fílius hóminis non venit ministrári, sed ministráre et dare ánimam suam redemptionem pro multis ». — Verbum Dómini.

5

Alleluia

Mt 28, 19 a. 20 b

R. Allelúia. V. Eúntes docéte omnes gentes;
ego vobíscum sum ómnibus diébus
usque ad consummationem sáculi.

R. Allelúia.

Messis quidem multa, operarii autem pauci.

✠ Léctio sancti Evangélíi secúndum Lucam 10, 1-9

In illo témpore:

Designávit Dóminus álios septuagínta duos; et misit illos binos ante faciém suam in omnem civitátem et locum, quo erat ipse ventúrus.

Et dicébat illis: « Messis quidem multa, operárii autem pauci. Rogáte ergo dómínum messis, ut mittat operários in messem suam.

Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta; et néminem per viam salutavéritis.

In quamcúmque domum intravéritis, primum dícite: « Pax huic dómui »; et, si ibi fúerit filius pacis, requiescet super illam pax vestra; sin autem, ad vos revertétur. In eádem autem domo manéte, edéntes et bibéntes quæ apud illos sunt; dignus enim est operárius mercéde sua.

Nolíte transíre de domo in domum; et, in quamcúmque civitátem intravéritis et suscepérint vos, manducáte quæ apponúntur vobis, et curáte infirmos, qui in illa sunt, et dícite illis: " Appropinquávit in vos Regnum Dei " ». — Verbum Dómini.

Alleluia

Io 15, 15 b

℞. Allelúia. ⁊. Vos dixi amícos, dicit Dóminus,
quia ómnia quæcúmque audívi a Patre meo
nota feci vobis. ℞. Allelúia.

*Beati servi, quos, cum venerit dominus,
invenerit vigilantes.*

✠ Lécio sancti Evangélíi secúndum Lucam 12, 35-44

In illo témpore:

Dixit Iesus discipulis suis: « Sint lumbi vestri præcíncti et lucérnæ ardéntes, et vos símiles homínibus expectántibus dóminum suum, quando revertátur a núp-tiis; ut, cum vénerit et pulsáverit, conféstim apériant ei.

Beáti servi illi, quos, cum vénerit dóminus, invénerit vigilántes; amen dico vobis, quod præcínget se, et fáciat illos discumbere, et tránsiens ministrábit illis. Et, si vénerit in secúnda vigília et si in tértia vigília vénerit et ita invénerit, beáti sunt illi.

Hoc autem scitóte quia, si sciret paterfamílias qua hora fur veníret, non síneret perfodíri domum suam. Et vos estóte paráti, quia, qua hora non putátis, Fílius hóminis venit ».

Ait autem Petrus: « Dómine, ad nos dicis hanc parábolam, an et ad omnes? »

Et dixit Dóminus: « Quis, putas, est fidélis dispensátor et prudens, quem constitúet dóminus supra famíliam suam, ut det illis in témpore trítici mensúram? Beátus ille servus, quem, cum vénerit dóminus eius, invénerit ita faciéntem. Vere dico vobis: Supra ómnia quæ pössidet constitúet illum ». — Verbum Dómini.

Alleluia

Io 10, 14

℞. Allelúia. ʒ. Ego sum pastor bonus, dicit Dóminus;
et cognóscó oves meas,
et cognóscunt me meæ. ℞. Allelúia.

*Hoc facite in meam commemorationem. Ego autem
in medio vestrum sum sicut qui ministrat.*

✠ Lécitio sancti Evangélíi secúndum Lucam

22, 14-20. 24-30

Cum facta esset hora, discúbuit Iesus et Apóstoli cum eo.

Et ait illis: « Desidério desiderávi hoc pascha manducáre vobíscum ántequam pátiar. Dico enim vobis: Non manducábo illud, donec impleátur in Regno Dei ».

Et, accépto cálice, grátias egit, et dixit: « Accípíte hoc et dividíte inter vos. Dico enim vobis: Non bibam ámodo de generatióne vitis, donec Regnum Dei véniat ».

Et, accépto pane, grátias egit et fregit, et dedit eis dicens: « Hoc est corpus meum, quod pro vobis datur: hoc fácite in meam commemoratiónem ».

Simíliter et cálicem, postquam cenávit, dicens: « Hic calix novum testaméntum est in ságuine meo, qui pro vobis fúnditur ».

Facta est autem et conténtio inter eos, quis eórum viderétur esse maior.

Dixit autem eis: « Reges géntium dominántur eórum, et qui potestátem habent super eos " benéfici " vocántur. Vos autem non sic; sed qui maior est in vobis fiat sicut iúnior, et qui præcésor est sicut ministrátor.

Nam quis maior est, qui recumbit an qui ministrat? nonne qui recumbit? Ego autem in medio vestrum sum sicut qui ministrat.

Vos autem estis qui permansistis mecum in tentationibus meis; et ego dispono vobis, sicut dispósuit mihi Pater meus, Regnum, ut edátis et bibátis super mensam meam in Regno meo, et sedeátis super thronos iudicantes duódecim tribus Israel ». — Verbum Dómini.

8

Alleluia

Io 10, 14

℞. Allelúia. ʒ. Ego sum pastor bonus, dicit Dóminus;
et cognóscō oves meas,
et cognóscunt me meæ ℞. Allelúia.

Bonus pastor animam suam ponit pro ovibus.

✠ Lécio sancti Evangélíi secúndum Ioánnem

10, 11-16

In illo témpore:

Dixit Iesus: « Ego sum pastor bonus. Bonus pastor ánimam suam ponit pro óvibus. Mercenárius et qui non est pastor, cuius non sunt oves própriae, videt lupum veniéntem et dimíttit oves et fugit, et lupus rapit eas et dispérgit, quia mercenárius est et non pértinet ad eum de óvibus.

Ego sum pastor bonus, et cognóscō meas, et cognóscunt me meæ. Sicut novit me Pater, et ego agnóscō Patrem; et ánimam meam pono pro óvibus.

Et álias oves hábeo, quæ non sunt ex hoc ovíli, et illas opórtet me addúcere, et vocem meam áudient, et fient unus grex, unus pastor ». — Verbum Dómini.

Alleluia

Io 12, 26 a

℞. Allelúia. ⁊. Si quis mihi ministrat, me sequatur,
dicit Dóminus;
et ubi sum ego, illic et mínister meus erit.
℞. Allelúia.

Si quis mihi ministrat, me sequatur.

✠ Lécio sancti Evangélii secúndum Ioánnem

12, 24-26

In illo témpore:

Respóndit Iesus Andréæ et Philípโป, dicens:
« Amen, amen dico vobis, nisi granum fruménti cadens
in terram mórtuum fúerit, ipsum solum manet; si au-
tem mórtuum fúerit, multum fructum affert.

Qui amat ánimam suam, perdit eam; et qui odit
ánimam suam in hoc mundo, in vitam ætérnam custó-
diet eam.

Si quis mihi ministrat, me sequatur; et, ubi sum ego,
illic et mínister meus erit. Si quis mihi ministráverit,
honorificábit eum Pater ». — Verbum Dómini.

Alleluia

Io 15, 15 b

℞. Allelúia. ⁊. Vos dixi amícos, dicit Dóminus,
quia ómnia quæcúmque audívi a Patre meo
nota feci vobis. ℞. Allelúia.

Non vos me elegistis, sed ego elegi vos.

✠ Lécio sancti Evangélii secúndum Ioánnem

15, 9-17

In illo témpore:

Dixit Iesus discipulis suis: « Sicut diléxit me Pater,
et ego diléxi vos. Manéte in dilectióne mea. Si præcépta

mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem sicut diléxi vos. Maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si faciétis quæ ego præcipio vobis.

Iam non dico vos servos, quia servus nescit quid facit dómínus eius: vos autem dixi amícos, quia ómnia quæ audívi a Patre meo nota feci vobis.

Non vos me elegístis, sed ego elégi vos, et pósui vos, ut vos eátis et fructum afferátis, et fructus vester máneat, ut, quodcúmque petiéritis Patrem in Nómíne meo, det vobis.

Hæc mando vobis, ut diligátis ínvicem ».

Verbum Dómini.

11

Alleluia

Io 10, 14

℞. Allelúia. ⁊. Ego sum pastor bonus, dicit Dóminus;
et cognósco oves meas,
et cognóscunt me meæ. ℞. Allelúia.

*Pro eis sanctifico me ipsum, ut sint et ipsi
sanctificati in veritate.*

✠ Lécio sancti Evangélíi secúndum Ioánnem

17, 6. 14-19

In illo témpore:

Sublevátis Iesus óculis in cælum, orávit dicens: « Pater sancte, manifestávi Nomen tuum homínibus, quos dedísti mihi de mundo. Tui erant, et mihi eos dedísti; et sermónem tuum servavérunt.

Ego dedi eis sermónem tuum, et mundus ódio eos hábuit, quia non sunt de mundo, sicut ego non sum de mundo. Non rogo ut tollas eos de mundo, sed ut serves eos ex Malo.

De mundo non sunt, sicut ego non sum de mundo. Sanctífica eos in veritáte. Sermo tuus véritas est. Sicut me misisti in mundum, et ego misi eos in mundum.

Et pro eis ego sanctífico me ipsum, ut sint et ipsi sanctificáti in veritáte ». — Verbum Dómini.

12

Alleluia

Lc 4, 18 a-19 a

℞. Allelúia. √. Evangelizáre paupéribus
misit me Dóminus,
prædicáre captívis remissionem.
℞. Allelúia.

*Sicut misit me Pater, et ego mitto vos:
Accipite Spiritum Sanctum.*

✠ Lécio sancti Evangélíi secúndum Ioánnem

20, 19-23

Cum esset sero die illo, prima sabbatórum, et fores essent clausæ, ubi erant discipuli propter metum Iudæórum, venit Iesus, et stetit in médio, et dicit eis: « Pax vobis ».

Et, cum hoc dixisset, osténdit eis manus et latus. Gavísi sunt ergo discipuli, viso Dómino.

Dixit ergo eis íterum: « Pax vobis: sicut misit me Pater, et ego mitto vos ».

Et cum hoc dixisset, insufflávít et dicit eis: « Accípite Spíritum Sanctum: quorum remisérítis peccáta, remíssa sunt eis; quorum retinuérítis, reténta sunt ».

Verbum Dómini.

Alleluia

Io 10, 14

℞. Allelúia. √. Ego sum pastor bonus, dicit Dóminus;
et cognóscō oves meas,
et cognóscunt me meæ. ℞. Allelúia.

Pasce agnos meos, pasce oves meas.

✠ Lécio sancti Evangélíi secúndum Ioánnem

21, 15-17

Cum manifestásset se Iesus discíplis suis et prandísset cum eis, dicit Simóni Petro: « Simon Ioánnis, díligis me plus his? »

Dicit ei: « Etiam, Dómine, tu scis quia amo te ».

Dicit ei: « Pasce agnos meos ».

Dicit ei íterum secúndo: « Simon Ioánnis, díligis me? »

Ait illi: « Etiam, Dómine, tu scis quia amo te ».

Dicit ei: « Pasce oves meas ».

Dicit ei tértio: « Simon Ioánnis, amas me? »

Contristátus est Petrus, quia dixit ei tértio: « Amas me? » et dicit ei: « Dómine, tu ómnia scis; tu scis quia amo te ».

Dicit ei: « Pasce oves meas ». — Verbum Dómini.

III. AD MINISTRANDUM VIATICUM

Extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ, dici potest vel Missa de Ss.ma Eucharistia (p. 1535) vel, pro opportunitate, Missa pro infirmis (p. 1429), cum orationibus quæ sequuntur.

Lectiones sumuntur ex iis quæ infra (pp. 1431-1439) vel in Ordine Unctionis infirmorum proponuntur, nisi utilitas infirmi et astantium alias lectiones seligere suadeat.

Quando tamen Missa votiva prohibetur, una e lectionibus sumi potest e textibus de quibus supra, nisi occurrat Triduum sacrum, sollemnitatis Nativitatis Domini, Epiphaniæ, Ascensionis, Pentecostes, Ss.mi Corporis et Sanguinis Christi vel alia sollemnitatis de præcepto servanda.

Collecta

Deus, cuius Fílius nobis est via, véritas et vita,
réspice cleménter fámulum tuum **N**.
et præsta, ut, tuis promissionibus se committens,
et Córporis Fílii tui recreátus,
ad regnum tuum progrediátur in pace. Per Dóminum.

Super oblata

Sacrificium nostrum, Pater sancte, intuére benígnus,
ut Agnum tibi paschálem repræséntet,
cuius pássio paradísi iánuas reserávit, et fámulum tuum **N**.
in ætérnum munus per grátiam tuam introdúcat.
Per Christum.

Post communionem

Dómine, qui es salus ætérna in te credéntium,
præsta, quæsumus, ut fámulus tuus **N**.,
cælésti pane potúque reféctus,
in regnum lúminis et vitæ secúrus pervéniat.
Per Christum.

IV. PRO SPONSIS

1. IN CELEBRATIONE MATRIMONII

Quoties Matrimonium intra Missam celebratur, dicitur, cum sacris vestibus coloris albi, Missa « Pro sponsis ». Occurrente tamen dominica vel sollemnitate, dicitur Missa de die, retentis in ea benedictione super sponsam et sponsum atque, pro oportunitate, formula propria benedictionis finalis.

Cum tamen liturgia verbi celebrationi Matrimonii apta magnam vim habeat in catechesi de ipso Sacramento et de numeribus coniugum tradenda, quando Missa « Pro sponsis » prohibetur (nisi occurrant Triduum sacrum, sollemnitates Nativitatis Domini, Epiphaniæ, Ascensionis, Pentecostes et Ss.mi Corporis et Sanguinis Christi, vel aliæ sollemnitates de præcepto servandæ), una e lectionibus sumi potest e textibus pro celebratione Matrimonii prævisis. In dominicis insuper temporis Nativitatis et « per annum », si Missa in qua celebratur Matrimonium a communitate parœciali non participatur, dici potest etiam integra Missa « Pro sponsis ».

Si Matrimonium celebratur tempore Adventus vel Quadragesimæ aliisque diebus indolem pœnitentialem præferentibus, parochus sponsos moneat, ut rationem habeant peculiaris naturæ horum temporum liturgicorum.

A

Ant. ad introitum

Ps 19, 3. 5

Mittat vobis Dóminus auxílium de sancto,
et de Sion tueátur vos.

Tribuat vobis secúndum cor vestrum,
et omne consílium vestrum confírmet.

Collecta

Deus, qui tam excellénti mystério
coniugále vínculum consecrásti,
ut Christi et Ecclésiæ sacraméntum
præsignáres in fœdere nuptiárum,

præsta, quæsumus, his fámulis tuis,
ut, quod fide percípiunt, ópere persequántur.
Per Dóminum.

Vel:

Deus, qui, in humáno génere creádo,
unitátem inter virum et mulierem esse voluísti,
fámulos tuos, qui coniugáli copulándi sunt fœdere,
uníus vínculo dilectiónis astrínge,
ut, quos in caritaté fructificáre largírís,
ipsíus caritatís testes esse concédas. Per Dóminum.

Lectiones ut infra, pp. 1146-1172.

Super oblata

Súscipe, quæsumus, Dómine,
pro sacra connúbii lege munus oblátum,
et cuius largítor es óperis,
esto dispósitor. Per Christum.

Præfatio: De dignitate fœderis nuptiarum.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
Qui fœdera nuptiárum blando concórdiæ iugo
et insolúbili pacis vínculo nexuísti,
ut multiplicándis adoptiónum fíliis
sanctórum connubiórum fecúnditas pudíca servíret.

Tua enim, Dómine, providéntia,
tuáque grátia ineffabílibus modis
utrúmque dispénsas,
ut, quod generátio ad mundi prodúxit ornátum,
regenerátio ad Ecclésiæ perdúcat augméntum:
per Christum Dóminum nostrum.

Per quem, cum Angelis et ómnibus Sanctis,
hymnum laudis tibi cánimus, sine fine dicéntes:

Sanctus, Sanctus, Sanctus Dóminus Deus Sábaoth ...

Quando adhibetur Canon Romanus, dicitur Hanc igitur proprium.
Verba, quæ uncis includuntur, omitti possunt pro opportunitate.

Hanc igitur oblatiónem servitútis nostræ,
sed et famulórum tuórum **N. et N.**
totiúsque famíliæ tuæ,
quæ pro illis tuam maiestátem exórat,
quæsumus, Dómine, ut placátus accípias:
et sicut eos ad diem nuptiárum perveníre tribuísti,
sic (tuo múnere desideráta sóbole gaudére profícias,
atque) ad optátam sériem próvehas benígnus annórum.
(Per Christum Dóminum nostrum. Amen.)

Oratio super sponsam et sponsum

Dicto Pater noster et omisso Líbera nos. sacerdos, stans ad
sponsos conversus, dicit super eos benedictionem quæ sequitur.

In invitatorio, si unus ex sponsis vel ambo non communicant, omitti possunt verba Christi Córporis et Sanguinis sacraménto.

In oratione Deus, qui potestáte, possunt omitti, pro opportunitate, duæ ex tribus paragraphis Deus, qui potestáte; Deus, qui tam excellenti; Deus, per quem múlter; ea tantum retenta paragrapho, quæ respondeat lectioni Missæ.

In última paragrapho huius orationis, verba uncis inclusa omitti possunt, sicubi rerum adiuncta id suadere videantur, ex. gr. si sponsi sint superadulti.

Sacerdos stans, manibus iunctis, dicit:

Dóminum, fratres caríssimi, suppliciter deprecémur,
ut super hanc fámulam suam,
quæ huic sponso nupsit in Christo,
benedictiónem grátiae suæ cleménter effúndat,
et quos fódere sancto coniúnxit
(Christi Córporis et Sánguinis sacraménto)
una fáciat caritáte concórdes.

Et omnes per breve tempus in silentio orant. Deinde sacerdos,
manibus extensis, prosequitur:

* Deus, qui potestáte virtútis tuæ
de níhilo cuncta fecísti,
qui, dispóitis universitátis exórdiis
et hómine ad imáginem tuam facto,
inseparábile viro mulieris adiutórium condidísti,
ut iam non duo essent, sed una caro,
docens quod unum placuísset instítui
numquam licére disiúngi:

* Deus, qui tam excellénti mystério
coniugálem cópulam consecrásti,
ut Christi et Ecclésiæ sacraméntum
præsignáres in fódere nuptiárum:

* Deus, per quem mulier iúngitur viro,
et societas, principáliter ordináta,
ea benedictióne donátur,
quæ sola nec per originális peccáti pœnam
nec per dilúvii est abláta senténtiam:

Réspice propítius super hanc fámulam tuam,
quæ, maritáli iuncta consórtio,
tua se éxpetit benedictióne muníri:
sit in ea grátia dilectiónis et pacis,
imitatríxque sanctárum permáneat feminárum,
quarum in Scriptúris laudes prædicántur.

Confídat in ea cor viri sui,
qui, parem sóciam et grátia vitæ coherédem agnóscens,
eam honóre débito proseguátur
eóque díligat semper amóre,
quo Christus suam diléxit Ecclésiám.

Et nunc te, Dómine, deprecámur,
ut hi fámuli tui nexi fídei mandatísque permáneant,
et, uni thoro iuncti,
morum sint integritáte conspícuí;
Evangéllii róbre commúniti,
bonum Christi testimónium ómnibus maniféstent;
(in sóbole sint fecúndi,
sint paréntes virtútibus comprobáti;
videant ambo fílios filiórum suórum)
et, optátam demum senectútem adépti,
ad beatórum vitam et ad cæléstia regna pervéniant.
Per Christum Dóminum nostrum.

R. Amen.

Missá deinde proseguítur more solito.

Ant. ad communionem

Cf. Eph 5, 25. 27

Christus diléxit Ecclésiám et seípsum trádidit pro ea,
ut exhibéret sibi uxórem sanctam et immaculátam.

Post communionem

Huius, Dómine, sacrificíi virtúte,
institúta providéntiæ tuæ
pio favóre comitáre,
ut, quos sancta societáte iunxísti
(et uno pane unóque cálice satiásti)
una étiam fácias caritáte concórdes.
Per Christum.

Benedictio in fine Missæ

Deus Pater ætérnus
in mútuo vos servet amóre concórdes,
ut pax Christi hábitet in vobis,
et in domo vestra iúgiter máneat.

R. Amen.

Benedictiónem habeátis in fíliis,
ab amícis solácium,
et veram cum ómnibus pacem.

R. Amen.

Caritátis Dei testes sitis in mundo,
ut, quos afflícti et egéni benígnos invénerint,
in æténa Dei tabernácula
vos grati aliquándo recípiant.

R. Amen.

Et vos omnes, qui hic simul adéstis,
benedícat omnípotens Deus,
Pater, et Fílius, ✠ et Spíritus Sanctus.

R. Amen.

B**Ant. ad introitum****Ps 89, 14. 17**

Repléti sumus mane, Dómine, misericórdia tua,
et exultávimus et delectáti sumus
ómnibus diébus nostris.
Sit splendor Dómini super nos
et super ópera mánuum nostrárum.

Collecta

Adésto, Dómine, supplicatióibus nostris,
et super hos fámulos tuos

grátiam tuam benígnus effúnde,
ut qui apud tua coniungúntur altária
in mútua caritáte firméntur.
Per Dóminum.

Lectiones ut infra, pp. 1146-1172.

Super oblata

Múnera, quæ tibi, Dómine,
lætántes offérimus,
benígnus assúme,
et, quos sacraménti fœdere coniunxísti,
patérna pietáte custódi.
Per Christum.

Præfatio: De magno sacramento Matrimonii.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Quia novum nexuísti cum tuo pópulo testaméntum,
ut, quem mortis et resurrectionis redemísses mystério,
divínæ in Christo fáceres natúræ consórtem
eiusque in cælis glóriæ coherédem.
Cuius piíssimam grátiae largitátem
in viri mulierisque significásti connúbio,
ut ad ineffábile tui amóris consílium
nos revocáret quod ágitur sacraméntum.

Et ideo, cum Angelis et ómnibus Sanctis,
te laudámus, sine fine dicéntes:

Sanctus, Sanctus, Sanctus Dóminus Deus Sábaoth ...

Quando adhibetur Canon Romanus, dicitur Hanc igitur proprium.
Verba, quæ uncis includuntur, omitti possunt pro opportunitate.

Hanc igitur oblatiónem servitútis nostræ,
sed et famulórum tuórum **N.** et **N.**
totiúsque famíliæ tuæ,
quæ pro illis tuam maiestátem exórat,
quæsumus, Dómine, ut placátus accípias:
et sicut eos ad diem nuptiárum perveníre tribuísti,
sic (tuo múnere desideráta sóbole gaudére profícias,
atque) ad optátam sériem próvehas benígnus annórum.
(Per Christum Dóminum nostrum. Amen.)

Oratio super sponsam et sponsum

Dicto Pater noster et omisso Libera nos, sacerdos, stans ad
sponso conversus, dicit super eos benedictionem quæ sequitur.

In oratione Pater sancte omitti potest, pro opportunitate,
una ex duabus paragraphis Pater sancte; Deus, qui, ad amóris,
ea tantum retenta paragrapho quæ respondeat lectioni Missæ.

Sacerdos stans, manibus iunctis, dicit:

Super hos sponso, qui, matrimónium ineúntes,
ad altáre accédunt,
ut (Christi Córporis Sanguínisque partícipes)
mútua semper dilectióne nectántur,
Dóminum deprecémur.

Et omnes per breve tempus in silentio orant. Deinde sacerdos,
manibus extensis, prosequitur:

* Pater sancte,
qui hóminem ad imáginem tuam cónditum
másculum creásti et féminam,
ut vir et múlter, in carnis et cordis unitáte coniúnti,
munus suum in mundo adimplérent:

* Deus, qui, ad amoris tui consilium revelandum,
in mútua dilectióne sponsórum
fœdus illud adumbrári voluísti,
quod ipse cum pópulo tuo iníre dignátus es,
ut, sacraménti significatióne compléta,
in fidélium tuórum coniugáli consórtio
Christi et Ecclésiæ nuptiále patéret mystérium:
super hos fámulos tuos (N. et N.)
déteram tuam, quæsumus, propitiátus exténde.

Præsta, Dómine,
ut, in huius quod íneunt sacraménti consórtio,
inter se amoris tui dona comunicent,
et, præsentíæ tuæ signum ínvicem ostendéntes,
cor unum fiant et ánima una.

Da étiam, Dómine,
ut domum, quam ædíficant, ópere quoque susténtent,
filiósque suos, evangélica disciplína formátos,
cælésti famíliæ tuæ præparent cooptándos.

Hanc fámulam tuam N.
tuis dignéris benedictiónibus cumuláre,
ut, uxóris ac matris múnera complens,
casta suam domum dilectióne refóveat,
et grátia décoret affábili.

Hunc étiam fámulum tuum N.
cælésti, Dómine, benedictióne proséquere,
ut maríti fidélis offícia digne persólvat
et próvidi patris.

Concéde, Pater sancte,
ut, qui coram te coniúgio copuláti
ad mensam tuam accédere cúpiunt,
cæléste aliquándo convívium participáre læténtur.
Per Christum Dóminum nostrum.

R. Amen.

Missa deinde proseguitur more solito.

Ant. ad communionem

Io 13, 34

Mandátum novum do vobis, ut diligátis ínicem,
sicut diléxi vos, dicit Dóminus.

Post communionem

Mensæ tuæ partícipes effécti,
quæsumus, Dómine,
ut, qui nuptiárum iungúntur sacraménto,
tibi semper adhæreant,
et tuum homínibus nomen annúntient.
Per Christum.

Benedictio in fine Missæ

Deus Pater omnípotens gáudium suum vobis concédát
et in fíliis vos benedícat.

℟. Amen.

Unigénitus Dei Fílius in prósperis et advérsis
vobis miserátus assístat.

℟. Amen.

Spíritus Dei Sanctus caritátem suam
in corda vestra semper effúndat.

℟. Amen.

Et vos omnes, qui hic simul adéstis,
benedícat omnípotens Deus,
Pater, et Fílius, ✝ et Spíritus Sanctus,

℟. Amen.

C

Ant. ad introitum

Ps 144, 2. 9

Per síngulos dies benedícam tibi, Dómine,
et laudábo nomen tuum in sáeculum sáeculi,
quia suávis es univérsis,
et miseratiónes tuæ super ómnia ópera tua.

Collecta

Præsta, quæsumus, omnipotens Deus,
ut hi fámuli tui, nuptiárum sacramento iungéndi,
in fide quam profiténtur accréscent,
et sóbole fidéli tuam ditent Ecclésiám. Per Dóminum.

Lectiones ut infra, pp. 1146-1172.

Super oblata

Propitiáre, Dómine, supplicatióibus nostris,
et has oblatiões, quas tibi pro his fámulis tuis
sancto fœdere copulátis offérimus,
benígno súscipe vultu,
ut per hæc mystéria
in mútua caritaté tuóque amóre firméntur.
Per Christum.

Præfatio: De Matrimonio ut signum divinæ caritatis.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnipotens ætérne Deus:
Qui hómínem pietátis tuæ dono creátum
ad tantam voluísti dignitátem extólli,
ut in viri mulierisque consórtio
veram relínqueres tui amóris imáginem;
quem enim ex caritaté creásti,
eum ad caritátis legem vocáre non désinis,
ut ætérnæ tuæ caritátis partícipem esse concédas.

Cuius connúbii sancti mystérium
dum tuæ dilectiónis signum exsístit,
amórem sacrat humánum:
per Christum Dóminum nostrum.

Per quem, cum Angelis et ómnibus Sanctis,
hymnum laudis tibi cánimus, sine fine dicéntes:

Sanctus, Sanctus, Sanctus Dóminus Deus Sábaoth ...

Quando adhibetur Canon Romanus, dicitur Hanc igitur proprium
Verba, quæ uncis includuntur, omitti possunt pro opportunitate.

Hanc igitur oblatiónem servitútis nostræ,
sed et famulórum tuórum **N.** et **N.**
totiúsque familiæ tuæ,
quæ pro illis tuam exórat maiestátem,
quæsumus, Dómine, ut placátus accípias:
et sicut eos ad diem nuptiárum perveníre tribuísti,
sic (tuo múnere desideráta sóbole gaudére profícias,
atque) ad optátam sériem próvehas benígnus annórum.
(Per Christum Dóminum nostrum. Amen.)

Oratio super sponsam et sponsum

Dicto Pater noster et omisso Libera nos, sacerdos, stans ad
sponsos conversus, dicit super eos benedictionem quæ sequitur:

Précibus nostris, fratres caríssimi,
super hos sponso
Dei benedictionem súpplíces invocémus,
ut ipse suo fóveat benígnus auxílio,
quos ditávit connúbii sacraménto.

Et omnes per breve tempus in silentio orant. Deinde sacerdos,
manibus extensis, prosequitur:

Pater sancte, mundi cónditor univérsi,
qui virum atque mulíerem
ad imáginem tuam creásti,

eorúmque societátem tua voluísti benedictióne cumulári,
te pro hac sponsa humíliter deprecámur,
quæ hódie viro suo nuptiárum iúngitur sacraménto.

Super eam, Dómine, eiúsque vitæ consórtem
benedictio tua copiósa descéndat,
ut, dum mútuo connúbii dono fruúntur,
famíliam ornent filiis, ditent Ecclésiám.

Læti te laudent, Dómine, te mæsti requírant;
te in labóribus sibi gáudeant adesse ut fáveas,
te séntiant in necessitátibus astáre ut lénias;
te in cœtu sancto precéntur,
tuos in mundo se testes osténdant;
et, adépti prósperam senectútem
cum hac qua circumdántur amicórum coróna,
ad cæléstia regna pervéniant.

Per Christum Dóminum nostrum.

℞. Amen.

Missa deinde prosequitur more solito.

Ant. ad communionem

Ps 33, 1. 9

Benedícam Dóminum in omni témpore,
semper laus eius in ore meo.
Gustáte et vidéte quóniam suávis est Dóminus;
beátus vir, qui sperat in eo.

Post communionem

Concéde, quæsumus, omnípotens Deus,
ut accépti virtus sacraménti
in his fámulis tuis sumat augméntum,
et hóstiæ quam obtúlimus
a nobis ómnibus percipiátur efféctus.
Per Christum.

Benedictio in fine Missæ

Dóminus Iesus,
qui núptiis in Cana adesse dignátus est,
vobis et propínquis vestris
benedictiónem suam largiátur.

℞. Amen.

Ipse, qui Ecclésiám diléxit in finem,
amórem suum in corda vestra
indésinénter effúndat.

℞. Amen.

Det vobis Dóminus,
ut, eius resurrectionis fidem testántes,
beátam spem exspectétis in gáudio.

℞. Amen.

Et vos omnes, qui hic simul adéstis,
benedícat omnípotens Deus,
Pater, et Fílius, ✝ et Spíritus Sanctus.

℞. Amen.

Lectio prima

1

Masculum et feminam creavit eos.

Lectio libri Génesis

1, 26-28. 31 a

Ait Deus: « Faciámus hóminem ad imáginem et similitúdinem nostram; et præsit pískibus maris et volatílibus cæli, et béstiis universæque terræ, omníque réptili, quod movétur in terra ».

Et creávit Deus hóminem ad imáginem suam; ad imáginem Dei creávit illum: másculum et féminam creávit eos.

Benedixítque illis Deus et ait: « Créscite et multiplicámini, et repléte terram, et subícite eam, et dominámini pískibus maris et volatílibus cæli et univérssis animántibus, quæ movéntur super terram ».

Vidítque Deus cuncta quæ fécerat, et erant valde bona. — Verbum Dómini.

Psalmus responsorius

Ps 32, 12 et 18. 20-21. 22 (R.: 5 b)

R. Misericórdia Dómini plena est terra.

- 12 Beáta gens, cui Dóminus est Deus,
pópulus, quem elégit in hereditátem sibi.
- 18 Ecce óculi Dómini super metuéntes eum,
in eos qui sperant super misericórdia eius. R.
- 20 Anima nostra sústinet Dóminum,
quóniam adiútor et protéctor noster est;
- 21 quia in eo lætábitur cor nostrum,
et in nómine sancto eius sperávimus. R.
- 22 Fiat misericórdia tua, Dómine, super nos,
quemádmódum sperávimus in te. R.

2

Et erunt duo in carne una.

Lectio libri Génesis

2, 18-24

Dixit Dóminus Deus: « Non est bonum esse hóminem solum; faciámus ei adiutórium símile sibi ».

Formátis ígitur, Dóminus Deus, de humo cunctis animántibus terræ et univérsis volatílibus cæli, addúxit ea ad Adam, ut vidéret quid vocáret ea; omne enim quod vocávit Adam ánimæ vivéntis ipsum est nomen eius. Appellávitque Adam nomínibus suis cuncta animántia, et univérſa volatília cæli, et omnes béstias terræ. Adæ vero non inveniebátur adiútor símilis eius.

Immísit ergo Dóminus Deus sopórem in Adam; cumque obdormísset, tulit unam de costis eius, et replévit carnem pro ea, et ædificávit Dóminus Deus costam, quam túlerat de Adam, in mulierem, et addúxit eam ad Adam.

Dixítque Adam: « Hoc nunc os ex óssibus meis, et caro de carne mea: hæc vocábitur “ Virágo ”, quóniam de viro sumpta est ».

Quámobrem relínquet homo patrem suum et matrem, et adhærébit uxóri suæ, et erunt duo in carne una. — Verbum Dómini.

Psalmus responsorius

Ps 148, 1-2. 3-4. 9-10. 11-13 (R.: cf. 12 c)

R. Laudáte nomen Dómini.

vel Allelúia.

1 Laudáte Dóminum de cælis,

laudáte eum, in excélsis.

2 Laudáte eum, omnes ángeli eius,

laudáte eum, omnes virtútes eius. R.

- 3 Laudáte eum, sol et luna,
laudáte eum, omnes stellæ et lumen.
- 4 Laudáte eum, cæli cælórum,
et aquæ omnes quæ super cælos sunt. *R.*
- 9 Montes et omnes colles,
ligna fructífera et omnes cedri,
- 10 béstiæ et univérſa pécora,
serpéntes et vólucres pennátæ. *R.*
- 11 Reges terræ et omnes pópuli,
príncipes et omnes iúdiceſ terræ,
- 12 iúvenes et vírgines,
senes cum iunióribus,
- 13 laudent nomen Dómini,
quia exaltátum est nomen eius solíus. *R.*

3

*Tantum dilexit Isaac Rebeccam, ut dolorem,
qui ex morte matris eius acciderat, temperaret.*

Léctio libri Génesis

24, 48-51. 58-67

In diébus illis:

Servus Abraham dixit ad Laban: « Benedíxi Dómino Deo dómini mei Abraham, qui perdúxit me recto itinere, ut súmerem fíliam fratris dómini mei fílio eius. Quámobrem, si fácitis misericórdiam et veritátem cum dómno meo, indicáte mihi; sin autem áliud placet, et hoc dícite mihi, ut vadam ad dexteram sive ad sinistram ».

Responderúntque Laban et Báthuel: « A Dómino egréſſus est sermo; non póſſumus extra plácitum eius quidquam áliud loqui tecum. En Rebécca coram te est; tolle eam et proficíſcere, et sit uxor fílii dómini tui, sicut locútus est Dóminus ».

Cumque vocáta venísset, sciscitáti sunt: « Vis ire cum hómine isto? »

Quæ ait: « Vadam ».

Dimisérunt ergo eam et nutrícem illius, servúmque Abraham et cómites eius, imprecántes próspera soróri suæ atque dicéntes: « Soror nostra es, crescas in mille mília, et possídeat semen tuum portas inimicórum suórum ». Igitur Rebécca et puéllæ illius, ascénsis camélis, secútæ sunt virum, qui festínus revertebátur ad dómínium suum.

Eo autem témpore deambulábat Isaac per viam quæ ducit ad púteum, cuius nomen est « Vivéntis et Vidéntis »; habitábat enim in terra austráli. Et egréssus fúerat ad meditándum in agro, inclináta iam die. Cumque elevásset óculos, vidit camélos veniéntes procul.

Rebécca quoque, conspécto Isaac, descendit de camélo, et ait ad púerum: « Quis est ille homo, qui venit per agrum in occúrsum nobis? »

Dixítque ei: « Ipse est dómínus meus ». At illa tollens cito pállium opérui se. Servus autem cuncta quæ gesserat narrávit Isaac. Qui introdúxit eam in tabernáculum Saræ matris suæ, et accépit eam uxórem; et in tantum diléxit eam, ut dolórem, qui ex morte matris eius accíderat, temperáret. — Verbum Dómini.

Psalmus responsorius

Ps 144, 8-9. 10 et 15. 17-18 (R.: 9 a)

R. Suávis Dóminus univérsis.

Miserátor et miséricors Dóminus,
longánimis et multæ misericórdiæ.

Suávis Dóminus univérsis,
et miseratiónes eius super ómnia ópera eius. R.

Confiteántur tibi, Dómine, ómnia ópera tua;
et sancti tui benedícant tibi.

- 15 Oculi ómnium in te sperant,
et tu das illis escam in témpore opportúno. *R.*
- 17 Iustus Dóminus in ómnibus viis suis,
et sanctus in ómnibus opéribus suis.
- 18 Prope est Dóminus ómnibus invocántibus eum,
ómnibus invocántibus eum in veritáte. *R.*

4

*Ipse coniungat vos impleatque benedictionem
suam in vobis*

Léctio libri Tobíæ

7, 9 c-10. 11 c-17

In diébus illis:

Cum hortarétur Ráguel eum discúmbere ad prándium, Tobías dixit: « Hic ego hódie non manducábo neque bibam, nisi prius petitióem meam confírmes, et promíttas mihi dare Saram filiam tuam ».

Cum nutáret Ráguel et non daret peténti ullum respónsum, dixit ei Angelus: « Noli timére dare eam isti, quóniam huic timénti Deum debétur coniux filia tua: proptérea álius non pótuit habére illam ».

Tunc dixit Ráguel: « Non dúbito quod Deus preces et lácrimas meas in conspéctu suo admíserit, et credo quóniam ídeo fecit vos veníre ad me, ut ista coniungerétur cognatióni suæ secúndum legem Móysi, et nunc noli dúbium gérere quod tibi eam tradam ».

Et apprehéndens dexteram filíæ, dexteræ Tobíæ trádidit, dicens: « Deus Abraham, Deus Isaac et Deus Iacob vobíscum sit, et ipse coniúngat vos impleátque benedictiόem suam in vobis ».

Et accépta charta, fecérunt conscriptiόem coniúgii. Et post hæc epuláti sunt, benedicétes Deum.

Verbum Dómini.

Psalmus responsorius

Ps 32, 12 et 18. 20-21. 22 (R.: 5 b)

R. Misericórdia Dómini plena est terra.

- 12 Beáta gens, cui Dóminus est Deus,
pópulus, quem elégit in hereditátem sibi.
18 Ecce óculi Dómini super metuéntes eum,
in eos qui sperant super misericórdia eius. R.
20 Anima nostra sústinet Dóminum,
quóniam adiútor et protéctor noster est;
21 quia in eo lætábitur cor nostrum,
et in nómine sancto eius sperávimus. R.
22 Fiat misericórdia tua, Dómine, super nos,
quemádmódum sperávimus in te. R.

5

Consenescamus ambo pariter sani.

Léctio libri Tobíæ

8, 5-10

Sero nuptiárum Tobías dixit Saræ: « Fílii sanctórum sumus et non póssumus ita coniúngi sicut gentes quæ ignórant Deum ». Surgéntes autem páriter instánter orábant ambo simul, ut sánitas darétur eis.

Dixítque Tobías: « Dómine Deus patrum nostrórum, benedicant te cæli et terræ, maréque et fontes et flúmina, et omnes creatúræ tuæ quæ in eis sunt. Tu fecísti Adam de limo terræ, dedístique ei adiutórium Evam.

Et nunc, Dómine, tu scis quia non luxúriæ causa accípio sorórem meam cóniugem, sed sola posteritátis dilectióne, in qua benedicátur nomen tuum in sácula sæculórum ».

Dixit quoque Sara: « Miserére nobis, Dómine, miserére nobis, et consenescámus ambo páriter sani ».

Verbum Dómini.

Psalmus responsorius

Ps 102, 1-2. 8 et 13. 17-18 a (R.: 8 a)

R. Miserátor et miséricors Dóminus.

¹ Bénedic, ánima mea, Dómino;
et ómnia quæ intra me sunt, nómini sancto eius.
² Bénedic, ánima mea, Dómino,
et noli oblivísci omnes retributiónes eius. R.

⁸ Miserátor et miséricors Dóminus,
longánimis et multæ misericórdiæ.
¹³ Quómodo miserétur pater filiórum,
misértus est Dóminus timéntibus se. R.

¹⁷ Misericórdia autem Dómini ab ætérno,
et usque in ætérnum super timéntes eum,
et iustítia illíus in filios filiórum;
¹⁸ in eos qui servant testaméntum eius. R.

6

Fortis est ut mors dilectio.

Léctio Cántici canticórum 2, 8-10. 14. 16 a; 8, 6-7 a

Vox dilécti mei: Ecce iste venit sáliens in móntibus, transíliens colles. Símilis est diléctus meus cáprea hinnulóque cervórum. En ipse stat post parietem nostrum, respiciens per fenéstas, prospiciens per cancellos.

En diléctus meus lóquitur mihi: « Surge, próperea, amíca mea, colúmba mea, formósa mea, et veni, colúmba mea, in foramínibus petræ, in cavérna macériæ, osténde mihi fáciem tuam, sonet vox tua in áuribus meis: vox enim tua dulcis, et fácies tua decóra ».

Diléctus meus mihi, et ego illi.

Qui dixit mihi: « Pone me ut signáculum super cor tuum, ut signáculum super bráccium tuum, quia

fortis est ut mors diléctio, dura sicut inférnus æmulátio, lámpades eius lámpades ignis atque flammárum.

Aquæ multæ non potuérunt exstinguere caritátem, nec flúmina óbruent illam ». — Verbum Dómini.

Psalmus responsorius

Ps 127, 1-2. 3. 4-5 (R.: 4)

R. Ecce sic benedicétur homo, qui timet Dóminum.

1 Beátus omnis qui timet Dóminum,
qui ámbulat in viis eius.

2 Labóres mánuum tuárum manducábis,
beátus es, et bene tibi erit. R.

3 Uxor tua sicut vitis fructífera
in latéribus domus tuæ;
fílii tui sicut novéllæ olivárum
in circúitu mensæ tuæ. R.

4 Ecce sic benedicétur homo,
qui timet Dóminum.

5 Benedícat tibi Dóminus ex Sion,
et vídeas bona Ierúsalem
óm nibus diébus vitæ tuæ. R.

7

*Sicut sol oriens, sic mulieris bonæ species
in ornamentum domus eius.*

Léctio libri Sirácidæ

26, 1-4. 16-21

Mulieris bonæ beátus vir; númerus enim annórum illius duplex. Múlier fortis oblétat virum suum, et annos vitæ illius in pace implébit.

Pars bona múlier bona, in parte timéntium Deum dábitur viro pro factis bonis; dívitis autem et páuperis cor bonum, in omni témpore vultus illórum hílaris.

Grátia mulieris sédulæ delectábit virum suum, et ossa illíus impinguábit disciplína illíus. Datum Dei est múlter sensáta et tácita, non est immutátio eruditæ ánimæ. Grátia super grátiam múlter sancta et pudoráta. Omnis autem ponderátio non est digna continéntis ánimæ.

Sicut sol óriens mundo in altíssimis Dei, sic mulier bonæ spécies in ornaméntum domus eius.

Verbum Dómini.

Psalmus responsorius

Ps 33, 2-3. 4-5. 6-7. 8-9 (R.: 2 a)

R. Benedícam Dóminum in omni témpore.

2 Benedícam Dóminum in omni témpore,
semper laus eius in ore meo.

3 In Dómino gloriábitur ánima mea,
áudiant mansuétí et læténtur. R.

4 Magnificáte Dóminum mecum,
et exaltémus nomen eius in idípsum.

5 Exquisívi Dóminum, et exaúdívit me,
et ex ómnibus terróribus meis erípuit me. R.

6 Respícite ad eum, et illuminámini,
et fácies vestræ non confundéntur.

7 Iste pauper clamávit,
et Dóminus exaúdívit eum,
et de ómnibus tribulatió nibus eius
salvávit eum. R.

8 Vallábit ángelus Dómini
in circúitu timéntes eum,
et erípiet eos.

9 Gustáte et vidéte quóniam suávis est Dóminus;
beátus vir qui sperat in eo. R.

*Feriam domui Israel et domui Iuda
fœdus novum.*

Lectio libri Ieremiæ prophætæ 31, 31-32 a. 33-34 a

« Ecce dies vénient, dicit Dóminus, et feriam domui Israel et domui Iuda fœdus novum, non secúndum pactum, quod pépigi cum pátribus eórum, in die qua apprehéndi manum eórum, ut edúcerem eos de terra Ægýpti.

Sed hoc erit pactum, quod feriam cum domo Israel post dies illos, dicit Dóminus; dabo legem meam in viscéribus eórum, et in corde eórum scribam eam; et ero eis in Deum, et ipsi erunt mihi in pópulum.

Et non docébit ultra vir próximum suum, et vir fratrem suum dicens: " Cognósce Dóminum "; omnes enim cognóscent me, a mínimo eórum usque ad máximum », ait Dóminus. — Verbum Dómini.

Psalmus responsorius

Ps 111, 1-2. 3-4. 5-7 a. 7 bc-8. 9 (R.: cf. 1)

R. Beátus vir qui in mandátis Dómini cupit nimis.

vel Allelúia.

Beátus vir qui timet Dóminum,
in mandátis eius cupit nimis.

Potens in terra erit semen eius,
generátio rectórum benedicétur. R.

Glória et divítiæ in domo eius,
et iustítia eius manet in sáculum sáculi.

Exórtum est in ténebris lumen rectis,
miséricors et miserátor et iustus. R.

Iucúndus homo qui miserétur et cómmodat,
dispónet res suas in iudício,

quia in ætérnum non commovébitur.

In memória æténa erit iustus,
ab auditióne mala non timébit. *R.*

Parátum cor eius, sperans in Dómino,
confirmátum est cor eius, non timébit,
donec despíciat inimícos suos. *R.*

Distribuit, dedit paupéribus;
iustítia eius manet in sáculum sáculi,
cornu eius exaltábitur in glória. *R.*

Lectio secunda

1

Quis nos separabit a caritate Christi?

Léctio Epístolæ beáti Pauli apóstoli
ad Romános

8, 31 b-35. 37-39

Fratres:

Si Deus pro nobis, quis contra nos? Qui Fílio suo non pepércit, sed pro nobis ómnibus trádedit illum, quómodo non étiam cum illo ómnia nobis donábit?

Quis accusábit advérsus eléctos Dei? Deus qui iustificat. Quis est qui condémnet? Christus Iesus, qui mórtuus est, immo qui suscitátus est, qui et est ad dexteram Dei, qui étiam interpéllat pro nobis.

Quis nos separábit a caritáte Christi? tribulátio, an angústia, an persecútio, an fames, an núditas, an periculum, an gládus? Sed in his ómnibus supervíncimus per eum qui diléxit nos.

Certus sum enim quia neque mors neque vita, neque ángeli neque principátus, neque instántia neque fu-

túra, neque virtútes, neque altitúdo neque profúndum, neque ália quælibet creatúra póterit nos separáre a caritáte Dei, quæ est in Christo Iesu Dómino nostro.

Verbum Dómini.

2

* *Exhibete corpora vestra hostiam viventem, sanctam, Deo placentem.*

Léctio Epístolæ beáti Pauli apóstoli

ad Romános

12, 1-2. 9-18

Obsecro vos, fratres, per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sáculo, sed transformámini renovatióne mentis, ut probétis quid sit volúntas Dei, quid bonum et benéplacens et perféctum.

Diléctio sine simulatióne, odiéntes malum, adhæréntes bono, caritáte fraternitátis ínvicem diligéntes, honóre ínvicem præveniéntes, sollicitúdine non pigri, spíritu fervéntes, Dómino serviéntes, spe gaudéntes, in tribulatióne patiéntes, oratióni instántes, necessitatibus sanctórum comunicántes, hospitalitátem sectántes.

Benedícite persecuéntibus, benedícite et nolíte maledícere.

Gaudére cum gaudéntibus, flere cum fléntibus, idípsum ínvicem sentiéntes, non alta sapiéntes sed humílibus consentiéntes.

Nolíte esse prudéntes apud vosmetípsos. Nulli malum pro malo reddéntes, providéntes bona coram ómnibus homínibus. Si fieri potest, quod ex vobis est, cum ómnibus homínibus pacem habéntes. — Verbum Dómini.

vel brevior

Léctio Epístolæ beāti Pauli apóstoli
ad Romános

12, 1-2. 9-13

Obsecro vos, fratres, per misericórdiam Dei, ut exhibeátis cörpera vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sáculo, sed transformámini renovatióne mentis, ut probétis quid sit volúntas Dei, quid bonum et benéplacens et perféctum.

Diléctio sine simulatióne, odiéntes malum, adhæréntes bono, caritáte fraternitátis ínvicem diligéntes, honóre ínvicem præveniéntes, sollicitúdine non pigri, spíritu fervéntes, Dómino serviéntes, spe gaudéntes, in tribulatióne patiéntes, oratióni instántes, necessitatibus sanctórum comunicántes, hospitalitátem sectántes. — Verbum Dómini.

3

Corpus vestrum templum est Spiritus Sancti.

Léctio Epístolæ primæ beāti Pauli apóstoli
ad Corínthios

6, 13 c-15 a. 17-20

Fratres:

Corpus non fornicatióni, sed Dómino, et Dóminus cörperi. Deus vero et Dóminum suscitávit, et nos suscitábit per virtútem suam. Nescítis quóniam cörpera vestra membra sunt Christi?

Qui autem adhæret Dómino, unus spíritus ést. Fúgite fornicatióne. Omne peccátum quodcúmque fécerit homo, extra corpus est; qui autem fornicátur, in corpus suum peccat.

An nescitis quóniam corpus vestrum templum est Spíritus Sancti, qui in vobis est, quem habétis a Deo, et non estis vestri? Empti enim estis pretio. Glorificáte ergo Deum in córpore vestro.

Verbum Dómini.

4

Si caritatem non habuero, nihil mihi prodest.

Léctio Epístolæ primæ beáti Pauli apóstoli
ad Corínthios

12, 31 — 13, 8 a

Fratres:

Æmulámini charísmata maióra. Et adhuc excellentiorem viam vobis demónstro.

Si linguis hóminum loquar et angelórum, caritátem autem non hábeam, factus sum velut æs sonans aut cýmbalum tinniens.

Et si habúero prophetíam et nóverim mystéria ómnia et omnem sciéntiam, et si habúero omnem fidem, ita ut montes tránsferam, caritátem autem non habúero, nihil sum.

Et si distribúero in cibos omnes facultátes meas; et si tradídero corpus meum, ut glórier, caritátem autem non habúero, nihil mihi prodest.

Cáritas pátiens est, benígna est cáritas, non æmulá-tur, non agit supérbe, non inflátur, non est ambitiós-a, non quærit quæ sua sunt, non irritátur, non cógitat ma-lum, non gaudet super iniquitátem, congáudet autem ve-ritáti; ómnia suffert, ómnia credit, ómnia sperat, óm-nia sústinet.

Cáritas numquam éxcidit. — Verbum Dómini.

5

* *Sacramentum hoc magnum est, ego autem dico
de Christo et Ecclesia.*

Léctio Epístolæ beáti Pauli apóstoli
ad Ephésios

5, 2 a. 21-33

Fratres:

Ambuláte in dilectióne, sicut et Christus diléxit nos
et trádedit se ipsum pro nobis.

Subiécti estóte invicem in timóre Christi. Mulieres
viris suis sicut Dómino; quóniam vir caput est mulieris,
sicut et Christus caput est Ecclésiæ, ipse Salvátor córpo-
ris. Sed ut Ecclésia subiécta est Christo, ita et mulieres
viris in ómnibus.

Viri, dilígite uxóres, sicut et Christus diléxit Ecclé-
siam, et se ipsum trádedit pro ea, ut illam sanctificáret
mundans lavácro aquæ in verbo, ut exhibéret ipse sibi
gloriósam Ecclésiám, non habéntem máculam aut rugam
aut áliquid eiúsmodi; sed ut sit sancta et immaculáta.

Ita et viri debent dilígere uxóres suas ut córpora sua.
Qui suam uxórem diligit, se ipsum diligit. Nemo enim
umquam carnem suam ódio hábuit, sed nutrit et fove-
eam, sicut et Christus Ecclésiám: quia membra sumus
córporis eius. Propter hoc relínquet homo patrem et ma-
trem et adhærébit uxóri suæ, « et erunt duo in carne
una ».

Sacraméntum hoc magnum est, ego autem dico de
Christo et Ecclésia. Verúmtamen et vos sínguli, unusquis-
que suam uxórem sicut se ipsum diligit; uxor autem
tímeat virum. — Verbum Dómini.

vel brevior

Lectio Epistolæ beāti Pauli apóstoli
ad Ephésios

5, 2 a. 25-32

Fratres:

Ambuláte in dilectióne, sicut et Christus diléxit nos et trádidit se ipsum pro nobis.

Viri, diligite uxóres, sicut et Christus diléxit Ecclésiám, et se ipsum trádidit pro ea, ut illam sanctificáret mundans lavácro aquæ in verbo, ut exhibéret ipse sibi gloriósam Ecclésiám, non habéntem máculam aut rugam aut áliquid eiúsmodi; sed ut sit sancta et immaculáta.

Ita et viri debent diligere uxóres suas ut córpora sua. Qui suam uxórem diligit, se ipsum diligit. Nemo enim umquam carnem suam ódio hábuit, sed nutrit et fovet eam, sicut et Christus Ecclésiám; quia membra sumus córporis eius. Propter hoc relínquet homo patrem et matrem et adhærébit uxóri suæ, « et erunt duo in carne una ».

Sacraméntum hoc magnum est, ego autem dico de Christo et Ecclésia. — Verbum Dómini.

6

*Super omnia caritatem habete, quod est
vinculum perfectionis.*

Lectio Epistolæ beāti Pauli apóstoli ad Colossénses

3, 12-17

Fratres:

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis,

si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritatém, quod est vínculum perfectiónis; et pax Christi dominétur in córdibus vestris ad quam et vocáti estis in uno córpore; et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetipsos psalmis, hymnis, cánticis spiritalibus, in grátia cantántes in córdibus vestris Deo.

Et omne quodcúmque fácitis in verbo aut in ópere, ómnia in Nómine Dómini Iesu, grátias agéntes Deo Patri per ipsum. — Verbum Dómini.

7

*Omnes unanimes, compatientes,
fraternitatis amatores.*

Léctio Epístolæ primæ beáti Petri apóstoli 3, 1-9

Caríssimi:

Mulieres súbditæ sint suis viris, ut et si qui non credunt verbo, per mulierum conversatiónem sine verbo lucrífiant; considerántes castam in timóre conversatió-nem vestram. Quarum sit non extrínsecus capillatúra aut circumdatiónis auri aut induménti vestimentórum cultus; sed qui absconditus cordis est homo, in incorruptibilitáte mitis et quiéti spíritus, qui est in conspéc-tu Dei lócuples.

Sic enim aliquándo et sanctæ mulieres sperántes in Deo ornábant se, subiéctæ própriis viris, sicut Sarra obœdiébat Abrahæ, dómínium eum vocans; cuius estis filiaë benefaciéntes et non timéntes ullam perturba-tiónem.

Viri simíliter cohabitántes secúndum sciéntiam, qua-

si infirmiori vaso muliebri impertiētes honorem, tamquam et coherēdibus grātiae vitæ, uti ne impediāntur oratiōes vestræ.

In fine autem omnes unānimes, compatiētes, fraternitātis amatōres, misericōrdes, hūmiles; non reddētes malum pro malo, vel maledictum pro maledicto, sed e contrārio benedicētes, quia in hoc vocāti estis, ut benedictiōnem hereditate accipiātis.

Verbum Dómini.

8

Diligamus in opere et veritate.

Lectio Epístolæ primæ beāti Ioānnis apóstoli 3, 18-24

Filioli, non diligāmus verbo nec lingua, sed in ópere et veritate. In hoc cognoscēmus quóniam ex veritate sumus, et in conspēctu eius placābimus corda nostra. Quóniam, si reprehēderit nos cor, maior est Deus corde nostro et cognóscit ómnia.

Caríssimi, si cor nostrum non reprehēderit nos, fidúciā habēmus ad Deum; et quodcúmque petiērimus accipimus ab eo, quóniam mandáta eius custodimus, et ea quæ sunt plácita coram eo fácimus.

Et hoc est mandátum eius, ut credāmus in Nómine Filii eius Iesu Christi et diligāmus altérutrum, sicut dedit mandátum nobis. Et qui servat mandáta eius in ipso manet, et ipse in eo; et in hoc cognóscimus quóniam manet in nobis, ex Spíritu, quem nobis dedit.

Verbum Dómini.

9

Deus caritas est.

Lectio Epístolæ primæ beāti Ioānnis apóstoli 4, 7-12

Caríssimi, diligāmus ínvicem, quóniam caritas ex Deo

est; et omnis qui diligit ex Deo natus est et cognóscit Deum. Qui non diligit non cognóvit Deum, quóniam Deus caritas est. In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum.

In hoc est caritas, non quasi nos dilexérimus Deum, sed quóniam ipse diléxit nos et misit Fílium suum propitiatióem pro peccátis nostris.

Caríssimi, si sic Deus diléxit nos, et nos debémus altérutrum diligere. Deum nemo vidit umquam. Si diligámus invicem, Deus in nobis manet, et caritas eius in nobis consummáta est. — Verbum Dómini.

Evangelium

1

Alleluia

Cf. 1 Io 4, 8 b. 11

℞. Allelúia. ∿. Deus caritas est;
diligámus nos invicem, sicut Deus diléxit
nos. ℞. Allelúia.

*Gaudete et exsultate, quoniam merces vestra
copiosa est in cælis.*

✠ Lécio sancti Evangélíi secúndum Mattháeum

5, 1-12 a

In illo témpore:

Videns Iesus turbas ascéndit in montem, et, cum sedísset, accessérunt ad eum discípuli eius. Et apériens os suum docébat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis et persecúti vos fúerint, et dixerint omne malum advérsus vos, mentientes, propter me: gaudéte et exsultáte, quóniam merces vestra copiósa est in cælis ».

Verbum Dómini.

2

Alleluia

1 Io 4, 12

R. Allelúia. V. Si diligámus ínvicem,
Deus in nobis manet,
et caritas eius in nobis perfécta est.

R. Allelúia.

Vos estis lux mundi.

✠ Lécio sancti Evangélíi secúndum Matthæum

5, 13-16

In illo témpore:

Dixit Iesus discípulis suis: « Vos estis sal terræ; quod si sal evanúerit, in quo salietur? Ad níhilum valet ultra, nisi ut mittátur foras et conculcétur ab homínibus.

Vos estis lux mundi. Non potest civitas abscondi supra montem pósita, neque accéndunt lucérnam et ponunt eam sub módio, sed super candelábrum, ut luceat ómnibus qui in domo sunt. Sic luceat lux vestra coram homínibus, ut vídeant vestra bona ópera, et gloríficent Patrem vestrum qui in cælis est ». — Verbum Dómini.

Alleluia

1 Io 4, 16

R. Allelúia. V. Qui manet in caritáte, in Deo manet,
et Deus in eo. R. Allelúia.

* *Ædificavit domum suam supra petram.*

✠ Lécio sancti Evangélíi secúndum Matthæum

7, 21. 24-29

In illo témpore:

Dixit Iesus discipulis suis: « Non omnis qui dicit mihi: " Dómine, Dómine " intrábit in Regnum cælórum, sed qui facit voluntátem Patris mei, qui in cælis est.

Omnis ergo qui audit verba mea hæc et facit ea, assimilábitur viro sapiénti, qui ædificávit domum suam supra petram; et descéndit plúvia et venérunt flúmina et flavérunt venti et irruérunt in domum illam, et non cécidit; fundáta enim erat supra petram.

Et omnis qui audit verba mea hæc et non facit ea, símilis erit viro stulto, qui ædificávit domum suam supra arénam; et descéndit plúvia et venérunt flúmina et flavérunt venti et irruérunt in domum illam, et cécidit, et fuit ruína eius magna ».

Et factum est, cum consummáset Iesus verba hæc, admirábantur turbæ super doctrínam eius; erat enim docens eos sicut potestátem habens, et non sicut scribæ eórum. — Verbum Dómini.

vel brevior

✠ Lécio sancti Evangélíi secúndum Matthæum

In illo témpore:

7, 21. 24-25

Dixit Iesus discipulis suis: « Non omnis qui dicit mihi: " Dómine, Dómine " intrábit in Regnum cæló-

rum, sed qui facit voluntátem Patris mei qui in cælis est.

Omnis ergo qui audit verba mea hæc et facit ea, assimilábitur viro sapiénti, qui ædificávit domum suam supra petram; et descendit plúvia et venérunt flúmina et flavérunt venti et irruérunt in domum illam, et non cécidit; fundáta enim erat supra petram ».

Verbum Dómini.

4

Alleluia

1 Io 4, 7 b

℞. Allelúia. ∿. Omnis qui díligit ex Deo natus est, et cognóscit Deum. ℞. Allelúia.

Quod Deus coniunxit, homo non separet.

✠ Lécio sancti Evangélii secúndum Matthæum

In illo témpore:

19, 3-6

Accessérunt ad Iesum pharisæi tentántes eum et dicéntes: « Licet hómini dimíttre uxórem suam, quacúmque ex causa? »

Qui respóndens ait: « Non legístis quia qui creávit ab inítio, " másculum et féminam fecit eos, " et dixit: " Propter hoc dimíttet homo patrem et matrem, et adhærébit uxóri suæ, et erunt duo in carne una " ? Itaque iam non sunt duo, sed una caro.

Quod ergo Deus coniúnxit, homo non séparet ».

Verbum Dómini.

5

Alleluia

Cf. 1 Io 4, 8 b. 11

℞. Allelúia. ∿. Deus cáritas est; diligámus nos ínvicem, sicut Deus diléxit nos. ℞. Allelúia.

*Hoc est magnum et primum mandatum.
Secundum autem simile est huic.*

✠ Lécio sancti Evangélii secúndum Matthæum 22, 35-40

In illo témpore:

Interrogávit Iesum unus ex pharisæis Legis doctor tentans eum: « Magíster, quod est mandátum magnum in Lege? »

Ait autem illi: « “ Díliges Dóminum Deum tuum in toto corde tuo et in tota ánima tua et in tota mente tua ”. Hoc est magnum et primum mandátum.

Secúndum autem símile est huic: “ Díliges próximum tuum sicut te ipsum ”. In his duóbus mandátis univérsa Lex pendet et prophétæ ».

Verbum Dómini.

6

Alleluia 1 Io 4, 7 b

R. Allelúia. V. Omnis qui díligit ex Deo natus est, et cognóscit Deum. R. Allelúia.

Non sunt duo, sed una caro.

✠ Lécio sancti Evangélii secúndum Marcum 10, 6-9

In illo témpore:

Dixit Iesus: « Ab iníitio creatúræ “ másculum et féminam fecit eos. Propter hoc relínquet homo patrem suum et matrem, et adhærébit ad uxórem suam, et erunt duo in carne una. Itaque iam non sunt duo, sed una caro ”.

Quod ergo Deus coniúnxit, homo non séparet ».
Verbum Dómini.

Alleluia

1 Io 4, 12

R. Allelúia. V. Si diligámus ínvicem, Deus in nobis
manet,
et caritas eius in nobis perfécta est.
R. Allelúia.

*Hoc fecit initium signorum Iesus
in Cana Galilææ.*

✠ Lécio sancti Evangélíi secúndum Ioánnem 2, 1-11

In illo témpore:

Núptiæ factæ sunt in Cana Galiléæ, et erat mater Iesu ibi. Vocátus est autem et Iesus et discipuli eius ad núptias; et, deficién-te vino, dicit mater Iesu ad eum: « Vinum non habent ».

Et dicit ei Iesus: « Quid mihi et tibi, múl-ier? Non-dum venit hora mea ».

Dicit mater eius minístris: « Quodcúm-que díxerit vobis, fácite ».

Erant autem ibi lapídeæ hýdriæ sex, pósito se-cúndum purificatió-nem Iudæórum, capiéntes singulæ metrétas binas vel ternas.

Dicit eis Iesus: « Impléte hýdrias aqua ». Et imple-vérunt eas usque ad summum.

Et dicit eis: « Hauríte nunc et ferte architriclín-o ». Illi autem tulérunt.

Ut autem gustávit architriclínus aquam vinum fac-tam, et non sciébat unde esset, minístri autem sciébant qui hauríerant aquam, vocat sponsum architriclínus et dicit ei: « Omnis homo primum bonum vinum po-nit, et, cum inebriáti fúerint, id quod detérius est; tu servásti bonum vinum usque adhuc ».

Hoc fecit iníitium signórum Iesus in Cana Galilææ; et manifestávit glóriam suam, et credidérunt in eum discípuli eius. — Verbum Dómini.

8

Alleluia

1 Io 4, 16

℞. Allelúia. ∞. Qui manet in caritaté, in Deo manet,
et Deus in eo. ℞. Allelúia.

Manete in dilectione mea.

✠ Lécio sancti Evángelii secúndum Ioánnem

In illo témpore:

15, 9-12

Dixit Iesus discípulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos ». — Verbum Dómini.

9

Alleluia

Cf. 1 Io 4, 8 b. 11

℞. Allelúia. ∞. Deus caritas est;
diligámus nos ínvicem, sicut Deus diléxit
nos. ℞. Allelúia.

*Hoc est præceptum meum,
ut diligatis invicem.*

✠ Lécio sancti Evángelii secúndum Ioánnem

In illo témpore:

15, 12-16

Dixit Iesus discípulis suis: « Hoc est præcéptum meum, ut diligátis ínvicem, sicut diléxi vos. Maiórem

hac dilectionem nemo habet, ut animam suam quis ponat pro amicis suis. Vos amici mei estis, si faciétis quæ ego præcipio vobis.

Iam non dico vos servos, quia servus nescit quid facit dñus eius: vos autem dixi amicos, quia omnia, quæ audivi a Patre meo, nota feci vobis.

Non vos me elegístis, sed ego elégi vos et pósui vos, ut vos eátis et fructum afferátis et fructus vester máneat, ut, quodcúmque petiéritis Patrem in Nómine meo, det vobis ». — Verbum Dómini.

10

Alleluia

1 Io 4, 12

R. Allelúia. V. Si diligámus ínvicem, Deus in nobis
manet,
et caritas eius in nobis perfécta est.
R. Allelúia.

*

Ut sint consummati in unum.

✠ Lécio sancti Evangélli secúndum Ioánnem

17, 20-26

In illo témpore:

Sublevátis Iesus óculis in cælum, orávit dicens:
« Pater sancte, non pro his rogo tantum, sed et pro
eis qui creditúri sunt per verbum eórum in me; ut om-
nes unum sint, sicut tu, Pater, in me, et ego in te,
ut et ipsi in nobis sint, ut mundus credat quia tu me
misísti.

Et ego glóriam, quam dedísti mihi, dedi illis, ut
sint unum sicut nos unum sumus. Ego in eis, et tu in
me, ut sint consummáti in unum, ut cognóscat mundus
quia tu me misísti et dilexísti eos, sicut me dilexísti.

Pater, quos dedísti mihi, volo ut, ubi ego sum, et illi sint mecum, ut vídeant glóriam meam, quam dedísti mihi; quia dilexísti me ante constitutióem mundi.

Pater iuste, et mundus te non cognóvit; ego autem te cognóvi, et hi cognovérunt quia tu me misísti. Et notum feci eis Nomen tuum, et notum fáciam, ut diléctio qua dilexísti me, in ipsis sit, et ego in ipsis ».

Verbum Dómini.

vel brevior

✠ Lécio sancti Evangélíi secúndum Ioánnem

17, 20-23

In illo témpore:

Sublevátis Iesus óculis in cælum, orávit dicens: « Pater sancte, non pro his rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me, et ego in te, ut et ipsi in nobis sint, ut mundus credat quia tu me misísti.

Et ego glóriam, quam dedísti mihi, dedi illis, ut sint unum sicut nos unum sumus. Ego in eis, et tu in me, ut sint consummáti in unum, ut cognóscat mundus quia tu me misísti et dilexísti eos, sicut me dilexísti ». — Verbum Dómini.

2. IN ANNIVERSARIIS MATRIMONII

In anniversariis Matrimonii, præsertim vero in XXV et L anniversario, dici potest, quando permittuntur Missæ pro variis necessitatibus, Missa pro gratiis Deo reddendis, p. 1454, cum orationibus quæ infra ponuntur.

Eædem orationes adhiberi possunt, pro opportunitate, etiam in Missa de feria « per annum ».

A. In anniversario

Collecta

Deus, creátor ómnium,
qui virum et féminam in princípio condidísti,
ut vínculo constitúerent coniugále,
uniónem famulórum tuórum **N.** et **N.** bénedic et confírma,
ut coniunctiónis Christi cum Ecclésia imáginem
semper perfectiorem exhíbeant.
Per Dóminum.

Super oblata

Deus, qui ex látere Christi
sánguinem et aquam manáre fecísti
ad humánæ regeneratiónis significánda mystéria,
múnera nostra in gratiárum actiónem
pro fámulis tuis **N.** et **N.** dignáre suscípere,
et eórum coniúgium tuis donis ómnibus munerári.
Per Christum.

Post communionem

Supérno cibo potúque reféctis, Dómine,
his fámulis tuis in gáudio et caritáte corda diláta,
ut sit eórum domus sedes honestátis et pacis,
et ómnibus ad consolatiónes páteat caritátis.
Per Christum.

B. In XXV anniversario**Collecta**

Dómine, qui hos fámulos tuos **N.** et **N.**
indissolúbili matrimónii nexu coniunxísti,
et animórum communióne
dignátus es inter labóres et gáudia sustentáre,
eórum, quáesumus, auge et purífica caritátem,
ut mútua (cum prole sua) sanctificatióne læténtur.
Per Dóminum.

Super oblata

Hæc múnera, Deus, in gratiárum actiónem
pro fámulis **N.** et **N.** dignánte assúme,
ut exínde pacem et gáudium abundánte exháuriant.
Per Christum.

Post communionem

Deus, qui ad mensam familiæ tuæ hos cóniuges **N.** et **N.**
(cum líberis et amícis) propítius admisísti,
da eis fórtiter et alácríter
in mútuam communióne sic prógredi,
ut usque ad cæléste convívium,
tuo múnere, coniungántur.
Per Christum.

C. In L anniversario**Collecta**

Deus Pater omnípotens,
hos cóniuges **N.** et **N.** cleménte aspicias,
(cum sóbole sua, quam ad vitam fidémque genuérunt)
pro bonis longævæ conversatiónis opéribus,
et eórum fructíferam benedic senectútem,

sicut eorum caritatis primitias
sacraménto mirábili confirmásti.
Per Dóminum.

Super oblata

Hæc múnera, Deus, in gratiárum actiónem
pro fámulis tuis **N.** et **N.** dignánte assúme,
qui tot annos una simul fide sincéra vixérunt,
et ómnia bona unitátis et pacis a tua póstulant largítate.
Per Christum.

Post communionem

Mensæ tuæ pasti delíciis, te, Dómine, deprecámur,
ut hos cóniuges **N.** et **N.** in sancta senectúte custódias,
donec ambos, plenos diérum,
ad tuum admíttas cæléste convívium.
Per Christum.

V. IN BENEDICTIONE ABBATIS ET ABBATISSÆ

Hæc Missa dici potest, cum colore albo, extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ.

Ant. ad introitum

Io 15, 16

Non vos me elegistis; sed ego elégi vos et pósui vos,
ut eátis et fructum afferátis,
et fructus vester máneat, dicit Dóminus.

Vel:

Col 3, 14-15

Super ómnia caritátem habéte,
quod est vínculum perfectiónis;
et pax Christi exsúltet in córdibus vestris.

Collecta

Concéde, quæsumus, Dómine, fámulo tuo **N.**,
quem huius communitátis **N.** abbátem elegisti,
ut factis et doctrína ad ea quæ recta sunt
fratrum suorum ánimos ínstruat,
quátenus ætérnæ remuneratiónis mercédem
a te, Pastóre piíssimo,
una cum ipsis lætus percípiat.
Per Dóminum.

Lectiones ut infra, pp. 1177-1184.

Super oblata

Súscipe, quæsumus, Dómine,
múnera famulórum tuórum et præsta,
ut, seípsos in spiritálem hóstiam offeréntes,
vera humilitáte, obœdiéntia et pace
iúgiter repleántur.
Per Christum. ˆ

Ant. ad communionem

Mt 20, 28

Fílius hóminis non venit ministrári, sed ministráre,
et dare ánimam suam redemptionem pro multis.

Vel:

Ubi cáritas est vera, Deus ibi est.
Congregávit nos in unum Christi amor.

Post communionem

Famíliam tuam, Dómine, respice propítius,
et nos, qui mystérium fidei celebrávimus,
fac per sémitas Evangélii indesinénter currere,
in ómnibus te glorificántes.
Per Christum.

Lectio prima

1

Inclina cor tuum ad cognoscendam prudentiam.

Léctio libri Proverbiórum

2, 1-9

Fili mi, si suscéperis sermónes meos, et mandáta
mea abscónderis penes te, ut áudiat sapiéntiam auris
tua, inclína cor tuum ad cognoscéndam prudéntiam.

Si enim sapiéntiam invocáveris, et inclináveris cor
tuum prudéntiæ, si quæsieris eam quasi pecúniam, et sic-
ut thesauros effóderis illam, tunc intélleges timórem Dó-
mini, et sciéntiam Dei invénies; quia Dóminus dat sa-
piéntiam, et ex ore eius prudéntia et sciéntia.

Custódiet rectórum salútem, et próteget gradiéntes

simpliciter, servans sémitas iustítiæ, et vías sanctórum custódiens.

Tunc intélleges iustítiam et iudícium, et æquitátem et omnem sémitam bonam.

Verbum Dómini.

Psalmus responsorius

Ps 1, 1-2. 3. 4 et 6 (R.: Ps 39, 5 a)

R. Beátus vir qui pósuit Dóminum spem suam.

Beátus vir qui non ábiit in consílio impiórum,
et in vía peccatórum non stetit,
et in convéntu derisórum non sedit;
sed in lege Dómini volúntas eius,
et in lege eius meditátur die ac nocte. R.

Et erit tamquam lignum
plantátum secus decúrsus aquárum,
quod fructum suum dabit in témpore suo;
et fólium eius non défluet,
et ómnia quæcúmque fáciet prosperabúntur. R.

Non sic ípii, non sic,
sed tamquam pulvis quem próicit ventus.

Quóniam novit Dóminus viam iustórum,
et iter impiórum períbit. R.

2

Viam sapientiæ monstrabo tibi.

Léctio libri Proverbiórum

4, 7-13

Principium sapiéntiæ, pósside sapiéntiam, et in omni possesióne tua acquiré prudéntiam. Arripe illam, et

exaltábit te, glorificáberis ab ea, cum eam fúeris amplexátus; dabit cápiti tuo augménta gratiárum, et coróna ínclita próteget te.

Audi, fili mi, et súscepe verba mea, ut multiplicén-
tur tibi anni vitæ; viam sapiéntiæ monstrábo tibi; du-
cam te per sémitas æquitátis, quas cum ingræssus fúe-
ris, non artabúntur gressus tui, et currens non habébis
offendículum.

Tene disciplínam, ne dimíttas eam; custódi illam,
quia ipsa est vita tua. — Verbum Dómini.

Psalmus responsorius

Ps 91, 2-3. 5-6. 13-14. 15-16 (R.: cf. 2 a)

R. Bonum est confitéri tibi, Dómine.

2 Bonum est confitéri Dómino,
et psállere nómini tuo, Altíssime,
3 annuntiáre mane misericórdiam tuam,
et veritátem tuam per noctem. R.

5 Quia delectásti me, Dómine, in factúra tua,
et in opéribus mánuum tuárum exsultábo.

6 Quam magnificáta sunt ópera tua, Dómine:
nimis profúndæ factæ sunt cogitatiónes tuæ. R.

13 Iustus ut palma florébit,
sicut cedrus Líbani succrésceat.

14 Plantáti in domo Dómini,
in átriis Dei nostri florébunt. R.

15 Adhuc fructus dabunt in senécta,
úberes et bene viréntes erunt,

16 ut annúntient quóniam rectus Dóminus,
refúgium meum, et non est iníquitas in eo. R.

Lectio secunda

1

Solliciti servare unitatem spiritus in vinculo pacis.

Lectio Epistolæ beāti Pauli apóstoli ad Ephésios

3, 12-17

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes ínvicem in caritaté; solliciti serváre unitátem spíritus in vínculo pacis.

Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.

Verbum Dómini.

2

Caritatem habete, quod est vinculum perfectionis.

Lectio Epistolæ beāti Pauli apóstoli ad Colossénses

4, 1-6

Fratres:

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ípsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est v́n-
culum perfectiónis; et pax Christi dominétur in córdi-
bus vestris, ad quam et vocáti estis in uno córpore, et
grati estóte.

Verbum Christi hábitet in vobis abundánte, in
omni sapiéntia docétes et commonétes vosmetípsos
psalmis, hymnis, cánticis spiritalibus, in grátia cantátes
in córdibus vestris Deo.

Et omne quodcúmque fácitis in verbo aut in ópere,
ómnia in Nómine Dómini Iesu, grátias agétes Deo
Patri per ipsum. — Verbum Dómini.

3

Obædite præpositis vestris. Orate pro nobis.

Léctio Epístolæ ad Hebræos

13, 1-2. 7-8. 17-18

Fratres:

Cáritas fraternitátis máneat. Hospitalitátem nolíte
oblivísci; per hanc enim quidam nesciétes hospítio
recepérunt ángeles.

Mementóte præpositórum vestrórum, qui vobis lo-
cúti sunt verbum Dei; quorum intuéntes éxitum conver-
satiónis, imitámini fidem. Iesus Christus heri et hódie
idem, et in sæcula.

Obædite præpósitis vestris et subiacéte eis; ipsi
enim pervigilant pro animábus vestris quasi ratióne
redditúri; ut cum gáudio hoc fáciant et non gemétes;
hoc enim non expedit vobis.

Oráte pro nobis; confídimus quia bonam conscién-
tiam habémus, in ómnibus bene volétes conversári.

Verbum Dómini.

4

Formæ facti gregis.

Léctio Epístolæ primæ beāti Petri apóstoli 5, 1-4

Caríssimi:

Seniôres, qui in vobis sunt, óbsecro consénior et testis Christi passiônum, qui et eius, quæ in futúro revelánda est, glóriæ communicátor: páscite qui est in vobis gregem Dei, providéntes non coácto, sed spontáneæ secúndum Deum; neque turpis lucri grátia, sed voluntárie; neque ut dominántes in cleris, sed formæ facti gregis.

Et, cum apparúerit Princeps pastórum, percipiétis immarcescibilem glóriæ corónam.

Verbum Dómini.

Evangelium

1

Alleluia

Mt 23, 9 a. 10 b

℞. Allelúia. ℣. Unus est Pater vester, qui in cælis est; et magíster vester unus est, Christus.

℞. Allelúia.

Qui maior est vestrum erit minister vester.

✠ Léctio sancti Evangélíi secúndum Matthæum

23, 8-12

In illo témpore:

Dixit Iesus discíplis suis: « Nólite vocári Rabbi; unus enim est magíster vester, omnes autem vos fra-

tres estis. Et patrem nolíte vocáre vobis super terram; unus enim est Pater vester, cæléstis. Nec vocémini magístri; quia magíster vester unus est, Christus.

Qui maior est vestrum erit mínister vester. Qui autem se exaltáverit humiliábitur, et qui se humiliáverit exaltábitur ». — Verbum Dómini.

2

Alleluia

Col 3, 15

℞. Allelúia. ⁊. Pax Christi exsúltet in córdibus vestris, in qua et vocáti estis in uno córpore.

℞. Allelúia.

Constituet eum Dominus super familiam suam.

✠ Lécio sancti Evangélíi secúndum Lucam 12, 35-44

In illo témpore:

Dixit Iesus discíplis suis: « Sint lumbi vestri præcíncti, et lucérnæ ardéntes, et vos símiles homínibus exspectántibus dómínium suum, quando revertátur a núptiis; ut, cum vénerit et pulsáverit, conféstim apériant ei.

Beáti servi illi, quos, cum vénerit dómínus, invénerit vigilántes; amen dico vobis, quod præcínget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt illi.

Hoc autem scitóte, quia si sciret pater famílias qua hora fur veníret, non síneret perfodírí domum suam. Et vos estóte paráti, quia, qua hora non putátis, Fílius hóminis venit ».

Ait autem Petrus: « Dómine, ad nos dicis hanc parábolam, an et ad omnes? »

Et dixit Dóminus: « Quis, putas, est fidélis dispensátor et prudens, quem constituet dóminus super familiam suam, ut det illis in témpore trítici mensúram? Beátus ille servus, quem, cum vénerit dóminus eius invénerit ita faciéntem. Vere dico vobis: Supra ómnia quæ póssidet constituet illum ». — Verbum Dómini.

3

Alleluia

Col 3, 15

℞. Allelúia. ℣. Pax Christi exsúltet in córdibus vestris, in qua et vocáti estis in uno córpore.

℞. Allelúia.

*Ego in medio vestrum sum
sicut qui ministrat.*

✠ Léctio sancti Evangélíi secúndum Lucam 22, 24-27

In illo témpore:

Facta est conténtio inter discípulos, quis eórum viderétur esse maior.

Iesus autem dixit eis: « Reges géntium dominántur eórum, et qui potestátem habent super eos " benéfici " vocántur. Vos autem non sic; sed qui maior est in vobis fiat sicut iúnior, et qui præcéssor est, sicut ministrátor.

Nam quis maior est, qui recúmbit an qui minístrat? nonne qui recúmbit? Ego autem in médio vestrum sum sicut qui minístrat ». — Verbum Dómini.

VI. IN CONSECRATIONE VIRGINUM

Hæc Missa dici potest, cum colore albo, extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ.

Ant. ad introitum

Ps 104, 4-5

Quærite Dóminum et confirmámini,
quærite fáciem eius semper.
Mementóte mirabílium eius quæ fecit.

Collecta

Da, quæsumus, Dómine,
his famulábus tuis,
quibus virginále infudísti propósitum,
inchoáti óperis consummátum efféctum,
et, ut perféctam tibi ófferant plenitúdinem,
inítia sua perdúcere mereántur ad finem.
Per Dóminum.

Lectiones ut infra, pp. 1198-1229.

Super oblata

Oblátis hóstiis, quæsumus, Dómine,
his famulábus tuis
perseverántiam suscep̃ti propósi
benígnus accómmoda,
ut, apértis iánuis, summi Regis advénu,
regnum cæléste cum lætítia mereántur intráre.
Per Christum.

In Precibus eucharisticis, virginum consecratio secundum has formulas opportune commemoratur:

a) in Prece eucharistica I, dicitur Hanc igitur proprium:

Hanc igitur oblatiónem servitútis nostræ,
sed et famulárum tuárum,

quam tibi in die eárum consecrationis offérimus,
quæsumus, Dómine,
placátus áccipe et propitiátus sanctífica;
ut quæ, te largiénte,
árctius se hódie Fílio tuo sociárunť,
eídem in fine témporum glorióse adveniénti
iucundánter occúrrant.

(Per Christum Dóminum nostrum. Amen.)

b) in intercessionibus *Precis eucharisticæ II, post verba* univérso clero *additur:*

Recordáre quoque, Dómine, istárum sorórum,
quas spiritali unctióne hódie sacrásti;
ut, caritátis et fidei accénsis lampádibus,
tibi et pópulo tuo constánter desérviant,
Christi Sponsi exspectántes advéntum.
Meménto etiam ...

c) in intercessionibus *Precis eucharisticæ III, post verba* pópulo acquisitionis tuæ *additur:*

Confortáre quoque, Dómine,
in sancto propósito dignéris
has fámulas tuas,
quæ pia devotióne Christum tuum student sectári,
evangélicæ vitæ atque fratérnæ dilectionis
testimónium præbéntes.
Votis huius famíliæ ...

d) in intercessionibus *Precis eucharisticæ IV, mentio virginum sacratarum inseri potest hoc modo:*

... sed et totíus cleri,
et istárum sorórum,
quas hódie divíno cúlťui
et hóminum servítio perpétuo dicásti,
et offeréntium,
et circumstántium ...

Ant. ad communionem

Ps 41, 2

Quemádmódum desíderat cervus ad fontes aquárum,
ita desíderat ánima mea ad te, Deus.

Post communionem

Repléti, Dómine, munéribus sacris,
súpplices deprecámur,
ut famulárum tuárum **N.** et **N.** conversatio
et humánæ societátis proféctui constánte fáveat,
et ad Ecclesiæ increméntum indesinéte profíciat.
Per Christum.

Benedictio in fine Missæ

Omnípotens Pater
beátæ virginitátis propósitum,
quod pectóribus vestris infúdit,
sua protectióne inviolátum custódiat.

R. Amen.

Dóminus Iesus,
qui sacrárum víginum corda
sponsáli sibi fódere iungit,
mentes vestras divíni séminis verbo fecúndet.

R. Amen.

Spíritus Sanctus,
qui supervénit in Víginem
quique corda vestra hódie suo sacrávit illápsu,
ad Dei Ecclesiæque servítium vos veheménte accéndat.

R. Amen.

Et vos omnes, qui his sacris adéstis,
benedícat omnípotens Deus,
Pater, et Fílius, **✠** et Spíritus Sanctus.

R. Amen.

VII. IN PROFESSIONE RELIGIOSA

Hæ Missæ dici possunt, cum colore albo, extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ.

1. IN DIE PRIMÆ PROFESSIONIS RELIGIOSÆ

Ant. ad introitum

Ps 39, 8-9

Ecce vénio, Dómine,
fácere voluntátem tuam.
Deus meus, vólui,
et lex tua in præcórdiis meis.

Collecta

Concéde, quæsumus, Dómine,
his frátribus nostris,
quibus Christum préssius sectándi
propósitum inspirásti,
incépti itíneris felícem éxitum,
ut perféctum devotiónis munus
tibi mereántur offérre.
Per Dóminum.

Lectiones ut infra, pp. 1198-1229.

Super oblata

Súscipe, Dómine, quæsumus,
oblatiónes et preces,
quas tibi offérimus
celebrántes professiósæ religiósæ primórdia,
et præsta, ut famulórum tuórum primitiæ,
tua fovénte grátia,
in fructus ubérrimos convertántur.
Per Christum.

Præfatio propria, p. 1190.

Ant. ad communionem

Mc 3, 35

Qui fécerit voluntátem Dei,
hic frater meus et soror mea et mater est.

Post communionem

Lætificent nos, Dómine, sumpta mystéria
et præsta ut, eórum virtúte, hi fámuli tui
inchoáta religiónis múnera fidéliter adimpleant
et liberam tibi exhibeant servitútem. Per Christum.

2. IN DIE PROFESSIONIS PERPETUÆ

A

Ant. ad introitum

Ps 121, 1-2

Lætátus sum in his quæ dicta sunt mihi:
in domum Dómini íbimus.
Stantes erant pedes nostri in átriis tuis, Ierúsalem.

Collecta

Deus, qui in his fámulis tuis baptísmatis grátiam
tanta voluísti frondére virtúte,
ut Fílii tui vestígia préssius sequi conténderent,
concéde, ut ipsi,
evangélicam perfectiónem iúgiter sectántes,
Ecclésiæ sanctitátem adáugeant
eiúsque apostólicum confírment vigórem. Per Dóminum.

Lectiones ut infra, pp. 1198-1229.

Super oblata

Servórum tuórum, Dómine,
múnera et vota benígnus assúme,
et evangélica profiténtes consília
tua caritáte confírma. Per Christum.

VII. IN PROFESSIONE RELIGIOSA

Hæ Missæ dici possunt, cum colore albo, extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ.

1. IN DIE PRIMÆ PROFESSIONIS RELIGIOSÆ

Ant. ad introitum

Ps 39, 8-9

Ecce vénio, Dómine,
fácere voluntátem tuam.
Deus meus, vólui,
et lex tua in præcórdiis meis.

Collecta

Concéde, quæsumus, Dómine,
his frátribus nostris,
quibus Christum préssius sectándi
propósitum inspirásti,
incépti itíneris felícem éxitum,
ut perféctum devotiónis munus
tibi mereántur offérre.
Per Dóminum.

Lectiones ut infra, pp. 1198-1229.

Super oblata

Súscipe, Dómine, quæsumus,
oblatiónes et preces,
quas tibi offérimus
celebrántes professiόνis religiósæ primórdia,
et præsta, ut famulórum tuórum primitiæ,
tua fovénte grátia,
in fructus ubérrimos convertántur.
Per Christum.

Præfatio propria, p. 1190.

Ant. ad communionem

Mc 3, 35

Qui fécerit voluntátem Dei,
hic frater méus et soror mea et mater est.

Post communionem

Lætíficent nos, Dómine, sumpta mystéria
et præsta ut, eórum virtúte, hi fámuli tui
inchoáta religiónis múnera fidéliter adímpleant
et líberam tibi exhíbeant servitútem. Per Christum.

2. IN DIE PROFESSIONIS PERPETUÆ

A

Ant. ad introitum

Ps 121, 1-2

Lætátus sum in his quæ dicta sunt mihi:
in domum Dómini íbimus.
Stantes erant pedes nostri in átriis tuis, Ierúsalem.

Collecta

Deus, qui in his fámulis tuis baptísmatis grátiam
tanta voluísti frondére virtúte,
ut Fílii tui vestígia préssius sequi conténderent,
concéde, ut ipsi,
evangélicam perfectiόνem iúgiter sectántes,
Ecclésiæ sanctitátem adáugeant
eiusque apostólicum confírment vigórem. Per Dóminum.

Lectiones ut infra, pp. 1198-1229.

Super oblata

Servórum tuórum, Dómine,
múnera et vota benígnus assúme,
et evangélica profiténtes consília
tua caritáte confírma. Per Christum.

**Præfatio: De vita religiosa
ut servitium Dei per Christi imitationem.**

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Qui, de radíce Vírginis flos illibátus egréssus,
mundos corde dixit beátos
suáque conversatióne dócuit castitátis fastígium.
Qui tuis semper beneplácitis optávit hærére,
et, usque ad mortem pro nobis factus obœdiens,
hóstiam se tibi vóluit perféctæ suavitátis offérre.
Qui ómnia propter te relinquéntes in terris
ad servítium tuæ maiestátis dicávit impénsius
et cælórum confirmávit inventúros esse thesáurum.

Et ídeo, cum Angelórum atque Sanctórum turba,
hymnum laudis tibi cánimus, sine fine dicéntes:

Sanctus, Sanctus, Sanctus Dóminus Deus Sábaoth ...

In Precibus eucharisticis, professorum vel professorum oblatio secundum has formulas opportune commemoratur:

I. Pro viris

a) **in Prece eucharistica I dicitur** Hanc ígitur **proprium:**

Hanc ígitur oblatiónem servitútis nostræ,
sed et famulórum tuórum,
quam tibi in die eórum professiόνis offérimus,

quæsumus, Dómine,
placátus áccipe .et propitiátus sanctífica;
ut qui, te largiénte,
hódie vitam suam tibi dicárunt,
in Filii tui glorióso advéntu
ætérnæ Paschæ gáudio
mereántur admítti.
(Per Christum Dóminum nostrum. Amen.)

b) in intercessionibus **Precis eucharisticæ II**, post verba univérso clero **additur**:

Recordáre quoque, Dómine, istórum fratrum,
qui hódie se tibi dicárunt perpétuo servítio,
et concéde, ut ad te semper corda mentésque érigant
noménque tuum gloríficent.
Meménto étiam ...

c) in intercessionibus **Precis eucharisticæ III**, post verba pópulo acquisitionis tuæ **additur**:

Confortáre quoque in sancto propósito dignéris
hos fámulos tuos,
qui hódie sacris religiónis vínculis
perpétuo tibi se devinxérunt,
et fac, ut in Ecclésia tua
novam et ætéram vitam maniféstent,
Christi redemptióne comparátam.
Votis huius famíliæ ...

d) in intercessionibus **Precis eucharisticæ IV**, mentio professorum inseri potest hoc modo:

... sed et totíus cleri,
et istórum fratrum, qui professióne perpétua
hódie tibi árctius consecrántur,
et offeréntium,
et circumstántium ...

II. Pro mulieribus

a) in Prece eucharistica I dicitur Hanc igitur proprium:

Hanc igitur oblationem servitutis nostræ,
sed et famularum tuarum,
quam tibi in die earum professionis offerimus,
quæsumus, Domine,
placatus accipe et propitiatus sanctifica;
ut quæ, te largiente,
arctius se hodie Filio tuo sociarunt,
eidem in fine temporum gloriose adveniēti
iucundanter occurrant.

(Per Christum Dominum nostrum. Amen.)

b) in intercessionibus Precis eucharisticæ II, post verba universo clero additur:

Recordare quoque, Domine, istarum sororum,
quæ omnia propter te reliquerunt,
ut te in omnibus invenirent
et, sui oblita, cunctorum prospicerent necessitatibus.
Meménto étiam ...

c) in intercessionibus Precis eucharisticæ III, post verba populo acquisitionis tuæ additur:

Confortare quoque in sancto proposito digneris
has famulas tuas,
quæ pia devotione Christum tuum student sectari,
evangelicæ vitæ atque fraternæ dilectionis
testimónium præbentes.
Votis huius familiæ ...

d) in intercessionibus Precis eucharisticæ IV, mentio professarum inseri potest hoc modo:

... sed et totius cleri
et istarum sororum, quæ sacro religionis pignore
hodie tibi perpétuo se consecrarunt,
et offeréntium, et circumstántium ...

Ant. ad communionem

Gal 2, 19-20

Christo confixus sum cruci.
Vivo autem, iam non ego:
vivit vero in me Christus.

Post communionem

Divinis mystériis veneránte assúptis,
te, Dómine, súplices deprecámur,
ut hos fámulos tuos,
sacra tibi oblatióne devíntos,
et Sancti Spíritus igne succéandas
et Filio tuo perénni iungas consórtio.
Qui tecum.

Benedictio in fine Missæ

Deus, bonárum inspirátor voluntátum,
vestra fóveat consília cordáque róbores,
ut, quæ promisistis, perseveránti servétis fide.

℟. Amen.

Ipse concédatur vobis,
ut arctam viam, quam elegístis,
in gáudio Christi percurrátis,
ónera fratrum cum exsultatióne portántes.

℟. Amen.

Cáritas Dei ex vobis famíliam effíciat
in nómine Dómini congregátam,
quæ Christi amoris reddat imáginem.

℟. Amen.

Et vos omnes, qui his sacris adéstis,
benedícat omnípotens Deus,
Pater, et Fílius, ✠ et Spíritus Sanctus.

℟. Amen.

B**Ant. ad introitum****Ps 65, 13-14**

Introibo in domum tuam in holocaustis,
reddam tibi vota mea, quæ distinxerunt labia mea.

Collecta

Dómine, sancte Pater,
servórum tuórum **N.** et **N.**
propósitum confírma benígnus,
et fac ut baptísmatis grátia,
quam novis cúpiunt nexibus roborári,
plenum in eis sumat efféctum,
quo tuæ maiestáti débitum cultum retríbuant,
et Christi regnum apostólico dilátent ardóre.
Per Dóminum.

Lectiones ut infra, pp. 1198-1229.**Super oblata**

Oblatiónes famulórum tuórum,
Dómine, cleménter assúme,
eásque in sacraméntum redemptiόνis convérte,
et, quos ad Fílium tuum préssius imitándum
patérna voluísti dispensatióne vocáre,
Sancti Spíritus reple munéribus.
Per Christum.

Præfatio et intercessiones propriæ, pp. 1190-1192.**Ant. ad communionem****Ps 33, 9**

Gustáte et vidéte quóniam suávis est Dóminus;
beátus vir, qui sperat in eo.

Post communionem

Lætíficet nos, Dómine,
confirmáti propósi hodiérna sollémnitas

ac divíni sacraménti veneránda percéptio,
et concéde propítius,
ut geminátum devotiónis munus
famulórum tuórum péctora
in Ecclésiæ hominúmque servítium
veheménti caritaté compéllat.
Per Christum.

Benedictio in fine Missæ

Deus, sancti consílii inspirátor et efféctor,
sua vos constánter tueátur grátia,
ut vestræ vocatiónis múnera
fidéli ánimo persolvátis.

R. Amen.

Ipse divínæ vos fáciat caritátis
apud omnes gentes testimónium et signum.

R. Amen.

Et víncula, quibus Christo
vos néxuit in terris,
in cælis benígnus perénnet.

R. Amen.

Et vos omnes, qui his sacris adéstis,
benedícat omnípotens Deus,
Pater, et Fílius, ✠ et Spíritus Sanctus.

R. Amen.

3. IN DIE RENOVATIONIS VOTORUM

Antiphonæ ad introitum et ad communionem sumuntur, pro opportunitate, ab una e Missis præcedentibus, pp. 1188-1194.

Collecta

Deus, rerum ordinátor hominúmque rector,
réspice super hos fílios tuos,
quí oblatiónem sui cúpiunt confirmáre,
et præsta, ut, in dies,
Ecclésiæ mystério árcíus coniungántur,
et humánæ famíliæ bono devoveántur impénsius.
Per Dóminum.

Lectiones ut infra, pp. 1198-1229.

Super oblata

Pópuli tui, quæsumus, Dómine,
múnera propítius intuére,
quæ hi fratres nostri
castitátis, paupertátis, obcædiéntiæ
renováta augent oblatióne,
et temporália dona in sacraméntum æternitátis convérte,
et offeréntium mentes ad Fílii tui confórma imáginem.
Per Christum.

Præfatio propria, p. 1190.

Post communionem

Sumptis, Dómine, cæléstibus sacraméntis,
súpplíces te rogámus, ut hi fámuli tui,
quí, supérna grátia tantum confísi,
árdua renovárunt propósita,
Christi virtúte roboréntur
et Sancti Spíritus muniántur præsidio.
Per Christum.

4. IN XXV VEL L ANNIVERSARIO PROFESSIONIS RELIGIOSÆ

Antiphonæ ad introitum et ad communionem sumuntur, pro opportunitate, ab una e Missis præcedentibus, pp. 1188-1194.

Collecta

Dómine, Deus fidélis,
da nobis, quæsumus, grátias tibi reférre
pro tua erga fratrem nostrum **N.** benignitáte,
qui accéptum a te donum hódie renováre conténdit;
róbora in eo spíritum perféctæ caritátis,
ut glóriæ tuæ et óperi salútis
in dies váleat fervéntius inservíre.
Per Dóminum.

Lectiones ut infra, pp. 1198-1229.

Super oblata

Súscipe, Dómine, una cum munéribus oblatiónem sui,
quam hódie frater noster **N.** confirmáre desíderat,
et per virtútem Sancti Spíritus
imáginì dilécti Fílii tui
ámplius eum conformáre dignéris. Qui vivit.

Præfatio propria, p. 1190.

Post communionem

Súmpsimus, Dómine, Corpus et Sánguinem Fílii tui,
quæ in iucúnda celebratióne
huius anniversárii contulísti;
concéde, quæsumus, ut frater noster **N.**,
cælésti pane potúque reféctus,
incépti itíneris ad te ducéntis
felícem progréssum obtíneat. Per Christum.

Lectio prima

1

*Egredere de terra tua et de cognatione tua,
et veni.*

Léctio libri Génesis

12, 1-4 a

In diébus illis:

Dixit Dóminus ad Abram: « Egrédere de terra tua et de cognatióne tua et de domo patris tui, et veni in terram, quam monstrábo tibi. Faciámque te in gentem magnam, et benedicám tibi, et magnificábo nomen tuum, erisque benedíctus. Benedicám benedicéntibus tibi, et maledicám maledicéntibus tibi, atque in te benedicéntur univérsæ cognatiónes terræ ».

Egréssus est itaque Abram, sicut præcéperat ei Dóminus. — Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a et 9 a)

R. Ecce vénio, Dómine, fácere voluntátem tuam.

² Exspéctans exspectávi Dóminum,
et inténdit mihi.

⁴ Et immísit in os meum cánticum novum,
carmen Deo nostro. R.

⁷ Sacrificium et oblatiódinem noluísti,
aures autem fodísti mihi.

Holocáustum et pro peccáto non postulásti,
⁸ tunc dixi: « Ecce vénio. R.

⁹ In volúmine libri scriptum est de me
fácere voluntátem tuam.

Deus meus, vólui,
et lex tua in præcórdiis meis ». R.

- 10 Annuntiávi iustítiam tuam in ecclésia magna;
ecce lábia mea non prohibébo, Dómine, tu scisti. *R.*
- 12 Tu autem, Dómine, ne prohibéas miseratiónes tuas a me;
misericórdia tua et véritas tua semper suscípant me. *R.*

2

Loquere, Domine, quia audit servus tuus.

Lectio libri primi Samuélis

3, 1-10

In diébus illis:

Puer Sámuel ministrábat Dómino coram Heli, et sermo Dómini erat pretiósus in diébus illis: non erat visio manifésta. Factum est ergo, in die quadam, Heli iacébat in loco suo, et óculi eius caligáverant, nec póterat vidére. Lucérna Dei ántequam exstingerétur, Sámuel dormiébat in templo Dómini, ubi erat arca Dei.

Et vocávit Dóminus Sámuel, qui respóndens ait: « Ecce ego ». Et cucúrrit ad Heli et dixit: « Ecce ego, vocásti enim me ».

Qui dixit: « Non vocávi: revértere et dormi ». Et ábiit et dormívit. Et adiécit Dóminus rursum vocáre Samuélem.

Consurgénsque Sámuel ábiit ad Heli, et dixit: « Ecce ego, quia vocásti me ».

Qui respóndit: « Non vocávi te, fili mi: revértere et dormi ». Porro Sámuel necdum sciébat Dóminum, neque revelátus fúerat ei sermo Dómini.

Et adiécit Dóminus, et vocávit adhuc Samuélem tértio, qui consurgens ábiit ad Heli et ait: « Ecce ego, quia vocásti me ».

Intelléxit ergo Heli quia Dóminus vocáret púerum, et ait ad Samuélem: « Vade et dormi, et, si deinceps vocáverit te, dices: “ Lóquere, Dómine, quia audit servus tuus ” ». Abiit ergo Sámuel et dormívit in loco suo.

Et venit Dóminus et stetit, et vocávit sicut vocáverat secúndo: « Sámuel, Sámuel ».

Et ait Sámuel: « Lóquere, Dómine, quia audit servus tuus ». — Verbum Dómini.

Psalmus responsorius

Ps 62, 2. 3-4. 5-6. 8-9 (R.: 2 b)

R. Sitívit in te ánima mea, Deus meus.

Deus, Deus meus es tu, ad te de luce vígilo.

Sitívit in te ánima mea,
te desiderávit caro mea. R.

In terra desérta et árida et inaquósa,
sic in sancto appáruí tibi,
ut vidérem virtútem tuam et glóriam tuam.

Quóniam mélior est misericórdia tua super vitas,
lábia mea laudábunt te. R.

Sic benedícam te in vita mea,
et in nómine tuo levábo manus meas.

Sicut ádipe et pinguédine repleátur ánima mea,
et lábiis exsultatiónis laudábit os meum. R.

Quia fuísti adiútor meus,
et in velaménto alárum tuárum exsultábo.

Adhæsít ánima mea post te,
me suscepít délixtera tua. R.

3

Sta in monte coram Domino.

Léctio libri primi Regum

19, 4-9 a. 11-15 a

In diébus illis:

Perréxit Elías in desértum viam uníus diéi.

Cumque venísset et sedéret subter unam iuníperum,
petívit animæ suæ ut morerétur et ait: « Súfficit mihi.

Dómine: tolle ánimam meam, neque enim mélior sum quam patres mei ». Proiecitque se et obdormívit in umbra iuníperi.

Et ecce ángelus Dómini tétigit eum, et dixit illi: « Surge et cómede ». Respéxit, et ecce ad caput suum subcinerícius panis et vas aquæ; comédit ergo et bibit et rursum obdormívit.

Reversúsque est ángelus Dómini secúndo, et tétigit eum dixítque illi: « Surge, cómede, grandis enim tibi restat via ». Qui, cum surrexísset, comédit et bibit, et ambulávit in fortitúdine cibi illíus quadragínta diébus et quadragínta nóctibus, usque ad montem Dei Horeb.

Cumque venísset illuc, mansit in spelúnca. Et ecce sermo Dómini ad eum, et ait ei: « Egrédere, et sta in monte coram Dómino ». Et ecce Dóminus transit.

Et spíritus grandis et fortis subvértens montes et cónterens petras ante Dóminum; non in spíritu Dóminus. Et post spíritum, commótio; non in commotióne Dóminus. Et post commotióne, ignis; non in igne Dóminus. Et post ignem, sibilus auræ ténuis.

Quod cum audísset Elías, opéruit vultum suum pállio, et egréssus stetit in óstio spelúncæ; et ecce vox ad eum dicens: « Quid hic agis, Elía? »

Et ille respóndit: « Zelo zelátus sum pro Dómino Deo exercítuum, quia dereliquérunt pactum tuum fílii Israel, altária tua destruxérunt, prophétas tuos occidérunt gládio: derelíctus sum ego solus, et quærunt ánimam meam ut áuferant eam ».

Et ait Dóminus ad eum: « Vade, et revértere in viam tuam per desértum in Damáscum ».

Verbum Dómini.

Psalmus responsorius

Ps 23, 1-2. 3-4 ab. 5-6 (R.: cf. 6)

R. Hæc est generatio quærentium faciem tuam, Domine.

- 1 Domini est terra et plenitudo eius,
orbis terrarum et qui habitant in eo.
2 Quia ipse super maria fundavit eum,
et super flumina firmavit eum. R.
3 Quis ascendet in montem Domini,
aut quis stabit in loco sancto eius?
4 Innocens manibus et mundo corde,
qui non accepit in vanum nomen eius. R.
5 Hic accipiet benedictionem a Domino,
et iustificationem a Deo salutari suo.
6 Hæc est generatio quærentium eum,
quærentium faciem Dei Iacob. R.

4

Consurgens Eliseus abiit et secutus est Eliam.

Lectio libri primi Regum

19, 16 b. 19-21

In diebus illis:

Dixit Dominus ad Eliam: « Eliséum, filium Saphat, qui est de Abelméhula, unges prophétam pro te ».

Profectus ergo inde Eliás réperit Eliséum, filium Saphat, arantem in duodecim iugis boum, et ipse in duodecim iugis boum arantibus unus erat; cumque venisset Eliás ad eum, misit pallium suum super illum.

Qui statim, relictis bobus, cucurrit post Eliam et ait: « Osculer, oro, patrem meum et matrem meam, et sic sequar te ».

Dixítque ei. « Vade et revértere, quod enim meum erat feci tibi ».

Revérsus autem ab eo, tulit par boum et mactávit illud, et in arátro boum coxit carnes et dedit pópulo, et comedérunt; consurgénsque ábiit et secútus est Elíam, et ministrábat ei. — Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a et 9 a)

R. Ecce vénio, Dómine, fácere voluntátem tuam.

2 Exspéctans exspectávi Dóminum,
et inténdit mihi.

4 Et immísit in os meum cánticum novum,
carmen Deo nostro. R.

† Sacrificium et oblatiónem noluísti,
aures autem fodísti mihi.

Holocáustum et pro peccáto non postulásti,
tunc dixi: « Ecce vénio. R.

In volúmine libri scriptum est de me
fácere voluntátem tuam.

Deus meus, vólui,
et lex tua in præcórdiis meis ». R.

10 Annuntiávi iustítiam tuam in ecclésia magna;
ecce lábia mea non prohibébo, Dómine, tu scísti. R.

12 Tu autem, Dómine, ne prohibéas miseratiónes tuas a me;
misericórdia tua et véritas tua semper suscípant me. R.

5

Surge, amica mea, et veni.

Léctio Cántici canticórum

2, 8-14

Vox dilécti mei: Ecce iste venit sáliens in móntibus, transáliens colles. Símilis est diléctus meus cápreae

hinnulóque cervórum. En ipse stat post paríetem nostrum, respíciens per fenéstras, prospíciens per cancellos.

En diléctus meus lóquitur mihi: « Surge, própéra, amíca mea, colúmba mea, formósa mea, et veni. Iam enim hiems tránsiit, imber ábiit et recéssit, flores apparuérunt in terra nostra, tempus putatiónis advénit, vox túrturis audíta est in terra nostra, ficus prótulit grossos suos, víneæ floréntes dedérunt odórem suum.

Surge, amíca mea, speciósa mea, et veni, colúmba mea, in foramínibus petræ, in cavérna macériæ, osténde mihi fáciem tuam, sonet vox tua in áuribus meis: vox enim tua dulcis, et fácies tua decóra ».

Verbum Dómini.

Psalmus responsorius

Ps 44, 11-12. 14-15. 16-17 (R.: cf. Mt 25, 6)

R. Ecce Sponsus venit: exíte óbviám Christo Dómino.

- 11 Audi, fília, et vide, et inclína aurem tuam,
et oblivíscere pópulum tuum et domum patris tui;
- 12 et concupíscet rex spéciem tuam.
Quóniam ipse est dóminus tuus, et adóra eum. R.
- 14 Gloriós nimis fília regis intrínsecus,
textúris áureis circumamícta.
- 15 In véstibus variegátis adducétur regi;
vírgines post eam, próximæ eius, afferúntur tibi. R.
- 16 Afferúntur in lætítia et exsultatióne,
adducúntur in domum regis.
- 17 Pro pátribus tuis erunt tibi filii;
constítues eos príncipes super omnem terram. R.

6

Fortis est ut mors dilectio.

Lectio Cántici canticórum

8, 6-7

Pone me ut signáculum super cor tuum, ut signáculum super bráccium tuum, quia fortis est ut mors diléctio, dura sicut inférnus æmulátio, lámpades eius lámpades ignis atque flammárum.

Aquæ multæ non potuérunt exstinguere caritátem, nec flúmina óbruent illam.

Si déderit homo omnem substántiam domus suæ pro dilectióne, quasi nihil despíciat eam.

Verbum Dómini.

Psalmus responsorius

Ps 83, 3. 4. 5 et 8 a. 11. 12 (R.: 2)

R. Quam dilécta tabernácula tua, Dómine virtútum!

Concupiscit et déficit ánima mea in átria Dómini.
Cor meum et caro mea exsultavérunt in Deum vivum. R.

Etenim passer invénit sibi domum,
et turtur nidum sibi, ubi ponat pullos suos:
altária tua, Dómine virtútum, rex meus et Deus meus. R.

Beáti qui hábitant in domo tua,
in perpétuum laudábunt te.

Ibunt de virtúte in virtútem. R.

Quia mélior est dies una in átriis tuis super mília,
elégi ad limen esse in domo Dei mei,
magis quam habitáre in tabernáculis peccatórum. R.

Quia sol et scutum est Dóminus Deus,
grátiam et glóriam dabit Dóminus;
non privábit bonis eos
qui ámbulant in innocéntia. R.

Gaudens gaudebo in Domino.

Léctio libri Isaíæ prophétæ

61, 9-11

Scient in géntibus semen eórum, et germen eórum in médio populórum. Omnes qui víderint eos cognóscant illos, quia isti sunt semen, cui benedíxit Dóminus.

Gaudens gaudebo in Dómino, et exsultábit ánima mea in Deo meo, quia induit me vestiméntis salútis, et induménto iustítiæ circúmdedit me, quasi sponsum decorátum coróna, et quasi sponsam ornátam monílibus suis.

Sicut enim terra profert germen suum, et sicut hortus semen suum gérminat, sic Dóminus Deus germinábit iustítiam et laudem coram univérsis géntibus.

Verbum Dómini.

Psalmus responsorius

Ps 99, 2. 3. 4. 5 (R.: 2 c)

R. Introíte in conspéctu Dómini in exsultatióne.

2 Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne. R.

3 Scitóte quóniam Dóminus ipse est Deus;
ipse fecit nos, et ipsíus sumus,
pópulus eius et oves páscae eius. R.

4 Introíte portas eius in confessióne,
átria eius in hymnis,
confitémini illi, benedícite nómini eius. R.

5 Quóniam suávis est Dóminus;
in ætérnum misericórdia eius,
et usque in generatióem et generatióem
véritas eius. R.

8

Sponsabo te mihi in sempiternum.

Lectio libri Osée prophétæ

2, 14. 19-20

Hæc dicit Dominus:

« Ecce ego lactábo eam, et ducam eam in solitúdinem; et loquar ad cor eius.

Et sponsábo te mihi in sempiternum; et sponsábo te mihi in iustítia et iudício, et in misericórdia et in miseratióibus; et sponsábo te mihi in fide, et scies quia ego Dóminus ». — Verbum Dómini.

Psalmus responsorius

Ps 26, 1. 4. 5. 8 b-9 ab. 9 cd et 11 (R.: 8 b)

R. Fáciem tuam, Dómine, requíram.

Dóminus illuminátio mea et salus mea, quem timébo?
Dóminus protéctor vitæ meæ, a quo trepidábo? R.

Unum pétii a Dómino, hoc requíram:

ut inhábitem in domo Dómini
ómnibus diébus vitæ meæ,
ut vídeam voluptátem Dómini
et vísitem templum eius. R.

Quóniam occultábit me in tentório suo, in die malórum.
Abscóndet me in abscóndito tabernáculi sui,
in petra exaltábit me. R.

Fáciem tuam, Dómine, requíram.

Ne avértas fáciem tuam a me,
ne declínes in ira a servo tuo. R.

Adiútor meus es tu, ne me reícias,
neque derelínquas me, Deus salútis meæ.

Osténde mihi, Dómine, viam tuam,
et dírige me in sémitam rectam
propter inimícos meos. R.

Lectio secunda

1

In novitate vitæ ambulemus.

Léctio Epístolæ beáti Pauli apóstoli ad Romános

Fratres:

6, 3-11

Quicúmque baptizáti sumus in Christo Iesu, in morte ipsíus baptizáti sumus. Consepúlti ergo sumus cum illo per baptísmum in mortem, ut, quemádmódum suscitátus est Christus a mórtuis per glóriam Patris, ita et nos in novitatē vitæ ambulémus.

Si enim complantáti facti sumus similitúdini mortis eius, sed et resurrectionis érimus. Hoc sciéntes, quia vetus homo noster simul crucifíxus est, ut destruátur corpus peccáti, ut ultra non serviámus peccáto. Qui enim mórtuus est, iustificátus est a peccáto.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominátur. Quod enim mórtuus est, peccáto mórtuus est semel; quod autem vivit, vivit Deo.

Ita et vos, existimáte vos mórtuos quidem esse peccáto, vivéntes autem Deo, in Christo Iesu.

Verbum Dómini.

2

*Exhibete corpora vestra hostiam viventem,
sanctam, Deo placentem.*

Léctio Epístolæ beáti Pauli apóstoli ad Romános

12, 1-13

Obsecro vos, fratres, per misericórdiam Dei, ut exhibeátis córpora vestra hóstiam vivéntem, sanctam, Deo

placéntem, rationábile obséquium vestrum. Et nolíte conformári huic sáculo, sed transformámini renovatióne mentis, ut probétis quid sit volúntas Dei, quid bonum et benéplacens et perféctum.

Dico enim per grátiam, quæ data est mihi, ómnibus qui sunt inter vos: non áltius sápere quam opórtet sápere, sed sápere ad sobrietátem, unicuíque sicut Deus divisit mensúram fidei.

Sicut enim in uno córpore multa membra habémus, ómnia autem membra non eúndem actum habent, ita multi unum corpus sumus in Christo, sínguli autem alter alteríus membra. Habéntes autem donatiónes secúndum grátiam, quæ data est nobis, differentes: sive prophétiam secúndum ratióne[m] fidei, sive ministérium in ministrándo, sive qui docet in doctrína, sive qui exhortátur in exhortándo, qui tríbuit in simplicitáte, qui præest in sollicitúdi[n]e, qui miserétur in hilaritáte.

Diléctio sine simulatióne, odiéntes malum, adhæréntes bono, caritáte fraternitátis ínvicem diligéntes, honóre ínvicem præveniéntes, sollicitúdi[n]e non pigri, spíritu fervéntes, Dómino serviéntes, spe gaudéntes, in tribulatióne patiéntes, oratió[n]i instántes, necessitatibus sanctórum comunicántes, hospitalitátem sectántes.

Verbum Dómini.

3

*Verbum crucis pereuntibus stultitia est;
nobis Dei virtus est.*

Léctio Epístolæ primæ beáti Pauli apóstoli
ad Corínthios

1, 22-31

Fratres:

Iudæi signa petunt, et Græci sapiéntiam quærunt;
nos autem prædicámus Christum crucifíxum, Iudæis

quidem scándalum, Géntibus autem stultítiam, ipsis autem vocátis, Iudæis atque Græcis, Christum Dei virtútem et Dei sapiéntiam; quia quod stultum est Dei, sapiéntius est homínibus, et quod infírmum est Dei, fórtius est homínibus.

Vidéte enim vocatiónem vestram, fratres, quia non multi sapiéntes secúndum carnem, non multi poténtes, non multi nóbiles.

Sed quæ stulta sunt mundi elégit Deus, ut confúndat sapiéntes; et infírma mundi elégit Deus, ut confúndat fórtia; et ignobília mundi et contemptibília elégit Deus, quæ non sunt, ut ea quæ sunt destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est sapiéntia nobis a Deo et iustítia et sanctificátio et redémptio, ut, quemádmódum scriptum est, « qui gloriátur, in Dómino gloriétur ». — Verbum Dómini.

4

Virgo cogitat quæ Domini sunt.

Léctio Epístolæ primæ beáti Pauli apóstoli
ad Corínthios

7, 25-35

Fratres:

De virgínibus præcéptum Dómini non hábeo; consílium autem do, tamquam misericórdiam consecútus a Dómino, ut sim fidélis. Exístimo ergo hoc bonum esse propter instántem necessitátem, quóniam bonum est hómini sic esse.

Alligátus es uxóri? noli quærere solutiónem. Solútus es ab uxóre? noli quærere uxórem. Si autem accéperis uxórem, non peccásti; et si núpserit virgo, non peccávit. Tribulatiónem tamen carnis habébunt huiúsmodi; ego autem vobis parco.

Hoc itaque dico, fratres: tempus breviátum est; reliquum est ut et qui habent uxóres tamquam non habéntes sint, et qui flent tamquam non flentes, et qui gaudent tamquam non gaudentes, et qui emunt tamquam non possidentes, et qui utúntur hoc mundo tamquam non abuténtes; præterit enim figúra huius mundi.

Volo autem vos sine sollicitúde esse. Qui sine uxóre est sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divisus est.

Et múlter innúpta et virgo cógitat quæ Dómini sunt, ut sit sancta et córpore et spíritu; quæ autem nupta est cógitat quæ sunt mundi, quómodo pláceat viro.

Porro hoc ad utilitátem vestram dico, non ut láqueum vobis iníciam, sed ad honéstum, et ad adhæréndum Dómino sine distractióne.

Verbum Dómini.

5

*Elegit nos Deus in Christo, ut essemus
sancti et immaculati in caritate.*

Léctio Epístolæ beáti Pauli apóstoli ad Ephésios

1, 3-14

Benedíctus Deus et Pater Dómini nostri Iesu Christi, qui benedíxit nos in omni benedictióne spiritáli in cælestibus in Christo; sicut elégit nos in ipso ante mundi constitutióne, ut essémus sancti et immaculáti in conspéctu eius in caritáte; qui prædestinávit nos in adoptiÓnem filiÓrum per Iesum Christum in ipsum, secúndum beneplácitum voluntátis suæ, in laudem glóriæ grátiae suæ, in qua gratificávit nos in Dilécto.

In quo habémus redemptiónem per ságuinem eius, remissiónem peccatórum secúndum divítias grátiae eius, qua superabundávit in nobis in omni sapiéntia et prudéntia; notum fáciens nobis mystérium voluntátis suæ, secúndum beneplácitum eius, quod propósuit in eo, in dispensatióne plenitúdinis témporum, recapituláre ómnia in Christo, quæ in cælis et quæ in terra: in ipso.

In quo étiam sorte vocáti sumus, prædestináti secúndum propósitum eius, qui ómnia operátur secúndum consílium voluntátis suæ, ut simus in laudem glóriæ eius, qui ante sperávimus in Christo; in quo et vos, cum audissétis verbum veritátis, Evangélium salutis vestræ, in quo et credéntes signáti estis Spíritu promissiónis Sancto, qui est árrabon hereditátis nostræ, in redemptiónem acquisitiónis, in laudem glóriæ ipsíus.

Verbum Dómini.

6

Idem sapite, eandem caritatem habentes, unanimes.

Léctio Epístolæ beáti Pauli apóstoli ad Philippénses

2, 1-4

Fratres:

Si qua consolátio in Christo, si quod solácium caritátis, si qua commúnio spíritus, si quæ víscera et miseratiónes, impléte gáudium meum, ut idem sapiátis, eándem caritátem habéntes, unánimes, idípsum sapiéntes; nihil per contentiónem neque per inánem glóriam, sed in humilitáte superiôres sibi ínvicem arbitrántes, non quæ sua sunt sínguli considerántes, sed et ea quæ aliórum. — Verbum Dómini.

7

Omnia detrimentum feci, ut Christum lucri faciam.

Léctio Epístolæ beáti Pauli apóstoli ad Philippéenses

3, 8-14

Fratres:

Exístimo ómnia detriméntum esse propter eminéntiam sciéntiæ Christi Iesu Dómini mei: propter quem ómnia detriméntum feci et árbitor ut stércora, ut Christum lucri fáciam, et invéniam in illo, non habens meam iustítiam, quæ ex Lege est, sed illam, quæ per fidem est Christi, quæ ex Deo est iustítia in fide; ad cognoscéndum illum et virtútem Resurrectiónis eius et communionem passiónum illíus, confórmans me morti eius, si quo modo occúrram ad resurrectiónem quæ est ex mórtuis.

Non quod iam accéperim aut iam perféctus sim; pérsequor autem, si umquam comprehéndam, sicut et comprehénsus sum a Christo Iesu.

Fratres, ego me non árbitor comprehendísse. Unum autem: quæ quidem retro sunt oblivíscens, ad ea vero quæ ante sunt exténdens me, ad destinátum pérsequor, ad bravíum supérnæ vocatiónis Dei in Christo Iesu. — Verbum Dómini.

8

Quæ sursum sunt sapite, non quæ super terram.

Léctio Epístolæ beáti Pauli apóstoli ad Colosséenses

3, 1-4

Fratres:

Si conresurrexístis Christo, quæ sursum sunt quærite, ubi Christus est in dextera Dei sedens; quæ sursum sunt sápite, non quæ super terram.

Mórtui enim estis, et vita vestra abscóndita est cum Christo in Deo.

Cum Christus apparúerit, vita vestra, tunc et vos apparebítis cum ipso in glória. — Verbum Dómini.

9

*Super omnia caritatem habete, quod est
vinculum perfectionis.*

Léctio Epístolæ beáti Pauli apóstoli ad Colossénses

3, 12-17

Fratres:

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est vinculum perfectiónis; et pax Christi dominétur in córdibus vestris, ad quam et vocáti estis in uno córpore, et grati estóte.

Verbum Christi hábitet in vobis abundánte, in omni sapiéntia docétes et commonétes vosmetípsos psalmis, hymnis, cánticis spiritalibus, in grátia cantántes in córdibus vestris Deo.

Et omne quodcúmque fácitis in verbo aut in ópere, ómnia in Nómine Dómini Iesu Christi, grátias ágéntes Deo Patri per ipsum. — Verbum Dómini.

10

Hæc est voluntas Dei, sanctificatio vestra.

Lectio Epistolæ primæ beāti Pauli apóstoli
ad Thessalonicenses

4, 1-3 a. 7-12

Fratres, rogámus vos et obsecrámus in Dómino Iesu ut, quemádmódum accepístis a nobis quómodo vos opórteat ambuláre et placére Deo, sicut et ambulátis, ut abundétis magis. Scitis enim quæ præcépta dedérimus vobis per Dóminum Iesum.

Hæc est enim volúntas Dei, sanctificátio vestra.

Non enim vocávit nos Deus in immundítia, sed in sanctificatióne. Itaque qui spernit, non hóminem spernit, sed Deum, qui étiam dat Spíritum suum Sanctum in vos.

De caritaté autem fraternitátis non necesse habétis ut vobis scribam; ipsi enim vos a Deo edócti estis ut diligátis ínvicem. Etenim fácitis illud in omnes fratres in univérsa Macedónia.

Rogámus autem vos, fratres, ut abundétis magis, et óperam detis ut quiéti sitis, et ut vestrum negótium agátis, et operémini mánibus vestris, sicut præcépimus vobis, ut honéste ambulétis ad eos qui foris sunt, et nullíus áliquíd desiderétis. — Verbum Dómini.

11

Iesum Christum, cum non videritis, diligitis.

Lectio Epistolæ primæ beāti Petri apóstoli

1, 3-9

Benedíctus Deus et Pater Dómini nostri Iesu Christi, qui secúndum magnam misericórdiam suam regenerávit nos in spem vivam, per resurrectiódinem Iesu Christi ex mórtuis, in hereditátem incorruptibilem et

incontaminátam et immarcescibilem, conservátam in cælis, propter vos, qui in virtúte Dei custodímini per fidem in salútem parátam revelári in témpore novíssimo.

In quo exsultátis, módicum nunc si opórtet contristári in váriis tentatióibus; ut probátio vestræ fidei multo pretiósior auro quod perit, per ignem quidem probáto, inveniátur in laudem et glóriam et honórem in revelatióne Iesu Christi: quem, cum non vidéritis, dilígitis; in quem nunc non vidéntes, credéntes autem exsultátis lætítia inenarrábili et glorificáta, reportántes finem fidei vestræ, salútem animárum.

Verbum Dómini.

12

Si diligamus invicem, Deus in nobis manet.

Léctio Epístolæ primæ beáti Ioánnis apóstoli 4, 7-16

Caríssimi, diligámus ínvicem, quóniam caritas ex Deo est; et omnis qui diligit ex Deo natus est et cognóscit Deum. Qui non diligit non cognóvit Deum, quóniam Deus caritas est. In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est caritas, non quasi nos dilexérimus Deum, sed quóniam ipse diléxit nos, et misit Fílium suum propitiatióem pro peccátis nostris.

Caríssimi, si sic Deus diléxit nos, et nos debémus alterútrum dilígere. Deum nemo vidit umquam. Si diligámus ínvicem, Deus in nobis manet, et caritas eius in nobis consummáta est.

In hoc cognóscimus quóniam in ipso manémus, et ipse in nobis, quóniam de Spíritu suo dedit nobis. Et nos vídimus et testificámur quóniam Pater misit Fílium salvatórem mundi.

Quisquis confessus fuerit: « Iesus est Filius Dei », Deus in ipso manet, et ipse in Deo. Et nos cognovimus et credidimus caritati, quam habet Deus in nobis. Deus caritas est, et qui manet in caritate in Deo manet, et Deus in eo manet. — Verbum Domini.

Evangelium

1

Alleluia

Lc 11, 28

R. Allelúia. V. Beáti qui áudiunt verbum Dei,
et custódiunt illud. R. Allelúia.

Beati estis ... gaudete et exsultate.

✠ Lécio sancti Evangélíi secúndum Mattháeum

5, 1-12 a

In illo témpore:

Videns Iesus turbas, ascéndit in montem; et cum sedísset, accessérunt ad eum discípuli eius. Et apériens os suum, docébat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis, et persecúti

vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ».

Verbum Dómini.

2

Alleluia

Cf. Mt 11, 25

℞. Allelúia. ∇. Benedíctus es, Pater, Dómine cæli et terræ,
quia mystéria Regni párvulis revelásti.
℞. Allelúia.

*Abscondisti hæc a sapientibus,
et revelasti ea parvulis.*

✠ Lécio sancti Evangélii secúndum Matthæum

11, 25-30

In illo témpore:

Respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater, quóniam sic fuit plácitum ante te.

Omnia mihi trádicta sunt a Patre meo. Et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et oneráti estis, et ego refíciam vos. Tóllite iugum meum super vos, et discite a me quia mitis sum et húmilis corde; et inveniétis réquiem animábus vestris; iugum enim meum suáve et onus meum leve est ».

Verbum Dómini.

3

Alleluia

2 Cor 8, 9

℞. Allelúia. ⁊. Iesus Christus egénus factus est,
cum esset dives,
ut illíus inópia vos dívites essétis.
℞. Allelúia.

*Qui perdidit animam suam propter me,
inveniet eam.*

✠ Lécio sancti Evangélíi secúndum Matthæum

16, 24-27

In illo témpore:

Dixit Iesus discípulis suis: « Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam; qui autem perdíderit ánimam suam propter me, invéniet eam.

Quid enim prodest hómini, si mundum univérsum lucrétur, ánimæ vero suæ detriméntum patiátur?

Aut quam dabit homo commutatióem pro ánima sua?

Fílius enim hóminis ventúrus est in glória Patris sui cum ángelis suis, et tunc reddet unicuíque secúndum opus eius ». — Verbum Dómini.

4

Alleluia

Cf. Mt 11, 25

℞. Allelúia. ⁊. Benedíctus es, Pater, Dómine cæli et terræ,
quia mystéria Regni párvulis revelásti.
℞. Allelúia.

Propter Regnum cælorum.

✠ Lécio sancti Evangélii secúndum Matthæum

In illo témpore:

19, 3-12

Accessérunt ad Iesum pharisæi tentántes eum et dicéntes: « Licet hómini dimíttre uxórem suam quacúmque ex causa? »

Qui respóndens ait: « Non legístis quia qui creávit ab inítio “ másculum et féminam fecit eos ” et dixit: “ Propter hoc dimíttet homo patrem et matrem, et adhærébit uxóri suæ, et erunt duo in carne una ”? Itaque iam non sunt duo, sed una caro. Quod ergo Deus coniúnxit, homo non séparet ».

Dicunt illi: « Quid ergo Móyses mandávit dari libéllum repúdii et dimíttre? »

Ait illis: « Móyses ad durítiam cordis vestri permísit vobis dimíttre uxóres vestras! ab inítio autem non sic fuit. Dico autem vobis quia quicúmque dimiserit uxórem suam, nisi ob fornicatióem, et áliam dúxerit mœchátur ».

Dicunt ei discipuli eius: « Si ita est causa hóminis cum uxóre, non expedit núbere ».

Qui dixit eis: « Non omnes cápiunt verbum istud, sed quibus datum est. Sunt enim eunúchi qui de matris útero sic nati sunt, et sunt eunúchi qui facti sunt ab homínibus, et sunt eunúchi qui se ipsos castravérunt propter Regnum cælórum. Qui potest cápere cápiat ».

Verbum Dómini.

5

Alleluia

Phil 3, 8-9

℞. Allelúia. ʒ. Omnia detriméntum feci
et árbitor ut stércora,
ut Christum lucrifáciam et invéniam in illo
℞. Allelúia.

*Si vis perfectus esse, vende quæ habes
et sequere me.*

✠ Lécio sancti Evangélíi secúndum Matthæum

19, 16-26

In illo témpore:

Ecce unus accédens ad Iesum ait illi: « Magíster, quid boni fáciam ut hábeam vitam ætérrnam? »

Qui dixit ei: « Quid me intérrogas de bono? Unus est bonus. Si autem vis ad vitam íngredi, serva mandáta ».

Dicit illi: « Quæ? »

Iesus autem dixit: « “ Non homicídium fácies, non adulterábis, non fácies furtum, non falsum testimónium dices, honóra patrem et matrem ”, et “ díliges próximum tuum sicut te ipsum ” ».

Dicit illi aduléscens: « Omnia hæc custodívi: quid adhuc mihi deest? »

Ait illi Iesus: « Si vis perféctus esse, vade, vende quæ habes et da paupéríbus, et habébis thesáurum in cælo, et veni, séquere me ».

Cum audísset autem aduléscens verbum, ábiit tristis: erat enim habens multas possessiões.

Iesus autem dixit discíplis suis: « Amen dico vobis: Dives difícilé intrábit in Regnum cælórum. Et íterum dico vobis: Facílius est camélum per forámen acus transíre, quam dívitem intráre in Regnum Dei ».

Audítis autem his, discípli mirabántur valde dicétes: « Quis ergo póterit salvus esse? »

Aspíciens autem Iesus dixit illis: « Apud hómines hoc impossíbile est; apud Deum autem ómnia possibília sunt ».— Verbum Dómini.

Alleluia

Io 15, 5

℞. Allelúia. ʒ. Ego sum vitis, vos pálmities,
 dicit Dóminus;
 qui manet in me, et ego in eo,
 hic fert fructum multum. ℞. Allelúia.

Ecce Sponsus, exite obviam ei.

✠ Lécio sancti Evangélii secúndum Mattháeum

25, 1-13

In illo témpore:

Dixit Iesus discípulis suis parábolam hanc: « Sí-
 mile erit Regnum cælórum decem virgínibus, quæ ac-
 cipiéntes lámpades suas exiérunt óbviám sponso. Quin-
 que autem ex eis erant fátuæ et quinque prudéntes.
 Fátuæ enim, accéptis lampádibus suis, non sumpsérunt
 óleum secum; prudéntes vero accepérunt óleum in
 vasis cum lampádibus suis.

Moram autem faciénté sponso, dormitavérunt om-
 nes et dormiérunt.

Média autem nocte clamor factus est: “ Ecce spon-
 sus, exíte óbviám ei ”. Tunc surrexérunt omnes vírgi-
 nes illæ et ornavérunt lámpades suas.

Fátuæ autem sapiéntibus dixérunt: “ Date nobis de
 óleo vestro, quia lámpades nostræ exstinguúntur ”.

Respondérunt prudéntes dicéntes: “ Ne forte non
 suffíciat nobis et vobis, ite pótius ad vendéntes et émite
 vobis ”.

Dum autem irent émere, venit sponsus, et quæ pa-
 rátæ erant intravérunt cum eo ad núptias, et clausa
 est iánua.

Novíssime autem véniunt et réliquæ vírgines di-

céntes: “ Dómine, dómine, áperi nobis ”. At ille respóndens ait: “ Amen dico vobis, nésco vos ”.

Vigiláte ítaque, quia nescítis diem neque horam ». Verbum Dómini.

7

Alleluia

Gal 6, 14

℞. Allelúia. ✠. Mihi absit gloriári nisi in cruce Dómini, per quem mihi mundus crucifíxus est, et ego mundo. ℞. Allelúia.

*Qui fecerit voluntatem Dei, hic frater meus
et soror mea et mater est.*

✠ Lécio sancti Evangélíi secúndum Marcum

3, 31-35

In illo témpore:

Venit mater Iesu et fratres eius et foris stantes misérunt ad eum vocántes eum.

Et sedébat circa eum turba, et dicunt ei: « Ecce mater tua et fratres tui et soróres tuæ foris quærunt te ».

Et respóndens eis ait: « Quæ est mater mea et fratres mei? »

Et circumspíciens eos qui in circúitu eius sedébant, ait: « Ecce mater mea et fratres mei. Qui enim fécerit voluntátem Dei, hic frater meus et soror mea et mater est ». — Verbum Dómini.

8

Alleluia

2 Cor 8, 9

℞. Allelúia. ✠. Iesus Christus egénus factus est, cum esset dives, ut illíus inópia vos dívites essétis.
℞. Allelúia.

*Ecce nos dimisimus omnia,
et secuti sumus te.*

✠ Lécio sancti Evangélii secúndum Marcum

10, 24 b-30

In illo témpore:

Ait Iesus discípulis suis: « Fílii, quam difícilé est in Regnum Dei introíre! Facílius est camélum per forámen acus transíre quam dívitem intráre in Regnum Dei ».

Qui magis admirabántur, dicéntes ad semetípsos: « Et quis potest salvus fíeri? »

Intuens illos Iesus ait: « Apud hómines impossíbile est, sed non apud Deum; ómnia enim possibília sunt apud Deum ».

Cœpit Petrus ei dícere: « Ecce nos dimísimus ómnia, et secúti sumus te ».

Ait Iesus: « Amen dico vobis: Nemo est qui relíquerit domum aut fratres aut soróres aut matrem aut patrem aut fílios aut agros propter me et propter Evangélíum, qui non accípiat cénties tantum nunc in témpore hoc, domos et fratres et soróres et matres et fílios et agros cum persecutió nibus, et in sáculo futúro vitam æté rnam ». — Verbum Dómini.

9

Alleluia

Phil 3, 8-9

℞. Allelúia. √. Omnia detriméntum feci
et árbítror ut stércora,
ut Christum lucrifáciam et invéníar in illo.
℞. Allelúia.

*Nemo mittens manum suam in aratrum
et aspiciens retro, aptus est Regno Dei.*

✠ Lécio sancti Evangélii secúndum Lucam 9, 57-62

In illo témpore:

Ambulántibus Iesus et discípulis suis in via, dixit quidam ad illum: « Sequar te quocúmque íeris ».

Et ait illi Iesus: « Vulpes fóveas habent, et vólucres cæli nidos; Fílius autem hóminis non habet ubi caput reclínet ».

Ait autem ad álterum: « Séquere me ».

Ille autem dixit: « Dómine, permítte mihi primum ire et sepelíre patrem meum ».

Dixítque ei Iesus: « Sine ut mórtui sepéliant mórtuos suos; tu autem vade, annúntia Regnum Dei ».

Et ait alter: « Sequar te, Dómine, sed primum permítte renuntiáre his qui domi sunt ».

Ait ad illum Iesus: « Nemo mittens manum suam in arátrum et aspiciens retro, aptus est Regno Dei ».

Verbum Dómini.

10

Alleluia

Gal 6, 14

℞. Allelúia. ʒ. Mihi absit gloriári nisi in cruce Dómini,
per quem mihi mundus crucifíxus est,
et ego mundo. ℞. Allelúia.

*Martha excepit illum.
Maria optimam partem elegit.*

✠ Lécio sancti Evangélii secúndum Lucam

10, 38-42

In illo témpore:

Intrávit Iesus in quoddam castéllum; et múlter quædam, Martha nómine, excépit illum. Et huic erat soror

nómine María, quæ étiam sedens secus peçes Dómini audiébat verbum illius.

Martha autem satagébat circa frequens ministérium; quæ stetit et ait: « Dómine, non est tibi curæ quod soror mea reliquit me solam ministráre? dic ergo illi ut me ádiuvet ».

Et respóndens dixit illi Dóminus: « Martha, Martha, sollicita es et turbáris erga plúrima.

Porro unum est necessárium: María enim óptimam partem elégit, quæ non auferétur ab ea ».

Verbum Dómini.

11

Alleluia

Io 15, 5

℞. Allelúia. √. Ego sum vitis, vos pálmities,
dicit Dóminus;
qui manet in me, et ego in eo,
hic fert fructum multum. ℞. Allelúia.

*Beati qui audiunt verbum Dei
et custodiunt.*

✠ Léctio sancti Evangélíi secúndum Lucam 11, 27-28

In illo témpore:

Extóllens vocem quædam múlíer de turba dixit Iesu: « Beátus venter qui te portávit, et úbera quæ suxísti ».

At ille dixit: « Quinímmo beáti, qui áudiunt verbum Dei et custódiunt ». — Verbum Dómini.

12

Alleluia

Gal 6, 14

℞. Allelúia. √. Mihi absit gloriári nisi in cruce Dómini,
per quem mihi mundus crucifíxus est,
et ego mundo. ℞. Allelúia.

*Si granum frumenti mortuum fuerit,
multum fructum affert.*

✠ Lécio sancti Evangélii secúndum Ioánnem

12, 24-26

In illo témpore:

Dixit Iesus discípulis suis: « Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam, perdit eam; et qui odit ánimam suam in hoc mundo, in vitam ætérnam custódiet eam.

Si quis mihi minístrat, me sequátur; et ubi sum ego, illic et miníster meus erit. Si quis mihi ministráverit, honorificábit eum Pater ». — Verbum Dómini.

13

Alleluia

Io 15, 5

℞. Allelúia. ∿. Ego sum vitis, vos pálmities,
dicit Dóminus;
qui manet in me, et ego in eo,
hic fert fructum multum. ℞. Allelúia.

Manete in me, et ego in vobis.

✠ Lécio sancti Evangélii secúndum Ioánnem 15, 1-8

In illo témpore:

Dixit Iesus discípulis suis: « Ego sum vitis vera, et Pater meus agrícola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat. Iam vos mundi estis propter sermónem, quem locútus sum vobis.

Manéte in me, et ego in vobis. Sicut palmes non potest ferre fructum a semetípso, nisi mánserit in vite, sic nec vos, nisi in me manséritis.

Ego sum vitis, vos pálmites; qui manet in me, et ego in eo, hic fert fructum multum, quia sine me nihíl potéstis fácere. Si quis in me non mánserit, missus est foras sicut palmes et áruit, et cólligunt eos et in ignem mittunt, et ardent.

Si manséritis in me, et verba mea in vobis mánserint, quodcúmque voluérítis pétite, et fiet vobis. In hoc glori ficátus est Pater meus, ut fructum multum afferátis, et efficiámini mei discípuli ».

Verbum Dómini.

14

Alleluia

Io 13, 34

℞. Allelúia. √. Mandátum novum do vobis,
dicit Dóminus,
ut diligátis ínvicem sicut diléxi vos.
℞. Allelúia.

*Vos amici mei estis, si facietis
quæ ego præcipio vobis.*

✠ Lécio sancti Evangélíi secúndum Ioánnem

15, 9-17

In illo témpore:

Dixit Iesus discípulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavérítis, manébitis in dilectióne mea; sic ut ego Patris mei præcépta servávi, et máneo in eius dilectióne.

Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcípio vobis. Iam non dico vos servos, quia servus nescit quid facit dóminus eius: vos autem dixi amícos, quia ómnia quæ audívi a Patre meo nota feci vobis.

Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat; ut, quodcúmque petiéritis Patrem in Nómine meo, det vobis.

Hæc mando vobis, ut diligátis ínvicem ».

Verbum Dómini.

15

Alleluia

Ps 132, 1

℟. Allelúia. ℣. Ecce quam bonum et quam iucúndum habitáre fratres in unum. ℟. Allelúia.

*Volo ut, ubi ego sum, et illi
sint mecum.*

✠ Léctio sancti Evangélíi secúndum Ioánnem

17, 20-26

In illo témpore:

Sublevátis Iesus óculis in cælum, orávit dicens: « Pater sancte, non pro his rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me, et ego in te, ut et ipsi in nobis sint, ut mundus credat quia tu me misísti.

Et ego glóriam, quam dedísti mihi, dedi illis, ut sint unum sicut nos unum sumus. Ego in eis, et tu in me, ut sint consummáti in unum, ut cognóscat mundus quia tu me misísti et dilexísti eos, sicut me dilexísti.

Pater, quod dedísti mihi, volo ut, ubi ego sum, et illi sint mecum, ut vídeant glóriam meam, quam dedísti mihi; quia dilexísti me ante constitutióem mundi.

Pater iuste, et mundus te non cognóvit; ego autem te cognóvi, et hi cognovérunt quia tu me misísti. Et notum feci eis Nomen tuum, et notum fáciam, ut dilectio, qua dilexísti me, in ipsis sit, et ego in ipsis ».

Verbum Dómini.

VIII. IN DIE DEDICATIONIS

1. IN DEDICATIONE ECCLESIAE

Ant. ad introitum

Ps 67, 6. 7. 36

Deus in loco sancto suo,
Deus, qui inhabitare facit unánimes in domo:
ipse dabit virtutem et fortitudinem plebi suæ.

Vel:

Ps 121, 1

In domum Dómini lætantes íbimus, allelúia.

Collecta

Omnípotens sempitérne Deus,
effúnde super hunc locum grátiam tuam,
et ómnibus te invocántibus auxilií tui munus impénde,
ut hic verbi tui et sacramentórum virtus
ómnium fidélium corda confírmet. Per Dóminum.

Lectio prima

*Legerunt in libro legis, et intellexerunt
cum legeretur.*

Léctio libri Nehemíæ

8, 2-4 a. 5-6. 8-10

In diébus illis:

Attulit Esdras sacérdos legem coram multitúdine virórum et mulierum, cunctisque qui póterant intellégere, in die prima mensis séptimi. Et legit in eo apérte in platéa, quæ erat ante portam Aquárum, de mane usque ad médiam diem, in conspéctu virórum et mulierum et sapiéntium; et aures omnis pópuli erant eréctæ ad librum.

Stetit autem Esdras scribe super gradum lígneum, quem fécerat ad loquéndum. Et apéruit Esdras librum

coram omni pópulo (super univérsum quippe pópulum eminébat), et cum aperuísset eum, stetit omnis pópulus. Et benedíxit Esdras Dómino Deo magno, et respóndit omnis pópulus: « Amen. Amen », élevans manus suas. Et incurváti sunt, et adoravérunt Deum proni in terram.

Et legérunt in libro legis Dei distíncte et apérte ad intellegéndum; et intellexérunt cum legerétur. Dixit autem Nehemías (ipse est Athérsatha) et Esdras, sacerdos et scriba, et levítæ interpretántes univérso pópulo: « Dies sanctificátus est Dómino Deo nostro: nolíte lugére et nolíte flere ». Flebat enim omnis pópulus, cum audíret verba legis.

Et dixit eis: « Ite, comédite pínguia, et bíbite mulsum, et míttite partes his qui non præparavérunt sibi; quia sanctus dies Dómini est. Et nolíte contristári: gáudium étenim Dómini est fortitúdo nostra ».

Verbum Dómini.

Psalmus responsorius

Ps 118. 129. 130. 133. 135. 144 (R.: 105 a)

R. Lucérna pédibus meis verbum tuum, Dómine.

¹²⁹ Mirábília testimónia tua,
ídeo servávit ea ánima mea. R.

¹³⁰ Declarátio sermónum tuórum illúminat,
et intelléctum dat párvulis. R.

¹³³ Gressus meos dírige secúndum elóquium tuum,
et non dominétur mei omnis iníquitas. R.

¹³⁵ Fáciem tuam illúmina super servum tuum,
et doce me iustificatiónes tuas. R.

¹⁴⁴ Iustítia testimoniórum tuórum in ætérnum;
intelléctum da mihi, et vivam. R.

Lectio secunda et Evangelium ut supra in anniversario dedicationis ecclesiæ, pp. 793-799.

Super oblata

Accépta tibi sint, Dómine, múnera lætántis Ecclésiæ,
ut pópulus tuus, in hanc domum sanctam convéniens,
per hæc mystéria salútem perpétuam consequátur.
Per Christum.

Dicitur Prex eucharistica I vel III cum hac Præfatione, quæ ritui dedicationis ecclesiæ inhæret:

Præfatio: De mysterio templi Dei.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi, sancte Pater, semper et ubíque grátias ágere.
Qui templum glóriæ tuæ univérsum mundum fecísti,
ut nomen tuum ubíque clarificarétur,
sed et loca divínis apta mystériis non rénuis tibi sacrári:
hanc ergo oratiónis domum, humáno exstrúctam labóre,
maiestáti tuæ exsultántes dicámus.

Hic veri Templi adumbrátur mystérium
et cæléstis Ierúsalem prænotátur imágo:
corpus enim Fílii tui, ex alma Vírgine natum,
templum effecísti tibi sacrátum,
in quo inhabitáret plenitúdo divinitátis.

Ecclésiám autem sanctam constituísti civitátem,
super fundaméntum Apostolórum ædificátam,
summo angulári lápide ipso Christo Iesu;
sed eléctis construéndam lapídibus,
Spírítu vivificátis, coagmentátis caritáte,

ubi tu per infinita sæcula omnia omnibus eris
et Christi lumen fulgēbit perénne.

Per quem nos, Dómine, cum Angelis et Sanctis univérſis
tibi confitémur, in exultatióne dicéntes:

Sanctus, Sanctus, Sanctus Dóminus Deus Sábaoth ...

Quando iam de more sacra celebrantur in ecclesia, et si adhibetur
Præx eucharistica I, II vel III, dicitur hæc

Præfatio: De ecclesia terrestri ad Ecclesiam Dei.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Quia in domo visíbili, quam nobis extrúere concessísti,
ubi famíliæ in hoc loco ad te peregrinánti
favére non désinis,

mystérium tuæ nobíscum communiónis
mire figúras et operáris:

hic enim tibi templum illud quod nos sumus ædíficas,
et Ecclesiám per orbem diffúsam

in domínici compágem córporis facis augéri,
in pacis visióne compléndam, cælésti civitaté Ierúsalem.

Et ideo, cum multitudíne órđinum beatórum,
in templo glóriæ tuæ, te collaudámus,
benedicimus et magnificámus, dicéntes: Sanctus ...

In Precibus eucharisticis, dedicatio ecclesiæ secundum has formulas commemoratur:

a) in Prece eucharistica I dicitur Hanc igitur proprium:

Hanc igitur oblationem servitutis nostræ,
sed et famulorum tuorum
qui hanc ecclesiam (in honorem N.)
fideli tibi obtulerunt ánimo
vel indefesso ædificarunt labore,
quæsumus, Dómine, ut placátus accípias.
(Per Christum Dóminum nostrum. Amen.)

b) in intercessionibus Precis eucharisticæ III, post verba pópulo acquisitionis tuæ dicitur:

Votis huius familiæ, quæ hanc tibi dicat ecclesiam,
adesto propítius:
sit ei domus salutis et aula cælestium sacramentorum;
hic résonet evangélium pacis
et sacra mystéria celebréntur,
quibus fideles tui, verbo vitæ ac divína grátia instrúcti,
per temporálem civitátem peregrinántes
ad ætérnam Ierúsalem perveníre mereántur,
in qua omnes filios tuos ubique dispérsos
tibi, clemens Pater, miserátus coniúngas.
Fratres nostros defúctos ...

Ant. ad communionem

Mt 21, 13; Lc 11, 10

Domus mea, domus orationis vocábitur, dicit Dóminus:
in ea omnis qui petit accípit,
et qui quærit ínvenit, et pulsánti aperiétur.

Vel:

Cf. Ps 127, 3

Sicut novellæ olivárum,
Ecclesiæ filii sint in circúitu mensæ Dómini, allelúia.

Post communionem

Multiplica, Dómine, quæsumus,
per hæc sancta quæ sumpsimus,
veritatem tuam in mentibus nostris,
ut te in templo sancto iúgiter adorémus,
et in conspéctu tuo cum ómnibus Sanctis gloriémur.
Per Christum.

Benedictio in fine Missæ

Deus, Dóminus cæli et terræ,
qui vos hódie
ad huius domus dedicatióem adunávit,
ipse vos cælesti benedictiône fáciat abundáre.
R. Amen.

Concedátque vos fieri templum suum
et habitáculum Spíritus Sancti,
qui omnes filios dispérsos
vóluit in Fílio suo congregári.
R. Amen.

Quátenus felíciter emundáti,
habitatórem Deum
in vobismetípsis possitis habére,
et æternæ beatitúdinis hereditátem
cum ómnibus Sanctis possidére.
R. Amen.

Benedícat vos omnípotens Deus,
Pater, et Fílius, ✠ et Spíritus Sanctus.
R. Amen.

Missæ in anniversario dedicationis in Communibus ponuntur.
pp. 785-787.

2. IN DEDICATIONE ALTARIS

Ant. ad introitum

Ps 83, 10-11

Protéctor noster, áspice, Deus,
et réspice in fáciem Christi tui;
quia mélior est dies una in átriis tuis super mília.

Vel:

Ps 42, 4

Introíbo ad altáre Dei, allelúia.

Collecta

Deus, qui ad Fílium tuum in ara crucis exaltátum
ómnia attráhere voluísti,
cælésti grátia perfúnde fidéles tuos
hanc tibi dicántes altáris mensam,
ad quam eos, in unum congregátos, próvide nútries
Spíritúque effúso, in dies constitúes
plebem tibi sacrátam. Per Dóminum.

Lectiones ut infra, pp. 1239-1247.

Super oblata

Descéndat, quæsumus, Dómine Deus noster,
Spíritus tuus Sanctus super hoc altáre,
qui et dona pópuli tui sanctíficet,
et suméntium corda dignánte emúndet. Per Christum.

Dicitur Prex eucharistica I vel III cum hac Præfatione, quæ ri-
tui dedicationis altaris inhæret:

Præfatio: Altare ipse est Christus.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutäre,
nos tibi semper et ubique grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Qui verus sacérdos veráque efféctus hóstia,
sacrificií, quod ipse in ara crucis tibi óbtulit,
memoriále nobis præcépit in perpétuum celebráre.
Ideo pópulus tuus hoc eréxit altáre,
quod tibi, Dómine, exsultántes dicámus.

Hic est vere locus excélsus,
ubi Christi sacrificium in mystério iúgiter offértur,
tibi perfécta tribúitur laus
nostráque exséritur redéptio.

Hic domínica mensa parátur,
ad quam filii tui, Christi córpore refécti,
in unam sanctámque congregántur Ecclésiám.

Hic fidéles Spíritum tuum háuriunt
de flumínibus a Christo, spiritáli petra, manántibus,
per quem et ipsi fiunt oblátio sancta, vivum altáre.

Unde et nos, Dómine, cum Angelis et Sanctis univérſis
tibi confitémur, in exsultatióne dicéntes:

Sanctus, Sanctus, Sanctus Dóminus Deus Sábaoth ...

Ant. ad communionem

Ps 83, 4-5

Passer invénit sibi domum,
et turtur nidum, ubi repónat pullos suos:
altária tua, Dómine virtútum,
rex meus et Deus meus.
Beáti qui hábitant in domo tua,
in sáculum sáculi laudábunt te.

Vel:

Cf. Ps 127, 3

Sicut novéllæ olivárum,
Ecclésiæ filii sint in circúitu mensæ Dómini, allelúia.

Post communionem

Da nobis, Dómine, tuis semper altáribus inhærére,
ubi sacrificií sacraméntum celebrátur,
ut, fide et caritaté coniúcti, dum Christo refícimur
in Christum transformémur. Qui vivit et regnat.

Benedictio in fine Missæ

Deus, qui vos exórnat regáli sacerdótio,
tribuat ut, munus vestrum sancte perficiéntes,
Christi sacrificium valeátis digne participáre.

℞. Amen.

Et qui ad unam mensam vos cóngregat
unóque refícit pane,
ex vobis fáciat cor unum et ánimam unam.

℞. Amen.

Ut eos, quibus Christum annuntiátis,
ad Christum trahátis exémplo vestræ dilectiónis.

℞. Amen.

Benedícat vos omnípotens Deus,
Pater, et Fílius, ✠ et Spíritus Sanctus.

℞. Amen.

Lectio prima**1**

*Surgens Iacob tulit lapidem et erexit in titulum,
fundens oleum desuper.*

Léctio libri Génesis

28, 11-18

In diébus illis:

Cum venisset Iacob ad quendam locum, et vellet
in eo requiescere post solis occúbitum, tulit de lapídibus

qui iacébant, et supponens cápiti suo dormívit in eódem loco.

Vidítque in somnis scalam stantem super terram, et cacúmen illíus tangens cælum, ángelos quoque Dei ascendéntes et descendéntes per eam, et Dóminum inníxum scalæ dicéntem sibi:

« Ego sum Dóminus Deus Abraham patris tui et Deus Isaac: terram, in qua dormis, tibi dabo et sémini tuo, erítque semen tuum quasi pulvis terræ; dilatáberis ad occidentem et oriéntem et septentriónem et merídiem, et benedicéntur in te et in sémine tuo cunctæ tribus terræ. Et ero custos tuus quocúmque perréxeris, et redúcam te in terram hanc; nec dimíttam nisi complévero universa quæ dixi ».

Cumque evigilásset Iacob de somno, ait: « Vere Dóminus est in loco isto, et ego nesciébam ».

Pavénsque, « Quam terríbilis est » inquit, « locus iste! non est hic áliud nisi domus Dei et porta cæli ». Surgens ergo Iacob mane tulit lápidem, quem supposúerat cápiti suo, et eréxit in títulum, fundens óleum désuper. — Verbum Dómini.

Psalmus responsorius

Ps 94, 1-2. 3-5. 6-7

R. Accedámus in conspéctum Dómini cum láudibus.

- 1 Veníte, exsultémus Dómino;
iubilémus Deo salutári nostro.
- 2 Præoccupémus fáciem eius in confessióne,
et in psalmis iubilémus ei. **R.**
- 3 Quóniam Deus magnus Dóminus,
et rex magnus super omnes deos.
- 4 Quia in manu eius sunt profúnda terræ,
et altitúdines móntium ipsíus sunt.
- 5 Quóniam ipsíus est mare, et ipse fecit illud,
et siccam manus eius formavérunt. **R.**

Veníte, adorémus et procidámus,
et génua flectámus ante Dóminum qui fecit nos,
quia ipse est Deus noster,
et nos pópulus páscuæ eius et oves manus eius. P.

2

Ædificavit Iosue altare Domino.

Léctio libri Iósue

8, 30-35

In diébus illis:

Ædificávit Iósue altáre Dómino Deo Israel in monte Hebal, sicut præcéperat Móyses fámulus Dómini fíliis Israel, et scriptum est in volúmine legis Móysi: altáre vero de lapídibus impolítis quos ferrum non tétigit. Et óbtulit super eo holocáusta Dómino, immolavítque pacíficas víctimas. Et scripsit super lápidés deuteronomium legis Móysi, quod ille digésserat coram fíliis Israel.

Omnis autem pópulus et maióres natu, ducésque ac iúdice stabant ex utráque parte arcæ, in conspéctu sacerdotum qui portábant arcam fœderis Dómini, ut ádvena ita et indígena. Média pars eórum iuxta montem Garízim, et média iuxta montem Hebal, sicut præcéperat Móyses fámulus Dómini.

Et primum quidem benedíxit pópulo Israel; post hæc legit ómnia verba benedictiónis et maledictiónis, et cuncta quæ scripta erant in legis volúmine. Nihil ex his quæ Móyses iússerat reliquit intáctum, sed univérsa replicávit coram omni multitúdine Israel, muliéribus ac párvulis et ádvenis qui inter eos morabántur.

Verbum Dómini.

Psalmus responsorius Ps 83, 3. 4. 5 et 10. 11 (R.: 2)

R. Quam dilécta altária tua, Dómine.

3 Concupiscit et déficit ánima mea in átria Dómini.
Cor meum et caro mea
exsultavérunt in Deum vivum. R.

4 Etenim passer invénit sibi domum,
et turtur nidum sibi, ubi ponat pullos suos:
altária tua, Dómine virtútum, rex meus et Deus meus. R.

5 Beáti qui hábitant in domo tua,
in perpétuum laudábunt te.

10 Protéctor noster, áspice, Deus,
et réspice in fáciem Christi tui. R.

11 Quia mélior est dies una in átriis tuis super mília,
elégi ad limen esse in domo Dei mei,
magis quam habitáre in tabernáculis peccatórum. R.

3

*Fecerunt dedicationem altaris, et facta est
lætitia in populo magna valde.*

Léctio libri primi Machabæórum

4, 52-59

Ante inatutínium surrexérunt quinta et vigésima die mensis noni (hic est mensis Cásleu) centésimi quadragésimi octávi anni, et obtulérunt sacrificium secúndum legem super altáre holocaustórum novum, quod fecerunt. Secúndum tempus et secúndum diem, in qua contaminavérunt illud gentes, in ipsa renovátum est in cánticis et cítharis et cínyris et in cýmbalis.

Et cécidit omnis pópulus in fáciem, et adoravérunt

et benedixerunt in cælum eum qui prosperavit eis; et fecerunt dedicatióem altáris diébus octo, et obtulerunt holocáusta cum lætítia, et sacrificium salutáris et laudis; et ornavérunt fáciem templi corónis áureis et scútulis, et dedicavérunt portas et pastophória, et imposuérunt eis iánuas. Et facta est lætítia in pópulo magna valde, et aversum est oppróbrium géntium.

Et státuit Iudas et fratres eius et univérsa ecclésia Israel, ut agátur dies dedicatióis altáris in tempóribus suis ab anno in annum, per dies octo, a quinta et vigésima die mensis Cásleu, cum lætítia et gáudio.

Verbum Dómini.

Psalmus responsorius Ps 121, 1-2. 3-4. 8-9 (R.: cf. 1)

R. In domum Dómini lætántes íbimus.

1 Lætátus sum in eo quod dixerunt mihi:

« In domum Dómini íbimus ».

2 Stantes iam sunt pedes nostri
in portis tuis, Ierúsalem. **R.**

3 Ierúsalem, quæ ædificáta est ut cívitas
sibi compácta in idípsum.

4 Illuc enim ascendérunt tribus, tribus Dómini,
testimónium Israel, ad confiténdum nómini Dómini. **R.**

8 Propter fratres meos et próximos meos
loquar: « Pax in te! »

9 Propter domum Dómini Dei nostri
exquíram bona tibi. **R.**

Lectio secunda

1

*Non potestis mensæ Domini participes esse
et mensæ dæmoniorum*

Lectio Epistolæ primæ beāti Pauli apóstoli
ad Corínthios

10, 16-21

Fratres:

Calix benedictiónis, cui benedicimus, nonne communicatio ságuinis Christi est? et panis quem frángimus, nonne communicatio cörperis Christi est? Quóniam unus panis, unum corpus multi sumus, omnes enim de uno pane participámur.

Vidéte Israel secúndum carnem: nonne qui edunt hóstias communicántes sunt altári? Quid ergo dico? quod idolóthyum sit áliquid? aut quod idólum sit áliquid? Sed quæ ímmolant, dæmóniis ímmolant et non Deo; nolo autem vos communicántes fieri dæmóniis: non potéstis cálicem Dómini bíbere et cálicem dæmoniórum; non potéstis mensæ Dómini partícipes esse et mensæ dæmoniórum. — Verbum Dómini.

2

*Habemus altare, de quo edere non habent potestatem
qui tabernaculo deserviunt.*

Lectio Epistolæ ad Hebræos

13, 8-15

Iesus Christus heri et hódie idem, et in sæcula. Doctrínis váriis et peregrínis nolíte abdúci; óptimum enim est grátia stabilíri cor, non escis, quæ non profuérunt ambulántibus in eis.

Habémus altáre, de quo édere non habent potestátem qui tabernáculo deserviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra.

Propter quod et Iesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium eius portántes. Non enim habémus hic manéntem civitátem, sed futúram inquírimus.

Per ipsum ergo offerámus hóstiam laudis semper Deo, id est fructum labiórum confiténtium Nómini eius. — Verbum Dómini.

Vel etiam 1 Petr 2, 4-9, ut supra in anniversario dedicationis ecclesiæ, p. 795.

Evangelium

1

Alleluia

Ez 37, 27

℟. Allelúia. ⅆ Erit tabernáculum meum in eis,
dicit Dóminus. ℟. Allelúia.

*Vade, reconciliare fratri tuo,
et tunc offer munus tuum.*

✠ Lécio sancti Evangélíi secúndum Matthæum

5, 23-24

In illo témpore: Dixit Iesus discípulis suis:

« Si ófferes munus tuum ad altáre, et ibi recordátus fúeris quia frater tuus habet áliquíd advérsus te, relínque ibi munus tuum ante altáre, et vade prius, reconciliáre fratri tuo, et tunc véniens offer munus tuum ».

Verbum Dómini.

2

Alleluia

Cf. Io 4, 24

℟. Allelúia. ʋ. Pater veros adorátōres quærit,
qui adórent eum in spírítu et veritáte.

℟. Allelúia.

*Veri adoratores adorabunt Patrem in spiritu
et veritate.*

✠ Lécitio sancti Evangélíi secúndum Ioánnem 4, 19-24

In illo témpore:

Múlíer Samaritána dicit Iesu:

« Dómine, vídeo quia prophéta es tu. Patres nostri in monte hoc adoravérunt, et vos dícitis quia Hierosólymis est locus ubi adoráre opórtet ».

Dicit ei Iesus: « Crede mihi, múlíer, quia venit hora, quando neque in monte hoc, neque in Hierosólymis adorábitis Patrem. Vos adorátis quod nescítis, nos adorámus quod scimus, quia salus ex Iudæis est. Sed venit hora et nunc est, quando veri adorátōres adorábunt Patrem in spírítu et veritáte. Nam et Pater tales quærit qui adórent eum. Spírítus est Deus, et eos, qui adoránt eum, in spírítu et veritáte opórtet adoráre ».

Verbum Dómini.

3

Alleluia

Hebr 13, 8

℟. Allelúia. ʋ. Christus heri et hódie,
ipse et in sácula. ℟. Allelúia.

*Si exaltatus fuero a terra, omnes traham
ad meipsum*

✠ Lécio sancti Evangélíi secúndum Ioánnem

12, 31-36 a

In illo témpore:

Dixit Iesus ad turbam: « Nunc iudícium est huius mundi, nunc princeps huius mundi eiciétur foras.

Et ego, si exaltátus fúero a terra, omnes traham ad meípsum ». Hoc autem dicébat signíficans qua morte esset moritúrus.

Respóndit ergo ei turba: « Nos audívimus ex Lege quia Christus manet in ætérnum, et quómodo tu dicis: " Opórtet exaltári Fílium hóminis " ? Quis est iste Fílius hóminis ? »

Dixit ergo eis Iesus: « Adhuc módicum tempus lumen in vobis est. Ambuláte dum lucem habétis, ut non ténebræ vos comprehéndant; et qui ámbulat in ténebris nescit quo vadat.

Dum lucem habétis, créдите in lucem, ut fílii lucis fiátis ». — Verbum Dómini.



MISSÆ ET ORATIONES
PRO VARIIS NECESSITATIBUS

1. Una simul colliguntur, in hac parte, Missæ et orationes, quæ in pluribus rerum adiunctis adhiberi possunt, pro variis necessitatibus aut occasionibus.

Quæ inveniuntur in tribus prioribus partibus dici possunt sive in Missa cum populo sive in Missa sine populo celebrata; quæ vero in quarta parte colliguntur, plerumque in Missis quæ sine populo celebrantur dici deberent, nisi ratio pastoralis aliquando aliter suadeat.

2. Missis, quæ integra formula, idest antiphonis et orationibus, hic donantur, etiam lectiones propriæ in lectionario suppeditantur.

3. Semper licet sacerdoti omnes orationes huius seriei, vel etiam solam collectam, in Missa de feriis « per annum » adhibere, servatis iis quæ sub n. 1 indicantur.

4. In quibusdam Missis, textus liturgici, qui pro viro ponuntur, aptari possunt pro muliere, mutato genere, vel pro pluribus, mutato numero.

5. Hæ Missæ dici possunt cum colore proprio diei vel temporis aut cum colore violaceo, si indolem pœnitentialem manifestant, v. gr. nn. 23, 28, 40 (cf. Institutio generalis, n. 310).

I. PRO SANCTA ECCLESIA

1. PRO ECCLESIA

A

Ant. ad introitum

Cf. Eph 1, 9 a. 10

Deus notum fecit nobis sacraméntum voluntátis suæ,
instauráre ómnia in Christo,
quæ in cælis et quæ in terra sunt, in ipso.

Collecta

Deus, qui regnum Christi ubique terrárum dilatári
providéntia mirábili disposuísti,
et omnes hómines salutáris éffici redemptiónis partícipes,
præsta, quæsumus,
ut Ecclésia tua universális sit salutis sacraméntum,
et tuæ in hómines caritátis
maniféstet et operétur mystérium.
Per Dóminum.

Lectiones, ut indicantur pp. 1257-1259.

Super oblata

Plebis tibi sacrátæ réspice múnera, miséricors Deus,
et per huius sacraménti virtútem concéde,
ut credéntium in te multitúdo
genus eléctum, regále sacerdotium, gens sancta,
pópulus acquisitionis tibi iúgiter efficiátur.
Per Christum.

Præfatio VIII de dominicis per annum, p. 595.

Ant. ad communionem

Ap 22, 17 a. 20

Spíritus et sponsa dicunt: Veni.
Amen. Veni, Dómine Iesu.

Post communionem

Deus, qui tuis Ecclésiā
iūgiter pascis et róboras sacraméntis,
concéde nobis mensa cælésti refécis,
ut, caritátis tuæ documéntis obsequéndo,
ferméntum vivíficans et salútis instruméntum
humáno efficiámur consórtio.
Per Christum.

B

Ant. ad introitum

Ap 7, 9

Vidi turbam magnam, quam dinumeráre nemo póterat,
ex ómnibus géntibus et tribubus et pópulis et linguis,
allelúia.

Collecta

Deus, qui in Christi tui testaméto
ex ómnibus géntibus
pópulum tibi congregáre non désinis,
in Spíritu ad unitátem coalescéntem,
concéde, ut Ecclésia tua, missióni sibi créditoe fidélis,
cum hóminum família iūgiter incédāt,
et tamquam ferméntum
et véluti ánima societátis humanæ
in Christo renovándæ et in famíliam Dei transformándæ
semper exsístat. Per Dóminum.

Lectiones, ut indicantur pp. 1257-1259.

Super oblata

Múnera quæ tibi offérimus, Dómine,
súscipe benígus, et præsta, ut Ecclésia tua,
de látère Christi in cruce dormiéntis exórta,
ex huius participatióne mystérii

suam iúgiter háuríat sanctitátem,
qua semper vivat suóque dígne respóndeat auctóri.
Per Christum. .

Præfatio VIII de dominicis per annum, p. 595.

Ant. ad communionem

Io 19, 34

Unus mílitum láncea latus eius apéruiť,
et contínuo exívit sanguis et aqua.

Vel:

Ap 7, 12

Benedíctio et cláritas et sapiéntia et gratiárum áctio,
honor et virtus et fortitúdo Deo nostro
in sæcula sæculórum. Amen.

Post communionem

Sacraménto Fílii tui recreáti, te, Dómine, deprecámur,
ut Ecclésiæ tuæ operatióem fecúndes,
qua salutáris mystérii plenitúdinem
paupéribus contínuo revélas,
quos ad tui regni præcípuam vocásti portióem.
Per Christum.

C

Ant. ad introitum

Mt 18, 19-20

Dico vobis:

Ubi sunt duo vel tres congregáti in nómine meo,
ibi sum in médio eórum, dicit Dóminus.

Vel:

Rom 12, 5

Multi unum corpus sumus in Christo,
sínculi autem alter alteríus membra.

Collecta

Concéde, quæsumus, omnipotens Deus,
ut Ecclésiá tua semper ea plebs sancta permáneat

de unitate Patris et Filii et Spiritus Sancti adunata,
quæ tuæ sanctitatis et unitatis sacramentum
mundo manifestet,
et ipsum ad perfectionem tuæ conducat caritatis.
Per Dóminum.

Lectiones, ut indicantur pp. 1257-1259.

Super oblata

Imménsæ Filii tui caritatis memoriále celebránte,
te, Dómine, suppliciter exorámus,
ut eiúsdem salutáris óperis fructus,
per Ecclesiæ tuæ ministérium,
ad totíus mundi proficiat salutem.
Per Christum.

Præfatio de unitate, p. 1308.

Ant. ad communionem

Cf. 1 Cor 10, 17

Unus panis, unum corpus multi sumus,
omnes qui de uno pane et de uno cálice participámus.

Post communionem

Deus, qui mirábili sacraménto
Ecclesiæ fortitúdinem tríbuis et solámen,
da pópulo tuo per hæc sancta Christo adhærere,
ut, temporálibus munéribus quæ gerit,
tuum in libertáte regnum ædíficet ætérnum.
Per Christum.

D

Ant. ad introitum

Cf. Io 17, 20-21

Rogo, Pater, pro eis qui creditúri sunt in me,
ut ipsi in nobis unum sint,
ut credat mundus quia tu me misísti.

Collecta

Omnípotens sempitérne Deus,
qui glóriam tuam ómnibus in Christo géntibus revelásti,
custódi ópera misericórdiæ tuæ,
ut Ecclésia sancta, toto orbe diffúsa,
stábili fide in confessióne tui nóminis perseveret.
Per Dóminum.

Lectiones, ut indicantur pp. 1257-1259.

Super oblata

Deus, qui eódem sacrificio
Ecclésiám tuam iúgiter sanctíficas,
quo eam mundásti,
da, ut, cápiti suo Christo uníta, cum eo se tibi ófferat,
et pura tibi voluntáte concórdet.
Per Christum.

Præfatio VIII de dominicis per annum, p. 595.

Ant. ad communionem**Io 15, 5**

Qui manet in me et ego in eo,
hic fert fructum multum,
quia sine me nihil potéstis fácere, dicit Dóminus.

Post communionem

Refectióne sancta enutrítam,
gubérna, quæsumus, Dómine, tuam placátus Ecclésiám,
ut, poténti moderatióne dirécta,
et incrementa libertátis accípiat,
et in religiónis integritáte persístat.
Per Christum.

E

Pro Ecclesia locali

Ant. ad introitum

Ap 1, 5-6

Iesu Christo, qui diléxit nos,
et lavit nos a peccátis nostris in ságuine suo,
et fecit nos regnum et sacerdótes Deo et Patri suo:
ipsi glória et impérium in sǎcula sǎculórum. Amen.

Collecta

Deus, qui in síngulis Ecclésiis per orbem peregrínis
unam, sanctam, cathólicam et apostólicam
maniféstas Ecclésiám,
plebi tuæ concéde benígnus ita pastóri suo adunári
atque per Evangélium et Eucharístiam
congregári in Spíritu Sancto,
ut universitátem pópuli tui digne váleat repræsentáre,
et signum fiat
atque præsentíæ Christi in mundo instruméntum.
Per Dóminum.

Lectiones, ut indicantur pp. 1257-1259.

Super oblata

Imménsæ Fílii tui caritátis memoriále celebrántes,
te, Dómine, suppliciter exorámus,
ut eiúsdem salutáris óperis fructus,
per Ecclésiæ tuæ ministérium,
ad totíus mundi profíciat salútem.
Per Christum.

Præfatio VIII de dominicis per annum, p. 595.

Ant. ad communionem

Ap 3, 20

Ecce sto ad óstium et pulso, dicit Dóminus;
si quis audíerit vocem meam

et aperúerit mihi iánuam,
intrábo ad illum, et cenábo cum illo, et ipse mecum.

Post communionem

Vígeat in hac Ecclésia tua, Dómine,
et usque in finem perseverét
fídei intégritas, morum sánctitas,
fratérna cáritas et munda relígio,
et, quam Fílii tui córpore
et verbo tuo páscere non désinis,
eam quoque tuis non cesses gubernáre præsídiis.
Per Christum.

Orationes super oblata et post communionem adhiberi possunt
etiam eæ quæ in schematibus præcedentibus inveniuntur.

Lectiones:

1. **Is 56, 1. 6-7:** « Domus mea domus orationis vocabitur cunctis populis ».
Hæc dicit Dóminus: « Custodíte ... », p. 1333.
2. **Is 60, 1-6:** « Omnes isti congregati sunt, venerunt tibi ».
Surge, illumináre, Ierúsalem ..., p. 1334.
3. **Ez 34, 11-16:** « Congregabo oves meas de terris ».
Hæc dicit Dóminus: « Ecce ego requíram oves meas ... », p. 1586.
4. **Os 2, 14 b. 15 b. 19-20:** « Sponsabo te mihi in sempiternum ».
Hæc dicit Dóminus: « Ecce ego ducam eam ... », p. 933.
5. **1 Cor 3, 9 b-11. 16-17:** « Dei ædificatio estis ».
Fratres: Dei ædificátio estis ..., p. 793.
6. **1 Cor 12, 3 b-7. 12-13:** « Divisiones ministrationum sunt, idem autem Dominus ».
Fratres: Nemo potest dícere: « Dóminus Iesus! » nisi in Spíritu Sancto ..., p. 1612.
7. **Eph 1, 3-14:** « Recapitulare omnia in Christo ... in laudem gloriæ ipsius ».
Fratres: Benedictus Deus et Pater ..., p. 1211.

8. Eph 2, 19-22: « Superædificati super fundamentum Apostolorum et Prophetarum ».
Fratres: Iam, in Christo Iesu, non estis extranei ..., p. 1318.
9. 1 Pt 2, 4-9: « Ipsi tamquam lapides vivi ædificamini ».
Carissimi: Accédite ad Dóminum Iesum, lapidem vivum ..., p. 795.
10. Ap 7, 2-4. 9-14: « Ecce turba magna, quam dinumerare nemo poterat ».
Ego, Ioánnes, vidi álterum Angelum ..., p. 1649.

Psalmi responsorii:

1. Ps 18, 2-3. 4-5.
R. (5 a): In omnem terram exívit sonus eórum, p. 1337.
2. Ps 24, 4-5 a b. 6-7. 8-9. 10 et 14.
R. (6 a): Reminíscere miseratiónum tuárum, Dómine, p. 1580.
3. Ps 66, 2-3. 5. 7-8.
R. (4): Confiteántur tibi pópuli, Deus, confiteántur tibi pópuli omnes, p. 1336.
4. Ps 97, 1. 2-3 a b. 3 c-4. 5-6.
R. (2 b): In conspéctu géntium revelávit Dóminus iustítiam suam, p. 1335.
5. Ps 116, 1. 2.
R. (Mc 16, 15): Eúntes in mundum univérsum, prædicáte Evangélium, p. 888.

Alleluia, Versus ante Evangelium et Evangelia:

1. Mt 16, 18: Tu es Petrus, et super hanc petram ..., p. 796.
Mt 16, 13-19: « Super hanc petram ædificabo Ecclesiam meam ».
In illo témpore: Venit Iesus in partes ..., p. 796.
2. Ps 132, 1: Ecce quam bonum ..., p. 1272.
Mt 18, 15-20: « Ubi sunt duo vel tres congregati in Nomine meo, ibi sum in medio eorum ».
In illo témpore: Dixit Iesus discípulis suis: « Si peccáverit in te ... », p. 1272.
3. Mt 28, 19 a. 20 b: Eúntes, docéte omnes gentes ..., p. 1340.
Mt 28, 16-20: « Euntes, docete omnes gentes ».
In illo témpore: Undecim discípuli ..., p. 1341.
4. Io 15, 5: Ego sum vitis, vos pálmities ..., p. 1227.
Io 15, 1-8: « Manete in me, et ego in vobis ».

In illo témpore: Dixit Iesus discípulis suis: « Ego sum vitis vera ... », p. 1227.

5. Io 10, 11: Ego sum pastor bonus ..., p. 1268.

Io 17, 11 b. 17-23: « Sicut me misisti in mundum, et ego misi eos in mundum ».

In illo témpore: Sublevátis Iesus óculis in cælum ..., p. 1269.

6. Io 10, 14: Ego sum pastor bonus ..., p. 1130.

Io 21, 15-17: « Pasce agnos meos, pasce oves meas ».

Cum manifestásset se Iesus discípulis suis et prandísset cum eis, dicit Simóni Petro ..., p. 1130.

Cf. etiam textus aptiores qui proponuntur in Missis pro unitate christianorum et pro evangelizatione populorum, pp. 1312-1328 et 1332-1344.

2. PRO PAPA

præsertim in anniversario electionis

A

Hæc Missa dicitur, cum colore albo, in anniversario electionis Papæ, ubi peculiare habentur celebrationes, dummodo non occurrat dominica Adventus, Quadragesimæ et Paschæ, aut sollemnitas, aut feria IV Cinerum vel Hebdomadæ sanctæ.

Ant. ad introitum

Mt 16, 18-19

Tu es Petrus,
et super hanc petram ædificábo Ecclésiám meam,
et portæ inferi non prævalébunt advérsus eam,
et tibi dabo claves regni cælórum.

Collecta

Deus, qui providéntiæ tuæ consílio
super beátum Petrum, céteris Apóstolis præpósitum,
Ecclésiám tuam ædificári voluísti,
réspice propítius ad Papam nostrum N., et concéde,
ut, quem Petri constituísti successórem,

pópulo tuo visíbile sit unitátis fídei et communionis
príncípium et fundaméntum.
Per Dóminum.

Vel:

Deus, ómnium fidélium pastor et rector,
fámulum tuum N., quem pastórem
Ecclésiæ tuæ præesse voluísti, propítius respice;
da ei, quæsumus, verbo et exémplo,
quibus præest proficere,
ut ad vitam, una cum grege sibi crédito,
pervéniat sempitérnam.
Per Dóminum.

Pro lectionibus sumuntur textus aptiores ex iis qui proponuntur
in Communi pastorum, ut supra pp. 879-909.

Super oblata

Oblátis, quæsumus, Dómine, placáre munéribus,
et Ecclésiám tuam sanctam,
una cum Papa nostro N.,
quem ipsi constituísti pastórem,
assídua protectióne gubérna.
Per Christum.

Ant. ad communionem

Io 21, 15. 17

Dixit Iesus Petro:
Simon Ioánnis, díligis me plus his?
Petrus autem respóndit:
Dómine, tu ómnia nosti; tu scis, Dómine, quia amo te.

Post communionem

Mensæ cæléstis partícipes effécti,
súpplices te, Dómine, deprecámur,
ut, huius virtúte mystérii,

Ecclésiám tuam in unitáte et caritáte confírmes,
et fámulum tuum **N.**,
cui pastorále munus tradidísti,
una cum commísso sibi grege
salves semper et múnias.
Per Christum.

B**Alia oratio pro Papa****Collecta**

Deus, qui in apóstoli Petri successióne
fámulum tuum **N.** elegísti totíus gregis esse pastórem,
supplicántem pópulum intuére propítius, et præsta,
ut, qui Christi vices gerit in terris, fratres confírmet,
et omnis Ecclésia cum ipso commúnicet
in vínculo unitátis, amóris et pacis,
quátenus in te, animárum pastóre,
omnes veritátem et vitam assequántur ætérrnam.
Per Dóminum.

3. PRO EPISCOPO**præsertim in anniversario ordinationis****A**

Hæc Missa dicitur, cum colore albo, in anniversario electionis Episcopi, ubi peculiares habentur celebrationes, dummodo non occurrat dominica Adventus, Quadragesimæ et Paschæ, aut sollemnitatis, aut feria IV Cinerum vel Hebdomadæ sanctæ.

Ant. ad introitum**Ez 34, 11. 23. 24**

Visitábo oves meas, dicit Dóminus,
et suscitábo pastórem qui pascat eas;
ego autem Dóminus ero eis in Deum.

Collecta

Deus, pastor ætérne fidélium,
qui Ecclésiæ tuæ múltiplici dispensatióne præes
et amóre domináris,
da, quæsumus, fámulo tuo N.,
quem plebi tuæ præfecísti,
ut gregi, cuius est pastor, Christi vice præsideat,
et fidélis sit doctrínæ magíster,
sacri cultus sacérdos et gubernatiónis míníster.
Per Dóminum.

Vel:

Deus, ómnium fidélium pastor et rector,
fámulum tuum N.,
quem pastórem Ecclésiæ N. præesse voluísti,
propítius réspice;
da ei, quæsumus, verbo et exémplo,
quibus præest profícere,
ut ad vitam, una cum grege sibi crédito,
pervéniat sempitérnam.
Per Dóminum.

Pro lectionibus sumuntur textus aptiores ex iis qui proponuntur
in Communi pastorum, ut supra pp. 879-909.

Super oblata

Hæc oblátio, Dómine, pro fámulo tuo N. deláta
sit tibi munus accéptum,
et, quem sacerdotem magnum
in tuo pópulo suscitásti,
apostolicárum virtútum munéribus,
ad gregis proféctum, exórna.
Per Christum.

Ant. ad communionem

Mt 20, 28

Fílius hómīnis non venit ministrári, sed ministráre,
et dare ánimam suam redemptiónem pro multis.

Post communionem

Huius, Dómine, virtúte mystérii,
in fámulo tuo **N.** epíscopo nostro
grátia tuæ dona multíplica,
ut et tibi digne persólvat pastorále ministérium,
et fidélis dispensatiónis ætéRNA præmia consequátur.
Per Christum.

B

Alia oratio pro Episcopo

Collecta

Da, quæsumus, Dómine, fámulo tuo **N.**,
quem pascéndo gregi tuo
in Apostolórum successióne præfecísti,
spíritum consílii et fortitúdinis,
spíritum sciéntiæ et pietátis,
ut, pópulum sibi crédito fidéliter gubérnans,
Ecclésiæ ædíficet in mundo sacraméntum.
Per Dóminum.

4. PRO ELIGENDO PAPA VEL EPISCOPO

Ant. ad introitum

1 Sam 2, 35

Suscitábo mihi sacerdotem fidélem,
qui iuxta cor meum et ánimam meam faciet;
et ædificábo ei domum fidélem,
et ambulábit coram me cunctis diébus.

Collecta

Deus, qui, pastor ætérnus,
gregem tuum assídua custódia gubérnas,
eum imménsa tua pietáte concédas Ecclésiæ pastórem,
qui tibi sanctitáte pláceat,
et vígili nobis sollicitúdine prosit.
Per Dóminum.

Lectiones ut infra, pp. 1265-1269.

Super oblata

Tuæ nobis, Dómine, abundántia pietátis indúlgeat,
ut, per sacra múnera quæ tibi reverénter offérimus,
gratum maiestáti tuæ pastórem
Ecclésiæ sanctæ præesse gaudeámus.
Per Christum.

Ant. ad communionem

Io 15, 16

Ego elégi vos et pósui vos, ut fructum afferátis,
et fructus vester máneat, dicit Dóminus.

Post communionem

Reféctos, Dómine, Córporis et Sánguinis Unigéniti tui
salubérrimo sacraménto,
nos mirífica tuæ maiestátis grátia
de illíus pastóris concessióne lætíficet,
qui et plebem tuam virtútibus ínstruat,
et fidélium mentes evangélica veritáte perfúndat.
Per Christum.

Lectio prima

*Unxit me Dominus et evangelizare pauperibus
misit me.*

Lectio libri Isaïæ prophætæ

61, 1-3 a

Spiritus Dómini super me, eo quod únxit Dóminus me; ad annuntiándum mansuétis misit me, ut medérer contritis corde, et prædicárem captívis indulgéntiam et clausis apertiónem; ut prædicárem annum placábilem Dómino et diem ultiónis Deo nostro; ut consolárer omnes lugéntes, ut pónerem lugéntibus Sion et darem eis corónam pro cínere, óleum gáudii pro luctu, pállium pro spírítu mæróris. — Verbum Dómini.

Psalmus responsorius

Ps 88, 4-5. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.
vel Allelúia.

4 « Dispósui testaméntum elécto meo,
iurávi David servo meo:

5 Usque in ætérnum confirmábo semen tuum,
et ædificábo in generatióem et generatióem
sedem tuam. R.

21 Invéni David servum meum;
óleo sancto meo unxi eum.

22 Manus enim mea firma erit cum eo,
et bráccium meum confortábit eum. R.

25 Et véritas mea et misericórdia mea cum ipso,
et in nómine meo exaltábitur cornu eius.

27 Ipse invocábit me: " Pater meus es tu,
Deus meus et refúgium salútis meæ " ». R.

Collecta

Deus, qui, pastor ætérnus,
gregem tuum assídúa custódia gubérnas,
eum imménsa tua pietáte concédas Ecclésiæ pastórem,
qui tibi sanctitáte pláceat,
et vígili nobis sollicitúdine prosit.
Per Dóminum.

Lectiones ut infra, pp. 1265-1269.

Super oblata

Tuæ nobis, Dómine, abundántia pietátis indúlgeat,
ut, per sacra múnera quæ tibi reverénter offérimus,
gratum maiestáti tuæ pastórem
Ecclésiæ sanctæ præesse gaudeámus.
Per Christum.

Ant. ad communionem

Io 15, 16

Ego elégi vos et pósui vos, ut fructum afferátis,
et fructus vester máneat, dicit Dóminus.

Post communionem

Reféctos, Dómine, Córporis et Sánguinis Unigéniti tui
salubérrimo sacraménto,
nos mirífica tuæ maiestátis grátia
de illíus pastóris concessióne lætíficet,
qui et plebem tuam virtútibus ínstruat,
et fidélium mentes evangélica veritáte perfúndat.
Per Christum.

Lectio prima

*Unxit me Dominus et evangelizare pauperibus
misit me.*

Lectio libri Isaíæ prophétæ

61, 1-3 a

Spiritus Dómini super me, eo quod únxerit Dóminus me; ad annuntiándum mansuétis misit me, ut medérem contrítis corde, et prædicárem captívis indulgéntiam et clausis apertiónem; ut prædicárem annum placábilem Dómino et diem últiónis Deo nostro; ut consolárer omnes lugéntes, ut pónerem lugéntibus Sion et darem eis corónam pro cínere, óleum gáudii pro luctu, pálium pro spíritu mæroris. — Verbum Dómini.

Psalmus responsorius

Ps 88, 4-5. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.
vel Allelúia.

- ⁴ « Dispósui testaméntum elécto meo,
iurávi David servo meo:
⁵ Usque in ætérnum confirmábo semen tuum,
et ædificábo in generatióem et generatióem
sedem tuam. R.
²¹ Invéni David servum meum;
óleo sancto meo unxi eum.
²² Manus enim mea firma erit cum eo,
et bráccium meum confortábit eum. R.
²⁵ Et véritas mea et misericórdia mea cum ipso,
et in nómine meo exaltábitur cornu eius.
²⁷ Ipse invocábit me: " Pater meus es tu,
Deus meus et refúgium salútis meæ " ». R.

Lectio secunda

1

*Augmentum corporis facit in ædificationem sui
in caritate.*

Lectio Epistolæ beāti Pauli apóstoli ad Ephésios

Fratres:

4, 11-16

Dedit Christus quosdam quidem apóstolos, quosdam autem prophétas, álios vero evangelístas, álios autem pastóres et doctóres: ad instructiόνem sanctórum in opus ministérii, in ædificatióem córporis Christi, donec occurrámus omnes in unitátem fidei et agnitiónis Fílii Dei, in virum perféctum, in mensúram ætátis plenitúdinis Christi.

Ut iam non simus párvuli, fluctuántes et circumácti omni vento doctrínæ, in fallácia hóminum, in astútia ad circumventiόνem erroris; veritátem autem faciéntes in caritaté, crescámus in illum per ómnia, qui est caput Christus; ex quo totum corpus compáctum et conéxum per omnem iunctúram subministratiónis, secúndum operatióem in mensúra uniuscuiúsque partis, augméntum córporis facit in ædificatióem sui in caritaté.

Verbum Dómini.

2

*Christus appellatus est a Deo pontifex
iuxta ordinem Melchisedech.*

Lectio Epistolæ ad Hebræos

5, 1-10

Omnis póntifex, ex homínibus assúptus, pro homínibus constitúitur in his quæ sunt ad Deum, ut offe-

rat dona et sacrificia pro peccatis; qui æque condolere possit his qui ignorant et errant, quoniam et ipse circumdatus est infirmitate; et propter eam debet, quemadmodum et pro populo, ita etiam pro semetipso offerre pro peccatis.

Nec quisquam sumit sibi illum honorem, sed qui vocatur a Deo, tamquam et Aaron.

Sic et Christus non semetipsum glorificavit ut pontifex fieret, sed qui locutus est ad eum:

« Filius meus es tu, ego hodie genui te »; quemadmodum et in alio dicit:

« Tu es sacerdos in æternum secundum ordinem Melchisedech ».

Qui, in diebus carnis suæ, preces supplicationesque ad eum, qui possit salvum illum a morte facere, cum clamore valido et lacrimis offerens, et exauditus pro sua reverentia.

Et quidem, cum esset Filius, didicit ex his quæ passus est obediëntiam; et consummatus factus est omnibus obediëntibus sibi auctor salutis æternæ, appellatus a Deo pontifex iuxta ordinem Melchisedech.

Verbum Domini.

Evangelium

1

Alleluia

Io 15, 9

℟. Allelúia. ℣. Sicut diléxit me Pater, et ego diléxi vos.
Manéte in dilectióne mea,
dicit Dóminus.

℟. Allelúia.

*Ego elegi vos et posui vos, ut fructum
afferatis.*

✠ Lécitio sancti Evangélii secúndum Ioánnem

15, 9-17

In illo témpore:

Dixit Iesus discípulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcípíeo vobis. Iam non dico vos servos, quia servus nescit quid facit dóminus eius: vos autem dixi amícos, quia ómnia quæ audívi a Patre meo, nota feci vobis.

Nos vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut, quodcúmque petiérítis Patrem in Nómine meo, det vobis.

Hæc mando vobis, ut diligátis ínvicem ».

Verbum Dómini.

2

Alleluia

Io 10, 11

℞. Allelúia. ʒ. Ego sum pastor bonus, dicit Dóminus;
bonus pastor ánimam suam dat
pro óvibus suis.

℞. Allelúia.

*Sicut me misisti in mundum,
et ego misi eos in mundum.*

✠ Lécio sancti Evangélii secúndum Ioánnem

17, 11 b. 17-23

In illo témpore:

Sublevátis Iesus óculis in cælum, orávit dicens:
« Pater sancte, conserva eos in Nómine tuo, quod dedísti
mihi, ut sint unum sicut nos. Sanctífica eos in veritáte
Sermo tuus véritas est.

Sicut me misísti in mundum, et ego misi eos in
mundum. Et pro eis ego sanctífico me ipsum, ut sint
et ipsi sanctificáti in veritáte.

Non pro his autem rogo tantum, sed et pro eis qui
creditúri sunt per verbum eórum in me; ut omnes unum
sint, sicut tu, Pater, in me, et ego in te, ut et ipsi in
nobis unum sint, ut mundus credat quia tu me misísti.

Et ego glóriam, quam dedísti mihi, dedi illis, ut
sint unum sicut nos unum sumus. Ego in eis, et tu
in me, ut sint consummáti in unum, ut cognóscat mun-
dus quia tu me misísti et dilexísti eos, sicut me dile-
xísti ». — Verbum Dómini.

5. PRO CONCILIO VEL SYNODO

Ant. ad introitum

Col 3, 14-15

Super ómnia caritátem habéte,
quod est vínculum perfectiónis:
et pax Christi exsúltet in córdibus vestris.

Collecta

Ecclésiæ tuæ, Dómine, rector et custos,
infúnde, quæsumus, fámulis tuis

spíritum intellegéntiæ, veritátis et pacis,
ut, quæ tibi plácita sunt, toto corde cognóscant
et, ágnita, tota virtúte secténtur.
Per Dóminum.

Vel:

Deus, qui pópulis tuis indulgéntia cónsulis
et amóre domináris,
da spíritum sapiéntiæ quibus dedísti régimen disciplínæ,
ut plebs tua ad veritátis agnitióem pleniórem
et sanctitátis tibi accéptum ducátur augméntum.
Per Dóminum.

Lectiones ut infra, pp. 1271-1274.

Super oblata

Réspice, clementíssime Deus, múnera servórum tuórum,
et grátiam tui lúminis illis impénde,
ut quæ recta sunt in óculis tuis veráciter intéllegant,
et fiduciáliter exsequántur.
Per Christum.

Præfatio II de Spiritu Sancto, p. 1603.

Ant. ad communionem

Ubi caritas est vera, Deus ibi est.
Congregávit nos in unum Christi amor.

Post communionem

Da, quæsumus, miséricors Deus,
ut sancta quæ súmpsimus
fámulos tuos in veritáte confírment,
et honórem tui nóminis illos fáciant exquirere.
Per Christum.

Pro conventu spiritali vel pastorali, Missa ut infra n. 16, p. 1358.

Lectio prima

Iuxta te est sermo, ut facias illum.

Lectio libri Deuteronomii

30, 10-14

In diébus illis:

Locútus est Móyses pópulo, dicens: « Audies vocem Dómini Dei tui, et custódies præcépta eius et cæremónias, quæ in hac lege conscripta sunt, et revertéris ad Dóminum Deum tuum in toto corde tuo et in tota ánima tua.

Mandátum hoc, quod ego præcípío tibi hódie, non supra te est neque procul pósitum, nec in cælo situm, ut possis dícere: “ Quis nostrum valet ad cælum ascéndere, ut déferat illud ad nos, et audiámus atque ópere compleámus? ” Neque trans mare pósitum, ut causéris et dicas: “ Quis ex nobis póterit transfretáre mare et illud ad nos usque deférre, ut possímus audíre et fácere quod præcéptum est? ”

Sed iuxta te est sermo valde in ore tuo et in corde tuo, ut fácias illum ». — Verbum Dómini.

Psalmus responsorius

Ps 18, 8. 9. 10. 11 (R.: Io 6, 69)

R. Dómine, verba vitæ æternæ habes.

vel Allelúia.

8 Lex Dómini immaculáta, refíciens ánimam,
testimónium Dómini fidéle,
sapiéntiam præstans párvulis. R.

9 Iustítiae Dómini rectæ, lætificántes corda,
præcéptum Dómini lúcidum, illúminans óculos. R.

10 Timor Dómini mundus, pérmanens in sáculum sáculi,
iudícia Dómini vera, iusta ómnia simul. R.

- ii Desiderabilia super aurum
et lapidem pretiosum multum,
et dulciora super mel et favum stillantem. *R.*

Lectio secunda

*Idem sapite, eandem caritatem habentes
unanimes.*

Lectio Epistolæ beati Pauli apostoli ad Philippenses

2, 1-4

Fratres:

Si qua consolatio in Christo, si quod solacium caritatis, si qua communio spiritus, si quæ viscera et miserationes, implète gaudium meum, ut idem sapiatis eandem caritatem habentes, unanimes, idipsum sapientes; nihil per contentionem neque per inanem gloriam, sed in humilitate superiores sibi invicem arbitrantur, non quæ sua sunt singuli considerantes, sed et ea quæ aliorum. — Verbum Domini.

Evangelium

1

Alleluia

Ps 132, 1

R. Alleluia. *V.* Ecce quam bonum et quam iucundum habitare fratres in unum. *R.* Alleluia.

*Ubi sunt duo vel tres congregati in Nomine meo,
ibi sum in medio eorum.*

✠ Lectio sancti Evangelii secundum Matthæum

18, 15-20

In illo tempore:

Dixit Iesus discipulis suis: « Si peccaverit in te frater tuus, vade, corripe eum inter te et ipsum solum.

Si te audierit, lucrátus es fratrem tuum; si autem non audierit, ádhibe tecum adhuc unum vel duos, ut " in ore duórum téstium vel trium stet omne verbum "; quod si nolúerit audire eos, dic ecclésiæ; si autem et ecclésiám nolúerit audire, sit tibi sicut éthnicus et publicánus.

Amen dico vobis: Quæcúmque alligavéritis super terram erunt ligáta in cælo; et quæcúmque solvéritis super terram erunt solúta in cælo.

Iterum dico vobis: Si duo ex vobis consenserint super terram de omni re quacúmque petierint, fiet illis a Patre meo qui in cælis est.

Ubi enim sunt duo vel tres congregáti in Nómine meo, ibi sum in médio eórum ». — Verbum Dómini.

2

Alleluia

Ps 132, 1

℟. Allelúia. ℣. Ecce quam bonum et quam iucúndum
habitáre fratres in unum. ℟. Allelúia.

Venite seorsum, et requiescite pusillum.

✠ Lécio sancti Evangélii secúndum Marcum

6, 30-34

In illo témpore:

Conveniéntes Apóstoli ad Iesum, renuntiavérunt illi ómnia quæ égerant et docúerant.

Et ait illis: « Veníte vos ipsi seórsum in désertum locum, et requiescite pusillum ». Erant enim qui veniébant et redíbant multi, et nec manducándi spátium habébant.

Et abiérunt in navi in désertum locum seórsum. Et vidérunt eos abeúntes, et cognovérunt multi; et pe-

déstre de ómnibus civitatibus concurrérunt illuc, et præ-
venérunt eos.

Et éxiens vidit multam turbam Iesus, et misértus
est super eos, quia erant « sicut oves non habéntes
pastórem »: et cœpit docére illos multa.

Verbum Dómini.

3

Alleluia

Io 16, 13 a; 14, 26 b

℞. Allelúia. γ. Cum vénerit Spíritus veritátis,
docébit vos omnem veritátem;
et súggeret vobis ómnia
quæcúmque díxero vobis. ℞. Allelúia.

Paraclitus vos docebit omnia.

✠ Lécio sancti Evangélii secúndum Ioánnem

14, 23-29

In illo témpore:

Dixit Iesus discipulis suis: « Si quis díligit me, ser-
mónem meum servábit, et Pater meus díliget eum, et
ad eum veniémus et mansiónem apud eum faciémus.
Qui non díligit me, sermónes meos non servat. Et ser-
mo quem audítis, non est meus, sed eius qui misit me,
Patris.

Hæc locútus sum vobis apud vos manens. Paráclitus
autem Spíritus Sanctus, quem mittet Pater in Nómine
meo, ille vos docébit ómnia et súggeret vobis ómnia
quæ dixi vobis.

Pacem relínquo vobis, pacem meam do vobis: non
quómodo mundus dat, ego do vobis. Non turbétur cor
vestrum neque formídet.

Audístis quia ego dixi vobis: “ Vado et vénio ad
vos ”. Si diligerétis me gauderétis, quia vado ad Pa-

trem, quia Pater maior me est. Et nunc dixi vobis priusquam fiat, ut, cum factum fuerit, credátis ».

Verbum Dómini.

6. PRO SACERDOTIBUS

Ant. ad introitum

Lc 4, 18. 19

Spiritus Dómini super me, propter quod unxit me,
evangelizare pauperibus misit me, sanare contritos corde,
dimittere confractos in remissionem.

Collecta

Deus, qui Unigénitum tuum
summum æternúmque constituísti sacerdótem,
præsta, ut, quos ministros
tuorumque mysteriórum dispensatores elégit,
in accépto ministério adimpléndo fideles inveniántur.
Per Dóminum.

Vel:

Dómine Deus noster, qui in regéndo pópulo tuo
ministério úteris sacerdótum,
tribue illis perseverántem in tua voluntáte famulátum,
ut ministério atque vita
tuam váleant in Christo glóriam procuráre.
Per Dóminum.

Pro lectionibus sumuntur textus aptiores ex iis qui proponuntur
in Communi pastorum, ut supra pp. 879-909.

Super oblata

Deus, qui sacerdotes tuos sacris altáribus
tuoque pópulo ministráre voluísti,
per huius sacrificii virtútem concéde propítius,

ut eórum servítium tibi iúgiter pláceat,
et fructum qui semper máneat
in Ecclésia tua váleat afférre.
Per Christum.

Ant. ad communionem

Io 17, 17-18

Pater sancte, sanctífica eos in veritáte:
sermo tuus véritas est.
Sicut tu me misísti in mundum,
et ego misi eos in mundum, dicit Dóminus.

Post communionem

Sacerdótes tuos, Dómine, et omnes fámulos tuos
vivíficet divína, quam obtúlimus et sumpsimus, hóstia,
ut, perpétua tibi caritáte coniúnti,
digne famulári tuæ mereántur maiestáti.
Per Christum.

7. PRO SEIPSO SACERDOTE

A

præsertim pro sacerdote curam animarum gerente

Ant. ad introitum

Cf. Col 1, 25. 28

Ecclésiæ factus sum ego miníster,
secúndum dispensatióem Dei
quæ data est mihi in vos:
Christum nos annuntiámus, ut exhibeámus
omnem hóminem perféctum in Christo Iesu.

Collecta

Deus, qui non propriis suffragantibus méritis,
sed sola ineffábilis grátiae tuæ largitáte,
me famíliæ tuæ præesse voluísti,
tribue me tibi digne persolvere
ministérium sacerdotális officii,
plebémque commíssam, te in ómnibus gubernánte,
dirigere concéde.
Per Dóminum.

Pro lectionibus sumuntur textus aptiores ex iis qui proponuntur
in Communi pastorum, ut supra pp. 879-909.

Super oblata

Deus, diérum temporúmque
potens et benígne moderátor,
collátis in me per grátiam tuam propitiáre munéribus,
et, præsentis oblatiónis virtúte,
in hunc afféctum dirige cor plebis et sacerdotís,
ut nec pastóri obœdiéntia gregis,
nec gregi desit cura pastóris.
Per Christum.

Ant. ad communionem**Io 15, 9**

Sicut diléxit me Pater, et ego diléxi vos;
manéte in dilectióne mea, dicit Dóminus.

Post communionem

Omnípotens sempitérne Deus,
orígo cunctárum perfectióque virtútum,
da mihi, quæsumus, huius participatióne mystérii,
et exercére quæ recta sunt et prædicáre quæ vera,
ut instructi ónem grátiae tuæ
fidélibus et agéndo præbeam et docéndo.
Per Christum.

B

Ant. ad introitum

Ps 15, 2. 5

Dixi Dómino: Dóminus meus es tu,
bonum mihi non est sine te.
Dóminus pars hereditátis meæ et cálicis mei:
tu es qui délines sortem meam.

Collecta

Aures tuæ pietátis, clementíssime Deus,
inclína précibus meis,
et grátia Sancti Spíritus illúmina cor meum,
ut tuis mystériis digne ministráre,
Ecclesiæ tuæ fidéliter servíre,
teque mérear æténa caritáte dilígere.
Per Dóminum.

Pro lectionibus sumuntur textus aptiores ex iis qui proponuntur
in Communi pastorum, ut supra pp. 879-909.

Super oblata

Súscipe, Deus omnípotens, hæc múnera,
quæ tibi offérimus veneránte,
et respiciens Christum tuum,
sacerdotem simul et hóstiam,
da, ut, eius sacerdotii párticeps efféctus,
oblaciónem spiritálem
me tibi semper exhíbeam placéntem.
Per Christum.

Ant. ad communionem

Cf. Lc 22, 28-30

Dixit Iesus illis qui permansérunt in tentatióibus suis:
Ego dispóno vobis regnum,
ut edátis et bibátis super mensam meam.

Post communionem

Pane cælésti confirmátum
et novi testaménti cálice congaudéntem,
fac me, Pater sancte, tibi servíre fidéliter,
et in salútem hóminum
vitam fórtiter devotéque consúmere.
Per Christum.

C

in anniversario propriæ ordinationis

Ant. ad introitum

Io 15, 16

Non vos me elegístis; sed ego elégi vos et pósui vos,
ut eátis et fructum afferátis,
et fructus vester máneat, dicit Dóminus.

Collecta

Pater sancte, qui me
ad communiónem cum æténo Christi tui sacerdótio
et ad Ecclésiæ tuæ ministérium
nullis meis méritis elegísti, præsta,
ut Evangélíi strénuus ac mitis prædicátor exsístam,
et mysteriórum tuórum fidélis dispensátor invéníar.
Per Dóminum.

Pro lectionibus sumuntur textus aptiores ex iis qui proponuntur
in Communi pastorum, ut supra pp. 879-909.

Super oblata

Pro nostræ servitútis augméto
sacrificíum tibi, Dómine, laudis offérimus,
ut, quod imméritis contulísti, propítius exsequáris.
Per Christum.

Ant. ad communionem

Cf. 1 Cor 10, 16

Calix benedictiónis cui benedícimus,
communicátio ságuinis Christi est;
et panis quem frángimus,
participátio córporis Dómini est.

Post communionem

Ad glóriam, Dómine, tui nóminis
ánnua festa répetens sacerdotális exórdii,
mystérium fidei lætánter celebrávi,
ut in veritaté hoc sim,
quod in sacrificio mýstice tractávi.
Per Christum.

8. PRO MINISTRIS ECCLESIAE

Ant. ad introitum

1 Cor 12, 4-6

Divisiónes vero gratiárum sunt, idem autem Spíritus;
et divisiónes ministratiónum sunt, idem autem Dóminus;
et divisiónes operatiónum sunt, idem vero Deus,
qui operátur ómnia in ómnibus.

Collecta

Deus, qui minístros Ecclésiæ tuæ docuísti
non ministrári velle, sed frátribus ministráre,
illis, quæsumus, concéde et in actióne sollértiam,
et cum mansuetúdine ministérii in oratióne constántiam.
Per Dóminum.

Pro lectionibus sumuntur textus aptiores ex iis qui proponuntur
in Communi pastorum, pp. 879-909, vel indicantur in Missa
pro laicis, pp. 1305-1306.

Super oblata

Pater sancte,
cuius Fílius discipulórum vóluit laváre pedes,

ut nobis præberet exéplum,
súscipe, quæsumus, nostræ múnera servitútis, et præsta,
ut, nosmetípsos in spirítalem hóstiam offeréntes,
spíritu humilitátis et diligéntiæ repléamur.
Per Christum.

Ant. ad comununionem

Lc 12, 37

Beáti servi illi,
quos, cum vénerit dóminus, invénerit vigilántes.
Fáciét illos discumbere,
et tránsiens ministrábit illis.

Post communionem

Concéde fámulis tuis, Dómine,
cælésti cibo potúque replétis,
ut, ad glóriam tuam et salútem credéntium procurándam,
fidéles inveniántur
Evangélii, sacramentórum caritatísque minístri.
Per Christum.

9. PRO VOCATIONIBUS AD SACROS ORDINES

Ant. ad introitum

Mt 9, 38

Rogáte Dóminum messis,
ut mittat operários in messem suam,
dicit Iesus discípulis suis.

Collecta

Deus, qui pastóres pópulo tuo providére voluísti,
effúnde in Ecclésia tua Spíritum pietátis et fortitúdinis,
qui dignos altáribus tuis éxcitet minístros,
et Evangélii tui strénuos ac mites assertóres effíciat.
Per Dóminum.

Lectiones ut infra, pp. 1282-1301.

Super oblata

Plebis tuæ, quæsumus, Dómine,
preces et múnera benígnus inténde,
ut dispensatóres mysteriórum tuórum multiplicéntur,
et in amóre tuo iúgiter persevérent.
Per Christum.

Ant. ad communionem

1 Io 3, 16

In hoc cognóvimus caritátem Dei:
quóniam ille ánimam suam pro nobis pósuit,
et nos debémus pro frátribus ánimas pónere.

Post communionem

Pane mensæ cæléstis refécti, te, Dómine, deprecámur,
ut, per hoc sacraméntum caritátis,
illa sémína maturéscant,
quæ magna in agrum Ecclésiæ tuæ largitáte dispérgis,
quátenus multi sorte sibi éligant
tibi in frátribus ministráre.
Per Christum.

Lectio prima

1

*Egredere de terra tua et de cognatione tua,
et veni.*

Léctio libri Génesis

12, 1-4 a

In diébus illis:

Dixit Dóminus ad Abram: « Egrédere de terra tua
et de cognatióne tua et de domo patris tui, et veni in
terram quam monstrábo tibi. Faciámque te in gentem
magnam, et benedícam tibi et magnificábo nomen tuum,

erisque benedíctus. Benedícam benedicéntibus tibi et maledícam maledicéntibus tibi, atque in te benedicéntur univérsæ cognatiónes terræ ».

Egréssus est itaque Abram, sicut præcéperat ei Dóminus. — Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a. 9 a)

R. Ecce vénio, Dómine, ut fáciam voluntátem tuam.

3 Exspéctans exspectávi Dóminum,
et inténdit mihi.

4 Et immísit in os meum cánticum novum,
carmen Deo nostro. R.

7 Sacrificíum et oblatiódinem noluísti,
aures autem fodísti mihi.
Holocáustum et pro peccáto non postulásti,
8 tunc dixi: « Ecce vénio. R.

In volúmine libri scriptum est de me
9 fácere voluntátem tuam.

Deus meus, vólui,
et lex tua in præcórdiis meis ». R.

10 Annuntiávi iustítiam tuam in ecclésia magna;
ecce lábia mea non prohibébo, Dómine, tu scisti. R.

12 Tu autem, Dómine, ne prohibéas miseratiónes tuas a me;
misericórdia tua et véritas tua semper suscípant me. R.

2

Ego ero tecum.

Léctio libri Exodi

3, 1-6. 9-12

In diébus illis:

Pascébat Móyses oves Iethro, sóceri sui, sacerdótis Mádian; cumque minásset gregem ad interióra desérti,

venit ad montem Dei Horeb. Apparuitque ei Dominus in flamma ignis de medio rubi; et videbat quod rubus arderet, et non combureretur.

Dixit ergo Moyses: « Vadam et videbo visionem hanc magnam; quare non comburatur rubus ».

Cernens autem Dominus quod pergeret ad videndum, vocavit eum de medio rubi et ait: « Moyses, Moyses ».

Qui respondit: « Adsum ».

At ille: « Ne appropies, inquit, huc; solve calceamentum de pedibus tuis; locus enim, in quo stas, terra sancta est ».

Et ait: « Ego sum Deus patris tui, Deus Abraham, Deus Isaac et Deus Iacob ». Abscondit Moyses faciem suam; non enim auderat aspicere contra Deum.

Ait Dominus: « Clamor filiorum Israel venit ad me, vidique afflictionem eorum, qua ab Aegyptiis opprimuntur. Sed veni, et mittam te ad Pharaonem, ut educaas populum meum, filios Israel de Aegypto ».

Dixitque Moyses ad Deum: « Quis sum ego ut vadam ad Pharaonem, et educam filios Israel de Aegypto? »

Qui dixit ei: « Ego ero tecum, et hoc habebis signum, quod miserim te: cum eduxeris populum meum de Aegypto, immolabis Deo super montem istum ».

Verbum Domini.

Psalmus responsorius

Ps 26, 1. 4. 5. 8 b-9 ab. 9 cd et 11 (R.: 8 b)

R. Faciem tuam, Domine, requiram.

¹ Dominus illuminatio mea et salus mea, quem timebo?
Dominus protector vitae meae, a quo trepidabo? R.

⁴ Unum petii a Domino, hoc requiram:
ut inhabitem in domo Domini
omnibus diebus vitae meae,

ut vídeam voluptátem Dómini,
et vísitem templum eius. *R.*

5 Quóniam occultábit me in tentório suo,
in die malórum.

Abscóndet me in abscondito tabernáculi sui,
in petra exaltábit me. *R.*

8 Fáciem tuam, Dómine, requíram.

9 Ne avértas fáciem tuam a me,
ne declínes in ira a servo tuo. *R.*

Adiútor meus es tu, ne me reícias,
neque derelínquas me, Deus salútis meæ.

11 Osténde mihi, Dómine, viam tuam,
et dírige me in sémitam rectam propter inimícos meos. *R.*

3

Loquere, Domine, quia audit servus tuus.

Léctio libri primi Samuélis

3, 1-10

In diébus illis:

Puer Sámuel ministrábat Dómino coram Heli, et sermo Dómini erat pretiósus in diébus illis: non erat vísio manifésta. Factum est ergo, in die quadam, Heli iacébat in loco suo, et óculi eius caligáverant, nec póterat vidére. Lucérna Dei ántequam exstingerétur, Sámuel dormiébat in templo Dómini, ubi erat arca Dei.

Et vocávit Dóminus Sámuel, qui respóndens ait: « Ecce ego ». Et cucúrrit ad Heli et dixit: « Ecce ego; vocásti enim me ».

Qui dixit: « Non vocávi: revértere et dormi ». Et ábiit et dormívit. Et adiécit Dóminus rursum vocáre Samuélem.

Consurgénsque Sámuel ábiit ad Heli, et dixit: « Ecce ego, quia vocásti me ».

Qui respondit: « Non vocávi te, fili mi: revértere et dormi ». Porro Sámuel necdum sciébat Dóminum, neque revelátus fúerat ei sermo Dómini.

Et adiécit Dóminus et vocávit adhuc Samuélem tertio, qui consúrgens ábiit ad Heli et ait: « Ecce ego, quia vocásti me ».

Intelléxit ergo Heli quia Dóminus vocáret puerum, et ait ad Samuélem: « Vade et dormi et, si deinceps vocáverit te, dices: " Lóquere, Dómine, quia audit servus tuus " ». Abiit ergo Sámuel et dormívit in loco suo.

Et venit Dóminus et stetit, et vocávit sicut vocáverat secúndo: « Sámuel, Sámuel ». Et ait Sámuel: « Lóquere, Dómine, quia audit servus tuus ».

Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a. 9 a)

R. Ecce vénio, Dómine, ut fáciam voluntátem tuam.

2 Exspéctans exspectávi Dóminum, et inténdit mihi.

4 Et immísit in os meum cánticum novum,
carmen Deo nostro. R.

7 Sacrificium et oblatiónem noluísti,
aures autem fodísti mihi.

8 Holocáustum et pro peccáto non postulásti,
tunc dixi: « Ecce vénio. R.

9 In volúmine libri scriptum est de me
fácere voluntátem tuam.

Deus meus, vólui, et lex tua in præcórdiis meis ». R.

10 Annuntiávi iustítiam tuam in ecclésia magna;
ecce lábia mea non prohibébo, Dómine, tu scisti. R.

12 Tu autem, Dómine, ne prohibéas miseratiónes tuas a me;
misericórdia tua et véritas tua semper suscípant me. R.

Consurgens Eliseus abiit et secutus est Eliam.

Lectio libri primi Regum

19, 16 b. 19-21

In diébus illis:

Dixit Dóminus ad Eliám: « Eliséum, filium Saphat, qui est de Abelméhula, unges prophétam pro te ».

Proféctus ergo inde Eliás réperit Eliséum, filium Saphat, arántem in duódecim iugis boum, et ipse in duódecim iugis boum arántibus unus erat; cumque venisset Eliás ad eum, misit pállium suum super illum.

Qui statim, reléctis bobus, cucúrrit post Eliám et ait: « Osculer, oro, patrem meum et matrem meam, et sic sequar te ».

Dixítque ei: « Vade et revértere, quod enim meum erat feci tibi ».

Revérsus autem ab eo, tulit par boum et mactávit illud, et in arátro boum coxit carnes et dedit pópulo, et comedérunt; consurgénsque ábiit et secúsus est Eliám et ministrábat ei. — Verbum Dómini.

Psalmus resp. Ps 83, 3-4. 5 et 8 a. 11 (R.: 5 a)

R. Beáti qui hábitant in domo tua, Dómine.

1 Concupíscit et déficit ánima mea in átria Dómini.
Cor meum et caro mea exsultavérunt in Deum vivum.
4 Etenim passer invénit sibi domum,
et turtur nidum sibi, ubi ponat pullos suos:
altária tua, Dómine virtútum, rex meus et Deus meus. R.

5 Beáti qui hábitant in domo tua,
in perpétuum laudábunt te.

8 Ibunt de virtúte in virtútem. R.

11 Quia mélior est dies una in átriis tuis super mília,
elégi ad limen esse in domo Dei mei,
magis quam habitáre in tabernáculis peccatórum. R.

Quem mittam? et quis ibit nobis?

Lectio libri Isaïæ prophætæ

6, 1. 6-8

In anno, quo mórtuus est rex Ozías, vidi Dóminum sedéntem super sólum excélsum et elevátum, et ea, quæ sub ipso erant, replébant templum. Et volávit ad me unus de séraphim et in manu eius cálculus, quem fórcipe túlerat de altári, et tétigit os meum et dixit: « Ecce tétigit hoc lábia tua, et auferétur iníquitas tua, et peccátum tuum mundábitur ». Et audívi vocem Dómini dicéntis: « Quem mittam? et quis ibit nobis? » Et dixi: « Ecce ego, mitte me ». — Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a. 9 a)

R. Ecce vénio, Dómine, ut fáciam voluntátem tuam.

2 Exspéctans exspectávi Dóminum,
et inténdit mihi.

4 Et immísit in os meum cánticum novum,
carmen Deo nostro. R.

7 Sacrífícium et oblatiónem noluísti,
aures autem fodísti mihi.

Holocáustum et pro peccáto non postulásti,
tunc dixi: « Ecce vénio. R.

In volúmine libri scriptum est de me
fácere voluntátem tuam.

Deus meus, vólui,
et lex tua in præcórdiis meis ». R.

10 Annuntiávi iustítiam tuam in ecclésia magna;
ecce lábia mea non prohibébo, Dómine, tu scisti. R.

12 Tu autem, Dómine, ne prohibéas miseratiónes tuas a me;
misericórdia tua et véritas tua semper suscípiant me. R

Ad omnia quæ mittam te ibis.

Lectio libri Ieremiæ prophætæ 1, 4-9

Factum est verbum Dómini ad me dicens: « Priúsquam te formárem in útero, novi te; et ántequam exíres de vulva, sanctificávi te, et prophétam in géntibus dedi te ».

Et dixi: « A a a, Dómine Deus! ecce néscio loqui, quia puer ego sum ».

Et dixit Dóminus ad me: « Noli dícere: " Puer sum "; quóniam ad ómnia quæ mittam te ibis, et univérsa quæcúmque mandávero tibi loquéris. Ne tíneas a fácie eórum, quia tecum ego sum ut éruam te », dicit Dóminus.

Et misit Dóminus manum suam, et tétigit os meum, et dixit Dóminus ad me: « Ecce dedi verba mea in ore tuo ». — Verbum Dómini.

Psalmus responsorius

Ps 15, 1-2 a et 5. 7-8. 11 (R.: cf. 5 a)

R. Tu es, Dómine, pars hereditátis meæ.

1 Consérva me, Deus, quóniam sperávi in te.

2 Dixi Dómino: « Dóminus meus es tu.

3 Dóminus pars hereditátis meæ et cálicis mei:
tu es qui détines sortem meam ». R.

7 Benedícam Dóminum, qui tríbuit mihi intelléctum;
ínsuper et in nóctibus erudiérunt me renes mei.

8 Proponébam Dóminum in conspéctu meo semper,
quóniam a dextris est mihi, non commovébor. R.

11 Notas mihi fácies vías vitæ,
plenitúdinem lætítiæ cum vultu tuo,
delectatiónes in dextera tua usque in finem. R.

*Factus est in corde meo quasi ignis
exæstuans.*

Lectio libri Ieremiæ prophætæ

20, 7-9

Seduxísti me, Dómine, et sedúctus sum; fórtior me fuísti et invaluísti, factus sum in derísium tota die, omnes subsánnant me. Quia iam olim loquor vocíferans, iniquitátem et vastitátem clámito; et factus est mihi sermo Dómini in oppróbrium et in derísium tota die.

Et dixi: « Non recordábor eius, neque loquar ultra in nómine illíus »; et factus est in corde meo quasi ignis exæstuans clausúsque in óssibus meis: et deféci, ferre non sústinens. — Verbum Dómini.

Psalmus responsorius

Ps 26, 1. 4. 5. 8 b-9 ab. 9 cd et 11 (R.: 8 b)

R. Fáciem tuam, Dómine, requíram.

¹ Dóminus illuminátio mea et salus mea, quem timébo?
Dóminus protéctor vitæ meæ, a quo trepidábo? R.

⁴ Unum pétii a Dómino, hoc requíram:
ut inhábitem in domo Dómini
ómnibus diébus vitæ meæ,
ut vídeam voluptátem Dómini,
et vísitem templum eius. R.

⁵ Quóniam occultábit me in tentório suo,
in die malórum.
Abscóndet me in abscondito tabernáculi sui,
in petra exaltábit me. R.

⁸ Fáciem tuam, Dómine, requíram.

⁹ Ne avértas fáciem tuam a me,
ne declínes in ira a servo tuo. R.

Adiutor meus es tu, ne me reicias,
neque derelinquas me, Deus salutis meae.

Ostende mihi, Domine, viam tuam,
et dirige me in semitam rectam
propter inimicos meos. *R.*

Lectio secunda

1

Deus dedit nobis ministerium reconciliationis.

Lectio Epistolae secundae beati Pauli apostoli
ad Corinthios

5, 14-20

Fratres:

Cáritas Christi urget nos; aestimantes hoc, quóniam si unus pro ómnibus mórtuus est, ergo omnes mórtui sunt, et pro ómnibus mórtuus est Christus, ut et qui vivunt iam non sibi vivant, sed ei qui pro ipsis mórtuus est et resurrexit. Itaque nos ex hoc néminem nóvimus secúndum carnem; et si cognóvimus secúndum carnem Christum, sed nunc iam non nóvimus.

Si qua ergo in Christo nova creatúra, vétera transiérunt: ecce facta sunt nova; ómnia autem ex Deo, qui reconciliávit nos sibi per Christum, et dedit nobis ministérium reconciliatiónis. Quóniam quidem Deus erat in Christo mundum reconcilians sibi, non reputans illis delicta ipsórum, et pósuit in nobis verbum reconciliatiónis.

Pro Christo ergo legatióné fúngimur, tamquam Deo exhortánte per nos. Obsecrámus pro Christo: reconciliámini Deo. — Verbum Dómini.

2

Omnia detrimentum feci, ut Christum lucrī faciam.

Léctio Epístolæ beāti Pauli apóstoli ad Philippénses

3, 8-14

Fratres:

Exístimo ómnia detriméntum esse propter eminéntiam sciéntiæ Christi Iesu Dómini mei; propter quem ómnia detriméntum feci et árbitror ut stércora, ut Christum lucrī faciam, et invéniam in illo, non habens meam iustítiam, quæ ex Lege est, sed illam, quæ per fidem est Christi, quæ ex Deo est iustítia in fide; ad cognoscéndum illum et virtútem resurrectionis eius et communionem passiónum illíus, confórmans me morti eius, si quo modo occurrā ad resurrectionem, quæ est ex mórtuis.

Non quod iam accéperim aut iam perféctus sim; pérsequor autem, si umquam comprehéndam, sicut et comprehénsus sum a Christo Iesu.

Fratres, ego me non árbitror comprehendísse. Unum autem, quæ quidem retro sunt oblivíscens, ad ea vero quæ ante sunt exténdens me, ad destinátum pérsequor, ad bravíum supérnæ vocatiónis Dei in Christo Iesu.

Verbum Dómini.

3

Christus appellatus est a Deo pontifex iuxta ordinem Melchisedech.

Léctio Epístolæ ad Hebræos

5, 1-10

Omnis póntifex, ex homínibus assúptus, pro homínibus constitúitur in his quæ sunt ad Deum, ut offerat dona et sacrificia pro peccátis; qui æque condolere possit his qui ignórant et errant, quóniam et ipse circúmdatus est infirmitáte; et propter eam de-

bet, quemádmódum et pro pópulo, ita étiam pro semetípso offérre pro peccátis.

Nec quísqúam sumit sibi illum honórem, sed qui vocátur a Deo tamquam et Aaron.

Sic et Christus non semetípsum glorificávit ut pón-tifex fíeret; sed qui locútus est ad eum:

« Fílius meus es tu, ego hódie génui te », quemád-módum et in álio dicit:

« Tu es sacérdos in ætérnum secúndum órđinem Melchisedech ».

Qui, in diébus carnis suæ, preces supplicationésque ad eum, qui possit salvum illum a morte fácere, cum clamóre válido et lácrimis ófferens, exaudítus pro sua reveréntia.

Et quidem, cum esset Fílius, dídicit ex his quæ passus est obœdiéntiam, et consummátus factus est ómnibus obœdiéntibus sibi auctor salútis ætérnæ, ap-pellátus a Deo pón-tifex iuxta órđinem Melchisedech.

Verbum Dómini.

Evangelium

1

Alleluia

Io 15, 16

℟. Allelúia. ℣. Ego vos elégi de mundo,
ut eátis et fructum afferátis,
et fructus vester máneat,
dicit Dóminus. ℟. Allelúia.

Mensis quidem multa, operarii autem pauci.

✠ Léctio sancti Evangélíi secúndum Mattháum

9, 35-38

In illo témpore:

Circumíbat Iesus civitátes omnes et castélla, do-cens in synagógis eórum, et prædicans Evangélium Re-

gni, et curans omnem languórem et omnem infirmitátem. Videns autem turbas misértus est eis, quia erant vexáti et iacéntes sicut oves non habéntes pastórem.

Tunc dicit discipulis suis: « Messis quidem multa, operárii autem pauci, rogáte ergo Dóminum messis, ut mittat operários in messem suam ».

Verbum Dómini.

2

Alleluia

Phil 3, 8-9

℞. Allelúia. √. Omnia detriméntum feci
et árbitror ut stércora,
ut Christum lucrifáciam et invéniam in illo.
℞. Allelúia.

Quaecumque habes vende, et sequere me.

✠ Lécio sancti Evangélíi secúndum Marcum

10, 17-27

In illo témpore:

Cum egrederétur Iesus in viam, accúrrens quidam et genu flexo ante eum, rogábat eum: « Magíster bone, quid fáciam ut vitam ætérrnam percípiam? »

Iesus autem dixit ei: « Quid me dicis bonum? Nemo bonus, nisi unus Deus. Præcépta nosti: " Ne occídas, ne adúlteres, ne furéris, ne falsum testimónium díxeris, ne fraudem féceris, honóra patrem tuum et matrem " ».

Ille autem dixit ei: « Magíster, hæc ómnia conservávi a iuventúte mea ».

Iesus autem intúitus eum diléxit eum et dixit illi: « Unum tibi deest: vade, quaecúmque habes vende, et da paupéríbus et habébis thesáurum in cælo; et veni, séquere me ». Qui contristátus in hoc verbo ábiit mærens; erat enim habens possessiões multas.

Et circumspiciens Iesus ait discipulis suis: « Quam difficile qui pecúnias habent in Regnum Dei introibunt! » Discipuli autem obstupescébant in verbis eius.

At Iesus rursus respondens ait illis: « Filii, quam difficile est in Regnum Dei introire! Facilius est camélum per forámen acus transire, quam dívitem intráre in Regnum Dei ».

Qui magis admirabántur, dicéntes ad semetipsos: « Et quis potest salvus fieri? »

Intuens illos Iesus ait: « Apud hómines impossíbile est, sed non apud Deum; ómnia enim possibília sunt apud Deum ». — Verbum Dómini.

3

Alleluia

Io 15, 5

R. Allelúia. V. Ego sum vitis, vos pálmities,
dicit Dóminus;
qui manet in me, et ego in eo,
hic fert fructum multum. R. Allelúia.

*Accipietis centies tantum in tempore hoc,
cum persecutionibus, et in sæculo futuro vitam æternam.*

✠ Lécio sancti Evangélíi secúndum Marcum

10, 28-30

In illo témpore:

Cœpit Petrus dicere ad Iesum: « Ecce nos dimísimus ómnia, et secúti sumus te ».

Ait Iesus: « Amen dico vobis: Nemo est, qui relíquerit domum aut fratres aut soróres aut matrem aut patrem aut filios aut agros propter me et propter Evangélium, qui non accípiat cénties tantum nunc in témpore hoc, domos et fratres et soróres et matres et filios et agros, cum persecutióibus, et in sæculo futúro vitam ætérmam ». — Verbum Dómini.

Alleluia

Mt 4, 19

℞. Allelúia. ⁊. Veníte post me, dicit Dóminus,
et fáciam vos fieri piscatóres hóminum.

℞. Allelúia.

Ex hoc iam homines eris capiens.

✝ Léctio sancti Evangélíi secúndum Lucam 5, 1-11

In illo témpore:

Cum turba urgéret Iesum, et audíret verbum Dei, et ipse stabat secus stagnum Genésareth. Et vidit duas naves stantes secus stagnum; piscatóres autem descenderant de illis et lavábant rétia. Ascéndens autem in unam navim, quæ erat Simónis, rogávit eum a terra redúcere pusillum. Et sedens docébat de navícula turbas.

Ut cessávit autem loqui, dixit ad Simónem: « Duc in altum, et laxáte rétia vestra in captúram ».

Et respóndens Simon dixit: « Præcéptor, per totam noctem laborántes nihil cépimus; in verbo autem tuo laxábo rétia ». Et, cum hoc fecíssent, conclusérunt píscium multitúdinem copiósam; rumpebántur autem rétia eórum. Et annuérunt sóciis, qui erant in ália navi, ut venírent et adiuvárent eos. Et venérunt, et implevérunt ambas navículas, ita ut pæne mergeréntur.

Quod cum vidéret Simon Petrus, prócidit ad génu Iesu, dicens: « Exi a me, quia homo peccátor sum, Dómine ». Stupor enim circumdéderat eum et omnes qui cum illo erant, in captúra píscium, quam céperant; simíliter autem et Iacóbum et Ioánnem, filios Zebedæi, qui erant sócii Simónis.

Et ait ad Simónem Iesus: « Noli timére, ex hoc iam hómines eris cápiens ».

Et, subdúctis ad terram návibus, relíctis ómnibus, secúti sunt illum. — Verbum Dómini.

Alleluia

Phil 3, 8-9

℞. Allelúia. √. Omnia detriméntum feci
et árbitror ut stércora,
ut Christum lucrifáciam et invéniam in illo.
℞. Allelúia.

*Nemo mittens manum suam in aratrum
et aspiciens retro, aptus est Regno Dei.*

✠ Léctio sancti Evangélíi secúndum Lucam 9, 57-62

In illo témpore:

Ambulántibus Iesu et discíplis suis in via, dixit
quidam ad illum: « Sequar te quocúmque íeris ».

Et ait illi Iesus: « Vulpes fóveas habent, et vólucres
cæli nidos; Fílius autem hóminis non habet ubi
caput reclínet ».

Ait autem ad álterum: « Séquere me ».

Ille autem dixit: « Dómine, permítte mihi primum
ire et sepelíre patrem meum ».

Dixítque ei Iesus: « Sine ut mórtui sepéliant mórtuos
suos; tu autem vade, annúntia Regnum Dei ».

Et ait alter: « Sequar te, Dómine, sed primum per-
mítte mihi renuntiáre his quæ domi sunt ».

Ait ad illum Iesus: « Nemo mittens manum suam
in arátrum et aspiciens retro, aptus est Regno Dei ».

Verbum Dómini.

Alleluia

Phil 3, 8-9

℞. Allelúia. √. Omnia detriméntum feci
et árbitror ut stércora,
ut Christum lucrifáciam et invéniam in illo.
℞. Allelúia.

*Qui non baiulat crucem suam et venit post me,
non potest esse meus discipulus.*

✠ Lécio sancti Evangélii secúndum Lucam 14, 25-33

In illo témpore:

Ibant turbæ multæ cum Iesu, et convérsus dixit ad illos: « Si quis venit ad me, et non odit patrem suum et matrem et uxórem et fílios et fratres et soróres, adhuc et ánimam suam, non potest esse meus discipulus; et qui non báíulat crucem suam et venit post me, non potest esse meus discipulus.

Quis enim ex vobis, volens turrem ædificáre, non prius sedens cóputat sumptus, si habet ad perficiéndum? ne, posteáquam posúerit fundaméntum et non potúerit perfícere, omnes qui vident incípíant illúdere ei, dicéntes: “ Hic homo cœpit ædificáre et non pótuit consummáre ”.

Aut quis rex itúrus commíttere bellum advérsus álium regem, non sedens prius cógitat si possit cum decem mílibus occúrrere ei, qui cum vigínti mílibus venit ad se? Alióquin, adhuc illo longe agénte, legatiónem mittens rogat ea quæ pacis sunt.

Sic ergo omnis ex vobis, qui non renúnciat ómnibus quæ póssidet, non potest meus esse discipulus ».

Verbum Dómini.

Alleluia

Mt 4, 19

℟. Allelúia. ℣. Veníte post me, dicit Dóminus,
et fáciam vos fíeri piscatóres hóminum.

℟. Allelúia.

*

Sequere me.

✠ Lécio sancti Evangélii secúndum Ioánnem 1, 35-51

In illo témpore:

Stabat Ioánnes et ex discipulis eius duo. Et respiciens Iesum ambulántem dicit: « Ecce Agnus Dei ». Et audierunt eum duo discipuli loquéntem, et secúti sunt Iesum.

Convérsus autem Iesus, et videns eos sequéntes se, dicit eis: « Quid quæritis? »

Qui dixerunt ei: « Rabbi (quod dicitur interpretátum magíster), ubi hábitas? »

Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo; hora erat quasi décima.

Erat Andréas, frater Simónis Petri, unus ex duóbus, qui audierant ab Ioánnem et secúti fúerant eum.

Invénit hic primum fratrem suum Simónem, et dicit ei: « Invénimus Messíam » (quod est interpretátum Christus). Addúxit eum ad Iesum.

Intúitus eum Iesus, dixit: « Tu es Simon, filius Ioánnis, tu vocáberis Cephass » (quod interpretátur Petrus).

In crástinum vóluit exíre in Galiléam; et invénit Philíppum.

Et dicit ei Iesus: « Séquere me ». Erat autem Philíppus a Bethsáida, civitaté Andréæ et Petri.

Invénit Philíppus Nathánael, et dicit ei: « Quem scripsit Móyses in Lege et prophétæ, invénimus, Iesum, filium Ioseph a Názareth ».

Et dicit ei Nathánael: « A Názareth potest áliquid boni esse? »

Dicit ei Philíppus: « Veni et vide ».

Vidit Iesus Nathánael veniéntem ad se, et dicit de eo: « Ecce vere Israelíta, in quo dolus non est ».

Dicit ei Nathánael: « Unde me nosti? »

Respóndit Iesus et dixit ei: « Priúsqvam te Philíppus vocáret, cum esses sub ficu, vidi te ».

Respóndit ei Nathánael: « Rabbi, tu es Fílius Dei, tu rex es Israel ».

Respóndit Iesus et dixit ei: « Quia dixi tibi: " Vidi te sub ficu ", credis? maióra his vidébis ».

Et dicit ei: « Amen, amen, dico vobis, vidébitis cælum apértum, et ángelos Dei ascendéntes et descendentés supra Fílium hóminis ». — Verbum Dómini.

vel brevior

✠ Lécio sancti Evangélii secúndum Ioánnem 1, 35-42

In illo témpore:

Stabat Ioánnes et ex discíplis eius duo. Et respiciens Iesum ambulántem dicit: « Ecce Agnus Dei » Et audiérunt eum duo discípli loquéntem, et secúti sunt Iesum.

Convérsus autem Iesus, et videns eos sequéntes se, dicit eis: « Quid quæritis? »

Qui dixerunt ei: « Rabbi (quod dícitur interpretátum magíster), ubi hábitas? »

Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo; hora erat quasi décima.

Erat Andréas, frater Simónis Petri, unus ex duóbus, qui audierant ab Ioánnē et secúti fúerant eum.

Invenit hic primum fratrem suum Simónem, et dicit ei: « Invénimus Messíam » (quod est interpretátum Christus). Addúxit eum ad Iesum.

Intúitus eum Iesús, dixit: « Tu es Simon, fílius Ioánnis, tu vocáberis Cephas » (quod interpretátur Petrus). — Verbum Dómini.

8

Alleluia

Io 15, 16

℞. Allelúia. ʒ. Ego vos elégi de mundo,
ut eátis et fructum afferátis,
et fructus vester máneat,
dicit Dóminus. ℞. Allelúia.

Non vos me elegistis, sed ego elegi vos.

✠ Lécio sancti Evangélíi secúndum Ioánnem 15, 9-17

In illo témpore:

Dixit Iesus discípulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcípíio vobis. Iam non dicam vos servos, quia servus nescit quid facit dóminus eius: vos autem dixi amícos, quia ómnia, quæ audívi a Patre meo, nota feci vobis.

Non vos me elegistis, sed ego elégi vos et pósui vos, ut vos eátis et fructum afferátis, et fructus vester máneat, ut, quodcúmque petiérítis Patrem in Nómíne meo, det vobis.

Hæc mando vobis, ut diligátis ínvicem ».

Verbum Dómini.

10. PRO RELIGIOSIS

Ant. ad introitum**Ps 36, 3-4**

Spera in Dómino et fac bonitátem,
et inhabitábis terram et pascéris in fide.
Delectáre in Dómino,
et dabit tibi petitiónes cordis tui.

Collecta

Deus, omnis boni propósi inspirátor atque perféctor,
dirige fámulos tuos in viam salútis æternæ,
et, quos, relictis ómnibus, tibi se totos devovérunt,
fac, Christum sequéntes et ea quæ sunt sáculi abnegántes,
in spíritu paupertátis et cordis humilitáte
tibi et frátribus suis fidéliter deservíre.
Per Dóminum.

*Pro lectionibus sumuntur textus aptiores ex iis qui proponuntur
in Missa in professione religiosa, pp. 1198-1229.*

Super oblata

Sanctífica, quæsumus, Dómine,
per hæc sancta quæ tibi offérimus,
fámulos tuos, quos in nómine tuo congregásti,
ut, fidéliter vota sua tibi reddéntes,
maiestáti tuæ sincéro corde deserviant.
Per Christum.

Ant. ad communionem**1 Reg 19, 7**

Angelus Dómini dixit Eliæ:
Surge, cómede; grandis enim tibi restat vía.

Vel:**Ap 22, 17 a. 20**

Spíritus et sponsa dicunt: Veni.
Amen. Veni, Dómine Iesu.

Post communionem

Servos tuos, Dómine, in amóre tuo congregátos
et de uno pane participántes,
da unánimes consideráre ínvicem
in provocatióem caritátis et bonórum óperum,
ut eórum sancta conversatióne
Christi testes veri ubíque exhibeántur.
Per Christum.

11. PRO VOCATIONIBUS AD VITAM RELIGIOSAM

Ant. ad introitum

Mt 19, 21

Si vis perféctus esse,
vade, vende quæ habes et da paupéribus,
et veni, séquere me, dicit Dóminus.

Collecta

Pater sancte,
qui, licet fidéles omnes ad perfectiόνem caritátis invítas,
multos tamen excitáre non désinis,
qui Fílii tui vestigia préssius sequántur,
concéde, ut, quos tibi in sortem peculiárem elégeris,
conversatióne sua váleant regni tui signum osténdere
Ecclésiæ mundóque perspícuum.
Per Dóminum.

Vel (ab ipsis religiosis dicenda):

Famíliam tuam, quæsumus, Dómine, propítius réspice
et nova prole semper amplífica,
ut et fílios suos
ad propósitam caritátis perfectiόνem addúcere,
et ad hóminum salútem effícaciter váleat laboráre.
Per Dóminum.

Pro lectionibus sumuntur textus aptiores ex iis qui proponuntur in Missis in professione religiosa, pp. 1198-1229, vel pro vocationibus ad sacros Ordines, pp. 1282-1301.

Super oblata

Múnera quæ tibi offérimus,
Pater sancte, súscipe miserátus,
et ómnibus, qui Fílium tuum per arctam viam imitári
læta sibi mente propónunt,
communiónem concéde fraternam
et spiritálem libertátem.
Per Christum.

Ant. ad communionem

Cf. Mt 19, 27. 28. 29

Amen dico vobis, quod vos qui reliquistis ómnia,
et secúti estis me, céntuplum accipiétis
et vitam ætérrnam possidébitis, dicit Dóminus.

Post communionem

Fámulos tuos, Dómine, spiritáli cibo potúque confírma,
ut, evangélicæ semper vocatióni fidéles,
vivam ubíque Fílii tui imáginem repræséntent.
Per Christum.

Vel (ab ipsis religiosis dicenda):

Huius, Dómine, virtúte sacraménti, da nobis, quæsumus,
perseverántem in tua voluntáte famulátum,
ut tuam caritátem mundo testári
et bona quæ sola non amittúntur
valeámus fórtiter inquirere.
Per Christum.

12. PRO LAICIS

Ant. ad introitum

Mt 13, 33

Símile est regnum cælórum ferménto,
quod accéptum múlter abscondit in farínæ satis tribus,
donec fermentátum est totum.

Collecta

Deus, qui Evangélíi virtútem
véluti ferméntum in mundum misísti,
concéde fidélibus tuis,
quos in médio mundi negotiorúmque sæculárium
vitam ágere vocásti,
ut, spírítu christiáno fervéntes,
per temporália quæ gerunt múnera,
regnum tuum iúgiter instáurent.
Per Dóminum.

Lectiones:

1. **Ioel 2, 28-32:** « Super servos meos et ancillas meas effundam spiritum meum ».
Hæc dicit Dóminus: « Effúndam spírítum meum ... », p. 1609.
2. **Act 2, 1-11:** « Repleti sunt omnes Spiritu Sancto et cœperunt loqui ».
Cum compleréntur dies Pentecóstes ..., p. 1610.
3. **1 Cor 12, 3 b-7. 12-13:** « Divisiones ministracionum sunt, idem autem Dominus ».
Fratres: Nemo potest dicere: « Dóminus Iesus! » nisi in Spírítu Sancto ..., p. 1612.
4. **Eph 1, 3-14:** « Recapitulare omnia in Christo ... in laudem gloriæ ipsius ».
Fratres: Benedíctus Deus et Pater ..., p. 1211.

Psalmi responsorii:

1. **Ps 84, 2-4. 5-6. 7-8.**
p. (8): Osténde nobis, Dómine, misericórdiam tuam, et salutáre tuum da nobis, p. 1445.

2. Ps 99, 2. 3. 4. 5.

℟. (3 c): Nos pópulus eius et oves páscuæ eius, p. 1317.

3. Ps 102, 1-2. 3-4. 8-9. 11-12.

℟. (8 a): Misérátor et miséricors Dóminus, p. 1474.

4. Ps 112, 1-2. 3-4. 5-6. 7-8.

℟. (2): Sit nomen Dómini benedíctum in sácula, p. 1460.

Alleluia, Versus ante Evangelium et Evangelia:

1. Mt 5, 9: Beáti pacífici, quóniam fílii Dei vocabúntur, p. 1370.

Mt 5, 1-12 a: « Beati pacífici ».

In illo témpore: Videns Iesus turbas ..., p. 1370.

2. Mt 11, 28: Veníte ad me, omnes qui laborátis ..., p. 1393.

Mt 25, 14-30: « Super pauca fuisti fidelis, intra in gaudium domini tui ».

In illo témpore: Dixit Iesus discíplulis suis parábolam hanc: « Homo péregre proficiscens ... », p. 1393.

3. Semen est verbum Dei, sator autem Christus ..., p. 925.

Mc 4, 1-9: « Exiit seminans ad seminandum ».

In illo témpore: Iterum cœpit Iesus docére ad mare ..., p. 926.

4. Io 15, 5: Ego sum vitis, vos pálmites ..., p. 1227.

Io 15, 1-8: « Manete in me, et ego in vobis ».

In illo témpore: Dixit Iesus discíplulis suis: « Ego sum vitis vera ... », p. 1227.

Super oblata

Deus, qui Fílii tui sacrificio
cunctum voluísti mundum salváre,
per huius oblatiónis virtútem concéde,
ut fámuli tui, quos étiam in statu laicáli
ad apostolátum vocáre non désinis,
et mundum spírítu ímbuant Christi,
et eius sint sanctificatiónis ferméntum.
Per Christum.

Ant. ad communionem

Ps 99, 2

Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne, allelúia.

Vel:

Io 15, 8

In hoc clarificátus est Pater meus,
ut fructum plúrimum afferátis
et efficiámini mei discípuli, dicit Dóminus.

Post communionem

De plenitúdine grátiae tuæ suméntes, quæsumus, Dómine,
ut, eucharístici convívii fortitúdine roboráti,
fidéles tui, quos rebus sæculáribus déditos esse voluísti,
strénui sint evangélicæ testes veritátis,
et Ecclésiám tuam in rebus temporálibus
præséntem iúgiter reddant et actuósam.
Per Christum.

13. PRO UNITATE CHRISTIANORUM

Hæc Missa dici potest, etiam dominicis « per annum », quando
peculiares celebrationes pro unitate christianorum habentur.

A

Ant. ad introitum

Io 10, 14-15

Ego sum pastor bonus, et cognósko oves meas,
et cognóscunt me meæ, dicit Dóminus.
Sicut novit me Pater, et ego agnósko Patrem;
et ánimam meam pono pro óvibus meis.

Collecta

Omnípotens sempitérne Deus,
quí dispérsa cóngregas et congregáta consérvas,
ad gregem Filii tui placátus inténde,
ut, quos unum sacrávit baptísma,
eos et fidei iungat intégritas,
et vínculum sóciet caritátis.
Per Dóminum.

Vel:

Súpplīces te rogámus, amátor hóminum, Dómine:
pleniórem Spíritus tui grátiam
super nos effúnde benígnus, et præsta,
ut, digne qua nos vocásti vocatióne ambulántes,
testimónium veritátis exhibeámus homínibus,
et ómnium credéntium unitátem
in vínculo pacis fidéntes inquirámus.
Per Dóminum.

Lectiones ut infra, pp. 1312-1328.

Super oblata

Qui una semel hóstia, Dómine,
adoptiόνis tibi pópulum acquisísti,
unitátis et pacis in Ecclésia tua
propítius nobis dona concédas.
Per Christum.

Præfatio: De unitate Corporis Christi, quod est Ecclesia.

℣. Dóminus vobíscum.

℞. Et cum spírītu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Per ipsum enim nos adduxísti
ad agnitióem tuæ veritátis,
ut uníus fidei et baptísmi vínculo
Corpus eius efficerémur;

per ipsum in cunctis géntibus
largítus es Spíritum Sanctum tuum,
quí, in diversitaté donórum mirábilis operátor
et unitátis efféctor,
fílios adoptiónis inhábitat
totámque replet et regit Ecclésiám.

Et ídeo, choris angélicis sociáti,
te laudámus in gáudio confiténtes:

Sanctus, Sanctus, Sanctus Dóminus Deus Sábaoth ...

Ant. ad communionem

Cf. 1 Cor 10, 17

Unus panis et unum corpus multi sumus,
omnes qui de uno pane et de uno cálice participámus.

Post communionem

Hæc tua, Dómine, sumpta sacra commúnio,
sicut fidélium in te unióem præsignat,
sic in Ecclésia tua unitátis operétur efféctum.
Per Christum.

B

Ant. ad introitum

Ps 105, 47

Salvos nos fac, Dómine Deus noster,
et cóngrega nos de natió nibus,
ut confiteámur nómini sancto tuo,
et gloriémur in laude tua.

Collecta

Deus, qui diversitatém géntium
in confessióne tui nóminis adunásti,
da nobis et velle et posse quæ præcipis,
ut pópulo ad regnum tuum vocáto
una sit fides méntium et píetas actiónum.
Per Dóminum.

Vel:

Preces pópuli tui, quæsumus, Dómine, placátus inténde,
et præsta, ut fidélium corda
in tua laude et commúni pæniténtia iungántur,
quátenus, christianórum divisíone sublata,
in perfécta Ecclésiæ communióne
ad ætérnum tuum regnum properémus lætántes.
Per Dóminum.

Lectiones ut infra, pp. 1312-1328.

Super oblata

Salútis nostræ memoriále celebrántes,
cleméntiam tuam, Dómine, suppliciter exorámus,
ut hoc sacraméntum pietátis
fiat nobis signum unitátis et vínculum caritátis.
Per Christum.

Præfatio propria, p. 1308.

Ant. ad communionem

Col 3, 14-15

Super ómnia caritátem habéte,
quod est vínculum perfectiónis;
et pax Christi exsúltet in córdibus vestris,
in qua et vocáti estis in uno córpore.

Post communionem

Spíritum nobis, Dómine, tuæ caritátis infúnde,
ut, huius sacrificií virtúte,
una fácias in te credéntes pietáte concóordes.
Per Christum.

C

Ant. ad introitum

Eph 4, 4-6

Unum corpus et unus spíritus,
sicut vocáti estis in una spe vocatiónis vestræ;

unus Dóminus, una fides, unum baptísma;
unus Deus et Pater ómnium,
qui est super ómnes et per ómnia et in ómnibus nobis.

Collecta

Pópulum tuum, quæsumus, Dómine, propítius réspice,
et Spíritus tui super ipsum dona cleménter effúnde,
ut in veritátis iúgiter amóre succréscat,
et perféctam christianórum unitátem
stúdio perquírat et ópere. Per Dóminum.

Vel:

Ubertátem misericordiárum tuárum, Dómine,
revéla super nos et, in virtúte Spíritus tui,
christianórum divisiónes rémove,
ut Ecclésia tua signum inter natiónes elevátum
clárus appáreat,
et mundus, tuo Spíritu illustrátus,
in Christum credat quem misísti.
Per Dóminum.

Lectiones ut infra, pp. 1312-1328.

Super oblata

Quam tibi, Dómine, offérimus hóstia
et purificatiónem cónferat,
et omnes uno baptísmate coniúctos
eorúndem mysteriórum tandem partícipes effíciat.
Per Christum.

Præfatio propria, p. 1308.

Ant. ad communionem

Io 17, 21. 23

Ut omnes unum sint,
sicut tu, Pater, in me, et ego in te,
ut et ipsi in nobis unum sint:
ego in eis, et tu in me, ut sint consummáti in unum.

Post communionem

Sacraménta Christi tui suméntes,
quæsumus, Dómine,
ut in Ecclesiá tua
sanctificatiónis grátiam rénoves quam dedísti,
et omnes qui christiáno gloriántur nómine
in unitáte fidei tibi servíre mereántur.
Per Christum.

Lectio prima

1

*Rursum congregabit te Dominus de cunctis populis,
in quos te ante dispersit.*

Lectio libri Deuteronomii

30, 1-4

In diébus illis:

Locútus est Móyses pópulo, dicens: « Cum vénerint super te omnes sermónes isti, benedíctio sive maledíctio, quam propósui in conspéctu tuo, et ductus pænítudine cordis tui in univérsis géntibus, in quas dispéserit te Dóminus Deus tuus, et revérsus fúeris ad eum et obædieris eius impériis, sicut ego hódie præcípío tibi, cum filiis tuis in toto corde tuo et in tota ánima tua; redúcet Dóminus Deus tuus captivitátem tuam ac miserébitur tui, et rursum congregábit te de cunctis pópulis, in quos te ante dispérsit.

Si ad cárdines cæli fúeris dissipátus, inde te rétrahet Dóminus Deus tuus ». — Verbum Dómini.

Psalmus responsorius

Ier 31, 10. 11-12 ab. 13 cd-14 (R.: cf. 10 c)

R. Cóngrega, Dómine, pópulum tuum dispérsu.

vel Allelúia.

9 Audíte verbum Dómini, gentes,
et annuntiáte in ínsulis, quæ procul sunt, et dícite:
« Qui dispérsit Israel congregábit eum,
et custódiét eum sicut pastor gregem suum ». R.

11 Redémit enim Dóminus Iacob,
et liberávit eum de manu potentióris,
12 et vénient et laudábunt in monte Sion,
et cónfluent ad bona Dómini. R.

13 « Et convértam luctum eórum in gáudium,
et consolábor eos, et lætificábo a dolóre suo;
14 et inebriábo ánimam sacerdotum pinguédine,
et pópulus meus bonis meis adimplébitur ». R.

2

*Congregabo vos de universis terris.
Et dabo vobis cor novum.*

Léctio libri Ezechiélis prophétæ

36, 24-28

Hæc dicit Dóminus Deus: « Tollam vos de géntibus,
et congregábo vos de univérsis terris, et addúcam vos
in terram vestram, et effúndam super vos aquam mun-
dam, et mundabímini ab ómnibus inquinaméntis vestris,
et ab univérsis idólis vestris mundábo vos.

Et dabo vobis cor novum, et spíritum novum ponam
in médio vestri, et áuferam cor lapídeum de carne vestra
et dabo vobis cor cárneum; et spíritum meum ponam
in médio vestri, et fáciam ut in præcéptis meis ambu-
létis et iudícia mea custodiátis et operémini. Et habi-

tábitis in terra, quam dedi pátribus vestris, et éritis mihi in pópulum, et ego ero vobis in Deum ».

Verbum Dómini.

Psalmus responsorius **Ps 22, 1-3. 4. 5. 6 (R.: 1)**

R. Dóminus pascit me, et nihil mihi déerit.

vel Allelúia.

1 Dóminus pascit me, et nihil mihi déerit:

2 in páscuis viréntibus me collocávit,

3 super aquas quiétis edúxit me,

ánimam meam refécit.

Dedúxit me super sémitas iustítiæ

propter nomen suum. **R.**

4 Nam et si ambulávero in valle umbræ mortis,

non timébo mala, quóniam tu mecum es.

Virga tua et báculo tuus

ipsa me consoláta sunt. **R.**

5 Parásti in conspéctu meo mensam

advérsus eos qui tríbulant me;

impinguásti in óleo caput meum,

et calix meus redúndat. **R.**

6 Etenim benígnitas et misericórdia subsequéntur me

ómnibus diébus vitæ meæ,

et inhabitábo in domo Dómini

in longitúdinem diérum. **R.**

3

Et non erunt ultra duæ gentes.

Léctio libri Ezechiélis prophétæ

In diébus illis: **37, 15-19. 21 b-22. 26-28**

Factus est sermo Dómini ad me, dicens: « Et tu, fili hóminis, sume tibi lignum unum et scribe super illud:

“ Iudæ et filiórum Israel sociórum eius ”; et tolle lignum álterum et scribe super illud: “ Ioseph ligno Ephraim, et cunctæ dómui Israel sociorúmque eius ”; et adiúnge illa unum ad álterum tibi in lignum unum, et erunt in uniónem in manu tua.

Cum autem díxerint ad te filii pópuli tui loquéntes: “ Nonne índicas nobis quid in his tibi velis? ” loquéris ad eos: “ Hæc dicit Dóminus Deus: Ecce ego assúmam lignum Ioseph, quod est in manu Ephraim, et tribus Israel, quæ sunt ei adiúntæ, et dabo eas páriter cum ligno Iuda et fáciam eas in lignum unum, et erunt unum in manu eius ”.

Ecce ego assúmam filios Israel de médio natiónum, ad quas abiérunt, et congregábo eos úndique, et addúcam eos ad humum suam.

Et fáciam eos in gentem unam in terra, in món-tibus Israel, et rex unus erit ómnibus ímperans, et non erunt ultra duæ gentes nec dividéntur ámplius in duo regna.

Et percútiam illis fœdus pacis, pactum sempitérnum erit eis, et fundábo eos et multiplicábo; et dabo sanctificatióem meam in médio eórum in perpétuum, et erit tabernáculum meum in eis, et ero eis Deus, et ipsi erunt mihi pópulus, et scient gentes quia ego Dóminus sanctificátor Israel, cum fúerit sanctificatio mea in médio eórum in perpétuum ». — Verbum Dómini.

Psalmus responsorius

Ps 121, 1-2. 4-5. 6-7. 8-9 (R.: Is 66, 10)

R. Lætámini cum Ierúsalem et exsultáte in ea.

vel Allelúia.

Lætátus sum in eo quod dixérunt mihi:

« In domum Dómini íbimus ».

Stantes iam sunt pedes nostri

in portis tuis, Ierúsalem. R.

- 4 Illuc enim ascendérunt tribus, tribus Dómini,
 5 testimónium Israel, ad confiténdum nómini Dómini.
 6 Quia illic sedérunt sedes ad iudícium,
 sedes domus David. *R.*
- 7 Rogáte quæ ad pacem sunt Ierúsalem,
 secúri sint diligéntes te.
- 8 Fiat pax in muris tuis,
 et secúritas in túrribus tuis. *R.*
- 9 Propter fratres meos et próximos meos
 loquar: « Pax in te! »
- Propter domum Dómini Dei nostri
 exquíram bona tibi. *R.*

4

In tempore illo congregabo vos.

Lectio libri Sophoníæ prophétæ

3, 16-20

« Noli timére, Sion; non dissolvántur manus tuæ. Dóminus Deus tuus in médio tui fortis, ipse salvábit; gaudébit super te in lætítia, silébit in dilectióne sua, exsultábit super te in laude. Nugas, qui a lege recésserant, congregábo, quia ex te erant; ut non ultra hábeas super eis oppróbrium.

Ecce ego interfíciam omnes qui afflixérunt te in témpore illo; et salvábo claudicántem, et eam quæ eiécta fúerat congregábo, et ponam eos in laudem et in nomen in omni terra confusiónis eórum, in témpore illo quo addúcam vos, et in témpore quo congregábo vos.

Dabo enim vos in nomen et in laudem ómnibus pópulis terræ, cum convértero captivitátem vestram coram óculis vestris », dicit Dóminus. — Verbum Dómini.

Psalmus responsorius Ps 99, 2. 3. 4. 5 (R.: 3 c)

R. Nos pópulus eius et oves páscae eius.

**Iubiláte Dómino, omnis terra,
servíte Dómino in lætítia;
introíte in conspéctu eius in exsultatióne. R.**

**Scitóte quóniam Dóminus ipse est Deus;
ipse fecit nos, et ipsíus sumus,
pópulus eius et oves páscae eius. R.**

**Introíte portas eius in confessióne,
átria eius in hymnis,
confitémini illi, benedícite nómini eius. R.**

**Quóniam suávis est Dóminus;
in ætérnum misericórdia eius,
et usque in generatióem
et generatióem véritas eius. R.**

Lectio secunda

1

Non sint in vobis schismata. Divisus est Christus?

**Léctio Epístolæ primæ beáti Pauli apóstoli
ad Corínthios**

1, 10-13

Obsecro vos, fratres, per Nomen Dómini nostri Iesu Christi, ut idípsum dicátis omnes, et non sint in vobis schísmata; sitis autem perfécti in eódem sensu et in eadém senténtia. Significátum est enim mihi de vobis, fratres mei, ab his qui sunt Chloes, quia contentiónes inter vos sunt.

Hoc autem dico, quod unusquisque vestrum dicit:
« Ego quidem sum Pauli, ego autem Apóllo, ego vero Cephæ, ego autem Christi ».

Divísus est Christus? Numquid Paulus crucifíxus est pro vobis? aut in nómine Pauli baptizáti estis? Verbum Dómini.

2

*Superædificati super fundamentum Apostolorum,
ipso summo angulari lapide Christo Iesu.*

Léctio Epístolæ beáti Pauli apóstoli ad Ephésios

2, 19-22

Fratres:

Iam non estis extránei et ádvenæ, sed estis concíves sanctórum et doméstici Dei, superædificáti super fundaméntum Apostolórum et prophetárum, ipso summo angulari lápide Christo Iesu, in quo omnis ædificatio compácta crescit in templum sanctum in Dómino; in quo et vos coædificámini in habitáculum Dei in Spíritu. Verbum Dómini.

3

Solliciti servare unitatem spiritus in vinculo pacis

Léctio Epístolæ beáti Pauli apóstoli ad Ephésios

4, 1-6

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritáte; solliciti serváre unitátem spíritus in vínculo pacis.

Unum corpus et unus Spíritus, sicut vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus. — Verbum Dómini.

4

*Donantes invicem, sicut et Deus in Christo
donavit vobis.*

Lectio Epistolæ beāti Pauli apóstoli ad Ephésios

4, 30 — 5, 2

Fratres:

Nolíte contristáre Spíritum Sanctum Dei, in quo signáti estis in diem redemptionis. Omnis amaritúdo et ira et indignátio et clamor et blasphemía tollátur a vobis, cum omni malítia.

Estóte autem invicem benígni, misericórdes, donantes invicem, sicut et Deus in Christo donávit vobis.

Estóte ergo imitatóres Dei, sicut fílii caríssimi, et ambuláte in dilectióne, sicut et Christus diléxit nos, et trádedit se ipsum pro nobis oblatiónem et hóstiam Deo, in odórem suavitátis. — Verbum Dómini.

5

Idem sapite, unanimes.

Lectio Epistolæ beāti Pauli apóstoli ad Philippéenses

2, 1-13

Fratres:

Si qua consolátio in Christo, si quod solácium caritátis, si qua societas spíritus, si quæ víscera et miseratiónes, impléte gáudium meum, ut idem sapiátis, eándem caritátem habéntes, unánimes, idípsum sapiéntes; nihil per contentiónem neque per inánem glóriam, sed in humilitáte superióres sibi invicem arbitrántes, non quæ sua sunt sínguli considerántes, sed et quæ aliórum.

Hoc sentíte in vobis, quod et in Christo Iesu: qui, cum in forma Dei esset, non rapínam arbitrátus est esse se æquálem Deo, sed semetípsum exinanívit formam servi accípiens, in similitúdinem hóminum fac-

tus; et hábitu invéntus ut homo, humiliávit semetípsum factus obóediens usque ad mortem, mortem autem crucis.

Propter quod et Deus illum exaltávit, et donávit illi Nomen, quod est super omne nomen, ut in Nómine Iesu omne genu flectátur cæléstium et terréstrium et infernórum, et omnis lingua confiteátur: « Dóminus Iesus Christus », in glória Dei Patris.

Itaque, caríssimi mei, sicut semper oboedístis, non ut in præséntia mei tantum, sed multo magis nunc in abséntia mea, cum metu et tremóre vestram salútem operámini. Deus est enim qui operátur in vobis et velle et perficere pro suo beneplácito. — Verbum Dómini.

6

Vocati estis in uno corpore.

Léctio Epístolæ beáti Pauli apóstoli ad Colossénses

Fratres:

3, 9 b-17

Exúite vos véterem hómīnem cum áctibus eius, et indúite novum, eum qui renovátur in agnitióem secúndum imáginem eius qui creávit eum; ubi non est Græcus et Iudæus, circumcisio et præpútium, Bárbarus, Scythā, servus, liber, sed ómnia et in ómnibus Christus.

Indúite vos ergo, sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est vín-culum perfectiόνis; et pax Christi dominétur in córdibus vestris, ad quam et vocáti estis in uno córpore; et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetípsos psalmis, hymnis, cánticis spiritálibus, in grátia cantántes in córdibus vestris Deo. Et omne quodcúmque fácitis in verbo aut in ópere, ómnia in Nómine Dómini Iesu, grátias ágéntes Deo Patri per ipsum.

Verbum Dómini.

7

*Unus mediator Dei et hominum,
homo Christus Iesus.*

Léctio Epístolæ primæ beáti Pauli apóstoli
ad Timótheum

2, 5-8

Caríssime:

Unus Deus, unus et mediátor Dei et hóminum, homo Christus Iesus, qui dedit redemptiónem semetípsum pro ómnibus, testimónium tempóribus suis; in quod pósito sum ego prædicátor et apóstolus (veritatem dico, non méntior), doctor géntium in fide et veritáte.

Volo ergo viros oráre in omni loco, levántes puras manus sine ira et disceptatióne. — Verbum Dómini.

8

*Si sic Deus dilexit nos, et nos debemus
alterutrum diligere.*

Léctio Epístolæ primæ beáti Ioánnis apóstoli 4, 9-15

Caríssimi:

In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est caritas, non quasi nos dilexé-

rimus Deum, sed quóniam ipse diléxit nos et misit Fílium suum propitiatióem pro peccátis nostris.

Caríssimi, si sic Deus diléxit nos, et nos debémus altérutrum diligere. Deum nemo vidit umquam. Si diligámus ínvicem, Deus in nobis manet, et cáritas eius in nobis consummáta est. In hoc cognóscimus quóniam in eo manémus, et ipse in nobis, quóniam de Spíritu suo dedit nobis.

Et nos vídimus et testificámur quóniam Pater misit Fílium salvatórem mundi. Quisque conféssus fúerit: « Iesus est Fílius Dei », Deus in ipso manet, et ipse in Deo. — Verbum Dómini.

Evangelium

1

Alleluia

P. Allelúia. V. Ecclésia Dómini unum lumen est,
quod ubíque diffúnditur,
nec únitás córporis separátur.
P. Allelúia.

*Ubi sunt duo vel tres congregati in Nomine meo,
ibi sum in medio eorum.*

✠ Lécio sancti Evangélíi secúndum Mattháeum

In illo témpore:

18, 19-22

Dixit Iesus discípulis suis: « Si duo ex vobis consenserint super terram de omni re quacúmque petierint, fiet illis a Patre meo qui in cælis est. Ubi enim sunt duo vel tres congregáti in Nómine meo, ibi sum in médio eórum ».

Tunc accédens Petrus, dixit ei: « Dómine, quótiens peccábit in me frater meus et dimíttam ei? usque sépties? »

Dicit illi Iesus: « Non dico tibi usque sépties, sed usque septuágies sépties ». — Verbum Dómini.

2

Alleluia

Col 3, 15

℟. Allelúia. ℣. Pax Christi exsúltet in córdibus vestris, in qua vocáti estis in uno córpore.

℟. Allelúia.

Qui non est adversus vos, pro vobis est.

✠ Lécção sancti Evangélii secúndum Lucam 9, 49-55

In illo témpore:

Dixit Ioánnes ad Iesum: « Præcéptor, vídimus quen-
dam in nómine tuo eiciéntem dæmónia, et prohibúimus
eum, quia non séquitur nobíscum ».

Et ait ad illum Iesus: « Nolíte prohibére; qui enim
non est advérsus vos, pro vobis est ».

Factum est autem, dum compleréntur dies assump-
tiónis eius, et ipse fáciem suam firmávit ut iret in Ie-
rúsalem, et misit núnctios ante conspéctum suum. Et
eúntes intravérunt in castéllum Samaritanórum, ut pa-
rárent illi. Et non recepérunt eum, quia fácies eius
erat eúntis Ierúsalem.

Cum vidíssent autem discípuuli Iacóbus et Ioánnes,
dixerunt: « Dómine, vis dicámus ut ignis descéndat de
cælo et consúmat illos? »

Et convérsus increpávit illos. — Verbum Dómini.

3

Alleluia

Eph 4, 5

℟. Allelúia. ℣. Unus Dóminus, una fides,
unum baptísma,
unus Deus et Pater. ℟. Allelúia.

Fient unus grex, unus pastor.

✠ Lécitio sancti Evangélii secúndum Ioánnem

In illo témpore:

10, 11-16

Dixit Iesus: « Ego sum pastor bonus. Bonus pastor ánimam suam ponit pro óvibus. Mercenárius et qui non est pastor, cuius non sunt oves própriae, videt lupum veniéntem et dimíttit oves et fugit, et lupus rapit eas et dispérgit, quia mercenárius est, et non pértinet ad eum de óvibus.

Ego sum pastor bonus et cognósco meas, et cognóscunt me meæ. Sicut novit me Pater, et ego agnósco Patrem; et ánimam meam pono pro óvibus.

Et álias oves hábeo, quæ non sunt ex hoc ovíli; et illas opórtet me addúcere, et vocem meam áudient, et fient unus grex, unus pastor ». — Verbum Dómini.

4

Alleluia

℞. Allelúia. ∞. Colligátur Ecclésia tua, Dómine,
a fínibus terræ in Regnum tuum,
quóniam tua est glória et virtus
per Iesum Christum in sácula.

℞. Allelúia.

*Ut filios Dei, qui erant dispersi,
congregaret in unum.*

✠ Lécitio sancti Evangélii secúndum Ioánnem

In illo témpore:

11, 45-52

Multi ex Iudæis, qui vénerant ad Mariám et Martham, soróres Lázari, et viderant quæ fecit Iesus, crediderunt in eum. Quidam autem ex ipsis abiérunt ad pharisæos, et dixerunt eis quæ fecit Iesus.

Collegérunt ergo pontífices et pharisæi concílium, et dicébant: « Quid fácimus, quia hic homo multa signa facit? Si dimíttimus eum sic, omnes credent in eum; et vénient Románi et tollent nostrum et locum et gentem ».

Unus autem ex ipsis, Cáiaphas, cum esset póntifex anni illíus, dixit eis: « Vos nescítis quidquam, nec cogitátis quia expédit vobis ut unus moriátur homo pro pópulo, et non tota gens péreat ».

Hoc autem a semetípso non dixit; sed, cum esset póntifex anni illíus, prophetávit quia Iesus moritúrus erat pro gente, et non tantum pro gente, sed et ut fílios Dei, qui erant dispérsi, congregáret in unum.

Verbum Dómini.

5

Alleluia

R. Allelúia. V. Colligátur Ecclésia tua, Dómine,
a fínibus terræ in Regnum tuum,
quóniam tua est glória et virtus
per Iesum Christum in sácula.
R. Allelúia.

*Exemplum dedi vobis, ut, quemadmodum
ego feci vobis, et vos faciatis.*

✠ Lécio sancti Evangélíi secúndum Ioánnem

13, 1-15

Ante diem festum Paschæ, sciens Iesus quia venit eius hora, ut tránseat ex hoc mundo ad Patrem, cum dilexísset suos, qui erant in mundo, in finem diléxit eos.

Et in cena, cum diábolus iam misísset in corde, ut tráderet eum Iudas Simónis Iscariótis, sciens quia óm-

nia dedit ei Pater in manus, et quia a Deo exívit, et ad Deum vadit, surgit a cena et ponit vestiménta sua, et cum accepisset línteum, præcínxit se. Deínde mittit aquam in pelvim, et cœpit laváre pedes discipulórum, et extérgere línteo quo erat præcínctus. Venit ergo ad Simónem Petrum.

Dicit ei Petrus: « Dómine, tu mihi lavas pedes? »

Respóndit Iesus et dixit ei: « Quod ego fácio, tu nescis modo, scies autem póstea ».

Dicit ei Petrus: « Non lavábis mihi pedes in ætérnum ».

Respóndit Iesus ei: « Si non lávero te, non habes partem mecum ».

Dicit ei Simon Petrus: « Dómine, non tantum pedes meos, sed et manus et caput ».

Dicit ei Iesus: « Qui lotus est non índiget nisi ut pedes lavet, sed est mundus totus. Et vos mundi estis, sed non omnes ». Sciébat enim quisnam esset qui tráderet eum; proptérea dixit: « Non estis mundi omnes ».

Postquam ergo lavit pedes eórum et accépit vestiménta sua, cum recubúisset íterum, dixit eis: « Scitis quid fécerim vobis? Vos vocátis me " Magíster " et " Dómine "; et bene díctis: sum étenim. Si ergo lavi vestros pedes, Dóminus et Magíster, et vos debétis alter alteríus laváre pedes. Exémplum enim dedi vobis, ut, quemádmódum ego feci vobis, et vos faciátis ».

Verbum Dómini.

6

Alleluia

Eph 4, 5

℟. Allelúia. 7. Unus Dóminus, una fides,
unum baptísma,
unus Deus et Pater. ℟. Allelúia.

*Tui erant, et mihi eos dedisti,
et sermonem tuum servaverunt.*

✠ Lécio sancti Evangélii secúndum Ioánnem 17, 1-11

In illo témpore:

Sublevátis Iesus óculis suis in cælum, dixit: « Pater, venit hora, glorífica Fílium tuum, ut Fílius tuus gloríficet te; sicut dedísti ei potestátem omnis carnis; ut omne quod dedísti ei, det eis vitam ætérmam.

Hæc est autem vita ætérmá, ut cognóscant te solum verum Deum et quem misísti, Iesum Christum. Ego te glorificávi super terram, opus consummávi quod dedísti mihi ut fáciam. Et nunc glorífica me tu, Pater, apud temetípsum glória quam habébam, priúsqvam mundus esset, apud te.

Manifestávi Nomen tuum homínibus, quos dedísti mihi de mundo. Tui erant, et mihi eos dedísti, et sermónem tuum servavérunt. Nunc cognovérunt quia ómnia, quæ dedísti mihi, abs te sunt, quia verba, quæ dedísti mihi, dedi eis, et ipsi accepérunt et cognovérunt vere quia a te exívi, et credidérunt quia tu me misísti.

Ego pro eis rogo, non pro mundo rogo, sed pro his quos dedísti mihi, quia tui sunt. Et mea ómnia tua sunt, et tua mea; et glorificátus sum in eis. Et iam non sum in mundo, et hi in mundo sunt, et ego ad te vénio. Pater sancte, conserva eos in Nómine tuo quod dedísti mihi, ut sint unum sicut nos ». — Verbum Dómini.

7

Alleluia

Io 17, 21

℟. Allelúia. ✠. Ut omnes unum sint,
sicut tu, Pater, in me et ego in te,
ut credat mundus quia tu me misísti.

℟. Allelúia.

Sint unum sicut nos.

✠ Lécio sancti Evangélii secúndum Ioánnem

In illo témpore:

17, 11 b-19

Sublevátis Iesus óculis in cælum, orávit dicens:
« Pater sancte, serva eos in Nómine tuo quod dedísti mihi, ut sint unum sicut nos. Cum essem cum eis, ego servábam eos in Nómine tuo quod dedísti mihi et custodívi, et nemo ex his périit, nisi fílius perditionis, ut Scriptúra impleátur.

Nunc autem ad te vénio; et hæc loquor in mundo, ut hábeant gáudium meum implétum in semetípsis. Ego dedi eis sermónem tuum, et mundus ódio eos hábuit, quia non sunt de mundo, sicut ego non sum de mundo. Non rogo ut tollas eos de mundo, sed ut serves eos ex Malo. De mundo non sunt, sicut ego non sum de mundo.

Sanctífica eos in veritaté. Sermo tuus véritas est. Sicut me misísti in mundum, et ego misi eos in mundum. Et pro eis ego sanctífico meípsum, ut sint et ipsi sanctificáti in veritaté ». — Verbum Dómini.

8

Alleluia

Io 17, 21

℞. Allelúia. √. Ut omnes unum sint,
sicut tu, Pater, in me et ego in te,
ut credat mundus quia tu me misísti.
℞. Allelúia.

Sint consummati in unum.

✠ Lécio sancti Evangélii secúndum Ioánnem 17, 20-26

In illo témpore:

Sublevátis Iesus óculis in cælum, orávit dicens:
« Pater sancte, non pro his rogo tantum, sed et

pro eis qui credituri sunt per verbum eorum in me; ut omnes unum sint, sicut tu, Pater, in me et ego in te, ut et ipsi in nobis sint, ut mundus credat quia tu me misisti.

Et ego gloriam, quam dedisti mihi, dedi illis, ut sint unum sicut nos unum sumus. Ego in eis et tu in me, ut sint consummati in unum, et cognoscat mundus quia tu me misisti et dilexisti eos, sicut me dilexisti.

Pater, quod dedisti mihi, volo ut ubi ego sum, et illi sint mecum, ut videant gloriam meam, quam dedisti mihi, quia dilexisti me ante constitutionem mundi. Pater iuste, et mundus te non cognovit; ego autem te cognovi, et hi cognoverunt quia tu me misisti. Et notum feci eis Nomen tuum, et notum faciam, ut dilectio, qua dilexisti me, in ipsis sit, et ego in ipsis ».

Verbum Domini.

14. PRO EVANGELIZATIONE POPULORUM

Hæc Missa dici potest, etiam dominicis « per annum », quando peculiare celebrationes pro opere missionum habentur, dummodo non occurrat dominica Adventus, Quadragesimæ et Paschæ, aut sollemnitatis.

A

Ant. ad introitum

Ps 66, 2-3

Deus misereatur nostri, et benedicat nobis,
illuminet vultum suum super nos et misereatur nostri;
ut cognoscamus in terra viam tuam,
in omnibus gentibus salutare tuum.

Collecta

Deus, qui omnes homines vis salvos fieri
et ad agnitionem veritatis venire,
respice messem tuam multam

et operários in eam mitte dignánte,
ut omni creatúræ Evangélium prædicétur,
et plebs tua, verbo vitæ congregáta
et sacramentórum virtúte suffúlta,
in via salútis et caritátis procedat.
Per Dóminum.

Vel:

Deus, qui Fílium tuum lumen verum in mundum misísti,
effúnde Spíritum promissiónis,
qui veritátis sémina in córdibus hóminum
iúgiter diffúndat et fidei súscitet obséqium,
ut omnes, per baptísmum ad novam vitam generáti,
unum pópulum tuum íngredi mereántur.
Per Dóminum.

Lectiones ut infra, pp. 1332-1344.

Super oblata

Réspice, Dómine, in fáciem Christi tui,
qui pro ómnibus redemptionem trádedit semetípsum,
ut per eum ab ortu solis usque ad occásu
nomen tuum magnificétur in géntibus,
et una ubíque maiestáti tuæ exhibeátur oblátio.
Per Christum.

Ant. ad communionem

Mt 28, 20

Docéte omnes gentes serváre quæcúmque mandávi vobis,
dicit Dóminus. Ego vobíscum sum ómnibus diébus,
usque ad consummationem sæculi.

Post communionem

Redemptiόνis nostræ múnere vegetáti,
quæsumus, Dómine, ut, hoc perpétuæ salútis auxílio,
fides semper vera profíciat.
Per Christum.

B**Ant. ad introitum****Ps 95, 3-4**

Annuntiáte inter gentes glóriam eius,
in ómnibus pópulis mirábília eius:
quóniam magnus Dóminus et laudábilis nimis.

Collecta

Deus, qui Ecclésiám tuam
sacraméntum salútis cunctis géntibus esse voluísti,
ut Christi salutíferum opus
usque in fines sæculórum perseveret,
éxcita tuórum corda fidélium, et præsta,
ut ad omnem creatúram salvándam
urgéntius vocári se séntiant,
quátenus ex ómnibus pópulis
una família unusque tibi pópulus exsúrgat et crescat.
Per Dóminum.

Lectiones ut infra, pp. 1332-1344.**Super oblata**

Múnera supplicántis Ecclésiæ
in conspéctum maiestátis tuæ ascéendant accépta,
cui pro totíus mundi salúte
grata éxstitit Fílii tui pássio gloriósa.
Per Christum.

Ant. ad communionem**Ps 116, 1-2**

Laudáte Dóminum, omnes gentes,
collaudáte eum, omnes pópuli;
quóniam confirmáta est super nos misericórdia eius,
et véritas Dómini manet in ætérnum.

Vel:**Mc 16, 15**

Eúntes in mundum univérsum,
prædicáte Evangélium omni creatúræ, dicit Dóminus.

Post communionem

Sanctíficet nos, quæsumus, Dómine,
mensæ tuæ participatio, et præsta,
ut, quam Unigénitus tuus in cruce operátus est salutem,
omnes gentes per Ecclésiæ tuæ sacraméntum
gratánte accípiant.
Per Christum.

Lectio prima

1

Fluent ad montem Domini omnes gentes.

Léctio libri Isaías prophætæ

2, 1-5

Verbum quod vidit Isaías fílius Amos super Iuda
et Ierúsalem.

Et erat in novíssimis diébus præparátus mons do-
mus Dómini in vértice móntium, et elevábitur super
colles, et fluent ad eum omnes gentes.

Et ibunt pópuli multi et dicent: « Veníte, et ascen-
dámus ad montem Dómini, et ad domum Dei Iacob, et
docébit nos vias suas, et ambulábimus in sémitis eius,
quia de Sion exíbit lex, et verbum Dómini de Ierúsalem.

Et iudicábit gentes et árguet pópulos multos; et
conflábunt gládios suos in vómeres et lanceas suas in
falces. Non levábit gens contra gentem gládium, nec
exercebúntur ultra ad próelium.

Domus Iacob, veníte, et ambulémus in lúmine Dó-
mini ». — Verbum Dómini.

Psalmus responsorius

Ps 97, 1. 2-3 ab. 3 c-4. 5-6 (R.: 2 b)

R. In conspéctu géntium revelávit Dóminus
iustítiam suam.

Cantáte Dómino cánticum novum,
quia mirabília fecit.

Salvávit sibi délixtera eius
et bráccium sanctum eius. R.

Notum fecit Dóminus salutáre suum,
in conspéctu géntium revelávit iustítiam suam.

Recordátus est misericórdiæ suæ
et veritátis suæ dómui Israel. R.

Vidérunt omnes términi terræ
salutáre Dei nostri.

Iubiláte Deo, omnis terra,
erúmpite, exsultáte et psállite. R.

Psállite Dómino in cíthara,
in cíthara et voce psalmi;
in tubis ductílibus et voce tubæ córneæ,
iubiláte in conspéctu regis Dómini. R.

2

*Domus mea
domus orationis vocabitur cunctis populis.*

Léctio libri Isaíæ prophétæ

56, 1. 6-7

Hæc dicit Dóminus:

« Custodíte iudícium et fácite iustítiam, quia iuxta
est salus mea ut véniat, et iustítia mea ut revelétur.

Et filios ádvenæ, qui adhærent Dómino, ut colant
eum et díligant nomen eius, ut sint ei in servos, omnem
custodiéntem sábbatum ne pólluat illud, et tenéntem
fœdus meum, addúcam eos in montem sanctum meum,

et lætificábo eos in domo oratiónis meæ; holocáusta eórum et víctimæ eórum placébunt mihi super altári meo, quia domus mea domus oratiónis vocábitur cunctis pópulis ». — Verbum Dómini.

Psalmus responsorius Ps 66, 2-3. 5. 7-8 (R.: cf. 3)

R. Cognoscátur in ómnibus géntibus salutáre tuum.

2 Deus misereátur nostri et benedícat nobis,
illúminet vultum suum super nos.

3 Ut cognoscátur in terra vía tua,
in ómnibus géntibus salutáre tuum. R.

5 Læténtur et exsúltent gentes,
quóniam iúdicas pópulos in æquitáte,
et gentes in terra dírigis. R.

7 Terra dedit fructum suum;
benedícat nos Deus, Deus noster;

8 benedícat nos Deus,
et métuant eum omnes fines terræ. R.

3

Ambulabunt gentes in lumine tuo.

Léctio libri Isaíæ prophétæ 60, 1-6

Surge, illumináre, Ierúsalem, quia venit lumen tuum, et glória Dómini super te orta est. Quia ecce ténebræ opérient terram, et calígo pópulos; super te autem oriétur Dóminus, et glória eius in te vidébitur.

Et ambulábunt gentes in lúmine tuo, et reges in splendóre ortus tui. Leva in circúitu óculos tuos et vide: omnes isti congregáti sunt, venérunt tibi; fílii tui de longe vénient, et fíliæ tuæ de látere surgent.

Tunc vidébis et áfflues, mirábitur et dilatábitur cor tuum, quando convérta fúerit ad te multitúdo maris, fortitúdo géntium vénerit tibi, inundátio camelórum

opériet te, dromedárii Máidian et Epha; omnes de Saba vénient aurum et tus deferéntes, et laudem Dómino annuntiántes. — Verbum Dómini.

Psalmus responsorius

Ps 97, 1. 2-3 ab. 3 c-4. 5-6 (R.: 3 c)

R. Vidérunt omnes términi terræ salutáre Dei nostri.

Cantáte Dómino cánticum novum,
quia mirabília fecit.

Salvávít sibi délixtera eius
et bráccium sanctum eius. R.

Notum fecit Dóminus salutáre suum,
in conspéctu géntium revelávit iustítiam suam.

Recordátus est misericórdiæ suæ
et veritátis suæ dómui Israel. R.

Vidérunt omnes términi terræ
salutáre Dei nostri.

Iubiláte Deo, omnis terra,
erúmpite, exsultáte et psállite. R.

Psállite Dómino in cíthara,
in cíthara et voce psalmi;
in tubis ductílibus et voce tubæ córneæ,
iubiláte in conspéctu regis Dómini. R.

4

Et ego non parcam Ninive?

Léctio libri Ionæ prophétæ 3, 10 — 4, 11

Vidit Deus ópera Ninivitárum, quia convérsi sunt de via sua mala; et misértus est Deus super malítiam, quam locútus fúerat ut fáceret eis, et non fecit.

Et afflíctus est Ionas afflictióné magna, et irátus est; et orávit ad Dóminum, et dixit: « Obsecro: numquid non hoc est verbum meum, cum adhuc essem in terra mea?

Propter hoc præoccupávi ut fúgerem in Tharsis; scio enim quia tu Deus clemens et miséricors es, pátiens et multæ miseratiónis, et ignóscens super malítia. Et nunc, Dómine, tolle, quæso, ánimam meam a me, quia mélior est mihi mors quam vita ».

Et dixit Dóminus: « Putásne bene irásceris tu? »

Et egréssus est Ionas de civitatē, et sedit contra oriéntem civitatís, et fecit síbimet umbráculum ibi, et sedébat subter illud in umbra, donec vidéret quid accíderet civitatí. Et præparávit Dóminus Deus héderam, et ascéndit super caput Ionæ, ut esset umbra super caput eius et protégeret eum; laboráverat enim. Et lætátus est Ionas super hédera lætítia magna.

Et parávit Deus vermem ascénsu dilúculi in crástinum, et percússit héderam, et exáruit. Et, cum ortus fuísset sol, præcépit Dóminus vento cálido et urénti, et percússit sol super caput Ionæ, et æstuábat.

Et petívit ánimæ suæ ut morerétur, et dixit: « Mélius est mihi mori quam vívere ».

Et dixit Dóminus ad Ionam: « Putásne bene irásceris tu super hédera? »

Et dixit: « Bene iráscor ego usque ad mortem ».

Et dixit Dóminus: « Tu doles super héderam, in qua non laborásti neque fecísti ut crésceret, quæ sub una nocte nata est et sub una nocte périit, et ego non parcam Nínive, civitatí magnæ, in qua sunt plus quam centum vigínti mília hóminum, qui nésciunt quid sit inter dexteram et sinístram suam, et iuménta multa? »

Verbum Dómini.

Psalmus responsorius

Ps 66, 2-3. 5. 7-8 (R.: 4)

R. Confiteántur tibi pópuli, Deus,
confiteántur tibi pópuli omnes.

2 Deus misereátur nostri et benedícat nobis,
illúminet vultum suum super nos.

1 Ut cognoscátur in terra via tua,
 in ómnibus géntibus salutáre tuum. *R.*
 2 Læténtur et exsúltent gentes,
 quóniam iúdicas pópulos in æquitáte,
 et gentes in terra dírigis. *R.*
 3 Terra dedit fructum suum;
 benedícat nos Deus, Deus noster;
 4 benedícat nos Deus,
 et métuant eum omnes fines terræ. *R.*

5

*Venient populi multi ad quærendum Dominum
in Ierusalem.*

Lectio libri Zachariæ prophætæ 8, 20-23

Hæc dicit Dóminus exercítuum: « Usquequo véniant pópuli et hábitent in civitatibus multis, et vadant habitatóres unus ad álterum, dicéntes: " Eámus et deprecémur fáciem Dómini et quærámus Dóminum exercítuum; vadam étiam ego ". Et vénient pópuli multi et gentes robústæ ad quærendum Dóminum exercítuum in Ierúsalem et deprecándam fáciem Dómini ».

Hæc dicit Dóminus exercítuum: « In diébus illis, in quibus apprehéndent decem hómines ex ómnibus linguis géntium, et apprehéndent fímbriam viri Iudæi dicéntes: " Ibimus vobíscum, audívimus enim quóniam Deus vobíscum est " ». — Verbum Dómini.

Psalmus responsorius Ps 18, 2-3. 4-5 (*R.*: 5 a)

R. In omnem terram exívit sonus eórum.

1 Cæli enárrant glóriam Dei,
 et ópera mánuum eius annúntiat firmaméntum.
 2 Dies diéi erúctat verbum,
 et nox nocti índicat sciéntiam. *R.*

- 4 Non sunt loquélæ neque sermónes,
quorum non intellegántur voces.
5 In omnem terram exívit sonus eórum,
et in fines orbis terræ verba eórum. R.

Lectio secunda

1

*Quomodo autem audient sine prædicante?
Quomodo vero prædicabunt, nisi mittantur?*

Léctio Epístolæ beáti Pauli apóstoli ad Romános

10, 9-18

Si confiteáris in ore tuo: « Dóminum Iesum », et in corde tuo credíderis quod Deus illum excitávit ex mór-tuis, salvus eris. Corde enim créditur ad iustítiam, ore autem conféssio fit in salútem.

Dicit enim Scriptúra: « Omnis qui credit in illo non confundétur ». Non enim est distíctio Iudæi et Græci, nam idem Dóminus ómnium, dives in omnes qui ínvocant illum.

« Omnis enim quicúmque invocáverit Nomen Dómini salvus erit ».

Quómodo ergo invocábunt in quem non credidérunt? Aut quómodo credent ei quem non audiérunt? Quómodo autem áudient sine prædicánte? Quómodo vero prædicábunt, nisi mittántur?

Sicut scriptum est: « Quam speciósi pedes evangelizántium bona! »

Sed non omnes obædiérunt Evangélio.

Isaías enim dicit: « Dómine, quis crédidit auditui nostro? » Ergo fides ex auditu, auditus autem per verbum Christi.

Sed dico: « Numquid non audiérunt? » Quin immo: « In omnem terram éxiit sonus eórum, et in fines orbis terræ verba eórum ».

Verbum Dómini.

2

*Mysterium Christi nunc revelatum est:
esse gentes coheredes promissionis.*

Léctio Epístolæ beáti Pauli apóstoli ad Ephésios

3, 2-12

Fratres:

Audístis dispensatióem grátiae Dei, quæ data est mihi pro vobis; quóniam secúndum revelatióem notum mihi factum est mystérium, sicut supra scripsi in brevi; prout potéstis legéntes intellégere prudéntiam meam in mystério Christi, quod áliis generatióibus non in-notuit filiis hóminum, sicut nunc revelátum est sanctis Apóstolis eius et prophétis in Spíritu: esse gentes coherédes et concorporáles et compartícipes promissionis in Christo Iesu per Evangélium, cuius factus sum mínister secúndum donum grátiae Dei, quæ data est mihi secúndum operatióem virtútis eius.

Mihi ómnium sanctorum mínimo data est grátia hæc, géntibus evangelizáre investigábiles divítias Christi, et illumináre omnes quæ sit dispensátio mystérii absconditi a sæculis in Deo, qui ómnia creávit; ut in-notéscat nunc principátibus et potestátibus in cælestibus per Ecclesiám multifórmis sapiéntia Dei; secúndum propósitum sæculórum, quod fecit in Christo Iesu Dómino nostro, in quo habémus fidúciam et accéssum in confidéntia per fidem eius. — Verbum Dómini.

3

Deus omnes homines vult salvos fieri

Léctio Epístolæ primæ beāti Pauli apóstoli
ad Timótheum

2, 1-8

Caríssime:

Obsecro primo ómnium fieri obsecrationés, orationés, postulatiónes, gratiárum actiões pro ómnibus homínibus: pro régibus et ómnibus qui in sublimitáte sunt, ut quiétam et tranquíllam vitam agámus in omni pietáte et castitáte.

Hoc bonum est et accéptum coram Salvatóre nostro Deo, qui omnes hómines vult salvos fieri et ad agni-tiónem veritátis veníre.

Unus enim Deus, unus et mediátor Dei et hóminum, homo Christus Iesus, qui dedit redemptiónem semetípsum pro ómnibus, testimónium temporibus suis; in quod pósitus sum ego prædicátor et apóstolus (veritátém dico, non méntior), doctor gentium in fide et veritáte.

Volo ergo viros oráre in omni loco, levántes puras manus sine ira et disceptatióne. — Verbum Dómini.

Evangelium

1

Alleluia

Mt 28, 19 a-20 b

℞. Allelúia. ⁊. Eúntes, docéte omnes gentes,
dicit Dóminus;
ego vobíscum sum ómnibus diébus
usque ad consummatióne[m] sáeculi.

℞. Allelúia.

Euntes, docete omnes gentes.

✠ Lécitio sancti Evangélíi secúndum Matthæum 28, 16-20

In illo témpore:

Undecim discipuli abiérunt in Galilæam, in montem ubi constitúerat illis Iesus, et vidéntes eum adoravérunt, quidam autem dubitavérunt.

Et accédens Iesus locútus est eis, dicens: « Data est mihi omnis potéstas in cælo et in terra; eúntes ergo docéte omnes gentes, baptizántes eos in Nómine Patris et Fílii et Spíritus Sancti, docéntes eos serváre ómnia quæcúmque mandávi vobis.

Et ecce ego vobíscum sum ómnibus diébus usque ad consummationem sæculi ». — Verbum Dómini.

2

Alleluia Mc 16, 15

℟. Allelúia. ⅴ. Eúntes in mundum univérsum,
dicit Dóminus,
prædicáte Evangélium omni creatúræ.
℟. Allelúia.

*Euntes in mundum universum,
prædicate Evangelium.*

✠ Lécitio sancti Evangélíi secúndum Marcum 16, 15-20

In illo témpore:

Appárens Iesus Undecim dixit eis: « Eúntes in mundum univérsum, prædicáte Evangélium omni creatúræ. Qui credíderit et baptizátus fúerit, salvus erit; qui vero non credíderit, condemnábitur.

Signa autem eos qui credíderint hæc sequéntur: in Nómine meo dæmónia eícient, linguis loquéntur novis,

serpéntes tollent, et, si mortíferum quid bíberint, non eos nocébit, super ægrótos manus impónent, et bene habébunt ».

Et Dóminus quidem Iesus, postquam locútus est eis, assúptus est in cælum, et sedit a dextris Dei.

Illi autem profécti prædicavérunt ubique, Dómino cooperánte et sermónem confirmánte, sequéntibus signis. — Verbum Dómini.

3

Alleluia

Io 3, 16

℞. Allelúia. ∿. Sic Deus diléxit mundum,
ut Fílium suum unigénitum daret;
omnis qui credit in eum,
habet vitam ætérrnam. ℞. Allelúia.

*Sic scriptum est, prædicari in nomine eius pænitentiam
in remissionem peccatorum in omnes gentes.*

✠ Lécio sancti Evangélíi secúndum Lucam 24, 44-53

In illo témpore:

Dixit Iesus ad discípulos suos: « Hæc sunt verba quæ locútus sum ad vos, cum adhuc essem vobíscum, quóniam necesse est impléri ómnia quæ scripta sunt in lege Móysis et prophétis et psalmis de me ». Tunc apéruit illis sensum, ut intellégerent Scriptúras.

Et dixit eis: « Sic scriptum est, Christum pati, et resúrgere a mórtuis die tértia, et prædicári in nómine eius pæniténtiam in remissiónem peccatórum in omnes gentes, incipiéntibus ab Ierúsalem. Vos estis testes horum.

Et ecce ego mitto promíssum Patris mei in vos; vos autem sedéte in civitáte, quoadúsque induámini virtútem ex alto ».

Edúxit autem eos foras usque in Bethániam; et elevátis mánibus suis benedíxit eis.

Et factum est, dum benediceret illis, recéssit ab eis et ferebátur in cælum.

Et ipsi adoravérunt eum et regréssi sunt in Ierúsalem cum gáudio magno; et erant semper in templo, benedicéntes Deum. — Verbum Dómini.

4

Alleluia

Mc 16, 15

R. Allelúia. V. Eúntes in mundum univérsum,
dicit Dóminus,
prædicáte Evangélium omni creatúræ.

R. Allelúia.

*Ut filios Dei, qui erant dispersi,
congregaret in unum.*

✠ Lécio sancti Evangélii secúndum Ioánnem

11, 45-52

In illo témpore:

Multi ex Iudæis, qui vénerant ad Mariám et Martham, soróres Lázari, et víderant quæ fecit Iesus, credidérunt in eum. Quidam autem ex ipsis abiérunt ad pharisæos, et dixerunt eis quæ fecit Iesus.

Collegérunt ergo pontífices et pharisæi concílium, et dicébant: « Quid fácimus, quia hic homo multa signa facit? Si dimíttimus eum sic, omnes credent in eum, et vénient Románi et tollent nostrum et locum et gentem ».

Unus autem ex ipsis, Cáiaphas, cum esset pónlífex anni illíus, dixit eis: « Vos nescítis quidquam; nec cogitátis quia expedit vobis ut unus moriátur homo pro pópulo, et non tota gens péreat ».

Hoc autem a semetípso non dixit; sed, cum esset pónlífex anni illíus, prophetávit quia Iesus moritúrus

erat pro gente, et non tantum pro gente, sed et ut filios Dei, qui erant dispérsi, congregáret in unum.

Verbum Dómini.

5

Alleluia

Io 3, 16

℞. Allelúia. ⁊. Sic Deus diléxit mundum,
ut Fílium suum unigénitum daret;
omnis qui credit in eum
habet vitam ætérnam. ℞. Allelúia.

*Sicut me misisti in mundum,
et ego misi eos in mundum.*

✠ Lécio sancti Evangélii secúndum Ioánnem

In illo témpore:

17, 11 b. 17-23

Sublevátis Iesus óculis in cælum, orávit dicens:
« Pater sancte, conserva eos in Nómine tuo quod dedísti mihi, ut sint unum sicut nos.

Sanctífica eos in veritáte. Sermo tuus véritas est. Sicut me misísti in mundum, et ego misi eos in mundum. Et pro eis ego sanctífico meípsum, ut sint et ipsi sanctificáti in veritáte.

Non pro his autem rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me et ego in te, ut et ipsi in nobis sint, ut mundus credat quia tu me misísti.

Et ego glóriam, quam dedísti mihi, dedi illis, ut sint unum, sicut nos unum sumus. Ego in eis et tu in me, ut sint consummáti in unum, ut cognóscat mundus quia tu me misísti et dilexísti eos, sicut me dilexísti ».

Verbum Dómini.

15. PRO CHRISTIANIS PERSECUTIONE VEXATIS

Ant. ad introitum

Cf. Ps 73, 19-22

Réspice, Dómine, in testaméntum tuum,
et ánimas páuperum tuórum ne derelínquas in finem;
exsúrge, Dómine, et iúdica causam tuam,
et ne obliviscáris voces quæréntium te.

Vel:

Act 12, 5

Petrus servabátur in cárcere;
orátio autem fiébat sine intermissióne
ab Ecclésia ad Deum pro eo.

Collecta

Deus, qui inscrutábili providéntia
passiónibus Fílii tui vis Ecclésiám sociári,
præsta fidélibus tuis,
in tribulatióne propter nomen tuum versántibus,
spíritum patiéntiæ et caritátis,
ut promissionum tuárum
fidi inveniántur testes atque veráces.
Per Dóminum.

Lectiones ut infra, pp. 1347-1357.

Super oblata

Súscipe, quæsumus, Dómine,
humilitátis nostræ preces et hóstias, et præsta,
ut, qui, tibi fidéliter serviéntes,
hóminum persecutiónes patiúntur,
gaudeant se Christi Fílii tui sacrificio sociári,
et sua séntiant inter electórum nómina
scripta esse in cælis.
Per Christum.

Ant. ad communionem

Mt 5, 11-12

Beáti estis, cum maledíxerint vobis
et persecúti vos fúerint propter me, dicit Dóminus;
gaudéte et exsultáte,
quóniam merces vestra copiósa est in cælis.

Vel:

Mt 10, 32

Omnis qui confitébitur me coram homínibus,
confitébor et ego eum coram Patre meo,
qui in cælis est, dicit Dóminus.

Post communionem

Per huius sacraménti virtútem
fámulos tuos, Dómine, in veritáte confírma,
et fidélibus tuis in tribulatióne pósito concéde,
ut, crucem sibi post Fílium tuum baiulántes,
christiáno nómine iúgiter váleant inter advérsa gloriári.
Per Christum.

Lectio prima

1

*Miserere populi tui,
quia volunt hereditatem tuam delere.*

Léctio libri Esther

13, 8-11. 15-17

In diébus illis:

Mardochæus deprecátus est Dóminum, memor ómnium óperum eius, et dixit: « Dómine, Dómine rex omnípotens, in dicióne enim tua cuncta sunt pósita, et non est qui possit tuæ résistere voluntáti, si decreveris salváre Israel. Tu fecísti cælum et terram et quidquid cæli ámbitu continétur. Dóminus ómnium es, nec est qui résistat maiestáti tuæ.

Et nunc, Dómine rex, Deus Abraham, miserére pópuli tui, quia volunt nos inimíci nostri pérdere et hereditátem tuam delére. Ne despicias partem tuam, quam redemísti tibi de Ægýpto. Exáudi deprecationem meam, et propítius esto sorti et funículo tuo; et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium ».

Verbum Dómini.

Psalmus responsorius Ps 123, 2-3. 4-5. 7 b-8 (R.: 7 a)

R. Anima nostra sicut passer erepta est
de láqueo venántium.

Nisi quia Dóminus erat in nobis,
cum exsúrgerent hómines in nos.

Forte vivos deglutíssent nos,
cum irascerétur furor eórum in nos. R.

- 4 Fórsitan aqua absorbuisset nos;
torrens pertransisset ánimam nostram,
5 fórsitan pertransissent ánimam nostram
aquæ intumescéntes. *R.*
7 Láqueus contritus est,
et nos erépti sumus.
8 Adiutórium nostrum in nómine Dómini,
qui fecit cælum et terram. *R.*

2

Omnes qui sperant in Deum non infirmantur.

Lectio libri primi Machabæorum

2, 49-52. 57-64

Appropinquavérunt dies Mathathíæ moriéndi, et dixit filiis suis: « Nunc confortáta est supérbia et castigatio, et tempus eversiónis et ira indignatiónis. Nunc ergo, o filii, æmulatóres estóte legis; et date ánimas vestras pro testaménto patrum vestrórum, et memen-tóte óperum patrum, quæ fecérunt in generatióibus suis, et accipiétis glóriam magnam et nomen ætérnum.

Abraham, nonne in tentatióne invéntus est fidélis, et “ reputátum est ei ad iustítiam ”? David, in sua misericórdia, consecútus est sedem regni in sácula; Elías, dum zelat zelum legis, recéptus est in cælum; Ananías et Azarías et Mísael credéntes liberáti sunt de flamma; Dániel, in sua simplicitáte, liberátus est de ore leónum.

Et ita cogitáte, per generatióem et generatióem, quia omnes qui sperant in eum non infirmántur. Et a verbis viri peccatóris ne timuéritis, quia glória eius stercus et vermis est: hódie extóllitur et cras non inveniétur, quia convérsus est in terram suam, et cogitatio eius périit.

Vos ergo, filii, confortámini et viríliter ágite in lege, quia in ipsa gloriósi éritis ». — Verbum Dómini.

Psalmus responsorius Ps 2, 1-3. 4-6. 10-11 (R.: 13 b)

R. Beáti omnes qui confidunt in Dómino.

Quare fremuerunt gentes,
et pópuli meditáti sunt inánia?
Astitérunt reges terræ,
et príncipes convenérunt in unum,
advérsus Dóminum et advérsus christum eius:
« Dirumpámus víncula eórum,
et proiciámus a nobis iugum ipsórum! » R.

Qui hábitat in cælis irridébit eos,
Dóminus subsannábit eos.
Tunc loquétur ad eos in ira sua,
et in furóre suo conturbábit eos:
« Ego autem constítui regem meum
super Sion, montem sanctum meum! » R.

Et nunc, reges, intellégite,
erudímini, qui iudicátis terram.
Servíte Dómino in timóre,
et exsultáte ei cum tremóre. R.

3

Servus meus es tu, elegi te et non abieci te.

Léctio libri Isaíæ prophétæ 41, 8-10. 13-14

Hæc dicit Dóminus Deus: « Tu, Israel, serve meus, Iacob, quem elégi, semen Abraham amíci mei; in quo apprehéndi te ab extrémis terræ, et a longínquis eius vocávi te; et dixi tibi: " Servus meus es tu, elégi te et non abiéci te. Ne tíneas, quia ego tecum sum; ne declínes, quia ego Deus tuus; confortávi te et auxiliátus sum tibi, et suscepit te délixtera iusti mei ".

Quia ego Dóminus Deus tuus apprehéndens manum tuam dicénsque tibi: " Ne tíneas, ego adiúvi te ".

Noli timére, vermis Iacob, qui mórtui estis ex Israel; ego auxiliátus sum tibi, dicit Dóminus et redémptor tuus sanctus Israel ». — Verbum Dómini.

Psalmus responsorius

Ps 122, 1. 2 (R.: 2 cd)

R. Oculi nostri ad Dóminum, donec misereátur nostri.

1 Ad te levávi óculos meos,
qui hábitas in cælis. **R.**

2 Ecce sicut óculi servórum ad manus dominórum suórum,
sicut óculi ancillæ ad manus dómínæ suæ,
ita óculi nostri ad Dóminum Deum nostrum,
donec misereátur nostri. **R.**

4

*Ne tradas nos in perpetuum,
propter nomen tuum.*

Léctio libri Daniélis prophétæ

3, 25. 34-43

In diébus illis:

Stans Azarías orávit sic, aperiénsque os suum in médio ignis ait: « Ne, quæsumus, tradas nos in perpétuum propter nomen tuum, et ne díssipes testaméntum tuum, neque áuferas misericórdiam tuam a nobis, propter Abraham diléctum tuum, et Isaac servum tuum, et Israel sanctum tuum, quibus locútus es póllicens quod multiplicáres semen eórum sicut stellas cæli, et sicut arénam quæ est in lítore maris.

Quia, Dómine, imminúti sumus plus quam omnes gentes, sumúsque húmiles in univérsa terra hódie propter peccáta nostra, et non est in témpore hoc princeps et dux et prophéta, neque holocáustum neque sacrificium neque oblátio neque incénsum neque locus primitiárum coram te, ut possímus inveníre misericórdiam tuam.

Sed in ánimo contríto et spírítu humilitátis suscipiámur; sicut in holocáusto arietum et taurórum et sicut in mílibus agnórum píngrum, sic fiat sacrificium nostrum in conspéctu tuo hódie, ut pláceat tibi, quóniam non est confúsio confidéntibus in te.

Et nunc séquimur te in toto corde, et timémus te, et quærimus faciém tuam. Ne confúndas nos, sed fac nobíscum iuxta mansuetúdinem tuam et secúndum multitudínem misericórdiæ tuæ, et érue nos in mirabílibus tuis, et da glóriam nómini tuo, Dómine ».

Verbum Dómini.

Psalmus responsorius

Ps 122, 1. 2 (R.: 3 a)

R. Miserére nostri, Dómine, miserére nostri.

Ad te levávi óculos meos,
qui hábitas in cælis. R.

Ecce sicut óculi servórum ad manus dominórum suórum,
sicut óculi ancillæ ad manus dómínæ suæ,
ita óculi nostri ad Dóminum Deum nostrum,
donec misereátur nostri. R.

Lectio secunda

1

*Vobis hoc donatum est pro Christo,
ut etiam pro illo patiamini.*

Léctio Epístolæ beáti Pauli apóstoli ad Philippéenses

Fratres: 1, 27-30

Tantum digne Evangélio Christi conversámini, ut, sive cum vénero et vídero vos, sive absens áudiam de vobis, quia statis in uno Spírítu, unánimes concertántes fide Evangélii; et in nullo pertérriti ab adversáriis, quod est illis indícium perditiónis, vobis autem salútis,

et hoc a Deo; quia vobis hoc donátum est pro Christo, non solum ut in eum credátis, sed ut étiam pro illo patíamini, idem certámen habéntes, quale et vidístis in me et nunc audítis in me. — Verbum Dómini.

2

Quis filius, quem non corripit pater?

Léctio Epístolæ ad Hebræos

12, 2-13

Fratres:

Aspícite in auctórem fidei et consummatórem Iesum, qui, pro gáudio sibi propósito sustínuit crucem, confusióne contémpta, atque in délixtera throni Dei sedet. Recogitáte enim eum qui talem sustínuit a peccatóribus advérsus semetípsum contradicciónem, ut ne fatigémini ánimis vestris deficiéntes.

Nondum usque ad sánguinem restitístis advérsus peccátum repugnántes, et oblíti estis exhortatiónis, quæ vobis tamquam fíliis lóquitur: « Fíli mi, noli negligere disciplínam Dómini, neque defícias dum ab eo argúeris. Quem enim díligit Dóminus castígat, flagéllat autem omnem fílium quem récipit ».

Ad disciplínam suffértis. Tamquam fílios vos tractat Deus. Quis enim fílius, quem non córripit pater? Quod si extra disciplínam estis, cuius partícipes facti sunt omnes, ergo adulteríni et non fílii estis.

Deínde patres quidem carnis nostræ habebámus eruditóres et reverebámur; non multo magis obtemperábimus Patri spirítuum et vivémus? Et illi quidem ad témpus paucórum diérum, secúndum quod videbátur illis castigábant; hic autem ad id quod útile est ad participándam sanctitátem eius. Omnis autem disciplína in præsénti quidem vidétur non esse gáudii, sed mæróris; póstea autem fructum pacíficum exercitátis per eam reddit iustítiæ.

Propter quod remissas manus et soluta genua erigite, et gressus rectos facite pedibus vestris, ut quod claudum est non extorqueatur, magis autem sanetur.

Verbum Domini.

3

Exsultatis, modicum nunc si oportet contristari.

Lectio Epistolae primae beati Petri apostoli 1, 3-9

Benedictus Deus et Pater Domini nostri Iesu Christi, qui secundum magnam misericordiam suam regeneravit nos in spem vivam per resurrectionem Iesu Christi ex mortuis, in hereditatem incorruptibilem et incontaminatam et immarcescibilem, conservatam in caelis propter vos, qui in virtute Dei custodimini per fidem in salutem, paratam revelari in tempore novissimo.

In quo exsultatis, modicum nunc si oportet contristari in variis tentationibus; ut probatio vestrae fidei multo pretiosior auro, quod perit, per ignem quidem probato, inveniatur in laudem et gloriam et honorem in revelatione Iesu Christi: quem, cum non videritis, diligitis; in quem nunc non videntes, credentes autem exsultatis letitia inenarrabili et glorificata, reportantes finem fidei vestrae salutem animarum.

Verbum Domini.

Evangelium

1

Alleluia

Mt 5, 10

R. Alleluia. **V.** Beati qui persecutionem patiuntur propter iustitiam, quoniam ipsorum est Regnum caelorum.

R. Alleluia.

*Beati estis, cum maledixerint vobis
et persecuti vos fuerint.*

✠ Lécio sancti Evangélii secúndum Matthæum

5, 1-12 a

In illo témpore:

Videns Iesus turbas ascéndit in montem, et, cum sedísset, accessérunt ad eum discipuli eius, et apériens os suum docébat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ». — Verbum Dómini.

2

Alleluia

1 Petr 4, 14

℟. Allelúia. ✠. Si exprobrámini in nómine Christi,
beáti éritis,
quóniam Spíritus Dei super vos requiéscit
℟. Allelúia.

Eritis odio omnibus propter nomen meum.

✠ Lécio sancti Evangélíi secúndum Mattháeum
10, 17-22

In illo témpore:

Dixit Iesus Apóstolis suis: « Cavéte ab homínibus; tradent enim vos in concíliis, et in synagógis suis flagelábunt vos, et ad præsides et ad reges ducémini propter me, in testimónium illis et géntibus.

Cum autem tradent vos, nolíte cogitare quómodo aut quid loquámini; dábitur enim vobis in illa hora quid loquámini. Non enim vos estis qui loquímini, sed Spíritus Patris vestri qui lóquitur in vobis.

Tradet autem frater fratrem in mortem, et pater fílium, et insúrgent fílii in paréntes et morte eos affícient.

Et éritis ódio ómnibus propter nomen meum; qui autem perseveráverit in finem, hic salvus erit ».

Verbum Dómini.

3

Alleluia Iac 1, 12

℟. Allelúia. ✠. Beátus vir, qui suffert tentatiónem, quóniam, cum probátus fúerit, accípiet coronam vitæ. ℟. Allelúia.

Nolite timere eos qui occidunt corpus.

✠ Lécio sancti Evangélíi secúndum Mattháeum
10, 26-33

In illo témpore:

Dixit Iesus Apóstolis suis: « Ne timuéritis eos. Nihil enim est opértum quod non revelábitur, et ocúltum quod non sciétur. Quod dico vobis in ténebris,

dícite in lúmine, et quod in aure audítis, prædicáte super tecta.

Et nolíte timére eos qui occidunt corpus, ánimam autem non possunt occidere; sed pótius eum timéte qui potest et ánimam et corpus pérdere in gehénna.

Nonne duo pásseres asse véneunt? Et unus ex illis non cadet super terram sine Patre vestro. Vestri autem et capilli cápitis omnes numeráti sunt. Nolíte ergo timére: multis passéribus melióres estis vos.

Omnis ergo qui confitébitur me coram homínibus, confitébor et ego eum coram Patre meo, qui est in cælis. Qui autem negáverit me coram homínibus, negábo et ego eum coram Patre meo, qui est in cælis ».

Verbum Dómini.

4

Alleluia

2 Cor 1, 3 b-4 a

℟. Allelúia. ✠. Benedíctus Pater misericordiárum
et Deus totíus consolatiónis,
qui consolátur nos in omni tribulatióne
nostra. ℟. Allelúia.

Si me persecuti sunt, et vos persequentur.

✠ Lécio sancti Evangélíi secúndum Ioánnem

15, 18-21. 26 — 16, 4

In illo témpore:

Dixit Iesus discíplis suis: « Si mundus vos odit, scitóte quia me priórem vobis ódio hábuit. Si de mundo essétis, mundus quod suum est dilígeret; quia vero de mundo non estis, sed ego elégi vos de mundo, proptér-ea odit vos mundus. Mementóte sermónis quem ego dixi vobis: “ Non est servus maior dómíno suo ”. Si me persecúti sunt, et vos persequéntur; si sermónem

meum servavérunt, et vestrum servábunt. Sed hæc ómnia fácient vobis propter Nomen meum, quia nésciunt eum qui misit me.

Cum autem vénerit Paráclitus, quem ego mittam vobis a Patre, Spíritum veritátis qui a Patre procedit, ille testimónium perhibébit de me. Sed et vos testimónium perhibétis, quia ab inítio mecum estis.

Hæc locútus sum vobis, ut non scandalizémini. Absque synagógis fácient vos. Sed venit hora, ut omnis qui interficit vos arbitrétur obséquium se præstare Deo. Et hæc fácient quia non novérunt Patrem neque me. Sed hæc locútus sum vobis, ut, cum vénerit hora eórum, reminiscámini eórum quia ego dixi vobis ».

Verbum Dómini.

5

Alleluia

1 Petr 4, 14

℞. Allelúia. √. Si exprobrámini in nómine Christi,
beáti éritis,
quóniam Spíritus Dei super vos requiéscit.
℞. Allelúia.

Mundus odio eos habuit.

✠ Lécio sancti Evangélii secúndum Ioánnem

17, 11 b-19

In illo témpore:

Sublevátis Iesus óculis in cælum, orávit dicens:
« Pater sancte, serva eos in Nómine tuo quod dedísti mihi, ut sint unum sicut nos. Cum essem cum eis, ego servábam eos in Nómine tuo quod dedísti mihi et custodívi, et nemo ex his périit, nisi fílius perditionis, ut Scriptúra impleátur.

Nunc autem ad te vénio, et hæc loquor in mundo, ut hábeant gáudium meum implétum in semetípsis.

Ego dedi eis sermónem tuum, et mundus ódio eos hábuit, quia non sunt de mundo, sicut ego non sum de mundo. Non rogo ut tollas eos de mundo, sed ut serves eos ex Malo. De mundo non sunt, sicut ego non sum de mundo.

Sanctífica eos in veritaté. Sermo tuus véritas est. Sicut me misísti in mundum, et ego misi eos in mundum.

Et pro eis ego sanctífico meípsum, ut sint et ipsi sanctificáti in veritaté ». — Verbum Dómini.

16. PRO CONVENTU SPIRITALI VEL PASTORALI

Ant. ad introitum

Mt 18, 19. 20

Dicit Dóminus:

Ubi sunt duo vel tres congregáti in nómine meo,
íbi sum in médio eórum.

Vel:

Col 3, 14-15

Super ómnia caritátem habéte,
quod est vínculum perfectiónis;
et pax Christi exsúltet in córdibus vestris,
in qua et vocáti estis in uno córpore.

Collecta

Infúnde in nobis, quásumus, Dómine,
spíritum intellegéntiæ, veritátis et pacis,
ut quæ tibi sunt plácita toto corde noscámus,
et, quæ novérimus,
unánimi voluntátum consensióne sectémur.
Per Dóminum.

Vel:

Deus, cuius Fílius ómnibus in nómine suo congregátis
promísit seípsum in médio eórum affutúrum,
præsta, quásumus,

ut illum præsentem nobiscum sentiámus,
et abundare in córdibus nostris
grátiam, misericórdiam et pacem
in veritaté et caritaté experiámur.
Per Dóminum.

Pro lectionibus sumuntur textus aptiores ex iis qui proponuntur
in Missa pro Concilio vel Synodo, pp. 1271-1274.

Super oblata

Respíciat, quæsumus, cleméntia tua, Dómine,
tuórum múnera famulórum,
ut, quæ sunt in óculis tuis salutária atque recta,
et veráciter intéllegant, et fiduciáliter eloquántur.
Per Christum.

Præfatio II de Spiritu Sancto, p. 1603.

Ant. ad communionem

Ubi caritas est vera, Deus ibi est.
Congregávit nos in unum Christi amor.

Post communionem

Da nobis, miséricors Deus, ut sancta quæ sumpsimus
et nos in tua voluntáte confírment,
et testes ubique veritátis effícient.
Per Christum.

II. PRO REBUS PUBLICIS

17. PRO PATRIA VEL CIVITATE

Collecta

Deus, qui mirábili consílio unívérša dispónis,
súscipe benígnus
quas pro pátria nostra tibi fúndimus preces,
ut sapiéntia moderatórum et honestáte cívium
concórdia et iustítia firméntur
atque fiat cum pace prospéritas perpétua.
Per Dóminum.

18. PRO REMPUBLICAM MODERANTIBUS

Collecta

Omnípotens sempitérne Deus,
in cuius manu sunt hóminum corda et iura populórum,
réspice benígnus ad eos qui nos in potestáte moderántur,
ut ubíque terrárum populórum prospéritas,
pacis secúritas et religiónis libértas,
te largiénte, consístant.
Per Dóminum.

19. PRO CÆTU MODERATORUM NATIONUM

Collecta

Deus, qui miro órđine unívérša dispónis
et ineffabíliter gubérnas,
réspice propítius in congregátos moderátóres natiónum,
eisque Spíritum tuæ sapiéntiæ cleménter infúnde,
ut in commúnem salútem et pacem ómnia dispónant
atque a voluntáte tua numquam discédant.
Per Dóminum.

20. PRO SUPREMO NATIONIS MODERATORE

Collecta

Deus, cui potestates humanæ deserviunt,
da famulo tuo (regi nostro) N.
prosperum suæ dignitatis effectum,
in qua, te semper timens tibi quæ placere contendens,
populo sibi credito liberam ordinis tranquillitatem
iugiter procuret et servet.
Per Dominum.

21. PRO POPULORUM PROGRESSIONE

Ant. ad introitum

1 Io 3, 17

Qui habuerit substantiam huius mundi,
et viderit fratrem suum necessitatem habere,
et clausit viscera sua ab eo,
quomodo caritas Dei manet in eo?

Collecta

Deus, qui unam dedisti cunctis gentibus originem,
et unam ex eis in te voluisti familiam congregare,
tuæ caritatis ardore omnium corda perfunde
et fratrum suorum desiderio iustæ progressionis accende,
ut, per bona quæ cunctis affluenter largiris,
humana singulorum perficiatur persona,
et æquitas atque iustitia, quavis divisione sublata,
in hominum societate firmetur.
Per Dominum.

Pro lectionibus sumuntur textus aptiores ex iis qui proponuntur
in Missa pro pace et iustitia servanda, pp. 1364-1373.

Super oblata

Preces ad te clamantium, Domine, propitiatus exaudi,
et, Ecclesiæ tuæ oblatione suscepta, præsta,

ut omnes hómines spíritu filiórum Dei repleántur,
quátenus, inæqualitátibus in caritaté superátis,
una fiat in tua pace populórum familia.
Per Christum.

Ant. ad communionem

Cf. Ps 103, 13. 14. 15

De fructu óperum tuórum, Dómine, satiábitur terra,
ut edúcas panem de terra,
et vinum lætíficet cor hóminis.

Vel:

Lc 11, 9

Pétite, et dábitur vobis; quærite, et inveniétis;
pulsáte, et aperiétur vobis, dicit Dóminus.

Post communionem

Uno pane refécti,
quo humánam familiam iúgiter instáuras,
quæsumus, Dómine,
ut, ex unitátis participatióne sacraménti,
válidum et purum hauriámus amórem
ad progrediéntes pópulos iuvándos,
et ad opus iustítiæ, inspiránte caritaté, perficiéndum.
Per Christum.

22. PRO PACE ET IUSTITIA SERVANDA

A

Ant. ad introitum

Cf. Sir 36, 18-19

Da pacem, Dómine, sustinéntibus te,
et exáudi oratiónes servórum tuórum,
et dirige nos in viam iustítiæ.

Collecta

Deus, qui pacíficos revelásti filios tuos esse vocándos,
præsta, quæsumus,

ut illam instauremus sine intermissione iustitiam,
quæ sola firmam pacem spondeat et veracem.
Per Dóminum.

Vel:

Deus, qui patrénam curam ómnium geris,
concéde propítius,
ut hómines, quibus unam oríginem dedísti,
et unam in pace famíliam constituant,
et fratérno semper ánimo uniántur.
Per Dóminum.

Lectiones ut infra, pp. 1364-1373.

Super oblata

Fílii tui, pacífici Regis, sacrificium salutáre,
his sacramentórum signis oblátum,
quibus pax et únitás designántur, quæsumus, Dómine,
ad concórdiam proficiat
inter omnes fílios tuos confirmándam.
Per Christum.

Ant. ad communionem

Mt 5, 9

Beáti pacífici, quóniam filii Dei vocabúntur.

Vel:

Io 14, 27

Pacem relínquo vobis, pacem meam do vobis,
dicit Dóminus.

Post communionem

Largíre nobis, quæsumus, Dómine, spíritum caritátis,
ut, Córpoze et Sanguine Unigéniti tui vegetáti,
pacem inter omnes, quam ipse relíquit,
efficáciter nutriámus.
Per Christum.

B

Aliæ orationes pro pace

Collecta

Deus, cōnditor mundi,
sub cuius arbítrio ómnium sæculórum ordo decúrrit,
adesto propítius invocatióibus nostris
et tranquillitátem pacis præséntibus concéde tempóribus,
ut in láudibus misericórdiæ tuæ
incessábili exsultatióne lætémur.
Per Dóminum.

Vel:

Collecta

Deus pacis, immo pax ipsa,
quem discórdans ánimus non capit,
quem mens cruénta non récipit, præsta,
ut, qui concórdes sunt, boni perseverántiam téneant,
qui discórdes sunt, mali obliuione sanéntur.
Per Dóminum.

Cf. etiam n. 42: Pro concordia fovenda, p. 1485.

Lectio prima

1

*Multiplicabitur eius imperium,
et pacis non erit finis.*

Léctio libri Isaíæ prophétæ

9, 2-7

Pópulus, qui ambulábat in ténebris, vidit lucem magnam; habitántibus in regióne umbræ mortis lux orta est eis. Multiplicásti gentem et non magnificásti lætí-

tiam. Lætábúntur coram te, sicut qui lætántur in messe, sicut exsúltant victóres, capta præda, quando dívidunt spólia. Iugum enim óneris eius et virgam úmeri eius et sceptrum exactóris eius superásti, sicut in die Má dian.

Quia omnis violénta prædátio cum tumúltu, et vestiméntum mixtum sáanguine erit in combustiónem et cibus ignis.

Párvulus enim natus est nobis, et fílius datus est nobis, et factus est principátus super úmerum eius, et vocábitur nomen eius admirábilis, consiliárius, Deus fortis, pater futúri sáeculi, princeps pacis.

Multiplicábitur eius impérium, et pacis non erit finis; super sólium David et super regnum eius sedébit, ut confírmes illud et corróboret in iudício et iustítia ámodo et usque in sempitérnum. Zelus Dómini exercítuum fáciat hoc. — Verbum Dómini.

Psalmus responsorius

Ps 71, 2. 3-4 ab. 7-8. 12-13. 17 (R.: 7)

R. Florébit in diébus eius iustítia et abundántia pacis.

2 Iúdicet pópulum tuum in iustítia,
et páuperes tuos in iudício. R.

3 Afferant montes pacem pópulo,
et colles iustítiam.

4 Iudicábit páuperes pópuli,
et salvos fáciat filios ínopis. R.

7 Florébit in diébus eius iustítia et abundántia pacis,
donec auferátur luna.

8 Et dominábitur a mari usque ad mare,
et a Flúmine usque ad términos orbis terrárum. R.

12 Quia liberábit ínopem clamántem
et páuperem cui non erat adiútor.

13 Parcet páuperi et ínopi,
et ánimas páuperum salvas fáciat. R.

- 17 Sit nomen eius benedíctum in sácula,
ante solem permanébit nomen eius.
Et benedicéntur in ipso omnes tribus terræ,
omnes gentes magnificábunt eum. *R.*

2

Erit opus iustitiæ pax.

Léctio libri Isaíæ prophétæ

32, 15-18

In diébus illis:

Effundétur super nos spíritus de excélso. Et erit
desértum in Carmel, et Carmel in saltum reputábitur,
et habitábit in solitúdine iudícium, et iustítia in Car-
mel sedébit, et erit opus iustítiæ pax, et cultus iustí-
tiæ siléntium, et secúritas usque in sempitérnum.

Et sedébit pópulus meus in pulchritúdine pacis et in
tabernáculis fidúciæ et in réquie opulénta.

Verbum Dómini.

Psalmus responsorius

Ps 84, 9 ab-10. 11-12. 13-14 (R.: cf. 9)

R. Lóquitur pacem Dóminus ad plebem suam.

- 9 Audiam quid loquátur Dóminus Deus,
quóniam loquétur pacem
ad plebem suam et sanctos suos.
- 10 Verúmtamen prope timéntes eum salutáre ipsíus,
ut inhábitet glória in terra nostra. *R.*
- 11 Misericórdia et véritas obviavérunt sibi,
iustítia et pax osculátæ sunt.
- 12 Véritas de terra orta est,
et iustítia de cælo prospéxit. *R.*
- 13 Etenim Dóminus dabit benignitátem,
et terra nostra dabit fructum suum.
- 14 Iustítia ante eum ambulábit,
et ponet in via gressus suos. *R.*

3

*Pacem ei qui longe est
et qui prope creavi.*

Lectio libri Isaíæ prophétæ

57, 15-19

Hæc dicit Excelsus et Sublimis, hábitans æternitatem, et sanctum nomen eius, in excélso et in sancto hábitans, et cum contríto et húmili spírítu, ut vivíficet spírítum humílium et vivíficet cor contritórum: « Non enim in sempitérnum litigábo, neque usque ad finem iráscar, quia spírítus a fácie mea egrediétur, et flatus ego fáciam.

Propter iniquitátem avarítiæ eius irátus sum et percússi eum, abscóndi a te fáciem meam et indignátus sum; et ábiit vagus in via cordis sui. Vias eius vidi et sanávi eum, et redúxi eum, et réddidi consolatiónes ipsi et lugéntibus eius.

Creávi fructum labiórum pacem: pacem ei qui longe est et qui prope, dixit Dóminus; et sanávi eum ».

Verbum Dómini.

Psalmus responsorius

Ps 121, 1-2. 4-5. 6-7. 8-9 (R.: Sir 36, 18)

R. Da pacem, Dómine, sustinéntibus te.

Lætátus sum in eo quod dixerunt mihi:

« In domum Dómini íbimus ».

Stantes iam sunt pedes nostri
in portis tuis, Ierúsalem. R.

Illuc enim ascendérunt tribus, tribus Dómini,
testimónium Israel, ad confiténdum nómini Dómini.
Quia illic sedérunt sedes ad iudícium,
sedes domus David. R.

- 6 Rogáte quæ ad pacem sunt Ierúsalem,
secúri sint diligéntes te.
7 Fiat pax in muris tuis
et secúritas in túrribus tuis. *R.*
8 Propter fratres meos et próximos meos
loquar: « Pax in te! »
9 Propter domum Dómini Dei nostri
exquíram bona tibi. *R.*

Lectio secunda

1

*Pax Dei custodiet corda vestra
et intellegentias vestras.*

Léctio Epístolæ beáti Pauli apóstoli ad Philippénses

4, 6-9

Fratres:

Nihil sollíciti sitis; sed in ómnibus oratióne et obsecratióne cum gratiárum actiόne, petitiόnes vestræ innotéscant apud Deum. Et pax Dei, quæ exsúperat omnem sensum, custódiet corda vestra et intellegéntias vestras in Christo Iesu.

De cétero, fratres, quæcúmque sunt vera, quæcúmque pudíca, quæcúmque iusta, quæcúmque casta, quæcúmque amabília, quæcúmque bonæ famæ, si qua virtus et si qua laus, hæc cogitáte. Quæ et didicístis et accepístis et audístis et vidístis in me, hæc ágite, et Deus pacis erit vobíscum.

Verbum Dómini.

2

Pax Christi dominetur in cordibus vestris.

Léctio Epístolæ beāti Pauli apóstoli ad Colossénses

3, 12-15

Fratres:

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam; sicut et Dóminus donávit vobis, ita et vos.

Super ómnia autem hæc caritátem, quod est vínculo perfectiónis, et pax Christi dominétur in córdibus vestris, ad quam et vocáti estis in uno córpore; et grati estóte. — Verbum Dómini.

3

*Fructus iustitiæ in pace seminatur,
facientibus pacem.*

Léctio Epístolæ beāti Iacóbi apóstoli

3, 13-18

Caríssimi:

Quis sápiens et disciplinátus inter vos? Osténdat ex bona conversatióne operatióem suam in mansuetúdine sapiéntiæ. Quod si zelum amárum habétis, et contentiões in córdibus vestris, nolíte gloriári et mendáces esse advérsus veritátem.

Non est ista sapiéntia desúrsum descéndens, sed terréna, animális, diabólica. Ubi enim zelus et conténtio, ibi inconstántia et omne opus pravum. Quæ autem desúrsum est sapiéntia primum quidem pudíca est,

deínde pacífica, modésta, suadíbilis, plena misericórdia et frúctibus bonis, non iúdicans, sine simulatióne.

Fructus autem iustítiæ in pace seminátur, faciéntibus pacem. — Verbum Dómini.

Evangelium

1

Alleluia

Mt 5, 9

℞. Allelúia. ✠. Beáti pacífici,
quóniam filii Dei vocabúntur. ℞. Allelúia.

*Beati qui esuriunt et sitiunt iustitiam.
Beati pacifici.*

✠ Lécio sancti Evangélíi secúndum Mattháeum

5, 1-12 a

In illo témpore:

Videns Iesus turbas ascéndit in montem, et, cum sedísset, accessérunt ad eum discípuli eius, et apériens os suum docébat eos, dicens:

« Beáti páuperes spírítu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutióne patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis et persecúti vos fúerint et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ». — Verbum Dómini.

2

Alleluia

Mt 5, 9

℞. Allelúia. 7. Beáti pacífici,
quóniam filii Dei vocabúntur. ℞. Allelúia.

Ego dico vobis: Non resistere malo.

✠ Lécio sancti Evangélíi secúndum Matthæum

5, 38-48

In illo témpore:

Dixit Iesus discipulis suis: « Audístis quia dictum est: “ Oculum pro óculo et dentem pro dente ”.

Ego autem dico vobis: Non resistere malo; sed, si quis te percússerit in délixtera maxílla tua, præbe illi et álteram; et ei, qui vult tecum iudício conténdere et túnica tuam tóllere, remítte ei et pállium; et quicúmque te angariáverit mille passus, vade cum illo duo. Qui petit a te, da ei; et volénti mutuári a te, ne avertáris.

Audístis quia dictum est: “ Díliges próximum tuum ” et ódio habébis inimicum tuum.

Ego autem dico vobis: Dilígite inimicos vestros, et oráte pro persecuéntibus vos, ut sitis filii Patris vestri qui in cælis est, quia solem suum oríri facit super malos et bonos, et pluit super iustos et iniústos.

Si enim dilexéritis eos qui vos diligunt, quam mercedem habéitis? nonne et publicáni hoc faciunt? Et si salutavéritis fratres vestros tantum, quid ámplius fácitis? nonne et éthnici hoc faciunt?

Estóte ergo vos perfécti, sicut Pater vester cæléstis perféctus est ». — Verbum Dómini.

3

Alleluia

Io 14, 27

R. Allelúia. **V.** Pacem relínquo vobis, dicit Dóminus,
pacem meam do vobis. **R.** Allelúia.

Pacem meam do vobis.

✠ Lécio sancti Evangélíi secúndum Ioánnem

14, 23-29

In illo témpore:

Dixit Iesus discípulis suis: « Si quis díligit me, sermónem meum servábit, et Pater meus díliget eum, et ad eum veniémus et mansiónem apud eum faciémus.

Qui non díligit me, sermónes meos non servat. Et sermo quem audítis non est meus, sed eius qui misit me, Patris.

Hæc locútus sum vobis apud vos manens. Paráclitus autem Spíritus Sanctus, quem mittet Pater in Nómine meo, ille vos docébit ómnia, et súggeret vobis ómnia quæ dixi vobis.

Pacem relínquo vobis, pacem meam do vobis; non quómodo mundus dat, ego do vobis. Non turbétur cor vestrum neque formídet.

Audístis quia ego dixi vobis: “ Vado et vénio ad vos ”. Si diligerétis me, gauderétis, quia vado ad Patrem, quia Pater maior me est. Et nunc dixi vobis priúsqvam fiat, ut, cum factum fúerit, credátis ».

Verbum Dómini.

4

Alleluia

Io 14, 27

R. Allelúia. **V.** Pacem relínquo vobis, dicit Dóminus,
pacem meam do vobis. **R.** Allelúia.

Pax vobis.

✠ Lécitio sancti Evangélíi secúndum Ioánnem

20, 19-23

Cum esset sero die illo, prima sabbatórum, et fores essent clausæ, ubi erant discipuli propter metum Iudæórum, venit Iesus et stetit in médio, et dicit eis: « Pax vobis ». Et cum hoc dixisset, osténdit eis manus et latus. Gavísi sunt ergo discipuli, viso Dómino.

Dixit ergo eis íterum: « Pax vobis; sicut misit me Pater, et ego mitto vos ».

Et cum hoc dixisset, insufflávít et dicit eis: « Accípíte Spíritum Sanctum: quorum remisérítis peccáta, remíssa sunt eis; quorum retinuérítis, reténta sunt ».

Verbum Dómini.

22 bis. PRO RECONCILIATIONE

Quæ in hac Missa inter parentheses inscribuntur, occasione peculiaris temporis pænitentialis dicuntur.

Ant. ad introitum

Salus pópuli ego sum, dicit Dóminus.

De quacúmque tribulatióne clamáverint ad me,
exáudiam eos, et ero illórum Dóminus in perpétuum.

Collecta

Deus cleméntiæ et reconciliatiónis,
qui præcípui dies salútis homínibus præbes
ad te ómnium Creatórem et Patrem agnoscéndum,
(per hoc acceptábile tempus) propítius nos ádiuva,
ut, libénter verbum pacis a te accipíentes,
ómnia in Christo instaurándi
tuæ deserviámus voluntáti.
Per Dóminum.

Vel, præsertim tempore paschali:

Deus, veræ libertátis auctor,
qui omnes hómines unum vis efformáre pópulum
a servitúte solútum,
(quique grátiæ et benedictiónis tempus nobis præbes,
concéde, quæsumus,
ut, increménta libertátis accípiens,
universále salútis sacraméntum
in mundum Ecclésia tua vivídus appareat
atque in hómines
caritátis manifestet et operétur mystérium.
Per Dóminum.

Lectio prima

Quærite Dominum.

Léctio libri Isaíæ prophétæ

55, 1-3 c. 6-9

Hæc dicit Dóminus:

« Omnes sitiéntes, veníte ad aquas, et qui non habétis argéntum, properáte, émite et comédite; veníte, émite absque argénto et absque ulla commutatióne vinum et lac.

Quare appénditis argéntum non in pánibus, et labórem vestrum non in saturitáte? Audíte, audiéntes me, et comédite bonum, et delectábitur in crassitúdine áni-ma vestra.

Inclináte aurem vestram et veníte ad me; audíte, et vivet áni-ma vestra; et fériam vobíscum pactum sempitérnum.

Quærite Dóminum dum inveníri potest, invocáte eum dum prope est.

Derelinquat ímpius viam suam, et vir íníquus cogitatiónes suas, et revertátur ad Dóminum, et miserébitur

eius, et ad Deum nostrum, quóniam multus est ad ignoscéndum.

Non enim cogitatiónes meæ cogitatiónes vestræ, neque viæ vestræ viæ meæ, dicit Dóminus.

Quia, sicut exaltántur cæli a terra, sic exaltátæ sunt viæ meæ a viis vestris, et cogitatiónes meæ a cogitatió-nibus vestris ». — Verbum Dómini.

Psalmus responsorius

Ps 50, 3-4. 12-13. 14-15 (R.: 12 a)

R. Cor mundum crea in me, Deus.

3 Miserére mei, Deus, secúndum misericórdiam tuam;
et secúndum multitudínem miseratiónum tuárum
dele iniquitátem meam.

4 Amplius lava me ab iniquitáte mea,
et a peccáto meo munda me. R.

12 Cor mundum crea in me, Deus,
et spíritum firmum ínno-va in viscéribus meis.

13 Ne proícias me a fácie tua,
et spíritum sanctum tuum ne áuferas a me. R.

14 Redde mihi lætítiam salutáris tui,
et spíritu promptíssimo confírma me.

15 Docébo iníquos vias tuas,
et ímpii ad te converténtur. R.

Lectio secunda

Reconciliamini Deo.

Léctio Epístolæ secúndæ beáti Pauli apóstoli
ad Corínthios

5, 17-21 — 6, 1-2

Fratres:

Si quis est in Christo, nova creatúra; vétera transiérunt, ecce, facta sunt nova.

Omnia autem ex Deo qui reconciliávit nos sibi per Christum et dedit nobis ministérium reconciliatiónis, quóniam quidem Deus erat in Christo mundum reconciliáns sibi, non réputans illis delícta ipsórum, et pósuit in nobis verbum reconciliatiónis.

Pro Christo ergo legatióne fúngimur tamquam Deo exhortánte per nos: obsecrámus pro Christo, reconciliámini Deo. Eum qui non nóverat peccátum, pro nobis peccátum fecit, ut nos efficerémur iustítia Dei in ipso.

Adiuvántes autem, et exhortámur ne in vácuum grátiam Dei recipiátis: ait enim: « Témptore accépto exaudivi te et in die salútis adiúvi te ». Ecce nunc tempus acceptábile, ecce nunc dies salútis. — Verbum Dómini.

Alleluia

Mt 5, 9

℞. Allelúia. γ. Beáti pacífici,
quóniam filii Dei vocabúntur. ℞. Allelúia.

Evangelium

Prædicare annum Domini acceptum.

✠ Lécio sancti Evangélii secúndum Lucam 4, 14-21

In illo témpore:

Regréssus est Iesus in virtúte Spíritus in Galiléam. Et fama éxiit per univérsam regiónem de illo. Et ipse docébat in synagógis eórum, et magnificabátur ab ómnibus.

Et venit Náza-reth, ubi erat nutritus; et intrávit secúndum consuetúdinem suam die sábbati in synagógam, et surréxit légere. Et tráditus est illi liber prophétæ Isaíæ.

Et, ut revólvit librum, invénit locum, ubi scriptum erat: « Spíritus Dómini super me; propter quod unxit

me evangelizáre paupéribus, misit me prædicáre annum Dómini accéptum.

Et, cum plicuísset librum, réddidit minístro et sedit. Et ómnium in synagóga óculi erant intendéntes in eum.

Cœpit autem dícere ad illos: « Hódie impléta est hæc Scriptúra in áuribus vestris ». — Verbum Dómini.

Vel: Mt 5, 1-12 a: « Gaudete et exsultate », p. 1354.

Super oblata

Memoráre, Dómine, Fílium tuum,
qui est pax et reconciliátio nostra,
mundi peccátum suo ságuine delevisse,
et múnera Ecclésiæ tuæ propítius aspiciens,
da ut, (grátiam huius témporis cum lætítia celebrántes,)
libertátem Christi ad omnes possímus exténdere.
Qui vivit.

Præfatio I de dominicis per annum, p. 588, vel præfatio communis I, p. 609.

Ant. ad communionem

Mt 11, 28

Veníte ad me, omnes qui laborátis et oneráti estis,
et ego reficiam vos, dicit Dóminus.

Vel:

Io 16, 24

Pétite et accipiétis,
ut gáudium vestrum sit plenum, dicit Dóminus.

Post communionem

Sacraméntum Fílii tui, quod sumpsimus,
quæsumus, Dómine, vires nostras adáugeat,
ut, ex hoc unitátis mystério,
válidum hauriámus amórem
et ubique tuæ pacis operatóres efficiámur.
Per Christum.

23. TEMPORE BELLI VEL EVERSIONIS

Ant. ad introitum

Ier 29, 11. 12. 14

Dicit Dóminus:

Ego cógito cogitatiónes pacis et non afflictiónis;
invocabitis me, et ego exáudiam vos,
et redúcam captivitátem vestram de cunctis locis.

Vel:

Ps 17, 5-7

Circumdedérunt me gémitus mortis,
dolóres inférni circumdedérunt me;
et in tribulatióne mea invocávi Dóminum,
et exaudivit de templo sancto suo vocem meam.

Collecta

Deus miséricors et fortis,
qui bella cónteris deprimisque superbos,
immanitátes a nobis et lácrimas
dignáre festinánte arcére,
ut omnes in veritáte tui nominári filii mereámur.
Per Dóminum.

Vel:

Deus, auctor pacis et amátor,
quem nosse vívere, cui servíre regnáre est,
prótege ab ómnibus impugnatióibus súpplícés tuos,
ut, qui in defensióne tua confidimus,
nullíus hostilitátis arma timeámus.
Per Dóminum.

Lectiones ut infra, pp. 1379-1386.

Super oblata

Memoráre, Dómine, Fílium tuum, qui est ipse pax,
ódia nostra suo Ságuine premissé,

et, mala nostra propitiátus aspiciens,
da, ut homínibus quos díligis
pacem hæc hóstia cum tranquillitáte restítuat.
Per Christum.

Ant. ad communionem

Io 14, 27

Pacem relínquo vobis, pacem meam do vobis,
dicit Dóminus;
non quómodo mundus dat, ego do vobis.
Non turbétur cor vestrum neque formídet.

Post communionem

Uno pane, qui cor hómínis confírmatur, suáviter satiátis,
da nobis, Dómine, et belli furóres superáre feliciter,
et tuam amoris ac iustítiæ legem fírmiter custodíre.
Per Christum.

Lectio prima

1

*Consurrexit Cain adversus fratrem suum Abel,
et interfecit eum.*

Léctio libri Génesis

4, 3-10

In diébus illis:

Factum est ut offérret Cain de frúctibus terræ mú-
nera Dómino; Abel quoque óbtulit de primogénitis
gregis sui et de adípibus eórum. Et respéxit Dóminus
ad Abel et ad múnera eius; ad Cain vero et ad múnera
illíus non respéxit; iratúsque est Cain veheménter, et
cóncidit vultus eius.

Dixítque Dóminus ad eum: «Quare irátus es? et
cur cóncidit fácies tua? Nonne, si bene égeris, recípies;
sin autem male, statim in fóribus peccátum áderit? Sed
sub te erit appetítus eius, et tu domináberis illíus ».

Dixítque Cain ad Abel fratrem suum: « Egrediámur foras ». Cumque essent in agro, consurréxit Cain advérsus fratrem suum Abel, et interfécit eum.

Et ait Dóminus ad Cain: « Ubi est Abel, frater tuus? »

Qui respóndit: « Néscio: num custos fratris mei sum ego? »

Dixítque ad eum: « Quid fecísti? Vox sánguinis fratris tui clamat ad me de terra ».

Verbum Dómini.

Psalmus responsorius

Ps 71, 2. 3-4 ab. 7-8. 12-13. 17 (R.: 7)

R. Florébit in diébus eius iustítia et abundántia pacis.

² Iúdicet pópulum tuum in iustítia,
et páuperes tuos in iudício. R.

³ Afferant montes pacem pópulo,
et colles iustítiam.

⁴ Iudicábit páuperes pópuli,
et salvos fáciet filios ínopis. R.

⁷ Florébit in diébus eius iustítia et abundántia pacis,
donec auferátur luna.

⁸ Et dominábitur a mari usque ad mare,
et a Flúmine usque ad téminos orbis terrárum. R.

¹² Quia liberábit ínopem clamántem
et páuperem cui non erat adiútor.

¹³ Parcet páuperi et ínopi,
et ánimas páuperum salvas fáciet. R.

¹⁷ Sit nomen eius benedíctum in sácula,
ante solem permanébit nomen eius.
Et benedicéntur in ipso omnes tribus terræ,
omnes gentes magnificábunt eum. R.

2

Non discent ultra belligerare.

Lectio libri Michææ prophætæ 4, 1-4

In novíssimo díerum erit mons domus Dómini præparátus in vértice móntium, et sublímis super colles; et fluent ad eum pópuli.

Et properábunt gentes multæ et dicent: « Veníte, ascendámus ad montem Dómini et ad domum Dei Iacob, et docébit nos de viis suis, et íbimus in sémitis eius; quia de Sion egrediétur lex, et verbum Dómini de Ierúsalem.

Et iudicábit inter pópulos multos, et corrípiet gentes fortes usque in longínquum, et concident gládios suos in vómeres et hastas suas in ligónes; non sumet gens advérsus gentem gládium et non discent ultra belligeráre.

Et sedébit vir subtus vitem suam et subtus ficum suam, et non erit qui detérreat, quia os Dómini exercítuum locútum est ». — Verbum Dómini.

Psalmus responsorius

Ps 71, 2. 3-4 ab. 7-8. 12-13. 17 (R.: 7)

R. Florébit in diébus eius iustítia et abundántia pacis.

2 Iúdicet pópulum tuum in iustítia,
et páuperes tuos in iudício. R.

3 Afferant montes pacem pópulo,
et colles iustítiam.

4 Iudicábit páuperes pópuli,
et salvos fáciat filios ínopis. R.

7 Florébit in diébus eius iustítia et abundántia pacis,
donec auferátur luna.

- ⁸ Et dominábitur a mari usque ad mare,
et a Flúmine usque ad términos orbis terrárum. *R.*
- ¹² Quia liberábit ínopem clamántem
et páuperem cui non erat adiútor.
- ¹³ Parcet páuperi et ínopi,
et ánimas páuperum salvas fáciat. *R.*
- ¹⁷ Sit nomen eius benedíctum in sácula,
ante solem permanébit nomen eius.
Et benedicéntur in ipso omnes tribus terræ,
omnes gentes magnificábunt eum. *R.*

3

Dissipabitur arcus belli.

Léctio libri Zacharíæ prophétæ 9, 9-10

Hæc dicit Dóminus: « Exsúlta satis, fília Sion, iúbila, fília Ierúsalem: ecce Rex tuus véniet tibi iustus et salvátor; ipse pauper, et ascéndens super ásinam et super pullum fílium ásinæ.

Et dispérdam quadrígam ex Ephraim et equum de Ierúsalem; et dissipábitur arcus belli, et loquétur pacem géntibus, et potéstas eius a mari usque ad mare, et a flumínibus usque ad fines terræ », — Verbum Dómini.

Psalmus responsorius

Ps 84, 9 ab-10. 11-12. 13-14 (R.: cf. 9)

R. Lóquitur pacem Dóminus ad plebem suam.

- ⁹ Audiam quid loquátur Dóminus Deus,
quóniam loquétur pacem ad plebem suam et sanctos suos.
- ¹⁰ Verúmtamen prope timéntes eum salutáre ipsíus,
ut inhábitet glória in terra nostra. *R.*

- 11 Misericórdia et véritas obviavérunt sibi,
iustítia et pax osculátæ sunt.
- 12 Véritas de terra orta est,
et iustítia de cælo prospéxit. *R.*
- 13 Etenim Dóminus dabit benignitátem,
et terra nostra dabit fructum suum.
- 14 Iustítia ante eum ambulábit,
et ponet in via gressus suos. *R.*

Lectio secunda

1

*Opera carnis sunt inimicitia,
iræ, rixæ, dissensiones.*

Lectio Epístolæ beáti Pauli apóstoli ad Gálatas

5, 17-26

Fratres:

Caro concupiscit advérsus spíritum, spíritus autem advérsus carnem: hæc enim invicem adversántur, ut non quæcúmque vultis illa faciátis. Quod si Spíritu ducímmini, non estis sub Lege.

Manifésta autem sunt ópera carnis, quæ sunt fornicatio, immundítia, luxúria, idolórum sérvitus, venefícia, inimicitia, contentiónes, æmulatiónes, iræ, rixæ, dissensiónes, sectæ, invídiæ, ebrietátes, comessatiónes et his simília. Quæ prædico vobis, sicut prædixi, quóniam qui tália agunt Regnum Dei non consequéntur.

Fructus autem Spíritus est caritas, gáudium, pax, longanimitas, benignitas, bónitas, fides, mansuetúdo, continéntia. Advérsus huiúsmodi non est Lex. Qui autem sunt Christi Iesu, carnem suam crucifixérunt cum vítiis et concupiscéntiis.

Si vivimus Spíritu, Spíritu et ambulémus. Non efficiámur inánis glóriæ cúpidi, ínvicem provocántes, ínvicem invidéntes. — Verbum Dómini.

2

*Omnis amaritudo et ira et indignatio
tollatur a vobis.*

Léctio Epístolæ beáti Pauli apóstoli ad Ephésios

4, 30 — 5, 2

Fratres:

Nolíte contristáre Spíritum Sanctum Dei, in quo signáti estis in diem redemptionis.

Omnis amaritúdo et ira et indignátio et clamor et blasphémia tollátur a vobis cum omni malítia. Estóte autem ínvicem benígni, misericórdes, donántes ínvicem, sicut et Deus in Christo donávit vobis.

Estóte ergo imitatóres Dei, sicut filii caríssimi, et ambuláte in dilectióne, sicut et Christus diléxit nos et trádedit se ipsum pro nobis oblatiónem et hóstiam in odórem suavitátis. — Verbum Dómini.

3

Litigatis et belligeratis.

Léctio Epístolæ beáti Iacóbi apóstoli

4, 1-10

Caríssimi:

Unde bella et unde lites in vobis? Nonne hinc, ex concupiscéntiis vestris, quæ militánt in membris vestris? Concupiscitis et non habétis, occíditis et zelátis et non potéstis adipísci, litigátis et belligerátis. Non habétis, propter quod non postulátis. Pétitis et non accípitis, eo

quod male pétitis, ut in concupiscéntiis vestris insu-
mátis.

Adúlteri, nescítis quia amicítia huius mundi ini-
míca est Dei? Quicúmque ergo volúerit amícus esse
sæculi huius, inimícus Dei constitúitur.

Aut putátis quia inániter Scriptúra dicat: « Ad in-
vidiam concupiscit Spíritus, qui inhábitat in nobis? »

Maiórem autem dat grátiam; propter quod dicit:
« Deus supérbis resístit, humilibus autem dat grátiam ».

Subicímmini ígitur Deo; resístite autem diábolo, et
fúgiet a vobis; appropriáte Deo, et appropinquábit vobis.
Emundáte manus, peccatóres; et purificáte corda, dú-
plices ánimo. Míseri estóte et lugéte et ploráte; risus
vester in luctum convertátur, et gáudium in mærórem.

Humiliámmini in conspéctu Dómini, et exaltábit vos.
Verbum Dómini.

Evangelium

1

Alleluia

Mt 5, 9

℟. Allelúia. ℣. Beáti pacífici,
quóniam filii Dei vocabúntur. ℟. Allelúia.

*Omnis, qui irascitur fratri suo,
reus erit iudicio.*

✠ Léctio sancti Evangélíi secúndum Matthæum

5, 20-24

In illo témpore:

Dixit Iesus discíplis suis: « Dico vobis: Nisi
abundáverit iustítia vestra plus quam scribárum et pha-
risæórum, non intrábitis in Regnum cælórum.

Audístis quia dictum est antíquis: " Non occídes ";
qui autem occiderit, reus erit iudicio.

Ego autem dico vobis: Omnis, qui iráscitur fratri suo, reus erit iudício; qui autem dixerit fratri suo: "Racha", reus erit concílio; qui autem dixerit: "Fá-tue", reus erit gehénnæ ignis.

Si ergo offers munus tuum ad altáre, et ibi recordá-tus fúeris quia frater tuus habet áliquid advérsus te, relínque ibi munus tuum ante altáre, et vade prius, re-conciliáre fratri tuo, et tunc véniens offer munus tuum », Verbum Dómini.

2

Alleluia

Io 13, 34

R. Allelúia. **V.** Mandátum novum do vobis,
dicit Dóminus:
ut diligátis invicem sicut diléxi vos.
R. Allelúia.

Ut diligatis invicem sicut dilexi vos.

✠ Lécio sancti Evangélíi secúndum Ioánnem 15, 9-12

In illo témpore:

Dixit Iesus discípulis suis: « Sicut diléxit me Pa-ter, et ego diléxi vos. Manéte in dilectióne mea. Si præ-cépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis invicem sic-ut diléxi vos ». — Verbum Dómini.

III. IN VARIIS CIRCUMSTANTIIS PUBLICIS

24. Initio anni civilis, cf. I volumen, pp. 1529-1534.

25. PRO HUMANO LABORE SANCTIFICANDO

A

Ant. ad introitum

Gen 1, 1. 27. 31

In principio creávit Deus cælum et terram.

Et creávit Deus hóminem ad imáginem suam.

Vidítque Deus cuncta quæ fécerat, et erant valde bona.

Vel:

Ps 89, 17

Bónitas tua, Dómine, sit super nos,

et opus mánuum nostrárum secúnda nobis.

Collecta

Rerum cónditor Deus,

qui hóminem iussísti labóris offícia sustinére,

da, ut opus quod incípimus

huius vitæ prosit increméntis,

et regno Christi dilatádo tua benignitáte proficiat.

Per Dóminum.

Vel:

Deus, qui humáno labóre imménsum creatiónis opus
iúgiter pérficis atque gubérnas,

exáudi preces pópuli supplicántis, et præsta,

ut omnes hómines digno potiántur labóre,

quo; suam condicióem honestátes,

árctius coniúnti frátribus suis váleant inservíre.

Per Dóminum.

Lectiones ut infra, pp. 1389-1393 .

Super oblata

Deus, qui humánum genus præsentium múnorum

et aliménto végetas et rénovas sacraménto,

tríbe, quæsumus, ut eórum et corpóribus nostris
subsídium non desit et méntibus. Per Christum.

Præfatio V de dominicis per annum, p. 592.

Ant. ad communionem

Col 3, 17

Omne quodcúmque fácitis in verbo aut in ópere,
ómnia in nómine Dómini Iesu Christi,
grátias agéntes Deo et Patri per ipsum.

Post communionem

Unitátis et caritátis mensæ partícipes effécti,
rogámus, Dómine, cleméntiam tuam,
ut, per ópera quæ nobis implénda commisísti,
et vítam sustentémus terrénam,
et regnum tuum ædificémus fidéntes. Per Christum.

B

Aliæ orationes

Collecta

Deus, qui naturálium rerum virtútes
hóminum labóri súbdere voluísti, concéde propítius,
ut, opéribus nostris christiáno spíritu inténti,
sincéram caritátem cum frátribus exercére,
et creatióni divínæ perficiéndæ
sóciám óperam præstáre mereámur. Per Dóminum.

Super oblata

Súscipe, Dómine, múnera supplicántis Ecclésiæ,
et præsta, ut, per humánum quem tibi offérimus labórem,
óperi Christi redemptóris consociári mereámur.
Per Christum.

Post communionem

Gubérna, quæsumus, Dómine, temporálibus adiuméntis
quos dignáris ætérnis recreáre mystériis. Per Christum.

Lectio prima

1

Replete terram et subicite eam.

Lectio libri Génesis

1, 26 — 2, 3

Ait Deus: «Faciámus hóminem ad imáginem et similitúdinem nostram; et præsit pískibus maris et volatílibus cæli, et béstiis universæque terræ, omníque réptili, quod movétur in terra».

Et creávit Deus hóminem ad imáginem suam; ad imáginem Dei creávit illum; másculum et féminam creávit eos.

Benedixítque illis Deus, et ait: «Créscite et multiplicámini et repléte terram et subícite eam, et dominámini pískibus maris et volatílibus cæli et univérssis animántibus, quæ movéntur super terram».

Dixítque Deus: «Ecce dedi vobis omnem herbam afferéntem semen super terram, et univérsa ligna, quæ habent in semetípsis seméntem géneris sui, ut sint vobis in escam et cunctis animántibus terræ, omníque vólucris cæli, et univérssis, quæ movéntur in terra, et in quibus est ánima vivens, ut hábeant ad vescéndum».

Et factum est ita. Vidítque Deus cuncta quæ fécerat, et erant valde bona. Et factum est vespere et mane, dies sextus.

Igitur perfécti sunt cæli et terra, et omnis ornátus eórum. Complevítque Deus die séptimo opus suum, quod fécerat, et requiévít die séptimo ab univérso ópere quod patrárat. Et benedixít diéi séptimo et sanctificávit illum, quia in ipso cessáverat ab omni ópere suo, quod creávit Deus ut fáceret. — Verbum Dómini.

Psalmus responsorius

Ps 89, 2. 3-4. 12-13. 14 et 16 (R.: 17 c)

R. Opus mánuum nostrárum confírma, Dómine.

2 Priúsqvam montes nasceréntur
aut gignerétur terra et orbis,
a sáculo et usque in sáculum tu es Deus. R.

3 Redúcis hóminem in púlverem;
et dixísti: « Revertímini, filii hóinum ».

4 Quóniam mille anni ante óculos tuos
tamquam dies hestérna quæ prætériit,
et custódia in nocte. R.

12 Dinumeráre dies nostros sic doce nos,
ut inducámus cor ad sapiéntiam.

13 Convértere, Dómine, úsquequo?
Et deprecábilis esto super servos tuos. R.

14 Reple nos mane misericórdia tua,
et exultábimus et delectábimur ómnibus diébus nostris.

16 Appáreat servis tuis opus tuum,
et decor tuus fíliis eórum. R.

2

*Posuit Dominus hominem in paradiso,
ut operaretur.*

Léctio libri Génesis

2, 4 b-9. 15

In die quo fecit Dóminus Deus cælum et terram,
et omne virgúltum agri ántequam orirétur in terra, om-
némque herbam regiónis priúsqvam germináret; non
enim plúerat Dóminus Deus super terram, et homo
non erat, qui operarétur terram; sed fons ascendébat
e terra irrigans univérsam superfíciem terræ.

Formávit ígitur Dóminus Deus hóminem de limo

terræ, et inspirávit in fáciem eius spiráculum vitæ, et factus est homo in ánimam vivéntem.

Plantáverat autem Dóminus Deus paradísus voluptátis a princípío, in quo pósuit hómínem quem formáverat. Produxítque Dóminus Deus de humo omne lignum pulchrum visu et ad vescéndum suáve; lignum étiam vitæ in médio paradísi, lignúmque sciéntiæ boni et mali.

Tulit ergo Dóminus Deus hómínem, et pósuit eum in paradíso voluptátis, ut operarétur et custodíret illum. — Verbum Dómini.

Psalmus responsorius Ps 126, 1. 2. (R.: cf. 1)

R. Dóminus ædíficet nobis domum et custódiat civitátem.

Nisi Dóminus ædificáverit domum,
in vanum labórant qui ædíficant eam.

Nisi Dóminus custodíerit civitátem,
frustra vígilat qui custódit eam. R.

Vanum est vobis ante lucem súrgere,
et sero quiéscere, et manducáre panem labóris.
Verúmtamen dabit ipse diléctis suis duplícia. R.

Lectio secunda

Si quis non vult operari, nec manducet

Lectio Epístolæ secúndæ beáti Pauli apóstoli
ad Thessalonicénses 3, 6-12. 16

Præcípimus vobis, fratres, in Nómíne Dómini nostri Iesu Christi, ut subtrahátis vos ab omni fratre ambulánte inordináte, et non secúndum traditióem, quam acceperunt a nobis.

Ipsi enim scitis quemádmódum opórteat imitári nos, quóníam non inordináti fuimus inter vos, neque gratis

panem manducávimus ab áliquo sed in labóre et fatigatióne nocte et die operántes, ne quem vestrum gravarémus. Non quasi non habuérimus potestátem, sed ut nosmetípsos formam darémus vobis ad imitándum nos.

Nam et cum essémus apud vos, hoc præcipiebámus vobis: si quis non vult operári, nec mandúcet. Audívimus enim inter vos quosdam ambuláre inordináte, nihil operántes, sed curióse ágéntes.

His autem, qui eiúsmodi sunt, præcípimus et obsecrámus in Dómino Iesu Christo, ut cum quiéte operántes suum panem mandúcent.

Ipse autem Dóminus pacis det vobis pacem sempitérnam in omni modo. Dóminus cum ómnibus vobis. — Verbum Dómini.

Evangelium

1

Alleluia

Ps 67, 20

℞. Allelúia. ∿. Benedíctus Dóminus die cotídie;
portábit nos Deus salutárium nostrórum.
℞. Allelúia.

Nolite esse solliciti in crastinum.

✠ Lécio sancti Evangélíi secúndum Mattháum

6, 31-34

In illo témpore:

Dixit Iesus discípulis suis: «Nolíte sollíciti esse, dicéntes: “ Quid manducábimus? aut: Quid bibémus? aut: Quo operiémur? ” Hæc enim ómnia gentes inquirunt; scit enim Pater vester cæléstis quia his ómnibus indigétis.

Quærite autem primum Regnum Dei et iustítiam eius, et hæc ómnia adiciéntur vobis.

Nolíte ergo esse solliciti in crástinum; crástinus enim dies sollicitus erit sibi ipse; súfficit diéi malítia sua ». — Verbum Dómini.

2

Alleluia

Mt 11, 28

℞. Allelúia. ⁊. Veníte ad me,
omnes qui laborátis et oneráti estis,
et ego refíciam vos, dicit Dóminus.
℞. Allelúia.

*Super pauca fuisti fidelis,
intra in gaudium domini tui.*

✠ Lécio sancti Evangélíi secúndum Matthæum

25, 14-30

In illo témpore:

Dixit Iesus discípulis suis parábolam hanc: « Homo péregre proficiscens vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuíque secúndum própriam virtútem, et proféctus est.

Statim abiit qui quinque talénta accéperat, et operátus est in eis, et lucrátus est ália quinque; similiter qui duo accéperat, lucrátus est ália duo; qui autem unum accéperat, ábiens fodit in terra, et abscondit pecúniam dómini sui.

Post multum vero témporis, venit dóminus servórum illórum et ponit ratióem cum eis.

Et accédens qui quinque talénta accéperat, óbtulit ália quinque talénta, dicens: « Dómine, quinque talénta tradidísti mihi: ecce ália quinque superlucrátus sum ».

Ait illi dñus eius: « Euge, serve bone et fidēlis, super pauca fuisti fidēlis, supra multa te constituam: intra in gāudium dñi tui ».

Accēssit autem et qui duo talēta accēperat et ait: « Dñe, duo talēta tradidisti mihi: ecce alia duo lucrātus sum ».

Ait illi dñus eius: « Euge, serve bone et fidēlis, super pauca fuisti fidēlis, supra multa te constituam: intra in gāudium dñi tui ».

Accēdens autem et qui unū talētum accēperat ait: « Dñe, novi te quia homo durus es: metis ubi non seminasti, et cōgregas ubi non sparsisti; et timens abii, et abscondi talētum tuum in terra: ecce habes quod tuum est ».

Respōdens autem dñus eius dixit ei: « Serve male et piger, sciēbas quia meto ubi non seminavi, et cōgrego ubi non sparsi; opōrtuit ergo te mittere pecūniam meam nummulariis, et vēniens ego recepissem quod meum est cum usura.

Tollite itaque ab eo talētum, et date ei qui habet decem talēta; omni enim habenti dābitur, et abundabit; ei autem qui non habet, et quod habet auferetur ab eo.

Et inútilem servum eícite in ténebras exteriōres: illic erit fletus et stridor dēntium ». — Verbum Dñi.

26. IN CONSERENDIS AGRIS

A

Ant. ad introitum

Ps 89, 17

Bónitas tua, Dñe, sit super nos,
et opus mánuum nostrárum secúnda nobis.

Collecta

Deus, quo iuvánte,
sémina terræ mandámus, tua multiplicánda virtúte,
concéde, ut, quæ nostris scimus deesse labóribus,
per te, qui das solus increméntum, suppleántur abúnde.
Per Dóminum.

Lectiones ut infra, pp. 1396-1399.

Super oblata

Deus, qui verus es corporálium auctor frúctuum
et spiritalium summus agrícóla,
da, quæsumus, labórum proféctus nostrórum,
ut fructus terræ abundánte capiamus,
et, quæ ab una providéntia sumunt princípium,
ad tuam glóriam semper cooperéntur. Per Christum.

Præfatio V de dominicis per annum, p. 592.

Ant. ad communionem

Ps 84, 13

Dóminus dabit benignitátem,
et terra nostra dabit fructum suum.

Post communionem

Qui tuis nos, Dómine, réficis sacraméntis,
mánuum nostrárum adésto labóribus,
ut, qui in te vívimus, movémur et sumus,
terræ semínibus benedictióne concéssa
de segétibus multiplicátis nutriámur. Per Christum.

B**Aliæ orationes****Collecta**

Benedictiónem tuam, Dómine Deus,
super pópulum tuum propitiátus infúnde,

quátenus, dante te benignitátem,
terra nostra próferat fructus suos,
quibus ad honórem sancti tui nóminis
grata semper mente fruámur.
Per Dóminum.

Super oblata

Nostris, Dómine, adésto munéribus,
ut, qui de granis fruménti
deférimus tibi panem in tui Corpus Fílii transmutándum,
sémini terræ committéndo
per te concéssa benedictióne lætémur.
Per Christum.

Post communionem

Concéde fidélibus tuis, omnípotens Deus,
cóngruam terræ frúctuum largitátem,
quibus temporáliter enutríti,
spirítalibus quoque proficiant increméntis,
ut, quorum in hoc sacraménto pignus accepérunt,
bona consequántur æténa. Per Christum.

Lectio prima

*Protulit terra herbam virentem et facientem semen
iuxta genus suum.*

Léctio libri Génesis

1, 11-12

Ait Deus: « Gérminet terra herbam viréntem et
faciéntem semen, et lignum pomíferum fáciens fructum
iuxta genus suum, cuius semen in semetípso sit super
terram ». Et factum est ita.

Et prótulit terra herbam viréntem et faciéntem
semen iuxta genus suum, lignúmque fáciens fructum,

et habens unumquódque seméntem, secúndum spéciem suam. Et vidit Deus quod esset bonum.

Verbum Dómini.

Psalmus responsorius

Ps 103, 1-2 a. 14-15. 24 27-28 (R.: 24 c)

R. Impléta est terra creatúra tua, Dómine.

1 Bénedic, ánima mea, Dómino:
Dómine Deus meus, magnificátus es veheménter.
2 Confessióem et decórem induísti,
amíctus lúmine sicut vestiménto. **R.**

14 Prodúcis fenum iuméntis,
et herbam serviéntibus hómini.
Edúcens panem de terra,
15 et vinum quod lætíficat cor hóminis.
Exhílarans fáciem in óleo,
panis autem cor hóminis confírmatur. **R.**

24 Quam multiplicáta sunt ópera tua, Dómine:
ómnia in sapiéntia fecísti,
impléta est terra creatúra tua. **R.**

27 Omnia a te expéctant
ut des illis escam in témpore suo.

28 Dante te illis, cólligent,
aperiénte te manum tuam, implebúntur bonis. **R.**

Lectio secunda

Deus panem ad manducandum præstabit.

Léctio Epístolæ secúndæ beáti Pauli apóstoli
ad Corínthios

9, 8-11

Fratres:

Potens est Deus omnem grátiam abundáre fácere in

vobis, ut, in ómnibus semper omnem sufficiéntiam habéntes, abundétis in omne opus bonum, sicut scriptum est: « Dispérsit, dedit paupéribus, iustítia eius manet in ætérnum ».

Qui autem adminístrat semen seminánti, et panem ad manducándum præstábit et multiplicábit semen vestrum et augébit increménta frugum iustítiae vestrae. In ómnibus locupletáti in omnem simplicitátem; quæ operátur per nos gratiárum actiónem Deo.

Verbum Dómini.

Evangelium

1

Alleluia

Ps 125, 5

℞. Allelúia. ⁊. Qui sémant in lácrimis
in exsultatióne metent. ℞. Allelúia.

Exiit qui seminat seminare.

✠ Lécio sancti Evangélíi secúndum Matthæum

13, 1-9

In illo die, éxiens Iesus de domo sedébat secus mare. Et congregátæ sunt ad eum turbæ multæ, ita ut in navículam ascéndens sedéret, et omnis turba stabat in lítore.

Et locútus est eis multa in parábolis, dicens: « Ecce éxiit qui séminat seminare. Et dum séminat, quædam cecidérunt secus viam, et venérunt vólucres et comedérunt ea. Alia autem cecidérunt in petrósa, ubi non habébant terram multam, et contínuo exórta sunt, quia non habébant altitúdinem terræ; sole autem orto, æstuvérunt et, quia non habébant radícem, aruérunt. Alia autem cecidérunt in spinas, et crevérunt spinæ et sufocavérunt ea.

Alia vero ceciderunt in terram bonam, et dabant fructum: aliud centésimum, aliud sexagésimum, aliud trigésimum.

Qui habet aures áudiat ». — Verbum Dómini.

2

Alleluia

2 Cor 9, 6

℞. Allelúia. ∞. Qui parce séminat, parce et metet;
et qui séminat in benedictiónibus,
de benedictiónibus et metet. ℞. Allelúia.

*Homo iacit sementem et dormit, et semen increscit,
dum nescit ille.*

✠ Lécio sancti Evangélíi secúndum Marcum 4, 26-29

In illo témpore:

Dicébat Iesus turbis: « Sic est Regnum Dei, quemádmódum si homo iáciat seméntem in terram et dórmiat et exsúrgat nocte ac die, et semen gérmínet et incrésceat, dum nescit ille. Ultro terra fructíficat: primum herbam, deínde spicam, deínde plenum fruméntum in spica.

Et, cum se prodúxerit fructus, statim “ mittit falcem, quóniam adest messis ” ». — Verbum Dómini.

27. POST COLLECTOS FRUCTUS TERRÆ

Ant. ad introitum

Ps 66, 7-8

Terra dedit fructum suum:
benedícat nos Deus, Deus noster.

Collecta

Dómine, Pater bone,
qui terram hómini próvidus tradidísti,

concéde, ut frúctibus ex ea colléctis
vitam sustentáre possímus,
iisdémque ita semper utámur,
ut laudi tuæ et ómnium utilitatí,
te opitulánte, proficiant. Per Dóminum.

Vel:

Grátias tibi reférimus, Dómine,
pro frúctibus, quos in salútem hóminum terra prodúxit.
quátenus, sicut illos
summæ tuæ temperaméntum providéntiæ comparávit,
ita de terra cordis nostri
germen iustítiæ et fructus caritátis fácias exoríri.
Per Dóminum.

Lectiones ut infra, pp. 1401-1405.

Super oblata

Sanctífica, Dómine, múnera,
quæ tibi de terra fructificánte
cum gratiárum actióne deférimus,
et, qui nobis terrenárum frugum tríbuis ubertátem,
fac mentes nostras cælésti fertilitáte fecúndas.
Per Christum.

Præfatio V de dominicis per annum, p. 592.

Ant. ad communionem

Ps 103, 13. 14. 15

De fructu óperum tuórum, Dómine, satiábitur terra,
ut edúcas panem de terra, et vinum lætíficet cor hóminis.

Post communionem

Da, quæsumus, Dómine, ut de percéptis terræ frúctibus
hoc salutári mystério tibi grátias exhibéntes,
eódem operánte in nobis,
bona potióra cónsequi mereámur. Per Christum.

Lectio prima

1

*Recorderis Domini Dei tui,
quod ipse vires tibi præbuerit.*

Lectio libri Deuteronomii

8, 7-18

In diébus illis:

Locútus est Móyses pópulo, dicens: « Dóminus Deus tuus introducet te in terram bonam, terram rivórum aquarúmque et fóntium, in cuius campis et món-tibus erúmpunt fluviórum abyssi, terram fruménti, hór-dei, ac vineárum, in qua ficus et malogranáta et olivéta nascúntur, terram olei ac mellis, ubi absque ulla penúria cómedes panem tuum et rerum ómnium abundántia perfruéris; cuius lápidés ferrum sunt et de món-tibus eius æris metálla fodiúntur; ut, cum coméderis et satiátus fúeris, benedícas Dómino Deo tuo pro terra óptima, quam dedit tibi.

Obsérva et cave nequándo obliviscáris Dómini Dei tui et néglegas mandáta eius atque iudícia et cæremónias, quas ego præcípíó tibi hódie.

Ne, postquam coméderis et satiátus fúeris, domos pulchras ædificáveris et habitáveris in eis, habuerísque arménta boum et óvium greges, argénti et auri cunctarúmque rerum cópiam, elevétur cor tuum, et non reminiscáris Dómini Dei tui, qui edúxit te de terra Ægýpti, de domo servitútis, et ductor tuus fuit in solitúdine magna atque terríbili, in qua erat serpens flatu adúrens et scórpíó ac dipsas, et nullæ omníno aquæ, qui edúxit rivos de petra duríssima et cibávit te manna in solitúdine, quod nesciérunt patres tui.

Et postquam afflíxit ac probávit, ad extrémum mísertus est tui, ne díceres in corde tuo: " Fortitúdo mea

et robur manus meæ hæc mihi ómnia præstitérunt ”; sed recordéris Dómini Dei tui, quod ipse vires tibi præbúerit, ut impléret pactum suum, super quo iurávit pátribus tuis, sicut præsens índicat dies ».

Verbum Dómini.

Psalmus responsorius

Ps 66, 2-3. 5. 7-8 (R.: 7)

- R. Terra dedit fructum suum;
benedícat nos Deus, Deus noster.
- 2 Deus misereátur nostri et benedícat nobis,
illúminet vultum suum super nos.
- 3 Ut cognoscátur in terra via tua,
in ómnibus géntibus salutáre tuum. R.
- 5 Læténtur et exsúltent gentes,
quóniam iúdicas pópulos in æquitáte,
et gentes in terra dírigis. R.
- 7 Terra dedit fructum suum;
benedícat nos Deus, Deus noster;
- 8 benedícat nos Deus,
et métuant eum omnes fines terræ. R.

2

Implebuntur aræ frumento.

Léctio libri Ioélis prophétæ

2, 21-24. 26-27

Noli timére, terra; exsúlta et lætáre, quóniam magnificávit Dóminus ut fáceret. Nolíte timére, animália regiónis, quia germinavérunt speciósa desérti, quia lignum áttulit fructum suum, ficus et vínea dedérunt virtútem suam.

Et, filii Sion, exsultáte et lætámini in Dómino Deo vestro, quia dedit vobis doctórem iustítiæ, et descéndere

fáciat ad vos imbrem matutínium et serótinum, sicut in princípíio.

Et implebúntur áreæ fruménto, et redundábunt torculária vino et óleo. Et comedétis vescéntes et saturabímíni; et laudábítis nomen Dómini Dei vestri, qui fecit mirabília vobíscum, et non confundétur pópulus meus in sempitérnum.

Et sciétis quíia in médio Israel ego sum, et ego Dóminus Deus vester, et non est ámplius; et non confundétur pópulus meus in ætérnum. — Verbum Dómini.

Psalmus responsorius Ps 66, 2-3. 5. 7-8 (R.: 4)

R. Confiteántur tibi pópuli, Deus,
confiteántur tibi pópuli omnes.

2 Deus misereátur nostri et benedícat nobis,
illúminet vultum suum super nos.

3 Ut cognoscátur in terra via tua,
in ómnibus géntibus salutáre tuum. R.

5 Læténtur et exsúltent gentes,
quóniam iúdicas pópulos in æquitáte,
et gentes in terra dírigis. R.

7 Terra dedit fructum suum;
benedícat nos Deus, Deus noster;
8 benedícat nos Deus,
et métuant eum omnes fines terræ. R.

Lectio secunda

Divitibus præcipe non sperare in incerto divitiarum.

Léctio Epístolæ primæ beáti Pauli apóstoli
ad Timótheum

6, 6-11. 17-19

Caríssime:

Est quæstus magnus píetas cum sufficiéntia; nihil

enim intúlimus in mundum, quia nec auférre quid pòsumus; habéntes autem aliménta et quibus tegámur, his conténti érimus.

Nam qui volunt dívites fieri incidunt in tentatióem et láqueum et desidéria multa stulta et nocíva, quæ mergunt hómines in intéritum et perditionem. Radix enim ómnium malórum est cupiditas; quam quidam appeténtes erravérunt a fide, et inseruérunt se dolóribus multis.

Tu autem, o homo Dei, hæc fuge; sectáre vero iustítiam, pietátem, fidem, caritátem, patiéntiam, mansuetúdinem.

Divítibus huius sáculi præcipe non superbe sápere neque speráre in incérto divitiárum, sed in Deo qui præstat nobis ómnia abúnde ad fruéndum: bene ágere, dívites fieri in opéribus bonis, fácite tribúere, communicáre, thesaurizáre sibi fundaméntum bonum in futurum, ut apprehéndant veram vitam.

Verbum Dómini.

Evangelium

1

Alleluia

Ps 125, 5

℟. Allelúia. ℣. Qui sémant in lácrimis
in exsultatióne metent. ℟. Allelúia.

*Si cui res abundant, vita eius non est
ex his quæ possidet.*

✠ Léc-tio sancti Evangé-lii secúndum Lucam 12, 15-21

In illo témpore:

Dixit Iesus ad turbam: « Vidéte et cavéte ab omni avarítia; quia si cui res abúndant, vita eius non est ex his quæ pòssidet ».

Dixit autem similitudinem ad illos dicens: « Hominis cuiusdam divitis uberes fructus ager attulit, et cogitabat intra se dicens: " Quid faciam, quod non habeo quo congregem fructus meos? "

Et dixit: " Hoc faciam: destruiam horrea mea et maiora ædificabo, et illuc congregabo omne triticum et bona mea ". Et dicam animæ meæ: " Anima, habes multa bona posita in annos plurimos: requiesce, comede, bibe, epulare ".

Dixit autem illi Deus: " Stulte, hac nocte animam tuam repetunt a te; quæ autem parasti, cuius erunt? "

Sic est qui sibi thesaurizat, et non fit in Deum dives ». — Verbum Domini.

2

Alleluia

Cf. Ps 64, 14

℞. Allelúia. ⁊. Coronasti annum benignitate tua, Deus:
valles abundabunt frumento;
clamabunt, etenim hymnum dicent.

℞. Allelúia.

*Cecidit in faciem ante pedes eius
gratias agens ei.*

✠ Lektio sancti Evangelii secundum Lucam 17, 11-19

In illo tempore:

Factum est, dum iret Iesus in Ierusalem, et ipse transibat per mediam Samariam et Galileam.

Et, cum ingrederetur quoddam castellum, occurrerunt ei decem viri leprosi, qui steterunt a longe, et levaverunt vocem, dicentes: « Iesu præceptor, miserere nostri ».

Quos ut vidit, dixit: « Ite, ostendite vos sacerdotibus ». Et factum est, dum irent, mundati sunt.

Unus autem ex illis, ut vidit quia sanátus est, regréssus est cum magna voce, magníficans Deum, et cécidit in fáciem ante pedes eius grátias agens ei. Et hic erat Samaritánus.

· Respóndens autem Iesus dixit: « Nonne decem mundáti sunt? et novem ubi sunt? Non sunt invénti qui redírent ut darent glóriam Deo, nisi hic alienígena? »

Et ait illi: « Surge, vade, quia fides tua te salvum fecit ». — Verbum Dómini.

Sumi possunt etiam lectiones de Missa Pro grátiis Deo reddendis, ut infra pp. 1456-1469.

28. TEMPORE FAMIS VEL PRO FAME LABORANTIBUS

A

Ant. ad introitum

Ps 73, 20. 19

Réspice, Dómine, in testaméntum tuum,
et ánimas páuperum tuórum ne obliviscáris in finem.

Collecta

Deus, qui bonus et omnípotens
óm nibus próvides creatúris,
efficácem da nobis dilectiónem
erga fratres cibórum inópiam patiéntes,
ut, fame depúl sa,
líbero ac secúro corde tibi váleant deservíre.
Per Dóminum.

Lectiones ut infra, pp. 1408-1419.

Super oblata

Réspice, Dómine, oblatiónem,
quam tibi de tuis datis óptimis exhibémus,

ut, quæ divínæ abundántiam vitæ
et unitátem in caritaté significat,
ad æquam nos partitióem
mutuúmque impéllat fraternitátis offícium.
Per Christum.

Ant. ad communionem **Mt 11, 28**

Veníte ad me, omnes qui laborátis et oneráti estis,
et ego reficiam vos, dicit Dóminus.

Post communionem

Deus, Pater omnípotens,
súpplices te rogámus,
ut panis vivus, qui de cælo descéndit,
ad fratres ínopos nos róboret sublevándos.
Per Christum.

B

Aliæ orationes, ab ipsis esurientibus dicendæ

Collecta

Deus, qui mortem non fecísti,
et escam præbes omni carni,
tuórum famem famulórum miserátus expélle,
ut lætius corda nostra et expeditius
tibi váleant deservíre.
Per Dóminum.

Super oblata

Tibi, Dómine, de nostra egestáte
hæc múnera libénter offérimus,
a tua benignitáte suppliciter exorántes,
ut tuæ sint nobis largitióis primítiæ salutáris.
Per Christum.

Post communionem

Qui cibum cæléstem, Dómine,
a tua largitáte suscepimus, quæsumus,
ut spem nobis et robur sic cónferat ad labórem,
ut effícaciter nostris fratrúmque necessitatibus
subveníre possimus. Per Christum.

Lectio prima

1

*Advenam et pupillum et viduam
auferre manipulum relictum patieris.*

Léctio libri Deuteronomii

24, 17-22

In diébus illis:

Locútus est Móyses pópulo, dicens: « Non pervértes iudícium ádvenæ et pupílli, nec áuferes pígno-
ris loco víduæ vestiméntum. Meménto quod servíeris in
Ægýpto, et erúerit te Dóminus Deus tuus inde; idcirco
præcípío tibi ut fácias hanc rem.

Quando messúeris ségetem in agro tuo et oblítus
manípulum relíqueris, non revertéris ut tollas illum;
sed ádvenam et pupíllum et víduam auferre patiéris, ut
benedícat tibi Dóminus Deus tuus in omni ópere má-
nuum tuárum.

Si fruges collégeris olivárum, quidquid remáns-
erit in arbóribus non revertéris ut cólligas; sed relínques
ádvenæ, pupíлло ac víduæ. Si vindemiáveris véneam
tuam, non cólliges remanéntes racémos, sed cedent in
usus ádvenæ, pupílli ac víduæ.

Meménto quod et tu servíeris in Ægýpto, et idcirco
præcípío tibi ut fácias hanc rem ». — Verbum Dómini.

Psalmus responsorius

Ps 21, 23-24. 26-27. 28 et 31-32 (R.: 27 a)

R. Edent páuperes, et saturabúntur.

23 Narrábo nomen tuum frátribus meis,
in médio ecclésiæ laudábo te.

24 Qui timétis Dóminum, laudáte eum,
univérsum semen Iacob, glorificáte eum.
Métuat eum omne semen Israel. **R.**

26 Apud te laus mea in ecclésia magna;
vota mea reddam in conspéctu timéntium eum.

27 Edent páuperes, et saturabúntur,
et laudábunt Dóminum qui requírunst eum:
« Vivant corda eórum in sáculum sáculi ». **R.**

28 Reminiscéntur et converténtur ad Dóminum
univérsti fines terræ,
et adorábunt in conspéctu eius
univérsæ famíliæ géntium.

31 Et semen meum sérviet ipsi.
Narrábitur de Dómino generatióni ventúræ,
32 et annuntiábunt iustítiam eius
pópulo qui nascétur: « Hæc fecit Dóminus ». **R.**

2

*Si comedi buccellam meam solus,
et non comedit pupillus ex ea.*

Léctio libri Iob

31, 16-20. 24-25. 31-32

Si negávi, quod volébant, paupéribus, et óculos ví-
duæ exspectáre feci, si comédi buccéllam meam solus,
et non comédit pupillus ex ea (quia ab infántia mea
crevit mecum miserátio et de útero matris meæ egrés-
sa est mecum).

Si despéxi pereúntem, eo quod non habúerit indu-

méntum, et absque operiménto páuperem; si non benedixerunt mihi látera eius, et de velléribus óvium meárum calefáctus est.

Si putávi aurum robur meum, et obrízo dixi: « Fidéncia mea »; si lætátus sum super multis divítiis meis, et quia plúrima répperit manus mea.

Si non dixerunt viri tabernáculi mei: « Quis det de cárnibus eius, ut saturémur? » Foris non mansit peregrínus; óstium meum viatóri pátuít. — Verbum Dómini.

Psalmus responsorius

Ps 111, 1-2. 3-4. 5-7 a. 7 bc-8. 9 (R.: cf. 1 a. 9 a)

R. Beátus vir qui donat paupéribus.

vel Allelúia.

- 1 Beátus vir qui timet Dóminum,
in mandátis eius cupit nimis.
 - 2 Potens in terra erit semen eius,
generátio rectórum benedicétur. R.
 - 3 Glória et divítiæ in domo eius,
et iustítia eius manet in sáculum sáculi.
 - 4 Exórtum est in ténebris lumen rectis,
miséricors et miserátor et iustus. R.
 - 5 Lucúndus homo qui miserétur et cómmodat,
dispónet res suas in iudício,
 - 6 quia in ætérnum non commovébitur.
 - 7 In memória æténa erit iustus. R.
- Ab auditióne mala non timébit.
Parátum cor eius, sperans in Dómino,
confirmátum est cor eius, non timébit,
donec despíciat inimícos suos. R.
- 9 Distribuit, dedit paupéribus;
iustítia eius manet in sáculum sáculi,
cornu eius exaltábitur in glória. R.

3

Frangere esurienti panem tuum.

Lectio libri Isaíæ prophétæ

58, 6-11

Hæc dicit Dóminus: « Dissólve colligatiónes impietátis, solve fascículos deprimentes, dimítte eos qui confrácti sunt líberos et omne onus dirúmpe.

Frangere esuriénti panem tuum, et egénos vagósque induc in domum tuam; cum víderis nudum, óperi eum, et carnem tuam ne despéxeris.

Tunc erúmpet quasi mane lumen tuum, et sánitas tua cítiús oriétur, et antéíbit fáciem tuam iustítia tua, et glória Dómini cólliget te; tunc invocábis, et Dóminus exáudiet; clamábis, et dicet: " Ecce adsum ". Si abstúleris de médio tui caténam, et desíeris exténdere dígitum et loqui quod non prodest; cum effúderis esuriénti ánimam tuam et ánimam afflíctam repléveris, oriétur in ténebris lux tua et ténebræ tuæ erunt sicut merídies.

Et réquiem tibi dabit Dóminus semper, et implébit splendóribus ánimam tuam, et ossa tua liberábit; et eris quasi hortus irriguus et sicut fons aquárum, cuius non defícient aquæ ». — Verbum Dómini.

Psalmus responsorius

Ps 111, 1-2. 3-4. 5-7 a. 7 bc-8. 9 (R.: cf. 1 a. 9 a)

R. Beátus vir qui donat paupéribus.

vel Allelúia.

Beátus vir qui timet Dóminum,
in mandátis eius cupit nimis.

Potens in terra erit semen eius,
generátio rectórum benedicétur. R.

- 3 Glória et divítiæ in domo eius,
et iustítia eius manet in sáculum sáculi.
- 4 Exórtum est in ténebris lumen rectis,
miséricors et miserátor et iustus. *R.*
- 5 Iucúndus homo qui miserétur et cómodat,
dispónet res suas in iudício,
6 quía in ætérnum non commovébitur.
- 7 In memória æténa erit iustus. *R.*
- Ab auditióne mala non timébit.
Parátum cor eius, sperans in Dómino,
8 confirmátum est cor eius, non timébit,
donec despíciat inimícos suos. *R.*
- 9 Distribuit, dedit paupéribus;
iustítia eius manet in sáculum sáculi,
cornu eius exaltábitur in glória. *R.*

4

*Discipuli, prout quis habebat,
proposuerunt singuli eorum in ministerium
mittere habitantibus in Iudæa fratribus.*

Léctio Actuum Apostolorum

11, 27-30

In his diébus supervenérunt ab Hierosólymis prophétæ Antiochiám; et surgens unus ex eis nómine Agabus, significávit per Spíritum famem magnam futúram in univérso orbe terrárum, quæ facta est sub Cláudio.

Discípuli autem, prout quis habébat, proposuérunt singuli eórum in ministérium mittere habitántibus in Iudæa fratribus. Quod et fecérunt, mitténtes ad presbýteros per manum Bárnabæ et Sauli. — Verbum Dómini.

Psalmus responsorius

Ps 106, 2-3. 4-5. 6-7. 8-9 (R.: 1)

R. Confitémini Dómino,
quóniam in sáculum misericórdia eius.
vel Allelúia.

2 Dicant qui redépti sunt a Dómino,
3 quos redémit de manu adversárii,
et de regiónibus congregávit eos,
a solis ortu et occásu,
ab aquilóne et mari. R.

4 Erravérunt in solitúdine, in inaquóso,
viam civitátis habitatiónis non invenérunt.
5 Esuriéntes et sitiéntes,
ánima eórum in ipsis defécit. R.

6 Et clamavérunt ad Dóminum, cum tribularéntur,
et de necessitatibus eórum erípuit eos.
7 Et dedúxit eos in viam rectam,
ut irent in civitátem habitatiónis. R.

8 Confiteántur Dómino propter misericórdiam eius
et mirábilia eius in filios hóminum;
9 quia satiávit ánimam sitiéntem,
et ánimam esuriéntem replévit bonis. R.

Lectio secunda

1

Vestra abundantia illorum inopiam suppleat.

Léctio Epístolæ secúndæ beáti Pauli apóstoli
ad Corínthios 8, 1-5. 9-15

Notam fácimus vobis, fratres, grátiam Dei, quæ
data est in Ecclésiis Macedóniæ, quod in multo expe-

riménto tribulatiónis abundántia gáudii ipsórum, et altíssima paupértas eórum abundávit in divítias simplicitátis eórum; quia secúndum virtútem testimónium reddo, et supra virtútem voluntárii fuérunt, cum multa exhortatióne obsecrántes nos grátiam et communicatiónem ministérii, quod fit in sanctos. Et non sicut sperávimus, sed semetípsos dedérunt primum Dómino, deínde nobis per voluntátem Dei.

Scitis enim grátiam Dómini nostri Iesu Christi, quóniam propter vos egénus factus est, cum esset dives; ut illíus inópia vos dívites essétis. Et consílium in hoc do; hoc enim vobis útile est, qui non solum fácere, sed et velle cœpístis ab anno prióre; nunc vero et facto perfícite, ut, quemádmódum promptus est ánimus velle, ita sit et perfícere ex eo quod habétis.

Si enim volúntas prompta est, secúndum id quod habet, accépta est; non secúndum quod non habet; non enim ut aliis sit remissio, vobis autem tribulátio; sed ex æqualitáte.

In præsénti témpore vestra abundántia illórum inópiam súppleat, ut et illórum abundántia vestram inópiam súppleat, ut fiat æquálitas, sicut scriptum est: « Qui multum non abundávit, et qui módicum non minorávit ». — Verbum Dómini.

2

*Unusquisque prout destinavit corde suo,
non ex tristitia aut ex necessitate.*

Léctio Epístolæ secúndæ beáti Pauli apóstoli
ad Corínthios

9, 6-15

Fratres:

Qui parce séminat, parce et metet; et qui séminat

in benedictionibus, in benedictionibus et metet. Unusquisque prout destinavit corde suo, non ex tristitia aut ex necessitate; hilarem enim datorem diligit Deus.

Potens est autem Deus omnem gratiam abundare facere in vobis, ut, in omnibus semper omnem sufficientiam habentes, abundetis in omne opus bonum, sicut scriptum est: « Dispérsit, dedit pauperibus, iustitia eius manet in ætérnum ».

Qui autem administrat semen seminanti, et panem ad manducandum præstabit et multiplicabit semen vestrum et augébit incrementa frugum iustitiæ vestræ; ut in omnibus locupletati in omnem simplicitatem, quæ operatur per nos gratiarum actionem Deo.

Quóniam ministérium huius officii non solum supplet ea quæ desunt sanctis, sed étiam abundat per multas gratiarum actiones Deo, per probationem ministérii huius glorificantes Deum in obœdiéntia confessiónis vestræ in Evangélium Christi, et simplicitate communionis in illos et in omnes, et ipsórum obsecratione pro vobis, desiderántium vos propter eminentem gratiam Dei in vobis. Grátias Deo super inenarrábili dono eius. — Verbum Dómini.

Evangelium

1

Alleluia

Mt 25, 34

℞. Allelúia. ⁊. Veníte, benedícti Patris mei,
dicit Dóminus;
possidéte parátum vobis Regnum
a constitutióne mundi. ℞. Allelúia.

Esurivi, et dedistis mihi manducare.

✠ Lécio sancti Evangélíi secúndum Matthæum

25, 31-46

In illo témpore:

Dixit Iesus discipulis suis: « Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ, et congregabúntur ante eum omnes gentes, et separábit eos ab ívicem, sicut pastor ségregat oves ab hædis: et státuet oves quídem a dextris suis, hædos autem a sinístris.

Tunc dicet Rex his qui a dextris eius erunt: “ Vénite, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infírmus, et visitástis me; in cárcere eram, et venístis ad me ”.

Tunc respondébunt ei iusti dicéntes: “ Dómine, quando te vídimus esuriéntem et pávimus, aut sitiéntem et dédimus tibi potum? quando autem te vídimus hóspitem et collégimus, aut nudum et cooperúimus? quando autem te vídimus infírmum aut in cárcere et vénimus ad te? ”

Et respóndens Rex dicet illis: “ Amen dico vobis, quámdiu fecístis uni de his frátribus meis mínimis, mihi fecístis ”.

Tunc dicet et his qui a sinístris erunt: “ Discédite a me, maledícti, in ignem ætérnum, qui præparátus est diábolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infírmus et in cárcere, et non visitástis me ”.

Tunc respondébunt et ipsi dicéntes: “ Dómine,

quando te vídimus esuriéntem aut sitiéntem aut hóspitem aut nudum aut infírmum vel in cárcere, et non ministrávimus tibi? »

Tunc respondébit illis dicens: « Amen dico vobis, quámdiu non fecístis uni de mínimis his, nec mihi fecístis ».

Et ibunt hi in supplicium ætérnum, iusti autem in vitam ætérnam ». — Verbum Dómini.

2

Alleluia

2 Cor 8, 9

R. Allelúia. V. Iesus Christus egénus factus est,
cum esset dives,
ut illíus inópia vos dívites essétis.

R. Allelúia.

Date illis vos manducare.

✠ Lécio sancti Evangélii secúndum Marcum 6, 34-44

In illo témpore:

Vidit multam turbam Iesus, et misértus est super eos, quia erant « sicut oves non habéntes pastórem », et cœpit docére illos multa.

Et, cum iam hora multa facta esset, accessérunt discípuli eius dicéntes: « Desértus est locus hic, et hora iam est multa; dimítte illos, ut, eúntes in villas et vi-
cos in circúitu, emant sibi quod mandúcent ».

Respóndens autem ait illis: « Date illis vos manducáre ».

Et dicunt ei: « Eúntes emámus denáriis ducéntis panes, et dábitus eis manducáre ».

Et dicit eis: « Quot panes habétis? Ite, vidéte ».

Et, cum cognovíssent, dicunt: « Quinque, et duos pisces ».

Et præcepit illis ut accumbere facerent omnes secundum contubernia super viride fenum. Et discubuerunt secundum áreas per centenos et per quinquagenos.

Et, acceptis quinque panibus et duobus piscibus, intuens in cælum benedixit et fregit panes, et dabat discipulis suis, ut ponerent ante eos, et duos pisces divisit omnibus.

Et manducaverunt omnes et saturati sunt. Et sustulerunt fragmenta duodecim cophinos plenos, et de piscibus. Et erant qui manducaverunt panes quinque milia virorum. — Verbum Domini.

3

Alleluia

2 Cor 8, 9

R. Alleluia. V. Iesus Christus egénus factus est,
cum esset dives,
ut illius inopia vos divites essetis.
R. Alleluia.

Cum facis convivium, voca pauperes

✠ Lécio sancti Evangélii secundum Lucam

14, 12-14

In illo tempore:

Dicébat Iesus príncipi pharisæorum qui se invitaverat: « Cum facis prándium aut cenam, noli vocare amicos tuos neque fratres tuos neque cognátos neque vicinos divites, ne forte et ipsi te reinvitent, et fiat tibi retribútio.

Sed, cum facis convivium, voca páuperes, débiles, claudos, cæcos. Et beátus eris, quia non habent retribuere tibi; retribuétur enim tibi in resurrectione iustorum ». — Verbum Domini.

Alleluia

Mt 25, 34

℟. Allelúia. ⅴ. Veníte, benedícti Patris mei,
dicit Dóminus;
possidéte parátum vobis Regnum
a constitutióne mundi. ℟. Allelúia.

*Quidam pauper, nomine Lazarus,
iacebat ad ianuam divitis.*

✠ Lécio sancti Evangélíi secúndum Lucam 16, 19-31

In illo témpore:

Dixit Iesus pharisæis: « Homo quidam erat dives, et induebátur púrpura et bysso, et epulabátur cotidie spléndice. Quidam autem pauper, nómine Lázarus, iacébat ad iánuam eius ulcéribus plenus, et cúpiens saturári de his quæ cadébant de mensa divitis; sed et canes veniébant et lingébant úlcerá eius.

Factum est autem ut morerétur pauper, et portarétur ab ángelis in sinum Abrahæ; mórtuus est autem et dives, et sepúltus est.

Et in inférno élevans óculos suos, cum esset in tormentis, vidébat Abraham a longe, et Lázarum in sinu eius; et ipse clamans dixit: " Pater Abraham, miserére mei et mitte Lázarum, ut intíngat extrémum dígiti sui in aquam, ut refrígeret linguam meam, quia crúciór in hac flamma ".

At dixit Abraham: " Fili, recordáre quia recepísti bona tua in vita tua, et Lázarus simíliter mala; nunc autem hic consolátur, tu vero cruciáris. Et in his ómnibus inter nos et vos chaos magnum firmátum est, ut hi, qui volunt hinc transíre ad vos, non possint, neque inde ad nos transmeáre ".

Et ait: " Rogo ergo te, pater, ut mittas eum in domum patris mei (hábeo enim quinque fratres), ut testétur illis, ne et ipsi véniant in locum hunc tormentórum ".

Ait autem Abraham: " Habent Móysen et prophétas: áudiant illos ".

At ille dixit: " Non, pater Abraham; sed, si quis ex mórtuis íerit ad eos, pæniténtiam agent ".

Ait autem illi: " Si Móysen et prophétas non áudiunt, neque, si quis ex mórtuis resurréxerit, credent " ». — Verbum Dómini.

29. PRO PROFUGIS ET EXSULIBUS

Ant. ad introitum

Ps 90, 11

Angelis suis Deus mandávit de te,
ut custódiat te in ómnibus viis tuis.

Vel:

Ier 29, 11. 12. 14

Dicit Dóminus:

Ego cógito cogitatiónes pacis et non afflictiónis;
invocabitis me, et ego exáudiam vos,
et redúcam captivitátem vestram de cunctis locis.

Collecta

Dómine, cui nullus est aliénus,
nemo ab opitulatióne longínquus,
prófugos et éxsules, segregátos hómines
puerósque dispérsos propítius intuere,
ut illis réditus in pátriam,
nobis erga egénium et ádvenam a te benígnitas tribuátur
Per Dóminum.

Lectiones ut infra, pp. 1421-1426.

Super oblata

Dómine, qui tuum voluísti Fílium pónere ánimam suam,
ut in unum tuos dispérsos fílios congregáret,
præsta, ut hæc pacífica oblátio
communióne obtíneat animórum,
et caritátem fraternitátis adáugeat.
Per Christum.

Ant. ad communionem

Ps 90, 2

Refúgium meum et fortitúdo mea,
Deus meus, sperábo in eum.

Post communionem

Dómine, qui nos uno pane et uno cálice refecísti,
da nobis humanitátem in ádvenas ac derelíctos
sincéro corde sectári,
ut omnes in terra vivéntium
congregári dénique mereámur. Per Christum.

Lectio prima

1

*Amat Deus peregrinum et dat ei
victum atque vestitum.*

Léctio libri Deuteronomii

10. 17-19

In diébus illis:

Locútus est Móyses pópulo dicens: « Dóminus Deus
vester ipse est Deus deórum et Dóminus dominántium,
Deus magnus et potens et terríbilis, qui persónam non
accípit nec múnera, facit iudícium pupíllo et víduæ,
amat peregrínus et dat ei victum atque vestítum. Et

vos ergo amáte peregrínos, quia et ipsi fuístis ádvenæ in terra Ægýpti ». — Verbum Dómini.

Psalmus responsorius

Ps 106, 33-34. 35-36. 41-42 (R.: 1)

R. Confitémini Dómino,
quóniam in sæculum misericórdia eius.

vel Allelúia.

- 33 Pósuit flúmina in desértum,
et éxitus aquárum in sitim,
34 terram fructíferam in salsúginem,
a malítia inhabitántium in ea. R.
35 Pósuit desértum in stagna aquárum,
et terram sine aqua in éxitus aquárum.
36 Et collocávit illic esuriéntes,
et constituérunt civitátem habitatiónis. R.
41 Et suscepit páuperem de inópia,
et pósuit sicut oves famílias.
42 Vidébunt recti et lætabúntur,
et omnis iníquitas oppilábit os suum. R.

2

Advenam auferre manipulum relictum patieris.

Léctio libri Deuteronomii

24, 17-22

In diébus illis:

Locútus est Móyses pópulo, dicens: « Non pervértes iudícium ádvenæ et pupílli, nec áuferes pignoris loco víduæ vestiméntum. Meménto quod servíeris in Ægýpto, et erúerit te Dóminus Deus tuus inde; idcírco præcípio tibi ut fácias hanc rem.

Quando messúeris ségetem in agro tuo et oblítus manípulum reliqueris, non revertéris ut tollas illum; sed ádvenam et pupíllum et víduam auférre patiéris, ut benedícat tibi Dóminus Deus tuus in omni ópere mánuum tuárum.

Si fruges collégeris olivárum, quidquid remánserit in arbóribus non revertéris ut cólligas; sed relínques ádvenæ, pupílo ac víduæ. Si vindemiáveris vineam tuam, non cólliges remanéntes racémos, sed cedent in usus ádvenæ, pupílli ac víduæ.

Meménto quod et tu servíeris in Ægýpto, et idcírcó præcípio tibi ut fácias hanc rem ». — Verbum Dómini.

Psalmus responsorius Ps 120, 1-2. 3-4. 5-6. 7-8 (R.: 2)

R. Auxílium meum a Dómino,
qui fecit cælum et terram.

1 Levábo óculos meos in montes:
unde véniet auxílium mihi?

2 Auxílium meum a Dómino,
qui fecit cælum et terram. R.

3 Non dabit in commotióne pedem tuum,
neque dormitábit qui custódit te.

4 Ecce non dormitábit neque dórmiet,
qui custódit Israel. R.

5 Dóminus custódit te,
Dóminus umbráculum tuum,
ad manum dexteram tuam.

6 Per diem sol non percútiet te,
neque luna per noctem. R.

7 Dóminus custódiét te ab omni malo;
custódiét ánimam tuam Dóminus.

8 Dóminus custódiét intróitum tuum et éxitum tuum,
ex hoc nunc et usque in sáculum. R.

Lectio secunda

1

Hospitalitatem sectantes.

Léctio Epístolæ beāti Pauli apóstoli ad Romános

12, 9-16 b

Fratres:

Diléctio sine simulatióne, odiéntes malum, adhæréntes bono, caritaté fraternitátis ínvicem diligéntes, honóre ínvicem præveniéntes, sollicitúdine non pigri, spírítu fervéntes, Dómino serviéntes, spe gaudéntes, in tribulatióne patiéntes, oratióni instántes, necessitatibus sanctorum comunicántes, hospitalitatem sectántes.

Benedícite persequéntibus; benedícite et nolíte maledícere. Gaudére cum gaudéntibus, flere cum fléntibus, idípsum ínvicem sentiéntes, non alta sapiéntes, sed humílibus consentiéntes. — Verbum Dómini.

2

Significant se patriam inquirere.

Léctio Epístolæ ad Hebræos

11, 13-16

Iuxta fidem defúnti sunt omnes patriárchæ, non accéptis promissionibus, sed a longe eas aspiciéntes et salutántes, et confiténtes, quia peregríni et hóspites sunt supra terram.

Quí enim hæc dicunt significant se pátriam inquirere. Et, si quidem illíus meminissent de qua exierant, habébant útique tempus reverténdi. Nunc autem meliorem áppetunt, id est cæléstem.

Ideo non confúnditur Deus vocári Deus eórum; parávit enim illis civitátem. — Verbum Dómini.

3

Hospitalitatem nolite oblivisci.

Léctio Epístolæ ad Hebræos

13, 1-3. 14-16

Fratres:

Cáritas fraternitátis máneat in vobis, et hospitalitátem nolíte oblivísci; per hanc enim quidam nesciéntes hospítio recepérunt ángeles. Mementóte vinctórum tamquam simul vincti, laborántium tamquam et ipsi in córpore morántes.

Non habémus hic manéntem civitátem, sed futúram inquirimus. Per Iesum ergo offerámus hóstiam laudis semper Deo, id est fructum labiórum confiténtium Nómini eius. Beneficéntiæ autem et communionis nolíte oblivísci; talibus enim hóstiis oblectátur Deus.

Verbum Dómini.

Evangelium

1

Alleluia

Hebr 13, 14

℞. Allelúia. γ. Non habémus hic manéntem civitátem, sed futúram inquirimus. ℞. Allelúia.

*Accipe puerum et matrem eius,
et fuge in Ægyptum.*

✠ Léctio sancti Evangélíi secúndum Matthæum

2, 13-15. 19-23

Cum recessíssent magi, ecce ángelus Dómini appáret in somnis Ioseph, dicens: « Surge, et áccipe púerum et matrem eius, et fuge in Ægýptum; et esto ibi usque

dum dicam tibi: futurum est enim ut Heródes quærat púerum ad perdéndum eum ».

Qui consúrgens accépit púerum et matrem eius nocte, et recéssit in Ægýptum. Et erat ibi usque ad óbitum Heródis, ut adimplerétur quod dictum est a Dómino per Prophétam dicéntem: « Ex Ægýpto vocávi fílium meum ».

Defúnto autem Heróde, ecce appáret ángelus Dómini in somnis Ioseph in Ægýpto, dicens: « Surge, et áccipe púerum et matrem eius, et vade in terram Israel; defúnti sunt enim qui quærébant ánimam púeri ».

Qui surgens accépit púerum et matrem eius, et venit in terram Israel. Audiens autem quia Archeláus regnáret in Iudæa pro Heróde patre suo, tímuit illo ire; et, admónitus in somnis, secéssit in partes Galilææ. Et véniens habitávit in civitaté quæ vocátur Náza-reth, ut adimplerétur quod dictum est per prophétas: « Nazaræus vocábitur ». — Verbum Dómini.

2

Alleluia

2 Cor 1, 3 b-4 a

℟. Allelúia. ℣. Benedíctus Pater misericordiárum
et Deus totíus consolatiónis,
qui consolátur nos in omni tribulatióne
nostra. ℟. Allelúia.

Quis est meus proximus?

✠ Lécio sancti Evangélíi secúndum Lucam 10, 25-37

In illo témpore:

Ecce quidam legisperítus surrexit tentans Iesum, dicens: « Magíster, quid faciéndum vitam ætérnam pos-sidébo? »

At ille dixit ad eum: « In Lege quid scriptum est? quomodo legis? »

Ille autem respondens dixit: « " DÍliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua " et " próximum tuum sicut teípsum " ».

Dixítque illi: « Recte respondísti; hoc fac et vives ».

Ille autem volens iustificáre seípsum dixit ad Iesum: « Et quis est meus próximus? »

Suscípiens autem Iesus dixit: « Homo quidam descendébat ab Ierúsalem in Iéricho, et incidit in latrónes, qui étiam despoliavérunt eum, et, plagis impóstitis, abiérunt semivívo relícto. Accidit autem ut sacérdos quidam descénderet eádem via, et, viso illo, præterívit. Simíliter et levíta, cum esset secus locum et vidéret eum, pertránsiit.

Samaritánus autem quidam iter fáciens venit secus eum, et videns eum misericórdia motus est. Et apprópians alligávit vúlnera eius, infúndens óleum et vinum; et impónens illum in iuméntum suum, duxit in stábulum et curam eius egit.

Et áltera die prótulit duos denários et dedit stabulário, et ait: " Curam illíus habe, et, quodcúmque supererogáveris, ego, cum redíero, reddam tibi ".

Quis horum trium vidétur tibi próximus fuisse illi qui incidit in latrónes? »

At ille dixit: « Qui fecit misericórdiam in illum ».

Et ait illi Iesus: « Vade, et tu fac simíliter ».

Verbum Dómini.

30. PRO CAPTIVITATE DETENTIS

Ant. ad introitum

Ps 87, 2-3

Dómine, Deus salútis meæ,
in die clamávi et nocte coram te.
Intret in conspéctu tuo orátio mea,
inclína aurem tuam ad precem meam.

Collecta

Deus, cuius Fílius,
ad rediméndum genus humánum a captivitáte peccáti,
formam servi accípere dignátus est,
da fámulis tuis in vínculis constitútis,
ut illa libertáte potiántur,
qua omnes hómínes, fílios tuos, voluísti donári.
Per Dóminum.

Pro lectionibus sumuntur textus aptiores ex iis qui proponuntur
in Missis in quacumque necessitate, pp. 1445-1453, vel pro christi-
anís persecutióne vexatis, pp. 1347-1357.

Super oblata

Per humánæ redemptiόνis salutáre sacraméntum,
quod tibi, Dómine, offérimus, præsta,
ut fámuli tui a captivitáte solvántur,
et ánimæ perpétua gáudeant libertáte.
Per Christum.

Ant. ad communionem

Ps 68, 31. 34

Laudábo nomen Dei cum cántico,
et magnificábo eum in laude.
Quóniam exaudivit páuperes Dóminus,
et vinctos suos non despéxit.

Post communionem

Nostræ libertátis prétium recoléntes,
tuam, Dómine, pro frátribus nostris

implorámus cleméntiam,
ut a vínculis solvántur,
et servi fiant iustítiæ tuæ.
Per Christum.

31. PRO DETENTIS IN CARCERE

Collecta

Omnípotens et miséricors Deus,
cui soli patent córdium secréta,
qui iustum agnóscis et ímpium iustificáre vales,
exáudi preces nostras
pro fámulis tuis in cárcere deténtis, et præsta,
ut per patiéntiam et spem in afflictiónē sublevéntur,
et cítiús váleant sine offensióne ad própria revérti.
Per Dóminum.

Vel, pro detentis in carcere propter Evangelium, orationes ut
supra, n. 15, p. 1345.

32. PRO INFIRMIS

Ant. ad introitum

Ps 6, 3-4

Miserére mei, Dómine, quóniam infírmus sum;
sana me, Dómine, quóniam conturbáta sunt ossa mea,
et ánima mea turbáta est valde.

Vel:

Cf. Is 53, 4

Vere languóres nostros Dóminus tulit,
et dolóres nostros ipse portávit.

Collecta

Deus, qui languóres nostros
voluísti ab unigénito Fílio tuo portári,
ut infirmitátis et patiéntiæ virtútem osténderes humanæ,
preces nostras pro frátribus in ægritúdine pósitois

benígnus exáudi, et præsta,
ut, qui dolóribus, ærúmnis aliísve morbis premúntur,
et inter eos qui beáti prædicántur se séntiant eléctos,
et Christo pro mundi salúte patiénti se sciant unítos.
Per Dóminum.

Vel:

Omnípotens sempitérne Deus,
salus æténa credéntium,
exáudi nos pro fámulis tuis infírmis,
pro quibus misericórdiæ tuæ implorámus auxílium,
ut, réddita sibi sanitáte,
gratiárum tibi in Ecclésia tua réferant actiões.
Per Dóminum.

Lectiones ut infra, pp. 1431-1439.

Super oblata

Deus, cuius nútibus vitæ nostræ moménta decúrrunt,
súscipe preces et hóstias,
quibus tuam pro frátribus ægrotántibus
misericórdiam implorámus,
ut, de quorum perículo metuímus,
de eórum salúte lætémur.
Per Christum.

Ant. ad communionem

Col 1, 24

Adímpleo, quæ desunt passiónum Christi in carne mea,
pro córpore eius, quod est Ecclésia.

Post communionem

Deus, infirmitátis humánæ singuláre præsidium,
auxílii tui super infírmos fámulos tuos osténde virtútem,
ut, ope misericórdiæ tuæ adiúti,
Ecclésiæ tuæ sanctæ incólumes repræsentári mereántur.
Per Christum.

Lectio prima

1

Vidi lacrimas tuas, et ecce sanavi te.

Lectio libri secúndi Regum

20, 1-6

In diébus illis ægrotávit Ezechías rex usque ad mortem; et venit ad eum Isaías, fílius Amos, prophéta, dixítque ei: « Hæc dicit Dóminus Deus: Præcipe dómui tuæ, moriérís enim tu et non vives ».

Qui convértit fáciem suam ad parietem, et orávit Dóminum dicens: « Obsecro, Dómine: meménto, quæso, quómodo ambuláverim coram te in veritáte et in corde perfécto, et quod plácitum est coram te fécerim ». Flevit itaque Ezechías fletu magno.

Et ántequam egrederétur Isaías médiam partem átrii, factus est sermo Dómini ad eum, dicens: « Revértere et dic Ezechíæ duci pópuli mei: Hæc dicit Dóminus Deus David patris tui: Audívi oratióem tuam et vidi lácrimas tuas, et ecce sanávi te: die tértio ascénderis templum Dómini.

Et addam diébus tuis quíndecim annos; sed et de manu regis Assyriórum liberábo te et civitátem hanc, et prótegám urbem istam propter me et propter David servum meum ». — Verbum Dómini.

Psalmus responsorius Ps 101, 3. 24-25. 19-21 (R.: 2)

R. Dómine, exáudi oratióem meam,
et clamor meus ad te véniat.

Non abscóndas fáciem tuam a me;
in quacúmque die tríbulor,
inclína ad me aurem tuam.
In quacúmque die invocávero te,
velóciter exáudi me. R.

- 24 Humiliávit in via virtútem meam,
abbreviávit dies meos.
Dicam: « Deus meus,
25 ne áuferas me in dimídio diérum meórum;
in generatióem et generatióem sunt anni tui ». R.
19 Scribántur hæc pro generatióne áltera,
et pópulus qui creábitur laudábit Dóminum.
20 Quia prospéxit de excélso sanctuário suo,
Dóminus de cælo in terram aspéxit;
21 ut audíret gémitus compeditórum,
ut sólveret fílios mortis. R.

2

Vere languores nostros ipse tulit.

Léctio libri Isaíæ prophétæ

53, 1-5. 10-11

Quis crédidit auditui nostro? et bráccium Dómini cui revelátum est? Et ascéndet sicut virgúltum coram eo, et sicut radix de terra sitiénti.

Non est spécies ei neque decor, et vídimus eum, et non erat aspéctus, et desiderávimus eum; despéctum et novíssimum virórum, virum dolórum et sciéntem infirmitátem, et quasi absconditus vultus eius et despéctus, unde nec reputávimus eum.

Vere languóres nostros ipse tulit et dolóres nostros ipse portávit; et nos putávimus eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attritus est propter scélera nostra, disciplína pacis nostræ super eum, et livóre eius sanáti sumus.

Et Dóminus vóluit contérere eum in infirmitáte. Si posúerit pro peccáto ánimam suam, vidébit semen longævum, et volúntas Dómini in manu eius dirigétur.

Pro eo quod laborávit ánima eius, vidébit et saturábitur. In sciéntia sua iustificábit ipse iustus servus meus multos, et iniquitátes eórum ipse portábit.

Verbum Dómini.

Psalmus responsorius

Is 38, 10. 11. 12 abcd. 16 (R.: 17 b)

R. Tu, Dómine, eruísti ánimam meam, ut non períret.

Ego dixi: « In dimídio diérum meórum
vadam ad portas ínferi:
quæsívi resíduum annórum meórum ». R.

Dixi: « Non vidébo Dóminum Deum in terra vivéntium;
non aspícam hóminem ultra
et habitatórem quiétis. R.

Generátio mea abláta est et convolúta est a me
quasi tabernáculum pastórum;
præcisa est velut a texénte víta mea;
dum adhuc ordírer, succídít me. R.

Dómine, si sic vívitur,
et in tálibus víta spíritus mei,
corrípíes me et vivificábis me ». R.

3

*Ceteri qui in insula habebant infirmitates
accedebant ad Paulum et curabantur.*

Léctio Actuum Apostolórum

28, 7-10

In diébus illis:

In illis locis erant prædia princípis ínsulæ Mélitæ,
nómine Públii, qui nos suscípiens tríduo benígne hospí-

tio recépit. Cántigit autem patrem Públii fébribus et dysentéria vexátum iacére. Ad quem Paulus intrávit, et, cum orásset et imposúisset ei manus, sanávit eum.

Quo facto et céteri qui in ínsula habébant infirmítates accedébant et curabántur. Qui étiam multis honoríbus nos honoravérunt, et navigántibus imposuérunt quæ necessária erant.

Verbum Dómini.

Psalmus responsorius Ps 101, 3. 24-25. 19-21 (R.: 2)

R. Dómine, exáudi oratióem meam,
et clamor meus ad te véniat.

3 Non abscondas fáciem tuam a me;
in quacúmque die tribulor,
inclína ad me aurem tuam.
In quacúmque die invocávero te,
velóciter exáudi me. **R.**

24 Humiliávit in via virtútem meam,
abbreviávit dies meos.
Dicam: « Deus meus,
25 ne áuferas me in dimídio diérum meórum;
in generatióem et generatióem sunt anni tui ». **R.**

19 Scribántur hæc pro generatióne áltera,
et pópulus qui creábitur laudábit Dóminum.
20 Quia prospéxit de excélso sanctuário suo,
Dóminus de cælo in terram aspéxit;
21 ut audíret gémitus compeditórum,
ut sólveret fílios mortis. **R.**

Lectio secunda

1

In mortem tradimur propter Iesum.

Lectio Epistolæ secundæ beāti Pauli apóstoli
ad Corínthios

4, 10-18

Fratres:

Semper mortificationem Iesu in corpore circumferentes, ut et vita Iesu in corpore nostro manifestetur. Semper enim nos, qui vivimus, in mortem tradimur propter Iesum, ut et vita Iesu manifestetur in carne nostra mortali. Ergo mors in nobis operatur, vita autem in vobis.

Habentes autem eundem Spiritum fidei, sicut scriptum est: « Crédidi, propter quod locutus sum »; et nos credimus, propter quod et loquimur, scientes quoniam qui suscitavit Dominum Iesum, et nos cum Iesu suscitabit, et constituet vobiscum. Omnia enim propter vos, ut grátia abundans per multos, gratiarum actionem abundare faciat in glóriam Dei.

Propter quod non defícimus; sed, licet is qui foris est noster homo corrumpitur, tamen is qui intus est noster renovatur de die in diem. Id enim, quod in presenti est leve tribulationis nostræ, supra modum in sublimitatem æternum glóriæ pondus operatur nobis, non contemplantibus nobis quæ videntur, sed quæ non videntur: quæ enim videntur temporalia sunt, quæ autem non videntur æterna sunt.

Verbum Dómini.

2

*Sufficit tibi gratia mea, nam virtus
in infirmitate perficitur.*

Lectio Epistolæ secundæ beāti Pauli apostoli
ad Corīnthios 12, 7 b-10

Fratres:

Datus est mihi stīmulus carni, ángelus Sátanæ, ut me colaphízet, ne extóllar.

Propter quod ter Dóminum rogávi ut discéderet a me, et dixit mihi: « Súfficit tibi grátia mea, nam virtus in infirmitáte perficitur ». Libentíssime ígitur pótius gloriábor in infirmitátibus meis, ut inhábitet in me virtus Christi.

Propter quod pláceo mihi in infirmitátibus, in contuméliis, in necessitatibus, in persecutió nibus et in angúst iis pro Christo: cum enim infírmor, tunc potens sum. — Verbum Dómini.

3

Oratio fidei salvabit infirmum.

Lectio Epistolæ beāti Iacóbi apostoli 5, 13-16

Caríssimi:

Tristátur áliquis vestrum? Oret. Æquo ánimo est? Psallat.

Infirmátur quis in vobis? Advocet presbýteros Ecclésiæ et orent super eum, unguéntes eum óleo in Nómine Dómini; et orátio fidei salvábit infírmum, et allevábit eum Dóminus, et, si peccáta operátus fúerit, dimitténtur ei.

Confitémini ergo altérutrum peccáta et oráte pro invicem, ut sanémini. Multum enim valet deprecátio iusti óperans. — Verbum Dómini.

Evangelium

1

Alleluia

Mt 8, 17

℞. Allelúia. ℣. Ipse infirmitátes nostras accépit,
et ægotatiónes nostras portávit.

℞. Allelúia.

Ipse infirmitates nostras accepit.

✠ Lécio sancti Evangélíi secúndum Mattháeum

8, 14-17

In illo témpore:

Cum venísset Iesus in domum Petri, vidit socrum eius iacéntem et febricitántem. Et tégit manum eius, et dimísit eam febris, et surréxit et ministrábat ei.

Véspere autem facto, obtulérunt ei multos dæmónia habéntes, et eiciébat spíritus verbo, et omnes male habéntes curávit, ut adimplerétur quod dictum est per Isaíam prophétam dicéntem: « Ipse infirmitátes nostras accépit, et ægotatiónes portávit ». — Verbum Dómini.

2

Alleluia

2 Cor 1, 3 b-4 a

℞. Allelúia. ℣. Benedíctus Pater misericordiárum
et Deus totíus consolatiónis,
qui consolátur nos in omni tribulatióne
nostra. ℞. Allelúia.

Super ægrotos manus imponent, et bene habebunt.

✠ Lécio sancti Evangélii secúndum Marcum

16, 15-20

In illo témpore:

Appárens Iesus Undecim dixit eis: « Eúntes in mundum univérsum, prædicáte Evangélium omni creatúræ. Qui crediderit et baptizátus fúerit, salvus erit; qui vero non crediderit, condemnábitur.

Signa autem eos qui crediderint hæc sequéntur: in Nómine meo dæmónia eícient, linguis loquéntur novis, serpéntes tollent, et, si mortíferum quid bíberint, non eos nocébit, super ægrótos manus impónent, et bene habébunt ».

Et Dóminus quidem Iesus, postquam locútus est eis, assúptus est in cælum et sedit a dextris Dei.

Illi autem profécti prædicavérunt ubique, Dómino cooperánte et sermónem confirmánte sequéntibus signis. — Verbum Dómini.

3

Alleluia

Mt 8, 17

℞. Allelúia. √. Ipse infirmitátes nostras accépit,
et ægrotatiónes nostras portávit. ℞. Allelúia.

Pater, non mea voluntas, sed tua fiat.

✠ Lécio sancti Evangélii secúndum Lucam 22, 39-43

In illo témpore:

Egréssus Iesus e cenáculo, ibat secúndum consuetúdinem in montem Olivárum. Secúti sunt autem illum et discípuli.

Et, cum pervenísset ad locum, dixit illis: « Oráte, ne intrétis in tentatiónem ».

Et ipse avulsus est ab eis quantum iactus est lapidis; et, pòsitis génibus, orábat dicens: « Pater, si vis, transfer cálicem istum a me; verúmtamen non mea volúntas, sed tua fiat ».

Appáruit autem illi ángelus de cælo confórtans eum. Et factus in agonía prolóxius orábat. — Verbum Dómini.

4

Alleluia

Col 1, 24 b

R. Allelúia. **V.** Adímpleo ea quæ desunt passiónum Christi in carne mea pro corpore eius, quod est Ecclésia.
R. Allelúia.

*Omnem palmitem, qui fert fructum, purgat eum,
ut fructum plus afferat.*

✝ Lécio sancti Evangélíi secúndum Ioánnem 15, 1-8

In illo témpore:

Dixit Iesus discipulis suis: « Ego sum vitis vera, et Pater meus agricola est.

Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat. Iam vos mundi estis propter sermónem quem locútus sum vobis.

Manéte in me, et ego in vobis. Sicut palmes non potest ferre fructum a semetípso, nisi mánserit in vite, sic nec vos, nisi in me manséritis. Ego sum vitis, vos pálmities; qui manet in me, et ego in eo, hic fert fructum multum, quia sine me nihil potéstis fácere.

Si quis in me non mánserit, missus est foras sicut palmes et áruit, et cólligunt eos, et in ignem mittunt, et ardent. Si manséritis in me, et verba mea in vobis mánserint, quodcúmque voluéritis pétite, et fiet vobis.

In hoc glorificátus est Pater meus, ut fructum multum afferátis et efficiámini mei discípuli ».
Verbum Dómini.

33. PRO MORIENTIBUS

Ant. ad introitum

Rom 14, 7-8

Nemo nostrum sibi vivit, et nemo sibi móritur:
sive enim vívimus, Dómino vívimus;
sive mórimur, Dómino mórimur.
Sive ergo vívimus sive mórimur, Dómini sumus.

Vel:

Cf. Is 53, 4

Vere languóres nostros Dóminus tulit,
et dolóres nostros ipse portávit.

Collecta

Omnípotens et miséricors Deus,
qui humáno géneri, per ipsum mortis institútum,
æternæ vitæ áditum misericórditer reserásti,
réspice propítius fámulum tuum
extrémo agóne laborántem,
ut, consociátus Fílii tui passióni
et eius ságuine signátus,
tibi váleat immaculátus præsentári. Per Dóminum.

Vel, pro hodie morituris:

Omnípotens et miséricors Deus,
qui amórem tuum creatúris ómnibus ubíque maniféscas,
audi benígne preces
quas pro hódie moritúris effúndimus,
ut, pretiósó ságuine Fílii tui redépti,
absque peccáti mácula de hoc mundo váleant exíre
atque in sinu misericórdiæ tuæ perénnter requiészere.
Per Dóminum.

Pro lectionibus sumuntur textus aptiores ex iis qui proponuntur in Missis pro infirmis, pp. 1431-1439, vel ad postulandam gratiam bene moriendi, pp. 1491-1496.

Super oblata

Súscipe, Deus, hóstiam, quam tibi pro fámulo tuo in extrémō vitæ constitúto fidénter offérimus, et da per eam univérſa illíus delícta purgári, ut, qui tuæ dispositiōnis ærúmnis in hac vita prémitur, in futúra réquiem consequátur ætéŕnam. Per Christum.

Ant. ad communionem

Col 1, 24

Adímpleo, quæ desunt passiōnum Christi in carne mea, pro córpore eius, quod est Ecclésia.

Vel:

Io 6, 54

Qui mandúcat meam carnem et bibit meum ságuinem, habet vitam ætéŕnam, dicit Dóminus, et ego resuscitábo eum in novíſſimo die.

Post communionem

Per huius, Dómine, sacraménti virtútem, fámulum tuum dignáre cleménter tua grátia sustinére, ut in hora mortis contra se inimícum prævalére non vídeat, sed cum Angelis tuis tránsitum habére mereáſſetur ad vitam. Per Christum.

34. TEMPORE TERRÆMOTUS

Collecta

Deus, qui fundásti terram super stabilitátem suam, parce metuéntibus, propitiáre supplicibus, ut, treméntis terræ perículis pénitus amóſis, cleméntiam tuam iúgiter sentiámus, et, tua protectiōne secúri, tibi serviámus gratánter. Per Dóminum.

35. AD PETENDAM PLUVIAM

Collecta

Deus, in quo vivimus, movémur et sumus,
plúviam nobis tríbue congruéntem,
ut, præsentibus subsídiis sufficiénter adiúti,
sempitérna fiduciálius appetámus.
Per Dóminum.

36. AD POSTULANDAM SERENITATEM

Collecta

Omnípotens sempitérne Deus,
qui nos et castigándo sanas
et ignoscéndo consérvas,
præsta supplicibus tuis,
ut optáta áeris serenitáte lætémur,
et pietátis tuæ donis
ad glóriam nóminis tui salutémque nostram
semper utámur.
Per Dóminum.

37. AD REPELLENDAS TEMPESTATES

Collecta

Deus, cuius nutu univérsa obœdiunt eleménta,
te súpplīces exorámus,
ut, sedátis terréntibus procéllis,
in matériam tránseat laudis comminátio potestátis.
Per Dóminum.

38. IN QUACUMQUE NECESSITATE

A

Ant. ad introitum

Salus pópuli ego sum, dicit Dóminus:
de quacúmque tribulatióne clamáverint ad me,
exáudiam eos, et ero illórum Dóminus in perpétuum.

Collecta

Deus, refúgium nostrum in labóribus,
virtus in languóribus, solámen in flétibus,
parce pópulo tuo, ut, dignis flagellatióibus castigátus,
in tua miseratióne dénique respíret.

Per Dóminum.

Lectiones ut infra, pp. 1445-1453.

Super oblata

Súscipe, quæsumus, Dómine, preces et oblatiões nostras,
ut, qui peccatórum nostrórum flagéllis percútimur,
miseratióis tuæ grátia liberémur.

Per Christum.

Ant. ad communionem

Mt 11, 28

Veníte ad me, omnes qui laborátis et oneráti estis,
et ego reficiam vos, dicit Dóminus.

Post communionem

Tribulatióem nostram,
quæsumus, Dómine, propítius respice,
et iram tuæ indignatióis,
quam pro peccátis nostris iuste merémur,
per passióem Fílii tui, propitiátus avérte.
Per Christum.

B

Ant. ad introitum

Ps 43, 24-27

Exsúrge, quare obdórmis, Dómine?
Exsúrge, et ne repéllas in finem.
Quare fáciem tuam avértis,
oblívísceris tribulatióem nostram?
Adhæsit in terra venter noster:
exsúrge, Dómine, ádiuva nos
et rédime nos propter misericórdiam tuam.

Collecta

Omnípotens et miséricors Deus,
afflictiónem nostram propitiátus inténde,
et ita filiórum tuórum onus álleva fidémque confírma
ut in patérna semper providéntia tua
sine dubitatióne confídant. Per Dóminum.

Lectiones ut infra, pp. 1445-1453.

Super oblata

Súscipe, Dómine, múnera, quæ tibi fidénter offérimus,
et, quam mæróris amaritúdinem sustinémus,
fac ut in suavitátis sacrificium convertátur. Per Christum.

Ant. ad communionem

Io 16, 23-24

Si quid petiéritis Patrem in nómine meo, dabit vobis.
Pétite et accipiétis, ut gáudium vestrum sit plenum,
dicit Dóminus.

Post communionem

Te súpplíces, Dómine, exorámus,
ut, dápius recreáti munitique divínis,
et futúros labóres fórtiter ággrédi valeámus,
et fratres in pressúra pósito impénsius confirmémus.
Per Christum.

Lectio prima

1

Converte luctum nostrum in gaudium.

Lectio libri Esther

13, 8-11. 16-17

In diébus illis:

Mardochæus deprecátus est Dóminum, memor ómnium óperum eius, et dixit: « Dómine, Dómine, rex omnípotens, in dicióne enim tua cuncta sunt pósita; et non est qui possit tuæ resistere voluntáti, si decreveris salváre Israel. Tu fecísti cælum et terram, et quidquid cæli ámbitu continétur. Dóminus ómnium es, nec est qui resistat maiestáti tuæ.

Ne despicias partem tuam, quam redemísti tibi de Ægýpto. Exáudi deprecationem meam, et propítius esto sorti et funículo tuo; et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium ». — Verbum Dómini.

Psalmus responsorius Ps 84, 2-4 5-6. 7-8 (R.: 8)

R. Osténde nobis, Dómine, misericórdiam tuam,
et salutáre tuum da nobis.

2 Complacuísti tibi, Dómine, in terra tua,
convertísti captivitátem Iacob.

3 Remisísti iniquitátem plebis tuæ,
operuísti ómnia peccáta eórum.

4 Contraxísti omnem iram tuam,
revertísti a furóre indignatiónis tuæ. R.

5 Convérte nos, Deus, salutáris noster,
et avérte iram tuam a nobis.

6 Numquid in ætérnum irascéris nobis,
aut exténderis iram tuam a generatióne in generatióne? R.

- 7 Nonne tu convérsus vivificábis nos,
et plebs tua lætábitur in te?
- 8 Osténde nobis, Dómine, misericórdiam tuam,
et salutáre tuum da nobis. *R.*

2

Bonum est præstolari cum silentio salutare Dei.

Lectio libri Lamentatiónum

3, 17-26

Repúlsa est a pace ánima mea, oblítus sum bonórum, et dixi: « Périit finis meus, et spes mea a Dómino ».

Recordáre paupertátis et transgressiónis meæ, ab-sínthii et fellis; memória memor ero et tabéscet in me ánima mea: hæc récolens in corde meo, ídeo sperábo.

Misericórdiæ Dómini, quia non sumus consúmpti, quia non defecérunt miseratiónes eius. Novi dilúculo, multa est fides tua.

« Pars mea Dóminus », dixit ánima mea; proptérea exspectábo eum.

Bonus est Dóminus sperántibus in eum, ánimæ quæ-rénti illum; bonum est præstolári cum siléntio salutáre Dei. — Verbum Dómini.

Psalmus responsorius

Ps 79, 2 ac et 3 b. 5-7 (*R.*: 4 b)

R. Illústra fáciem tuam, Dómine, et salvi érimus.

- 2 Qui pascis Israel, inténde,
qui sedes super chérubim, effúlge,
3 éxcita poténtiam tuam, et veni. *R.*

- 5 Dómine Deus virtútum,
quóusque irascéris super oratióem pópuli tui?

Cibásti nos pane lacrimárum,
et potum dedísti nobis in lácrimis copiöse.
Posuísti nos in contradicciónem vicínis nostris,
et inimíci nostri subsannavérunt nos.

3

Erue nos in mirabilibus tuis.

Léctio libri Daniélis prophétæ 3, 25. 34-43

In diébus illis:

Stans Azarías orávit sic, aperiénsque os suum in médio ignis ait: « Ne, quæsumus, tradas nos in perpétuum propter nomen tuum, et ne díssipes testaméntum tuum, neque áuferas misericórdiam tuam a nobis, propter Abraham diléctum tuum, et Isaac servum tuum, et Israel sanctum tuum, quibus locútus es póllicens quod multiplicáres semen eórum sicut stellas cæli et sicut arénam, quæ est in lítore maris.

Quia, Dómine, imminúti sumus plus quam omnes gentes, sumúsque húmiles in univérsa terra hódie propter peccáta nostra, et non est in témpore hoc princeps et dux et prophéta, neque holocáustum neque sacrificium neque oblátio neque incénsum neque locus primitiárum coram te, ut possimus inveníre misericórdiam tuam; sed in ánimo contríto et spírítu humilitátis suscipiámur.

Sicut in holocáusto aríetum et taurórum, et sicut in mílibus agnórum pínguium, sic fiat sacrificium nostrum in conspéctu tuo hódie, ut pláceat tibi, quóniam non est confúsió confidéntibus in te.

Et nunc séquimur te in toto corde, et timémus te, et quærimus fáciem tuam. Ne confúndas nos, sed fac nobiscum iuxta mansuetúdinem tuam et secúndum mul-

titúdinem misericórdiæ tuæ, et érue nos in mirabílibus tuis, et da glóriam nómini tuo, Dómine ».

Verbum Dómini.

Psalmus responsorius

Ps 122, 1. 2 (R.: 3 a)

R. Miserére nostri, Dómine, miserére nostri.

1 Ad te levávi óculos meos,
qui hábitas in cælis. **R.**

2 Ecce sicut óculi servórum
ad manus dominórum suórum,
sicut óculi ancillæ ad manus dómínæ suæ,
ita óculi nostri ad Dóminum Deum nostrum,
donec misereátur nostri. **R.**

4

*Neque luctus, neque clamor, neque dolor
erit ultra.*

Léctio libri Apocalýpsis beáti Ioánnis apóstoli

21, 1-5 a. 6 b-7

Ego Ioánnes vidi cælum novum et terram novam. Primum enim cælum et prima terra abiérunt, et mare iam non est. Et civitátem sanctam Ierúsalem novam vidi descendéntem de cælo a Deo, parátam sicut sponsam ornátam viro suo.

Et audívi vocem magnam de throno, dicéntem: « Ecce tabernáculum Dei cum homínibus, et habitábit cum eis; et ipsi pópuli eius erunt, et ipse Deus cum eis erit eórum Deus; et abstérget omnem lácrimam ab óculis eórum, et mors ultra non erit, neque luctus neque clamor neque dolor erit ultra: quia prima abiérunt ».

Et dixit qui sedébat super throno: « Ecce nova

fácio ómnia. Ego sum alpha et ómega, princípium et finis. Ego sitiénti dabo de fonte aquæ vitæ gratis. Qui vicerit hereditábit hæc, et ero illi Deus et ille erit mihi fílius ». — Verbum Dómini.

Psalmus responsorius Ps 122, 1. 2 (R.: cf. 2 cd)

R. Oculi nostri ad Dóminum, donec misereátur nostri.

Ad te levávi óculos meos,
qui hábitas in cælis. R.

Ecce sicut óculi servórum
ad manus dominórum suórum,
sicut óculi ancillæ ad manus dómínæ suæ,
ita óculi nostri ad Dóminum Deum nostrum,
donec misereátur nostri. R.

Lectio secunda

1

Diligentibus Deum omnia cooperantur in bonum.

Léctio Epístolæ beáti Pauli apóstoli ad Romános

8, 18-30

Fratres:

Existimo quod non sunt condignæ passiónes huius témporis ad futúram glóriam quæ revelánda est in nobis. Nam exspectátio creatúræ revelatióem filiórum Dei exspéctat. Vanitati enim creatúra subiécta est, non volens, sed propter eum qui subiécit eam in spe: quia et ipsa creatúra liberábitur a servitúte corruptiónis, in libertátem glóriæ filiórum Dei.

Scimus enim quod omnis creatúra congemíscit et compárturit usque adhuc. Non solum autem, sed et

nos ipsi primítias Spíritus habéntes, et ipsi intra nos géminus adoptiónem filiórum exspectántes, redemptiónem córporis nostri.

Spe enim salvi facti sumus. Spes autem quæ videtur non est spes; nam quod videt quis sperat? Si autem quod non vidémus sperámus, per patiéntiam exspectámus.

Simíliter autem et Spíritus ádiuvat infirmitátem nostram: nam quid orémus sicut opórtet, nescímus; sed ipse Spíritus interpéllat gemítibus inenarrabílibus. Qui autem scrutátur corda scit quid desíderet Spíritus, quia secúndum Deum póstulat pro sanctis.

Scimus autem quóniam diligéntibus Deum ómnia cooperántur in bonum, his qui secúndum propósitum vocáti sunt. Nam quos præscívit, et prædestinávit conformes fieri imáginis Fílii eius, ut sit ipse primogénitus in multis frátribus.

Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit. — Verbum Dómini.

2

*Neque mors neque vita poterit nos separare
a caritate Dei.*

Léctio Epístolæ beáti Pauli apóstoli ad Romános

8, 31 b-39

Fratres:

Si Deus pro nobis, quis contra nos? Qui Fílio suo non pepércit, sed pro nobis ómnibus trádidit illum, quómodo non étiam cum illo ómnia nobis donábit?

Quis accusábit advérsus eléctos Dei? Deus qui iustificat; quis est qui condémnet? Christus Iesus, qui

mórtuus est, immo qui suscitátus est, qui et est ad dexteram Dei, qui étiam interpéllat pro nobis.

Quis nos separábit a caritaté Christi? tribulátio, an angústia, an persecútio, an fames, an núditas, an periculum, an gládius? Sicut scriptum est: « Propter te mortificámur tota die, æstimáti sumus ut oves occisiónis ».

Sed in his ómnibus supervíncimus per eum qui diléxit nos. Certus sum enim quia neque mors neque vita, neque ángeli neque principátus, neque instántia neque futúra, neque virtútes, neque altitúdo neque profúndum, neque ália quælibet creatúra póterit nos separáre a caritaté Dei, quæ est in Christo Iesu Dómino nostro. — Verbum Dómini.

3

Beatus vir, qui suffert tentationem.

Léctio Epístolæ beáti Iacóbi apóstoli 1, 2-4. 12

Omne gáudium existimáte, fratres mei, cum in tentatióibus váriis incidéritis, sciéntes quod probátio fidei vestræ patiéntiam operátur. Patiéntia autem opus perfectum hábeat, ut sitis perfécti et íntegri in nullo deficiéntes.

Beátus vir, qui suffert tentatiónem, quia, cum probátus fúerit, accípiet corónam vitæ, quam repromísit Deus diligéntibus se. — Verbum Dómini.

Evangelium

1

Alleluia Ps 32, 22

R. Allelúia. 7. Fiat misericórdia tua, Dómine, super nos, quemádmódum sperávimus in te. R. Allelúia.

Omnis qui petit accipit

✠ Lécio sancti Evangélii secúndum Matthæum

7, 7-11

In illo témpore:

Dixit Iesus discípulis suis: « Pétite, et dábitur vobis; quærite, et inveniétis; pulsáte, et aperiétur vobis.

Omnis enim qui petit áccipit, et qui quærit ínvenit, et pulsánti aperiétur.

Aut quis est ex vobis homo, quem si petierit fílius suus panem, numquid lápidem pórriget ei? aut si piscem petierit, numquid serpéntem pórriget ei?

Si ergo vos, cum sitis mali, nostis dona bona dare fíliis vestris, quanto magis Pater vester, qui in cælis est, dabit bona peténtibus se ». — Verbum Dómini.

2

Alleluia

2 Cor 1, 3 b-4 a

℞. Allelúia. √. Benedíctus Pater misericordiárum
et Deus totíus consolatiónis,
qui consolátur nos in omni tribulatióne
nostra. ℞. Allelúia.

Quis est iste, quia et ventus et mare obœdiunt ei?

✠ Lécio sancti Evangélii secúndum Marcum 4, 35-40

In illa die, cum sero esset factum, ait Iesus discípulis suis: « Transeámus contra ». Et dimitténtes turbam, assúmnt eum ut erat in navi, et áliæ naves erant cum illo.

Et exóritur procélla magna venti, et fluctus mitébant in navem ita ut iam implerétur navis.

Et erat ipse in puppi supra cervícal dórmíens; et

éxcitant eum et dicunt ei: « Magíster, non ad te pér-tinet quia perímus? »

Et exsúrgens comminátus est vento, et dixit mari: « Tace, obmutésce ». Et cessávit ventus, et facta est tranquillitas magna.

Et ait illis: « Quid tímidi estis? necdum habétis fi-dem? » Et timuérunť magno timóre, et dicébant ad al-terútrum: « Quis, putas, est iste, quia et ventus et mare obóediunt ei? » — Verbum Dómini.

3

Alleluia

Iac 1, 12

℞. Allelúia. √. Beátus vir, qui suffert tentatióem,
quóniam, cum probátus fúerit,
accípiet corónam vitæ. ℞. Allelúia.

*Deus faciet vindictam electorum suorum
clamantium ad se.*

✠ Lécťio sancti Evangélíi secúndum Lucam 18, 1-8

In illo témpore:

Dicébat Iesus discíplis suis parábolam, quóniam opórtet semper oráre et non deficere, dicens: « Iudex quidam erat in quadam civitáte, qui Deum non timébat et hómínem non reverebátur.

Vídua autem erat in civitáte illa; et veniébat ad eum dicens: “ Víndica me de adversárió meo ”. Et no-lébat per multum témpus.

Post hęc autem dixit intra se: “ Etsi Deum non tí-meo nec hómínem revéreor, tamen, quia molésta est mihi hęc vídua, vindicábo illam, ne in novíssimo vé-niens suggílet me ” ».

Ait autem Dóminus: « Audíte quid iudex iniquitá-tis dicit. Deus autem non fáciť vindíctam electórum

suorum clamantium ad se die ac nocte, et patientiam habebit in illis?

Dico vobis: cito faciet vindictam illorum. Verumtamen Filius hominis veniens, putas, inveniet fidem in terra? » — Verbum Domini.

39. PRO GRATIIS DEO REDDENDIS

A

Ant. ad introitum

Eph 5, 19-20

Cantate et psallite in cordibus vestris Domino,
gratias agentes semper pro omnibus
in nomine Domini nostri Iesu Christi Deo et Patri.

Collecta

Deus, qui famulos tuos in tribulatione positos
semper miseratus exaudis,
pro benignitate tua gratias agentes,
te supplices deprecamur,
ut, liberi a malis omnibus,
in gaudio tibi iugiter serviamus.
Per Dominum.

Lectiones ut infra, pp. 1456-1469.

Super oblata

Domine, qui Filium tuum dedisti nobis,
ut nos a morte omnique malo benignus eriperet,
quæsumus, ut hoc sacrificium clementer accipias,
quod ab ærumnis liberi
tibi in gratiarum offerimus actionem.
Per Christum.

Præfatio communis IV, p. 612.

Ant. ad communionem

Ps 137, 1

Confitébor tibi, Dómine, in toto corde meo,
quóniam audísti verba oris mei.

Vel:

Ps 115, 12-13

Quid retríbuam Dómino
pro ómnibus quæ retríbuit mihi?
Cálicem salutáris accípiam, et nomen Dómini invocábo.

Post communionem

Omnípotens Deus, qui per hunc panem vitæ
fámulos tuos et a peccáti vínculo liberáre
et vires eórum dignáris tua pietáte refícere,
da nobis in spem glóriæ sine intermissióne profícere.
Per Christum.

B

Aliæ orationes

Collecta

Deus, Pater donórum ómnium,
a quo descéndere confitémur
quidquid habémus aut sumus,
benefícia doce nos imménsæ tuæ pietátis agnóscere,
ac te sincéro corde totáque nostra virtúte dilígere.
Per Dóminum.

Super oblata

Pro collátis donis
sacrificíum tibi, Dómine, laudis offérimus,
supplicíter deprecántes,
ut quod imméritis contulísti
ad nóminis tui glóriam referámus. Per Christum.

Post communionem

Deus, qui nobis in cibum spiritálem reddidísti
Fílii tui sacraméntum salutáre,
quod tibi in actiónem obtúlimus gratiárum,
da nobis ita virtútis et gáudii munéribus confirmári,
ut tibi servíre devótius
et nova benefícia cónsequi mereámur.
Per Christum.

Lectio prima

1

*Benedictus Dominus, qui dedit requiem
populo suo.*

Léctio libri primi Regum

8, 55-61

In diébus illis:

Stetit Sálomon rex et benedíxit omni ecclésiæ Israel voce magna, dicens: « Benedíctus Dóminus, qui dedit réquiem pópulo suo Israel, iuxta ómnia quæ locútus est; non cécidit ne unus quidem sermo ex ómnibus bonis, quæ locútus est per Móysen servum suum.

Sit Dóminus Deus noster nobíscum, sicut fuit cum pátribus nostris, non derelínquens nos neque proíciens; sed inclínet corda nostra ad se, ut ambulémus in univérsis viis eius, et custodiámus mandáta eius et cæremónias eius et iudícia, quæcúmque mandávit pátribus nostris.

Et sint sermónes mei isti, quibus deprecátus sum coram Dómino, appropinquánte Dómino Deo nostro die ac nocte, ut fáciat iudícium servo suo et pópulo suo

Israel per singulos dies, ut sciant omnes populi terræ quia Dóminus ipse est Deus et non est ultra absque eo.

Sit quoque cor nostrum perfectum cum Dómino Deo nostro, ut ambulémus in decretis eius, et custodiámus mandáta eius sicut et hódie ». — Verbum Dómini.

Psalmus responsorius

1 Chr 29, 10 bc. 11. 12 (R.: 13 b)

R. Laudámus nomen tuum ínclitum, Dómine.

vel Allelúia.

- 10 Benedíctus es, Dómine Deus Israel patris nostri,
ab ætérno in ætérnum. R.
- 11 Tua est, Dómine, magnificéntia et poténtia
et glória atque victória,
et tibi laus;
cuncta enim, quæ in cælo sunt et in terra, tua sunt.
Tuum, Dómine, regnum,
et tu es super omnes príncipes. R.
- 12 Tuæ divítiæ et tua est glória;
tu domináris ómnium,
in manu tua virtus et poténtia,
in manu tua magnitúdo et impérium ómnium. R.

2

Deus magna fecit in omni terra.

Léctio libri Sirácidæ

50, 24-26

Oráte Deum ómnium, qui magna fecit in omni terra, qui auxit dies nostros a ventre matris nostræ, et fecit nobíscum secúndum suam misericórdiam.

Det nobis iucunditátem cordis, et fieri pacem in diébus nostris in Israel per dies sempitérnos; crédere

Israel nobiscum esse Dei misericórdiam, ut líberet nos in diébus suis. — Verbum Dómini.

Psalmus responsorius

Ps 137, 1-2 a. 2 bc-3. 4-5 (R.: 2 bc)

R. Confitébor nómini tuo, Dómine,
propter misericórdiam tuam et veritátem tuam.

1 Confitébor tibi, Dómine, in toto corde meo,
quóniam audisti verba oris mei.

2 In conspéctu angelórum psallam tibi,
adorábo ad templum sanctum tuum. R.

Et confitébor nómini tuo
propter misericórdiam tuam et veritátem tuam.

3 In quacúmque die invocávero te, exáudi me;
multiplicábis in ánima mea virtútem. R.

4 Confitebúntur tibi, Dómine, omnes reges terræ,
quia audiérunt elóquia oris tui.

5 Et cantábunt vias Dómini,
quóniam magna est glória Dómini. R.

3

*Recordabor laudem Domini super multitudinem
bonorum domui Israel.*

Léctio libri Isaíæ prophétæ

63, 7-9

Miseratiónum Dómini recordábor, laudem Dómini super ómnibus, quæ réddidit nobis Dóminus, et super multitudínem bonórum dómui Israel, quæ largítus est eis secúndum indulgéntiam suam et secúndum multitudínem misericordiárum suárum.

Et dixit: « Verúmtamen pópulus meus est, filii non negántes »; et factus est eis salvátor. In omni tribulatióne eórum non est tribulátus, et ángelus faciéi eius salvávit eos. In dilectiÓne sua et in indulgéntia sua ipse redémit eos, et portávit eos et elevávit eos cunctis diébus sǎculi. — Verbum Dómini.

Psalmus responsorius

Ps 144, 2-3. 4-5. 6-7. 8-9. 10-11 (R.: 1 b)

R. Benedícam nómini tuo, Dómine, in ætérnum.

2 Per síngulos dies benedícam tibi,
et laudábo nomen tuum
in sǎculum et in sǎculum sǎculi.

3 Magnus Dóminus et laudábilis nimis,
et magnitúdinis eius non est investigátió. R.

4 Generátió generatiÓni laudábit ópera tua,
et poténtiam tuam pronuntiábunt.

5 Magnificéntiam glóriæ maiestátis tuæ loquéntur,
et mirabília tua enarrábunt. R.

6 Et virtútem terribílium tuórum dicent,
et magnitúdinem tuam narrábunt.

7 Memóriam abundántiæ suavitátis tuæ eructábunt,
et iustítia tua exsultábunt. R.

8 Miserátor et miséricors Dóminus,
longánimis et multæ misericórdiæ.

9 Suávis Dóminus univérſis,
et miseratiÓnes eius super ómnia ópera eius. R.

10 Confiteántur tibi, Dómine, ómnia ópera tua;
et sancti tui benedícant tibi.

11 Glóriam regni tui dicant,
et poténtiam tuam loquántur. R.

4

Rex Israel Dominus in medio tui.

Lectio libri Sophoniæ prophætæ

3, 14-15

Lauda, filia Sion; iúbila, Israel; lætare et exsulta in omni corde, filia Ierúsalem: ábstulit Dóminus iudícium tuum, avértit inimícos tuos; rex Israel Dóminus in médio tui, non timébis malum ultra.

Verbum Dómini.

Psalmus responsorius Ps 112, 1-2. 3-4. 5-6. 7-8 (R.: 2)

R. Sit nomen Dómini benedíctum in sácula.

vel Allelúia.

- 1 Laudáte, púeri Dómini,
laudáte nomen Dómini.
- 2 Sit nomen Dómini benedíctum
ex hoc nunc et usque in sáculum. R.
- 3 A solis ortu usque ad occásu
laudábile nomen Dómini.
- 4 Excélsus super omnes gentes Dóminus,
super cælos glória eius. R.
- 5 Quis sicut Dóminus Deus noster,
qui in altis hábitat,
- 6 et humília réspicit
in cælo et in terra? R.
- 7 Súscitans de terra ínopem,
de stércore érigens páuperem,
- 8 ut cóllocet eum cum princípibus,
cum princípibus pópuli sui. R.

Lectio secunda

1

Gratias ago Deo meo semper pro vobis.

Léctio Epístolæ primæ beāti Pauli apóstoli
ad Corínthios 1, 3-9

Fratres:

Grátia vobis et pax a Deo Patre nostro et Dómino Iesu Christo.

Grátias ago Deo meo semper pro vobis, in grátia Dei, quæ data est vobis in Christo Iesu; quia in ómnibus dívites facti estis in illo, in omni verbo et in omni sciéntia, sicut testimónium Christi confirmátum est in vobis.

Ita ut nihil vobis desit in ulla donatióne, expectántibus revelatióem Dómini nostri Iesu Christi; qui et confirmábit vos usque ad finem sine crímine, in die Dómini nostri Iesu Christi.

Fidélis Deus, per quem vocáti estis in communióne Fílii eius Iesu Christi Dómini nostri.

Verbum Dómini.

2

In laudem gloriæ gratiæ suæ.

Léctio Epístolæ beāti Pauli apóstoli ad Ephésios 1, 3-14

Benedíctus Deus et Pater Dómini nostri Iesu Christi, qui benedíxit nos in omni benedictióne spiritáli in cæléstibus in Christo; sicut elégit nos in ipso ante mundi constitutióne, ut essémus sancti et immaculáti

in conspéctu eius in caritáte; qui prædestinávit nos in adoptiónem filiórum per Iesum Christum in ipsum, secúndum beneplácitum voluntátis suæ, in laudem glóriæ grátiae suæ, in qua gratificávit nos in Dilécto.

In quo habémus redemptiónem per sánguinem eius, remissionem peccatórum, secúndum divítias grátiae eius, qua superabundávit in nobis in omni sapiéntia et prudéntia; notum fáciens nobis mystérium voluntátis suæ, secúndum beneplácitum eius, quod propósuit in eo, in dispensatióem plenitúdinis témporum, recapituláre ómnia in Christo, quæ in cælis et quæ in terra.

In ipso, in quo étiam sorte vocáti sumus, prædestináti secúndum propósitum eius, qui ómnia operátur secúndum consílium voluntátis suæ, ut simus in laudem glóriæ eius, qui ante sperávimus in Christo; in quo et vos, cum audissétis verbum veritátis, Evangélium salutis vestræ, in quo et credéntes signáti estis Spíritu promissionis Sancto, qui est árrabon hereditátis nostræ, in redemptiónem acquisitionis, in laudem glóriæ ipsius. — Verbum Dómini.

3

Gratias agentes Deo Patri per Christum.

Léctio Epístolæ beáti Pauli apóstoli ad Colossénses

3, 12-17

Fratres:

Indúite vos sicut elécti Dei, sancti et dilécti, viscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est vínculum perfectiónis; et pax Christi dominétur in córdi-

bus vestris, ad quam et vocáti estis in uno córpore; et grati estóte.

Verbum Christi hábitet in vobis abundánte, in omni sapiéntia docétes et commonétes vosmetípsos psalmis, hymnis et cánticis spiritalibus, in grátia cantátes in córdibus vestris Deo. Et omne quodcúmque fácitis in verbo aut in ópere, ómnia in Nómine Dómini Iesu, grátias ágétes Deo Patri per ipsum.

Verbum Dómini.

Evangelium

1

Alleluia

Ps 137, 1 bc

℞. Allelúia. ʒ. Confitébor tibi, Dómine,
in toto corde meo,
quóniam audísti verba oris mei.
℞. Allelúia.

Omnis qui petit accipit.

✠ Lécio sancti Evangélii secúndum Matthæum

7, 7-11

In illo témpore: Dixit Iesus discípulis suis:

« Pétite, et dábitur vobis; quárite, et inveniétis; pulsáte, et aperiétur vobis. Omnis enim qui petit áccipit, et qui quærit ínvenit, et pulsánti aperiétur.

Aut quis est ex vobis homo, quem si petierit fílius suus panem, numquid lápidem pórriget ei? aut si piscem petierit, numquid serpéntem pórriget ei? Si ergo vos, cum sitis mali, nostis dona bona dare fíliis vestris, quanto magis Pater vester, qui in cælis est, dabit bona peténtibus se ». — Verbum Dómini.

2

Alleluia

Cf. Mt 11, 25

℞. Allelúia. ʒ. Benedíctus es, Pater,
Dómine cæli et terræ,
quia mystéria Regni párvulis revelásti.
℞. Allelúia.

*Abscondisti hæc a sapientibus
et revelasti ea parvulis.*

✠ Lécio sancti Evangélíi secúndum Matthæum

11, 25-30

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis.

Ita, Pater, quóniam sic fuit plácitum ante te. Omnia mihi trádicta sunt a Patre meo; et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et oneráti estis, et ego refíciam vos.

Tóllite iugum meum super vos, et discite a me quia mitis sum et húmilis corde; et “ inveniétis réquiem animábus vestris ”; iugum enim meum suáve et onus meum leve est ».

Verbum Dómini.

3

Alleluia

Cf. Ps 65, 16

℞. Allelúia. ʒ. Veníte, audíte, et narrábo vobis
quanta fecit Dóminus ánimæ meæ.
℞. Allelúia.

Annuntia quanta tibi Dominus fecerit.

✠ Lécio sancti Evangélii secúndum Marcum 5, 18-20

In illo témpore:

Cum ascénderet Iesus navem, qui dæmónio vexátus fúerat deprecabátur eum ut esset cum illo.

Et non admísit eum, sed ait illi: « Vade in domum tuam ad tuos, et annúntia illis quanta tibi Dóminus fécerit, et misértus sit tui ».

Et ábiit et cœpit prædicáre in Decápoli quanta sibi fecísset Iesus, et omnes mirabántur. — Verbum Dómini.

4

Alleluia Lc 1, 49

℟. Allelúia. ℣. Fecit mihi magna qui potens est,
et sanctum nomen eius. ℞. Allelúia.

Magnificat anima mea Dominum.

✠ Lécio sancti Evangélii secúndum Lucam 1, 39-55

Exsúrgens María in diébus illis ábiit in montána cum festinatióne, in civitátem Iudæ. Et intrávit in domum Zachariæ et salutávit Elísabeth.

Et factum est, ut audívit salutatiónem Mariæ Elísabeth, exsultávit infans in útero eius, et repléta est Spíritu Sancto Elísabeth, et exclamávit voce magna, et dixit:

« Benedícta tu inter mulíeres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. Et beáta quæ crédidit, quóniam perficiéntur ea quæ dicta sunt ei a Dómino ».

Et ait María:

« Magnificat ánima mea Dóminum, et exsultávit spíritus meus in Deo Salvatóri meo, quia respéxit humilitátem ancillæ suæ.

Ecce enim ex hoc beátam me dicent omnes generatiónes: quia fecit mihi magna qui potens est, et sanctum Nomen eius, et misericórdia eius in progénies et progénies timéntibus eum.

Fecit poténtiam in bráccio suo, dispérsit supérbos mente cordis sui, depósuit poténtes de sede et exaltávit húmiles, esuriéntes implévit bonis et dívites dimísit inánes.

Suscépit Israel púerum suum, memorári misericórdiæ, sicut locútus est ad patres nostros, Abraham et sémini eius in sácula ». — Verbum Dómini.

5

Alleluia

Cf. Mt 11, 25

℟. Allelúia. ℣. Benedíctus es, Pater,
Dómine cæli et terræ,
quia mystéria Regni párvulis revelásti.
℟. Allelúia.

Gaudete quod nomina vestra scripta sunt in cælis.

✠ Lécio sancti Evangélíi secúndum Lucam 10, 17-24

In illo témpore:

Revérsi sunt ad Iesum septuagínta duo cum gáudio dicéntes: « Dómine, étiam dæmónia subiciúntur nobis in Nómine tuo ».

Et ait illis: « Vidébam Sátanam sicut fulgur de cælo cadéntem. Ecce dedi vobis potestátem calcáandi supra serpéntes et scorpiónes, et supra omnem virtútem ini-

míci; et nihil vobis nocébit. Verúmtamen in hoc nolíte gaudére quia spíritus vobis subiciúntur; gaudéte autem quod nómina vestra scripta sunt in cælis ».

In ipsa hora exsultávit Spíritu Sancto et dixit: « Confíteor tibi, Pater, Dómine cæli et terræ, quod abscondísti hæc a sapiéntibus et prudéntibus, et revelásti ea párvulis. Etiam, Pater, quia sic plácuít ante te. Omnia mihi trádicta sunt a Patre meo. Et nemo scit qui sit Fílius, nisi Pater; et qui sit Pater, nisi Fílius et cui volúerit Fílius reveláre ».

Et convérsus ad discípulos seórsum dixit: « Beáti óculi qui vident quæ vidétis. Dico vobis: Multi prophætæ et reges voluérunt vidére quæ vos vidétis, et non vidérunt; et audíre quæ audítis, et non audiérunt ».

Verbum Dómini.

6

Alleluia

1 Th 5, 18

℞. Allelúia. ʒ. In ómnibus grátias ágite:
hæc est enim volúntas Dei in Christo Iesu
in ómnibus vobis. ℞. Allelúia.

*Cecidit in faciem ante pedes eius,
gratias agens ei.*

✠ Lécitio sancti Evangélíi secúndum Lucam 17, 11-19

In illo témpore;

Factum est, dum iret Iesus in Ierúsalem, transíbat per médiám Samariám et Galilæam.

Et, cum ingrederétur quoddam castéllum, occurrérunt ei decem viri leprósi, qui stetérunt a longe et levavérunt vocem dicéntes: « Iesu præcéptor, miserére nostri ».

Quos ut vidit, dixit: « Ite, osténdite vos sacerdotibus ». Et factum est, dum irent, mundáti sunt.

Unus autem ex illis, ut vidit quia sanátus est, regressus est cum magna voce, magníficans Deum, et cecidit in faciém ante pedes eius, grátias agens ei. Et hic erat Samaritánus.

Respóndens autem Iesus dixit: « Nonne decem mundáti sunt? et novem ubi sunt? Non sunt invénti qui redirent ut darent glóriam Deo, nisi hic alienígena? »

Et ait illi: « Surge, vade: fides tua te salvum fecit ». — Verbum Dómini.

7

Alleluia

Io 15, 11

℞. Allelúia. ☩. Hæc locútus sum vobis, dicit Dóminus, ut gáudium meum in vobis sit, et gáudium vestrum impleátur.

℞. Allelúia.

Hæc mando vobis, ut diligatis invicem

✠ Léctio sancti Evangélíi secúndum Ioánnem 15, 9-17

In illo témpore: Dixit Iesus discipulis suis:

« Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne.

Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis invicem sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcípio

vobis. Iam non dico vos servos, quia servus nescit quid facit dñus eius: vos autem dixi amicos, quia omnia quæ audívi a Patre meo, nota feci vobis.

Non vos me elegístis; sed ego elégi vos et pòsui vos, ut vos eátis, et fructum afferátis, et fructus vester máneat; ut, quodcúmque petiéritis Patrem in Nómine meo, det vobis.

Hæc mando vobis, ut diligátis ínvicem ».

Verbum Dómini.

8

Alleluia

R. Allelúia. V. Te Deum laudámus,
te Dóminum confitémur:
te per orbem terrárum
sancta confitétur Ecclésia. R. Allelúia.

Gaudium vestrum nemo tollit a vobis.

✠ Lécio sancti Evangélíi secúndum Ioánnem

16, 20-22

In illo témpore: Dixit Iesus discípulis suis:

« Amen, amen dico vobis, quia plorábitis et flébitis vos, mundus autem gaudébit. Vos contristabímíni, sed tristítia vestra vertétur in gáudium.

Múlíer, cum parit, tristítiam habet, quia venit hora eius; cum autem pepérerit púerum, iam non méminit pressúræ propter gáudium, quia natus est homo in mundum.

Et vos ígitur nunc quidem tristítiam habétis; íterum autem vidébo vos, et gaudébit cor vestrum, et gáudium vestrum nemo tollet a vobis ».

Verbum Dómini.

IV. PRO QUIBUSDAM NECESSITATIBUS PARTICULARIBUS

40. PRO REMISSIONE PECCATORUM

Ant. ad introitum

Cf. Sap. 11, 24. 25. 27

Miseréris ómnium, Dómine,
et nihil odísti eórum quæ fecísti,
dissimulans peccáta hóminum propter pæniténtiam,
et parcens illis, quia tu es Dóminus Deus noster.

Collecta

Súpplicum preces, quæsumus, Dómine,
propitiátus exáudi,
et confiténtium tibi parce peccátis,
ut páriter nobis indulgéntiam tríbuas benígnus et pacem.
Per Dóminum.

Vel:

Propitiáre, Dómine, pópulo tuo,
et ab ómnibus absólve peccátis,
ut, quod nostris offénsiónibus promerémur,
tua indulgéntia repellátur.
Per Dóminum.

Lectiones ut infra, pp. 1471-1484.

Super oblata

Hóstias tibi, Dómine,
placatiónis et laudis offérimus,
ut et delícta nostra miserátus absólvas,
et nutántia corda tu dírigas.
Per Christum.

Præfatio IV de dominicis per annum, p. 591.

Ant. ad communionem

Lc 15, 10

Gáudium erit coram Angelis Dei
super uno peccatóre pæniténtiam agente.

Post communionem

Præsta nobis, miséricors Deus,
ut, percipiéntes hoc múnere véniam peccatórum,
illa deinceps vitáre tua grátia valeámus,
et tibi sincéro corde servíre.
Per Christum.

Lectio prima

1

*Revertatur ad Dominum, quoniam multus est
ad ignoscendum.*

Léctio libri Isaíæ prophétæ

55, 6-9

Quærite Dóminum, dum inveníri potest; invocáte eum, dum prope est. Derelínquat ímpius viam suam, et vir iníquus cogitatiónes suas, et revertátur ad Dóminum et miserébitur eius; et ad Deum nostrum, quóniam multus est ad ignoscéndum.

Non enim cogitatiónes meæ cogitatiónes vestræ, neque viæ vestræ viæ meæ, dicit Dóminus. Quia sicut exaltántur cæli a terra, sic exaltátæ sunt viæ meæ a viis vestris, et cogitatiónes meæ a cogitatió nibus vestris.

Verbum Dómini.

Psalmus responsorius

Ps 102, 1-2. 3-4. 8-9. 11-12 (R.: 10 a)

R. Non secúndum peccáta nostra Dóminus fecit nobíscum.

- 1 Bénedic, ánima mea, Dómino;
et ómnia quæ intra me sunt, nómini sancto eius.
- 2 Bénedic, ánima mea, Dómino,
et noli oblivísci omnes retributiónes eius. R.
- 3 Qui propitiátur ómnibus iniquitatibus tuis,
qui sanat omnes infirmitátes tuas;
- 4 qui rédimít de intéritu vitam tuam,
qui coronat te in misericórdia et miseratióibus. R.
- 8 Miserátor et miséricors Dóminus,
longánimis et multæ misericórdiæ.
- 9 Non in perpétuum conténdet,
neque in ætérnum irascétur. R.
- 11 Quóniam, quantum exaltátur cælum a terra,
præváluit misericórdia eius super timéntes eum;
- 12 quantum distat ortus ab occidénte,
longe fecit a nobis iniquitátes nostras. R.

2

*Convertimini et agite pænitentiam ab omnibus
iniquitatibus vestris.*

Léctio libri Ezechiélis prophétæ 18, 21-23. 30-32

Hæc dicit Dóminus:

« Si ímpius égerit pæniténtiam ab ómnibus peccá-
tis suis, quæ operátus est, et custodierit ómnia præcépta
mea et fécerit iudícium et iustítiam, vita vivet et non
moriétur; ómnium iniquitátum eius, quas operátus est,
non recordábor; in iustítia sua, quam operátus est, vivet.

Numquid voluntátis meæ est mors ímpii? dicit Dóminus Deus, et non ut convertátur a viis suis et vivat?

Idcirco unumquémque iuxta vias suas iudicábo, domus Israel, ait Dóminus Deus.

Convertímini et ágite pæniténtiam ab ómnibus iniquitatibus vestris, et non erit vobis in ruínam iníquitas; proícite a vobis omnes prævaricatiónes vestras, in quibus prævaricáti estis, et fácite vobis cor novum et spíritum novum; et quare moriémini, domus Israel?

Quia nolo mortem moriéntis, dicit Dóminus Deus, revertímini et vívite ».

Verbum Dómini.

Psalmus responsorius

Ps 50, 3-4. 5-6 a. 12-13. 14 et 17 (R.: cf. 3 a)

R. Misérére, Dómine, quia peccávimus.

3 Misérére mei, Deus, secúndum misericórdiam tuam;
et secúndum multitudínem miseratiónum tuárum
dele iniquitátem meam.

4 Amplius lava me ab iniquitáte mea,
et a peccáto meo munda me. R.

5 Quóniam iniquitátem meam ego cognósco,
et peccátum meum contra me est semper.

6 Tibi, tibi soli peccávi, et malum coram te feci. R.

12 Cor mundum crea in me, Deus,
et spíritum firmum ínnova in viscéribus meis.

13 Ne proícias me a fácie tua,
et spíritum sanctum tuum ne áuferas a me. R.

14 Redde mihi lætítiam salutáris tui,
et spíritu promptíssimo confírma me.

17 Dómine, lábia mea apéries,
et os meum annuntiábit laudem tuam. R.

Scindite corda vestra, et non vestimenta vestra

Léctio libri Ioélis prophétæ

2, 12-18

Nunc dicit Dóminus: « Convertímini ad me in toto corde vestro, in ieiúnio et in fletu et in planctu, et scíndite corda vestra et non vestiménta vestra, et convertímini ad Dóminum Deum vestrum, quia benígnus et miséricors est, pátiens et multæ misericórdiæ et præstabilis super malítia. Quis scit, si convertátur et ignóscat et relínquat post se benedictiónem, sacrificium et libámen Dómino Deo vestro?

Cánite tuba in Sion, sanctificáte ieiúnium, vocáte cœtum, congregáte pópulum, sanctificáte ecclésiám, coadunáte senes, congregáte párvulos et sugéntes úbera; egrediátur sponsus de cubíli suo, et sponsa de thálamo suo.

Inter vestibulum et altáre plorábunt sacerdótes mínistri Dómini, et dicent: “ Parce, Dómine, parce pópulo tuo et ne des hereditátem tuam in oppróbrium, ut dominéntur eis nátiónes. Quare dicunt in pópulis: Ubi est Deus eórum? ” »

Zelátus est Dóminus terram suam, et pepércit pópulo suo. — Verbum Dómini.

Psalmus responsorius

Ps 102, 1-2. 3-4. 8-9. 11-12 (R.: 8 a)

R. Miserátor et miséricors Dóminus.

- ¹ Bénedic, ánima mea, Dómino;
et ómnia quæ intra me sunt, nómini sancto eius.
- ² Bénedic, ánima mea, Dómino,
et noli oblivísci omnes retributiónes eius. R.

- 3 Qui propitiátur ómnibus iniquitátibus tuis,
 qui sanat omnes infirmitátes tuas;
 4 qui rédimit de intéritu vitam tuam,
 qui coronat te in misericórdia et miseratióibus. *R.*
- 8 Miserátor et miséricors Dóminus,
 longánimis et multæ misericórdiæ.
- 9 Non in perpétuum conténdet,
 neque in ætérnum irascétur. *R.*
- 11 Quóniam, quantum exaltátur cælum a terra,
 præváluit misericórdia eius super timéntes eum;
 12 quantum distat ortus ab occidén-te,
 longe fecit a nobis iniquitátes nostras. *R.*

4

Conversi sunt Ninivitæ de via sua mala.

Léctio libri Ionæ prophétæ

3, 1-10

Factum est verbum Dómini ad Ionam secúndo, di-cens: « Surge, et vade in Níniven civitátem magnam; et prædica in ea prædicatióem, quam ego loquor ad te ».

Et surréxit Ionas et ábiit in Níniven iuxta verbum Dómini; et Nínive erat cívitas magna itínere trium diérum.

Et cœpit Ionas introíre in civitátem itínere diéi uníus, et clamávit et dixit: « Adhuc quadragínta dies, et Nínive subvertétur ».

Et credidérunt viri Ninivítæ in Deum; et prædica-vérunt ieiúnium, et vestíti sunt saccis a maióre usque ad minórem. Et pervénit verbum ad regem Nínive, et surréxit de sólio suo, et abiécit vestiméntum suum a se, et indútus est sacco et sedit in cínere.

Et clamávit et dixit in Nínive, ex ore regis et prín-

cipum eius, dicens: « Hómines et iuménta et boves et pécora non gustent quidquam nec pascántur, et aquam non bibant; et operiántur saccis hómines et iuménta et clament ad Dóminum in fortitúdine, et convertátur vir a via sua mala et ab iniquitáte, quæ est in mánibus eórum. Quis scit, si convertátur et ignóscat Deus et revertátur a furóre iræ suæ, et non períbimus? »

Et vidit Deus ópera eórum, quia convérsi sunt de via sua mala, et misértus est Deus super malítiam, quam locútus fúerat ut fáceret eis, et non fecit.

Verbum Dómini.

Psalmus responsorius

Ps 129, 1-2. 3-4. 5-6 a. 6 b-7. 8 (R.: 3)

R. Si iniquitátes observáveris, Dómine, quis sustinébit?

De profúndis clamávi ad te, Dómine;

Dómine, exáudi vocem meam.

Fiant aures tuæ intendéntes
in vocem deprecationis meæ. R.

Si iniquitátes observáveris, Dómine,
Dómine, quis sustinébit?

Quia apud te propitiátio est,
et timébimus te. R.

Sustínui te, Dómine;
sustínuit ánima mea in verbo eius,
sperávit ánima mea in Dómino. R.

Magis quam custódes auróram,
speret Israel in Dómino.
Quia apud Dóminum misericórdia,
et copiósa apud eum redemptio. R.

Et ipse rédimet Israel
ex ómnibus iniquitátibus eius. R.

Lectio secunda

1

*Existimate vos mortuos quidem peccato,
videntes autem Deo.*

Lectio Epistolæ beāti Pauli apóstoli ad Romános

6, 2-4. 12-14

Fratres:

Qui mórtui sumus peccáto, quómodo adhuc vivémus in illo? An ignorátis quia quicúmque baptizáti sumus in Christo Iesu, in morte ipsíus baptizáti sumus?

Consepúlti ergo sumus cum illo per baptísmum in mortem, ut, quemádmódum suscitátus est Christus a mórtuis per glóriam Patris, ita et nos in novitáte vitæ ambulémus.

Non ergo regnet peccátum in vestro mortáli córpore, ut obœdiátis concupiscéntiis eius. Neque exhibeátis membra vestra arma iniustítiæ peccáto; sed exhibéte vos Deo tamquam ex mórtuis vivéntes, et membra vestra arma iustítiæ Deo.

Peccátum enim vobis non dominábitur; non enim sub Lege estis, sed sub grátia. — Verbum Dómini.

2

Sanguis Iesu mundat nos ab omni peccato.

Lectio Epistolæ primæ beāti Ioánnis apóstoli

1, 5 — 2, 2

Caríssimi:

Hæc est annuntiátio, quam audívimus a Iesu Christo et annuntiámus vobis, quóniam Deus lux est, et ténebræ

in eo non sunt ullæ. Si dixerimus quóniam communió-
nem habémus cum eo, et in ténebris ambulámus, men-
tímur et non fácimus veritátem; si autem in luce am-
bulémus, sicut ipse est in luce, communió-
nem habémus ad ínvicem, et sanguis Iesu, Fílii eius, mundat nos ab
omni peccáto. Si dixerimus quóniam peccátum non
habémus, ipsi nos sedú-
cimus, et véritas in nobis non est.

Si confiteámur peccáta nostra, fidélis est et iustus,
ut remíttat nobis peccáta et emúndet nos ab omni ini-
stítia. Si dixerimus quóniam non peccávimus, mendá-
cem fácimus eum, et verbum eius non est in nobis.

Filíoli mei, hæc scribo vobis ut non peccétis; sed si
quis peccáverit, advocátum habémus ad Patrem, Iesum
Christum iustum, et ipse est propitiátio pro peccátis
nostris: non pro nostris autem tantum, sed étiam pro
totíus mundi. — Verbum Dómini.

Evangelium

1

Alleluia

Cf. Ap 1, 5 ab

℟. Allelúia. ✠. Iesu Christe, testis es fidélis,
primogénitus mortuórum;
dilexísti nos et lavísti peccáta nostra
in ságuine tuo.
℟. Allelúia.

*Glorificaverunt Deum, qui dedit potestatem
talem hominibus*

✠ Léctio sancti Evangélíi secúndum Matthæum

9, 1-8

In illo témpore:

Ascéndens Iesus in navículam transfretávit, et ve-

nit in civitatem suam. Et ecce offerébant ei paralyticum iacentem in lecto.

Et videns. Iesus fidem illorum, dixit paralytico: « Confide, fili, remittuntur peccata tua ».

Et ecce quidam de scribis dixerunt intra se: « Hic blasphemá ».

Et, cum vidisset Iesus cogitationes eorum, dixit: « Ut quid cogitatis mala in cordibus vestris? Quid enim est facilius dicere: " Dimittuntur peccata tua ", aut dicere: " Surge et ambula? " Ut sciatis autem quoniam Filius hominis habet potestatem in terra dimittendi peccata, tunc ait paralytico: " Surge, tolle lectum tuum et vade in domum tuam " ».

Et surrexit et abiit in domum suam.

Videntes autem turbæ, timuerunt et glorificaverunt Deum, qui dedit potestatem talem hominibus.

Verbum Domini.

2

Alleluia

Mc 1, 15

R. Allelúia. V. Appropinquávit Regnum Dei; pænitémini et créдите Evangélio. R. Allelúia.

Pænitemini et credite Evangelio.

✠ Inítium sancti Evangélii secúndum Marcum

1, 1-8. 14-15

Inítium Evangélii Iesu Christi Filii Dei.

Sicut scriptum est in Isaía prophéta: « Ecce ego mitto ángelum meum ante faciém tuam, qui præparábit viam tuam ». Vox clamántis in desérto: « Paráte viam Dómini, rectas fácite sémitas eius ».

Fuit Ioánnes in desérto baptizans, et prædicans

baptísmum pæniténtiæ in remissiónem peccatórum. Et egrediebátur ad illum omnis Iudææ régio, et Hierosolymítæ univérsi, et baptizabántur ab illo in Iordáne flúmine confiténtes peccáta sua.

Et erat Ioánnes vestítus pilis caméli, et zona pellícea circa lumbos eius, et locústas et mel silvéstre edébat; et prædicábat dicens: « Venit fórtior me post me, cuius non sum dignus procúmbens sólvere corrígiam calceamentórum eius. Ego baptizávi vos aqua, ille vero baptizábit vos in Spíritu Sancto ».

Postquam autem tráditus est Ioánnes, venit Iesus in Galilæam prædicans Evangélium Dei, et dicens: « Implétum est tempus, et appropinquávit Regnum Dei; pænitémini et créдите Evangélio ». — Verbum Dómini.

3

Alleluia

Cf. Ap 1, 5 ab

℟. Allelúia. ℣. Iesu Christe, testis es fidélis,
primogénitus mortuórum;
dilexísti nos et lavísti peccáta nostra
in ságuine tuo. ℟. Allelúia.

*Remissa sunt peccata eius multa,
quoniam dilexit multum*

✠ Lécio sancti Evangélii secúndum Lucam 7, 36-50

In illo témpore:

Rogábat Iesum quidam de pharisæis ut manducáret cum illo. Et ingrédessus domum pharisæi discúbuit.

Et ecce múlter, quæ erat in civitáte peccátrix, ut cognóvit quod accúbuit in domo pharisæi, áttulit alabástrum unguénti; et stans retro secus pedes eius flens, lácrimis cœpit rigáre pedes eius, et capíllis cápitis sui tergébat, et osculabátur pedes eius et unguénto ungébat.

Videns autem pharisæus, qui vocáverat eum, ait intra se dicens: « Hic, si esset prophéta, sciret úti-que quæ et qualis múlter quæ tangit eum, quia peccátrix est ».

Et respóndens Iesus dixit ad illum: « Simon, hábeo tibi áliquíd dícere ».

At ille ait: « Magíster, dic ».

« Duo debitóres erant cuídam fœneratóri: unus debébat denários quingéntos et álius quinquagínta. Non habéntibus illis unde rédderent, donávit utrísque. Quis ergo eórum plus díliget eum? »

Respóndens Simon dixit: « Æstimo quia is cui plus donávit ».

At ille dixit ei: « Recte iudicásti ».

Et convérsus ad mulíerem, dixit Simóni: « Vides hanc mulíerem? Intrávi in domum tuam, aquam pédibus meis non dedísti; hæc autem lácrimis rigávit pedes meos, et capíllis suis tersit. Osculum mihi non dedísti; hæc autem, ex quo intrávi, non cessávit osculári pedes meos. Oleo caput meum non unxísti; hæc autem unguénto unxit pedes meos. Propter quod dico tibi: Remíssa sunt peccáta eius multa, quóniam diléxit multum. Cui autem minus dimíttitur, minus díligit ».

Dixit autem ad illam: « Remíssa sunt peccáta tua ».

Et cœpérunt qui simul accumbébant dícere intra se: « Quis est hic, qui étiam peccáta dimíttit? »

Dixit autem ad mulíerem: « Fides tua te salvam fecit; vade in pace ». — Verbum Dómini.

4

Alleluia

Ez 33, 11

℟. Allelúia. ☿ Nolo mortem ímpii, dicit Dóminus, sed ut convertátur et vivat. ℟. Allelúia.

*Gaudere oportebat, quia frater tuus hic
mortuus erat et revixit.*

✠ Lécio sancti Evangélii secúndum Lucam

15, 1-3. 11-32

In illo témpore:

Erant appropinquántes Iesu omnes publicáni et peccatóres, ut audírent illum.

Et murmurábant pharisæi et scribæ dicéntes: « Hic peccatóres récipit et mandúcat cum illis ».

Et ait ad illos parábolam istam dicens: « Homo quidam habébat duos fílios, et dixit adulescéntior ex illis patri: “ Pater, da mihi portiónem substántiæ, quæ me contíngit ”. Et divisit illis substántiam.

Et non post multos dies, congregátis ómnibus, adulescéntior fílius péregre proféctus est in regiónem longínquam; et ibi dissipávit substántiam suam vivéndo luxurióse.

Et, postquam ómnia consummáset, facta est fames válda in regióné illa, et ipse cœpit egére. Et ábiit et adhæsit uni cívium regiónis illíus, et misit illum in villam suam, ut pásceret porcos. Et cupiébat saturári de síliquis, quas porci manducábant; et nemo illi dabat.

In se autem revérsus dixit: “ Quanti mercenárii patris mei abúndant pánibus, ego autem hic fame péreo! Surgam et ibo ad patrem meum et dicam illi: Pater, peccávi in cælum et coram te: et iam non sum dignus vocári fílius tuus: fac me sicut unum de mercenáriis tuis ”.

Et surgens venit ad patrem suum. Cum autem adhuc longe esset, vidit illum pater ipsíus, et misericórdia motus est; et accúrrens cécidit supra collum eius, et osculátus est illum.

Dixitque ei fílius: " Pater, peccávi in cælum et coram te: iam non sum dignus vocári fílius tuus ".

Dixit autem pater ad servos suos: " Cito proférte stolam primam et indúite illum, et date ánulum in manum eius et calceaménta in pedes; et addúcite vítulum saginátum, occídite et manducémus et epulémur; quia hic fílius meus mórtuus erat et revíxit, perierat et invéntus est ". Et cœpérunt epulári.

Erat autem fílius eius sénior in agro, et cum veníret et appropinquáret dómui, audívit symphóniam et choros; et vocávit unum de servis, et interrogávit quæ hæc essent.

Isque dixit illi: " Frater tuus venit, et occídit pater tuus vítulum saginátum, quia salvum illum recépit ". Indignátus est autem et nolébat introíre; pater ergo illius egréssus cœpit rogáre illum.

At ille respóndens dixit patri suo: " Ecce tot annis sérvio tibi, et numquam mandátum tuum prætérii, et numquam dedísti mihi hædum, ut cum amícis meis epulárer; sed postquam fílius tuus hic, qui devorávit substántiam tuam cum meretrícibus, venit, occidísti illi vítulum saginátum ".

At ipse dixit illi: " Fili, tu semper mecum es, et ómnia mea tua sunt. Epulári autem et gaudére oportébat, quia frater tuus hic mórtuus erat et revíxit, perierat et invéntus est " ». — Verbum Dómini.

5

Alleluia

Mc 1, 15

℞. Allelúia. ℣. Appropinquávit Regnum Dei;
pænitémini et créдите Evangélio.

℞. Allelúia.

*Mittit Iesus apostolos prædicare pænitentiam
in remissionem peccatorum.*

✠ **Lectio sancti Evangélii secúndum Lucam 24, 46-48**

In illo témpore:

Dixit Iesus discipulis suis: « Sic scriptum est, Christum pati et resúrgeré a mórtuis die tértia, et prædicári in nómine eius pæniténtiam in remissiónem peccatórum in omnes gentes, incipiéntibus ab Ierúsalem. Vos estis testes horum ». — Verbum Dómini.

41. AD POSTULANDAM CARITATEM

Ant. ad introitum

Ez 36, 26. 27. 28

Dicit Dóminus:

Auferam cor lapídeum de carne vestra,
et dabo vobis cor cárneum,
et spíritum meum ponam in médio vestri:
et éritis mihi in pópulum, et ego ero vobis in Deum.

Collecta

Corda nostra, quæsumus, Dómine,
tuæ Spíritu caritátis inflámma,
ut tuæ digna semper ac plácita maiestáti cogitare
et te in frátribus sincére diligere valeámus.

Per Dóminum.

**Pro lectionibus sumuntur textus aptiores ex iis qui proponuntur
in Missis pro unitate christianórum, pp. 1312-1328, vel pro pace
et iustitia servanda, pp. 1364-1373.**

Super oblata

Propítius, Dómine, quæsumus, hæc dona sanctífica,
et, hóstiæ spiritalis oblatióne suscépta, concéde,
ut caritátem tuam ad omnes possímus exténdere.
Per Christum.

Ant. ad communionem

1 Cor 13, 13

Nunc autem manent fides, spes, caritas, tria hæc:
maior autem horum est caritas.

Post communionem

Quos uno pane cælesti satiasti,
quæsumus, Domine,
ut Sancti Spiritus gratia perfundas,
et abundanter reficias perfectæ dulcedine caritatis.
Per Christum.

42. PRO CONCORDIA FOVENDA

Ant. ad introitum

Act 4, 32. 33

Multitudinis credentium erat cor unum et anima una.
Et virtute magna reddébant Apóstoli
testimónium resurrectionis Iesu Christi Domini nostri;
et gratia magna erat in ómnibus illis, allelúia.

Collecta

Deus, summa unitas et vera caritas,
da fidelibus tuis cor unum et animam unam,
ut Ecclesiæ tuæ corpus concórdia vígeat,
et, quæ veritátis confessióne nítitur,
stábili unitáte firmétur.
Per Dóminum.

Pro lectionibus sumuntur textus aptiores ex iis qui proponuntur
in Missis pro unitate christianorum, pp. 1312-1328, vel pro pace
et iustitia servanda, pp. 1364-1373.

Super oblata

Deus, qui nos ad imáginem tuam
sacraméntis rénovas et præcéptis,
gressus nostros in sémitis tuis pérfice miserátus,

ut caritátis donum, quod a nobis sperári fecísti,
per hæc quæ offérimus sacrificia tríbuas apprehénderi.
Per Christum.

Præfatio de unitate, p. 1308.

Ant. ad communionem

Io 17, 20. 21

Rogo, Pater, pro eis qui creditúri sunt in me,
ut ipsi in nobis unum sint,
ut credat mundus quia tu me misísti, dicit Dóminus.

Post communionem

Súmpsimus, Dómine, sacraméntum unitátis;
præsta nobis, quæsumus,
sancta unanimítate in domo tua vivéntibus,
pacem habére quam trádimus,
pacem serváre quam súmimus.
Per Christum.

43. PRO FAMILIA

Ant. ad introitum

Eph 6, 2-3

Honóra patrem tuum et matrem tuam,
quod est mandátum primum in promissióne,
ut bene sit tibi et sis longævus super terram.

Collecta

Deus, cuius in ordinatióne
societas familiáris firmum suum habet fundaméntum,
réspice famulórum tuórum preces miserátus, et præsta,
ut, exempla sanctæ Famíliæ Unigéniti tui
domésticis virtútibus caritátisque obséquio sectántes,
in lætítia domus tuæ præmiis fruámur ætérnis.
Per Dóminum.

Pro lectionibus sumuntur textus aptiores ex iis qui proponuntur
in Missa pro sponsis, pp. 1146-1172.

Super oblata

Hóstiam tibi placatiónis offérimus, Dómine,
supplíciter deprecánte,
ut famílias nostras
in tua grátia firmiter et pace constítuas.
Per Christum.

Ant. ad communionem**Is 49, 15**

Numquid oblivísci potest múlter infántem suum?
Et si illa oblíta fúerit,
ego tamen non oblivíscar tui, dicit Dóminus.

Post communionem

Quos cæléstibus réficis sacraméntis,
fac, clementíssime Pater,
sanctæ Famíliæ Unigéniti tui exéempla iúgiter imitári,
ut, post ærúmna sæculi,
eius consórtium consequántur ætérnum.
Per Christum.

44. PRO FAMILIARIBUS ET AMICIS**Ant. ad introitum****Cf. Ps 121, 6. 8**

Rogáte quæ ad pacem sunt Ierúsalem,
et abundántia diligéntibus te.
Propter fratres meos et próximos meos
loquébar pacem de te.

Collecta

Deus, qui caritátis dona,
per grátiam Sancti Spíritus,

tuórum fidélium córdibus infudísti,
da fámulis tuis,
pro quibus tuam deprecámur cleméntiam,
salútem mentis et córporis,
ut te tota virtúte díligant,
et, quæ tibi sunt plácita, tota dilectióne perfíciant.
Per Dóminum.

**Pro lectionibus sumuntur textus aptiores ex iis qui proponuntur
in Missis pro unitate christianorum, pp. 1312-1328, vel pro pace
et iustitia servanda, pp. 1364-1373.**

Super oblata

Miserére, Dómine, fámulis tuis,
pro quibus hoc laudis sacrificium
tuæ offérimus maiestáti,
ut, per hæc sancta,
supérnæ benedictiónis grátiam obtíneant,
et glóriam æternæ beatitúdinis acquirant.
Per Christum.

Ant. ad communionem

Mt 12, 50

Quicúmque fécerit voluntátem Patris mei,
qui in cælis est,
ipse meus frater et soror et mater est, dicit Dóminus.

Post communionem

Te quæsumus, Dómine, suméntes divína mystéria,
ut fámulis tuis, quibus dedísti in nos caritátem,
indulgéntiam tríbuas peccatórum,
consolatióne vitæ gubernatióneque perpétuam,
quátenus nos omnes, tibi unánimes serviéntes,
ante fáciem tuam congaudéntes perveníre mereámur.
Per Christum.

45. PRO AFFLIGENTIBUS NOS

Ant. ad introitum

Lc 6, 27. 28

Diligite inimicos vestros, dicit Dóminus;
benefacite his qui odérunt vos;
benedícite maledicéntibus vobis,
et oráte pro calumniántibus vos.

Collecta

Deus, qui caritátis tuæ præcépto voluísti,
ut nos affligéntibus amórem impendámus sincérum,
da nobis ita novæ legis sequi mandáta,
ut bona pro malis réddere
et álíi aliórum ónera portáre studeámus.
Per Dóminum.

Pro lectionibus sumuntur textus aptiores ex iis qui proponuntur
in Missis pro unitate christianorum, pp. 1312-1328, vel pro pace
et iustitia servanda, pp. 1364-1373.

Super oblata

Pacem cum ómnibus habére cupiéntes,
tibi, Dómine, pro his qui nobis adversántur
hoc sacrificium offérimus,
et Fílii tui mortem commemorámus,
per quam, cum inimíci essémus, tibi reconciliáti sumus.
Per Christum.

Ant. ad communionem

Mt 5, 9-10

Beáti pacífici, quóniam fílii Dei vocabúntur.
Beáti qui persecutiónem patiúntur propter iustítiam,
quóniam ipsórum est regnum cælórum.

Post communionem

Per hæc pacis nostræ mystéria,
da nos, Deus, cum ómnibus esse pacíficos,

et eos qui nobis adversántur
tibi gratos effícere, nobísque placátos.
Per Christum.

46. AD POSTULANDAM
GRATIAM BENE MORIENDI

Ant. ad introitum

Ps 22, 4

Si ambulávero in médio umbræ mortis,
non timébo mala,
quóniam tu mecum es, Dómine, Deus meus.
Virga tua et báculus tuus ipsa me consoláta sunt.

Collecta

Deus, qui nos ad imáginem tuam creásti,
et pro nobis Fílium tuum mortem subíre voluísti,
concéde supplicibus tuis
ita vigiláre omni témpore orántes,
ut absque peccáti mácula de hoc mundo exíre,
et in sinu misericórdiæ tuæ
cum exultatióne requiéscere mereámur.
Per Dóminum.

Lectiones ut infra, pp. 1491-1496.

Super oblata

Sicut mortem nostram occidísti, Dómine,
morte Unigéniti tui,
ita eiúsdem sacraménti virtúte præsta,
ut, voluntáti tuæ obœdiéntes usque ad mortem,
cum pace et fidúcia de hoc sáculo exíre,
et ipsíus resurrectionis
partícipes éffici tuo múnere valeámus.
Per Christum.

Præfatio communis V, p. 613; vel VI, p. 614.

Ant. ad communionem

Rom 14, 7-8

Nemo nostrum sibi vivit, et nemo sibi móritur:
sive enim vívimus, Dómino vívimus;
sive mórimur, Dómino mórimur.
Sive ergo vívimus, sive mórimur, Dómini sumus.

Vel:

Lc 21, 36

Vigiláte, omni témpore orántes,
ut digni habeámini stare ante Fílium hóminis.

Post communionem

Immortalitátis pínora, Dómine,
per hæc mystéria consecúti,
pro nostræ mortis éxitu
pietátis tuæ auxiliúm súplices implorámus,
ut, inimíci superátis insídiis,
in sinu glóriæ tuæ reficiámur ætérynæ.
Per Christum.

Lectio prima

Præcipitabit mortem in sempiternum.

Léctio libri Isaíæ prophétæ

25, 6-10 a

In die illa:

Fáciét Dóminus exercítuum ómnibus pópulis in monte hoc convívium pínguim, convívium vindémíæ, pínguim medullatórum, vindémíæ defæcátæ. Et præcipitábit in monte isto fáciem vínculi colligáti super omnes

pópulos, et telam quam ordítus est super omnes nationes.

Præcipitábit mortem in sempitérnum, et áuferet Dóminus Deus lácrimam ab omni fácie, et oppróbrium pópuli sui áuferet de univérſa terra, quia Dóminus locútus est.

Et dicet in die illa: « Ecce Deus noster iste, exspectávimus eum, et salvábit nos; iste Dóminus, sustinúimus eum, exsultábimus et lætábimur in salutári eius. Quia requiészet manus Dómini in monte isto ».

Verbum Dómini.

Psalmus responsorius

Ps 30, 2 et 6. 8 bc-9. 15-16. 17 et 25 (R.: Lc 23, 46)

R. Pater, in manus tuas comméndo spíritum meum.

2 In te, Dómine, sperávi, non confúndar in ætérnum; in iustítia tua líbera me.

6 In manus tuas comméndo spíritum meum; redemísti me, Dómine, Deus veritátis. R.

8 Quóniam respexísti humilitátem meam, agnovísti necessitátes ánimæ meæ,
9 nec conclusísti me in mánibus inimíci, statuísti in loco spatióſo pedes meos. R.

15 Ego autem in te sperávi, Dómine; dixi: « Deus meus es tu, in mánibus tuis sortes meæ ».

16 Eripe me de manu inimicórum meórum et a persequéntibus me. R.

17 Illústra fáciem tuam super servum tuum, salvum me fac in misericórdia tua.

25 Viríliter ágite, et confortétur cor vestrum, omnes qui sperátis in Dómino. R.

Lectio secunda

Sive vivimus sive morimur, Domini sumus.

Léctio Epístolæ beáti Pauli apóstoli ad Romános

14, 7-9. 10 b-12

Fratres:

Nemo nostrum sibi vivit, et nemo sibi móritur. Sive enim vívimus, Dómino vívimus; sive mórimur, Dómino mórimur: sive ergo vívimus sive mórimur, Dómini sumus.

In hoc enim Christus et mórtuus est et vixit, ut et mortuórum et vivórum dominétur.

Omnes stábitus ante tribúnal Dei. Scriptum est enim: « Vivo ego, dicit Dóminus, quóniam mihi flectétur omne genu, et omnis lingua confitébitur Deo ». Itaque unusquisque nostrum pro se ratióem reddet Deo.

Verbum Dómini.

Evangelium

1

Alleluia

Mt 24, 42 a. 44

℞. Allelúia. ʒ. Vigiláte et estóte paráti,
quia qua nescítis hora

Fílius hómínis ventúrus est. ℞. Allelúia.

Ecce Sponsus, exite obviam ei.

✠ Léctio sancti Evangélíi secúndum Matthæum

25, 1-13

In illo témpore: Dixit Iesus discíplis suis parábolam hanc:

« Símile erit Regnum cælórum decem virgínibus, quæ accipiéntes lámpades suas, exiérunt óbviám sponso.

Quinque autem ex eis erant fátuæ et quinque prudéntes. Fátuæ enim, accéptis lampádibus suis, non sumpsérunt óleum secum; prudéntes vero accepérunt óleum in vasis cum lampádibus suis.

Moram autem faciente sponso, dormitavérunt omnes et dormiérunt.

Média autem nocte, clamor factus est: " Ecce sponsus, exíte óbviā ei ". Tunc surrexérunt omnes vírgines illæ, et ornavérunt lámpades suas.

Fátuæ autem sapiéntibus dixerunt: " Date nobis de óleo vestro, quia lámpades nostræ exstinguúntur ".

Respondérunt prudéntes dicéntes: " Ne forte non suffíciat nobis et vobis, ite pótius ad vendéntes, et émite vobis ".

Dum autem irent émere, venit sponsus; et quæ parátæ erant intravérunt cum eo ad núptias, et clausa est iánua.

Novíssime autem véniunt et réliquæ vírgines, dicéntes: " Dómine, Dómine, áperi nobis ". At ille respóndens ait: " Amen dico vobis, néschio vos ".

Vigiláte itaque, quia nescítis diem neque horam ».

Verbum Dómini.

2

Alleluia

Lc 21, 36

℟. Allelúia. ℣. Vigiláte, omni témpore orántes,
ut digni habeámini stare
ante Fílium hóminis. ℟. Allelúia.

Qua hora non putatis, Filius hominis venit

✠ Lécio sancti Evangélíi secúndum Lucam 12, 35-40

In illo témpore: Dixit Iesus discíplis suis:

« Sint lumbi vestri præcíncti, et lucérnæ ardéntes;

et vos símiles homínibus exspectántibus dóminum suum, quando revertátur a núptiis; ut, cum vénerit et pulsá-verit, conféstim apérianť ei.

Beáti servi illi, quos, cum vénerit dóminus, invé-nerit vigilántes; amen dico vobis quod præcínget se et fáciť illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt illi.

Hoc autem scitóte, quia, si scireť paterfamílias qua hora fur veníret, non síneret perfodíri domum suam. Et vos estóte paráti, quia, qua hora non putátis, Fílius hóminis venit ». — Verbum Dómini.

3

Alleluia

Ap 2, 10 c

℞. Allelúia. ʒ. Esto fidélis usque ad mortem,
dicit Dóminus,
et dabo tibi corónam vitæ. ℞. Allelúia.

Vigilate, omni tempore orantes.

✠ Lécťio sancti Evangélíi secúndum Lucam 21, 34-36

In illo témpore: Dixit Iesus discípulis suis:

« Atténdite vobis, ne forte gravéntur corda vestra in crápula et ebrietáte et curis huius vitæ, et supervéníat in vos repentiná dies illa; tamquam láqueus enim supervéniet in omnes qui sedent super fáciem omnis terræ.

Vigilate itaque, omni témpore orántes, ut possís fúgere ista ómnia quæ futúra sunt, et stare ante Fílium hóminis ». — Verbum Dómini.

Alleluia

Io 13, 1

℞. Allelúia. ∞. Sciens Iesus quia venit hora eius,
ut tránseat ex hoc mundo ad Patrem,
cum dilexisset suos qui erant in mundo,
in finem diléxit eos. ℞. Allelúia.

Pater, in manus tuas commendo spiritum meum

✠ Lécio sancti Evangélíi secúndum Lucam 23, 39-46

In illo témpore:

Unus de his qui pendébant latrónibus blasphemábat Iesum dicens: « Nonne tu es Christus? Salvum fac temetípsum et nos ».

Respóndens autem alter, increpábat illum dicens: « Neque tu times Deum, quod in eádem damnatióne es? Et nos quidem iuste, nam digna factis recípimus; hic vero nihil mali gessit ».

Et dicébat: « Iesu, meménto mei, cum véneris in Regnum tuum ».

Et dixit illi: « Amen dico tibi: hódie mecum eris in paradíso ».

Et erat iam fere hora sexta, et ténebræ factæ sunt in univérsa terra usque in horam nonam. Et obscurátus est sol, et velum templi scissum est médium.

Et clamans voce magna Iesus ait: « Pater, in manus tuas comméndo spíritum meum ».

Et hæc dicens, expirávit. — Verbum Dómini.

MISSÆ VOTIVÆ



1. DE SANCTISSIMA TRINITATE

Dicitur, cum colore albo, Missa de sollemnitate ut infra:

Ant. ad introitum

Benedíctus sit Deus Pater,
unigenitúsque Dei Fílius,
Sanctus quoque Spíritus,
quia fecit nobíscum misericórdiam suam.

Collecta

Deus Pater, qui, Verbum veritátis
et Spíritum sanctificatiónis mittens in mundum,
admirábile mystérium tuum homínibus declarásti,
da nobis, in confessiône veræ fídei,
æternæ glóriam Trinitátis agnóscere,
et Unitátem adoráre in poténtia maiestátis.
Per Dóminum.

Lectiones ut infra, pp. 1501-1507.

Super oblata

Sanctífica, quæsumus, Dómine Deus noster,
per tui nóminis invocatióem,
hæc múnera nostræ servitútis,
et per ea nosmetípsos tibi pérfice munus ætérnum.
Per Christum.

Præfatio: De mysterio sanctissimæ Trinitatis.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutäre,
nos tibi semper et ubique grátias ágere:
Dómine, sancte Pater, omnípotens ætérne Deus:
Qui cum unigénito Fílio tuo et Spíritu Sancto
unus es Deus, unus es Dóminus:
non in uníus singularitáte persónæ,
sed in uníus Trinitáte substántiæ.

Quod enim de tua glória, revelánte te, crédimus,
hoc de Fílio tuo,
hoc de Spíritu Sancto,
sine discretiónē sentímus.

Ut, in confessióne veræ sempiternæque Deitátis,
et in persónis proprietas,
et in esséntia únitas,
et in maiestáte adorétur æquálitas.

Quem laudant Angeli atque Archángeli,
Chérubim quoque ac Séraphim,
qui non cessant clamáre cotídie, una voce dicéntes:
Sanctus, Sanctus, Sanctus Dóminus Deus Sábaoth ...

Ant. ad communionem

Gal 4, 6

Quóniam autem estis fílii,
misit Deus Spíritum Fílii sui
in corda vestra clamántem:
Abba, Pater.

Post communionem

Proficiat nobis ad salútem córporis et ánimæ,
Dómine Deus noster, huius sacraménti suscéptio,
et sempiternæ sanctæ Trinitátis
eiusdémque indivíduæ Unitátis conféssio.
Per Christum.

Lectio prima

1

Dominator Domine Deus, misericors et clemens.

Lectio libri Exodi

34, 4 b-6. 8-9

In diébus illis:

De nocte consurgens Móyses ascendit in montem Sínai, sicut præcéperat ei Dóminus, portans secum tábulas.

Cumque descendisset Dóminus per nubem, stetit Móyses cum eo invocans nomen Dómini. Quo trans-eúnte coram eo, ait: « Dominátor Dómine Deus, miséricors et clemens, pátiens et multæ miseratiónis ac verax ».

Festinúsque Móyses curvátus est pronus in terram et adorans ait: « Si invéni grátiam in conspéctu tuo, Dómine, óbsecro ut gradiáris nobíscum (pópulus enim duræ cervícis est), et áuferas iniquitátes nostras atque peccáta, nosque possídeas ». — Verbum Dómini.

Psalmus responsorius Dan 3, 52. 53. 54. 55. 56.

52 Benedíctus es, Dómine, Deus patrum nostrórum,
et benedíctum nomen glóriæ tuæ sanctum.

R. Et laudábile et superexaltátum in ómnibus sáculis.

53 Benedíctus es in templo sancto glóriæ tuæ.

R. Et superlaudábilis et supergloriósus in sácula.

54 Benedíctus es in throno regni tui.

R. Et superlaudábilis et superexaltátus in sácula.

55 Benedíctus es, qui intuéris abýssos
et sedes super chérubim.

R. Et laudábilis et superexaltátus in sácula.

56 Benedíctus es in firmaménto cæli.

R. Et laudábilis et gloriósus in sácula.

*Dominus ipse est Deus in cælo sursum
et in terra deorsum, et non est alius.*

Lectio libri Deuteronomii

4, 32-34. 39-40

Locutus est Móyses pópulo dicens:

« Intérroga de diébus antíquis, qui fuérunt ante te ex die, quo creávit Deus hóminem super terram, a summo cælo usque ad summum eius, si facta est aliquándo huiuscémodi res, aut unquam cógnitum est, ut audíret pópulus vocem Dei loquéntis de médio ignis, sicut tu audísti, et vixísti; si fecit Deus ut ingrederétur et tólleret sibi gentem de médio natiónum per tentatiónes, signa atque porténta, per pugnam et robústam manum extentúmque brácchium et horribiles visiónes, iuxta ómnia quæ fecit pro vobis Dóminus Deus vester in Ægýpto, vidéntibus óculis tuis.

Scito ergo hódie et cogitáto in corde tuo, quod Dóminus ipse sit Deus in cælo sursum et in terra deórsus, et non sit álius. Custódi præcépta eius atque mandáta, quæ ego præcípio tibi, ut bene sit tibi et fíliis tuis post te et permáneas multo témpore super terram, quam Dóminus Deus tuus datúrus est tibi ».

Verbum Dómini.

Psalmus responsorius

Ps 32, 4-5. 6 et 9. 18-19. 20 et 22 (R.: 12 b)

R. Beátus pópulus, quem elégit Dóminus
in hereditátem sibi.

⁴ Quia rectum est verbum Dómini,
et ómnia ópera eius in fide.

⁵ Díligit iustítiam et iudícium,
misericórdia Dómini plena est terra. R.

- 6 Verbo Dómini cæli facti sunt,
et spírítu oris eius omnis virtus eórum.
- 9 Quóniam ipse dixit, et facta sunt,
ipse mandávit, et creáta sunt. *R.*
- 18 Ecce óculi Dómini super metuéntes eum,
in eos qui sperant super misericórdia eius,
- 19 ut éruat a morte ánimas eórum,
et alat eos in fame. *R.*
- 20 Anima nostra sústinet Dóminum,
quóniam adiútor et protéctor noster est.
- 22 Fiat misericórdia tua, Dómine, super nos,
quemádmódum sperávimus in te. *R.*

3

Antequam terra fieret, Sapientia iam concepta erat.

Léctio libri Proverbiórum

8, 22-31

Hæc lóquitur Sapiéntia Dei:

« Dóminus possédit me in inítio viárum suárum,
ántequam quidquam fáceret a princípío.

Ab ætérno ordináta sum et ex antíquis, ántequam
terra fieret.

Nondum erant abyssi, et ego iam concépta eram,
necdum fontes aquárum erúperant, necdum montes
gravi mole constítierant, ante colles ego parturiébar:
adhuc terram non fécerat et flúmina et cárdines orbis
terræ.

Quando præparábat cælos, áderam; quando certa
lege et gyro vallábat abyssos; quando æthera firmábat
sursum, et librábat fontes aquárum; quando circúmda-
bat mari términum suum et legem ponébat aquis, ne
transírent fines suos; quando appendébat fundaménta
terræ, cum eo eram cuncta compónens et delectábar per

síngulos dies ludens coram eo omni témpore, ludens in orbe terrárum, et delíciæ meæ esse cum fíliis hóminum ». — Verbum Dómini.

Psalmus responsorius **Ps 8, 4-5. 6-7. 8-9 (R.: 2 a)**

R. Dómine, Dóminus noster,
quam admirábile est nomen tuum in univérſa terra!

4 Quando vídeo cælos tuos, ópera digitórum tuórum,
lunam et stellas quæ tu fundásti:

5 quid est homo, quod memor es eius?
aut fílius hóminis, quóniam vísitas eum? **R.**

6 Minuísti eum paulo minus ab Angelis,
glória et honóre coronásti eum:
7 et constituísti eum super ópera mánuum tuárum.
Omnia subiecísti sub pédibus eius. **R.**

8 Oves et boves univérſas, ínsuper et pécora campi,
9 vólucres cæli et pisces maris,
quæcúmque perámbulant sémitas maris. **R.**

Lectio secunda

1

*Gratia Iesu Christi et caritas Dei et communicatio
Sancti Spiritus.*

Léctio Epístolæ secúndæ beáti Pauli apóstoli
ad Corínthios **13, 11-13**

Fratres:

Gaudéte, perfécti estóte, exhortámini ínvicem, idem sápite, pacem habéte, et Deus dilectiónis et pacis erit vobíscum.

Salutáte ínvicem in ósculo sancto.

Salútant vos sancti omnes.

Grátia Dómini Iesu Christi et caritas Dei et comunicatio Sancti Spíritus cum ómnibus vobis.

Verbum Dómini.

2

*Accepistis Spiritum adoptionis filiorum,
in quo clamamus: Abba, Pater!*

Lectio Epistolæ beati Pauli apostoli ad Romanos

8, 14-17

Fratres:

Quicumque Spíritu Dei aguntur, hi filii Dei sunt. Non enim accepistis spiritum servitutis iterum in timóre, sed accepistis Spíritum adoptiōnis filiōrum, in quo clamamus: « Abba, Pater! » Ipse Spíritus testimonium reddit una cum spíritu nostro quod sumus filii Dei. Si autem filii, et heredes; heredes quidem Dei, coheredes autem Christi, si tamen compátimur ut et conglorificémur. — Verbum Dómini.

3

*Ad Deum per Christum in caritate
diffusa per Spiritum.*

Lectio Epistolæ beati Pauli apostoli ad Romanos

5, 1-5

Fratres:

Iustificati igitur ex fide, pacem habemus ad Deum per Dóminum nostrum Iesum Christum, per quem et accéssum habemus fide in grátiam istam in qua stamus et gloriámur in spe glóriæ Dei. Non solum autem, sed et gloriámur in tribulatiōnibus, sciētes quod tribu-

látio patiéntiam operátur, patiéntia autem probatió-
nem, probátio vero spem; spes autem non confúndit,
quia cáritas Dei diffúsa est in córdibus nostris per Spí-
ritum Sanctum qui datus est nobis. — Verbum Dómini

Evangelium

1

Alleluia

Ap 1, 8

℟. Allelúia. ℣. Glória Patri, et Fílio, et Spirítui Sancto,
Deo qui est, et qui erat, et qui ventúrus est.
℟. Allelúia.

Misit Deus Filium, ut salvetur mundus per ipsum.

✠ Léctio sancti Evangélíi secúndum Ioánnem

3, 16-18

In illo témpore: Dixit Iesus Nicodémo:

« Sic diléxit Deus mundum, ut Fílium suum Uni-
génitum daret, ut omnis qui credit in eum non péreat
sed hábeat vitam ætérrnam. Non enim misit Deus Fí-
lium in mundum ut iúdicet mundum, sed ut salvétur
mundus per ipsum. Qui credit in eum non iudicátur:
qui autem non credit iam iudicátus est, quia non crédidit
in Nómine Unigéniti Fílii Dei ». — Verbum Dómini.

2

Alleluia

Ap 1, 8

℟. Allelúia. ℣. Glória Patri, et Fílio, et Spirítui Sancto,
Deo qui est, et qui erat, et qui ventúrus est.
℟. Allelúia.

*Baptizantes eos in Nomine Patris et Filii
et Spiritus Sancti.*

✠ Lécio sancti Evangélii secúndum Matthæum

28, 16-20

In illo témpore:

Undecim discípuli abiérunt in Galiléam, in Montem ubi constitúerat illis Iesus, et vidéntes eum adoravérunt, quidam autem dubitavérunt.

Et accédens Iesus locútus est eis dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris et Filii et Spíritus Sancti, docéntes eos serváre ómnia quæcúmque mandávi vobis: et ecce ego vobíscum sum ómnibus diébus usque ad consummationem sæculi ».

Verbum Dómini.

3

Alleluia

Ap 1, 8

℞. Allelúia. ℣. Glória Patri, et Filio, et Spíritui Sancto,
Deo qui est, et qui erat, et qui ventúrus est.

℞. Allelúia.

*Quæcumque habet Pater, mea sunt;
Spiritus de meo accipiet et annuntiabit vobis.*

✠ Lécio sancti Evangélii secúndum Ioánnem

16, 12-15

In illo témpore: Dixit Iesus discípulis suis:

« Adhuc multa hábeo vobis dícere, sed non potéstis portáre modo: cum autem vénerit ille, Spíritus veritátis, ducet vos in omni veritáte: non enim loquétur a semetípso, sed quæcúmque áudiet loquétur, et quæ ventúra sunt annuntiábit vobis. Ille me glorificábit, quia de meo accípiet et annuntiábit vobis. Omnia quæcúmque habet Pater, mea sunt; proptérea dixi quia de meo accípiet et annuntiábit vobis ». — Verbum Dómini.

2. DE MYSTERIO SANCTÆ CRUCIS

Dicitur, cum colore rubro, Missa de festo Exaltationis sanctæ Crucis, die 14 septembris, ut infra:

Ant. ad introitum

Cf. Gal 6, 14

Nos autem gloriári opórtet
in cruce Dómini nostri Iesu Christi,
in quo est salus, vita et resurréctio nostra,
per quem salváti et liberáti sumus.

Collecta

Deus, qui Unigénitum tuum crucem subíre voluísti,
ut salvum fáceret genus humánum,
præsta, quæsumus,
ut, cuius mystérium in terra cognóvimus,
eius redemptionis præmia in cælo cónsequi mereámur.
Per Dóminum.

Lectiones ut infra, pp. 1510-1534.

Super oblata

Hæc oblátio, Dómine, quæsumus,
ab ómnibus nos purget offénsis,
quæ in ara crucis totíus mundi tulit offénsam.
Per Christum.

Præfatio: De victoria crucis gloriosæ.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutäre,
nos tibi semper et ubique grátias ágere:
Dómine, sancte Pater, omnípotens, ætérne Deus:

Qui salútem humáni géneris
in ligno crucis constituísti,
ut, unde mors oriebátur, inde vita resúrgeret;
et, qui in ligno vincébat,
in ligno quoque vincerétur:
per Christum Dóminum nostrum.

Per quem maiestátem tuam laudant Angeli,
adórant Dominationes, tremunt Potestátes.
Cæli cælorúmque Virtútes, ac beáta Séraphim,
sócia exsultatióne concélebrant.

Cum quibus et nostras voces ut admítteri iúbeas,
deprecámur, súpplīci confessiōne dicētes:

Sanctus, Sanctus, Sanctus Dóminus Deus Sábaoth ...

Dici potest etiam præfatio I de Passione Domini, p. 587.

Ant. ad communionem

Io 12, 32

Ego si exaltátus fúero a terra,
omnes traham ad meípsum, dicit Dóminus.

Post communionem

Refectiōne tua sancta enutríti,
Dómine Iesu Christe, súpplīces deprecámur,
ut, quos per lignum crucis vivíficæ redemísti,
ad resurrectiōnis glóriam perdúcas.
Qui vivis.

Lectio prima

1

Præcepta de cena paschali.

Lectio libri Exodi

12, 1-8. 11-14

In diébus illis:

Dixit Dóminus ad Móysen et Aaron in terra Ægýpti: « Mensis iste vobis princípium ménsium primus erit in ménsibus anni.

Loquímini ad univérsum cœtum filiórum Israel, et dicite eis: " Décima die mensis huius tollat unusquisque agnum per famílias et domos suas. Sin autem minor est númerus ut suffícere possit ad vescéndum agnum, assúmet vicínus suum, qui iunctus est dómui suæ, iuxta númerum animárum quæ suffícere possunt ad esum agni. Erit autem agnus absque mácula, másculus, annículus; iuxta quem ritum tollétis et hædum.

Et servábitis eum usque ad quartam décimam diem mensis huius; immolabítque eum univérsa multitúdo filiórum Israel ad vésperam. Et sument de ságuine eius, ac ponent super utrúmque postem et in superlimináribus domórum, in quibus cómedent illum. Et edent carnes nocte illa assas igni et ázymos panes cum lactúcis agréstibus.

Sic autem comedétis illum: renes vestros accingétis, et calceaménta habébitis in pédibus, tenéntes báculos in mánibus, et comedétis festinánter; est enim Phase (id est tránsitus) Dómini.

Et transíbo per terram Ægýpti nocte illa, percutiámque omne primogénitum in terra Ægýpti ab hómine usque ad pecus, et in cunctis diis Ægýpti fáciam iudícia: Ego Dóminus. Erit autem sanguis vobis in signum in édibus in quibus éritis; et vidébo ságuini-

nem, et transíbo vos; nec erit in vobis plaga dispérens, quando percússero terram Ægýpti.

Habébitis autem hunc diem in monuméntum; et celebrábitis eam sollémnem Dómino in generatióibus vestris, cultu sempitérno " ». — Verbum Dómini.

Psalmus responsorius

Ps 117, 16 ab-18. 19-21. 22-23 (R.: 1)

R. Confitémini Dómino,
quóniam in sæculum misericórdia eius.

vel Allelúia.

- 16 D́xtera Dómini fecit virtútem,
17 d́xtera Dómini exaltávit me;
18 non móriar, sed vivam,
19 et narrábo ópera Dómini.
20 Castígans castigávit me Dóminus,
21 et morti non trádidit me. R.
22 Aperíte mihi portas iustítiae,
23 ingréssus in eas confitébor Dómino;
24 hæc porta Dómini, iusti intrábunt in eam.
25 Confitébor tibi, quóniam exaudísti me,
26 et factus es mihi in salútem. R.
27 Lápide[m] quem reprobavérunt ædificántes,
28 hic factus est in caput ánguli;
29 a Dómino factum est istud,
30 et est mirábile in óculis nostris. R.

2

Morte turpissima condemnemus eum.

Léctio libri Sapiéntiæ

2, 1 a. 12-22

Dixerunt ímpii cogitántes apud se non recte: « Cir-

cumveniámus iustum, quóniam inútilis est nobis, et contrárius est opéribus nostris, et impróperat nobis peccáta legis, et diffámat in nos peccáta disciplínæ nostræ.

Promíttit se sciéntiam Dei habére et fílium Dei se nóminat; factus est nobis in traductiόνem cogitatiόνum nostrárum; gravis est nobis étiam ad vidéndum; quóniam dissímilis est áliis vita illíus et immutátæ sunt viæ eius.

Tamquam nugáces æstimáti sumus ab illo, et ábstinet se a viis nostris tamquam ab immundítiis; et præfert novíssima iustórum, et gloriátur patrem se habére Deum.

Videámus ergo si sermónes illíus veri sint, et tentémus quæ ventúra sunt illi, et sciémus quæ erunt novíssima illíus. Si enim est verus fílius Dei, suscípiet illum et liberábit eum de mánibus contrariórum.

Contumélia et torménto interrogémus eum, ut sciámus reveréntiam eius et probémus patiéntiam illíus.

Morte turpíssima condemnémus eum; erit enim ei respectus ex sermónibus illíus ».

Hæc cogitavérunt et erravérunt; excæcávit enim illos malítia eórum. Et nesciérunt sacraménta Dei, neque mercédem speravérunt iustítiæ, nec iudicavérunt honórem animárum sanctárum.

Verbum Dómini.

Psalmus responsorius

Ps 21, 8-9. 17-18 a. 19-20. 23-24 (R.: Mt 26, 42)

R. Pater mi, fiat volúntas tua.

⁸ Omnes vidéntes me derisérunt me;
torquéntes lábia movérunt caput:

⁹ « Sperávit in Dómino, erípiat eum;
salvum fáciat eum, quóniam vult eum ». R.

- 17 Quóniam circumdedérunt me canes multi,
concílium malignántium obsédit me.
Fodérunt manus meas et pedes meos,
18 et dinumerávi ómnia ossa mea. *R.*
- 19 Divisérunt sibi vestiménta mea,
et super vestem meam misérunt sortem.
20 Tu autem, Dómine, ne elongáveris,
fortitúdo mea, ad adiuvándum me festína. *R.*
- 23 Narrábo nomen tuum frátribus meis,
in médio ecclésiæ laudábo te.
24 Qui timétis Dóminum, laudáte eum,
univérsum semen Iacob, glorificáte eum.
Métuat eum omne semen Israel. *R.*

3

Faciem meam non averti ab increpantibus.

Léctio libri Isaíæ prophétæ

50, 4-9 a

Dóminus dedit mihi linguam eruditam, ut sciam sustentáre eum qui lassus est verbo. Erigit mane, mane érigit mihi aurem, ut áudiam quasi magístrum. Dóminus Deus apérui mihi aurem, ego autem non contradíco; retrórsum non ábii.

Corpus meum dedi percutiéntibus et genas meas velléntibus; fáciem meam non avérti ab increpántibus et conspuéntibus in me.

Dóminus Deus auxiliátor meus, ideo non sum confúsus, ideo pósui fáciem meam ut petram duríssimam, et scio quóniam non confúndar. Iuxta est qui iustificat me, quis contradícet mihi? Stemus simul, quis est adversárius meus? accédát ad me.

Ecce Dóminus Deus auxiliátor meus, quis est qui condémnet me? — Verbum Dómini.

Psalmus responsorius

Ps 30, 2 et 6. 12-13. 15-16. 17 et 25 (R.: Lc 23, 46)

R. Pater, in manus tuas commendo spiritum meum.

2 In te, Dómine, sperávi, non confúndar in ætérnum;
in iustítia tua líbera me.6 In manus tuas commendo spiritum meum;
redemísti me, Dómine, Deus veritátis. R.12 Apud omnes inimícos meos factus sum oppróbrium,
et vicínis meis valde, et timor notis meis:
qui vidébant me foras, fugiébant a me.13 Oblivióni a corde datus sum tamquam mórtuus;
factus sum tamquam vas pérditum. R.15 Ego autem in te sperávi, Dómine;
dixi: « Deus meus es tu,

16 in mánibus tuis sortes meæ ».

Eripe me de manu inimicórum meórum
et a persecuéntibus me. R.17 Illústra fáciem tuam super servum tuum,
salvum me fac in misericórdia tua.25 Viríliter ágite, et confortétur cor vestrum,
omnes qui sperátis in Dómino. R.

4

Ipse vulneratus est propter iniquitates nostras.

Léctio libri Isaíæ prophétæ

52, 13 — 53, 12

Ecce intéllet servus meus, exaltábitur et elevábitur et sublímis erit valde. Sicut obstupuérunt super te multi, sic inglórius erit inter viros aspéctus eius, et forma eius inter filios hóminum. Iste aspérget gentes multas, super ipsum continébunt reges os suum, quia

quibus non est narrátum de eo vidérunt, et qui non audiérunt contempláti sunt.

Quis crédidit auditui nostro? et bráccium Dómini cui revelátum est? Et ascéndet sicut virgúltum coram eo, et sicut radix de terra sitiénti.

Non est spécies ei neque decor; et vídimus eum, et non erat aspéctus, et desiderávimus eum; despéctum et novíssimum virórum, virum dolórum et sciéntem infirmitátem, et quasi absconditus vultus eius et despéctus, unde nec reputávimus eum.

Vere languóres nostros ipse tulit et dolóres nostros ipse portávit, et nos putávimus eum quasi leprósum et percússum a Deo et humiliátum.

Ipse autem vulnerátus est propter iniquitátes nostras, attrítus est propter scélera nostra, disciplina pacis nostræ super eum, et livóre eius sanáti sumus. Omnes nos quasi oves errávimus, unusquisque in viam suam declinávit, et pósuit Dóminus in eo iniquitátem ómnium nostrum.

Oblátus est quia ipse vóluit, et non apéruit os suum; sicut ovis ad occisiónem ducétur, et quasi agnus coram tondénte se obmutéscet, et non apériet os suum.

De angústia et de iudício sublátus est. Generatió-nem eius quis enarrábit? quia abscíssus est de terra vivéntium; propter scelus pópuli mei percússi eum. Et dabit ímpios pro sepultúra, et dívitem pro morte sua, eo quod iniquitátem non fécerit, neque dolus fúerit in ore eius.

Et Dóminus vóluit contérere eum in infirmitáte. Si posúerit pro peccáto ánimam suam, vidébit semen longævum, et volúntas Dómini in manu eius dirigétur. Pro eo quod laborávit ánimá eius, vidébit et saturábitur. In sciéntia sua iustificábit ipse iustus servus meus multos, et iniquitátes eórum ipse portábit.

Ideo dispértiam ei plúrimos, et fórtium dívidet spó-
lia, pro eo quod trádidit in mortem ánimam suam, et
cum scelerátis reputátus est; et ipse peccáta multórum
tulit, et pro transgressóribus rogávit.

Verbum Dómini.

Psalmus responsorius

Ps 68, 8-10. 15-16. 17-19 (R.: 14 c)

R. In multítudine misericórdiæ tuæ,
exáudi me, Dómine.

- 8 Quóniam propter te sustínui oppróbrium,
opérui confúsio fáciem meam;
9 extráneus factus sum frátribus meis,
et peregrínus fíliis matris meæ.
10 Quóniam zelus domus tuæ comédit me,
et oppróbria exprobrántium tibi
cecidérunt super me. R.
15 Eripe me de luto, ut non infígar,
erípiar ab iis qui odérunt me,
et de profúndis aquárum.
16 Non me demérgat fluctus aquárum,
neque absórbeat me profúndum;
neque úrgeat super me púteus os suum. R.
17 Exáudi me, Dómine,
quóniam benígna est misericórdia tua;
secúndum multítudinem miseratiónum tuárum
réspice in me.
18 Et ne avértas fáciem tuam a púero tuo,
quóniam tríbulor, velóciter exáudi me.
19 Accéde ad ánimam meam, víndica eam,
propter inimícos meos rédime me. R.

Videbunt in quem transfixerunt.

Lectio libri Zachariæ prophætæ 12, 10-11; 13, 6-7

Hæc dicit Dóminus: « Effúndam super domum David et super habitatóres Ierúsalem spíritum grátiae et precum, et aspicient ad me quem confixerunt, et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Ierúsalem, sicut planctus Adadrémmon in campo Magéddon.

Et dicétur ei: " Quid sunt plagæ istæ in médio mánuum tuárum? " Et dicet: " His plagátus sum in domo eórum qui diligébant me ".

Frámea, suscitáre super pastórem meum et super virum cohæréntem mihi, dicit Dóminus exercítuum: pércute pastórem, et dispergéntur oves, et convértam manum meam ad párvulos ». — Verbum Dómini.

Psalmus responsorius

Ps 68, 20-21. 22 et 27. 31 et 33-34 (R.: cf. 21 cd)

R. Expectávi commiserántem, sed non fuit,
et consolántes, sed non invéni.

20 Tu scis oppróbrium meum
et confusióne meam et reveréntiam meam.
In conspéctu tuo sunt omnes qui tríbulant me;
21 oppróbrium contrívit cor meum, et elángui.
Et sustínui qui simul contristarétur, et non fuit,
et qui consolarétur, et non invéni. R.

22 Et dedérunt in escam meam fel,
et in siti mea potavérunt me acéto.

27 Quóniam quem tu percussísti persecúti sunt,
et super dolórem eius, quem vulnerásti, addidérunt. R.

- 31 Laudábo nomen Dei cum cántico,
et magnificábo eum in laude.
33 Vídeant húmiles et læténtur;
quærite Deum, et vivet cor vestrum.
34 Quóniam exaudívit páuperes Dóminus,
et vinctos suos non despéxit. *R.*

Lectio secunda

1

Nos prædicamus Christum crucifixum

Léctio Epístolæ primæ beáti Pauli apóstoli
ad Corínthios

1, 18-25

Fratres:

Verbum crucis pereúntibus quidem stultítia est; his autem qui salvi fiunt, id est nobis, virtus Dei est. Scriptum est enim: « Perdam sapiéntiam sapiéntium, et prudéntiam prudéntium reprobábo ». Ubi sápiens? ubi scriba? ubi conquisítor huius sæculi? Nonne stultam fecit Deus sapiéntiam huius mundi?

Nam, quia in Dei sapiéntia non cognóvit mundus per sapiéntiam Deum, plácuít Deo per stultítiam prædicatiónis salvos fácere credétes.

Quóniam et Iudæi signa petunt, et Græci sapiéntiam quærunť; nos autem prædicámus Christum crucifíxum, Iudæis quidem scándalum, Géntibus autem stultítiam, ipsis autem vocátis, Iudæis atque Græcis, Christum Dei virtútem et Dei sapiéntiam; quia quod stultum est Dei, sapiéntius est homínibus, et quod infírmum est Dei, fórtius est homínibus.

Verbum Dómini.

2

*Ipse est pax nostra,
qui solvit inimicitiam in carne sua.*

Lectio Epistolæ beāti Pauli apóstoli ad Ephésios

2, 13-18

Fratres:

Nunc in Christo Iesu vos, qui aliquándo erátis longe, facti estis prope in ságuine Christi. Ipse est enim pax nostra, qui fecit útraque unum et médium parietem maceriæ solvit, inimicitiam, in carne sua, Legem mandatórum in decretis evacuans, ut duos condat in semetípso in unum novum hóminem, fáciens pacem, et reconcíliet ambos in uno córpore Deo per crucem, interficiens inimicitiam in semetípso.

Et véniens evangelizávit pacem vobis, qui longe fuístis, et pacem his qui prope; quóniam per ipsum habémus accéssum ambo in uno Spíritu ad Patrem.

Verbum Dómini.

3

*Humiliavit semetipsum:
propter quod et Deus illum exaltavit.*

Lectio Epistolæ beāti Pauli apóstoli ad Philippéenses

2, 6-11

Fratres:

Christus Iesus, cum in forma Dei esset, non rapinam arbitrátus est esse se æquálem Deo, sed semetípsum exinanívit, formam servi accípiens, in similitúdinem hóminum factus: et hábitu invéntus ut homo, humiliávit semetípsum factus obcédiens usque ad mortem, mortem autem crucis.

Propter quod et Deus illum exaltávit et donávit illi Nomen, quod est super omne nomen, ut in Nómīne Iesu omne genu flectátur cæléstium et terréstrium et inférnórum, et omnis lingua confiteátur « Dóminus Iesus Christus! », in glóriam Dei Patris.

Verbum Dómini.

4

*Ad cognoscendum Christum
et virtutem resurrectionis eius
et communionem passionum illius.*

Léctio Epístolæ beáti Pauli apóstoli ad Philippénses

3, 8-14

Fratres:

Existimo ómnia detriméntum esse propter eminéntiam sciéntiæ Christi Iesu Dómini mei: propter quem ómnia detriméntum feci et árbitor ut stércora, ut Christum lucrifáciam, et invéniam in illo, non habens meam iustítiam, quæ ex Lege est; sed illam, quæ per fidem est Christi, quæ ex Deo est iustítia in fide; ad cognoscéndum illum et virtútem resurrectionis eius et communionem passiónum illius, confórmas me morti eius, si quo modo occúrram ad resurrectionem quæ est ex mórtuis.

Non quod iam accéperim aut iam perféctus sim; pérsequor autem, si umquam comprehéndam, sicut et comprehénsus sum a Christo Iesu.

Fratres, ego me non árbitor comprehendísse. Unum autem: quæ quidem retro sunt obliviscens, ad ea vero quæ ante sunt exténdens me, ad destinátum pérsequor, ad bravíum supérnæ vocatiónis Dei in Christo Iesu.

Verbum Dómini.

5

*Didicit obœdientiam et factus est auctor
salutis æternæ.*

Lectio Epistolæ ad Hebræos 5, 7-9

Christus in diébus carnis suæ preces supplicationésque ad eum, qui possit salvum illum a morte fácere, cum clamóre válido et lácrimis ófferens, et exaudítus pro sua reveréntia.

Et quidem, cum esset Fílius, dídicit ex his quæ passus est obœdiéntiam, et consummátus factus est ómnibus obœdiéntibus sibi auctor salútis æternæ.

Verbum Dómini.

Evangelium

1

Alleluia

℟. Allelúia. ℣. Per lignum servi facti sumus,
et per sanctam crucem liberáti sumus;
fructus árboris sedúxit nos,
Fílius Dei redémit nos. ℟. Allelúia.

Oportet Filium hominis multa pati.

✠ Lectio sancti Evangélii secúndum Marcum 8, 31-34

In illo témpore:

Cœpit Iesus docére discípulos suos: « Opórtet Fílium hóminis multa pati et reprobári a senióribus et a summis sacerdotíbus et scribis, et occídi, et post tres dies resúrgere ». Et palam verbum loquebátur.

Et apprehéndens eum Petrus cœpit increpáre eum.
Qui convérsus, et videns discípulos suos, commi-

nátus est Petro et dicit: « Vade retro me, Sátana, quóniam non sapis quæ Dei sunt, sed quæ sunt hóminum ».

Et, convocáta turba cum discipulis suis, dixit eis: « Si quis vult post me sequi, déneget se ipsum, et tollat crucem suam, et sequátur me ». — Verbum Dómini.

2

Alleluia

Phil 2, 8-9

℞. Allelúia. √. Christus factus est pro nobis obcédiens usque ad mortem, mortem autem crucis. Propter quod et Deus exaltávit illum, et dedit illi nomen, quod est super omne nomen. ℞. Allelúia.

*Apprehendentes filium dilectum occiderunt
et eiecerunt extra vineam.*

✠ Lécio sancti Evangélíi secúndum Marcum 12, 1-12

In illo témpore:

Cœpit Iesus summis sacerdotibus et scribis et senióribus in parábolis loqui: « Vínēam pastinávit homo, et circúmdedit sæpem, et fodit lacum, et ædificávit turrim, et locávit eam agrícolis, et péregre proféctus est.

Et misit ad agrícolas in témpore servum, ut ab agrícolis accíperet de fructu vínēæ. Qui apprehénsu eum cæcidérunt et dimisérunt vácuu. Et íterum misit ad illos áliu servu, et illum in cápíte vulneravérunt et contuméliis affecérunt. Et áliu misit, et illum occidérunt, et plures álios, quosdam cædéntes, álios vero occidéntes.

Adhuc unum habébat, fíliu diléctu: misit illum

ad eos novíssimum, dicens: " Reverebúntur fílium meum ".

Colóni autem illi dixerunt ad ínvicem: " Hic est heres: veníte, occidámus eum, et nostra erit heréditas ". Et apprehendéntes eum occidérunt et eiecérunt extra víneam.

Quid ergo fáciat dóminus víneæ? Véniet et perdet colónos et dabit víneam áliis. Nec Scriptúram hanc legístis: " Lápídem, quem reprobavérunt ædificántes, hic factus est in caput ánguli; a Dómino factum est istud, et est mirábile in óculis nostris " ? »

Et quærébant eum tenére, et timuérunt turbam; cognovérunt enim, quóniam ad eos parábolam hanc díxerit. Et, relícto eo, abiérunt. — Verbum Dómini.

3

Alleluia

℞. Allelúia. ʒ. Adorámus te, Christe, et benedícimus tibi,
quia per crucem tuam redemísti mundum.
℞. Allelúia.

Videte manus meas et pedes meos.

✠ Lécitio sancti Evangélíi secúndum Lucam 24, 35-48

In illo témpore:

Narrábant discípuli quæ gesta erant in via, et quómo cognovérunt eum in fractióne panis.

Dum hæc autem loquúntur, stetit Iesus in médio eórum et dicit eis: « Pax vobis ». Conturbáti vero et contérriti existimábant se spíritum vidére.

Et dixit eis: « Quid turbáti estis, et quare cogitátiónes ascéndunt in corda vestra? Vidéte manus meas et pedes meos, quia ipse ego sum; palpáte me et vidéte,

quia spíritus carnem et ossa non habet, sicut me vidétis habére ».

Et, cum hoc dixisset, osténdit eis manus et pedes.

Adhuc autem illis non credéntibus præ gáudio et mirántibus, dixit eis: « Habétis hic áliquid quod manducétur? » At illi obtulérunt ei partem piscis assi. Et sumens coram eis manducávit.

Et dixit ad eos: « Hæc sunt verba quæ locútus sum ad vos, cum adhuc essem vobíscum, quóniam necesse est impléri ómnia quæ scripta sunt in lege Móysis et prophétis et psalmis de me ». Tunc apéruiť illis sensum, ut intellégerent Scriptúras.

Et dixit eis: « Sic scriptum est, Christum pati, et resúrgere a mórtuis die tértia, et prædicári in nómine eius pæniténtiam in remissionem peccatórum in omnes gentes, incipiéntibus ab Ierúsalem.

Vos estis testes horum ». — Verbum Dómini.

4

Alleluia

Phil 2. 8-9

℞. Allelúia. √. Christus factus est pro nobis obédiens usque ad mortem, mortem autem crucis. Propter quod et Deus exaltávit illum, et dedit illi nomen, quod est super omne nomen. ℞. Allelúia.

Si exaltatus fuero a terra, omnes traham ad meipsum.

✠ Lécio sancti Evangélii secúndum Ioánnem

12, 31-36 a

In illo témpore:

Dixit Iesus ad turbam: « Nunc iudícium est huius mundi, nunc princeps huius mundi eiciétur foras.

Et ego, si exaltátus fúero a terra, omnes traham ad meípsum ». Hoc autem dicébat significans qua morte esset moritúrus.

Respóndit ergo ei turba: « Nos audívimus ex Lege quia Christus manet in ætérnum, et quómodo tu dicis: " Opórtet exaltári Fílium hóminis? " Quis est iste Fílius hóminis? »

Dixit ergo eis Iesus: « Adhuc módicum tempus lumen in vobis est. Ambuláte dum lucem habetis, ut non ténebræ vos comprehéndant; et qui ámbulat in ténebris nescit quo vadat.

Dum lucem habétis, crédite in lucem, ut filii lucis fiátis ». — Verbum Dómini.

Lectiones de Passione Domini

1

Alleluia

Phil 2, 8-9

℞. Allelúia. ⁊. Christus factus est pro nobis obcédiens usque ad mortem, mortem autem crucis. Propter quod et Deus exaltávit illum, et dedit illi nomen, quod est super omne nomen. ℞. Allelúia.

Tristis est anima mea usque ad mortem.

✠ Lécio sancti Evangélíi secúndum Marcum

14, 32-41

In illo témpore:

Venit Iesus cum Duódecim in prædium, cui nomen Gethsémani, et ait discípulis suis: « Sedéte hic, donec orem ». Et assúmit Petrum et Iacóbum et Ioánnem secum, et cœpit pavére et tædére.

Et ait illis: « Tristis est ánima mea usque ad mortem; sustinét e hic et vigiláte ».

Et, cum processisset páululum, procidébat super terram; et orábat ut, si fieri posset, transíret ab eo hora, et dicébat: « Abba, Pater, ómnia tibi possibília sunt: transfer cálicem hunc a me; sed non quod ego volo, sed quod Tu ». Et venit et invénit eos dormiéntes.

Et ait Petro: « Simon dormis? Non potuísti una hora vigiláre? Vigiláte et oráte, ut non intrétis in tentatióne: spíritus quidem promptus, caro vero infirma ».

Et iterum ábiens orávit eúndem sermónem dicens.

Et véniens dénuo invénit eos dormiéntes; erant enim óculi illórum ingraváti, et ignorábant quid responderent ei.

Et venit tértio, et ait illis: « Dormíte iam et requiescíte? Súfficit: venit hora: ecce tráditur Fílius hóminis in manus peccatórum ». — Verbum Dómini.

2

Alleluia

℞. Allelúia. √. Adóramus te, Christe, et benedícimus tibi,
quia per crucem tuam redemísti mundum.
℞. Allelúia.

*Tamquam ad latronem existis cum gladiis
et fustibus comprehendere me?*

✠ Lécio sancti Evangélii secúndum Matthæum

26, 47-56

Loquente Iesu ad discípulos suos, ecce Iudas, unus de Duódecim, venit; et cum eo turba multa cum gládiis

et fústibus, missi a princípibus sacerdotum et senióri-
bus pópuli.

Qui autem trádedit eum dedit illis signum dicens:
« Quemcúmque osculátus fúero, ipse est, tenéte eum ».

Et conféstim accédens ad Iesum dixit: « Ave, Rab-
bi ». Et osculátus est eum.

Iesus autem dixit illi: « Amíce, ad quod venísti! »

Tunc accessérunt et manus iniecérunt in Iesum et
tenuérunt eum. Et ecce unus ex his, qui erant cum
Iesu, exténdens manum exémit gládium suum; et per-
cútiens servum princípis sacerdotum, amputávit aurícu-
lam eius.

Tunc ait illi Iesus: « Convérte gládium tuum in lo-
cum suum; omnes enim qui accéperint gládium, gládio
peribunt. An putas quia non possum rogáre Patrem
meum, et exhibébit mihi modo plus quam duódecim
legiões angelórum? Quómodo ergo implebúntur Scrip-
turæ, quia sic opórtet fieri? »

In illa hora dixit Iesus turbis: « Tamquam ad la-
trónem existis cum gládiis et fústibus comprehendere
me? Cotídie sedébam docens in templo, et non me te-
nuístis. Hoc autem totum factum est, ut impleréntur
Scripturæ prophetárum ».

Tunc discípuli omnes, relícto eo, fugérunt.

Verbum Dómini.

3

Alleluia

Phil 2, 8-9

℞. Allelúia. ℣. Christus factus est pro nobis obœdiens
usque ad mortem, mortem autem crucis.
Propter quod et Deus exaltávit illum,
et dedit illi nomen, quod est super omne
nomen. ℞. Allelúia.

Omnes condemnaverunt eum esse reum mortis.

✠ Lécio sancti Evangélii secúndum Marcum

14, 55-65

In illo témpore:

Summi sacerdótes et omne concílium quærébant advérsus Iesum testimónium, ut eum morte afficerent, nec inveniébant. Multi enim testimónium falsum dicébant advérsus eum, et conveniéntia testimónia non erant.

Et quidam surgéntes falsum testimónium ferébant advérsus eum, dicéntes: « Nos audívimus eum dicéntem: “ Ego dissólvam templum hoc manu factum, et intra tríduum áliud non manu factum ædificábo ” ». Et ne ita quidem convéniens erat testimónium illórum.

Et exsúrgens summus sacérdos in médium interrogávit Iesum, dicens: « Non respóndes quidquam ad ea quæ isti testántur advérsus te? »

Ille autem tacébat et nihil respóndit.

Rursum summus sacérdos interrogábat eum, et dicit ei: « Tu es Christus, Fílius Benedícti? »

Iesus autem dixit: « Ego sum; et vidébitis Fílium hóminis a dextris sedéntem Virtútis, et veniéntem cum núbibus cæli ».

Summus autem sacérdos, scindens vestiménta sua, ait: « Quid adhuc necessárii sunt nobis testes? Audístis blasphémiam; quid vobis vidétur? »

Qui omnes condemnávérunt eum esse reum mortis.

Et cœpérunt quidam conspúere eum, et veláre fáciem eius, et cólaphis eum cædere, et dicere ei: « Prophetíza ». Et ministri álapis eum cædebant.

Verbum Dómini.

Alleluia

℞. Allelúia. ʏ. Per lignum servi facti sumus,
et per sanctam crucem liberáti sumus;
fructus árboris sedúxit nos,
Fílius Dei redémit nos. ℞. Allelúia.

Quid vultis faciam regi Iudæorum? Crucifige eum.

✠ Lécio sancti Evangélíi secúndum Marcum 15, 1-15

In illo témpore:

Conféstim mane consílium faciéntes summi sacerdótes cum senióribus et scribis, id est univérsum concílium, vinciéntes Iesum duxérunt et tradidérunt Piláto.

Et interrogávit eum Pilátus: « Tu es rex Iudæórum? »

At ille respóndens ait illi: « Tu dicis ». Et accusábant eum summi sacerdótes in multis.

Pilátus autem rursum interrogábat eum dicens: « Non respóndes quidquam? Vide in quantis te accúsant ».

Iesus autem ámplius nihil respóndit, ita ut mirarétur Pilátus.

Per diem autem festum dimíttere solébat illis unum ex vinctis, quem péterent. Erat autem qui dicebátur Barábbas, vinctus cum seditiósíis, qui in seditiône fécerant homicídium. Et, cum ascendísset turba, cœpit rogáre, sicut faciébat illis.

Pilátus autem respóndit eis et dixit: « Vultis dimítam vobis regem Iudæórum? » Sciébat enim quod per invídiam tradidísset eum summi sacerdótes.

Pontífices autem concitavérunt turbam, ut magis Barábbam dimítteret eis.

Pilátus autem iterum respondens aiebat illis: « Quid ergo vultis fáciam regi Iudæórum? »

At illi iterum clamavérunt: « Crucifíge eum ».

Pilátus vero dicébat eis: « Quid enim mali fecit? »

At illi magis clamavérunt: « Crucifíge eum ».

Pilátus autem, volens pópulo satisfácere, dimísit illis Barábbam, et trádidit Iesum flagéllis cæsum ut crucifigerétur. — Verbum Dómini.

5

Alleluia

℞. Allelúia. ℣. Adorámus te, Christe, et benedícimus tibi,

quia per crucem tuam redemísti mundum.

℞. Allelúia.

*Induunt eum purpuram et imponunt ei
plectentes spineam coronam.*

✠ Lécio sancti Evangélíi secúndum Marcum 15, 16-20

In illo témpore:

Mílites duxérunt Iesum intro in átrium, quod est prætórium, et cónvocant totam cohórtem. Et induunt eum purpuram et impónunt ei plecténtes spíneam coronam.

Et cœpérunt salutáre eum: « Ave, rex Iudæórum ». Et percutiébant caput eius arúndine, et conspuébant eum, et ponéntes génua adorábant eum.

Et, postquam illusérunt ei, exuérunt illum púrpuram et induérunt eum vestiméntis suis; et edúcant illum ut crucifígerent eum. — Verbum Dómini.

Alleluia

R. Allelúia. **V.** Adorámus te, Christe, et benedícimus tibi,
quia per crucem tuam redemísti mundum.
R. Allelúia.

*Iesus, iterum clamans voce magna,
emisit spiritum.*

✠ Lécio sancti Evangélii secúndum Matthæum

27, 33-50

In illo témpore:

Venérunt mílites in locum qui dícitur Gólgotha, quod est Calváriæ Locus. Et dedérunt Iesu vinum bíbere cum felle mixtum, et, cum gustásset, nóluit bíbere.

Postquam autem crucifixerunt eum, divisérunt vestiménta eius sortem mitténtes. Et sedéntes servábant eum ibi.

Et imposuérunt super caput eius causam ipsíus scriptam: « Hic est Iesus, rex Iudæórum ». Tunc crucifigúntur cum eo duo latrónes, unus a dextris et unus a sinístris.

Prætereúntes autem blasphemábant eum movéntes cápita sua, et dicéntes: « Qui déstruis templum et in trídúo illud reädíficas! salva temetípsum: si Fílius Dei es, descénde de cruce ». Simíliter et príncipes sacerdotum, illudéntes cum sribis et senióribus, dicébant: « Alios salvos fecit, seípsum non potest salvum fácere: rex Israel est, descéndat nunc de cruce, et credémus in eum. Confídit in Deo: líberet nunc, si vult eum; dixit enim: " Dei Fílius sum " ». Idípsum autem et latrónes, qui crucifíxi erant cum eo, improperábant ei.

A sexta autem hora ténebræ factæ sunt super univérsam terram usque ad horam nonam.

Et circa horam nonam clamávit Iesus voce magna dicens: « Eli, Eli, lema sabactháni? » hoc est: « Deus meus, Deus meus, ut quid dereliquísti me? »

Quidam autem ex illic stántibus audiéntes dicébant: « Elíam vocat iste ». Et contínuo currens unus ex eis accéptam spóngiam implévit acéto, et impósuit arúndini, et dabat ei bíbere.

Céteri vero dicébant: « Sine, videámus an véniat Elías liberans eum ».

Iesus autem, íterum clamans voce magna, emísit spíritum. — Verbum Dómini.

7

Alleluia

℟. Allelúia. ∞. Per lignum servi facti sumus,
et per sanctam crucem liberáti sumus;
fructus árboris sedúxit nos,
Fílius Dei redémit nos. ℟. Allelúia.

Pater, in manus tuas commendo spiritum meum.

✠ Léctio sancti Evangélíi secúndum Lucam

23, 33-34. 39-46

In illo témpore:

Postquam venérunt mílites in locum qui vocátur Calváriæ, ibi crucifixerunt Iesum et latrónes, unum a dextris et álterum a sinístris.

Iesus autem dicébat: « Pater, dimítte illis; non enim sciunt quid faciunt ».

Dividéntes vero vestiménta eius misérunt sortes.

Unus autem de his qui pendébant latrónibus blasphemábat eum, dicens: « Nonne tu es Christus? Sal-
vum fac temetípsum et nos ».

Respóndens autem alter increpábat illum dicens:

« Neque tu times Deum, quod in eádem damnatióne es? Et nos quidem iuste, nam digna factis recípimus; hic vero nihil mali gessit ».

Et dicébat: « Iesu, meménto mei, cum véneris in Regnum tuum ».

Et dixit illi: « Amen dico tibi: hódie mecum eris in paradíso ».

Et erat iam fere hora sexta, et ténebræ factæ sunt in univérsa terra usque in horam nonam. Et obscurátus est sol, et velum templi scissum est médium.

Et clamans voce magna Iesus ait: « Pater, in manus tuas comméndo spíritum meum ».

Et hæc dicens expirávit. — Verbum Dómini.

8

Alleluia

℞. Allelúia. ʒ. Per lignum servi facti sumus,
et per sanctam crucem liberáti sumus;
fructus árboris sedúxit nos,
Fílius Dei redémit nos. ℞. Allelúia.

Latus eius aperuit, et exivit sanguis et aqua.

✠ Lécitio sancti Evangélii secúndum Ioánnem

19, 28-37

In illo témpore:

Sciens Iesus quia iam ómnia consummáta sunt, ut consummarétur Scriptúra, dicit: « Sítio ».

Vas pósitum erat acéto plenum; spóngiam ergo plenam acéto hyssópo circumponéntes obtulérunt ori eius.

Cum ergo accepísset Iesus acétum, dixit: « Consummátum est ». Et, inclináto cápite, trádidit spíritum.

Iudæi ergo, quóniam Parascéve erat, ut non re-

manérunt in cruce córpora sábbato (erat enim magnus dies illíus sábbati), rogavérunt Pilátum ut frangeréntur eórum crura et tolleréntur.

Venérunt ergo mílites, et primi quidem fregérunt crura, et alteríus qui crucifíxus est cum eo.

Ad Iesum autem cum veníssent, ut vidérunt eum iam mórtuum, non fregérunt eius crura; sed unus mílitum láncea latus eius apérui, et contínuo exívit sanguis et aqua.

Et qui vidit testimónium perhíbuit, et verum est eius testimónium. Et ille scit quia vera dicit, ut et vos credátis.

Facta sunt enim hæc ut Scriptúra impleátur: « Os non comminuétur eius ». Et íterum ália Scriptúra dicit: « Vidébunt in quem transfixérunt ».

Verbum Dómini.

9

Alleluia

Phil 2, 8-9

℞. Allelúia. ∞. Christus factus est pro nobis obédiens usque ad mortem, mortem autem crucis. Propter quod et Deus exaltávit illum, et dedit illi nomen, quod est super omne nomen. ℞. Allelúia.

Iesum quæritis Nazarenum crucifixum: surrexit.

✠ Léctio sancti Evangélíi secúndum Marcum

15, 33-39; 16, 1-6

Facta hora sexta, ténebræ factæ sunt per totam terram usque in horam nonam.

Et hora nona exclamávit Iesus voce magna: « Heloi, Heloi, lema sabactháni? » quod est interpretátum: « Deus meus, Deus meus, ut quid dereliquísti me? »

Et quidam de circumstántibus audiéntes dicébant: « Ecce Elíam vocat ».

Currens autem unus et implens spóngiam acéto, circumponénsque cálamo, potum dabat ei, dicens: « Sínite, videámus si véniat Elías ad deponéndum eum ».

Iesus autem, emíssa voce magna, expirávit.

Et velum templi scissum est in duo, a sursum usque deórsum.

Videns autem centúrio, qui ex advérso stabat, quia sic clamans expirásset ait: « Vere homo hic Fílius Dei erat ».

Et, cum transísset sábbatum, María Magdaléne et María Iacóbi et Salóme emérunt arómata, ut veniéntes úngerent eum. Et valde mane prima sabbatórum véniunt ad monuméntum, orto iam sole.

Et dicébant ad ínvicem: « Quis revólvet nobis lápidem ab óstio monuménti? » Et respiciéntes vident revolútum lápidem; erat quippe magnus valde.

Et introeúntes in monuméntum, vidérunt iúvenem sedéntem in dextris, coopértum stola cándida, et obstupuérent.

Qui dicit illis: « Nolíte expavéscere. Iesum quéri- tis Nazarénus crucifíxus: surréxit, non est hic. Ecce locus ubi posuérent eum ». — Verbum Dómini.

3. DE SANCTISSIMA EUCHARISTIA

Dicitur, cum colore albo, Missa de sollemnitate Ss.mi Corporis et Sanguinis Christi, ut infra:

Ant. ad introitum

Ps 80, 17

Cibávit eos ex ádipe fruménti,
et de petra melle saturávit eos.

Collecta

Deus, qui nobis sub sacraménto mirábili
passiónis tuæ memóriam reliquisti,
tribue, quæsumus,
ita nos Córporis et Sánguinis tui sacra mystéria venerári,
ut redemptionis tuæ fructum in nobis iúgiter sentiámus.
Qui vivis.

Lectiones ut infra, pp. 1539-1557.

Super oblata

Ecclésiæ tuæ, quæsumus, Dómine,
unitátis et pacis propítius dona concéde,
quæ sub oblátis munéribus mýstice designántur.
Per Christum.

Præfatio de Ss.ma Eucharistia, pp. 596-597.

Ant. ad communionem**Io 6, 57**

Qui mandúcat meam carnem et bibit meum ságuinem,
in me manet et ego in eo, dicit Dóminus.

Post communionem

Fac nos, quæsumus, Dómine,
divinitátis tuæ sempitérna fruitióne repléri,
quam pretiósí Córporis et Sánguinis tui
temporális percéptio præfigúrat.
Qui vivis.

Vel, prouti sequitur:

A**Ant. ad introitum****Ps 77, 23-25**

Iánuas cæli apéruiť Dóminus,
et pluit illis manna ad manducándum,

et panem cæli dedit eis:
panem angelórum manducávit homo.

Collecta

Deus, qui humánæ redemptionis opus
per Unigéniti tui paschále mystérium implevísti,
concéde propítius,
ut, qui Christi mortem et resurrectionem
in sacramentórum signis annuntiámus fidénter,
salvationis tuæ contínuum experiámur augméntum.
Per Dóminum.

Lectiones ut infra, pp. 1539-1557.

Super oblata

Salútis nostræ memoriále celebrántes,
cleméntiam tuam, Dómine, suppliciter exorámus,
ut hoc sacraméntum pietátis
fiat nobis signum unitátis et vínculum caritátis.
Per Christum.

Præfatio de Ss.ma Eucharistia, pp. 596-597.

Ant. ad communionem

Io 6, 51-52

Ego sum panis vivus, qui de cælo descéndi,
dicit Dóminus.
Si quis manducáverit ex hoc pane, vivet in ætérnum;
et panis, quem ego dabo, caro mea est pro mundi vita.

Post communionem

Sanctíficet nos, quæsumus, Dómine,
mensæ cæléstis participátio,
ut, per Corpus et Ságuinem Christi,
fratérnitas cuncta copulétur.
Per Christum.

B

Hæc Missa dicitur etiam tamquam Missa votiva de D. N. Iesu Christo summo et æterno sacerdote.

Ant. ad introitum

Ps 109, 4

Iurávit Dóminus et non pænitébit eum:
Tu es sacérdos in ætérnum
secúndum órđinem Melchisedech.

Collecta

Deus, qui ad glóriam tuam et géneris humáni salútem
Christum voluísti
summum æternúmque constitúere sacerdotem,
præsta, ut pópulus, quem sángine suo tibi acquisívit,
ex eius memoriális participatióne,
virtútem crucis ipsíus cápiat et resurrectiónis.
Per Dóminum.

Lectiones ut infra, pp. 1539-1557.

Super oblata

Concéde nobis, quæsumus, Dómine,
hæc digne frequentáre mystéria,
quia, quóties huius hóstiæ commemorátio celebrátur,
opus nostræ redemptionis exercétur.
Per Christum.

Præfatio de Ss.ma Eucharistia, pp. 596-597.

Ant. ad communionem

1 Cor 11, 24-25

Hoc Corpus, quod pro vobis tradétur;
hic calix novi testaménti est in meo Sángine,
dicit Dóminus.
Hoc fácite, quotiescúmque súmitis,
in meam commemoratióem.

Post communionem

Quæsumus, Dómine, ut, huius participatióne sacrificií
 quod in sui commemoratióne
 Fílius tuus præcépit offérri,
 nosmetípsos cum illo oblatiόnem fácias tibi sempitérnam.
 Per Christum.

Lectio prima

1

Panem et vinum obtulit.

Léctio libri Génesis

14, 18-20

In diébus illis:

Melchisedech rex Salem, próferens panem et vinum
 (erat enim sacérdos Dei altíssimi), benedíxit Abram
 et ait: « Benedíctus Abram Deo excélso, qui creávit
 cælum et terram, et benedíctus Deus excélsus, quo
 protegénte, hostes in mánibus tuis sunt ». Et dedit ei
 décimas ex ómnibus. — Verbum Dómini.

Psalmus responsorius Ps 109, 1. 2. 3. 4. (R. 4 bc)

R. Tu es sacérdos in ætérnum,
 secúndum órđinem Melchisedech.

¹ Dixit Dóminus Dómino meo: « Sede a dextris meis,
 donec ponam inimícos tuos
 scabéllum pedum tuórum ». R.

² Virgam poténtiæ tuæ emíttet Dóminus ex Sion:
 domináre in médio inimicórum tuórum. R.

³ Tecum principátus in die virtútis tuæ,
 in splendóribus sanctis,
 ex útero matutíni velut rorem génuí te. R.

Iurávit Dóminus et non pænitébit eum:
 « Tu es sacérdos in ætérnum
 secúndum órđinem Melchísedech ». R.

2

Ego pluam vobis panes de cælo.

Léctio libri Exodi

16, 2-4. 12-15

In diébus illis:

Murmurávit omnis congregátio filiórum Israel contra Móysen et Aaron in solitúdine; dixerúntque filii Israel ad eos: « Utinam mórtui essémus per manum Dómini in terra Ægýpti, quando sedebámus super ollas cárnium, et comedebámus panem in saturitáte. Cur eduxístis nos in desértum istud, ut occiderétis omnem multítudinem fame? »

Dixit autem Dóminus ad Móysen: « Ecce ego pluam vobis panes de cælo: egrediátur pópulus, et cólligat quæ sufficiunt per singulos dies, ut tentem eum utrum ambulet in lege mea an non.

Audívi murmuratiónes filiórum Israel; lóquere ad eos: “ Véspere comedétis carnes, et mane saturabímmini pánibus, scietisque quod ego sum Dóminus Deus vester ” ».

Factum est ergo véspere, et ascéndens cotúrnix coopérui castra; mane quoque ros iácuit per circúitum castrórum. Cumque operuísset superfícies terræ, apparuit in solitúdine minútum, et quasi pilo tusum, in similitúdinem pruínæ super terram.

Quod cum vidíssent filii Israel, dixerunt ad invicem: « Manhu? » quod significat: « Quid est hoc? » Ignorábant enim quid esset.

Quibus ait Móyses: « Iste est panis, quem Dóminus dedit vobis ad vescéndum ». — Verbum Dómini.

Psalmus responsorius

Ps 77, 3-4 a et 7 ab. 23-24. 25 et 54 (R.: 24 b)

R. Panem cæli dedit eis Dóminus.

3 Quanta audívimus et cognóvimus ea,
 4 et patres nostri narravérunt nobis,
 7 non occultábimus a fíliis eórum,
 ut ponant in Deo spem suam,
 et non obliviscántur óperum Dei. R.

23 Mandávit núbibus désuper,
 et iánuas cæli apéruit;
 24 et pluit illis manna ad manducándum,
 et panem cæli dedit eis. R.

25 Panem angelórum manducávit homo,
 cibária misit eis ad abundántiam.
 54 Et indúxit eos in fines sanctificatiónis suæ,
 in montem quem acquisívit délixtera eius. R.

3

*Hic est sanguis fæderis,
 quod pepigit Dominus vobiscum.*

Léctio libri Exodi

24, 3-8

In diébus illis:

Venit Móyses, et narrávit plebi ómnia verba Dómini atque iudícia; respondítque omnis pópulus una voce: « Omnia verba Dómini, quæ locútus est, faciémus ».

Scripsit autem Móyses univérso sermóne Dómini; et mane consúrgens, ædificávit altáre ad radices montis, et duódecim títulos per duódecim tribus Israel;

misítque iúvenes de fíliis Israel, et obtulérunt holocáusta, immolaverúntque víctimas pacíficas Dómino, vítulos.

Tulit itaque Móyses dimídiam partem ságuinis, et misit in cratéras; partem autem resíduam fudit super altáre.

Assuménsque volúmen fœderis legit, audiénte pópulo; qui dixerunt: « Omnia quæ locútus est Dóminus faciémus, et érimus obcædiétes ».

Ille vero sumptum ságuinem respérsit in pópulum, et ait: « Hic est sanguis fœderis, quod pépigit Dóminus vobíscum super cunctis sermónibus his ».

Verbum Dómini.

Psalmus responsorius

Ps 115, 12-13. 15 et 16 bc. 17-18 (R.: 1 Cor 10, 16)

R. Calix benedictiónis
communicátio ságuinis Christi est.

vel Allelúia.

- ¹² Quid retríbuam Dómino
pro ómnibus quæ retríbuit mihi?
- ¹³ Cálicem salutáris accípíam,
et nomen Dómini invocábo. R.
- ¹⁵ Pretiósá in conspéctu Dómini
mors sanctórum eius.
- ¹⁶ Ego servus tuus et fílius ancíllæ tuæ.
Dirupísti víncula mea: R.
- ¹⁷ tibi sacrificábo hóstiam laudis,
et nomen Dómini invocábo.
- ¹⁸ Vota mea Dómino reddam
coram omni pópulo eius. R.

4

*Dedit tibi cibum, quod ignorabas
tu et patres tui.*

Lectio libri Deuteronomii 8, 2-3. 14 b-16 a

In diébus illis:

Locútus est Móyses pópulo, dicens: « Recordáberis cuncti itíneris, per quod addúxit te Dóminus Deus tuus quadragínta annis per desértum, ut afflígeret te atque tentáret; et nota fíerent quæ in tuo ánimo versabántur, utrum custodíres mandáta illíus an non.

Afflíxit te penúria et dedit tibi cibum manna, quod ignorábas tu et patres tui, ut osténderet tibi quod non in solo pane vivat homo, sed in omni verbo, quod egréditur de ore Dei.

Et reminiscéris Dómini Dei tui, qui edúxit te de terra Ægýpti, de domo servitútis, et ductor tuus fuit in solitúdine magna atque terríbili, in qua erat serpens flatu adúrens et scórpíio ac dipsas, et nullæ omníno aquæ; qui edúxit rivos de petra duríssima, et cibávit te manna in solitúdine, quod nesciérunt patres tui ».

Verbum Dómini.

Psalmus responsorius

Ps 144, 10-11. 15-16. 17-18 (R.: cf. 16)

R. Aperis tu manum tuam, Dómine, et sátiás nos.

10 Confíteántur tibi, Dómine, ómnia ópera tua;
et sancti tui benedícant tibi.

11 Glóriam regni tui dicant et poténtiam tuam loquántur. R.

15 Oculi ómnium in te sperant,
et tu das illis escam in témpore opportúno.

- 16 Aperis tu manum tuam,
et imples omne ánimál in beneplácito. *R.*
- 17 Iustus Dóminus in ómnibus viis suis,
et sanctus in ómnibus opéribus suis.
- 18 Prope est Dóminus ómnibus invocántibus eum,
ómnibus invocántibus eum in veritaté. *R.*

5

*Ambulavit in fortitudine cibi illius
usque ad montem Dei.*

Léctio libri primi Regum

19, 4-8

In diébus illis:

Perréxit Elías in desértum viam uníus diéi.

Cumque venísset et sedéret subter unam iuníperum, petívit ánimæ suæ ut morerétur, et ait: « Súfficit mihi, Dómine: tolle ánimam meam, neque enim mélior sum quam patres mei ». Proiecítque se et obdormívit in umbra iuníperi.

Et ecce ángelus Dómini tétigit eum, et dixit illi: « Surge et cómede ».

Respéxit, et ecce ad caput suum subcinerícus panis et vas aquæ; comédit ergo et bibit, et rursum obdormívit.

Reversúsque est ángelus Dómini secúndo, et tétigit eum dixítque illi: « Surge, cómede, grandis enim tibi restat vía ».

Qui, cum surrexísset, comédit et bibit, et ambulávit in fortitúdi-ne cibi illíus quadragínta diébus et quadragínta nóctibus, usque ad montem Dei Horeb.

Verbum Dómini.

Psalmus responsorius

Ps 77, 3-4 a et 7 ab. 23-24. 25 et 54 (R.: 24 b)

R. Panem cæli dedit eis Dóminus.

3 Quanta audívimus et cognóvimus ea,
 et patres nostri narravérunt nobis,
 4 non occultábimus a filiis eórum,
 7 ut ponant in Deo spem suam,
 et non obliviscántur óperum Dei. R.

23 Mandávit núbibus désuper,
 et iánuas cæli apérui;
 24 et pluit illis manna ad manducándum,
 et panem cæli dedit eis. R.

25 Panem angelórum manducávit homo,
 cibária misit eis ad abundántiam.
 34 Et indúxit eos in fines sanctificatiónis suæ,
 in montem quem acquisívit dextera eius. R.

6

*Comedite panem meum et bibite vinum,
 quod miscui vobis.*

Léctio libri Proverbiórum

9, 1-6

Sapiéntia ædificávit sibi domum, excídit colúmnas septem, immolávit víctimas suas, míscuit vinum et proposuit mensam suam.

Misit ancíllas suas ut vocárent ad arcem et ad móenia civitátis: « Si quis est párvulus, véniat ad me ».

Et insipiéntibus locúta est: « Veníte, comédite panem meum et bíbite vinum quod míscui vobis, relínquite infántiam et vívite, et ambuláte per vías prudéntiæ ».

Verbum Dómini.

Psalmus responsorius

Ps 147, 12-13. 14-15. 19-20 (R.: Io 6, 59 b)

R. Qui mandúcat hunc panem, vivet in ætérnum.

vel Allelúia.

- 12 Lauda, Ierúsalem, Dóminum;
colláuda Deum tuum, Sion.
13 Quóniam confortávit seras portárum tuárum,
benedíxit fíliis tuis in te. R.
14 Qui ponit fines tuos pacem,
et ádipe fruménti sátiat te.
15 Qui emíttit elóquium suum terræ,
velóriter currit verbum eius. R.
19 Qui annúntiat verbum suum Iacob,
iustítias et iudícia sua Israel.
20 Non fecit táliter omni natióni,
et iudícia sua non manifestávit eis. R.

Lectio secunda

1

*Unus panis, unum corpus multi sumus.*Léctio Epístolæ primæ beáti Pauli apóstoli
ad Corínthios

10, 16-17

Fratres:

Calix benedictiónis cui benedícimus, nonne comunicatio ságuinis Christi est? Et panis quem frángimus, nonne communicatio córporis Christi est?

Quóniam unus panis, unum corpus multi sumus, omnes enim de uno pane participámur.

Verbum Dómini.

2

*Quotiescumque manducabitis panem hunc
et calicem bibetis,
mortem Domini annuntiatis.*

Lectio Epistolæ primæ beāti Pauli apóstoli
ad Corínthios 11, 23-26

Fratres:

Ego accépi a Dómino, quod et trádidi vobis, quóniam Dóminus Iesus, in qua nocte tradebátur, accépit panem et grátias agens fregit et dixit: « Hoc est corpus meum, quod pro vobis est: hoc fácite in meam commemoratióem ».

Simíliter et cálicem, postquam cenátum est, dicens: « Hic calix novum Testaméntum est in meo ságuine: hoc fácite, quotiescúmque bibétis, in meam commemoratióem ».

Quotiescúmque enim manducábitis panem hunc et cálicem bibétis, mortem Dómini annuntiátis, donec véniat. — Verbum Dómini.

3

Sanguis Christi emundabit conscientiam nostram.

Lectio Epistolæ ad Hebræos 9, 11-15

Christus, cum advénit póntifex futurórum bonórum, per ámplius et perféctius tabernáculum non manufáctum, id est non huius creatiόνis, neque per ságuinem hircórum et vitulórum, sed per próprium ságuinem introívit semel in Sancta, æténa redemptiône invénta.

Si enim sanguis hircórum et taurórum et cinis vítulæ aspérsus inquinátos sanctificat ad emundatióem car-

nis, quanto magis sanguis Christi, qui per Spíritum ætérnum semetípsum obtulit immaculátum Deo, emundábit consciéntiam nostram ab opéribus mórtuis ad serviéndum Deo vivénti?

Et ídeo Novi Testaménti mediátor est; ut, morte intercedénte, in redemptiónem eárum prævaricatiónum, quæ erant sub prióre Testaménto, repromissiónem accípiant qui vocáti sunt ætérnæ hereditátis.

Verbum Dómini.

Evangelium

1

Alleluia

Io 6, 57

℞. Allelúia. ∿. Qui mandúcat meam carnem
et bibit meum ságuinem,
in me manet et ego in eo, dicit Dóminus.

℞. Allelúia.

Hoc est corpus meum. Hic est sanguis meus.

✠ Léctio sancti Evangélíi secúndum Marcum

14, 12-16. 22-26

Primo die azymórum, quando pascha immolábant, dicunt Iesu discípuli eius: « Quo vis eámus et parémus ut mandúces pascha? »

Et mittit duos ex discípulis suis, et dicit eis: « Ite in civitátem, et occúrret vobis homo lagénam aquæ báiulans: sequímini eum et, quocúmque introíerit, dicite dómino domus: Magíster dicit: “ Ubi est reféctio mea, ubi pascha cum discípulis meis mandúcem? ” Et ipse vobis demonstrábit cenáculum grande stratum parátum: et illic paráte nobis ».

Et abiérunt discípuli et venérunt in civitátem et invénérunt sicut díxerat illis, et paravérunt pascha.

Et, manducántibus illis, accépit Iesus panem et benedícens fregit, et dedit eis, et ait: « Súmite: hoc est corpus meum ». Et, accépto cálice, grátias agens dedit eis, et bibérunt ex illo omnes.

Et ait illis: « Hic est sanguis meus novi testaménti, qui pro multis effúnditur. Amen dico vobis: Iam non bibam de genímine vitis usque in diem illum, cum il-
lud bibam novum in Regno Dei ».

Et, hymno dicto, exiérunt in montem Olivárum.
Verbum Dómini.

2

Alleluia

Io 6, 51-52

℞. Allelúia. ⁊. Ego sum panis vivus, qui de cælo
descénderé, dicit Dóminus;
si quis manducáverit ex hoc pane,
vivet in ætérnum. ℞. Allelúia.

Manducaverunt et saturati sunt omnes.

✠ Lécio sancti Evangélli secúndum Lucam

9, 11 b-17

In illo témpore:

Loquebátur Iesus turbis de Regno Dei, et eos qui cura indigébant sanábat.

Dies autem cóeperat declináre, et accedéntes Duódecim díxérunt illi: « Dimítte turbam, ut eúntes in castélla villásque, quæ circa sunt, devértant et invéniant escas; quia hic in loco desérto sumus ».

Ait autem ad illos: « Vos date illis manducáre ».

At illi díxérunt: « Non sunt nobis plus quam quinque panes et duo pisces; nisi forte nos eámus et emá-

mus in omnem hanc turbam escas ». Erant enim fere viri quinque mília.

Ait autem ad discipulos suos: « Fácite illos discumbere per convivía ad quinquagénos ». Et ita fecérunt, et discumbere fecérunt omnes.

Accéptis autem quinque pánibus et duóbus pískibus, respéxit in cælum et benedíxit illis, et fregit, et dabat discipulis suis, ut pónèrent ante turbam.

Et manducavérunt et saturáti sunt omnes. Et sublátum est quod supérfuit illis, fragmentórum cóphini duódecim. — Verbum Dómini.

3

Alleluia

Io 6, 57

℟. Allelúia. ℣. Qui mandúcat meam carnem
et bibit meum sánguinem,
in me manet et ego in eo, dicit Dóminus.
℟. Allelúia.

Cognoverunt eum in fractione panis.

✠ Lécio sancti Evangélíi secúndum Lucam 24, 13-35

Ecce duo ex discipulis Iesu ibant ipsa die prima sábbati in castéllum, quod erat in spátio stadiórum sexaginta ab Ierúsalem, nómine Emmaus. Et ipsi loquebántur ad ínvicem de his ómnibus quæ accíderant.

Et factum est, dum fabularéntur et secum quáerent, et ipse Iesus appropínquans ibat cum illis: óculi autem illórum tenebántur, ne eum agnóscerent.

Et ait ad illos: « Qui sunt hi sermónes, quos confértis ad ínvicem ambulántes? » Et stetérunt tristes.

Et respóndens unus, cui nomen Cléopas, dixit ei: « Tu solus peregrínus es in Ierúsalem, et non cognovísti quæ facta sunt in illa his diébus? »

Quibus ille dixit: « Quæ? »

Et illi dixerunt ei: « De Iesu Nazaréno, qui fuit vir prophéta, potens in ópere et sermóne coram Deo et omni pópulo; et quómo do eum tradidérunt summi sacerdótes et príncipes nostri in damnatió nem mortis et crucifixérunt eum.

Nos autem sperabá mus quia ipse esset redemptúrus Israel; at nunc super hæc ómnia tértia dies hódie quod hæc facta sunt. Sed et mulieres quædam ex nostris teruérunt nos; quæ ante lucem fuérunt ad monuméntum et, non invénto corpore eius, venérunt dicétes se étiam visió nem angelórum vidísse, qui dicunt eum vívere. Et abiérunt quidam ex nostris ad monuméntum et ita invenérunt sicut mulieres dixerunt, ipsum vero non vidérunt ».

Et ipse dixit ad eos: « O stulti et tardi corde ad credéndum in ómnibus quæ locúti sunt prophétæ! Nonne hæc opórtuit pati Christum, et intráre in glóriam suam? » Et incípiens a Móyse et ómnibus prophétis interpretabá tur illis in ómnibus Scriptúris, quæ de ipso erant.

Et appropinquavérunt casté llo quo ibant, et ipse se finxit lóngius ire, et coegérunt illum dicétes: « Mane nobiscum, quóniam advesperáscit, et inclináta est iam dies ». Et intrávit ut manéret cum illis.

Et factum est, dum recú mberet cum illis, accépit panem, et benedíxit ac fregit, et porrigébat illis. Et apérti sunt óculi eórum, et cognovérunt eum; et ipse evánu it ab eis.

Et dixerunt ad ínvicem: « Nonne cor nostrum ardens erat in nobis dum loquerétur nobis in via, et aperíret nobis Scriptúras? »

Et surgétes eádem hora regréssi sunt in Ierúsalem; et invenérunt congregátos Undecim et eos qui cum ipsis

erant, dicentes: « Surréxit Dóminus vere et apparuit Simóni ». Et ipsi narrábant quæ gesta erant in via, et quómodo cognovérunt eum in fractióne panis.

Verbum Dómini.

4

Alleluia

Io 6, 58

℞. Allelúia. ⁊. Sicut misit me vivens Pater,
et ego vivo propter Patrem;
et qui mandúcat me, et ipse vivet propter me,
dicit Dóminus. ℞. Allelúia.

Distribuit discumbentibus quantum volebant.

✠ Lécio sancti Evangélíi secúndum Ioánnem 6, 1-15

In illo témpore:

Abiit Iesus trans mare Galilææ, quod est Tiberíadis, et sequebátur eum multitúdo magna, quia vidébant signa quæ faciébat super his qui infirmabántur. Súbiit autem in montem Iesus et ibi sedébat cum discíplis suis. Erat autem próximum Pascha, dies festus Iudæórum.

Cum sublevásset ergo óculos Iesus, et vidísset quia multitúdo magna venit ad eum, dicit ad Philíppum: « Unde emémus panes, ut mandúcent hi? » Hoc autem dicébat tentans eum, ipse enim sciébat quid esset factúrus.

Respóndit ei Philíppus: « Ducentórum denariórum panes non suffíciunt eis, ut unusquisque módicum quid accípiat ».

Dicit ei unus ex discíplis eius, Andréas, frater Simónis Petri: « Est puer hic qui habet quinque panes hordeáceos et duos pisces; sed hæc quid sunt inter tantos? »

Dixit Iesus: « Fácite hómines discúmbere ». Erat autem fenum multum in loco. Discubuérunt ergo viri, número quasi quinque mília.

Accépit ergo panes Iesus et, cum grátias egísset, distribuit discumbéntibus, simíliter et ex pístibus, quantum volébant.

Ut autem impléti sunt, dixit discípulis suis: « Colígite quæ superavérunt fragménta, ne quid péreat ». Collegérunt ergo et implevérunt duódecim cóphinos fragmentórum ex quinque pánibus hordeáceis, quæ superfuérunt his qui manducavérunt.

Illi ergo hómines cum vidíssent quod Iesus fécerat signum, dicébant: « Hic est vere prophéta, qui venit in mundum ».

Iesus ergo, cum cognovísset quia ventúri essent ut ráperent eum et fácerent eum regem, secéssit íterum in montem ipse solus. — Verbum Dómini.

5

Alleluia

Io 6, 51-52

℞. Allelúia. ʒ. Ego sum panis vivus, qui de cælo
descénderi, dicit Dóminus;
si quis manducáverit ex hoc pane,
vivet in ætérnum. ℞. Allelúia.

*Qui venit ad me non esuriet, et qui
credit in me non sitiet.*

✠ Lécio sancti Evangélíi secúndum Ioánnem

6, 24-35

In illo témpore:

Cum vidíssent turba quia Iesus non esset ibi, neque discípuli eius, ascendérunt ipsi navículas et venérunt Caphárnaum quæréntes Iesum.

Et, cum invenissent eum trans mare, dixerunt ei: « Rabbi, quando huc venisti? »

Respondit eis Iesus et dixit: « Amen, amen dico vobis, quæritis me, non quia vidistis signa, sed quia manducastis ex panibus et saturati estis. Operamini non cibum qui perit, sed cibum qui permanet in vitam æternam, quem Filius hominis vobis dabit: hunc enim Pater signavit Deus ».

Dixerunt ergo ad eum: « Quid faciemus ut operemur opera Dei? »

Respondit Iesus et dixit eis: « Hoc est opus Dei, ut credatis in eum, quem misit ille ».

Dixerunt ergo ei: « Quod ergo tu facis signum, ut videamus et credamus tibi? Quid operaris? Patres nostri manna manducaverunt in deserto, sicut scriptum est: " Panem de cælo dedit eis manducare " ».

Dixit ergo eis Iesus: « Amen, amen dico vobis, non Moyses dedit vobis panem de cælo, sed Pater meus dat vobis panem de cælo verum. Panis enim Dei est qui descendit de cælo et dat vitam mundo ».

Dixerunt ergo ad eum: « Domine, semper da nobis panem hunc ».

Dixit eis Iesus: « Ego sum panis vitæ; qui venit ad me non esuriat, et qui credit in me non sitiet umquam ». — Verbum Domini.

6

Alleluia

Io 6, 51-52

℞. Allelúia. ⁊. Ego sum panis vivus, qui de cælo
descendi, dicit Dóminus;
si quis manducáverit ex hoc pane,
vivet in ætérnum. ℞. Allelúia.

Ego sum panis qui de cælo descendi.

✠ Lécio sancti Evangélíi secúndum Ioánnem

6, 41-52 a

In illo témpore:

Murmurábant Iudæi de Iesu, quia dixisset: « Ego sum panis qui de cælo descendi ». Et dicébant: « Nonne hic est Iesus fílius Ioseph, cuius nos nóvimus patrem et matrem? Quómodo dicit nunc: “ De cælo descendi? ” »

Respóndit Iesus et dixit eis: « Nolíte murmuráre in ínvicem. Nemō potest veníre ad me, nisi Pater, qui misit me, tráxerit eum; et ego resuscitábo eum in novísimo die. Est scriptum in prophétis: “ Et erunt omnes docíbiles Dei ”. Omnis, qui audívit a Patre et dídicit, venit ad me. Non quia Patrem vidit quisquam: nisi is qui est a Deo, hic vidit Patrem. Amen, amen dico vobis: qui credit habet vitam ætérnam.

Ego sum panis vitæ. Patres vestri manducavérunt in desérto manna et mórtui sunt. Hic est panis de cælo descéndens, ut, si quis ex ipso manducáverit, non moriátur. Ego sum panis vivus qui de cælo descendi. Si quis manducáverit ex hoc pane, vivet in ætérnum; panis autem quem ego dabo, caro mea est pro mundi vita ».

Verbum Dómini.

7

Alleluia

Io 6, 57

℞. Allelúia. ʒ. Qui mandúcat meam carnem
et bibit meum sánguinem,
in me manet et ego in eo, dicit Dóminus.

℞. Allelúia.

*Caro mea verus est cibus,
et sanguis meus verus est potus*

✠ Lécio sancti Evangélii secúndum Ioánnem

6, 51-59

In illo témpore:

Dixit Iesus turbis Iudæórum:

« Ego sum panis vivus, qui de cælo descéndi. Si quis manducáverit ex hoc pane vivet in ætérnum; panis autem quem ego dabo, caro mea est pro mundi vita ».

Litigábant ergo Iudæi ad ínvicem dicéntes: « Quómodo potest hic nobis carnem suam dare ad manducándum? »

Dixit ergo eis Iesus: « Amen, amen dico vobis, nisi manducavéritis carnem Fílii hóminis et bibéritis eius sánguinem, non habétis vitam in vobismetípsis. Qui mandúcat meam carnem et bibit meum sánguinem habet vitam ætérnam, et ego resuscitábo eum in novíssimo die.

Caro enim mea verus est cibus, et sanguis meus verus est potus. Qui mandúcat meam carnem et bibit meum sánguinem in me manet, et ego in illo.

Sicut misit me vivens Pater, et ego vivo propter Patrem, et qui mandúcat me, et ipse vivet propter me. Hic est panis qui de cælo descéndit. Non sicut manducavérunt patres et mórtui sunt. Qui mandúcat hunc panem vivet in ætérnum ». — Verbum Dómini.

8

Alleluia

Io 6, 58

℟. Allelúia. ℣. Sicut misit me vivens Pater,
et ego vivo propter Patrem;
et qui mandúcat me, et ipse vivet propter me,
dicit Dóminus. ℟. Allelúia.

Iesus accipit panem et dat eis.

✠ Lécio sancti Evangélii secúndum Ioánnem 21, 1-14

In illo témpore:

Manifestávit se íterum Iesus discíplis ad mare Tiberiadis. Manifestávit autem sic: Erant simul Simon Petrus et Thomas, qui dícitur Dídymus, et Nathánael, qui erat a Cana Galilææ, et filii Zebedæi et álíi ex discíplis eius duo.

Dicit eis Simon Petrus: « Vado piscári ».

Dicunt ei: « Venímus et nos tecum ». Exiérunt, et ascendérunt in navem; et illa nocte nihil prenidérunt.

Mane autem iam facto, stetit Iesus in lítore; non tamen sciébant discípli quia Iesus est.

Dicit ergo eis Iesus: « Púeri, numquid pulmentárium habétis? »

Respondérunt ei: « Non ». Ille autem dixit eis: « Míttite in dexteram navígii rete, et inveniétis ». Misérunt ergo; et iam non valébant illud tráhere a multitúde píscium.

Dicit ergo discíplus ille, quem diligébat Iesus, Petro: « Dóminus est ».

Simon ergo Petrus, cum audísset quia Dóminus est, tunicam succínxit se (erat enim nudus) et misit se in mare. Alii autem discípli navígio venérunt (non enim longe erant a terra, sed quasi cúbitis ducéntis) trahéntes rete píscium. Ut ergo descendérunt in terram, vident prunas pósitas et piscem superpósitum et panem.

Dicit eis Iesus: « Afférte de píscibus quos prendístis nunc ». Ascéndit ergo Simon Petrus et traxit rete in terram plenum magnis píscibus, centum quinquagínta tribus. Et, cum tanti essent, non est scissum rete.

Dicit eis Iesus: « Veníte, prandéte ».

Nemo autem audébat discipulorum interrogáre eum: « Tu quis es? », sciéntes quia Dóminus est.

Venit Iesus, et áccipit panem, et dat eis, et piscem similiter. Hoc iam tértio manifestátus est Iesus discipulis cum resurrexisset a mórtuis. — Verbum Dómini.

4. DE SANCTISSIMO NOMINE IESU

In hac Missa adhibetur color albus.

Ant. ad introitum

Phil 2, 10-11

In nómine Iesu omne genu flectátur,
cæléstium, terréstrium et infernórum;
et omnis lingua confíteátur
quia Dóminus Iesus Christus in glória est Dei Patris.

Collecta

Sanctíssimum Iesu nomen venerántibus,
nobis, Dómine, concéde propítius,
ut, eius in hac vita dulcédine perfruéntes,
sempitérno gáudio in pátria repleámur.
Per Dóminum.

Lectiones ut infra, pp. 1559-1565.

Super oblata

In eius nómine, Pater omnípotens,
múnera nostra dignáre suscípere,
in quo quidquid petiérimus
nos certe consecutúros esse confídimus,
ipso Fílio tuo benigníssime pollicénte.
Qui vivit.

Ant. ad communionem

Act 4, 12

Non est aliud nomen sub cælo datum hominibus,
in quo oporteat nos salvos fieri.

Post communionem

Tua nobis, quæsumus, Dómine, miseratione concède,
ut in his sacris mystériis
Dóminum Iesum dignis obséquiiis venerémur,
in cuius nómine voluísti omne genu flecti,
omnésque hómines inveníre salutem. Per Christum.

Lectio prima

1

*Ego sum qui sum. Hoc nomen mihi
in æternum.*

Lectio libri Exodi

3, 13-15

In diébus illis:

Audiens Móyses vocem Dómini de médio rubi, dixit ad eum: « Ecce ego vadam ad filios Israel, et dicam eis: " Deus patrum vestrorum misit me ad vos ". Si dixerint mihi: " Quod est nomen eius? " quid dicam eis? »

Dixit Deus ad Móysen: « Ego sum qui sum ». Ait: « Sic dices filiis Israel: " Qui est " misit me ad vos ».

Dixitque iterum Deus ad Móysen: « Hæc dices filiis Israel: " Dóminus Deus patrum vestrorum, Deus Abraham, Deus Isaac, et Deus Iacob, misit me ad vos: hoc nomen mihi est in ætérnum, et hoc memoriále meum in generatióem et generatióem " ».

Verbum Dómini.

Psalmus responsorius Ps 112, 1-2. 3-4. 5-6 (R.: 2)

R. Sit nomen Dómini benedíctum in sæcula.

vel Allelúia.

- 1 Laudáte, púeri Dómini,
laudáte nomen Dómini.
- 2 Sit nomen Dómini benedíctum
ex hoc nunc et usque in sæculum. R.
- 3 A solis ortu usque ad occásum
laudábile nomen Dómini.
- 4 Excélsus super omnes gentes Dóminus,
super cælos glória eius. R.
- 5 Quis sicut Dóminus Deus noster,
qui in altis hábitat,
- 6 et humília réspicit
in cælo et in terra? R.

2

Laudabo nomen tuum assidue.

Léctio libri Sirácidæ

51, 11-17

Memorátus sum misericórdiæ tuæ, Dómine, et operationis tuæ quæ a sæculo sunt, quóniam éruis sustinéntes te, Dómine, et liberas eos de mánibus géntium. Exaltásti super terram habitatióem meam, et pro morte defluénte deprecátus sum.

Invocávi Dóminum, patrem Dómini mei, ut non derelinquat me in die tribulatióis meæ, et in témpore superbórum sine adiutório.

Laudábo nomen tuum assidue, et collaudábo illud in confessiône, et exaudíta est orátio mea. Et liberásti

me de perditione, et eripuisti me de tempore iniquo;
propterea confitebor et laudem dicam tibi et benedicam
nomini Domini. — Verbum Domini.

Psalmus responsorius **Is 12, 2-3. 4 bcd. 5-6 (R.: 4 b)**

R. Confitemini Domino et invocate nomen eius.

- 1** Ecce Deus salvator meus,
fiducialiter agam et non timebo,
quia fortitudo mea et laus mea Dominus,
et factus est mihi in salutem.
- 3** Haurietis aquas in gaudio
de fontibus salvatoris. **R.**
- 4** Confitemini Domino et invocate nomen eius,
notas facite in populis ad inventiones eius;
memento quoniam excelsus est nomen eius. **R.**
- 5** Cantate Domino, quoniam magnifice fecit,
annuntiate hoc in universa terra.
- 6** Exulta et lauda, habitatio Sion,
quia magnus in medio tui Sanctus Israel. **R.**

Lectio secunda

1

*Cum omnibus qui invocant Nomen
Domini nostri Iesu Christi.*

Initium Epistolae primae beati Pauli apostoli
ad Corinthios

1, 1-3

Paulus, vocatus apostolus Christi Iesu per voluntatem Dei, et Sósthene frater, Ecclesiae Dei, quae est Corinthi, sanctificatis in Christo Iesu, vocatis sanctis,

cum ómnibus qui ínvocant Nomen Dómini nostri Iesu Christi, in omni loco ipsórum et nostro: grátia vobis et pax a Deo Patre nostro et Dómino Iesu Christo.

Verbum Dómini.

2

Donavit illi Nomen, quod est super omne nomen.

Léctio Epístolæ beáti Pauli apóstoli ad Philippénes

2, 6-11

Christus Iesus, cum in forma Dei esset, non rapínam arbitrátus est esse se æquálem Deo, sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obcédiens usque ad mortem, mortem autem crucis.

Propter quod et Deus illum exaltávit, et donávit illi Nomen, quod est super omne nomen, ut in Nómine Iesu omne genu flectátur cæléstium et terréstrium et infernórum, et omnis lingua confiteátur: « Dóminus Iesus Christus », in glóriam Dei Patris. — Verbum Dómini.

3

Omnia facite in Nomine Domini Iesu.

Léctio Epístolæ beáti Pauli apóstoli ad Colossenses

3, 12-17

Fratres:

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super omnia autem hæc caritatem, quod est vinculum perfectiōnis; et pax Christi dominetur in cordibus vestris; ad quam et vocati estis in uno corpore; et grati estote. Verbum Christi habitet in vobis abundanter, in omni sapientia docentes et commonentes vosmetipsos psalmis, hymnis, canticis spiritalibus, in gratia cantantes in cordibus vestris Deo.

Et omne quodcumque facitis in verbo aut in opere, omnia in Nōmine Dōmini Iesu, grātiās agentes Deo Patri per ipsum. — Verbum Dōmini.

Evangelium

1

Alleluia

Dan 3, 52 b

℞. Allelúia. √. Benedíctum nomen glóriæ tuæ sanctum, et laudábile et superexaltátum in sæcula.
℞. Allelúia.

Vocabis nomen eius Iesum.

✠ Lécio sancti Evangélíi secúndum Matthæum

1, 18-25

Iesu Christi generatio sic erat: Cum esset desponsata mater eius María Ioseph, antequam convenirent, inventa est in útero habens de Spíritu Sancto. Ioseph autem vir eius, cum esset iustus et nollet eam traducere, voluit occulte dimittere eam.

Hæc autem eo cogitante, ecce ángelus Dōmini in somnis apparuit ei dicens: « Ioseph, fili David, noli timere accipere Mariam coniugem tuam, quod enim in ea natum est de Spíritu Sancto est. Pariet autem filium, et vocabis nomen eius Iesum; ipse enim salvum faciet populum suum a peccatis eorum ».

Hoc autem totum factum est, ut adimplerétur id quod dictum est a Dómino per Prophétam dicentem: « Ecce virgo in útero habébit et páriet fílium, et vocábunt nomen eius Emmánuel », quod est interpretátum « No-bíscum-Deus ».

Exsúrgens autem Ioseph a somno, fecit sicut præcépit ei ángelus Dómini, et accépit cóniugem suam; et non cognoscébat eam donec péperit fílium: et vocávit nomen eius Iesum. — Verbum Dómini.

2

Alleluia

Dan 3, 52 b

℞. Allelúia. ∿. Benedíctum nomen glóriæ tuæ sanctum,
et laudábile et superexaltátum in sácula.
℞. Allelúia.

Vocatum est nomen eius Iesus.

✠ Lécio sancti Evangélíi secúndum Lucam 2, 16-21

In illo témpore:

Venérunt pastóres festinántes usque Bétlehem et invenérunt Mariám et Ioseph et infántem pósitum in præsépio. Vidéntes autem notum fecérunt verbum, quod dictum erat illis de púero hoc. Et omnes qui audiérunt miráti sunt de his quæ dicta erant a pastóribus ad ipsos.

María autem conservábat ómnia verba hæc, cónfrens in corde suo. Et revérsi sunt pastóres glorificántes et laudántes Deum, in ómnibus quæ audierant et vídeant, sicut dictum est ad illos.

Et postquam consummáti sunt dies octo, ut circumciderétur, vocátum est nomen eius Iesus, quod vocátum est ab Angelo priúsquam in útero conciperétur.

Verbum Dómini.

3

Alleluia

Ps 95, 2

R. Allelúia. V. Cantáte Dómino
et benedícite nómini eius,
annuntiáte de die in diem salutáre eius.
R. Allelúia.

*Si quid petieritis me in Nomine meo,
ego faciam.*

✠ Lécio sancti Evangélii secúndum Ioánnem

14, 6-14

In illo témpore:

Dicit Iesus ad Thomam: « Ego sum via et véritas et vita. Nemo venit ad Patrem, nisi per me. Si cognovístis me, et Patrem meum útique cognoscétis: et ámodo cognóscitis eum et vidístis eum ».

Dicit ei Philíppus: « Dómine, osténde nobis Patrem, et súfficit nobis ».

Dicit ei Iesus: « Tanto témpore vobíscum sum, et non cognovísti me, Philíppe? Qui vidit me vidit Patrem.

Quómodo tu dicis: " Osténde nobis Patrem? " Non credis quia ego in Patre, et Pater in me est? Verba, quæ ego loquor vobis, a me ipso non loquor. Pater autem in me manens facit ópera sua. Crédite mihi quia ego in Patre et Pater in me est. Alióquin propter ópera ipsa créдите.

Amen, amen dico vobis: Qui credit in me, ópera quæ ego fácio, et ipse fáciat; et maióra horum fáciat, quia ego ad Patrem vado. Et quodcúmque petiéritis in Nómine meo hoc fáciam, ut glorificétur Pater in Fílio. Si quid petiéritis me in Nómine meo, ego fáciam ».

Verbum Dómini.

5. DE PRETIOSISSIMO SANGUINE
D. N. IESU CHRISTI

In hac Missa adhibetur color ruber.

Ant. ad introitum

Ap 5, 9-10

Redemísti nos, Dómine, in Ságuine tuo,
ex omni tribu et lingua et pópulo et natióne,
et fecísti nos Deo nostro regnum.

Collecta

Deus, qui pretíoso Unigéniti tui Ságuine
univérsos hómines redemísti,
consérva in nobis opus misericórdiæ tuæ,
ut, nostræ salútis mystérium iúgiter recoléntes,
eiúsdem fructum cónsequi mereámur.
Per Dóminum.

Lectiones ut infra, pp. 1567-1575.

Super oblata

Maiestáti tuæ, Dómine,
oblatiónis nostræ múnera proferéntes,
ad novi testaménti Mediatórem Iesum
his mystériis accedámus,
eiúsque aspersionem Ságuinis salutíferam innovémus.
Qui vivit.

Præfatio I de Passione Domini, p. 587.

Ant. ad communionem

Cf. 1 Cor 10, 16

Calix benedictiónis, cui benedícimus,
communicátio Ságuinis Christi est;
et panis, quem frángimus,
participátio Córporis Dómini est.

Post communionem

Cibo refécti, Dómine, potúque salútis,
Salvatóris nostri, quæsumus,
semper Ságuine perfundámur,
qui fons aquæ nobis fiat
in vitam saliéntis ætérrnam.
Per Christum.

Vel:

Refécti cibo potúque cælésti,
quæsumus, omnípotens Deus,
ut ab hóstiũ deféndas formídine,
quos pretiósó Fílii tui Ságuine redemísti.
Qui vivit.

Lectio prima

1

*Cum viderit Dominus sanguinem in superliminari
et in utroque poste, transcendet ostium domus.*

Léctio libri Exodi

12, 21-27

In diébus illis:

Vocávit Móyses omnes senióres filiórũ Israel, et
dixit ad eos: « Ite, tollénteſ ánimál per famíliás ve-
stras, et immoláte Phase. Fasciculúmque hyssópi tín-
gite in ságuine qui est in límine, et aspérgite ex eo
superlimináre et utrúmque postem.

Nullus vestrum egrediátur óstium domus suæ usque
mane; transíbit enim Dóminus percútiens Ægýptios;
cumque víderit ságuinem in superliminári et in utró-

que poste, transcendet ostium domus, et non sinet percussorem ingredi domos vestras et lædere.

Custodi verbum istud legitimum tibi et filiis tuis, usque in ætérnum. Cumque introieritis terram, quam Dóminus daturus est vobis, ut pollicitus est, observabitis cæremónias istas.

Et, cum dixerint vobis filii vestri: " Quæ est ista religio? ", dicetis eis: " Víctima tránsito Dómini est, quando transivit super domos filiorum Israel in Ægýpto, percútiens Ægýptios, et domos nostras líberans " ».

Incurvatúsque pópulus adorávit.

Verbum Dómini.

Psalmus responsorius

Ps 115, 12-13. 15-16 bc. 17-18 (R.: 1 Cor 10, 16)

R. Calix benedictiónis
communicátio ságuinis Christi est.

vel Allelúia.

- ¹² Quid retríbuam Dómino
pro ómnibus quæ retríbuit mihi?
- ¹³ Cálicem salutáris accípíam,
et nomen Dómini invocábo. R.
- ¹⁵ Pretiósá in conspéctu Dómini
mors sanctórum eius.
- ¹⁶ Ego servus tuus et fílius ancíllæ tuæ,
dirupísti víncula mea. R.
- ¹⁷ Tibi sacrificábo hóstiám laudis,
et nomen Dómini invocábo.
- ¹⁸ Vota mea Dómino reddam
coram omni pópulo eius. R.

2

*Hic est sanguis fœderis, quod pepigit
Dominus vobiscum.*

Léctio libri Exodi

24, 3-8

In diébus illis:

Venit Móyses, et narrávit plebi ómnia verba Dómini atque iudícia; respondítque omnis pópulus una voce: « Omnia verba Dómini, quæ locútus est, faciémus ».

Scripsit autem Móyses univérso sermóne Dómini; et mane consúrgens, ædificávit altáre ad radices montis, et duódecim títulos per duódecim tribus Israel; misítque iúvenes de fíliis Ísrael, et obtulérunt holocáusta, immolaverúntque víctimas pacíficas Dómino, vítulos.

Tulit ítaque Móyses dimídiam partem ságuinis, et misit in cratéras; partem autem resíduam fudit super altáre.

Assuménsque volúmen fœderis legit, audiénte pópulo; qui dixerunt: « Omnia quæ locútus est Dóminus faciémus, et érimus obœdiétes ».

Ille vero sumptum ságuinem respérsit in pópulum, et ait: « Hic est sanguis fœderis, quod pépigit Dóminus vobiscum super cunctis sermónibus his ».

Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10 (R.: 8 a. 9 a)

R. Ecce vénio, Dómine, ut fáciam voluntátem tuam.

² Exspéctans exspéctávi Dóminum,
et inténdit mihi.

- 4 Et immisit in os meum canticum novum,
carmen Deo nostro. *R.*
- 7 Sacrificium et oblationem noluisti,
aures autem fodisti mihi.
Holocaustum et pro peccato non postulasti,
tunc dixi: « Ecce venio. *R.*
- 9 In volumine libri scriptum est de me
facere voluntatem tuam.
Deus meus, vólui,
et lex tua in præcordiis meis ». *R.*
- 10 Annuntiavi iustitiam tuam in ecclesia magna;
ecce labia mea non prohibebo, Dómine, tu scisti. *R.*

Lectio secunda

1

Per proprium sanguinem introivit semel in Sancta.

Lectio Epistolæ ad Hebræos

9, 11-15

Christus, cum advénit pónifex futurórum bonórum, per ámplius et perféctius tabernáculum non manufác-tum, id est non huius creatiónis, neque per sánguinem hircórum et vitulórum, sed per próprium sánguinem introívit semel in Sancta, æténa redemptióne invénta.

Si enim sanguis hircórum et taurórum et cinis vítu-læ aspérsus inquinátos sanctíficat ad emundatióem car-nis, quanto magis sanguis Christi, qui per Spíritum ætérnum semetípsum óbtulit immaculátum Deo, emun-dábit consciéntiam nostram ab opéribus mórtuis ad ser-viéndum Deo vivénti?

Et ideo novi Testaménti mediátor est; ut, morte intercedénte, in redemptiόnem eárum prævaricatiόnum,

quæ erant sub prióre Testaménto, repromissionem accípiant qui vocáti sunt ætérnæ hereditátis.

Verbum Dómini.

2

*Accessistis ad sanguinem aspersionis,
melius loquentem quam Abel.*

Léctio Epístolæ ad Hebræos 12, 18-19. 22-24

Fratres:

Non accessístis ad tractábilem et ardéntem ignem et túrbinem et caliginem et procéllam et tubæ sonum et vocem verbórum, quam qui audiérunt recusavérunt ne ultra eis fieret verbum.

Sed accessístis ad Sion montem et civitátem Dei vivéntis, Ierúsalem cæléstem, et multa mília angelórum, fréquentiam, et Ecclésiám primogenitórum, qui conscripti sunt in cælis, et iúdicem Deum ómnium, et spíritus iustórum qui consummáti sunt, et Testaménti novi mediátorem Iesum, et ságuinem aspersionis, mélius loquentem quam Abel. — Verbum Dómini.

3

*Redempti estis pretioso sanguine quasi Agni
immaculati Christi.*

Léctio Epístolæ primæ beáti Petri apóstoli 1, 17-21

Caríssimi:

Si patrem invocátis eum, qui sine acceptióne personárum iúdicat secúndum uniuscuiúsque opus, in ti-

móre incolátus vestri témpore conversámini, sciéntes quod non corruptibílibus argénto vel auro redéempti estis de vana vestra conversatióne a pátribus trá dita, sed pretiósó ságuine quasi Agni incontamináti et immaculáti Christi, præcóg niti quidem ante constitutió nem mundi, manifestáti autem novíssimis tempóribus propter vos, qui per ipsum fidéles estis in Deum, qui susci távit eum a mórtuis et dedit ei glóriam, ut fides vestra et spes esset in Deum.

Verbum Dómini.

4

*Tres sunt qui testificantur:
Spiritus et aqua et sanguis.*

Léctio Epístolæ primæ beáti Ioánnis apóstoli

5, 4-7 a. 8 b

Caríssimi:

Omne quod natum est ex Deo vincit mundum, et hæc est victória, quæ vicit mundum, fides nostra. Quis est qui vincit mundum, nisi qui credit quóniam Iesus est Fílius Dei?

Hic est qui venit per aquam et ságuinem, Iesus Christus; non in aqua solum, sed in aqua et in sán guine. Et Spíritus est qui testificátur, quóniam Spíritus est véritas.

Quia tres sunt qui testificántur: Spíritus et aqua et sanguis, et hi tres in unum sunt.

Verbum Dómini.

Evangelium

1

Alleluia

Cf. Ap 1, 5 ab

℟. Allelúia. ✠. Iesu Christe, testis es fidélis,
 primogénitus mortuórum;
 dilexísti nos, et lavísti peccáta nostra
 in ságuine tuo. ℟. Allelúia.

Hoc est corpus meum. Hic est sanguis meus.

✠ Lécio sancti Evangélíi secúndum Marcum

14, 12-16. 22-26

Primo die azymórum, quando pascha immolábant, dicunt Iesu discípuli eius: « Quo vis eámus et parémus ut mandúces pascha? »

Et mittit duos ex discípulis suis, et dicit eis: « Ite in civitátem, et occúrret vobis domo lagénam aquæ báulans: sequímini eum et, quocúmque introierit, dícite dómino domus: “ Magíster dicit: Ubi est reféctio mea, ubi pascha cum discípulis meis mandúcem? ” Et ipse vobis demonstrábit cenáculum grande stratum parátum et illic paráte nobis ».

Et abiérunt discípuli et venérunt in civitátem et invenérunt sicut díxerat illis et paravérunt pascha.

Et, manducántibus illis, accépit Iesus panem et benedícens fregit, et dedit eis, et ait: « Súmite: hoc est corpus meum ». Et, accépto cálice, grátias agens dedit eis, et bibérunt ex illo omnes.

Et ait illis: « Hic est sanguis meus novi testaménti, qui pro multis effúnditur. Amen dico vobis: Iam non bibam de genímine vitis usque in diem illum, cum illud bibam novum in Regno Dei ».

Et, hymno dicto, exiérunt in montem Olivárum.
 Verbum Dómini.

2

Alleluia

Cf. Ap 1, 5 ab

℞. Allelúia. √. Iesu Christe, testis es fidélis,
 primogénitus mortuórum;
 dilexísti nos, et lavísti peccáta nostra
 in ságuine tuo.

℞. Allelúia.

*Induunt eum purpuram et imponunt ei
 plectentes spineam coronam.*

✠ Lécio sancti Evangélii secúndum Marcum 15, 16-20

In illo témpore:

Mílites duxérunt Iesum in átrium quod est prætó-
 rium, et cónvocant totam cohórtem. Et induunt eum
 púrpuram et impónunt ei plecténtes spíneam coronam.

Et cœpérunt salutáre eum: « Ave, rex Iudæórum ». Et percutiébant caput eius arúndine, et conspuébant eum, et ponéntes génua adorábant eum.

Et, postquam illusérunt ei, exuérunt illum púrpuram et induérunt eum vestiméntis suis; et edúcunt illum ut crucifígerent eum. — Verbum Dómini.

3

Alleluia

Ap 5, 9

℞. Allelúia. √. Dignus es, Dómine, accípere librum
 et aperíre signácula eius,
 quóniam occísus es, et redemísti nos Deo
 in ságuine tuo.

℞. Allelúia.

*Factus est sudor eius sicut guttæ sanguinis
decurrentis in terram.*

✠ Lécio sancti Evangélii secúndum Lucam 22, 39-44

In illo témpore:

Ibat Iesus secúndum consuetúdinem in montem Olivárum. Secúti sunt autem illum et discípuli.

Et, cum pervenísset ad locum, dixit illis: « Oráte, ne intrétis in tentatióem ».

Et ipse avúlsus est ab eis quantum iactus est lápidis et, pósitis génibus, orábat dicens: « Pater, si vis, transfer cálicem istum a me; verúmtamen non mea volúntas, sed tua fiat ».

Appáruit autem illi ángelus de cælo confórtans eum. Et, factus in agonía, prolíxius orábat.

Et factus est sudor eius sicut guttæ sánguinis decuréntis in terram. — Verbum Dómini.

4

Alleluia

Ap 5, 9

℞. Allelúia. ʸ. Dignus es, Dómine, accípere librum
et aperíre signácula eius,
quóniam occísus es, et redemísti nos Deo
in ságuine tuo. ℞. Allelúia.

Latus eius aperuit, et exivit sanguis et aqua.

✠ Lécio sancti Evangélii secúndum Ioánnem

19, 31-37

Iudæi, quóniam Parascéve erat, ut non remanérent in cruce córpora sábbato (erat enim magnus dies ille sábbati), rogavérunt Pilátum ut frangeréntur eórum crura et tolleréntur. Venérunt ergo mílites, et primi

quidem fregérunt crura et alterius qui crucifíxus est cum eo.

Ad Iesum autem cum venissent, ut vidérunt eum iam mórtuum, non fregérunt eius crura, sed unus mílitum láncea latus eius apérui, et contínuo exívit sanguis et aqua.

Et qui vidit testimónium perhíbuit, et verum est eius testimónium, et ille scit quia vera dicit, ut et vos credátis.

Facta sunt enim hæc, ut Scriptúra impleátur: « Os non comminuétur eius ». Et íterum ália Scriptúra dicit: « Vidébunt in quem transfixérunt ». — Verbum Dómini.

6. DE SACRATISSIMO CORDE IESU

Dicitur, cum colore albo, Missa de sollemnitate, ut infra:

Ant. ad introitum

Ps 32, 11. 19

Cogitatiónes Cordis eius in generatióne et generatiónem, ut éruat a morte ánimas eórum et alat eos in fame.

Collecta

Concéde, quæsumus, omnípotens Deus,
ut qui, dilécti Fílii tui Corde gloriántes,
eius præcípua in nos benefícia recólimus caritátis,
de illo donórum fonte cælésti
supereffluéntem grátiam mereámur accípere.
Per Dóminum.

Vel:

Deus, qui nobis in Corde Fílii tui,
nostris vulneráto peccátis,
infínitos dilectiόνis thesáuros
misericórditer largíri dignáris,

concéde, quæsumus,
ut, illi devótum pietátis nostræ præstánte obséquium,
dignæ quoque satisfactiónis exhibeámus offícium.
Per Dóminum.

Lectiones ut infra, pp. 1579-1600.

Super oblata

Réspice, quæsumus, Dómine,
ad ineffáblem Cordis dilécti Fílii tui caritátem,
ut quod offérimus sit tibi munus accéptum
et nostrórum expiátio delictórum. Per Christum.

Præfatio: De immensa caritate Christi.

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Qui, mira caritáte, exaltátus in cruce,
pro nobis trádidit semetípsum,
atque de transfíxo látere sánguinem fudit et aquam,
ex quo manárent Ecclésiæ sacraménta,
ut omnes, ad Cor apértum Salvatóris attrácti,
iúgiter haurírent e fóntibus salutis in gáudio.

Et ídeo, cum Sanctis et Angelis univérstis,
te collaudámus, sine fine dicéntes:

Sanctus, Sanctus, Sanctus Dóminus Deus Sábaoth ...

Ant. ad communionem**Io 7, 37-38**

Dicit Dóminus:

Si quis sitit, véniat ad me et bibat.

Qui credit in me,

flúmina de ventre eius fluent aquæ vivæ.

Vel:**Io 19, 34**

Unus mílitum láncea latus eius apérui,

et contínuo exívit sanguis et aqua.

Post communionem

Sacraméntum caritátis, Dómine,

sancta nos fáciat dilectióne fervére,

qua, ad Fílium tuum semper attrácti,

ipsum in frátribus agnóscere discámus.

Per Christum.

Vel prouti sequitur:**Ant. ad introitum****Ps 32, 11. 19**

Cogitatíones Cordis eius in generatióne et generatióne,

ut éruat a morte ánimas eórum et alat eos in fame.

Collecta

Fac nos, Dómine Deus, Cordis Fílii tui virtútibus índui

et afféctibus inflammári,

ut, eius imágini confórmes effécti,

æternæ redemptiόνis mereámur esse partícipes.

Per Dóminum.

Lectiones ut infra, pp. 1579-1600.**Super oblata**

Deus, Pater misericordiárum,

qui propter nímiám caritátem, qua dilexísti nos,

Unigénitum tuum nobis ineffábili bonitáte donásti,

præsta, quæsumus, ut, cum ipso in unum consummâti,
dignum tibi offerâmus obséquium.
Per Christum.

Præfatio de Ss.mo Corde Iesu, p. 1577.

Ant. ad communionem

Io 7, 37-38

Dicit Dóminus:
Si quis sitit, véniat ad me et bibat.
Quí credit in me,
flúmina de ventre eius fluent aquæ vivæ.

Vel:

Io 19, 34

Unus mílitum láncea latus eius apérui,
et contínuo exívit sanguis et aqua.

Post communionem

Tui sacraménti caritátis partícipes effécti,
cleméntiam tuam, Dómine, suppliciter implorâmus,
ut Christo conformémur in terris,
et eius glóriæ consórtes fieri mereámur in cælis.
Per Christum.

Lectio prima

1

Dominator Domine Deus, misericors et clemens.

Léctio libri Exodi

34, 4 b-7 a. 8-9

In diébus illis:

De nocte consúrgens Móyses ascéndit in montem Sí-
nai, sicut præcéperat ei Dóminus, portans secum tábulas.

Cumque descendisset Dóminus per nubem, stetit Móyses cum eo invocans nomen Dómini.

Quo transeúnte coram eo, ait: « Dominátor Dómine Deus, miséricors et clemens, pátiens et multæ miseratiónis ac verax, qui custódis misericórdiam in mília, qui auferis iniquitátem et scélera atque peccáta ».

Festinúsque Móyses curvátus est pronus in terram, et adórans ait: « Si invéni grátiam in conspéctu tuo, Dómine, óbsecro ut gradiáris nobíscum (pópulus enim duræ cervícis est), et áuferas iniquitátes nostras atque peccáta, nosque possideas ». — Verbum Dómini.

Psalmus responsorius

Ps 24, 4 bc-5 ab. 6 et 7 bc. 8-9. 10 et 14 (R.: 6 a)

R. Reminíscere miseratiónum tuárum, Dómine.

- 4 Vias tuas, Dómine, demónstra mihi,
et sémitas tuas édoce me.
- 5 Dírige me in veritáte tua et doce me,
quia tu es Deus salútis meæ. R.
- 6 Reminíscere miseratiónum tuárum, Dómine,
et misericordiárum tuárum, quóniam a sáculo sunt.
- 7 Secúndum misericórdiam tuam meménto mei tu,
propter bonitátem tuam, Dómine. R.
- 8 Dulcis et rectus Dóminus,
propter hoc peccatóres viam docébit;
- 9 díriget mansuétos in iudício,
docébit mites vias suas. R.
- 10 Univérsæ viæ Dómini misericórdia et véritas
custodiéntibus testaméntum eius et testimónia eius.
- 14 Familiáriter aget Dóminus cum timéntibus eum,
ut testaméntum suum maniféstet illis. R.

2

Dilexit vos Dominus et elegit vos.

Léctio libri Deuteronomii

7, 6-11

In diébus illis:

Locútus est Móyses pópulo dicens: « Pópulus sanctus es Dómino Deo tuo. Te elégit Dóminus Deus tuus, ut sis ei pópulus peculiáris de cunctis pópulis qui sunt super terram.

Non quia cunctas gentes número vincebátis, vobis iunctus est Dóminus et elégit vos, cum ómnibus sitis pópulis paucióres; sed quia diléxit vos Dóminus et custodívit iuraméntum, quod iurávit pátribus vestris, eduxítque vos in manu forti et redémit de domo servitútis, de manu Pharaónis regis Ægýpti.

Et scies quia Dóminus Deus tuus ipse est Deus fortis et fidélis, custódiens pactum et misericórdiam diligéntibus se, et his qui custódiunt præcépta eius in mille generatiónes; et reddens odiéntibus se statim, ita ut dispérdat eos et ultra non dífferat, prótinus eis restítuens quod meréntur.

Custódi ergo præcépta et cæremónias atque iudícia, quæ ego mando tibi hódie ut fácias ».

Verbum Dómini.

Psalmus responsorius

Ps 32, 1-2. 4-5. 11-12. 18-19. 20-21 (R.: 5 b)

R. Misericórdia Dómini plena est terra.

¹ Exsultáte, iusti, in Dómino;
rectos decet collaudátio.

² Confitémini Dómino in cíthara,
in psaltério decem chordárum psállite illi. **R.**

- 4 Quia rectum est verbum Dómini,
et ómnia ópera eius in fide.
- 5 Díligit iustítiam et iudícium,
misericórdia Dómini plena est terra. *R.*
- 11 Consílium autem Dómini in ætérnum manet,
cogitatíones cordis eius in generatíone et generatíonem.
- 12 Beáta gens cui Dóminus est Deus,
pópulus, quem elégit in hereditátem sibi. *R.*
- 18 Ecce óculi Dómini super metuéntes eum,
in eos qui sperant super misericórdia eius,
- 19 ut éruat a morte ánimas eórum,
et alat eos in fame. *R.*
- 20 Anima nostra sústinet Dóminum,
quóniam adiútor et protéctor noster est;
- 21 quia in eo lætábitur cor nostrum,
et in nómine sancto eius sperávimus. *R.*

3

Amavit eos elegitque semen eorum post eos.

Léctio libri Deuteronomíi

10, 12-22

In diébus illis:

Locútus est Móyses pópulo, dicens: « Et nunc, Israel, quid Dóminus Deus tuus petit a te, nisi ut tí-meas Dóminum Deum tuum, et ámbules in viis eius et díligas eum; ac sérvias Dómino Deo tuo in toto corde tuo et in tota ánima tua, custodiásque mandáta Dómini et cæremónias eius, quas ego hódie præcípio tibi, ut bene sit tibi?

En Dómini Dei tui cælum est et cælum cæli, terra et ómnia quæ in ea sunt; et tamen pátribus tuis con-glutinátus est Dóminus et amávit eos elegitque semen

eórum post eos, id est vos de cunctis géntibus, sicut hódie comprobátur.

Circumcidite ígitur præpútium cordis vestri, et cervicem vestram ne indurétis ámplius, quia Dóminus Deus vester ipse est Deus deórum et Dóminus dominántium, Deus magnus et potens et terríbilis, qui persónam non áccipit nec múnera, facit iudícium pupíllo et víduæ, amat peregrínus et dat ei victum atque vestítum. Et vos ergo amáte peregrínos, quia et ipsi fuístis ádvenæ in terra Ægýpti.

Dóminum Deum tuum timébis et ei soli sérvies, ipsi adhærébis iurabísque in nómine illíus. Ipse est laus tua et Deus tuus, qui fecit tibi hæc magnália et terríbília, quæ vidérunt óculi tui.

In septuagínta animábus descendérunt patres tui in Ægýptum; et ecce nunc multiplicávit te Dóminus Deus tuus sicut astra cæli ». — Verbum Dómini.

Psalmus responsorius

Ps 24, 4 bc-5 ab. 6 et 7 bc. 8-9. 10 et 14 (R.: 6 a)

R. Reminíscere miseratiónum tuárum, Dómine.

4 Vias tuas, Dómine, demónstra mihi,
et sémitas tuas édoce me.

5 Dírige me in veritáte tua et doce me,
quia tu es Deus salútis meæ. R.

6 Reminíscere miseratiónum tuárum, Dómine,
et misericordiárum tuárum, quóniam a sáculo sunt.

7 Secúndum misericórdiam tuam meménto mei tu,
propter bonitátem tuam, Dómine. R.

8 Dulcis et rectus Dóminus,
propter hoc peccatóres viam docébit;

9 díriget mansuétos in iudício,
docébit mites vias suas. R.

- 10 Univérsæ viæ Dómini misericórdia et véritas
custodiéntibus testaméntum eius et testimónia eius.
14 Familiáriter aget Dóminus cum timéntibus eum,
ut testaméntum suum maniféstet illis. *R.*

4

*Si mulier infanтем suum oblita fuerit,
ego tamen non obliviscar tui.*

Léctio libri Isaíæ prophétæ

49, 13-15

Laudáte, cæli, et exsulta, terra; iubiláte, montes, laudem, quia consolátus est Dóminus pópulum suum et páuperum suórum miserébitur.

Et dixit Sion: « Derelíquit me Dóminus, et Dóminus oblítus est mei ». « Numquid oblivísci potest múlíer infanтем suum, ut non misereátur filio úteri sui? Et si illa oblíta fúerit, ego tamen non obliviscar tui ».

Verbum Dómini.

Psalmus responsorius Ps 33, 2-3. 4-5. 6-7 (*R.*: 9 a)

R. Gustáte et vidéte quóniam suávis est Dóminus.

2 Benedícam Dóminum in omni témpore,
semper laus eius in ore meo.

3 In Dómino gloriábitur ánima mea,
áudiant mansuétí et læténtur. *R.*

4 Magnificáte Dóminum mecum,
et exaltémus nomen eius in idípsum.

5 Exquisívi Dóminum, et exaudivit me,
et ex ómnibus terróribus meis erípuit me. *R.*

6 Respícite ad eum et illuminámini,
et fácies vestræ non confundéntur.

7 Iste pauper clamávit, et Dóminus exaudivit eum
et de ómnibus tribulatióibus eius salvávit eum. *R.*

5

In caritate perpetua dilexi te.

Lectio libri Ieremiæ prophætæ

31, 1-4

« In témpore illo, dicit Dóminus, ero Deus univérſis cognatióibus Israel, et ipsi erunt mihi in pópulum ».

Hæc dicit Dóminus: « Invénit grátiam in desérto pópulus, qui remánserat a gládio; vadet ad réquiem suam Israel. Longe Dóminus appáruit mihi. Et in caritate perpétua diléxi te; ideo attráxi te míserans, rursúmque ædificábo te, et ædificáberis, virgo Israel: adhuc ornáberis týmpanis tuis, et egrediéris in choro ludéntium ».

Verbum Dómini.

Psalmus responsorius Is 12, 2-3. 4 bcd. 5-6 (R.: 3)

R. Hauriétis aquas in gáudio
de fóntibus Salvatóris.

2 Ecce Deus salvátor meus,
fiduciáliter agam et non timébo,
quia fortitúdo mea et laus mea Dóminus,
et factus est mihi in salútem.

3 Hauriétis aquas in gáudio
de fóntibus Salvatóris. R.

4 Confitémini Dómino et invocáte nomen eius,
notas fácite in pópulis adinventiões eius,
mementóte quóniam excélsum est nomen eius. R.

5 Cantáte Dómino, quóniam magnífice fecit,
annuntiáte hoc in univérſa terra.

6 Exsúlta et lauda, habitátio Sion,
quia magnus in médio tui Sanctus Israel R.

*Ego pascam oves meas et ego eas
accubare faciam.*

Lectio libri Ezechiélis prophætæ

34, 11-16

Hæc dicit Dóminus Deus: « Ecce ego ipse requíram oves meas, et visitábo eas: sicut visitat pastor gregem suum in die quando fúerit in médio óvium suárum dissipatárum, sic visitábo oves meas, et liberábo eas de ómnibus locis, in quibus dispérsæ fúerant in die nubis et caliginis.

Et edúcam eas de pópulis, et congregábo eas de terris, et indúcam eas in terram suam, et pascam eas in móntibus Israel, in rivis et in cunctis sédibus terræ.

In páscuis ubérrimis pascam eas, et in móntibus excélsis Israel erunt páscua eárum: ibi requiéscent in herbis viréntibus, et in páscuis pínguibus pascéntur super montes Israel.

Ego pascam oves meas et ego eas accubáre fáciam, dicit Dóminus Deus. Quod perierat requíram, et quod abiéctum erat redúcam, et quod confráctum fúerat alligábo, et quod infirmum fúerat consolidábo, et quod píngue et forte custódiám, et pascam illas in iudício ».

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

- 1 Dóminus pascit me, et nihil mihi déerit:
in páscuis viréntibus me collocávit,
- 2 super aquas quiétis edúxit me,
ánimam meam refécit.

3 Dedúxit me super sémitas iustítiæ
propter nomen suum. *R.*

4 Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus
ipsa me consoláta sunt. *R.*

5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. *R.*

6 Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. *R.*

7

Conversum est in me cor meum.

Léctio libri Osée prophétæ

11, 1 b. 3-4. 8 c-9

Hæc dicit Dóminus: « Puer Israel et diléxi eum, et ex Ægýpto vocávi filium meum. Et ego, quasi nutrícus Ephraim, portábam eos in brácciiis meis, et nesciérunt quod curárem eos.

In funículis Adam traham eos, in vínculis caritátis; et ero eis quasi exáltans iugum super maxíllas eórum, et declinávi ad eum ut vescerétur.

Convérsus est in me cor meum, páriter conturbáta est pænítudo mea. Non fáciám furórem iræ meæ, non convértar ut dispérdam Ephraim, quóniam Deus ego et non homo; in médio tui sanctus, et non ingrédiam civitátem ». — Verbum Dómini.

Psalmus responsorius

Ps 102, 1-2. 3-4. 6-7. 8 et 10 (R.: 17)

R. Misericórdia Dómini ab ætérno super timéntes eum

- ¹ Bénedic, ánima mea, Dómino,
et ómnia quæ intra me sunt, nómini sancto eius.
- ² Bénedic, ánima mea, Dómino,
et noli oblivísci omnes retributiónes eius. R.
- ³ Qui propitiátur ómnibus iniquitatibus tuis,
qui sanat omnes infirmitátes tuas;
- ⁴ qui rédimít de intéritu vitam tuam,
qui coronat te in misericórdia et miseratióibus. R.
- ⁶ Fáciens iustítias Dóminus,
et iudícium ómnibus iniúriam patiéntibus.
- ⁷ Notas fecit vias suas Móysi,
fíliis Israel adinventiões suas. R.
- ⁸ Miserátor et miséricors Dóminus,
longánimis et multæ misericórdiæ.
- ¹⁰ Non secúndum peccáta nostra fecit nobis,
neque secúndum iniquitátes nostras retríbuit nobis. R.

Lectio secunda

1

Caritas Dei diffusa est in cordibus nostris.

Léctio Epístolæ beáti Pauli apóstoli ad Romános

5, 5-11

Fratres:

Spes non confúndit, quia cáritas Dei diffúsa est in
córdibus nostris per Spíritum Sanctum, qui datus est
nobis.

Adhuc enim Christus, cum adhuc infírmi essémus,

secúndum tempus pro ímpiis mórtuus est. Vix enim pro iusto quis móritur; nam pro bono fórsitan quis et áudeat mori.

Comméndat autem suam caritátem Deus in nos, quóniam, cum adhuc peccatóres essémus, Christus pro nobis mórtuus est. Multo igitur magis iustificáti nunc in ságuine ipsíus, salvi érimus ab ira per ipsum.

Si enim, cum inimíci essémus, reconciliáti sumus Deo per mortem Fílii eius, multo magis reconciliáti salvi érimus in vita ipsíus. Non solum autem, sed et gloriámur in Deo per Dóminum nostrum Iesum Christum, per quem nunc reconciliatióem accépimus.

Verbum Dómini.

2

*Secundum divitias gratiæ eius,
qua superabundavit in nobis.*

Léctio Epístolæ beáti Pauli apóstoli ad Ephésios

1, 3-10

Benedíctus Deus et Pater Dómini nostri Iesu Christi, qui benedíxit nos in omni benedictióne spiritali in cæléstibus in Christo; sicut elégit nos in ipso ante mundi constitutióem, ut essémus sancti et immaculáti in conspéctu eius in caritáte; qui prædestinávit nos in adoptiόem filiόrum per Iesum Christum in ipsum, secúndum beneplácitum voluntátis suæ, in laudem glóriæ grátiae suæ, in qua gratificávit nos in Dilécto.

In quo habémus redemptiόem per ságuinem eius, remissiόem peccatórum secúndum divítias grátiae eius, qua superabundávit in nobis in omni sapiéntia et prudéntia; notum fáciens nobis mystérium voluntátis suæ secúndum beneplácitum eius, quod propósuit in eo in

dispensatióem plenitúdinis témporum, recapituláre ómnia in Christo, quæ in cælis et quæ in terra sunt.

Verbum Dómini.

3

*Gentibus evangelizare investigabiles
divitias Christi.*

Léctio Epístolæ beáti Pauli apóstoli ad Ephésios

3, 8-12

Fratres:

Mihi ómnium sanctórum mínimo data est grátia hæc, géntibus evangelizáre investigábiles divítias Christi, et illumináre omnes quæ sit dispensátio mystérii absconditi a sæculis in Deo, qui ómnia creávit; ut innotéscat nunc principátibus et potestátibus in cælestibus per Ecclésiám multifórmis sapiéntia Dei, secúndum propósitum sæculórum, quod fecit in Christo Iesu Dómino nostro, in quo habémus fidúciam et accéssum in confidéntia per fidem eius. — Verbum Dómini.

4

Scire supereminentem scientiæ caritatem Christi.

Léctio Epístolæ beáti Pauli apóstoli ad Ephésios

3, 14-19

Fratres:

Flecto génua mea ad Patrem Dómini nostri Iesu Christi, ex quo omnis patérnitas in cælis et in terra nominátur; ut det vobis, secúndum divítias glóriæ suæ, virtúte corroborári per Spíritum eius in interiorem hóminem; habitáre Christum per fidem in córdibus vestris; in caritaté radicáti et fundáti, ut valeátis com-

prehéndere cum ómnibus sanctis quæ sit latitúdo et longitúdo et sublimitas et profúndum; scire étiam supereminéntem sciéntiæ caritátem Christi, ut impleámini in omnem plenitúdinem Dei. — Verbum Dómini.

5

In visceribus Christi Iesu.

Léctio Epístolæ beáti Pauli apóstoli ad Philippéenses

1, 8-11

Fratres:

Testis mihi est Deus, quómodo cúpiam omnes vos in viscéribus Christi Iesu. Et hoc oro, ut caritas vestra magis ac magis abúndet in sciéntia et omni sensu, ut probétis potióra, ut sitis sincéri et sine offénsa in diem Christi, repléti fructu iustítiæ, qui est per Iesum Christum in glóriam et laudem Dei. — Verbum Dómini.

6

Dilexit nos.

Léctio Epístolæ primæ beáti Ioánnis apóstoli 4, 7-16

Caríssimi, diligámus ínvicem, quóniam caritas ex Deo est; et omnis qui diligit, ex Deo natus est et cognóscit Deum. Qui non diligit non cognóvit Deum, quóniam Deus caritas est. In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum.

In hoc est caritas, non quasi nos dilexérimus Deum, sed quóniam ipse diléxit nos, et misit Fílium suum propitiatióem pro peccátis nostris.

Caríssimi, si sic Deus diléxit nos, et nos debémus altérutrum dilígere. Deum nemo vidit umquam. Si dili-

gámus ínvicem, Deus in nobis manet, et cáritas eius in nobis consummáta est. In hoc cognóscimus quóniam in ipso manémus, et ipse in nobis, quóniam de Spíritu suo dedit nobis.

Et nos vídimus et testificámur quóniam Pater misit Fílium salvatórem mundi. Quisquis conféssus fúerit: « Iesus est Fílius Dei », Deus in ipso manet, et ipse in Deo.

Et nos cognóvimus et credídimus caritáti quam habet Deus in nobis. Deus cáritas est, et qui manet in caritáte in Deo manet, et Deus in eo manet.

Verbum Dómini.

Evangelium

1

Alleluia

Cf. Mt 11, 25

℞. Allelúia. ʒ. Benedíctus es, Pater,
Dómine cæli et terræ,
quia mystéria Regni párvulis revelásti.
℞. Allelúia.

Mitis sum et humilis corde.

✠ Lécio sancti Evangélíi secúndum Matthæum

11, 25-30

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus et revelásti ea párvulis.

Ita, Pater, quóniam sic fuit plácitum ante te.

Omnia mihi trádicta sunt a Patre meo; et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et oneráti estis, et ego reficiam vos.

Tóllite iugum meum super vos, et discite a me quia mitis sum et húmilis corde; et “ inveniétis réquiem animábus vestris ”; iugum enim meum suáve, et onus meum leve est ». — Verbum Dómini.

2

Alleluia

Mt 11, 29 ab

℞. Allelúia. ⁊. Tóllite iugum meum super vos,
dicit Dóminus,
et discite a me, quia mitis sum
et húmilis corde. ℞. Allelúia.

*Gaudium erit in cælo super uno peccatore
pænitentiam agente.*

✠ Lécio sancti Evangélíi secúndum Lucam 15, 1-10

In illo témpore:

Erant appropinquánte Iesu omnes publicáni et peccatóres, ut audírent illum.

Et murmurábant pharisæi et scribæ dicénte: « Hic peccatóres récipit et mandúcat cum illis! »

Et ait ad illos parábolam istam, dicens: « Quis ex vobis homo, qui habet centum oves, et, si perdíderit unam ex illis, nonne dimíttit nonagintanóvem in déserto, et vadit ad illam quæ perierat, donec invéniat illam?

Et, cum invénerit eam, impónit in úmeros suos gaudens, et véniens domum cónvocat amícos et vicínos, dicens illis: “ Congratulámini mihi, quia invéni ovem meam, quæ perierat ”.

Dico vobis: Ita gáudium erit in cælo super uno peccatóre pæniténtiam agente, quam super nonagintanóvem iustis, qui non índigent pæniténtia.

Aut quæ mûlier habens drachmas decem; si perdiderit drachmam unam, nonne accendit lucernam et evêrrit domum, et quærit diligenter, donec invéniat?

Et, cum invenerit, cónvocat amícas et vicínas, dicens: " Congratulámini mihi, quia invéni drachmam, quam perdíderam ".

Ita, dico vobis, gáudium fit coram ángelis Dei super uno peccatóre pæniténtiam agente ». — Verbum Dómini.

3

Alleluia

Mt 11, 28

℞. Allelúia. √. Veníte ad me, omnes qui laborátis
et oneráti estis,
et ego refíciam vos, dicit Dóminus.

℞. Allelúia.

*Gaudere oportebat, quia frater tuus hic
mortuus erat et revixit.*

✠ Lécio sancti Evangélii secúndum Lucam

15, 1-3. 11-32

In illo témpore:

Erant appropinquántes Iesu omnes publicáni et peccatóres, ut audírent illum.

Et murmurábant pharisæi et scribæ dicéntes: « Hic peccatóres récipit et mandúcat cum illis! »

Et ait ad illos parábolam istam, dicens: « Homo quidam habébat duos filios, et dixit adulescéntior ex illis patri: " Pater, da mihi portiónem substántiæ, quæ me contíngit ". Et divisit illis substántiam.

Et non post multos dies, congregátis ómnibus, adulescéntior fílius péregre proféctus est in regiónem longínquam; et ibi dissipávit substántiam suam vivéndo luxurióse.

Et, postquam ómnia consummáset, facta est famas válda in regiónē illa, et ipse cœpit egére. Et ábiit et adhæsit uni cívium regiónis illíus, et misit illum in vil- lam suam, ut pásceret porcos. Et cupiébat saturári de síli- quis, quas porci manducábant; et nemo illi dabat.

In se autem revérsus dixit: " Quanti mercenárii patris mei abúndant pánibus, ego autem hic fame péreo! Sur- gam et ibo ad patrem meum et dicam illi: Pater, pec- cávi in cælum et coram te: et iam non sum dignus vocári fílius tuus: fac me sicut unum de mercenáriis tuis ".

Et surgens venit ad patrem suum. Cum autem adhuc longe esset, vidit illum pater ipsíus, et miseri- córdia motus est; et accúrrens cécidit super collum eius, et osculátus est illum.

Dixítque ei fílius: " Pater, peccávi in cælum et co- ram te: iam non sum dignus vocári fílius tuus ".

Dixit autem pater ad servos suos: " Cito proférte stolam primam et indúite illum, et date ánulum in manum eius, et calceaménta in pedes, et addúcite vítu- lum saginátum, occídite, et manducémus et epulémur; quia hic fílius meus mórtuus erat, et revíxit: períerat, et invéntus est ". Et cœpérunt epulári.

Erat autem fílius eius sénior in agro, et cum ve- níret et appropinquáret dómui, audívit symphóniam et choro; et vocávit unum de servis, et interrogávit quæ hæc essent.

Isque dixit illi: " Frater tuus venit, et occídit pater tuus vítulum saginátum, quia salvum illum recépit ". Indignátus est autem et nolébat introíre; pater ergo illius egréssus cœpit rogáre illum.

At ille respóndens dixit patri suo: " Ecce tot annis sérvio tibi, et numquam mandátum tuum prætérii, et numquam dedísti mihi hædum, ut cum amícis meis

epulärer; sed postquam filius tuus hic, qui devorávit substántiam tuam cum meretrícibus, venit, occidísti illi vítulum saginátum ”.

At ipse dixit illi: “ Fili, tu semper mecum es, et ómnia mea tua sunt. Epulári autem et gaudére oportébat, quia frater tuus hic mórtuus erat, et revíxit; perierat, et invéntus est ” ». — Verbum Dómini.

4

Alleluia

Io 10, 14

℟. Allelúia. ℣. Ego sum pastor bonus, dicit Dóminus,
et cognóscó oves meas,
et cognóscunt me meæ. ℟. Allelúia.

*Bonus pastor animam suam ponit
pro ovibus.*

✠ Léctio sancti Evangélii secúndum Ioánnem

10, 11-18

In illo témpore:

Dixit Iesus discípulis suis: « Ego sum pastor bonus. Bonus pastor ánimam suam ponit pro óvibus. Mercenárius et qui non est pastor, cuius non sunt oves própriæ, videt lupum veniéntem, et dimíttit oves, et fugit — et lupus rapit eas et dispérgit, — quia mercenárius est et non pértinet ad eum de óvibus.

Ego sum pastor bonus et cognóscó meas, et cognóscunt me meæ. Sicut novit me Pater, et ego agnóscó Patrem; et ánimam meam pono pro óvibus.

Et álias oves hábeo, quæ non sunt ex hoc ovíli, et illas opórtet me addúcere, et vocem meam áudent, et fient unus grex, unus pastor.

Proptérea me Pater díligit, quia ego pono ánimam meam, ut íterum sumam eam. Nemo tollit eam a me,

sed ego pono eam a meípso. Potestátem hábeo ponéndi eam, et potestátem hábeo íterum suméndi eam: hoc mandátum accépi a Patre meo ». — Verbum Dómini.

5

Alleluia

Io 15, 9

℟. Allelúia. ℣. Sicut diléxit me Pater, et ego diléxi vos; manéte in dilectióne mea, dicit Dóminus.
℟. Allelúia.

Manete in me, et ego in vobis.

✠ Lécio sancti Evangélíi secúndum Ioánnem 15, 1-8

In illo témpore:

Dixit Iesus discípulis suis: « Ego sum vitis vera, et Pater meus agrícola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat. Iam vos mundi estis propter sermónem quem locútus sum vobis.

Manéte in me, et ego in vobis. Sicut palmes non potest ferre fructum a semetípso, nisi mánserit in vite, sic nec vos, nisi in me manséritis.

Ego sum vitis, vos pálmities; qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, missus est foras sicut palmes et áruit, et cólligunt eos et in ignem mittunt, et ardent.

Si manséritis in me, et verba mea in vobis mánserint, quodcúmque voluéritis pétite, et fiet vobis. In hoc glorificátus est Pater meus, ut fructum multum afferátis, et efficiámini mei discípuli ».

Verbum Dómini.

Alleluia

Io 15, 9

℞. Allelúia. ⁊. Sicut diléxit me Pater, et ego diléxi vos;
manéte in dilectióne mea, dicit Dóminus.
℞. Allelúia.

*Hoc est præceptum meum, ut diligatis invicem,
sicut dilexi vos.*

✠ Lécio sancti Evangélii secúndum Ioánnem 15, 9-17

In illo témpore:

Dixit Iesus discípulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne.

Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis quæ ego præcípíio vobis.

Iam non dico vos servos, quia servus nescit quid facit dóminus eius: vos autem dixi amícos, quia ómnia, quæ audívi a Patre meo, nota feci vobis.

Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut, quodcúmque petiérítis Patrem in Nómíne meo, det vobis.

Hæc mando vobis, ut diligátis ínvicem.
Verbum Dómini.

7

Alleluia

Io 10, 14

℞. Allelúia. ʸ. Ego sum pastor bonus, dicit Dóminus,
et cognóscō oves meas,
et cognóscunt me meæ. ℞. Allelúia.

Dilexisti eos, sicut me dilexisti

✠ Lécio sancti Evangélii secúndum Ioánnem

17, 20-26

In illo témpore:

Sublevátis Iesus óculis in cælum, orávit dicens:
« Pater sancte, non pro his rogo tantum, sed et pro eis
qui creditúri sunt per verbum eórum in me; ut omnes
unum sint, sicut tu, Pater, in me, et ego in te, ut et ipsi
in nobis sint, ut mundus credat quia tu me misísti.

Et ego glóriam, quam dedísti mihi, dedi illis ut sint
unum sicut nos unum sumus. Ego in eis, et tu in me,
ut sint consummáti in unum, ut cognóscat mundus quia
tu me misísti et dilexísti eos, sicut me dilexísti.

Pater, quod dedísti mihi, volo, ut, ubi ego sum, et
illi sint mecum, ut vídeant glóriam meam, quam dedísti
mihi; quia dilexísti me ante constitutióem mundi. Pa-
ter iuste, et mundus te non cognóvit; ego autem te
cognóvi, et hi cognovérunt quia tu me misísti.

Et notum feci eis Nomen tuum et notum fáciam, ut
dilécio, qua dilexísti me, in ipsis sit, et ego in ipsis ».

Verbum Dómini.

8

Alleluia

1 Io 4, 10 b

℞. Allelúia. ʸ. Deus prior diléxit nos,
et misit Fílium suum
propitiatióem pro peccátis nostris.
℞. Allelúia.

Latus eius aperuit, et exivit sanguis et aqua.

✠ Lécio sancti Evangélii secúndum Ioánnem

19, 31-37

Iudæi, quóniam Parascève erat, ut non remanérent in cruce córpora sábbato (erat enim magnus dies ille sábbati), rogavérunt Pilátum ut frangeréntur eórum crura et tolleréntur. Venérunt ergo mílites, et primi quidem fregérunt crura et alteríus qui crucifíxus est cum eo.

Ad Iesum autem cum veníssent, ut vidérunt eum iam mórtuum, non fregérunt eius crura, sed unus mílitum láncea latus eius apérui, et contínuo exívit sanguis et aqua.

Et qui vidit testimónium perhíbuit, et verum est eius testimónium, et ille scit quia vera dicit, ut et vos credátis.

Facta sunt enim hæc ut Scriptúra impleátur: « Os non comminuétur eius ». Et íterum ália Scriptúra dicit: « Vidébunt in quem transfixérunt ».

Verbum Dómini.

7. DE SPIRITU SANCTO

In hac Missa adhibetur color ruber.

A

Ant. ad introitum

Rom 5, 5; 8, 11

Cáritas Dei diffúsa est in córdibus nostris,
per inhabitántem Spíritum eius in nobis.

Collecta

Deus, qui corda fidélium
Sancti Spíritus illustratióne docuísti,

da nobis in eódem Spíritu recta sápere,
et de eius semper consolatióne gaudére.
Per Dóminum.

Lectiones de dominica Pentecostes, ut infra, pp. 1605-1613 vel
in conferenda Confirmatione, ut supra, pp. 1086-1105.

Super oblata

Múnera, quáesumus, Dómine, obláta sanctífica,
et corda nostra
Sancti Spíritus illustratióne emúnda.
Per Christum.

Præfatio I de Spiritu Sancto: De missione Spiritus a Domino in Ecclesiam.

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Qui, ascéndens super omnes cælos
sedénsque ad dexteram tuam,
promíssum Spíritum Sanctum
in filios adoptiόνis effúdit.

Quaprópter nunc et usque in sæculum,
cum omni milítia Angelórum,
devóta tibi mente concínimus,
clamántes atque dicéntes:

Sanctus, Sanctus, Sanctus Dóminus Deus Sábaoth ...

Ant. ad communionem

Ps 67, 29

Confirma hoc, Deus, quod operatus es in nobis,
a templo sancto tuo, quod est in Ierúsalem.

Post communionem

Sancti Spíritus, Dómine,
corda nostra mundet infúσιο,
et sui roris íntima aspersione fecúndet.
Per Christum.

B

Ant. ad introitum

Cf. Io 14, 26; 15, 26

Cum vénerit Spíritus veritátis,
docébit vos omnem veritátem, dicit Dóminus.

Collecta

Mentes nostras, quæsumus, Dómine,
Paráclitus qui a te procédit illúminet,
et indúcat in omnem,
sicut tuus promísit Fílius, veritátem.
Qui tecum.

Vel:

Deus, cui omne cor patet et omnis volúntas lóquitur,
et quem nullum latet secrétum,
purífica per infusiónem Spíritus Sancti
cogitatiónes cordis nostri,
ut te perfécte dilígere
et digne laudáre mereámur.
Per Dóminum.

Lectiones de dominica Pentecostes, ut infra, pp. 1605-1613 vel
in conferenda Confirmatione, ut supra, pp. 1086-1105.

Super oblata

Inténde, quæsumus, Dómine, spirítalem hóstiam
altáribus tuis piæ devotiónis stúdio propósitam,
et da fámulis tuis spíritum rectum,
ut fides eórum hæc dona tibi concíliet,
et commédet humílitas. Per Christum.

**Præfatio II de Spiritu Sancto: De actione Spiritus
in Ecclesia.**

℣. Dóminus vobíscum.

℟. Et cum spíritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:

Dómine, sancte Pater, omnípotens ætérne Deus:

Qui síngulis quibúsque tempóribus aptánda dispénsas,
mirísque modis Ecclésiæ tuæ gubernácula moderáris.

Virtúte enim Spíritus Sancti

ita eam adiuváre non désinis,

ut súbdito tibi semper afféctu

nec in tribulatióne supplicáre defíciat,

nec inter gáudia grátias reférre desístat,

per Christum Dóminum nostrum.

Et ídeo, choris angélicis sociáti,

te laudámus in gáudio confiténtes:

Sanctus, Sanctus, Sanctus Dóminus Deus Sábaoth ...

Ant. ad communionem

Io 15, 26; 16, 14

Spíritus qui a Patre procédit,
ille me clarificábit, dicit Dóminus.

Post communionem

Dómine Deus noster,
qui nos vegetáre dignátus es cæléstibus aliméntis,
suavitátem Spíritus tui
penetrálibus nostri cordis infúnde,
ut, quæ temporáli devotióne percépimus,
sempitérno múnere capiámus.
Per Christum.

C

Ant. ad introitum

Lc 4, 18

Spíritus Dómini super me,
evangelizáre paupéribus misit me, dicit Dóminus.

Collecta

Deus, qui univérsam Ecclésiám tuam
in omni gente et natióne sanctíficas,
in totam mundi latitúdinem Spíritus tui dona defúnde,
ut, quod in ipsis evangélicæ prædicatiónis exórdiis
tua est operáta dignátio,
nunc quoque per credéntium corda diffúndat.
Per Dóminum.

Vel:

Deus, cuius Spíritu régimur,
cuius protectione servámur,
præténde nobis misericórdiam tuam,
et exorábilis tuis esto supplicibus,
ut in te credéntium fides
tuis semper beneficiis adiuvétur.
Per Dóminum.

Lectiones de dominica Pentecostes, ut infra, pp. 1605-1613 vel
in conferenda Confirmatione, ut supra, pp. 1086-1105.

Super oblata

Sacrificia, Dómine, tuis oblata conspéctibus,
ignis Spíritus sanctíficet,
qui discipulórum Fílii tui corda succéndit.
Per Christum.

Præfatio de Spiritu Sancto I, p. 1601, vel II, p. 1603.

Ant. ad communionem**Ps 103, 30**

Emítte Spíritum tuum, et creabúntur,
et renovábis fáciem terræ.

Post communionem

Hæc nobis, Dómine, múnera sumpta proficiant,
ut illo iúgiter Spíritu ferveámus,
quem Apóstolis tuis ineffabíliter infudísti.
Per Christum.

Lectio prima**1**

*Vocatum est Babel,
quia ibi confusum est labium universæ terræ.*

Léctio libri Génesis**11, 1-9**

Erat terra lábii uníus et sermónum eorúndem. Cum-
que proficisceréntur de oriénte, invenérunt campum in
terra Sénnaar, et habitavérunt in eo.

Dixítque alter ad próximum suum: « Veníte, faciá-
mus láteres, et coquámus eos igni ». Habuerúntque
láteres pro saxis, et bitúmen pro cæméto. Et dixé-
runt: « Veníte, faciámus nobis civitátem et turrim,
cuius culmen pertíngat ad cælum, et celebrémus nomen
nostrum ántequam dividámur in univérsas terras ».

Descéndit autem Dóminus, ut vidéret civitátem et turrim, quam ædificábant fílii Adam; et dixit: « Ecce unus est pópulus et unum lábium ómnibus: cœperúntque hoc fácere, nec desístent a cogitatióibus suis, donec eas ópere cómpleant. Veníte ígitur, descendámus et confundámus ibi linguam eórum, ut non áudiat unusquísque vocem próximi sui ».

Atque ita divisit eos Dóminus ex illo loco in univérsas terras; et cessavérunt ædificáre civitátem. Et idcirco vocátum est nomen eius Babel, quia ibi confúsum est lábium univérsæ terræ; et inde dispérsit eos Dóminus super fáciem cunctárum regiónum ».

Verbum Dómini.

Psalmus responsorius ut infra, p. 1609.

2

*Descendit Dominus coram omni plebe
super montem Sinai.*

Léctio libri Exodi

19, 3-8 a. 16-20 b

In diébus illis:

Móyses ascéndit ad Deum, vocavítque eum Dóminus de monte, et ait: « Hæc dices dómui Iacob, et annuntiábis fíliis Israel:

“ Vos ipsi vidístis quæ fécerim Ægýptiis, quómodo portáverim vos super alas aquilárum et assúmpserim mihi. Si ergo audiéritis vocem meam, et custodiéritis pactum meum, éritis mihi in pecúlium de cunctis pópulis; mea est enim omnis terra. Et vos éritis mihi in regnum sacerdotále et gens sancta ”. Hæc sunt verba quæ loquérís ad fílios Israel ».

Venit Móyses et, convocátis maióribus natu pópuli,

expósuit omnes sermónes quos mandáverat Dóminus. Respondítque omnis pópulus simul: « Cuncta, quæ locútus est Dóminus, faciémus ».

Iamque advénerat tértius dies, et mane inclarúerat; et ecce cœpérunt audíri tonítrua ac micáre fúlgura, et nubes densíssima operíre montem, clangórque búcinæ veheméntius perstrepébat; et tímuit pópulus qui erat in castris. Cumque eduxísset eos Móyses in occúrsum Dei de loco castrórum, stetérunt ad radices montis.

Totus autem mons Sínai fumábat, eo quod descen-dísset Dóminus super eum in igne, et ascénderet fumus ex eo quasi de fornáce; erátque omnis mons terríbilis. Et sónitus búcinæ paulátim crescébat in maius, et pro-líxius tendebátur. Móyses loquebátur, et Deus respon-débat ei. Descendítque Dóminus super montem Sínai in ipso montis vértice, et vocávit Móysen in cacúmen eius. — Verbum Dómini.

Psalmus responsorius ut infra, p. 1609.

3

Ossa arida, intromittam in vos spiritum, et vivetis.

Léctio libri Ezechiélis prophétæ

37, 1-14

In diébus illis:

Facta est super me manus Dómini, et edúxit me in spíritu Dómini, et dimísit me in médio campi, qui erat plenus óssibus; et circumdúxit me per ea in gyro: erant autem multa valde super fáciem campi, siccáque veheménter.

Et dixit ad me: « Fili hóminis, putásne vivent ossa ista? » Et dixi: « Dómine Deus, tu nosti ».

Et dixit ad me: « Vaticináre de óssibus istis, et dices eis: " Ossa árida, audite verbum Dómini ". Hæc dicit Dóminus Deus óssibus his: " Ecce ego intromíttam in vos spíritum, et vivétis: et dabo super vos nervos, et succréscere fáciam super vos carnes, et superexténdam in vobis cutem, et dabo vobis spíritum, et vivétis, et sciétis quia ego Dóminus " ».

Et prophetávi sicut præcéperat mihi. Factus est autem sónitus, prophetánte me, et ecce commótio, et accessérunt ossa ad ossa, unumquódque ad iunctúram suam. Et vidi, et ecce super ea nervi et carnes ascendérunt, et exténta est in eis cutis désuper. Et spíritum non habébant.

Et dixit ad me: « Vaticináre ad spíritum, vaticináre, fili hóminis, et dices ad spíritum: " Hæc dicit Dóminus Deus: A quáttuor ventis veni, spíritus, et insúffla super interféctos istos, et revivíscent " ».

Et prophetávi sicut præcéperat mihi, et ingrèssus est in ea spíritus, et vixérunt, steterúntque super pedes suos, exércitus grandis nimis valde.

Et dixit ad me: « Fili hóminis, ossa hæc univérsa domus Israel est. Ipsi dicunt: " Aruérunt ossa nostra, et périit spes nostra, et abscíssi sumus ". Proptérea vaticináre et dices ad eos: " Hæc dicit Dóminus Deus:

Ecce ego apériam túmulos vestros, et edúcam vos de sepúlcris vestris, pópulus meus, et indúcam vos in terram Israel; et sciétis quia ego Dóminus, cum aperúero sepúlcrá vestra, et edúxero vos de túmulis vestris, pópule meus, et dédero spíritum meum in vobis, et vixéritis, et requiércere vos fáciam super humum vestram, et sciétis quia ego Dóminus: locútus sum et feci ", ait Dóminus Deus ». — Verbum Dómini.

4

*Super servos meos et ancillas
effundam Spiritum meum.*

Lectio libri Ioélis prophétæ

2, 28-32

Hæc dicit Dóminus:

« Effúndam spíritum meum super omnem carnem, et prophetábunt filii vestri et filiaë vestræ, senes vestri sómnia somniábunt, et iúvenes vestri visiones vidébunt; sed et super servos meos et ancíllas in diébus illis effúndam spíritum meum.

Et dabo prodígia in cælo et in terra, sánguinem et ignem et vapórem fumi. Sol convertétur in ténebras, et luna in sánguinem, ántequam véniat Dies Dómini magnus et horribilis.

Et erit: omnis qui invocáverit nomen Dómini salvus erit, quia in monte Sion et in Ierúsalem erit salvátio, sicut dixit Dóminus, et in resíduis quos Dóminus vocáverit ». — Verbum Dómini.

Psalmus responsorius

Ps 103, 1-2 a. 24 et 35 c. 27-28. 29 bc-30 (R.: cf. 30)

R. Emítte Spíritum tuum, Dómine,
et rénova fáciem terræ.

vel Allelúia.

¹ Bénedic, ánima mea, Dómino:
Dómine Deus meus, magnificátus es veheménter.
Confessióem et decórem induísti,
² amíctus lúmine sicut vestiménto. R.

²⁴ Quam multiplicáta sunt ópera tua, Dómine:
ómnia in sapiéntia fecísti,
impléta est terra creatúra tua.

³⁵ Bénedic, ánima mea, Dómino. R.

- 27 Omnia a te expéctant,
ut des illis escam in témpore suo.
- 28 Dante te illis, cólligent,
aperiénte te manum tuam, implebúntur bonis. *R.*
- 29 Revocabís spíritum eórum, et defícient,
et in púlverem suum reverténtur.
- 30 Emíttes spíritum tuum, et creabúntur,
et renovábis fáciem terræ. *R.*

5

*Repleti sunt omnes Spiritu Sancto
et cœperunt loqui.*

Léctio Actuum Apostolórum

2, 1-11

Cum compleréntur dies Pentecóstes erant omnes páriter in eódem loco. Et factus est repénite de cælo sonus tamquam adveniéntis spíritus veheméntis et replévit totam domum ubi erant sedéntes: et apparuérunt illis disperítæ linguæ tamquam ignis, seditque supra singulos eórum, et repléti sunt omnes Spíritu Sancto, et cœpérunt loqui áliis linguis prout Spíritus dabat éloqui illis.

Erant autem in Ierúsalem habitántes Iudæi, viri religiósi ex omni natióne quæ sub cælo est; facta autem hac voce, convénit multitúdo et confúsa est, quóniam audiébat unusquisque lingua sua illos loquéntes. Stupébant autem et mirabántur dicéntes:

« Nonne ecce omnes isti qui loquúntur Galilæi sunt? Et quómodo nos audímus unusquisque própria lingua nostra in qua nati sumus? Parthi et Medi et Ælamítæ, et qui hábitant Mesopotámiam, Iudæam quoque et Cappadóciam, Pontum et Asiam, Phrýgiam quoque et Pamphýliam, Ægýptum et partes Líbyæ quæ

est circa Cyrénem, et ádvenæ Románi, Iudái quoque et prosélyti, Cretes et Arabes, audímus loquéntes eos nostris linguis magnália Dei ». — Verbum Dómini.

Psalmus responsorius

Ps 103, 1 ab et 24 ac. 29 bc-30. 31 et 34 (R.: cf. 30)

R. Emítte Spíritum tuum, Dómine,
et rénova fáciem terræ.

vel Allelúia.

- 1** Bénedic, ánima mea, Dómino:
Dómine Deus meus, magnificátus es veheménter.
- 24** Quam multiplicáta sunt ópera tua, Dómine:
impléta est terra creatúra tua. **R.**
- 29** Revocábis spíritum eórum, et defícient,
et in púlverem suum reverténtur.
- 30** Emíttes spíritum tuum, et creabúntur,
et renovábis fáciem terræ. **R.**
- 31** Sit glória Dómini in sáeculum;
lætétur Dóminus in opéribus suis.
- 34** Iucúndum sit ei elóquium meum,
ego vero delectábor in Dómino. **R.**

Lectio secunda

1

Spiritus interpellat gemitibus inenarrabilibus.

Léctio Epístolæ beáti Pauli apóstoli ad Romános

8, 22-27

Fratres:

Scimus quod omnis creatúra congemíscit et compár-
turit usque adhuc; non solum autem, sed et nos ipsi

primítias Spíritus habéntes, et ipsi intra nos géminus adoptiónem filiórum exspectántes, redemptiónem córporis nostri. Spe enim salvi facti sumus; spes autem quæ vidétur non est spes; nam quod videt quis sperat? Si autem quod non vidémus sperámus, per patiéntiam exspectámus.

Simíliter autem et Spíritus ádiuvat infirmitátem nostram; nam quid orémus sicut opórtet nescímus, sed ipse Spíritus interpéllat gemítibus inenarrabílibus; qui autem scrutátur corda, scit quid desíderet Spíritus, quia secúndum Deum póstulat pro sanctis.

Verbum Dómini.

2

*In uno Spiritu omnes nos in unum corpus
baptizati sumus.*

Léctio Epístolæ primæ beáti Pauli apóstoli
ad Corínthios

12, 3 b-7. 12-13

Fratres:

Nemo potest dícere: « Dóminus Iesus! » nisi in Spíritu Sancto.

Divisiónes vero gratiárum sunt, idem autem Spíritus; et divisiónes ministratiónum sunt, idem autem Dóminus; et divisiónes operatiónum sunt, idem vero Deus, qui operátur ómnia in ómnibus. Unicuíque autem datur manifestátio Spíritus ad utilitátem.

Sicut enim corpus unum est et membra habet multa, ómnia autem membra córporis cum sint multa unum corpus sunt, ita et Christus: étenim in uno Spíritu omnes nos in unum corpus baptizáti sumus, sive Iudæi sive Græci, sive servi sive líberi, et omnes unum Spíritum potáti sumus. — Verbum Dómini.

Evangelium

1

Alleluia

℞. Allelúia. ⅴ. Veni, Sancte Spíritus,
reple tuórum corda fidélium;
et tui amóris in eis ignem accénde.
℞. Allelúia.

Flumina fluent aquæ vivæ.

✠ Lécio sancti Evangélii secúndum Ioánnem

7, 37-39

In novíssimo die magno festivitátis stabat Iesus et clamávit dicens:

« Si quis sitit véniat ad me et bibat qui credit in me. Sicut dixit Scriptúra, flúmina de ventre eius fluent aquæ vivæ ».

Hoc autem dixit de Spíritu quem acceptúri erant credéntes in eum: nondum enim erat Spíritus, quia Iesus nondum fúerat glori ficátus. — Verbum Dómini.

2

Alleluia

℞. Allelúia. ⅴ. Veni, Sancte Spíritus,
reple tuórum corda fidélium;
et tui amóris in eis ignem accénde.
℞. Allelúia.

*Sicut misit me Pater, ego mitto vos:
accipite Spiritum Sanctum.*

✠ Lécio sancti Evangélii secúndum Ioánnem

20, 19-23

Cum esset sero die illo prima sabbatórum, et fores

essent clausæ ubi erant discipuli propter metum Iudæorum, venit Iesus et stetit in médio et dicit eis: « Pax vobis ». Et hoc cum dixisset, osténdit eis manus et latus. Gavísi sunt ergo discipuli viso Dómino.

Dixit ergo eis íterum: « Pax vobis: sicut misit me Pater, et ego mitto vos ». Et cum hoc dixisset, insufflavit et dicit eis: « Accípite Spíritum Sanctum: quorum remisérítis peccáta, remíssa sunt eis, quorum retinuérítis, rétenta sunt ». — Verbum Dómini.

8. DE BEATA MARIA VIRGINE

A

Sumitur Missa de Communi B. Mariæ Virginis, p. 800, iuxta diversa anni tempora. Lectiones sumuntur de eodem Communi, pp. 805-833.

B

DE BEATA MARIA ECCLESIAE MATRE

Ant. ad introitum

Cf. Act 1, 14

Erant discipuli perseverántes unanímiter
in oratióne cum Maríá, matre Iesu.

Collecta

Deus, misericordiárum Pater,
cuius Unigénitus, cruci affíxus,
beátam Maríam Víginem, Genetrícem suam,
Matrem quoque nostram constituit,
concéde, quæsumus,
ut, eius cooperánte caritaté, Ecclésia tua
in dies fecúndior prolis sanctitaté exsúltet
et in grémium suum
cunctas attrahat famílias populórum.
Per Dóminum.

Pro lectionibus sumuntur textus aptiores ex iis qui proponuntur in Communi B. Mariæ Virginis, pp. 805-833.

Super oblata

Súscipe, Dómine, oblatiões nostras
et in mystérium salútis convérte,
cuius virtúte
et caritáte Vírginis Mariæ, Ecclésiæ Matris, inflammémur
et óperi redemptiõis cum ea árctius sociári mereámur.
Per Christum.

Præfatio: De Maria, forma et matre Ecclesiæ.

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnipotens ætérne Deus:
Et te in celebratiõe beátæ Mariæ Virginis
débitis magnificáre præcóniis.

Quæ Verbum tuum immaculáto corde suscípens
virgíneo méruit sinu concípere
atque, páriens Conditórem, Ecclésiæ fovit exórdia.

Quæ iuxta crucem testaméntum divínæ caritátis accípiens
univérsos hómines in fílios assúmpsit,
Christi morte ad supérnam vitam generátos.

Quæ, cum Apóstoli Promíssum expectárent tuum,
supplicatiõe suam discipulórum précibus iungens,
exémplar éxstitit orántis Ecclésiæ.

Ad glóriam autem evécta cælórum,
Ecclésiám peregrinántem matérno proséquitur amóre
eíusque gressus ad pátriam tuétur benigna,
donec dies Dómini gloriósus advéniat.

Et ídeo cum Sanctis et Angelis univérsis
te collaudámus, sine fine dicéntes:

Sanctus, Sanctus, Sanctus Dóminus Deus Sábaoth ...

Ant. ad communionem

Cf. Io 2, 1. 11

Núptiæ factæ sunt in Cana Galilææ,
et erat mater Iesu ibi;
tunc fecit inítium signórum Iesus
et manifestávit glóriam suam,
et credidérunt in eum discípuli eius.

Vel:

Cf. Io 19, 26-27

Ex cruce pendens
dixit Iesus discípulo, quem diligébat:
Ecce mater tua.

Post communionem

Sumpto, Dómine, pignore redemptionis et vitæ,
súpplices adprecámur,
ut Ecclésia tua, matérna Vírginis ope,
et Evangélii præcónio univérsas gentes erúdiat
et Spíritus effusióne orbem terrárum adimpleat.
Per Christum.

C

DE SS.MO NOMINE MARIÆ

Sumitur Missa de Communi B. Mariæ Virginis, p. 800, iuxta
diversa anni tempora, cum sequenti collecta:

Collecta

Deus, cuius Fílius in ara crucis expírans
beatíssimam Vírginem Mariám
Matrem volúit esse nostram, quam suam elégerat,
concéde propítius,
ut, qui sub eius præsídiu secúre confúgimus,
matérno invocáto nómine confortémur. Per Dóminum.

Lectiones aptiores sumuntur de eodem Communi, pp. 805-833.

9. DE SANCTIS ANGELIS**A**

In hac Missa adhibetur color albus.

Ant. ad introitum

Ps 102, 20

Benedícite Dóminum, omnes Angeli eius;
poténtes virtúte, qui fácitis verbum eius,
ad audiéndam vocem sermónum eius.

Collecta

Deus, qui miro órđine
Angelórum ministéria hominúmque dispénsas,
concéde propítius,
ut, a quibus tibi ministrántibus in cælo semper assístitur,
ab his in terra vita nostra muniátur. Per Dóminum.

Lectiones de festo Ss. Archangelorum, die 29 septembris, ut
infra, pp. 1621-1623; vel Ss. Angelorum Custodum, die 2 octobris,
ut infra, pp. 1619-1620.

Super oblata

Hóstias tibi, Dómine, laudis offérimus,
supplíciter deprecánte, ut eásdem,

angélico ministério in conspéctum tuæ maiestátis delátas,
et placátus accípias,
et ad salútem nostram proveníre concédas.
Per Christum.

Præfatio de Angelis, p. 600.

Ant. ad communionem

Ps 137, 1

In conspéctu Angelórum psallam tibi, Deus meus.

Post communionem

Pane cælésti refécti, súpplíces te, Dómine, deprecámur,
ut, eius fortitúdine roboráti,
sub Angelórum fidéli custódia,
fortes, salútis progrediámur in via.
Per Christum.

B

Dici potest etiam Missa de Ss. Angelis Custodibus, ut die 2 octobris, ut infra:

Ant. ad introitum

Dan 3, 58

Benedícite, omnes Angeli Dómini, Dóminum,
hymnum dícite, et superexaltáte eum in sácula.

Collecta

Deus, qui ineffábili providéntia
sanctos Angelos tuos
ad nostram custódiam mittere dignáris,
largíre supplicibus tuis,
et eórum semper protectióne deféndi,
et ætéRNA societáte gaudére.
Per Dóminum.

Lectio prior

Præcedet te angelus meus.

Lectio libri Exodi

23, 20-23 a

Hæc dicit Dóminus:

« Ecce ego mittam ángelum meum, qui præcedat te, et custódiat in via, et introdúcat in locum quem parávi. Obsérva eum et audi vocem eius, nec contemnéndum putes, quia non dimíttet cum peccáveris, et est nomen meum in illo. Quod si audieris vocem eius et féceris ómnia quæ loquor, inimícus ero inimícis tuis, et affligam affligéntes te. Præcedétque te ángelus meus ».

Verbum Dómini.

Psalmus responsorius

Ps 90, 1-2. 3-4. 5-6. 10-11 (R.: 11)

R. Angelis suis mandábit de te,
ut custódiant te in ómnibus viis tuis.

- ¹ Qui hábitat in protectióne Altíssimi,
sub umbra Omnipoténtis commorábitur.
- ² Dicet Dómino: « Refúgium meum
et fortitúdo mea, Deus meus, sperábo in eum ». R.
- ³ Quóniam ipse liberábit te de láqueo venántium
et a verbo maligno.
- ⁴ Alis suis obumbrábit tibi,
et sub pennas eius confúgies. R.
- ⁵ Scutum et loríca véritas eius;
non timébis a timóre noctúrno,
- ⁶ a sagítta volánte in die,
a peste perambulánte in ténebris,
ab exterminio vastánte in merídie. R.

- 10 Non accédet ad te malum,
et flagellum non appropinquábit tabernáculo tuo.
- 11 Quóniam ángelis suis mandábit de te,
ut custódiant te in ómnibus viis tuis. *R.*

Alleluia

Ps 102, 21

R. Allelúia. *V.* Benedícite Dómino, omnes virtútes eius,
minístri eius, qui fáctis voluntátem eius.
R. Allelúia.

Evangelium

*Angeli eorum semper vident faciem Patris mei
qui in cælis est.*

✠ Lécio sancti Evangélíi secúndum Matthæum

18, 1-5. 10

In illa hora accessérunt discípuli ad Iesum dicén-
tes: « Quis, putas, maior est in Regno cælórum? »

Et ádvocans párvulum, státuit eum in médio eórum
et dixit: « Amen dico vobis: Nisi convérsi fuéritis et
efficiámini sicut párvuli, non intrábitis in Regnum cæ-
lórum. Quicúmque ergo humiliáverit se sicut párvulus
iste, hic est maior in Regno cælórum. Et qui suscepit
unum párvulum talem in Nómine meo, me súscipit.

Vidéte ne contemnátis unum ex his pusillis; dico
enim vobis, quia ángeli eórum in cælis semper vident
faciem Patris mei qui in cælis est ». — Verbum Dómini.

Super oblata

Súscipe, Dómine, múnera,
quæ pro sanctórum Angelórum tuórum
veneratióne deférimus,
et concéde propítius,

ut, perpétuis eórum præsídiis,
a præséntibus perículis liberémur,
et ad vitam felíciter perveniámus ætérmam.
Per Christum.

Præfatio de Angelis, p. 600.

Ant. ad communionem

Ps 137, 1

In conspéctu Angelórum psallam tibi, Deus meus.

Post communionem

Quos tantis, Dómine, in vitam ætérmam
dignáris páscere sacraméntis,
angélico ministério dírige in viam salútis et pacis.
Per Christum.

Lectio prior *

Milia milium ministrabant ei.

Léctio libri Daniélis prophétæ

7, 9-10. 13-14

Aspiciébam donec throni pósiti sunt, et antíquus diérum sedit. Vestiméntum eius cándidum quasi nix, et capílli cápitis eius quasi lana munda, thronus eius flammæ ignis, rotæ eius ignis accénsus. Flúvius ígneus rapidúsque egrediebátur a fácie eius, mília milium ministrábant ei, et décies mílies centéna mília assistébant ei. Iudícium sedit, et libri apérti sunt.

Aspiciébam ergo in visióne noctis, et ecce cum nú-bibus cæli quasi fílius hóminis veniébat, et usque ad antíquum diérum pervénit. Et in conspéctu eius obtulé-runt eum, et dedit ei potestátem et honórem et re-

gnum, et omnes pópuli, tribus et linguæ ipsi sérvient; potéstas eius, potéstas æténa, quæ non auferétur, et regnum eius, quod non corrumpétur.

Verbum Dómini.

Vel

Michael et angeli eius præliabantur cum dracone.

Léctio libri Apocalýpsis beáti Ioánnis apóstoli

12, 7-12 a

Factum est próelium in cælo: Mícheal et ángeli eius ut præliaréntur cum draconé, et draco pugnávit et ángeli eius; et non váluit, neque locus invéntus est eórum ámplius in cælo. Et proiéctus est draco ille magnus, serpens antíquus, qui vocátur Diábolus et Sátanas, qui sedúcit univérsum orbem, proiéctus est in terram, et ángeli eius cum illo proiécti sunt.

Et audívi vocem magnam in cælo dicéntem: « Nunc facta est salus et virtus et Regnum Dei nostri et potéstas Christi eius, quia proiéctus est accusátor fratrum nostrórum, qui accusábat illos ante conspéctum Dei nostri die ac nocte; et ipsi vicérunt illum propter ságuinem Agni et propter verbum testimónii sui; et non dilexérunt ánimam suam usque ad mortem. Proptérea lætámini, cæli, et qui habitátis in eis ».

Verbum Dómini.

Psalmus responsorius

Ps 137, 1-2 a. 2 b-3. 4-5 (R.: 1 c)

R. In conspéctu angelórum psallam tibi, Dómine.

¶ Confitébor tibi, Dómine, in toto corde meo, quóniam audísti verba oris mei.

2 In conspéctu angelórum psallam tibi,
adorábo ad templum sanctum tuum. *R.*

Et confitébor nómini tuo
propter misericórdiam tuam et veritátem tuam,
quóniam magnificásti super omne nomen elóquium tuum.
3 In quacúmque die invocávero te, exáudi me;
multiplicábis in ánima mea virtútem. *R.*

4 Confitebúntur tibi, Dómine, omnes reges terræ,
quia audiérunt elóquia oris tui.
5 Et cantábunt vias Dómini,
quóniam magna est glória Dómini. *R.*

Alleluia

Ps 102, 21

R. Allelúia. *℣.* Benedícite Dómino, omnes virtútes eius,
minístri eius, qui fácit voluntátem eius.
R. Allelúia.

Evangelium

*Videbitis angelos Dei ascendentes et descendentes
supra Filium hominis*

✠ Lécio sancti Evangélíi secúndum Ioánnem 1, 47-51

In illo témpore:

Vidit Iesus Nathánael veniéntem ad se, et dicit de eo: « Ecce vere Israelíta, in quo dolus non est ».

Dicit ei Nathánael: « Unde me nosti? »

Respóndit Iesus et dixit ei: « Priúsquam te Philíppus vocáret, cum esses sub ficu, vidi te ».

Respóndit ei Nathánael: « Rabbi, tu es Fílius Dei, tu rex es Israel ».

Respóndit Iesus et dixit ei: « Quia dixi tibi: “ Vidi te sub ficu ”, credis? maióra his vidébis ».

Et dicit ei: « Amen, amen dico vobis: Vidébitis cælum apértum, et ángelos Dei ascendéntes et descendentés supra Fílium hóminis ». — Verbum Dómini.

10. DE S. IOSEPH

In hac Missa adhibetur color albus.

A

Ant. ad introitum

Lc 12, 42

Ecce fidélis servus et prudens,
quem constituit Dóminus super famíliam suam.

Collecta

Deus, qui ineffábili providéntia beátum Ioseph
sanctíssimæ Genetrícis Fílii tui sponsum
elígere dignátus es,
præsta, quæsumus,
ut, quem protectórem venerámur in terris,
intercessórem habére mereámur in cælis.
Per Dóminum.

Lectiones de sollemnitate S. Ioseph, die 19 martii, ut infra,
pp. 1625-1628, vel de memoria S. Ioseph Opificis, die 1 maii, ut
infra, pp. 1630-1632.

Super oblata

Laudis hóstiam immolatúri, Pater sancte,
supplíciter postulámus,
ut in ministério nostro beáti Ioseph précibus foveámur,
cui dedísti Unigénitum tuum
vice in terris custodíre patérna. Per Christum.

Præfatio de S. Ioseph (Et te in veneratióne), p. 601.

Ant. ad communionem

Mt 25, 21

Euge, serve bone et fidelis: intra in gaudium Dómini tui.

Post communionem

His recreáti, Dómine, vivíficis sacraméntis,
in iustítia tibi semper et sanctitáte vivámus,
beáti Ioseph exémplo et intercessióne,
qui magnis tuis perficiéndis mystériis
vir iustus et obédiens ministrávit. Per Christum.

B

Dici potest, pro opportunitate, etiam Missa de sollemnitate,
ut die 19 martii, ut infra:

Ant. ad introitum

Lc 12, 42

Ecce fidelis servus et prudens,
quem constituit Dóminus super familiam suam.

Collecta

Præsta, quæsumus, omnipotens Deus,
ut humanæ salutis mystéria,
cuius primórdia beáti Ioseph fidéli custodiæ commisísti,
Ecclésia tua, ipso intercedente, iúgiter servet implénda.
Per Dóminum.

Lectio prima

Dabit illi Dominus Deus sedem David patris eius.

Léctio libri secúndi Samuélis

7, 4-5 a. 12-14 a. 16

In diébus illis:

Ecce sermo Dómini ad Nathan dicens: « Vade et

lóquere ad servum meum David: Hæc dicit Dóminus: " Cum compléti fúerint dies tui, et dormieris cum pátribus tuis, suscitábo semen tuum post te, quod egrediétur de útero tuo, et firmábo regnum eius. Ipse ædificábit domum nómini meo, et stabíliam thronum regni eius usque in sempitérnum. Ego ero ei in patrem, et ipse erit mihi in fílium.

Et fidélis erit domus tua et regnum tuum usque in ætérnum ante fáciem tuam, et thronus tuus erit firmus iúgiter " ». — Verbum Dómini.

Psalmus responsorius

Ps 88, 2-3. 4-5. 27 et 29 (R.: 37)

R. Semen eius in ætérnum manébit.

2 Misericórdias Dómini in ætérnum cantábo, in generatióem et generatióem annuntiábo veritátem tuam in ore meo.

3 Quóniam dixisti:
« In ætérnum misericórdia ædificábitur », in cælis firmábitur véritas tua. R.

4 « Dispósui testaméntum elécto meo, iurávi David servo meo:

5 Usque in ætérnum confirmábo semen tuum, et ædificábo in generatióem et generatióem sedem tuam ». R.

27 « Ipse invocábit me: " Pater meus es tu, Deus meus et refúgium salútis meæ ".

29 In ætérnum servábo illi misericórdiam meam, et testaméntum meum fidéle ipsi ». R.

Lectio secunda

Contra spem in spe credidit.

Lectio Epistolæ beāti Pauli apóstoli ad Romános

4, 13. 16-18. 22

Fratres:

Non per Legem promissio Abrahæ aut sémini eius, ut heres esset mundi, sed per iustitiam fidei.

Ideo ex fide, ut secúndum grátiam, ut firma sit promissio omni sémini, non ei qui ex Lege est solum, sed et ei qui ex fide est Abrahæ, (qui est pater ómnium nostrum, sicut scriptum est: « Patrem multárum géntium pósui te »), ante Deum cui crédidit, qui vivíficat mórtuos et vocat ea quæ non sunt quasi sint. Qui contra spem in spe crédidit, ut fieret pater multárum géntium, secúndum quod dictum est: « Sic erit semen tuum ».

Ideo et reputátum est illi ad iustitiam.

Verbum Dómini.

Alleluia

Ps 83, 5

R. Allelúia. V. Beāti qui hábitant in domo tua, Dómine, in sácula sæculórum laudábunt te.

R. Allelúia.

Evangelium *

Ioseph fecit sicut præcepit ei angelus Domini.

✠ Lectio sancti Evangélíi secúndum Matthæum

1, 16. 18-21. 24 a

Iacob génuít Ioseph virum Mariæ, de qua natus est Iesus, qui vocátur Christus

Iesu Christi autem generatio sic erat: Cum esset desponsata mater eius Maria Ioseph, antequam convenirent, inventa est in utero habens de Spiritu Sancto; Ioseph autem vir eius, cum esset iustus et nollet eam traducere, voluit occulte dimittere eam.

Hæc autem eo cogitante, ecce angelus Domini in somnis apparuit ei dicens: « Ioseph, fili David, noli timere accipere Mariam coniugem tuam; quod enim in ea natum est, de Spiritu Sancto est. Pariet autem filium, et vocabis nomen eius Iesum; ipse enim salvum faciet populum suum a peccatis eorum ».

Exurgens autem Ioseph a somno, fecit sicut præcepit ei angelus Domini. — Verbum Domini.

Vel

Ecce pater tuus et ego dolentes quærebamus te.

✠ Læctio sancti Evangélii secundum Lucam

2, 41-51 a

Ibant parentes Iesu per omnes annos in Ierusalem, in die festo Paschæ. Et, cum factus esset annorum duodecim, ascendentibus illis secundum consuetudinem diei festi, consummatisque diebus, cum redirent, remansit puer Iesus in Ierusalem, et non cognoverunt parentes eius. Existimantes autem illum esse in comitatu, venerunt iter diei, et requirebant eum inter cognatos et notos.

Et non inveniéntes, regressi sunt in Ierusalem requirentes eum.

Et factum est, post triduum invenérunt illum in templo sedentem in medio doctorum, audientem illos et interrogantem eos. Stupébant autem omnes, qui eum

audiébant, super prudéntia et respónsis eius. Et vidéntes eum admiráti sunt.

Et dixit mater eius ad illum: « Fili, quid fecísti nobis sic? ecce pater tuus et ego doléntes quærebámus te ».

Et ait ad illos: « Quid est quod me quærebátis? nesciebátis quia in his quæ Patris mei sunt opórtet me esse? » Et ipsi non intellexérunt verbum, quod locútus est ad illos.

Et descendit cum eis et venit Názareth; et erat súbditus illis. — Verbum Dómini.

Super oblata

Quæsumus, Dómine, ut, sicut beátus Ioseph
Unigénito tuo, nato de María Vírgine,
pia devotióne desérviit,
ita et nos mundo corde
tuis altáribus mereámur ministráre.
Per Christum.

Præfatio de S. Ioseph (Et te in veneratióne), p. 601.

Ant. ad communionem

Mt 25, 21

Euge, serve bone et fidélis:
intra in gáudium Dómini tui.

Post communionem

Famíliam tuam, quæsumus, Dómine,
quam de beáti Ioseph sollemnitate lætántem
ex huius altáris alimónia satiásti,
perpétua protectiόne defénde,
et tua in ea propitiátus dona custódi.
Per Christum.

C

Vel dici potest, pro opportunitate, etiam Missa de S. Ioseph Opífice, ut die 1 maii, ut infra:

Ant. ad introitum

Ps 127, 1-2

Beátus omnis, qui timet Dóminum,
qui ámbulat in viis eius.
Labóres mánuum tuárum manducábis,
beátus es, et bene tibi erit.

Collecta

Rerum cónditor, Deus,
qui legem labóris humáno géneri statuísti,
concéde propítius,
ut, sancti Ioseph exémplo et patrocínio,
ópera perficiámus quæ præcipis,
et præmia consequámur quæ promíttis. Per Dóminum.

Lectio prior *

Replete terram et subicite eam.

Léctio libri Génesis

1, 26 — 2, 3

Ait Deus:

« Faciámus hóminem ad imáginem et similitúdinem nostram; et præsit pískibus maris et volatílibus cæli et béstiis universæque terræ omníque réptili, quod movétur in terra ».

Et creávit Deus hóminem ad imáginem suam; ad imáginem Dei creávit illum: másculum et féminam creávit eos.

Benedixítque illis Deus et ait: « Créscite et multiplicámini et repléte terram et subícite eam, et dominámini pískibus maris et volatílibus cæli et univérsis animántibus, quæ movéntur super terram ».

Dixitque Deus: « Ecce dedi vobis omnem herbam afferentem semen super terram, et universa ligna, quæ habent in semetipsis sementem generis sui, ut sint vobis in escam et cunctis animantibus terræ omnique volucris cæli, et universis quæ moventur in terra et in quibus est anima vivens, ut habeant ad vescendum ».

Et factum est ita. Viditque Deus cuncta quæ fecerat, et erant valde bona. Et factum est vespere et mane, dies sextus.

Igitur perfecti sunt cæli et terra et omnis ornatus eorum. Complevitque Deus die septimo opus suum, quod fecerat, et requievit die septimo ab universo opere quod patrat. Et benedixit diei septimo et sanctificavit illum, quia in ipso cessaverat ab omni opere suo, quod creavit Deus ut faceret. — Verbum Domini.

Vel

*Quodcumque facitis, ex animo operamini,
sicut Domino et non hominibus.*

Lectio Epistolæ beati Pauli apostoli ad Colossenses

3, 14-15. 17. 23-24

Fratres:

Super omnia hæc caritatem, quod est vinculum perfectionis, et pax Christi dominetur in cordibus vestris, ad quam et vocati estis in uno corpore, et grati estote.

Omne quodcumque facitis in verbo aut in opere, omnia in Nominе Domini Iesu, gratias agentes Deo Patri per ipsum.

Quodcumque facitis, ex animo operamini, sicut Domino et non hominibus; scientes quod a Domino accipietis retributionem hereditatis. Domino Christo servite. — Verbum Domini.

Psalmus responsorius

Ps 89, 2. 3-4. 12-13. 14 et 16 (R.: 17 c)

R. Opus mánuum nostrárum confírma, Dómine.

vel Allelúia.

2 Priúsqvam montes nasceréntur
aut gignerétur terra et orbis,
a sǎculo et usque in sǎculum tu es Deus. R.

3 Redúcis hóminem in púlverem;
et dixísti: « Revertímini, filii hóminum ».

4 Quóniam mille anni ante óculos tuos
tamquam dies hestérna quæ prætériit,
et custódia in nocte. R.

12 Dinumeráre dies nostros sic doce nos,
ut inducámus cor ad sapiéntiam.

13 Convértere, Dómine, úsquequo?
Et deprecábilis esto super servos tuos. R.

14 Reple nos mane misericórdia tua,
et exsultábimus et delectábimur ómnibus diébus nostris.

16 Appáreat servis tuis opus tuum,
et decor tuus filiis eórum. R.

Alleluia

Ps 67, 20

R. Allelúia. V. Benedíctus Dóminus die cotídie;
portábit nos Deus salutárium nostrórum.
R. Allelúia.

Evangelium

Nonne hic est fabri filius?

✠ Lécio sancti Evangélii secúndum Mattháeum

13, 54-58

In illo témpore:

Véniens Iesus in pátriam suam, docébat eos in syna-

góga eórum, ita ut miraréntur et dicerent: « Unde huic sapiéntia hæc et virtútes? Nonne hic est fabri fílius? Nonne mater eius dicitur María, et fratres eius Iacóbus et Ioseph et Simon et Iudas? Et soróres eius nonne omnes apud nos sunt? Unde ergo huic ómnia ista? » Et scandalizabántur in eo.

Iesus autem dixit eis: « Non est prophéta sine honóre nisi in pátria et in domo sua ».

Et non fecit ibi virtútes multas propter incredulitátem illórum. — Verbum Dómini.

Super oblata

Fons totíus misericórdiæ, Deus,
réspice ad múnera nostra,
quæ in commemoratióne beáti Ioseph
maiestáti tuæ deférimus,
et concéde propítius,
ut obláta dona fiant præsidia supplicántium.
Per Christum.

Præfatio de S. Ioseph (Et te in veneratióne), p. 601.

Ant. ad communionem

Col 3, 17

Omne quodcúmque fácitis in verbo aut in ópere,
ómnia in nómine Dómini, grátias ágéntes Deo.

Post communionem

Cæléstibus, Dómine, pasti delíciis,
súpplikes te rogámus,
ut, exémplo beáti Ioseph,
caritátis tuæ in córdibus nostris testimónia geréntes,
perpétuæ pacis fructu iúgiter perfruámur.
Per Christum.

11. DE OMNIBUS SANCTIS APOSTOLIS

In hac Missa adhibetur color ruber.

Ant. ad introitum

Io 15, 16

Non vos me elegístis, sed ego elégi vos,
ut eátis et fructum afferátis,
et fructus vester máneat, dicit Dóminus.

Collecta

Beatórum Apostolórum honóre contínuo
Ecclésia tua, Dómine, semper exsúltet,
ut his præsúlibus gubernétur,
quorum doctrína gaudet et méritis. Per Dóminum.

Lectiones de festo Ss. Simonis et Iudæ, die 28 octobris, ut infra:

Lectio prior

Superædificati super fundamentum Apostolorum.

Léctio Epístolæ beáti Pauli apóstoli ad Ephésios

2, 19-22

Fratres:

Iam non estis extránei et ádvenæ, sed estis concíves sanctórum et doméstici Dei, superædificáti super fundaméntum Apostolórum et prophetárum, ipso summo angulári lápide Christo Iesu; in quo omnis ædificátio compácta crescit in templum sanctum in Dómino; in quo et vos coædificámini in habitáculum Dei in Spíritu. — Verbum Dómini.

Psalms responsorius

Ps 18, 2-3. 4-5 (R.: 5 a)

R. In omnem terram exívit sonus eórum.

Cæli enárrant glóriam Dei,
et ópera mánuum eius annúntiat firmaméntum.

- 3 Dies diéi erúctat verbum,
et nox nocti índicat sciéntiam. *R.*
- 4 Non sunt loquélæ neque sermónes,
quorum non intellegántur voces.
- 5 In omnem terram exívit sonus eórum,
et in fines orbis terræ verba eórum. *R.*

Alleluia

R. Allelúia. *V.* Te Deum laudámus,
te Dóminum confitémur;
te gloriósus Apostolórum chorus laudat,
Dómine. *R.* Allelúia.

Evangelium

*Elegit duodecim ex ipsis,
quos et Apostolos nominavit.*

✠ Lécio sancti Evangélii secúndum Lucam 6, 12-19

Factum est in illis diébus éxiit Iesus in montem oráre, et erat pernóctans in oratióne Dei.

Et cum dies factus esset, vocávit discípulos suos, et elégit duódecim ex ipsis, quos et Apóstolos nominávit: Simónem, quem et cognominávit Petrum, et Andréam fratrem eius, et Iacóbum et Ioánnem, et Philíppum et Bartholomæum, et Matthæum et Thomam, et Iacóbum Alphæi et Simónem, qui vocátur Zelótes, et Iudam Iacóbi et Iudam Iscarioth, qui fuit próditor.

Et descéndens cum illis, stetit in loco campéstri, et turba multa discipulórum eius, et multitúdo copiósa plebis ab omni Iudæa et Ierúsalem et marítima Tyri et Sidónis, qui venérunt ut audírent eum et sanaréntur a languóribus suis. Et qui vexabántur a spirítibus im-múndis curabántur.

Et omnis turba quærebant eum tângere, quia virtus de illo exibat et sanabat omnes. — Verbum Dómini.

Super oblata

Effúnde in nos, Dómine,
quem in Apóstolos effudísti abúnde,
Spíritum Sanctum tuum,
ut cognoscámus ea, quæ per eos nobis donásti,
et sacrificium laudis ad glóriam tuam rite offerámus.
Per Christum.

Præfatio de Apostolis, pp. 602-603.

Ant. ad communionem

Mt 19, 28

Vos, qui secúti estis me, sedébitis super sedes,
iudicántes duódecim tribus Israel, dicit Dóminus.

Post communionem

Fac nos, Deus, cum exsultatióne et simplicitáte cordis
perseveráre in doctrína Apostolorum,
in fractiÓne panis comunicántes et oratiÓnibus.
Per Christum.

12. DE SS. PETRO ET PAULO, APOSTOLIS

In hac Missa adhibetur color ruber. Dicitur Missa ut in Vigilia
sollemnitatis eorundem apostolorum, ut infra:

Ant. ad introitum

Petrus apóstolus et Paulus doctor géntium,
ipsi nos docuérunt legem tuam, Dómine.

Collecta

Da nobis, quæsumus, Dómine Deus noster,
beatórum apostolorum Petri et Pauli
intercessiÓnibus sublevári,
ut per quos Ecclésiæ tuæ
supérni múnis rudiménta donásti,

per eos subsidia perpétuæ salutis impendas.
Per Dóminum.

Lectiones de memoria dedicationis basilicarum eorundem Apostolorum, die 18 novembris, ut infra:

Lectio prior

Sic venimus Romam.

Lectio Actuum Apostolorum 28, 11-16. 30-31

Post menses tres, navigávimus in nave alexandrina, quæ in insula Mélita hiemáverat, cui erat insigne Cástorum. Et, cum venissémus Syracúsam, mánsimus ibi tríduo. Inde solvéntes devénimus Rhégium, et post unum diem, superveniénte austro, secúnda die vénimus Putéolos; ubi, invéntis fratribus, rogáti sumus manére apud eos dies septem, et sic vénimus Romam.

Et inde, cum audissent de nobis fratres, occurrerunt nobis usque ad Appii Forum et Tres Tabérnas; quos cum vidisset Paulus, grátias agens Deo, accépit fidúciam.

Cum pervenissémus autem Romam, permíssum est Paulo manére síbimet cum custodiénte se mílite.

Mansit autem biénio toto in suo condúcto; et suscipiébat omnes qui ingrediebántur ad eum, prædicans Regnum Dei et docens quæ sunt de Dómino Iesu Christo cum omni fidúcia, sine prohibitióne.

Verbum Dómini.

Psalmus responsorius

Ps 97, 1. 2-3 ab. 3 c-4. 5-6 (R.: 2 b)

R. In conspéctu géntium revelávit Dóminus
iustítiam suam.

1 Cantáte Dómino cánticum novum,
quia mirabília fecit.

Salvavit sibi dextera eius,
et brachium sanctum eius. *R.*

2 Notum fecit Dominus salutare suum,
in conspectu gentium revelavit iustitiam suam.

3 Recordatus est misericordiae suae
et veritatis suae domui Israel. *R.*

Viderunt omnes termini terrae
salutare Dei nostri.

4 Iubilate Deo, omnis terra,
erumpite, exultate et psallite. *R.*

5 Psallite Domino in cithara,
in cithara et voce psalmi;
6 in tubis ductilibus et voce tubae corneae,
iubilate in conspectu regis Domini. *R.*

Alleluia

R. Alleluia. *γ.* Te Deum laudamus,
te Dominum confitemur;
te gloriosus Apostolorum chorus laudat,
Domine. *R.* Alleluia.

Evangeliū

Iube me venire ad te super aquas.

✠ Lēctio sancti Evangēlii secūndum Matthaeum

14, 22-33

Postquam saturata est turba, statim iussit Iesus discipulos ascendere in naviculam, et praecedere eum trans fretum, donec dimitteret turbas. Et, dimissis turbis, ascendit in montem solus orare. Vespere autem facto, solus erat ibi.

Navicula autem iam multis stadiis a terra distabat, fluctibus iactata; erat enim contrarius ventus.

Quarta autem vigília noctis, venit ad eos ámbulans supra mare.

Discípuli autem, vidéntes eum supra mare ambulántem, turbáti sunt dicéntes: « Phantásma est »; et præ timóre clamavérunt.

Statimque Iesus locútus est eis, dicens: « Habéte fidúciam: ego sum, nolíte timére ».

Respóndens autem ei Petrus, dixit: « Dómine, si tu es, iube me veníre ad te super aquas ».

At ipse ait: « Veni ». Et descéndens Petrus de navícula, ambulávit super aquas et venit ad Iesum.

Videns vero ventum válidum tímuit, et cum cœpisset mergi, clamávit dicens: « Dómine, salvum me fac ».

Contínuo autem Iesus, exténdens manum, apprehéndit eum, et ait illi: « Módicæ fidei, quare dubitásti? » Et, cum ascendissent in navículam, cessávit ventus.

Qui autem in navícula erant, adoravérunt eum, dicéntes: « Vere Fílius Dei es ». — Verbum Dómini.

Super oblata

Múnera, Dómine, tuis altáribus adhibémus,
de beatórum apostolórum Petri et Pauli
sollemnitátibus gloriántes,
ut quantum sumus de nostro mérito formidántes,
tantum de tua benignitáte gloriémur salvandi.
Per Christum.

Præfatio: De duplici missione Petri et Pauli in Ecclesia.

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutäre,
nos tibi semper et ubique grátias ágere:
Dómine, sancte Pater, omnípotens ætérne Deus:
Quia nos beáti apóstoli Petrus et Paulus
tua dispositióne lætíficant:
hic princeps fídei confiténdæ,
ille intellegéndæ clarus assértor;
hic relíquiis Israel instítuens Ecclésiám primitívam,
ille magíster et doctor géntium vocandárum.
Sic dívérso consílio unam Christi famíliam congregántes,
par mundo venerábile, una coróna sociávit.
Et ídeo cum Sanctis et Angelis univérssis
te collaudámus, sine fine dicéntes:

Sanctus, Sanctus, Sanctus Dóminus Deus Sábaoth ...

Vel præfatio I de Apostolis, p. 602.

Ant. ad communionem

Io 21, 15. 17

Simon Ioánnis, díligis me plus his?
Dómine, tu ómnia nosti, tu scis, Dómine, quia amo te.

Post communionem

Cæléstibus sacraméntis, quæsumus, Dómine,
fidéles tuos corróbora,
quos Apostolórum doctrína illuminásti.
Per Christum.

13. DE S. PETRO, APOSTOLO

In hac Missa adhibetur color ruber.

Ant. ad introitum

Lc 22, 32

Dicit Dóminus Simóni Petro:
Ego rogávi pro te, ut non defíciat fides tua,
et tu aliquándo convérsus, confírma fratres tuos.

Collecta

Deus, qui beáto Petro apóstolo tuo,
collátis clávis regni cæléstis,
ligándi atque solvéndi pontificíum tradidísti,
concéde, ut, intercessiónis eius auxílio,
a peccatórum nostrórum néxibus liberémur.
Per Dóminum.

Lectiones de festo Cathedræ S. Petri, die 22 februarii, ut indicantur infra:

Lectio prior, p. 898, n. 13.

Psalmus responsorius, p. 889.

Evangelium, p. 796, n. 1.

Super oblata

Oblatióem pópuli tui, quæsumus, Dómine,
súscipe propítius in commemoratióne beáti Petri apóstoli,
quem ad confiténdum te Deum vivum tuúmque Fílium
secréta revelatióne docuísti,
et gloriósa fecísti passióne
Magístro suo testimónium perhibére. Per Christum.

Præfatio I de Apostolis, p. 602.

Ant. ad communionem**Mt 16, 16. 18**

Dixit Petrus ad Iesum: Tu es Christus, Fílius Dei vivi.
Respóndit Iesus: Tu es Petrus,
et super hanc petram ædificábo Ecclésiám meam.

Post communionem

Ad convívium, Dómine, salútis admissi,
beáti Petri apóstoli memóriam venerántes,
gratánte expóscimus,
ut Fílio tuo, qui solus verba vitæ habet,
iúgiter hæreámus,
quátenus oves gregis tui fidéles
ad páscua feliciter deducámur æténa. Per Christum.

14. DE S. PAULO, APOSTOLO

In hac Missa adhibetur color ruber.

Ant. ad introitum

2 Tim 1, 12; 4, 8

Scio cui crédidi, et certus sum quia potens est
depósitum meum serváre in illum diem iustus iudex.

Collecta

Dómine Deus,
qui beátum Paulum apóstolum
ad prædicándum Evangélium mirábíliter designásti,
da fide mundum univérsu*m* ímbui,
quam ipse coram régibus gentibúsque portávit,
ut iúgiter Ecclésia tua cápiat augméntum. Per Dóminu*m*.

Lectiones de festo Conversionis S. Pauli, die 25 ianuarii, ut infra:

Lectio prior*

*Exsurgens baptizare, et ablue peccata tua,
invocato Nomine Iesu.*

Léctio Actuum Apostolorum

22, 3-16

In diébus illis: Dixit Paulus ad pópulu*m*:

« Ego sum vir Iudæus, natus in Tarso Cilíciæ, enu-
trítus autem in ista civitaté, secus pedes Gamáliel, erudí-
tus iuxta veritaté*m* patérnæ Legis, æmulátor Dei, sicut
et vos omnes estis hódie; qui hanc viam persecútus sum
usque ad mortem, álligans et tradens in custódias viros
ac mulieres, sicut et princeps sacerdotu*m* testimóniu*m*
mihi reddit et omne concíliu*m*; a quibus et epístolas
accípiens ad fratres, Damáscu*m* pergébam, ut addú-
cerem et eos qui ibi essent, vinctos in Ierúsalem, uti
puniréntur.

Factum est autem, eúnte me et appropinquánte Damáscó, circa médiam diem súbito de cælo circumfúlsit me lux copiósá, et décidi in terram et audívi vocem dicéntem mihi: "Saul, Saul, quid me perséqueris?"

Ego autem respóndi: "Quis es, Dómine?"

Dixítque ad me: "Ego sum Iesus Nazarénus, quem tu perséqueris".

Et qui mecum erant lumen quidem vidérunt, vocem autem non audiérunt eius qui loquebátur mecum.

Et dixi: "Quid fáciam, Dómine?"

Dóminus autem dixit ad me: "Surgens vade Damáscum, et ibi tibi dicétur de ómnibus quæ statútum est tibi ut fáceres".

Et, cum non vidérem præ claritáte lúminis illíus, ad manum dedúctus a comítibus veni Damáscum.

Ananías autem quidam, vir religiósus secúndum Legem, testimónium habens ab ómnibus habitántibus Iudæis, véniens ad me et astans dixit mihi: "Saul frater, réspice". Et ego eádem hora respéxi in eum.

At ille dixit: "Deus patrum nostrórum præordinávit te, ut cognósceres voluntátem eius, et vidéres Iustum, et audíres vocem ex ore eius; quia eris testis illi ad omnes hómines eórum quæ vidísti et audísti. Et nunc quid moráris? Exsúrgens baptizáre, et áblue peccáta tua, invocáto Nómine ipsíus"». — Verbum Dómini.

Vel

Ego sum Iesus, quem tu persequeris.

Léctio Actuum Apostolorum

9, 1-22

In diébus illis:

Saulus, adhuc spirans minárum et cædis in discípulos Dómini, accéssit ad príncipem sacerdotum, et pétiit ab eo epístolas in Damáscum ad synagógas, ut, si quos

invenisset huius viæ, viros ac mulieres, vinctos perdúceret in Ierúsalem.

Et, cum iter fáceret, cóntigit ut appropinquáret Damáscó; et súbito circumfúlsit eum lux de cælo, et cadens in terram audívit vocem dicéntem sibi: « Saul, Saul, quid me perséqueris? »

Qui dixit: « Quis es, Dómine? »

Et ille: « Ego sum Iesus, quem tu perséqueris: sed surge et ingrédere civitátem, et dicétur tibi quid te opórteat fácere ».

Viri autem illi qui comitabántur cum eo stabant stupefácti, audiéntes quidem vocem, néminem autem vidéntes. Surréxit autem Saulus de terra; apertísque óculis, nihil vidébat. Ad manus autem illum trahéntes, introduxérunt Damáscum; et erat tribus diébus non videns, et non manducávit neque bibit.

Erat autem quidam discípulus Damásci nómine Ananías; et dixit ad illum in visu Dóminus: « Ananía! »

At ille ait: « Ecce ego, Dómine ».

Et Dóminus ad illum: « Surgens vade in vicum qui vocátur Rectus, et quære in domo Iudæ Saulum nómine Tarsénsem; ecce enim orat ». (Et vidit virum Ananíam nómine introeúntem et imponéntem sibi manus ut visum recípiat.)

Respóndit autem Ananías: « Dómine, audívi a multis de viro hoc, quanta mala sanctis tuis fécerit in Ierúsalem; et hic habet potestátem a princípibus sacerdotum alligándi omnes qui ínvocant Nomen tuum ».

Dixit autem ad eum Dóminus: « Vade, quóniam vas electiónis est mihi iste, ut portet Nomen meum coram géntibus et régibus et fíliis Israel; ego enim osténdam illi, quanta opórteat eum pro Nómine meo pati ».

Et ábiit Ananías, et introívit in domum, et impónens ei manus dixit: « Saul frater, Dóminus misit me, Iesus

qui apparuit tibi in via qua veniebas, ut videas et implearis Spiritu Sancto ». Et confestim ceciderunt ab oculis eius tamquam squamæ, et visum recepit, et surgens baptizatus est. Et cum accepisset cibum confortatus est.

Fuit autem cum discipulis, qui erant Damasci, per dies aliquot. Et continuo in synagogis prædicabat Iesum, quoniam hic est Filius Dei.

Stupébant autem omnes qui audiebant, et dicebant: « Nonne hic est qui expugnabat in Ierúsalem eos qui invocabant nomen istud, et huc ad hoc vénerat ut vinctos illos dúceret ad principes sacerdotum? » Saulus autem magis convalescébat et confundébat Iudæos, qui habitabant Damasci, affirmans quoniam hic est Christus.

Verbum Dómini.

Psalmus responsorius Ps 116, 1. 2 (R.: Mc 16, 15)

R. Eúntes in mundum univérsum,
prædicáte Evangélium.

vel Allelúia.

1 Laudáte Dóminum, omnes gentes,
collaudáte eum, omnes pópuli, R.

2 quoniam confirmáta est super nos misericórdia eius,
et véritas Dómini manet in ætérnum. R.

Alleluia

Io 15, 16

R. Allelúia. V. Ego vos elégi de mundo,
ut eátis et fructum afferátis,
et fructus vester máneat, dicit Dóminus.
R. Allelúia.

Evangelium

*Euntes in mundum universum,
prædicate Evangelium.*

✠ Lécio sancti Evangélíi secúndum Marcum 16, 15-18

In illo témpore: Appárens Iesus Undecim, dixit eis:

« Eúntes in mundum univérsum, prædicáte Evangé-
lium omni creatúræ. Qui credíderit et baptizátus fúerit,
salvus erit; qui vero non credíderit, condemnábitur.

Signa autem eos qui credíderint hæc sequéntur: in
Nómine meo dæmónia eícient, linguis loquéntur novis,
serpéntes tollent, et, si mortíferum quid bíberint, non
eos nocébit; super ægrótos manus impónent, et bene
habébunt ». — Verbum Dómini.

Super oblata

Illo nos, quæsumus, Dómine, divína tractánte,
fidei lúmine Spíritus perfúndat,
quo beátum Paulum apóstolum
ad glóriæ tuæ propagatióem collustrávit.
Per Christum.

Præfatio I de Apostolis, p. 602.

Ant. ad communionem

Gal 2, 20

In fide vivo Fílii Dei, qui diléxit me,
et trádídít semetípsum pro me.

Post communionem

Córpóris et Sánguínis Fílii tui, Dómine,
communióne refécit,
concéde, ut ipse Christus sit nobis vívere,

nihilque ab eius nos séparet caritáte,
et, beáto monénte Apóstolo,
in dilectióne cum frátribus ambulémus.
Per Christum.

15. DE UNO SANCTO APOSTOLO

Dicitur Missa ut in eius festivitate. Si vero una cum alio Apostolo celebratur, et textus Missæ minus concordant cum ipso, dicitur, cum colore rubro, Missa quæ sequitur.

Ant. ad introitum

Ps 95, 2-3

Annuntiáte de die in diem salutáre Dei,
annuntiáte inter gentes glóriam eius.

Collecta

Róbora in nobis, Dómine, fidem,
qua Fílio tuo beátus N. apóstolus sincéro ánimo adhæsit,
et præsta, ut, ipso deprecánte,
Ecclésia tua
cunctis géntibus salutis fiat sacraméntum.
Per Dóminum.

Sumuntur lectiones ut in eius festivitate. Si vero una cum alio Apostolo celebratur, et textus lectionum Missæ minus concordant cum ipso, lectiones sumuntur de Missa Ss. Simonis et Iudæ, die 28 octobris, ut supra, pp. 1634-1635.

Super oblata

Beáti N. apóstoli commemoratióne
tibi múnera deferéntes,
quæsumus, Dómine,
ut, eius exémplo, digne Evangélio Christi conversántes,
fídei evangélicæ collaborémus.
Per Christum.

Præfatio II de Apostolis, p. 603.

Ant. ad communionem

Lc 22, 29-30

Ego dispóno vobis,
sicut dispósuit mihi Pater meus, regnum,
ut edátis et bibátis super mensam meam in regno meo,
dicit Dóminus.

Post communionem

Súmptimus, Dómine, pignus salútis æternæ,
memóriam beáti N. apóstoli celebrántes,
quod sit nobis, quæsumus,
vitæ præsentis auxiliúm páriter et futúrá.
Per Christum.

16. DE OMNIBUS SANCTIS

In hac Missa adhibetur color albus.

Ant. ad introitum

Gaudent in cælis ánimæ Sanctórum,
qui Christi vestígia sunt secúti:
ídeo cum Christo exsúltant sine fine.

Collecta

Deus, omnis fons sanctitátis,
fac nos in nostra unumquémque vocatióne
digne ambulare,
intercedéntibus Sanctis tuis,
quibus divisiónes gratiárum in terra
et unam in cælo mercédem gloriósam contulísti.
Per Dóminum.

Lectiones de sollemnitate Omnium Sanctorum, die 1 novem-
bris, ut infra:

Lectio prima

Vidi turbam magnam, quam dinumerare nemo poterat, ex omnibus gentibus et tribubus et populis et linguis.

Léctio libri Apocalýpsis beáti Ioánnis apóstoli

7, 2-4. 9-14

Ego Ioánnes vidi álterum ángelum ascendéntem ab ortu solis, habéntem sigillum Dei vivi; et clamávit voce magna quáttuor ángelis, quibus datum est nocére terræ et mari, dicens: « Nolíte nocére terræ neque mari neque arbóribus, quoadúsque signémus servos Dei nostri in fróntibus eórum ». Et audívi númerum signatórum: centum quadragínta quáttuor mília signáti, ex omni tribu filiórum Israel.

Post hæc vidi: et ecce turba magna, quam dinumeráre nemo póterat, ex ómnibus géntibus et tribubus et pópulis et linguis, stantes ante thronum et in conspéctu Agni, amícti stolas albas, et palmæ in mánibus eórum, et clamant voce magna dicétes: « Salus Deo nostro, qui sedet super thronum, et Agno ».

Et omnes ángeli stabant in circúitu throni et seniórurum et quáttuor animálium; et cecidérunt in conspéctu throni in fácies suas, et adoravérunt Deum dicétes: « Amen. Benedíctio et glória et sapiéntia et gratiárum áctio et honor et virtus et fortitúdo Deo nostro in sácula sæculórum. Amen ».

Et respóndit unus de senióribus dicens mihi: « Hi, qui amícti sunt stolis albis, qui sunt et unde venérunt? »

Et dixi illi: « Dómine mi, tu scis ».

Et dixit mihi: « Hi sunt qui véniunt de tribulatióne magna, et lavérunt stolas suas et dealbavérunt eas in ságuine Agni ».

Verbum Dómini.

Psalmus responsorius Ps 23, 1-2. 3-4 ab. 5-6 (R.: 6)

R. Hæc est generatio quærentium faciẽm tuam, Dómine.

1 Dómini est terra et plenitúdo eius,
orbis terrárum et qui hábitant in eo.
2 Quia ipse super mária fundávit eum,
et super flúmina firmávit eum. R.

3 Quis ascéndet in montem Domini,
aut quis stabit in loco sancto eius?
4 Innocens mánibus et mundo corde,
qui non accépit in vanum nomen eius. R.

5 Hic accípiet benedictiónem a Dómino,
et iustificatióem a Deo salutári suo.

6 Hæc est generatio quærentium eum,
quærentium faciẽm Dei Iacob. R.

Lectio secunda

Videbimus Deum sicuti est.

Léctio Epístolæ primæ beáti Ioánnis apóstoli 3, 1-3

Caríssimi:

Vidéte qualem caritátem dedit nobis Pater, ut filii Dei nominémur: et sumus! Propter hoc mundus non cognóscit nos, quia non cognóvit eum.

Caríssimi, nunc filii Dei sumus, et nondum manifestátum est quid érimus. Scimus quóniam, cum ipse apparúerit, símiles ei érimus; quóniam vidébimus eum sicuti est.

Et omnis qui habet spem hanc in eo, castíficat se, sicut ille castus est.

Verbum Dómini.

Alleluia

Mt 11, 28

℟. Allelúia. ℣. Veníte ad me, omnes qui laborátis
et oneráti estis,
et ego reficiam vos, dicit Dóminus.
℟. Allelúia.

Evangelium

*Gaudete et exsultate, quoniam merces vestra
copiosa est in cælis.*

✠ Lécio sancti Evangélíi secúndum Matthæum

5, 1-12 a

In illo témpore:

Videns Iesus turbas, ascéndit in montem; et cum
sedísset, accessérunt ad eum discípuli eius. Et apériens
os suum, docébat eos dicens:

« Beáti páuperes spíritu, quóniam ipsórum est Re-
gnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam
ipsi saturabúntur.

Beáti misericórdes, quia ipsi misericórdiam conse-
quéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutióem patiúntur propter iustítiam,
quóniam ipsórum est Regnum cælórum.

Beáti estis, cum maledíxerint vobis, et persecúti vos
fúerint, et díxerint omne malum advérsus vos, men-
tiéntes, propter me: gaudéte et exsultáte, quóniam
merces vestra copiósa est in cælis ».

Verbum Dómini.

Super oblata

Grata tibi sint, Dómine, múnera,
quæ pro cunctórum offérimus honóre Sanctórum,
et concéde,
ut, quos iam crédimus de sua immortalitáte secúros,
sentiámus de nostra salúte sollicitos.
Per Christum.

Præfatio de Sanctis, pp. 604-605.

Ant. ad communionem**Mt 5, 8-10**

Beáti mundo corde, quóniam ipsi Deum vidébunt;
beáti pacífici, quóniam filii Dei vocabúntur;
beáti qui persecutiónem patiúntur propter iustítiam,
quóniam ipsórum est regnum cælórum.

Post communionem

Deus, qui nos uno pane réficis et una spe sustentas,
tua nos páriter grátia corróbora, ut omnes,
cum Sanctis tuis unum in Christo corpus et unus spíritus,
ad glóriam cum ipso resurgámus.
Per Christum.

MISSÆ DEFUNCTORUM

Quamvis integræ Missæ, cum suis antiphonis et orationibus, commoditatis causa, proponantur, omnes textus cum aliis commutari possunt, præsertim ad orationes quod attinet, mutatis tamen genere aut numero, pro cuiusvis circumstantiæ opportunitate.

Item in orationibus, quæ pro exsequiis aut pro anniversario proponuntur, si in aliis circumstantiis adhibentur, omittantur verba, quæ minus apta evadant.



I. IN EXSEQUIIS

A

Ant. ad introitum

Cf. 4 Esd 2, 34-35

Réquiem ætérnam dona eis, Dómine,
et lux perpétua lúceat eis.

Collecta

Deus, Pater omnípotens,
cuius Fílium mórtuum fuisse et resurrexisse
fides nostra fatétur,
concéde propítius,
ut hoc mystério fámulus tuus N., qui in illo dormívit,
per illum resúrgere lætétur.
Per Dóminum.

Vel:

Deus, cui próprium est miseréri semper et párcere,
te súpplices exorámus pro fámulo tuo N.,
quem (hódie) ad te migráre iussísti,
ut, quia in te sperávit et crédidit,
concédas eum ad veram pátriam perdúci,
et gáudiis pérfrui sempitérnis.
Per Dóminum.

Lectiones ut infra, pp. 1684-1722.

Super oblata

Pro fámuli tui N. salúte
hóstias tibi, Dómine, suppliciter offérimus
tuam cleméntiam deprecánte,
ut, qui Fílium tuum píum Salvatórem esse non dubitávit,
misericórdem Iúdicem invéniat.
Per Christum.

Præfatio de defunctis, pp. 615-619.

Ant. ad communionem

Cf. 4 Esd 2, 35. 34

Lux æténa lúceat eis, Dómine,
cum Sanctis tuis in ætérnum, quia pius es.
Réquiem æténam dona eis, Dómine,
et lux perpétua lúceat eis,
cum Sanctis tuis in ætérnum, quia pius es.

Post communionem

Dómine Deus, cuius Fílius in sacraménto Córporis sui
viaticum nobis relíquit,
concéde propítius, ut per hoc frater noster **N.**
ad ipsam Christi pervéniat mensam æténam.
Per Christum.

B

Ant. ad introitum

Apériat ei Dóminus paradísi iánuam,
ut ad illam pátriam revertátur,
ubi mors non est, ubi ætérnum gáudium persevérat.

Collecta

Deus, misericórdia peccatórum
et tuórum beatitúdo Sanctórum,
da, quæsumus, fámulo tuo **N.**,
cuius depositiónis (hódie)
offícia humanitátis persólvimus,
cum eléctis tuis beáti múnerys portiónem,
ut eum, a mortalitátis nexibus absolútum,
in die resurrectionis ante fáciem tuam
præsentári concédas.
Per Dóminum.

Lectiones ut infra, pp. 1684-1722.

Super oblata

Adesto, Dómine, quæsumus,
pro fámulo tuo **N.**,
cuius in die depositiónis
hoc sacrificium tibi placatiónis offérimus,
ut, si qua ei peccáti mácula inhæsit
aut vítium humánum infécit,
dono tuæ pietátis indúlgeas et abstérgeas.
Per Christum.

Præfatio de defunctis, pp. 615-619.

Ant. ad communionem

Phil 3, 20-21

Salvatórem exspectámus
Dóminum nostrum Iesum Christum,
qui reformábit corpus humilitátis nostræ
configurátum córpori claritátis suæ.

Post communionem

Præsta, quæsumus, omnípotens Deus,
ut fámulus tuus **N.**,
qui (hódie) de hoc sáculo migrávit,
his sacrificiis purgátus et a peccátis expeditus,
resurrectiósni suscípiat gáudia sempitérna.
Per Christum.

C. Aliæ orationes pro Missa exsequiali

Collecta

Deus, cui soli cómpetit vitam post mortem præstáre,
libera fámulum tuum **N.** ab ómnibus peccátis,
ut, qui Christi tui resurrectiósni crédidit,
témptore resurrectiósni gloriósus tibi iungátur.
Per Dóminum.

Super oblata

Omnípotens et miséricors Deus,
his sacrificiis áblue, quæsumus, fámulum tuum **N.**
a peccátis suis in ságuine Christi,
ut, quem mundásti aqua baptísmatis,
indesinéter purífices indulgéntia pietátis.
Per Christum.

Post communionem

Sumpto sacraménto Unigéniti tui,
qui pro nobis immolátus resurrexit in glória,
te, Dómine, suppliciter exorámus pro fámulo tuo **N.**
ut, paschálibus mystériis mundátus,
futúre resurrectionis múnere gloriétur.
Per Christum.

II. IN ANNIVERSARIO

A

Ant. ad introitum

Ap 21, 4

Abstérget Deus omnem lácrimam ab óculis eórum,
et mors ultra non erit, neque luctus, neque clamor,
neque dolor erit ultra, quia prima transiérunt.

Collecta

Deus, glória fidélium et vita iustórum,
cuius Fílii morte et resurrectione redépti sumus,
propitiáre fámulo tuo **N.**,
ut, qui resurrectionis nostræ mystérium agnóvit,
ætérnæ beatitúdinis gáudia percípere mereátur.
Per Dóminum.

Lectioes ut infra, pp. 1684-1722.

Super oblata

Múnera, quæsumus, Dómine,
quæ tibi pro fámulo tuo **N.** offérimus,
placátus inténde,
ut, remédiis purgátus cæléstibus,
in tua glória semper vivus sit et beátus.
Per Christum.

Præfatio de defunctis, pp. 615-619.

Ant. ad communionem

Io 11, 25; 3, 36; 5, 24

Ego sum resurréctio et vita,
dicit Dóminus.
Qui credit in me,
habet vitam ætérrnam,
et in iudícium non venit,
sed tránsiet de morte ad vitam.

Post communionem

Sacris reparáti mystériis,
te, Dómine, suppliciter exorámus,
ut fámulus **N.**, a delíctis ómnibus emundátus,
ætérrno resurrectionis múnere ditári mereáetur.
Per Christum.

B**Ant. ad introitum**

Dómine Iesu, concéde réquiem ætérrnam eis,
pro quibus tuum pretiósum effudísti Sanguinem.

Collecta

Quæsumus, Dómine, ut fámulo tuo **N.**,
cuius depositiónis diem commemorámus,

rorem misericórdiæ tuæ perennem infúndas,
et Sanctórum tuórum largíri dignéris consórtium.
Per Dóminum.

Lectiones ut infra, pp. 1684-1722.

Super oblata

Adésto, Dómine, supplicatióibus nostris
pro fámulo tuo **N.**,
cuius hódie ánnua dies ágitur,
ut, per hoc sacrificium propitiatióis et laudis,
eum Sanctórum tuórum consórtio sociáre dignéris.
Per Christum.

Præfatio de defunctis, pp. 615-619.

Ant. ad communionem

Qui es, Dómine, réquies post labórem,
qui es vita post mortem,
tu dona eis réquiem sempitérnam.

Post communionem

Précibus nostris et sacrificiis, Dómine,
pro fámulo tuo **N.** benígne suscéptis,
te súplices deprecámur,
ut, si quæ ei máculæ peccáti adhæsérunt,
remissióis tuæ misericórdia deleántur.
Per Christum.

C. Aliæ orationes in anniversario

Collecta

Concéde, quæsumus, Dómine,
per beátam Fílii tui passióem,
fámulo tuo **N.** remissióem,

quam semper optávit, peccatórum,
ut, te in veritatē cognóscens,
visiónē tuā iúgiter pérfrui mereátur.
Per Dóminum.

Super oblata

Sacrificium tibi, Dómine, pro fámulo tuo **N.**
supplíciter offérimus,
ut, qui te iam dono tuæ illuminatiónis agnóvit,
tibi adhærere perpétuo lætétur.
Per Christum.

Post communionem

Repléti alimónia reparatiónis et vitæ, quæsumus, Dómine,
ut per eam frater noster **N.**,
ab ómnibus peccátis emundátus,
ad cæléste váleat transíre consórtium.
Per Christum.

D. Aliæ orationes in anniversario

Collecta

Deus indulgentiárum, da fámulo tuo **N.**,
cuius anniversárium depositiόnis diem celebrámus,
refrigérii sedem, quiétis beatitúdinem
et lúminis claritatē.
Per Dóminum.

Super oblata

Supplicatio tibi nostra, Dómine,
et grata páriter exsístat oblátio,
ut fámulo tuo **N.**, pro cuius salute defértur,
plenitúdinem tuæ redemptiόnis acquírat.
Per Christum.

Post communionem

Præsta, quæsumus, omnipotens Deus,
ut famulus tuus N.,
pro quo hoc sacrificium tuæ obtulimus maiestati,
per huius virtutem sacramenti
a peccatis omnibus expiatus,
lucis perpétuæ, te miserante, recipiat beatitudinem.
Per Christum.

III. IN VARIIS COMMEMORATIONIBUS

A. Pro uno defuncto

Ant. ad introitum

Apériat ei Dóminus paradísi iánuam,
ut ad illam pátriam revertátur,
ubi mors non est, ubi gáudium ætérnum perseverat.

Collecta

Deus, Pater omnipotens,
qui nos crucis mystério confirmásti
et Fílii tui resurrectionis sacraménto signásti,
concéde propítius famulo tuo N.,
ut, mortalitátis néxibus expéditus,
electórum tuórum aggregétur consórtio.
Per Dóminum.

Vel:

Inclína, Dómine, aurem tuam ad preces nostras,
quibus misericórdiam tuam súpplīces deprecámur,
ut famulum tuum N.,
quem in hoc sǎculo tuo pópulo misericórditer aggregásti,

in pacis ac lucis regiōne constituas,
et Sanctōrum tuōrum concēdas esse consōrtem.
Per Dóminum.

Lectiones ut infra, pp. 1684-1722.

Super oblata

Propitiāre, quæsumus, Dómine, fámulo tuo **N.**,
pro quo hóstiam tibi laudis immolámus,
te suppliciter deprecāntes,
ut, per hæc piæ placatiōnis offícia,
resúrgere mereátur ad vitam.
Per Christum.

Præfatio de defunctis, pp. 615-619.

Ant. ad communionem

Io 6, 37

Omne quod dat mihi Pater, ad me véniet, dicit Dóminus,
et eum qui venit ad me, non eiciam foras.

Post communionem

Vitálibus refécti sacraméntis, quæsumus, Dómine,
ut frater noster **N.**,
quem testaménti tui partícipem effecísti,
huius mystérii purificátus virtúte,
in pace Christi sine fine lætétur.
Per Christum.

B. Pro uno defuncto

Ant. ad introitum

Iob 19, 25. 26

Scio quod Redémptor meus vivit,
et in novíssimo die de terra surrectúrus sum,
et in carne mea vidébo Deum meum.

Collecta

Absólve, quæsumus, Dómine, fámulum tuum **N.**
ab omni vínculo delictórum,
ut, qui in hoc sáculo Christo méruit conformári,
in resurrectionis glória
inter Sanctos tuos resuscitátus respíret.
Per Dóminum.

Lectiones ut infra, pp. 1684-1722.

Super oblata

Annue nobis, quæsumus, Dómine,
ut fámulo tuo **N.** hæc prosit oblátio,
quam immolándo, totíus mundi tribuísti relaxári delícta.
Per Christum.

Præfatio de defunctis, pp. 615-619.

Ant. ad communionem

Cf. Io 6, 50

Hic est panis de cælo descéndens, dicit Dóminus;
si quis ex ipso manducáverit, non moriétur in ætérnum.

Post communionem

Prosit, quæsumus, Dómine, fámulo tuo **N.**
sacrificíum Ecclésiæ tuæ,
ut, cum Sanctis, Christi consórtium invéniat,
cuius misericórdiæ consecútus est sacraméntum.
Per Christum.

C. Pro pluribus aut pro omnibus defunctis**Ant. ad introitum**

Dona eis, Dómine, réquiem sempitérnam
et imple splendóribus ánimas eórum.

Collecta

Deus, qui Unigénitum tuum, devícta morte,
ad cæléstia transíre fecísti,
concéde fámulis tuis (N. et N.),
ut, huius vitæ mortalitáte devícta,
te conditórem et redemptórem
possint perpétuo contemplári.
Per Dóminum.

Vel:

Fidélium, Deus, ómnium cónditor et redémptor,
fámulis tuis remissionem cunctórum tríbue peccatórum,
ut indulgéntiam, quam semper optavérunt,
piis supplicatióibus consequántur.
Per Dóminum.

Lectiones ut infra, pp. 1684-1722.

Super oblata

Hóstias, quæsumus, Dómine,
quas tibi pro fámulis tuis offérimus,
propitiátus inténde,
ut, quibus fídei cristiánæ méritum contulísti,
dones et præmium.
Per Christum.

Præfatio de defunctis, pp. 615-619.

Ant. ad communionem

1 Io 4, 9

Fílium suum unigénitum misit Deus in mundum,
ut vivámus per eum.

Post communionem

Múltiplica, Dómine, his sacrificiis susceptis,
super fámulos tuos defúctos misericórdiam tuam,

et, quibus donásti baptísmi grátiam,
da eis æternórum plenitúdinem gaudiórum.
Per Christum.

Vel:

Fámulis tuis, quæsumus, Dómine,
orátio proficiat supplicántium,
ut eos, his sacrificiis, et a peccátis ómnibus éxuas,
et æternæ salvatiónis fácias esse partícipes.
Per Christum.

D. Pro pluribus aut pro omnibus defunctis

Ant. ad introitum

Io 3, 16

Sic Deus diléxit mundum,
ut Fílium suum unigénitum daret;
ut omnis qui credit in ipsum non péreat,
sed hábeat vitam æternam.

Collecta

Omnípotens sempitérne Deus,
vita mortálium et exsultátio Sanctórum,
te súplices exorámus pro fámulis tuis (**N. et N.**),
ut, mortalitátis nexibus expéditi,
regnum tuum in glória possídeant sempitérna.
Per Dóminum.

Vel:

Omnípotens sempitérne Deus,
qui vivórum domináris simul et defunctórum,
omniúmque miseréris,
te supplicíter exorámus,
ut, pro quibus effúndimus preces,
pietátis tuæ cleméntia

delictórum suórum véniam consequántur,
et de te beáti congáudeant ac te sine fine colláudent.
Per Dóminum.

Lectiones ut infra, pp. 1684-1722.

Super oblata

Pro fámulis tuis N. et N.
et ómnibus in Christo dormiéntibus
hóstiam, Dómine, súscipe benígnus oblátam,
ut, per hoc sacrificíum singuláre vínculis mortis exúti,
vitam mereántur ætérrnam.
Per Christum.

Præfatio de defunctis, pp. 615-619.

Ant. ad communionem

Phil 3, 20-21

Salvatórem expectámus
Dóminum nostrum Iesum Christum,
qui reformábit corpus humilitátis nostræ
configurátum córpori claritátis suæ.

Post communionem

Divína participátes mystéria,
quæsumus, omnípotens Deus,
ut hæc éadem nobis proficiant ad salútem,
et fámulis tuis defúnttis,
pro quibus tuam deprecámur cleméntiam,
prosint ad indulgéntiam.
Per Christum.

E. Pro pluribus aut pro omnibus defunctis

Ant. ad introitum

Ap 14, 13

Beáti mórtui, qui in Dómino moriúntur.
Amodo requiéscant a labóribus suis:
ópera enim illórum sequúntur illos.

Collecta

Deus, cuius miseratione fideles requiescunt,
famulis tuis **N.** et **N.** et omnibus in Christo quiescentibus
da propitius veniam peccatorum,
ut, a cunctis reatibus absoluti,
Christi tui resurrectioni socientur.
Qui tecum vivit.

Vel:

Quæsumus, Domine,
famulis tuis defunctis misericordiam concede perpetuam,
ut eis proficiat in æternum
quod in te speraverunt et crediderunt.
Per Dominum.

Lectiones ut infra, pp. 1684-1722.

Super oblata

Múnera, Domine, quæsumus,
quæ pro tuorum réquie famulorum offerimus,
placatus inténde,
ut, per hæc salutis humanæ subsidia,
tuorum número redemptorum sorte perpetua censeantur.
Per Christum.

Præfatio de defunctis, pp. 615-619.

Ant. ad communionem

Pro quorum memoria Corpus et Sanguis Christi sumitur,
dona eis, Domine, requiem sempiternam.

Post communionem

Sumpsimus, Domine, redemptionis sacramenta,
tuam clementiam obsecrantes,
ut, te miserante, nobis viventibus tutelam obtineant,
et defunctis nostris veniam sempiternam.
Per Christum.

Vel:

Invéniant, quæsumus, Dómine, fámuli tui,
omnésque in Christo quiescéntes,
lucis æternæ consórtium,
qui, in hac luce pósito, tuum consecúti sunt sacraméntum.
Per Christum.

IV. ORATIONES PRO DEFUNCTIS

1. PRO PAPA

A

Collecta

Deus, fidélis remunerátor animárum,
præsta, ut fámulus tuus Papa noster **N.**,
quem Petri constituísti vicárium
et Ecclésiæ tuæ pastórem,
grátiae et miseratiónis tuæ mystériis,
quæ fidénter dispensávit in terris,
lætánter apud te perpétuo fruátur in cælis.
Per Dóminum.

Super oblata

Quæsumus, Dómine, ut, per hæc piæ placatiónis officia,
fámulum tuum Papam nostrum **N.**
beáta retribútio comitétur,
et misericórdia tua nobis grátiae dona concíliet.
Per Christum.

Post communionem

Divínæ tuæ communionis refécti sacraméntis,
quæsumus, Dómine,
ut fámulus tuus Papa noster **N.**

quem Ecclesiæ tuæ
visibile voluisti fundaméntum unitátis in terris,
beatitudíni gregis tui feliciter aggregétur.
Per Christum.

B**Collecta**

Deus, qui Ecclesiæ tuæ fámulum tuum Papam nostrum **N.**
ineffábili tua dispositióne præesse voluisti,
præsta, quæsumus, ut, qui Fílii tui vices gerébat in terris,
ab ipso in glória recipiátur æténa.
Per Dóminum.

Super oblata

Múnera, Dómine, supplicántis Ecclesiæ réspice propítius,
et, huius sacrificií virtúte, concéde,
ut fámulus tuus Papa noster **N.**,
quem sacerdotem magnum tuo gregi præfecisti,
in electórum tuórum número constituas sacerdotum.
Per Christum.

Post communionem

Caritátis tuæ, Dómine, suméntes sacra subsidia,
quæsumus, ut fámulus tuus Papa noster **N.**
misericórdiam tuam in Sanctórum glória
perpétuo colláudet, qui fidélis éxstitit
mysteriórum tuórum dispensátor in terris.
Per Christum.

C**Collecta**

Deus, immortalis pastor animárum,
réspice pópulum supplicántem, et præsta,
ut fámulus tuus Papa noster **N.**

qui Ecclesiæ tuæ in caritate præfuit,
fidélis dispensatóris remuneratióem
cum grege sibi crédito misericórditer consequátur.
Per Dóminum.

Super oblata

Oblatióem pacíficam pópuli tui, quæsumus, Dómine,
propítius intuére,
qua fámulum tuum Papam nostrum **N.**
tuæ misericórdiæ fidénter commítimus, et præsta,
ut, qui tuæ caritátis et pacis
in humána família fuit instruméntum,
eárum fructu cum Sanctis tuis perpétuo lætári mereátur.
Per Christum.

Post communionem

Ad mensam æténi accedéntes convívii,
misericórdiam tuam, Dómine,
pro fámulo tuo Papa nostro **N.**
suppliciter implorámus,
ut veritátis possessióne tandem congáudeat,
in qua pópulum tuum fidénter confirmávit.
Per Christum.

2. PRO EPISCOPO

A. Pro Episcopo diæcesano

Collecta

Da, quæsumus, omnípotens Deus,
ut fámulus tuus **N.** epíscopus noster,
cui famíliæ tuæ curam tradidísti,
cum múltiplici labóris fructu
gáudia Dómini sui ingrediátur æténa.
Per Dóminum.

Super oblata

Imménsam cleméntiam tuam, Dómine,
supplíciter implorámus,
ut hoc sacrificium,
quod fámulus tuus **N.** epíscopus noster,
dum esset in córpore,
maiestáti tuæ pro salúte fidélium óbtulit,
ipsi nunc prosit ad véniam.
Per Christum.

Post communionem

Prosit, quæsumus, Dómine,
fámulo tuo **N.** epíscopo nostro
misericórdiæ tuæ imploráta cleméntia,
ut Christi, in quo sperávit et quem prædicávit,
æténum cápiat, his sacrificiis, consórtium.
Per Christum.

B. Pro alio Episcopo**Collecta**

Deus, qui inter apostólicos sacerdótes
fámulum tuum **N.** epíscopum (**vel** cardinálem)
pontificáli fecísti dignitáte vigére,
præsta, quæsumus,
ut eórum quoque perpétuo aggregétur consórtio.
Per Dóminum.

Super oblata

Súscipe, Dómine, quæsumus,
pro fámulo tuo **N.** epíscopo (**vel** cardináli)
quas tibi offérimus hóstias,
ut, cui in hoc sæculo pontificále donásti méritum,
in cælésti regno
Sanctorum tuórum iúbeas iungi consórtio.
Per Christum.

Post communionem

Quæsumus, omnipotens et miséricors Deus,
ut fámulum tuum **N.** episcopum (**vel** cardinále),
quem in terris pro Christo legatióne fungi tribuísti,
his emundátum sacrificiis,
consedére fácias in cæléstibus cum ipso.
Per Christum.

3. PRO SACERDOTE**A****Collecta**

Præsta, quæsumus, Dómine,
ut fámulus tuus **N.** sacérdos,
quem in hoc sáculo commorántem
sacris munéribus decorásti,
in cælésti sede gloriósus semper exsúltet.
Per Dóminum.

Super oblata

Concéde, quæsumus, omnipotens Deus,
ut fámulus tuus **N.** sacérdos,
per hæc sancta mystéria,
conspéctu semper claro conspíciat
quæ hic fidéliter ministrávit.
Per Christum.

Post communionem

Sumptis salutáribus sacraméntis,
implorámus, Deus, cleméntiam tuam,
ut fámulum tuum **N.** sacerdotem,
quem fecísti mysteriórum tuórum dispensatórem in terris,
eórum fácias in cælis apérta veritáte nutriri.
Per Christum.

B**Collecta**

Preces nostras, quæsumus, Dómine,
quas pro fámuli tui **N.** sacerdótis salúte
supplíciter deférimus,
propitiátus exáudi,
ut, qui nómini tuo ministérium fidéle depéndit,
perpétua Sanctorum tuórum societáte lætétur.
Per Dóminum.

Super oblata

Quæsumus, Dómine, cleméntiam tuam,
ut hoc sacrificium servitútis nostræ,
pro fámulo tuo **N.** sacerdóte oblátum,
ipsi nunc prosit ad véniam,
qui illud in Ecclésia devóta tibi mente exhibuit.
Per Christum.

Post communionem

Mensæ cæléstis alimónia refécti,
te, Dómine, supplíciter exorámus,
ut, huius virtúte sacrificii,
fámulus tuus **N.** sacerdos
ante conspéctum tuum semper exsúltet,
qui in Ecclésia tua fidéliter ministrávit.
Per Christum.

4. PRO DIACONO**Collecta**

Concéde, quæsumus, miséricors Deus,
fámulo tuo **N.** diácono felicitátis æternæ consórtium,
cui donásti in Ecclésia tua cónsequi ministérium.
Per Dóminum.

Super oblata

Propitiare, Dómine, fámulo tuo **N.** diácono,
pro cuius salúte hoc tibi sacrificium offérimus,
ut, sicut Christo Fílio tuo ministrávit in carne,
cum fidélibus servis exsúrgat in glóriam sempitérnam.
Per Christum.

Post communionem

Munéribus sacris repléti,
te, Dómine, humíliter deprecámur,
ut per hoc sacrificium fámulum tuum **N.** diáconum,
quem inter servos Ecclésiæ tuæ vocásti,
a mortis vínculis absolútum,
cum iis qui bene ministravérunt partem recípere
et in gáudium tuum intráre benígne concédas.
Per Christum.

5. PRO RELIGIOSO**Collecta**

Præsta, quæsumus, omnípotens Deus, ut fámulus tuus **N.**,
qui pro Christi amóre perféctæ caritátis viam percúrrit,
in advéntu glóriæ tuæ lætétur,
et cum frátribus suis
de regni tui beatitúdine gáudeat sempitérna.
Per Dóminum.

6. PRO UNO DEFUNCTO**A****Collecta**

Deus, apud quem mórtui vivunt
et in quo Sancti tui plena felicitáte lætántur,
præsta supplicántibus nobis,

ut fámulus tuus **N.**,
qui nunc temporáli huius mundi lúmine caret,
ætérnæ tuæ lucis solátio perfruátur.
Per Dóminum.

Super oblata

Pláceat tibi, Dómine, sacrificii præsentis oblátio,
ut fámulus tuus **N.**,
peccatórum véniam, quam quæsívit,
te miseránte invéniens,
cum Sanctis tuis semper exsúltet,
et glóriam tuam in ætérnum colláudet.
Per Christum.

Post communionem

Suméntes dona cæléstia, grátias tibi, Dómine, reférimus,
humíliter deprecántes, ut fámulus tuus **N.**,
per Fílii tui passióem a peccatórum vínculis absolútus,
feliciter váleat ad te perveníre.
Per Christum.

B

Collecta

Ascéndant ad te, Dómine, preces nostræ,
et fámulum tuum **N.** gáudia ætérna suscípiant,
ut, quem ad imáginem tuam créare dignátus es
et adoptiόνis partícipem fecísti,
iúbeas hereditátis tuæ esse consórtem.
Per Dóminum.

Super oblata

Oblatióem nostram, quæsumus, Dómine,
quam pro fámulo tuo **N.** fidénter exhibémus,
placátus accípias,

ut ei per hoc sacrificium,
quod cunctis esse remedium singulare voluisti,
salutem tribuas sempiternam. Per Christum.

Post communionem

Recreati sacri muneris alimonia, quaesumus, Domine,
ut frater noster N., mortis vinculis absolutus,
resurrectionis Filii tui participatione laetetur.
Per Christum.

C

Collecta

Inclina, Domine, precibus nostris aures tuae pietatis,
et famulo tuo N.
remissionem omnium tribue peccatorum,
ut in resurrectionis die vivat,
et in lucis amenitate requiescat.
Per Dominum.

Super oblata

Omnipotens sempiternus Deus,
cuius Filius panem vitae nobis prae-buit semetipsum,
et Sanguinem suum in poculum salutis effudit,
miserere famuli tui N.,
ut, quod tibi offerimus, sit illi causa salutis.
Per Christum.

Post communionem

Aeternae pignus vitae capientes,
te, Domine, humiliter imploramus pro famulo tuo N.,
ut, mortalibus nexibus expeditus,
redemptorum possit adunari consortio.
Per Christum.

7. PRO IUVENE DEFUNCTO

Collecta

Deus, qui ómnium hóminum vitam
moderáris et témpora,
hunc fámulum tuum **N.**,
quem consummátum in brevi deflémus,
tibi humíliter commendámus,
ut in beatitúdine domus tuæ
perénni fácias iuventúte vigére.
Per Dóminum.

8. PRO DEFUNCTO
QUI IN SERVITIO EVANGELII LABORAVIT

Collecta

Misericórdiam tuam, Dómine,
pro fámulo tuo **N.** súpplīces deprecámur,
ut, qui pro Evangélio dilatádo allaborávit assíduus,
ad præmia regni mereátur intráre secúrus.
Per Dóminum.

9. PRO DEFUNCTO
POST LONGAM INFIRMITATEM CONSUMPTO

Collecta

Deus, qui fámulo tuo **N.** dedísti
in ærúmnis tibi et infirmitáte servíre,
concéde, quæsumus,
ut, qui Fílii tui secútus est patiéntiæ documéntum,
eiusdem glóriæ consequátur et præmium.
Per Dóminum.

10. PRO DEFUNCTO REPENTINA MORTE SUBLATO

Collecta

Imménsam, Dómine, tuæ bonitátis osténde virtútem,
ut, qui fratrem nostrum **N.**
repentína flemus morte sublátum,
ad tuum confidámus transísse consórtium.
Per Dóminum.

11. PRO PLURIBUS DEFUNCTIS

A

Collecta

Propitiáre, Dómine, fámulis tuis **N.** et **N.**,
ut, quos regeneratiónis fonte mundásti,
ad cæléstis vitæ beatitúdinem fácias perveníre.
Per Dóminum.

Super oblata

Pro fámulis tuis **N.** et **N.**, Dómine,
tibi sacrificium offeréntes,
súplices exorámus,
ut ad tuam misericórdiam illis conferéndam perpétuam
dignánte vota nostra perfícias.
Per Christum.

Post communionem

Sumptis, Dómine, cæléstibus sacraméntis,
tuam cleméntiam humíliter deprecámur,
ut fámuli tui,
percipiéntes hoc múnere véniam peccatórum,
regnum tuum introíre,
teque in ætérnum mereántur collaudáre.
Per Christum.

B**Collecta**

Tibi, Dómine, commendámus fámulos tuos **N.** et **N.**,
ut defúnti sáculo tibi vivant,
et quæ, per fragilitátem carnis, peccáta
in mundi conversatióne commiserunt,
tu vénia misericordíssimæ pietátis abstérge.
Per Dóminum.

Super oblata

Propitiáre, quæsumus, Dómine,
fámulis tuis **N.** et **N.**,
pro quibus tibi hóstias placatiónis offérimus,
et quia in hac vita tibi mansérunt fidéles,
apud te pia illis retribútio donétur.
Per Christum.

Post communionem

Præsta, quæsumus, omnípotens Deus,
ut fámulos tuos, per huius sacraménti virtútem,
in congregatióne iustórum
ætérnæ beatitúdinis iúbeas esse consórtes.
Per Christum.

C**Collecta**

Omnípotens sempitérne Deus,
cui numquam sine spe misericórdiæ supplicátur,
propitiáre fámulis tuis **N.** et **N.**,
ut, qui de hac vita in tui nóminis confessiône discessérunt,
Sanctórum tuórum número fácias aggregári.
Per Dóminum.

Super oblata

Dómine Deus, cuius Fílius
se tibi óbtulit hóstiam vivam,
áccipe, quæsumus, Ecclésiæ tuæ sacrificium,
ut fámuli tui **N.** et **N.**, a peccátis ómnibus absolúti,
ad præmium immortalitátis mereántur pertíngere.
Per Christum.

Post communionem

Puríficent nos, quæsumus,
omnípotens et miséricors Deus,
sacraménta quæ sumpsimus, et præsta,
ut hoc sacrificium sit nobis intercéssio ad véniam,
sit fragílium fortitúdo,
sit in ómnibus firmaméntum,
sit vivis atque defúntis remíssio ómnium peccatórum,
et pignus redemptionis ætérynæ.
Per Christum.

12. PRO CONIUGIBUS DEFUNCTIS**Collecta**

Fámulos tuos **N.** et **N.**,
quæsumus, Dómine, miserátus absólve,
ut, quos coniugális amor in hac vita fidéliter sociávit,
in ætéRNA, tuæ caritátis plenitúdo coniúngat.
Per Dóminum.

Vel (pro uno tantum coniuge defuncto):

Fámulum tuum (Fámulam tuam) **N.**,
quæsumus, Dómine,
miserátus absólve,
et fámulam tuam (fámulum tuum) **N.**

continua pietate custodi,
ut, quos coniugalis amor in hac vita fideliter sociavit,
in æterna, tuæ caritatis plenitudo coniungat.
Per Dóminum.

13. PRO PARENTIBUS

Collecta

Deus, qui nos patrem et matrem honorare præcepisti,
miserere clementer patri et matri meæ
(paréntibus nostris),
eorúmque peccata dimitte,
meque (nosque) eos in æternæ claritatis gaudio
fac videre.
Per Dóminum.

Super oblata

Súscipe sacrificium, Dómine,
quod tibi pro patre et matre mea
(paréntibus nostris) offérimus,
eisque gáudium sempiternum
in regione vivórum concéde,
meque (nosque) cum illis
felicitati Sanctorum coniúge.
Per Christum.

Post communionem

Cælestis participatio sacraménti,
quæsumus, Dómine,
patri et matri meæ (paréntibus nostris)
réquiem et lucem obtíneat perpétuam,
meque (nosque) cum illis glória tua sátiat sempiterna.
Per Christum.

14. PRO DEFUNCTIS FRATRIBUS, PROPINQUIS ET BENEFACTORIBUS

Collecta

Deus, vénia largitor et humánæ salútis amátor,
quæsumus cleméntiam tuam,
ut nostræ congregatiónis fratres,
propínquos et benefactóres,
qui ex hoc sáculo transiérunt,
beáta María semper Vírgine intercedénte
cum ómnibus Sanctis tuis,
ad perpétuæ beatitúdinis consórtium perveníre concédas.
Per Dóminum.

Super oblata

Deus, cuius misericórdiæ non est númerus,
súscipe propítius preces humilitátis nostræ,
et animábus fratrum,
propinquórum et benefactórum nostrórum,
per hæc sacraménta salútis nostræ,
cunctórum remissionem tríbue peccatórum.
Per Christum.

Post communionem

Præsta, quæsumus, omnipotens et miséricors Deus,
ut ánimæ fratrum, propinquórum
et benefactórum nostrórum,
pro quibus hoc sacrificium laudis
tuæ obtúlimus maiestáti,
per huius virtútem sacraménti
a peccátis ómnibus expiátæ,
lucis perpétuæ, te miseránte, recípiant beatitúdinem.
Per Christum.

Lectio prima

1

Scio quod Redemptor meus vivit.

Lectio libri Iob

19, 1. 23-27 a

Respóndens Iob dixit: « Quis mihi tríbuat ut scribántur sermónes mei? Quis mihi det ut exaréntur in libro stilo férreo, et plumbi lámina vel celte sculpántur in sílice?

Scio enim quod redémptor meus vivit, et in novísimo die de terra surrectúrus sum. Et rursum circúmdabor pelle mea et in carne mea vidébo Deum meum. Quem visúrus sum ego ipse ». — Verbum Dómini.

Psalmus responsorius

Ps 26, 1. 4. 7 et 8 b et 9 a. 13-14 (R.: 13)

R. Credo vidére bona Dómini in terra vivéntium.

1 Dóminus illuminátio mea et salus mea, quem timébo?
Dóminus protéctor vitæ meæ, a quo trepidábo? R.

4 Unum pétii a Dómino, hoc requíram:
ut inhábitem in domo Dómini
ómnibus diébus vitæ meæ,
ut vídeam voluptátem Dómini et vísitem templum eius. R.

7 Exáudi, Dómine, vocem meam qua clamávi,
miserére mei et exáudi me.

8 Fáciem tuam, Dómine, requíram.
9 Ne avértas fáciem tuam a me. R.

13 Credo vidére bona Dómini in terra vivéntium.

14 Exspécta Dóminum, viríliter age,
et confortétur cor tuum, et sústine Dóminum. R.

2

* *Quasi holocausti hostiam accepit illos.*

Lectio libri Sapiéntiæ

3, 1-9

Iustórum ánimæ in manu Dei sunt, et non tanget illos torméntum mortis. Visi sunt óculis insipiéntium mori, et æstimáta est afflíctio éxitus illórum, et quod a nobis est iter, exterminium; illi autem sunt in pace.

Et si coram homínibus torménta passi sunt, spes illórum immortalitáte plena est.

In paucis vexáti in multis bene disponéntur, quóniam Deus tentávit eos et invénit illos dignos se.

Tamquam aurum in fornáce probávit illos, et quasi holocáusti hóstiám accépit illos, et in témpore erit respéctus illórum.

Fulgébunt iusti et tamquam scintillæ in arundineto discúrrent; iudicábunt nátiónes et dominabúntur pópulis, et regnábit Dóminus illórum in perpétuum.

Qui confídunt in illo intéllegent veritátem, et fidéles in dilectióne acquiescent illi, quóniam donum et pax est eléctis eius. — Verbum Dómini.

vel brevior

Lectio libri Sapiéntiæ

3, 1-6. 9

Iustórum ánimæ in manu Dei sunt, et non tanget illos torméntum mortis. Visi sunt óculis insipiéntium mori, et æstimáta est afflíctio éxitus illórum, et quod a nobis est iter, exterminium; illi autem sunt in pace.

Et si coram homínibus torménta passi sunt, spes illórum immortalitáte plena est.

In paucis vexáti in multis bene disponéntur, quóniam Deus tentávit eos et invénit illos dignos se.

Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum.

Qui confidunt in illo intéllegent veritátem, et fidéles in dilectióne acquiescent illi, quóniam donum et pax est eléctis eius. — Verbum Dómini.

Psalmus responsorius

Ps 114, 5 et 6; 115, 10-11. 15-16 ac (R.: Ps 114, 9)

R. Ambulábo coram Dómino in regiône vivéntium.

vel Allelúia.

- 5 Miséricors Dóminus et iustus,
et Deus noster miserétur.
- 6 Custódiens párvulos Dóminus;
humiliátus sum, et salvum me fáciat. R.
- 10 Crédidi, étiam cum locútus sum:
« Ego humiliátus sum nimis ».
- 11 Ego dixi in trepidatióne mea:
« Omnis homo mendax ». R.
- 15 Pretiósá in conspéctu Dómini
mors sanctórum eius.
- 16 O Dómine, ego servus tuus.
Dirupísti víncula mea. R.

3

Ætas senectutis vita immaculata.

Léctio libri Sapiéntiæ

4, 7-15

Iustus, si morte præoccupátus fúerit, in refrigerio erit; senéctus enim venerábilis est non diutúrna neque annórum número computáta; cani autem sunt sensus hóminis, et ætas senectútis vita immaculáta.

Placens Deo factus est diléctus, et vivens inter peccatóres translátus est: raptus est, ne malítia mutáret intelléctum eius, aut ne fíctio decíperet ánimam illíus; fascinátio enim nugacitátis obscurat bona, et inconstántia concupiscéntiæ transvértit sensum sine malítia.

Consummátus in brevi explévit témpora multa; plácita enim erat Deo ánima illíus, propter hoc prope-rávit edúcere illum de médio iniquitátum.

Pópuli autem vidéntes et non intellegéntes, nec ponéntes in præcórdiis tália, quóniam grátia Dei et misericórdia est in sanctos eius et respéctus in eléctos illíus. — Verbum Dómini.

Psalmus responsorius Ps 22, 1-3. 4. 5. 6 (R.: 4 a b)

R. Si ambulávero in valle umbræ mortis,
non timébo mala, quóniam tu mecum es.

1 Dóminus pascit me, et nihil mihi déerit:
2 in páscuis viréntibus me collocávit,
super aquas quiétis edúxit me,
3 ánimam meam refécit.

Dedúxit me super sémitas iustítiæ propter nomen suum R.

4 Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus
ipsa me consoláta sunt. R.

5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. R.

6 Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitudínem diérum. R.

Præcipitabit Dominus mortem in sempiternum.

Léctio libri Isaíæ prophétæ

25, 6 a. 7-9

In die illa:

Fáciet Dóminus exercítuum ómnibus pópulis in monte hoc convívium pínguim.

Et præcipitábit in monte isto fáciem vínculi coligáti super omnes pópulos, et telam quam ordítus est super omnes natiónes.

Præcipitábit mortem in sempitérnum, et áuferet Dóminus Deus lácrimam ab omni fácie, et oppróbrium pópuli sui áuferet de univérsa terra, quia Dóminus locútus est.

Et dicet in die illa: « Ecce Deus noster iste, exspectávimus eum, et salvábit nos; iste Dóminus, sustinúimus eum: exsultávimus et lætábimur in salutári eius ».

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

¹ Dóminus pascit me, et nihil mihi déerit:

² in páscuis viréntibus me collocávit,

super aquas quiétis edúxit me,

³ ánimam meam refécit.

Dedúxit me super sémitas iustítiæ propter nomen suum R.

⁴ Nam et si ambulávero in valle umbræ mortis,
non timébo mala, quóniam tu mecum es.

Virga tua et báculo tuus

ipsa me consoláta sunt. R.

Parásti in conspéctu meo mensam
advérsus eos qui tríbulant me;

impinguásti in óleo caput meum,
et calix meus redúndat. *R.*

⁶ Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. *R.*

5

Bonum est præstolari cum silentio salutare Dei.

Léctio libri Lamentatiónum

3, 17-26

Repúlsa est a pace ánima mea, oblítus sum bonórum,
et dixi: « Périit finis meus, et spes mea a Dómino ».

Recordáre paupertátis et transgressiόνis meæ, ab-
sínthii et fellis; memória memor ero et tabéscet in me
ánima mea: hæc récolens in corde meo, ídeo sperábo.

Misericórdiæ Dómini, quia non sumus consúpti,
quia non defecérunt miseratiónes eius. Novi dilúculo,
multa est fides tua.

« Pars mea Dóminus », dixit ánima mea; proptérea
exspectábo eum.

Bonus est Dóminus sperántibus in eum, ánimæ
quærénti illum; bonum est præstolari cum siléntio sa-
lutáre Dei. — Verbum Dómini.

Psalmus responsorius

Ps 24, 6-7 bc. 17-18. 20-21 (*R.*: 3 b)

R. Qui sústinent te, Dómine, non confundéntur.

⁶ Reminíscere miseratiónum tuárum, Dómine,
et misericordiárum tuárum, quóniam a sæculo sunt.

⁷ Secúndum misericórdiam tuam meménto mei tu,
propter bonitátem tuam, Dómine. *R.*

- 17 Diláta angústias cordis mei,
et de necessitátibus meis érue me.
- 18 Vide humilitátem meam et labórem meum,
et dimítte univérsa delícta mea. *R.*
- 20 Custódi ánimam meam, et érue me;
non erubéscam, quóniam sperávi in te.
- 21 Innocéntia et áquitas custódiánt me,
quia sustínui te. *R.*

6

Qui dormiunt in terræ pulvere evigilabunt.

Léctio libri Daniélis prophétæ

12, 1-3

In diébus illis, ego Dániel lugébam, et audívi hoc verbum Dómini: « In témpore illo consúrget Míchaél princeps magnus, qui stat pro filiis pópuli tui; et véniet tempus quale non fuit ab eo ex quo gentes esse cœpérunt usque ad tempus illud.

Et in témpore illo salvábitur pópulus tuus, omnis qui invéntus fúerit scriptus in libro.

Et multi de his qui dórmiunt in terræ púlvere evigilábunt: álíi in vitam ætérnam, et álíi in oppróbrium, ut vídeant semper.

Qui autem docti fúerint fulgébunt quasi splendor firmaménti, et qui ad iustítiam erúdiunt multos, quasi stellæ in perpétuas æternitátes ». — Verbum Dómini.

Psalmus responsorius Ps 41, 2. 3. 5 bcd (*R.*: 3 a)

R. Sitívit ánima mea ad Deum vivum.

- 2 Quemádmódum desíderat cervus ad fontes aquárum,
ita desíderat ánima mea ad te, Deus. *R.*

3 Sitívit ánima mea ad Deum, Deum vivum:
quando véniam et apparebo ante fáciem Dei? *R.*

5 Quóniam transíbam in locum tabernáculi admirábilis
usque ad domum Dei,
in voce exsultatiónis et confessiónis. *R.*

7

Bene et religiose de resurrectione cogitans.

Léctio libri secúndi Machabæórum 12, 43-46

In diébus illis:

Facta collatióne, duódecim mília drachmas argénti misit Iudas, princeps Israel, Ierosólyman offérri pro peccátis mortuórum sacrificium, bene et religióse de resurrectióne cógitans (nisi enim eos, qui ceciderant, resurrectúros speráret, supérfluum viderétur et vanum oráre pro mórtuis), et quia considerábat quod hi, qui cum pietáte dormitiónem accéperant, óptimam habérent repósitam grátiam.

Sancta ergo et salúbris est cogitatio pro defúntis exoráre, ut a peccátis solvántur. — Verbum Dómini.

Psalmus responsorius

Ps 102, 8 et 10. 13-14. 15-16. 17-18 (*R.*: Ps 36, 39 a)

R. Salus iustórum a Dómino.

8 Misérator et miséricors Dóminus,
longánimis et multæ misericórdiæ.

10 Non secúndum peccáta nostra fecit nobis,
neque secúndum iniquitátes nostras retríbuit nobis. *R.*

13 Quómodo miserétur pater filiórum,
misértus est Dóminus timéntibus se.

14 Quóniam ipse cognóvit figméntum nostrum,
recordátus est quóniam pulvis sumus. *R.*

15 Homo sicut fenum dies eius,
tamquam flos agri sic efflorebit.

16 Spirat ventus in illum, et non subsístet,
et non cognóscet eum ámplius locus eius. *R.*

17 Misericórdia autem Dómini ab ætérno
et usque in ætérnum super timéntes eum,
et iustítia illíus in fílios filiórum;

18 in eos qui servant testaméntum eius,
et mémoires sunt mandatórum ipsíus ad faciéndum ea. *R.*

Lectio secunda

1

*Iustificati in sanguine ipsius, salvi erimus
ab ira per ipsum.*

Léctio Epístolæ beáti Pauli apóstoli ad Romános

Fratres:

5, 5-11

Spes non confúndit, quia caritas Dei diffúsa est in córdibus nostris per Spíritum Sanctum, qui datus est nobis. Adhuc enim Christus, cum adhuc infírmi essémus, secúndum tempus pro ímpiis mórtuus est. Vix enim pro iusto quis móritur; nam pro bono fórsitan quis et áudeat mori.

Comméndat autem suam caritátem Deus in nos, quóniam, cum adhuc peccatóres essémus, Christus pro nobis mórtuus est.

Multo igitur magis iustificáti in ságuine ipsíus, salvi érimus ab ira per ipsum.

Si enim, cum inimíci essémus, reconciliáti sumus Deo per mortem Fílii eius, multo magis reconciliáti salvi érimus in vita ipsíus. Non solum autem, sed et gloriámur

in Deo per Dóminum nostrum Iesum Christum, per quem nunc reconciliatióem accévimus.

Verbum Dómini.

2

Ubi abundavit peccatum, superabundavit gratia.

Léctio Epístolæ beáti Pauli apóstoli ad Romános

5, 17-21

Fratres:

Si uníus delícto mors regnávit per unum, multo magis qui abundántiam grátiae et donatiónis iustítiæ accipiunt, in vita regnábunt per unum Iesum Christum.

Igitur, sicut per uníus delíctum in omnes hómines in condemnatióem, sic et per uníus iustítiam in omnes hómines in iustificatióem vitæ.

Sicut enim per inobædiéntiam uníus hóminis, peccatóres constitúti sunt multi, ita et per uníus obæditióem iusti constituéntur multi. Lex autem subintrávit ut abundáret delíctum.

Ubi autem abundávit peccátum, superabundávit grátia; ut, sicut regnávit peccátum in morte, ita et grátia regnet per iustítiam in vitam ætérrnam, per Iesum Christum Dóminum nostrum. — Verbum Dómini.

3

*

In novitate vitæ ambulemus.

Léctio Epístolæ beáti Pauli apóstoli ad Romános 6, 3-9

Fratres:

Ignorátis quia quicúmque baptizáti sumus in Christo Iesu, in morte ipsíus baptizáti sumus? Consepúlti ergo sumus cum illo per baptísmum in mortem, ut, quem-

ádmódum suscitátus est Christus a mórtuis per glóriam Patris, ita et nos in novitáte vitæ ambulémus.

Si enim complantáti facti sumus similitúdini mortis eius, sed et resurrectionis érimus. Hoc sciéntes quia vetus homo noster simul crucifíxus est, ut destruátur corpus peccáti, et ultra non serviámus peccáto. Qui enim mórtuus est, iustificátus est a peccáto.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominátur. — Verbum Dómini.

vel brevior

Léctio Epístolæ beáti Pauli apóstoli ad Romános

6, 3-4. 8-9

Fratres:

Ignorátis quia quicúmque baptizáti sumus in Christo Iesu, in morte ipsíus baptizáti sumus? Consepúlti ergo sumus cum illo per baptismum in mortem, ut, quemádmódum suscitátus est Christus a mórtuis per glóriam Patris, ita et nos in novitáte vitæ ambulémus.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominátur. — Verbum Dómini.

4

Exspectantes redemptionem corporis nostri.

Léctio Epístolæ beáti Pauli apóstoli ad Romános

8, 14-23

Fratres:

Quicúmque Spíritu Dei agúntur, hi fílii Dei sunt.

Non enim accepístis spíritum servitútis íterum in timórem, sed accepístis Spíritum adoptiónis filiórum, in quo clamámus: « Abba, Pater ». Ipse Spíritus testimonium reddit una cum spíritu nostro, quod sumus filii Dei.

Si autem filii, et herédes: herédes quidem Dei, coherédes autem Christi; si tamen compátimur, ut et conglorificémur.

Exístimo enim quod non sunt condígnæ passiones huius témporis ad futúram glóriam, quæ revelánda est in nobis. Nam exspectatio creatúra revelatióem filiórum Dei exspéctat.

Vanitati enim creatúra subiécta est, non volens sed propter eum qui subiécit, in spe; quia et ipsa creatúra liberábitur a servitute corruptiónis in libertátem glóriæ filiórum Dei.

Scimus enim quod omnis creatúra congemíscit et compárturit usque adhuc. Non solum autem, sed et nos ipsi primítias Spíritus habéntes, et ipsi intra nos géminus adoptiõem filiórum exspectántes, redemptiõem córporis nostri.

Verbum Dómini.

5

Quis nos separabit a caritate Christi?

Léctio Epístolæ beáti Pauli apóstoli ad Romános

8, 31 b-35. 37-39

Fratres:

Si Deus pro nobis, quis contra nos? Qui Fílio suo non pepércit, sed pro nobis ómnibus trádedit illum, quómodo non étiam cum illo ómnia nobis donábit?

Quis accusábit advérsus eléctos Dei? Deus qui iustificat. Quis est qui condémnet? Christus Iesus, qui mórtuus est, immo qui suscitátus est, qui et est ad dexteram Dei, qui étiam interpéllat pro nobis.

Quis nos separábit a caritaté Christi? tribulatio, an angústia, an persecútio, an fames, an núditas, an pérículum, an gládius?

Sed in his ómnibus supervíncimus per eum qui diléxit nos. Certus sum enim quia neque mors neque vita, neque ángeli neque principátus, neque instántia neque futúra, neque virtútes, neque altitúdo neque profúndum, neque ália quálibet creatúra póterit nos separáre a caritaté Dei, quæ est in Christo Iesu Dómino nostro. — Verbum Dómini.

6

Sive vivimus sive morimur, Domini sumus.

Léctio Epístolæ beáti Pauli apóstoli ad Romános

14, 7-9. 10 b-12

Fratres:

Nemo nostrum sibi vivit, et nemo sibi móritur. Sive enim vívimus, Dómino vívimus; sive mórimur, Dómino mórimur: sive ergo vívimus sive mórimur, Dómini sumus. In hoc enim Christus et mórtuus est et vixit, ut et mortuórum et vivórum dominétur.

Omnes stábitus ante tribúnal Dei. Scriptum est enim: « Vivo ego, dicit Dóminus, mihi flectétur omne genu, et omnis lingua confitébitur Deo ».

Itaque unusquisque nostrum pro se ratióem reddet Deo. — Verbum Dómini.

7

*

In Christo omnes vivificabuntur.

Lectio Epistolæ primæ beāti Pauli apóstoli

ad Corínthios

15, 20-24 a. 25-28

Fratres:

Nunc Christus resurrexit a mórtuis, primítiæ dormiéntium; quóniam enim per hóminem mors, et per hóminem resurrectio mortuórum.

Sicut enim in Adam omnes moriúntur, ita et in Christo omnes vivificabúntur. Unusquisque autem in suo órdine: primítiæ Christus, deínde hi qui sunt Christi in advéntu eius. Deínde finis, cum tradíderit Regnum Deo et Patri.

Opórtet autem illum regnáre, « donec ponat omnes inimícos sub pédibus eius ». Novíssima autem inimíca destruétur mors; « ómnia enim subiécit sub pédibus eius ».

Cum autem dicat: « Omnia subiécta sunt », sine dúbio præter eum qui subiécit ei ómnia. Cum autem subiécta fúerint illi ómnia, tunc ipse Fílius subiéctus erit illi, qui sibi subiécit ómnia, ut sit Deus ómnia in ómnibus. — Verbum Dómini.

vel brevior

Lectio Epistolæ primæ beāti Pauli apóstoli

ad Corínthios

15, 20-23

Fratres:

Nunc Christus resurrexit a mórtuis, primítiæ dormiéntium; quóniam enim per hóminem mors, et per hóminem resurrectio mortuórum.

Sicut enim in Adam omnes moriúntur, ita et in Christo omnes vivificabúntur. Unusquisque autem in

suo ordine: primítiæ Christus, deínde hi qui sunt Christi in advéntu eius. — Verbum Dómini.

8

Absorpta est mors in victoria.

Léctio Epístolæ primæ beáti Pauli apóstoli
ad Corínthios

15, 51-57

Fratres:

Ecce mystérium vobis dico: Non omnes quidem dormiémus, sed omnes immutábimur.

In moménto, in ictu óculi, in novíssima tuba; canet enim, et mórtui suscitabúntur incorrúpti, et nos immutábimur. Opórtet enim corruptíbile hoc indúere incorruptélam, et mortále indúere immortalitátem.

Cum autem corruptíbile hoc indúerit incorruptélam, et mortále hoc indúerit immortalitátem, tunc fiet sermo qui scriptus est: « Absórpta est mors in victória. Ubi est, mors, victória tua? ubi est, mors, stímulus tuus? »

Stímulus autem mortis peccátum est, virtus vero peccáti Lex. Deo autem grátias, qui dedit nobis victóriam per Dóminum nostrum Iesum Christum.

Verbum Dómini.

9

*Quæ videntur, temporalia sunt;
quæ autem non videntur, æterna sunt.*

Léctio Epístolæ secúndæ beáti Pauli apóstoli
ad Corínthios

4, 14 — 5, 1

Fratres:

Scimus quóniam qui suscitávit Dóminum Iesum,

et nos cum Iesu suscitábit, et constitúet vobíscum. Omnia enim propter vos, ut grátia, abúndans per multos, gratiárum actiόνem abundáre fáciat in glóriam Dei.

Propter quod non defícimus; sed, licet is qui foris est noster homo corrúmpitur, tamen is qui intus est noster renovátur de die in diem. Id enim, quod in præsénti est leve tribulatiónis nostræ, supra modum in sublimitátem ætérnum glóriæ pondus operátur nobis, non contemplántibus nobis quæ vidéntur, sed quæ non vidéntur: quæ enim vidéntur temporália sunt quæ autem non vidéntur æténa sunt.

Scimus enim quóniam, si terréstris domus nostra huius tabernáculi dissolvátur, ædificatióem ex Deo habémus, domum non manufáctam, æténam in cælis. — Verbum Dómini.

10

Habemus domum æternam in cælis.

Léctio Epístolæ secúndæ beáti Pauli apóstoli
ad Corínthios

5, 1. 6-10

Fratres:

Scimus quóniam, si terréstris domus nostra huius tabernáculi dissolvátur, ædificatióem ex Deo habémus, domum non manufáctam, æténam in cælis.

Audéntes igitur semper, et sciéntes quóniam, dum præséntes sumus in córpore, peregrinámur a Dómino (per fidem enim ambulámus et non per spéciem), audémus autem et bonam voluntátem habémus magis peregrinári a córpore et præséntes esse ad Dóminum. Et ideo conténdimus, sive præséntes sive abséntes, placére illi.

Omnes enim nos manifestári opórtet ante tribúnal Christi, ut réferat unusquisque pro eis quæ per corpus gessit, sive bonum sive malum. — Verbum Dómini.

11

*Transfigurabit corpus humilitatis nostræ,
conforme fieri corpori gloriæ suæ.*

Léctio Epístolæ beáti Pauli apóstoli ad Philippénes

3, 20-21

Fratres:

Noster municipátus in cælis est, unde étiam Salvatórem exspectámus Dóminum Iesum Christum, qui transfigurábit corpus humilitátis nostræ, confórme fieri córpori glóriæ suæ, secúndum operatióem, qua possit étiam subícere sibi ómnia. — Verbum Dómini.

12

Semper cum Domino erimus.

Léctio Epístolæ primæ beáti Pauli apóstoli
ad Thessalonicénes

4, 13-14. 17 b-18

Nólumus vos ignoráre, fratres, de dormiéntibus, ut non contristémini, sicut et céteri qui spem non habent.

Si enim crédimus quod Iesus mórtuus est et resurréxit, ita et Deus eos qui dormiérunt per Iesum addúcet cum eo.

Et sic semper cum Dómino érimus. Itaque consolámini ínvicem in verbis istis.

Verbum Dómini.

13

Si commortui sumus, et convivemus.

Léctio Epístolæ secúndæ beáti Pauli apóstoli
ad Timótheum 2, 8-13

Caríssime:

Memor esto Iesum Christum resuscitátum esse a mórtuis, ex sémine David, secúndum Evangélium meum, in quo labóro usque ad víncula quasi male óperans; sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória æténa.

Fidélis sermo; nam, si commórtui sumus, et convivémus; si sustinémus, et conregnábimus; si negábitur, et ille negábit nos; si non crédimus, ille fidélis manet: negáre enim seípsum non potest.

Verbum Dómini.

14

Videbimus eum sicuti est.

Léctio Epístolæ primæ beáti Ioánnis apóstoli 3, 1-2

Caríssimi:

Vidéte qualem caritátem dedit nobis Pater, ut filii Dei nominémur: et sumus! Propter hoc mundus non cognóscit nos, quia non cognóvit eum.

Caríssimi, nunc filii Dei sumus, et nondum manifestum est quid érimus. Scimus quóniam, cum ipse apparúerit, símiles ei érimus; quóniam vidébimus eum sicuti est. — Verbum Dómini.

15

*Transivimus de morte in vitam,
quoniam diligimus fratres.*

Léctio Epístolæ primæ beáti Ioánnis apóstoli 3, 14-16

Caríssimi:

Nos scimus quóniam transivimus de morte in vitam, quóniam diligimus fratres. Qui non diligit manet in morte. Omnis qui odit fratrem suum homicída est, et scitis quóniam omnis homicída non habet vitam ætérnam in se manéntem.

In hoc nóvimus caritátem: quóniam ille pro nobis ánimam suam pósuit, et nos debémus pro fratribus ánimas pónere. — Verbum Dómini.

Evangelium

1

Alleluia

Mt 25, 34

℞. Allelúia. ℣. Veníte, benedícti Patris mei,
dicit Dóminus;
possidéte parátum vobis Regnum
a constitutióne mundi. ℞. Allelúia.

*Gaudete et exsultate, quoniam merces vestra
copiosa est in cælis.*

✠ Léctio sancti Evangélíi secúndum Matthæum

5, 1-12 a

In illo témpore:

Videns Iesus turbas ascéndit in montem, et, cum

sedisset, accesserunt ad eum discipuli eius, et apériens os suum docebat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ».

Verbum Dómini.

2

Alleluia

Cf. Mt 11, 25

℟. Allelúia. ℣. Benedíctus es, Pater,
Dómine cæli et terræ,
quia mystéria Regni párvulis revelásti.
℟. Allelúia.

Venite ad me, ... et ego reficiam vos.

✠ Lécio sancti Evangélíi secúndum Matthæum

11, 25-30

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis.

Ita, Pater, quóniam sic fuit plácitum ante te. Omnia mihi trádicta sunt a Patre meo; et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et oneráti estis, et ego reficiam vos.

Tóllite iugum meum super vos, et díscite a me quia mitis sum et húmilis corde; et “ inveniétis réquiem animábus vestris ”; iugum enim meum suáve, et onus meum leve est ». — Verbum Dómini.

3

Alleluia

Phil 3, 20

R. Allelúia. V. Conversátio nostra in cælis est,
unde étiam Salvatórem exspectámus,
Dóminum nostrum Iesum Christum.

R. Allelúia.

Ecce Sponsus, exite obviam ei.

✠ Lécio sancti Evangélii secúndum Matthæum

25, 1-13

In illo témpore:

Dixit Iesus discípulis suis parábolam hanc: « Sí-mile erit Regnum cælórum decem virgínibus, quæ, accipiéntes lámpades suas, exiérunt óbviám sponso. Quinque autem ex eis erant fátuæ et quinque prudéntes; fátuæ enim accéptis lampádibus suis non sump-sérunt óleum secum; prudéntes vero accepérunt óleum in vasis cum lampádibus suis.

Moram autem faciénté sponso, dormitavérunt omnes et dormiérunt.

Média autem nocte clamor factus est: "Ecce sponsus, exíte óbviā ei". Tunc surrexérunt omnes vírgines illæ et ornavérunt lámpades suas.

Fátuæ autem sapiéntibus dixerunt: "Date nobis de óleo vestro, quia lámpades nostræ exstinguúntur".

Respondérunt prudéntes dicéntes: "Ne forte non sufficiat nobis et vobis, ite pótius ad vendéntes et émite vobis".

Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua.

Novíssime autem véniunt et réliquæ vírgines dicéntes: "Dómine, Dómine, áperi nobis". At ille respóndens ait: "Amen dico vobis, nésco vos".

Vigiláte itaque, quia nescitis diem neque horam ».

Verbum Dómini.

4

Alleluia

Mt 25, 34

℞. Allelúia. ⁊. Veníte, benedícti Patris mei,
dicit Dóminus;
possidéte parátum vobis Regnum
a constitutióne mundi. ℞. Allelúia.

Venite, benedicti Patris mei.

✠ Lécio sancti Evangélíi secúndum Matthæum

25, 31-46

In illo témpore:

Dixit Iesus discípulis suis: « Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ. Et congregabúntur ante eum omnes gentes; et separábit eos ab ínvicem,

sicut pastor ségregat oves ab hædis, et státuet oves quidem a dextris suis, hædos autem a sinístris.

Tunc dicet Rex his qui a dextris eius erunt: " Veníte, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infirmus, et visitástis me; in cárcere eram, et venístis ad me ".

Tunc respondébunt ei iusti dicéntes: " Dómine, quando te vídimus esuriéntem et pávimus, aut sitiéntem et dédimus tibi potum? quando autem te vídimus hóspitem et collégimus, aut nudum et cooperúimus? quando autem te vídimus infirmum aut in cárcere et vénimus ad te? "

Et respóndens Rex dicet illis: " Amen dico vobis, quámdiu fecístis uni de his frátribus meis mínimis, mihi fecístis ".

Tunc dicet et his qui a sinístris erunt: " Discédite a me, maledícti, in ignem ætérnum, qui præparátus est diabolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infirmus et in cárcere, et non visitástis me ".

Tunc respondébunt et ipsi dicéntes: " Dómine, quando te vídimus esuriéntem aut sitiéntem aut hóspitem aut nudum aut infirmum vel in cárcere, et non ministrávimus tibi? "

Tunc respóndebit illis dicens: " Amen dico vobis, quámdiu non fecístis uni de mínimis his, nec mihi fecístis ".

Et ibunt hi in supplicium ætérnum, iusti autem in vitam ætérnam ». — Verbum Dómini.

Alleluia

Io 11, 25 a

R. Allelúia. V. Ego sum resurrectio et vita,
dicit Dóminus;
qui credit in me,
non moriétur in ætérnum.
R. Allelúia.

Adulescens, tibi dico: surge.

✠ Lécio sancti Evangélíi secúndum Lucam 7, 11-17

In illo témpore:

Abiit Iesus in civitatē, quæ vocátur Naim, et ibant cum illo discipuli eius et turba copiósa.

Cum autem appropinquáret portæ civitatís, ecce defúnctus efferebátur fílius únicus matris suæ; et hæc vídua erat, et turba civitatís multa cum illa.

Quam cum vidísset Dóminus, misericórdia motus super ea, dixit illi: « Noli flere ».

Et accéssit et tétigit lóculum. Hi autem qui portábant stetérunt.

Et ait: « Aduléscens, tibi dico: surge ». Et resédit qui erat mórtuus; et cœpit loqui, et dedit illum matri suæ.

Accépit autem omnes timor, et magnificábant Deum dicéntes: « Prophéta magnus surréxit in nobis » et « Deus visitávit plebem suam ». Et éxiit hic sermo in univérsam Iudæam de eo, et omnem circa regiónem.

Verbum Dómini.

6

Alleluia

Phil 3, 20

R. Allelúia. V. Conversatio nostra in cælis est,
unde étiam Salvátorem exspectámus,
Dóminum nostrum Iesum Christum.
R. Allelúia.

Et vos estote parati.

✠ Lécio sancti Evangélíi secúndum Lucam 12, 35-40

In illo témpore:

Dixit Iesus discípulis suis: « Sint lumbi vestri præcincti, et lucernæ ardéntes, et vos símiles homínibus exspectántibus dóminum suum, quando revertátur a núptiis; ut, cum vénerit et pulsáverit, conféstim apé-
riant ei.

Beáti servi illi, quos, cum vénerit dóminus, invé-
nerit vigilántes; amen dico vobis, quod præcinget se,
et fáciat illos discumbere, et tránsiens ministrábit illis.

Et si vénerit in secúnda vigília, et si in tértia vi-
gília vénerit, et ita invénerit, beáti sunt illi. Hoc autem
scitóte quia, si sciret paterfamílias qua hora fur veníret,
non síneret perfodíri domum suam.

Et vos estóte paráti, quia qua hora non putátis Fílius
hóminis venit ». — Verbum Dómini.

7

Alleluia

Ap 14, 13

R. Allelúia. V. Beáti mórtui, qui in Dómino moriúntur:
requiéscant a labóribus suis;
ópera enim illórum sequúntur illos.
R. Allelúia.

Hodie mecum eris in paradiso.

✠ Lécio sancti Evangélíi secúndum Lucam

23, 33. 39-43

Postquam venérunt mílites in locum qui vocátur Calváriæ, ibi crucifixerunt Iesum et latrónes, unum a dextris et álterum a sinístris.

Unus autem de his qui pendébant latrónibus blasphemábat eum dicens: « Nonne tu es Christus? salvum fac temetípsum et nos ».

Respóndens autem alter increpábat illum, dicens: « Neque tu times Deum, quod in eádem damnatióne es? Et nos quidem iuste, nam digna factis recípiamus; hic vero nihil mali gessit ».

Et dicébat: « Iesu, meménto mei cum véneris in Regnum tuum ».

Et dixit illi Iesus: « Amen dico tibi: Hódie mecum eris in paradíso ». — Verbum Dómini.

8

Alleluia

Ap 1, 5-6

℞. Allelúia. ⁊. Iesus Christus
est primogénitus mortuórum;
ipsi glória et impérium
in sæcula sæculórum. Amen.
℞. Allelúia.

* *Pater, in manus tuas commendo spiritum meum.*

✠ Lécio sancti Evangélíi secúndum Lucam

23, 44-46. 50. 52-53; 24, 1-6 a

Erat fere hora sexta, et ténebræ factæ sunt in uni-

vérſa terra usque in horam nonam. Et obscurátus est sol, et velum templi scissum est médium.

Et clamans voce magna Iesus ait: « Pater, in manus tuas comméndo spíritum meum ». Et hæc dicens exspirávit.

Et ecce vir, nómine Ioseph, qui erat decúrio, vir bonus et iustus, accéssit ad Pilátum et pétiit corpus Iesu; et depósitum invólvit síndone et pósuit eum in monuménto excíso, in quo nondum quisquam pósitus fúerat.

Prima autem sabbatórum, valde dilúculo, venérunt mulieres ad monuméntum, portántes quæ paráverant arómata, et invenérunt lápidem revolútum a monuménto. Et ingræssæ non invenérunt corpus Dómini Iesu.

Et factum est, dum mente hæsitárent de isto, ecce duo viri stetérunt secus illas in veste fulgénti.

Cum timérent autem et declinárent vultum in terram, dixerunt ad illas: « Quid quæritis vivéntem cum mórtuis? Non est hic, sed surréxit ».

Verbum Dómini.

vel brevior

✠ Lécitio sancti Evangélíi secúndum Lucam

23, 44-46. 50. 52-53

Erat fere hora sexta, et ténebræ factæ sunt in univérſa terra usque in horam nonam. Et obscurátus est sol, et velum templi scissum est médium.

Et clamans voce magna Iesus ait: « Pater, in manus tuas comméndo spíritum meum ». Et hæc dicens exspirávit.

Et ecce vir, nómine Ioseph, qui erat decúrio, vir

bonus et iustus, accéssit ad Pilátum et pétiiit corpus Iesu; et depósitum invólvit síndone et pósuit eum in monuménto excíso, in quo nondum quisquam pósitus fúerat. — Verbum Dómini.

9

Alleluia

Io 3, 16

℞. Allelúia. ⁊. Sic Deus diléxit mundum
ut Fílium suum unigénitum daret;
omnis qui credit in eum
habet vitam ætérrnam.

℞. Allelúia.

*

*Nonne hæc oportuit pati Christum,
et intrare in gloriam suam?*

✠ Lécio sancti Evangélíi secúndum Lucam 24, 13-35

Ecce duo ex discíplis Iesu ibant ipsa die prima sábbati in castéllum, quod erat in spátio stadiórum sexagínta ab Ierúsalem, nómine Emmaus. Et ipsi loquebántur ad ínvicem de his ómnibus quæ accíderant. Et factum est, dum fabularéntur et secum quærerent, et ipse Iesus appropínquans ibat cum illis; óculi autem illórum tenebántur, ne eum agnóscerent.

Et ait ad illos: « Qui sunt hi sermónes, quos confértis ad ínvicem ambulántes? » Et stetérunt tristes.

Et respóndens unus, cui nomen Cléopas, dixit ei: « Tu solus peregrínus es in Ierúsalem, et non cognovísti quæ facta sunt in illa his diébus? »

Quibus ille dixit: « Quæ? »

Et illi dixerunt ei: « De Iesu Nazaréno, qui fuit vir prophéta, potens in ópere et sermóne coram Deo et omni pópulo, et quómo do eum tradidérunt summi sacerdótes et príncipes nostri in damnatió nem mortis, et crucifixerunt eum.

Nos autem sperabá mus quia ipse esset redemptúrus Israel; at nunc super hæc ómnia tértia dies hódie quod hæc facta sunt.

Sed et mulieres quædam ex nostris terruérunt nos; quæ ante lucem fuérunt ad monuméntum et, non invénto corpore eius, venérunt dicétes se étiam visió nem angelórum vidísse, qui dicunt eum vívere. Et abiérunt quidam ex nostris ad monuméntum, et ita invenérunt sicut mulieres dixerunt, ipsum vero non vidérunt ».

Et ipse dixit ad eos: « O stulti et tardi corde ad credéndum in ómnibus quæ locúti sunt prophétæ! Nonne hæc opórtuit pati Christum, et intráre in glóriam suam? »

Et incípiens a Móyse et ómnibus prophétis, interpretabá tur illis in ómnibus Scriptúris, quæ de ipso erant.

Et appropinquavérunt castéllo quo ibant, et ipse se finxit lóngius ire. Et coegérunt illum dicétes: « Mane nobíscum, quóniam advesperáscit, et inclináta est iam dies ». Et intrávit ut manéret cum illis.

Et factum est, dum recúmberet cum illis, accépit panem, et benedíxit ac fregit, et porrigébat illis. Et apérti sunt óculi eórum, et cognovérunt eum; et ipse evánuít ab eis.

Et dixerunt ad ínvicem: « Nonne cor nostrum ardens erat in nobis dum loquerétur in via et aperíret nobis Scriptúras? » Et surgétes eádem hora regréssi sunt in Ierúsalem; et invenérunt congregátos Undecim et eos qui cum ipsis erant, dicétes: « Surréxit Dóminus vere et apparuit Simóni ».

Et ipsi narrábant quæ gesta erant in via, et quómo cognovérunt eum in fractióne panis.

Verbum Dómini.

vel brevior

✠ Lécio sancti Evangélíi secúndum Lucam

24, 13-16. 28-35

Ecce duo ex discíplis Iesu ibant ipsa die prima sábbati in castéllum, quod erat in spátio stadiórum sexagínta ab Ierúsalem, nómine Emmaus. Et ipsi loquebántur ad ínvicem de his ómnibus quæ accíderant. Et factum est, dum fabularéntur et secum quærerent, et ipse Iesus appropínquans ibat cum illis; óculi autem illórum tenebántur, ne eum agnóscerent.

Et appropinquavérunt castélló quo ibant, et ipse se finxit lóngius ire. Et coegérunt illum dicétes: « Mane nobíscum, quóniam advesperáscit, et inclináta est iam dies ». Et intrávit ut manéret cum illis.

Et factum est, dum recúmberet cum illis, accépit panem, et benedíxit ac fregit, et porrigébat illis. Et apérti sunt óculi eórum, et cognovérunt eum; et ipse evánuit ab eis.

Et dixérunt ad ínvicem: « Nonne cor nostrum ardens erat in nobis dum loquerétur in via et aperíret nobis Scriptúras? » Et surgétes eádem hora regréssi sunt in Ierúsalem; et invenérunt congregátos Undecim et eos qui cum ipsis erant, dicétes: « Surréxit Dóminus vere et appáruit Simóni ».

Et ipsi narrábant quæ gesta erant in via, et quómo cognovérunt eum in fractióne panis.

Verbum Dómini.

Alleluia

Mt 25, 34

℞. Allelúia. ⁊. Veníte, benedícti Patris mei,
dicit Dóminus;
possidéte parátum vobis Regnum
a constitutióne mundi. ℞. Allelúia.

*Qui verbum meum audit et credit,
...transiit a morte in vitam.*

✠ Lécio sancti Evangélii secúndum Ioánnem 5, 24-29

In illo témpore:

Respóndit Iesus Iudæis: « Amen, amen dico vobis: Qui verbum meum audit, et credit ei qui misit me, habet vitam ætérnam, et in iudícium non venit, sed tránsiit a morte in vitam.

Amen, amen dico vobis: Venit hora, et nunc est, quando mórtui áudient vocem Fílii Dei, et qui audierint vivent. Sicut enim Pater habet vitam in semetípso, sic dedit et Fílio vitam habére in semetípso, et potestátem dedit ei iudícium fácere, quia Fílius hóminis est.

Nolíte mirári hoc, quia venit hora, in qua omnes qui in monuméntis sunt, áudient vocem eius; et procédent qui bona fecérunt in resurrectiόνem vitæ, qui vero mala egerunt in resurrectiόνem iudícii ». — Verbum Dómini.

Alleluia

Io 6, 39

℞. Allelúia. ⁊. Hæc est volúntas Patris mei,
ut omne, quod dedit mihi,
non perdam ex eo,
sed resúscitem illud in novíssimo die,
dicit Dóminus. ℞. Allelúia.

*Qui credit in Filium habet vitam æternam,
et resuscitabo eum in novissimo die.*

✠ Lécitio sancti Evangélíi secúndum Ioánnem 6, 37-40

In illo témpore:

Dixit Iesus turbis: « Omne, quod dat mihi Pater, ad me véniet; et eum, qui venit ad me, non eíciam foras. Quia descénderi de cælo, non ut fáciam voluntátem meam, sed voluntátem eius qui misit me. Hæc est autem volúntas eius, qui misit me, ut omne quod dedit mihi non perdam ex eo, sed resúscitem illud in novíssimo die.

Hæc est enim volúntas Patris mei, ut omnis qui videt Fílium et credit in eum, hábeat vitam ætérrnam; et resuscitábo ego eum in novíssimo die ».

Verbum Dómini.

12

Alleluia

Io 6, 51-52

℞. Allelúia. √. Ego sum panis vivus,
qui de cælo descénderi, dicit Dóminus;
si quis manducáverit ex hoc pane,
vivet in ætérrnum. ℞. Allelúia.

*Qui manducat hunc panem habet vitam æternam,
et ego resuscitabo eum in novissimo die.*

✠ Lécitio sancti Evangélíi secúndum Ioánnem 6, 51-59

In illo témpore:

Dixit Iesus turbis: « Ego sum panis vivus, qui de cælo descénderi. Si quis manducáverit ex hoc pane, vivet in ætérrnum, panis autem quem ego dabo, caro mea est pro mundi víta ».

Litigábant ergo Iudæi ad invicem dicéntes: « Quómodo potest hic nobis carnem suam dare ad manducándum? »

Dixit ergo eis Iesus: « Amen, amen dico vobis: Nisi manducavéritis carnem Fílii hóminis et bibéritis eius ságuinem, non habétis vitam in vobismetípsis.

Qui mandúcat meam carnem et bibit meum ságuinem habet vitam ætérrnam, et ego resuscitábo eum in novíssimo die.

Caro enim mea verus est cibus, et sanguis meus verus est potus. Qui mandúcat meam carnem et bibit meum ságuinem in me manet, et ego in illo. Sicut misit me vivens Pater, et ego vivo propter Patrem, et qui mandúcat me, et ipse vivet propter me.

Hic est panis qui de cælo descéndit. Non sicut manducavérunt patres et mórtui sunt.

Qui mandúcat hunc panem vivet in ætérrnum ».
Verbum Dómini.

13

Alleluia

Io 11, 25 a. 26

℟. Allelúia. ℣. Ego sum resurréctio et vita,
dicit Dóminus;
qui credit in me, non moriétur in ætérrnum.
℟. Allelúia.

*

Ego sum resurrectio et vita.

✠ Lécctio sancti Evangélíi secúndum Ioánnem

11, 17-27

In illo témpore:

Venit Iesus Bethániam, et invénit Lázarus quáttuor dies iam in monuménto habéntem. Erat autem Be-

thánia iuxta Hierosólymam quasi stádiis quíndecim. Multi autem ex Iudáeis vénerant ad Martham et Mariám, ut consolaréntur eas de fratre.

Martha ergo, ut audívit quia Iesus venit, occúrrit illi; Mariá autem domi sedébat.

Dixit ergo Martha ad Iesum: « Dómine, si fuísses hic, frater meus non esset mórtuus; sed et nunc scio quia quæcúmque popósceris a Deo dabit tibi Deus ».

Dicit illi Iesus: « Resúrget frater tuus ».

Dicit ei Martha: « Scio quia resúrget in resurrectione, in novíssimo die ».

Dixit ei Iesus: « Ego sum resurréctio et vita; qui credit in me, et si mórtuus fúerit, vivet, et omnis qui vivit et credit in me non moriétur in ætérnum. Credis hoc? »

Ait illi: « Utique, Dómine; ego crédidi quia tu es Christus Fílius Dei, qui in mundum venísti ».

Verbum Dómini.

vel brevior

✠ Lécio sancti Evangélíi secúndum Ioánnem

11, 21-27

In illo témpore:

Dixit Martha ad Iesum: « Dómine, si fuísses hic, frater meus non esset mórtuus; sed et nunc scio quia quæcúmque popósceris a Deo, dabit tibi Deus ».

Dicit illi Iesus: « Resúrget frater tuus ».

Dicit ei Martha: « Scio quia resúrget in resurrectione, in novíssimo die ».

Dixit ei Iesus: « Ego sum resurréctio et vita; qui credit in me, et si mórtuus fúerit, vivet, et omnis qui vivit et credit in me non moriétur in ætérnum. Credis hoc? »

Ait illi: « Utique, Dómine; ego crédidi quia tu es
Christus Fílius Dei, qui in mundum venísti ».
Verbum Dómini.

14

Alleluia

Io 3, 16

R. Allelúia. V. Sic Deus diléxit mundum
ut Fílium suum unigénitum daret;
omnis qui credit in eum
habet vitam ætérmam. R. Allelúia.

Lazare, veni foras.

✠ Lécio sancti Evangélíi secúndum Ioánnem

11, 32-45

In illo témpore:

Cum venísset Maríá, soror Lázari, ubi erat Iesus, vi-
dens eum cécidit ad pedes eius, dicens ei: « Dómine, si
fuísses hic, non esset mórtuus frater meus ».

Iesus ergo, ut vidit eam plorátem et Iudæos, qui
vénerant cum ea, plorántes, fréruit spírítu et turbávit
seípsum, et dixit: « Ubi posuístis eum? »

Dicunt ei: « Dómine, veni et vide ». Lacrimátus est
Iesus.

Dicébant ergo Iudæi: « Ecce quómodo amábat
eum! »

Quidam autem dixerunt ex ipsis: « Non póterat hic,
qui apéruiť oculos cæci, fácere ut et hic non moreré-
tur? »

Iesus ergo rursum fremens in semetípso venit ad
monuméntum. Erat autem spelúnca, et lapis superpósi-
tus erat ei.

Ait Iesus: « Tóllite lápidem ». Dicit ei Martha, so-

ror eius qui mórtuus fúerat: « Dómine, iam fetet, quadriduánuS enim est ».

Dicit ei Iesus: « Nonne dixi tibi quóniam, si crederis, vidébis glóriam Dei? »

Tulérunt ergo lápidem; Iesus autem, elevátis sursum óculis, dixit: « Pater, grátias ago tibi quóniam audísti me. Ego autem sciébam quia semper me audis; sed propter pópulum, qui circúmstat, dixi, ut credant quia tu me misísti ».

Et hæc cum dixisset, voce magna clamávit: « Lázare, veni foras ». Pródiit qui fúerat mórtuus ligátus pedes et manus ínstitis, et fácies illíus sudário erat ligáta.

Dicit Iesus eis: « Sóluite eum et sínite eum abíre ».

Multi ergo ex Iudáeis, qui vénerant ad Mariám et viderant quæ fecit, credidérunt in eum.

Verbum Dómini.

15

Alleluia

Ap 14, 13

℞. Allelúia. ʒ. Beáti mórtui, qui in Dómino moriúntur: requiéscant a labóribus suis; ópera enim illórum sequúntur illos.

℞. Allelúia.

*

*Si granum frumenti mortuum fuerit,
multum fructum affert.*

✠ Léctio sancti Evangélíi secúndum Ioánnem

12, 23-28

In illo témpore:

Dixit Iesus discípulis suis: « Venit hora ut glori-

ficétur Fílius hóminis. Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam perdit eam, et qui odit ánimam suam in hoc mundo, in vitam ætérmam custódiét eam. Si quis mihi minístrat, me sequátur; et, ubi sum ego, illic et miníster meus erit. Si quis mihi ministráverit, honorificábit eum Pater.

Nunc ánima mea turbáta est. Et quid dicam? Pater, salvífica me ex hora hac? Sed proptérea veni in horam hanc. Pater, glorífica tuum Nomen ».

Venit ergo vox de cælo: « Et glorificávi, et íterum glorificábo ». — Verbum Dómini.

vel brevior

✠ Lécio sancti Evangélíi secúndum Ioánnem

12, 23-26

In illo témpore:

Dixit Iesus discípuis suis: « Venit hora ut glorificétur Fílius hóminis. Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam perdit eam, et qui odit ánimam suam in hoc mundo, in vitam ætérmam custódiét eam. Si quis mihi minístrat, me sequátur; et, ubi sum ego, illic et miníster meus erit. Si quis mihi ministráverit, honorificábit eum Pater.

Verbum Dómini.

16

Alleluia

Io 6, 40

℞. Allelúia. ⁊. Hæc est volúntas Patris mei,
ut omnis qui credit in me
hábeat vitam ætérnam,
et ego resuscitábo eum in novíssimo die,
dicit Dóminus. ℞. Allelúia.

In domo Patris mei mansiones multæ sunt.

✠ Lécio sancti Evangélíi secúndum Ioánnem 14, 1-6

In illo témpore:

Dixit Iesus discípulis suis: « Non turbétur cor vestrum. Créditis in Deum, et in me créдите. In domo Patris mei mansiónes multæ sunt. Si quo minus dixissem vobis, quia vado paráre vobis locum?

Et, si abíero et præparávero vobis locum, íterum vénio et accípiam vos ad meípsum, ut, ubi sum ego, et vos sitis. Et quo ego vado, scitis viam ».

Dicit ei Thomas: « Dómine, nescímus quo vadis, et quómodo póssumus viam scire? »

Dicit ei Iesus: « Ego sum via et véritas et vita. Nemo venit ad Patrem, nisi per me ». — Verbum Dómini.

17

Alleluia

Io 6, 39

℞. Allelúia. ⁊. Hæc est volúntas Patris mei,
ut omne, quod dedit mihi,
non perdam ex eo,
sed resúscitem illud in novíssimo die,
dicit Dóminus. ℞. Allelúia.

Volo ut, ubi ego sum, et illi sint mecum.

✠ Lécio sancti Evangélii secúndum Ioánnem

17, 24-26

In illo témpore:

Sublevátis Iesus óculis in cælum, orávit dicens: « Pater, quod dedísti mihi, volo ut, ubi ego sum, et illi sint mecum, ut vídeant glóriam meam, quam dedísti mihi; quia dilexísti me ante constitutióem mundi.

Pater iuste, et mundus te non cognóvit; ego autem te cognóvi, et hi cognovérunt quia tu me misísti. Et notum feci eis Nomen tuum et notum fáciam, ut diléc-tio, qua dilexísti me, in ipsis sit, et ego in ipsis ».

Verbum Dómini.

18

Alleluia

Io 11, 25 a. 26

℞. Allelúia. √. Ego sum resurréctio et vita,
dicit Dóminus;
qui credit in me, non moriétur in ætérnum.
℞. Allelúia.

Inclinato capite, tradidit spiritum.

✠ Lécio sancti Evangélii secúndum Ioánnem

19, 17-18. 25-30

In illo témpore:

Báiulans sibi crucem, exívit Iesus in eum qui dicitur Calváriæ locum, quod hebráice dicitur Gólgotha, ubi eum crucifixerunt; et cum eo álios duos, hinc et hinc, médium autem Iesum.

Stabant autem iuxta crucem Iesu mater eius, et soror matris eius María Cléopæ, et María Magdaléne.

Cum vidisset ergo Iesus matrem et discipulum stantem quem diligebat, dicit matri: « Múlier, ecce fílius tuus »; deínde dicit discipulo: « Ecce mater tua ».

Et ex illa hora accépit eam discipulus in sua.

Póstea sciens Iesus quia iam ómnia consummáta sunt, ut consummarétur Scriptúra, dicit: « Sítio ». Vas pósito erat acéto plenum; spóngiam ergo plenam acéto hyssópo circumponéntes obtulérunt ori eius. Cum ergo accepisset Iesus acétum, dixit: « Consummátum est ».

Et, inclináto cápite, trádidit spíritum.

Verbum Dómini.

V. IN EXSEQUIIS PARVULORUM

A. In exsequiis parvuli baptizati

1

Ant. ad introitum

Mt 25, 34

Veníte, benedícti Patris mei, dicit Dóminus:
percípíte regnum, quod vobis parátum est
ab orígine mundi.

Collecta

Clementíssime Deus, qui sapiéntiæ tuæ consíliis
hunc párvulum, in ipso vitæ límine, ad te vocásti,
preces nostras benígnus exáudi, et præsta,
ut cum ipso,
quem baptísmatis grátia adoptiónis tibi fílium effecísti,
et in regno tuo iam crédimus commorári,
nos étiam ætérnæ vitæ tríbuas esse aliquándo consórtes.
Per Dóminum.

Lectiones ut infra, pp. 1726-1733.

Super oblata

Hæc múnera, tibi, Dómine, obláta sanctífica,
ut, quem paréntes a te donátum tibi reddunt infántem,
ipsum læti in regno tuo mereántur amplécti.
Per Christum.

Præfatio de defunctis, pp. 615-619.

Ant. ad communionem

Cf. Rom 6, 4. 8

Consepúlti cum Christo per baptísmum in mortem,
crédimus quia simul étiam vivémus cum Christo.

Post communionem

Córpore, Dómine,
et Sánguine Fílii tui communióne percépta,
te fidéliter deprecámur,
ut, quos in spem vitæ æternæ
sacris dignátus es nutrírre mystériis,
in huius tríbuas vitæ mæroribus confortári.
Per Christum.

2. Aliæ orationes**Collecta**

Deus, qui mærore scis corda nostra cómprimi
propter huius infántis excéssum,
præsta, ut, quem iam hac vita defúntum,
te disponénte, deflémus,
æternam in cælo sedem credámus adéptum.
Per Dóminum.

Super oblata

Hanc oblatiónem, Deus,
dignáre in nostræ signum devotiónis excípere,
ut, qui tuæ providéntiæ consíliis
submíttimur confidéntes,
tuæ quoque pietátis dulcédine sublevémur.
Per Christum.

Post communionem

Divíno múnere satiáti, te, Dómine, deprecámur,
ut, qui hunc infántem
ad mensam tríbuis regni cæléstis accúmbere,
eándem et nos participáre concédas.
Per Christum.

Lectio prima

1

Præcipitabit Dominus mortem in sempiternum.

Lectio libri Isaïæ prophætæ

25, 6 a. 7-9

In die illa:

Fáciet Dóminus exercítuum ómnibus pópulis in monte hoc convívium pínguim.

Et præcipitábit in monte isto fáciem vínculi colligáti super omnes pópulos, et telam quam ordítus est super omnes natiónes.

Præcipitábit mortem in sempitérnum, et áuferet Dóminus Deus lácrimam ab omni fácie, et oppróbrium pópuli sui áuferet de univérsa terra, quia Dóminus locútus est.

Et dicet in die illa: « Ecce Deus noster iste, exspectávimus eum, et salvábit nos; iste Dóminus, sustinúimus eum; exsultábimus et lætábimur in salutári eius ».

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

1 Dóminus pascit me, et nihil mihi déerit:
2 in páscuis viréntibus me collocávit,
3 super aquas quiétis edúxit me,
ánimam meam refécit.

Dedúxit me super sémitas iustítiæ
propter nomen suum. R.

4 Nam et si ambulávero in valle umbræ mortis,
non timébo mala, quóniam tu mecum es.

Virga tua et báculo tuus
ipsa me consoláta sunt. *R.*

5 Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. *R.*

6 Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. *R.*

2

Bonum est præstolari cum silentio salutare Dei.

Léctio libri Lamentatiónum 3, 22-26

Misericórdiæ Dómini, quia non sumus consúpti,
quia non defecérunt miseratiónes eius. Novi dilúculo,
multa est fides tua.

« Pars mea Dóminus », dixit ánima mea; proptérea
exspectábo eum.

Bonus est Dóminus sperántibus in eum, ánimæ
quærénti illum; bonum est præstolari cum siléntio sa-
lutáre Dei. — Verbum Dómini.

Psalmus responsorius

Ps 24, 4 bc-5 ab. 6 et 7 bc. 20-21 (*R.*: 1 b)

R. Ad te, Dómine, levávi ánimam meam.

4 Vias tuas, Dómine, demónstra mihi,
et sémitas tuas édoce me.

5 Dírige me in veritáte tua et doce me,
quia tu es Deus salútis meæ. *R.*

- ⁶ Reminiscere miserationum tuarum, Dómine,
et misericordiárum tuarum, quóniam a sáculo sunt.
⁷ Secundum misericórdiam tuam meménto mei tu,
propter bonitátem tuam, Dómine. *R.*
²⁰ Custódi ánimam meam, et érue me;
non erubéscam, quóniam sperávi in te.
²¹ Innocéntia et æquitas custódiánt me,
quia sustínui te. *R.*

Lectio secunda

1

Credimus quia simul vivemus cum Christo.

Léctio Epístolæ beáti Pauli apóstoli ad Romános

6, 3-4. 8-9

Fratres:

Ignorátis quia quicúmque baptizáti sumus in Christo Iesu, in morte ipsíus baptizáti sumus? Consepúlti ergo sumus cum illo per baptísmum in mortem, ut, quemádmódum suscitátus est Christus a mórtuis per glóriam Patris, ita et nos in novitáte vitæ ambulémus.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominátur. — Verbum Dómini.

2

Sive vivimus sive morimur, Domini sumus.

Léctio Epístolæ beáti Pauli apóstoli ad Romános

14, 7-9

Fratres:

Nemo nostrum sibi vivit, et nemo sibi móritur. Sive enim vívimus, Dómino vívimus; sive mórimur, Dó-

mino mórimur: sive ergo vívimus sive mórimur, Dómini sumus.

In hoc enim Christus et mórtuus est et vixit, ut et mortuórum et vivórum dominétur.

Verbum Dómini.

3

In Christo omnes vivificabuntur.

Léctio Epístolæ primæ beáti Pauli apóstoli ad Corínthios

15, 20-23

Fratres:

Nunc Christus resurréxit a mórtuis, primitiæ dormiéntium; quóniam enim per hóminem mors, et per hóminem resurréctio mortuórum.

Sicut enim in Adam omnes moriúntur, ita et in Christo omnes vivificabúntur. Unusquisque autem in suo órdine: primitiæ Christus, deínde hi qui sunt Christi in advéntu eius. — Verbum Dómini.

4

*Elegit nos Deus in Christo ante mundi constitutionem,
ut essemus sancti.*

Léctio Epístolæ beáti Pauli apóstoli ad Ephésios 1, 3-5

Benedíctus Deus et Pater Dómini nostri Iesu Christi, qui benedíxit nos in omni benedictióne spiritáli in cæléstibus in Christo; sicut elégit nos in ipso ante mundi constitutióne, ut essémus sancti et immaculáti in conspéctu eius in caritáte; qui prædestinávit nos in adoptióne filiórum per Iesum Christum in ipsum, secúndum beneplácitum voluntátis suæ.

Verbum Dómini.

5

Semper cum Domino erimus.

Léctio Epístolæ primæ beāti Pauli apóstoli
ad Thessalonicenses

4, 13-14. 17 b-18

Nólumus vos ignoráre, fratres, de dormiéntibus, ut
non contristémini, sicut et céteri qui spem non habent.

Si enim crédimus quod Iesus mórtuus est et re-
surréxit, ita et Deus eos qui dormiérunt per Iesum
addúcet cum eo.

Et sic semper cum Dómino érimus. Itaque consolá-
mini ínvicem in verbis istis.

Verbum Dómini.

Evangelium

1

Alleluia

Cf. Mt 11, 25

℞. Allelúia. ∕. Benedíctus es, Pater,
Dómine cæli et terræ,
quia mystéria Regni párvulis revelásti.
℞. Allelúia.

Venite ad me, ... et ego reficiam vos.

✠ Léctio sancti Evangélíi secúndum Mattháeum

11, 25-30

In illo témpore, respóndens Iesus dixit: « Confí-
teor tibi, Pater, Dómine cæli et terræ, quia abscondísti
hæc a sapiéntibus et prudéntibus, et revelásti ea párvulis.

Ita, Pater, quóniam sic fuit plácitum ante te. Omnia
mihi trádicta sunt a Patre meo; et nemo novit Fílium,

nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et oneráti estis, et ego reficiam vos.

Tóllite iugum meum super vos, et díscite a me quia mitis sum et húmilis corde; et “ inveniétis réquiem animábus vestris ”; iugum enim meum suáve, et onus meum leve est ». — Verbum Dómini.

2

Alleluia

Io 6, 39

℟. Allelúia. ✠. Hæc est volúntas Patris mei,
ut omne, quod dedit mihi,
non perdam ex eo,
sed resúscitem illud in novíssimo die,
dicit Dóminus. ℟. Allelúia.

*

*Hæc est voluntas Patris mei
ut omne, quod dedit mihi, non perdam ex eo.*

✠ Lécio sancti Evangélíi secúndum Ioánnem 6, 37-40

In illo témpore:

Dixit Iesus turbis: « Omne, quod dat mihi Pater, ad me véniet; et eum, qui venit ad me, non eíciam foras. Quia descénderi de cælo, non ut fáciam voluntátem meam, sed voluntátem eius qui misit me.

Hæc est autem volúntas eius, qui misit me, ut omne, quod dedit mihi, non perdam ex eo, sed resúscitem illud in novíssimo die.

Hæc est autem volúntas Patris mei, ut omnis qui videt Fílium et credit in eum hábeat vitam ætérrnam; et resuscitábo eum in novíssimo die ».

Verbum Dómini.

vel brevior

✠ Lécio sancti Evangélii secúndum Ioannem

6, 37-39

In illo témpore:

Dixit Iesus turbis: « Omne, quod dat mihi Pater, ad me véniet; et eum, qui venit ad me, non eíciam foras. Quia descénderi de cælo, non ut fáciam voluntátem meam, sed voluntátem eius qui misit me.

Hæc est autem volúntas eius, qui misit me, ut omne, quod dedit mihi, non perdam ex eo, sed resúscitem illud in novíssimo die.

Verbum Dómini.

3

Alleluia

2 Cor 1, 3 b-4 a

℞. Allelúia. ℣. Benedíctus Pater misericordiárum
et Deus totíus consolatiónis,
qui consolátur nos in omni tribulatióne nostra. ℞. Allelúia.

Si credideris, videbis gloriam Dei.

✠ Lécio sancti Evangélii secúndum Ioánnem

11, 32-38. 40

In illo témpore:

Cum venísset María, soror Lázari, ubi erat Iesus, videns eum cécidit ad pedes eius dicens ei: « Dómine, si fuísses hic, non esset mórtuus frater meus ».

Iesus ergo, ut vidit eam plorántem et Iudæos, qui vénerant cum ea, plorántes, frémuít spírítu et turbávit se ipsum, et dixit: « Ubi posuístis eum? »

Dicunt ei: « Dómine, veni et vide ». Lacrimátus est Iesus.

Dicébant ergo Iudæi: « Ecce quómodo amábat eum! »

Quidam autem dixerunt ex ipsis: « Non póterat hic, qui apéruiť óculos cæci, fácere ut et hic non morerétur? » Iesus ergo rursum fremens in semetípso venit ad monuméntum. Erat autem spelúnca, et lapis superpóstitus erat ei.

Dicit Iesus Marthæ: « Nonne dixi tibi quóniam, si credíderis, vidébis glóriam Dei? »

Verbum Dómini.

4

Alleluia

2 Cor 1, 3 b-4 a

℟. Allelúia. ℣. Benedíctus Pater misericordiárum
et Deus totíus consolatiónis,
qui consolátur nos in omni tribulatióne nostra. ℟. Allelúia.

Ecce mater tua.

✝ Lécťio sancti Evangélíi secúndum Ioánnem

19, 25-30

In illo témpore:

Stabant iuxta crucem Iesu mater eius, et soror matris eius María Cléopæ, et María Magdaléne. Cum vidísset ergo Iesus matrem et discípulum stantem quem diligébat, dicit matri: « Múlier, ecce fílius tuus »; deínde dicit discípulo: « Ecce mater tua ».

Et ex illa hora accépit eam discípulus in sua.

Póstea sciens Iesus quia iam ómnia consummáta sunt, ut consummarétur Scriptúra, dicit: « Sítio ». Vas pósitum erat acéto plenum; spóngiam ergo plenam acéto hyssópo circumponéntes obtulérunt ori eius. Cum ergo accepísset Iesus acétum, dixit: « Consummátum est ».

Et, inclináto cápite, trádidit spíritum.
Verbum Dómini.

B. In exsequiis parvuli nondum baptizati

Si quis parvulus, quem parentes baptizari volebant, ante baptismum mortuus fuerit, Ordinarius loci, adiunctis pastoralibus consideratis, permittere potest ut eius exsequiæ celebrentur in ipsa domo defuncti, aut etiam iuxta illum typum exsequiarum, qui de more pro ceteris in regione adhibetur.

In huiusmodi exsequiis habeatur de more liturgia verbi, prouti in Rituali describitur. Si tamen opportuna aliquando iudicatur Missæ celebratio, adhibeantur textus qui sequuntur.

In catechesi autem advigilandum est, ne doctrina de necessitate baptismi in mentibus fidelium obscuretur.

Ant. ad introitum

Ap 21, 4

Abstérget Deus omnem lácrimam ab óculis eórum,
et mors ultra non erit, neque luctus, neque clamor,
neque dolor erit ultra, quia prima transiérunt.

Collecta

Fidélium tuórum, Dómine, súscipe vota,
ut, quos permíttis infántis sibi erépti desidério déprimi,
eósdem concédas
in tuæ spem miseratiónis fidénter attólli.
Per Dóminum.

Vel:

Scrutátor córdium, Deus, et piíssime consolátor,
qui horum paréntum fidem novísti,
præsta, ut infántem suum,
quem plorant hac vita defúntum,
tuæ séntiant divínæ pietátí commíssum.
Per Dóminum.

Lectiones ut infra, pp. 1736-1739.

Super oblata

Hanc oblatiónem, Deus,
dignáre in nostræ signum devotiónis excípere,
ut, qui tuæ providéntiæ consíliis submittimur confidéntes,
tuæ quoque pietátis dulcédine sublevémur.
Per Christum.

Præfatio de defunctis, pp. 615-619.

Ant. ad communionem

Is 25, 8

Præcipitábit Dóminus mortem in sempitérnum,
et áuferet Deus lácrimam ab omni fácie.

Post communionem

Córporis, Dómine,
et Sánguinis Fílii tui communióne percépta,
te fidéliter deprecámur,
ut, quos in spem vitæ ætérynæ
sacris dignátus es nutrírre mystériis,
in huius tríbuas vitæ mæroribus confortári.
Per Christum.

Lectio prior

1

Præcipitabit Dominus mortem in sempiternum.

Lectio libri Isaïæ prophætæ

25, 6 a. 7-8 a

In die illa:

Fáciet Dóminus exercítuum ómnibus pópulis in monte hoc convívium pínguim.

Et præcipitábit in monte isto fáciem vínculi colligáti super omnes pópulos, et telam quam ordítus est super omnes nátiónes.

Præcipitábit mortem in sempitérnum, et áuferet Dóminus Deus lácrimam ab omni fácie.

Verbum Dómini.

Psalmus responsorius

Ps 24, 4 bc-5 ab. 6 et 7 bc. 17 et 20 (R.: 3 b)

R. Qui sústinent te, Dómine, non confundéntur.

⁴ Vias tuas, Dómine, demónstra mihi,
et sémitas tuas édoce me.

⁵ Dírige me in veritáte tua et doce me,
quia tu es Deus salútis meæ. R.

⁶ Reminíscere miseratiónum tuárum, Dómine,
et misericordiárum tuárum, quóniam a sáculo sunt.

⁷ Secúndum misericórdiam tuam meménto mei tu,
propter bonitátem tuam, Dómine. R.

¹⁷ Diláta angústias cordis mei,
et de necessitátibus meis érue me.

²⁰ Custódi ánimam meam, et érue me;
non erubéscam, quóniam sperávi in te. R.

Bōnum est præstolari cum silentio salutare Dei.

Lectio libri Lamentationum

3, 22-26

Misericordiæ Dómini, quia non sumus consúpti, quia non defecérunt miseratiónes eius. Novi dilúculo, multa est fides tua.

« Pars mea Dóminus », dixit ánima mea; proptérea exspectábo eum.

Bonus est Dóminus sperántibus in eum, ánimæ quærénti illum; bonum est præstolari cum siléntio salutáre Dei. — Verbum Dómini.

Psalmus responsorius

Ps 24, 4 bc-5 ab. 6 et 7 bc. 17 et 20 (R.: 1 b)

R. Ad te, Dómine, levávi ánimam meam.

- 4 Vias tuas, Dómine, demónstra mihi,
et sémitas tuas édoce me.
- 5 Dírige me in veritáte tua et doce me,
quia tu es Deus salutis meæ. R.
- 6 Reminíscere miseratiónum tuárum, Dómine,
et misericordiárum tuárum, quóniam a sáculo sunt.
- 7 Secúndum misericórdiam tuam meménto mei tu,
propter bonitátem tuam, Dómine. R.
- 17 Diláta angústias cordis mei,
et de necessitátibus meis érue me.
- 20 Custódi ánimam meam, et érue me;
non erubéscam, quóniam sperávi in te. R.

Evangelium

1

Alleluia

Ap 1, 5-6

℞. Allelúia. √. Iesus Christus
 est primogénitus mortuórum;
 ipsi glória et impérium
 in sǎcula sæculórum. Amen.
 ℞. Allelúia.

*Venite ad me, omnes qui laboratis et onerati estis,
 et ego reficiam vos.*

✠ Lécio sancti Evangélíi secúndum Matthæum

11, 27-30

In illo témpore: Respóndens Iesus dixit:

« Omnia mihi trádicta sunt a Patre meo, et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et oneráti estis, et ego reficiam vos. Tóllite iugum meum super vos et díscite a me, quia mitis sum et húmilis corde; et inve-niétis réquiem animábus vestris; iugum enim meum suáve, et onus meum leve est ». — Verbum Dómini.

2

Alleluia

2 Cor 1, 3 b-4 a

℞. Allelúia. √. Benedíctus Pater misericordiárum
 et Deus totíus consolatiónis,
 qui consolátur nos in omni tribulatióne no-
 stra. ℞. Allelúia.

Ecce mater tua.

✝ Lécitio sancti Evangélii secúndum Ioánnem

19, 25-30

In illo témpore:

Stabant iuxta crucem Iesu mater eius, et soror matris eius María Cléopæ, et María Magdaléne. Cum vidisset ergo Iesus matrem et discípulum stantem quem diligébat, dicit matri: « Múlier, ecce fílius tuus »; deínde dicit discípulo: « Ecce mater tua ».

Et ex illa hora accépit eam discípulus in sua.

Póstea sciens Iesus quia iam ómnia consummáta sunt, ut consummarétur Scriptúra, dicit: « Sítio ». Vas pósitum erat acéto plenum; spóngiam ergo plenam acéto hyssópo circumponéntes obtulérunt ori eius. Cum ergo accepisset Iesus acétum, dixit: « Consummátum est ».

Et, inclináto cápite, trádidit spíritum.
Verbum Dómini.

APPENDIX



ORDO AD FACIENDAM ET ASPERGENDAM AQUAM BENEDICTAM


1. Ritus benedictionis et aspersionis aquæ benedictæ fieri potest in omnibus Missis dominicæ, iis etiam quæ horis vespertinis sabbati anticipantur, in omnibus ecclesiis et oratoriis.

Huiusmodi ritus locum tenet actus pænitentialis initio Missæ peragendi.

2. Post salutationem, sacerdos, stans ad sedem, ad populum conversus, habens ante se vas cum aqua benedicenda, populum ad orandum invitat his vel similibus verbis:

Dóminum Deum nostrum,
fratres caríssimi, suppliciter deprecémur,
ut hanc creatúram aquæ benedícere dignétur,
super nos aspergéndam in nostri memóriam baptísmi.
Ipse autem nos adiuváre dignétur,
ut fidéles Spíritui, quem accépinus, maneámus.

Et post brevem pausam silentií prosequitur, manibus iunctis:

Omnípotens sempitérne Deus,
qui voluísti ut per aquam,
fontem vitæ ac purificatiónis princípium,
étiam ánimæ mundaréntur
æternæque vitæ munus excíperent,
dignáre, quæsumus, hanc aquam  benedícere,
qua vólumus hac die tua, Dómine, comuníri.
Fontem vivum in nobis tuæ grátiae renovári
et ab omni malo spíritus et córporis
per ipsam nos deféndi concédas,
ut mundis tibi córdibus propinquáre
tuámque digne salútem valeámus accípere.
Per Christum Dóminum nostrum.

 Amen.

Vel:

Dómine Deus omnípotens,
qui es totíus vitæ córporis et ánimæ fons et orígo,
hanc aquam, te quæsumus, ✠ benedícas,
qua fidénter útimur
ad nostrórum implorándam véniam peccatórum
et advérsus omnes morbos inimicíque insídias
tuæ defensiónem grátiae consequéndam.
Præsta, Dómine, ut, misericórdia tua interveniénte,
aquæ vivæ semper nobis sáliant in salútem,
ut mundo tibi corde appropinquáre possímus,
et omnis córporis animæque perícula devitémus.
Per Christum Dóminum nostrum.

℟. Amen.

3. Ubi locorum condicio aut populi traditio suadet ut salis commixtio in benedictione aquæ servetur, sacerdos sal benedicit, dicens:

Súpplíces te rogámus, omnípotens Deus,
ut hanc creatúram salis
benedícere ✠ tua pietáte dignéris,
qui per Eliséum prophétam in aquam mitti eam iussísti,
ut sanarétur sterílitas aquæ.
Præsta, Dómine, quæsumus,
ut, ubicúmque hæc salis et aquæ commíxtio
fúerit aspérsa,
omni impugnatione inimíci depúlsa,
præséntia Sancti tui Spíritus
nos iúgiter custódiat.
Per Christum Dóminum nostrum.

℟. Amen.

Deinde sal immittit in aquam, nihil dicens.

4. Postea, accepto aspersorio, sacerdos aspergit se et ministros, deinde clerum et populum, pro opportunitate transeundo per ecclesiam.

Interim peragitur unus e cantibus qui sequuntur, vel alius cantus aptus.

Ant. 1 Aspérget me, Dómine, hyssópo, et mundábor: lavábis me, et super nivem dealbábor (**Ps 50, 9**).

Ant. 2 Effúndam super vos aquam mundam, et mundabímmini ab ómnibus inquinaméntis vestris, et dabo vobis cor novum, dicit Dóminus (**Ez 36, 25-26**).

Hymnus. Benedíctus Deus
et Pater Dómini nostri Iesu Christi,
qui secúndum misericórdiam suam magnam
regenerávit nos in spem vivam,
per resurrectiónem Iesu Christi ex mórtuis,
in hereditátem incorruptibilem,
in cælis conservátam nobis
in salútem témpore novíssimo revelándam!
(cf. 1 Petr 1, 3-5).

5. Ad sedem reversus, et cantu expleto, sacerdos, stans versus ad populum, manibus iunctis, dicit:

Deus omnipotens nos a peccátis puríficet,
et per huius Eucharístiæ celebratióem
dignos nos reddat,
qui mensæ regni sui partícipes efficiámur.

R. Amen.

6. Deinde, quando præscribitur, cantatur vel dicitur hymnus Glória in excélsis Deo.

SPECIMINA FORMULARUM PRO ORATIONE UNIVERSALI

1. FORMULA GENERALIS, I

A - Admonitio prævia

Ad Deum Patrem omnipotentem,
qui vult omnes homines salvos fieri
et ad agnitionem veritatis venire,
tota mentis nostræ, fratres carissimi, dirigatur oratio.

B - 1^a series intentionum

Pro Ecclesia sancta Dei;
ut eam Dominus custodire et fovere dignetur,
Dominum deprecemur.

Participatio populi: R. Præsta, æternæ omnipotens Deus.

C - 2^a series intentionum

Pro totius orbis populis;
ut inter eos Dominus concordiam servare dignetur,
Dominum deprecemur.

R. Præsta, æternæ omnipotens Deus.

D - 3^a series intentionum

Pro omnibus qui variis premuntur necessitatibus;
ut omnes Dominus sublevare dignetur,
Dominum deprecemur.

R. Præsta, æternæ omnipotens Deus.

E - 4^a series intentionum

Pro nobismetipsis ac pro nostra communitate;
ut nos omnes Dominus hostiam sibi acceptabilem
admittere dignetur,
Dominum deprecemur.

R. Præsta, æternæ omnipotens Deus.

F - Oratio sacerdotalis conclusiva

Deus, refúgium nostrum et virtus,
adesto piis Ecclésiæ tuæ précibus,
auctor ipse pietátis, et præsta,
ut, quod fidéliter pétimus,
efficáciter consequámur.

Per Christum Dóminum nostrum.

℞. Amen.

2. FORMULA GENERALIS, II

A

Fratres, in hac pública et commúni oratióne
quam nunc incípimus,
non quisquis pro se, nec tantum pro necessariis suis,
sed omnes pro toto pópulo orémus Christum Dóminum.

B

1. Pro cuncto pópulo christiáno,
divinæ bonitátis abundántiam deprecémur.
℞. Christe, audi nos **vel** Exáudi, Christe.
2. Pro ómnibus nondum credéntibus,
largitórem spiritalium múnere implorémus.
℞. Christe, audi nos.

C

1. Pro rei públicæ moderatóribus,
Dómini poténtiam implorémus.
℞. Christe, audi nos.
2. Pro áeris tempérie ac fructuum ubertáte,
rectórem mundi Dóminum implorémus.
℞. Christe, audi nos.

D

1. Pro fratribus nostris,
qui huic sacro cœtui interésse non possunt,
inspectórem ómnium implorémus.
℞. Christe, audi nos.
2. Pro refrigerio fidélium animárum,
universæ carnis iúdicem implorémus.
℞. Christe, audi nos.

E

1. Pro nobis ómnibus plena fide supplicántibus
et Dómini misericórdiam poscéntibus,
Salvatóris cleméntiam implorémus.

℟. Christe, audi nos.

2. Pro nobis et necessariis nostris
bonitátem Dómini exspectántibus,
Christi Dómini misericórdiam implorémus.

℟. Christe, audi nos.

F

Précibus nostris, quæsumus, Dómine,
aures tuæ pietátis accómmoda,
et oratiónes súpplicum benígnus exáudi.
Per Christum Dóminum nostrum.

℟. Amen.

9. TEMPORE « PER ANNUM », I

A

In unum congregáti, fratres caríssimi,
ad Dei nostri benefícia recolénda,
rogémus eum, ut ipse nobis vota subíciat,
quæ digne possit audíre.

B

Pro Pontífice nostro **N.**, et Antístite nostro **N.**, et omni clero
cum pópulo ipsórum gubernáculis commendáto,
Dóminum deprecémur.

C

Pro moderatóribus rerum publicárum eorúmque minístris
bonum commúne curántibus,
Dóminum deprecémur.

D

Pro navigántibus, iter agéntibus,
et captívis vel in carcéribus deténtis,
Dóminum deprecémur.

E

Pro nobis ómnibus,
fide, devotióne et Dei dilectiόne ac timóre
in hac aula sacratíssima congregátis,
Dóminum deprecémur.

F

Fiant, Dómine, tuo grata conspéctui vota
supplicántis Ecclésiæ,
ut tua nobis misericórdia conferátur
quod nostrórum non habet fidúcia meritórum.
Per Christum.

10. TEMPORE « PER ANNUM », II

A

Omnes huc convénimus, fratres caríssimi,
ad Redemptiόnis nostræ recolénda mystéria;
rogémus ergo Deum omnipoténtem,
ut mundus univérsum
his totíus benedictiόnis et vitæ fónitibus irrigétur.

B

Pro ómnibus qui seípsos Deo vovérunt,
ut, illo adiuvánte, propósitum suum in fidelitáte custódiant,
Dóminum exorémus.

C

Pro pace géntium,
ut, omni perturbatiόne remóta,
liberis ipsi méntibus pópuli servíre mereántur,
Dóminum exorémus.

D

Pro sénibus, qui solitúdine vel infirmitáte labórant,
ut fratérna nostra caritáte firméntur,
Dóminum exorémus.

- E
Pro nobis hic congregátis,
ut sic sciámus bonis uti præséntibus,
quibus nos Deus fovére non désinit,
ut iam possímus inhærére perpétuis,
Dóminum exorémus.
- F
Adsit, Dómine, quæsumus, propitiátio tua pópulo supplicánti,
ut, quod te inspiránte fidéliter éppetit,
tua céleri largitáte percípiat. Per Christum.
- Tempore « per annum » adhiberi possunt etiam formularia
generalia supra proposita, nn. 1-2.

11. IN MISSIS DEFUNCTORUM

- A
Deum Patrem omnipoténtem,
qui Christum Fílium suum suscitávit a mórtuis,
pro salúte vivórum atque mortuórum fidéliter invocémus.
- B
Ut pópulum cristiánum in fide et unitáte stabíliat,
Dóminum deprecémur.
- C
Ut ab omni bellórum nequítia orbem éruat univérsum,
Dóminum deprecémur.
- D
Ut frátribus qui carent ópere, victu vel tecto,
se patrem dignétur osténdere,
Dóminum deprecémur.
- E
1. Ut huic defúncto N.,
qui olim per Baptísmum æternæ vitæ semen accépit,
perpétuam velit societátem donáre Sanctórum,
Dóminum deprecémur.

2. Ut eum, qui manducávit Corpus Christi,
panem vitæ æternæ,
resúscitet in novíssimo die,
Dóminum deprecémur.
(Vel pro presbytero):
Ut eum, qui in Ecclésia sacerdótii munus exércuit,
fáciat cæléstis participem liturgiæ,
Dóminum deprecémur.
3. Ut animábus fratrum, propinquórum
et benefactorum nostrórum
mercédem labóris attríbuat,
Dóminum deprecémur.
4. Ut omnes, qui dormiérunt in spe resurrectiόνis,
in lúmine sui vultus accípiat,
Dóminum deprecémur.
5. Ut fratres nostros, qui in afflictiónē versántur,
ádiuvet et propítius consolétur,
Dóminum deprecémur.
6. Ut omnes, qui huc in fide et devotióne convenérunt,
in gloriósum suum regnum congregáre dignétur,
Dóminum deprecémur.

F

Animábus, quæsumus, Dómine, famulórum
familiarúmque tuárum
orátio profíciat supplicántium,
ut eas et a peccátis ómnibus éxuas,
et tuæ redemptiόνis fácias esse partícipes.
Qui vivis.

RITUS AD DEPUTANDUM MINISTRUM S. COMMUNIONIS AD ACTUM DISTRIBUENDÆ

1. Ordinarii locorum facultate fruuntur permittendi singulis sacerdotibus sacra munera exercentibus ut deputare valeant personam idoneam, quæ in casibus veræ necessitatis, ad actum, S. Communionem distribuat.

2. Personam quæ, iis in casibus, ad S. Communionem distribuendam ad actum deputatur, mandatum accipere expedit iuxta ritum qui sequitur.

3. Dum fractio panis et immixtio peraguntur, qui S. Communionem distribuere debet ad altare accedit et coram celebrante sistit. Expleta invocatione *Agnus Dei*, sacerdos eum benedicit his verbis:

Benedícat ✠ te Dóminus
ad Corpus Christi frátribus tuis nunc ministrándum.

Et ipse respondet:

Amen.

4. Postquam vero sacerdos de more Sacramentum sumpsit, S. Communionis ministrum, si hic SS. Eucharistiam suscepturus sit, communicat; ac deinde pyxidem vel vas cum hostiis ei porrigit, et una cum eodem ad S. Communionem fidelibus ministrandam accedit.

PRÆPARATIO AD MISSAM

Oratio S. Ambrosii

Ad mensam dulcissimi convívii tui, pie Dómine Iesu Christe, ego peccátor de própriis meis méritis nihil præsumens, sed de tua confídens misericórdia et bonitáte, accédere véreor et contremísco.

Nam cor et corpus hábeo multis crimínibus maculátum, mentem et linguam non caute custodítam.

Ergo, o pia Déitas, o treménda maiéstas, ego miser, inter angústias deprehensus,

ad te fontem misericórdiæ recúrro,
ad te festíno sanándus,
sub tuam protectiónem fúgio;
et, quem Iúdicem sustinére néqueo,
Salvatórem habére suspíro.
Tibi, Dómine, plagas meas osténdo,
tibi verecúndiam meam détego.
Scio peccáta mea multa et magna, pro quibus tímeo:
spero in misericórdias tuas, quarum non est númerus.
Réspice ergo in me óculis misericórdiæ tuæ,
Dómine Iesu Christe, Rex ætérne, Deus et homo,
crucifíxus propter hóminem.
Exáudi me sperántem in te:
miserére mei pleni misériis et peccátis,
tu qui fontem miseratiónis numquam manáre cessábis.
Salve, salutáris víctima,
pro me et omni humáno génere in patíbulo Crucis obláta.
Salve, nóbilis et pretiósé Sanguis,
de vulnéribus crucifíxi Dómini mei Iesu Christi prófluens,
et peccáta totíus mundi ábluens.
Recordáre, Dómine, creatúræ tuæ,
quam tuo Sanguine redemísti.
Pénitet me peccásse,
cúpio emendáre quod feci.
Aufer ergo a me, clementíssime Pater,
omnes iniquitátes et peccáta mea,
ut, purificátus mente et córpore,
digne degustáre mérear Sancta sanctorum.
Et concéde,
ut hæc sancta prælibátio Córporis et Sanguinis tui,
quam ego indígnus súmeré inténdo,
sit peccatorum meórum remíssio,
sit delictórum perfécta purgátio,
sit túrpius cogitátionum effugátio
ac bonórum sénsuum regenerátio,
operúmque tibi placéntium salúbris efficácia,
ánimæ quoque et córporis
contra inimicórum meórum insídias firmíssima tuítio.
Amen.

Oratio S. Thomæ de Aquino

Omnípotens sempitérne Deus,
ecce accédo ad sacraméntum unigéniti Fílii tui,
Dómini nostri Iesu Christi:
accédo tamquam infirmus ad médicum vitæ,
immúndus ad fontem misericórdiæ,
cæcus ad lumen claritátis æternæ,
pauper et egénus ad Dóminum cæli et terræ.
Rogo ergo imménsæ largitátis tuæ abundántiam,
quátenus meam curáre dignéris infirmitátem,
laváre fœditátem, illumináre cæcitaté,
ditáre paupertátem, vestíre nuditaté,
ut panem Angelórum, Regem regum
et Dóminum dominántium,
tanta suscípiam reveréntia et humilitáte,
tanta contritióne et devotióne, tanta puritaté et fide,
tali propósito et intentiόne, sicut expedit salúti ánimæ meæ.
Da mihi, quæso, domínici Córporis et Sánguinis
non solum suscípere sacraméntum,
sed étiam rem et virtútem sacraménti.
O mitíssime Deus,
da mihi Corpus unigéniti Fílii tui,
Dómini nostri Iesu Christi,
quod traxit de Vírgine María, sic suscípere,
ut córpori suo mýstico mérear incorporári
et inter eius membra connumerári.
O amantíssime Pater,
concéde mihi diléctum Fílium tuum,
quem nunc velátum in via suscípere propóno,
reveláta tandem fácie perpétuo contemplári:
Qui tecum vivit et regnat
in sæcula sæculórum.
Amen.

Oratio ad B. Mariam Virginem

O Mater pietátis et misericórdiæ, beatíssima Virgo María,
ego miser et indignus peccátor
ad te confúgio toto corde et afféctu,

et precor pietatem tuam,
ut, sicut dulcissimo Filio tuo in Cruce pendenti astitisti,
ita et mihi, misero peccatori, et sacerdotibus omnibus,
hic et in tota sancta Ecclesia hodie offerentibus,
clementer assistere digneris,
ut, tua gratia adiuti,
dignam et acceptabilem hostiam
in conspectu summæ et individuæ Trinitatis offerre valeamus.
Amen.

Formula intentionis

Ego volo celebrare Missam,
et conficere Corpus et Sanguinem Domini nostri Iesu Christi,
iuxta ritum sanctæ Romanæ Ecclesiæ,
ad laudem omnipotentis Dei totiusque Curiæ triumphantis,
ad utilitatem meam totiusque Curiæ militantis,
pro omnibus qui se commendaverunt orationibus meis
in genere et in specie,
et pro felici statu sanctæ Romanæ Ecclesiæ.
Amen.

Gaudium cum pace,
emendationem vitæ, spatium veræ penitentiae,
gratiam et consolationem Sancti Spiritus,
perseverantiam in bonis operibus,
tribuat nobis omnipotens et misericors Dominus.
Amen.

GRATIARUM ACTIO POST MISSAM

Oratio S. Thomæ de Aquino

Gratias tibi ago,
Domine, sancte Pater, omnipotens æterne Deus,
qui me peccatorem, indignum famulum tuum,
nullis meis meritis, sed sola dignatione misericordiæ tuæ
satiare dignatus es pretioso Corpore et Sanguine Filii tui,
Domini nostri Iesu Christi.

Et precor, ut hæc sancta commúnio
non sit mihi reátus ad pœnam,
sed intercæssio salutáris ad véniam.
Sit mihi armatúra fídei, et scutum bonæ voluntátis.
Sit vitiórum meórum evacuátio,
concupiscéntiæ et libídinis exterminátio,
caritátis et patiéntiæ, humilitátis et obœdiéntiæ,
omniúmque virtútum augmentátio:
contra insídias inimicórum ómnium,
tam visibílium quam invisibílium, firma defénsio:
mótuum meórum, tam carnálium quam spiritálium,
perfécta quietátio:
in te uno ac vero Deo firma adhæsió,
atque finis mei felix consummátio.
Et precor te, ut ad illud ineffábile convívium
me peccatórem perdúcere dignéris,
ubi tu, cum Fílio tuo et Spíritu Sancto,
Sanctis tuis es lux vera, satiétas plena,
gáudium sempitérnum, iucúnditas consummáta
et felicitas perfécta.
Per Christum Dóminum nostrum.
Amen.

Aspirationes ad Ss.mum Redemptorem

Anima Christi, sanctífica me.
Corpus Christi, salva me.
Sanguis Christi, inébria me.
Aqua láteris Christi, lava me.
Pássio Christi, confórta me.
O bone Iesu, exáudi me.
Intra tua vúlnera abscónde me.
Ne permíttas me separári a te.
Ab hoste maligno defénde me.
In hora mortis meæ voca me.
Et iube me veníre ad te,
ut cum Sanctis tuis laudem te
in sæcula sæculórum.
Amen.

Oblatio sui

Súscipe, Dómine, univérsam meam libertátem.
Accipe memóriam, intelléctum atque voluntátem omnem.
Quidquid hábeo vel possídeo, mihi largítus es;
id tibi totum restítuo,
ac tuæ prorsus voluntáti trado gubernándum.
Amórem tui solum cum grátia tua mihi dones,
et dives sum satis, nec áliud quidquam ultra posco.

Oratio ad D. N. Iesum Christum Crucifixum

En ego, o bone et dulcíssime Iesu,
ante conspéctum tuum génibus me provólvo,
ac máximo ánimi ardóre te oro atque obtéstor,
ut meum in cor vívidos fídei, spei et caritátis sensus,
atque veram peccatórum meórum pæniténtiam,
eáque emendándi firmíssimam voluntátem velis imprímere;
dum magno ánimi afféctu et dolóre
tua quinque vúlnera mecum ipse consídero
ac mente contémplo,
illud præ óculis habens,
quod iam in ore ponébat tuo David prophéta de te,
o bone Iesu:
Fodérunt manus meas et pedes meos:
dinumeravérunt ómnia ossa mea (Ps. 21, 17).

**Oratio universalis
sub nomine Clementis Pp. XI vulgata**

Credo, Dómine, sed credam fírmius;
spero, sed sperem secúrius;
amo, sed amem ardéntius;
dóleo, sed dóleam veheméntius.
Adóro te ut primum princípium;
desídero ut finem últimum;
laudo ut benefactórem perpétuum;
ínvoco ut defensórem propítium.

Tua me sapiéntia dírige,
iustítia cóntine, cleméntia soláre,
poténtia prótege.

Offero tibi, Dómine, cogitánda, ut sint ad te;
dicénda, ut sint de te;
faciénda, ut sint secúndum te;
ferénda, ut sint propter te.

Volo quidquid vis, volo quia vis,
volo quómodo vis,
volo quámdiu vis.

Oro, Dómine: intelléctum illúmines,
voluntátem inflámmes,
cor emúndes, ánimam sanctífices.

Défleam præteritas iniquitátes, repéllam futúras tentatiónes,
córrigam vitiósas propensiónes,
éxcolam idóneas virtútes.

Tríbuie mihi, bone Deus, amórem tui, ódium mei,
zelum próximi, contéptum mundi.

Stúdeam superiórius obædíre,
inferiórius subveníre,
amícis consúlere, inimícis párcere.

Vincam voluptátem austeritáte,
avarítiam largitáte, iracúndiam lenitáte,
tepiditátem fervóre.

Redde me prudéntem in consíliis,
constántem in perículis, patiéntem in advérsis,
húmilem in prósperis.

Fac, Dómine, ut sim in oratióne atténtus,
in épulis sóbrius,
in múnere sédulus, in propósito firmus.

Curem habére innocéntiam interiórem,
modéstiam exteriórem, conversatiónem exemplárem,
vitam regulárem.

Assidue invigilem naturæ domandæ,
gratiæ fovendæ, legi servandæ,
saluti promerendæ.

Discam a te quam tenue quod terrenum,
quam grande quod divinum,
quam breve quod temporaneum,
quam durabile quod æternum.

Da, ut mortem præveniam,
iudicium pertineam,
infernum effugiam, paradisum obtineam.
Per Christum Dominum nostrum. Amen.


Oratio ad B. Mariam Virginem

O Mariá, Virgo et Mater sanctíssima,
ecce suscepí dilectíssimum Fílium tuum,
quem immaculáto útero tuo concepísti,
genuísti, lactásti atque suavíssimis ampléxibus strinxísti.
Ecce, cuius aspéctu lætabáris et ómnibus delíciis replebáris,
illum ipsum tibi humíliter et amánte repræsénte et óffero,
tuis bráccíis constringéndum, tuo corde amándum,
sanctíssimæque Trinitáti in suprénum latríæ cultum,
pro tui ipsíus honóre et glória
et pro meis totiúsque mundi necessitatibus, offeréndum.
Rogo ergo te, piíssima Mater,
ímpetra mihi véniam ómnium peccatórum meórum,
uberémque grátiam ipsi deinceps fidélius serviéndo,
ac dénique grátiam finálem,
ut eum tecum laudáre possim per ómnia sácula sæculórum.
Amen.

CANTUS IN ORDINE MISSÆ

I. AD RITUS INITIALES


Ad signum crucis



In nómine Patris, et Fí-li-i, et Spí-ri-tus Sancti. **R.** Amen.

Ad salutationem


1



Grá-ti-a Dómini nostri Iesu Christi, et cá-ri-tas De-i, et communi-



cá-ti-o Sancti Spí-ri-tus sit cum ómnibus vo-bis. **R.** Et cum spí-ri-tu




tu-o.

2



Grá-ti-a vo-bis et pax a De-o Patre nostro et Dómi-no Iesu



Chri-sto. **R.** Bene-dictus De-us et Pater Dómi-ni nostri Iesu Chri-sti.

3



Dóminus vobiscum. [Pax vobis.] **R.** Et cum spí-ri-tu tu-o.

Vel



Dóminus vobis-cum. [Pax vo-bis.] R. Et cum spí-ri-tu tu- o.

II. PRO ORATIONIBUS

A

Post collectam



... per ómni- a sæcu- la sæcu- ló- rum. R. Amen.

Post alias orationes



Per Christum Dóminum nostrum. R. Amen.

Vel



Qui vi- vit et regnat in sæcu- la sæcu- ló- rum. R. Amen.

B

Post collectam



... per ómni- a sæcu- la sæcu- ló- rum. R. Amen.

Post alias orationes



Per Christum Dóminum nostrum. R. Amen.

Vel

Qui vi-vit et regnat in sæcu-la sæcu-ló-rum. **R.** Amen.

Hic tonus B aptius convenit cum oratione super oblata, ad inducendam salutationem Dóminus vobíscum ante præfationem.

III. AD LITURGIAM VERBI

Post lectionem I

Verbum Dómi-ni. **R.** De-o grá-ti-as.

Post lectionem II vel unicam ante Evangelium




Verbum Dómi-ni. **R.** De-o grá-ti-as.

Hæc lectio potest etiam cantari in tono præcedenti (lectionis I).

Ad Evangelium

A

Ante Evangelium

Dóminus vobíscum. **R.** Et cum spi-ri-tu tu-o.Lécti-o sancti Evangé-li-i se-cúndum Mattæ-um. **R.** Gló-ri-a ti-bi,

Dómi-ne.


Post Evangelium




Verbum Dómi-ni. **R.** Laus tibi, Christe.

B


Ante Evangelium



Dóminus vobíscum. **R.** Et cum spí-ri-tu tu-o.




Lécti-o sancti Evangé-li-i secúndum Mattæ-um. **R.** Glóri-a ti-bi,



Dómi-ne.

Post Evangelium



Verbum Dómini. **R.** Laus tibi, Christe.

C

Ante Evangelium



Dóminus vobíscum **R.** Et cum spí-ri-tu tu-o.



Lécti-o sancti Evangé-li-i secúndum Mattæ-um. **R.** Gló-ri-a tibi,



Dómine.

Post Evangelium



Verbum Dómi-ni. **R.** Laus tibi, Christe.

Ad orationem universalem

Post unamquamque intentionem



... † exaudi-re digné- ris. **R.** Te rogámus audi nos.


IV. AD PRECEM EUCHARISTICAM

Toni præfationum


A. Tonus simplex



Dóminus vo-bíscum. **R.** Et cum spí-ri-tu tu-o.




V. Sursum corda. **R.** Habémus ad Dóminum.




V. Grá-ti-as a-gámus Dómino De-o nostro. **R.** Dignum et iustum est.

Cum, ob auctum numerum præfationum, difficile sit pro unaquaque earum integrum textum melodiis ornatum præbere, hic exhibetur tantummodo exemplar unius præfationis in tono simplici et in tono sollemni, super quo melodix aliarum extrui possunt.


PRÆFATIO II DE ADVENTU



Ve-re dignum et iustum est, æquum et sa-lu-tá-re, nos ti-bi semper et




u-bíque grá-ti-as á-ge-re: Dómine, sancte Pa-ter, omni-po-tens æ-tér-




ne De-us: per Christum Dóminum nostrum. Quem præ-dixé-runt cunc-




tó-rum præcó-ni-a prophe-tá-rum, Virgo Ma-ter in-effá-bi-li di-lecti-ó-



ne sus-ti-nu-it, Io-ánnes cé-ci-nit affu-tú-rum et adesse monstrá-vit.




Qui su-æ na-ti-vi-tá-tis mysté-ri-um tri-bu-it nos præve-ní-re gaudén-




tes, ut et in o-ra-ti-ó-ne pervi-gi-les et in su-is invé-ni-at láudi-



bus exsultántes. Et í-de-o cum Ange-lis et Archánge-lis, cum Thro-









nis et Domi-na-ti-ó-nibus, cumque omni mi-lí-ti-a cæ-léstis ex-érci-



tus, hymnum gló-ri-æ tu-æ cá-nimus, sine fi-ne di-céntes:


B. Tonus sollemnis






láudi-bus exsultántes. Et í-de-o cum Ange-lis et Archánge-lis, cum
Thro-nis et Domi-na-ti- ó-nibus, cumque omni mi-lí-ti-a cæ-léstis ex-
ér-ci-tus, hymnum gló-ri-æ tu-æ cá-nimus, si-ne fi-ne di-céntes:

PREX EUCHARISTICA I



Quam obla-ti-ónem tu, De-us, in ómni-bus, quæsumus, bene-díctam, ad-
scríptam, ra-tam, ra-ti-oná-bi-lem acceptabi-lémque fá-ce-re digné-ris:
ut nobis Corpus et Sanguis fi-at di-lectíssimi Fi-li-i tu-i, Dómini
nostri Iesu Chri-sti. Qui prí-di-e quam pa-te-ré-tur, accé-pit panem
in sanctas ac vene-rá-bi-les manus su-as, et e-le-vá-tis ócu-lis in cæ-
lum ad te De-um Patrem su-um omnipo-téntem, ti-bi grá-ti-as a-gens



bene-dí-xit, fre-git dedítque discípu-lis su-is, di-cens: ACCI-PI-TE ET
 MANDUCATE EX HOC OMNES: HOC EST ENIM CORPUS ME-UM, QUOD
 PRO VOBIS TRADE-TUR. Sími-li modo, postquam cená-tum est, acci-pi-
 ens et hunc præclá-rum cá-li-cem in sanctas ac vene-rá-bi-les manus
 su-as, i-tem ti-bi grá-ti-as a-gens bene-dí-xit deditque discí-pu-lis
 su-is, di-cens: ACCI-PI-TE ET BI-BI-TE EX E-O OMNES: HIC EST E-
 NIM CA-LIX SANGUI-NIS ME-I, NOVI ET ÆTERNI TESTAMENTI, QUI PRO
 VO-BIS ET PRO MULTIS EFFUNDETUR IN REMISSI-ONEM PECCATO-RUM.
 HOC FA-CITE IN ME-AM COMMEMORA-TI-O-NEM.

Celebrans calicem ostendit populo, deponit super corporale, et genuflexus adorat. Deinde cantat:



Mysté-ri-um fi-de-i: **vel** Mysté-ri-um fi-de-i:

Et populus prosequitur, acclamans:

R. Mortem tu-am annunti- ámus, Dómi-ne, et tu-am resurrecti- ónem

confi- témur do- nec véni- as.

Unde et mémo- res, Dómine, nos servi tu- i, sed et plebs tu- a sanc-

ta, e- iúsdem Christi Fí- li- i tu- i, Dómi- ni nostri, tam be- á- tæ pas-

si- ó- nis, necnon et ab ínfe- ris resurrecti- ó- nis, sed et in cælos glo-


ri- ó- sæ ascensi- ó- nis: offé- rimus præcláræ ma- iestá- ti tu- æ de tu- is

donis ac da- tis hósti- am pu- ram, hósti- am sanctam, hósti- am imma-


cu- lá- tam, Panem sanctum vitæ ætérnæ et Cá- li- cem sa- lú- tis perpé- tu- æ.

Supra quæ pro- pí- ti- o ac se- réno vultu respí- ce- re digné- ris: et accép-


ta habé- re, sic- u- ti accépta habé- re digná- tus es mún- ra pú- e- ri tu-




i iusti Abel, et sacri-fi-ci-um Patri-árchæ nostri Abrahæ, et quod




ti-bi óbtu-lit summus sa-cérdos tu-us Melchí-sedech, sanctum sacri-fi-




ci-um, imma-cu-lá-tam hósti-am.




Súppli-ces te rogámus, omnípo-tens De-us: iube hæc perférri per ma-




nus sancti Ange-li tu-i in sublíme altá-re tu-um, in conspéctu di-




vínæ ma-ies-tá-tis tu-æ; ut, quotquot ex hac altá-ris parti-ci-pa-ti-ó-



ne sacro-sánc-tum Fí-li-i tu-i Corpus et Sánguinem sumpsé-rimus,




omni bene-dicti-ó-ne cæ-lésti et grá-ti-a reple-ámur. [Per e-úndem



Christum Dóminum nostrum. Amen.]

PREX EUCHARISTICA II



Qui cum passi- óni vo-luntá-ri- e trade-ré-tur, accépit panem et grá-ti-
as a-gens fre-git, dedítque discipu- lis su- is, di-cens: ACCI-PI-TE ET
MANDUCATE EX HOC OMNES: HOC EST ENIM CORPUS ME-UM, QUOD
PRO VOBIS TRADE-TUR. Sími-li modo, postquam cená-tum est, acci-
pi-ens et cá-li-cem, i-te-rum grá-ti- as a-gens de-dit discí-pu-lis su- is,
di-cens: ACCI-PI-TE ET BI-BI-TE EX E-O OMNES: HIC EST ENIM CA-
LIX SANGUINIS ME-I NOVI ET ÆTERNI TESTAMENTI, QUI PRO VO-BIS
ET PRO MULTIS EFFUNDETUR IN REMISSI-ONEM PECCATO-RUM. HOC
FACI-TE IN ME-AM COMMEMORATI- O-NEM.

Celebrans calicem ostendit populo, deponit super corporale, et genuflexus adorât. Deinde cantat:




Mysté-ri-um fí-de-i: **vel** Mysté-ri-um fí- de-i:


Et populus prosequitur, acclamans:



R. Mor-tem tu-am annunti- ámus, Dó-mi-ne, et tu-am re-surrecti- ónem



confi-témur, do-nec vé-ni-as.



Mémo-res í-gi-tur mortis et resurrecti- ónis e-ius, tibi, Dómine, pa-



nem vi-tæ et cá-li-cem sa-lú-tis offé-rimus, grá-ti-as ágéntes qui-a



nos dignos habu- ísti astá-re co-ram te et ti-bi mi-nistrá-re.


PREX EUCHARISTICA III



Ipse enim in qua nocte trade-bá-tur accé-pit panem, et ti-bi grá-ti-as



a-gens bene-di-xit, fregit deditque discípu- lis su- is, di-cens: ACCI-PI-TE



ET MANDUCATE EX HOC OMNES: HOC EST E-NIM COR-PUS ME-UM,

QUOD PRO VO-BIS TRADE-TUR. Sími-li modo, postquam ce-ná-tum est,

accí-pi-ens cá-li-cem, et ti-bi grá-ti-as a-gens bene-dí-xit de-dítque


discí-pu-lis su-is, di-cens: ACCI-PITE ET BI-BI-TE EX E-O OMNES:

HIC EST E-NIM CALIX SANGUINIS ME-I, NOVI ET ÆTERNI TESTAMEN-

TI, QUI PRO VOBIS ET PRO MULTIS EFFUNDETUR IN REMISSI-ONEM PEC-

CATO-RUM. HOC FACI-TE IN ME-AM COMMEMORATI-O-NEM.

Celebrans calicem ostendit populo, deponit super corporale, et genuflexus adorat. Deinde cantat:



Mysté-ri-um fí-de-i: *vel* Mysté-ri-um fí-de-i:

Et populus prosequitur, acclamans:

R. Mortem tu- am annunti- ámus, Dómine, et tu- am resurrecti- ónem

confi- témur, do- nec vé- ni- as.

Mémo- res i- gi- tur, Dómine, e- iúsdem Fi- li- i tu- i sa- lu- ti- feræ pas-

si- ó- nis necnon mi- rá- bi- lis re- surrecti- ó- nis et ascensi- ó- nis in cæ-

lum, sed et præsto- lán- tes ál- te- rum e- ius advéntum, offé- rimus ti- bi,

grá- ti- as re- fe- réntes, hoc sacri- fí- ci- um vivum et sanctum.

PREX EUCHARISTICA IV


Ipse e- nim, cum ho- ra ve- ní- set ut glo- ri- fi- ca- ré- tur a te, Pa- ter sanc-

te, ac di- le- xís- set su- os qui e- rant in mundo, in fi- nem di- lé- xit

e- os: et cenántibus il- lis accé- pit panem, bene- dí- xit ac fre- git de-




dítque discí-pu-lis su- is, di-cens: ACCI-PITE ET MANDUCATE EX HOC



OMNES: HOC EST ENIM CORPUS ME-UM, QUOD PRO VOBIS TRADE- TUR.



Sími- li modo acci-pi- ens cá-li-cem, ex ge-ními-ne vi-tis replé-tum,



grá-ti- as e- git de-dítque discípu- lis su- is, di-cens: ACCI-PITE ET BI-




BI-TE EX E- O OMNES: HIC EST ENIM CA-LIX SANGUINIS ME- I



NOVI ET ÆTERNI TESTAMENTI, QUI PRO VOBIS ET PRO MULTIS EFFUN-



DETUR IN REMISSI- ONEM PECCATO- RUM. HOC FACITE IN ME- AM COM-



MEMORA- TI- O- NEM.

Celebrans calicem ostendit populo, deponit super corporale, et genuflexus adorat. Deinde cantat:



Mysté-ri- um fide- i: *vel* Mysté-ri- um fí- de- i:

Et populus prosequitur, acclamans:




R. Mortem tu-am annunti- ámus, Dómi-ne, et tu-am re-surrecti- ónem




confi-témur, do- nec vé-ni- as.



Unde et nos, Dómi-ne, redempti- ónis nostræ memo-ri- á-le nunc ce-



lebrántes, mortem Christi e-iúsque descénsus ad ínfé-ros recó-limus,



e-ius re-surrecti- ónem et ascensi- ónem ad tu-am dexte-ram pro-fi-té-



mur, et, exspectántes ipsi-us advéntum in gló-ri- a, offé-rimus ti-bi



e-ius Corpus et Sanguinem, sacri-fi-ci- um ti-bi acceptá-bi-le et to-



ti mundo sa-lu-tá-re.

Toni doxologiæ Precis eucharisticæ

A. Tonus simplex



Per ipsum, et cum ipso, et in ipso, est ti-bi De- o Patri omnipo-



ténti, in u-ni-tá-te Spi-ri-tus Sancti, omnis honor et gló-ri-a per



ómn-i-a sæcu-la sæ-cu-ló-rum. *R.* Amen.

B. Tonus sollemnis



Per ipsum, et cum ipso, et in ipso, est ti-bi De-o Patri omnipo-



ténti, in u-ni-tá-te Spi-ri-tus Sancti, omnis ho-nor et gló-ri-a per



ómn-i-a sæcu-la sæ-cu-ló-rum. *R.* Amen.

V. AD RITUS COMMUNIONIS

Toni orationis dominicæ

A



Præcéptis sa-lu-tá-ri-bus mó-ni-ti, et di-vi-na insti-tu-ti-óne formá-ti,



audémus di-ce-re:



Pa-ter noster, qui es in cæ-lis: sancti-fi-cé-tur nomen tu-um: Advé-



ni-at regnum tu-um: Fi-at vo-lúntas tu-a, sic-ut in cæ-lo, et in
terra. Panem nostrum co-ti-di-ánum da no-bis hódi-e: Et dimít-te
nobis dé-bi-ta nostra, sic-ut et nos dimittimus de-bi-tó-ribus nostris.
Et ne nos indú-cas in tenta-ti-ó-nem; sed lí-be-ra nos a ma-lo.

Líbera nos, *ut infra p. 1780.*


B



Præcéptis sa-lu-tá-ribus mó-ni-ti, et di-ví-na insti-tu-ti-ó-ne formá-ti,
audémus dí-ce-re:
Pa-ter noster, qui es in cæ-lis: sancti-fi-cé-tur nomen tu-um: Ad-
vé-ni-at regnum tu-um: Fi-at vo-lúntas tu-a, sic-ut in cæ-lo, et in
ter-ra. Panem nostrum co-ti-di-ánum da no-bis hódi-e: Et dimitte



nobis dé-bi-ta nostra, sic-ut et nos dimíttimus de-bi-tó-ribus nostris.



Et ne nos indúcas in tenta-ti-ó-nem; sed lí-be-ra nos a ma-lo.

Líbera nos, **ut infra p. 1780.**


C



Præcéptis sa-lu-tá-ribus mó-ni-ti, et di-ví-na insti-tu-ti-ó-ne formá-ti,




audémus di-ce-re:



Pa-ter noster, qui es in cæ-lis: sancti-fi-cé-tur nomen tu-um: Ad-



vé-ni-at regnum tu-um: Fi-at vo-lúntas tu-a, sic-ut in cæ-lo, et in



ter-ra. Panem nostrum co-ti-di-á-num da nobis hó-di-e: Et dimít-




te no-bis dé-bi-ta nostra, sic-ut et nos dimít-timus de-bi-tó-ribus no-



stris. Et ne nos indú-cas in tenta-ti-ó-nem; sed lí-be-ra nos a ma-lo.

Ad embolismum




Libe-ra nos, quæsumus, Dómine, ab ómnibus ma-lis, da pro-pi-ti-us
 pa-cem in di-ébus nostris, ut, ope mi-se-ri-córdi-æ tu-æ adiú-ti, et
 a peccá-to simus semper lí-be-ri, et ab omni perturba-ti-óne se-
 cú-ri: expectántes be-á-tam spem, et advéntum Salva-tó-ris nostri
 Iesu Chri-sti.

R. Qui- a tu-um est regnum, et po-téstas, et gló-ri- a in sæcu-la.

Ad pacem

Post orationem




... Qui vi-vis et regnas in sæcu-la sæcu-ló-rum. **R.** Amen.
 Pax Dómi-ni sit semper vobís-cum. **R.** Et cum spí-ri-tu tu-o.
 Offérte vobis pa-cem.


VI. AD RITUS CONCLUSIONIS

Ad benedictionem simplicem



A

Dóminus vobiscum. **R.** Et cum spí-ri-tu tu- o.


Bene-dí-cat vos omní-po-tens De-us, Pa-ter, et Fí-li-us, et Spí-ri-tus

Sanctus. **R.** Amen.

B


Dóminus vobís-cum. **R.** Et cum spí-ri-tu tu- o.

Bene-dí-cat vos omní-po-tens De-us, Pa-ter, et Fí-li-us, et Spí-ri-tus

Sanctus. **R.** Amen.


Ad benedictionem sollemnem et orationes super populum

A


Dóminus vobíscum. **R.** Et cum spí-ri-tu tu- o.

Incliná-te vos ad benedi-cti- ónem.


Post unamquamque invocationem



R. Amen.




Bene-dí-cat vos omní-po-tens De-us, Pa-ter, et Fí-li-us, et Spí-ri-tus



Sanctus. R. Amen.

B




Dóminus vobíscum. R. Et cum spí-ri-tu tu-o.



Incliná-te vos ad bene-dicti-ónem.


Post unamquamque invocationem



R. Amen.







Bene-dí-cat vos omnípo-tens De-us, Pater, et Fí-li-us, et Spí-ri-tus



Sanctus. R. Amen.

Ad benedictionem episcopalem


A

Dóminus vobíscum. **R.** Et cum spí-ri-tu tu-o.**V.** Sit nomen Dómi-ni bene-dictum. **R.** Ex hoc nunc et usque in sæ-cu-lum. **V.** Adiutó-ri-um nostrum in nómine Dómi-ni. **R.** Qui fe-cit

cæ-lum et terram.




Bene-di-cat vos omní-po-tens De-us, Pa-ter, et Fí-li-us, et Spí-ri-tus


Sanctus. **R.** Amen.

B

Dóminus vobis-cum. **R.** Et cum spí-ri-tu tu- o.**V.** Sit nomen Dómi-ni bene-díctum. **R.** Ex hoc nunc et usque in sæ-




cu-lum **V.** Adiutó-ri-um nostrum in nó-mi-ne Dó-mi-ni. **R.** Qui fe-cit



cæ-lum et terram.




Bene-di-cat vos omni-potens De-us, Pa-ter, et Fi-li-us, et Spí-ri-tus



Sanctus. **R.** Amen.

Ad dimittendum populum



I-te, mis-sa est.

R. De-o grá-ti-as.

INDICES



INDEX ALPHABETICUS CELEBRATIONUM

Albertus Magnus, episc. et Eccl. doctor, 15 novembris	770
Andreas, apostolus, 30 novembris	779
Angeli Custodes, 2 octobris (et votiva)	724, 1617
Antonius Maria Claret, episcopus, 24 octobris	748
 Bruno, presbyter, 6 octobris	 730
Cæcilia, virgo et martyr, 22 novembris	778
Callistus I, papa et martyr, 14 octobris	734
Carolus Borromeo, episcopus, 4 novembris	762
Clemens I, papa et martyr, 23 novembris	778
Columbanus, abbas, 23 novembris	779
Cornelius, papa, et Cyprianus, episc., martyres, 16 sept.	705
Cosmas et Damianus, martyres, 26 septembris	710
Cyprianus, episc., et Cornelius, papa, martyres, 16 sept.	705
 Damianus et Cosmas, martyres, 26 septembris	 710
Dionysius, episcopus, et socii, martyres, 9 octobris	733
 Elisabeth Hungariæ, religiosæ, 17 novembris	 773
 Franciscus Assisiensis, 4 octobris	 727
Gabriel, Michael et Raphael, Archangeli, 29 septembris	714
Gertrudes, virgo, 16 novembris	771
Gregorius Magnus, papa et Eccl. doctor, 3 septembris	688
 Hedvigæ, religiosa, 16 octobris	 737
Hieronymus, presbyter et Eccl. doctor, 30 septembris	718
 Ianuarius, episcopus et martyr, 19 septembris	 706
Iesus Christus D. N.:	
— Cor sacratissimum (votiva)	1576
— Corpus et Sanguis sacratissimum (votiva de SS. Eu- charistia	1535
— Crucis sanctæ exaltatio, 14 septembris (et votiva)	695, 1508
— Nomen sanctissimum (votiva)	1558

[Iesus Christus D. N.:]

— Rex Universorum	520
— Sanguis pretiosissimus (votiva)	1566
— Summus et æternus Sacerdos (votiva)	1538
— Dedicatio Basilicæ Lateranensis, 9 novembris	763
Ignatius Antiochenus, episcopus et martyr, 17 octobris	739
Ioannes Baptista: Passio, 29 augusti	683
Ioannes Chrysostomus, episc. et Eccl. doctor, 13 sept.	694
Ioannes de Brébeuf et Isaac Jogues, presbyteri, et socii, martyres, 19 octobris	745
Ioannes de Capestrano, presbyter, 23 octobris	748
Ioannes Leonardi, presbyter, 9 octobris	733
Iosaphat, episcopus et martyr, 12 novembris	769
Ioeph, Sponsus B.M.V.:	
— Opifex, 1 maii (votiva)	1630
— Sollemnitatis, 19 martii (votiva)	1625
Isaac Jogues et Ioannes de Brébeuf, presbyteri, et socii, martyres, 19 octobris	745
Iudas et Simon, apostoli, 28 octobris	749
Leo Magnus, papa et Eccl. doctor, 10 novembris	766
Lucas, evangelista, 18 octobris	742
Margarita Scotiæ, 16 novembris	771
Margarita Maria Alacoque, virgo, 16 octobris	737
Maria, Beata Virgo:	
— Nativitas, 8 septembris	689
— Perdolens, 15 septembris	699
— Præsentatio, 21 novembris	777
— a Rosario, 7 octobris	730
— Mater Ecclesiæ (votiva)	1614
— Nomen sanctissimum (votiva)	1616
Martinus de Porres, religiosus, 3 novembris	761
Martinus Turonensis, episcopus, 11 novembris	767
Matthæus, apostolus et evangelista, 21 septembris	707
Michael, Gabriel et Raphael, Archangeli, 29 septembris	714
Omnes fideles defuncti, 2 novembris	758
Omnes Sancti, 1 novembris (et votiva)	753, 1648

Paulus, apostolus:

— Dedicatio basilicæ ostiensis, 18 nov.	773
— Sollemnitatis, 29 iunii (et votiva)	1636, 1642

Paulus a Cruce, presbyter, 19 octobris	746
Petrus, apostolus:	
— Dedicatio basilicæ vaticanæ, 18 novembris	773
— Sollemnitatis, 29 iunii (et votiva)	1636, 1640
Raphael, Michael et Gabriel, Archangeli, 29 septembris .	714
Robertus Bellarmino, episc. et Eccl. doctor, 17 septembris	706
Simon et Iudas, apostoli, 28 octobris	749
Spiritus Sanctus (votiva)	1600
Teresia a Iesu Infante, virgo, 1 octobris	721
Teresia de Avila, virgo et Eccl. doctor, 15 octobris . . .	734
Trinitas sanctissima (votiva)	1499
Venceslaus, martyr, 28 septembris	713
Vincentius de Paul, presbyter, 27 septembris	711

INDEX LECTIONUM

GENESIS

[illegible]

Exodus

[illegible]

LEVITICUS

19 1-2. 17-18 953

NUMERI

3	5-10a	1109
11	11b-12. 14-17. 24-25a	1110
	25-29	211
21	4-9	695

DEUTERONOMIUM

4	1-2. 6-8	54
	32-34. 39-40	1502
6	1-7	1031
	2-6	404
	3-9	954
7	6-11	1581
8	2-3. 14b-16a	1543
	7-18	1401
10	8-9	880, 955
	12-22	1582
	17-19	1421
24	17-22	1408, 1422
30	1-4	1312
	10-14	1271
	15-20	1044

IOSUE

8	30-35	1241
24	1-2a. 15-17. 18b-25a	1045

1 SAMUELIS

3	1-10	1199, 1285
16	1b. 6-13a	881

2 SAMUELIS

5	1-3	526
7	1-5. 8b-11. 16	808
	4-5a. 12-14a. 16	1625

1 REGUM

3	11-14	912
8	22-23. 27-30	789
	55-61	1456

[1 REGUM]

17	10-16	441
19	4-8	1544
	4-9a. 11-15a	956, 1200
	16b. 19-21	958, 1202, 1287

2 REGUM

5	9-15a	1047
	14-17	299
20	1-6	1431

1 CHRONICORUM

15	3-4. 15-16; 16, 1-2	809
----	-------------------------------	-----

2 CHRONICORUM

5	6-8. 9b. 13 — 6, 2	790
24	18-22	844

ESDRAS

1	1-6	179
6	7-8. 12b. 14-20	183
9	5-9	188

NEHEMIAS

2	1-8	228
8	1-4a. 5-6. 7b-12	234
	2-4a. 5-6 8-10	1231

TOBIAS

7	9c-10. 11c-17	1150
8	5-10	959, 1151
12	6-13	960

IUDITH

8	2-8	962
---	---------------	-----

ESTHER

13	8-11. 15-17	1347, 1445
	8-14. 17	963

1 MACHABÆORUM

1	11-16. 43-45. 57-60. 65-67	487
2	15-29	505
	49-52. 57-64	1348
4	36-37. 52-59	510
	52-59	1242
6	1-13	514

2 MACHABÆORUM

6	18-33	492
	18. 21. 24-31	845
7	1-2. 9-14	445, 847
	1. 20-31	499
	1. 20-23. 27b-29	848
12	43-46	1691

IOB

1	6-22	220
3	1-3. 11-17. 20-23	225
9	1-12. 14-16	230
19	1. 23-27a	1684
	21-27	236
31	16-20. 24-25. 31-32	1409
38	1. 12-21; 39, 33-35	241
42	1-3. 5-6. 12-16	246

PROVERBIA

2	1-9	1177
3	27-34	180
4	7-13	1178
8	22-31	811, 1503
9	1-6	1545
21	1-6. 10-13	185
30	5-9	189
31	10-13. 19-20. 30-31	477, 964

CANTICUM CANTICORUM

2	8-14	1203
	8-10. 14. 16a; 8, 6-7a	1152
8	6-7	932, 1205

SAPIENTIA

1	1-7	450
2	1a. 12-22	1511
	17-20	171
	23 — 3, 9	454
3	1-9	850, 1685
	1-6. 9	1685
4	7-15	1686
6	2-12	459
	13-17	438
7	7-11	295
	7-10. 15-16	913
	22 — 8, 1	463
9	13-19	92
11	23 — 12, 2	407
13	1-9	468
18	14-16; 19, 6-9	473

SIRACIDES

2	7-13	965
3	19-26	967
	19-21. 30-31	57
15	1-6	914
24	1-2. 5-7. 12-16. 26-30	812
26	1-4. 16-21	968, 1153
27	33 — 28, 9	125
35	15b-17. 20-22a	371
39	8-14	915
50	24-26	1457
51	1-12	851
	11-17	1560

QOHELET

1	2-11	194
3	1-11	199
11	9 — 12, 8	203

ISAIAS

2	1-5	1332
5	1-7	249
6	1-8	883
	1. 6-8	1288

7	10-14; 8, 10	813
9	2-7	1364
	2-4. 6-7	815
11	1-4a	1086
25	6a. 7-8a	1736
	6a. 7-9	1688, 1726
	6-10a	291, 1491
32	15-18	1366
35	4-7a	90
41	8-10. 13-14	1349
42	1-3	1087
44	1-3	1048
45	1 4-6	330
49	13-15	1584
50	4-9a	1513
	5-9a	128
52	7-10	884
	13 — 53, 12	1514
53	1-5, 10-11	1432
	10-11	333
55	1-3c. 6-9	1374
	6-9	168, 1471
56	1. 6-7	791, 1333
57	15-19	1367
58	6-11	969, 1411
60	1-6	1334
61	1-3a	885, 1111, 1265
	1-3a. 6a. 8b-9	1088
	9-11	816, 1206
63	7-9	1458
66	10-14c	721

JEREMIAS

1	4-9	886, 1112, 1289
	17-19	683
20	7-9	51, 970, 1290
31	1-4	1585
	7-9	369
	31-34	1049, 1155

LAMENTATIONES

3	17-26	1446, 1689
	22-26	1727, 1737

BARUCH

1	15-22	239
4	5-12. 27-29	244

EZECHIEL

3	16-21	887
18	21-23. 30-32	1472
	25-28	207
33	7-9	87
34	11-16	888, 1586
	11-12. 15-17	520
36	24-28	1050, 1070, 1090, 1313
37	1-14	1607
	15-19. 21b-22. 26-28	1314
43	1-2. 4-7a	792
47	1-9. 12	1071
	1-2. 8-9. 12	763

DANIEL

1	1-6. 8-20	531
2	31-45	536
3	25. 34-43	1350, 1447
5	1-6. 13-14. 16-17. 23-28	541
6	11-27	546
7	2-14	552
	9-10. 13-14	714, 1621
	13-14	524
	15-27	558
12	1-3	481, 1690

OSEE

2	14. 19-20	1207
	14b. 15b. 19-20	933
11	1b. 3-4. 8c-9	1035, 1587

IOEL

1	13-15; 2, 1-2	282
2	12-18	1474
	21-24. 26-27	1402
	23a. 26-30a	1091
	28-32	1609
3	12-21	287

IONAS

1	1 — 2, 1. 11	261
3	1-10	267, 1475
	10 — 4, 11	1335
4	1-11	272

AMOS

6	1a. 4-7	214
8	4-7	174

MICHÆAS

4	1-4	1381
5	2-5a	689, 817
6	6-8	971

HABACUC

1	2-3; 2, 2-4	257
---	-----------------------	-----

AGGÆUS

1	1-8	192
2	1b-10	197

SOPHONIAS

2	3; 3, 12-13	972
3	14-15	1460
	16-20	1316

ZACHARIAS

2	1-5. 10-11a	202
	10-13	818
8	1-8	218
	20-23	224, 1337
9	9-10	1382
12	10-11; 13, 6-7	1517

MALACHIAS

1	14b — 2, 2a. 8-10	401
3	13 — 4, 2a	277
4	1-2a	483

MATTHÆUS

[illegible]

1799

MARCUS

[illegible]

[illegible]

[IOANNES]

[illegible]

[Ad Romanos]

5	1-5	853, 1505
	1-2. 5-9a	1092
	5-11	1588, 1692
	12. 17-19	820
	12. 15b. 17-19. 20b-21	344
	17-21	1693
6	2-4. 12-14	1477
	3-4. 8-9	1694, 1728
	3-5	1073
	3-9	1693
	3-11	1052, 1208
	3-4. 8-11	1053
	12-18	348
	19-23	353
7	18-25a	357
8	1-11	361
	12-17	375
	14-17	1093, 1505
	14-17. 26-27	1037
	14-23	1694
	18-25	379
	18-30	1449
	22-27	735, 1611
	26-27	1093
	26-30	384, 974
	28-30	690, 820
	28-32	1074
	28-32. 35. 37-39	1053
	31b-35. 37-39	1695
	31b-39	388, 853, 1156, 1450
9	1-5	393
10	8-13	1032
	9-18	780, 1338
11	1-2. 11-12. 25-29	397
	29-36	411
12	1-2	52
	1-13	1208
	1-2. 9-13	1158
	1-2. 9-18	1157
	3-13	890
	4-8	1113
	5-16a	415

	9-16b	1424
13	8-10	88, 419
14	7-9	126, 1728
	7-12	424
	7-9. 10b-12	1493, 1696
15	14-21	428
16	3-9. 16. 22-27	433

1 AD CORINTHIOS

1	1-3	1561
	3-9	1461
	10-13	1317
	18-25	746, 916, 891, 1518
	22-31	1209
	26-31	711, 974
2	1-5	62
	1-10a	917
	10b-16	66, 918
3	1-9	71
	9b-11 16-17	764, 793
	18-23	75
4	1-5	80, 892
	6-15	84
5	1-8	98
6	1-11	102
	13c-15a. 17-20	1158
7	25-31	107
	25-35	934, 1210
8	1b-7. 11-13	112
9	16-19. 22-23	892
	16-19. 20b-27	117
10	14-22a	121
	16-17	1546
	16-21	1244
11	17-26	139
	23-26	1547
12	3b-7. 12-13	1612
	4-13	1094
	12-13	1054, 1074
	12-14. 27-31a	145
	12, 31 — 13, 8a	1159
	12, 31 — 13, 13	149, 975
13	4-13	976

[1 AD CORINTHIOS]

15	1-4	1033
	1-8	1033
	1-11	154
	12-20	159
	20-23	1697, 1729
	20-26a. 28	522
	20-24a. 25-28	1697
	35-37. 42-49	164
	51-57	1698

2 AD CORINTHIOS

3	1-6a	893
4	1-2. 5-7	893, 1114
	7-15	854
	10-18	1435
	14 — 5, 1	1698
5	1. 6-10	1699
	14-20	894, 1114, 1291
	17-21 — 6, 1-2	1375
6	4-10	855
8	1-5. 9-15	1413
9	6-15	1414
	8-11	1397
10	17 — 11, 2	935, 977
12	7b-10	1436
13	11-13	1504

AD GALATAS

1	6-12	263
	13-24	268
2	1-2. 7-14	273
	19-21	977
3	1-5	278
	7-14	283
	22-29	288
	26-28	1055, 1075
4	4-7	821, 1038
	22-24. 26-27. 31 — 5, 1	304
5	1-6	309
	16-17. 22-23a. 24-25	1094
	17-26	1383

6	14-16	978
	14-18	727
	18-25	313

Ad EPHESIOS

1	1-10	317
	3-5	1729
	3-10	1589
	3-6. 11-12	821
	3-14	1211, 1461
	3-10. 13-14	1055
	3a. 4a. 13-19a	1095
	11-14	322
	15-23	326
2	1-10	341
	12-22	345
	13-18	1519
	19-22	750, 794, 1318, 1634
3	2-12	350, 1339
	8-12	919, 1590
	12-17	1180
	14-19	738, 772, 978, 1590
	14-21	354
4	1-6	358, 1056, 1075, 1096, 1318
	1-7. 11-13	707, 895, 919, 1115
	7-16	363
	11-16	1266
	30 — 5, 2	1319, 1384
	32 — 5, 8	376
5	2a. 21-33	1160
	2a. 25-32	1161
	21-33	381
6	1-9	385
	10-13. 18	979
	10-20	390

Ad PHILIPPENSES

1	1-11	394
	8-11	1591
	18b-26	398
	20c-24. 27a	169
	27-30	1351

[AD PHILIPPENSES]

2	1-4	412, 1272
	1-5	209
	1-11	208
	1-13	1319
	5-11	416
	6-11	697, 1519, 1562
	12-18	420
3	3-8	425
	8-14	979, 1213, 1292, 1520
	17 — 4, 1	430, 740
	20-21	1700
4	4-9	980
	6-9	251, 1368
	10-19	434
	12-14. 19-20	293

AD COLOSSENSES

1	1-8	70
	9-14	74
	12-20	527
	15-20	78
	21-23	83
	24-29	896
	24 — 2, 3	96
2	6-15	101
3	1-4	1213
	1-11	106
	9b-17	1056, 1320
	12-15	1396
	12-17	111, 981, 1161, 1214, 1462, 1562
	14-15. 17. 23-24	1631
4	1-6	1180

1 AD THESSALONICENSES

1	1-5b	331
	5c- 10	367
2	2b-8	896
	7b-9. 13	402
4	1-3a. 7-12	1209, 1215
	13-14. 17b-18	1700, 1730

	13-17	60, 439
5	1-6	478
	1-6. 9-11	65

2 AD THESSALONICENSES

1	11 — 2, 2	408
2	16 — 3, 5	446
3	6-12. 16	1391
	7-12	484

1 AD TIMOTHEUM

1	1-2. 12-14	116
	12-17	133
	15-17	120
2	1-8	138, 175, 1340
	5-8	1321
3	1-13	143
	8-10. 12-13	1116
	14-16	148
4	12-16	153, 1116
	12b-16	1117
5	3-10	981
6	2c-12	158
	6-11. 17-19	1403
	11-16	215
	13-16	163

2 AD TIMOTHEUM

1	6-14	1117
	6-8. 13-14	258
	13-14; 2, 1-3	897, 920
2	8-13	300, 1707
	8-13; 3, 10-12	855
3	14-17	718
	14 — 4, 2	337
4	1-5	898, 921
	6-9. 16-18	372
	10-17a	743

AD TITUM

1	1-9	451
2	1-8. 11-14	456

[AD TITUM]

3	1-7	460
	4-7	1057

AD PHILEMONEM

	7-20	465
	9b-10. 12-17	93

AD HEBRÆOS

2	9-11	254
4	12-13	296
	14-16	334
5	1-6	370
	1-10	1118, 1266, 1292
	7-9	700, 1521
7	23-28	405
9	11-15	1547, 1570
	24-28	443
10	11-14. 18	482
	22-25	1058
	32-36	856
11	13-16	1424
12	2-13	1352
	18-19. 22-24a	58, 794, 1571
13	1-2. 7-8. 17-18	1181
	1-3. 14-16	1425
	8-15	1244

IACOBUS

1	2-4. 12	857, 1451
	17-18. 21b-22. 27	55
2	1-5	91
	14-17	982
	14-18	129
3	13-18	1369
	16 — 4, 3	172
4	1-10	1384
5	1-6	212
	13-16	1436

1 PETRI

1	3-9	1209, 1215, 1353
	17-21	1571

2	4-9	795
	4-5. 9-10	1058, 1076
3	1-9	982, 1162
	14-17	857
4	7b-11	983, 1119
	12-19	858

1 IOANNIS

1	5 — 2, 2	1477
3	1-2	1701
	1-3	755, 1650
	14-16	1702
	14-18	984
	18-24	1163
4	7-12	1163
	7-16	983, 1216, 1591
	9-15	1321
5	1-5	858, 985
	4-7a. .8b	1572

2 IOANNIS

4-9	470
---------------	-----

3 IOANNIS

5-9	474
---------------	-----

APOCALYPSIS

1	1-4; 2, 1-5a	489
	5-8	525
3	1-6 14-22	495
4	1-11	501
5	1-10	507
7	2-4. 9-14	753, 1649
10	8-11	512
11	4-12	516
12	7-12a	715, 1622
14	1-3. 4b-5	533
	14-19	538
15	1-4	543
18	1-2. 21-23; 19, 1-3. 9a	549
20	1-4. 11 — 21, 2	555
21	1-5a. 6b-7	1448
22	1-7	560

INDEX LECTIONUM QUÆ MAGIS CONVENIUNT ALIQUIBUS MISSIS SANCTORUM

1. PRO PAPA

Mt 16	13-19	900
Io 21	15-17	909

2. PRO MISSIONARIIS

1 Cor 1	18-25	891
Mt 28	16-20	901
Mc 16	15-20	903
Lc 5	1-11	904

3. PRO RELIGIOSIS

Deut 10	8-9	955
1 Reg 19	4-9a. 11-15a	956
	16b. 19-21	958
Mt 19	3-12	991
	27-29	992
Mc 10	17-27	1003
	17-30	1002
Lc 9	57-62	1005
12	32-34	1007
14	25-33	1008

4. PRO EDUCATORIBUS

Mt 18	1-5	991
Mc 9	34-36	1000
10	13-16	1001

5. PRO IIS QUI OPERA MISERICORDIÆ EXERCUERUNT

Tob 12	6-13	960
Is 58	6-11	969
1 Io 3	14-18	984
Mt 25	31-40	999
	31-46	997

6. PRO VIDUIS

Iudt 8	2-8	962
1 Tim 5	3-10	981

INDEX PSALMORUM ET CANTICORUM

Ps 1	277, 314, 354, 377, 490, 972, 1178
Ps 2	1349
Ps 3	494
Ps 5	98
Ps 8	327, 1045, 1504
Ps 9	282, 516
Ps 12	384, 690
Ps 14	54, 181, 496, 954, 957
Ps 15	116, 481, 728, 881, 953, 956, 959, 971, 1289
Ps 16	160, 221, 446, 500
Ps 17	367, 405
Ps 18	211, 235, 308, 469, 569, 708, 736, 750, 780, 914, 1032, 1271, 1337, 1634	
Ps 21	417, 1089, 1409, 1512
Ps 22	292, 461, 521, 738, 772, 889, 1036, 1042, 1069, 1090, 1314, 1586, 1687, 1688	
Ps 23	76, 359, 362, 452, 534, 754, 1202, 1650
Ps 24	208, 1580, 1583, 1689, 1727, 1736, 1737
Ps 26	66, 236, 421, 424, 569, 1073, 1207, 1284, 1290
Ps 27	139, 1684
Ps 30	700, 845, 849, 1492, 1514
Ps 31	322
Ps 32	71, 150, 323, 333, 355, 1028, 1146, 1151, 1502, 1581	
Ps 33	372, 455, 569, 740, 846, 964, 973, 1071, 1154, 1584	
Ps 36	80, 457, 913, 916
Ps 39	140, 345, 884, 1198, 1203, 1283, 1286, 1288, 1569
Ps 41	399, 1046, 1050, 1690
Ps 42	198
Ps 44	811, 813, 934, 1204
Ps 45	764
Ps 48	159
Ps 49	506
Ps 50	132, 1048, 1051, 1375, 1473
Ps 51	70
Ps 53	83, 171
Ps 55	165
Ps 61	97, 312

Ps 62	52, 439, 570, 1049,	1200
Ps 65		1043
Ps 66	1334, 1336, 1402,	1403
Ps 67		57, 376
Ps 68	245, 412, 1516,	1517
Ps 70		684
Ps 71	1365, 1380,	1381
Ps 77	696, 1541,	1545
Ps 78		240
Ps 79	250,	1446
Ps 81		460
Ps 83	118, 556, 789, 792, 1109, 1205, 1242,	1287
Ps 84	346, 1366, 1382,	1445
Ps 85		273
Ps 86		224
Ps 87		226, 231
Ps 88	882, 886, 1041, 1112, 1265,	1626
Ps 89	93, 195, 204, 296, 1390,	1632
Ps 90		725, 1619
Ps 91		1179
Ps 92		524
Ps 93		397
Ps 94	88, 257, 561, 571,	1240
Ps 95	61, 331, 539, 885, 887,	1113
Ps 96		288
Ps 97	75, 300, 304, 318, 429, 484, 544, 775, 1333, 1335,	1637
Ps 99	79, 145, 163, 341, 550, 571, 1111, 1206,	1317
Ps 100		144
Ps 101		219, 1431, 1434
Ps 102	126, 572, 961, 1037, 1152, 1472, 1474, 1588,	1691
Ps 103	1086, 1091, 1397, 1609,	1611
Ps 104	289, 326, 425,	474
Ps 105		880
Ps 106		1413, 1422
Ps 108		389
Ps 109		1539
Ps 110	148, 153, 263, 284,	394
Ps 111	420, 435, 475, 912, 966, 970, 1155, 1410,	1411
Ps 112	121, 174, 305, 810, 815, 818, 1460,	1560
Ps 114		129, 1686
Ps 115		122, 1542, 1568
Ps 116	274, 747, 888,	1645
Ps 117		155, 1511

Ps 118	62, 186, 190, 246, 309, 358, 464, 470, 488, 512, 719, 915, 1232
Ps 120	336, 1423
Ps 121	184, 364, 430, 526, 1243, 1315
Ps 122	1350, 1351, 1448, 1449
Ps 123	349, 848, 852, 1347
Ps 125	180, 369, 380, 851
Ps 126	1391
Ps 127	253, 381, 478, 960, 968, 1153
Ps 129	268, 317, 1476
Ps 130	402, 413, 416, 722, 962, 965, 967
Ps 136	229
Ps 137	716, 1458, 1622
Ps 138	113, 241, 269, 450
Ps 143	199, 390, 517
Ps 144	67, 85, 102, 107, 108, 169, 385, 407, 434, 572, 743, 1087, 1149, 1459, 1543
Ps 145	90, 214, 442, 466
Ps 147	393, 1546
Ps 148	933, 1147
Ps 149	103, 193, 508
Ps 150	111, 502

CANTICA VETERIS TESTAMENTI

1 Sam 2	1-8	809, 814, 816
1 Chr 29	10-12	511, 791, 793, 1457
Tob 13	2-8	189
Iudt 13	23-25	805
Is 12	2-6	350, 1561, 1585
Is 38	10-16	1433
Ier 31	10-14	202, 1313
Dan 3	52-56	533, 1501
	57-61	538
	62-67	543
	68-74	548
	75-81	554
	82-87	559
Ion 2	3-8	262

CANTICA NOVI TESTAMENTI

Lc 1	46-55	807, 819
	69-75	279, 340

ALLELUIA

[illegible]

[illegible]

Io 8	12	81, 490, 565, 987, 1005, 1034, 1067, 1079, 1081, 1083
	31b-32a	413, 991
Io 10	11	1268
	14	899, 907, 908, 1122, 1125, 1126, 1128, 1130, 1596, 1599
	27	99, 210, 314, 395, 513, 565
Io 11	25a. 26	1707, 1716, 1722
Io 12	26a	1127
	31b-32	284
Io 13	1	1496
	34	127, 264, 767, 993, 997, 1004, 1010, 1228, 1386
Io 14	6	195, 319, 565, 1061, 1067, 1076
	16	1102, 1103
	23	122, 368, 406, 457, 565, 938, 987, 995, 1006
	27	1372
Io 15	4a. 5b	479
	5	466, 927, 1222, 1226, 1227, 1295
	9	1267, 1597, 1598
	9b. 5b	989, 1009, 1011, 1084
	11	1468
	15b	566, 906, 907, 1120, 1124, 1127
	16	104, 251, 502, 744, 1293, 1301, 1645
	26b. 27a	328, 1104
Io 16	13a; 14, 26b	1100, 1103, 1105, 1274
Io 17	7b. 17a	118
	17b. a	212, 377, 566
	21	1327, 1328
Act 16	14b	170, 279, 566, 923
Rom 8	15	275, 1038
2 Cor 1	3b-4a	863, 1356, 1426, 1437, 1452, 1732, 1733, 1738
2 Cor 5	19	89, 133, 373, 566
2 Cor 8	9	175, 215, 436, 1219, 1417, 1418
2 Cor 9	6	1399
Gal 6	14	130, 1223, 1225, 1226
Eph 1	17-28	53, 293, 566
Eph 4	5	1323, 1326
	5-6	1059, 1077
Phil 2	8-9	1522, 1524, 1525, 1527, 1534
	15-16	332, 452, 566
Phil 3	8-9	232, 355, 1220, 1223, 1224, 1294, 1297

[illegible]

Te Deum ... te gloriosus	708, 750, 775, 1635, 1638
Te Deum ... te martyrurum	863
Te Deum ... te per orbem	1469
Veni, Sancte Spiritus, et emitte	1097, 1101
Veni, Sancte Spiritus, reple	1096, 1098, 1613
Veni, sponsa Christi	936

INDEX PRÆFATIONUM

A. DE TEMPORE

1. De Passione Domini: I. De virtute Crucis (votiva) . . . 587
2. De dominicis « per annum »:
 - I. De mysterio paschali et de populo Dei . . . 588
 - II. De mysterio salutis . . . 589
 - III. De salvatione hominis per hominem . . . 590
 - IV. De historia salutis . . . 591
 - V. De creatione . . . 592
 - VI. De pignore æterni Paschatis . . . 593
 - VII. De salute per obœdientiam Christi . . . 594
 - VIII. De Ecclesia adunata ex unitate Trinitatis . . . 595
3. Præfationes communes:
 - I. De universali restauratione in Christo . . . 609
 - II. De salute per Christum . . . 610
 - III. Laudes Deo pro creatione et reformatione hominis . . . 611
 - IV. De laude, dono Dei . . . 612
 - V. Proclamatio mysterii Christi . . . 613
 - VI. De mysterio salutis in Christo (Præx euch. II) 614, 631
 - VII. Laus Deo creatori (Præx euch. IV) . . . 641

B. IN FESTIS ET MYSTERIIS DOMINI

1. De Ss.ma Trinitate (votiva) . . . 1499
2. De sacratissimo Corde Iesu (votiva) . . . 1577
3. De victoria Crucis gloriosæ (et votiva) . . . 698, 1508
4. De Ss.ma Eucharistia:
 - I. De sacrificio et de sacramento Christi (votiva) . . . 596
 - II. De fructibus sanctissimæ Eucharistiæ (votiva) . . . 597
5. De D.N. Iesu Christo Universorum Rege . . . 529

6. De dedicatione ecclesiæ:
- I. De mysterio templi Dei, quod est Ecclesia . . . 785
 - II. De mysterio Ecclesiæ, quæ est sponsa Christi templumque Spiritus . . . 787
7. De Spiritu Sancto:
- I. De missione Spiritus a Domino in Ecclesiam (votiva) . . . 1601
 - II. De actione Spiritus in Ecclesia (votiva) . . . 1603

C. IN FESTIS SANCTORUM

1. De B. Maria Virgine:
- I. De maternitate B. Mariæ V. (communis) . . . 598
 - II. Ecclesia, verbis Mariæ, laudes Deo persolvit (communis) . . . 599
 - III. De Maria, forma et matre Ecclesiæ (votiva) . . . 1615
2. De Angelis: De gloria Dei per Angelos . . . 600
3. De missione Præcursoris (29 augusti) . . . 686
4. De missione S. Ioseph . . . 601
5. De duplici missione Petri et Pauli in Ecclesia (votiva) . . . 1639
6. De Apostolis:
- I. De Apostolis pastoribus populi Dei . . . 602
 - II. De apostolico fundamento et testimonio . . . 603
7. De Sanctis:
- I. De gloria Sanctorum . . . 604
 - II. De actione Sanctorum . . . 605
 - III. De gloria matris nostræ Ierusalem (1 nov.) . . . 756
8. De sanctis Martyribus: De signo et exemplo martyrii . . . 606
9. De sanctis Pastoribus: De præsentia sanctorum Pastorum in Ecclesia . . . 607
10. De sanctis Virginitibus et Religiosis: De signo vitæ Deo consecratæ . . . 608

D. IN MISSIS RITUALIBUS

1. In dedicatione altaris: Altare ipse est Christus . . . 1237
2. In dedicatione ecclesiæ:
 - I. De mysterio templi Dei . . . 1233
 - II. De ecclesia terrestri ad Ecclesiam Dei . . . 1234
3. In professione religiosa: De vita religiosa ut servitium Dei per Christi imitationem . . . 1190
4. Pro sponsis:
 - I. De dignitate fœderis nuptiarum . . . 1133
 - II. De magno sacramento Matrimonii . . . 1138
 - III. De Matrimonio ut signum divinæ caritatis . . . 1142

E. IN VARIIS CELEBRATIONIBUS

1. In conferendis sacris Ordinibus: De sacerdotio Christi et de ministerio sacerdotum . . . 1107
2. Pro defunctis:
 - I. De spe resurrectionis in Christo . . . 615
 - II. Christus mortuus est pro vita nostra . . . 616
 - III. Christus, salus et vita . . . 617
 - IV. De vita terrena ad gloriam cælestem . . . 618
 - V. De resurrectione nostra per victoriam Christi . . . 619
3. Pro unitate Christianorum: De unitate corporis Christi, quod est Ecclesia . . . 1308

INDEX GENERALIS

Calendarium Romanum generale	5
Tabula omnium dominicarum necnon sollemnitatum et festorum mobilium ab anno 1975 usque ad annum 1997	18
Ordinatio secundæ lectionis in dominicis « per annum »	22
Ordinatio prioris lectionis in feriis « per annum »	23
Index siglorum	24

PROPRIUM DE TEMPORE

Tempus « per annum »	29
Alleluia cum versu ante Evangelium ad libitum	563
Textus communes pro cantu psalmi responsorii	568

ORDO MISSÆ

Ordo Missæ cum populo	575
Præfationes	586
Prex eucharistica I seu Canon Romanus	623
Prex eucharistica II	631
Prex eucharistica III	636
Prex eucharistica IV	641
Ordo Missæ sine populo	653
Appendix: Introductiones et conclusiones breves pro præfationibus	665
— Benedictiones sollemnes	668
— Orationes super populum	674

PROPRIUM DE SANCTIS

Augustus	683
September	688
October	721
November	753

COMMUNIA

Commune dedicationis ecclesiæ	785
Commune beatæ Mariæ Virginis	800
Commune Martyrum	834
Commune Pastorum	865
Commune Doctorum Ecclesiæ	910
Commune Virginum	928
Commune Sanctorum et Sanctarum	939

MISSÆ RITUALES

I.	In conferendis sacramentis Initiationis christianæ:	
1.	Pro electione seu inscriptione nominis	1015
2.	In scrutiniis peragendis	1016
3.	In conferendo Baptismate	1019
4.	In conferenda Confirmatione	1023
	Lectiones: A Ad catechumenos faciendos	1028
	— B In die electionis baptizandorum	1030
	— C In scrutiniis peragendis	1030
	— D In traditione symboli	1031
	— E In traditione orationis dominicæ	1035
	— F Ad ritum « Effetha »	1039
	— G In conferendo Baptismate adultorum	1040
	— H In conferendo Baptismate parvulorum	1069
	— I In conferenda Confirmatione	1086
	— In prima Communionem parvulorum	1106
II.	In conferendis sacris Ordinibus	1107
III.	Ad ministrandum Viaticum	1131
IV.	Pro sponsis:	
1.	In celebratione Matrimonii	1132
2.	In anniversariis Matrimonii	1173
V.	In benedictione Abbatis et Abbatissæ	1176
VI.	In consecratione virginum	1185
VII.	In professione religiosa:	
1.	In die primæ professionis religiosæ	1188
2.	In die professionis perpetuæ	1189
3.	In die renovationis votorum	1196
4.	In anniversariis professionis religiosæ	1197

VIII. In die dedicationis:

1. In dedicatione ecclesiæ	1231
2. In dedicatione altaris	1237

MISSÆ ET ORATIONES PRO VARIIS NECESSITATIBUS

I. PRO SANCTA ECCLESIA

1. Pro Ecclesia	1251
2. Pro Papa, præsertim in anniversario electionis	1259
3. Pro Episcopo, præsertim in anniversario ordinationis	1261
4. Pro eligendo Papa vel Episcopo	1263
5. Pro Concilio vel Synodo	1269
6. Pro sacerdotibus	1275
7. Pro seipso sacerdote	1276
8. Pro ministris Ecclesiæ	1280
9. Pro vocationibus ad sacros Ordines	1281
10. Pro religiosis	1302
11. Pro vocationibus ad vitam religiosam	1303
12. Pro laicis	1305
13. Pro unitate Christianorum	1307
14. Pro evangelizatione populorum	1329
15. Pro christianis persecutione vexatis	1345
16. In conventu spiritali vel pastorali	1358

II. PRO REBUS PUBLICIS

17. Pro patria vel civitate	1360
18. Pro rempublicam moderantibus	1360
19. Pro cætu moderatorum nationum	1360
20. Pro supremo nationis moderatore	1361
21. Pro populorum progressionem	1361
22. Pro pace et iustitia servanda	1362
22bis. Pro reconciliatione	1373
23. Tempore belli vel eversionis	1378

III. IN VARIIS CIRCUMSTANTIIS PUBLICIS

24. Initio anni civilis	1387
25. Pro humano labore sanctificando	1387
26. In conserendis agris	1394
27. Post collectos fructus terræ	1399

28.	Tempore famis vel pro fame laborantibus	1406
29.	Pro profugis et exsulibus	1420
30.	Pro captivitate detentis	1428
31.	Pro detentis in carcere	1429
32.	Pro infirmis	1429
33.	Pro morientibus	1440
34.	Tempore terræmotus	1441
35.	Ad petendam pluviam	1442
36.	Ad postulandam serenitatem	1442
37.	Ad repellendas tempestates	1442
38.	In quacumque necessitate	1443
39.	Pro gratiis Deo reddendis	1454

IV. PRO QUIBUSDAM NECESSITATIBUS PARTICULARIBUS

40.	Pro remissione peccatorum	1470
41.	Ad postulandam caritatem	1484
42.	Pro concordia fovenda	1485
43.	Pro familia	1486
44.	Pro familiaribus et amicis	1487
45.	Pro affligentibus nos	1489
46.	Ad postulandam gratiam bene moriendi	1490

MISSÆ VOTIVÆ

1.	De Ss.ma Trinitate	1499
2.	De mysterio sanctæ Crucis	1508
3.	De Ss.ma Eucharistia	1535
4.	De Ss.mo Nomine Iesu	1558
5.	De pretiosissimo Sanguine D.N.I.C.	1566
6.	De sacratissimo Corde Iesu	1576
7.	De Spiritu Sancto	1600
8.	De B. Maria Virgine	1614
	— de B. Maria, Ecclesiæ Matre	1614
	— de Ss.mo Nomine Mariæ	1616
9.	De sanctis Angelis	1617
10.	De S. Ioseph	1624
11.	De omnibus sanctis Apostolis	1634
12.	De Ss. Petro et Paulo, apostolis	1636
13.	De S. Petro, apostolo	1640
14.	De S. Paulo, apostolo	1642
15.	De uno sancto Apostolo	1647
16.	De Omnibus Sanctis	1648

MISSÆ DEFUNCTORUM

I. IN EXSEQUIIS	1655
II. IN ANNIVERSARIO	1658
III. IN VARIIS COMMEMORATIONIBUS	
Pro uno defuncto	1662
Pro pluribus aut pro omnibus defunctis	1664
IV. ORATIONES PRO DEFUNCTIS	
1. Pro Papa	1669
2. Pro Episcopo	1671
3. Pro sacerdote	1673
4. Pro diacono	1674
5. Pro religioso	1675
6. Pro uno defuncto	1675
7. Pro iuvene defuncto	1678
8. Pro defuncto qui in servitio Evangelii laboravit	1678
9. Pro defuncto post longam infirmitatem consumpto	1678
10. Pro defuncto repentina morte sublato	1679
11. Pro pluribus defunctis	1679
12. Pro coniugibus defunctis	1681
13. Pro parentibus	1682
14. Pro defunctis fratribus, propinquis et benefactoribus	1683
V. IN EXSEQUIIS PARVULORUM	
In exsequiis parvuli baptizati	1724
In exsequiis parvuli nondum baptizati	1734

APPENDIX

Ordo ad faciendam et aspergendam aquam benedictam	1743
Specimina formularum pro oratione universali	1746
Ritus ad deputandum ministrum sacrae Communionis ad actum distribuendæ	1752
Præparatio ad Missam	1752
Gratiarum actio post Missam	1755

Cantus in Ordine Missæ

I. Ad ritus initiales	1760
II. Pro orationibus	1761

III. Ad liturgiam verbi	1762
IV. Ad Precem eucharisticam	1764
Prex eucharistica I	1767
Prex eucharistica II	1771
Prex eucharistica III	1772
Prex eucharistica IV	1774
V. Ad ritus communionis	1777
VI. Ad ritus conclusionis	1781

INDICES

Index alphabeticus celebrationum	1787
Index lectionum	1790
Index lectionum quæ magis conveniunt aliquibus Missis	
Sanctorum	1814
Index psalmorum et canticorum	1815
Alleluia	1818
Index præfationum	1823
Index generalis	1826